


পরিচারিকা ।

মাসিক পত্রিকা ও সমালোচনী ।

(নব পর্যায়)



শ্রীজানকীবল্লভ বিদ্যাভিনোদ সম্পাদিত ।

নবম বর্ষ ।

১৩৩২ সন ।

কোচবিহার ।

কোচবিহার ষ্টেট প্রেসে—

শ্রীমন্ননাথ চট্টোপাধ্যায় দ্বারা মুদ্রিত ।


বার্ষিক মূল্য দুই টাকা বার আনা ।

বিষয়	লেখক লেখিকা	পাতাসংখ্যা
	ন	
নদীয়া দর্শনে (কবিতা)	শ্রীযুক্ত বৈষ্ণবনাথ কাব্যপুরাণতীর্থ	১০৫
নারীর কথা	শ্রীযুক্ত অক্ষয়ান দাশ গুপ্ত এম-এ, বি-এল	৩৪২
নিবেদন		১
নিবেদন	“চক্রবর্তী”	৩৮
নিষ্ঠুর (কবিতা)	শ্রীমতী রেণুকা দাসী	৯৭
নিরাপদ ধর্ম	শ্রীযুক্ত বারীন্দ্রকুমার ঘোষ	২৮
নীরব আশা (কবিতা)	শ্রীযুক্ত নীপেন্দ্রনাথ বাগচী	২৬১
নীলমণিক (কবিতা)	শ্রীযুক্ত সরোজকুমার সেন	৫৫৭
নূতন পরিচয় (কবিতা)	বন্দে আলী	৮৪
নগনের জল (কবিতা)	শ্রীযুক্ত সতীন্দ্রমোহন চট্টোপাধ্যায়	৬৪৭
নারীশিক্ষা	শ্রীযুক্ত অক্ষয়ান দাশ গুপ্ত এম-এ, বি-এল,	৬৮৮
	প	
পথ (কবিতা)	শ্রীমতী তৃপ্তি সেন	৬৫৫
পরাধীন পুরুষ		৭৭৪
প্রকাশ (কবিতা)	শ্রীযুক্ত ফটিকচন্দ্র বন্দ্যোপাধ্যায়	২১১
প্রকাশের বেদনা	শ্রীযুক্ত নলিনীকান্ত গুপ্ত	২৭৬
প্রকৃতি (কবিতা)	শ্রীযুক্ত শচীন্দ্রনাথ বন্দ্যোপাধ্যায়	৩৩৮
প্রেম (কবিতা)	শ্রীযুক্ত ফটিকচন্দ্র বন্দ্যোপাধ্যায়	৪৪০
প্রযুক্তি ও নিবৃত্তি প্রসঙ্গ	শ্রীযুক্ত প্রভাতচন্দ্র গুহ	৬৯৩
	ফ	
কাণ্ডন পরশ (কবিতা)	শ্রীযুক্ত বন্দে আলী	৭১১
	ব	
বন্দী (কবিতা)	শ্রীযুক্ত বন্দে আলী	২২৬

বিষয়	লেখক লেখিকা	পত্রাঙ্ক
বর্ণা দেশের রমণীর সভ্যতা	শ্রীযুক্ত রাজেন্দ্রকুমার শাস্ত্রী বিদ্যাভূষণ, এম, আর, এন্স	৫৫৮
বন্ধাটে (উপন্যাস)	শ্রীযুক্ত বিমলচন্দ্র চক্রবর্তী বি-এ, ৩৭, ১২৯, ১৭৮, ২৮৮, ৩২২, ৩৮৮, ৪৬৯, ৫২৬, ৬২৫, ৭০২, ৭৪৬	
বড়দিন	শ্রীযুক্ত অখিলচন্দ্র ভারতীভূষণ	৫৫০
ঝাড়তি টাকা ও চড়া দর	শ্রীযুক্ত নরেন্দ্রনাথ রায় তত্ত্বনিধি, বি-এ,	৩৬
ঝাঙ্গলা দেশের স্ত্রী শিক্ষার পরিচালনা ও অর্থ সমস্যা	শ্রীযুক্ত মণীন্দ্রনাথ রায় এম-এ,	৯৮
ঝাঙ্গলার ব্রাহ্মণ	শ্রীযুক্ত অখিলচন্দ্র ভারতীভূষণ ৬, ১১০, ২১৫, ৪৫২, ৫৮২, ৬৫৬, ৭৩০, ৭৭৭	
ঝাঙ্গলার ব্রাহ্মণ সম্বন্ধে দু' একটা কথা	শ্রীযুক্ত কীরেখর সেন	৩৫৯
ঝাঙ্গীর উদ্বোধন	শ্রীযুক্ত প্রিয়গোবিন্দ দত্ত এম-এ, বি-এল,	১৫৫
বিদ্যার্থীর প্রতি আচার্য্য বহুর উপদেশ		৫৭৮
বিয়ের মাযলা	শ্রীযুক্ত রাজেন্দ্রকুমার শাস্ত্রী বিদ্যাভূষণ	৭৫৮
বিশ্ব বাশরী (কবিতা)	শ্রীযুক্ত শৈলেন্দ্রনাথ রায়	৭৪৪
বেদনা (গল্প)	শ্রীযুক্ত অন্নদাকুমার মজুমদার	৪৪১
বৈষ্ণবের রসনা (কবিতা)	শ্রীযুক্ত চণ্ডিচরণ মিত্র	৪২৫
	ভ	
ভুলে কি ? (কবিতা)	শ্রীমতী রেণুকা দাসী	১৭৬
ভ্রম সংশোধন		৩৮৬
ভ্রষ্ট লগ্ন (কবিতা)	শ্রীযুক্ত বন্দে আলী	৪২৩
	ম	
মন	শ্রীযুক্ত ফটিকচন্দ্র চট্টোপাধ্যায়	৫০০
মহাশয়ালীর আত্মজীবনী	শ্রীযুক্ত পবিত্র গঙ্গোপাধ্যায় ৭০৪, ৭৬৪, ৮১৮	

পরিচায়িকা ।

বর্ণানুক্রমিক সূচী—১৩৩২ ।



বিষয়	লেখক লেখিকা	পত্রিক
	অ.	
অনন্তলাল (উপন্যাস)	শ্রীযুক্ত নলিনীনাথ গুপ্ত	২৭৯, ৩৬৫, ৪৪৭, ৫০৫, ৫৯৯, ৬৭২, ৭১৯, ৮১২
অনাথা (গল্প)	শ্রীযুক্ত সুধীরকুমার গোস্বামী	৩৫২.
অশ্বেষণ (কবিতা)	শ্রীমতী রেণুকা দাসী	৩৮৭
অস্তুর দেবতা (কবিতা)	শ্রীযুক্ত শচীন্দ্রনাথ বন্দ্যোপাধ্যায়	২৩৫
অবসান (কবিতা)	শ্রীমতী রেণুকা দাসী	২৭
অর্ঘ্য (কবিতা)	শ্রীযুক্ত সরোজকুমার সেন	২৯৭.
অর্থের মূল্য	শ্রীযুক্ত নরেন্দ্রনাথ রায় তর্কনিধি, বি-এ,	২৮৪
অর্থের পরিমাণবাদ	শ্রীযুক্ত নরেন্দ্রনাথ রায় তর্কনিধি, বি-এ,	৪৯২
অশেকের ব্যাথা (কবিতা)	শ্রীযুক্ত শচীন্দ্রমোহন সরকার	৭৯৩
অসম্পূর্ণ যৌবন (কবিতা)	শ্রীযুক্ত নির্মলকুমার ঘোষ	৩১৯
	আ	
আধেক চেনা (কবিতা)	শ্রীযুক্ত সুমতীবালা বসাক	৭৫৭
অমানন্দ উৎসব (কবিতা)	বন্দে আলী	৫৭৯
আনমনা (কবিতা)	বন্দে আলী	৫৪৯
আবার নিশায় (কবিতা)	বন্দে আলী	২৪২
	ই	
ইষ্টারে ছুটিতে ফ্রান্স ও আমেরি	শ্রীযুক্ত যতীন্দ্রনাথ তালুকদার বি, এম-সি, আই, সি, এম, ৫৬৬, ৬০৮, ৬৪৯	
	ঈ	
খাদ্যবীর্ষ্য বা ভিটামিন		৬৯৬
খুনী (গল্প)	শ্রীযুক্ত সুধীরকুমার গোস্বামী	২৪
খৃষ্টান-সন্ন্যাসী সম্প্রদায় বিশেষের প্রতীপাচার ও মহৎ পূজা	শ্রীযুক্ত নলিনীনাথ গুপ্ত	২৩৭

বর্ণানুক্রমিক সূচী ।

বিষয়	লেখক লেখিকা	পত্রাঙ্ক
ত্রিষ্টম কৃষ্ণ	শ্রীযুক্ত বীরেশ্বর সেন	৬৮৪
খোদার দান (গল্প)	শ্রীমতী সরসী দেবী	৩২
গ		
গল্পের মাঝখান (গল্প)	শ্রীযুক্ত বিমলচন্দ্র চক্রবর্তী বি-এ	২৬২
গান (কবিতা)	শ্রীযুক্ত শ্রীপতিপ্রসন্ন বোষ বি-এ	৫২৫
গ্রন্থ পরিচয়		১৫৪
ক্রীড় (কবিতা)	শ্রীযুক্ত শৈলেন্দ্র নাথ রায়	১০৭
চ		
চাঁর পরিবর্তে অশ্বগন্ধ	“কৃষক”	৬৩০
চোথের ভাষা (কবিতা)	শ্রীযুক্ত ফটিকচন্দ্র বন্দ্যোপাধ্যায়	৮১০
চোথের মণি (কবিতা)	শ্রীযুক্ত ফটিকচন্দ্র বন্দ্যোপাধ্যায়	২৪৮
চাঁদের অমিষ্টা (কথিকা)	শ্রীযুক্ত হেমসুকুমার বসু	৮৭
জ		
জাতীয়তা গঠনে সংঘবদ্ধ জীবনের প্রভাব	শ্রীযুক্ত নিত্যাগোপাল বিদ্যাভিনোদ	৫১৫
জ্যোৎস্নাবালা (কবিতা)	শ্রীযুক্ত ফটিকচন্দ্র বন্দ্যোপাধ্যায়	৬৮৩
ত		
তাসের ইতিহাস		৬৫৮
তিন বছর (গল্প)	শ্রীযুক্ত বিমলচন্দ্র চক্রবর্তী বি-এ,	৩৭৩
দ		
দয়ানন্দ সরস্বতী	শ্রীযুক্ত বীরেশ্বর সেন	২৪৯, ৪২৮
দীক্ষার দক্ষিণা (গল্প)	শ্রীযুক্ত বৈষ্ণনাথ কাব্যপুরাণতীর্থ	৪৯৬
দেশবন্ধু চিত্তরঞ্জন		২৯৯
দেবজ্ঞানলাল (কবিতা)	শ্রীযুক্ত প্যারীমোহন সেন গুপ্ত	৬২৪

বিষয়	লেখক লেখিকা	প্রত্যাঙ্ক
মহাপ্রয়াণ (কবিতা)	শ্রীমতী সুধা দেবী	৪৪৫
মাটির ব্যথা (কবিতা)	শ্রীযুক্ত সতীন্দ্রমোহন চট্টোপাধ্যায়	৭৭৫
মানবের আগমন	শ্রীযুক্ত প্রিয়গোবিন্দ দত্ত এম-এ, বি-এল,	৭৯৫
মাসকাবারী	চক্রবর্তী	১৪৫, ২২৭, ৩৭৬
মিনতি (কবিতা)	শ্রীমতী রেণুকা দাসী	৪৬৮
মিঃ জে, জি, ড্রামণ্ড সাহেবের প্রতি (কবিতা)	শ্রীযুক্ত কুমুদরঞ্জন মল্লিক বি-এ,	২৯৫
মাটির মায়া (কবিতা)	শ্রীযুক্ত সরোজকুমার সেন	৬৭১
মুকুলিতা (কবিতা)	শ্রীযুক্ত দ্বিজপদ মুখোপাধ্যায় বি-এ,	৭১৭
মুক্তার মুক্তি (কবিতা)	শ্রীযুক্ত চণ্ডীচরণ মিত্র	৭২৯
	য	
যৌবনের ব্যথা (কবিতা)	শ্রীযুক্ত সরোজকুমার সেন	৫৯৮
	র	
রঙ্গরস	অমল	৭১৬
রক্তের ধারা (গল্প)	শ্রীযুক্ত নলিনীকান্ত গুপ্ত	২১২
রুষ কথা-সাহিত্যে উষ্টয়েভস্কি	শ্রীযুক্ত অশ্রমান দাশ গুপ্ত এম-এ, বি-এল	১৯৭
রূপময়ী (কবিতা)	শ্রীযুক্ত ফটিকচন্দ্র বন্দ্যোপাধ্যায়	৬৮৭
	শ	
শরচ্ছন্দ (কবিতা)	শ্রীযুক্ত চণ্ডীচরণ মিত্র	৪৩১
শোকসংবাদ		৩৮২, ৫১৪, ৬৩২
শ্রদ্ধাঞ্জলি.	শ্রীযুক্ত কৃষ্ণবিহারী গুপ্ত এম-এ	১০৭
	স	
সমর্পণ (কবিতা)	শ্রীযুক্ত চণ্ডীচরণ মিত্র	৬৩০
সরোজনলিনী দত্ত নারীমঙ্গল সমিতি	শ্রীযুক্তা কুমুদিনী বসু বি-এ	৫১১
ঐ	৬৩৫

বর্ণানুক্রমিক সূচী

বিষয়	লেখক লেখিকা	পৃষ্ঠা
সাকী (কবিতা)	শ্রীমান প্রিয়ভূষণ গুহ	২১৭
সাপকপারের মাণিক (কাব্য)	বন্দে আলী	৪
সাতটি সামাজিক পাপ		২১৭
সালকাবায়ী	চক্রবর্তী	১৪
সাহিত্য সাধনা	শ্রীযুক্ত অশ্রমান কিশ গুপ্ত এম-এ, বি-এল,	৫৭
সুহাসিনীর যত্ন		২১৩
স্বপ্নময়ী (কবিতা)	শ্রীযুক্ত সতীজ্রমোহন চট্টোপাধ্যায়	৩৫১
স্বরাজ নায়ক (কবিতা)	শ্রীযুক্ত বিজয়কৃষ্ণ ঘোষ	৩১৪
স্বাস্থ্যের কথা	'সঞ্জীবনী'	২০৫
স্বীকৃতির বেদাধিকার	শ্রীযুক্ত নিত্যগোপাল বিদ্যাভিনোদ	৭১৩
হ		
হাওয়ার প্রাসাদ (গাথা)	শ্রীযুক্ত বৈদ্যনাথ কাব্যপুরাণতীর্থ	৬০৫
হারাগো সুর (কবিতা)	শ্রীযুক্ত সতীজ্রমোহন চট্টোপাধ্যায়	২৩
হাসির দাম (গল্প)	শ্রীযুক্ত বৈদ্যনাথ কাব্যপুরাণতীর্থ	৪৩২
হিন্দু মুসলমান	শ্রীযুক্ত নলিনীকান্ত গুপ্ত	৭৭
হৃদয়হীন (কবিতা)	বন্দে আলী	৪২১
ক		
কুখাতুর সভ্যতা	শ্রীযুক্ত বারীজ্রকুমার ঘোষ	২৪৫



নব বর্ষে প্রিয়জনকে নতুন জিনিষ উপহার দিন।



রমণীবিলাস তৈল।

রূপে, গুণে ও গন্ধে তৈলজগতে যুগান্তর আনয়ন করিয়াছে।

এই মহা সুগন্ধি কেশতৈল, কেশের সৌন্দর্য-বর্ধক ও মস্তিষ্ক স্নিগ্ধকারক। এক শিশি ব্যবহার করিলে আর অন্য তৈল ব্যবহারে প্রবৃত্তি হইবে না। ইহাতে বাজারে প্রচলিত বাজে তৈলের ছার মস্তিষ্কের অপকারী 'হোয়াইট অয়েল' বা 'খনিজ তৈল' নাই। পরীক্ষা প্রার্থনীয়।

অযাচিত অসংখ্য প্রশংসাপত্র মধ্যে মাত্র তইখানি উদ্ধৃত করা গেল ;—

কলিকাতার সুপ্রসিদ্ধ ইংরাজী মাসিক পত্রিকা ইণ্ডাস্ট্রী (Industry) বলেন ;—

* * * “ইহাতে মাথা ঠাণ্ডা রাখে।”

কবিরাজ শ্রীযুক্ত ধীরেন্দ্রকুমার সেন গুপ্ত, দিনহাটা পোঃ (কুচবেহার) লিখিয়াছেন ;—

“রমণীবিলাস তৈলের গুণে মুগ্ধ হইয়াছি। পরিশ্রান্ত মস্তিষ্কের পক্ষে ইহাই একমাত্র শ্রেষ্ঠ ঔষধ। ইহা দেশীয় পুষ্পের সুমিষ্ট গন্ধ বিশিষ্ট এবং ইহার ব্যবহারে মানসিক উত্তেজনাজনিত ক্রান্তি দূর হইয়া শরীর ঠাণ্ডা রাখে।”

মূল্য	প্রতি	বড়	শিশি	১২ টাকা।	ছোট শিশি	৫০ আনা।
"	"	"	৩ শিশি	২১০ টাকা।		
"	"	"	৬ "	৪১০ টাকা।		
"	"	"	ডজন	৮১০ টাকা।		

উপর্যুক্ত কমিশনে সর্বত্র এজেন্ট আবশ্যিক।

প্রাপ্তিস্থান ;—সরকার এণ্ড কেং.

বানার হাট পোঃ, অলপাইগুড়ি।

শ্রীচন্দ্রনাথ বিশ্বাস প্রণীত—

শোভা ।

(সামাজিক উপন্যাস)

মূল্য—সুন্দর বাধাই ১।০ পাঁচ সিকা মাত্র ।

শোভা—কত সুন্দর উপন্যাস তাহা নিজে পাঠ না করিলে বুঝান কঠিন । যিনি উহা পাঠ করিয়াছেন, তিনিই পত্রযুগে উহার প্রশংসা করিয়াছেন । সমস্তগুলি প্রশংসাপত্রের সমস্ত অংশ উদ্ধৃত করা অসম্ভব ; মাত্র কয়েকখানির আংশিক মত দেওয়া হইল ।

* * * 'শোভা' আপনার নামের সার্থকতা করিয়াছে । এমন মিষ্ট কথিয়া, এমন সুন্দর, সহজ ভাষায় এমন ভাবে পাঠকের হৃদয়তন্ত্রী স্পর্শ করিয়া, আমাদেরই সমাজের, প্রাণের, অস্থিমজ্জার সুখঃখের কথাগুলি বৃদ্ধি আপনার মত অপরে ইতঃপূর্বে কেহ বলিতে পারে নাই । আপনার লেখনীর একটা উন্মাদিনী শক্তি আছে । ভাষার সরলতা, বলিবার প্রণালী, সর্বোপরি গম্যাংশের মধুরতা—এইগুলির সঙ্গে সেট শক্তি জড়াইয়া রহিয়াছে * * * * । শাস্ত্রী ।

চরিত্রগুলি বেশ পরিষ্কৃত, গল্পও বেশ জমিয়াছে । উত্তর বঙ্গের পল্লীচিত্রও সুন্দর হইয়াছে । পাশ্চাত্য সভ্যতার আদর্শে হিন্দুসমাজ ও গৃহসংস্কার সাধন করিতে গেলে যেরূপ কুফলের উদয় হয়, উহাতে তাহা প্রদর্শিত হইয়াছে । গল্পখানি পড়িলে অনেকের চৈতন্যোদয় হইবে । শোভা কুসুম ও মোকুলে-ঠাকুরের চরিত্র উল্লেখযোগ্য । গ্রন্থের ছাপা, কাগজ ভাল, বাধাই উত্তম । প্রবাসী ।

ঐশ্বর্য্য ।

সার্থকনামা উপন্যাস । মূল্য ২ টাকা ।

"ঐশ্বর্য্য অস্বাভাবিক ঐশ্বর্য্য, চরিত্র চিত্রনে, ভাবে, ভাষায়, ঘটনা সামাবেশে 'ঐশ্বর্য্য' বঙ্গসাহিত্যের ঐশ্বর্য্য ।" প্রথম সংস্করণ প্রায় শেষ হইয়া আসিল ।

প্রাপ্তিস্থান—

শ্রীকৃষ্ণদাস চট্টোপাধ্যায় এণ্ড সন্স

২০৩।১।১ কর্ণওয়ালিশ স্ট্রীট, কলিকাতা ।

ও

পরিচারিকা কার্যালয় কোচবিহার ।



পরিচায়িকা

(নব পৰ্য্যায়)

“তে প্রাপ্নুবন্তি মামেব সৰ্বভূতহিতৈ রতাঃ।”

৯ম বর্ষ।

বৈশাখ, ১৩৩২ সাল।

১ম সংখ্যা।

নিবেদন।

ভিক্তি হউক সৰ্বজনা,
মাগছি ক্ষমা, মাগছি দয়া
কৃতজ্ঞতার অশ্রু ছাপায়

আসলো ঘাটে পারের তরী।

আজ সবারে প্রণাম করি।

‘আসলো ঘাটে পারের তরী,’— সুদীর্ঘ কৰ্ম জীবনের একটি বৎসর আজ অবগান হইল।
বুহুর্ভের আরাম-আনন্দ, বিশ্রাম। কত আশা, কত আশঙ্কা, বাধাবিপত্তি এ-কৰ্ম
প্রবাহে, সে বিরাট সৰ্বশক্তিমান্ মহান পুণ্যঘের অমুকম্পায়, বাহার শক্তিপুঞ্জের সাহচর্যে,

দয়াদাক্ষিণ্যে, উৎসাহে বৎসরান্তে নববর্ষে নব অনুরাগে সেবার্ত্তে দীক্ষিত হইবার আবার
সুযোগ উপস্থিত, স্বতঃই আজ তাঁহাদের দয়া স্বরণে আসিয়া 'কৃতজ্ঞতার অশ্রু ছাপায়'
আপনি,—দেহমন আনত হইয়া আসে! কত ক্রটি এ জীবনে—সম্বল মাত্র দয়া—মাগছি
ক্ষমা, মাগছি দয়া—তাহাই হইক পরিচারিকার সম্বল। ভক্তি হইক সর্বজয়া। সাষ্টাঙ্গে
লুপ্ত হইয়া, সর্গতোভাবে মন প্রাণকে সর্গগর্ভ হইতে বিমুক্ত করিয়া একান্ত নিলিপ্ত
অন্তরে শরণাগত হই তাঁহার বরাভরণদে শ্রীশ্রীচরণ-মহাতীথে—

নমো নমস্তেহস্ত সহস্রকৃৎঃ

পুনশ্চ ভূয়োহপি নমো নমস্তে ।

প্রণাম করি—সহস্র সহস্রবার প্রণাম করি। যাহার আস্থানে বিশ্বের কর্ম প্রবৃত্তি, যাহার
কর্ম—জীবনের ধর্ম,—যাহার নিয়োগে কর্ম—গিনি আদি, যিনি মধ্য,— যিনি অন্ত—
অনাদিমধ্যান্তম্,—তিনিই এ আয়োজনের কর্ত্তা, তিনিই করিয়াছেন রক্ষা—তিনিই করিবেন
সর্বকর্মের ব্যবস্থা। ক্ষমতা অক্ষমতার বিচার কর্মীর নহে, - হিসাবনিকাশের খতিয়ানের
আবশ্যক নাই। যে আনন্দ-স্বরূপের আস্থানে, আনন্দ-আনন্দে, শুভাশুভের, তর্কবিতর্কের
অতীত হইয়া উপনীত এ জীবনে তাঁহাকেই সমস্ত অর্পণ করিয়া নিশ্চিন্ত। কর্মের বিচারক
তিনিই কেবল,—প্রাণের প্রার্থনা তাঁহার শ্রীশ্রীচরণে নিবেদিত হইক; হে দেবতা,—হে
কর্মনিয়ন্তা—হে সর্গাশ্রয় —

'তোমারে সঁপেছি দিনের কর্ম,

তোমারে সঁপেছি প্রাণ,—'

গ্রহণ কর—গ্রহণ কর—সার্থক কর জীবন—তোমার আনন্দ-সত্য হই সার্থক-

"তব আনন্দ আমার অঙ্গে মনে

বাধা যেন নাহি পায় কোনো আবরণে।

তব আনন্দ পরম দুঃখে মম

জলে' উঠে যেন পুণ্য-আলোক মম,

তব আনন্দ দীনতা চূর্ণ করি

ফুটে ওঠে ফেটে আমার সবল কাজে।"

সেই হয় যেন পরিচারিকার পুরস্কার।

একি পুরস্কার! তব আনন্দ হৃৎখেও পূর্ণা-আলোক সম উদ্ভাসিত—দৈন্যেও শক্তি, অমুভূতিতে
সবল; বলিবার অধিকার নাই কস্মীর, যন্ত্রীর যন্ত্রের,—‘অক্ষয় আমি, দীন আমি, অক্ষয়ের স্বক্কে
কেন এ গুরুভার দেবতা!’ কে দীন,—কোথায় দৈন্য—সর্বশক্তিগান্ যাহার নিয়ন্তা,
শক্তি-দেবতার সেবক যে, আয়ুর্দৈন্যের বিশ্বনতাও তাহার প্রত্যবায়। কিসের দৈন্য
কিসের ত্রাস? শক্তি তাহা—মহাদান তোমার,—ক্ষুধ হইবার কি আছে? তব আনন্দ
আমার অঙ্গে মনে। নম্রনের বারি নম্রনে নিবারি’ তাই সর্বত্র সর্বদ্বাসবিমুক্ত মনে শরণাগত
হই তোমাতে!

দীর্ঘ অষ্ট বর্ষ ব্যাপী যাহার সাহচর্য লাভ করিবার অধিকারী করিয়াছিলে,—
তিনি আজ দূরে,—কস্মীপুরে। নিঃস্বার্থ পূজারিণী আজ শিশির সম্পাতে বিকশিত, প্রস্ফুটিত
সার্থক হউন তিনি,—তাঁহার প্রাণের অন্তরতম প্রদেশের হৃৎখ-মধু অমৃত পরিণত হউক।
তাঁহার ভাষাতেই বলি—

“এই শিশিরেই ফুটবে গো ফুল

এই শিশিরেই ফুটবে,

প্রেম পরাগে মগ্ন অঙ্গুল

চরণ অঙ্গ লুটাবে

তাঁই —

“আজ হৃৎখ নিয়ে সরে’ থাকি

সাজেই না মে,

তাঁর চরণগুলি লুট করে নাও

মনের মাঝে।”

চরণগুলি সঞ্চল করি’—দীন ভক্তের প্রার্থনা এট—

“সুন্দর, তুমি লহ লহ মোরে,

লহ জীবনের সাধন দন,

সুন্দর কর তোমার আদরে

‘আমার সেবার এ আয়োজন।

সাগর পারের মাণিক ।



মায়ার পূরে কে আজ জাগে
 আঁধার রাতের পুলক ভরা,
 ব্যথায় আঁখি ক্লান্ত করণ
 মৌন নীরব স্বপন জড়া ।

মনের কোঠায় প্রদীপ জ্বলে
 বুনচে কে জাল সোনার তারে
 যুনের দেশে এ কোন্ হাসি
 কাজলা চোখের অশ্রু ধারে ।

কুহেলি আর আব্‌ছা মাখা
 মেঘ নীলিমার ওপার হতে
 সুরের কণা ঝরচে কাহার
 অরণ-ঢাকা ছায়ার পথে ।

আলোক চুমা অলখু দেশে
 কাঁকণ কাহার উঠ্‌চে রণি ।

বনের ঝরা শুকনো পাতায়
 বাতাস জাগায় চরণ ধ্বনি ।

অমাট মধু নিঙ্ড়ে ঢালা

অচিন্ বঁধুর আবেশ ছোঁয়া

সাঁজের মাঠে ঘনায় কাহার

আরতি আর পূজার ধোঁয়া !

শাল পিয়ালের ছায়ায় বেরা

ডুবতে যাওয়া চাঁদের আড়ে—

পথিক মেঘের আঁচল দোলা

দোল দিয়ে যায় মনের দ্বারে ।

হঠাৎ কে আজ চমকে ওঠে

উত্তল গতির উদাস বায়ে

বুকের কোণে কাঁপন ধরে

ফাগুন রাতের আগুন ছায়ে ।

রূপ বরণার চপল সাধী

নীরব দিঠির বেদন ভাষা

সাগর পারের মাগিক কে ও

তরুণ বুকের গভীর আশা ।

বন্দে আলী ।

বঙ্গালার ব্রাহ্মণ।

প্রথম প্রস্তাব, বাঙ্গালা দেশ,—ভৌগোলিক আয়তন ও সীমা।

কোন দেশের কোন কথা বলিতে হইলেই প্রথমে সেই দেশের ভৌগোলিক সীমা অথবা সংজ্ঞা নির্দেশ করা উচিত। বাঙ্গালাদেশের রাজ-নৈতিক বিভাগ লইয়া সীমা ধরিতে পারিলে বড় সুবিধা হইত, কিন্তু তাহার উপায় নাই। আমাদের এই অভাগ্য দেশে রাজ-নৈতিক নামের গৌরব বড় অধিক; এমন কি আমরা সেই নাম-নির্দেশের উপরই দেশের যাবতীয় গবেষণার সীমাকে নিবদ্ধ রাখিতে ভালবাসি। আর, পরের কথাই অনুবাদ এবং অস্মরণ করিতে করিতে আমাদের বুদ্ধি এরূপ জড় হইয়া গিয়াছে যে অনুবাদ করিয়া কাজ চালাইতে পারিলে আমাদের দেশের লেখকগণ “পুত্রজন্মোৎসব”-সুখ অনুভব করিতে থাকেন,—স্বাধীনভাবে চিন্তার দায় আর থাকে না। গ্রীকেরা সিন্ধুদের তীরবর্তী ক্ষুদ্র এক ভূভাগকে (প্রাচীন কালে যাহাকে সিন্ধু-সৌবীর বলিত) “ইণ্ডিয়া” বলিয়া জানিতেন এবং তাঁহাদের পূর্ববর্তী যুরোপীয়গণ সেই নামই মুখস্থ করিয়া রাখিয়াছিলেন। পাঠানেরা এ দেশের যে অংশটুকু প্রথমে দখল করিতে পারিয়াছিলেন, সেই টুকুকে “হিন্দুস্তান” (হিন্দুদিগের বাসভূমি বা ‘স্তান’,—পারসীক ভাষায় সংস্কৃত ‘স্থান’ শব্দ উচ্চারণ বৈকল্যে ‘স্তান’ হইয়া যায়) বলিতে লাগিলেন। মোগলেরা পাঠানের রাজ্যের সহিত রাজ্যের নামেরও অপিকারী হইয়া ঐ “হিন্দুস্তান” নামট চালাইতে লাগিলেন। দক্ষিণাপথ মোগলের মুখে “দখিন” হইল। ইংরাজ প্রথমে দক্ষিণাপথে আসিয়া উহাকে “ডেকানে” পরিণত করিয়া লইলেন এবং প্রথম প্রথম উত্তরাংশকে “ইণ্ডোষ্টান”—(ইংরেজের উচ্চারণ শক্তি পারসীকগণের অধিক,—তাঁহারা পারসীক “হিন্দুস্তান”কে—“ইণ্ডোষ্টান” করিলেন!) বলিতে লাগিলেন (১), এবং পরে সমগ্র রাজ্যের জন্য গ্রীকদিগের “ইণ্ডিয়া”কেই স্বীকার করিয়া

(১) খৃষ্টীয় ১৭৬৪ অব্দে—(তৃতীয় জর্জের রাজত্বকালে) প্রকাশিত Robert Orme, Esqr. F. A. S. কর্তৃক সংকলিত A History of the Military Transactions of the British Nation in Indostan from the year MDCCXLV.

লইলেন। ব্রহ্মদেশ, শ্যাম এবং মল্লর "Further India" এইরূপ ইংরাজী নাম পাইয়াই ধন্য হইল। ইংরেজের শিখা আমরা বেশ সুশীল এবং সুবোধ ছাত্রের মত "ইণ্ডিয়া"কে "ভারতবর্ষ" বলিয়া তরজুনা করিলাম। আনাদের ঋমিরা যে পূর্বে জাপান হইতে পশ্চিমে মিশর পর্যন্ত অর্থাৎ উত্তরে হিমালয় পর্বতমালা (চীনে দেশে পি-লিঙ', তিব্বতে কিউন্-লু-এন, ভারত-খণ্ডে 'হিমালয়া' ও 'কারাকোরাম', আফগানিস্তানে 'হিন্দুকুশ', পারস্যায় 'এলবাজ', আরমেনিয়ায় 'ককেশাস', এবং এসিয়া মাইনরে 'টরাস্' নামে এই একই পর্বতমালা পরিচিত (২)) হইতে ঋক্ষিণে মহাসাগর পর্যন্ত বিস্তৃত এই সুবিশাল মহাদেশকে "ভারতবর্ষ" নামে পরিচিত করিয়াছেন, সে সংবাদ লইবার আবশ্যকতা আমাদের কেহই বোধ করিলেন না (৩)। Indian Historyর তরজুনা "ভারতবর্ষের ইতিহাস" এখনও আমরা লিখিতেছি এবং পড়িতেছি।

অনেকে বলিতে পারেন, আমি পুরাণের পচা-পাতা লইয়া মহা মহা পণ্ডিতগণের গৃহীত সংস্কার বর্ষাদা নষ্ট করিতেছি। প্রকৃত কথা তাহা নহে। আমরা জগতের মধ্যে সর্বাপেক্ষা সস্ত্য পুরাতন জাতি, আনাদের পূর্ব পুরুষগণের নিকটই সমুদয় জগৎ সত্যতার আলোক পাইয়া ধন্য হইয়াছে (৪), পুরাতন ভিন্ন আমাদের উপায় নাই; আর পঞ্চম-বেদ পুরাণ যে বড়ই পুরাতন (৫), তাহাও আমাদের ভুলিলে চলিবে না। এক্ষণে আমরা যতই নূতন হই, পুরাতন এবং পুরাণকে ছাড়িলে আমাদের রক্ষা নাই। ঋষ্টের জন্মের বহু পূর্বে লিখিত (কেবল রচিত নহে, লিপির সাহায্যে লিখিত ও বটে) পাণিনি মুনি-কৃত ব্যাকরণ, মমু মহারাজের "মমুসংহিতা" এবং

(২) Charles Rollins' Ancient History, Vol. I, Introduction, Page XVI. Arian's Indika, &c. &c.

(৩) বায়ুপুরাণ, ৪৫ অধ্যায়, মার্কণ্ডেয় পুরাণ, ৫৭ অধ্যায় এবং অন্যান্য মহাপুরাণ।

(৪) "এতদেশ-প্রসূতস্য সকালিদগ্রজন্মনঃ।

স্বং স্বং চরিত্রং শিক্ষেদন্ পৃথিব্যাং সর্ব-মানবাঃ ॥ ২০ ॥" মমুসংহিতা, দ্বিতীয় অধ্যায়।

(৫) অতি-প্রাচীন সামবেদীয়া "ছান্দোগ্য উপনিষদ্" এবং বজ্রবেদীয়া "বৃহদারণ্যক উপনিষৎ" ঋত্বিতে সনৎকুমার-নারদ-সংবাদে "পুরাণ পঞ্চম বেদ" উল্লিখিত হইয়াছে।

খৃষ্টের জন্মের প্রায় শতাব্দী বৎসর পূর্বের কালিদাস কৃত কাব্য-নাট্যকাবলী প্রভৃতি অনেক পুরাতন গুণি আমাদের নব্য সভ্য কলেজে পড়া হইয়া থাকে। ইস্কুলের নিম্নশ্রেণীর পাঠ্য বই বিষ্ণুশর্মার সংকলিত “পঞ্চতন্ত্রম্” (যাহা নানা নামে এবং নানা ছাঁদে ‘পড়ান’ হইয়া থাকে তাহাও) কম পুরাতন নহে। যুরোপীয় বিদ্যার ভাঙারে এরূপ পুরাতন গুণি বড়ই বিরল। টোলে এবং বিশ্ববিদ্যালয়ের উচ্চতর শ্রেণীতে ত আমাদের “বেদ-বেদাঙ্গ-বেদান্ত” সমস্তই “শেষ” করিবার ব্যবস্থা রহিয়াছে। এরূপ অবস্থায়, যুরোপের “রেনেসাঁস” (Renaissance) অথবা “নবযুগের” পরবর্তী সময়ে জ্ঞাত বিদ্যার ভাঙার যে চাবি দিয়া খুলিতে পারা যাইবে, এ দেশের অপরা অথবা পরা-বিদ্যার প্রাচীন ভাঙার সে চাবি দিয়া কখনই খুলিতে পারা যাইবে না,—অস্তুতঃ সহজে ত নহে। একটি ক্ষুদ্র দৃষ্টান্ত দিতেছি।

কলেজের আই, এ, (Intermediate Examination in Arts) পরীক্ষার সংস্কৃত পাঠ্য-তালিকায় কালিদাস-কৃত “কুমার-সম্ভবম্” কাব্য ভুক্ত আছে, অর্থাৎ ঐ পরীক্ষার পড়ুয়াদিগকে ঐ কাব্যখানি পড়িতে হয় এবং অধ্যাপক মহাশয়দিগকেও অগত্যা পড়াইতে হয়। আজকাল কলেজে যাঁহারা সংস্কৃত কাব্যাদি শাস্ত্র পড়ান, তাঁহাদের মধ্যে, সকলে না হইলেও, অনেকেই ইংরাজী সাহিত্যে বি-এ, উপাধি লইয়া সংস্কৃত-ভাষার কোনও শাখার এম-এ উপাধি লইয়াছেন। তাঁহারা যে গুণিক্ত, সে সন্দেহে সন্দেহ নাই। “কুমারসম্ভব” কাব্যখানির প্রথমেই এই শ্লোকটি আছে,—

“অস্ত্যন্তরস্যাং দিশি দেবতায়া হিমালয়ো নাম নগাধিরাজঃ ।

পূর্বাপরৌ বারিনিধীবগাহ স্থিতঃ পৃথিব্যা ইব মানদণ্ডঃ ॥ ১ ॥ (৬)

(৬)

“আছেন উত্তরদিকে দেব আত্মময়
অচল-কুলের রাজা নাম হিমালয় ।
পূর্ব ও পশ্চিম এই দুই পারাবার
মগ্ন করি রাখিয়াছে দুই প্রান্ত তাঁর ।
শৈলেক্রের সুবিশাল শরীর আয়ত ।
শোভিতেছে বসুধার মানদণ্ড মত ॥ ১ ॥

লেখক-কৃত অনুবাদ । (পাণ্ডু-লিপি হইতে উদ্ধৃত ।)

এই শ্লোকের হিমালয় সে “পূর্ব এবং পশ্চিম সমুদ্র পর্যন্ত প্রসারিত থাকিয়া পৃথিবীর মানদণ্ড অথবা মাপকাঠির মত অবস্থিত রহিয়াছেন”, তাহার চাক্ষুসপ্রমাণ এসিয়ার মানচিত্র খুলিলেই দেখিতে পাওয়া যায়। কাল্জেজের পণ্ডিত মহাশয়েরা অবশ্যই নিজ নিজ বিদ্যা-বুদ্ধি মত এই বিষয় স্ব স্ব ছাত্রকে বুঝাইয়া দেন। কলিকাতার কোন কলেজের এক সুবিদ্বান্ অধ্যক্ষ বা প্রিন্সিপাল আজি কালি অনেক সংস্কৃত-ভাষার কাব্য-নাটকাদির ‘কি’-কর্তা (Key-maker-চাবি-ওয়াল) রূপে ছাত্র-সমাজে সুখ্যাতি পাইয়াছেন। তিনি কালিদাসের উক্ত শ্লোকের অর্থ অথবা মর্ম বুঝাইতে গিয়া মানদণ্ডের অর্থ ‘মাপকাঠি’ না করিয়া “দাঁড়িপাল্লা” করিয়াছেন। এখনকার ইংরাজী (অথবা তাহারই নকল বাঙ্গালা) মানচিত্রে “ইণ্ডিয়া” দেশের উত্তরে The Himalaya Mountains অথবা হিমালয় পর্বতমালাকে পশ্চিমে আফ্গানিস্তানের উত্তর-পূর্ব হইতে পূর্বে আসামদেশের উপর পর্যন্তই দেখিতে পাওয়া যায়,—এবং কোন সমুদ্র হইতে সমুদ্রান্তর পর্যন্ত বিস্তৃত দেখা যায় না। তাই তিনি “পূর্বাপরো বারিনিধী বগাহ” (পূর্ব এবং পশ্চিম এই উভয় সমুদ্রে অবগাহন করিয়া) এই বাক্যাংশের অর্থ করিতে বসিয়া ভাবিয়া ভাবিয়া স্থির করিয়াছেন যে ঐ পর্বতশ্রেণীর পশ্চিমাংশ দক্ষিণ মুখে থাকিয়া “সুলেমান বা হালা” ইত্যাদি নামে আফ্গানিস্তান বেলুচিস্তান ও ইণ্ডিয়ার সীমা-নির্দেশক ‘আইল’ স্বরূপে আরবসাগরে এবং উহার পূর্বাংশ একদিকে আসাম, মণিপুর, ত্রিপুরা এবং চট্টগ্রামের ও অন্যদিকে ব্রহ্মদেশের মধ্যসীমার নির্দেশ করিয়া দিতে দিতে বঙ্গোপসাগরে প্রবেশ করিয়াছে,—এবং সেই জন্যই কবি লিখিয়াছেন যে ‘হিমালয়ের দুই প্রান্ত পূর্ব ও পশ্চিম এই দুই সাগরে স্থান করিতেছে।’ এই ব্যাখ্যা সঙ্গত হইলে হিমালয়ের আকার — এইরূপই হয়, সুতরাং “চাবি-ওয়াল” মহাশয় কালিদাসের “মানদণ্ডের” অর্থ “তুলাদণ্ড” বা ওজনের “দাঁড়িপাল্লা” করিতে বাধ্য হইয়াছেন। এইরূপ অর্থের আবিষ্কারের জন্য অধ্যক্ষ মহাশয় যে পরিশ্রম করিয়াছেন, তাহার জন্য তাঁহাকে প্রশংসা করিতে হয় বটে, কিন্তু আমরা ছুঃখের সহিত বলিতে বাধ্য হইতেছি যে,—তাঁহার পণ্ডিত্য মাত্র হইয়াছে। “পৃথিবীর ওজনের দাঁড়িপাল্লা” যদি হিমালয় হন, তাহা হইলে তিনি পৃথিবীর উপর পড়িয়া থাকিলে কি করিয়া সেই কার্য সিদ্ধ হইবে? যদি, সেই পাল্লার একদিকে পৃথিবীকে রাখা যায়, অন্য দিকের “বাট্‌খারা” বা “পড়েন” (weight) কোথায় পাওয়া যাইবে? আর,

এইরূপ “হতোপমা” দ্বারা “উপমা কালিদাসা” প্রবাদেরই বা মান রক্ষা কিরূপে হইবে ? অপর দিকে, যদি আমরা মল্লিনাথের ব্যাখ্যা অর্থাৎ—

“হিমালয়ঃ অস্তি । কথংভূতঃ ? পূর্বাপরৌ প্রাচ্যপশ্চিমৌ তোরনিধী সমুদ্রৌ বগাহ প্রবিশ্য । অতএব পৃথিব্যা ভূমের্মানং হস্তাদিনা পরিচ্ছেদঃ । ভাবে লুট্ । তস্য দণ্ডঃ । যদ্ বা মীরতেহেনেনেতি মানম্ । করণে লুট্ । স চাসৌ দণ্ডশ্চ স ইব স্থিতঃ । আহ্বাম-পরিচ্ছেদেক দণ্ড ইব স্থিত ইত্যর্থঃ । পূর্বাপরসাগরাবগাহিত্বং চাস্য হিমালয়স্যাস্ত্যেব । উক্তং চ ব্রহ্মাণ্ডপুরাণে—কৈলাসো হিমবাংশৈশ্চ ব দক্ষিণে বর্ষপর্বতো । পূর্বপশ্চিমগাবেতাবর্ণবাস্তুরূপস্থিতৌ ॥’ অত্র হিমাচলস্যোভয়াঙ্কিব্যাপ্তিসাম্যান্মানদণ্ডেনোৎপ্রেক্ষণাঙ্কুৎপ্রেক্ষালংকারঃ ।” (৭)

এই অর্থ গ্রহণ করি, অর্থাৎ মানদণ্ডকে “মাপকাঠি” ধরিয়া লই, তাহা হইলে উৎপ্রেক্ষা এবং মম’ বেশ বজায় থাকে । আসল কথা এই যে, এই শ্লোকে কবি কালিদাস নূতন কোন কথা বলেন নাই, কেবল পুরাতন “পুরাণ” গ্রন্থেরই অনুসরণ করিয়া “হিমালয়কে পূর্বসমুদ্র হইতে পশ্চিম-সমুদ্র পর্যন্ত বিস্তৃত” লিখিয়া গিয়াছেন, এবং কেবল নিজের অভ্যাস বশতঃ মানদণ্ডের উৎপ্রেক্ষাটি দিয়াছেন মাত্র । টীকাকার সুরি মল্লিনাথ ব্রহ্মাণ্ডপুরাণের বাক্য উদ্ধার করিয়া কালিদাসের উক্তির সমর্থন করিয়াছেন । কেবল ব্রহ্মাণ্ডপুরাণ নহে,—বায়ু, মৎস্য, বিষ্ণু, এবং মার্কণ্ডেয় প্রভৃতি প্রায় সমুদায় মহাপুরাণেই বর্ষপর্বত হিমালয়ের উল্লেখ এবং বর্ণনা আছে । পুরাণের মতে জম্বুদ্বীপে (এশিয়া ?) “হিমবান্, হেনকূট (কৈলাস), নিষধ, নীল, শ্বেতশৃঙ্গ এবং শৃঙ্গবান্” এই ছয়টি বর্ষপর্বত আছে এবং উহারা সকলেই জম্বুদ্বীপের (পৃথিবীর) মানদণ্ডের মত উহার সমস্ত আয়তন ব্যাপিয়া পূর্ব হইতে পশ্চিম দিকে বিস্তৃত রহিয়াছে এবং উহাদের প্রত্যেকেরই পূর্ব ও পশ্চিম এই দুই প্রান্ত যথাক্রমে পূর্ব ও পশ্চিম সাগরে মগ্ন রহিয়াছে । ঋষিরা বলিতেছেন,—

“জম্বুদ্বীপস্য বিস্তারাৎ সমেন তু সমন্ততঃ ।

প্রাগায়তাঃ সুপর্বাণঃ মড়িমে বর্ষপর্বতাঃ ।

অবগাঢ়া উভয়তঃ সমুদ্রৌ পূর্ব-পশ্চিমৌ ॥ ১৩ ।”

বায়ু পুরাণ, ৩৪ অধ্যায় ।

(৭) “কুমার-সম্ভবম্” কাব্যের প্রথম সর্গের প্রথম শ্লোকের টীকা বোম্বাই এর ‘নির্ঘণ্ট-সাগর’ ছাপাখানার ১৮৯৩ খৃষ্টাব্দের প্রকাশিত পুস্তক হইতে উদ্ধৃত ।

(মৎস্যপুরাণ ১১৩ অধ্যায়, বিষ্ণুপুরাণ, ২য় অংশ, এবং মার্কণ্ডেয় পুরাণের ৫৭ অধ্যায়ে ও এই মতের উক্তি আছে ।)

ভারতবর্ষের আকার সম্বন্ধে পণ্ডিতগণ বলিয়াছেন,—

“ধনুঃ সংস্থেচ বিজ্ঞেয়ে হে বর্ষে দক্ষিণোত্তরে ।” ৩১ । বায়ুপুরাণ, ৩৫ অধ্যায় ।

“ইদং তু মধ্যমং চিত্রং শুভাশুভফলোদয়ম্ ।


উত্তরং যৎ সমুদ্রস্য হিমবদ্দক্ষিণঞ্চ যৎ ॥ ৭৫ ॥” বায়ু পুরাণ, ৪৫ অধ্যায় ।

“দক্ষিণাপরতোহ্যস্য পূবেণ চ মহোদধিঃ ।

হিমবানুত্তরেণাস্য কামুকস্য যথাগুণঃ ॥ ৫৯ ॥

তদেতদ্ ভারতং বর্ষং সর্ববীজং দ্বিজোত্তমা ।” মার্কণ্ডেয় পুরাণ, ৫৭ অধ্যায় ।

জম্বুদ্বীপের আকার গোল এবং উহার চারিদিকে লবণ-সমুদ্র ঘিরিয়া রহিয়াছে । হিমালয় হইতে শৃঙ্গবান্ পর্যন্ত ছয়টি বর্ষ পর্বতমালা ঐ গোলাকার দ্বীপের উপর যথাক্রমে দক্ষিণ হইতে উত্তরে একটির পর আর একটি বিস্তৃত থাকিয়া ঐ বৃত্তকে সাতটি খণ্ডে বিভক্ত করিয়াছে এবং সকল বর্ষ-



পর্বতমালারই পূর্ব এবং পশ্চিম এই দুই দিক পূর্ব এবং পশ্চিম দুই সাগরে নিমগ্ন আছে । এই বর্ষগুলির মধ্যে উত্তর দিকের (কুরু বর্ষ) এবং দক্ষিণ দিকের (ভারতবর্ষ) দুইটি বর্ষের আকার স্তত্রাং ধনুর মত । ভারতবর্ষের উত্তরে হিমালয় বা হিমবান্ এবং দক্ষিণে সমুদ্র । ইহার পশ্চিম দক্ষিণ, এবং পূর্ব দিকে মহাসাগর “ছিল চড়ান” ধনুর মত আছেন এবং উত্তরে হিমবান্ গুণের (ছিলার)

আকারে রহিয়াছেন । হে বিজশ্রেষ্ঠ, এই ধনুরাকার অংশই সকল ধর্মকর্মের বীজস্বরূপ ভারতবর্ষ । স্বায়ম্ভুব মনুঃহারাজের পুত্র প্রিয়ব্রত সপ্তদ্বীপা পৃথিবীর সম্রাট ছিলেন এবং তিনি তাঁহার সাতপুত্রকে সাতটি-দ্বীপ বিভাগ করিয়া দিয়াছিলেন । তন্মধ্যে অগ্নীশ্র নামক পুত্র জম্বুদ্বীপের সম্রাট হইয়াছিলেন । তিনি নিজের নয় পুত্রকে এই দ্বীপের নয়টি বর্ষ বা অংশের এক একটি দান করেন এবং নাভি নামক পুত্রকে সর্ব দক্ষিণ “হৈমবত বর্ষ”টি দিয়া যান ।

নাভির পৌত্র এবং ঋষভদেবের পুত্র ভরত মহারাজের নাম হইতে এই বর্ষ “ভারতবর্ষ” বলিয়া বিখ্যাত হইয়াছে (৮) । এই নাভি-বিষ্ণু ভাগবত পুরাণের মতে ভগবানের ২৪ অবতারের প্রথম অবতার এবং জৈন পুরাণের মতে ২৪ তীর্থঙ্করের প্রথম তীর্থংকর । এই ভরতই মৃগত্ব প্রাপ্ত এবং পরজন্মে “জড়ভরত” নামে বিখ্যাত হইয়াছিলেন বলিয়া বিষ্ণু এবং বিষ্ণু-ভাগবতাদি পুরাণে আখ্যায়িকা আছে । শকুন্তলাপুত্র রাজর্ষি ভরত এবং দশরথের দ্বিতীয় পুত্র ভরত অপেক্ষা এই ঋষভ-পুত্র ভরত লক্ষ লক্ষ বংশের পুরাতন রাজা ছিলেন ।

ইংরেজেরা যে দেশকে এখন “ইণ্ডিয়া” এবং আমাদের দেশের শিক্ষিত লোকেরা যাহাকে “ভারতবর্ষ” বলিতেছেন, পৌরাণিকেরা ইহাকে বিশাল “ভারতবর্ষের” এক অতিমাত্র ক্ষুদ্রাংশ বলিয়া গণ্য করিতেন । পৌরাণিক ভারতবর্ষের ভিতরে “প্রশান্ত” এবং “ভারত” মহাসাগর-বক্ষঃস্থিত আটটি বড় বড় দ্বীপ এবং চীন হইতে নিশর পর্যন্ত ভূভাগকে ধরা হইত । ঐ আটটি দ্বীপকে তাঁহারা “ইন্দ্রদ্বীপ, কশেরু, তাম্রবর্ণ (তাম্রপর্ণ) গভস্তিমান্, নাগদ্বীপ, সৌম্য, গন্ধর্ব এবং বারুণ” এবং হিমালয় পর্বতমালার দক্ষিণে ও মহাসমুদ্রের উত্তরে অবস্থিত ভূভাগ (Mainland) কে নবমখণ্ড অথবা “ভারতখণ্ড” বলিতেন (৯) ।

ভারতবর্ষের কথা ছাড়িয়া বাঙ্গালার কথা ধরা যাউক । বাঙ্গালা, “আর্যাবতের” অন্তর্গত । এখনকার বাঙ্গালৈতিক “বেঙ্গল” অথবা বাঙ্গালাদেশের উত্তরে দার্জিলিঙ্ জেলা এবং জলপাইগুড়ি জেলার “দুয়ার” “(স্থানীয় লোকে যাহাকে ‘ভোটাঙ্গ’ বলে) অথবা আলিপুর দুয়ার সবডিভিজন এবং পূর্বে চট্টগ্রাম পার্বত্যপ্রদেশ আছে । এই দুই অংশ প্রাচীন কালে গোড়বঙ্গের অন্তর্গত ছিল কিনা সন্দেহের বিষয় । পক্ষান্তরে, পূর্বে আসামের অন্তর্গত গোয়ালপাড়া (ধুবড়ী) ও শ্রীহট্ট (এবং সম্ভবতঃ কছাড়), উত্তরে পূর্ণিয়া, পশ্চিমে মানভূম, সিংহভূম এবং সাঁওতাল পরগণা) এবং উত্তর পশ্চিমে বেহার (মগধ) এবং ত্রিহত (মিথিলা) প্রভৃতি পূর্বে গোড়বঙ্গের

(৮) বায়ু-মৎস্যাদি সমুদায় প্রাচীন পুরাণেই এই সংবাদ পাওয়া যাইবে ।

(৯) বায়ুপুরাণ, ৩৪ অধ্যায়, মৎস্যপুরাণ, ১১৩ অধ্যায় হইতে দ্রষ্টব্য । তাম্রবর্ণকে গ্রীকেরা Taprobane বলিতেন, এক্ষণে উহা Ceylon নামে পরিচিত ।

অন্তর্গত ছিল এবং এখন বাহিরে পড়িয়া গিয়াছে বলিয়া বোধ হয়। বাঙ্গালার এই বর্তমান রাজনৈতিক সীমা গত ১৯১২ খৃষ্টাব্দে স্থিরীকৃত হইয়াছে। তাহার পূর্বে,—১৯০৫—১৯০৬ খৃষ্টাব্দ হইতে ১৯১১ খৃষ্টাব্দ পর্যন্ত, এই দেশ বিধা-বিভক্ত হইয়া পূর্বাংশ “পূর্ববঙ্গ এবং আসাম” এবং পশ্চিমাংশ “বাঙ্গালা, বেহার এবং ওড়িশা” এই দুই রাজনৈতিক পরিচয়ে পরিচিত হইত। ১৯০৫—১৯০৬ খৃষ্টাব্দের সেই “বঙ্গভঙ্গ” আন্দোলন হইতেই বর্তমান “রাজনৈতিক অবস্থা”র জন্ম হইয়াছে। ঐ “বঙ্গভঙ্গ” অথবা “বঙ্গ-বিভাগের” পূর্বে, ইংরাজের আমলে যে দেশকে আমরা “বাঙ্গালা” বলিয়া জানিতাম, তাহা এখন “আসাম,” “বেঙ্গল,” এবং “বেহার ও ওড়িশা” এই তিন রাজনৈতিক প্রদেশে পরিণত হইয়া ভিন্ন ভিন্ন তিনজন গভর্নরের দ্বারা শাসিত হইতেছে (১০)। ইংরাজের পূর্বে, মোগল আমলে, আসামের অধিকাংশ ব্যতীত উক্ত তিন প্রদেশই “সুবে বাঙ্গালা” নামে পরিচিত এবং বাঙ্গালার সুবেদার (Vice-roy) কর্তৃক শাসিত হইত। তাহার পূর্বে, পাঠানরাজত্ব সময়েও, প্রায় তুল্যরূপ অবস্থা ছিল বলিলেও চলে। তাহার পূর্বে, হিন্দু আমল। সেই আমলে, সময়ে সময়ে, রাজনৈতিক বাঙ্গালার আকার এবং সীমা রাজার বলবীর্যের অনুপাতে বাড়িত এবং কমিত। মুসলমানগণের (পাঠানদিগের) দখলের অব্যবহিত পূর্বে এই দেশ সেনরাজগণের অধিকারে ছিল এবং সেই সময়ে পূর্বে কামরূপ হইতে পশ্চিমে বেহার ও মিথিলা পর্যন্ত এবং উত্তরে পূর্ণিয়া-দিনাজপুর-রঙ্গপুর হইতে দক্ষিণে ওড়িশা পর্যন্ত সমস্ত দেশ তাঁহাদের প্রভাবের অধীন হইয়াছিল। তাহার পূর্বে, পালরাজগণ পশ্চিমে কাম্যকুজ পর্যন্ত অধিকার করিয়াছিলেন। পাল এবং সেনরাজবংশের বিক্রমের প্রভাব এককালে দিল্লী পর্যন্ত বিস্তৃত হইয়াছিল বলিয়া শুনিতে পাওয়া যায় (১১)।

পাল এবং সেনরাজগণের সাক্ষাৎ-সম্বন্ধে শাসনাধীন দেশটি রাঢ়, বরেন্দ্রী, বগড়ী, বঙ্গ, এবং মিথিলা এই পাঁচটি প্রদেশে বিভক্ত ছিল। মোটামোটি ধরিতে গেলে, সে

(১০) রেনেলের “মানচিত্র” (খৃষ্টীয় অষ্টাদশ শতাব্দীর শেষার্ধ্বে প্রস্তুত) এবং Mr. G. R. Grierson I. C. S. ইত্যাদি কৃত Linguistic Survey of India, Vol I. Part. I. গ্রন্থের প্রথম পাতার মানচিত্র দ্রষ্টব্য।

(১১) আবুল ফজল কৃত আইন আকবরী, পাল ও সেনরাজগণের প্রাচীন লিপিমাল্য এবং শ্রীশ্রীদয়ানন্দ সরস্বতী স্বামিপাদ প্রণীত “সত্যার্থ প্রকাশ” গ্রন্থের ৪২০—৪২৪ পৃষ্ঠা।

কালের বিভাগের সহিত এখনকার বিভাগের নিম্ন লিখিত রূপে তুলনা করা যাইতে পারে, যথা :—

প্রাচীন—	বর্তমান—
(১) রাঢ়	বর্তমান বিভাগ, (সাঁওতাল পরগণা, মানভূম ও সিংহভূম অর্থাৎ প্রাচীন “ঝাড়খণ্ড” এবং মালদহ ও মুরশিদাবাদ জেলার ভাগিরথীনদীর পশ্চিম পারের অংশ সমেত) ।
(২) বরেন্দ্রী	রাজসাহী বিভাগ, (পূর্ণিমা সমেত) ।
(৩) বঙ্গ	ঢাকা ও চট্টগ্রাম বিভাগ (শ্রীহট্ট ও কছাড় সমেত) ।
(৪) বগড়া	প্রেসিডেন্সী বিভাগ (মুরশিদাবাদ জেলার ভাগিরথীনদীর পশ্চিমপারের অংশ ব্যতিরিক্ত ; ঐ অংশকে এখনও স্থানীয় লোকে “রাঢ়”ই বলে) ।
(৫) মিগিলা	উত্তর বেহার বা ত্রিহৃত ; (সম্ভবতঃ দক্ষিণ বেহার বা মগধও ইহার অন্তর্গত ছিল ।)

খৃষ্টীয় একাদশ শতাব্দীর মধ্যভাগে, পালবংশীয় তৃতীয় বিগ্রহপাল দেবের পুত্র শূরপালের সময়ে বরেন্দ্রভূমির কৈবর্তেরা তাহাদের নেতা দিব্যোক কন্দোক এবং ভীমের অধিনায়কতায় বিদ্রোহী হইয়া গোড়রাজ্য অধিকার করিলে, শূরপালের ভ্রাতা বিখ্যাত রামপাল মিত্ররাজগণের সহায়তায় সেই বিদ্রোহ দমন করিয়া পিতৃভূমি পুনরধিকার করেন । সেই বিদ্রোহ-দমনের ইতিহাস বারেন্দ্র-কায়স্থ-কুলোৎপন্ন মহাসাক্ষিবিগ্রহিক শ্রীকর নন্দীর পুত্র “কলিকাল-বাল্মীকি” সন্ধ্যাকর-নন্দী “রামচরিত” নামক ষাঠক কাব্যে লিখিয়া নিজে অমর হইয়া গিয়াছেন । ঐ কাব্যের কবির স্বরচিত টীকায় রাজা রামপালের নিম্ন লিখিত মিত্ররাজগণের উল্লেখ আছে,—যথা :—

মগধ ও পীঠির	ভীমবংশঃ ।
অঙ্গরাজ	মথনদেব (রামপালের মাতুল) ।
কোটাটবী	বীরগুণ ।
দণ্ডভুক্তি	জয়সিংহ ।
দেবগ্রাম প্রতিবন্ধ বালবলভী (বিক্রমপুর)	বিক্রমরাজ ।

অপরমন্দারাদিপতি এবং আটবিক সামন্ত-

চক্রের প্রধান	লক্ষ্মীশূর ।
কুজবটী	শূরপাল ।
তৈলকম্প	ব্রহ্মশিখর ।
উচ্ছালের	ময়গলসিংহ ।
ঢেকুরীর	প্রতাপসিংহ ।
কয়ঙ্গলমণ্ডল	নরসিংহাজুন ।
শঙ্কটগ্রাম	চণ্ডাজুন ।
নিদ্রাবল	বিজয়রাজ ।
কৌশাঘী	ঘোরবর্ধন (গোবর্ধন) ।
পত্নবস্থা	সোম ।

(রামচরিতম্—২য় সর্গের ৭ম শ্লোকের টীকা ।—এসিয়াটিক সোসাইটী কর্তৃক প্রকাশিত মহামহোপাধ্যায় পণ্ডিত শ্রীযুক্ত হরপ্রসাদ শাস্ত্রী এম-এ, সি, আই, ই, মহাশয়ের সংস্করণ, তাঁহার বহু নেপাল হইতে সংগৃহীত পুথি ।)

এই সকল মিত্ররাজের রাজ্য-গুলির মধ্যে মগধ (পাটনা জিলা), অঙ্গ (ভাগলপুর জিলা), দেবগ্রাম প্রতিবন্ধ বালবলভী (নদীয়া জেলার উত্তরাংশে স্থিত দেবগ্রাম রেল-ষ্টেশনের নিকটস্থ প্রদেশ—বিক্রমপুর), অপরমন্দার (দক্ষিণরাঢ়ের গড় মান্দারগ, হুগলী জেলার পশ্চিমাংশ ও মেদিনীপুর জেলার পূর্বাংশ), তৈলকম্প (মানভূম), কোটাটবী, দণ্ডভুক্তি, উচ্ছাল, ঢেকুরী (রাঢ় অথবা ঝাড়খণ্ডের অন্তর্গত), নিদ্রাবল, কৌশাঘী এবং পত্নবস্থা (বরেন্দ্রের অন্তর্গত),—এই কয়েকটি সামন্ত রাজ্যের অবস্থান কতকটা বুঝিতে পারা গিয়াছে; কিন্তু কয়ঙ্গলমণ্ডল এবং শঙ্কটগ্রামের অবস্থান কোথায় ছিল, তাহা বলিতে পারা যায় না, অন্ততঃ আমরা জানিতে পারি নাই (১২) ।

(১২) F. B. Bradly Birt, Esq. I. C. S., F. R. G. S., কর্তৃক লিখিত "Choto Nagpur" নামক ইংরাজী পুস্তকের ১৮০—১৮২ পৃষ্ঠায় লিখিত আছে যে দামোদর নদের দক্ষিণকূলে, মানভূম জেলায়, তৈলকম্প (আধুনিক তেলকুপী = Telkupi) নগরে অনেক পুরাকীর্তির চিহ্ন এখনও বিদ্যমান আছে ।

এই সময়ে, বঙ্গে, খুব সম্ভব, বজ্রবর্মার পুত্র জাতবর্মার অথবা তাঁহার পুত্র বিখ্যাত শ্যামলবর্মার রাজত্ব করিতেছিলেন। জাতবর্মার “কৈবর্তপতি দিব্য অথবা দিব্যোককে গ্রাহ করেন নাই, তিনি কামরূপ-রাজ্য-পরাজয়, অঙ্গরাজ্যে নিজ প্রভাব বিস্তার এবং গোবর্ধন নামক কোন রাজ্যের হানি করিয়াছিলেন, বলিয়া জানিতে পারা যায় (১৩); কিন্তু, তিনি অথবা তাঁহার পুত্র শ্যামলবর্মার কৈবর্ত-দমন-বিষয়ে গোড়রাজ রামপালকে কোন সাহায্য করিয়াছিলেন কিনা, বলিতে পারা যায় না।

খৃষ্টীয় একাদশ, দ্বাদশ এবং ত্রয়োদশ শতাব্দীতে এই দেশ যে সকল ক্ষুদ্র ক্ষুদ্র রাজ্য, ‘ভুক্তি’ অথবা ‘বিষয়ে’ বিভক্ত ছিল, তাহাদের অধিকাংশের নামই আমরা জানি না, তাহার পূর্বের সংবাদ পাওয়াও অসম্ভব বলিয়াই বোধ হয়। আমাদের ক্ষুদ্রশক্তি দ্বারা যতদূর সম্ভব, তাহাই আমরা করিতেছি; যোগ্যতর ব্যক্তি আমাদের আশা-পূরণ করিবেন, এই আশাই বর্তমানে সম্বল।

‘বঙ্গালা’ অথবা ‘বেঙ্গল’ শব্দ কতদিন হইতে প্রচলিত আছে, তাহাই বা কে জানে? ইংরাজী ভাষায় লিখিত কোন কোন পুস্তকে দেখিতে পাওয়া যায় যে “বঙ্গাল” নামে একটি বিখ্যাত নগর নাকি পূর্ববঙ্গের কোন স্থানে ছিল। সে যে কোথায় ছিল, তাহার কোন সংবাদ আমরা জানিতে পারি নাই। খৃষ্টীয় আনুমানিক ১০২৫ অব্দে বিখ্যাত চোড়রাজ পরকেশরীবর্মার (রাজেন্দ্র চোড়) বঙ্গালা আক্রমণ করিয়াছিলেন এবং তাঁহার সেই আক্রমণ অথবা বিজয়ের বাতী কলিঙ্গদেশের “তিরুমলয়-গিরি”র গাত্রে ক্ষোদিতলিপি হইতে জানিতে পারা যায় যে,—তিনি এদেশের কয়েকজন ভূস্বামীকে পরাস্ত করিয়াছিলেন। উহাতে লিখিত আছে যে,—তন্দবুত্তির (দণ্ডভুক্তি) ধর্মপাল নিহত, তরুণলাটম্ (দক্ষিণরাট) রণশূর পরাস্ত, ঝড় বৃষ্টির চিরনিবাস ‘বঙ্গাল’ দেশের গোবিন্দচন্দ্র পলায়িত, এবং কর্ণভূষণ, চর্মপাহুকা ও বলয়া বিভূষিত মহীপাল পলায়িত হইয়াছিলেন (১৪)। এই মহীপালকে অনেকেই প্রাগুক্ত রামপালের প্রপিতামহ গোড়াধিপ বিক্রান্তকীর্তি প্রথম মহীপাল দেব বলিয়া গ্রহণ করিয়াছেন।

(১৩) বেলাব গ্রামে (ফরিদপুর জেলায়) প্রাপ্ত ভোজবর্মার তাম্র শাসন। ভোজবর্মার শ্যামলবর্মার পুত্র। Journal of the Asiatic Society of Bengal, New Series, Vol. X, P 127.

‘বঙ্গাল’ দেশে ঝড়বৃষ্টি নিত্যনিবাস করে ; ইহা পূর্ববঙ্গ । এই নিষি হইতে, খৃষ্টীয় একাদশ শতাব্দীতে, এ দেশের লোকে বাঙ্গালা দেশের পূর্বাংশকে ‘বঙ্গাল’ বসিত বসিয়া যোগ হইতেছে ; কোন নির্দিষ্ট নগরের নাম ‘বঙ্গাল’ ছিল কিনা তাহা বলিতে পারা যায় না । বঙ্গ-কায়স্থ-গণের কুল-শাস্ত্রে দেখিতে পাওয়া যায় যেঃ কায়স্থগণের সর্বনিম্নস্তরের লোককে “বঙ্গাল” বসিত । খুব সম্ভব, এই হীনতা-ব্যঞ্জক ‘বঙ্গাল’ শব্দ হইতে বর্তমান “বাঙ্গাল” শব্দের জন্ম হইয়াছে । উহার ভিতর হীনতা-ব্যঞ্জক ধ্বনি না থাকিলে (এবং কেবল মাত্র ‘বঙ্গপ্রদেশের অধিবাসী-বুঝাংলে) কখনই উহার দ্বারা লোকের অপ্রীতির উৎপাদন করিত না ।

ইহার পূর্বে পাল ও সেনরাজগণের সময়ে ‘বঙ্গ’ শব্দ দ্বারা যে এষ্ট দেশের পূর্বাংশকে বুঝিত, তাহা আমরা দেখিয়াছি । তাহার পূর্বে, ফা-হিয়ান এবং য়োয়ান্ চোয়াঙ্গ প্রভৃতির সময়ে (খৃষ্টীয় চতুর্থ হইতে সপ্তদশতাব্দী পর্য্যন্ত) এই দেশের দক্ষিণ পূর্বাংশকে সমতট, এবং অন্যান্য অংশ কানরুপ, গৌড় (পুণ্ড্রবর্ধন) কণসুবর্ণ ও তান্ত্রনিপ্তি ইত্যাদি ভিন্ন ভিন্ন নামে পরিচিত হইত । কবি কালিদাসের “রঘুবংশ” কাব্যে “বঙ্গ” “সুক্ষা উৎকুল” “এবং” “কলিঙ্গ” প্রদেশের উল্লেখ আছে (১৫) । কালিদাসের অপেক্ষা কয়েকশত বৎসর পূর্বগামী শুণাভ্য কবির “বৃহৎ-কথা” (কথা-সরিং-সাগর)” নামক গল্পের গ্রন্থের ও এই দুই নাম পাওয়া গিয়াছে (১৬) । তাহার পূর্বে, অঙ্গ, বঙ্গ, কলিঙ্গ, পুণ্ড্র, এবং সুক্ষা এই পাঁচটি নাম পুরাণে পাওয়া যায় ।

(১৪) Vide Memoirs of Asiatic Society of Bengal, Vol. III, P 36 and Epigraphica Indica, Vol. XI pp 232--232 তন্নিহ্ন ভাষায় এ নিষি নিষিত । গ্রীষ্মারননের Linguistic Survey Vol. V. Part I গ্রন্থের উপক্রমিকায় “বঙ্গাল” শব্দকে অনেক আলোচনা আছে (পৃষ্ঠা ১১) ।

(১৫) সমুদ্রগুপ্ত মহারাজের দিগ্বিজয় নিষি এলাহাবাদ স্তম্ভনিষি) সমতটের উল্লেখ আছে ; ইহা খৃষ্টীয় ৪র্থ শতাব্দীতে ক্ষোদিত (Fleet's Gupta Inscriptions) । রঘুবংশ, ৪র্থ সর্গ, ৩৫ হইতে ৩৮ শ্লোক ।

(১৬) কথাসরিংসাগর, লাবাণক লঙ্ক ।

মহাপুরাণের মধ্যে সর্বাপেক্ষা প্রাচীন ও প্রামাণ্য বায়ু (ব্রহ্মাণ্ড পুরাণেও প্রায় বায়ু পুরাণেরই কথা আছে) এবং মৎস্য পুরাণের মতে ভারতখণ্ডের প্রাচ্য বিভাগে এই কয়েকটি দেশ বা জনপদ আছে, যথা:—

ঐন্দ্র, বঙ্গ, মৎসরক, অম্বর্গিরি, বহির্গিরি, প্রবঙ্গ, বঙ্গের, মালদ মালবতী, সুস্রোত্তর, প্রবিজয়, ভার্গব (মার্গব) প্রাগ্জ্যোতিষ, পুণ্ড্র, বিদেহ, তাম্রলিপ্ত, শাষ মগধ এবং গোনদ (গোবিন্দ) ।” (১৭)

দুঃখের বিষয় এই যে আমাদের দেশে পুরাণ-গ্রন্থাবলীর ভাল সংস্করণ এ পর্যন্ত প্রকাশিত হয় নাই ; আমাদের চক্ষুতে, এসিয়াটিক সোসাইটি (কলিকাতা), আনন্দাশ্রম (পুনা), নির্ণয়মাগর ও বেঙ্কটেশ্বর (বোম্বাই) এবং বঙ্গবাসী (কলিকাতা) প্রভৃতি ছাপাখানার প্রকাশিত পুরাণের যে সকল পুথি পড়িরাছে, তাহাদের কোন কোন গুলির ছাপা অধিকতর সুন্দর হইলেও একখানির পাঠও ঠিক আছে বলিয়া বোধ হয় না । অসাবধানতা “বঙ্গবাসী”র পুরাণেই বেশী দেখা যায় ; তথাপি, সুন্দর বলিয়া আমরা উহাই সংগ্রহ করিতে পারিয়াছি এবং তদ্ব্যন্য “বঙ্গবাসী”র কতৃপক্ষের নিকট অতিশয় কৃতজ্ঞ আছি । তাঁহারা কৃপা না করিলে আমাদের পক্ষে অনেক পুরাণের দর্শন-লাভই ঘটত না । যাহাই হউক, মুদ্রিত পুরাণ গুলির ভিন্ন ভিন্ন পুথিতে ভৌগোলিক নাম সমূহের একরূপ পাঠ-বিকৃতি ঘটিয়াছে যে তাহা হইতে প্রকৃত নাম বুঝিয়া লওয়া অত্যন্ত কঠিন । আমাদের সামান্য বিদ্যাবুদ্ধিমত সমন্বয় করিয়া উপরিবৃত্ত নামগুলি দিয়াছি ; বিজ্ঞজনেরা যদি অনুসন্ধান করত প্রকৃত পাঠের নির্ণয় করেন, তাহা হইলে দেশের ভূগোল এবং ইতিহাসজ্ঞান পাঠকসমাজে ক্রমশঃ প্রচারিত হইতে পারে ।

রামায়ণে দেখিতে পাওয়া যায় যে, অযোধ্যাপতি দশরথ সেকালে ভারত-খণ্ডের সম্রাট্ ছিলেন এবং তাঁহার সভায় প্রাচ্য, উদীচ্য, প্রতীচ্য এবং দাক্ষিণাত্য বহু আর্ষ এবং শ্রেষ্ঠ

(১৭) বায়ুপুরাণ, ৪৫ অধ্যায়, (ব্রহ্মাণ্ডপুরাণ ৪৯ অধ্যায়) মার্কণ্ডেয়পুরাণ, ৫৮ অধ্যায় এবং মৎস্যপুরাণ, ১১৪ অধ্যায় । (বঙ্গবাসী সংস্করণ)। বরাহমিহির কৃত “বৃহৎ সংহিতা” ১৪শ অধ্যায় (এসিয়াটিক সোসাইটি সংস্করণ) ।

ভূমিশাল উপস্থিত থাকিতেন (১৮) । দশরথ তাঁহার প্রিয়া কৈকেয়ী দেবীকে বলিয়াছিলেন, “যতদূর সূর্য কিরণ প্রদান করেন, আমার রাজ্য ততদূর বিস্তৃত ; বঙ্গ, মগধ, মগধ, মংস্য এবং সমুদ্র কাশী ও কোশল রাজ্য আমার অধীন” (১৯) । অঙ্গদেশের তদানীতন রাজা দশরথ অঙ্গরাজ্য রোমপাদ দশরথকে নিজ কন্যা শান্তাকে পোষ্যকন্যা স্বরূপ দান করিয়াছিলেন । এই শান্তার স্বামী মহর্ষি ঋষ্যশৃঙ্গই বঙ্গের অযোধ্যাধিপতি. দশরথের অশ্বমেধ যজ্ঞের প্রধান হোতৃপদে প্রতিষ্ঠিত হইয়াছিলেন (২০) । এই অশ্বমেধ যজ্ঞে ঋষ্যশৃঙ্গকে বরণ করিবার উদ্দেশ্যে দশরথ অযোধ্যা হইতে সপরিবারে সখা অঙ্গরাজ্যের রাজধানীতে গিয়া তথা হইতে শান্তাও তাঁহার স্বামী মহর্ষি ঋষ্যশৃঙ্গকে অযোধ্যায় আনিয়াছিলেন (২১) । সেই অশ্বমেধ যজ্ঞে দশরথ প্রাচ্য বিভাগের মিথিলা, কাশী, মগধ এবং অঙ্গদেশের রাজগণকে নিমন্ত্রণ করিয়াছিলেন (২২) । রামায়ণে অন্যত্র, প্রাচ্য দেশ বর্ণনা-মুখে, “ব্রহ্মমাল, বিদেহ, মালব, কাশী, কোশল, মগধ, মহাগ্রাম, পুণ্ড্র, অঙ্গ, কোশকারদিগের এবং রৌপ্যধাতুর আকরাধিকারিগণের” উল্লেখ আছে (২৩) । প্রাগ্-জ্যোতিষ জনপদের অবস্থিতি কিন্তু রামায়ণের মতে পূর্বদিকে নহে, পরন্তু পশ্চিমে (২৪) । রামায়ণের এই “ব্রহ্মমাল” বোধ হয় “সুক্ক-মাল” (সুক্ক অথবা রাঢ় দেশের পার্বত্য এবং উচ্চ বনভূমি,— ঝাড়খণ্ড, The high woodlands of west Bengal, অর্থাৎ বীরভূমি, সিংহভূমি, মল্লভূমি অর্থাৎ বর্তমান বীরভূম, বর্ধমান, ঝাড়কা মেদিনীপুর, মানভূম, সিংহভূম এবং ছোটনাগপুরের সাঁওতাল পরগণা ইত্যাদি) হইবে । যেহেতু আমাদের পূর্বোক্ত বায়ু এবং ব্রহ্মাণ্ডপুরাণের পুথিতেও “সুক্কোত্তর” স্থলে “ব্রহ্মোত্তর” মুদ্রিত আছে ।

(১৮) রামায়ণ, অযোধ্যাকাণ্ড তৃতীয় সর্গ, ২৫শ শ্লোক । (বঙ্গবাসী)

(১৯) ঐ ঐ দশম সর্গ, ৩৭শ শ্লোক ।

(২০) ঐ ঐ বালকাণ্ড, দশম সর্গ ।

(২১) ঐ ঐ একাদশ সর্গ ।

(২২) ঐ ঐ ত্রয়োদশ সর্গ ।

(২৩) ঐ ঐ কিক্কাকাণ্ড, চত্বারিংশ সর্গ, ২২ ২৩শ শ্লোক ।

(২৪) ঐ ঐ ষি চত্বারিংশ সর্গ, ৩০ ৩১শ শ্লোক ।

মহাভারতে ভারতখণ্ডের উত্তরদিগ্ বর্ণনা উপলক্ষ্যে "প্রাগ্-জ্যোতিষ" জনপদ এবং তথাকার রাজা "চীন ও কিরাত নৈনোরয়ারা পরিবৃত ভগদত্তের" (২৫)। এবং পূর্বদিগ্ভাগের বর্ণনায়, বিদেহ, দণ্ডাৰ্ণ, দক্ষিণা:কাশল, উত্তর:কাশল, গোপালকক্ষ, মল্ল (মল্লভূমি ?), কাশী, মংস্যা, মল্ল, শর্ক, বর্ক, স্ক্রু প্রস্ক্রু, মগধ দণ্ড ও দণ্ডধার (দণ্ডভুক্তি ?), গিরিব্রহ্ম, অঙ্গ, মাদাগিরি (মুলগিরি-মুঙ্গের ?), পুণ্ড্র, কৌশিকীকক্ষ, বঙ্গ, তাম্র-লিপ্ত, কর্ণট এবং লৌহিত্য" জনপদের উল্লেখ আছে (২৬)। এই নবুনা প্রদেশই প্রাচীন আর্ষাবতের অন্তর্গত। উত্তরে হিমাচল, দক্ষিণে বিক্রা, পূর্ব এবং পশ্চিমে সমুদ্র, এই চতুঃসীমার মধ্যবর্তীস্থানকে অতি প্রাচীনকালে "আর্ষাবত" বলিত (২৭)।

প্রাগ্-জ্যোতিষ এবং কানরূপ এককালে যে পরস্পর নিকটবর্তী জনপদ বলিয়া বিখ্যাত ছিল, তাহা কালিদাসের রঘুবংশ কাব্যের চতুর্থসর্গে দেখিতে পাওয়া যায়। ঐ বর্ণনা হইতে অনুমিত হয় যে লৌহিত্যানদের (আনুর্নিক ব্রহ্মপুত্র ?) উত্তর তীরে এই উভয় জনপদ অবিষ্ট হইল (২৮)। সমুদ্র-গুপ্তর পূর্বাঙ্গিণিত এলাহাবাদ স্তম্ভলিপিতে "কানরূপ এবং ডবাক" ঐ সাম্রাজ্যের প্রতাস্তস্থিত জনপদ বলিয়া লিখিত হইয়াছে। রামরণের "প্রাগ্-জ্যোতিষ" আরব অথবা পারস্য সাগরে। উপরিহু কোন দ্বীপ অথবা সাগরবল্লিহিত কোন প্রদেশ বলিয়া বোধ হয় এবং তাহার সহিত পূর্বাঙ্গের কানরূপ-প্রাগ্-জ্যোতিষের কোন সম্বন্ধ ছিল না; অথবা ঐ পুরাতন দেশের কোন রাজা প্রাচ্যভূমিতে নূতন রাজ্য স্থাপন করিয়া তাঁহাদের প্রাচীন জনপদের নামে উহাকে অভিহিত করিতেও পারেন। এরূপ নূতন উপনিবেশের প্রাচীন নামকরণের অনেক

(২৫) মহাভারত, সভাপর্ব, ২৬শ অধ্যায় (বোধস্বাই)।

(২৬) ঐ ঐ ৩০শ অধ্যায়।

(২৭) মনুসংহিতা দ্বিতীয় অধ্যায়, ২১শ এবং ২২শ শ্লোক। মহাভাষ্যকার পতঞ্জলির সময়ে পশ্চিম সীমা সংকুচিত হইয়া "এসিরীয়া" বা অসুরদেশের "কালকনল" পর্যন্ত আসিয়াছিল। পানিনিয়ন্ত্রের ২।৪।১০ন সূত্রের ভাষ্য দ্রষ্টব্য।

(২৮) রঘুবংশ, ৩র্থ সর্গ, ৮১ হইতে ৮৩ শ্লোক।

দৃষ্টান্ত ভগ্নতের সকল দেশেই দেখিতে পাওয়া যায় (২৯)। মহাভারত এবং হরিবংশের বর্ণিত প্রাগ্জ্যোতিষ সম্ভবতঃ পূর্বোক্তর দিকে বহুবিস্তৃত রাজ্যবিশেষ ছিল এবং পরে কালিকা-পুরাণের এবং তন্ত্রগ্রন্থাবলীতে বর্ণিত “কানরূপ” সেই বহুবিস্তৃত প্রাগ্জ্যোতিষ রাজ্যেরই সঙ্কচিত ভগ্নাবশেষ বলিয়াই বোধ হয়। যাহা হউক, আমাদের “বাঙ্গালার” সহিত এই প্রাগ্জ্যোতিষ অথবা কানরূপের প্রতিবেশ-সম্বন্ধ ভিন্ন বিশেষ কোন আত্মীয়তা যে কোন কালে ছিল, তাহা বোধ হয় না ; সুতরাং তাহার সম্বন্ধে অধিকতর আলোচনা অনাবশ্যক। পশ্চিমদিকের জনপদ-সমূহের সহিত আমাদের যে নৈকটাতর এবং গাঢ়-তর আত্মীয়তা অথবা সম্বন্ধ ছিল, তাহা পরে দেখিতে পাইব।

আমাদের “বাঙ্গালার” অথবা “গৌড় বঙ্গ” বলিতে, আমরা এই “বৃহত্তর বঙ্গ” বুঝিয়া থাকি ; এবং সেই জন্ত এই প্রস্তাবের ভৌগোলিক সীমার ভিতর বর্তমান “আসাম,” “বেঙ্গল” এবং “বিহার ও ওড়িশা” এই তিনটি প্রদেশেই থাকিবে ! উত্তরে হিমালয় পর্বতের মধ্যস্থিত “ভোটাঙ্গ” সিকিম এবং নেপাল রাজ্য পশ্চিম উত্তরে বর্তমান “মুক্তপ্রদেশ,” মধ্যভারত এবং মধ্যপ্রদেশ, বেরার দক্ষিণে বঙ্গনাগর, দক্ষিণ পশ্চিমে মাদ্রাস প্রদেশ এবং পূর্ব দিকে বর্মা প্রদেশকে এই বাঙ্গালার চতুঃসীমা ধরিয়া লওয়া যাইতে পারে। এই চতুঃসীমার ভিতরে অতি প্রাচীন উচ্চ (মাল) এবং পার্বত্যভূমি হইতে সমুদ্রগর্ভ হইতে নূতন উত্থিত “দেয়াড়” অথবা চর-ভূমি আছে। সকল সময়ে এই বৃহৎ দেশ যে কোন এক বিশেষ রাজা অথবা রাষ্ট্রের অধীন ছিল, তাহা নহে ; বরং, অনেক পূর্বকাল হইতে দেশের সর্বত্র ক্ষুদ্র ক্ষুদ্র স্বাধীন এবং অর্ধ-স্বাধীন রাজা অথবা

(২৯) আমাদের দৃষ্টান্ত, উত্তর-পশ্চিমের “কাম্বোজ” এবং পূর্ব উপদ্বীপের “কাম্বোজ” অথবা “কাম্বোডিয়া।” উত্তরমথুরা (Muttra) এবং দক্ষিণ মথুরা (Madura) উত্তর কোশলের “অযোধ্যা” এবং শ্যামদেশের “অযোধ্যা” ইত্যাদি। নূতন দৃষ্টান্ত,—New york, New London, New Holland প্রভৃতি অনেক আছে—তাহার উল্লেখ নিম্নোক্তরূপে।

সামন্ত রাজারা বেশ রক্ষণ ও পালন করিতেন এবং কখনও কখনও এক এক জন অধিকতর পরাক্রমশালী হইয়া সার্বভৌমত্ব অথবা চক্রবর্তি স্ব লাভ করিতেন ।

ভূগোলের কথা আমাদের প্রস্তাবের মুখবন্ধমাত্র, সুতরাং এই পর্যন্তই যথেষ্ট । আগামীবারে বাঙ্গালার সত্যতা এবং তাহার বয়সের কথা লইয়া আলোচনা করিব (৩০) ।

ক্রমশঃ—

শ্রী অখিলচন্দ্র ভারতীভূষণ ।

(৩০) আমাদের এই বাঙ্গালা দেশ অতি পূর্বকালে অর্থাৎ পৌরাণিক যুগে—

(ক) অঙ্গ, বঙ্গ, কলিঙ্গ, সূক্ষ, পুণ্ড্র, এবং প্রাগ্জ্যোতিষ নামে,—

(খ) তাহার পরে সাধারণতঃ “প্রাচ্য,” “পৌরস্ত্য” অথবা “প্রাচী” (Prasi) নামে এবং বিশেষতঃ কবট, ওড়্র, তাম্রলিপ্ত অঙ্গ, পুণ্ড্র, সমতট, ডবাক, (চক্ক বা ঢাকা ?) ও কামরূপ নামে ।

(গ) গৌড়মণ্ডল এই সাধারণ নামে ;—

(খ)—স্বাঢ়, বরেন্দ্র, বঙ্গ, (বঙ্গাল), বগড়ি, মিথিলা, ঝাড়খণ্ড কামরূপ ইত্যাদি নামে ।

(ঙ) পালরাজগণের সময়ে ও তাহার পর নানা ক্ষুদ্র ক্ষুদ্র ভিন্ন ভিন্ন নাম সংযুক্ত জনপদ রূপে এবং পরে ।

(চ) মোগল সময়ে “সুবে বাঙ্গালা” (বাঙ্গালা, বেহার এবং ওড়িশা) নামে পরিচিত ছিল । ইংরাজের সময়ের Bengal Presidency প্রথমে খুব বড় ছিল, ক্রমশঃ কমিতে কমিতে এখন বর্তমান রাজনৈতিক প্রদেশ (Political Province) স্বরূপে গভর্নর সাহেব বাহাদুরের শাসনাধীন হইয়াছে । Mr. G. R. Grierson সাহেবের Linguistical Survey of India, vol. V. Part I পুস্তকের প্রথম পৃষ্ঠার (Fly leaf) এবং ১১শ পৃষ্ঠার বামদিকে যে দুইটি যানচিত্র প্রদত্ত হইয়াছে তাহা দেখিলে আমাদের উদ্দিষ্ট “গৌড়বঙ্গ” অথবা “বাঙ্গালা” দেশের ভৌগোলিক অবস্থার সঙ্ক্ষে ধারণা করিবার বেশ সাহায্য হইবে ।

হারাগো-সুর ।



আগে যে গান গেয়ে গেছে
সে সুর যেন আসে আমার কাণে,
যে পথে সব চলে গেছে
সে পথ জাগায় আশা আমার প্রাণে ।
সে ভাষা রয় সঙ্গোপনে,
গন্ধ যা বয় সমীরণে !
বিশ্ব ছেপে যে সুর বহে
সবাই আমায় টানে কিসের টানে !
দৃষ্টি যে সব হারিয়ে গেছে
বিশ্বেরি এই দৃষ্টি-চমক পেয়ে ;—
যে কথা সব হারিয়ে গেছে
ব্যাকুল সবই কথার দমক গেয়ে !
যে গাথা অই নদীর কূলে,
পাহাড়, বনের বক্ষমূলে,
সে সব গান অক্ল নৃতন হয়ে
আসে নৃতন মুক্তি আলে নেয়ে !
হারিয়ে-যাওয়া সকল হাসি
আজ যেন রে লুটার কূলে কূলে !
কামা সব আজ মুখর হ'য়ে
জুবন মাঝে উঠছে ছলে ছলে ।

গগনে আঙ কি মহোৎসব ?
 আমায় নিতি ডাক্চে মানব !
 সবার আশসু মাথায় আশার
 সবার স্নেহ হৃদয় দেচে খুলে ।

শ্রীসতীন্দ্রমেহন চট্টোপাধ্যায় ।

খুনো ।

— ❦ —

পাড়াপড়সী আমায় বলে অবতার, খবরের কাগজ-ওয়ালারা বলে, দানবীর, আর সরকার
 উপাধি দিলেন রাজা ।

পিতার অগাধ ঐশ্বর্যা পেয়েছিলাম—যে এসেছে তাকে দুহাতে বিনিয়োগ, —নেও, নেও, যার
 যা সরকার নেও ; দুখী তোমরা, অভাবগ্রস্ত তোমরা, নেও । রিক্ত হতে পারলে আমি যে বাঁচি ।
 সমস্ত পুঁজি নিঃশেষ হোক, আমি হাল্কা হই ।

সব একে একে ছাড়ছি, হাল্কা তো হচ্ছি নে । সে পাথর তো সরে না । এ যে খুনীর
 অন্তরের রক্ত অঁকা পাষণ—বন্ধুর উদ্ধৃৎসে উত্তপ্ত—সতীর অভিগাপে সন্তপ্ত ।

সরকার বাহাদুরের আইন পুলিশে সব খুনীকেই কি ধরতে পারে ? সমাজ কি সব দুর্বৃত্তকে
 শাসনের আদলে আনতে পারে ? আমি সকলের চোখে ধুলো দিয়েছি । কিন্তু সে চোখে কি
 দিতে পারব ? সে যে বিশ্বজোড়া চোখ, নাড়ীনক্ষত্র-জানা চোখ ।

আজ জীবনের শেষ কিনারায় এসে জীবনটাকে মনে হচ্ছ যেন নিশীথ রাতের এক
 বিভীষিকাময় স্বপ্ন,—ফুলের ভেতর থেকে যেন দৈত্য বেরুল,—মধু যেন কণ্ঠে গিয়ে বিষ হয়ে
 উঠল । সে কেমন শুনবে ?

তখন আমার সেই বয়স যে বয়সে সমস্ত সংসারটা একটা গোলাপের মত ক্রমে ক্রমে পাপড়ি মেলতে আরম্ভ করে, রঙে চোখ ভরে যায়, গন্ধে নেশা আসে,—আর সমস্তই যেন এক রঙীন স্বপনের জালে জড়িয়ে যায় !

আমার তাই হয়েছিল। রূপের তুষার ভাবের নেশায় আমি এক স্বপ্নরাজ্য রচনা করেছিলাম। তাতে আমি হয়েছিলাম রাজপুত্র ; খুঁজে বেড়াতাম কোথায় আমার হৃদয় রাণী, রাজকুমারী।

এক দিন জ্যোৎস্না রাতে সোণার কাঠির পরশ প্রাণে-মনে অনুভব করলাম। দেখলাম আমার রাজকন্যা, পরীর মত বাতাসে ঢেউ তুলে উড়ে গেল,—ভাসা ভাসা তার চোখ দুটি, গোলাপের মত ঠোঁট দুখানি, মুক্তার মত হাসি, মেঘের মত চুল। আমি পাগল হলাম।

সত্যি আমি পাগলই তো হয়েছিলাম। স্বপ্ন ও বাস্তবের সীমানা রেখা হারিয়ে গিয়েছিল। যৌবন কী বিষম ! যৌবন সুধার নিষ্কার, গরলের কূপ, আলোর ধ্রুবতারা, আঁধারের আলোরা, যৌবন সুন্দর,—যৌবন ভয়ঙ্কর, যৌবন জীবন—যৌবন মৃত্যু।

সে ছিল ছেলেবেলা হতে আমার বন্ধু,—তোমরা যাকে প্রাণের বন্ধু বল তাই। প্রাণ দিয়ে সে আমায় ভালবাসতো। ফুলের আনন্দ যেমন বাতাসে মাচা, পাখীর আনন্দ যেমন আকাশে গাওয়া, তার আনন্দ ছিল তেমনি আমার ভালবাসা। আমিও তাকে খুব ভালবাসতাম, ভয়ঙ্কর ভালবাসতাম। সন্ধ্যার ছায়া নিবিড় নিভূতে নদীর তীরে ঘুরে ঘুরে হৃজনে হৃজনের হৃদয়ের কথা বলাবলি করতাম,—হৃজনে হাসতাম, কাঁদতাম।

বন্ধু আমার ছিল কল্যাণের মূর্তি, শান্তির কেতু, বিবেকের বাণী। স্বপ্নেও ভেবেছিলাম না তার সঙ্গে আমার কখনো ছাড়াছাড়ি হবে। কিন্তু সংসারের বিচিত্র বিধানে তাও হল। এক দিন বন্ধু আমাদের গ্রাম চিরকালের মত ত্যাগ করে তাদের দেশে চলে গেল।

বিহ্বল হয়ে এক বছর কাটলাম। আমার সময়-বিহঙ্গের পাখা যেন খসে গিয়েছিল—আর উড়তে পারে না, গান গায় না। হৃদয়ে আমার কত কথা জমে উঠল, কত ফসল ফলে উঠল। কাকে আমার বোঝার ভাগ দেব ? আমি অস্থির হয়ে উঠেছিলাম। ঠিক এমন সময়ে বন্ধুর চিঠি পেলাম—“ভাই, আমাকে কি ভুলে গেলে ? একবার আমাদের দেশে এস না—আমাদের দরিদ্র কুটার দেখে যাও।” পর দিনই আমি বেরিয়ে পড়লাম বন্ধুর উদ্দেশে।

প্রভাতে রেল হতে ষ্টসনে নামলাম। যেথান থেকে দুই ক্রোশ গেলে বন্ধুর গ্রাম। পারে হেঁটে চললাম। তখন শরৎকাল। কি সুন্দর প্রভাত! চারদিক যেন নবীনতার বলল করছে। আকাশের সোণার আলো, ধরিত্রীর সবুজ উৎসব, আর বাতাসের উন্মাদ শিহরণ আমাকে মাত্তিরে তুলল। আবার স্বপ্নরাজ্যে আমি পথ হারালাম। ধানের ক্ষেতের মধ্য দিয়ে মাতালের মত টলতে টলতে চললাম—আকাশের অসীম নীলিনায় সাদা সাদা মেঘগুলি যেমন চলছিল। আবার ও কি দেখি? ওই না সেই আমার রাজকন্যা? সেই চোখ দুটি, সেই হাসি,—ধানের শীষের উপর দিয়ে লঘু আলতাপরা পা দুখানি ফেলতে ফেলতে আমার আগে চলছে, অঞ্চল লুটিয়ে পড়ছে, কুম্বল হাওয়ায় ছলছে। আমি ছুটলাম। “ওগো, দাঁড়াও, দাঁড়াও, পালিও না।” আমার চোখে ধাঁধা লাগল। প্রজাপতির মত সে উড়ে গেল।

কখন এসে গ্রামে পড়েছিলাম জানি নে। বন্ধু সামনে এসে হো হো করে হেসে উঠতে আমার চমক ভাঙ্গল। সে আমাকে তাদের বাড়ী নিয়ে গেল।

কি সুন্দর ছোট্ট বাগানটি। বন্ধু আমাকে এক শেফালী গাছের ছায়ার বসাল। আমার মন ছাঁৎ করে উঠল—অবিখাসী বন্ধু! আমারই প্রভাতের সর্বস্ব চুরি করে এনে এখানে গোপন করেছে! প্রভাতের সব আকাশ তো এখানেই উঁকি মারছে, সব বাতাস তো এখানেই ছুটাছুটি করেছে, আনন্দ ক্ষেতের সব হর্ষ তো এখানেই জমে উঠেছে। মাথা আমার এলোমেলো হয়ে গেল, মন আমার এক অদ্ভুত সন্দেহ-দোলায় ছলে উঠল—তবে? তবে আমার রাজকুমারী? তাকেও কি বিখাসবাতক চুরি করেছে? আমার মাথা দিয়ে অগুন ছুটতে লাগল।

ও কি? ঠিক তো তাই! গৃহ হতে কে ওই নেমে আসে ওর হাত ধরে?—ওই তো সেই চোখ সেই হাসি, সেই কেশ, সেই আলতামাথা পা দুখানি, সেই গতি, সেই ভঙ্গিমা! বুক আমার দপ্ দপ্ করতে লাগল, মাথা রি-রি করে উঠল।

লাফিয়ে উঠে জিজ্ঞাসা করলাম—“কে? ও কে?”

“আমার বো।”

চীংকার করে উঠলাম—“তোমার?—তোমার?—”

নাটি যেন আমার পা থেকে সরে গেল। সমস্ত আকাশ বিভীষিকাময় ধূসরবর্ণ ধারণ করল, বাতাসের নিঃশ্বাস ছুটে এসে ভীমরূপের কলের মত আমার সর্কাজে নিঃশ্বাস লাগল, সূর্যগুলি চোখের

সামনে উজাপিণ্ডের মত ঘুরতে লাগল। নিঃশ্বাস আমার বরফের মত অমে উঠে কর্তরোধ করল।
আমি ছুটে বেরুলাম।

তিক্ত, তিক্ত, সব তিক্ত, সব কুৎসিত। বন্ধু ?—না—মারাণী, মাকস, শত্রু। আমার সমস্ত
অস্তিত্ব বিষে জ্বলতে লাগল, জ্বলতে লাগল।

এর পর এক মাসও কাটে নাই,—থবর পেলাম শত্রু করেছে—একদিনের কলেকা রোগে।

ওঃ কি উল্লাস আমার। চোখের সামনে যা দেখি তাই উল্লাসে নাচছে—যেন দানবেশ
তাণ্ডব—প্রেতের অট্টহাস্য। আমার বন্ধুহলের পিণ্ডীভূত গরল শিশি যেন লক্ষ লক্ষ রুপা বিস্তার
ক'রে বিশ্বসংসার গ্রাস করতে ছুটল,—আমাকেও গ্রাস করতে এস। ভয়ে আমি আশ্রয়
হলাম, চীৎকার করে কেঁদে উঠলাম—ওগো কি বীভৎস, কি ভয়ঙ্কর, কে আছ, আমাকে বাঁচাও।

কি বলছ তোমরা ? বন্ধু আমার রোগে করেছে ? হাঃ হাঃ ! কিছুই জান না তোমরা—
যুগে ভুল। আমিই আগার নিঃশ্বাসের বিষে তাকে খুন করেছি, তাকে হত্যা করেছি। সন্তানের
দৃষ্টি সতী স্ত্রীকে অপমান করেছে, তার সর্বনাশ করেছে। এ পাপের প্রায়শ্চিত্ত কি ?

শ্রীশ্রীধীরকুমার গোস্বামী।

অবসান ।

—ঃঃ—

ফুরান যদি সকল আশা—স্বপ্ন গেল টুটি'
কি আর হবে প্রদীপখানি জ্বালি,
পরান বৃথা শ্রান্ত হ'লো চরণে তব লুটি'
অন্ধ অঁখি অশ্রুধারা ঢালি ।
শূন্য হৃদি লইয়া বারে বারে
অতিথি অ'মি হ'য়ছি তব দ্বার
তবুও কুমি চাহি তুলি' আনত অঁবি ওটা—
বুঝি না আমি—আমার কি যে ক্রটি

তোমারি শুভ লুকান যদি আমারি অবসানে
 নিমেষ তবে নিভুক দীপখানি,
 যেমনে যায় নিশার দীপ নিভয়া অতিমানে
 ধরণী 'পবে আলোর ধারা আনি'।
 জীবনে মোর এত যে অয়োজন—
 কে বলে—বৃথা হয়ে'ছ সমাপন ?
 ধন্য হবে পূর্ণভাবে পথেরই মাঝখানে—
 ধনা আজি জঁ বন অবসানে ।

শ্রীশুক দাসী ।

নিরাপদ ধর্ম ।

—:~:—

আজ বহু দিন পর নবরত্নের সভা বসিয়াছে । পণ্ডিতজীর গন্ধমাদনতুলা বহু শিখরসম্বিত বনাকীর্ণ কলেবর আজ গৈরিকমণ্ডিত । নীলাচল হইতে সন্ন্যাস লইয়া ফিরিয়া আসার পর হইতে তাহার আয়ত চক্ষু অর্ধনিমীলিত, বদনে ধ্যানী বুদ্ধের গাভীর্ষা, ওষ্ঠে শঙ্করের বৈরাগ্যা, নাসিকায় শুকদেবের ঔদাস্যা, হস্তে হাঁকা, কণ্ঠে অনর্গল কথায়ুত । একে পণ্ডিতজী, তাহার উপর গৈরিক, সভা তাই আজ ভক্তিসম্বস্ত ভয়বিন্দুক উদ্গ্রীব । পণ্ডিতজীর সামনে বসিয়া ক্যাবলাকান্ত একটুখানি চিনিমাখা সরস হাসি নবোদগত গৌণের আগায় মাখাইয়া হাত কচলাইতেছে আর প্রণয় করিতেছে ।

ক্যা । আজ্ঞে, বুদ্ধ, কৃষ্ণ, বীণ্ড, মহম্মদ আদি মহাপুরুষেরা এমন সব অমৃতময় বাণী জগতে ছেড়ে দিয়ে গেছেন ; কিন্তু কোন্ আবাগীর ব্যাটা তা' মানে ?

প। কালের প্রভাব, বাপু হে, কালের প্রভাব। বুদ্ধ কনফিউসিয়াস জন্মেছিলেন সে তো আর চারটিখানি বছরের কথা নয়, এসব মহাপুরুষ সনাতন হোন আর নাই হোন বহু পুরাতন তো বটেনই। তাঁদের কথা ছেড়ে দাও, এই খৃষ্টীয় সভ্যতার বিংশতাব্দীতে প্রভু যীশুর কথাই যে রকম জরাজীর্ণ ও অচল হয়ে এয়েচে তা' ভাবতে গৌলে বুদ্ধি ধ হয়ে থাকে।

ক্যা। কেন এমন হয় ?

প। বলেছিই তো, বাপু ; কালের ভেঁকি হরকে নয় করে, আর নয়কে হয় করে। সভ্য যুগেই কেবল ধর্ম ছিলেন পূর্ণ অর্থাৎ চতুস্পদ, ত্রেতার ত্রিনি হলেন ত্রিপদ অর্থাৎ খঞ্জ, ষাপরে হলেন দ্বিপদ অর্থাৎ পঙ্গু আর এই পাপতাপ আধিব্যাধি পূর্ণ কলিতে হচ্ছেন ক্রমশঃ একপদ অবস্থা থেকে একেবারে নিরাপদ (পদহীন) বা অচল। এই হচ্ছে ক্রমবিকাশ বা Theory of Evolution, কালপুরুষের গদার এলোপাতাড়ি বাড়ি, যার ষারে তোমার ফুলশয্যার চেলা-মোড়া নোলকপরা রসের পুঁটলীটি হয়ে যায় কুঞ্জপৃষ্ঠ মুক্তদেহ জরার পুঁটলী। এই কালের শক্তিই হচ্ছেন মহামারা কালী, মায়ের এই অঘটনঘটনময়ী লীলা বড়ই Cataclysmic। তাঁরই মাথার এখন বুদ্ধ, যীশু, মহম্মদ সবাই একেবারে Back number হয়ে পড়েছেন, তাঁরই কটাক্ষে কলিতে একপদ ধর্মপুরুষ এতদিন ব্যাঙের মত hop করতে করতে চলছিলেন আর এখন সেরেফ পেটে হাঁটছেন। এখন মানুষ তাই বিদ্যা শেখে পেটের জন্য, দেশ উদ্ধার করে পেটের জন্য, বিবাহ করে পেটের জন্য, আমার মত গৈরিক ধারণ করে পেটের জন্য, তোমার মত আইডিয়া তাজে তাও অল্পচিন্তা চমৎকারার তাড়নার ঐ সেই পেটেরই জন্য।

ক্যা। এ আপনি কি বলছেন ? ধর্মের স্থান কোথায় ? সে কি পেটে ?

প। হাঁ হে বাপু। শাস্ত্র মান তো ?—

“ধর্মস্য তত্ত্বং নিহিতং গুহারাম্

মহাজনো যেন গতঃ স পশ্বা।”

আমাদের এই চিরব্যাদিত গহন জঠরদেশ ছাড়া আর এমন অভলম্পর্শ গুহা কোথা পাবে ? আগে ধর্ম থাকতেন মাথার ওপর, তখন মানুষ তাই ছিল সব ত্রিকালদর্শী জ্ঞান ও শক্তির অবতার ; তার পরে ধর্ম নামলেন মাথার মধ্যে তখন উপনিষদের যুগ গিয়ে বক্তিমের যুগ এল, বুদ্ধি কচকচির ফলে তন্ত্রপুরাণ ন্যায় বেদান্ত সব রচনা হ'লো। তার পর মা কালীর কটাক্ষের

ইতিহাসে ধর্মপুরুষ নামলেন হুদরে, তখন মানুষ নেবে কেঁদে দশায় পড়ে নদে শান্তিপুত্র ডুবিয়ে দিলে। আর এখন ধর্মদেবতা মানুষের বক্ষস্থল থেকে রূপ করে ঐ উদররূপ মহা গর্ভে নেমে পড়েছেন, তস্য বলঃ “অন্নচিন্তা চমৎকারা, বুদ্ধি হর দিশেহারা।” এই পৈটিক ধর্ম বশতঃ এখনকার জীবের শুধু পেটকা ওয়াস্তে কনষ্টেবলী থেকে নিনিষ্টাঙ্গী অবধি এমন অকার্য্য নেই যা’ করণীয় নয়।

ক্যা। ধর্মের ব্যাভিচার হয়েছে বটে, ধর্ম স্বয়ং তো চিকাগোই সত্যি, ধর্মই সনাতন ?

প। তুমি যে ধর্মের কথা বলো তা আপাততঃ পুরাতন ও অচল।

ক্যা। কিসে ? দেখিয়ে দিন—ধরুন বাইবেলের Ten Commandments দশ আজ্ঞা, যেমন Thou Shalt not kill—এ তখনও সত্যি ছিল আর এখনও সত্যি। ভগবান বুদ্ধ থেকে মহাত্মা গান্ধী অবধি ঐ এক অহিংসার কথাই বলে এসেছেন।

প। বেশ তো, তার পরে চারদিকে কি দেখছো ? যীশুর প্রিয় শিষ্যদের স্তন বেয়ে মানব জাতির জন্য ছুগ্ন ধারা ক্ষরণ হচ্ছে কিনা ? হাউইটজার আর বেশিন গান দশ আজ্ঞার কোন আজ্ঞার মধ্যে পড়ে ? বুদ্ধের শিষ্য চীন, জাপান, ব্রহ্ম, শ্যামের ওরা গো! অহিংসাদি থেকে উচ্ছিংড়ি ছবদি সব রকম জীবকে পরম প্রেমে উদরস্থ করে কিনা ? মহাত্মা গান্ধী অহিংসার বাণী দেশে ছেড়ে দেবার পর থেকেই হিন্দু মুসলমানে বেশি বেশি হিংসা আরম্ভ হয়েছে কি না।

ক্যা। (নিরুত্তর)।

কটিক। আর—চুরি করা মহাপাপ—Neither shalt thou steal, পৃথিবী চূর্ণ বিচূর্ণ হইয়া গেলেও মিথ্যা কথা বলিবে না—Neither shalt thou bear false witness against thy neighbour, মাতৃবৎ পরদারেষু—Neither shalt thou commit adultery, পরদ্রব্যোষু লোভুবৎ—Neither shalt thou desire thy neighbour’s wife, neither shalt thou covet thy neighbour’s house, his field or his ox, or his ass। দেখেছেন পণ্ডিতজী কি শক্ত নিয়ম, পাড়াপড়সীর কিছুই ছোঁবার জো নেই, কি তাদের ঘরের বৌ বি, কি ধন দৌলৎ, এমন কি গরুগাধা বি বাঘুন এতক অস্পৃশ্য।

প। ও সব এখন ঘুঁসুড়ির ট্যাঁকে গেছে, ও সব ধর্মের এখন ঠিক উন্টোঙালি চলছে। অরসিক Mosesএর ঐ দশ আজ্ঞা বাহাল রেখে জীবনযাত্রা নির্বাহ করতে গেলে আজ কাল যে

কোন ইংরাজ বা ফরাসীর জীবন ছ'দিনে শ্মশান হয়ে যাবে। এই যোর কলিতে যে অপোগণ্ড নিরেট বুদ্ধি জীব অহর্নিশি সত্য কথা বলবার ভ্রাসাহস রাখে তার অদৃষ্টে লেখা আছে শ্রীধরে জানাই আদর কিন্তু যে ক্ষণজন্মা পুরুষকে বাকসিক্তি বলে ভেবে চিন্তে আর মিথ্যে কথা বলতে হয় না, উদরাময়ের লক্ষণের মিথ্যা মুখ দিয়ে আপনি বেরোয়, তার অদৃষ্টে—

(সুর করিয়া)

“এদিক ওদিক ছ'দিক রেখে

মেরে ছিল দুধের বাটি।”

ভরপর দেখ পরদ্রব্যে হস্তক্ষেপ করার নিবেধাজ্ঞা তাও কি রাজনীতি, কি অর্থনীতি, কি বাণিজ্যনীতি আর কি সমাজনীতি সর্বত্রই সমান উপেক্ষিত—more observed in its breach, বরঞ্চ পরদ্রব্যে আগ্রাস্ত বুদ্ধিই একালে সেরা কথা। পরদ্রব্য বিষয়ে এই পরম নৈষ্ঠিক সাধু ব্যবহারের ফল দেখো রাজনীতিতে এম্পায়ার, অর্থনীতিতে ক্যাপিটাল (মূলধন), বাণিজ্যে insolvency (গণেশ উটানো), আর সমাজে ডাইভোর্স আদালত। পরের জমি না নিলে তুমি কি দিয়ে এম্পায়ার গড়বে? পরের টাকাকে ছাণ্ডবিল প্রস্পেক্টান্ মারফৎ না হাত বুলোলে তুমি কি দিয়ে লিমিটেড কোম্পানী খুলবে? তার পর বড় বাজারে মা লক্ষ্মীর সম্মান ঐ মাড়োয়াড়ী মহলে জিজ্ঞেস করে দেখ গে ক'বার ঘিরের বাতি জ্বাললে ব্যবসায়ী লাখপতি হতে পারে। তার পর যুরোপের দিকে চেয়ে দেখো পরকীয়া রসের এত বড় বৃন্দাবন আর কোথায় আছে? স্বামী আর স্ত্রী হরণ অর্থাৎ দাম্পত্য জীবনে বার কতক মুখ বদলানো যাতে খুব অনায়াস হয় তার জন্যে ও-সব দেশের সমাজকর্তা মনু পরাশরেরা নিত্য নূতন কত বিধিই না গড়াইব। স্ত্রী রহঃ তকুনাদপি—যে কোন তকুন থেকে স্ত্রীকে আহরণ করবে, আহরণ অসম্ভব হ'লে হরণ করবে। পাচাত্যে আর কিছু দিন পর পর স্ত্রী বলে কোন পদার্থ থাকবে না, এখনই ও দেশের শ্রেষ্ঠ বনিবী Bernard Shaw বলছেন—“Marriage is popular because it combines the maximum of temptation with the maximum of opportunity”—সব চেয়ে বেশি লালসা আর তার পরিভূক্তির সব চেয়ে বেশি সুবিধা ও অবসর যে অবহার আছে তার নাম বিবাহ, এবং এই কারণেই বিবাহ এত চল হয়েছে। কুনলে তো?—দেখে যাও, বাপুরা সব, অপরাংবা কিং ভবিষ্যতি।

শ্রীযারীন্দ্রনাথ ঠাকুর ।

খোদার দান।

অনেক দিনের কথা—মুসলমান-রাজ্যের কোন এক বুগে, বাদসার প্রাসাদের সন্নিকটেই ছিল একটি মসজিদ। সেখানে অসংখ্য ভক্তের সমাগম হ'ত,—বিশেষতঃ জুম্মার দিনে। সেই মসজিদের সোপান-শ্রেণীর এক কোণে দুইটা বৃদ্ধ ফকির পাশাপাশি বসে, তাদের ভিখারি-জীবনের সক্রমণ আবেদন জানাত—ভক্তবৃন্দের হৃদয়ে করুণার সঞ্চার করে ভিক্ষা চাইত। একটা, তার ভিক্ষাপাত্র সামনে ধরে চীৎকার করে বলত—‘হে খোদাতালা, হে বাদসার-বাদসা—আল্লা,—তুমি দান দাও,—তোমার এই অনশন-খিন্ন অধম সন্তানকে।’ দ্বিতীয় ফকিরও ঠিক তেমনি সুরে চীৎকার করে বলত—‘হে ছনিয়ার মালিক, হে বাদসা আকবর, ফকিরের অভাব পূর্ণ কর,—ভিক্ষা দাও। তোমার অসীম রত্ন-ভাণ্ডারের একটি কণা তার পক্ষে যথেষ্ট।’

এক জুম্মার দিনে, রাজকার্যের গুরুভার নানিয়ে, দশের সঙ্গে ছনিয়ার মালিকের পদে প্রাণের প্রার্থনা জানাতে বাদসা ছয়বেশে মসজিদে এসে উপস্থিত। ভক্তিনত প্রাণে বাদসা তখন নম্র, দশের সঙ্গে প্রাণ মিলাতে বাগ্র। মসজিদে তিনি প্রবেশ করতে যাচ্ছেন—এমন সময় স্তম্ভে পেলেন—প্রথম ফকিরের চীৎকার-ধ্বনি! কী ঐকান্তিক নির্ভরতার সহিত জানাচ্ছে সে তার প্রাণের প্রার্থনা,—ভিক্ষা,—আত্ম-হুঃখ-নিবেদন! ঠিক সেই সময়ই দ্বিতীয় ফকিরের করুণ-কণ্ঠে—তঁাহারই নামোচ্চারিত হয়ে উঠল—‘হে বাদসা আকবর—ভিক্ষা দাও!’

প্রার্থনা শেষে বাদসা ফিরে গেলেন প্রাসাদে। প্রাণে জাগছিল তঁার তখন ফকির দুটির কর্তোচ্চারিত, ভিক্ষার আবেদন। মনে মনে একটা সঙ্কল্প করে, তিনি ডাকলেন তঁার বিবস্ত্র অনুচরকে। আত্মনিত সেলাম করে সে দাঁড়াল। বাদসা অতি গোপনে,—আদেশ দিলেন। অনুচর নিজস্ব হয়ে গেল। বাদসা উর্কে দৃষ্টি নিক্ষেপ করে আপন মনে বল্লেন,—‘এবারে দেখতে চাই ভগবান্ কোনটি সত্য।’

(২)

সন্ধ্যা সন্ধ্যা। সূর্য্যদেব তখন তাঁর রক্ত-রাগ-রঞ্জিত-বসনাক্ষয়খানি ছড়িয়ে দিয়ে পশ্চিম গগনপ্রান্ত হতে বিদায় নিচ্ছিলেন। দূর বন্যাস্তর মাথার উপর কৃষ্ণ যবনিকাখানি কে যেন অলক্ষ্য-হস্তে টেনে দিচ্ছেন। ভক্তগণ একে একে মস্‌জিদ-প্রাঙ্গণ পরিত্যাগ করছে। জন-কোলাহল থেমে গেছে, কেবল মোল্লা তখনও অপেক্ষা করছেন—উপাসনাস্তে ভগবানের নাম নগরবাসীকে শুনাতে,—আজ্ঞান দিতে! ফকিরবয়ও মনে করছিল, 'এই বার উঠি',—এমন সময় বাদসার অনুচর ভূতা-সংভিষাহারে এসে উপস্থিত। সে দ্বিতীয় ফকিরের নিকট গিয়ে তাকে বিস্ময়ের অবকাশ না দিয়ে বললে—'বাদসার দান গ্রহণ কর ফকির, তিনি শুনেছেন তোমার প্রার্থনা! পাঠিয়েছেন এই ভোগ্য সামগ্ৰী; তাঁকে আশীর্বাদ কর!'

ফকির বিস্ময়-বিস্ফারিত নেত্রে চেয়ে দেখলে—এ কথানি বৃহৎ মুংপাত্রে বহু প্রকারের রসনা-ভূষিকর খাদ্য-সস্তার। সুমিষ্ট সুগন্ধে স্থানটি আনন্দিত হয়েছে! আনন্দ-কম্পিত বক্রে ফকির রাজ-অনুচরকে অভিবাদন করল। তিনি এই দান দিয়েছেন,—সেই বাদসার উদ্দেশ্যে সেসাম ও তার পরিপূর্ণ হৃদয়ের কৃতজ্ঞতা জানিয়ে, সে গ্রহণ করল—তাঁর অসীম দয়ার দান। তার এতদিনের আশা, এতদিনের কাতর প্রার্থনা আজ সফল! সে আনন্দে আত্মগারা হয়ে পরিপূর্ণ প্রাণে বলে উঠল—'জয় আকবরের জয়!' বার বার জানাতে লাগল তার অন্তরের কৃতজ্ঞতা।

বিবিধ খাদ্য-সস্তার দেখে বুকু প্রাণ তার বেশী ক্ষণ অপেক্ষা করতে চাইল না। সমস্ত দিনের ক্ষুধিত আত্মাকে সে তৃপ্ত করতে প্রবৃত্ত হল। অন্তরে তার ধ্বনিত হতে লাগল মন্য আশি ধন্য! কত দয়া তোমার বাদসা—নইলে কি তোমার এত স্নানাম! দীর্ঘজীবী হও, দীর্ঘজীবী হও!

প্রচুর খাদ্য,—একার পক্ষে অতিরিক্ত। আত্মতৃপ্তির পর তার মনে পড়ল—সম্মী ক্ষুধিত ফকিরের কথা। মধ্যরের পক্ষপাতী নয় ফকিরের প্রাণ বলেই হোক বা এতদিনের আশা আজ তার পূর্ণ সে-আনন্দে, তার আনন্দের অংশ অন্যাকে দিবে আত্মতৃষ্টি সাধনের জন্যেই হোক, সে প্রথম ফকিরের নিকট গিয়ে অবশিষ্ট খাদ্য তার সম্মুখে রেখে বলল—ভাই, বাদসা আনাম প্রার্থনা শুনেছেন,—পাঠিয়ে দিয়েছেন এই রসনাতৃপ্তিকর আহাৰ্য্য। আমি কৃতজ্ঞ হয়েছি, তুমিও

গ্রহণ কর বন্ধু ! আমার দুঃখ ঘুচেছে,—একদিন যিনি শুনেন,—অন্য দিনও তিনি শুনবেন ! ভবিষ্যতের জন্যে নিশ্চিত হও ; আহাৰ্যের জন্যে আর আনাদের ভাবতে হবে না । তাঁর দানে পুষ্ট হয়ে আজ আমি খালাম্ ! অবশিষ্ট সমস্ত খাদ্য তোমায় দিচ্ছি,—তুমি তৃপ্ত হও ভাই ।’

প্রথম-ফকির কৃতজ্ঞ অন্তরে গ্রহণ করল—বন্ধুর দেওয়া পাত্রখানি । বলে উঠল,—‘বাদসা আকবর তোমায় জয় হোক । আর যিনি বাদসা আকবরেরও অধীশ্বর,—এই দীন-দুনিয়ার মালিক আল্লা, তাঁর পদে নিবেদিত হক অন্তরের আনন্দ-মিশ্রিত কৃতজ্ঞতা ! দীন ফকির আজ তোমায় দয়ার দান গ্রহণ করতে পেয়ে ধন্য,—আজ সে তৃপ্ত !’

নামাজের আজানে মস্জিদ মুখরিত হয়ে উঠল । ফকির মস্জিদ পানে ছুঁল । থাক এখন তার ক্ষুধার অভাব-অভিযোগ ; কিছুক্ষণের জন্যে সত্যের শাস্তিময়ের পবিত্র দ্বিধা-সাম্বিধা অনুভব করুক সে ।

নমাজ-অন্থে ভোজনে বসে সে দেখলে,—খাদ্যের নীচে স্তরে স্তরে নাজান রয়েছে শতাধিক সুবর্ণ-মুদ্রা ! বিষয়ে-আনন্দে ফকির হতবাক ! আনন্দাশ্রু প্রাবিত হয়ে তখন সে বলে উঠল, ‘এ কি অপরূপ মীলা তোমার পিতা ! এ যে আশার অতিরিক্ত দান ! কাছাল ফকির সে, তার আশা অন্ন ! বন্ধুর হাত দিয়ে যে দান আজ পাঠিয়েছ, তা তপ্পলকণা হলেও তুলনা ছিল না. আর এ যে রাজভোগ,—ধনীরও আকর্ষিত ! তোমার দান বলেই তা গ্রহণ করলাম,—আল্লা কব্বেশী জানি নে । আমার হৃদয়ের কৃতজ্ঞতা—লও আমার আনন্দ ! আনন্দে আজ আমি পূর্ণ—তোমার আনন্দের দানে সার্থক !’

(৩)

পর দিন আবার হই ফকির এসে বসেছে—মস্জিদ-প্রান্তরে । আজ আর ছিল না তাদের ভগবানের নিকট বা মানুষের নিকট খাদ্য দ্রব্যের প্রার্থনা,—সকরণ চীৎকারধ্বনি । আজ তাহারা পরিপূর্ণ তৃপ্ত-হৃদয় ! প্রথম ফকির বলছিল—‘ধন্য আল্লা,—ধন্য বাদসা—বিশ্বের বাদসা, তোমার বিশ্বের ভাণ্ডার হতে বাদসার হাত দিয়ে আমার ক্ষুধিত আত্মার জন্যে খাদ্য প্রেরণ করেছ ! তোমার অসীম দয়া প্রাণে গ্রহণ করে ধন্য হয়েছি ! নাও আমার কৃতজ্ঞতা ! দুঃখ-দৈন্য আমার দূর হয়েছে—তোমার দেওয়া অন্ন,—তোমার দেওয়া স্বর্গে ! জীবন ধন্য হে প্রেমিক, তোমার প্রেমে ।’ দ্বিতীয় ফকির বলছিল—‘মঙ্গল হোক বাদসা আকবরের ! ক্ষুধিতের

মুখে তুমি অন্ন দিয়েছ! বাদসার ভাগ্য অক্ষয় হোক! দীন-দুঃখীর বাতর প্রার্থনা তুমি শোন—তুমিই আল্লা—তুমিই খোদা!

সেদিনও ছদ্মবেশে বাদসা এসেছিলেন—মস্জিদে। শুনলেন তিনি ফকিরদ্বয়ের কৃতজ্ঞতা-গীতি! প্রাসাদে ফিরে, অশুচরকে দিয়ে ডাকিয়ে নিলেন দ্বিতীয় ফকিরকে। বাদসার জর-ঘোষণা করে ফকির প্রবেশ করল সেখানে।

বাদসা তাকে সম্বোধন করে বললেন—শোন তোমার বন্ধু কি বলে খোদাভাগ্য কাছে কৃতজ্ঞতা জানাচ্ছে! সে এতদিন প্রার্থনা করে এসেচে—তঁার দান। সে পেয়েছে তার প্রার্থিত দান; আজ সে কি বলে শোন—‘আল্লা আজ তোমার দেওয়া অন্ন, তোমার দেওয়া স্বর্গে, আমার দুঃখ দৈন্ত ঘুচেছে আমি ধন্য! সত্যই সে আজ স্বর্গক! আর তুমি চেয়েছিলে—বাদশা আকবরের নিকট—আমার নিকট দুঃখের আবেদন জানিয়ে ভিক্ষা! আমি প্রার্থনা তোমার পূর্ণ করতে, যথাসাধ্য করেছিলাম! দিয়েছিলাম—মুংপারে খাদ্য দ্রব্যের নিম্নে—শতাধিক স্বর্ণ মুদ্রা! কিন্তু তখন দেবতা বৃষ্টি দেখে হেসেছিলেন—কার—ধন, আমি দেবার কে? দেবার মালিক তিনি! এ দানের ব্যবস্থা করেছিলেন তিনি, তার জ্ঞান;—যে তাঁতেই এ চাস্তা নির্ভর করছে! আমার হাত দিয়ে তোমার হাত দিয়ে,—তিনিই দিয়েছেন—তাই তাকে শতাধিক স্বর্ণমুদ্রা! তোমার ধনলোলুপ প্রাণ জানতেই পারে নি ফকির,—দেবার মালিক একমাত্র তিনিই যিনি এই দুনিয়ার মালিক! মানুষ যে তাঁরি, তিনিই তাঁর মঙ্গলময় দান পাঠান মানুষের হাত দিয়ে! মানুষ মালিক নয়, বাহক—সেবক মাত্র।*

* একটি পচলিত গল্প মূলতঃ লোকসমাজের এক প্রকার ধর্ম ম

বাড়তি টাকা ও চড়া দর ।



আমাদের দেশে দৈনিক বিনিময়ের কাজ চালাইবার জন্য যে পরিমাণ অর্থের প্রয়োজন তাহা গভর্ণমেন্ট তৈয়ারী করাইয়া দেশে চালাইয়া দিয়াছেন । কিন্তু ক্ষেতের ফসল উঠিলে, কেনাবেচা যখন বাড়ে, রপ্তানী বাণিজ্যের যখন ধুম পড়িয়া যায় তখন তো অর্থের পূর্ব পরিমাণে কুলায় না । টাকার টান তখন বাড়িয়া যায় অনেক । কাজেই গভর্ণমেন্ট তখন নূতন টাকা তৈয়ারী করাইয়া দেশের ভিতর চলতি টাকার পরিমাণ বাড়াইয়া দেন । এই বাড়তি টাকার সাহায্যে দেশের সর্বত্র কেনাবেচা সুবিধা মত চলিয়া যায় । কিন্তু, ক্ষেতের নূতন ফসল উঠার দক্ষণ কেনা বেচা যাহা বাড়িয়াছিল, রপ্তানীর যে ধুম পড়িয়াছিল, ছয় মাস পরে তাহা যখন কমিয়া যায়, তখন সে টাকাটা যায় কোথায় ? কেনাবেচা বাড়িবার দক্ষণ গভর্ণমেন্ট যে পরিমাণ টাকাটা বাড়াইয়া দিলেন, কেনাবেচা কমিয়া স্বাভাবিক অবস্থায় আসিলে এই বাড়তি টাকাটার তো আর বিনিময়ের জন্য প্রয়োজন হয় না । তখন তো চলতি টাকার পূর্ব পরিমাণেই দেশের বিনিময় কাজ চলিয়া যায় । তাহা হইলে তখন এই বাড়তি টাকাটা কি হয় ? ইহা তিন উপায়ে বাজার হইতে সরিয়া পড়িতে পারে।—(১) এই বাড়তি টাকাটা যাহাদের হাতে থাকে তাহারা হয়তো উহা ব্যাঙ্কে আমানত রাখিতে পারে, অথবা উহা গভর্ণমেন্টের খাজাঞ্চিখানায় নানা উপায়ে আসিয়া জমা হইতে পারে । (২) উহা বিদেশে চালান হইয়া যাইতে পারে । (৩) অথবা উহা গলাইয়া লোকে অন্য প্রকার অভাব মিটাইতে পারে ।


বিদেশের বণিক বা মহাজনকে যদি ধাতুমুদ্রা দিতে হয়, তাহা হইলে সে তো আমার জাতীয় মুদ্রা গ্রহণ করিতে বাধ্য হইবে না । সে তখন মুদ্রাতে যতটা ধাতু আছে বাজার দর অনুসারে কাছার যাহা মূল্য হয় সেই হিসাবে উহা গ্রহণ করিবে । আমাদের টাকা দেশের ভিতরে কাজ চলার ষোল আনার, কিন্তু উহার মধ্যে রূপা থাকে ষোল আনার চেয়ে ঢের কম । কাজেই আমাদের দেশী টাকা রূপার দরে বিদেশী বণিককে দিতে গেলে, অথবা গলাইয়া অলঙ্কার ইত্যাদি বানাইতে গেলে লোকসান ছাড়া লাভ নাই । সুতরাং এই দুই উপায়ে বাড়তি টাকাটা বাজার হইতে সরিয়া পড়িতে পারে না । আর বাকী থাকিল প্রথম উপায়ে সরিয়া পড়া ।

আমাদের দেশে ব্যাকের সংখ্যা অত্যন্ত কম। দেশের বেশীর ভাগ হইল গ্রাম। ব্যাকের সঙ্গে সম্বন্ধ নাই আমাদের দেশের চৌদ্দ-আনি পল্লীবাসীর। সুতরাং এই বাড়তি টাকাটা যে ব্যাকে বা গভর্ণমেন্টের খাজানিখানায় আসিয়া জমা হইবে সে সুযোগও কম। কাজেই এই বাড়তি টাকার বেশীর ভাগই দেশময় ছড়িয়া থাকে। এই অবস্থাটাকেই মহামতি গোথলে বর্ণিতহিলেন—“The situation is like that of a soil which is waterlogged, which has no efficient drainage and the moisture from which cannot be removed.”

বিনিময়ের প্রয়োজনের চেয়ে যদি দেশে চলতি টাকার পরিমাণ বেশী হয়, তাহা হইলে ডিনিমপত্রের দাম বাড়ে। কেমন করিয়া? সে তত্ত্বটা সুযোগ জুটিলে বারাস্তরে বলবার চেষ্টা করিব।

শ্রীনরেন্দ্রনাথ রায়।

বয়াটে



প্রথম।

(গাঁয়ে)

৫ক

খ'ড়ের পাঠশালার ইস্কুল-পালানো ছেলের দলের পাণ্ডা ছিল ন'ব'নে ওরকে নবনীতমোহন আর মণ্টু ওরকে মন্টিথ ছিল তার সঙ্গী। সঙ্গীকে কাঁধে ক'রে ন'ব'নে সকাল থেকে সারাদিন “শক্তুরের” মুখে ছাই দিয়ে গাঁ ময় ডাং পিটিয়ে বেড়াতো।

এই অপহতা ডানপিটে ছেলেটার উচ্ছৃঙ্খল স্বেচ্ছাচারের বিরুদ্ধে গাঁয়ের সাধারণ পাঁচ জনের কিন্তু কোনো অভিযোগ ছিল না;—বরং কাজে-অকাজে যখন-তখন তাকে ডাকের আগে খাড়া আপন জেনে—ন'ব'নেকে তারা ভালই বাসতো—সবাই।

ঠানদি'দের সে ছিল হাতের লাঠি। হবিষ্যি ঘরে কলাপাত্তা কিম্বা বাঁশচিরে চেলা ক'রে দিত হ'বে—অম্নি ন'ব'নের খেঁজ। দিনে দশবারই হয়তো বাজারে বরান্ড পড়'ছে—ঠানদি'দের

নব্বে-ঘোড়া অমনি টগবগিরে ছুটলো। টুকটাক খুঁটিনাটি, এটা সেটা ফুট-ফরমাসে, বস্ত্রী পুঞ্জোর কলা কি হরির লুটের বাতাসা—মাগার থলের আঁটা বা ঠাট, বট, চকড়ির ঘোড়, বড়ি খাড়া যোগাতে নবীন কানাই হাসিমুখে হাজির আছেন। ঠাকুরদাদের নব্বে ছিল গুড়ুক-বরদার—আর মিষ্টমুখে ডাক দিলে সে সকলেরই—দিন-মজুর। কচি বউ যে লুকিয়ে বাপের বাড়ী চিঠি লিখবে—নব্বে তার পত্র-নবিশ। ছ' মাইল দূরে ডাক্তারের বাড়ী থেকে ওষুধ আনবে কে—না নব্বে। রোগীর ঘরে চোপর রাত বসে জাগতে হবে—তাও নব্বে। আবার সখের যাত্রার দলে সে ছোট গরাস্তর—বারোয়ারী পুজার ছুঁয়া জাঁকতে—নব্বে একের নব্বর—পচা-পুকুরের পানা তুলে ফেলতেও সেই অগ্রনী। তার কাছে বায়ুন বাগদী, হিন্দু, মুসলমান বিভেদ ছিল না—‘কানাই ভাই, নব্বে’ বলে ডেকে যে যাই করতে বলুক—কিশোর নব্বে বুক ফুলিয়ে তখ্খুনি জাতে রাজী।

ঐ কাঁচা বৃকের আবডালে একটা প্রকাণ্ড প্রাণের সাড়া পাওয়া যেতে ব'লেই বোধহয় গাঁয়েরও পাঁচজনও তাদের মনের পাশে নব্বেকে আসন পেতে দিয়েছিল। কিন্তু সকলের প্রাণে আবার “ছোঁড়ার” এ সৌভাগ্য সহ হ'তো না। তাই টেরা কাঙ্ক্ষি চক্রবর্তী, গগপতি চক্রদার, বলাই সরখেল এমনি জন কতক নিষ্কর্মা, নিন্দাবাজ, লোকের নব্বে ছিল ছুই চোখের বালাই। এঁরাই ক'টা নাকি ছিলেন—গাঁয়িক সমাজের টাই—অতি সাধিক লোক—কারণ টেকো মাথার তেলোর—কারোই একগাছিও চুল ছিল না। হাঁ—না কথাতেই “হরি শ্রীমধুসূদনের” নাম করে ধর্মের ধ্বজাখানি কোনোমতে খাড়া রেখেছিলেন। তাঁরা নইলে—গাঁয়ের ধর্ম এতদিনে হনোলুসু কি জুগো প্লোভোকিরায় নির্ঝাসিত হ'ত—শিব, শালগ্রাম সব বোধ হয় একদিনে জমাট বেধে—সাঁড়ার পুল কি কোনো কেটিলিভার ব্রিজের থিলেনে পাথর হ'য়ে থাকতো। ছেলে বুড়া সকলের ওপরেই এঁরা অনাছত মুরুবিয়ানা চাল দিয়ে টিকির জোরে সমাজ টিকিয়ে রেখেছিলেন—নব্বতো সে কোনদিন—কিরপোর হোটেলখানাই হ'য়ে যেতো। আর গাঁয়ের ছেলেদের ভবিষ্যৎ ভেবে বেচারী পরার্থপরদের ছুই চোখের পাতা তো সারারাতেও এক হ'তে পেতো না। তাঁরা মাগার থলের আঙুল পুরে ত্রিসঙ্খ্যা পরের ছেলের কন্দচর্চার অষ্টোত্তর শত কৃষ্ণনাম জপ করতেন—কখনও আবার তাদের ভাবনার কুঁপরে

ফাঁপিয়ে উঠে “ওহো—আহা” আওয়াজ ক’রতে ক’রতে—মালার খঁলেটা শূণ্য ক’রে তুলে কাঠির মতন শুকনো চোখের কোণাটাই মুছে নিতেন।

ন’ব্নে এঁদের নাম দিয়েছিল—“খোয়াড়ে বন্দ।” টেরা কাছির ওপর ছিল তার—ভয়ানক রাগ। কাছিজীই ছিলেন এ-কতী রত্ন-মাণিকের শিরোমণি। তিনি শুধু ছেলের জন্তে ভেবেই অভিভাবকের কর্তব্য শেষ ক’রতেন না—মখন তখনই পাকা বিরিশি সিকে ওজনের কীল, ঘুঁবি, কাননলা ক’ষে দিয়ে—তাদের শাসন ক’রে তবে ছাড়তেন। নবনৌতমোহনও সে বুনো ওলের বাঘা তেঁতুলের ব্যবস্থা জানতো—সে কাছির গাছের ডাব বুনো হ’তে দিতো না—বাড়ীর বাগানের মত চারাগাত গোড়াশুকু কেটে নিকেশ ক’রে দিও। ফাঁক পেলেই কাছির পালশুকু গরু ধ’রে নিয়ে গিয়ে ছ’ মাইল দূরে খোয়াড়ে দিয়ে আসতো।

ন’ব্নের প্রধান শত্রু ছিল ভুঁড়িমোটা, টিকি ঝোলানো: বেটে, মোটা একটা জীব। সেটা খড়ের চৌপাঠীর মহীরাবণ মহিন পণ্ডিত। মার চেয়েও যেমত তার বোনের দরদ বেশী তেমনি ন’ব্নের পিতামার চিন্তায় তার বাবার চেয়েও মহিম ছিলেন বেশী উষ্ণ। ন’ব্নেকে তার নামের মার্কানার কেবোদিন কাছির ওপর গর হাজির দেখলেই মহিম, জোয়ান জোয়ান জন চারেক ছেলে পাঠিয়ে দিত ন’ব্নেকে শূণ্য শূণ্য নিয়ে আসবার জন্তে। তারাও অগ্রমনস্ক, অসাবধান ন’ব্নেকে হঠাৎ চিনের মত ছেঁা দিয়ে নিয়ে যেই পাঠশালায় হাজির ক’রে দিত—মহিন অম্নি গুড়ুকু খুঁটি ঠেস দিয়ে রেখে গর্জে লাফিয়ে উঠে হাঁক ছাড়লেন—“কিরে ইস্কুল পালিয়ে—মত্তা মার্কানি করা হয়—বুঝি?” সঙ্গে সঙ্গে সে সোওয়া হাত লম্বা খেজুর ছড়ি—নব্নের পিঠের ওপর সপাং সপাং শব্দ তুলে দিল—ন’ব্নেও ডুকরে চেঁচিয়ে উঠলো—“ও রে বাবারে বাবা!—মহিম মেটেল পিঠের হাড়ে খোয়া ভাঙলে রে—বাবা!” মহিম রাগে একেবারে নিসপিস হ’রে চেঁচিয়ে উঠলেন—“কিরে বেটা, মহিন মেটেল?”—আবার পিঠের ওপর ছড়ির দ্রুত আঘাতের শব্দ—সপ্—সপ্—সপাং।

কিন্তু এ নির্মম শাসনের কড়া আঘাতগুলো নব্নের পিঠের ওপরেই কাল শিরের নীল হ’রে উঠতো ছাড়া—তার মনের ওপর কোনো দাগ রেখে যেতে পারতো না। এই রকমের হরদম মারপিটে—ন’ব্নেকে পড়াশুনার মনোযোগী না ক’রে—বরং পণ্ডিত আর তার জোয়ান ছাত্রদের বিরুদ্ধে তাকে বিদ্রোহীই ক’রে তুলো। সে উপায় ঠাওর ক’রতে লেগে গেল—কি

রকম ক'রে এদের জল করা যায়। রেমো, খেবলু, ছলিম আর চে'টুকে নিয়ে সে এক দল পাকালে। কুমোর বাড়ী থেকে এক তাল মাটী নিয়ে এসে মারবেলের মত গোল গোল গুলি তৈরি ক'রলে—বাঁশ কেটে চে'ছে খুব মজবুত মতন এক বাঁটল গ'ড়লে।

দলের চারজনই ন'ব'নেকে সর্দার ব'লে ডাক্তো—ছপুরটা হ'তেই সর্দার মিত্রির বাড়ীর পেছনে আমবাগানে দল নিয়ে গিয়ে ব'স'তো। চার সাঙাত চার কোণায় প্রহরী খাড়া থেকে দেখ'তো—মহিম পণ্ডিতের গাট্টা গোট্টা ছেলের দল—খবরদার না এসে পড়ে। সর্দার ইতিমধ্যে খাট থেকে গোটা দুই ঘোড়া ধ'রে এনে দুই দুইজন ক'রে তার ওপর তুলে—হস' রেস দিত—কি বোসের সার্কাস ক'র'তো। যে “ফাষ্ট” হ'তো মিত্রির বাড়ীর ছোট ঠানদির কাছ থেকে মোরা, বুড়কী কি নারকেলের নাড়ু চেয়ে এনে—তাকে “প্রাইজ” দিয়ে খেলাটাকে বেশ লোভনীয় ক'রে তুলেছিল।

এই রকম একদিন খেবলু পূব দিকে পাহারায় আছে—সর্দার গেছে—ঘোড়া ধ'র'তে!—এর ভেতর—ঝোপে ঝোপে গা ঢেকে আন্তে আন্তে কারা যেন এগিয়ে আসছে! ওরে ওই চার জনই তো রে! ঐ যে মাথার চুল দেখা যাচ্ছে!—টুক ক'রে বনতুলসীর ঝোপটার ওপর দিয়ে মাথাটা একটুখানি উঠে প'ড়েছে যে! ঐ তো মহিম পণ্ডিতের—“সিভিল গার্ডের” দল! খেবলু দেখেই তার সাটের সাবধান শব্দ উচ্চারণ ক'রে উঠ'লো—“চিচিং ফ'াক!” সঙ্গে সঙ্গে আঙুল তুলে সেই দিকটা দেখিয়ে দিলো। ন'ব'নে হাওয়ার মতন ছুটে এসে দাঁড়িয়েই—ঝ'ক'রে সেই লক্ষ্যে—টং করে বাঁটল ছুঁড়ে দিলে। অমনি কে চে'টিয়ে উঠ'লো—“বাবারে গেলুমরে—মেরে কেলেরে।”

এদিকে ন'ব'নের সাঙাতের দল—সর্দারের তারিফ ক'রে হাততালি দিয়ে—“ঠিক লেগেছেরে ঠিক ব'সিয়ে দিয়েছে” ব'লে হৈ হৈ ক'রে উঠ'লো। ন'ব'নে একটুখানি মুত্কী হেসে জবাব দিলে—“দেখ'লি তো—একেবারে টাই ক'রে টিকি সহ ক'রেছি।”

“হ্যাঁ হ্যাঁ—ঠিক টিকি সহ”—ব'লে চে'টু হো হো ক'রে হেসে—আর একদফা হাততালি দিয়ে নিলে।

এর মধ্যে ঝোপের ভেতর খুব “সর্ সর্” শব্দ হ'তে লাগ'লো—কারা যেন দৌড়াচ্ছে। ন'ব'নে—ওদিক পানে তাকিয়েই বলে—“ঐ রে—তিন বেটা পালাচ্ছে—দেখেছিস—ভীক'র দল—চল্ চল্ দেখিগে তো—ওর যদি সাংঘাতিকই লেগে থাকে।”

অম্বনি সন্দেহে ন'বনে দৌড়ে গিয়ে দেখে—ওকনো বরা পাজার রাসের উপর দৌড়ে কোঁড় হ'রে প'ড়ে হ'রেছো। বাটুলের গুলি তার পিঠে লেগেছিল—গোল হ'রে খানিকটা জায়গাই চামড়া খেঁতলে লালচে ছোপ মেরে উঠেছে—রক্ত জ'মে জায়গাটা ফুলে উঠেছিল। ন'বনে তার পাশে ব'সে প'ড়েই—ছকুম ক'রলে—“এই রেমো—খেবলো দৌড়ে শীগ'গির জল নিয়ে আয়।” ওরা জল আনতে ছুটে গেল—ন'বনে তার পিঠে হাত বোলাতে লাগলো। কাপড় ঠিকিয়ে খেবলু জল নিয়ে এসে চিপে চিপে খানিকটা জলের ধার দিলে—যেদো অনেকটা আরাম বোধ ক'রল। “সে উঠে ব'সতেই ন'বনে তার হাত ছুখানা ধ'রে ব'ললে—“আমার কমা কর যেনো—তো'র ওপর আমার মাইরি কোন রাগ ছিল না—যত রাগ ঐ ভুঁড়েল মহিমটার ওপর,—বলু কমা ক'রলি তো ভাই।”

বেদো ব'ললে—“হঁ।”

ন'বনে ব'লে—“এই রেমো—বেদোকে আজ তিন গণ্ডা পেয়া'রা আর ছ'গণ্ডা লিচু নিয়ে দিবি বুঝলি ?”

রেমো ব'ললে—“ভুঁড়ে মহিমের গাছ থেকে।”

ন'বনে জবাব ক'রলে—“হঁ। যেমানুম।”

এর মধ্যে কোথার ছিল টেরা কাছি—রনবানাত্ত জেঙে হাঁকাতে হাঁকাতে ছুটে এসে নবনের হাত চেপে ধরেই—প্রথম ঠাস ঠাস তিনটে চাপড় বসির দিলে—বলে—“চল—মহিমের কাছে। বজ্রাত ছেলে বাটল মেরে মারু'র খুন করা দিখছ ? সেখাছি আজ মহিমকে দিবে মজা। বলে ন'বনেকে টেনে হিঁচড়ে নিয়ে চললো।

তারপর আবার এক পত্তন-মারামারি-নবনের পিঠে—হাড় একজায়গার মাস একজায়গার ক'রে মহিম তার সূশাসন করলে। নবনেও তখ'খনি অম্বনি বেরিয়ে এসে কাছিকে শাসিয়ে গেল—“খাবে না—আমাদের পাজার—বাশতলার রাস্তার ? যেয়ো-না আজ—বেঁড়ে কুকুর লেগিয়ে দোব—মাস হিঁড়ে খাবে।”

কাছিও মনে মনে একটু ভীত হ'রেই বাড়ী গেল।

ন'বনে পিঠের কাছাকাছি আঁক গোটকরা কিসে যিরে বাড়ীতে গিয়ে হাঁড়তেই—সখা হাঁক দিলে উঠলেন—“কি রে শকুরের গোটের কাঁটা—বাড়ী এসেহিন্ মূখগা'র লক্ষা কনক

কাড়ি গিলতে আসতে ? সারাদিন আর বাগানে মতানি গোসানী করে—পরের হেলের পিঠে বাটুল মেরে এখন এসেছিস আমার হাড়-গোড় ভোর চোক পুঙ্খের মাস চিবোতে ? বেরো হাড়হাবাতে হারানজাদা—”

নব্'নে সে গাল গারেও লাগালে না, তাছিলো হেসে বে'রে গিরে ন'ঠানদির কাছ থেকে এক আ'ঙ্গল মুড়ি চেয়ে নিরে খেয়ে—তার টাকরাসে পৈতের স্তো কাটতে লাগলো। চাবুকের ধারে পিঠের কাটা গু:সার মুখে তখনো জিরি জিরি রক্ত বেরোছিল—ন'ঠান দি দেখে ব'লে উঠ'সেন—“আহা—লক্ষীছাড়া অপহতা মহিমে জ্ঞান ক'রে মেরেছে রে—স্যা' ?”

নব'নে মুচকী হেসে বলে :—“হ্যা' ঠানদি”—তার পরেই মুখ গভীর ক'রে ব'লে—“আম ঠানদি—সব দোষ ঐ শালার—”

ঠানদি—আরো ছবার “আহা আহা” ক'রে জিজ্ঞেস করলেন :—“কায় রে দোষ কানাই ?”

নব'নে জবাব দিলে—“ঐ শালা কাছিক—অতবড় পাতি আর ছটা নেই ঠান দি ! এদিকে ধর ফলিরে বেড়ায়—ও'রে তো বুড়া মাকে না খাইরে মেরেছে—বিধবা বোনটাকে দিরে দাসীবা'দীর মত খাটয়ে ত নেরই তার ওপর মেথরাগীর কাজ করায়—একমুঠো ভাতের জন্যে না তার এই খোরারী—আহা বেচারি !”

ঠানদি বললেন সত্যি রে নব'নে ওটা রাকস—ব্রহ্মদৈত্য—ওর পরকালে নয়ককুণ্ডে পোকা হ'রে পচ'তে হবে ।”

ঠানদির মুখের “ব্রহ্মদৈত্য” কথাটা নব'নের মাথার ভেতর গিরে তড়াক ক'রে খেরালের মুখে দেয়ালী জ্বলে দিলে বেন। সে ঠানদির স্তো কেটে দিরেই—খেলুর কাছে গিরে একটা কি যুক্তি এ'টে এল।

তার পরদিন—কাছি গেছ'লো—কান-সোনার খিঙে বসী না কি কোন স্তবচনী ব্রত করাত্তে নব'নে জান'তো—তার ফিরতে ছ'দণ্ড অন্ততঃ রাত হবে ।

বাশবাড়ের তলা দিগেই পথ—চার পাশের বড় বড় গাছের নিবিড় পত্রছায়ার আয়গাটা ঘুরঘুট অন্ধকার। কাছি এক হাঁড়ি দই গামছার বেধে নিরে হাঁই হাঁই করে আসছে। হঠাৎ বাশবাড়ের ভেতর কি ঘেস কুর কুর ক'রে গু'ড়োর মতন কতকগুলো ধরে প'লো—সঙ্গে সঙ্গে একটা কি কটকট কটাৎ শব্দ পাঁচ সাতটা বাশের গায় ঠক'ঠকিরে উঠ'লো। কাছি একই

ধম্কে দাঁড়িয়েই—আবার বেই চলতে আরম্ভ করেছে অমনি বাশ বনের ভেতর থেকে—কে নাকি সুরে ডাকলো—“ও কাহ্নি কাহ্নি” । কাহ্নিতো শুনে ধরধরি কাপুনি । বাশবন থেকে আবার বলো—“কইরে কাহ্নি—আমার তৌ খাশা দই খাওরাগি নে—আজ বাগে পেয়েছি আজ তৌর মার্থা খাব ।”

কাহ্নির একবার “রাম” বলই তার পরের “রামের” “রা-ও” আর বেয়োলো না—ওরে বা—আ—আ—করেই—একবারে ধপাস্ !

নব্নে শক শুনে তাড়াতাড়ি ছুটে এসে ব'ললে “আরে চকোত্তি খুড়ো বে—কি হয়েছে কি হয়েছে ?” কাহ্নির মুখে রা নেই । নব্নে খুব গোটা কত ঝাঁকি মেয়ে ডাকলে চকোত্তি খুড়ো চকোত্তি খুড়ো—

কাহ্নির একটুখানি সংলা ফিরে আসতেই সে তু “উ উ উ” বা-বাশক করে আবার চুপ ! নব্নে ভাবলে—কাহ্নি বেটা ভরে অজ্ঞান হ'রে গিয়েছে । তাড়া তাড়ি ছুটে গিয়ে বাড়ীথেকে এক গাড়ু জল নিয়ে এসে তার চোখে মুখে ঝাপটা দিতে লাগলো—একটু পরে কাহ্নির জ্ঞান হল—ধরাধরি করে তাদের বাড়ী নিয়ে গিয়ে বাত'স-টাভাস করে ঠাণ্ডা করলে । কাহ্নি বললে—“তুত তার দই খেতে চেয়েছিল—তা দেয় নি বলে আজ তার মাথা খেতে এসেছিল।” নব্নে কোনো মতে হাসি চেপে ব'ললে—“কিছু নয় চকোত্তি খুড়ো, ও আপনার মনের ভুল—চলুন তো লঠন দিয়ে দেখি কোথায় ভুল ।”

কাহ্নি বললে “আরে সেকি আর এতক্ষণও সেখানে আছে ও ব্রহ্মদৈত্যের বাশবাড় ওখানে ছা-পো নিয়ে চারটে ব্রহ্মদৈত্য থাকে—সেই ঠাকুরদের আমল থেকে শুনে আসছি ।”

নব্নে বললে—“তা থাক খুড়ো, চলুন আমি আপনাকে বাড়ী এগিয়ে দিয়ে আসি ।”

“চল বাবা নব্নে”—তুই আজ প্রাণে বাচালি বাবা—কিছু নব্নে—দইখানা একেবারে গড়িয়ে গেছে রে ।”

নব্নে প্রাণের হো হো হাসিটা দাঁত মুখ খিঁচে চেপে নিয়ে ব'ললে “ভালই হয়েছে খুড়ো, ব্রহ্মদৈত্য ঐতো দই খেলে আর আপনাকে কিছু বলবে না ।”

বাড়ীর ভেতর ওদিকে রার বাধিনীর গুরু-গর্জন শোনা যাচ্ছিল। নব্বনের সংমা চেঁচিয়ে চেঁচিয়ে নব্বনেরই চোদ্দ পুরুষ উদ্ধার করছিলেন কারণ তার ভাতের কাড়ি আগলে রাত ছপুরু অবধি কে বসে থাকবে ?

কাছির আর নব্বনে এমন সময় সদর আড়িনা থেকে ভেতরে এসে পড়ল। কাছির বাড়ীতে যাবার ভেতর বাড়ী দ্বিধেই সোজা পথ। নব্বনকে দেখেই—ডাকিনী মায়ের ক্রোধ মাথার উঠলো তিনি বলে উঠলেন—“কী:—গিলতে হবে না আঙ্গ?—বাপ বাদী কিনে এনে ছ না কি যে তোমার জন্যে হাঁড়ির গলা ধরে সারারাত বসে থাকবো! গিলবি তো গিলে যা—নইলে ও পিণ্ডির কাড়ি দেব আন্তুকুড়ে ফেলে।”

কাছির বললে—“বৌঠান শোন আগে বাশঝাড়ে ভুত—”

সংমা জবাব কিছু না দিতেই নব্বনে বললে—“গিলবো না—দাগে না আন্তুকুড়ে ফেলে—কুকুর, শ্যালও খাবে ঐ একই কথা,—আমিও বা কুকুর-শ্যাল ও তাই।”

কাছির বললে—“আরে শোন না, বৌঠান!”

সংমা বললেন—“সে কথা কি একবার বলতে রে বেইমানের গুটীর ঠুনো, সতীনের পেটের আঁটকুড়ে কাঁটা, আমার গা-জ্বালার জড়া—তুই শ্যাল শ্যাল শ্যাল; কুকুর তুই; আসিস কেন জেলিরে জেলিরে পাতরা মারতে ?

নব্বনে বেপরোয়ার মতন উত্তর দিলে—“গিলি তো আমার বাবার পরসার—তোমার বাপ, খুড়ো, চোদ্দপুরুষের ট্যাঁকে তো হাত পড়ে নি—অমন কপ্‌চাও কেন সব সময় ?”

কথা শুনে—সংমা “ওরে বাবারে” বলে একটা জিগ্‌গির ছেড়ে আকাশের বুক কাটা গর্জন ধ্বনির মত একটা বিকট আওয়াজে কাছিকে ডেকে বললে—“দেখুলে তো ঠাকুরপো,” পাড়ার লোকে মনে করলো একটা খুন খরাবত বা ভয়ানক কিছুই হয়ে গেল।

কাছির এতক্ষণ ছ এক কথা বলে নব্বনের ওপর এ গালির গুলি বর্ষণ মনে মনে উপভোগই করছিল এবার জবাব করলো “দেখছি তো—বৌঠান,—দেখে আমার ভুতের হাতে খোয়াড়ীর কথা অবধি ভুলে গেলাম।”

সংমা বললেন—“ভুত, ভুতগো ঠাকুরপো, পীরদানার ছানা আমাকে খাবে—আমার ছেলেটাকে খাবে”—

নব্নে তার ছুঁহাতে কাছির ডান হাতখানা টেনে বললে—“আম্ন চকোত্তি খুঁড়ে আপনাকে আগয়ে দিবে আসি।”

ওরা যেতে লাগলো সংমা টেঁচিরে টেঁচিরে বলতে লাগলেন—“আজ ছাই দোব আসিস্—আঙরার কাঁড়ি ধরে দোব—হারানজাদা, বজ্জাত, নচ্চার।”

খানিকক্ষণ পরে কিরে এসে নব্নে খেতে বসলো যখন তার মনে তখন রাগ কি লাহ্না কিছুই ছিল না। একটু আগের ঘটনাটাকে আস্তে আস্তেই সে রাস্তার হাওয়ার ভাপিয়ে দিবে এসেছিল। কিন্তু সংমা নব্বনের ওপর আজ ভীষণ প্রতিশোধই নিলেন। ভাতের খাশখানা সামনে দিয়ে আর কিছু না বলে গস্তীর মুখে দাঁড়ালেন—চোখের পাশ দিয়ে তার পৈশাচিক হাসি নির্দয় খেলা খেলছিল।

নব্বনে দেখলে সত্যি ক'রেই একখালা ছাই। বেচারী নীরবে সংমার বুকের পানে একবার উপায়হীনের মত উদাস চোখের বিস্ফারিত দৃষ্টিটা তুলে তাকিয়ে ধীরে ধীরে রাস্তার বাইরে এল। সংমার মনে কিন্তু নব্বনের নীরবতা একটা বিকট উপেক্ষার মত রুঢ় হ'য়ে লাগলো—তিনি টেঁচিরে ব'লে উঠলেন—“চল্লি যে খেলিনে? তোর গুস্তীর পিণ্ডি চুঁকে গিল্লি না? বড় যে বাপ তুলিছিলি কই ডাকনা তোর বাপকে দেখি।”

নব্বনে আর বরষান্ত করতে পারলে না! কথা শুনে ধাঁ ক'লে ফিরে দাঁড়িয়ে ঝড়ের মত ঝটিতি পা থেকে এক পাটি খড়ম খুলে নিয়ে—“বেটি, আজ খড়ম মেয়ে তোর এক পাটি দাঁত ছেঁতে দোব দেখি, তোর কোন্ বাবা, আমার ঠেকার ব'লে খড়ম নিয়ে তাড়া ক'রে ছুটে আসতেই সংমাও ভয়ে বিষয়ে দৌড়ে ঘরের মধ্যে গিয়ে দোর খিল বন্ধ ক'রে দিলেন।

তার একচালাখানার ভেতর ফিরে এসে সারারাত জেমে ব'সে নব্বনে অনেক কথা সব ভাবলে, খানিকক্ষণ নিজের মনেই ফুপিয়ে ফুপিয়ে কাঁদলে, তারপর অবসন্ন দেহ-মনে ঘুমিয়ে বড়কো যখন ভখন ভোরের হাওয়া দিতে শুরু করেছিল। উঠতে নব্বনের চের বেলা হয়ে গেল। উঠেই বাশবাড়ে কাছির নামদো ভুতের কথা নিয়ে হাস্যহাসি করবার জন্যে খেবলুড় বাঁড়ীর দিকে চলে গেল। গস্ত রাস্তার ছুঁটনার কথা তখন আর তার মনে নেই—কিধের কট্টাও তখন কিছু বোধ হ'ছিল না।

বাড়ী থেকে বেরিয়েই শুনুলো গাঁয়ের সদর হালট থেকে আওয়াজ আসছে—“বাত ভাল—ও
করি—বিব, ব্যাখা ঝাড়ি—চুপি লাগাই—লৌ চুপি—বা—আ—আত ভাল—

নব্নে তাড়াতাড়ি এগিরে গিরে দেখে এক বেদে আর তিন বেদেনী চলেছে—বাত ভা-আ-
আ-লো হেঁকে। তাদের বগনে এক একটা কঁরে ঝোলা—বেদেনীদের মাথায় আবার ঝাঁপিও
আছে—এক একটা। সব পেছনের বুড়া বেদেনীটা একটা কালো মিন্‌নিসে উন্নকের ছানা
টেনে নিরে চলেছে—৫ টাও ঐ লৌ-চু-উ-উক্কি সঙ্গে সঙ্গে এক একবার “হকু হকু হকু হ-উ
উ-কু” করে টেঁচিয়ে উঠছে।

উন্নকের বাচ্ছাটা দেখে নব্বনের বড় ভালি লাগলো—তার ভারি ইচ্ছে হল—ঐ বাচ্ছাটা
কেনে। অনেকক্ষণ ওদের পেছনে পেছনে চিরে জিগ্‌গেব ক’লে “ও বেদেনি—এ হকুটা
ভোর কত দিনের গে?”

“হু মাসের বাবু”

“বেচু বি?”

“বেচু বে—কত দাম দিতে পারিস?”

“কত চাস?”

“হু টাকা।”

“আচ্ছা তুই একটু খানি দাঁড়া। আমি ওটা কিন্বো—চুঁটাকাই মোব—কিন্তু খবরদার
আর কারকে বেচিসনি।” বলে নব্বনে তাড়াতাড়ি ছুটে বাড়ীতে গিরে তার নাগপুরী
ছিটের ডবল ব্রেট কোটটা নিরে এল। বড় সখ ক’রে—মাস খানেক আগে বাবার কাছে
অনক ক’রে চেয়ে চেয়ে টাকা নিরে কোটটা নব্বনে তৈরি ক’রেছিল। কাহু কাকার আবার
কোটটা দেখে খুব পছন্দ হ’রেছিল—কিন্তু নব্বনে প্রাণ ধ’রে সেটাকে এক টাকা লাভ নিরেও
বেচতে রাজী হয়নি। আজ এক টাকা লোকসান দিয়েই—দৌড়ে গিরে কাহু কাকার কাছে
চুঁটাকার তার মাথের কোটটা বিক্রি ক’রে—সেই টাকার উন্নক কিনলে। বেদেনী—টাকা
গেজের পুরে বা-আ-আত ভা-আ-আ-লো করতে তার রাস্তায় চলে গেল।

নব্বনে উন্নক কাঁখে ক’রে একছুটে একেবারে ন’ঠানদির বাড়ী। “ঠানদি, দেখ আমি
একটা উন্নক কিনেছি—দীপ গির এক ছড়া কলা দাও।”

ঠান্দি হেসে উঠে বলেন :—“বেশ ক’রেছিস,—এতদিনে একটা মনের মতন সঙ্গী পেলা—
যাহোক” ।

উল্লুককে কলা ধাইয়ে ন’ব্নে মনের আনন্দে গান গাইতে গাইতে চ’ল’লো—মহিম পণ্ডিতের
বাড়ী । মনে মনে ব’লতে ব’লতে গেল—“খাম্ না ভুঁড়েল ব’হিম, তোমার কলাখাড়া এবার এই
উল্লুক দিয়ে শেষ ক’বাবো না ।”

পণ্ডিত তো উল্লুক দেখেই একেবারে তেলে বেগুনে অলে উঠে গর্জন ক’রে উঠলেন—
আবার একটা উল্লুক নিয়ে এসেছিস—বেল্লিক, বজ্জাত—কাল তোকে লাগাণো—দশছটা—
আর উল্লুককে পাঁচ ।”

নব্নে ছোট্ট ক’রে—পণ্ডিত বেন শুন্তে পার ও আবার পার না—এমনি ভাবে “আর উল্লুক
তোমার ভুঁড়িতে মাঝবে ছ’খাম্চা” ব’লে সেখান থেকে ছুটে রাস্তার নেমে এসে উল্লুককে পিঠে
একটা আদরের খাবড়া মেরে ব’লে গা-না বেটা,—“নিমেবেরি তরে—সরমে বাধিল—বলি, বলি,
বলা হ’ল না”—গান-গা । উল্লুক আদরটাকে অত্যাচার মনে ক’রে খোঁ খোঁ ক’রে উঠলো ।

এর মধ্যে ছেলের পাল তার পেছনে ছুটে গিয়েছিল ।

খেল ছলিম চেংটু, রেখো, মেখো সবাই—এসে উল্লুককে ভেঁঙাছিল—উল্লুককে উত্তরে বুধ ব্যাকা
ক’রে ভিরকুঠি ক’রে উঠতেই ওরা এক সঙ্গে হাততালি দিয়ে হৈ হৈ শব্দে গাঁয়ের চারদিকে
গমগম আওয়াজ তুলছিল । নব্নে তাদের শাসন ক’রে, বুঝিয়ে মানিয়ে, খামিয়ে রাখছিল ;—
ভর দেখাছিল—“এই দ্যাখ্ চাটি মেরে মাথা ভেঙ্গে দোব—খানিস—উল্লুক যদি পালার ।”

ক্রমে ছেলের দল আর উল্লুক এবং তার নতুন প্রভু নব্নে বৃহস্পতি স্থনিয়ার ডেরার কাছে
এসে পৌছলো । গোলমাল হৈ চৈ শুনে সন্ন্যাসীক বৃহস্পতি বেরিয়ে এসে হেসে ব’লে উঠলেন—
“আর দেখো হো ঠগুরাকা মাতারি”—

ঠগুরাকা মাতারি চেঁচিয়ে উঠলেন—“আরে হাঁহো—এ দাদা, ইতো হুম্মন বুঝার ।”

বৃহস্পতি মংশোধন ক’রে ব’লে—“নেই নেই হো—কারা বান্দর ।”

“হাঁ হাঁ বান্দর” ব’লে—ঠগুরা মাতারি তাঁর নেংড়া পায়ের ওপর টেঙস পেড়ে উঠে
কোমরের ওপর টুকু মৌং স্থলিরে তুললেন আর বৃহস্পতি ব’ পারে পেঁচিয়ে তার কাছটীতে এগিয়ে
ধাঁড়কেন ।

—এই বৃহস্পতিগী কোন শীতে একদিন যেন ছাপরা জেলা থেকে মালী কটতে এই ঝাংরে এসে
একটা কুঁড়ে বেঁধে বাসা ক'রে ব'সেছিলেন। ক্রমে যিবে দুই জনি দখল ক'রে নিরে—আরো
দুই হিন্দুহানী জুটেতে তাদের ওপর জমিদারী চালাতে হ'ল ক'রনের। খাজনা টোজনা বা—তা
ক'র দুই কেটা গোবেচারী দিত—তিনি বিনি খরচার বহাগ-ত-বিগতে খাসা বাস ক'রতেন। ব'ল্লে
ব'ল্লে—“দুই বিঘা দুই ধুর জমি আছে কিনা—হানিতো ঐ ধুরে মে থাকি।”

বৃহস্পতির পোষা ছিল পাঁচটা। একটা স্ত্রী—নেংড়া। একটা ছেলে—মুনো। গরু
একটা—বেঁড়ে; ষোড় একটা সামনের পা টেনে কেলেতা—আর একটা ছাগল—কানা। তিনি
নিজে—ডান পাটা আধ বিঘতটাক ছোট ব'লে ব'। দিকে বেঁকিয়ে নেংড়িয়ে চলেন। নব্বোকে
বৃহস্পতি কিন্তু বড় ভাল বাসতো—“খোকী বাবু” ব'লে ডেকে ব'। কেটে লাঠি তৈয়ার ক'রে
দিত—বাঁটুলের বাকারি চেঁচে দিত—কৌননা দোলাবার জনো—দড়ি পাকিয়ে দিত। নব্বনেও
তার ছাগল, গরু, ষোড়ার তখিত তদারক ক'রে—বন্ধু বজার রাখতে ভুলত না।

উমুক দেখে বৃহস্পতি ব'লে—“এ খোকী বাবু—ইস্কে হাম—কসরং শিখায়েগা।”

“হু হু বাবী হেবে” ব'লে তার গিল্লি হো হো ক'লে দাত বার ক'রে হেসে উঠলেন।

নব্বনেও হেসে উঠে ব'ল্লে—“ওত মনিং মাদান—সাটার ডে।”

নব্বনে বৃহস্পতির নাম রেখেছিল—“সেন্ট থাস ডে”—আর তার গিল্লির নাম ছিল শমিচরী—
নব্বনে তাকে ক'রেছিল—“মাদান সাটার ডে।”

সেটের বাড়ী ছাড়িয়ে খেবলুদের দোর গোড়ায়—এসে নব্বনে ব'ল্লে “খেবলু আজ উমুকর
নামকরণ হবে ছপুয়ে আমবাগানে,—তোরি সব যাবি।”

বন্ধুর কাছে বিদায় নিরে নব্বনে—খেতে বাড়ীর দিকে, চললো। হঠাৎ গোছে মাক্কিরের
কথা মনে প'ড়তেই কে যেন তার বুকের ওপর দিবে লড়া লড়ি এক খানি কুকুরি চাঙ্গিরে দিলে।
সেই খানা ডরা ছাই!—আজো খেতে গেলে সৎমা যদি খালু তুরে ছাই কেড়ে দেয়। রেচারীর
চোখ দিবে বর বর ক'রে জল ক'রে এলো। কিন্তু কাপড়ের খেঁচাই জখনি আবার সু জল মুছে
নিরে—নিজের মনেই একবার হেসে খেবলুদের বাড়ী ফিরে এসে তার সঙ্গেই খেতে ব'সে গেল।

তা'পর ছুপরবেলা—অনেক সার্কাস, হস'রেস, সখের যাত্রাগান, বহুরূপী সং হবার পর—
উল্লুকের নাম রাখা হ'ল। নব'নে নাম ঠিক ক'রে ব'লে—“ওর বাঙ্গলা নাম মণ্ট—আর
সাহেবী নাম—মন্টিথ।

সেই মন্টিথই নব'নের সঙ্গী। স্তবরাং সেটী মানুষ নয়—উল্লুক।

ছুই

মাস ছুই আর নব'নে বাড়ীতে গেল-ও না—খেলোও না। এবাড়ী সেবাড়ী যখন যেদিন
যেখানে সুবিধে পেত পেটের তাগিদ মিটিয়ে নিয়ে,—উল্লুকটীকে কাঁধে ক'রে দিনমান টো টো
ক'রে বেড়াতো। রাত্তিরে যেখানেই হ'ক—যা'ই হ'ক—চেটাই কি সতরঞ্চি—তারই ওপর প'ড়ে
বেছ'সে ঘুমোতো। সকাল হ'লেই সঙ্গীটীকে কাঁধে নিশে বেরিয়ে প'ড়তো গাঁয়ের রাস্তায়। হরি
কামারের কুরায় নেবে তার কলসী তুলে দিয়েছিল ব'লে—সে নব'নের প্রাণের সঙ্গী সেই
উল্লুকটীর জন্যে সরু একগাছি শেকল গ'ড়ে দিয়েছিল। রাত্তিরে সেই শেকল দিয়ে তাকে
নিজের পাশেই; ঘরের খামে টামে বে'ধে রেখে ঘুমোতো। সকালে উঠেই শেকলগাছা পুলে
দিয়ে জল নিয়ে খুব ক'রে উল্লুকের গলাটা ড'লে তার ব'ঁধন ব্যথা লঘু ক'রে দেবার যথাসাধ্য
চেষ্টা ক'রতো। কত ক'রেই যে সে উল্লুককে নব'নে আদর ক'রতো!—“আহা!—তোয়
লেগেছে” ব'লে দুঃখ ক'রতো—পশু হ'য়ে জ'ন্মেছিল ব'লে তার কপালের মন্দ ভেবে আক্ষেপ
ক'রে—বিধাতাকে আপন মতলবী ব'লে গালাগালি দিতেও ছাড়'তো না। ঈশ্বরের একচোখো
ভালবাসা ব'লে তাঁকে—সে অস্বীকার ক'রতেই চাইত—স্পষ্ট ব'লতো যে “নইলে কাঙ্ছিকে তিনি
ক'রলেন মানুষ—আর মন্টিথ হল উল্লুক।”

যতদিন গাছে ফল-ফলারি ছিল “মণ্টুর” পেট ভ'রে খাবার অভাব হ'লো না। ন'ব'নকেও
খাওয়ার ক্লেশ তেমন পেতে হয় না—দুঃখ কি দরদ কিছু যে তার মনের কোন্ গোপন প্রান্তে
বিষম একটা অমুভবের বিষ ছড়িয়ে যেতে পারে এমন সম্ভাবনাও একটু ছিল না। তার মা'ত
এতদিন বালাই গেছে মনে ক'রে বেশ নিশ্চিন্তই দিন-রাত কাটাচ্ছিলেন। বাবাও অনেক দিন
ছেলের বিশেষ কিছু খবর-বার্তা করেন নি। শেষ-মেশ অনেক দিন পরে ব'লে ক'রে আবার

তাকে বাড়ী ফিরিয়ে নিয়ে গেলেন। সৎমা বললে—“নিজের থাকবার নেই ঠাই শঙ্করার মাকে মাঝে শোয়াই—হায়রে বলিহারি বাই ছেলে! আবার একটা উল্লুক জুটিয়ে কাঁধে ক’রে যোৱেন—ওর পাত্ৰা কে যোগাবে?”

ন’ব্নে সে কথার আর কোনো জবাব ক’রলে না। চির পুরোণো সেই গালি গালাজ, গজবী কাঁদাকাটীর কলরোল আর বিমাতার ঝঙ্কত—ঝাঁঝাল ভঙ্গী ভড়ংএর ভেতরই ন’ব্নের কৈশোরের পলিত দিনগুলো একটানা কেটে গেল—আস্তে আস্তে দেহ-মনে তার পুষ্পিত রেণু মধু নিয়ে যৌবন আসন্ন হ’য়ে দেখা দিল—কানে কানে এখন কে যেন অজ্ঞাত কি যেন সে কল্পলোকের রঙিন কথা চকিতে শুনিয়া স্বপ্নে-দেখা রূপসীর মত চমকিয়ে রেখে পালিয়ে যায়।

এর মধ্যে ন’ব্নের বাবার শত্রু অসুখ হ’ল। সে ব্যাধির হাতে তিনি আর নিষ্কৃতি পেলেন না—তাঁর সে দ্বিতীয় পক্ষের প্রগল্ভ,—বয়সী স্ত্রী আর নানা হুংখে অশান্তিময় সংসার ফেলে চির-শান্তির রাজ্যে চলে গেলেন।

ন’ব্নেই হ’ল—এখন বাড়ীর কর্তা। সৎমা আর দিন কতক তাকে কিছু বল্লেন না—শেষে আবার যেমন—তেমনি আরম্ভ হ’ল।

নব্নে এখন একেবারেই স্বাধীন। তবু যা হোক একটু আধটু বাধা বাধন এতদিন তাকে কিছু অন্ততঃ আটকে ধ’রে রেখেছিল। আজ সে সব ভেঙে চূড়ে ছিঁড়ে খুঁড়ে গিয়েছে। এখন সে তার—আর তার সেই উল্লুকটী। উল্লুককে কাঁধে ক’রে গাঁয়ের প্রত্যেক বাড়ী, বাঁশ ঝাড়, কলা-ঝোপ, তাকে চিনিয়েছে। কাঞ্জির মুখে-হাতে অঁচড়িয়ে, কামড়িয়ে মণ্টু তার প্রভুর সঙ্গে এক হ’য়ে—টেরির সঙ্গে রীতিমত শত্রুতা আরম্ভ ক’রেছে। কাঞ্জিকে দেখলেই—মণ্টু এখন “খ্যা খ্যাখ্যা” ক’রে তেড়ে কামড়াতে যায়—কাঞ্জি অম্নি হাতের কাছে যা পায় তাই দিয়ে মারে এক ঘা—মণ্টুও ফাঁক দেখলেই লাফিয়ে গিয়ে দেয় কামড় বসিয়ে। কাঞ্জি তখন ন’ব্নের চোদ্দ পুরুষ উদ্ধার ক’রে গালাগালি দিয়ে সুবিধা পায়তো—তারই কান ম’লে দিয়ে—মনটিখের ওপরকার রাগের শোধ নেয়।

ন’ব্নের বাবা মারল যাবার পরদিন থেকেই তাদের বাড়ী কাঞ্জি ঠাকুরের যাতায়াতও কিছু ধন ধন আর নৈতিক হ’য়ে দাঁড়ালো—মন্দলোকে তাকে নৈমিত্তিক ব’লে মন্তব্য করতেও ছাড়ুলে

না। ন'বনের কানেও একথা গেল—সে কেবল মণ্টুর কানে কানে কথাটা ব'লে হাউ হাউ ক'রে একবার কেঁদে উঠলো। যারা শুনলো তারা ভাবলো—বাবার শোকে কাঁদছে। শুধু মনটিখ বুঝলো যে স্বর্গগত আত্মার অতি হীন অপমানে ন'বনে কাঁদছে।

কাষ্টিঠাকুর ন'বনের সংসার সঙ্গে সারাদিনই যেন কি গুজুর গুজুর ফিসির ফিসির করে। একদিন আবার বসন্ত কাকার কাছে গিয়ে তার কানে কানে কি একটা কথা ব'লে এল। হু'জনেই খুব এক চোট হাসলেন। বসন্ত কাকা ছিলেন গাঁয়ের একটা নিষ্কর্মা তরুণ বাবু ;—ন'বনের সব কন্দীর অন্ধি সন্ধি তিনি অনেক জানতেন—ন'বনে তাকে আত্মীয় ব'লে বিশ্বাস ক'রতো।

কদিন পরে বসন্ত কাকা একদিন কথায় কথায় ন'বনকে উৎসাহ দিয়ে ব'লেন :—“নবু, ছেলেবেলা আমরা যেমন মাষ্টার মশায়দের নামে পদ্য তৈয়ের ক'রতুম এই মনে করে—“নিধুমাষ্টার ছোট লোক, তার হু'টো ঢেলা চোখ”—সেই রকম আমাদের গাঁয়ের একটা পদ্য লিখলে কিন্তু মন্দ হয় না—তুই লেখ না।”

ন'বনের মাথায় কথাটা চটক'রে গিয়ে একটা যেন নেশার ঢেউ খেলিয়ে গোলাপী হ'রে লাগলো। সে ব'লল—“আচ্ছা”। সেই রাতিরেই তার লেখা হ'য়ে গেল :—

“পোষ্টমাষ্টার দাতচন্দ্র মারেন খিঁচুনি,
বড় বাবুর ধর্মভান পায়রা বগুবুণি।
মেঝকর্তী কোলা ব্যাং ডাকে ঘ্যাঙর ঘ্যাং
কাপ্তেনী চুল প্রাণেশ বাবুর খাট পায়ের ঠ্যাঙ।

ইত্যাদি আরো অনেক—সে প্রায় তিন পাতা।

সকালবেলা ছুটে গিয়ে ন'বনে বসন্ত কাকাকে পদ্য প'ড়ে শোনালে। বসন্ত কাকা “বাঃ বেশ হ'য়েছে—চমৎকার নবু—তুই যে একজন রবি ঠাকুরের”—এই সব ভাল ভাল কথা ব'লে ন'বনের খুব তারিফ ক'রলেন। ন'বনেরও মনে যেন একটা কি সার্থকতার আনন্দ—কেমন যেন মিঠা একটা অনুভব—হঠাৎ জেগে উঠে—তার নিজেকে, চারিদিকের যা কিছু—মাথার ভেতরটা—যেখানে চিন্তার ঝিলিঝিলি কাজ-করা স্বপ্নের জাফরি-বুনানি হয়—সেইখানে—বেশ

লাগতে লাগলো। ন'বনে ভাবলো—এখন থেকে সে পদ্যই লিখ'বে—সে সত্যি ক'রেই—
রবি ঠাকুর হবে।

এই রকম কল্পনার অশোক কুঁড়ি ফোটানো রঙখেলা মাস্তকে নিয়ে—বসন্ত কাকার কাছে
এক ছিলিম তামাক খেয়ে রায়-বাড়ীর বাশঝাড়ের পাশ দিয়ে—সরু পায়-হাঁটা রাস্তায়—
কবিতার কথা ভাবতে ভাবতেই ন'বনে ও-পাড়ার দিকে ফিরে যাচ্ছিল—উল্লুক বন্ধু মণ্টুটা
ছিলেন—কাঁধের উপর সিংহাসনে। আম-বনের ভেতর একটা ছোট ঝাঁকড়া আস্‌সেওড়া
ঝোপের কাছে এসেছে যখন—কে যেন পাশ থেকে ডাকলে—“শুনলে—নবনি।”

ন'বনে চকিত হ'য়ে তাকাতেই দেখলে—সে তার মুখের ওপর দৃষ্টি তুলে চেয়ে র'য়েছে।
ঠোঁট ঘিরে, চোখের কোণায় মুচকী হাসি খুব সরু বিজলী ফালির মত চকিত খেলা খেলছিল।
তরুণী সে। সুন্দর মুখখানা। উদলো মাথায় চুলের রাশ এলানো—হু'একগাছা কপালের পাশ
দিয়ে ঝুলে এসে গালের উপর ঝুমকো বেঁধে উঠেছিল। কালো চোখ দুটা। চুল পেড়ে ধুতি
একখানা প'রেছিল—হাতে সরু সরু হু'গাছা চুড়ি আর কিছু গয়না নেই।

ন'বনে থ'মকে থেমে যেতেই—সে ব'ললে—“ন'বনে, তোমার সঙ্গে একটা কথা ছিল—
তাই দাঁড়িয়ে আছি।”

“তা' এখানে কেন কিরণ,—ময়নাকে দিয়ে আমায় ডেকে পাঠালেই পারতিস্।” ব'লে
ন'বনে কিরণের মুখের দিকে আবার চাইলে। কিরণ ব'ললে—“না—বাড়ীতে সে কথা বলা
যাবে না—সে অনেক কথা—তোমার কাছে কত কথা যে ব'লতে ইচ্ছে করে।”

“বেশ তো—তা বলিস। হু:খ হয়?—মনটা ভাল লাগে না? স'য়ে যাবে—জানিস নে কি
ঝাঁটা-লাথিটা আমার স'য়ে গিয়েছিল।”—

খুব আন্তে “ঝাঁটা লাথি আর এ”—ব'লে কিরণ মুখের ওপরকার চূর্ণ চুলের গোছাটা
আলগোছে একটুখানি দোলা দিয়ে দিলে। ন'বনে ব'ললে—“তা বল,—এখন কি কথা
ব'লবার জন্যে দাঁড়িয়ে র'য়েছিস্?”

কিরণ ব'ললে—“কি কথা? বুঝতে পাচ্ছ না? আচ্ছা আমি কেমন দেখতে নবনি?”

“আশ্চর্য্য এ প্রশ্ন তোর” ব'লে হেসে উঠে ন'বনে আবার ব'লে—“বেশ দেখতে।”
তা'পর মণ্টুর দিকে মুখটা তুলে তাকে ব'লে—“বেশ দেখতে—নারে মণ্টু?”

মণ্টু বা হাতের ছোটো আঙুলে পিঠের বা পাশটা একবার চুল্কিয়ে নিয়ে এ প্রশ্নের—কবুল জবাব দিলে।

কিরণ হঠাৎ একটুখানি উত্তেজিত হ'য়ে উঠেই ব'লে—“বেশ দেখতে—না? এ দেহ এ ভার আর সখ না—বুকের ভেতর কিসের একটা কি যেন সাড়া অনবরত শিউরে শিউরে উঠছে—কি যে ইচ্ছে করে—না কি যে ইচ্ছে করে তা ব'লতে পারবো না—ছিঃ লজ্জা করে। আমি একখানা চিঠি লিখে তোমায় পাঠিয়ে দোব—মাথা খাও সবটা প'ড়ে” ব'লে কিরণ ছুটে চ'লে গেল।

ন'ব'নে ভাবলো—ও কি পাগল হ'য়ে গিয়েছে? তারপর ভাবলো—না। তবে ও কি ব'লে? ও ব'লে যা—তাও নবনী বুঝলো। তারো তো মনের কুঞ্জবনে ফাঙ্কন দিনের ফুল ফুটতে আরম্ভ ক'রেছিল—নব যৌবনের আগমনী খবর দিয়ে মর্মের বিতানে কবেইত কোকিল ডেকে গিয়েছে। ন'ব'নের মনে হ'ল—বেশ দেখতে কিরণ! নিজে সে আমায়—তার রূপ আর হৃদয় ছোটো ব্যক্ত ক'রে দেখিয়ে বুঝিয়ে—তার ভরা যৌবনের বন-ভবনে আজ অতিথি ব'লে ডেকে নিয়ে—যা কিছু তার সর্বস্ব—নিঃশেষ ক'রে স'পে দিতে চায়। আমারও যেন কি একটা ইচ্ছে ক'চ্ছে—এত সহজে—তাকে পাওয়া যাচ্ছে—সে পাওয়ায় না...জানি কি আনন্দ!

ঠিক সময়ে চিঠি এল। “প্রিয়তম” ব'লে ডেকে কিরণ তাতে তার কি চাই—কি ইচ্ছে করে স্পষ্ট ক'রে লিখে দিয়েছিল। কেঁদেছিল—সেখেছিল—মিনতি ক'রে ভিক্ষে চেয়েছিল—যদি বেশী কিছু না হয়—একবার শুধু—“তুনি আমার” ব'লে সে পরিপূর্ণ যৌবন মঞ্জুরিত ছুখানা হাত নবনীর গলার উপর দিয়ে বিলোলিত ক'রে দেবে—আর সে তার ছুখান ঠোঁটের হাসির ওপর ফুল ফুটিয়ে তুলবে—পলাশ-কলির মত গাঢ় রক্ত বরণ—পদ্মদলের মত ফিকে নয়।

ন'ব'নে চিঠি পেয়ে কিরণের সঙ্গে দেখা ক'রলে—তাদের খিড়কি-পুকুর-ঘাটে ছিপ ফেঁদে মাছ ধরার আছিলায়। কিরণ এল—পিপাসা নিয়ে—ব্যগ্র বুকের ভেতর আকাঙ্ক্ষা নিয়ে। কিন্তু ন'ব'নে ব'লে—“সে হয় না কিরণ।”

মুখটা গম্ভীর ক'রে চোখের কোণে ঝাঁকি চাউনি একটা চেয়ে কিরণ চ'লে গেল।

ন'ব্নে বাড়ী ফিরে দেখে—কাঞ্জি ঠাকুর তাদের দাওয়ার ব'সে আছে। সে খবর দিলে—
কি যেন খুব জরুরী কাজে—অনঙ্গ তাকে ডেকে গেছে।

ন'ব্নে ব'লে—“যাচ্ছি।”

এর মধ্যে বসন্ত কাকা এসে খুব কিস্ত-মিস্ত ভাব দেখিয়ে ব'লে—“ওরে নবু, সে কাগজটা
তো খুঁজে পাচ্ছিনে রে।”

ন'ব্নে সেটাকে মোটেই গুরুতর কথা মনে না ক'রে উত্তর দিলে—“কোথায় হয়তো প'ড়ে
গিয়েছে—দেখবোখন হু'জনে খুঁজে। চলুন—অনঙ্গদা ডেকে গেছে কেন—শুনে আসি।”

মণ্টুকে কাঁঠালগাছের একটা সরু ডালের সঙ্গে বেধে গাছেই তুলে দিয়ে, ন'ব্নে বাড়ী
থেকে বেড়িয়ে এল। রাস্তায়ই অনঙ্গদা দাঁড়িয়েছিলেন। তিনি ব'লেন—প্রাণেশদা ন'ব্নেকে
ডেকেছেন—পোষ্টাফিসে—খুব জরুরী—এখুনি যেতে হবে। ন'ব্নে জিগ্গেস ক'রে জানতে
চাইলে কি এমন জরুরী। অনঙ্গদা জানালেন—“রিজিয়া” থিয়েটার হবে—তাই ন'ব্নেকে
বিশেষ দরকার।

ন'ব্নে শুনে একবার লাফিয়ে হেসে—আনন্দ ক'রে ব'লে—“থিয়েটার? বাঃ—আমি—
রিজিয়া।’

অনঙ্গদা ব'লে—“পারবি ত?”

ন'ব্নে ব'লে—“পারবো না?—দেখবেন কি রকম মাজেষ্টিক্যালি অ্যাক্ট করি।”

কথায় বার্তায় ওরা এসে ডাকঘরের কাছে পৌঁছলো। প্রাণেশদা সেখানেই ছিলেন।
অনঙ্গদা হেসে প্রাণেশদার দিকে তাকিয়ে ব'লে—“এই নিন্ দানা, আপনার আসামী—রিজিয়ার
পাঠ নাকি খুব Majestically act ক'রবে।”

প্রাণেশদা—“তা তো ক'রবেই” ব'লতেই পোষ্টমাষ্টারবাবু তাঁর ওপর পাটীর দুটো উঁচু দাঁতে
নীচের দুটো নীচু দাঁতে ঘ'সে কড়মড়িয়ে চোঁচিয়ে উঠলেন—“পাজি, হারামজাদা, এ সব কে
লিখেছে?”

তাঁর হাতে সেইপদ্যের কাগজ।

ন'ব্নে প্রথমটা একটু খতমত খেয়ে বসন্ত কাকার মুখের দিকে একবার তাকালো । বসন্ত কাকা কাশলেন—আর মেঝ-কর্তা গ'র্জে উঠে ব'ললেন—“বল না হে, কে লিখেছে—এ পদ্য ?”

ন'ব্নে গম্ভীর হ'য়ে উত্তর দিলে—“আমি ।”

সকলেই ব'ললেন—“হ্যাঁ—তা আমরাও জানি—কিন্তু কেন লিখেছ ?”

“শুধু খেয়ালে—আমি যা লিখেছি—সত্যি ক'রেই আপনাদের তা—ভাবিনে ।”

“আর সাধুগিরি দেখাতে হবে না—কাজিল বোম্বেষ্টে—খড়ম মেরে দাঁত ভেঙে দোব” ব'লে পোষ্টমাষ্টার ন'ব্বনের দিকে এগোতেই—আর ছ'জন তাকে ক'ললেন । এর মধ্যে কাঙ্কি ঠাকুর দৌড়ে এসে হাঁফাতে হাঁফাতে ব'লতে লাগলেন—“শুধু তাই নয়—আরো আছে ।”

এই টুকু ব'লে একবার থেমে একটু দম নিয়ে নিলেন—তারপর আবার ব'ললেন—“আবার প্রেম আরম্ভ ক'রেছেন—ভদ্র লোকের কুলে—কলঙ্ক দেবার চেষ্টা ।”

কাঙ্কি ঠাকুর একখানা চিঠি প্রাণেশদার হাতে দিলেন । কিরণ সে চিঠি ন'ব্বনের লিখেছিল ।

কাঙ্কি ব'ললেন—“ন'ব্বনের বিছানার নীচে ওর মা—এই চিঠি পেয়েছে ।”

সবাই তখন এক সঙ্গে ব'লে উঠলেন—“দেখি দেখি ।”

প্রাণেশদা ব'ললেন—“না থাক,—এ চিঠির কথা নিয়ে বেশী নাড়া চাড়া ক'রবার দরকার নেই । কিন্তু নব্বনে, তুমি এর কোনো জবাব দিয়েছ ?”

“না” ব'লে নব্বনে মুখ ফিরিয়ে নিলে ।

“জবাব দেবে মনে ক'রেছ ?”

“না ।”

“ওঃ ! অল্প কথা বলেন—বেটা খুব দার্শনিক” ব'লেই কাঙ্কি ক'মে ন'ব্বনকে এক চড় বসিয়ে দিল । অমনি সঙ্গে সঙ্গে এক কাণ্ড ঘটে গেল । মণ্টুকে কে যেন এর মধ্যে খুলে দিয়েছিল । সে গলায় শেকল মেকল জড়িয়ে একেবারে পোষ্টাকিসে এসে হাজির । কাঙ্কিরও চড় নারা—মণ্টু একেবারে তার স্মুখে ।—দেখেই তো কাঙ্কি “হেই হেই এইও এইও” ক'রে

উঠল; মণ্টুও সেটা তাকেই তিরস্কার মনে ক'রে এক লাফে গিয়ে কাছির ঘাড়ে লাফিয়ে উঠে পিঠের ওপরটা কামড়িয়ে ধ'রলে। কাছি তো পরিত্রাহি চীৎকার—“ওরে রক্ষা কর—রক্ষা কর” ডাক্। ন'ব'নে তাড়াতাড়ি মণ্টুকে টেনে ছাড়িয়ে এনে জোরে এক চাপড় মারলে। কাছি উল্লুকের গ্রাস থেকে উদ্ধার পেয়েই লাফিয়ে তার প্রভুকে উল্লুক পোষার অপরাধে আর এক চাপড় দিতে এগোবার উপক্রম ক'রতই মণ্টু এমনি “খোক্খো—খো” ক'রে খেঁকিয়ে উঠলো যে কাছি ত্রাসে তিন রশি তফাৎ স'রে খাড়া।

সকলেই তখন ন'ব'নেকে এক কথা ব'লে দিলেন :—“ন'ব'নে গায়ে তুমি সবারি ভালবাসা পেয়েছিলে—কিন্তু তোমার এই ব্যাপারে—সে ভালবাসা তুমি হারালে। গায় কোনো বাড়ী আর তুমি যেতে পাবে না—তামার সঙ্গে ছেলে পিলেদের মেশা পর্যন্ত মানা। এই কথা মনে রেখে চ'লবে।”

মণ্টুটাকে কোলে চেপে নিয়ে ন'ব'নে বাড়ী ফিরলো। আজ ঐ তার একমাত্র সঙ্গী। আজ আর তার কেউ আপন নেই—কোনো দিনই ছিল না—তবু এতদিন পরকে আপন ক'রে নিয়ে—বুকখানাকে লোহার বাঁধনে শক্ত ক'রে শত ব্যথা নিপীড়িত জীবনের লাহিত দিন রাত্রি-গুলো নিশ্চিন্ত, উনাসীন ভাবেই কাটিয়ে দিয়েছে। কোনো আঘাতের অভিযোগই মনোবেদনার ঘনিয়ে তুলে নিজের জীবন-যাত্রাকে একান্ত দুর্ব্বহ ক'রে নেয় নি—আজ সকলের থিক্ত এ নিঃসহায় জীবনের বোঝা তার কাছে বড় বেশী ভারি ঠেকতে লাগলো। সাত্বনার মধ্যে ঐ মুক, মুচ পণ্ডা। তাকেই বুকের কাছে নিয়ে সন্ধ্যা অন্ধকার হ'য়ে আসতেই ন'ব'নে আজ শুয়ে প'ল। মণ্টুর গলায় আজ আর বাঁধন নেই—নিজের সবল হ'খান শিরা-স্বলিত বাহুর বাঁধনে—মণ্টুকে একান্ত আপনার ব'লে ন'ব'নে আজ জড়িয়ে নিয়েছে। তার মনের চিরন্তন ক্ষুধিত ও পাষণ ফলকের উপর ষত হুঃখক্ষোভের কঙ্কালসার কাহিনী অব্যক্ত লিপিকার স্থা হ'য়ে ছিল—সে সবই যেন এত কাল পরে আজ অক্ষরিত হ'য়ে উঠলো।

“মণ্টু ভাই—আমার যে কি ব্যথা” ব'লে—মণ্টুর বুকের ওপর মুখখানা রেখে ন'ব'নে উপুড় হ'য়ে প'ল। মণ্টুর—স্বপ্নপিণ্ডটার দ্রুত চঞ্চল গতি স্পন্দন বৃদ্ধি ন'ব'নের প্রাণে সাত্বনা দেবার জন্যে একটা কিছু আশার বাণী শুনিতে গেল। সে উঠে ব'সলো।

তখন অনেক রাত্রির। দূরে একটা ভাতান পাখী ডাকছিল—“ধুম্—ধুম্—ধুম্।”
ন'ব'নে—শুনে একবার হাঁকলো। তারপর মণ্টুকে কাঁধে নিয়ে সেই অন্ধকার রাতে বেরিয়ে
প'ল। তার পরদিন থেকে আর কেউ ন'ব'নেকে খ'ড়ের সরহকে দেখতে পোলে না।

(ক্রমশঃ)

শ্রীনিমলচন্দ্র চক্রবর্তী।

সাহিত্য সাধনা

—:0:—

(আলোচনা)

কয়েক বৎসর পূর্বে এই ‘পরিচারিকা’ মাসিক পত্রে আমাদের বর্তমান সাহিত্যে এক অভিনব
শক্তির বিকাশ লক্ষ্য করিয়া “সাহিত্য ও সমাজ নামক” এক প্রবন্ধ লিখিয়াছিলেন। সেই
প্রবন্ধ লিখিবার সময়ে সাহিত্যের ভবিষ্যৎ চিন্তা করিয়া মন আশার উৎকল হইয়া উঠিয়াছিল ;
মনে করিয়াছিলাম বাংলা সাহিত্য যে পদক্ষেপে উন্নতির পথে ধাবিত হইতেছে, তাহাতে এ অতি
অল্পকালের মধ্যেই এক বিশ্ববরেণ্য শ্রেষ্ঠ সাহিত্যপদে অধিষ্ঠিত হইবে। কিন্তু এই দুই তিন
বৎসরের মধ্যেই সাহিত্যে বিশেষতঃ উপন্যাসে এমন এক পরিবর্তন আসিয়াছে যে সে আশার
সফলতা ক্রমশঃই সূদূরসম্ভাবী হইয়া উঠিতেছে। বঙ্কিমচন্দ্রের স্মৃতিসভায় সাহিত্যের প্রবীণরথী
স্বর্গগত রামেন্দ্রসুন্দর ত্রিবেদী মহাশয় তাঁহার নিজের সময়ের সাহিত্যের অবস্থা আলোচনা করিয়া
সঙ্কোভে যে কথা বলিয়াছিলেন, আজ সে কথাই ভাবিতেছি, বৃষ্টিতেছি সেই কল্যাণকামী
দেশপ্রাণ পুরুষের সখেদোক্তির অবসর এখনও সম্পূর্ণরূপে লুপ্ত হয় নাই ;—বাংলা সাহিত্যের
বিশেষতঃ উপন্যাসের অনেকাংশই এখনও “অপের, অদের, অগ্রাহ।” কবি রবীন্দ্রনাথ ও
ঔপন্যাসিক শরচ্চন্দ্রের অসামান্য প্রতিভা এ যুগের বিশেষ সম্পদ হইলেও আমাদের বর্তমান
সাহিত্যের ছরবস্থা এখনও পূর্বের মত সত্য। বঙ্কিমচন্দ্রের এত সাধের সাহিত্য মন্দির দিন দিন

সাধনা বঞ্জিত—অসত্যভাষীর প্রলাপে অধিকতর মুখরিত হইতেছে ; শ্রদ্ধাযুক্ত সাধনারত ভক্ত সাহিত্যসেবক আর দেখিতে পাইতেছি না। সুলভ বশের মোহ, অর্থের লালসা হৃদয় হইতে শ্রদ্ধাকে বিদূরিত করিয়াছে, ভক্তির স্থান আত্মস্তুতির ও অহনিকতার আচ্ছন্ন হইয়াছে।

আমরা বিশ্বিত হইয়াছি যে, সকল প্রকার সাফল্যের জন্য, সর্বপ্রকার প্রতিষ্ঠার জন্য, স্থির, অবিচল, ঐকান্তিকী সাধনা আবশ্যিক। আমরা ভুলিয়া গিয়াছি যে, জ্ঞানান্বেষীর পক্ষে যেমন অবহিত চিন্তে জ্ঞানের সন্ধান নিম্ন হওয়া কর্তব্য, যোগীর পক্ষে যেমন চিত্ত-বিক্ষেপকারী বিষয় হইতে আত্মাকে নিরুদ্ধ করিয়া একাগ্রতা সহকারে ধ্যেয় বস্তুতে সংযুক্ত হওয়া একান্ত প্রয়োজনীয়, সাহিত্যসাধকেরও সেই প্রকার সত্যের দর্শন অনুভব ও প্রকাশে ব্যাপ্ত হইতে হয়। সাহিত্য-সাধনা অন্য সর্বপ্রকার সাধনার মতই কঠোর। জ্ঞানান্বেষীর পক্ষে সত্যদর্শী হইলেই চলে, যোগীর সাধনা সত্যদর্শন ও সত্যাশ্রয়ে সাফল্য লাভ করে, কিন্তু সাহিত্যসাধকের মনস্কাম সত্যদর্শন, সত্যাশ্রয় ও সত্যের প্রকাশ এই ত্রয়ের মিলনে সিদ্ধ হয়। সাহিত্যিক একাধারে দ্রষ্টা, বোদ্ধা ও স্রষ্টা, একাধারে জ্ঞানী, যোগী ও শিল্পী।

সাহিত্যদপণকার বলিয়াছেন,—

“সহোদ্রেকাদখণ্ড-স্বপ্রকাশানন্দচিন্ময়ঃ।

বেদ্যান্তর-স্পর্শ শূন্যো ব্রহ্মাস্বাদ সহোদরঃ ॥”

পাশ্চাত্যরসজ্ঞ কলাবিৎ পণ্ডিতগণও সাহিত্যকে “Divine Idea”র প্রকাশ কিম্বা “Criticism of Life” প্রভৃতি বলিয়াছেন। সাহিত্যের আদর্শ নির্ণয় বা সাহিত্যিকের কর্তব্যাবধারণ বিষয়ে অগতের বড় বড় পণ্ডিতগণ অনেকেই অনেক কথা বলিয়াছেন সত্য কিন্তু উপরে উদ্ধৃত আর্ষ বাক্যটির ন্যায় অপরূপত্ব ও মহত্বের ব্যঞ্জনা, বোধ করি, আর কোথাও ধ্বজিত হয় নাই। সাহিত্যিকের গুরুতর দায়িত্ব বিষয়ে এই অপূর্ব বচনটির অপেক্ষা অধিকতর পরিষ্কৃত বচন আর সৃষ্ট হইয়াছে কিনা সন্দেহের বিষয়। “ব্রহ্মাস্বাদ সহোদরঃ”—সাহিত্যের আনন্দ ব্রহ্মাস্বাদ অনিত আনন্দের সহোদর স্বরূপ। ব্রহ্মধ্যানরত যোগীর ব্রহ্মজ্ঞানলাভে হৃদয়ে যে অপরূপ পুলকের, অনির্কচনীয় আনন্দের সঞ্চার হয়, সাহিত্যরসপিপাসু ব্যক্তিরও সাহিত্যসাধনার “সত্যশিবসুন্দরে”র “সচ্চিদানন্দে”র সাক্ষাৎলাভে সেই প্রকার অসীম রসবোধ ঘটে।

শাস্ত্রকারগণ ব্রহ্মান্বাদজনিত আনন্দকেই আনন্দের পর বলিয়া নির্দেশ করিয়াছেন—সাহিত্যসৃষ্টি ও সাহিত্যসাধনার আনন্দ এই অসীম বিমল আনন্দেরই সাহোদর ।

যে সাহিত্য “সত্যশিব সুন্দরে” সাক্ষাৎলাভ দ্বারা প্রাণে ব্রহ্মের, অনন্তের যোগান্বাদ উপনীত করে সে সাহিত্যের সৃষ্টি কি বিশাল অন্তর্দৃষ্টি ও গভীর সাধনার ফল, সকল সাহিত্যসেবককেই উহা উপলক্ষি করিতে হইবে । সাহিত্যিকের এই গুরুতর দায়িত্ব স্বীকার করিয়াই জগতে সকল কবি অমরত্ব লাভ করিয়া গিয়াছেন—সাধনা বলেই জীবনের মর্ম্মের কণাগুলি, সত্যনিচয় প্রকাশ করিয়া ধর্ম্মির পদে উন্নীত হইয়াছেন । এই গভীর সাধনা কালিদাস ভবভূতি মধুসূদন বঙ্কিমের ছিল, মিল্টন, ওয়ার্ডসওয়ার্থ, শেলী ব্রাউনিংএর ছিল । কালিদাস ভবভূতিপ্রমুখ কবিগণের কাব্যরশ্মে বাগ্‌দেবীর বন্দনা কেবলমাত্র অলঙ্কার শাস্ত্রের নিয়মানুযায়ী গতানুগতিকতা নহে, ঐ অর্চনার ও বন্দনার মধ্যদিয়াই স্বীয় সঙ্কলিত ব্রতের প্রতি কবিপ্রাণের অপার নিষ্ঠা, ভক্তি নিবেদিত হইয়াছে । মধুসূদন যখন কল্পনাকে সম্বোধন করিয়া বলিয়াছিলেন—

—“রচ মধুচক্র, গৌড়জন যাহে

আনন্দে করিবে পান সুধা নিরবধি ।”

কবি প্রাণের—নিত্যাচরিত—সাধনা—সঙ্কল্প—ঐ কথায় যুক্ত হইয়া উঠিয়াছিল । রবীন্দ্রনাথের সাহিত্যসাধনার বিষয় কাহারও অবিদিত নাই—‘সাধনা’ পত্রিকাই চিরদিন তাহার সাক্ষী থাকিবে ।

এই সাধনাতেই কবি শিল্পী জীবনের সত্যের দর্শনলাভ করেন, কবির কল্পনা ইহাতেই উদ্দীপ্ত হয় এবং বাক্য “বাণীতে” (Message) রূপান্তরিত হইয়া আনন্দের উৎসরূপে নিত্য বিরাজিত থাকে । সত্যসৃষ্টি, সত্যপ্রকাশ, সত্যের সহিত-অন্তরের পরিচয় স্থাপনে যথার্থ সাহিত্যের সৃষ্টি । কল্পনা সত্যে রসের সংযোগ করে এবং সত্য এক অপরূপ সৌন্দর্য্যে মণ্ডিত হয় । সত্যের উপরই সাহিত্যের প্রতিষ্ঠা, ভাব সাধনাই সাহিত্যের রসসৃষ্টি, তুরীয় কল্পনাই কবির, শিল্পীর সহচরী ।

এই সাধনার বলেই কবি বা শিল্পীর সহিত বিশ্বের এক নিগূঢ় সম্বন্ধ ‘সহমর্ম্মিতা’ ও ‘সহমর্ম্মিতা’ প্রতিষ্ঠিত হয় । অব্যর্থ্য কল্পনার সাহায্যে তিনি জীবনের,—সত্যের সহিত সাক্ষাৎ লাভ করেন এবং বিশ্বের মর্ম্মবাণী তাঁহার সৃষ্টিতে ধ্বনিত হইয়া উঠে,—এক সমগ্র সত্য অখণ্ড ভাবে বাক্যের মধ্যে দোতিল ও ব্যঞ্জিত হয় ।

বিশ্বের সৃষ্টি ও ধ্বংসের লীলা প্রত্যক্ষ করিয়া ধ্বংস এক নবীন সৃষ্টির সূচনা মাত্র প্রাণে প্রাণে অনুভব করিয়া শেলী যে অপূৰ্ণ আশার কথা বলিয়াছিলেন, “If winter comes, can spring be far behind ;” সত্য এবং সৌন্দর্যের একত্বানুভব করিয়া কীটস্ যে মহাসত্য উচ্চারণ করিয়াছিলেন—“Truth is beauty and beauty truth”; সঙ্কারণরক্তিম ঝিলমের বক্ষের উপর প্রসারিত নিবিড় নিস্তরু অন্ধকারের মাঝে “শূন্যের প্রান্তরে” বলাকাকুলের পক্ষবিধূনে “শব্দের বিছাচ্ছটায়” রবীন্দ্রনাথের মনে যে মহাসত্য জাগিয়াছি,—এ চির-চঞ্চল বিশ্ব এক সার্থকতার অনুসন্ধানে ব্যাপ্ত, যে চাঞ্চল্যের বিরাগ নাই, যে অনুসন্ধানেরও অবধি নাই, যে সার্থকতা অনন্তের অঙ্কে প্রস্তু, যাহার প্রাপণ অনন্ত সাধনাসাপেক্ষ—এই অনন্ত প্রয়াস নিয়ন্তা যে মহাসঙ্গীত তাহার বাক্যে মূর্ত হইয়া উঠিয়াছিল—

“ধ্বনিয়া উঠিছে শূন্যে নিখিলের পাথর এ গানে
হেথা নয়, অন্য কোথা, অন্য কোনখানে।”

এই গভীর সত্যানুভবে ও প্রকাশেই কাব্যের সৌন্দর্য্য; কাব্যের সত্য—এইখানেই সৌন্দর্য্য ও সত্যের মিলন। এই সৃষ্টিতেই “ব্রহ্মাশ্বাদ সহোদরঃ” অক্ষরে অক্ষরে যথার্থ প্রতিপন্ন।

সাধনার বলেই এই গভীর সত্যানুভব ও সত্যপ্রকাশ সম্ভাবিত হয়। প্রত্যেক কবিরই এক “বাণী” আছে। সাধনার যে সত্যের সহিত কবিপ্রাণের পরিচয় স্থাপিত হয় বাক্যে তাহা প্রাণময় রূপ ধারণ করে। কেবলমাত্র মধুর শব্দ চয়নে এক বিচিত্র স্রুতিসুখাবহ বক্ষার সৃষ্টিতে কবির সাধনা সার্থকতা লাভ করে না—তাহার কাব্যের মধ্যে চিত্ত আলোড়ন করিতে পারে, হৃদয়ের উচ্চতম বৃত্তির আনন্দ বিধান করিতে পারে এমন এক বাণীকে ধ্বনিত হইয়া উঠিতে হইবে। তাহার কাব্যে এমন এক বাণীকে ধ্বনিত হইতে হইবে—যাহা গান্ধীর্ষ্যে সাগরের সঙ্গীতের মত, প্রসারতায় ও মহিমায় এই নীলানন্ত আকাশের মত, যে বাণীর আঘাতে কল্পনার দিগন্তদৃষ্টিসঞ্চারী বাতায়নমালা উন্মুক্ত হইয়া যায়—মহাসাগরের বক্ষোখিত এক বন্ধনহারা মুক্ত মলয় অপূৰ্ণ বার্তা লইয়া বিশ্ববাসীর প্রাণে অমৃতত্বের স্পর্শদান করে।

রবীন্দ্রনাথ যখন গাহিয়াছিলেন—

“বৈরাগ্য সাধনে মুক্তি, সে আমার নয়।
অসংখ্য বন্ধন মাঝে মহানন্দ ময়
লভিব মুক্তির স্বাদ।”

জগৎ তখন এক মহাবাণী গুণিতে পাইল। নবীন বঙ্গের সাংগিক কবি যখন গাহিলেন—

“ধ্বংস দেখে ভয় কেন তোর, প্রলয় নূতন সৃজন বেদন
আসছে নবীন জীবন-হারা অসুন্দরে করতে ছেদন।”

জগৎ এক বিপুল আশাময় আশ্বাসপূর্ণ বাণী গুণিতে পাইল। এই প্রকার বাণীর মধ্যদিয়াই কবির সাধনালক্ষ্য ধন নানা ছন্দে নানা রসে অভিবিক্ত হইয়া বিকশিত হয় এবং বিশ্ববাসীর—
চিরকালের এক আনন্দের বস্তুতে পরিণত হয়। এই প্রকার বাণীই আনন্দের আধারময় জীবনপথে আলোক-বর্জিতকার কার্য করে,—জীবনের বড় বড় তত্ত্বগুলির সহিত আমাদের অস্তরের নিবিড় নিগূঢ় পরিচয় স্থাপন করিয়া আমাদের কল্যাণের পথে পরিচালিত করে। এই প্রকার বাণীর মধ্যেই “সত্যম্ শিবম্ সুন্দরম্” বিগ্রহ প্রতিষ্ঠিত হয়।

সাধনাতেই কথাসাহিত্যেও সত্য প্রকাশিত হয়। মানব জীবন কথাসাহিত্যের প্রধান উপাদান। সুখ দুঃখ, আনন্দ বেদনা, আশা নৈরাশা, হৃদয় নিকরোপ প্রভৃতি জীবনের প্রাত্যহিক অনুভূতি ঘটনার সংস্পর্শে জীবনের বিভিন্ন দিকের উপর অপরূপ ছায়াপাত করে। মানবের সহিত মানবের সম্বন্ধ, সমাজের সহিত জাতির সহিত, নিজের ব্যক্তিত্বের সহিত—ভগবানের সহিত, মানবজীবনের বিচিত্র বিভিন্ন দিক কথাসাহিত্যে রসধারায় পূর্ণ হইয়া উঠে। আবার অদৃষ্টের কঠোর পীড়নে মানবজীবনের অশেষ ক্লেশ ও নির্যাতন, বাস্তবতার রূঢ় আঘাতে ভাবুকতার মর্মান্তিক যাতনা, নিষ্ফল কামনার ঘোর ব্যর্থতা নানা ঘটনার মধ্যে কথাসাহিত্যে তরঙ্গায়িত ও উদ্বেলিত হয়। ঘটনা পরম্পরায় সহিত চরিত্র বিকাশের—সুন্দরময় ও নিগূঢ় মিলনেই কথাসাহিত্যে সত্য ও সৌন্দর্যের প্রতিষ্ঠা।

এই যে বিশ্বময় প্রেম-বুড়ু নরনারীর—অশ্রান্ত অনন্ত লীলা, যার অমৃতহলাহলময় মাধুর্য্য অনাদি কাল হইতে বিশ্ববরেণ্য কবিদিগের কল্পনাকে উদ্ভুদ্ধ ও অনুপ্রাণিত করিয়াছে, সে প্রেম-স্বপ্নের অপূর্ণ সঙ্গীতরসধারা “পূর্বরাগ, অনুরাগ, মান, অভিমান, অভিসার প্রেমলীলা, বিরহ-মিলন” প্রভৃতির মধ্যে নিত্য উৎসারিত আনন্দের সৃষ্টি করিয়াছে, মানবজীবনের সেই প্রেমলীলা কথাসাহিত্যের এক প্রধান বস্তু। কালিদাসের শকুন্তলা, সেকুপায়রের রোমিও জুলিয়েট, বঙ্কিমের চন্দ্রশেখর এই অপূর্ণ লীলাময় প্রেমসম্পদ ধারণ করিয়া ধন্য, অমর হইয়া

বহিয়াছে। এই প্রেমই সাহিত্যের সম্পদ—কাম নহে। দৈহিক সম্বোগেই যার পরিভূষি, অতিপ্রাকৃত দৈহিক সুখলাভই যার একান্ত লক্ষ্য—সেই কাম যথার্থ সাহিত্যের বস্তু হইতে পারে না। কামবঞ্জিত প্রেম জগতে দুর্লভ, সাধারণ মানবের জীবনে কামের স্থান অস্বীকার করা কঠিন কিন্তু তাহা হইলেও প্রকৃত সাহিত্যের লক্ষ্য সমগ্রতার মধ্যে প্রেমের ইঙ্গিত। আমাদের উচ্চতম বৃত্তির—চরিতার্থতা সাধন সাহিত্য প্রভৃতি শিল্পকলার উদ্দেশ্য। কাম সে উদ্দেশ্য সিদ্ধ করিতে পারে না—এই জন্যই বর্ণনার নিপুণতায় অভিনব, সুন্দর হইলেও কালিদাসের—‘শৃঙ্গার রসাত্তকম্’ প্রভৃতিকে সাহিত্য বলা যাইতে পারে না। সুদূরপ্রসারী, মানব চরিত্রের অন্তর্নিহিত গভীর সহানুভূতি, জীবনের বিশালতার প্রতি স্থিরদৃষ্টি ও ইঙ্গিত, মানবের উচ্চতম বৃত্তির চরিতার্থতা প্রভৃতির সাহায্যে রসসৃষ্টি প্রকৃত সাহিত্যের পদে উন্নীত হয়।

আমাদের বর্তমান অধিকাংশ কথাসাহিত্যেই সত্য প্রতিষ্ঠায় বিফল হইয়া, জীবনের বিশালতার প্রতি স্থির স্পষ্ট ইঙ্গিত হারাইয়া নিখ্যা, অসার্থক হইয়া পড়িতেছে। কথাসাহিত্যের অবাধ সৃষ্টিতে সাহিত্যক্ষেত্র ভারাক্রান্ত হইতেছে সত্য, কিন্তু কালের সর্লক্ষ্যসী শক্তি পরাভূত করিয়া বিরাট মহীকরূপে বর্তমান থাকিতে পারে এ প্রকার উপন্যাস বা নাটকের সৃষ্টি বেশী হইতেছে না। কেবলমাত্র ক্ষীণপ্রভ খন্দোতীকার সংখ্যাই বৃদ্ধি পাইতেছে, উজ্জ্বল, ভাস্কর জ্যোতিষ্কের সৃষ্টি হইতেছে কম।

সাধনহীনতাই এই অবনতির কারণ। সাধনা সংকল্পে সংঘম প্রদান করে, কর্তব্যে শৃঙ্খলা আনয়ন করে, শিল্পীকে স্বীয় ব্রতের মহত্ত্ব গৌরবের প্রতি অবহিত করে। সাধনহীন সংঘমহীন বাংলা সাহিত্যের শিল্পী উদ্দাম যৌনলীলার নথচিত্র অঙ্কিত করিতেছে, জন্মাপরাধী ও জন্মাপরাধিনীর মনস্তত্ত্ব বিশ্লেষণে, বংশানুক্রমের প্রভাব বিচারে মনোযোগী হইতেছে, অতিমানুষ, অমানুষ দানবীয় চরিত্র সৃষ্টিতে প্রয়াস পাইতেছে, কিন্তু শরচ্ছত্রের সেই বিশাল সহানুভূতি বা অনভিভবনীর উদারতা যাহা তাঁহার চরিত্রহীন ও চরিত্রহীনার সৃষ্টিকেও অপূর্ব শিল্প গৌরবে মণ্ডিত করিয়াছিল সাধনহীনতা বশতঃই তাহা তাঁহারা লাভ করিতে পারিতেছে না—স্পর্শগির ‘পরশ’ বঙ্কিত বর্তমান সাহিত্য মৃত্তিকাই থাকিতেছে, সুবর্ণে পরিণত হইতেছে না।

সাধনার অভাব বশতঃই আধুনিক অনেক উপন্যাসিকই, নানাপ্রকারে শক্তিশালী হইয়াও বার্থ প্রতিষ্ঠা লাভ করিতে পারিতেছেন না। এই যুগের নারী উপন্যাসিকদের মধ্যেই

আমরা শিম্পীর পরিচয় অধিকতর পাই। শ্রীযুক্তা নিরুপমা, অম্বরূপা, ইন্দিরা, শৈলবালা, সীতা, শাস্তা, প্রভাবতী, প্রভৃতির সৃষ্টিতে সাধনার ভাব সমৃদ্ধিক পরিষ্ফুট, জীবনের মহত্ত্বের প্রতি ইঙ্গিত ও প্রতিভাত। বাঙ্গালার প্রাণের শাশ্বত সত্যগুতি—পশ্চাত্য সভ্যতার সংস্পর্শে যাহার চিরস্থান রূপ ও মাধুর্য্য অপহৃত হয় নাই, রক্তাক্ত জীবন পথের ঘনঘন কোলাহল যে সত্যগুলিকে যুক মৌণীতে রূপান্তরিত করিতে পারে নাই—যাহা প্রাণের গোপনপুরে এখনও শতগুণরূপে গুঞ্জরিত হয় সেই সত্য এই সাধনারতা পূজারিণী নারী ঔপন্যাসিকদের লেখনী মুখে বিকণিত হইয়া উঠিয়াছে। বর্তমান যুগের বাংলার সামাজিক, আর্থিক ও রাজনৈতিক অবস্থার মধ্যে নারী-হৃদয়ে যে নবীন আশা ও উৎসাহ জাগ্রত হইয়াছে, কঠোর সমাজের পীড়নে নিপীড়িত, নির্যাতিত বাংলার নারী, সমাজে ও জীবনে আত্মপ্রতিষ্ঠায় জন্য যে কল্যাণের ব্রত গ্রহণ করিয়াছেন এই সাধনারতা পূজারিণী নারী ঔপন্যাসিকদের সৃষ্টিতে সেই আশার কথা, উৎসাহের বাণতে মুখর। নারীহৃদয়ের স্নিগ্ধ শাতল প্রেম আর নবজীবনলাভপ্রয়াসে আশার উজ্জল দীপ্তি এই নারী ঔপন্যাসিকদের সৃষ্টিকে এক অপরূপ; আলোছায়ায় মণ্ডিত করিয়া বাংলাসাহিত্যের চির সম্পাদে উন্নীত করিয়াছে। সার্থক ঠাঁহাদের সাধনা।

হে বাংলার নবীন সাহিত্য-দেবিগণ, বাংলা সাহিত্যের ঋষিকবর্গ—জাগ্রত হউন, প্রবুদ্ধ হউন। সাধনার সাহায্যে হৃদয়ে সত্যের প্রতিষ্ঠা করুন, চিরস্থন্দরের আরাধনা করুন, স্বীয় ব্রতের প্রতি অপার নিষ্ঠা পোষণ করুন, বিশ্বাসে হৃদয় পূর্ণ হইবে, সত্যে সাক্ষাৎলাভ ঘটবে, ঐশী অন্নপ্রেরণায় বাক্যে সত্যের মন্দির গঠিত হউক। মনে রাখিবেন সাহিত্য এ ধরায় সত্যের আলোক, সত্যের উজ্জলতম আভা—“Heaven's light on Earth, Truth's brightest beam.” (Shelley) মনে রাখিবেন, সাহিত্যের রসসৃষ্টি এক গভীর আধ্যাত্মিক অনুভূতির ফল,—সাহিত্যের আনন্দ “ব্রহ্মা স্বাদ সহোদর”।

শ্রীঅশ্রুমান দাশ ঠাকুর।

সালকাবারা ।

— ❁ —

সালতামানী—“তামাম্ শোধ” আজ জীর্ণ পুঁথির পলিত পাতায়,

কচি, কোমল বুকের শ্রামল—লিখ্বে হরফ হালের খাতায় ।

মন-পহেলা—রঙ কুহেলা রূপ খেলা তার ঘোবনে—

নত রোজে কোন্ খোস খেরালী রেশমী ফাঁসের জাল বোনে ।

বকেয়া বাকী হিসাব ক’রে নিকাশ ক’সে নামিয়ে দেওয়া—

ক’খান পাতাই ঝরিয়ে দেবে কাল বোশেখির ঝ’ড়া হাওয়া ?

জেব কিছু তাই—আন্ছি টেনে—অতীত হাসি গন্ধ গীতি ;

নতুন ধাঁশীর সুরে সুরে সেই পুরোনো বর্ষ-স্মৃতি ।

বাঙলা ভাষায় খোড়া বছং খান ‘তিরিশেক’ কাগজ মাসকাবারে বাহির হয় । সবগুলিরই মলাট আছে । মলাটের উপর পট । যে দুই একখানার নাই—ভাগ্যে তাদের বিগুণ ; আকার—খানকতর বইএর মতন, বেশীর ভাগই খাতার মতন—আর বাণীগুলি চটীর মতন । এ চটা বাঁ কি ডান, পাটীর নয়—পুঁথি পত্রিকার পরিচয়ে যে চটা প্রয়োগ করা হয়—তাই ।

মলাটের কোলে—বিজ্ঞাপন ;—যেমন আঙিয়া কি জাঙিয়ার কোলে—‘লাইনিং’ বা আস্তর । কাগজগুলি ফানুসী ফ্যাসনের হর কিসিম এবং নয় রঙা । কারো বা সফেদ পাতায়—সুরমায় টানা কালো ছবি—“বেগম বাহার”—কারো বিজ্ঞাপনে—“কন্যাদায়ের প্রতীকার ।” কেউ বাজান হুজুর বাণী,—কারো আবার সাহিত্যের কাইজার হাউটজার “কামান শ্রেণীর জলদ-গস্তীর ছঙ্কারে”—“রাণী ইউজিনির বৈঠকের” “উলঙ্গ বায়স্কোপ”ও কাঁপাইয়া তুলিতেছেন । “স্বাস্থ্য”—“নিকার বিবি”;—“পরিচারিকা,” “উ—হ—হ শীতে কাঁপছো কেন ?” না—“বিধিলিপি ।” ইহাকে রামধনু, ইন্দ্রধনু বা প্রবাসী—হইলে ফুলধনু—যা ইচ্ছা হয় বলিতে পারেন—কেউ আপত্তি করিবে না ।

এই কম্বে কম্ সাড়ে সাত গণ্ডা কাগজের বড়জোর গণ্ডাটেক—পাঠ্য,—খান পাঁচ ছয়—
অর্ধপাঠ্য,—আরগুলো অপাঠ্য। বন্ধুরা হয়ত এ স্পষ্ট সত্য বলার “অকাটা” পুরস্কার
লাঠৌষধির ব্যবস্থা করিবেন কিন্তু আমরা—নাচার।

ইহার উপর আবার বিষ-ফোঁড়া—অরুণ, তরুণ, কিরণমালা গোছ ঢংএর হাতের লেখা
মাসিক। রক্ষা যে—ইহাদের দৈনিক জন্ম এবং দৈনিকই মৃত্যু ;—প্রত্যেক কলেজের এক
একখানা ম্যাগাজিন বা বাকুদখানা হইল এই সব ভ্রূণ-সাহিত্যের খোকা-সংস্করণ।

এত কাগজের কুলকুলুঙ্গীর ঠিক ঠিকুঙ্গী খুঁজিয়া সালকাবারীর খতিয়ান খাড়া করিবার
আমাদের সময় ত নাই-ই ধৈর্য্য এবং সাধ্যেরও অভাব। সুতরাং যে ক’খানা পদবীওয়াল কাগজ
হাতের কাছে হাঁফের ভেতর পাইয়াছি—তাহারই একটা খন্ডা জাবেদা দিব।

এ বৎসর যে কাগজগুলি আমাদের দৃষ্টিতে পড়িয়াছে তাহাদের নাম নীচে লিখিলাম।
সৌভাগ্যের বিষয় যে তাহাদের কোনো খানাই গজমুণ্ড হইয়া যায় নাই। আমরাও টেরা গ্রহেব
ছন’ম হইতে রক্ষা পাইয়াছি।

কাগজের নাম :—

প্রবাসী, শাস্তিনিকেতন, ভারতী, ভারতবর্ষ, মানসী ও মর্ম্মবাণী, মাসিক বসুমতী, বঙ্গবাণী,
নব্যভারত, প্রবর্তক, উপাসনা, প্রাচী, পল্লাশ্রী, মাতৃমন্দির, পরিচারিকা, উষোধন, প্রতিভা, সৌরভ,
বিকাশ, কল্লোল, রবি, স্বাস্থ্য, স্বাস্থ্যসমাচার, পঞ্চপ্রদীপ, সন্দেশ, আমার দেশ, শিশু-সাথী
খোকা-খুকু। ইহা ছাড়া সাহিত্য পরিষৎ পত্রিকা, বঙ্গীয় মুসলমান সাহিত্য পত্রিকা, সাহিত্য-
সংবাদ, সংহতি, (পাক্ষিক) সন্মিলনী, তত্ত্ববোধিনী পত্রিকা, কৃষিসম্পদ জীনবাণীর নাম করা
যাইতে পারে।

অর্চনা, কৃষক, কমলা, ব্রহ্মবিদ্যা,—এই রকম আরও খানকতক মাসিক আছে—সন্ধান
পাইয়াছি কিন্তু চাক্ষুষ হয় নাই।

ইদানীং সাপ্তাহিক সমাজে “পৈতা লইয়া”—কুলীন হইবার জোর চেষ্টা চলিতেছে ! এক
একখানা মলাটের মুখোন অঁটিয়া অনেক ক’খানা সাপ্তাহিকই মাসিকের ভড়ং ধরিয়াছেন।
ইহাদের মধ্যে ‘বিজলী’ই সম্ভবতঃ বৃনিয়াদি অভিজাত। ‘নয়ান জোড়ের’ বাবু নয় ত ? এই

বিজলীরূপ আল' অব অল্পফোর্ডের স্রষ্টা উপাধিহীন—শ্রীযুক্ত বারীন্দ্রকুমার ঘোষ। তারপর—
“নবযুগ” বাণরী, নবসংঘ,—হালের মহিলা। এমন কি গত-যৌবনা এডুকেশন গেজেটও এই
বুটাদার আনারসী সাড়ীর মোহ কাটাইতে পারেন নাই।

এগুলির মধ্যে “বিজলীই” সত্য গুণে গৌরবেও সম্ভ্রান্ত। বাঙলার একমাত্র সাহিত্যিক
শ্রীযুক্ত প্রমথ চৌধুরী, মনীষী নলিনী গুপ্ত; স্বয়ং বারীন্দ্র, কাজী পণ্টন নজরুল ইসলাম, ও
ইরাণী রূপকথক সুরেশ ইত্যাদির দামী লেখক, ইহার পৃষ্ঠাগুলি প্রায় প্রতি সপ্তাহেই পূর্ণ
থাকে। সম্প্রতি বিজলীর কর্তৃপক্ষ ক্রমশঃ প্রকাশ্য উপন্যাস ছাপিবার পাট বিজলী হইতে
তুলিয়া লইয়াছেন—তাহাতে আমরা খুসী না হইলেও—নববিধানের প্রতিবাদ করি না।

কাগজগুলির বেশী কথানারই কলিকাতায় মোকাম—এবং “রেয়নে ওব্‌য়াল
বি উ'ছইকে হায়”। রাজধানীর আওতায় ষাড়িয়া উঠিতেছে। বলিয়া চাল, চাঁক এবং
চেকনাই তিনটারই পুরাতাত্ত্বিক অধিকারী। সত্যকার অন্তরশ্রীর সন্ধান—মাথা, খুঁড়িয়া
মরিলে—হঃ একখানার অন্তরালে যদি এক আধটুকু মিলে। কলিকাতার বাহিরে জন্ম
এবং জীবন—এমন যে কখনা কাগজের খোজ করিতে পারিয়াছি তাহাদের নাম সাকিন
নীচে লিখিলাম।

“প্রতিভা”—ঢাকার, “পল্লীশ্রী” মৈমনসিংহের, “সৌরভ”—সাকিন তথা। “প্রবর্তক”—
ফরাসী বাঙ্গলা চন্দননগরের। “পরিচারিকা” কুচবিহার হইতে বাহির হয়। “রবি”—
আগরতলার ত্রৈমাসিক। “শান্তিনিকেতন”—ব্রহ্মচর্যাশ্রম—বোলপুর হইতে প্রকাশিত।
“বঙ্গসাহিত্য”—বেনারসে আত্মপ্রকাশ করিয়াছে—রেঙ্গুনের সচিত্র মাসিক—“স্বাবলম্বী”।

বয়সে ভারতী প্রবীণা। ৪৮ বৎসর শেষ হইল। প্রবাসী পঁচিশে পড়িয়াছে। মানসীর
“কৈশোর-যৌবন ছ'ছ মিলি” গেছে। ১৭ বৎসর। ভারতবর্ষ—কৈশোর কাটাওয়া
উঠিতেছে—এইবার তের। স্বাস্থ্য-সমাচারের—“বার কিম্বা তের নয়-পুরোপুরি চোদ্দ।”
প্রবর্তক ও পরিচারিকার সমানই বয়স—৯ বৎসর। বঙ্গবাণী ৪ বছরের। বসুমতী, সংহতি,
পল্লীশ্রী, স্বাস্থ্য ইত্যাদির এখনও আঁতুড়ের গন্ধ যায় নি—কিন্তু মা বস্তীর মাহলী গলায়
বাধিয়াছে—বাচিয়া যাইবে বলিয়া মনে হয়।

যে দেশে ম্যালেরিয়া এবং কাল-আজর আটপৌরে—আটকোড়েতেই উকি দিয়া যায়—কারণ গোয়ালে গাই নাই মাগেরও মাই নাই—সেখানে “স্বাস্থ্য”, “স্বাস্থ্যসমাচার” প্রভৃতি কাগজের আমরা আন্তরিক অভিনন্দন করি। “স্বাস্থ্য”র যে কয়টা প্রবন্ধ আমরা পড়িয়াছি—প্রত্যেকটাই প্রশংসার যোগ্য। স্বাস্থ্য-সমাচার—বাচিয়া থাকার প্রয়োজনে বহু স্তম্ভমাচার দিতেছে। শুধু বালাবিবাহ সম্পর্কে তাঁহাদের প্রবন্ধটির সহিত আমরা একমত নই। যে রকম যুক্তিই দেখান না কেন—বালাবিবাহ সমাজ ও জাতির পক্ষে শুভকর বলিয়া আমাদের বিশ্বাস না। অবশ্য বৌবন “গোয়াইয়া” বিবাহ হওয়াও উচিত নয়। মেয়েদের কম পক্ষে—চোদ্দ হইতে ষোল এবং ছেলেদের ২৩ হইতে ২৭এর মধ্যে বিবাহের আমরা পক্ষপাতী। কিন্তু বিবাহের পূর্বে বর ক’নের স্বাস্থ্য এবং পুষ্টির দিকে অবগাই লক্ষ্য রাখিতে হইবে।

সন্দেশ, শিশুসার্থী, আমারদেশ এ কয়খানি—আমাদের—“হাঁতি হাঁতি—পা পা”—“কে যাবে না—নাগ জুতুয়া পায়” ইত্যাদি ভবিষ্যৎ বংশধরদের জন্য। ক’খানাই প্রায় তাদের সমবয়সী। “সন্দেশ” একটু বাড়িয়া চলিয়াছে—হাকিম বা পুলিশের ছেলের মতন নাহস-মুহস। এ ক’খানি কাগজ—খোকা-খুকীদের দপ্তরখানায় শুধু আসা যাওয়া করিয়াই যে রেহাই পায় তা নয়—সেখানে বখন-তখন গড়াগড়ি—তারপর তাঁহাদের মজ্জি-মোতাবেক ছেঁড়া খুঁড়ির উপদ্রব পর্য্যন্ত নীরবে সহ করে। “সন্দেশ”—সফেদ খুব—গিঠাও বহুৎ। শিশুসার্থী’ সার্থীর সেরা—খোকাখুকতো গুল্তানী করিয়া ফিরে। “আমাদের দেশ” “ধনুভঙ্গ” দেখাইবার আগে “কারমাকারের” নিপুণ হাতের নিখুঁৎ খোদাই—চিত্ররঞ্জনের প্রথম-গস্তার মূর্তিটা দিয়াছেন। এখানে দেশবন্ধুর একটু সজ্জিপ্ত জীবনী দিলে বেশ হইত। মাসের পর মাস ছেলেমেয়েদের জন্য ইহার অনাবিল রস-মধুর অকুরস্ত দান লইয়া শিশুদিগের কল্প রাজ্যে, মনের খোরাক পরিবেশন করিতে হাজির হইতেছে। আমরা এই সকল “শিশুসার্থীর” দীর্ঘ নিরোগ পরমাণু কামনা করি। তারা তিনমাথা হইয়া বাচিয়া থাক—মাথার চুল “শনের মুড়ি” হউক।

মাতৃমন্দির মাগেনের কাগজ। চরখার ইহার প্রণা: মন্ত্র “ওম্” অঁকা হইয়াছে। পার্শ্বে সেবা ও পালনের করুণাময়ী কল্যাণমূর্তি। রক্ষণাঙ্গার অন্নপূর্ণা। শালি ধান্য ঢেঁকীতে কোটা হইতেছে। চরকার চরণ নিরে মলোচনা—পুস্তক লইয়া বসিয়াছেন—বোধহয় “গল্পের আরম্ভ” পড়িতেছেন—কারণ মাতৃমন্দিরের ছয়মাসের হিসাব খতাইয়া দেখিলাম ২৫টা ছোট গল্প

বাহির হইয়াছে। ইহা ছাড়া আখ্যায়িকা, উপাখ্যান, কথা, কথিকা ত আছেই। “তরুণীর ষাড়ের নীচে বা পাশে অঁচনখানা ব্রোচ্ দিয়া অঁটা”—স্বতরাং “গল্পের আরাগু” যে পড়িতেছেন সে কথা নিঃসন্দেহ। শ্রীপ্রভাবতী দেবী সরস্বতীর “প্রত্যাবৃত্ত” উপন্যাসখানির জায়গায় জায়গায় বেশ লাগিল। “সেবিকা”র “সর্ব্ব স্ব বিলিয়ে”—শব্দরকে সম্ভানরূপে পাওয়াই এ বৎসরের শেষ সংখ্যার শেষ পংক্তি—বোধহয় হাল সালে বা কীটুকু জমিবে ভাল। কিন্তু কাগজখানি যেমনটী ঠিক হওয়া আর ষতখানি বেনন করিয়া চলা দরকার—তা বোধহয় চলিতেছে না। বাঙ্গলার মাদের যে চিন্তা ও জ্ঞান চর্চায় বাঙ্গলারই গভীর ভিতর মগ্ন হইয়া থাকিতে হইবে—আমাদের এমন বোধ হয় না। সারা বিশ্বের নারী জাতি, স্বাভাব্য এবং স্বাধীনতার মধ্যে নারীর নিজস্ব—নারীত্বের বিকাশ—মাতৃত্বের “স্বর্গাদপি গম্ভীরসী” মহিমা—এ সকলের সহিত পরিচিত হইবার বাঙ্গালী মাদিগকে প্রচুর সুযোগ দেওয়া প্রয়োজন। মাসিক পত্রিকাগুলি সে পক্ষে বিশেষ উপযোগী। তারপর স্বাস্থ্য, গার্হস্থ্য, সম্ভানপালন ইত্যাদি বিষয়ে বহু প্রবন্ধ অনিয়মিতভাবে প্রকাশিত হওয়া উচিত। আমরা অবশ্য—হাওয়াগাড়ীতে ওড়না ওড়ানো স্বাধীনতা “পাশ্চাত্য কালচার” বলিয়া প্রাচ্যের আমরা যাহাকে যখন তখন গালাগালি দিয়া থাকি—সে কথা বা সে কালচার আনিয়া দিতে বলিতেছি না—পাঠক বেন ভুল করিয়া আনাদিগকে মুষলের ঘায়ে মুষড়িয়া মারিবেন না।

সংহতি “শ্রমজীবী সম্প্রদায়ের মুখপত্র” কিন্তু তাহা লিপি ও জ্ঞানজীবীদিগের জন্ম ও প্রচুর মালমসলা সরবরাহ করিয়া থাকে। সংহতির সবগুলি প্রবন্ধই পাঠ্য এবং উৎকৃষ্ট। “বাঙ্গালী ভাইয়া” শৈলজ্ঞানন্দের উপঢাস উল্লেখ যোগ্য, “ইজ্জৎ” গল্পটী বেশ। মজুরের “পিঠভর” বোঝা আর “পেটভর” ক্ষুধার কথা—আরও করুণ অশ্রুধারার ভিগ্নান দিয়া—বেদনা সিক্ত করিয়া তুলিতে পারিলে ভাল হয়! বেনী লোক সংহতি পড়েন না—কিন্তু আমরা সকলকেই কাগজখানি পড়িতে অগ্ররোধ করি।

প্রবর্তক জ্ঞানের বর্ত্তিকা উজ্জ্বল শিখায় জালাইয়া তুলিতেছিল। হঠাৎ রাজ-শাসনের দমকা ফুঁ-এ শিখাটী নিভিয়া গিয়াছে। জাতির মেরুদণ্ড গড়িয়া অন্ধকারে হাত ধরিয়া, পথ দেখাইয়া লইবার জন্য শ্রীবুদ্ধ মতিবাবু সন্ন্যাসীর ব্রত বরণ করিয়া লইয়া গুরু তপস্যা করিতেছিলেন—আমাদের বিশ্বাস তাহা ব্যর্থ হয় নাই—সে সাধনা ব্যর্থ হইতে পারে না।

এখন যে সকল কাগজ পদ পদবো ছুইয়েরি দাবী করে তাহাদের কথা আরম্ভ করি।

সব দিক দেখিয়া বিচার করিলে—“প্রবাসীকে”ই এ বৎসরে প্রকাশিত মাসিকগুলির মধ্যে প্রথম স্থান ও পরম না—হ’ক চরম মর্যাদা দিতেই হয়। বিষয় সকলের বস্তু-মান ও দাম সোজা কথায় দর ও কদর অনুসারে স্থান বিভাগ করিয়া দিবার প্রথা প্রবাসীই প্রথম প্রবর্তন করিলেও—“পঞ্চশস্য”, “কষ্টিপাথর”, “বেতালের বৈঠক”, বিবিধ প্রবন্ধ ইত্যাদি কয়েকটি আদিম আমলী,—মামুলী বিভাগ ছাড়া—সকল অংশনামা—শেষ পর্য্যন্ত বজার রাখিতে পারেন নাই। কিন্তু তাঁহারা যে পথ দেখাইয়াছিলেন—বাকী মাসিকের ছ’একখানেরতও সেই সূত্র ধরিয়া—প্রবাসীর দেওয়া মূল কাঠামটার উপরেই ইচ্ছানুরূপ যোগ-বিয়োগে বিজ্ঞান প্রজ্ঞান, গল্প উপন্যাস, ইত্যাদি অংশে গড়িতের কাজ চালাইতেছেন। মোটামুটি বাঙ্গলার নামকরা মাসিক ক’খানায় যে যে কথা তথ্য বা টপিক্‌সের উপর লেখা বাহির হয়—আমরা তাহার পরিচয় দিতেছি—

- | | | |
|-------|----------------------------|---------------------------------------|
| (১) | গল্প—উপন্যাস— | পয়লা নম্বর। |
| (২) | প্রবন্ধ— | দশমিশালি, সাতরঙা। |
| (৩) | চয়ন, পঞ্চশস্য, | তার-বেতার অর্থাৎ
তাল-বেতালের মেলা। |
| | নিখিল—প্রবাহ— | |
| (৪) | সাময়িক বা বিবিধ প্রসঙ্গ— | মাসকাবারী মোটাকথা। |
| (৫) | দৈনিক বা সাপ্তাহিকের চূষক— | আঠা ও কাঁচি বিভাগ। |

কথাগুলির নম্বরওয়ারী মংলব বাতলাইয়া না দিলে অর্থাৎ সরল ব্যাখ্যা না করিলে দশজনে ঠিক ওয়াকিবহাল হইতে পারিবেন না। সূত্রাং :—

পয়লা নম্বর :—বিতং করিয়া দেখানো নিম্প্রয়োজন। ইহাই “লাইট” বা হাল্কা সাহিত্য—পল্কা ইহার চালচিত্র—কাঠাম—বাটাম। এই ডিস্‌পেন্‌সিয়া অর্থাৎ অঙ্গীর্ণের এপিডেমিকে গুরুবস্তু হজম হওয়া সম্ভব নয় বলিয়াই এমন লঘু, মুখরোচক পথ্যের ব্যবস্থা। তাই এই চড়্‌তি বাজারেও “পয়লা নম্বরের” চাহিদা চাঁল ডালের চেয়েও বেশী। সে কথা পরে বলিব।

নম্বর দোয়েমে—গরু চুরি হইতে বৈষ্ণব বন্দনা ; কিছুই অভাব নাই। সঙ্গীত শিল্প, রূপ, গন্ধ, ইতিহাস, বিষ-স্ফোটক, বিফোরক, চাল কয়লা সবই পাওয়া যায়—প্রাত্যহিক এবং প্রচুর।

তিনের নম্বরের কথাতো আর বলিতেই নাই। “পাহাড়ের উপর ডিগবাজী” খাইয়া উঠিয়াই “এরো পেনের ল্যাজের উপর নৃত্য” তারপর “কুকুর পুলীস” কর্তৃক ধৃত হইয়া ধ্বস্তাধ্বস্তি মনে করুন যে লোকটা এ সব করিল, তার দেহের বহর আড়াই হাত, ভুঁড়িটা মোটর গাড়ীর বনেটের মত—হাসিবেন না আরো আছে—ব্যায়ামের শেষে চার কোটা বৎসরের হংসডিষে জলযোগ। পড়িতে পড়িতে আপনি পাথর” আর লিখিতে লিখিতে আমি হিম। “লিটারারী ডাইজেস্ট অর্থাৎ হংসডিষ কি অম্বডিষ মিচার করিও না হাতে আসা আর গলাধকৃত হওয়া।

লিটারারী ডাইজেস্ট “পপুলার সায়েন্সের—দৌলতে—হজমের প্রশ্ন ত উঠিবেই না কোনো আবগারীর দারোগাও গ্রেপ্তার করিবে না।

চারের শিরোনামায় ভাল-মন্দ, সত্য মিথ্যা সবরকম কথাই খোস খেয়াল মত টীকা টিপনী দিয়া বলা হয়।

পঞ্চম—আঠা ও কাঁচি বিভাগ অর্থাৎ দৈনিক বা সাপ্তাহিক কাগজ হইতে খবর কাঁচি দিয়া কাটিয়া আঠা লাগাইয়া অঁটিয়া লওয়া। যেমন একটি খুব ভাল ছেলে ডায়রী রাখিত। মাষ্টার মহাশয় একদিন সন্ধান নিয়া দেখেন ছোকরাটা এই আঠাও কাঁচি বিভাগের অ্যাপ্রে-টিসি করিয়াছেন। ডায়রীর আগাগোড়া পাতা কয়খানাই তাঁর দিদির “কোটসিপ ডায়রী” হইতে কাটিয়া নিজের খাতায় অঁটিয়া রাখিয়াছিলেন। মাষ্টার মহাশয় পড়িলেন—‘পিপাসিত আমার ওষ্ঠের উপর’ ইত্যাদি এবং সঙ্গে সঙ্গে ছোকরারও পৃষ্ঠের উপর—সপাং সপাং।

অতঃপর ষষ্ঠ—হিসাব খাতে শ্রীমতী কবিতা। এ বেলায়, বাঙ্গলার বাণী, মা ষষ্ঠীরও বাড়া দয়াময়ী হইয়া বসিয়াছেন। বিড়াল কুকুর আর একবারে কটিই বাচ্চা প্রসব করে? কবির ঘরে পঞ্চ খুকী ষষ্ঠীর আসিতেছে একএক ডজন। বিবাহের প্রীতি-উপহার হইতে আরম্ভ করিয়া, দৈনিক মাসিক, ত্রৈমাসিকের পাতায় পাতায়—এই কন্যারা নাচিয়া করেন সংখ্যায় ইঁহারা অগণ্যা এবং বেগে বন্তা।

অবাস্তুর কথা অনেক বলিলাম এখন কাজের কথা আরম্ভ করি আর তার প্রমাণী নজীর দি পাই—হ'একটা দেখাইতে চেষ্টা করি!—

ছোট গল্প :—তবলা, বেহালাওয়াদা, বিজ্ঞাপনের মাসিক নীচে আর উপরে “প্রবাসীকে” রিলে—আমরা এমন একখানি কাগজও পাই না—বাহাতে অন্ততঃ একমাসেও একটাও ছোটগল্প পাপা হয় নাই। প্রবাসীতে গল্প বাহির হইয়াছে—এ বৎসরে ৪৭টা, ভারতবর্ষে ৫২টা, মাসিক বঙ্গবন্ধুর ছয় মাসের খতিয়ান কথিয়া দেখিয়াছি—গল্প উঠিয়াছে ২৬টা। বঙ্গবাণীতে কিছু কম কিন্তু বাদ নয়; ভারতীও খোড়ায় ছাড়েন নাই—আখিন পর্য্যন্ত ১৬টা। আখিন পর্য্যন্ত পুজার সংখ্যা—মানসী ও বসুমতী যেন উদাম মাঠ পাইয়া গল্পের ঘোড়-দৌড় ছাড়িয়াছেন—“ক হারে জেনে”—এই ভাব। মানসীর ঘোড়া—বারটা;—বসুমতী তাঁহাকে তিন ধাপে পারাইয়াছেন—তিন ঘোড়ায়। প্রবাসীর ৪৭টা গল্পের ১৬টা অনুবাদ, মর্মানুবাদ বা ভাবানুবাদ প্রাকীণুলি মৌলিক। নানা কাগজের অসংখ্য গল্পের অধিকাংশই মৌলিক। অনুবাদে প্রবাসীই সর্বাপেক্ষা অধিক সংখ্যক গল্প দিয়াছে—তাহার সব কয়টাই প্রায়—কৌলিক।

এইবার কথিয়া দেখি এ “কথা”র সোনা—খাঁটি কি খাদ।

পদ্য লেখার মত গল্প লেখাও আজকাল পোষাকী সাহিত্য চর্চার মধ্যে গিয়া দাঁড়াইয়াছে। মলে বাঙলার একটাও প্রথম শ্রেণীর গল্প বাহির হয় না। নামুলী সেই কানুন বা “ক্যানোন” মানিতে গিয়া গল্পের হিসাবে এ বৎসরেও ডিম্ব বা বিম্বই বেশী প্রস্তুত হইয়াছে। এ দেশের মাবহাওয়া যেন প্রথম শ্রেণীর গল্প সৃষ্টির অনুকূলই নয়। ছে ট করিতে গিয়া লেখক হয় গল্প পারাইয়া ফেলেন নয় তো গল্প রাখিতে গিয়া—আকারে বা গুণে নয়—মূলেই ছোট হইয়া বসেন। বিওয়াদা কেউ যদি ছোট গল্পের ছবি এক একখানা টানিয়া তোলেন তাহা হইলে চেহারাটা পাড়ায় কতকটা এইরূপ :—আমার চার বছরের ছোট বাচ্চু—বাবুটা যেন তার বাবার ধুতি; পাঞ্জাবী এবং দাদার ছুতা পরিয়া ছড়ি হাতে খাড়া হইয়াছেন—অথবা “দেশবন্ধু” যেন—মহানয়ার” খদ্দেরের কতুরাটীর একটা হাতা কোন মতে মনিবন্ধের সরহদ্দ পার করিবার জন্য মাপ্রাণ টানাটানি আরম্ভ করিয়াছেন (নমস্যা দেশ-নেতৃগণের চরণে আমার শ্রদ্ধানত প্রণাম) উপমাটা আরো মানানসই হইত যদি স্যর আশুতোষ আজ বাঁচিয়া থাকিতেন। (স্বর্গীয় মুক্ত

আম্মার মহিমার কাছে নত কমা নিবেদন করি) অনেক স্থলেই গল্পের 'বাপ-মারা'—গল্প বলিতে গেলে "অঁা-অঁা—তারপর তারপর" এই রকম করিয়া বলিয়া অতিকষ্টে শেষে পৌঁছান।

আম্মার কথা হইতেছে—ছোট গল্প হইবে—ছোট এবং গল্প। জীবনের একদিনের কোনো বিশেষ জনাধর্য বা এক ঘটনার এতটা সংক্ষিপ্ত কাহিনী। আভাসে শুধু রেখা টানিয়া ঘটনাটাকে রূপ দিতে হইবে—এমন করিয়া বলিতে হইবে যেন সিনেমার পর্দার উপর ফুটিয়া উঠা ছবির মত নর-নারী প্রাণহীন ও মুক না হয়—আশে পাশের সত্য, সচল, জীবন্ত মানুষই যেন তাহারা আত্মীয়ের মত নিত্য-নিয়ত আসে যায়। ইউরোপীয় সাহিত্যের ইদানীন্তন ছই অঙ্কের নাটকগুলির কথা বস্তু ছোট-গল্পের উৎকৃষ্ট উপাদান। ট্রাজিডি, কমেডি বা কাস' কি গড়িয়া উঠিবে—তাহা লেখকের ইচ্ছার উপর নির্ভর করে। প্রকাশ বৈচিত্র্য তাহার প্রতিভার পরিচয় দিবে। এ সম্বন্ধে অন্য সময় বিস্তারিত আলোচনা করার ইচ্ছা থাকিল।

এ বৎসর—প্রবাসীতে একজনও প্রবীণ গল্প লেখকের সন্ধান পাই নাই। নবীনেরাই প্রবাসীর গল্পের মৌজা ইজারা লইয়া বসিয়াছেন। যথা—হেমেন্দ্রলাল রায়, শৈলজ্ঞানন্দ মুখোপাধ্যায়, সনৎকুমার ইত্যাদি। বিভূতিকৃষ্ণ এবং বৈদ্যনাথের গল্পগুলি মন্দ লাগে না। হেমেন্দ্রলালের "পুরীর ডায়রী"তে ডায়রী জমিয়াছে বটে কিন্তু তাহার "বন্ধুর আগমনের" মত প্রাণের ছয়াই সাজা দিয়া যাইতে পারে নাই। ডায়রী যদি পড়েন—রজতের ডায়রী—বৈশাখের ভারতীতে—"বুরকার" নীচে দেখুন। ভাষার যে একটা মদির সাবলীল গতিছন্দ, চঞ্চল-স-লীল নৃত্য ভঙ্গিমার হৃদয়ের সবখানি আনন্দে ভরিয়া একটা গন্ধময় স্বপ্ন রাজ্য গড়িয়া দিতে পারে "ভারতীর" মধ্যেই সে ষাটর সন্ধান চিরকাল পাওয়া যায়। যুগল—প্রফুল্লই গল্প লেখেন। প্রফুল্ল বন্ধুর "কটিপাথরে" সোণা কণা যায়। বঙ্গবাণীতেও "দাছ"টা বেশ—চুমোটাও সরস কিন্তু—আরক্ত নয়। ষতীন্দ্রবাবুর শিহরিয়া উঠিবার প্রয়োজন নাই। মানসীতে ফকীর চট্টোপাধ্যায়, পাঁচু ঘোষের খোঁজ পাইলাম। উপাসনারও ফকীরবাবুকে মধ্যে মধ্যে দেখা যায়। মাণিক ভট্টাচার্য্য বন্ধুত্বভীতে আত্মপ্রকাশ করিয়াছেন। পণ্ডিত জ্যোতিরিন্দ্রনাথের মহা প্রয়াণে বাঙ্গলা ভাষা একজন শ্রেষ্ঠ শিল্পী হারাইল। "শেষ পাঠের" মত গল্প আর কে তর্জমা করিয়া দিবে? মোহিনীবাবুর "আসামীর কাঠগড়ায়" "চাকুবালা" ইত্যাদি গল্প প্রশংসার যোগ্য। মোহিনীবাবুর ভাষা নূতন। স্পষ্ট কথ—কিন্তু 'সাজেষ্টিভ খুব। ভারতবর্ষে নরেন্দ্রদেবের

“গরমিল” বাহির হইয়াছে। বোয়র্গস’র “Newly married Couple” নাটকের কথা বহু লইয়া লিখিত। এই নরওইজান চিত্র কথকের অপূর্ব ছই অঙ্ক নাটকখানি ১৮৬৫ খৃষ্টাব্দে প্রথম বাহির হয়। গল্পটা খুব চমৎকার—নরেন্দ্রবাবুর হাতে তাহা ভালই জমিবে আশা করি। ইবসেন ও বোয়র্গসন (Bjornson) সমসাময়িক। ১৯০৩ খৃষ্টাব্দে বোয়র্গস সাহিত্যে নোবেল পুরস্কার লাভ করেন। পবিত্রবাবুর “কবি-মানস”—সিয়েঙ্কিউইজের অনুকরণে লেখা গল্প। কিন্তু পবিত্রবাবু দেখিলাম—“সিয়েঙ্কিউইজ”কে নরওয়ের লেখক বলিয়া ভুল করিয়াছেন। তিনি পোলীস। তাঁহার ভুবন-বিখ্যাত উপন্যাস—“কো ভাডিজ।” ১৯০৬ খৃষ্টাব্দে এই উপন্যাসে সিয়েঙ্কিউইজ নোবেলের সাহিত্য পুরস্কার পান। “নাইটস্ অব্ দি ক্রস্” তাঁহার আর একখানি অপূর্ব উপন্যাস। জুদারম্যানের ভাবালম্বনে—“টেয়া” নাটক লিখিয়াছেন—শ্রীযুক্ত প্রমথলাল রায়। জুদারম্যান কৃতী জাগ্রাণ উপন্যাসিক ও নাট্যকার। “Song of Songs” তাঁহার প্রসিদ্ধ উপন্যাস। প্রবাসীতে “পূজার সংখ্যায়” “রক্তকরবী” বাহির হইয়াছে। রবীন্দ্রনাথের এ আর একখানি “মরমী” নাটক। রক্তকরবীর লালগুচ্ছটা কিন্তু যক্ষপুরীর জালাবরণে ঢাকা—সেইখানেই নাটকের—মরম। সকলের ব্যথায় দরদী—নন্দিনী ঘাটে ঘাটে মন বিলাইয়া ফেরে—অপক্লপ, চমৎকার। আমাদের মনে হয় বুগে বুগে প্রণয়-তৃষ্ণা নন্দিনীর মূর্তি ধরিয়া আসে কাঙ্ক্ষণের ফুলের ছাওয়ায় রঙিন ওড়না উড়াইয়া মনে মনে বিপ্লব তুলিয়া যায়—কিন্তু সেও সার্থক হইতে পায় না—তৃষাও সকলের অতৃপ্ত থাকিয়া যায়। ইহার বেশী বলা আমাদের ধৃষ্টতা ও অপরাধ। প্রবাসীই এবার রবীন্দ্রনাথের সকল গীত-গল্পের অধিকারী—সকল কবিতার ভাগ্যবান হইতে পারিয়া ধন্য মানিয়াছেন। যাত্রা পথের প্রত্যেকটা কবিতা এক একটা মহানৃষ্টি। বড়, আকন্দ, কাঙাল, যাত্রী,—কোন্টা—না? বার্ট ব্রাউনিং বলিয়াছেন—তাঁর যন্ত্রের তিন সুরে যা দিয়া তিনি যে চারের সুরটা গড়িয়া তোলেন—তাহা সুর নয়—“which is not a note— a star”—একটা নীহারিকা। ব্রাউনিংএর সেই পরিকল্পনার বাস্তব মূর্তি রবীন্দ্রনাথের এই কবিতাগুলি। বেণীভাঁতের অনুকরণে ননীমাধব চৌধুরী লিখিয়াছেন—“অনিচ্ছায়।” মন্দনয়।

উপন্যাস :—এ বছর উপন্যাস বাহির হইয়াছে প্রবাসীতে তিনখানি বরং বলি সঞ্জয় হইখানি। কারণ হেন্দ্রবাবুর “বেনোজলের” মোটে শেষের ছই অধ্যায় ২৩।২৭—বৈশাখে

বাহির হয়। উপেন্দ্রবাবুর রাজপথ টেজে শেষ হইল। সবকথা শুরে বলিব। “বামুন-বাগ্দী”তে শ্রীযুক্ত অরবিন্দ দত্ত, সমস্যাটী লইয়াছেন গুরুতর—লিখিবারও কম আছে—এখন দেখি কানাই বাগ্দীর জন্য মহেশ্বরী বিধে কোন্ স্থান নির্দিষ্ট করিয়া দিয়া যান। ভারতবর্ষে মোটামুটি হিসাবে ৭ খানি উপন্যাস বাহির হইয়াছে—কোনো কোনো খানি “স্বাম্যাম শোধ” করিয়া দিয়াছে কোনোখানি চলিতেছে। শ্রীযুক্ত শরৎবাবুর “নববিধানের” গোড়ার দিকটা চমৎকার বৌবন দিনের শরৎচন্দ্র পাঠকের মনে আসিয়া দাঁড়ান। শেষ পর্যন্ত ঠিক সমান হারে উৎকর্ষ বজায় রাখিতে পারেন নাট। উপেনবাবুর “অমলা” বাহির হইয়াছে। শশীনাথের মত সকল দিক দিয়া জমাট নয়; সৌরীনদার এ বয়সের “পিয়রী”—কতখানি ভরাট করিয়া দিতে পারিল—তা বই শেষ হইলে দেখাইব। মানসীতে প্রভাতবাবুর “সত্যবান্দা।”—“আশাহত”—জগদীশ বাজপেয়ীর বই। নগবান্দা যেমন কাঠখোঁটা নাম তেমনি ফুটি ফাটা ভাষা। বঙ্গবাণীর “দেবত্র”—উল্লেখ যোগ্য। “পথেরদাবী” এখনও মেটে নাই। বসুমতীতে শরৎবাবুর “আগরণ” চলিতেছে দেখা গেল। রাখালদাসবাবুর “অনুক্রম” ভারতীতে বাহির হইতেছে—বেশ; সৌরীনবাবুর “বাবলা” শেষ হইয়া বাজারে বাহির হইল। সৌরীনবাবুর ও হেমেন্দ্রবাবুর উপন্যাসের—“অবাক-জলপান” বা গ্রীষ্মে মিঠে বরফের মতন কাটতি।—মণীন্দ্রবাবুর “বপ্ন” বপ্নের মতই বর্ণ-রঙিন—কিন্তু ফানুসের মতন ফাঁকা নয়। নরেশবাবুর “রাজগী” আবার আরম্ভ হইয়াছেন ঝরঝরে ভাবেই চলিতেছে।


এ খণ্ডের সাহিত্য, কলা, সঙ্গীত, ইতিহাস, জ্ঞান—“প্রাঞ্জল” সব রকমেরই হাজারো প্রবন্ধ বাহির হইয়াছে। শ্রীযুক্ত বিনয়কুমার সরকারের প্রবন্ধে বিশ্ব সমাজ ও সাহিত্যের তথ্য এবং তত্ত্ব দুইই প্রচুর প্রাণাওয়া যায়। যে কোনো কাগজ খুলিলেই তাঁহার লেখা চোখে পড়ে। মধুর ভাষায় তিনি যাহুকথা লেখেন। প্রবাসীতে প্রকাশিত “বঙ্গীয় ধন বিজ্ঞান পরিষৎ” এ বহু ভাবিবার কথা বলিয়াছেন। সাহসী যদি কেউ থাকেন তাঁর প্যান্টা ধরুন, বাঙ্গলার কল্যাণ হইবে! “নয়া জার্মানী”তে বহু জ্ঞাতব্য কথা বলা হইয়াছে। শ্রীযুক্ত প্রমথ চৌধুরীর প্রবন্ধে চাট ও চাটনী—চিন্তা ও রঙ কোনোটারই অভাব নাই। ভারতীয় “ব্রাহ্মণ ধ্বনে বাদ আছে চিরকাল”—সকলেরই পড়া উচিত। সঙ্গীতের উপর বিভিন্ন পত্রিকায় প্রকাশিত দিলীপ রায়ের প্রবন্ধগুলি—বাঙ্গলা মাসিকে প্রায় নূতন কথা। “সবজপত্রে” গানের উপর


বহু উৎকৃষ্ট প্রবন্ধ বাহির হইয়াছে কৃষ্ণে কিন্তু "সবুজপত্র"—অকালে ঝরিয়া গিয়াছে। এ আক্ষেপ শুধু প্রথম বাবুর নয়—কৃষ্ণে হইয়াছে দেশের। শ্রীযুক্ত রাখালদাস বাবুর বসুমতীতে প্রকাশিত গল্প ও কালোর প্রশংসার যোগ্য ঐতিহাসিক নিবন্ধ। শ্রীযুক্ত বিমানবিহারী মজুমদারের প্রবন্ধগুলি সুখপাঠ্য। অধ্যাপক শিশিরকুমার মৈত্রের বলাকা ও বের্গস—সুচিন্তিত সমালোচনা। বের্গস'র গতিবাদের সহিত আমরা একমত নই। বের্গস' গতিটাই শুধু জীবনে দেখিয়াছেন—কিন্তু জীবনের—যে চরম পরিণতি ও পরম স্থিতি আছে। সত্য পরিবর্তনশীল নয়—সত্য শব্দাত—তাহাই "ভূভু বস্ব" তবে "হিরণ্ময়েন পাত্রেণ সতস্যাপহিতং মুখম"—সেই হিরণ্ময় জাল ছিন্ন করিয়া সত্য যুগে যুগে গতির মধ্য দিয়া আত্মপ্রকাশ করে মাত্র। সে প্রকাশ নূতন হইতে পারে—কিন্তু নূতনের প্রকাশ নয়। শিশিরবাবু নিপুণতার সহিত তাহার বক্তব্য বলিয়াছেন এবং গতির মধ্যে রবীন্দ্রনাথ ও বের্গস'র কোথায় তফাৎ তাহাও স্পষ্ট করিয়া দেখাইয়াছেন। শ্রীযুক্ত মহেশচন্দ্র ঘোষের উপনিষদ ও ব্রহ্মবাদ সম্বন্ধীয় প্রবন্ধ—সরল, মধুর, সুন্দর। বিবিধ প্রশঙ্গে রামানন্দবাবু অনেক সত্য কথা বলেন। আবার দু একটা টেরা কথাও বলেন। টেরা আর কড়া কিন্তু এক জিনিষ নয়। আশুতোষের সম্বন্ধে বলার মধ্যে প্রাণ না থাকায় প্রকাশ অনেক স্থানে অস্পষ্ট এবং আড়ষ্ট হইয়া পড়িয়াছে। চিত্তরঞ্জনের উপর তিনি বিলক্ষণ চটা বলিয়া বোঝা যায়। জ্যৈষ্ঠমাসে কর্ণওয়ালীস ষ্ট্রীট হইতে ডেরা ডাঙা তুলিবার সঙ্গে সঙ্গে রামানন্দবাবু "ছেলেদের পাঁততাড়ি" গুটাইয়াছেন—তা ভাবনা নাই; "পঞ্চশসাই" আছে। ছেলে লোহার কল বা নানা চংএর মোটরগাড়ী খাইয়া বাঁচিয়া বাড়িয়া উঠিবে। আটের উপর শ্রীযুক্ত সারাজেশ্বর রায়ের দুইটা প্রবন্ধই স্বচ্ছ, সাবলীল, নির্দোষ ও নীরোগ। প্রথমটা Artএর Ideal দ্বিতীয়টিতে তাহার পরিণতি। বস্তু সেখানে "কনসামেট সেভেস্থ" এ গিয়া লীন হইয়াছে। চন্দন-নগরের স্রীতি এ বৎসরের মাসিকে এপিডেমিক লাগিয়াছে দেখিলাম।

বহুচর্চার অর্থাৎ অনেক বিষয়ের আলোচনার ভারতবর্ষের গৌরব। ভারতীয় ভাষা উপভোগ্য। বসুমতীর "পুরাতন-পাঞ্জিকা"—এবং দিন-পঞ্জী বেশ। বঙ্গবাণীর আশুতোষ সংখ্যা বাঙ্গালার ঘরে ঘরে থাকিবার জিনিষ। "প্রবাসীর" "অহং" টুকু বাদ দিলে—মনোজ্ঞ। "শান্তিনিকেতনে"—সোহংএর সাধনা-বার্তা অনেক শোনা যায়।

দৈনিকগুলির মধ্যে "বসুমতী" চমৎকার। খবর, কথা, সম্পাদকীয় লেখা সবই ভাল। আনন্দবাজার বাঙ্গলায় আর একখানা দৈনিক। অর্ধ সাপ্তাহিক সংস্করণও জোর চলিতেছে। সঞ্জীবনী, সময় হিতবাদী, বঙ্গবাসী ইত্যাদি বহুদিনের সাপ্তাহিক। আর বলিবার স্থানা ভার। বা বলিলাম তার জন্যকমা ভিক্ষা করি।

"চক্রবর্তী।"





পরিচায়িকা

(নব পর্ষ্যায়)

“তে প্রাপ্নুবন্তি মামেব সর্বভূতহিতে রতাঃ ।”

৯ম বর্ষ ।

জ্যৈষ্ঠ, ১৩৩২ সাল ।

২য় সংখ্যা ।

হিন্দু-মুসলমান ।

ভারতের আছে একটা বিশেষ শিক্ষাদীক্ষা, একটা বিশেষ কালচার (Culture) । সেই শিক্ষাদীক্ষা, সেই কালচারের বনিয়াদ যে হিন্দু তাহা অস্বীকার করিবার উপায় নাই । শুধু বনিয়াদ কেন, বনিয়াদের সাথে সাথে সাধারণ গড়নটিও যে দিয়াছে হিন্দু; এ কথাও না মানিলে সত্যেরই অপলাপ হইবে । ভারতীয় শিক্ষাদীক্ষার মূল প্রকৃতি এবং সেই প্রকৃতির মোটামুটি ধারা অন্য, কথায়, স্বভাব ও স্বধর্ম হিন্দুত্বের মধ্যে । গায়ের জোরে কি অন্ধ উত্তেজনার বসে কিঃভয়ের দরুণ যাহাই বলি না কেন, ইহাই হইল গোড়ার সত্য । অবশ্য সেই সাথে এ কথাও ভুলিলে চলিবে না কেন, ইহাই হইল গোড়ার সত্য । অবশ্য সেই সাথে এ কথাও ভুলিলে চলিবে না যে উত্তরকালে আরও অনেক জাতি অনেক ধর্ম তাহাদের শিক্ষাদীক্ষা লইয়া আসিয়া মূল হিন্দু স্বভাব ও স্বধর্মে অনেক নূতন রূপ, নূতন ব্যঞ্জনা ফুটাইয়া ধরিয়াছে । ভারতের বর্তমান

পূর্ণাঙ্গ দেহ গড়িয়া ধরিতে এই রকম বড় ছোট বহু উপকরণের প্রয়োজন হইয়াছে। তবুও আমরা বলিতে বাধ্য যে, যে সুর দিয়া ভারতের জীবন-প্রতিভা হিন্দু উন্মেষ করিয়াছিল তাহা আজও অব্যাহত, তাহার উপরে আর কেহ যতই নূতন বা বিভিন্ন ধরণের আলাপ, গমক, মুর্চ্ছনা খেলাইয়া তুলুক না কেন।*

তাই বলিয়া আবার আমাদের সিদ্ধান্ত এমন নয়,—এই যে হিন্দুত্বের বনিয়াদ ইহা হইতেছে সে হিন্দুত্ব আধুনিক গোড়া ব্রাহ্মণ-পণ্ডিতেরা যাহাকে হিন্দুত্ব বলিয়া বিবেচনা করেন। ব্রাহ্মণ-সভার হিন্দুত্ব আসল হিন্দুত্বের একটা ধারা বা প্রকরণ মাত্র প্রকৃত পক্ষে উহা হিন্দুত্ব নহে, উহা হইতেছে হিন্দুয়ানী। ভারতের শিক্ষাদীক্ষা প্রতিষ্ঠা পাইয়াছে যে হিন্দুত্বে তাহা এত উদার, এত গভীর যে সেখানে শুধু বৌদ্ধ, জৈন বা চার্বাকধর্মও যে স্থান করিয়া লইতে পারিয়াছে এমন নয়, তাহার মধ্যে গ্রীক, মোসলেম ও খৃষ্টীয়ান শিক্ষাদীক্ষারও আসন হইয়াছে। ফলতঃ, এই হিন্দুত্ব বলিতে আমরা কেবলই হিন্দুজাত, হিন্দুআচার বুঝি না; এই হিন্দুত্ব প্রধানতঃ হইতেছে মনের প্রাণের একটা বিশেষ গড়ন, অন্তরাত্মার একটা বিশেষ দৃষ্টিভঙ্গী। এমন কি, জাতে হিন্দু না হইয়াও, ভাবে এই হিন্দু হওয়া যায়; আবার জাতে হিন্দু হইলেই ভাবেও যে এই হিন্দু হওয়া যায় এমনও নয়।

বিশেষ ধর্মের একটা ছাঁদ এই রকমে যে এক একটি দেশের শিক্ষাদীক্ষায় থাকিয়া যায়, তাহার নিদর্শন আমরা অন্যান্য দেশের ইতিহাসেও লক্ষ্য করিতে পারি। একটি ধর্মই দেখি একটি দেশগত কালচারের প্রধান সুরটি দিয়াছে,; অন্যান্য ধর্ম ভিতর হইতে উদ্ভূত আর বাহির হইতে আগত হউক, তাহারা সেই একটিরই অনুগত হইয়া সেই একটিকেই অনুসরণ করিয়া চলিয়াছে। ভারতের পক্ষে যেনন বিন্দুধর্ম ও হিন্দুত্ব, ফরাসীদেশের পক্ষেও সেই রকম “কাথলিক”-ধর্ম ও “কাথলিক”ত্ব। ধর্মের অনুষ্ঠান (Religion) বা জাত হিসাবে ফরাসী বেশীর ভাগই হইতেছে

* সম্প্রতি দেখিলাম আমার বক্তব্যটি জনৈক মুসলমান লেখক কর্তৃক মূলতঃ সমর্থিত হইতেছে। গত ফাল্গুনের (১৩৩১) “বঙ্গবাণী”তে মুহম্মদ মনসুর উদ্দীন মহাশয় বলিতেছেন, “হিন্দু সভ্যতা এই বাঙ্গালী সভ্যতার মূল, বৌদ্ধ সভ্যতা ইহার কাণ্ড, মুসলমান সভ্যতা ইহার শাখা প্রশাখা এবং ইংরেজ সভ্যতা ইহার পত্রপুষ্প বিকাশ।”

কাথলিক সম্প্রদায় ভুক্ত এই কথার উত্তর আমরা ইঙ্গিত করিতেছি না, আমরা বলিতেছি এই যে, ফরাসীর শিক্ষাদীক্ষা, তাহার মানস মত্তা কাথলিক ভাবে অনুপ্রাণিত। তাহার শিল্পে, তাহার সাহিত্যে, এমন কি তাহার আচারব্যবহারের মধ্যেও যেখানে কাথলিক মতবাদ বা অনুষ্ঠানকে অস্বীকার করিয়া চলিয়াছে সেখানেও বস্তু হিসাবে না হউক, ভঙ্গী হিসাবে—ফুটিয়া উঠিয়াছে “কাথলিক”ত্ব,—কাথলিক “রিলিজেন” নয়, কিন্তু কাথলিক “কালচার।”† ফরাসী দেশে কাথলিকের বৈরী প্রোটেস্ট্যান্ট ছিল, চূড়ান্ত প্রোটেস্ট্যান্ট কালভিন-পন্থী ছিল, কোন ধর্ম না ধর্ম্মানুষ্ঠান মানে না যে স্বাধীন চিন্তার উপাসক (Free Thinkers) তাহাদের জন্মই ফরাসী দেশে ; তবুও মনে প্রাণে ফরাসী হইতেছে কাথলিক। জাতে বা মতবাদে যাহারা কাথলিক নয়, তাঁহাদেরও ধাতুর মধ্যে পাই কাথলিকত্বের ছন্দ। প্রোটেস্ট্যান্ট চতুর্গ হেনরি (যাহাকে ফরাসীরা বলে Henry the Great) ফরাসীদের রাজা হইবার জন্য নিজের ধর্ম্ম ত্যাগ করিতে আত্মত্যাগ হইয়া যে দিন বলিয়া উঠিলেন—Paris vaut bien une messe (প্যারী-নগরীর মূল্য যদি হয় কাথলিক মতে একটু উপাসনা, তবে ত সমস্তাই কিম্বিমাং)। সে দিন তিন শুধু মুখেই বটে কাথলিকজাত গ্রহণ করিলেন, কিন্তু অজানিতে সেই সাথে সাথে অন্তরের মধ্যে ফরাসীর দেশ-ধর্ম্ম কাথলিকত্বই বরণ করিয়া লইলেন।

জাপানকে আমরা বৌদ্ধ বলিয়া জানি—সেখানে বৌদ্ধধর্ম্মের প্রভাব খুবই, তবুও বৌদ্ধ শিক্ষাদীক্ষা জাপানী শিক্ষাদীক্ষার আনন বনিয়াদ নয়। জাপানের শিক্ষা-সাধনা, যে শিক্ষা-সাধনা জাপানের জীবনের ধারা গড়িয়া তুলিয়াছে, নিরস্তিত করিতেছে তাহা আনিয়াছে জাপানের নিজস্ব সিন্তো (Shinto) ধর্ম্ম হইতে। জাপানের পিতৃপুত্র্য প্রজা, জাপানের বুসিদো (Bushido), জাপানের স্থিরবীর স্বভাব, প্রভৃতি জাপানের যাহা জাপানই সবই সিন্তোধর্ম্মের

† যেমন মণীষী রেনা (Renan) সম্বন্ধে জনৈক মনালোচক বলিয়াছেন যে এই ভল্‌তেরার (Voltaire)-পন্থী নাস্তিক বদিও কাথলিক বিশ্বাস ও অনুষ্ঠান সব প্রত্যাখ্যান করিয়াছিলেন • তবুও তাঁহার প্রাণে ছিল কি একটা কাথলিকত্বেরই সুর—শোভনতা, শালীনতা, সৌন্দর্য্যপ্রিয়তা, অনুচরের বৈদগ্ধ্য, চিন্তার চাতুর্য্য (L'âme ecclésiastique : une âme de douceur, de finesse, de meances)। এই সব গুণই ফরাসীর জাতিগত গুণ।

দান এরূপ বলা অত্যাতি হইবে না। বৌদ্ধধর্ম সিন্ধোধর্মকে গ্রাস করে নাই, সিন্ধোধর্মই বৌদ্ধধর্মকে গ্রাস করিয়াছে, বৌদ্ধধর্ম সেখানে সিন্ধোধর্মেরই একটা অলঙ্কার হইয়া দাঁড়াইয়াছে।

আয়লণ্ড জাত হিসাবে বেশীর ভাগ কাথলিক। কিন্তু আইরিশ প্রতিভা ফরাসীর মত কাথলিক কালচারে নয়। আয়লণ্ডের প্রাণের ছন্দ আরও অতীতে। তাহার কেল্টিক শিক্ষা সাধনায়, প্রাচীন ড্রুইডদিগের ধর্ম। আলষ্টার প্রদেশের সহিত আয়লণ্ডের যে বন্ধ তাহা কেবল রাজনীতিক নয় এমন কি ধর্মাচার বা জাত বিষয়কও নয়। সে বন্ধের মূলে আছে দুইটি পৃথক কালচারের অমিল। আলষ্টার হইতেছে ইংরাজদের উপনিবেশ—আলষ্টারবাসীরা ইংরাজী শিক্ষাদীক্ষায় অনুপ্রাণিত, তাহাদের দেহ আয়লণ্ডে থাকিলেও, তাহাদের মনপ্রাণ তাকাইয়া আছে লণ্ডনের দিকে। আংগ্লো-সক্সন ও কেল্টিক কালচারের এই সংঘর্ষ ও অসামঞ্জস্যই আয়লণ্ডের গৃহবিবাদের মূলে!

আমাদের ভারতেও দেখি এই রকম একটা ঘটনা ঘটিতেছে। ভারতে মুসলমান সম্প্রদায় একটা সজীব বৃহৎ গোষ্ঠী। ভারতের হিন্দু প্রতিভার অন্যান্য ধর্মের বা শিক্ষাদীক্ষার প্রভাব ছিল ও আছে, তবে সুক্ষ্ম ধরণে, সীমাবদ্ধ আকারে। কিন্তু মোসলেম শিক্ষাদীক্ষা হিন্দুধর্মের উপর প্রভাব ছড়াইয়াছে যেমন, তেমনি নিজের একটা পৃথক সত্তাও জাগাইয়া রহিয়াছে। মোসলেম ভারতবাসী হইয়াও ভারতের বৃহৎ আর্ষা বা হিন্দুজাতের মধ্যে আপনাকে হারাইয়া ফেলে নাই। ইহাতে আপত্তির বা দোষের কিছু নাই। কিন্তু অভিযোগ স্বভাবতই আসে তখন যখন দেখি যে, যে ভারতীয় শিক্ষাদীক্ষায় মুসলমানের কৃতিত্ব অনেকখানি তাহাকে স্বীকার করিতে তাঁহারা চাহেন না। ধর্মের বা জাতের জন্য নয়, কিন্তু কালচারের জন্যও তাঁহারা দৃষ্টিপাত করেন ভারতের বাহিরে কোথাও—আরব; আফগানিস্থান, পারস্য বা তুর্কির দিকে। তাহা দেখিয়া মনে হয় মুসলমানেরা বুঝি বাস্তবিকই “নিজ বাসভূমে পরবাসী।”

হিন্দু মুসলমান সমস্যার ইহাই গোড়ার কথা। ভারতীয় শিক্ষাদীক্ষার ধারাকে মুসলমান অনুসরণ করিতে চাহিতেছেন না, ভারতের মধ্যে থাকিয়া বিপরীত ও বিরোধী একটা শিক্ষাদীক্ষার প্রচলন করিতে চাহিতেছেন। ভারতের শিক্ষাদীক্ষার ধারায় হিন্দুধর্মের প্রাধান্য এই যে বাস্তব সব, ইহাকে একান্ত অস্বীকার করিতে না পারিয়া, সহ্যও করিতে পারিতেছেন না। অথচ কার্যতঃ যে উভয় শিক্ষাদীক্ষার যে একটা মিল হইয়া গিয়াছে ও যাইতেছে, সে ইঙ্গিত

দেখিয়াও তাঁহারা দেখিতেছেন না। তাজমহলে মুসলমানের প্রাণের ছন্দ মূর্ত্ত হইয়া দাঁড়াইয়াছে, কিন্তু তাই বলিয়া তাহা অভ্যন্তরীণ, এমন কি অহিন্দুও হইয়া পড়ে নাই। যে কালচার জন্ম দিয়াছে কোণারক, অজন্তা, বহাবল্লিপুৰম্ সেই কালচারেরই ধারা অক্ষুণ্ণ রহিয়াছে তাজমহলে। হিন্দু চন্দ্রগুপ্ত আর মুসলমান আকবর উভয়েই ভারতের যে নিজস্ব বিশিষ্ট রাষ্ট্রীয় প্রতিভা তাহারই প্রতীক !*

আনাদের বাঙ্গলা দেশের কথাই ধরি না কেন। বাঙ্গালীর শিক্ষাদীক্ষা—সে হিন্দু হউক আর মুসলমান হউক—কি হিন্দুত্বের উপরই প্রতিষ্ঠিত নয়? ধরুন বাঙ্গালীর ভাষা। মুসলমানদের মাতৃভাষা কি? বাঙ্গলা। সে বাঙ্গলা কি সংস্কৃত হইতে আসে নাই—অন্ততঃ আরবী বা ফারসী হইতে যে আসে নাই, তাহা নিঃসন্দেহে বলা যাইতে পারে। বাঙ্গলায় আরবী ফারসী কথা যাই থাকুক, তাহার গঠন হইতেছে আৰ্য্যভাষার গঠন, তাহা হইয়াছে আৰ্য্য শিক্ষার দীক্ষার যন্ত্র—তাহাতে ‘সারাশনে’ শিক্ষাদীক্ষার গড়ন বা প্রাণ নাই। বাঙ্গালী মুসলমানেরা যখন লিখিতে বসেন তখনও তাহার মধ্যে পাই পোনের আনা হিন্দু বা আৰ্য্য ভাব ও ভঙ্গী! এই যে বাস্তব সত্য—fact—এটিকে অস্বীকার করিয়া লাভ নাই, ইহার উপর রাগ করিয়াও কোন ফয়েদা নাই।

ভারতের অন্তরাঙ্গার আছে যে একটা বিশেষ ধারা, যাহার উৎস হইতেছে হিন্দুত্ব (আবার আমরা বলি সে হিন্দুত্ব হিন্দুয়ানীর সহিত এক করিয়া ধরা যায় না), তাহাকে স্বীকার করিতেই হইবে, ভারতকে যাহারা আপনার বলিয়া মনে করিবে তাহাদিগকে সেই ধারাটি অক্ষুণ্ণ রাখিয়া চলিতে হইবে। বিভিন্ন রকমে তাহার মধ্যে পরিবর্তন আসিয়া সেটিকে বিচিত্র সমৃদ্ধ করিয়া তুলিতে পারি, কিন্তু তাহার বিরুদ্ধে কখনই চলিতে পারি না। মুসলমানের সন্মুখে আজ এই প্রশ্ন—ভারতবাসী হইয়া এই ভারত প্রতিভা, ভারতধর্মকে তিনি অনুসরণ করিতে চাহেন কি না।

* আকবর ছিলেন উদার দূরদর্শী, তাই তিনি ভারতীয় শিক্ষাদীক্ষার যে হিন্দু বনিয়াদ তাহা স্বীকার করিয়া তদনুসারে তাঁহার গঠনের কাজ সব করিয়াছিলেন। ঔরঙ্গজেব পুনরায় আনিতে চেষ্টা করেন হিন্দু বিরোধী সূতরাং ভারতের ভারতত্ব বিরোধী একটা বিভিন্ন ও বিপরীত কার্যধারা।

ভারত প্রতিভার গোড়ার সুর যদি হিন্দুত্বই হইয়া থাকে, তবে তাহা প্রকৃতিদত্ত জিনিষ, তাহাকে উল্টাইয়া ফেলিবার উপায় নাই।

মুসলমানেরা তাঁহাদের মুসলমানত্ব অটুট রাখিবার জন্য কেন যে ভারতের বাহিরের দিকে তাকাইয়া রহিবেন, হিন্দু বনিয়াদের সহিত তাঁহাদের চিরবিরোধ যে কেন থাকিবে, অজ্ঞান-প্রসূত অন্ধ গোড়ামী ছাড়া তাহার আর হেতু নাই। মুসলমানের মুসলমানত্বও একটা অবিকল্প অব্যভিচারী, নিরেট কাটা ছাঁটা বস্তু নয়—তাহার মধ্যেও অনেক পরিবর্তন, অনেক অদল বদলের অবকাশ আছে। খুব সাধারণভাবে মুসলমানজাতের এক শিক্ষাদীক্ষা হইলেও দেশ হিসাবে সেই শিক্ষাদীক্ষাও রকমফের যে না হইয়াছে এমন নয়। তুর্কির মুসলমানত্ব, মিশরের মুসলমানত্ব, আরবের মুসলমানত্ব, পারস্যের মুসলমানত্ব, আকগানের মুসলমানত্ব সবই এক জিনিষ নয়। মোসলেম শিক্ষাদীক্ষা অপেক্ষাকৃত আধুনিক। এই যে সব দেশের নাম করিলাম তাহার প্রত্যেকটিতেই দূর অতীতে ছিল এক একটা বিশেষ শিক্ষাদীক্ষা ধর্মকর্মের ধারা—কোথাও তাহার সহিত মিলিয়া মিশিয়া, কোথাও তাহাকে আত্মসাৎ করিয়া দেশ হিসাবে মুসলমান হইয়াছে বিভিন্ন রূপ বিভিন্ন ছন্দ। সেই রকম ভারতের মুসলমানও, ভারতীয় হিন্দুত্বের সংস্পর্শে আসিয়া, পরে আর একটা নূতন, ভারতের অনুরূপ প্রকৃতি, তাহাতে মুসলমানত্ব খর্ব হইবে কেন? মোগল চিত্র শিল্প ভারতেরই আপনার জিনিষ, তাহার মধ্যে হিন্দুত্বের ছায়া আছে বলিয়া, তাহা নিছক আরব শিল্প নয় বলিয়া কি মুসলমানের পরিত্যজ্য? ইউরোপের ও আমেরিকার সকল দেশই হইতেছে খৃষ্টধর্মী, কিন্তু তাই বলিয়া কেহই শিক্ষাদীক্ষার জন্য পালেস্তিনের দিকে তাকাইয়া রহে নাই। প্রত্যেক দেশেই খৃষ্টের ধর্ম তৎ তৎদেশ অনুযায়ী এক একটি পৃথক কালচারের মধ্য দিয়া বিভিন্ন ভাবে ফুটিয়া উঠিয়াছে, ইংরাজ, ফরাসী বা জার্মানী খৃষ্টভক্ত হইয়াও নিজের নিজের দেশের মাটির ধণ আলাদা আলাদা কালচার গড়িয়া তুলিয়াছে—ইহুদী শিক্ষাদীক্ষাকেই কেহ তাহারা মানুষের চরম আদর্শ বলিয়া অঁকড়িয়া ধরে নাই।

সুতরাং কথাটা দাঁড়াইতেছে এই যে, একই দেশে বিভিন্ন ধর্মচার বা জাত থাকিতে পারে কিন্তু সেই দেশের একত্ব অখণ্ডত্ব বজায় রাখিতে হইলে প্রয়োজন এক শিক্ষাদীক্ষা, এক কালচার, আর কালচারের ঐক্য, আচারের বৈচিত্র্যের সহিত একসাথেই থাকিতে পারে—উভয়ের মধ্যে

বন্দ যে অনিবার্য এমন কোন বাধ্যবাধকতা নাই। এক হিন্দুসনাজেই ত দেখি কত বিভিন্ন আচারের সম্প্রদায় স্থান পাইয়াছে। 'ব্রাহ্ম', 'আর্য্য', 'শিখ'—ইহঁারা অনেকেই হিন্দু নামে পরিচিত হইতে চাহেন না। তবুও কালচার হিসাবে ইহঁারা হিন্দুস্থানের ভারতের বৈশিষ্ট্যকেই অনুসরণ করিয়াছেন, অক্ষুণ্ণ রাখিয়াছেন। তাই আমরা আশা করি ভারতীয় মুসলমানেরাও তাঁহাদের প্রাণের মোড়, মনের বাঁক, দৃষ্টির ভঙ্গী ফিরাইয়া ধরবেন। ভারতের আছে যে একটা সজীব প্রাণ, একটা নিজস্ব শিক্ষাধরা, একটা অনুভূতি বৈশিষ্ট্য (জন্মপেরা যাহাকে বলে "Weltanschauung"—World-view)—ভারতের মাটির আছে যে একটা বিশেষ গুণ তাহার সহিত সমচ্ছন্দে মুসলমানকেও চলিতে হইবে। শুধু মুসলমান বলি কেন, সকল ধর্ম সকল জাত সকল গোষ্ঠী সকল সম্প্রদায়কেই—এমন কি গোঁড়া হিন্দুকেও সেই দেশগত প্রতিভার যন্ত্র বা প্রণালী যথাসাধ্য হইয়া উঠিতে হইবে। ভারতের অস্তুরাশ্রয় প্রতিষ্ঠিত যে বৃহৎ হিন্দুত্ব; তাহাকে গোঁড়া হিন্দুয়ানীর গণ্ডিতেও আবদ্ধ রাখা যাইবে না। গোঁড়া হিন্দু হউন আর গোঁড়া মুসলমান হউন, সেই বৃহৎ আর্য্য বনিয়াদি—যাহার একটা উপধারা হইয়াছে গোঁড়া হিন্দুয়ানী, যাহা মুসলমানের একটা আসল মুসলমানত্বও অঙ্গীভূত করিয়া লইতে পারিয়াছে—তাহাকে সকলেই মানিয়া চলিতে বাধ্য হইবেন। নিছক হিন্দুয়ানী বা নিছক মুসলমানী যদি কেউ চাহেন—কালচার হিসাবেও—তবে তিনি সাময়িক বিশৃঙ্খলা বিপ্লবের সৃষ্টি করিতে পারেন হয়ত, কিন্তু পরিণামে তিনি যে টিকিয়া থাকিতে পারিবেন তাহাতে ঘোর সন্দেহ।

শ্রীমলিনীকান্ত গুপ্ত।



নূতন পরিচয় ।

—❀—

নূতন ক'রে এ পরিচয়—
 আজ্কে প্রিয়া তোমার সাথে
 অনন্দেরি উৎসবেতে
 ধরা দিলেম তোমার হাতে ।
 সাম্লে নিয়ো চপল চরণ
 আমার সারা জীবনমরণ
 তোমর চলা কর্লে বরণ
 একটি ক্ষণের নয়ন পাতে ।

এমনি করে মিলন মাঝে
 জীবন সারা কাটতো যদি
 মায়া-পূরীর পুলক টানে
 শুকিয়ে যেতো অশ্রু-নদী ।
 তরুণ তব কাজল চোখের
 রঙিন ভাষা মর্ত্য-লোকের
 মুচ্ছতো রবি দুঃখ শোকের
 পরশ দিল কোন্ দরদী

জমাট করা অভিমানের
 ব্যথার গানে এতেক দিনে
 কারণ বিণা আঘাত দিচি
 তোমার সারা মনের-বীণে ।

ভুল করেচি সকল নিশায়
 আঁখির মায়া করলে কি সায়
 অস্তুরে মোর আঁধার মিশায়
 লইনি বুকে তোমায় চিনে ।

উদাসী মন ছুটেতে ছিল
 সঙ্গে লয়ে ভুলের বোঝা
 তাহার মাঝে অজ্ঞাতে যেন
 চলতে ছিল তোমায় খোঁজা ।

আসলে আমার জীবনকূলে
 অতীত দিনের সকল ভুলে
 পথের বেদন দিলে তুলে
 —অভিমানের নয়ন বোঁজা !

তোমার সাথে এ-অভিনয়
 চলবে কি গো সকল যুগে !
 ক্ষণেক পরে হান্বে ব্যথা—
 বাজবে মোরে গভীর দুখে ।
 যখন এই মিলন মেলায়
 পুলক মাতে রঙিন খেলায়—
 এমনি তোমার অবহেলায়
 রঙ্ টুটে যায় তরুণ বুকে ।

অনেক দুখের সাধন পরে
 আসূলে যদি জীবন-রাণী
 নির্ভয়ে মোর কাম্বাহাসি
 দিলাম তোরে সকল খানি ।
 কর্চি তোমায় এই মিনতি
 দৌহার মনের মদন রতি
 মহোৎসবে মাত্বে যদি
 যেয়ো না তার আঘাতে হানি ।

হে মোর চপল পলাতকা
 তোমায় আমি বাসুবো ভালো
 বুকে আমায় সাপ্টে ধরে
 চুমোর ঠোঁটে মদির ঢালো ।
 রক্ত মনের অন্ধ কোণে
 আমার আলোক এমন ক্ষণে
 মুখ-নয়ন-বাতায়নে
 লও গো প্রিয়া—ঘুর্বে কালো ।

তোমার সাথে হটক যেন
 মনের বিয়ে নূতন করে
 হটক উহা সত্য নিবিড়
 পরিণয়ের বাঁধন গড়ে ।

রচবে কাঁকন ফুলের মালা
কুঞ্জ ছায়ায় বাসর জ্বালা
মোদের বিয়ের বরণ-ডালা
বনের দেবী তুলুবে ধরে ।

ক্ষতি কী তায় একলা দৌছে
রচবে সেথা মায়ার পুরী
ভয় করো না, অতিথ্ নব
আনবে বয়ে হাসির মুড়ি ।
রিক্ততারি কোন্ আহবে
তারাই মোদের সঙ্গী হবে
অজান দেশের খরচ ক'বে
ক্রেগড়ে থাকি অ-ফুট কুঁড়ি ।



বন্দে আলো মিছা ।

চাঁদের অমিয়া

-:~:-

সারাদিনে একবারটা পাশে এসে বসতে পারি নি, মুখের কথার এতটুকু পুলক দিয়ে প্রাণ তোমার রঙিয়ে তুলবার অবসর পাই নি ।

এই নালিশটাই যে আজ তোমার বুকের মাঝে বড় হয়ে' উঠে গোপন ব্যথার গুমরে ফির্চে, তুমি বুঝতে দাও বা না দাও—এ আমি বুঝে নিয়েছি । আর এই ব্যথার অভিমানেই যে

আপনাকে আড়াল করে'—তুমি আমার দিক থেকে মুখ ফিরিয়ে! বসেচ, এও আমি ধরে' ফেলেচি।

কিন্তু না গো, আর আমি আপনাকে দূরে ফেলে রাখচিনে। দিনের কাজ কুরিয়ে, ফেলে এসেচি, ঘরকন্নার ভাবনা-চিন্তে চুকিয়ে দিয়ে এসেচি, সংসারের ভালো-মন্দের সকল জালা-জঞ্জাল সংসারেরি একধারে নামিয়ে দিয়ে বেঁচেচি, নাও—এবার আমার কাছে টেনে নাও—তোমার পায়ের কাছে—তোমার কোলের কাছে—যেখানে তোমার মন আমার সত্যিকার খোঁজে ব্যাকুল হয়ে উঠেচে—সেই তোমার অন্তরতম অন্তরের কাছেই তুমি আমায় টেনে নাও প্রভু! তুমি আমায় টেনে নাও—মনের সমস্ত আনন্দ দিয়ে, তোমার পায়ের তলা জুড়ে' আমি বসে' যাই, তোমার প্রসন্ন দৃষ্টির জ্যোৎস্নাকাশের ছায়ার আপনাকে ছড়িয়ে দিয়ে আমি লুটে পড়ি। তোমার চারদিক জুড়ে' আমি এলিয়ে পড়ি—তোমার কোল ছেয়ে' আমার চুল এলিয়ে পড়ুক, তোমার বুক জুড়ে' আমার বকের পরশ গলে পড়ুক—আমার হ' হাতের ছোঁয়া তোমার গলার মালা হ'য়েই হলে' উঠুক।

মুখ-ভরা বন্ধুর হাসি নিয়ে' সোনার রাত এসে' আমাদের শিয়রের পাশে দাঁড়িয়েচে। ঐ জান্না মেলে' বাইরের পানে চেয়ে দেখ, তার বকের বসন চিরে' অনাদি কালের অমৃত ক্ষরে' পড়্চে। নীলাকাশের নীল হাতের মুঠো থেকে তার জপ-মালা কেড়ে' নিয়ে, বিশ্ব-ধরিত্রী হঠাৎ কোন্ ধ্যান-ধারণার অতীতের নাম জপেই মৌন হয়ে গেচে। বে দিকে যতদূরে আমি চাইচি—কেবল তাই দেখচি—তোমার:কোলে মাথা রেখে যা দেখতে আমার সাধ হয়—দৃশ্য ও রূপের বে ঐশ্বর্যকে আমি মনের মাঝ থেকেই কামনা করি। ঐ চাঁদের আলো-লাগা টুকরো মেঘ, নীলিমার নীল রং, এই উদাসিনী রাত্রি, এই ফুলের গন্ধ-মাথা মাতাল হাওয়া—এ-যেন আমার এই আনন্দ-অভিসারের শুভ লগ্নে তেত্রিশকোটি দেবদেবীরই নিজের হাতে-রচা আশীর্বাদের মাহল্য। পরিপূর্ণ মিলনের এই শুভক্ষণে দুখানি অধরের রক্ত-অমৃত চুমুক দিয়ে দুখানি অঙ্গ কী হুঃসহ পুলকেই না শিউরে উঠেচ।

তুমি হয় ত ভাবচ—সারাটা দিন আমি কি করে' দূরে সরে' রই—কি করে' সংসারের কাজে আপনাকে ডুবিয়ে দিয়ে তোমার ভুলে' থাকি। তোমার মুখপানে চেয়ে এই কথাটা আমিও ভাবচি। ভাবচি যার পরশ পেতে গে' সর্বান্ন আমার। অহোরাত্র ব্যথিয়ে রইচে, ফুল যেমন

তোরের আলোর পথ চায়—তেমনি যার পথ চেয়ে বৃকের মাঝে নিরীলা কোণে বিরহী আত্মা আমার সর্বক্ষণ চোখেমুখে লাল হয়ে রয়েছে—সেই জনকে আমার সংসারের কোন্ আনন্দে ভুলিয়ে রাখি, সর্বেন্দ্রিয়কে সর্বদেহকে কোন্ সাস্তনায় বেধে রাখি ।

কিন্তু আছে প্রভু, সাস্তনা আমার :আছে । নিজের মনের ভাবনা থেকেই সাস্তনা আমি খুঁজে পেয়েছি । কিন্তু নিজের মন থেকে তুমি হয় ত এ খুঁজে পাবে না—এ নাগিশের এ মীমাংসা তোমায় হয় ত নিজে থেকে ধরা দেবে না । তাই আপন মনের এই সত্যকেই তোমায় আমি আজ শোনাব ।

এর জবাবে সবার আগে আমি :বোল্‌ব—ঐ যে তুমি ভাবচ—ঘরের কাজে লেগে আমি তোমায় ভুলে' যাই—সংসারের সহস্র-কর্মের আবর্জনার স্তুপে তোমায় হারিয়ে ফেলি—এই কথাটাই তুমি ভুল করে' ভাবচ । আমি ভেবে দেখেছি—আমি বুঝে দেখেছি শ্রিয়তম—ঘর-কল্পার সর্ব-অনুষ্ঠানেও আমি তোমার মিলনকেই উপভোগ করি । তুমি আমার এনেচ—সে ত তোমারই ঘরে প্রভু ! আমি তার কাজ করে যাই সে ত তোমারই কাজ,—আর তা করি সেও তোমারই ইচ্ছায় । এই ঘর-সংসারে আমার চার-দিক্ জুড়ে' ধারা রয়েছেন তাঁরা তোমারই প্রিয়জন—আমি তাঁদের সেবা করি—সে সেবার তোমারই অন্তরের আনন্দ বিধান করি । এমনি করে' এই আমার প্রত্যাহের কর্মোৎসবে—আমি তোমার কাজই করে' যাই—ছোটবড় সকলের সেবার তোমার ইচ্ছাকেই সফল করি । এই কর্ম ও সেবার মহানন্দে আমি তোমার খুসী-মুখ দেখি, তোমার কথা মনে ভাবি ;—এমনি করে' তোমা থেকে ছাড়া থেকেও তোমার পাশেই রয়ে যাই—না পেয়েও তোমার আমি পেয়ে যাই ।

সাগরের ঢেউ কখনো তার কূলে গিয়ে আছড়ে পড়ে কখনো ঠিক তার বৃকের মাঝখানে এসেই থমকে দাঁড়ায় । কিন্তু কূলে এসেই তার মনে হয় না সে সাগর থেকে ছাড়া হয়ে' গেছে', আর মাঝ-সাগরের কোণটুকু পেয়েও সে ভাবে না এই তার সর্বকালে সর্বক্ষণের থাকবার ঠাই, এর বাইরে গেলেই সাগরকে সে হারিয়ে ফেলবেই । সে জানে সিদ্ধুর বিপুল রাজ্যের সবখানেই তার খেলাঘর, এ খেলাঘরের যেখানেই সে থাক না কেন—সে সাগরের কোণেই রয়ে থাকবে । জন্মরণের পরমতম পাওয়া আমার, তুমি সেই মহাসিদ্ধুর রূপেই ত আমার চোখে বেজে উঠেচ । তুমি আমার অসীম পারাপার, আর আমি সে তোমারই বৃকের ঢেউ,—তোমারই মাঝ থেকে—

তোমারই নিঃশ্বাসে জেগে উঠেছি। কখনো তোমার বাইরে তোমার সংসারের কূলে গিয়ে আছড়ে পড়ছি, কখনো ব্যাকুল হয়ে ফিরে এসে তোমার অন্তরের মাঝে লুকিয়ে বস্টি। কিন্তু তোমায় ছেড়ে বাইরে গিয়েই ভাবতে পারিনি—তোমার আমি হারিয়ে ফেলেছি—অন্তরের অন্তরতম ঠাইটুকু পেয়েও মনে করি নে—এ আসন হারিয়ে ফেললেই তোমা থেকে ছাড়া হয়ে যাব’।

আর জীবনের ভালোমন্দ দিয়ে এই তোমার ঘর-সংসারকে তোমার ভিতর বাহিরকে আমি কত সুখেই যে আগলে রেখেছি—সে আমি বুঝতে চাইনে। আমি জানি এ বুঝতে গিয়ে ভাষা আমার হা’র মেনেই যাবে। জীবনে যাকে কামনা করে ছিলুম—ছোঁচোখ আমার অহরহ তার রূপেই ত আজ ভরে’ রই চে। যার মুখ চেয়ে বুক ভরে উঠেছিল,—তারি মুখে চোখ রেখে আজ বসতে পেয়েছি—তাই ত আমার এ আনন্দ। তারি সংসারকে বুক দিয়ে জড়িয়ে রাখতে পেয়েছি—তাই ত আমার এত সুখ। কিন্তু এ আমার প্রাণের সুখ—আমারই থাক্ !

কিন্তু কোন্ মিষ্টি ভাবনা বুক করে ঐ চাঁদ অমন শিউরে’ উঠলো গো! সোণার বুকের কোন্ কথাটা বলতে গিয়ে তার রূপের ঠোঁটে কাঁপন এল? আজ অঝোর-ঝরেই তার রূপ আর রং ঝরে পড়্চে, আপন মনের খুসী আর খামখেয়ালের লীলার গাঙে কাঁচা সোণার দেহ-খানি ভাসিয়ে দিয়ে কোন্ অজানার বুক সে ভেসে চলেচে! সে বুঝি আজ সাত সাগরের সুধার মদই চুমুক দিয়ে’ এসেচে গো! তাই কি তার চোখ-দুখানি অমন নেশায় ঢুলুঢুলু? বুক আর মুখখানি অমন মিষ্টি মধুর কাঁপণ-লাগা নেশার ঘোরে, সে তার গায়ের সবটুকু ঝাঁচল উড়িয়ে দিয়েচে, মনের-বীণার সবগুলো তার খুলে’ দিয়ে বসেচে। বুকের কাছে হাত দিয়ে দেখ, ঐ তার হাসি খুসী সুখা আর সুরের রেশ লেগে বুকের-রক্তের রাঙা মায়া আমার বড়ের-ঝাপটা-লাগা গজাজলের মতই দোহুল দোলে ছলে’ উঠলো—ফুলের মত ফুলে’ উঠলো। সেই দোলের তালে তালে পা ফেলে’ পাঁচ পরাণের মাঝখানে, সে কোন্ পাগ্‌লা ভোলা আমার বুকের কাছে এসে বস্‌লা—কোলের বীণায় কোন্ কাহিনী বাজিয়ে তুলতে ব্যাকুল হয়ে উঠলো।

প্রথম যৌবন এসে’ যখন গায়ে আমার তার সোণার কাঠি ছুইয়ে দিয়ে—অঙ্গ বেয়ে’ যখন রূপ রস, ঝরে রং চাক থেকে মধুর মতই ঝর্-ঝরিয়ে ঝরে’ পড়্‌তে লাগলো—কতজনই না এই

দেহটাকে আমার কামনা করে' বসেছিল। কত চোখের লুকু দিঠি আমার সামনে পিছে চারধারে
 অলে উঠলো, কত প্রাণের স্নেহ-নিবেদন ভ্রমর-গুঞ্জনের মতই আমার কাণে কাণে বাজতে
 থাকলো। সবারই মুখে এককথা—তারা আমায় চায়—তারা আমার মানস-আসনের রাণী
 করবে। সকলের পানে চেয়ে শেষে ওপরের দিকে আঁখি তুলে—যাঁর লীলা জেগে' উঠেচে—
 তাঁকেই ডেকে বল্লুম—“এ আঁধার ঘুচিয়ে দাও প্রভু, তোমার সত্য-আলোর আমার সত্যকে
 চিনে নিতে দাও।’

যাঁর পানেই চাইলুম—তাকে দেখেই প্রাণ আমার মাথা নেড়ে' বল্লে—‘না গো না—এ তোর
 কেউ নয়, মনের মাঝ থেকে তুই যাকে চেয়ে রেখেচিস্ এদের কেউ তোর সে নয়।’

তবে সে কে গো? জীবন যাবন যাকে ধ্যান দিয়ে ভেবে ফির্চে, আঁখি যাকে দিঠি দিয়ে
 খুঁজে ফির্চে, চোকে-দেখার আগে যার স্বপন চোকে লাগ্‌চে—কে গো সে? আমার অন্তরের
 কুঞ্জ যার পূজার ডালা ভরে রেখেছে, আনন্দ আর প্রেমের জ্যোৎস্না দিয়ে আমার মন যার
 অভিসার রাত্রি রচে রেখেছে, যার বাঁশী শুনবে বলে প্রাণ আমার ঘর ছেড়ে বাইরের যমুনা তীরে
 কলস-কাঁখে নিশিদিন দাঁড়িয়ে আছে—কে গো সে? আমি ভোরের আলোয় যার হাসি দেখি,
 হাওয়ায় যার বাঁশী শুনি, ভুবন ভরে' যার আমার কথাই আমার কাণে কাণে বেজে যায়—
 সে আমার কে গো?—সে আমার কোন্ দেশে?

প্রাণ বল্লে—তার নাম জানিনে, দেখলে চিনি, জানিনে—দাঁড়ায়—কোন্ দেশে তার ঘর—
 যদি সে সামনে এসে' দাঁড়ায়—চিনে' নিতে পারি।

তবে এস আমার সুন্দর, আমার জীবন মরণের কামনার ধন, দুঃখসুখের সাগর-ছেঁচা মাণিক
 আমার তুমি এসো। মন তোমাকেই চাইচে, প্রাণ তোমারই গান গাইচে, চোক তোমারই
 পথ চেয়ে জাগ্‌চে। আমি তোমার বিরহী, আমি তোমার পিয়াসী, আমি তোমায় বঁধু—আমি
 তোমায় ডাক্‌চি—তুমি এসো, আমি তোমায় দেখে চিনে' নেবো—চোখের জলের অভিবিকে
 হৃদয়ে বরে নেব।

টাদের আশ্রয় বিগুণ হয়ে' উঠলো গো! সে আশ্রয় তারায় তারায় ছড়ালো; সে আশ্রয়
 ধারায় ধারায় ঝরে' পল!

তারপর সেই সকালটা—সে আমার চিরকাল মনে থাকবে। তোমার নতুন ডাক্তারী পোষাক পরে' ঘোড়া ছুটিয়ে যাচ্ছিলে তুমি। তোমার কোঁকড়ানো কালো চুলে ভোরের আলো লেগেছিল। সারাপথ চলে 'এসে' ঘোড়াটা আমাদের বাড়ীর পাশে কি জানি কেন হঠাৎ থমকে দাঁড়াল।

ঘারের পাশে দাঁড়িয়ে অনিমেঘে চেয়ে ছিলাম। পেছনে আমার লগিতা সহী দাঁড়িয়ে। ঘোড়া থেকে নেমে' দাঁড়োতেই পোড়া চোখে চোখ লাগলো। বিজলীর ঝলক-লাগা দেহ-খানি কোন মতে সামলে নিতেও চোকে মুখে ঘেমে উঠলুম।

পেছন থেকে গা টিপে' সহী বললে—'বাঃ—কি হোলো রে?' 'যাঃ' বলে চকিতে মুখ সরিয়ে নিলুম।

বুকের মাঝ থেকে প্রাণ বলে' উঠলো—'চিনেচি গো চিনেচি, আলোর লেগে' ফুল জাগে, চাঁদের লেগে' অমিয়া জাগে, ঐ পায়েই নারীজন্ম লুটিয়ে দিতে জীবনে জেগে' উঠেচি।

হঠাৎ একখানা লঘু মেঘের মারা লেগে চাঁদের মুখ ফ্যাকাসে হয়ে উঠলো যে!

কিন্তু প্রাণের এ গোপন কথা আমার আর ত কেউ জানলো না। বাবা আমার বরের খোঁজে উঠে' পড়ে' লাগলেন। আমার রূপ যাদের চোখে মোহ এনে' দিয়েছিল—তারা তখন একে একে বাবার কাছে হাজির হয়ে' একসূত্রে বলতে লাগলো—তারা কিছু না নিয়েই আমার নিতে চায়। ক্রমে তাদের সংখ্যা এত বেড়ে' উঠলো—বাবা হঠাৎ ভেবে উঠতে পারলেন না—আমার কার হাতে বিলিয়ে দেবেন। একদিন কিন্তু বাবার মনের সকল গোল ধামিয়ে আমার এই প্রণয়ী-দলের একজন চট করে' ঠিক করে' দিলে সত্যি আমার কোন্‌খানে সঁপে' দিতে হবে। পাঁচশ টাকার চারখানি নোট বাবার হাতে গুঁজে' দিয়ে সে বললে—'এরা কিছু না নিয়ে নিতে চায়, আমি কিছু দিয়ে নিতে চাই।'

বাবা যে খুব গরীব ছিলেন এ কথা আমি স্বীকার করিনে, বরং বোলব তাঁর দারিদ্র্যের চেয়ে টাকার লোভটাই ছিল বেশী। অবাক মুখে কিছুক্ষণ চেয়ে থেকে' শেষে নোটগুলো গ্রহণ করে' তিনি বললেন—'আচ্ছা।'

কথাটা বখন কানে এল—ভয়ে' আংকে উঠে' কাঁদতে বসলুম। লগিতা এসে' শুনে অবাক হয়ে' বললে—কি! শেষে আমার চোখের জল মুছিয়ে দিয়ে বলল—“তুই কাঁদিস্ নে সহী, তোর জীবনের আমি এমন ভুল কখনো হ'তে দোব না।”

টাদ আবার মেঘের আড়াল থেকে বেরিয়ে এসেচে গো। মেঘের সঙ্গে এমনি ধাড়া লুকোচুরি খেলতেই আজ বুঝি তার কেটে যাবে সারা রাত।

কাকা থাকতেন মকঃস্বলে। এরই মধ্যে তিনি যেদিন ফিরে এলেন—ললিতা তাঁর কাছে এসে' কি-কি সব বলে' গেল। কাজে বাস্ত হিন্দু, ইচ্ছে থাকলেও শুনতে পেলুম না। যাবার সময় আমার সঙ্গে একটা কথা না বলে'—দূর থেকেই আমার দিকে চেয়ে একটুখানি কেবল হেসে' সে চলে' গেল। আমি অবাক হয়ে' কত কি যে ভাবতে লাগলুম মনে মনে।

এর দুদিন পরে এক রোতে বাবা কাকাকে ডেকে বল্লেন—“এই মাসেই কিছু মেয়েকে পার করা চাই।”

কাকা বল্লেন—“চাই ত—এখন থেকেই আয়োজন করা ঠিক।”

বাবা বল্লেন—“না—অবিশ্যি এত শিগ্গীর আমি বলি নে, টাকা পরসার ত আর চিন্তা নেই—যা সে দিয়েচে, তাতেই হবে।”

কাকা ধীরে বল্লেন—টাকা পরসার চিন্তা আছে, একটু মোটা রকমেরই ব্যয় করতে হবে—একে ডাক্তার, তাতে ছেলে মানুষ।

বাবা কথাটা অবিশ্যি বুঝতে পাল্লেন না, তিনি তাই জু বেকিয়ে প্রশ্ন কল্লেন—“কি বললে—ডাক্তার কে?”

কাকা শান্ত স্বরে বল্লেন—ডাক্তার—শিশির ডাক্তার, বিমল মিত্রের ছেলে। তার সঙ্গেই স্মৃতির বিয়ে ঠিক হয়ে' গেচে যে।

অন্যদিন হ'লে এ সংবাদে বাবা আনন্দে লাফিয়ে না উঠে' পারতেন না। তাঁর নিজের—তাঁর মেয়ের এ সৌভাগ্যকে মাথায় তুলে' নিতে তিনি অধীর হয়ে' উঠতেন। কিন্তু আজ তিনি এ খবরে এতটুকু খুসী না হয়ে' বিরক্তির স্বরে বলে' উঠলেন—শিশির ডাক্তারের সঙ্গে বিয়ে ঠিক হয়েছে—কি রকম। অনন্ত যে কতগুলো টাকা দিয়ে গেল সেদিন, সে গুলোর কি হবে?

কাকা আগের মতই শান্ত স্বরে বল্লেন—“সে-গুলো ফিরিয়ে দিয়ে এলেই চলবে।”

দুপুর বেলা সহি এলে' তার গলা জড়িয়ে ধরে' বল্লুম—“কাকাকে তুই এ কথা কি করে' বলতে পাল্লি গো?”

সই মিষ্টি হেসে আমার চিবুক ধরে' বলে—এ কথা বলতে ত তেমন ভয় রাখিনি সই, কিন্তু যাকে না পেলে' সব হারাতে, তাকে হারিয়ে যে সারাজনম কেঁদে কেঁদে চোখ ফুলোতে, সেইটে ভাবতেই যে ভয়ে অঁৎকে উঠি বেশী।”

সন্ধ্যা বেলায় তুলসীর মূলে, দীপ জ্বালিয়ে দিয়ে' প্রণাম ক'রে' বল্লুম—“ঠাকুর যা শুন্লুম—
'তা যেন সত্য হয়!”

একি সেই প্রাণ-ঢালা প্রার্থনারই উন্মাদ শক্তি—যার জোরে আজ এমনি মুখোমুখী বসতে পেয়েচি ?

কিন্তু ঐ চাঁদ দেখা যে আমার ফুলো না গো ! জন্ম থেকে ঐ চাঁদকে যে'কত ভালোবাসি—
সে কেবল আমিই জানি। এসো—জান্‌লাটার কাছে আর একটু সরে বসি। এই এখান থেকে অনেকখানি আকাশ, অনেকগুলো তারা আর চাঁদের সবটুকুই দেখা যাচ্ছে। সমস্ত আকাশটা জোয়ারের জলের মতোই থরথরিয়ে কাঁপ'চে, আর তার চেউ লেগে চাঁদ-তারাগুলো, স্রোতের ফুলের মতোই ভেসে যাচ্ছে। নীচে আমি তোমার কোলে মাথা রেখে বসে আছি, আর ওপরে ঐ চাঁদের কোলে মাথা রেখে' অমিয়া ঘুনিয়ে আছে। হাঁ গো আমি তোমায় যেমনি করে' পেয়েছিলুম তেমনি কি অমিয়াও ঐ চাঁদকে পেয়েছিল ! যত তারা হ'ত বাড়ালো খালি-মুঠোয় ফিরে' গেল,—শেষে চাঁদ এসেই ত তাকে বুকে করে তুলে নিলে।

অনন্তের অন্তরে, সে কোন্ স্বপন-ঢাকা নীল সাগরের পারে ঐ অমিয়ার জন্ম হয়েছিল। সেখানে কুন্দ আর মন্দারের বনে বনে বেড়িয়ে মনে মনে গান গেয়েই ত তার সারা-বেলা কেটে যেতো। কখনো সে আনমনে সাগর-পারে এসে বস'ত—রং-বেরংয়ের ঝিনুক কুড়িয়ে তার আঙুন-বরণ সোণার অঁচল ভরে' ফেলতো। তারপর ভরা অঁচল তুলে নিয়ে দখিন হাওয়ার পথে হাসি-গান আর ফুলের-গন্ধের বুকে আপন ঘরে সে মিলিয়ে যেত। যেতে যেতে তার মুক্তার মালার মতো কেশপাশ খুলে পড়'ত, অঁচল-বাঁধা ঝিনুকের ছ-একটি খসে পড়'ত, তার মিষ্টি হাসির সরমহারা আমেজ লেগে অসীমের গোপন মরু মধুর হ'য়ে উঠ'তো।

অনন্তের অন্তরে হাসি খেলার ফাঁকে কখন যৌবন এসে তার মরমের দোরে সাড়া দিলে। তার তরুণ তরুর আবেগে আর আঙুনে, সে যৌবন গালা সোণার মালার থরে চাঁদের আলোর

মতই ছড়িয়ে প'ল। তখন রূপ রং রসে রাগে রক্তে আর লালিমার নেশাভরা চোখের মতই সে
পর থরিয়ে কেঁপে উঠলো, অসীম লালসা তার বুক বুক ফেনিয়ে উঠলো। টগ্-বগিয়ে কেঁপে
ওঠা প্রাণের দোরে হাত রেখে সে দেখল—কি যেন তার চাই—কি যেন তার পেতে হবে।
কি চাই, কাকে পেতে হবে ভাবতে ভাবতে তার অক্ষণ অঁখি করণ ঘুমে জড়িয়ে এল।
অনন্তুর অন্তরে কুন্দ-মন্দার কিশলয়ের শরনে যৌবনের মোহে অগিয়া ঘুমিয়ে পল।

ঘুমের ফাঁকে স্বপন তার চোখে এল। স্বপনে যেন সে জেনে নিলো কি চাই তার, কাকে
তার পেতে হবে।

সৃষ্টির প্রভাতে আকাশ তখন নূতন জন্ম পেয়ে' নীল আবেগের মতোই নিম্নের মাথার ওপর
ছড়িয়ে গেছে। চাঁদ তখনো জাগে নি—ধরণী তখনো জনবির বুক চিরে উঠে বসে নি।
অকাশে তখন আলোকময়ীর কানের ফুলের মতো সহস্র সোনার তারা কেবল জেগে উঠেছে।

এমনি কালে সে এক কোন্ নিশ্চয়-রেতে, টিপি টিপি পা ফেলে আকাশের বিপুল প্রাক্ষণ
অগিয়া এসে দাঁড়ালো। চোখে তার কাঁচা ঘন ভাঙার রেখা, মুখে তার কাকে খুঁজে পাওয়ার
মিষ্ট ব্যাকুল ভাব! তার রূপের রোশ্-নাই তারায় তারায় চমক লাগালো—তার আলোর-বাধা
গোপার ঝিলিক দিকে দিকে পুনঃ জাগালো—তার অক্ষণ বরণ অঁচনের দোল অঙ্গে অঙ্গে
তড়িং ছুটালো। যত তারা খানিক তার আলোক-রতা উন্নত ব্যাকুল মুখখানির পানে বাক্যহীন
অনিমেবে চেয়ে রইল,—নীল অনামের সোনার সোনার উপ্তে পড়া তার অরূপ রূপের ভরা গাঙে
মাতালপারা হারিয়ে রইল। তারপর একফালে সবাই একসাথে চকিত হয়ে উঠে হাত তুলে
ডাকলো—“ওগো স্বপনের দেবি, ওগো মরনের রাণি—”

নক্ষত্র সভার সেই সহস্র সহস্র দৃষ্টিপাতে অগিয়ার মাথা নেনে এল। তার মনে হোলো সে
তুল ক'রে এপথে এসে পড়েছে। কিন্তু তখনি তার স্বপনকে সে মনে করল,—এই ত, এমনি
কালো আকাশের নীচে, নীল সিকুর ফণার মাথায়, শাদা-মেঘের কুঞ্জ আড়ালে তার প্রিয়ের
অঁখির আলো তার ময়নে লেগেছে—এই ত যে দেখেছিল।

নক্ষত্র-লোকের বুক চিরে' আবার সব উঠলো—এস 'ওগো ভুবন-মনমোহিনী ওগো নিশীথ
রাতের অনোমর প্রেম-পনারিণী তোমার অভিনার লেগে হোয়াল লক্ষ্য অঁখি জাগে। গোপনে

শিউরে উঠে অমিয়া কি বলতে চাইলে। তার বৃকের বাণী মরম চিরে বেরিয়ে আসতে মরমে জড়িয়ে পল। বলতে গিয়ে তার অরুণ অধর একবার শুধু কেঁপে উঠলো। আর সেই কাঁপন লেগে' তার চপল চাউনি মধুর হোলো, তার আলোর কবরী এলিয়ে পড়ল, তার জ্যোতির অঁচল খুলে' পড়ল,—সে ব্যাকুল হোলো, সে বিব্রত হোলো, সে লাজে—সসঙ্কোচে জড়িয়ে প'ল। আর তার এই ভাব, এই রূপ, এই ছন্দ, চারদিকের মাতাল মনকে ষিগুণ মাতিয়ে তুললো। তারা অধীর হলো, তারা অবশ হোলো তা'র নয়ন-ফেলার তালে তালে তাদের বৃকের শোণিত ছলতে লাগলো, তার খোপার গন্ধ ভেসে আসার ছন্দে ছন্দে তারা মত্ত বাসনায় কাঁপতে লাগলো। ক্রমে কেউ তাকে মগ্ন হয়ে দেখতে লাগলো কেউ তাকে মুগ্ধ হয়ে ভাবতে লাগলো, কেউবা ছুটে এসে তার চরণের পুষ্পিত আলোকের শীতল শয়নে লুটে পড়ল। আবার কেউ অধীর আবেগে উদগ্র হোলো, কেউ বা দুর্বার লালসার বিপুল বাহু মেলে তাকে আলিঙ্গনে বাঁধতে ধেয়ে এল। অমিয়া নীচে অসীম সিদ্ধুর সলিল-শয়নে মুর্ছে প'ল।

মহানীলাম্বুর গোপন গেহে-শুক্টিমুক্তার প্রদীপ-জ্বালা ঘরে হিরণ বরণ পূর্ণিবার চাঁদ ত তারি প্রতীক্ষায় ঘুমিয়ে ছিল। তাই অমিয়ার মুর্ছা-লাগা তরুণ-তনুর তরল বাসনা যখন তারি বৃকে গিয়ে ভেঙে পড়ল, সে যুগান্তের যোগীর সাধনার সিদ্ধির মতোই তাকে মরমের মরমে টেনে নিলে।

তারপর নীল সাগরের নীল বৃক চিরে যেদিন অমিয়াকে হৃদয়ে নিয়ে চাঁদ উঠে এলো,— নক্ষত্র-লোকের কণ্ঠে কণ্ঠে বেজে উঠলো—‘ওগো মহারানি, ওগো মহিমময়ি ঐ আসনে আজ তোমায় বসতে দেখে হাজার অঁখি আর ফিরচে না—আনন্দ আর মার্জনার অশ্রুজলে অঝোর ঝরেই ভেসে যাচ্ছে।’

হেমশুকুমার বসু।

নিষ্ঠুর ।

—:~:—

এত নিষ্ঠুর হ'তে পার তুমি
 স্বপনে সে কথা ভাবি নি কভু,
 কত অনাদর করিয়াছ মোরে
 সমাদর আমি করেছি তবু ;
 ঘৃণাভরা হাসি হাসিয়াছ তুমি
 বিক্রম মোরে ক'রেছো কত
 তবু আমি তব চরণের তল
 মাথাটী আমার করেছি নত ।
 নয়নে আমার হেরিয়া অশ্রু
 হাসিয়া ব'লেছো—“করিয়া চল
 আমারই হৃদয় জিনিয়া লইতে
 নয়নে ভরেছো অশ্রুজল ।”
 হায় রে নিষ্ঠুর ! পাষণ রে হুই !
 এতটুকু মায়া নাহি কি প্রাণে,
 অশ্রু হেরিয়া অশ্রু ফেলিতে—
 ত'ও তোর আঁখি নাহি কি জানে ?
 ঘৃণা কর মোরে—নাহি ক্ষতি তায়
 চিরদিন শুধু কাঁদিতে দিয়ো,
 হাসিয়া কাঁদায়ে সুখ যদি পাও
 হাস চিরদিন পরাণ-প্রিয় ।

শ্রীরেণুকা দাসী ।

কতকটা বাহিরের বস্তু ;—পুংশিক্ষাও স্বকীয় আর্থিক শক্তি দ্বারা ইহাকে স্বীকার করিয়া, জীবনের সহিত খাপ খাইয়া লইতেছে না। ইহা এখনও একটা বাহ্য ছাপ,—একটী কলঙ্কের মত। স্ত্রীশিক্ষাতেও এই বাহিরের জিনিষটী প্রবেশ করিয়াছে বলিয়াই শিক্ষা সম্বন্ধে সমাজ বিমুখ হইয়া পড়িতেছে। শিক্ষা বিস্তারের ফলে স্ত্রীশিক্ষায় এই বিজাতীয় ভাবের সার্বভৌমিক ও বিশ্বজনীন স্বরূপটী প্রবেশ করিধেই। কিন্তু এই প্রবেশ—দাসের গৃহে প্রভুর প্রবেশ নয়, ভিখারীর গৃহে রাজার আগমন নয়,—বকুর কুগীরে বকুর আমন্ত্রণ। এখানে ঐর্ষ্যা ও বিলাসের ছুড়াছড়ি থাকিবে না, থাকিবে কেবল প্রেম, প্রীতি, ও স্বয়ং বিদগ্ধতার আদানপ্রদান। বাহির হইতে স্ত্রীশিক্ষার স্বন্ধে সে ভাবটী চাপাইয়া দিলে, শিক্ষা সঙ্কুচিত হইতে থাকিবে। স্ত্রীশিক্ষার অন্তর হইতে যখন আমন্ত্রণের শক্তি উদ্ভূত হইতে থাকিবে, তখনই গ্রহণ ও অভ্যর্থনা সার্থক হইবে। সমগ্র দেশের দ্বারা স্ত্রীশিক্ষা পৃথক ভাবে পরিচালিত হইলেই, এইরূপ বথার্থ উন্নতি সম্ভব হইবে।

(গ) স্ত্রীশিক্ষা বিস্তারের জন্ত যে নানাজিক সহানুভূতি আবশ্যিক, তাহা সমাজের উচ্চ ও মধ্যস্তরের সর্ববিভাগ ও উপবিভাগ হইতে লাভের চেষ্টা করিতে হইবে। সেই করণে যে গণতান্ত্রিক নীতি অনুসরণ করিয়া, স্ত্রীশিক্ষার পরিচালনের ব্যবস্থা করিতে হইবে, সেই নীতির অনুসরণ বর্তমান পুংশিক্ষায় অসম্ভব। দেশীয় বিদগ্ধতা, দেশীয় অন্তঃপুর, এবং সম্ভব হইলে দেশীয় ব্রহ্মচর্য্যকেও এই স্ত্রীশিক্ষার পরিচালনে এমন স্থান প্রদান করিতে হইবে, যাহা নানা রাষ্ট্রীয় কারণে পুংশিক্ষা সংগঠনে একেবারে অসম্ভব বিবেচিত হইতে পারে। এই জন্তও স্ত্রীশিক্ষাকে পুংশিক্ষা হইতে সম্পূর্ণরূপে পৃথক করিতে হইবে।

(ঘ) নানা কারণে মধ্য-শিক্ষার শেষ স্তরে এবং অন্ত্যশিক্ষায় মাতৃভাষা শিক্ষার আলম্বন হইতে পারে না ; অন্ততঃ স্কাড্‌লার কমিশনের দ্বারা ইহাই প্রমাণিত হইয়াছে। কিন্তু স্ত্রীশিক্ষা সম্বন্ধে এরূপ কোন কারণ অনুমান করা যায় না। স্ত্রীশিক্ষার উদ্দেশ্যের আলোচনা হইতে ইহা বেশ বুঝা যাইতে পারে। এরূপ অবস্থায় স্ত্রী ও পুংশিক্ষা একই অনুষ্ঠান দ্বারা পরিচালিত হইলে, দুই বিভাগের শিক্ষায় দুই প্রকার উপায় অবলম্বন করিতে হইবে। এরূপ ক্ষেত্রে স্ত্রীশিক্ষার ভিন্ন ব্যবস্থা হওয়াই উচিত।

(৬) মাতৃ-ভাষার সাহায্যে শিক্ষা, শিক্ষার যথার্থ স্বরূপ;--সকল সভ্যদেশেই এই সভ্যতা স্বীকৃত ও প্রমাণিত হইয়াছে। দেশের পুংশিক্ষায় এ সম্বন্ধে সমগ্র ভাবে পরীক্ষা করা ও যখন সহজ হইবে না, তখন স্ত্রীশিক্ষার একরূপ চেষ্টা সার্থক করিয়া তুলিতে পারিলে, পরোক্ষভাবে সমগ্র দেশীয় শিক্ষার প্রভূত উপকার হইতে পারে। স্ত্রীশিক্ষার বিস্তার খুব অল্প। এই উপায়ে যদি শিক্ষাবিস্তারের উপায় হয়, এবং সঙ্গে সঙ্গে যদি একটি অতি প্রয়োজনীয় বিষয়ে পরীক্ষা ও পর্যবেক্ষণের সম্ভাবনা থাকে, তাহা হইলে এই পরীক্ষাকে সার্থক করিবার নিমিত্ত খুব অনুকূল ব্যবস্থার প্রয়োজন। স্ত্রীশিক্ষার পৃথক পরিচালনদ্বারাই একরূপ ব্যবস্থা সম্ভব হইবে।

মহিলা বিদ্যামহাপীঠ।

স্ত্রীশিক্ষা পরিচালন সম্বন্ধে যে তত্ত্বগুলি উপরে আলোচিত হইয়াছে, তাহার দ্বারা স্ত্রীশিক্ষা পরিচালনের অবয়বটী নিরূপণ করা কতকটা সহজ হইবে। সমগ্রদেশের জন্য একটি মহিলাবিদ্যা-মহাপীঠ স্থাপিত হওয়া উচিত। কলিকাতার কোন মহিলা-বিদ্যালয়কে কেন্দ্র করিয়া, এবং ক্রমে ক্রমে শৈশব, আদ্য, মধ্য, অন্ত্যশিক্ষা, কুমারাগার, বিধবাশ্রম, শিল্পশালা, শিক্ষণ শিক্ষা, বীক্ষণ বিদ্যালয় (Demonstrative School) চিকিৎসা শিক্ষা, প্রভৃতি স্ত্রীশিক্ষার সমস্ত অঙ্গই এই বিদ্যালয়টীর সহিত সংযুক্ত রাখিয়া, একটি পূর্ণাঙ্গ শিক্ষায়তন গড়িয়া তুলিতে হইবে। এই শিক্ষায়তনটীই হইবে বাংলাদেশের স্ত্রীশিক্ষার বিদ্যামহাপীঠ (University)। মহিলা-বিদ্যামহাপীঠ, স্ত্রীশিক্ষামহামণ্ডল প্রভৃতির কার্যালয় এইখানেই স্থাপিত হইবে। বাংলাদেশের বিভিন্ন স্থানে শৈশব, আদ্য ও মধ্য শিক্ষার বন্দোবস্ত থাকিলেও, এই বিদ্যামহাপীঠেই কেবল অপরাপর শিক্ষার ব্যবস্থা থাকিবে। কলিকাতায় যদি একরূপ একটি মহিলা শিক্ষায়তন গঠিত হয়, তাহা হইলে নবদ্বীপের ন্যায় তীর্থস্থানেও আর একটি বিধবাশ্রম প্রতিষ্ঠিত হইলে ভাল হয়।

স্ত্রীশিক্ষা পরিচালন।

স্ত্রীশিক্ষার শৈশব, আদ্য, মধ্য ও অন্ত্যস্তর একই পরিচালনের অন্তর্গত করা সম্বন্ধে আপত্তি উঠিতে পারে। কোন সভ্যদেশেই একরূপ চেষ্টা হয় নাই, বিশ্ববিদ্যালয় কোথাও শৈশব ও মধ্য

শিক্ষার পরিচালক থাকে না। কিন্তু আমাদের দেশে স্ত্রীশিক্ষার অবস্থা সম্পূর্ণরূপে পৃথক। স্ত্রীশিক্ষার প্রসারও খুব সামান্য। এরূপ ক্ষেত্রে বিভিন্ন স্তরের স্ত্রীশিক্ষা বিভিন্ন পরিচালনের অন্তর্গত করিলে, চেষ্টা বিক্ষিপ্ত হইয়া, স্ত্রীশিক্ষার উন্নতির অন্তরায় উৎপাদন করিবে। স্ত্রীশিক্ষার এই শৈশব অবস্থায় একটি কেন্দ্র শক্তি দ্বারা সমগ্র স্ত্রীশিক্ষা পরিচালিত হইলে, সুফল লাভের সম্ভাবনা অধিক। এই নিমিত্ত দেশের সমগ্র স্ত্রীশিক্ষার ভার থাকিবে একটি মহামণ্ডলের (Court) উপর। ইহার সভ্যেরা সমাজের উচ্চ ও মধ্য স্তর হইতে বিভিন্ন উপায়ে নির্বাচিত হইবেন, এবং দেশীয় সমাজের সকল সম্প্রদায়ের প্রতিনিধিই এই মহামণ্ডলে স্থান পাইবেন। নির্বাচনই হইবে শিক্ষা পরিচালনের ধর্মণী-স্বরূপ। সমাজের সমস্ত অঙ্গপ্রত্যঙ্গে এই ধর্মণী সম্প্রসারিত হইয়া, স্ত্রীশিক্ষাকে সমগ্র সমাজ শরীরের সহিত ঘনিষ্ঠ ভাবে সংযুক্ত রাখিবে। প্রত্যেক তিন বা পাঁচ বৎসর অন্তর এই মহাসভা হুতন করিয়া নির্বাচিত হইবে। নির্বাচন-প্রণালী, সভ্য সংখ্যা ও সভ্যের গুণাগুণ প্রথমতঃ বিশেষজ্ঞদিগের দ্বারা নির্ধারিত হইলেও, নবগঠিত মহাসভা এ সম্বন্ধে নির্দিষ্ট নিয়ম প্রণয়ন করিবে। যাহাতে এই সভায় দেশের সকল শ্রেণীর পুরুষ ও নারীর মতামত অনুসারে শিক্ষাকার্য্য নির্বাহিত হয়, নির্বাচনের ভিতর দিয়া তাহার বন্দোবস্ত করিতে হইবে। এত বড় একটি সভা কর্তৃক সভ্যের নির্দিষ্ট দৈনন্দিন কর্ম্ম সুচারুরূপে সম্পাদিত হইতে পারে না। সেই জন্য মহামণ্ডলের সভ্যগণ নিজেদের ভিতর হইতে একটি বিদগ্ধমণ্ডল (Academic Council) গঠন করিবেন। এখানেও নির্বাচন হইবে মণ্ডলরীর ভিত্তি। দেশীয় স্ত্রীশিক্ষার পরিচালনের ভার ইহার উপর অপিত থাকিবে। এখানে শিক্ষিত পুরুষ অপেক্ষা শিক্ষিতা নারীর সংখ্যা অধিক হওয়া এবং প্রাচ্য ও পাশ্চাত্য বিদগ্ধতাকে সমান স্থান প্রদান করা বাঞ্ছনীয়। মহিলা বিদ্যামহাপীঠ এবং দেশের নানা স্থানের স্ত্রীশিক্ষার বিভিন্ন অনুষ্ঠানের শিক্ষয়িত্রী ও কার্যা-নির্বাহক সমিতির সভ্যগণ, দেশীয় বিশ্ব-বিদ্যালয়ের উপাধিপ্রাপ্ত পুরুষ ও নারীগণ, দেশীয় প্রাচ্য বিদগ্ধতার অধ্যাপক ও মৌলবিগণ, এবং দেশীয় শিল্প, বাণিজ্য ও ব্যবসায়ের বিশেষজ্ঞগণ, নিজেদের ভিতর হইতে মহামণ্ডলে যে সকল প্রতিনিধি নির্বাচন করিবেন, মহামণ্ডল তাঁহাদিগের মধ্য হইতে, বিদগ্ধমণ্ডলের সভ্য নির্বাচিত করিবে। কি প্রণালীতে বিদগ্ধমণ্ডলের সভ্য নির্বাচিত হইবে, এবং মণ্ডলরীর কিরূপ ক্ষমতা থাকিবে, মহামণ্ডলেই সে সম্বন্ধে নিয়ম প্রণয়ন করিয়া নির্ধারণ করিয়া দিবে।

এই বিদগ্ধমণ্ডলই একদিকে মহামণ্ডলের কার্যানির্বাহক সমিতির এবং অপরদিকে দেশীয় স্ত্রীশিক্ষাপরিচালনের সমস্ত দায়িত্ব গ্রহণ করিবে।

এইরূপে সাধারণ ভাবে স্ত্রীশিক্ষার সমস্ত বাহ্য ও আভ্যন্তরীণ শিক্ষা সমস্যা সমাধানের ভার বিদগ্ধমণ্ডলের উপর ন্যস্ত থাকিলেও দেশব্যাপী শিক্ষার সকল অনুষ্ঠানের প্রত্যেকেই একটি স্বাধীন সত্ত্ব স্বীকৃত হইবে। প্রত্যেক অনুষ্ঠানের ভার থাকিবে দুইটি সমিতির উপর,—একটি শিক্ষা সমিতি এবং অপরটি পরিচালন সমিতি। অনুষ্ঠানের শিক্ষয়িত্রীরা মিলিত হইয়া শিক্ষা সমিতি গঠন করিবেন। স্থানীয় স্ত্রীশিক্ষার সমস্ত আভ্যন্তরীণ সমস্যা এই শিক্ষাসমিতিতে মীমাংসিত হইবে। অনুষ্ঠানের অন্তর্গত ছাত্রীগণের অভিভাবকেরা এবং শিক্ষা সমিতির সভ্যাগণ সমান সংখ্যক প্রতিনিধি নির্বাচন করিয়া, অনুষ্ঠানের পরিচালন সমিতিগঠন করিবেন। এই পরিচালক সমিতি স্থানীয় স্ত্রীশিক্ষার সমস্ত বাহ্য সমস্যার এবং সাধারণ ভাবে ইহার আভ্যন্তরীণ সমস্যার সমাধান করিবে। প্রত্যেক সমিতির সহিত একটি পরামর্শ সভা সংস্কৃত থাকিবে। অভিভাবকদিগের প্রত্যেক প্রতিনিধি স্বীয় অথবা পরিচিত কোন ভদ্র পরিবারের একজন বয়ঃস্থা গৃহিণীকে এই পরামর্শ সভায় বোগদান করিতে অনুরোধ করিবেন। পরামর্শসভার প্রত্যেক সভ্যের অনুষ্ঠানের অন্তর্গত স্ত্রীশিক্ষা পরিদর্শনের ক্ষমতা থাকিবে। সভ্যাগণ শিক্ষয়িত্রীগণের কর্মের সমালোচনা করিবেন না। স্থানীয় স্ত্রীশিক্ষা সম্বন্ধে পরিচালন সমিতিকে উপদেশ ও পরামর্শ প্রদানই, এই পরামর্শ সভার প্রধান কর্তব্য বলিয়া বিবেচিত হইবে। এখানে বলাই বাহুল্য যে স্ত্রীশিক্ষার সকল প্রকার অনুষ্ঠানে যাহাতে মহিলাদিগের সহায়তা লাভ হয়, সেইদিকেই অধিকতর দৃষ্টি রাখিতে হইবে এবং এরূপ চেষ্টা ফলবতী হইলেই, দেশে স্ত্রীশিক্ষা বিস্তার সম্ভব হইবে।

স্ত্রী শিক্ষার পরিচালন সম্বন্ধে সাধারণ ভাবে যাহা বলা হইয়াছে, অস্তঃপুর শিক্ষা ও বিধবা-শ্রমের পরিচালনেও তাহা প্রযোজ্য। কিন্তু বিধবাশ্রম সম্বন্ধে একটি কথা বলা প্রয়োজন। নৈষ্ঠিক হিন্দুসমাজের বিধবাদিগের ভিতর বৃত্তিশিক্ষার প্রচলনই এই আশ্রমের মুখ্য উদ্দেশ্য বলিয়া এখনকার অস্তঃপুরে সংবংশজাতা হিন্দু বিধবা ও ব্রহ্মচারিণীগণের স্থান হইতে পারে। ইহারাই আশ্রমের পরিচালয়িত্রী হইবেন। কিরূপে এরূপ মহিলাদিগের সাহায্য লাভ ঘটবে, তাহা মহামণ্ডলের একটি প্রধান বিবেচ্য বিষয় হইবে। অপরূপ শিক্ষয়িত্রীরা সপরিবারে

আশ্রমের বহির্দেশে বাসোপযোগী স্থান পাইলেই, আশ্রমের শিক্ষার সুবন্দোবস্ত সম্ভব হইবে। প্রধানতঃ দেশের অগ্রসর সম্প্রদায়ের শিক্ষিতা মহিলাদিগকে আশ্রমের বিধবাদিগের শিক্ষার ভার গ্রহণ করিতে হইবে। বর্তমান সময়ে তাঁহাদিগের ভিতর যে দেশমাতৃক ভাব বিকশিত হইয়াছে, তাহা হইতে মনে হয়, বিধবাশ্রমটা নার্থক করিয়া তুলিতে, যে ত্যাগ ও যে সেবার ভাবের প্রয়োজন হইবে, দেশীয় শিক্ষিত সমাজ সেই ত্যাগ ও সেই সেবা শ্রদ্ধা ও সম্মানের সহিত তাঁহাদিগেরই নিকট আশা করিতে পারে। আমাদের গৃহ নানা প্রকার কুসংস্কারের ধূলিকণায় পরিপূর্ণ। কিন্তু যে গৃহে তাঁহাদের মত কথিত কাঞ্চনের উদ্ভব, সেই গৃহের ধুলিরাশির অন্তরতম প্রদেশ স্বর্ণরেণুর স্নিগ্ধ কিরণচ্ছটায় উদ্ভাসিত। তাঁহারা কি এই ধূলিকণাগুলি মাতৃভূমির স্নেহের দান বলিয়া গ্রহণ করিবেন না? তাঁহাদেরই পরণ স্পর্শে লৌহ কাঞ্চন হইতে পারে,—তুচ্ছ, পরিত্যক্ত ধূলিকণাও স্বর্ণরেণুতে পর্যাবসিত হইতে পারে।

অর্থ সমস্যা।

উপরে স্ত্রী শিক্ষার যে যুক্তি কল্পনা করা হইয়াছে, তাহা গড়িয়া তুলিতে বহু অর্থের প্রয়োজন হইবে। তবে প্রচলিত প্রথামত বিলাস ভবনের অনুরূপ শিক্ষা মন্দিরগুলিতে এই দরিদ্রদেশের যে অর্থের অপব্যয় হয়, দেশের লোকের উপর স্ত্রী শিক্ষার ভার ন্যস্ত থাকিলে, অর্থের এই অপব্যয়টা কিছু কম হইবে। দেশের লোকেরাও এ বিষয়ে অনেক ক্ষেত্রেই বাস্তবিক কতকটা গোলামি মনোভাব অর্জন করিয়াছেন। কিন্তু যদি ষথার্থ লোকমতের উপর স্ত্রীশিক্ষা গঠন করিয়া তুলিতে পারা যায়, তাহা হইলে এই অর্থনাশ নাও ঘটিতে পারে। স্ত্রী শিক্ষার মন্দিরগুলি সমাজের ও গার্হস্থ্য জীবনের অনুকূল হওয়াই বাঞ্ছনীয়। ব্যয় সম্বন্ধে এইরূপ প্রাচ্য সংঘের দৃঢ়তা অবলম্বিত হইলেও, স্ত্রী শিক্ষার উন্নতির জন্য প্রচুর অর্থের প্রয়োজন হইবে। এ সম্বন্ধে আমার একজন পূজনীয় আত্মীয়ের কথা মনে পড়ে। তিনি প্রচুর সংগঠন ও পরিচালন শক্তি সম্পন্ন একজন স্বনামধন্য কর্মীপুরুষ ছিলেন। এই শক্তি ব্যবহারের সময় তিনি প্রায়ই বলিতেন, “ভাজা খাবে ত তেলের ধরচ।” তাঁহারই পদাঙ্ক অনুসরণ করিয়া, আমিও বলি,—দেশীয় সমাজ যদি স্ত্রী শিক্ষার উন্নতি চায়, এবং এই উন্নতির বাসনা যদি সমাজের কোন বিশিষ্ট অংশেও তীব্র হইয়া থাকে, বোধহয়, অর্থের অভাব হইবে না। ছাত্রী দত্ত

বেতনের সামান্য আর, রাজামহারাজের ও জমিদার মহাজনের বড় বড় দান ত আছেই,—দেশীয় শিক্ষা বিভাগ হইতেও যথেষ্ট আশা করা যায়। যদি লোকমতের উপর স্ত্রীশিক্ষা প্রতিষ্ঠিত হয় এবং স্ত্রীশিক্ষায় যদি এই লোকমত স্বাধীনতা ও পৃথক পরিচালনের পক্ষপাতী হইয়া সমগ্র দেশের জন্ত একটী পৃথক মহিলা-বিদ্যালয়মহাপীঠ প্রতিষ্ঠা করিতে চায়,—এই লোকমত বিদ্যালয়মহাপীঠের অতিরিক্ত সরকারি আধিপত্যের বিরোধী হইলেও,—রাষ্ট্রীয় ধনভাণ্ডার হইতে যথোপযুক্ত অর্থায়ন ঘটবেই ;—অবশ্য যদি সরকারী শিক্ষা দপ্তরে দেশবাসীদিগের মতামতের কোন যথার্থ মর্যাদা থাকে। আরো একটী কথা। ব্যক্তিগত-গার্হস্থ্য-জীবনে আমরা যে সংসারিক অভাবটা তীব্র ভাবে অনুভব করি ইহার তীব্রতাই এই অভাব পূরণের কারণ হয়। অর্থাত্তাব খুব বেশী দিনের জন্ত অভাব পূরণের অন্তরায় হয় না। অবশ্য অভাব বোধ খুব তীব্র হইলেই এরূপ হয়। স্ত্রীশিক্ষাও যদি এরূপ তীব্র সামাজিক অভাব বলিয়া অনুভূত হয়, তাহা হইলে ইহার ও অর্থসমস্যার সমাধান হইবে। এখনই না হয়, কিছু দিন পরেও হইবে। স্ত্রীশিক্ষার নব-সংগঠন দ্বারা দেশে স্ত্রীশিক্ষা সম্বন্ধে এরূপ অভাব বোধ তীব্র করিয়া তোলাই এই আলোচনার অগ্রতম উদ্দেশ্য।

শ্রীমণীন্দ্রনাথ রায়।

নদীয়া দর্শনে।

এই কি সে দেশ ? পূত যেই ভূমি নিমাত-চরণ করিয়া স্পর্শ ;
 কোথা' সে ভারত গোরবময় মধুরতা ভরা মহাদর্শ ।
 শিখিল যেখানে এ মহাজগত ত্যাগই জীবনে প্রধান মন্ত্র ।
 ধরণীর মাঝে নাম শুধু সার ধরিল স্বমুখে এ মহাতন্ত্র ।
 আজি নদীয়ার কিছু নাহি আর কেবল একটু' গরিমা অংশ
 আছে সকলের মুখপানে চেয়ে এখনে পূর্ণ হয় নি' ধংশ

আজ্ঞো ভাগীরথী সেই স্রোতস্বতী তেমতি সাগর সকাশে ধায়,
 তেমন তরঙ্গী বাহিতে বাহিতে নাবিক বেহাগে মধুর গায় ।
 সন্মিলে তাহার কত সাধু দ্বিজ করে অবগাহি' শীতল গাত্র,
 কোথায় জননী ? সেদিনের মত গাহে না ত' কেহ সে মহাস্তোত্র ।
 আজি নদীয়ার কিছু নাহি আর কেবল একটু' গরিমা অংশ
 আছে সকলের মুখপানে চেয়ে এখনো পূর্ণ হয় নি' ধ্বংশ ॥

আজিও মিশিছে 'খড়ে'র সলিল ভাগীরথী কাল সলিল পংশে ;
 তেমনি ত' দিগ্-দিগন্ত হ'তে আজ্ঞো কত শত ভক্ত আসে ;
 যদিও আজিকে প্রাতি দেবালয়ে কীর্তন সদা হ'তেছে গান,—
 কিন্তু কোথায় সে দিনের মত ভক্তি-মাখান মধুর তান ?
 নদীয়ার কিছু নাহি আর কেবল একটু' গরিমা অংশ
 আছে সকলের মুখপানে চেয়ে এখনো পূর্ণ হয় নি' ধ্বংশ ॥

এই নদীয়ায় স্থাপিয়াছিলেন 'সার্বভৌম' বিজ্ঞা মঠ ;
 যাহার শিষ্য-প্রভায় আজিও দীপ্ত বঙ্গ-গগন-তট ।
 নদীয়ার সেরা যেখানে নিমাই প্রেমের ধর্ম্মে রচিত গান,—
 ইতর ভক্ত ধনী দরিদ্র সকলের যেথা সমান মান ।
 আজি নদীয়ার কিছু নাহি আর কেবল একটু' গরিমা অংশ
 আছে সকলের মুখপানে চেয়ে এখনো পূর্ণ হয় নি' ধ্বংশ ॥

নব্য-শ্যামের 'কাণা-শিরোমণি' 'রঘুনন্দন' নব্য-স্মৃতির,
 আজিও পালিছে অর্ধ ভারত সমাজ বিধান 'বাপুর পাতি'র ।
 'গোপন-বৃন্দাবন' বলি যার খ্যাতি ছিল এই ভুবন মাঝ—
 যাদের গরবে গর্বিতা তুমি কোথায় তাহারা গিয়াছে আজ ?

আজি নদীয়ার কিছু নাহি আর কেবল একটু' গরিমা অংশ
আছে সকলের মুখপানে চেয়ে এখনো পূর্ণ হয়নি' ধ্বংশ ॥

কিসের দুঃখ উদয় অস্ত প্রকৃতির গতি কে রোধে তায়,
আজি যে উন্নত বিধির বিধানে কালি সে আবার বিলয় পায় !
আজি নদীয়ার দীন দশা হয় ! বিধির শানিত কৃপাণ স্পর্শে
কে বলিবে কালি এ নবদ্বীপ উঠিবে না পুনঃ হাসিয়া হর্ষে ।

আজি নদীয়ার কিছু নাহি আর কেবল একটু' গরিমা অংশ
আছে সকলের মুখপানে চেয়ে এখনো পূর্ণ হয় নি' ধ্বংশ ॥

শ্রীবৈষ্ণনাথ কাব্য পুরাণতীর্থ ।

শ্রদ্ধাঞ্জলি ।

(নীহারবালা দেবীর পরলোক গমনে)

ইংরাজি সাহিত্যে যেন দেখি ও পাই যে উনবিংশ শতাব্দীর কথা-সাহিত্য কয়েকজন রমণীর
অসামান্য প্রতিভায় অসূর্বরূপে সমৃদ্ধ ও সমৃদ্ধ হইয়া উঠিয়াছিল, আমাদের বর্তমান বাংলা
সাহিত্যের উপগ্রাস বিভাগেও ঠিক সেইরূপ ব্যাপার দেখিয়া আমরা যদি পুলক ও গর্ভ অনুভব
করি তাহা হইলে বোধ হয় তাহা অসম্ভব হইবে না । হয় ত অর্জু ইলিয়টের শক্তি লইয়া এখনও
কোনও বঙ্গনারী আমাদের সাহিত্য আবির্ভূতা হন নাই ;—সে শক্তি এখন পর্য্যন্ত কেবল
রবীন্দ্রনাথে ও শরৎচন্দ্রে প্রকটিত হইয়াছে । হয় ত বঙ্গমহিলার সীমাবদ্ধ অভিজ্ঞতা তাঁহার
প্রতিভার পূর্ণবিকাশের পথে ৩৩রায় হইয়াছে এবং তাঁহার সৃষ্ট সাহিত্যে বৈচিত্র্যের অভাব
ঘটাইয়াছে । কিন্তু তাহা হইলেও স্বর্ণকুমারী হইতে আরম্ভ করিয়া নিরুপমা অমুপমা প্রমুখ যে

সকল স্নলেখিকা আমাদের সাহিত্যে অপার্থিব আনন্দালোক বিকীরণ করিয়াছেন ও করিতেছেন তাঁহারা বঙ্গভাষার কমকণ্ঠে অতুল্য মৃত্যাহার রূপে চিরকাল শোভা পাইবেন।

জননী বঙ্গভাষার এই অপূৰ্ণ কণ্ঠমালা হইতে একটি মুক্তা আজ সহস্রা কালের কঠিন আঘাতে খসিয়া পড়িয়াছে। কথাটা হয় ত ঠিক বলা হইল না। কারণ এ ত সাধারণ পার্থিব বস্তু নহে। ইহা চক্ষুর অগোচর হইলেও ইহার দ্যুতি যে জ্বলজ্বল করিতে থাকে। এ মুক্তা কি খসিয়া পড়িয়া বাগ্দেরীর কণ্ঠভরণ অঙ্গহীন করিতে পারে? হয় ত তাহা পূর্ণ পরিণতি লাভ করিতে পারে নাই, হয় ত তাহা অক্ষুট কুমুমের গায় দেবতাচরণে নিবেদিত হইবার পূর্বেই বাদল বায়ে ঝড়িয়া পড়িয়াছে। কিন্তু যে প্রতিভা-কুমুম ফুটিতে না ফুটিতে আজ 'ঝরেছে ধরণীতে জনি হে জানি তাও হয়নি হারা।'


এ কথা যে কতদূর সত্য তাহা ঠাঁহার স্নলেখিকা নীহারবালা দেবীর লেখার সহিত পরিচিত ছিলেন তাঁহারা হৃদয়ঙ্গম করিতে পারিবেন। শ্রীমতী নিকুপমা দেবীর গায় তিনি হিন্দুঘরের বালবিধবা ছিলেন। সাংসারিক সমস্ত কর্তব্য সম্পাদন করিয়া অবসর বিনোদনস্বরূপমাত্র সাহিত্য চর্চা করিবার তিনি অবকাশ পাইতেন। আর তাঁহার বৈধব্য পীড়িত নিরানন্দ জীবনে ইহাই বোধ হয় একমাত্র আনন্দ ও শান্তির প্রস্রবণ স্বরূপ ছিল। কিন্তু তিনি ত সাধারণ মেয়ে ছিলেন না; প্রতিভার ফল্গুধারা তাঁহার হৃদয়ের মধ্যে প্রবাহিত হইতেছিল। যখন এই অন্তঃসলিলা প্রবাহিনী সাহিত্যসৃষ্টিতে তাহার নির্গমন পথ পাইল তখন তাহা গল্পে উপন্যাসে আত্মপ্রকাশ করিয়া সাহিত্যমোদিগকে মুগ্ধ করিতে লাগিল। কিন্তু হায়! এ প্রবাহ বেশী দিন স্থায়ী হইল না। মৃত্যুর খরকর স্পর্শে এ ধারা অকালে শুষ্ক হইয়া গেল। দুর্ভাগ্য আমরা, অল্প বয়সেই তাঁহাকে আমাদের নিকট হইতে চিরবিদায় গ্রহণ করিতে হইল। আমাদের সকল আশা উন্মূলিত হইয়া গেল।

ছয় সাত বৎসর পূর্বে পরিচায়িকায় আমি তাঁহার প্রথম গল্প 'মোতিয়া' পড়িয়া মুগ্ধ হই। ইহাই তাঁহার প্রথম গল্প কি না জানি না। কিন্তু ইহাই হইল তাঁহার সহিত আমার প্রথম পরিচয়। এই অল্প বালিকা মোতিয়ার কাহিনী এমনই একটা কাব্য সৌন্দর্য্যে মণ্ডিত করিয়া লেখিকা পাঠকের নিকট উপস্থাপিত করিয়াছিলেন যে সেই একটি গল্পে আমি তাঁহার ভক্ত হইয়া

পড়ি। তার পরে বিভিন্ন মাসিক পত্রে যখনই আমি তাঁহার কোন গল্প পাঠ করিয়াছি তখনই বিমল আনন্দলাভ করিয়াছি, কখনও হতাশ হই নাই।

প্রায়ই দেখা যায় যে ছোট গল্পে ষাঁহার সিদ্ধহস্ত, উপন্যাসে তাঁহার সেরূপ শক্তি দেখাইতে পারেন না। কিন্তু নীহারবালার ক্ষেত্রে ইহার ব্যতিক্রম দেখা যায়; গল্পে ও উপন্যাসে তিনি সমান কৃতিত্ব প্রদর্শন করিয়াছেন। মাসিকপত্রে ক্রমশঃ প্রকাশ্য উপন্যাস সাধারণতঃ আমি পড়ি না। কিন্তু নীহারবালার উপন্যাস সম্বন্ধে আমাকে এ নিয়ম ভঙ্গ করিতে হইয়াছিল। ‘পরিচারিকায়’ প্রকাশিত ‘তটনী’ উপন্যাসটি আমি মাসে মাসে সাগ্রহে পাঠ করিতাম এবং লেখিকার সুকৌশল ঘটনা বিচ্যাস ও নারীহৃদয়ের অপূর্ব বিশ্লেষণ দেখিয়া মনে মনে-তাঁহাকে অজস্র ধন্যবাদ দিতাম। ‘ভারতী’ পত্রিকায় ‘রিক্তা’ নামে তাহার আর একখানি উপন্যাস প্রকাশিত হইয়াছিল। ইহাও যথেষ্ট সুখ্যাতি অর্জন করিয়াছে।

অল্পদিনের সাহিত্যসাধনায় তিনি বাহ্য আমাদিগকে দিয়া গিয়াছেন তাহার মূল্য নিতান্ত কম নহে। আরও কিছুদিন বাঁচিয়া থাকিলে তিনি আমাদের উপন্যাস বিভাগের সমধিক পুষ্টি সাধনে যে যথেষ্ট সহায়তা করিতেন তাহাতে কোন সন্দেহ নাই। কিন্তু ভগবানের ইচ্ছা অন্যরূপ। অল্পদিন পূর্বে তিনি উপন্যাস ক্ষেত্রে যশস্বিনী ইন্দিরা দেবীকে যৌবনসীমার পদার্পণ করিতে না করিতে নিজ অঙ্কে টানিয়া লইয়াছিলেন। ইন্দিরা দেবীও সবে সাহিত্য-ক্ষেত্রে নামিয়া ছিলেন, এবং দু একখানি মাত্র সুরচিত উপন্যাস আমাদিগকে উপহার দিয়াছিলেন। তাঁহার কিন্তু সেই দু একখানি উপন্যাসেই তিনি তাঁহার ভগিনী অমুরূপা দেবী অপেক্ষা অধিক শক্তির পরিচয় দিয়াছিলেন। তাঁহাকে হারাইয়া বঙ্গসাহিত্য যথেষ্ট ক্ষতিগ্রস্ত হইয়াছে। আজ আবার নীহারবালার বিয়োগে সে ক্ষতি বহুল পরিমাণে বর্দ্ধিত হইল। আমরা আর কি বলিব?—‘তোমারই ইচ্ছা হউক পূর্ণ করুণাময় স্বামী।’



শ্রীকৃষ্ণবিহারী গুপ্ত !

বাক্সালার ব্রাহ্মণ

-:0:-

দ্বিতীয় প্রস্তাব, বাক্সালার সভ্যতা এবং তাহার বয়স ।

অনেক বড় বড় পণ্ডিত বাঙ্গলাদেশকে নূতন গঠিত এবং উহার সভ্যতাকে নূতন রচিত বলিয়া থাকেন । ভূবিদ্যা শাস্ত্রের মতে বাঙ্গলাদেশ দক্ষিণাপথের মালভূমি অপেক্ষা নূতন বটে । কিন্তু, সেই নূতন—কতকালের নূতন ? আমাদের মতে, অন্ধ ধরিয়া সেই কালের বয়স স্থির করিবার উপায় নাই । হিমালয় পর্বতের সর্বোচ্চ শিখর গৌরীশঙ্কর, (যাহা আমাদের দেশের সকলের কাছে পাদরী এভারেষ্ট সাহেবের নামে “মাউন্ট এভারেষ্ট” নামে বিখ্যাত !) সমুদ্রবক্ষ হইতে ২৯,০০২ ফিট উচ্চ, একথা নিম্নশ্রেণীর পড়ুয়ারাও জানে । এই সাড়ে পঁচ মাইল পর্বতশৃঙ্গও নাকি এককালে সমুদ্রের ভিতর ডুবিয়াছিল, এবং পরে পৃথিবী পৃষ্ঠের পরিবর্তনের ফলে ঐরূপ উচ্চ হইয়া উঠিয়াছে । সে যে আজি হইতে কত কোটি অথবা শত কোটি বৎসর আগে হইয়াছিল তাহা কে বলিবে ? যিনি বলিবেন, তিনি “সাহসী” সন্দেহ নাই ; কিন্তু আমাদের মত সামান্য বুদ্ধির মানুষের কাছে সে কথা অতিশয় দুর্বোধ । তাহার পর, যে সময়ে হিমালয় সাগরগর্ভ হইতে উঠিয়াছিলেন, তাহার যে কত কোটি বৎসর পরে, সূর্য্যবংশীয় মহারাজ দিলীপ-পুত্র ভগীরথ এদেশে গঙ্গাদেবীকে আনিয়াছিলেন, তাহাই বা কে বলিবে ? গঙ্গাদেবীর সম্বন্ধে প্রাচীন ঋষি বলিতেছেন,—

“কৈলাস শৈলের উত্তরদিকে মঙ্গলময় প্রাণী এবং ওষধিময় ‘গৌর’ নামে এক গিরি আছে । উহা হরিতালময়,—উহার শৃঙ্গগুলি হিরণ্ময় । উহা এক দিব্য মণিময় শুভগিরি । উহার পাদদেশে রমণীয় কাঞ্চন-বালুকাময় দিব্য এক সরোবর আছে । তাহার নাম বিন্দুসরঃ ; রাজা ভগীরথ সেই স্থানে গমন করিয়াছিলেন । সেই রাজর্ষি গঙ্গার নিমিত্ত তথায় বহুবৎসর বাস করেন । ‘মদীয় পূর্বপুরুষগণ গঙ্গাজলে প্লাবিত হইয়া স্বর্গপ্রাপ্ত হইবেন,’ রাজর্ষি ভগীরথ মনে মনে এইরূপ সঙ্কল্প লইয়াই সেখানে গঙ্গার আরাধনা করেন । দেবী ত্রিপথগা প্রথমতঃ সেই স্থানেই প্রতিষ্ঠিত হইয়াছিলেন । গঙ্গা সেই স্থান হইতে বহির্গত হইয়া গন্ধর্ব, কিন্নর, যক্ষ, রক্ষঃ, বিদ্যাধর,

কলাপগ্রাম, পারদ, খস, কিরাত, পুলিন্দ, কুরু, ভরত, পঞ্চাল, কাশী, মৎস্য, মগধ, অঙ্গ, সুক্কোত্তর, বঙ্গ এবং তাম্রলিপ্ত এই সকল গুণ্ড ঋষ্য জনপদের ভিতর দিয়া বহিতে বহিতে বিক্রাপর্বতে প্রতিহত হইয়া লবণ বা দক্ষিণ সমুদ্রে প্রবেশ করিয়াছেন” (১) ।

এই দেশগুলির মধ্যে, “মগধ, অঙ্গ, সুক্কোত্তর বঙ্গ এবং তাম্রলিপ্ত” এই কয়েকটি জনপদের নামে আমাদের প্রয়োজন । গঙ্গানদী যে বিক্রাপর্বতে প্রতিহত হইবার কারণেই উত্তর বাহিনী হইয়া বারাণসী বা কাশী নগরীকে পবিত্র করিয়াছেন, তাহা “ইণ্ডিয়া” যে কোন মানচিত্র খুলিলেই দেখিতে পাওয়া যাইবে । আর বিক্রাপর্বতমালার পূর্বাংশই যে বর্তমান রাঢ়দেশের পূর্বদিকে গঙ্গানদীর “পাহাড়” বা “পাড়” স্বরূপে বিদ্যমান আছে, তাহাও প্রত্যক্ষ সিদ্ধ । পূর্ববঙ্গের উত্তরে যে “গারোপাহাড়” (এবং তাহার অংশ স্বরূপ ভাওয়াল বা মধুপুরের ‘গড়’) দেখা যায়, তাহাও যে এক সময়ে বিক্রাপর্বতমালার সহিত সংস্কৃত ছিল না, তাহা বলা যায় না ।

গঙ্গা এবং ব্রহ্মপুত্র প্রভৃতি নদীর দ্বারা আনীত পলিমাটির দ্বারা যে গোড়-বঙ্গের, বিশেষতঃ মধ্যবাঙ্গালার অনেক স্থান গঠিত অথবা সমুদ্রের নিকট হইতে অর্জিত হইয়াছে, তাহাতে সন্দেহ নাই । তথাপি অঙ্গ, বঙ্গ, কলিঙ্গ, পুণ্ড্র, এবং সুক্ক এই পাঁচটি জনপদ (মোটামোটি আমাদের বাঙ্গালা দেশ) যে অতিশয় প্রাচীন এবং সে প্রাচীনতার কাল কোন খৃষ্টাব্দ অথবা শকাব্দের অঙ্ক দ্বারা মাপিতে পারা যায় না, তাহা নিশ্চয় । রামরাজ্যেরও বহুপূর্বে এই সকল দেশ সভ্য ভবা মানুষে পূর্ণ হইয়াছিল । পাদরী এভারেট্ট, সার চার্লস লায়েল এবং সেনাপতি ট্র্যাচি প্রমুখ সাহেবেরা অনেক বড় বড় হিসাব করিয়া বলিয়াছেন যে নদ নদী দ্বারা আনীত পলিমাটির দ্বারা বাঙ্গালাদেশ গড়িতে চৌদ্দ পনের হাজার বৎসরেরও অনেক অধিক সময় লাগিয়াছে ।

(১) বায়ুপুরাণ, ৪৭ অধ্যায়, ব্রহ্মাণ্ডপুরাণ ৫১ অধ্যায়, মৎস্যপুরাণ, ১২১ অধ্যায়, মহাভারত (১) আদিপর্বের ৬ অধ্যায় ইত্যাদি । রামায়ণ, বালকাণ্ডের ৪৩শ সর্গে (বঙ্গবাসী) ভগীরথ কতৃক গঙ্গার আনয়ন বৃত্তান্ত বর্ণিত হইয়াছে । সম্প্রতি রাণীগঞ্জের নিকট প্রাপ্ত প্রাচীন বৃক্ষের প্রস্তরবিশেষ সম্বন্ধে বর্তমান প্রস্তাবের ত্রয়োদশ (১৩) সংখ্যক পাদটীকা দ্রষ্টব্য । বাঙ্গালাদেশের বয়স সম্বন্ধে Sir W. W. Hunter সাহেবের Imprial Gazatteer of India, Vol VI. India Ch I. দ্রষ্টব্য ।

পুরাণ-পাঠে আমরা জানিতে পারি যে (২) অযোধ্যা-নাথ দশরথ রাজার সমসাময়িক এবং এবং বন্ধু অঙ্গরাজ লোমপাদ (তাঁহার পদধর লোমে পূর্ণ ছিল বলিয়া তিনি এই নাম পাইয়াছিলেন ?) দশরথ ছিলেন এবং তাঁহার উর্ধ্বতন সপ্তমপুরুষ “বলি” নামক এক রাজা ছিলেন। এই বংশ চন্দ্রবংশীয় বিখ্যাত যযাতি রাজার পুত্র (শার্মিষ্ঠার দ্বিতীয় পুত্র) অনু হইতে (কেবল হরিবংশে এই বংশও পুরু হইতে সম্ভূত হইয়াছে লেখা আছে) প্রবর্তিত হইয়াছিল। এই “বলি” রাজার রাজ্ঞী সূদেষ্ণা দেবীর গর্ভে, এবং প্রসিদ্ধ বৈদিক ঋষি দীর্ঘতমা-গৌতমের আশীর্বাদে (বা ঔরসে) অঙ্গ, বঙ্গ, কলিঙ্গ, সূক্ষ্ম, পুণ্ড্র এই পাঁচটি পুত্র জন্ম এবং তাঁহাদের নাম হইতেই অঙ্গ, বঙ্গ, সূক্ষ্ম, পুণ্ড্র এবং কলিঙ্গ এই পাঁচটি সুপ্রসিদ্ধ জনপদের নামকরণ হয়। উক্ত ঋষির ঔরসে এবং সূদেষ্ণা রাজ্ঞীর এক দাসীর গর্ভে বিখ্যাত বৈদিক ঋষি “কক্ষীবানে”র জন্ম হইয়াছিল।

উক্ত বলি-রাজের পুত্র অঙ্গ স্বদেশেই নিজ নামে রাজ্য চালাইতে থাকেন এবং তাঁহার পুত্র দধিবাহন, তাঁহা হইতে দিবিরথ, দিবিরথ হইতে ধর্মরথ, তাঁহা হইতে চিত্ররথ উৎপন্ন হন। অযোধ্যারাজ দশরথে সখা অঙ্গরাজ লোমপাদ-দশরথ এই চিত্ররথের পুত্র। এই অঙ্গরাজ দশরথের প্রপৌত্র ‘চম্প’ রাজা নিজের নামানুসারে “চম্পা”নগরীর প্রতিষ্ঠা করেন। আধুনিক ভাগলপুর (মুসলমানদের ‘বাঘেলপুর’ এবং পরে ইংরেজের প্রথম আমলে ‘বগলীপুর’) নগরের নিকটে প্রাচীন “চম্পার” অবস্থান এখনও লোকে নির্দেশ করিয়া দিতেছেন। এই চম্প হইতে দশম বা একাদশ পুরুষে অঙ্গরাজ অধিরথের জন্ম হয়,—যিনি পৃথা বা কুন্তীর ‘অপবিদ্ধ’ (পরিত্যক্ত) পুত্র কর্ণকে গঙ্গা গর্ভে পাইয়া প্রতিপালন করিয়াছিলেন। অধিরথ প্রকৃত পক্ষে ছুতার বা সূত্রধর ছিলেন না, পরন্তু মুকুটধারী রাজাই ছিলেন। তাঁহার বৃদ্ধপ্রপিতামহের পিতা বৃহন্মনা নামক রাজা ভুল করিয়া এক ব্রাহ্মণ কন্যাকে বিবাহ করার জন্য, উক্ত বৃদ্ধপ্রপিতামহ “বিজয়”কে লোকে ‘সূত’ (৩) বলিত। সেই দোষের কারণেই এই বংশের দুর্গাম রটে

(২) বায়ুপুরাণ ৯৯ অধ্যায়, মৎস্যপুরাণ ৪৮ অধ্যায়, বিষ্ণুপুরাণ, ৪র্থ অংশ ১৭-১৮ অধ্যায়, হরিবংশ, হরিবংশ পর্ব, মহাভারত, আদিপর্ব ১০৪ অধ্যায়।

(৩) মনুসংহিতা, ১০ম অধ্যায়, ১১শ শ্লোক। ব্রাহ্মণ-কন্যার গর্ভে ক্ষত্রিয় পুরুষের ঔরসে ‘সূত’ জাতির উৎপত্তি হয়। অন্যান্য স্মৃতির মতও তাহাই। এই দোষ ধরিলে যজুর্বংশের

এবং অধিরথ “সূত” এই নামে পরিচিত হইয়াছিলেন ; নতুবা জাতিতে তিনি “ছুতার” বা “সূত্রধর” ছিলেন না। যাহাই হউক, অঙ্গরাজ্যের নাম যে রামরাজ্যেরও পূর্ব হইতে প্রচারিত হইয়াছিল, তাহাতে সন্দেহ নাই। মগধরাজ্য এবং তাহার বসুবংশীয় সম্রাটগণের তত্ত্ব রানাসগণের বালকাণ্ডেই পাওয়া যায়।

বঙ্গ-রাজ, স্কন্দরাজ, কলিঙ্গরাজ এবং পুণ্ড্ররাজ সম্বন্ধে ও পৌরাণিক সংবাদ যথেষ্ট পাওয়া যায়। মহাভারতের যুদ্ধের অনেক পূর্বে, অর্থাৎ বৃধিষ্ঠিরের রাজস্বয় যজ্ঞেরও অগ্রে মগধরাজ জরাসন্ধ প্রাচ্য জনপদসমূহের সম্রাট ছিলেন এবং অঙ্গ বঙ্গাদি দেশের নরপতিগণ তাঁহার সহায় বা মিত্র ছিলেন। ইঁহার সকলেই সাধারণতঃ কৃষ্ণেশ্বরী থাকিলেও, কৃষ্ণের মাতুল কংসের স্বপ্নের মহারাজ জরাসন্ধ এবং কৃষ্ণের অন্যতম বৈমাত্রেয় ভ্রাতা পুণ্ড্ররাজ বাসুদেব [ইনিও বাসুদেবের পুত্র (৪)] এই দুইজনই তাঁহার ভয়ানক শত্রু ছিলেন। প্রাগ্-জ্যোতিষাধিপ ভগদত্তও কৃষ্ণের বিপক্ষ ছিলেন ;—ভগদত্তের পিতা নরক কৃষ্ণের হস্তেই নিহত হইয়াছিলেন। সম্রাট জরাসন্ধের সহিত তাৎকালীন প্রাচ্য, প্রতীচ্য, উদীচ্য এবং দক্ষিণাত্য বহু ভূগতি একযোগে কৃষ্ণকে মথুরায় অবরোধ করেন এবং তিনি তথা হইতে অপহৃত হইয়া দক্ষিণাপথে গেলে সেখানেও উঁহার তাঁহার পশ্চাদ্ধাবন করিয়াছিলেন। পৌণ্ড্রক বাসুদেব নিষাদরাজ একলব্যের [ইনিও কৃষ্ণের বৈমাত্রেয় ভ্রাতা অথবা পিতৃব্যপুত্র (৫)] সহিত একযোগে ষারকানগরও অবরোধ করিয়াছিলেন। সেই যুদ্ধে কৃষ্ণ হস্তে পৌণ্ড্রক বাসুদেব নিহত এবং একলব্য পরাস্ত হইয়া সমুদ্র

প্রগমেই এই দোষ প্রবেশ করিয়াছে, যেহেতু বহুর মাতা দেবযানী ব্রাহ্মণ গুরুচার্যের কন্যা এবং তাঁহার পিতা যযাতি বিখ্যাত ক্ষত্রিয় রাজা।

(৪) বাসুদেবের অন্যতমা পত্নী সুগন্ধীর গর্ভে “পুণ্ড্র”র (বাসুদেবের) জন্ম। তিনি বহুবংশীয় হইয়াও পরে অনুবংশীয় “পুণ্ড্র”বংশে প্রবেশ লাভ করিয়াছিলেন। পুরাণে একরূপ এক বংশ হইতে বংশান্তরে প্রবেশেরও আরও দৃষ্টান্ত আছে। (বায়ুপুরাণ, ৯৬ অধ্যায়)।

(৫) বায়ুপুরাণের মতে বাসুদেবের অন্যতমা পত্নী “বনরাজী”র গর্ভে কপিল বা একলব্যের জন্ম কিন্তু হরিবংশের মতে (হরিবংশ পর্ব) বাসুদেবের তৃতীয় ভ্রাতা দেবশ্রবার পুত্র নৈষাদি একলব্য। ইনি বাল্যে নিষাদগণ কর্তৃক অপহৃত (অথবা কোন কারণে পরিত্যক্ত হওয়ায় নিষাদরাজ হিরণ্যধনুর পুত্ররূপে বিখ্যাত হইয়াছিলেন।)

পথে পলায়ন এবং আত্মরক্ষা করিতে বাধ্য হইয়াছিলেন। কৃষ্ণের কৌশলে জরাসন্ধ বন্দযুদ্ধে ভীমের হস্তে নিহত হইবার পরে যুধিষ্ঠিরের রাজস্বয় যজ্ঞ সম্পন্ন হইয়াছিল। মাহাভারত এবং হরিবংশে এই সকল পৌরাণিকী কথার বিস্তৃত বর্ণনা আছে এবং তাহার প্রমাণ প্রয়োগ দেখান অনাবশ্যক।

বঙ্গরাজ চন্দ্রসেন এবং সমুদ্রসেন (দুই জনেই) প্রাচ্যদেশের অন্যান্য রাজগণের সহিত দ্রৌপদীর স্বয়ংবরে বিবাহার্থ নিমন্ত্রিত এবং উপস্থিত হইয়াছিলেন। রাজস্বয়ের প্রাক্কালে এই উভয় বঙ্গরাজ (স্কন্ধ পুণ্ড্র, অঙ্গ, তাম্রলিপ্ত এবং কঁকটাদি প্রাচ্যদেশের অন্যান্য রাজার সহিত) মহাবীর ভীমের হস্তে পরাজিত হইয়াছিলেন। ইঁহারা পরে মাহাভারতের যুদ্ধে যে কৌরব পক্ষে যোগদান করত বীরগতি প্রাপ্ত হইয়াছিলেন, মাহাভারতের পাঠক তাহা অবগত আছেন। মাহাভারত যুদ্ধের পূর্বে যে এই সকল দেশের রাজা কুলীন-ক্ষত্রিয় স্বরূপে আৰ্য্যবর্তের সর্বত্র পরিগৃহীত হইতেছিলেন, তৎ সম্বন্ধে সন্দেহ নাই। মগধ সম্রাট জরাসন্ধ তৎকালে সূর্য এবং চন্দ্রবংশীয় যাবতীয় নৃপতির মাননীয় এবং শীর্ষস্থানীয় নেতৃরূপে পূজিত হইয়াছিলেন (৬) দেখিতে পাওয়া যায়।

অঙ্গ, বঙ্গ, কলিঙ্গ, পুণ্ড্র, এবং স্কন্ধ এই পাঁচজন রাজপুত্র কতকালের লোক ছিলেন, সেই প্রশ্নের উত্তর এই স্থানে দেওয়া আবশ্যিক। তাঁহারা যে বৈদিক দীর্ঘতমা গোতম এবং কক্ষীবান্ ঋষির সমসাময়িক তাহা দেখা গিয়াছে। সাহেবদের অনুকরণে বেদের বয়স নির্ণয় করিবার শক্তি আমাদের নাই। এই পাঁচজন রাজপুত্র যে ত্রেতাযুগাবতার রামচন্দ্রের অন্ততঃ পাঁচ সাত পুরুষ পূর্বগামী ছিলেন, তাহা রামায়ণ এবং পুরাণ গ্রন্থাবলী হইতেও জানিতে পারা যায়। বায়ু এবং মৎস্যাদি পুরাণের বয়স কত, তাহার নির্ণয় করিবার একটু চেষ্টা করা ষাউক।

বৈদিক গ্রন্থাবলীর মধ্যে সামবেদীয়া ছান্দোগ্য উপনিষৎ এবং যজুর্বেদীয়া বৃহদারণ্যক উপনিষদে “ইতিহাসঃপুরাণঃ” উক্ত হইয়াছে (৬)। ছান্দোগ্য উপনিষদে আচার্য সনৎকুমারের

(৬) মাহাভারতের সভাপর্বের অন্তর্গত রাজস্বয়রস্ত পর্বে, রাজস্বয়যজ্ঞার্থী যুধিষ্ঠিরকে শ্রীকৃষ্ণ সম্রাট জরাসন্ধের কথা বলিয়াছেন। শ্রীকৃষ্ণ বলিলেন, “রাজা জরাসন্ধ সম্প্রতি যাবতীয় সূর্য এবং চন্দ্রবংশীয় নৃপতিগণকে পরাস্ত করিয়া সাম্রাজ্য ভোগ করিতেছেন। প্রতাপবান্ চেদিরাজ

নিকট শিক্ষার্থী নারদ নিজ অধীত বিদ্যার পরিচয় দিতে গিয়া বলিতেছেন যে তিনি “ঋগ্বেদ, যজুর্বেদ, সামবেদ, অথর্বণ (চতুর্থবেদ), ইতিহাস পুরাণ (পঞ্চমবেদ), পিত্রা, রাশি, দৈব, নিধি, বাকোবাক্য, একায়ন, দেববিদ্যা, ব্রহ্মবিদ্যা, ভূতবিদ্যা, ক্ষত্রবিদ্যা, নক্ষত্রবিদ্যা, এবং সর্পদেবজনবিদ্যা” অধ্যয়ন করিয়াও মনে শান্তি পান নাই এবং যাহাতে তিনি লোকের হাশু হইতে পরিত্রাণ পাইতে পারেন (শান্তি পাইতে পারেন) সেই উদ্দেশ্যেই আসিয়াছেন । সনৎকুমার বলিলেন যে, ঐ সকল বিদ্যার (অপরা বিদ্যার) দ্বারা শান্তি পাওয়া যায় না, কেবল ব্রহ্মবিদ্যার দ্বারাই শান্তি পাওয়া যায় ; তাই তিনি শিষ্য নারদকে ব্রহ্মবিদ্যারই উপদেশ দান করিয়াছিলেন ।

বৃহদারণ্যক উপনিষদে মহর্ষি যজ্ঞবল্ক্য পত্নী মৈত্রেয়ী দেবীকে উপদেশ দিতে গিয়া বলিতেছেন যে আর্দ্র বা ভিজা কাঠ হইতে যেমন অগ্নির নানারূপ ধূম উঠে, সেইরূপ এই মহাভূত (ব্রহ্ম) হইতে তাঁহার নিঃশ্বাসের মত (বিনা প্রযত্নে, স্বতঃই) এই ঋগ্বেদ, যজুর্বেদ, সামবেদ, অঙ্গিরস অথর্ববেদ, ইতিহাস, পুরাণ, বিদ্যা, উপনিষৎ সমূহ, শ্লোক, সূত্র সমূহ এবং তাহাদের ব্যাখ্যা সকল উদ্গত হইয়াছে । (৭)

শিশুপাল তাঁহার সেনাপতি ; করুণাধিপতি দম্ভবক্র, মহাবল পরাক্রান্ত হংস ও ডিম্বক, যবনরাজ করভ মেঘবাহন, আপনার (যুদ্ধিষ্ঠিরের) পিতৃবন্ধু ভগদত্ত, বঙ্গ-পুণ্ড্র-করাণ্ড দেশে ব রাজা পৌণ্ড্রকবাসুদেব, এবং আমার স্বপুত্র ভীষ্মক পূর্ব, পশ্চিম উত্তর এবং দক্ষিণের যাবতীয় রাজা (এক আমাদের পিতা ও আপনার মাতুল বসুদেব ভিন্ন) সকলেই জরাসন্ধের ভক্ত এবং তাঁহাকে সত্ৰাট স্বরূপে পূজা করিয়া থাকেনা । তাঁহার ভয়ে আমরা মথুরা হইতে পলায়ন করত সমুদ্রতীরস্থ দ্বারাবতীর দুর্গ আশ্রয় করিয়া রহিয়াছি ইত্যাদি ।” সভাপর্বের ১৪শ অধ্যায় হইতে ১৯শ অধ্যায় পর্যন্ত দ্রষ্টব্য ।

(৭) “স হোবাচথৈর্দং ভগবোহধ্যোমি যজুর্বেদ ৬ সামবেদমাথর্বণং চতুর্থমিতিহাসপুরাণং পঞ্চমং বেদানাং বেদং পিত্রা ৬ রাশিঃ দৈবং নিধিঃ বাকোবাক্যমেকায়নং দেববিদ্যাং ব্রহ্মবিদ্যাং ভূতবিদ্যাং ক্ষত্রবিদ্যাং নক্ষত্রবিদ্যাং সর্পদেবজনবিদ্যামেতদ্ভগবোহধ্যোমি ॥২॥” ছান্দোগ্য, সপ্তমপ্রপাঠক প্রথম খণ্ড ॥ “স যথা ত্রেক্ষনাগ্নেরভ্যাহিতাৎ পৃথগ্ধূমা বিনিশ্চরন্ত্যেবং

ইতিহাস এবং পুরাণকে শ্রীশঙ্করাচার্য অগ্ন্যগ্ন বেদের ব্যাকরণ শাস্ত্র অর্থাৎ বুঝাইবার শাস্ত্র বলিয়াছেন (পূর্ব পৃষ্ঠার ৭ম সংখ্যক পাদটীকা দেখুন)। আচার্যদেব এ সম্বন্ধে ব্যাসদেবেরই পদানুবর্তী হইয়া স্বকীয় মত প্রকাশ করিয়াছেন, নূতন কোন কথা বলেন নাই। পুরাণ এবং মহাভারত না পড়িলে বেদের অনেক স্থলের অর্থই বুঝিতে পারা যায় না। বেদব্যাস নিজেই বলিয়াছেন যে ইতিহাস এবং পুরাণ শাস্ত্র হইতে বেদার্থের তাৎপর্য বোধ করিতে হয় ; এবং অন্নবিদ্যা (পুরাণ ও ইতিহাস শাস্ত্রে অজ্ঞ) ব্যক্তির নিকট হইতে বেদ ভীত হন এবং ভাবিয়া থাকেন যে ‘এই ব্যক্তি আমাকে মারিবে, অর্থাৎ এই ব্যক্তি অর্থ না বুঝিয়া অনর্থ করিবে’ (৮)। আমরা নিত্যই দেখিতে পাইতেছি যে বেদব্যাসের এই আশঙ্কা : অমূলক নহে। পুরাণ এবং রামায়ণ মহাভারতাদি ইতিহাস শাস্ত্রে অজ্ঞ একরূপ বহু যুরোপীয় এবং এদেশীয় বেদজ্ঞ পণ্ডিত বেদশাস্ত্রের যে কত ছুদর্শা করিয়াছেন এবং করিতেছেন, তাহা বলা যায় না।

অনেকে বলেন যে উপনিষদাদি বৈদিক গ্রন্থে যে ইতিহাস পুরাণ শাস্ত্রের কথা আছে, সে আমাদের আঠারো মহাপুরাণ এবং রামায়ণ মহাভারত শাস্ত্র নহে। তাঁহাদের উক্তির অনুকূলে যে কি প্রমাণ আছে, তাহা আমরা জানি না। আমাদের পুরাণ শাস্ত্র হইতে জানিতে পারি

বা অরেইশ্ব মহতো ভূতশ্চ নিঃস্বসিতমেতদ্দযদ্বখেদো যজুর্বেদঃ সামবেদোহথর্বাঙ্গিরস ইতিহাসঃ পুরাণং বিদ্যা উপনিষদঃ শ্লোকঃ সূত্রাপ্যনুব্যাখ্যানানি ব্যাখ্যানান্যসৈবৈতানি সর্বাণি নিঃস্বসিতানি ॥১০॥” বৃহদারণ্যক উপনিষৎ, ৪র্থ ব্রাহ্মণ পঞ্চম অধ্যায় এবং পঞ্চম ব্রাহ্মণ, ৬ষ্ঠ অধ্যায় ॥ এই উপনিষদের ষষ্ঠ অধ্যায়ের প্রথম ব্রাহ্মণের দ্বিতীয়া শ্রুতিতেও ইতিহাস-পুরাণের উল্লেখ আছে। আচার্যপাদ শঙ্কর ছান্দোগ্য শ্রুতির ভাষ্যমুখে, উক্ত “ইতিহাস পুরাণং পঞ্চমবেদং” অংশের ভাষ্যে বলিতেছেন “বেদানাং ভারতপঞ্চমানাং বেদং ব্যাকরণমিত্যর্থঃ। ব্যাকরণেণ হি পদবিভাগশঃ ঋগ্বেদাদয়োজ্ঞয়ন্তে”—অর্থাৎ বেদ সমূহের ব্যাকরণ (বুঝাইবার শাস্ত্র) হইতেছে পঞ্চমবেদ ইতিহাস (মহাভারত) এবং পুরাণ শাস্ত্র।

(৮) “ইতিহাস পুরাণাভ্যাং বেদং সমুপবৃংহয়েৎ ॥ ২৬৭ ॥

বিভেত্যন্নশ্রুতাং বেদো মাময়ঃ প্রহরিষ্যতি ।

কাঞ্চৎ বেদমিমং বিদ্বান্ শ্রাবমিত্বার্থমশ্নুতে ॥ ২৬৮ ॥ আদিপর্ব, প্রথম অধ্যায় ।

যে (৯) প্রত্যেক চতুর্বর্গের প্রতি ষাপরেই এক এক জন ঋষি চতুর্বেদ এবং পুরাণেতিহাসের সঙ্কলন করিয়া থাকেন। বর্তমান কালির অব্যবহিত পূর্বেই যে ষাপর যুগের অবসান হইয়াছে, ঐ ষাপরের শেষ ভাগে পরাশর পুত্র কৃষ্ণদ্বৈপায়ন ঋষি বেদ এবং পুরাণেতিহাসের সঙ্কলন করিয়া নিজ শিষ্যগণকে উক্ত শাস্ত্র শিক্ষা দিয়াছিলেন। যুগে যুগে এইরূপ বেদ ও পুরাণেতিহাসের সঙ্কলন কর্তাকে “ব্যাস” বলে এবং সেই হিসাবে কৃষ্ণদ্বৈপায়ন বর্তমান যুগের ব্যাস। ব্যাস এবং তাঁহার শিষ্যগণের দ্বারাই পুরাণ ও ইতিহাস রচিত এবং প্রচারিত হইয়াছে। বর্তমান প্রচলিত অষ্টাদশ মহাপুরাণ ও এই কৃষ্ণদ্বৈপায়ন ঋষির সঙ্কলিত অথবা প্রচারিত বলিয়া আমাদের দেশে চিরাগত প্রবাদ অথবা ঐতিহ্য চলিয়া আসিতেছে। পূর্বকালে মৌলিকপুরাণ একখানিই ছিল বলিয়া ব্যাসদেব সংবাদ দিয়াছেন।

সময়ের অবশ্যস্তাবী পরিবর্তনের ফলে অগ্ণাণ শাস্ত্রের ঞায় পুরাণেও নানা প্রকার অঙ্গহানি ঘটিয়াছে। পাঠক মহাশয় যে কোন পুরাণ খুলিলেই তাহার পরিচয় পাইবেন। তবে আঠার পুরাণ অথবা রামায়ণ মহাভারত “নূতন” নহে। ডাক্তার উইলসন সাহেব এবং “তৎপাদানুধ্যাত” ৬অক্ষয়কুমার দত্তজ প্রমুখ লেখকেরা যে বলিয়াছিলেন যে কোন পুরাণই খৃষ্টীয় নবম অথবা দশম শতাব্দীর পূর্বগামী নহে, সে মত অধুনা পরিত্যক্ত হইয়াছে। “অতান্ত নবীন” বলিয়া কথিত “ভবিষ্যপুরাণ”ও খৃষ্টপূর্ব দুই শতাব্দীর প্রাচীন বলিয়া কেম্ব্রিজ বিশ্ববিদ্যালয়ের সংস্কৃত অধ্যাপক পৌরাণিক রামসন সাহেব মত দিয়াছেন (১০)। আমাদের কালেজে বি, এ, উপাধি পরীক্ষার পাঠ্য পুস্তক ডাক্তার ম্যাকডোনাল্ডের “সংস্কৃত ভাষার ইতিহাসে” স্পষ্টই লিখিত হইয়াছে যে বর্তমান হরিবংশ সমেত লক্ষ শ্লোকায়ক মহাভারত খৃষ্টীয় পঞ্চম শতাব্দীর পূর্বেও সম্বন্ধে বিদ্যমান ছিল এবং এই লক্ষ শ্লোকায়ক মহাভারত পাঠ করিবার জন্য ব্রাহ্মণগণকে তাম্রশাসনের (দলিলের) দ্বারা ভূমিদান করা হইত। ৬বঙ্কিমবাবুর “প্রাক্কিপ্তবাদ” সম্বন্ধে অনেক কথাই আবার নূতন করিয়া লেখা উচিত। বায়ু পুরাণের উল্লেখ কেবল মহাভারতে নহে, মনুসংহিতায়ও

(৯) বায়ুপুরাণ, ৬০ ষষ্টিতম অধ্যায়। অগ্ণাণ মহাপুরাণেও এই সংবাদ প্রদত্ত হইয়াছে। মৎস্যপুরাণের ত্রিংশদশ অধ্যায়ের প্রথমেই উক্ত হইয়াছে যে পুরাণ পূর্বে একই ছিল।

(১০) The Cambridge History of India, Vol. I. (1922).

আছে। মৎস্যপুরাণের উল্লেখও মহাভারতে দেখা গিয়াছে (১১)। গুণাঢ্য, ভাস, শূদ্রক কালিদাস, ভবভূতি, ভারবি, দণ্ডী এবং বাণভট্ট প্রমুখ মহাকবিগণ রামায়ণ মহাভারত এবং পুরাণকে অবলম্বন করিয়াই নিজ নিজ কাব্যগ্রন্থ প্রণয়ন করত অমরত্ব লাভ করিয়া গিয়াছেন।

রামায়ণ মহাভারত এবং মনুসংহিতাদি আর্য গ্রন্থ যে পাণিনি-মুনি প্রণীত ব্যাকরণ অপেক্ষাও প্রাচীন এবং উহারা সকলেই যে খৃষ্টজন্মের বহুপূর্বকাল হইতে বিদ্যমান আছে, তাহা এখন দেশীয় এবং বিদেশীয় পণ্ডিতগণ কর্তৃক স্বীকৃত হইয়াছে। উইলসন এবং ম্যাক্সমুলারের সমসাময়িক অনেক ভ্রান্তি চলিয়া গিয়াছে এবং সত্য স্বয়ং প্রকাশ হইতেছেন। বহুপূর্বেই বোম্বাইএর ডাক্তার মহামহোপাধ্যায় সার রামকৃষ্ণ গোপাল ভাণ্ডারকর মহাশয় পুরাণের প্রাচীনতা স্বীকার করিয়াছিলেন, সম্প্রতি বিলাতের পণ্ডিতগণও উহা স্বীকার করিতেছেন। এদেশে অনেক পুরাতন ভুল এখনও গোল পাকাইয়া বেড়াইতেছে বটে, উহা ক্রমশঃ দূরীভূত হইবে, একরূপ আশা করা যায়। পাদরীরা পূর্বে বলিতেন, (গোঁড়ারা এখনও বলেন) যে খৃষ্টের জন্মের ৪০০৪ পূর্বে ভগবান্ পৃথিবীর এবং আদিম নরনারীর সৃষ্টি করিয়াছিলেন। তাঁহাদের মতে অদ্য হইতে ৫৯২৯ বৎসর পূর্বে পৃথিবীরই সৃষ্টি হইয়াছে, সুতরাং তাঁহারা পৃথিবীর কোন ঘটনাকেই খৃষ্টপূর্ব চারিসহস্র বৎসরের পূর্বে লইয়া যাইতে সাহস করেন নাই; তাই, যুরোপীয় খৃষ্টান, পণ্ডিতেরা ভয়ের সহিত বলিয়াছিলেন যে ঋগ্বেদের জন্ম খৃষ্টজন্মের তিন হাজার বৎসর পূর্বে হইতে পারে না। যঁাহারা খৃষ্টান্ পাদরী মহাশয়দিগের এই গণনা বেদবাক্যের মত (অথবা তাহারও বড় বলিয়া) মানিতেন, তাঁহাদের নিকট আসল বেদবাণী অগ্রাহ হইয়াছিল। আমাদের মনুসংহিতা প্রভৃতি গ্রন্থের মতামুযায়ী (১২) “আজ হইতে ১,৯৬,০৮,৫৩,০২৬ বৎসর পূর্বে সৃষ্টি হইয়াছিল এবং বর্তমান বৈবস্বত মন্বন্তরই অদ্য হইতে ১২,০৫,৩৩,০২৬ বৎসর পূর্ব হইতে চলিতেছে” এ কথা

(১১) বায়ুপুরাণের উল্লেখ, মহাভারতীয় বনপর্ব, ১৯১তম অধ্যায়ের ১৬শ শ্লোক, মনুসংহিতার নবম অধ্যায়ের ৪২শ শ্লোকে এবং মৎস্যপুরাণ সপ্তকে মহাভারতীয় বনপর্বের ১৮৭তম অধ্যায়ের ৫৭—৫৮ শ্লোকে পাওয়া যাইবে।

(১২) মনুসংহিতা, প্রথম অধ্যায়, ৬৪ হইতে ৮০ শ্লোক। প্রত্যেক মহাপুরাণেই এই প্রসঙ্গ আছে।

বলিলে যুরোপীয় পণ্ডিতগণ এবং তাঁহাদের এদেশী শিষ্যগণ যে এই গণনাকে গাঁজাখুরী গল্প বলিয়া উড়াইয়া দিয়া থাকেন, তাহাতে আর সন্দেহ কি ? কালডিয়া এবং বাবিলোনিয়া দেশের পুরাতন ঐতিহ্যও কুড়িলক্ষ বৎসরের প্রাচীন কথা আছে বলিয়া সাহেবেরা বিক্রপাত্মক উক্তি করিয়া সে সকল কথা উড়াইয়া দিয়াছেন। এই সকল উপহাসের ভয়ে আমাদের দেশের পণ্ডিতেরাও অধিক দূর অগ্রসর হইতে পারেন নাই ;—৩৮বর্ষিম বাবু ভয়ে ভয়ে মহাভারতের যুদ্ধকে খৃষ্টপূর্ব চতুর্দশ শতাব্দির অপেক্ষা অধিক পুরাতন বলিতে পারেন নাই। যুরোপীয় পণ্ডিতগণ কর্তৃক ভূতত্ত্ব, প্রত্নতত্ত্ব এবং নৃতত্ত্বশাস্ত্রের আলোচনার ফলে ক্রমশঃই পুরাতন কুসংস্কার কাটিয়া যাইতেছে। মিশরের সভ্যতা ইতঃপূর্বেই খৃষ্টজন্মের দশ সহস্র বৎসর পূর্বে আরম্ভ হইয়াছিল এবং বড় পিরামিড বাইবেলের জলপ্রাবনের গল্পের সন তারিখেরও পূর্বে নির্মিত হইয়াছিল বলিয়া স্বীকৃত হইয়াছে। নৃতত্ত্ব বিদ্যার কল্যাণে মনুষ্যসৃষ্টির কাল ত দশ বিশলক্ষ বৎসর পিছাইয়া গিয়াছে। পরাধীন ভারতের প্রাচীনতা ইতঃপূর্বে স্বীকৃত হয় নাই কিন্তু এক্ষণে ভারতের প্রত্নতত্ত্ব বিভাগের অধ্যক্ষ সার জন মার্শাল সাহেবের শ্রীযুখ-পঙ্কজের আশীর্বাদে ভারতের সভ্যতাও কোলীন্য-লাভ করিয়াছে (১৩)। তিনি বলিয়াছেন যে সম্প্রতি তাঁহার প্রত্নতত্ত্ব বিভাগের কর্মচারীগণের পরিশ্রমের ফলে সিন্ধু সৌবীর এবং পঞ্চনদ প্রদেশে যে সকল প্রাচীন নগরের ভগ্নাবশেষ বাহির হইয়া পড়িয়াছে, তাহার দ্বারা ভারতীয় সভ্যতার প্রারম্ভ প্রাগ্-ব্যাবিলিনিয়ান যুগকেও অতিক্রম করিয়া যাইবে। তাঁহার মতে ভারতীয় সভ্যতার এইবার খৃষ্টপূর্ব সপ্তম হইতে নবম সহস্র বৎসরের ও পুরাতন বলিয়া পরিগণিত হইবে।

(১৩) Sir John Marshall, Director General of Archaeology in India expressed great enthusiasm for the recent discoveries at Mahan-jo-Daro and Harappa. The discoveries, he believed, extend the History of Indian Civilisation to ascertainable eras of Pre-Babylonian times. The discoveries, up till now, have brought them to nine buried cities, ...there may be still three or four or five more ancient cities buried under the portions which still remains un-excavated. They would bring them to some where near 7000 to 9000 B. C. The Bengalee, January 29, 1925 (Dak Edition).

আঃ কি আনন্দ ! সার জন মাসে লের এবং মিঃ এইচ ডি, কোগান সাহেবের জয় হউক । যুরোপীয়গণ আমাদের গুরু গুরু ; তাঁহাদের অনুমতি না পাইলে আমাদের কিছুই পবিত্র হয় না । এখন বোধ হয়, মহাভারতের যুদ্ধকে খৃষ্টপূর্ব ৩১০০ অব্দের প্রাচীন বলিলে আর “মহাভারত অশুদ্ধ হইবে না । আমাদের শাস্ত্রের সর্বত্র প্রমাণ রহিয়াছে যে ঐ মহাযুদ্ধ বর্তমান কলির প্রারম্ভে সজ্জাটিত হইয়াছিল এবং আমাদের দেশের যে কোন প্রচলিত একখানি পঞ্জিকা খুলিলেই দেখিতে পাইব যে এই কলিযুগ অদ্য হইতে ৫০২৬ বৎসর পূর্বে মাঘীপূর্ণিমার দিন হইতে প্রবৃত্ত অর্থাৎ গত ২৬শে মাঘ তারিখে নূতন ৫০২৬ কল্যাদ আরম্ভ হইয়াছে । ইংরাজ পণ্ডিতগণ যখন পীতি দিয়াছেন যে বর্ধমান-রাণীগঞ্জ অঞ্চলে কুড়ি কোটি বৎসর পূর্বেও বড় বড় গাছ সুস্থ শরীরে :দাঁড়াইয়াছিল, তখন ঋষিগণকে আর কেহ উপহাস করিলে ন্যায্য ও শোভন হইবে না ।

ভূবিদ্যা-শাস্ত্রের কল্যাণে প্রাচীন কুসংস্কার ক্রমশঃ কেমন কাটিয়া যাইতেছে, তাহা দেখিলে সত্যাস্থেবিবিদ্যার্থিদের মনে প্রকৃতই বড় আনন্দ হয় । গত বৎসর রাণীগঞ্জের কোন কয়লা খনির নিকটই রেলপথের পার্শ্বের খাদে একটা অতি প্রাচীন অথচ অতি বৃহৎ বৃক্ষের দীর্ঘ কাণ্ড প্রস্তরীভূত (Fossil) অবস্থায় পাওয়া গিয়াছিল এবং কতৃপক্ষ অতিশয় যত্নের সহিত ঐ গুঁড়িটি কলিকাতার যাদুঘরে লইয়া গিয়া লোকের দেখিবার সুবিধা করিয়া দিয়াছেন । ভূবিদ্যা-বিৎ পণ্ডিত (এবং ভারতীয় আকর ও ভূবিদ্যাসমিতির গত বৎসরের সভাপতি) মিঃ এইচ, ডি, কোগান সাহেব সম্প্রতি বলিয়াছেন যে ভূবিদ্যা বিশাবদ বিশেষজ্ঞ পণ্ডিতগণের মতে আজ হইতে আনুমানিক ২০ কুড়ি কোটি বৎসর পূর্বে “গণ্ডোয়ানা” মহাদেশে ঐ বৃক্ষটি জীবিত অবস্থায় দাঁড়াইয়াছিল । সাহেবের উক্তি এই :—“The fossil tree recovered only last year from a railway cutting in the Gondwana formation in the Raniganj Coal-field, and now on view in the Indian Mussum. This tree was estimated by Geologists to have lived some two hundred million years ago on the old Gondwana Continent.....”The Bengalee, February 8, Sunday, 1922. (Dak Edition.) The Italics are ours. (লেখক) ।

বেদবাস মহাভারতের সমসাময়িক ঋষি ; তিনি মহাভারত রচনা করিয়া প্রথমতঃ তাঁহার শিষ্য বৈশাম্পায়নকে পড়াইয়াছিলেন এবং অর্জুনের প্রপৌত্র মহারাজ জনমেজয়ের অশ্বমেধযজ্ঞ উপলক্ষে উহা পঠিত হইয়াছিল। বায়ুপুরাণ এবং মৎস্যপুরাণ জনমেজয়ের প্রপৌত্র অধিসীমকৃষ্ণের রাজত্বকালে প্রচারিত হইয়াছিল (১৪)। রামায়ণ মহাকাব্য মহাভারতেরও অনেক পূর্বে প্রণীত এবং প্রচারিত হইয়াছিল। এরূপ অবস্থায় আসল রামায়ণ, মহাভারত এবং মহাপুরাণ-গুলিতে খৃষ্টজন্মের বহুপূর্ব হইতেই বিদ্যমান রহিয়াছে (অথবা ছিল) তাহাতে সন্দেহ করিবার কোনও মুক্তিযুক্ত কারণ দেখিতে পাওয়া যায় না। তবে, অনেক পুরাণগ্রন্থেরই যে অঙ্গহানি ঘটিয়াছে এবং আসল ব্যাসরচিত পুরাণ এক্ষণে হ্রাসিত, তাহাও আমাদের স্বীকার্য। আমরা এ সম্বন্ধে এই বলিতে চাহি যে সময়ের পরিবর্তনের নিমিত্ত পুরাণগ্রন্থের অনেক অংশ লুপ্ত, কোনও কোনও অংশ পরিবর্তিত এবং তাহার সহিত পশ্চাদবর্তী কালের ঐতিহাসিক বাতী যুক্ত বা গ্রথিত হইলেও উহাদের মধ্যস্থিত চিরাগত ঐতিহ্য-প্রবাহের প্রক্রমভঙ্গ হওয়ার কোন প্রমাণ পাওয়া যায় না। বায়ু, মৎস্য এবং বিষ্ণুপুরাণের ঐতিহাসিক নূতন অংশও যে খৃষ্টীয় চতুর্থ অথবা পঞ্চম শতাব্দির (গুপ্ত সাম্রাজ্যের সময়) অপেক্ষা নব্যতর, তাহা বোধ করিবার কোনও কারণ নাই। পুরাণের বর্ণিত নদনদী এবং দেশ প্রদেশের বর্ণনা যে অতিশয় প্রাচীন, তাহা আমরা স্বীকার করি।

এই রামায়ণ, মহাভারত এবং মহাপুরাণ গ্রন্থাবলীর বর্ণিত মগধ, মিথিলা, অঙ্গ, বঙ্গ, কলিঙ্গ, স্কন্ধ, পুণ্ড্র এবং কাকরূপাদি দেশগুলি এককালে সভ্য অথবা অসভ্য ছিল। রামায়ণের বালকাণ্ডে দেখিতে পাই অঙ্গদেশে লোমপাদ দশরথ রাজত্ব করিতেছিলেন এবং তিনি রামচন্দ্রের পিতা অযোধ্যাধিপতি মহারাজ দশরথের সখা ছিলেন। মিথিলার সেই সময়ে সীতার জনক মহাজ্ঞানী জনক রাজত্ব করিতেছিলেন। প্রাচীন উপনিষদ্ গ্রন্থাবলী রাজর্ষি জনকের স্তুতিবাদে পূর্ণ বলিলেও চলে ; তাঁহার সময়ে মিথিলা যে “সভ্য” ছিল, তাহা না বলিলেও হয়। অঙ্গরাজ দশরথের বিচক্ষণ মন্ত্রীরা রূপশূণবতী গণিকাদিগকে পাঠাইয়া বনবাসী তপস্বীযুবক ঋষ্যশৃঙ্কে

(১৪) বায়ুপুরাণ, ৯৯তম অধ্যায়, মৎস্যপুরাণ ৫০ তম অধ্যায় (নামাস্তর অধিসৌমকৃষ্ণ)।

ভূলাইয়া আনিয়া রাজকন্যা শাস্তার সহিত তাঁহার বিবাহ দিয়া “ঘরজামাই” করিয়াছিলেন । রামায়ণের এই অংশ (১৫) পাঠ করিলেই বেশ বুঝিতে পাওয়া যায় যে ধনজন-বেশ-বিলাসে অঙ্গরাজ্য খুবই “সভ্য” ছিল ।

মহাভারতে এবং হরিবংশে মগধ, অঙ্গ, বঙ্গ, কলিঙ্গ, পুণ্ড্র, সুক্ক এবং প্রাগ্‌জ্যোতিষের রাজগণের অনেক বাতী পাওয়া যায় । এই সকল রাজা দ্রৌপদীর স্বয়ংবর সভায় এবং যুধিষ্ঠিরের রাজসুয়বজ্ঞ সভায় সাদরে নিমন্ত্রিত হইয়াছিলেন ;—ইহাদের বলবিক্রমেই পরাক্রান্ত যাদবেরা শ্রীকৃষ্ণ বলদেব কতৃক রক্ষিত হইয়াও পৈতৃক শূরসেন অথবা মথুরা রাজ্য হইতে পলায়ন করিতে বাধ্য হইয়াছিলেন । মহাভারতের মহাযুদ্ধেও ইঁহারা যোগদান করতঃ ক্ষত্রবীর্যের মর্যাদা রক্ষা করিয়াছিলেন । এই সকল প্রাচ্যদেশ সেই সময়ে যে কত সভ্য ছিল, তাহা মহাভারত পাঠ করিলে উত্তমরূপে উপলব্ধি হইয়া থাকে (১৬) ।

“সভ্যতা” শব্দের অর্থ কি ? যাহাতে সমাজের অধিকতর মানুষের অধিকতর “সুখ” হয়, তাহা করিতে পারাই সভ্যতার উদ্দেশ্য । এই সুখ-বৃদ্ধির মাপকাঠি অথবা মানদণ্ড হইতেছে সমাজের ধর্ম, অর্থ এবং কাম এই ত্রিবর্গের অবস্থা । “মোক্ষ” লাভ অবশ্য চরম পুরুষার্থ অথবা তুরীয় বর্গ বটে, কিন্তু উহা সামাজিক অবস্থা অথবা সভ্যতার উপর নির্ভর করে না ; ব্যক্তিগত সাধন, ভজন ও তপস্যা অথবা চেষ্টা দ্বারাই উহা লাভ করিতে পারা যায়, সুতরাং “মোক্ষলাভের” বিষয় সাধারণ সভ্যতার অঙ্গীভূত বলিয়া বোধ হয় না ।

ধর্ম এদেশে মানব সমাজের জীবন যাত্রার মূলগ্রন্থি । প্রবৃত্তিমূলক ধর্ম অথবা ইষ্টাপূর্ত যাবতীয় সামাজিক মঙ্গলের অথবা সুখের নিদান, সুতরাং সভ্যতার প্রধান মানদণ্ড । পূর্ব প্রস্তাবে নির্ধারিত গৌর বঙ্গের ধর্ম-সম্বন্ধে বিবেচনা করিতে গেলে আমরা দেখিতে পাই যে,

(১৫) রামায়ণ, বালকাণ্ড নবম সর্গ লইতে দশম সর্গ ।

(১৬) 'মহাভারতের আদিপর্ব, (স্বয়ংবর পর্ব) এবং সভাপর্বের দিগ্‌বিজয় পর্ব, রাজসুয়-পর্ব, এবং বিশেষতঃ ৫১ হইতে ৫৩ অধ্যায় দ্রষ্টব্য । এই ৫১ অধ্যায়ে দুর্যোধন যুধিষ্ঠিরের রাজসুয় বজ্ঞে রাজগণ কতৃক উপাহৃত দ্রব্যাদির বর্ণনা করিতেছেন ।

রামায়ণের দশরথের সমসাময়িক মিথিলাধিপতি জনকের রাজধানী বৈদিক বিবিধ যজ্ঞের উৎসবে নিত্যই পূর্ণ থাকিত। বিখ্যাত যাজ্ঞিক ঋষিশৃঙ্গ অঙ্গরাজ দশরথের জামাতা এবং রাজধানীর অধিবাসী ছিলেন সুতরাং অঙ্গরাজ্যেও বৈদিক যজ্ঞ বিধিগত চলিত, ইহা মনে করিবার যথেষ্ট কারণ আছে। গোড় বঙ্গের অত্র ঐ সময়ে বৈদিক ধর্মের অবস্থা কিরূপ ছিল, তাহা ঠিক বলিতে পারা যায় না। মহাভারতের সময় মগধরাজ জরাসন্ধ এ দেশের সম্রাট; মহাভারতের সভাপর্বে শ্রীকৃষ্ণের মুখে শুনিতে পাই যে তিনি ভগবান রুদ্রের যজ্ঞ করিতেন এবং রুদ্রের নিকট একশত রাজাকে বলিদান দিবার সঙ্কল্প করিয়া ৮৬ ছিন্নাশী জন রাজাকে ধরিয়া কারাগারে আবদ্ধ রাখিয়াছিলেন এবং বাকী ১৪ চৌদজনকে ধরিতে পারিলেই ঐ যজ্ঞ সম্পূর্ণ করিতেন। শ্রীকৃষ্ণের নীতি বলে ভীমের সহিত বৃন্দগুদ্ধে জরাসন্ধ নিহত হওয়ায় তাঁহার ঐ ক্রুর সংকল্প সিদ্ধ হইতে পারে নাই এবং শ্রীকৃষ্ণ ঐ ৮৬ জন রাজাকে কারামুক্ত করত তাঁহাদিগকে ধুধিষ্ঠিরের মিত্রপক্ষভুক্ত করিয়া লইয়াছিলেন। এই “রাজমেধ” পশুপত যজ্ঞের কথা হইতে কালিকাপুরাণোক্ত নরবলির কথা মনে পড়ে। কালিকাপুরাণে লিখিত হইয়াছে যে রাজার পক্ষে শক্ররাজ-পুরুষ অথবা রাজপুত্রদিগকে বলি দেওয়াই শ্রেষ্ঠ কল্প। এই সংবাদ হইতে তান্ত্রিকতা এবং তাহার সহিত অচ্ছেদ্য ভাবে জড়িত “অনার্যতা”র গোলযোগ উপস্থিত হইবে এবং গোড়বঙ্গের অধিবাসীরা যে মূলতঃ অনার্য বা Non-Aryan তাহার বিলাতী আশঙ্কা আসিবে। রুদ্র, শিব, সূর্য্য এবং অগ্নি এবং তাঁহাদের শক্তি উমা, একানংশা, তারা কালী করালী—প্রভৃতি দেবদেবী যে বৈদিক কুলীন, পরন্তু তান্ত্রিক অনার্য (অকুলীন) নহেন, (১৭) তাহা মহীশূরের পণ্ডিত শ্রীযুক্ত রুদ্রপট্টন শ্রামশাস্ত্রী বি, এ, এবং আমাদের হাইকোর্টের অবসর প্রাপ্ত জজ সার জন উডরফ বাহাদুর প্রমুখ বিদ্বদ্বর্গের পরিশ্রমের ফলে সুপ্রমাণিত হইয়াছে। আমরা সে সকল প্রমাণ প্রয়োগ লইয়া সময় ও স্থান গ্রহণ করি না। তান্ত্রিক-কালের রচিত ৫১ পীঠমানার মধ্যমণি-স্বরূপ কামাখ্যা পীঠ এবং তাহাদের অনেকগুলিই যে এই গোড়বঙ্গের চতুঃসীমার মধ্যে অবস্থিত, তাহা সকলেই জানেন। গুপ্তপ্রেস ও পি, এম বাক্টি প্রভৃতির পাণ্ডিত্যেও তাহাদের

(১৭) “অার্য” শব্দের সংস্কৃত কোষ সঙ্গত অর্থ, মহাকুল, কুলীন, সাধু, এবং সজ্জন।

তন্ত্রশাস্ত্র বেদ-বিশেষ, বেদ হইতে পৃথক্ নহে।

সংবাদ ছাপা হইয়াছে। এই তান্ত্রিক পীঠমালা সতীর দেহাংশচ্ছেদ এবং সেই সকল ছিন্ন অংশের পতন স্থানের আখ্যায়িকা লইয়া রচিত হইয়াছে। তাহার অনেক পূর্বে, যে সময় এই সতীদেহ-চ্ছেদনের আখ্যায়িকা প্রচলিত হয় নাই, এ দেশে, অষ্টোত্তর-শত পীঠের প্রসিদ্ধি ছিল। প্রাচীন মৎস্যপুরাণে (দেবীভাগবতমহাপুরাণেও) এই ১০৮ পীঠের বর্ণনা আছে। তাহার মধ্যে আমাদের কথিত গোড়বঙ্গে নিম্নলিখিত পীঠস্থান নির্দেশ দেখা যায়,—যথা—

বিমলা—পুরুষোত্তমে, (প্রাচীন ওড়্র, বর্তমান ওড়িশা দেশে)।

পাটলা—পুণ্ড্রবধনে, (প্রাচীন পুণ্ড্র, বর্তমান রাজসাহী বিভাগে)।

অরোগা—বৈষ্ণবনাথে, (প্রাচীন সূক্ষ্ম বা ঝাড়খণ্ড, বর্তমান সাঁওতাল পরগণা)।

কীর্তিমতী—একাত্রে, (১৮) (প্রাচীন সূক্ষ্মের অংশ, বর্তমান ওড়িশা দেশে)।

বৈদিক পশুযাগ এই সকল প্রাচ্যভূমিতে প্রবল ছিল বলিয়াই মগধ এবং মিথিলা প্রদেশ হইতেই উহার প্রতিবাদ উত্থিত হইয়া থাকিবে। প্রাচীন ন্যায় দর্শনের সূত্রকার মহর্ষি গৌতম মিথিলা দেশেরই নিবাসী ছিলেন। তাঁহার বংশীয় বিখ্যাত চণ্ডকৌশিক মগধরাজ জরাসন্ধের পিতা বৃহদ্রথের পূজা পাইয়াছিলেন এবং উক্ত ঋষির প্রসাদেই জরাসন্ধের জন্ম হইয়াছিল বলিয়া মহাভারতে ঐতিহ্য পাওয়া যায়। চণ্ডকৌশিককে মহর্ষি কক্ষীবানের বংশজ বলা হইয়াছে। গৌতমের পূর্ব নাম দীর্ঘতমা এবং তিনিই কক্ষীবান ঋষির (এবং অঙ্গ, বঙ্গ, কলিঙ্গ, পুণ্ড্র ও সূক্ষ্ম নামক পাঁচ রাজপুত্রেরও) পিতা ছিলেন। প্রাচীন মিথিলা দেশেই জৈন তীর্থঙ্কর মহাবীর এবং বৌদ্ধ মহাশ্রমণ গৌতমের জন্ম হইয়াছিল। মগধ অঙ্গ, সূক্ষ্ম (ঝাড় খণ্ড অথবা রাঢ়) এবং গোড়দেশে জৈন এবং বৌদ্ধধর্মের যে বিশেষ প্রভাব ছিল, তাহা এক্ষণে সুপরিচিত হইয়াছে। রাঢ়ের প্রসিদ্ধ নগর “বর্ধমান।” তথায় বাস করার জন্য মহাবীরকে “বর্ধমানস্বামী” বলিত অথবা তাঁহার নাম “বর্ধমানস্বামী” হইতে ঐ নগরের নামকরণ হইয়াছিল কিনা তাহা বলা কঠিন। “বৃহৎ-সংহিতা” এবং মার্কণ্ডেয় পুরাণে বৌদ্ধজাতক গ্রন্থাবলীতে “বর্ধমান” জনপদের উল্লেখ

(১৮) মৎস্যপুরাণ, ত্রয়োদশ অধ্যায়, দেবীভাগবতমহাপুরাণ, সপ্তমস্কন্ধ, ত্রিংশ অধ্যায়।

(বঙ্গবাসী)

আছে। গোড়বঙ্গে জৈন এবং বৌদ্ধ প্রভাবের অনেক গল্প আছে। চৈনিক তীর্থযাত্রীগণের ভ্রমণ বৃত্তান্ত হইতেও গোড়বঙ্গের নানাস্থানে জৈন, বৌদ্ধ এবং বৈদিক-তান্ত্রিক ধর্মের প্রভাবের পরিচয় পাওয়া যায়। তাম্রলিপ্তের “বর্গভীমা” দেবী এবং কামরূপের “কামাখ্যা”ও অল্প প্রাচীন নহে। বিখ্যাত ফ্লীটের গুপ্ত-লিপি-সংগ্রহ হইতে তান্ত্রিকদের দেব-দেবীগণের পূজাচর্চার প্রভাবের অনেক সংবাদ পাওয়া যায়। বৈদিক-তান্ত্রিক-বৌদ্ধ-জৈনাদি ধর্ম সম্প্রদায় এক বিশাল আর্ষ ধর্মের ভিন্ন ভিন্ন শাখাপ্রশাখা স্বরূপে যে গৃহীত হইত, তাহা বরাহ-মিহির প্রণীত “বৃহৎসংহিতা” এবং তদপেক্ষা প্রাচীন ও নবীন বহু পালী, প্রাকৃত এবং সংস্কৃত ভাষায় লিখিত নান সম্প্রদায়ের নানা পুস্তক হইতেই জানিতে পারা যাইতেছে। যুরোপের পণ্ডিতেরাও এখন এই তথ্য স্বীকার করিতেছেন, ইহা আমাদের সৌভাগ্যের বিষয়।

মগধের জরাসন্ধ বংশীয় রাজগণ গিরিব্রজ (রাজগৃহ, আধুনিক “রাজগির”, পাটনা জেলার বেহার সবডিভিজে) নগরে প্রায় এক সহস্র বৎসর রাজত্ব করার পর শিশুনাগ বংশ এই সাম্রাজ্য অধিকার করেন। নাগবংশীয় অজাতশত্রুর সময়ে (গৌতমবুদ্ধের জীবিত কালে) গঙ্গাতীরে পাটলিপুত্র অথবা কুশুমপুর নগরের পত্তন আরম্ভ হয় এবং তাহার পৌত্র অথবা প্রপৌত্র উদারী (উদধি, উদয়ন অথবা উদাসী) গিরিব্রজ পরিত্যাগ করিয়া পাটলিপুত্রেই রাজধানী করেন। নাগবংশের পর নন্দবংশ ও মৌর্যবংশ এই সাম্রাজ্য শাসন করিতে থাকেন। মৌর্যবংশ হইতে এখনকার “ঐতিহাসিক”—বা Historical কাল আরম্ভ হইয়াছে। মৌর্যেরা জৈন এবং বৌদ্ধ-সম্প্রদায় ভুক্ত ছিলেন। মৌর্যদিগের পর শুঙ্গ অথবা মিত্রবংশ এই সাম্রাজ্য প্রাপ্ত হন এবং এই বংশের প্রতিষ্ঠাতা পুষ্যমিত্র (পুষ্পমিত্র) অশ্বমেধ যজ্ঞের অনুষ্ঠান করিয়াছিলেন। তাহার পর কাধদিগের রাজত্ব কাল। অক্ষু, রাজগণ ও শুঙ্গ ভৃত্য বা শুঙ্গদিগের পুরোহিত বংশীয় এই কাধ (কথ গোত্রীয় ব্রাহ্মণ) দিগের নিকট হইতে সাম্রাজ্য কাড়িয়া লইয়াছিলেন এবং পরে উহা (খৃষ্টীয় চতুর্থ শতাব্দীতে) গুপ্তবংশের হস্তে যায়। গুপ্তবংশীয় মহারাজ সমুদ্রগুপ্তও অশ্বমেধ যজ্ঞের অনুষ্ঠান করিয়াছিলেন। সপ্তম শতাব্দীর বিখ্যাত গোড়পতি শশাঙ্ক এই গুপ্তবংশেরই দায়াদ ছিলেন। শশাঙ্কের সময়ে কামরূপে ভগদত্তবংশীয় রাজা কুমার ভাস্করবর্মার অভ্যুদয় হইয়াছিল। এই সময়ে কন্দোজের বর্ম বা মৌখরিদিগের আত্মীয় স্থানেধরের বধন বংশীয় হর্ষ আর্ষাবতের এবং চোল, চোলুক্য, চোড়, চালুক্য অথবা শোলাকী বংশীয় দ্বিতীয় পুলকেশী

দক্ষিণাপথের চক্রবর্তিত্ব করিতেছিলেন। এ সময়েও জৈন, বৌদ্ধ এবং বৈদিক তান্ত্রিক প্রভৃতি নানা নামে ও সম্প্রদায়ে বিভক্ত আর্থধর্মের ভক্ত এবং অনুষ্ঠাতৃগণ বেশ আত্মীয়ভাবে পাশাপাশি বাস করিতেছিলেন। আধুনিক শাক্ত বৈষ্ণবের মতের ন্যায় কচিং বৌদ্ধ-বৈদিক মত হইলেও দেশের সাধারণ রাজা অথবা ভূস্বামিপ্রমুখ ধনীদিগের গৃহে রামকৃষ্ণ ও শিবদুর্গার প্রতিমার সহিত বুদ্ধ এবং জিনের নানাবিধ প্রতিমা সমান রূপ ভক্তির সহিত পূজিত হইতেছিলেন। বাণভট্ট তাঁহার “হর্ষচরিতম্” এবং “কাদম্বরী” কাব্যে এ সম্বন্ধে তাৎকালীন সাম্প্রদায়িক ধার্মিক আচার ব্যবহারের সুন্দর প্রমাণ রাখিয়া গিয়াছেন।

এই প্রাচ্যদেশে অর্থ এবং কাম এই দ্বিবর্গের কিরূপ শ্রীবৃদ্ধি হইয়াছিল, তাহার প্রচুর প্রমাণ কোটিল্যের অর্থসূত্র, বাৎস্যায়নের কামসূত্র, গ্রীক মেগাস্থিনিশ, এরিয়ান ও পেরিপ্লাস-রচয়িতা এবং রোমান্ প্লিনি প্রমুখ পণ্ডিতের নামে প্রচারিত পুস্তকাবলী হইতে পাওয়া যায়। স্বাভাবিক অর্থনীতি এবং বাণিজ্যনীতি সকালে কিরূপ উন্নতিলাভ করিয়াছিল, তাহা এক্ষণে শ্রীযুক্ত শ্যাম-শাস্ত্রী ও মিঃ জসওয়াল এবং রাধাকুমুদ মুখোপাধ্যায়-প্রমুখ বিদ্বদ্বর্গের পরিশ্রমের ফলে দেশের অনেকেই জানিতে পারিয়াছেন। গোড়-বস্ত্রের সেই কোম (Linen বা ছালটির কাপড়) এবং তসর-গরদ কার্পাস বস্ত্রের অথবা স্বর্ণরৌপ্যালঙ্কার ইত্যাদির কাহিনী কহিয়া কিংবা সিংহপুর রাজপুত্র বিজয়সিংহ হইতে আরাধিত করিয়া “চম্পাই” নগরের চাঁদ সওদাগর এবং “উজাবনী” নগরের ধনপতি এবং তৎপুত্র শ্রীপতি সওদাগরের সিংহল-পাটন যাত্রার গীত গাহিয়া সময় ক্ষেপ করিবার আবশ্যিকতা নাই। আমাদের মতে, পূর্বে জাপান হইতে পশ্চিমে মিসর পর্যন্ত সমস্ত দেশ (এবং ইন্দ্রদ্বীপ প্রভৃতি মহাদ্বীপ ও যবদ্বীপ প্রভৃতি ক্ষুদ্রদ্বীপ সমূহ সমেত) পূর্বে ভারতবর্ষ নামে পরিচিত হইত; সুতরাং, মিশরীয়, ক্যাণ্ডিয়, ব্যাবিলোনীয়, মিডীয়, পারসীক, যবন চীনিয়, ও ভারত-সাগরীয় সকল সভ্যতাই মূলত মহাভারতীয়। সেইজন্য, আমাদের পক্ষে, ব্রহ্ম, শ্যাম, আনাম, কাছোডিয়া, যবদ্বীপ, সুমাত্রা অথবা জাপানের উপনিবেশ সম্বন্ধে বিশেষ আলোচনা নিশ্চয়োজন। পারস্য দেশে, পঞ্চনদে, পাটলিপুত্রে, গয়ায়, গোড়ে, গান্ধারে, মথুরা, মহুরা, সিংহল, শ্যাম, সিঙ্কসৌবীর এবং যবদ্বীপে (বর-বুদারে) একই প্রকার সভ্যতার নিদর্শন পাওয়াই আমরা স্বাভাবিক বলিয়া মনে করি, তাহাতে আশ্চর্যের বিষয় কিছুই নাই। গয়ায় “মাগধ” গোড়ে “গাড়ীয়”, একাশ্রে (ভুবনেশ্বরে), কনরকে, যাজপুরে এবং পুরুষোত্তমে (পুরীতে) “উৎকলীয়” এবং দাক্ষিণাপথে


“দ্রাবিড়”—ইত্যাদি “নামকরণ” আমাদের মতে সমীচীন নহে,—উহারা সমস্তই “মহাভারতীয় ।”
মহাভারত ইতিহাসে গোড়বঙ্গ মহাভারতের অন্যান্য প্রদেশের অপেক্ষা অর্বাচীন অথবা
অকুর্বাচীন নহে ।

ক্রমশঃ—

শ্রীঅখিলচন্দ্র ভারতীভূষণ ।

শ্রীশ্রী ।

-:~:-



খাণ্ডবেতে পেট ভরেনি সর্বনেশে ক্ষুধার ত্রাস
রুদ্র রাহুর মূর্তি নিলে করবে বুঝি বিধ্বংস
ত্রিলোচনে ভয়ঠাকুর পালিয়ে এল ধরার মাঝ
কাণ্ডন সে যে মোহন সাজে অঙ্গহীনের ছদ্ম সাজ
কারসাজি তার খাটবে নাকো ভাঙ্গতে হ'ল সূখের ঘর
ধাপ্লাবাজীর খুনধরাবী অগ্নিদাহ কামেশ্বর ।

পথিক যে আজ দীঘল পথে চরণ নাহি ফেলে গো
মন্ত্রমাখা বৃক্ষছায়ে বন্ধ মায়ার জালে গো
তপ্ত ধূলি গজ্জ' ওঠে গুম্বরে কাঁদে অস্তুরে
দীর্ঘশ্বাসের বাত্যা যে রে সবুজ ঘাসের প্রান্তুরে
ডুকরে কাঁদা গভীর শোকে মহী-মায়ের আর্তস্বর
অঁচরে দিল কালোমেঘের অশ্রু সজল ও-অস্তুর ।

অত্যাচারে শিউরে উঠে কালবোশেখী মেঘের ছাপ,
 রক্ত রবির অটুহাসে মার্ল বিখাদ কালির চাপ,
 সে যে করুণ মর্ষভেদী কালো মেঘের আর্তনাদ
 বন্ধনে সে রাখতে নারে নীল আকাশে মায়ার ফাঁদ
 আর্তনাদে উল্লাসে গো কালোমেঘের বজ্র গান
 জয়ের তরে মৃত্যু যে রে পরের লাগি আত্মদান ।

আজকে এল কী ব্যথাতে রক্তমেঘের বুকের বান
 অশ্রুগলা দরদখানি এ যে ধরার ব্যথার দান
 তুফান ওতো নয় রে ওরে ওয়ে মেঘের দীঘল শ্বাস
 আসছে তেড়ে জুড়িয়ে দিতে দগ্ধ ধরার বিকল ত্রাস
 ও তোর নয় জমাট জটায় গুমট্ মেঘের কোমল হাস
 ওয়ে তড়িৎ নৃত্য-পাগল কালবোশেখীর জয়োল্লাস ।

আলোক যে আজ ডুব দিয়েছে কাজল মেঘের অস্তুরে
 নিবুম ধরা তন্দ্রামাখা কালবোশেখীর মস্তুরে
 গ্রীষ্ম যে আজ ভীষ্মরথী মেঘের শর-শয্যাতে
 বন্দীরে আজ বন্ধ যে আজ পাণ্ডুমেঘের রাজ্যেতে
 তবু কি তার মৃত্যু আছে রক্তবীজের বংশ গো
 দেবকীরে নির্ঘাতিতে সে যে-ধরায় কংশ গো ।

কোথায় ও রে কৃষ্ণবাদল আর রে ছুটে আর রে আর
 গ্রীষ্ম অসুর নিদয় করে বসুন্ধরা যায় রে যায়
 এ যে করুণ এ যে কাহিল এ যে ধরার আর্তনাদ
 লাঞ্ছিতার ঐ ব্যথার পরে বিছিয়ে দে তোর সজল ছাদ
 বক্ষ পোড়া ধরামায়ের দে-না ওরে বুকের বল
 ছিটিয়ে দে তার ব্যথার পরে অতল স্নেহের শাস্তিভল ।

শ্রীশৈলেন্দ্রনাথ রায় ।

বয়াটে ।

—ঃঃ—

(পূর্ব প্রকাশিতের পর)

দ্বিতীয় ।

(নিরুদ্দেশে)

(এক)

তার সঞ্চল—পিঠের কাছে ছেঁড়া—কিষ্টি ময়লা একটা গেঞ্জি, হাত ঢোলা আধ ময়লা জামাটা ; মোটা একখানা চাদর আর জোলায় বোনা চারখানা গামছাখানা গুছিয়ে নিয়েই ন'ব'নে ঘর থেকে বেরিয়ে ছিল । চটা জোড়াটা ছিল এক হাতে ;—পরম বিস্ত তার 'নোটবুক' বা 'ডায়রীর' খাতাখানাও জামার কোলা পকেটে পুরে নিতে ভুলে যায় নি ।

নিরুদ্দেশে পথের একা পথিক ন'ব্বে—মন্টুকে কাঁধে নিয়ে বাড়ীর নীচে—রাস্তায় নেমে দাঁড়ালো। “নিশুতি রা'তে” ঘুমে মৌন গাঁথানির চারদিকে একটা নিরুন্ম স্তব্ধতা বিঁম বিঁম ক'ছিল—যেন। ঘন-অন্ধকারের ভেতর দাঁড়িয়ে ন'ব্বনের গা-টা একবার ছম ছম ক'রে উঠলো। হঠাৎ মন্টু তার কাঁধের আসনের উপর ঠিক হ'য়ে ব'সে নেবার জন্যে ন'ব্বনের পিঠে'র এক কোণায় ডান পাটা দিয়ে একটুখানি চেপে দিলে। কিসের ভয়?—ন'ব্বনের বুক সাহসে সোজা—দৃঢ় হ'য়ে উঠলো। চল্ মন্টু,—আর কি—তুই আর আমি,—চল্ ভাই,—আর দেবী কি?—হঠাৎ আকাশ ও ধরণীর গাঢ় নীরবতাকে একটা থমথমে গস্তীর শব্দে কাঁপিয়ে তুলে—পাখীটা আবার ডেকে উঠলো—“ধুম্-ধুম্-ধুম্।” ন'ব্বনে খুব লক্ষ্য ক'রে কান পেতে শুনে বুঝলে—পাখীটা বসন্তের ঘরের মটকার ওপর ব'সে ডাকছে! বসন্ত? বসন্ত কাকা?—

বসন্তই তো আজ ন'ব্বনকে গাঁ-ছাড়া ক'রছে!—কাঙ্ক্ষি আর ওর-ই তো সব কারসাজী! কাঙ্ক্ষি শালা তো চিরকালের পাজি—কিন্তু বসন্তও? বসন্তকাকাও কাঙ্ক্ষির সঙ্গে যোগ দিয়ে—আজকে এই লাঞ্ছনা আর অপমানের বোঝা তার মাথার ওপর চাপিয়ে দিয়ে—অন্য দিকে মুখ ফিরিয়ে মুচ'কী হাসলে? বসন্ত—এতবড় সয়তান? এর শোধ নিতে হবে—বসন্তের আজ সর্বনাশ ক'র্বো।

বসন্তের ওপর রাগ ন'ব্বনের মাথায় উঠে তাকে হঠাৎ ক্ষেপিয়েই দিলে বৃষ্টি! আন্তে আন্তে ন'ব্বনে—মালাকরদের বাড়ীর বাইরের ঘরে গিয়ে ঢুকলো। সে ঘরে রাতে কেউ শোয় না—সদর দরজা খোলাই থাকে। আতস-রাজীর ব্যবসা করে তারা। মাচার নীচে কলসী পোরা বারুদ তৈরী থাকে। হাতড়িয়ে হাতড়িয়ে ঘরের এককোণা থেকে একটা নারকেলের মালা খুঁজে নিয়ে কলসী থেকে মালা ভ'রে বারুদ নিয়ে ন'ব্বনে বেরিয়ে এল। বাঁশের অনেকগুলো বাকারী তাদের ঘরের সামনে চেঁচে—ঘর বাঁধবার জন্যে তৈরি ক'রে রেখেছিল। জামা চাদর জুতো সব জড়িয়ে বগলতলায় চেপে—বাকারী আর বারুদের মালা এক হাতে নিয়ে—ঝোপের ধারে ধারে সরু রাস্তায়—পা টিপে টিপে গিয়ে ন'ব্বনে বসন্তের বাড়ীতে পৌছোলো। ঘরের চারদিকে তার শুকনো বনের বেড়া দে'ওয়া। বেড়ায় বাঁধা একটা বাকারীর সঙ্গে ঐ বাকারীখান ঠেসে বসিয়ে দিয়ে তার আর একটা মাথা—একটা মানুষ সমান

উঁচু করঞ্জাগাছের মাথায় রাখলে। তা'পর মালা থেকে বারুদ নিয়ে বরাবর বাকারীখানার ওপর দিয়ে বেড়া অবধি বারুদ পেতে গেল। ন'ব'নে জানতো—বসন্তদের কাছারী ঘরে—হাঁড়ির ভেতর তুষে ধোয়ানো ঘুঁটের আগুন থাকে। আন্তে আন্তে—খুব আন্তে—ঝরা পাতার ওপর পা প'ড়ে মচ্‌মচ্‌ শব্দ যেন—না হয়—এমনিই সতর্ক সাবধান হ'য়ে ন'ব'নে—ঘরে গিয়ে বাঁশের চিম্‌টের ক'রে একটুকরো আগুন নিয়ে আবার ফিরে এল! এইবার শোধ! বসন্তের অপরাধের উচিত শাস্তি—ওর ঘর জালিয়ে দেওয়া। করঞ্জাগাছটার সামনে দিয়েই গাঁয়ের বাইরে মাঠে বেরিয়ে যাবার রাস্তাটা চ'লে গিয়েছে। ঘুঁটেখানা বারুদের ওপর দিয়েই ঐ পথে ন'ব'নে ছুটে পালাবে—একেবারে মাঠের মাঝখানে। আগুন জলে উঠলে হৈ, চৈ ক'রে ঘুম ভেঙে উঠে লোক এই দিকেই দৌড়াবে—তাকে ধরে কে? কোনো পাপ হবে না—যে আমাকে গাঁ থেকে তাড়িয়ে দেবার ষড়যন্ত্র জমাতে পারে তাকে ঘর-ছাড়া কি ঘর-পোড়া ক'রলেও কিছু অপরাধ হবে না—আমার! ব্যস—সোজা বিচার! ন'ব'নে ফুঁ দিয়ে আগুনের ওপর জ'মে ওঠা ছাইগুলো বেড়ে ফেলে চিম্‌টের মুখ অলগা ক'রে—কেবল বারুদের ওপর জলন্ত আঙ্গরা-খানা—ফেলবে—হঠাৎ—মন্টুটা ডেকে উঠলো—“হুক্‌, হুক্‌, হুক্‌ হুক্‌—হ-উ-উক্‌”—। সব প'ড়ে ক'রলে বেটা হনুমানের বাচ্চা উল্লুক, খচ্চর; বাদর, গাধা—উঃ—কি পাজী? মন্টুর গালে খুব প'াঁচ সাতটা খাবড়া মেরে ন'ব'নে তাকে কাঁধে ক'রেই মাঠের দিকে দৌড়োলো। এক্ষুনি হয়তো বসন্ত উঠে প'ড়বে যদি বারুদ দেখে—সর্বনাশ! উল্লুকের ডাকতো শুনেছে—আমাকে নিশ্চয় এসে ধ'রবে—সব কথা বেড়িয়ে প'ড়বে!

ন'ব'নে এক ছুটে মাঠে পৌঁছে আবার মন্টুর গালে চড়াতে লাগলো! আমার সঙ্গে এমন ক'রে শক্রতা সাধলি বেটা উল্লুকের ছা। মেরেই ফেলবো তোকে আজ! মার—মারের ওপর মার! মন্টু ব্যাথায় ক'্যা ক'্যা ক'রে কেঁকিয়ে চৈঁচিয়ে উঠতে লাগলো! ন'ব'নে তবু মারে!—হঠাৎ এবার যেন বেচারী নেতিয়ে প'লো। “অ'্যা!” ন'ব'নে ভাবলো—“না না মরে যাবে! আহা!” নিমেষে ন'ব'নের আর রাগ নেই! “লেগেছে? বড্ড লেগেছে তোর মন্টু!” ব'লে সর্কাজে তার সমব্যথায় ন'ব'নে আন্তে আন্তে হাত বুলিয়ে দিলে। ব্যাথাটা বুলি তারও পিঠে টাটিয়ে উঠলো, অনেকগ ধ'রে কাপড়ের অ'ঁচল দিয়ে মন্টুর সারা গাটা মুছিয়ে দিতে লাগলো! আদর করলো—চুমো খেলো! মরিস্‌ নি মন্টু, তুই মরিস্‌ নি ভাই—তুই আমার ছেড়ে যাসনে—তুই যে শুধু বিশ্ব সংসারে আমার একজন আপন তোকে বুকের

কাছে ক'রে আমি যেন মার কোলে—বন্ধুর বকের পাশে শুয়ে ঘুমোই! মনে মনে এই কথা ভাবতে লাগলো।

এমনি খানিকটা আদরে শুশ্রুষায় মণ্টুও চাঙ্গা হ'য়ে উঠলো। তাকে কাঁধে নিয়ে ন'ব'নে ছমছাম নিশীথের গভীর অঁধারের ভেতরই মাঠ পেরিয়ে গাঁয়ের রাস্তার শেষ মাথায় এসে প'ল।

আর একটু গেলেই গাঁয়ের শেষ। দূরে গাছগুলোর মাথায় মাথায় অন্ধকার যেখানে জমাট বেঁধে কালো হ'য়ে ছিল—ন'ব'নে সেইদিকে তাকিয়ে অতদূর থেকেও চিন্লে—ওই তো রায় বাড়ীর কদমগাছ—বড় বাবুদের বাগানের মুচিকন্দ ফুলের গাছে মাথাটা পাতায় পাতায় একটা বিরাট ছাতার মত গোল হ'য়ে ছড়িয়ে ঝাঁকরা বেঁধে উঠেছে। তার মনের ভেতর একটা কান্নার কাতরতা আর্ত হুঃখে গুমুরিয়ে উঠে বুকভাঙা ব্যথায় ফুঁপিয়ে উঠতে চাইল। ঐ সব গাছের তলায় তলায় নিত্য সন্ধ্যা সকালের খেলা-ধুলা যে তার বয়েসের দিনগুলোর সঙ্গে সঙ্গে বড় হ'য়ে বেড়ে উঠে চিরস্তন কালের স্মৃতি-চিহ্ন ন'ব'নের এই কিশোর-জীবনের পরিচয়-পৃষ্ঠা কখনো লিখে দিয়েছিল। তাকে মুছে তুলে ফেলবার যো নেই—কিন্তু তার গৌরব করবার অধিকার থেকেও আজ বসন্ত আর কাঙ্ক্ষি যড়যন্ত্র ক'রে তাকে বঞ্চিত ক'রলে। বসন্তর এরপর এ অগ্নায়ের প্রতিশোধ কিন্তু নে'য়া হ'ল না। মণ্টুটা বাদ সাধলে। ন'ব'নে একটু থেমে কি যেন ভেবে দেখলে! চট ক'রে তার মাথার ভেতর থেকে একটা যেন ঝিম্ ঝিমে ভাব বেরিয়ে গিয়ে মাথাটা তার একেবারে হালকা পাতলা ক'রে দিল। আবার একটুখানি দাঁড়িয়ে ভেবে ন'ব'নে মণ্টুটাকে—হুই হাত দিয়ে বকে জড়িয়ে চেপে নিয়ে বললে—“মণ্টু, বন্ধু—তুই আমার দেবতা! তুই ভগবান! উঃ—আজ কি পাপের হাত থেকে তুই আমায় বাঁচিয়েছিস!—আমি কি পাগল হ'য়ে গিয়েছিলাম! কি পিশাচের কাজ আমি ক'রতে গিয়েছিলাম! ছি! ছি! “ভগবান! ভগবান!” বলতে বলতে—ন'ব'নে—পায় পায় এগিয়ে এসে রাস্তার শেষে দাঁড়ালো। সে একটা চৌরাস্তা। বড় রাস্তাটা সেইখান থেকেই ছ'দিকে হুই সহরে চ'লে গিয়েছে। ডানধারে গেলে মহুকুমার পৌছোনো যায়—বাঁধারের রাস্তা জেগায় গিয়ে শেষ হ'য়েছে। ন'ব'নে দাঁড়িয়ে একবার একটুখানি ভাবলে—এখন কোন্ পথ ধ'রে কোথায় যাবে! মণ্টুকে কাঁধ থেকে নাবিয়ে দিয়ে বললে—মণ্টু, কোন্ দিকে যাব? যা তুই এগো—যে দিকে তুই যাবি—আমিও

সই দিকেই যাবো—যা”—বলে মণ্টুকে একটু ঠেলা দিলে। মণ্টু বাঁধারের রাস্তার স’রে গিয়ে দাঁড়ালো। ন’বুনে বললে—“বেশ তাই চল—জেলার যাই।”

আবার মণ্টুকে কাঁধে তুলে নিয়ে নবু চ’লতে লাগলো। মাঠের ভেতর দিয়ে পথ—চারিদিকে জনপ্রাণী নেই—শুধু অনন্ত কালো অন্ধকারের ভেতর সোজা সরল ঐ রাস্তাটাও বৃষ্টি অনন্তেরই দেশের যাত্রী। ওপরে আকাশ শুক নীল—তার দূরান্তে বিছিয়ে যাওয়া ছায়াখানা নীচে ধানে ধানে সবুজ ক্ষেতগুলোর ওপর আছাড় খেয়ে জড়িয়ে প’রে—যেন রাতের কালোটাকে আরো গাঢ়ো ক’রে তুলেছে। একলা পথিক ন’বুনে—তারা যে নিরুদ্দেশ যাত্রি,—মাথার ওপর দিয়ে পেরঁচাটা টাচিয়ে উড়ে গেল,—ন’বুনের বুকটা একবার ছ’্যাং ক’রে উঠলো! পথ-হারাপো হালকা হাওয়ার আচম্বিত দোলা লেগে ধানের গাছগুলো শুছে শুছে জড়িয়ে গিয়ে সর সর শব্দ ক’রে উঠছে—বৃষ্টিবা একটা বুনো গুরোর—এক গোঁয়ে এগিয়ে ছুটে আসছে ;—ন’বুনে চমকে উঠে হ’হাত পিছিয়ে দাঁড়ালো! আবার চুপ ;—চারিদিকে একটা শুধু গম্ভীর, শুক স্থিরতা ;—ন’বুনে দুই হাতে মণ্টুর ঘাড়টা এঁটে, চেপে জড়িয়ে নিতেই বুকের সাহস তার দশগুণ বেড়ে উঠছে—আবার চ’লেছে সে সোজা স্মৃখ পানে। এমনি ক’রে রাত শেষের তরল আবছায়া-নীলেছোপানো নীচোমখানা মুখের ওপর থেকে ক্রমশঃ সরে গিয়ে সকাল বেলার আসন্ন আলোর দিগন্ত করসা হ’য়ে এল। ন’বুনের আর এখন একটুও ভয় নাই—আশে পাশে গায়ের ভেতর জীবন নিয়ে জেগে ওঠার সাড়া পাওয়া যাচ্ছিল। লাখো-হাজার পাখী একসঙ্গে কলরব ক’রে ডেকে উঠলো। ন’বুনে সমানে চ’লেছে। আর বেশী রাস্তা বাকী নাই। সহরতগীর কোলাহল তার কানে এসে জানিয়ে যাচ্ছিল জেলার সে খুবই কাছে এসে প’ড়েছে। কিন্তু সেখানে পৌঁছেই বা তার কি সার্থকতা? তার এ যাত্রার কি শেষ ঐ সহরেই? কি জানি!

ভাবতে ভাবতে ন’বুনে সহরে পৌঁছোলো। তখন হেমস্তের বেলা রক্তরাগ নিয়ে বেড়ে উঠেছে। সারা রাত্তির হেঁটে হেঁটে শ্রান্ত পা হ’খানা বিষম ভারী হ’য়ে উঠে ঝিম্ ঝিম্ ক’চ্ছিল। চঠির ভেতর অনায়াসে থাকতে অনভ্যস্ত পা হ’খানিকে সে অতি কষ্টে টেনে ফেলে তখনও চ’লছিল। গারে জামা দিয়ে গলার চাদরখানা সহরে ঢোকবার আগেই জড়িয়ে নিয়েছিল। জুতো জোড়াটা গামছা দিয়ে মুছে পরিষ্কার ক’রে নিয়েই পাশ দিয়েছিল—কিন্তু জেলার রাস্তার

লাল ফাগে সে তখনই তো আবার আপনি রতিন হ'য়ে উঠেছে! মণ্টুকে কাঁধের আসন থেকে নাবিয়ে শিকল বেঁধে টেনে নিয়ে যাচ্ছিল। কিন্তু নিদ্রাহীন পথ-চলার শ্রান্তি সারা মাথায় দেহে ঝিম্ ঝিম্ ক'রে উঠে ন'ব'নেকে একেবারে অবসন্ন ক'রে: তুলে,—আর এগোতে পারেন না—সে। পাশে—একটা বাড়ীর সামনে চার পাঁচটা আমগাছে কুঞ্জের মত বীথি গ'ড়ে উঠেছে, তার মাঝখানে কচি ঘাসে ছাওয়া সবুজ একখানি আঙিনা—কাঁট দিয়ে পরিষ্কার করা। ন'ব'নে, একটা গাছতলায় গিয়ে বিশ্রামের জন্তে ব'সলো। মণ্টুকে পাশে ব'সিয়ে শিকলগাছটা হাতে জড়িয়ে রাখলে।

হুটী ছেলে চ'লেছিল—দৌড়োতে দৌড়োতে—তাদের মা পাঠিয়েছিলেন—তাড়াতাড়ি গিয়ে গরম মসলা কিনে আনতে। ছোট ছেলেটা হাতের ভেলোর পরস চারটা নাচাচ্ছিল—আর বড়টা ব'লতে ব'লতে চ'লেছিল—“Show me your head.” ছোট ছেলেটা জবাব দিচ্ছিল—“তোমার মুণ্ড দেখাও।” হঠাৎ ছোট ভাই ব'লে উঠলো—“দাদা, দাদা, উল্লুক দ্যাখ্।”

“কই রে?” ব'লে দাঁড়িয়ে উল্লুকটা দেখেই হু'জনে এসে ন'ব'নেকে একসঙ্গে প্রশ্ন ক'রলে:—
“এই, এ উল্লুক তোমার?”

ন'ব'নে উত্তর দলে:—“হ্যাঁ।”

“ও—ত্যাগ্চাতে পারে?”

ন'ব'নে ব'লে—“খুব পারে।”

“কই দেখি”—ব'লে— উল্লুককে নিজেই একবার মুখ ভিরকুটা ক'রে দেখিয়ে ব'লে—এই উল্লুক—“দেখি, তোর ভিঁচুনী দেখি।”

হেসে ন'ব'নে ব'ললে—“পরস দিতে হবে কিন্তু।”

ছোটটা ব'লে—“ইঃ, যে—না তোমার উল্লুক”—হ—হ—এই উঃ—উঃ কুঃ—“ক'রে” আবার উল্লুককে ভেঁচিয়ে উঠলো। মণ্টু লেজের পাশটা একবার চুলকিয়ে—একটুখানি থ্যা থ্যা ক'রে উঠলো।

পথিক হ'এক জন উল্লুক দেখে চলার পথে হঠাৎ থেমে মজা দেখে যাচ্ছিল। লোক এসে বেশ জ'মে গেল। কিন্তু বাড়ীর য'রা কর্তা—কি ছেলে পিলে তাঁরা ভেতরের দিকে অনেকটা দূরে ছিলেন তখনো ব'ঝি খপর পান নি। তাই কেউ আসেন নি। মণ্টু এতক্ষণে ন'ব'নের

বাড়ের ওপর চ'ড়ে— তার চুল বাছা সুরু ক'রেছিল—আর ন'ব'নের মনে রাজ্যের ছুঁতাবনা তার উল্লুকের গায়ের রঙের মতই মিশমিশে কালো-রেখায় একখানা ঝিলমিলি জাল বোনা জটিল ছক কেটে যাচ্ছিল ।

এর ভেতর ধাঁ ক'রে এক ব্যাপার ষ'টে গেল—ন'ব'নে সে রকম চিন্তা স্বপ্নেও করে নি । এই বাড়ীর বাজার সরকার—চাকরের মাথায়—সকাল বেলাই বাজার করে তরীতরকারী বোঝাই চেঙারীটা তুলে দিয়ে—চাকরের আগে আগে আস'ছিলেন । উল্লুক আর ন'ব'নেকে দেখে—খানিকটা কোঁতুহল—খানিকটা মেজাজ নিয়ে দাঁড়িয়ে জিগ্গেব ক'রলেন—“কে হে ছোকরা তুমি, কোথায় থাক ! এ উল্লুক কার ?

ন'ব'নে জবাব দেবার আগেই—তার বাড়ের ওপর থেকে মণ্টু এক লাফ দিয়ে উঠে— একেবারে চাকরের মাথায়—চেঙারীর ওপর । মর্তমান কলা এক ছড়া চেঙারীর ধার দিয়ে দেখা যাচ্ছিল । মণ্টু লাফের সঙ্গে সঙ্গে কলার ছড়াটা ছই হাতে শক্ত ক'রে ধ'রে নিয়ে লাফিয়েই নেবে—গোটা ছই এক সঙ্গে মুখে পুরে দিলে । “করিস কি করিস কি ?” ব'লে বাধা দিতে গিয়েও ন'ব'নে মণ্টুকে ঠেকিয়ে রাখতে পাল্লে না । চাকরটা হাঁ হাঁ হেঃ হেঃ ক'রে উঠ'লো । ছেলেরা আর লোকগুলো সব হাততালি দিয়ে হেসে উঠ'লো ।

সরকার তো চ'টে—অগ্নিশর্মা । গলার আওয়াজ একেবারে গাধার গানের স্বাভাবিক গা-এ চড়িয়ে তুলে চেঁচিয়ে উঠ'লেন—“কোথাকার বকাটে বোম্বটে ছোকরা হে তুমি—একটা উল্লুক নিয়ে এসে—এই কেলেকারী ঘটালে । এখন উপায় ?”

ন'ব'নে জবাব দিলে—“উপায়—নিরুপায় ।”

ন'ব'নে খুব গম্ভীর ভাবে সত্যি কথা বললো—সরকার চেঁচিয়ে ব'লে—“আবার ঠাটা করা হ'চ্ছে ?—মারবো এক চড় —মুখ থেঁতো ক'রে দোব ।”

ন'ব'নে সমানই গম্ভীর স্বরে জবাব দিলে—“তা দিলেও—“নিরুপায় ।”

“আ রে এতো বড় বেলেহাজ ছেলেরে বাপু—চল তোমার মজা দেখাচ্ছি ।” ব'লে সরকার ন'ব'নের হাত চেপে ধ'রে—চাকরটাকে ব'লেন—“নিয়ে আর ঐ উল্লুকটাকে টেনে ।”

চাকর টান মারে—মণ্টু পেছন পানে চেপে বসে। আবার টান—মণ্টু একেবারে—শক্ত হির হানুর মত। চাকর ব'লেন—“আরে এ দাদা,—ইতো পাখল বুঝায়,— চল। হা আও—এ শওরোয়া!”

আবার টান—উঁহ—মণ্টু অনড়। ছেলেদের আবার হাস আর হাততালি।

সরকার হুকুম ক'রলেন—“টেনে হিঁচড়ে নিয়ে আয়।”

জোরে টেনে অনেক কষ্টে চাকরতো মণ্টুকে হিঁচড়িয়ে নিয়ে চ'ল্লেন—সরকার ন'ব'নেকে ধ'রে নিয়ে—‘সদর দালানের’ বারান্দার নীচে দাঁড়িয়ে চেঁচামেচি ক'রে ব'লে উঠ'লো—“এইবার টেরটা পাওয়াচ্ছি, ছোট বাবু বেরোলেই হয়।”

চাকরটা ব'লে “কেলা খানেমে বড়া মজা।”

সরকার সঙ্গে সঙ্গে সায় দিয়ে—“হ্যাঁ বড় মজা ;—ব্যাটা আবার একটা উল্লুক নিয়ে ঘোরেন ; এগিয়ে দাঁড়া ;—এইখানে সাম্না সাম্নি দাঁড়া”—ব'লে ন'ব'নেকে জোর একটা হাঁটুর গুতো দিয়ে—সামনে ছ'তিন ধাপ এগিয়ে দিলেন। ন'ব'নে হুঃখে একটু হেসে উঠ'লো।

চেঁচামেচি শুনে বাবুর দল—ছোটবাবু, বড়বাবু, ন-বাবু, একজন তরুণবাবু আর একটা পরিপূর্ণ কিশোর বয়সী বালা বেরিয়ে এলেন। সবাই এক সঙ্গে জিগ্গেব ক'রলেন—“কি হ'য়েছে. হ'য়েছে কি সরকার মশাই?”

তরুণ বাবুটা খবর ক'রলেন—“ও উল্লুকটা কোথায় পেলি—ওটা কারে—ছুটু?”

ছুটু জবাব দিলে—‘এহি শওরোয়াকা হোগা।’ ছুটু ন'ব'নেকে দেখিয়ে দিলে। মণ্টু তরুণের মুখ পানে চেয়ে শুধুই যেন কেন খো খো ক'রে উঠ'লো।

সরকার, বাবুদের বুঝিয়ে দিলেন—এই ছোকরার উল্লুক—ছুটুর চেঁচাৱী থেকে খাবা মেয়ে নিয়ে সব কলা খেয়ে ফেলেছে।

তরুণ বাবুটা ব'লেন—“সব কলা খেয়েছে ?—ওকে পুলীসে দিয়ে দিন্ !”

মণ্টু আবার খো খো ক'রে উঠ'লো—ন'ব'নে ভাব'লো কারণ কি ;—তরুণী মিষ্টি ক'রে এ ছুটু খানি মুচকী হেসে ব'লেন—“কলা খেলে উল্লুক, আর পুলীসে যাবে ছোকরা !”

“হ্যাঁ of course—অবিশ্যি—ও বে উল্লুকের ওনার—মানে মালীক।” “ভিসাস ক্যারেকটারের এমন বদখত্ জানোয়ার রাখে!” ব’লে তরুণ বাবুটি কিশোরীর মুখের দিকে ভারতিকে মত চাইলেন।

“ওনার মানে মালীক তা আমি জানি—কিন্তু পশুর খেয়ালের খেসারৎ যদি পশুর মালীকের দেয়াই আইন হয়—”

বাধা দিয়ে ছোকরা বয়স বাবুটি ব’লেন—“হ্যাঁ তাই আইন।”

“হতে পারে কিন্তু তা হ’লে—তোমার ক্যারেকটারের জন্যে—যদিও পুরোপুরি ভিসাস নয়—মেশো মশায়েরও—”

বড়বাবু এইবার—“থাম্ থাম্ তোরা আরম্ভ করগি কি?” ব’লে সবাইকে থামিয়ে—ন’ব’নের দিকে ফিরে জিগ্গেষ ক’রলেন—“এ উল্লুক তোমার?”

“আজ্ঞে হ্যাঁ।”

“উল্লুক কলা খেয়েছে?”

ন’ব’নে জবাব দেবার আগেই কিশোরীটি পাশ থেকে ব’লে উঠলো—“উল্লুক তো কলা খায়ই।”

“আঃ! কি আপন! থাম্ না রে বাপু!” ব’লে বড়বাবু তার শাসন ক’রলেন।

ন’ব’নে জবাব দিল—“হ্যাঁ উল্লুক হঠাৎ লাফিয়ে উঠে থাকা মেরে কলা নিয়ে গোটা কত খেয়েছে। আমি সাবধান ক’রেও তাকে ফিরিয়ে রাখতে পারি নি। বড্ড অন্যায় হয়ে গিয়েছে। দোষ আমারই, কেন্ না উল্লুক রাহাজানি ক’রলেও আমি উল্লুকের মালীক। অপরাধ স্বীকার ক’রছি—আমার কান দুটা ম’লে দিয়ে—ছ’থাবড়া বসিয়ে ছেড়ে দিন। বা লোকসান হ’য়েছে আপনার তা তো আর উঠে লাগবে না—কেন না আমার একটা কাণা কড়িও সঞ্চল নেই যে কলার দাম দিয়ে দোব।”

ছোকরা বাবুটি ব’লেন :—“কি রকম অসভ্য হে তুমি? বল—কাম ম’লে ছ’ বা বসিয়ে দয়া ক’রে ছেড়ে দিন।” মণ্টুটা হঠাৎ মুখ ভেংচিয়ে উঠলো “মণ্টু লোক চিনে” মনে মনে এই কথা ভেবে ন’ব’নে জবাব দিলে—“মাপ ক’রবেন আমার—”

“তা ব’লতে পারবো না—কান ম’লে ছেড়ে দে’রা মানে দয়া করা নয়।”

“ঠিক বলেছ Thank you”

ব'লে ভরুণী ডাকলেন :—“অহু, সতু, শীগ'গির আর উল্লুক দেখ'বি তো'আর ।”

বাড়ীর ছেলের দল ছুটে বেরিয়ে এসে “উল্লুক, উল্লুক, ছকুরে—বাঃ কেমন কালো দেখিছিস্ দাদা” ইত্যাদি বলাবলি ক'রে উল্লুককে ঘিরে দাঁড়ালো । কাশু ছটুর হাত থেকে শেকল গাছা টেনে ছিনিয়ে নিয়ে ব'লে—“এই ছটু—বা তুই বাজার নিয়ে ভেতরে যা—উল্লুক আমার কাছে থাকবে ।”

সতু বড় বাবুর ভূঁড়িটার হাত বোলাতে বোলাতে আবদার ধ'লে—“জ্যাঠা মশাই, ছকুটা আমার দাও ;—আমি ওটা নোব ।”

বড়বাবু ব'লেন—“আচ্ছা আচ্ছা হবে,—দাঁড়া দেখ'ছি ।” তা'পর ন'বনেকে আবার জিজ্ঞেস করলেন—“তুমি এখানে কোথায় থাক ?”

“কোথায়ও না—আজই আমি—এই সকালেই—এখানে এসেছি, বোধ হয় রাস্তায়ই সারাদিন থাকতে হবে—রাস্ত্রিরের কথা তো ভাবিই নি ।”

ছোকরা বাবুটা ব'লে উঠলেন :—“তার এনে ?—তুমি চোর না গুণ্ডা ?”

“ছটোর কোনোটাই না—কেউ নেই আমার ; গাঁ-য় থাকতে না পেরে সহরে এসেছি ।”

ছোটবাবু খুব বাঁকা দৃষ্টিতে ন'বনের মুখের দিকে তাকিয়ে জিজ্ঞেস করলেন—“কি করতে এসেছ ?”

“তা জানি নে ।”

বড় বাবু ব'লেন—“তোমার তা হ'লে এখানে:কেউ আয়ীর নেই ?”

“আজ্ঞে না ।”

“লেখা পড়া কিছু জান ?”

“Royal Reader III”—বানান মানে যুথহ ;—“বোধোদয়” আর “চাক্রপাঠ” প'ড়েছি । চাক্রপাঠ অনেক জায়গায় বুঝি নে—বোধোদয় বেশ বুঝি—রবিবাবুর কৈশোরক প'ড়েছি ।”

ছোকরা জিজ্ঞেস করলেন :—“আর ম্যাথমেটিক্স—মানে অঙ্ক ?

“মিশ্র ভাগ, লঘুকরণ ।”

ছেলেরা আবার বলে :—“জ্যাঠা মশাই, উল্লুকটা আমরা নোব ।”

বড় বাবু একটু ভেবে--ন'ব'নেকে ব'লেন :—“দেখ হে, তোমার বখন এখানে কোথায়ও থাকবার জায়গা নেই,—কি করবে তাও জান না—তখন বরং আমার এখানেই তুমি থাক ; এই ছেলের একটু পড়াবে টড়াবে,—ওদের সঙ্গে উল্লুক নিয়ে খেলা ক'রবে।”

ছোট বাবু ভয়ানক প্রতিবাদ ক'রে উঠলেন—“আপনার বখন কাজ নেই—বিবেচনা নেই যেই আসুক থাক আমার বাড়ী! আর উল্লুক নিয়ে খেলা ক'রে বে ওরা শুধু উল্লুক হ'রে দাঁড়াবে।”

“হ্যা—এমনিই তো ছোঁড়াগুলো উল্লুক হ'রে উঠেছে”—ব'লে ছোকরা বাবু ছোট বাবুর মুখের পানে চাইলে।

তরুণী ব'লেন :—“অস্তুতঃ তাদের দাদা বাবুটা তো উল্লুক হ'য়েইছেন বটে।”

“দেখ্ মারবো কিন্তু লক্ষীছাড়া মেয়ে অনেকগ থেকে যা ইচ্ছে তাই ব'লে থাকিস” ; ব'লে ছোকরা চোখ বেঁকিয়ে ভুরু নাচিয়ে তর্জ্জন ক'রে উঠলেন।

তরুণী হেসে ব'লেন—“আরে উল্লুকের বাকী কি,—ফ্রাউনিং অ্যাণ্ড হাউলিং।”

বড় বাবু “আঃ হাঃ আরে তোদের নিয়ে যে কি করি” ব'লে ন'ব'নেকে সরাসরি হুকুম দিয়ে দিলেন—“না, হে ছোকরা, ওদের কারো কথা তোমার শোনবার দরকার নেই,—ঐ বাইরের ডিস্পেনসারী ঘরে তুমি থাকবে কিন্তু উল্লুকটাকে দেখে শুনে রেখো।”

ন'ব'নে ব'লে “আমার পেট কিন্তু ছুটো।”

“হ্যা একটা তোমার আর একটা তোমার উল্লুকের,—তা মেশো মশাই জানেন” ব'লে তরুণী হেসে ভেতর চ'লে গেল।

ন'ব'নে অনাহত এখানে এই অপরিচিত গৃহে অবাচিত আশ্রয় পেয়ে মনে মনে ভগবানকে প্রাণভরে ধন্যবাদ না দিয়ে পারলো না। সরকার মশাই তাকে ডিস্পেনসারীতে নিয়ে গেলেন। ছোকরা বাবুটা পেছনে পেছনে ছুটে এসে ব'লে—ওহে ছোকরা—মামা বাবু একটা কথা ব'লতে ভুলে গিয়েছেন—তোমার আরও একটা কাজ ক'রতে হবে বুঝলে ?”

ন'ব'নে ব'লে—“বুঝলাম না তো।”

“আমি বখন শিকারে যাব আমার বন্ধুক টানুক ব'য়ে নিয়ে যেতে হবে আর “গেম”গুলো কুড়িয়ে কাঁধে ক'রে আনবে।”

ন'ব্নে জবাব দিলে—“বে আজে—সে আমি খুব পারবো—আমিও বাটুল ছুঁড়ে জানি ;—একটা বাটুল গ'ড়ে নোব—পাখী টাখী মারা যাবে।”

ন'ব্নের মনটা সত্যিই একবার আহ্লাদে নেচে উঠলো।

বাটুলে কি আর পাখী মারা যায় হে' বলে খুব গৌরবের মুখভঙ্গী করে বিজ্ঞ ছোকরাটা বৃহৎ হেসে চ'লে গেলেন।

ঘরে ঢুকেই ন'ব্নে দেখলে ছটু মহাত্ম তামাক ধ'রিয়ে তার “নারিয়েলমে” খুব পুটুর পুটুর টানতে শুরু করেছে। সারা রাতের পর এতক্ষণে তামাকের গন্ধটা তার কাছে যেন অমৃতের সুরভ ব'য়ে নিয়ে এল। ছটুর কাছ থেকে ক'ল্কেটা চেয়ে নিয়ে চোখ বুজে ক'ষে একটা দম দিতেই—কপালের নীচেটা একটুখানি ঢুলু ঢুলু ক'রে এলো বটে কিন্তু সকল শ্রম, তার পথ হাঁটার বা কিছু অবসাদ কোথায় নিমেষে উড়ে গেল। নিস্তেজ শিরা-ধমনীগুলোর ভেতর দিয়ে যেন একটা টাটকা রক্তের প্রবাহ তরতরিয়ে ব'য়ে গেল।

ওদিকে অনু, সতু, কানু বাবুরা সব পড়াশুনা ভুলে মণ্টুকে নিয়ে খেলতে লেগে গেছে—কেউ তাকে বেগুন এনে দিয়েছে খেতে—কেউবা কাছে যেতে সাহস না পেয়ে দূর থেকেই আলু কি পটল ছুঁড়ে মারতে লাগলো ;—মণ্টু ছ' একবার খ'্যা খ'্যা শুধু ক'রে উঠলো—কিন্তু খামচা মারলো না কাউকেই।

ছ দশ দিনে আন্তে আন্তে ন'ব্নে এইখানেই কায়েমী রকম আস্তানা গেড়ে ব'সে গেল। তার কাজে ব্যাবহারে বাড়ীর মেয়েদের ক'ছেও সে আদর স্নেহ পেতে আরম্ভ করেছে। ছোট বাবুরও ফুট ফরমাস কাজকর্মটা ন'ব্নেকে দিয়ে বেশ চ'লে যায় তিনিও তার ওপর খুব খুসী। কেবল ছোকরা বাবুটা ন'ব্নের ওপর ভারী চটা। ন'ব্নে তার ডাক শুন্লেও এড়িয়ে চ'লে যায়—গালাগাল ক'লে জবাব করে না। পান চুরুট এনে দিতে ব'লে অস্বীকার করে—বলে “ছেলে মানুষ, ভদ্র লোকের ছেলে তোমার আবার চুরুট খাওয়া কেন?”

ছোকরা বাবু বাগে পেলেই ন'ব্নের কান ম'লে দিয়ে পালায়—ন'ব্নে দয়া ক'রে সে অপমান সহ করে!

ছোকরাটা রোজই তার মামীকে বলে—“ও আপন রাখা কেন! তা ও একলা নয় আবার একটা উল্লুর বালাই নিয়ে ফেরে।”

মামী জবাব করেন—“কেন রে তোর ছোঁড়ার ওপর অমন নেক-নজর ? বেশ তো বাপু ছেলেরী ! কোন গোলমালে নেই, ছেলদের নিয়ে পড়ার শোনার, আপন মনে থাকে, তার ওপর তোর কেন অমন আড়ি বাদ ?”

“ওঃ তা জান না বৃষ্টি—মামী মা,—উনি চান ন’বনে হবে ওর “কুঁবয়” হকুমের ছোকরা নোকর. ন’বনে তা রাজী নয়।” বলে বেলা মানে সেই কিশোরীটি ছোকরা বাবুর মুখ পানে এমন ক’রে তাকায় যে ছোকরা তার ভেতর একরাশ সত্যি কথার সরল মানে অনেকখানি বুঝতে পারে। সে তখন খেমে যায় বটে কিন্তু ন’বনে আর বেলা ছ’জনের ওপরেই রাগ তার ক্রমশঃ ঘনিরে জমে ওঠে। এই রকম ক’রে সে-রাগ শেষে শক্রতার গিরে দাঁড়ালে।

ন’বনে অবিগ্রহী কোনো দিনও বেলায় মুখের পানে চোখ তুলেও তাকায় না—কিন্তু বেলা যা তা কথায় যখন তখন ন’বনের পক্ষ হ’রে ছোকরা বাবুর সঙ্গে লড়াই ক’রে তার কথা নিয়ে তাকে জব্দ করবার ফাঁক পেলে ছাড়ে না, এইগুলোকে ছোকরা—তরুণ তরুণীর মনের পিয়াল বনে ফুলের রেণু ছড়িয়ে দিয়ে “পুষ্প ধনু”র যাদুধেলা বলে ভুল করে,—ওদের চোখে চোখে বৃষ্টি রূপের নেশা লেগে—তার রঙের স্বপ্নখানা ভেঙ্গে চুরমার করে দেবারই ফিকির ফাঁদতে আরম্ভ ক’রেছে। সে তাই ন’বনকে বেলায় সঙ্গে কথা কইতে দেখলেই ধ’ম্কে বার ক’রে দেয়—বেলা যদি তাকে চুলের ফিতে মাথার কাঁটা, কি ক্রোসে সূতো বা ব্লাউজের লেস এনে দিতে বলে—ছোকরা স্তন্যতে পেলেই ওপর টপ্কা এসে প’ড়ে বলে—“না ন’বনে, ওসব তোমার আন্তে হবে না—ও আর্মি এনে দোব।”

ন’বনে মুচ ফী হেসে চলে যায় কিন্তু বেলাও জিন ক’রে তার কারুর কারবারের মাল-মসৃণা সাজ গোজের টুক টুক ন’বনকে দিয়েই আনায়। ছোকরা বাবুটি যখন জানতে পারে একটা বিস্ফোরকের বিব আলায় তার সর্বাঙ্গ জলে ওঠে ;—কিন্তু সাহস করে কিছু স্পষ্ট ক’রে খুলে ব’লতে পারে না। বেলা—ছোকরার অকারণ অন্তর্জালাটা মনে মনে উপভোগ ক’রে আপন মনেই আনন্দিত হয়। সে প্রয়োজনে শুধু নয় অপ্রয়োজনেও ন’বনকে ডেকে হেসে, আদর ক’রে কথা বলে ;—ছোকরার স্বপ্নিওটার ওপর নির্দ্বন্দ্ব আঘাতে অলঙ্কিতে বিষের বাণ হেনে যায় যেন।

তিনজনের এই মন নিয়ে টানাটানি খেলার মধ্যে ন'ব'নের নির্বিষকার জীবন মাস পাঁচ ছয় বেশ কেটে গেল। ছোকরা বাবুর ঈর্ষ্যা-জ্বালা ন'ব'নের বৃকে কোনো জ্বালামুখী সৃষ্টি ক'রে দিতে বা আশুনের ফুল্কা ছড়িয়ে গিয়ে মনটাকে তার তপ্ত ক'রে তুলতে পারে নি, কারণ পরের মনের ধুবরাধবরে ন'ব'নের এতটুকুও আসে যায় না—তার মনটা সে সবখানি মনটুকু বিলিয়ে দিয়েছিল।

হঠাৎ একদিন ছোকরাবাবু রেশমী ডোরের বেড় দেওয়া একটা সৌখীন নকশী কাটা কাগজের বাসে এক পাজা ফুলদার লেস নিয়ে এসে—বেলাকে ডেকে ব'লে—“বেলা, দেখ—কি চমৎকার লেস নিয়ে এসেছি তোমার জন্যে।”

বেলা এসে লেস দেখে—একটুখানি—ঈবং একটুখানি অমনি—ঠোঁটের কোণায় রিশের মত লেশমাত্র লেগে থাকে—এমনি হাসি হেনে ব'লে—“ওঃ এই লেস—ওঃতা আমার চের আছে, তা ছাড়া কাল ন'ব'নে যা এনে দিয়েছে পারসীদের দোকান থেকে—সে চমৎকার ;—দেখবে?”

মহম্মদ অলে উঠে ছোকরা ব'লে “না ককখনো দেখবো না ; ন'ব'নে যাই এনে দিক তাই চমৎকার সব বুঝি! আচ্ছা আমি দেখে নিচ্ছি!” ব'লে রাগে গর গর ক'রতে ক'রতে সে বেরিয়ে গেল। বেলা হো হো ক'রে হেসে উঠে—“আশ্চর্য্যি যা হোক—নাচ্ছ কেন শোন—” ব'লে ডাকলো।

বাইরে থেকে রাগে ভারী গলায় জবাব শোনা গেল—“না।”

ইতিমধ্যে মনটুটা যেন কি খেয়ালে কোন্ ফাঁকে গিয়ে ছোকরার টেবিলের ওপর উঠে বসে মোরাতটাকে কাত ক'রে ঢেলেছেন—তা'পর—লেজ দিয়ে লেপে এক কলাহীন কালোরঙের তৈল-চিত্র এঁকে দিয়ে ব'সে ব'সে মুখ দিয়ে পেটের পাশটা চুলকোচ্ছিলো; ছোকরা তো ঘরে এসে দেখেই একেবারে বোমার মত ফেটে প'ড়লো। বেলার কাছে অপমানের রাগটা ন'ব'নের ওপরেই পুঞ্জীভূত হ'য়ে উঠেছিল, এখন এই উল্লুর এমন অমানুষিক গুরু অপরাধের বোঝা তার ওপর চেপে পড়ে সব রাগ এক সঙ্গে পর্বতাকার হ'য়ে ন'ব'নকে পিষে থেঁতো ক'রে দেবার জন্য ছোকরাকে উন্মাদের মত উত্তেজিত ক'রে তুললে। সে সজোরে মনটুকু টেনে মেরোর নামিয়ে—নালবাধা বুলডগী চেহারার চোরাড়ী জুতো শুকু পায় উল্লুফটাকে প্রাণপণ এক লাথি মারলো।—

উল্লুক খোলা দরজা দিয়ে ছিটকে এসে বাইরে প'ড়ে যন্ত্রাণায় বিকট চীৎকার ক'রে উঠলো । ঘরে ছোকরার গুলি পোরা বন্দুক তৈরিই ছিল—সে চট ক'রে বন্দুকটা তলে নিয়ে “ওর উল্লুক খুন ক'রে বেটাকে তাড়াবো—উল্লুকের বুকের রক্ত বার ক'রে ওর বুকের প'াজরা ভাঙ'ছি দাঁড়াও ।” মনে মনে এই কথা ব'লে আর একবারও না ভেবে একটুও বুঝে না দেখে—ধ'া ক'রে গুলি ছুড়ে দিলে দম্ ক'রে একটা আওয়াজ হ'য়ে বন্দুকের নালের মুখে খানিকটা ধোঁয়া বেরিয়ে গেল ।

ন'ব'নে মণ্টুর গলায় অস্বাভাবিক রকম ভয়াবহ চীৎকার শুনেই তাড়াতাড়ি বেরিয়ে আস'ছিল—সে এসে প'ড়তে না প'ড়তেই গুলি খেয়ে হতভাগা মণ্টুর কণ্ঠের আওয়াজ জন্মের মত বন্ধ হ'য়ে গেল ;—বাইরে ঐ খানটার ঘাসের ওপর সে ঢ'লে প'ড়েছে—ন'ব'নে নিমেষে পিশাচের মত বিকট চীৎকার ক'রে লাফিয়ে গিয়ে ছোকরা বাবুর ঘাড়ের টুঁটি চেপে ধ'রলো ; রেলের লোহার মত শক্ত তার বজ্রমুষ্টি ছুঁড়ে—নাকে মুখে প'াঁচ, সাতটা ঘুঁষি ব'সিয়ে দিলে । নাক দিয়ে ঝ'ল্কে ঝ'ল্কে রক্ত বেরিয়ে এল । ন'ব'নে চেষ্টা করে ব'লে—“আজ তোকেও মণ্টু যে-পথে গিয়েছে সেই পথে পাঠাবো—ডাকাত, খুনে—পাজা ! পরের ওপর বাবুয়ানা ফলিয়ে নবাবী দেখাও—আনিও তোমার টুঁটি চেপে মেরে ফেলে খোদার ওপর খোদকারী ক'রবো ।”

ন'ব'নে প্রাণপণ জ্বোরে ওর টুঁটিটা চেপে ধ'রলে—একবার “ওঁয়া গা” ক'রে আর তার কোনো আওয়াজ বেরোলো না ; চোখ দুটো ঢেলা ঢেলা হ'য়ে বেরিয়ে আস'তে চাইছিল ।

নিমেষের ভেতর এত সব কাণ্ড ঘ'টে গেল । বন্দুকের শব্দ আর কোলাহল গোলমাল শুনে বাড়ী শুদ্ধ স'ব লোক “কি হ'ল—কি হ'ল—কর কি—কর কি !” ব'লে সেখানে এসে ভিড় ক'রে জমা হ'য়েছিল ।

বেলা দেখেই বুঝলে কি কাণ্ড ঘ'টেছে । ন'ব'নের হাতের শক্তি কি তা বেলা জান'তো—সে দেখেছে হাতের বুঁবি মেরে ন'ব'নে বিনা আয়াসে গণ্ডা গণ্ডা নারকেল ছাড়িয়ে দেয় । সে বুঝলো আর একটু থাকলে—ছোকরা বাবু ম'রে যাবে । তাড়াতাড়ি ছোকরার হাত থেকে বন্দুকটা টেনে নিয়ে বেলা ন'ব'নকে ব'লে—“ছিঃ ন'ব'নে !—ছাড় ।”

ন'ব'নে ব'লে,—“আজ ওকে শেষ ক'রবো ।”

“পিশাচ যে—পশু যে, সেই পশু মারে—মানুষ যে সে পিশাচকেও মারে না—ছেড়ে দাও ন'ব'নে ।”

ন'ব'নে বেলার মুখের দিকে তাকিয়ে আস্তে আস্তে ছোকরাবাবুর খাড়া ছেড়ে দিলে। আচম্বিতে যেন—বাঁধ ভেঙে বন্যার জল তার দুই চোখ ভ'রে উছলিয়ে এল। বৃকের ভেতরটা টুটে ফেটে প'ড়বে—বুঝি—হাহাকার ক'রে ন'ব'নে কেঁদে উঠলো। নেই নেই তার যে মণ্টু নেই। টেঁচিয়ে ডুকরে কেঁদে উঠে মণ্টুর বৃকের যেখানটা থেকে তখনও রক্ত ঝরছিল—সেইখানটার গিয়ে আছাড় খেয়ে প'ড়লো। “মণ্টুরে ভাই,—আজ, এতদিনে তুই ছেড়ে গেলি? মা-নেই, বাপ নেই, বন্ধু নেই—ভাই মেই আমার যে কেউ নেই। সব ছিলি তুই আজ যে—সে তুইও নেই—মণ্টু আনার নেই—বলে মরা মণ্টুকে বৃকে জড়িয়ে নিয়ে ফুঁপিয়ে ফুঁপিয়ে কাঁদতে লাগলো।

বড় বাবু ছোকরা বাবুকে ঠেলে ধরের ভেতর দিয়ে আস্তে আস্তে সেখান থেকে সরে গেলেন। আর যারা এসেছিলেন—ঠাণ্ডাও কেউ বিশেষ কিছু ব'লেন না। বেলা গিয়ে ন'ব'নের হাত ধ'রে তুলে ব'ললে—ছিঃ, অঃন ক'রে—কাঁদে না—ন'ব'নে—এস—উঠে এস।”

“উঠে কোথায় যাব?—আমার মণ্টু যে নেই”—ব'লে ন'ব'নে আবার কেঁদে উঠলো। বেলা তাকে বাড়ীর ভেতর টেনে নিয়ে গেল। অনেকগণে কষ্টটা কিছু ক'মে এলে ন'ব'নে উঠে নিজেই একথানা কোদাল নিয়ে গিয়ে—একটা কবর খুঁড়ে মণ্টুর শেষ সংস্কার ক'রলে। তার পরদিনই বেলার কাছে ভিক্ষা চেয়ে পাঁচটা টাকা নিয়ে ন'ব'নে সে বাড়ী ছাড়লে।

বেলা ঈষৎ ভিজ্জ-আসা চোখের পাতা ছতো সাড়ীর কোণাটা তুলে অলক্ষ্যে মুছে নিয়ে, ব'ললে—“ন'ব'নে কোথায় যাবে তুমি—নিরুদ্দেশে কোন্ স্তূরে?”

“স্তূরের পিয়ারসী আমি—ম'রুতে খাচ্ছি। তবু যদি বেঁচে থাকি আপনার টাকা পাঁচটা শোধ ক'রবো।” ব'লে ন'ব'নে মাথাটা কেন যেন নীচু ক'রলে।

বেলা ব'লে—“টাকা পাঠালেও নোব না—

“ধনের ব্যথা যে—আমার মনে খোঁচা হ'য়ে থাকবে।”

“তাই থাক্”—ব'লে বেলা চ'লে গেল। ন'ব'নেও সে বাড়ী ছেড়ে বেরিয়ে প'ল—কারো মানা শুনলে না।

ক্রমশঃ—

শ্রীবিমলচন্দ্র চক্রবর্তী।

মাসকাব্য ।

—:~:—

বৈশাখের পয়লা খাতা মহরৎ করিয়া বাঙালী বণিকেরা হালে সাল শুরু করেন । বাঙালী মাসিকেরও অনেক ক'থানারই পয়লা পাতায় ঢোলে না হোক ডাগর হরকে দস্তর মত মহরৎ দিয়া বৈশাখেই বছর আরম্ভ করা হয় । যথা—প্রবাসী, মানসী, বসুমতী ও বলা চলে—মাতৃমন্দির স্বাস্থ্য, সঞ্জীবনী, এডুকেশন গেজেট ইত্যাদি । কোনোখানার বা সদর মানে মলাটের গায় চিন্তা লটকাইয়া বিজ্ঞাপন জারি করা হয় ; কোনোখানার আবার অন্তরের আধরু-আড়ালে মন পহেলার নকীব বাজিরা উঠে । ভারতবর্ষ আগোয়া “নোটীশ” দিয়া বলিয়া দিয়াছেন—আষাঢ়ে বাদল ধারায় সন্য স্নাত তাঁহাদের নববর্ষ আসিতেছে । বঙ্গবাণীর নূতন বৎসর ফাঙ্কনে । বসুমতী কেবল বলিয়াই ছাড়েন নাই লড়াইয়ের আন্টিমেটাম বা চূড়ান্ত পত্র দিয়া তাঁহাদের ভাষায়ই বলি—মাসিক সাহিত্যের “হাইপোলাইট” অর্থাৎ “আমাজোন” রাণী সকল মাসিককে “প্রতিযোগিতার কুরুক্ষেত্র” আহ্বান করিয়াছেন । মুখবন্ধ বাঙালীর গলাবন্ধের মত অপ্রয়োজনে জড়াইয়া উঠিতেছে সূত্রাং আর না হয় তো বা শেষ মেঘ ফাঁসি লাগিয়া যাইবে ।

দৈনিক বা সাপ্তাহিক খবর হরকারা কেউবা “চং”-বুঁড়ির মতন ঢাউস-তায়ের ছু ছু পাঠ কাগজ জুড়িয়া কেউবা গেজেট কিম্বা ফাইলের আকারে বই গাঁথিয়া কেউ ছ'একখানা হয় তো ইংরিজী পাঠশালার পড়ুয়াদের মামুলী খাতার আকারে খাতা গড়িয়া দোশর খবর ঢের বলিয়া গিয়াছেন । কথা কাহিনীও শুনাইতে ভুলেন নাই—সঞ্জীবনী তো “মুক্তার মালাই” দোলাইয়া দিয়াছেন । সে সকল অত লিখিবার আমাদের স্থানাভাব । তাই তাঁহাদের দেওয়া খবর ছ'একটা তুলিয়া দিয়া এ পাঠ শেষ করি—আমাদের এইটাই আঠা ও কাঁচি বিভাগ :—

অজ্ঞাত নামা দাতা—কোন ব্যক্তি কলিকাতা ট্রপিক্যাল মেডিক্যাল স্কুলে এক লক্ষ টাকা দান করিয়াছেন । তিনি তাঁহার নাম প্রকাশ করিতে নিষেধ করিয়াছেন । (সঞ্জীবনী)

**

যু*

**

**

**

দেশনায়ক চিত্তরঞ্জন রসারোডের আবাস ভবন ট্রাষ্টিদিগের হস্তে সনপণ করিয়াছেন। কলিকাতায় আসিয়া এই কথা বলিবার সময় মহাত্মা গান্ধীর হৃদয় ভাবাবেশে উদ্বেল হইয়া উঠিয়াছিল। “এখন তিনি বলেন,—আমি জানি, দেশবন্ধু তাঁহার ঐর্ষ্যের শেষ নিদর্শনও হস্তচ্যুত করিতে সক্ষম করিয়া রসারোডের বাটী ছাড়িয়া দিয়াছেন—আমি জানি তাঁহার ভগ্নস্বাস্থ্য এখনও ভাল হয় নাই”—তখন তাঁহার কণ্ঠ-বাষ্পরুদ্ধ হইয়াছিল। মহতের প্রতি মহতেই সম্মান প্রদর্শন করিয়া থাকেন। (দৈনিক বঙ্গমতী)

** ** * * * * *

বরিশাল হইতে প্রকাশিত “ব্রহ্মবাদী” পত্রিকার বয়স ২৫ বৎসর পূর্ণ হইয়া গেল। মফঃস্বলে এত দীর্ঘ কালের আরো কোন মাসিক বঙ্গদেশে নাই। (সঞ্জীবনী)

** ** * * * * *

নারী-শিক্ষা সমিতি জানাইতেছেন যে বড় লাট লর্ডরেডিং এবং তাঁহার পত্নী বিলাত যাত্রাকালে বিদ্যাসাগর বাণীভবনের জন্য ১০০০ টাকা দান করিয়া গিয়াছেন। (সঞ্জীবনী)

রূপলাল মল্লিকের বাড়ীর একটি নৃত্যের বর্ণনায় “লেডী হিবার বলিয়াছেন—যে নর্তকীর বেশ যেন লজ্জা ফুটিয়া উঠিতেছিল তাহাদের পা দুখানি ছাড়া আর সকল অঙ্গই পরিচ্ছদে আবৃত। লেডী হিবার আরও বলেন যে তিনি ইংলণ্ড বা অন্য কোথাও এরূপ শ্লীলতা পূর্ণ নৃত্য দেখেন নাই। (বিমান বিহারী মজুমদার বিজলী হইতে),

এই প্রাচ্য নৃত্যের আদর্শ। এই আদর্শ ছিল বলিয়াই—বেহলার নাচে অশ্রুর বৃষ্টি নামাইয়া দেবতার হৃদয় গলাইয়া দিবার কল্পনা সম্ভব হইয়াছিল।

** ** * * * * *

চুঁচড়ার রায় সাহেব নিবারণচন্দ্র বন্দ্যোপাধ্যায় একটি উচ্চ ইংরাজী বিদ্যালয়ের বাড়ী নির্মাণের জন্য ৫০ হাজার টাকা দান করিয়াছেন। (এডুকেশন গেজেট)

** ** * * * * *

“প্রসিদ্ধ উপন্যাসিক শ্রীমুক্ত শরৎচন্দ্র চট্টোপাধ্যায় বিষম শোক পাইয়াছেন। তাঁহার প্রিয় কুকুর ভেলু, কুকুর লীলা সম্বরণ করিয়াছে এবং যাইবার সময় এতদিনের প্রতিপালককে দংশন করিয়া গিয়াছে।”

(দৈনিক বসুমতী)

নীচের সংবাদগুি মাসিক হইতেই তুলিলাম যদিও দৈনিক কাগজগুলিতেও সময় মত এ খবর বাহির হইয়াছিল। “কলিকাতা বিশ্ববিদ্যালয়ের গত এম, এ পরীক্ষার যাহারা বিশেষ কৃতিত্ব প্রদান করিয়াছেন—তাঁহাদিগের মধ্যে শ্রীমতী সুনীতিবালা চন্দ্রের নাম বিশেষ উল্লেখ যোগ্য। তিনি দ্বিতীয় স্থান অধিকার করিয়া প্রথম শ্রেণীতে ভারতীয় ভাষা সমূহের এম, এ পরীক্ষায় উত্তীর্ণ হইয়াছেন। তিনি হিন্দু সংসারের বিবাহিতা মহিলা। সমুদ্র গৃহস্থালীর কর্তব্য কর্ম সম্পন্ন করিয়া যে সামান্য অবসরটুকু পাইতেন সেই অবসরে পড়াশুনা করিয়া—তিনি এইরূপ কৃতিত্ব প্রদর্শন করিয়াছেন।”

(মাসিক বসুমতী)

“সার নীলরতন সরকার ডায়মণ্ডহারবারের নিকট নিজ পৈতৃক বাসগ্রামে একটা মধ্যম শ্রেণীর কলেজ প্রতিষ্ঠা করিতেছেন। ছাত্রদিগকে জমী দেওয়া হইবে—তাহারা তাহাতে কৃষিকার্য্য করিবার শিক্ষার ব্যয় নির্বাহ করিবে।”

(দৈনিক বসুমতী)

বঙ্গদেশের হিন্দু-মুসলমান বিধবার তালিকা :—

বয়স	হিন্দু-বিধবা	মুসলমান-বিধবা
১—৫	১৪৩৯	১৪০৬
৫—১০	৮৭৫১	৭৫৫৯
১০—২৫	৩৮২২৩	২২৪৮০
১৫—২০	৯৬৪৭০	৫২২৭৯
২০—২৫	১৫১০৮৬	৭২৫৯৮
২৫—৩০	২০০৭৯০	১২৪৪৬৯

(আচার্য্য প্রফুল্লচন্দ্র রায়ের বক্তৃতা হইতে সংগৃহীত—দৈনিক বসুমতী ।)

লঘু সাহিত্য :—

জীবনের প্রতিদিনকার ছোট বড় নানা ঘটনা যে সাহিত্যের মধ্য দিয়া বৈচিত্র্যে দানা বাঁধিয়া উঠে তাহাই লঘু সাহিত্য। হালকা হাতের পলকাটা কাজ কিন্তু তাহা হীরার জমির উপর ভাবের ভারী বুটি তুলিয়া কারু করা। মানুষের সুখ-দুঃখ-হাসি-কান্নার যে সত্য জড়-জগৎকে সচল ও সজীব করিয়া রাখিতে পারিয়াছে—লঘু-সাহিত্যের মধ্যে তাহারাই মূল-স্বরের ধ্বনি ‘শোনা’ যাইবে—বাঁচিয়া থাকার মূল রাগিণীটী সে প্রকাশের মধ্যে সাজা দিয়া উঠা চাই। যে বস্তু লইয়া লঘু সাহিত্য তাহা পুরাতন বা শাস্ত্র সত্য হইতে পারে কিন্তু অভিব্যক্তনীয় তাহাকে অভিনব সৃষ্টি বলিয়া দেওয়া চাই। বাংলা লঘু-সাহিত্যে কিন্তু আজকাল তেমন বস্তুর সন্ধান খুবই কম পাওয়া যায়। একই ধরণের গল্প—তাহা হালকা হইতে পারে কিন্তু হাওয়ায় উড়িয়া উঠিয়া নেহাতই হাট্রের মত চকিতে টুটিয়া পড়ে। গড়িয়া বাড়িয়া উঠিয়া গভীর একটা কিছু—গভীর কোনো বাণী—সত্য কোনো সন্ধান—তারা যেন দিয়া যাইতে পারে না।

এ মাসে দেখিলাম বড় বড় কাগজগুলিতে গল্পের ছুঁতুক লাগিয়াছে। এ ছুঁতুক অ-পাওয়ার নয় অ-জ্ঞানার। আমরা নাম করা থানা কাগজের হিসাব লইয়াছি। যথা—প্রবাসী, ভারতবর্ষ, মানসী, বঙ্গবাণী, বসুমতী থানি কাগজে গল্প বাহির হইয়াছে মোট ১৬টা। তার মধ্যে চারটা তর্জনা আর ১২টা মৌলিক। মৌলিক গল্পগুলি সবই যেন কেমন গোড়া আলগা মোগলাই পায়জামার মত ঢিলে ঢালা ভাব—সাকীর কাঁচুলীর মত আঁট সাঁট নিরেট নিটোল নয়। বৈরাটোর প্রশ্নই তো করি না। প্রবাসীতে শ্রীযুক্তা শাস্তা দেবী পথের দেখার—Premise বেশ লইয়াছেন—থিসিন্টি বেশ। Deductionএ আবশ্যিক সিদ্ধান্তও নিভুল হইয়াছে। ছোট গল্পের চমৎকার বস্তু,—রেল স্টেশনে মিনিট কতক আলাপ সালাপ জীবনের ছোট গোট কত মুহূর্তের দশ বারটা কথা। কিন্তু বরাবর অংশটা যেন কেন সমানে জমিয়া উঠে নাই—সে কি রেল নাকে মুখে গাঁজা তাড়াতাড়ি বলিয়া? না—মেয়েটীতো বেঞ্চের উপর বেশ কায়েমী রকমই বসিয়া গিয়াছিলেন। তবে ক্রটি ঘটিয়াছে বোধহয় ফরমাসি তৈরি বলিয়া। ফরমাস দিয়া খাসা দৈ মেলে অর্থাৎ সন্দেশ পাওয়া যায়—পিছনে বোতাম আঁটা মনের মত কাটের ঢিলে কিট করা ব্লাউজ কি চুড়িদার পাঞ্জাবী হয়ত তৈরি হয়। কিন্তু ফরমাসে ছোট গল্পও গড়ে না—ফরমাসি ভালবাসাও জমে না। এ ছুটোর মধ্যেই

জ্ঞান কেমন মুষড়িয়া পড়ে। নারিকাতীকে শাস্তা দেবী ইচ্ছা মতন পাশ দেওয়াইয়া লইয়াছেন— তাহা অসম্ভব না হইতে পারে কিন্তু খানিকটা অস্বাভাবিক। রেলের উঠিয়া “শারীর স্থান” বা “অ্যানাটোমীর” নোট মিলাইতে মিলাইতে চলিলেন—ওটা “প্যাথোলজী” বা অমনি আর কিছু লিখিলে কোনো শ্রেণীর পাঠকের মনেই—ঘা মারিবার মতন বেহুদ হইতে পারিত না। “নিশান” স্বর্গীয় জ্যোতিরিন্দ্র নাথের “পোস্‌মাস” লেখা। বিখ্যাত রুশীয় লেখক “গাশ্‌ট”-এর অনুবাদ—চমৎকার। ভাবার—যাহ খেলিয়া হয় তো যায় নাই—কিন্তু গল্পে আর ভাবে—অপূর্ণ ; রক্তে রাঙানো নিশানখানা। ধনী প্রভুর অন্যায় অবিচারে বিদ্রোহী বন্ধুর পাপের কালি ধুইয়া ফেলিবার জন্ত দীন-মজুরের বুক ছেঁচা সে খুব—যেমন টাটকা, তেমনি লাগ, তেমনি উষ্ণ। একটা অবহেলিত জীবনের—পুরাপুরি ট্র্যাঞ্জিডী কিন্তু উদার, মহান্ মহিমময়—আবার সেই বিদ্রোহীর অপরাধ স্বীকারের মধ্যে—সমাপ্তিটী কী গরীয়ান। গাশ্‌ট-এ ছিলেন—নয়া রুশীয়ের তরুণ শিল্পী। উনবিংশ শতাব্দীর শেষভাগে রুশীয় সাহিত্যের শ্রেষ্ঠস্থানে আমরা দেখিতে পাই—লিওনিদ্‌ অ’াদ্রিভকে। কিন্তু তাঁহার—এ মর্যাদা লাভের প্রচুর সুযোগ আনিয়া দিয়াছিল—গাশ্‌ট-এর লেখা। বাঁচিয়া থাকিলে—টলষ্টয়ের তরুণ স্থান গাশ্‌ট-এই দাবী করিয়া লইয়া দখল করিতেন—নিঃসন্দেহ। সমাজদার সাহিত্য—পণ্ডিতেরা বলিতেছেন—“Garshin was an unquestionable genius”—অর্থাৎ গাশ্‌ট-এর প্রতিভার প্রশ্ন করা চলে না। কিন্তু তরুণ দিনের অরুণিমা তাঁর চোখে মুখে কাঁচা থাকিতেই অ’ালে “That brilliant Garshin died insane in 1888”—উন্মাদ রোগে ১৮৮৮ খৃষ্টাব্দে সে উজ্জ্বল জ্যোতিষ্ক খসিয়া পড়ে। ছয়ানী ইংরাজীর (আইরিস) তর্জনা—বাঙলা ছাঁচে ঢালিয়ার কি দরকার ছিল? ভারতবর্ষের “শিকারে”—তেমন কিছু বিশেষত্ব নাই বরং “রক্তের টানে” লেখার ভঙ্গীতে মুসীমানা আছে। বসুমতীর সরোজবাবুর “কোন্ পথ”—একেবারে ক্রটি বিহীন বলিতে পারি না। কিন্তু গল্পটা আমাদের বেশ লাগিয়াছে। বঙ্গবাণীর সাগরিক ও নাগরিক শ্রীযুক্ত নরেশ সেনের এ বয়সের খামখেয়ালী। তার মোটামুটি কথা—

“জগতে দরিদ্র-রূপে ফিরি দয়া করে

গৃহহীনে গৃহ দিলে আমি থাকি ঘরে।”

অত কথা বলিয়া এইটুকু প্রমাণ করিবার কোনো দরকার ছিল না। “আলোকের বরণা ধারায়” মন্দ নয়।

মানসীর “সতী”—মেমের মেয়ে। সতীর দেশেও বার্থার ট্রাজিডীটা করণ লাগিবে।—কিন্তু “কুমুদেব বঙ্গুর” মতন নয়। সে-ই খাটি ট্রাজিডী—প্রাণ হারাইয়া ট্রাজিডী নয়—প্রাণ রাখিয়া ট্রাজিডি।

মাতৃমন্দিরে—এ মাসে রুশীয়ার রাণী—পিটার দি গ্রেটের পত্নী ক্যাথারিণার জীবনের প্রথম অধ্যায়টা গল্পের আকারে দেওয়া হইয়াছে। স্নেহলী কলনের হইলেও লেখাটা অতিরিক্ত রকম পুরুখালি। বঙ্কিমচন্দ্রের বঙ্গদর্শনের সমসাময়িক “সুরভী” পত্রিকায় বহু পূর্বে এ আখ্যায়িকাটা বাহির হইয়াছিল। বাঙ্গলায় ক্যাথারিণার জীবন-কাহিনী বোধহয় সেই লেখকই প্রথম শুনাইয়াছিলেন। অন্য ছোট গল্পের কথা বিশেষ কিছু বলিবার নাই। প্রত্যাবৃত্ত উপন্যাস চলিতেছে ভালই।

উপন্যাস—এ মাসে প্রবাসীতে “নষ্টচন্দ্র” উপন্যাস আর ভারতবর্ষে ৬জ্যোতিরিন্দ্রনাথের “ওর মধ্যে পাগল কে” অনুবাদ বড় গল্প আরম্ভ হইল। আর কথানারই “পুরোগো” পড়েনের উপর টানা ‘বোনা’ চলিয়াছে। “নষ্টচন্দ্র” শ্রীযুক্ত চারু বন্দ্যোপাধ্যায়ের। প্লটটা পূজনীয় রবীন্দ্রনাথ দিয়াছেন। আরম্ভটা মন্দ হয় নাই। ছই ভাই দেখিয়া “হল্‌কেন” মনে পড়ে। আরও খানিকটা দেখিয়া বলিতে পারিব—কেমন। সৌরীনবাবুর “পিয়ারী” বেশ জমিয়া উঠিতেছে।

মামুলী নিয়মের মাসিকের বাধি-গৎ নানা-বিষয়িনী প্রবন্ধমালা এ মাসেও বাহির হইয়াছে। দর্শনের উপর ছইটা প্রবন্ধ উল্লেখযোগ্য। প্রথম মুন্সীগঞ্জে বঙ্গীয় সাহিত্য-সম্মিলনের দর্শনভাগের সভাপতি পণ্ডিত শ্রীযুক্ত বিধুশেখর শাস্ত্রীর অভিভাষণ—ভারতীয় দর্শনের মূল ধারা প্রবাহ। প্রবন্ধটা প্রবাসীতে বাহির হইয়াছে। দ্বিতীয়টা ভারতবর্ষে অধ্যাপক প্রমথনাথ মুখোপাধ্যায়ের বেদ ও বিজ্ঞান। প্রমথ বাবু “অদিতি”র কথায় বেদের হেঁয়ালী তুলিয়া ব্যাখ্যা করিয়া বলিতেছেন—অদিতির রহস্য বৃষ্টিতে Physicsএ কুলায় নাই Meta-physicsএ উঠিতে হইয়াছে। জগতের গোড়ার কথা হাছা চৈতন্য—“সর্বব্যাপী চিৎ পদার্থ” তাহাই ultimate Reality সুতরাং প্রমথবাবু ঠিকই বলিয়াছেন—তাহাকে বৃষ্টিতে Physicsএ কুলায় না—Meta-physicsএ

উঠিতে হয়। প্রবন্ধটা মোটের উপরে ভাল। কিন্তু আর একটু বিস্তৃত ও সরল হওয়া দরকার ছিল। পশ্চিম বিধুশেখরও এই কথা প্রমাণ করিবার জন্যই ঋগ্বেদের (১০, ৩, ৮) স্তম্ভ তুলিয়া বলিতেছেন—“এইখানে সৃষ্টির চিন্তার সঙ্গে সৃষ্টিকর্তার চিন্তা উদ্ভিত হইল। তাঁহারা দেখিলেন দু্যলোক, ভূলোকের সৃষ্টি পর্যন্তই নয়—তাহার পর আরো আছে—যিনি ইহাদিগকে সৃষ্টি করিয়া ধারণ করিতেছেন।” এ প্রবন্ধে প্রবীণ শাস্ত্রী মহাশয় মনীষার উন্মেষ শুধু নয় জ্ঞানতত্ত্বের ক্রম-বিকাশ বা Evolutionটা স্পষ্ট করিয়া দেখা যাইতেছে। গোড়া হইতে বিচার করিয়া বিভিন্ন জ্ঞানী-দিগের বাণী দ্বারা—পরমসত্য সে পরমার্থের সত্য ও অস্তিত্ব যে আছেই বেশ জোর করিয়া তাহা বলিয়াছেন। অতি সারবান ও পাণ্ডিত্যপূর্ণ প্রবন্ধ। সাহিত্য সম্বন্ধে দর্শন শাখার পড়িবার যোগ্যতা ইহার আছে। ভারতবর্ষের এবার গতির চাক্ষুশ কিছু বেশী দেখা গেল। যে কয়টা প্রবন্ধ তার সব কয়টাই প্রায় ভ্রমণবৃত্তান্ত। একটা ইতিকথার কপোতবৃত্তি শ্রীযুক্ত নরেন্দ্র দেবের অস্তিত্ব। ইহার খানিকটা ইতিহাস বাকীটুকু পথ চলার ছয় আভাস। তবু লেখাটায় জানিবার কথা আছে। “সতীত্ব মনুষ্যত্বের সঙ্কোচক না প্রসারক” লইয়া বড় বেশী কান্ডবন্দী ঘাটা চলিয়াছে। ও-বালাই লইয়া অত টানাটানি কেন—বাচ্চা “বিলাই”এর মত বস্তাবন্দী করিয়া একেবারে খেয়াঘাটে বিসর্জন দেওয়াই ভাল। পথ চিনিয়া আর বাড়ী ফিরিতে পারিবেনা।” নারী-প্রসঙ্গে ইসলাম মুহম্মদ আবদুল্লাহের এ প্রবন্ধটা প্রত্যেক হিন্দুর শুধু নয় — প্রত্যেক মুসলমানেরও পড়া উচিত। প্রবাসীতে এমাসে কল-কারখানা, ডাক্তারী হকিমী, ধর্ম, রাজনীতি, সাহিত্য রূপরেখা, স্মৃতি হৃদিস সব রকমের প্রবন্ধই ছাপা হইয়াছে। পঞ্চশতের মাঠে হঠাৎ অজন্মা দেখিলাম। আরও ছ’ এক মাস দেখিয়া বলিতে পারিব এ আগাছার জড় কায়েমীই মরিল কি না। কষ্টি পাথরটা চৎকার—ইহাতে সোণা শুধু নয় বোধ হয় হীরাও কষা যায়। কারখানা বাদী ও স্বাচ্ছন্দ্য বাদী—অর্থনীতি সংক্রান্ত প্রবন্ধ। ‘মহত্তর ভারত’ মণীষী রামানন্দ বাবুর প্রবন্ধ—উৎকৃষ্ট। বাঙ্গালী মহিলার পৃথিবী ভ্রমণ খুব ভাল লাগিল কিন্তু বড় ছোট। পূজনীয় আচার্য্য জায়া—চুষকে নয়—বেশ বিস্তৃত করিয়া বিশ্বের শ্রেষ্ঠ বৈজ্ঞানিক সমাজের গল্প আমাদের আরও কিছু শুনাইবেন বলিয়া শুধু আশা নয়—দাবী করি। মনের রোগ—ডাক্তারী কথা—ছুঁৎমার্গ স্তরাং তাহা পরিত্যজ্য। রবীন্দ্রনাথের পশ্চিম যাত্রীর ডায়েরী। যিনি লিখিয়াছেন—তিনি যে বরণ্য তাহা না বলিলেও চলে তবে ষাঁহারা ছাপিয়াছেন আর ষাঁহারা পড়িতেছেন তাঁহারা ধন্য—একথা বলিতেই হইবে।

আমরা একটু উদ্ধৃত করিলাম :—

“বিশ্বের মধ্যে একটা দিক আছে যেটা তার স্থাবর বস্তুর অর্থাৎ বিষয় সম্পত্তির দিক নয় ; যেটা তার চলচ্চিত্রের নিত্য প্রকাশের দিক । যেখানে আলো, ছায়া, সুর যেখানে নিত্য-গীত, বর্ণ-গন্ধ, যেখানে আভাস-ইঙ্গিত । যেখানে বিশ্ব বাউলের এক তারার ঝঙ্কার পথের বাক্যে ঝাঁকে বেজে বেজে ওঠে, যেখানে সেই বৈরাগীর উত্তরীয়ের গেকুয়া রঙ্ বাতাসে বাতাসে ঢেউ খেলিয়ে উড়ে যায় । মানুষের ভিতরকার বৈরাগীও আপন কাব্য, গানে, ছবিতে তারি জবাব দিতে দিতে পথে চলে, তেমনি তারাই গানের নাচের রূপের রসের ভঙ্গীতে বিষয়ী লোক আপন খাতাখিখানায় ব’সে যখন তা শোনে তখন অবাক হ’য়ে জিজ্ঞাসা করে বিষয়টা কী ? এতে কি আছে—এতে কী প্রমাণ করে ?” নিজের মনটা যখন বৈরাগী হয় নি তখন বিশ্ব-বৈরাগীর বাণী কোনো কাজে লাগে না ।”

“আনমনা গো আনমনা,
তোমার কাছে আমার বাণীর
মালাখানি আনবো না ।”

ভারতবর্ষে শ্রীযুক্ত বিনয়কুমার সরকারের “খৃষ্টান তীর্থরাজ্য পাদোহ্বা” উপভোগ্য ভ্রমণেতিহাস । ইহা কেবল যাত্রাপথের গড্ডালিকা কথা নয়—জ্ঞাতব্য হিসাবে বহু তথ্যের সন্ধান পাওয়া যায় । পাদোহ্বা ইতালী দেশের একটা পুণ্য স্থান । অবশ্য ইহা হিন্দু মতের কাশী বা মুসলমান মতে হজের মত তীর্থ নয় ;—খৃষ্টানি মতে—বাবা তারকনাথ কি বৈদ্যানাথ ! খানিকটা উদ্ধৃত করিলে কথাটা ভালরকম বুঝা যাইবে ।

“..... খৃষ্টানদের দেবালয়গুলো আমাদের মঠ-মন্দিরের মতই উপাসকদের ভক্তির চিহ্ন-স্বরূপ বহুবিধ ‘কাঞ্চনমূল্যঃ’ পাইয়া থাকে ।

মঙ্গল-কামনা করিবার জন্য ক্যাথলিক নরনারীরা আন্তোনিয়াকে পূজা করে । আন্তো-নিয়োর নামে ‘মানত’ করা—আন্তোনিয়োর মন্দিরে তীর্থযাত্রা করিতে আসা—সেই পূজারই অন্তর্গত । জার্মানদের গৃহিণীপণা সম্বন্ধে বিনয় বাবু বলিতেছেন:—

“জাম্বাণদের রান্নাঘরে প্রবেশ করিলে আগন্তুক মাত্রেয় আনন্দ হয় । দেখা যায় ছুন, চিনি, দি চর্বি, মসলা আটা, তরকারী ইত্যাদি প্রত্যেক জিনিষ যথাস্থানে রক্ষিত হইতেছে । ভাঁড়ের গায় ছাপার অক্ষরে প্রত্যেক জিনিষের নাম লেখা থাকে ।

“প্রত্যেক পরিবারের গিন্নিই অতিগিকে নিজ রান্না ঘরটা দেখানো এক চরম গৌরব ও গর্বের বিষয় বিবেচনা করিয়া থাকে । অত উচ্চশিক্ষিতা নারীও হেঁসেল-ঘরের রাণীরূপে নিজের কৃতীত্ব জাহির করিতে লজ্জা বোধ করে না ।”

“গিন্নিদের বিদ্যালয় জাম্বাণীতে, অষ্টমীর বিশেষ ইজ্জদজনক প্রতিষ্ঠান । এই সকল প্রতিষ্ঠানে বড়ঘরের মেয়েরাও হাতেকলমে গিন্নি হইতে শিখে ।”

মাতৃমন্দিরের “বিদ্যাঙ্গর জননী ভগবতী দেবী” প্রবন্ধে পুণ্যময়ীর জীবনের অনেক কথা লেখা হইয়াছে । সুন্দর । আমরা একটা তুলিয়া দিলাম ।

ভগবতী দেবী অনেক সময়ে তাহাদিগকে (মাতুলালয়ের নিকটস্থ দুঃস্থ পরিবারের লোকদিগকে) আহাৰ্য্য দিয়া সাহায্য করিতেন । ইহাতে ভ্রাতা ও ভ্রাতার পরিবারের অন্যান্য সকলে রাগ করিতে পারেন মনে করিয়া ভ্রাতার মাতা ভ্রাতাকে এক দিন বলিলেন “আপরের বাড়ী থাকিয়া একরূপ করা ভাল নয় তোমার মাতা রাগ করিতে পারেন” । ভগবতী দেবী তাহাতে উত্তর করিলেন “যদি তিনি কিছু বলেন তাহা হইলে ভ্রাতাকে একটা চরকা তৈয়ারী করাইয়া দিতে বলিব । চরকায় সূতা কাটিয়া বাহা পাইব তাহা দিয়া এই দুঃখীদের আহাৰ্য্য কিনিয়া দিব ।”

“বর্তমান রুশ সাহিত্য” — শ্রীযুক্ত বুদ্ধদেব বাবুর লেখা উনিশ শতাব্দীর শেষ হইতে আরম্ভ করিয়া বিশ শতাব্দীর প্রথম পর্য্যন্ত রুশীয় লেখকদের অতি চূড়ান্ত পরিচয় । কথাগুলির মধ্যে বুদ্ধদেব বাবুর নিজস্ব খুব কমই আছে । “কুকুপাটকিনের” “রুশ সাহিত্য” এবং “ফেলপ্সের” রুশীয় ঔপন্যাসিকদের উপরলিখিত রচনাবলীতে” (Essays on Russian Novelists) এ কথাগুলি সবই প্রায় বলা হইয়াছে । গার্স'র কথা ইহারাও উল্লেখ করিয়াছেন মাত্র । বুদ্ধদেব বাবুতো শুধু নামটা লিখিয়াই থালাস ।


ম্যাকিসম গোরকী শক্তিশালী লেখক। তাঁহার প্রতিভা খেলিয়াছে ছোট গল্প রচনায়। বড় উপন্যাসের বেলা গোরকীর ছোট গল্পের ওস্তাদি হাতও যেন অচল। সবগুলি উপন্যাসই তাঁর বিরাট সৃষ্টির বার্থ চেষ্টা। তাঁহার নাটকের মধ্যে ও লীলা শৃঙ্খলার সূত্র বাঁধন বড় শিথিল। (Lower Depths) ও এ ক্রটি এড়াইতে পারেনাই সমালোচকরা গোরকীর কথা বলিতেছেন—কাল বৈশাখীর প্রচণ্ড ঝড়ের মতন গোরকীর প্রতিভা যেন বিশ্বকে কেবল ভাস্কিয়া চুরিয়া চলিতে চায়। বুদ্ধদেব বাবু প্রবন্ধের আরম্ভে ইউরোপীয় সাহিত্যের কথা—সজ্জিগু একটু মুখবন্ধ করিয়াছেন। মেটারলিঙ্কের স্লু বার্ড একখানি সিম্বলিক নাটক ঠিক মরমী কিন্তু নয়। আমাদের মতে পেলিয়াস ও মেলিসাণ্ডা মেটারলিঙ্কের শ্রেষ্ঠ রচনা—তাঁহার মধ্যেই মেটারলিঙ্কের নিজস্ব মরমী নীতিটার সন্ধান পূরাপূরি পাওয়া যায়। বেশী করিয়া বলিবার স্থানান্তাব। বুদ্ধদেব বাবু আর একটা ভুল করিয়াছেন। জোয়ান বোয়ের নোবেল প্রাইজ পান নাই। রুট হামসুনের সমসাময়িক কথাসাহিত্যিক হইলেও তাঁহার সহিত জন বোয়ের নামোল্লেখ করা হয় না। বোয়ের আসিতেছেন পরে। ইবসেন, বোয়ান'স, লাই এবং কিলান্ডের মৃত্যুতে নরওয়ে সাহিত্যের একটা যুগ শেষ হইয়া যায়। হামসুন হইতে তাঁহার পরের যুগ আরম্ভ—কথাকথক বলিয়া তাঁহার সহিত নামোল্লেখ করিতে হইবে—হামসুই কিঙ্কর। বিস্তারিত পরে বলিবার ইচ্ছা থাকিল। বহুদূরতীতে আচার্য্য প্রমুখচন্দ্রের বঙ্গভাষার ইতি-কথায় প্রমাণ করিতেছে—আচার্য্য শুধু রাসায়নিক বা চরকা-ঋত্বিক নন—সাহিত্য-ঐতিহাসিকও বটেন। শরৎচন্দ্রের অভিভাষণ সাহিত্যে স্বাস্থ্যরক্ষকদিগের পড়া উচিত।


“চক্রবর্তী”

গ্রন্থ-পরিচয়।

সংস্কৃত—শ্রীযুক্ত নৃপেন্দ্রকুমার বসু প্রণীত ও ১০২৩ বেলঘাটা মেন রোড, কলিকাতা হইতে গ্রন্থকার কর্তৃক প্রকাশিত। ২০৬ পৃষ্ঠা কাগজ ও ছাপা ভাল। মূল্য ১ টাকা মাত্র।

সখের সয়তানী, সখের গোয়েন্দা-কাহিনী,—তার উপর আবার যুবক-যুবতীর প্রেমের আমেজে জলস,—চিত্তাকর্ষক। হুগী বমজ ভাই, দেখিতে ভাবভঙ্গীতে ঠিক একই রকম, একই যুবতীর জন্য পাগল,—গোলকধাঁধা,—প্রেমিকারও সঙ্গে বুঝা দায়—কে আসল কে নকল—কে প্রেমিক কে পিশাচ! প্রতিঘন্থী পিশাচ—ব্রাতৃহত্যা করিতে নিজেই নিজের বাণে হত হইয়াছিল। আপন চুকিলেও সমস্ত ঘুচে নাই, অনেক কাণ্ডকারখানার পর রহস্তের সমাধান। পরিণামে নারকনারিকার পরিণয়—মিলন! সখের কথা! সমস্ত কাটাইবার মত রইখানা বেশ। এ শ্রেণীর উপন্যাসের চরিত্র সমালোচনা নিম্নয়োজন।





পরিচায়িকা

(নব পর্ষ্যায়)

‘তে প্রাপ্নুবন্তি মামেব সর্বভূতহিতে রতাঃ।’

৯ম বর্ষ।

অ.ষাঢ়, ১৩৩২ সাল।

৩য় সংখ্যা।

বাণীর উদ্বোধন

-:~:-

বাণীর চরণে অঞ্জলি প্রদান করিতে আজ আমরা সকলে উপস্থিত হইরাছি। তিনি আমাদের প্রতি প্রসন্ন হউন এবং আমাদের এই দীন-জনোচিত অর্চনা সার্থক করুন।

বাণীর চরণ প্রাপ্তে উপস্থিত হইয়া আজ বিশেষ করিয়া মনে পড়িতেছে সেই পশ্চিম দেশীয় গৃহিত কবি কিপ্লিংএর কথা। কিপ্লিং বলিয়াছেন The East is East and the West is West. এ কথা যে ব্রাহ্ম তাহা রবীন্দ্রনাথ প্রভৃতি সকলেই দেখাইয়াছেন; কিন্তু তাই বলিয়া উহার সবটুকুই ব্রাহ্ম বলিয়া ধরা অগ্রায়। ধর্মের মন্দিরে, পূজা-অর্চনার প্রাচ্যের, বিশেষতঃ ভারতবর্ষীয়দের যে একটা বৈশিষ্ট আছে তাহা অস্বীকার করিবার উপায় নাই। মন্দির প্রাপ্তে কিম্বা কোন দেব-দেবীর চরণ প্রাপ্তে উপস্থিত হইলে হিন্দুর প্রাণের এক অজানা প্রদেশে এক নূতন অস্পষ্ট প্রেরণা আগিয়া উঠে আর হৃদয়ে অল্পভূত হয় এক নূতন আনন্দ। ইহা

নিছক কল্পনা বলিয়া পাশ্চাত্য পণ্ডিতগণ উড়াইয়া দিতে পারেন, কিন্তু হিন্দু তাহা অবহেলা করিতে পারে না। এই ধর্মের দিকটা ফরাসী পণ্ডিত পিয়ারী লোটী বুঝিয়াছিলেন এবং বুঝিয়া বিষয়ে ও আনন্দে অভিভূত হইয়াছিলেন। পবিত্র বারাণসীর নদীতীরে উপস্থিত হইয়া পিয়ারী লোটী দেখিলেন হাজার হাজার নরনারী গঙ্গা-স্নানে পবিত্র দেহ হইয়া গভীর বিশ্বাস ও একাগ্রতার সন্তিত ভগবানের বন্দনা করিতেছে। সেই দিন হইতে পিয়ারী লোটীর মনে ধর্ম ও ঈশ্বরের বিশ্বাস গভীর ভাবে অঙ্কিত হইল।

কিন্তু অনেক পণ্ডিতের মুখে শুনিতে পাওয়া যায় ধর্ম ও পূজা একেবারে বাজে জিনিষ। কেবল তাহাই নয়, ইহারা আনানের পূর্বের বোঝা হইয়া, হস্তপদের বন্ধা হইয়া, প্রাচীনের সহিত আবর্জনার সহিত আমাদিগকে বাঁধিয়া রাখিয়াছে। ইহারা আমাদিগকে “Loaded with all the shackles of rite, ceremonial, sacred metus etc” বলিয়া উপহাস করেন তাঁহারাও যে গর্ব ও অজ্ঞতার বন্ধনে পড়িয়া ভ্রান্ত দৃষ্টি লাভ করিয়াছেন তাহাতে আর সন্দেহ নাই। এই সকল পূজা অর্চনার মধ্যে একটি নিষ্ঠা, পবিত্রতা, সংযম ও ভক্তির ভাব আছে তাহা অল্প কোন প্রকার উপাসনার মধ্যে পাওয়া যায় না। বিশুষ্কট বলিয়াছেন—“Blessed are the pure in heart for they shall see God. Blessed are they which hunger and thirst after righteousness for they shall be fulfilled.” এই যে অন্তঃকরণের পবিত্রতার কথা বলা হইল, এই যে পবিত্রতার জগৎ একটা প্রবল আকাঙ্ক্ষার কথা বলা হইল ইহা কি আমরা আমাদের পূজা অর্চনায় দেখিতে পাই না? ঈশ্বরানুভূতি বা ভগবৎ প্রেমই যদি ধর্ম হয় তাহা হইলে আমাদের পূজা অর্চনাকে ধর্ম বলিলে বিশেষ অগ্রাণ্য হয় না, কারণ পূজা অর্চনা ঈশ্বরানুভূতি ও ভগবৎ প্রেমের সহিত বিশেষ ভাবে সংশ্লিষ্ট। কিন্তু তাই বলিয়া আমরা যদি ধর্মের নামে প্রতারণা করিতে বসি, কিম্বা ধর্মের নামে আমরা বাহা করি তাহার মধ্যে যদি সত্যং শিবং সুন্দরম্ এই ত্রিনত্যের যুক্তি দেখিতে না পাই তাহা হইলে সে প্রতারণাকে সে কার্যকে ধর্ম বলা নিতান্ত অগ্রাণ্য ও অনিষ্টকর। আজ আমরা এখানে যে অর্চনা করিতে সমবেত হইয়াছি তাহাতে যদি আমাদের প্রাণের যোগ না থাকে, শুধু তামাসা দেখিবার নিমিত্তই যদি আমরা সমবেত হইয়া থাকি তাহা হইলে শতবার বলিব এ অর্চনা অর্চনা নয়, ইহা একটা বিরাট আত্মপ্রতারণা—ধর্ম নামের একেবারেই অযোগ্য।

যাহারা হিন্দুধর্ম ভাল করিয়া বুঝেন না বা বুঝিতে চেষ্টা করেন না তাঁহারা যে কোন পূজা দেখিয়া বলিবেন—কৈ তোমরা ত পূজা করিলে না, শুধু নাচিয়া গাহিয়া তামাসা দেখিয়া গলাবাজী করিয়া মিষ্টি মুখ করিয়া চলিয়া গেলে। পূজা যা' তা'ও করিল তোমাদের ঐ মৌন পুরোহিত— তোমাদের Agent বা প্রতিভূ। আইন আদালতে উকিল মোক্তারের যথেষ্ট প্রয়োজন আছে সত্য কিন্তু তাই বলিয়া ধর্মের মন্দিরে উকিল মোক্তার লইয়া আসা—এ বোর কলির কাজ!

এইরূপ কথা শুনিয়া বাস্তবিকই মনে হয় হয়ত আমরা বাল্যকাল হইতে আজ পর্যন্ত খেলা করিয়া তামাসা দেখিয়া নিজেকে প্রতারণা করিয়াই আসিয়াছি। কিন্তু ভাল করিয়া তলাইয়া দেখিলে বুঝা যায় আমরা যথার্থই ধর্মের পথে চলিয়াছি, অধর্ম বা প্রতারণার পথে চলি নাই। বৈদিক যুগে বৈদিকছন্দে বৈদিকমন্ত্রে দেবদেবীকে আহ্বান করিয়া পূজার্চনা করিবার বিধি ছিল। এখনও আছে। তেমনই অবোধ্য আরবী ভাষায় নমাজ করিবার বিধি আছে। কিন্তু বৈদিক ভাষা বা আরবী ভাষা হিন্দু মুসলমান কয়জন ভাল করিয়া বুঝিতে পারেন এবং কয়জনে উহা দ্বারা সরল ভাবে নিজের মনের ভাব ব্যক্ত করিতে পারেন? প্রাচীন কালে যাহারা পূজা করিতে সমবেত হইতেন তাঁহারা সকলেই বোধ্য ভাষায় ভগবানের জয়গান করিতেন। সেই প্রাচীনের উপর নির্ভর করিয়া বর্তমান দাঁড়াইয়া আছে। সেই প্রাচীনের কথা বর্তমান এখনও বুকে করিয়া বসিয়া আছে। প্রাচীনকে ছাড়িয়া বর্তমান টিকিতে পারে না। এই প্রাচীনের সহিত বর্তমানের যে টান এই যে একটা অবিচ্ছিন্ন ধর্মের ইতিহাস আনাদের অন্তরে বিরাজ করিতেছে তাহার চিহ্নই আমরা দেখিতে পাই আনাদের পূজা অর্চনায়। ঐ যে মৌন পুরোহিত বৈদিক ছন্দে বৈদিক মন্ত্রে ভগবানকে আহ্বান করিয়া আনাদের দৃষ্টি বর্তমান ও ভবিষ্যতের দিক হইতে আকৃষ্ট করিয়া অতীতের দিকে ফিরাইয়া দেন তাহা একটু ভাবিয়া দেখিলেই বুঝিতে পারা যায়। সুতরাং নিঃসন্দেহে বলিতে পারা যায় প্রাচীনকে সম্মান করিবার জন্য, আমরা যে অতীতের নিকট কতখানি ঋণী ও কৃতজ্ঞ তাহাই জানাইবার জন্য আমরা পূজা অর্চনা এইরূপে পুরোহিত দ্বারা করাইয়া থাকি। যে কল্পনা ভগবানের শব্দকে মূর্ত্তিময়ী করিয়া লোকচক্ষুর সন্মুখে ধরিয়াছিল, যে শিল্পি সেই কল্পনাকে পার্থিব বস্তুর আবরণে ঢাকিয়া মনোহর বেশে সাজাইয়া স্থান ও কালের গণ্ডির মধ্যে স্থাপন করিয়াছিলেন আর যে ঋষি সেই কল্পনা ও মূর্ত্তিকে কবি ও শিল্পির আশ্রয় হইতে

সাদরে লইয়া আসিয়া ভক্তের হৃদয়ে ও দেবালয়ে প্রতিষ্ঠা করিয়া বৈদিক সাধনার সহিত সংযুক্ত করিয়া দিয়াছিলেন তাঁহারা সকলেই নমস্য বরণ্য। ইহাদের প্রতি সম্মান দেখাইবার নিমিত্ত হিন্দু এখনও পূজা করিতে মূর্তি গঠন করে আর সেই মূর্তিকে বৈদিক মন্ত্রে পুরোহিত দ্বারা পূজা করে আর নিজে দূরে দাঁড়াইয়া মুগ্ধনেত্রে দেখে কে যেন কোন স্বপ্নলোক হইতে আসিয়া তাহার লক্ষ্মণে উপস্থিত হইয়াছেন। বিশ্বয় ভক্তি ও আনন্দ রসে তাহার মন ভরিয়া উঠে। ভাল করিয়া বুঝিতে পারে না যে দেবতা সে পূজা করিতে উপস্থিত, উহা বাস্তব না অবাস্তব, বর্তমানের না অতীতের।

সাধারণতঃ লোকে বলিয়া থাকে ভাল পুরোহিত, পূজার উৎকৃষ্ট উপকরণ এবং সুন্দর ও যথার্থ মূর্তি হইলেই পূজা অর্চনা সুসম্পন্ন হয়। আর খাওয়া দাওয়া, মিলিয়া মিশিয়া মন্দির প্রাঙ্গণে আনন্দ করা এবং পূজার উপকরণ সংগ্রহ করা ইত্যাদি পূজার ও ধর্মের সহিত তত নিবিড় ভাবে সংশ্লিষ্ট নহে। ইহা অনেকেই সত্য বলিয়া বিশ্বাস করেন এবং এই জন্যই অনেক সময় পূজার প্রধান উদ্যোক্তাকে পুরোহিত বলেন, “আপনি মহাশয় এ ঘরে আসিবেন না, ঠাকুর আছেন।” অর্থাৎ পূজা করিবার অধিকার সে মহাশয় ব্যক্তির নাই, আছে কেবল মাত্র ঐ পুরোহিতের। পুরোহিত যদি মনে রাখিতেন সকলেই ভগবানের সন্তান, চিত্তশুদ্ধিই শুদ্ধি নামের যোগ্য অ্যুর ভগবানে ভক্তিই পূজার প্রধান অঙ্গ তাহা হইলে ভগবানের ভক্তকে অমন করিয়া তিনি তাড়াইয়া দিতে পারিতেন না। পুরোহিতের পূজাই যদি কেবল মাত্র পূজা হইত, ধর্ম হইত, তাহা হইলে জনকতক ব্যক্তি ব্যতীত সনগ্রহ হিন্দু নরনারী পূজা ও ধর্ম শূন্য হইয়া পড়িত। ভগবৎ প্রীতির জন্য যাহারা মিলিয়া মিশিয়া আনন্দ করেন পূজার উপকরণ সংগ্রহ করেন তাঁহারাই মূল পূজারী, তাঁহাদের মানসিক পূজাই প্রকৃত পূজা, পুরোহিতের পূজা নাম মাত্র, উপলক্ষ মাত্র প্রাচীনের প্রতি সংযোগ স্থাপন করিবার নিমিত্ত, প্রাচীনকে সম্মান করিবার নিমিত্ত। ভগবান যদি বাক্যের সাহায্য ব্যতীত মনের ভাব না বুঝিতে পারেন তাহা হইলে তিনি কেবল মাত্র বাক্যবাণীশ মাহুষের ভগবানই হইতেন, জীবজন্তুময় বিশ্বব্রহ্মাণ্ডের ভগবান হইতে তিনি পারিতেন না। সেই সাহস করিয়া বলিতে পারি যাহারা মিলিয়া মিশিয়া আনন্দ করেন, পূজার উপকরণ সংগ্রহ করেন ভগবান তাঁহাদের মনের কথা বেশ ভাল করিয়াই বুঝিতে পারেন এবং তাঁহাদের আন্তরিক পূজা

সদয় হইয়াই গ্রহণ করেন। সুতরাং পূজা আমরা সকলেই করি, পুরোহিতের উপর ভার দিয়া দূরে দাঁড়াইয়া তামাসা দেখি না।

উপরে যাহা বলিলাম তাহা হইতে আপনারা যেন না বুঝেন যে আমি পুরোহিতের নিন্দা করিতেছি বা পুরোহিতদ্বারা পূজা অর্চনা করার নিন্দা করিতেছি। পুরোহিতকে নিন্দা করিতে পারে, অপরের দ্বারা পূজা অর্চনা করা ভ্রান্তিজনক বলিতে পারে এমন ধর্ম এ পর্য্যন্ত প্রচারিত হয় নাই। প্রাচীন বৌদ্ধ ধর্মের কথা আপনারা জানেন। সে ধর্মে গুরু পুরোহিতের বালাই বোধ হয় প্রথমে ছিল না, শুধু সদাচার পালন করিলেই ধার্মিক হওয়া যাইত। কিন্তু দুই দিনের মধ্যেই বৌদ্ধগণকে পুরোহিত স্বীকার করিতে হইয়াছিল। বুদ্ধের শরণ না লইলে ধর্মের শরণ পাওয়া যাইত না। বর্তমানে বৌদ্ধধর্ম যেরূপে আসিয়া পৌঁছিয়াছে তাহাতে পুরোহিতের গ্লরিয়াজন ও আধিপত্য ষোল কলায় বিরাজিত। খৃষ্ট ধর্মেও খৃষ্টের শরণ না লইলে উদ্ধার হইবার বা ধার্মিক হইবার ব্যবস্থা নাই। জগতের লোক পাপী। সেই পাপের সমস্ত ফল ও কর্ম নত মস্তকে বহন করিয়া যিশু নিজের প্রাণ বিসর্জন দিয়াছিলেন। সুতরাং যিশুর শরণ লইলেই পাপ হইতে অব্যাহতি পাইবে। অন্যের সাহায্য ব্যতীত বরাবর ভগবানের নিকট যাওয়া আমাদের মত লোকের পক্ষে একেবারেই অসম্ভব। আধুনিক খৃষ্টীয় সমাজে ধর্মকার্যে পুরোহিতের প্রাধান্য কোঁন অংশে কন নয়। মধ্য যুগে তাঁহারা এই একরকম দেশের একহ্রস্ব সম্রাট ছিলেন। জন্ম মৃত্যু বিবাহ ইত্যাদিতে পুরোহিত না হইলে খৃষ্টানদেরও চলে না, আমাদেরও চলে না। মুসলমান ধর্মের দিকে দৃষ্টিপাত করিলেও আমরা সেই একই প্রথা দেখিতে পাই। অবোধ্য ভাষার নমাজ পড়িতে হয়, মোল্লার দ্বারা আজান দিতে হয়, জন্ম মৃত্যু বিবাহ ইত্যাদিতে মোল্লা দ্বারা কোরাণ পড়াইতে হয়, মহম্মদকে খোদাতাল্লার প্রধান পুরোহিত বলিয়া স্বীকার করিতে হয়। মুসলমান ধর্মের সর্বপ্রধান বিশেষত্ব এই যে ইহাতে সকলকেই ব্যক্তিগত হিসাবে, প্রকাশ্য ভাবে উপাসনা করিতে দেওয়া হইয়াছে। কিন্তু বড়ই দুঃখের বিষয় এ অধিকার একহাতে প্রদান করিয়া অন্য হাতে কড়িয়া লওয়া হইয়াছে। আপনারা জানেন অধিকাংশ মুসলমান আরবী ভাষা জানেন না, অথচ সেই ভাষার নমাজ না পড়িলে তাহাদের উপাসনা ভগবানের নিকট ও মহম্মদের নিকট পৌঁছিতে না হইয়াই ধারণা। আপনারা ইহাও জানেন যে মুসলমানদিগকে খলিকা স্বীকার করিতে হয় অর্থাৎ খৃষ্টানদের পোপের মত একজন ভগবানের প্রধান পুরোহিত স্বীকার করিতে

হয়, সুতরাং এই বিজ্ঞানের যুগে এখনও এমন ধর্ম প্রচারিত হয় নাই যাহাতে পুরোহিত প্রথা নাই বা অপরের সাহায্যে ভগবানের দ্বারে পৌঁছিবার নিয়ম নাই।

এই রকম পূজা অর্চনা করিয়া এবং পূজার প্রধান অঙ্গকে হীন অঙ্গ বিবেচনা করিয়া আমাদের ধারণা বন্ধমূল হইয়া গিয়াছে যে শাস্ত্রেই ধর্ম। এ ধারণা যে কেবল আমাদেরই আছে তাহা নহে—ইহা পৃথিবীর সনস্ত জাতির মধ্যেই বিরাজিত। কোনও হিন্দুকে যদি জিজ্ঞাসা করেন তোমার ধর্ম কি, সে বলিবে বেদ উপনিষদ গীতা ইত্যাদি শাস্ত্র। কোন মুসলমানকে যদি জিজ্ঞাসা করা যায় তোমার ধর্ম কি সে বলিবে কোরাণ ইত্যাদি। তেমনই খৃষ্টানকে তাহার ধর্মের কথা জিজ্ঞাসা করিলে সে বাইবেল দেখাইয়া দিবে। কিন্তু প্রাচীন কালের খানকয়েক পুঁথি এবং তদানুমানিক আচরণ বর্তমান যুগের বিভিন্ন সম্প্রদায়ের বাস্তবিকই ধর্ম কি না সে বিষয়ে সন্দেহ করিবার যথেষ্ট হেতু আছে। অগ্র হিন্দুকে যে শাস্ত্র বিধাস করিতে হয়, আর মুসলমান খৃষ্টানকে যে তাহাদের কোরাণ বাইবেল মানিয়া চলিতে হয় সে বিষয়ে সন্দেহ না করাই ভাল। তথাপি প্রশ্ন উঠে এই মানিয়া চলাটাই বর্তমান মানুষের ধর্ম কি না ?

ধর্ম বলিতে আমরা বাহাই বুঝি না কেন আমাদের মানিতেই হইবে যে ধর্ম জিনিষটা প্রাচীনতম যুগ হইতে চলিয়া আসিলেও অশোক প্রভৃতি বড় বড় রাজা মহারাজার সাম্রাজ্যের মত নিবিয়া যায় নাই। ধর্ম তাহার প্রাণ লইয়া বেশ টিকিয়া আছে। সহজ কথায় ধর্ম একটা living অর্থাৎ জীবন্ত বস্তু। কিন্তু আমরা জানি জীবন মাত্রই পরিবর্তনশীল। জীবিত যে সে চলিবেই—হয় সে উন্নতির দিকে অগ্রসর হইবে নয় সে অবনতির দিকে গড়াইয়া যাইবে, এক যন্ত্রণায় সে কখনও স্থির হইয়া দাঁড়াইয়া থাকিবে না। ইহা হইতে সহজেই অনুমেয় বর্তমান যুগধর্ম কেবল মাত্র অতীতের ধর্ম গ্রহ, আচার অনুষ্ঠান দ্বারা ব্যাখ্যা করিতে পারা যায় না। তবে ইহা সত্য যে ঐ সকল গ্রহ ধর্মের ইতিহাসের পক্ষে অর্থাৎ History of Religion এর পক্ষে বড়ই মূল্যবান। আরও একটা কথা এই সঙ্গে উল্লেখ করা ভাল। বর্তমান মানবধর্ম যে প্রাচীন শাস্ত্রের ধর্ম নয় একথা হইতে ইহা বঞ্চিত হইয়া উচিত নয় যে প্রাচীনকে পরিত্যাগ করিয়া বর্তমানকে সম্যক বুঝিতে পারা যায়। প্রাচীন বর্তমান ও ভবিষ্যৎ এমন অচ্ছেদ্য ভাবে বিজড়িত যে একটিকে বাদ দিয়া কোনটি বুঝা যায় না। বর্তমানের গায় যথেষ্ট অতীতের ছাপ লাগান থাকে। অতীত ও ভবিষ্যৎ আছে বলিয়াই বর্তমান। তেমনই আবার বর্তমান আছে বলিয়াই

ভূত ও ভবিষ্যৎ । সুতরাং আনার উদ্দেশ্য ইহা নয় যে প্রাচীন শাস্ত্রের ধার আমরা ধারি না । কিন্তু এই সঙ্গে ইহাও মনে রাখিতে হইবে প্রাচীনকে নির্ভর করিয়া বর্তমান জাগিয়া থাকিলেও বর্তমান ও প্রাচীন এক নয় । উহাদের মধ্যে তারতম্য যেখানে সেখানেই বর্তমানের প্রাণ ও বিশিষ্টতা । ষাঁহারা ধর্মের কথায় প্রাচীন শাস্ত্রকে দেখাইয়া দেন তাঁহারা ধর্মের এই প্রাণ ও বিশিষ্টতার প্রতি যথেষ্ট অবমাননা করেন ; এবং মানুষের ক্রমবিস্তার ও মানব মনের নব নব সৃষ্টি কুশল শক্তির প্রতি অশ্রদ্ধা প্রকাশ করিয়া গতানুগতিকতার বা অনুকরণপ্রিয়তার প্রশ্রয় দিয়া বসেন ।

কিন্তু প্রাচীন শাস্ত্র না জানিলে বর্তমান হিন্দুধর্মের প্রকৃত স্বরূপ বুঝা কঠিন । সেই জন্য প্রত্যেক পূজার প্রাচীন স্বরূপ অবগত হওয়া প্রত্যেক হিন্দুর পক্ষেই কর্তব্য । কিন্তু পূজা পার্বনের সংখ্যা নগণ্য নহে, সুতরাং অল্প সময়ের মধ্যে অনুপযুক্ত সামর্থ লইয়া প্রত্যেক পূজার প্রাচীন তত্ত্ব আলোচনা করা অসম্ভব । সেই জন্য আমি এই প্রবন্ধে কেবল সরস্বতী পূজার প্রাচীন তত্ত্ব নিরূপণ করিবার জন্য কিঞ্চিৎ চেষ্টা করিব ।

আপনারা জানেন হিন্দুর প্রধান দেবতা ব্রহ্মা বিষ্ণু মহেশ্বর অথবা রুদ্র । এই ত্রিমূর্তি ষাঁহারা পৃথক বা isolated বলিয়া ভাবেন তাঁহারা সম্যক বুদ্ধিমতার পরিচয় প্রদান করেন না । জগতের দিকে নিতান্ত অবহেলায় দৃষ্টিপাত করিলে তিনটি চিরন্তন সত্য আমাদের নয়ন পথে পতিত হয় । এই তিনটি সত্য হইল জন্ম বা সৃষ্টি, মৃত্যু বা সংহার এবং ইহাদের মধ্যবর্তী জীবন বা স্থিতি । খৃষ্টের জন্মবার দুই হাজার বৎসর পূর্বে বৈদিক ঋষি এই সত্য আবিষ্কার করিয়াছিলেন এবং লোক চক্ষুর সন্মুখে এই সত্য মনোহর ছন্দে প্রকাশ করিয়াছিলেন । বিশ্ব-রূপের এই তিনটি মূর্তি, দিক বা form দেখিয়া সকলে মুগ্ধ হইয়াছিল এবং চিরকালের জন্য আর্ধ্য গাথার মধ্যে ঐ তিনটি সত্যকে সুপ্রতিষ্ঠিত করিয়া রাখা হইয়াছিল । বিশ্বরূপ বা বিশ্বসত্যের মধ্য দিয়াই বিশ্বেশ্বরের মূর্তি বা স্বরূপ প্রকাশ প্রাপ্ত হয় বা লোকের গোচরীভূত হয় । সুতরাং আর্ধ্য ঋষি যে এই তিন বিশ্ব সত্যকে দেবতা বলিয়া পূজা করিবে তাহাতে আর আশ্চর্য্য হইবার কি আছে । কিন্তু কালক্রমে যখন বৌদ্ধগণের সহিত প্রতিযোগিতায় নামিয়া হিন্দুগণ মূর্তি পূজার প্রচলন করিলেন তখন এই তিনটি সত্যের তিনটি বিভিন্ন মূর্তি গঠন করিতে হিন্দুগণ বাধ্য হইলেন । কিন্তু ইঁহারা যে সেই একই ভগবানের বিভিন্ন দিক তাহা আর্ধ্যগণও জাতিতেন,

মধ্যযুগের হিন্দুগণও জানিতেন, বর্তমানের হিন্দুগণও জানেন—জানেন না কেবল সেই সব পাণ্ডিত্যাভিমাত্রী ব্যক্তি যাহারা হিন্দুধর্মকে এখনও পুতুল পূজা বা বহুদেব পূজা বলিয়া নাক সিটকাইয়া নিন্দা করেন। পূর্ব সংস্কার বা Prejudice হইতে মুক্ত হইয়া যদি হিন্দুধর্ম আলোচনা করা যায় তাহা হইলে বেশ ভাল করিয়াই বুঝিতে পারা যায় যে হিন্দুধর্ম পুতুলপূজাও নয়, বহুদেববাদও নয়, ইহা পূর্ণ একেশ্বরবাদ। ভগবানের শক্তি ব্যতীত হিন্দুর কোন দেবতাই সামান্য একটি কার্যও করিতে পারেন না। আমরা যেমন live, move, and have our being in God তেমনি দেবতার live, move and have their being in God—অর্থাৎ আমরা যেমন ভগবানে প্রতিষ্ঠিত, দেবদানব যক্ষরক্ষ ইত্যাদিও ভগবানের প্রতিষ্ঠিত। যাহারা কেনোপনিষৎ পড়িয়াছেন তাঁহারা জানেন গল্পের মধ্য দিয়া উপনিষৎকার দেখাইয়াছেন ব্রহ্মের শক্তি ব্যতীত অগ্নি, বায়ু ইত্যাদি কোন দেবতাই সামান্য একটি তৃণও দগ্ধ বা উত্তোলন করিতে সমর্থ নহেন অর্থাৎ ভগবান হইতে পৃথক করিয়া দেখিলে সকল দেবতাই শক্তিহীন বা পদার্থশূন্য হইয়া পড়েন।

গীতাতেও শ্রীকৃষ্ণ অর্জুনকে এই কথাই বেশ ভাল করিয়া বুঝাইয়া দিয়াছিলেন এবং যোগ চক্ষু লইয়া অর্জুন বিস্মিত ও পুলকিত হইয়া ভগবানের বিশ্বরূপ দেখিয়া কহিয়াছিলেন,—

পশ্যামি দেবাংস্তব দেবদেহে
সর্বাংস্তথা ভূত বিশেষ সজ্জান্
ব্রহ্মাণমীশং কমলাসনস্থম্
ঋষীংশ্চ সর্বার্নুরগাংশ্চ দিব্যান্ ।

অর্থাৎ হে দেব, আমি তোমার দেহে সমস্ত দেবতা, জরায়ুজ ও অণুজ প্রভৃতি সমস্ত ভূত অর্থাৎ যাহা হইয়াছে পদ্মাসনস্থিত ভগবান ব্রহ্মা এবং দিব্য মহর্ষি ও উরগগণ অবলোকন করিতেছি।

এই একেশ্বর বাদ এবং তদানুষ্ঠিতিক সর্বেশ্বরবাদ বা Pantheism কেবল যে পুণ্য ভূমি ভারতবর্ষের ঋষিগণই আবিষ্কার করিয়াছিলেন তাহা নহে। অন্যান্য দেশের পণ্ডিতগণও ইহার সন্ধান পাইয়াছিলেন। প্রেটো প্রটিনাস, স্পিনোজা বার্কালি, ফিক্টে হেগেল প্রভৃতি এই রসের রসিক ছিলেন। সুবিখ্যাত ইলিয়াটিক দর্শনের পুরোহিত Xenophanes, Parmenides ইয়োরোপে এই মতের প্রথম প্রচারক। তাঁহাদের মুখ হইতেই প্রচারিত হইয়াছিল "God is all eye, all ear

all thought God is everything and what we call change is but an appearance, an illusion and there is in reality neither origin nor decay. The eternal being alone exists.”

Parmenides কহিয়াছেন “Being can only be conceived as eternal, immutable, infinite and unique. There is for the thinker but one single being the All-One in whom all individual differences are merged. The being that thinks and the being that is thought are the same thing.”

এই যবনাচার্যের মুখে বেদ বেদান্ত ও উপনিষদের কথা শুনিয়া সকলের বিস্মিত হইবারই কথা। যাহারা হিন্দুর প্রতি কার্যে গ্রীক সভ্যতা ও চিন্তার ধারা দেখিতে পান তাঁহাদের এই সকল culture contact ভাল করিয়া বিবেচনা করিয়া দেখা উচিত।

এই Pantheism বা সর্বেশ্বরবাদ যিশুখৃষ্টও প্রচার করিয়াছেন। “I and my father are one” যিশুখৃষ্ট অনেকবারই কহিয়াছে। আর “Christ is living in every man and working suffering and being crucified through the ages” যিশুর শিষ্য প্রশিষ্যগণ অনেকবারই কহিয়াছেন। রায় বাহাদুর গিরিশচন্দ্র ঘোষ C. I. E. কাব্যরত্ন, দর্শনশাস্ত্রী মহাশয় Calcutta Review নামক পত্রিকায় খৃষ্টধর্মের Pantheistic aspect সপ্রমাণ করিয়াছেন।

কিন্তু বৈদেশিক দার্শনিকগণ, যথা, Martineau এই Pantheismকে একটু ঘৃণার চক্ষে দেখেন। মার্টিনো কহিয়াছেন “The tendency which gives rise to Pantheistic characteristics is so foreign to our prevailing English genius that it is not easy to awaken much sympathy with it or to give a clear impression of the theory it has enacted.”

এই সকল দার্শনিক Pantheism বলিলেই বুঝেন, জগৎ একবারেই মিথ্যা বা স্বপ্ন পাপপুণ্য, ঘরবাড়ী, সংসার, সুখ দুঃখ কিছুই নাই। এই রকম Pantheism সত্য বলিয়া বিশ্বাস করিয়াছেন এরূপ কোন দার্শনিকের সাক্ষাৎ পাওয়া এখন পর্য্যন্ত হুল'ভ। শঙ্কর-বেদান্তে আমরা যে মায়াবাদের কথা পাই, সে মায়াবাদও “জগৎ ব্রহ্মোপি” বলিয়া স্বীকার করে, জগৎকে মিথ্যা

বলিয়া উড়াইয়া দেয় না। পণ্ডিতপ্রবর কোকিলেশ্বর শাস্ত্রী মহাশয় বেশ ভাল করিয়াই দেখাইয়াছেন যে শঙ্কর জগৎকে অলীক স্বপ্ন বলিয়া উড়াইয়া দেন নাই, জগৎ ব্রহ্মে অবস্থিত এবং ব্রহ্ম দ্বারা নিয়ন্ত্রিত এবং ব্রহ্ম হইতে জগতের পৃথক সত্ত্বা নাই ইহাই তিনি প্রতিপন্ন করিয়াছেন। Pantheism অর্থে উপরে সর্বেশ্বরবাদ করা হইয়াছে। কিন্তু এই শব্দটি Pantheismএর সম্পূর্ণ অর্থ প্রকাশ করে না। Pantheismএর অর্থ all=God এবং God=all. দশরথের জ্যেষ্ঠ পুত্র আর সীতার স্বামীর মধ্যে যেমন কোন পার্থক্য নাই তদ্রূপ জগৎ এবং ভগবানে কোন পার্থক্য নাই। সুতরাং জগতের অতিরিক্ত কোন ভগবান নাই। বেদান্তের “তৎ ত্বমসি” That thou art অর্থাৎ তুমি হও তিনি হইতে Pantheism সিদ্ধান্ত করিলে ন্যায় শাস্ত্রের আইন অবমাননা করা হয়। আপনারা জানেন “সকল মনুষ্যই মরণশীল।” এই বাক্য হইতে আমরা অনুমান করিতে পারি কতকগুলি মরণশীল সত্ত্বা হয় মানুষ অর্থাৎ Some mortals are men. কিন্তু এই সিদ্ধান্তের পরিবর্তে যদি কেউ বলেন All mortals are men তাহা হইলে আপনারা তাঁহার বুদ্ধির প্রশংসা করিবেন না। সেইরূপ That thou art ঘুরাইয়া ভগবান হন তুমি বলা অন্যায়। বেদান্তের এই তৎ অর্থাৎ that অসীম, অনন্ত, কিন্তু তুমি সসীম। যদি তৎ বা thatকে ত্বম বা thouএর মত সসীম ধরা হয় তাহা হইলেই উহা হইতে Pantheism পাওয়া যায়। কিন্তু তৎ বা thatকে সকলে অসীম বা অনন্তই ধরিয়া থাকেন। সুতরাং ত্বমসির বিশুদ্ধ তর্জমা That thou art না হইয়া In that thou art হওয়া উচিত। শব্দানুগতিক বা literal তর্জমা অনেক সময় যে শুদ্ধ হয় না তাহা সকলেরই জানা আছে। ভাবানুযায়ী তর্জমা করিলে আমি যে ভাবে ত্বমসির তর্জমা করিলাম উহাই আসিয়া পড়ে। সুতরাং উহা হইতে Pantheism না পাইয়া আমরা পাই Panentheism বা Concrete Monism. এই মতে সকলেই ভগবানের মধ্যে বিরাজিত ধরা হয়। All=God না বলিয়া এই মতে All are in God বলিয়া ধরা হয়। ক্রজে, হেগেল, ফুইডেরার প্রভৃতি সকলেই এই মন্ত্রের প্রচারক। বাঁহাদিগকে Pantheist বলিয়া অবজ্ঞা করা হইয়া থাকে তাঁহাদের মতগুলি ভাল করিয়া বিচার করিয়া দেখিলে Panentheism হইয়া পড়ে।

কথার কথার ব্রহ্মা বিষ্ণু মহেশ্বর হইতে অনেকদূর আসিয়া পড়িলাম। এত কথা বলিবার উদ্দেশ্য এই যে এই তিনটি দেবতা পৃথক নহেন। ইহঁারা সকলেই বিবেকধরের তিনটি বিশেষ

দিক। এবং ইহারা যে শুধু কল্পনাপ্রসূত তাহা নহে। কারণ যে তিনটি মহাসত্য এই তিনটি দেবতার প্রকৃতি তাহা আমরা জগতের সর্বত্র এবং সকল সময়ে দেখিতে পাই। বারানসীর Central Hindu Collegeএর ষ্ট্রাষ্টারগণ যে Advanced Text Book of Hindu Religion and Ethics নামক গ্রন্থ প্রকাশ করিয়াছেন তাহাতে ব্রহ্মা বিষ্ণু মহেশ্বর স্বাক্ষরে নিম্নলিখিত মন্তব্য আছে।

“These Supreme forms of Ishvara, separated by their functions, but One in Essence, Stand as the Central Life of the Brahmanda, and from and by them it proceeds, is maintained, and is indrawn. Their functions should not be confused, but their unity should never be forgotten অর্থাৎ এই তিনটি দেবতাই যে একই ভগবানের বিভিন্ন প্রকৃতি তাহা যেন আমরা কখনই না ভুলি।

ইহাদের মধ্যে ব্রহ্মা হইলেন সৃষ্টিকর্তা, বিষ্ণু হইলেন রক্ষাকর্তা আর রুদ্র বা শিব হইলেন সংহারকর্তা। সংহারের মত দুঃখময়, অমঙ্গলময় কার্যও যে শিবময় বা মঙ্গলময় ভগবানের দ্বারা সম্ভাবিত হইতেছে তাহা কেবল মাত্র হিন্দুধর্মই স্পষ্ট বাক্যে স্বীকার করিয়াছে। অন্ত্যায় ধর্ম্যে দুঃখ ও অমঙ্গলের বোঝা হয় মানুষের ঘাড়ে চাপাইয়া দেওয়া হইয়াছে, নয় শয়তান বা আরি মানের মত ছরস্তু দেবতার মস্তকে আরোপ করিয়া ভগবানের অসীমত্বের চতুর্দিকে গণ্ডি টানিয়া দিয়াছে। ইয়োরোপীয় অনেক দার্শনিক এখন পর্য্যন্তও মঙ্গলময় ভগবানের সহিত দুঃখ দৈন্ত প্রভৃতি সর্বপ্রকার অমঙ্গলের সহিত সামঞ্জস্য আনয়ন করিতে পারেন নাই। তাঁহারা যদি কষ্ট স্বীকার করিয়া ভারতীয় ধর্ম্য দর্শন বুঝিতে চেষ্টা করেন তাহা হইলে সে সমস্তার একটা সুরাহা হইবে বলিয়া আশা করা যায়।

এই তিনটি দেবতার বিশ্বরাজ্যে কার্য্য করিবার প্রচণ্ড শক্তি বিরাজমান। হিন্দুগণ ইহাদের নিজ নিজ শক্তিকে দেবীরূপে কল্পনা করিয়া anthropomorphismএর পরাকাষ্ঠা দেখাইয়াছেন। মানুষ সমাজে বিবাহ প্রথা আছে। দেবতা সমাজে না থাকিবার কারণ কি? তাই, হিন্দু শিবের স্ত্রীর নাম দিলেন উমা, বিষ্ণুর স্ত্রীর নাম দিলেন লক্ষ্মী আর ব্রহ্মার স্ত্রীর নাম দিলেন স্বরস্বতী। ইহারা প্রকৃত পক্ষে তাহাদের স্বামী হইতে কোন প্রকারেই ভিন্ন বা পৃথক নহেন—

ইহারা তাহাদের নিজ নিজ স্বামীর শক্তি ব্যতীত আর কিছুই নহে। সুতরাং বাহ্য দৃষ্টিতে এই দেবী সংক্রান্ত ব্যাপারে হিন্দুকে যতখানি anthropomorphic দেখা যায় ততখানি anthropomorphic হিন্দু বাস্তবিক নয়। এই anthropomorphism বা মানুষভাবাপন্ন দৃষ্টি যে অসঙ্গত তাহা হিন্দুগণ বুঝিতেন এবং বুঝিতেন বলিয়াই দেবদেবী সম্পর্কে যখনই হিন্দুগণ কিছু বলিয়াছেন তখনই তাহার মধ্যে কিছু না কিছু বৈশিষ্ট্য ফুটিয়া উঠিয়াছে। মানুষকে নিজের জ্ঞান বুদ্ধি ধারাই যাহা কিছু জানিতে হয় এই জ্ঞান বুদ্ধির খোলস সে কিছুতেই অতিক্রম করিতে পারে না। সুতরাং ম্যুনাধিক anthropomorphic তাহাকে হইতেই হইবে। হিন্দুর বাহ্যদুরী এই যে যেখানেই দেবদেবী সম্পর্কে মানবোচিত ভাব আসিয়া পরিয়াছে সেখানেই হিন্দু আধ্যাত্মিক জগতের রং আনিয়া সেই মানবোচিত ভাবের গায় লাগাইয়া তাহাকে অলৌকিক করিয়া তুলিয়াছে। সুতরাং বুঝা গেল সরস্বতী ব্রহ্মার শক্তি, উমা শিবের শক্তি আর লক্ষ্মী বিষ্ণুর শক্তি। পূর্বেই দেখান হইয়াছে ব্রহ্মা বিষ্ণু ময়হরণে ও ভগবানে কোনও প্রভেদ নাই। সুতরাং লক্ষ্মী সরস্বতী উমাতে এবং ভগবানে কোন প্রভেদ নাই।

এই সরস্বতীর স্বামী লইয়া অনেক গণ্ডগোল আছে। সৃষ্টি করিতে জ্ঞানের প্রয়োজন সুতরাং ব্রহ্মার জ্ঞান থাকা আবশ্যিক। সেই জন্ত প্রাচীন আর্য্যগণ সরস্বতীকে ব্রহ্মার স্ত্রীরূপে কল্পনা করিলেন। কিন্তু বিশ্ব পালন করিতে হইলে বেশ ভাল রকম বিদ্যার প্রয়োজন। সামান্য একটি আফিস চালাইতে যে কতখানি বিদ্যার প্রয়োজন তাহা আপনারা জানেন। সেই হিসাবে অনুমান করিয়া দেখুন বিশ্বব্রহ্মাণ্ড চালাইতে কতখানি বিদ্যার প্রয়োজন। সুতরাং সরস্বতীকে পরবর্তী আর্য্যগণ বা হিন্দুগণ বিষ্ণুর স্ত্রী বলিয়া কল্পনা করিয়া বসিলেন। লক্ষ্মী সরস্বতী যে দুর্গার মেয়ে আর বিষ্ণুর স্ত্রী তাহা প্রত্যেক বাঙ্গালীর হৃদয়ে অঙ্কিত আছে। কারখানা চালাইতে বিদ্যা ও ধনের প্রয়োজন, তেমনই বিশ্বব্রহ্মাণ্ড চালাইতে বিষ্ণুর সরস্বতীকেও চাই লক্ষ্মীকেই চাই। তথাপি সরস্বতী যে ব্রহ্মাণী বা ব্রহ্মার স্ত্রী এ কথাই নিদর্শনও অনেক হিন্দুশাস্ত্রে আছে। সরস্বতীকে আবার ব্রহ্মার কন্যারূপেও কল্পনা করা হইয়া থাকে। রুদ্রের বা শিবের স্ত্রীরূপেও সরস্বতীকে কল্পনা করা হইয়া থাকে, তাহার সাক্ষী সরস্বতীর রুদ্রাণী নামে। কাহাকে সংহার করা উচিত, কাহাকে সংহার করিবার সময় এখনও উপস্থিত হয় নাই এ জ্ঞান মহেশ্বরের থাকা নিতান্ত প্রয়োজন। সুতরাং শিবের শক্তিকে সরস্বতী বলিয়া কল্পনা করা নিতান্ত অসঙ্গত নহে।

কিন্তু এ কল্পনা এখন অপ্রচলিত হইয়া উঠিয়াছে। শিবের সহিত সরস্বতীকে বিবাহ বন্ধনে আবদ্ধ করিতে এখন সকলেই একটু কুণ্ঠা বোধ করেন। বিষ্ণুর প্রয়োজন সকল দেবতারই আছে। সেই জন্য প্রত্যেক দেবতার শক্তিকেই বা স্ত্রীকেই সরস্বতী বলিয়া কল্পনা করা যাইতে পারে। এই জন্য সরস্বতীর স্বামী সম্বন্ধে হিন্দু ধর্মের একটা বিশেষ গণ্ডগোল আছে।

প্রাচীন হিন্দু মতে সরস্বতীকে ব্রহ্মার স্ত্রীও ধরা হইত আবার কণ্ঠাও ধরা হইত। এই জন্য ব্রহ্মা ও সরস্বতীর মধ্যে যে সম্পর্ক তাহা দেব সমাজে নিন্দনীয় ছিল। উইলসনের গ্রন্থে দেখিতে পাই বাঙ্গলার বৈষ্ণবগণ একটা গল্প দ্বারা এই বিবাহ বিভ্রাটের ব্যাখ্যা করিয়া থাকেন। তাঁহাদের মতে সরস্বতী প্রথমে বিষ্ণুর স্ত্রী ছিলেন। লক্ষ্মী এবং গঙ্গা বিষ্ণুর অপর দুইটি স্ত্রী ছিলেন। ফলে সতীনদের মধ্যে ভীষণ কলহ উপস্থিত হইল এবং বিষ্ণু দেখিলেন তিন স্ত্রী লইয়া টিকিয়া থাকা তাঁহার পক্ষে কঠিন। সেই জন্য বাধ্য হইয়া তিনি গঙ্গাকে প্রদান করিলেন মহাদেবকে আর সরস্বতীকে প্রদান করিলেন ব্রহ্মাকে। এইরূপে পিতা হইয়াও ব্রহ্মা সরস্বতীর পতি হইয়া পড়িলেন। তবে এ ক্ষেত্রে মনে রাখা ভাল সরস্বতী কোন যৌন সম্পর্কজাত কণ্ঠা নহেন। তিনি ব্রহ্মার মস্তক হইতে উৎপন্ন গ্রহণ করিয়াছিলেন। সুতরাং এ ক্ষেত্রে ব্রহ্মার পিতৃত্ব এত অলৌকিক রকমের পিতৃত্ব।

জ্ঞান বিজ্ঞানের অধিষ্ঠাত্রী দেবী রূপেই সাধারণতঃ সরস্বতী পূজিত হন এবং বেদমাতা বলিয়াই তাঁহাকে আমরা আহ্বান করিয়া থাকি। দেবাকরের আবিষ্কর্ত্রী বলিয়াও তাঁহাকে আমরা জানি। যদিও আমরা এমন দ্বিভূজা সরস্বতীর পূজা করিয়া থাকি তথাপি সরস্বতীর চতুর্ভূজের কথাই আমরা প্রাচীন কল্পনাতে পাইয়া থাকি। এই চারি হস্তের এক হস্তে তালপত্রের পুস্তক, অপর হস্তে অক্ষালা, আর এ দুটিতে ডমরু এবং অপরটিতে পুষ্প বা কমল। সুতরাং প্রাচীন কল্পনায় বীণা রঞ্জিত হস্তের কোন সন্ধান পাওয়া গেল না। দেবী সরস্বতী মনুষ্যের মধ্যে এই পৃথিবীতেই বাস করেন, কিন্তু তাঁহার প্রকৃত বাসস্থান ব্রহ্মলোকে। পূর্বে ব্রহ্মার পার্শ্বেই বিরাজিত থাকিয়া তিনি পূজা অর্চনা গ্রহণ করিতেন, কিন্তু বাঙ্গালী ভক্তের ভক্তির বন্ধনে পড়িয়া তাঁহাকে স্বামীর সঙ্গ পরিত্যাগ করিয়া পরিপূর্ণ মাতৃমূর্তিতে প্রকাশ হইতে হইয়াছে।

ঋগ্বেদের সময়ে সরস্বতীকে নদীরূপে পূজা করা হইত, আবার দেবীরূপেও পূজা করা হইত। আর্ধ্যগণ তখনও গঙ্গারতীরে আসিয়া পৌঁছেন নাই, গঙ্গার মহিমাও তত দেখেন নাই। তখন

ঠাহাদের সর্ব প্রধান নদী ছিল সরস্বতী । ঋগ্বেদে গঙ্গার নাম দুইবার মাত্র উল্লেখ করা হইয়াছে অথচ সরস্বতীর উল্লেখ ঋগ্বেদে বহুবার দেখিতে পাওয়া যায় । আর্ষাগণ ভারতবর্ষে আসিবার পূর্বে এক সরস্বতীর সহিত পরিচিত ছিলেন । আবেস্তার মধ্যে সে সরস্বতীর উল্লেখ আছে । প্রাচীন ইরানী ভাষায় সংস্কৃত সরস্বতী শব্দ হরকাইতি (Haraquti) হইয়া পড়ে । এই নামই আমরা আবেস্তায় পাই । এই হরকাইতি নদীর বর্তমান নাম হেলমেণ্ড (Helمند) । ইহা আফগানিস্থানের মধ্য দিয়া প্রবাহিত । ভারতবর্ষে বর্তমান সময়ে আমরা যে সরস্বতী নদীর সহিত পরিচিত তাহা মধ্য পথে অন্তঃসলিলা, পশ্চাতের দিকে ব্যক্ত এবং মূল সরস্বতী নামে বিখ্যাত এবং সমুদ্রের দিকে সমুদ্র নামে পরিচিত । কিন্তু এই সরস্বতীই বৈদিক যুগের সরস্বতী কিনা সে সম্বন্ধে ভাল করিয়া বিবেচনা করিয়া দেখা কর্তব্য । এই সরস্বতীকে বৈদিক কবি ও ঋষিগণ সপ্তসিন্ধুর প্রধানসিন্ধু, সপ্তভগিনীর প্রধানভগিনী, এবং সপ্তমাতার প্রধান মাতা বলিয়া বর্ণন করিয়াছেন । আর্ষাগণ ঋগ্বেদের সপ্তম মণ্ডলের ৯৫ সূক্তে সরস্বতীর যে পরিচয় দিয়াছেন তাহার ইংরাজী নিম্নে প্রদত্ত হইল—

With great noise of waters, bringing nourishment, Sarasvati breaks forth ; she is to us a firm bulwork a fortress of brass. Like to a warrior in the chariot race she speeds along, the Sindhu (river) leaving all other waters far behind. Sarasvati comes down the purest of streams, from the mountains to the Samudra ; bringing wealth and prosperity to the wide world, she flows with milk and honey for those that dwell by her banks."

Ragozin ঠাহার সুপরিচিত Vedic India নামক গ্রন্থে কহিয়াছেন—In early Vedic times there was only one river that justified such a description—the Indus. Indeed this passage has led to the positive identification of the Sarasvati as the Indus." অর্থাৎ এরকম বর্ণনা একমাত্র সিন্ধুদের প্রতিই প্রযোজ্য । সুতরাং কোন সন্দেহই হইতে পারে না যে আর্ষাগণ সরস্বতী বলিতে Indus বা সিন্ধুকেই বুঝিতেন । বর্তমানে আমরা যে সরস্বতীর সহিত পরিচিত খুব ভাল অবস্থার সময়েও উল্লিখিত বর্ণনামুযায়ী রূপ গ্রহণ করিতে তিনি সমর্থ হন নাই । সেই জন্য Ragozin কহিয়াছেন—“Even in its

early and palmier days this Sarasvati could never have possessed much importance. Nor is it possible that this Sarasvati should ever have been described in such superlative terms” বেদে সরস্বতী সম্বন্ধে আরও আছে “flashing sparkling, gleaming in her majesty, the unconquerable, the most abundant streams, beautiful as a handsome, spotted mare, rolls her waters over the levels.”

সরস্বতী সম্বন্ধে এই রকম কথা শুনিয়া সন্দেহ করা অন্যায্য যে ইনি সিন্ধু হইতে বিভিন্ন। বেদের সময়ে সিন্ধু নদী অর্থেই ব্যবহৃত হইত এবং সর্বশ্রেষ্ঠ নদীকেই সিন্ধু বা the river বলা হইত। সরস্বতী শব্দের বুৎপত্তিগত অর্থ জলময়ী। সুতরাং সরস্বতীর সহিত সিন্ধুর সাদৃশ্য যে ঘোল আনা তাহাতে সন্দেহ নাই। যেটুকু বা সন্দেহ থাকে তাহা অথর্কবেদের ষষ্ঠ মণ্ডলের ১০০ নং সূক্ত পড়িলেই চলিয়া যায়। এই সূক্তে তিনটি সরস্বতীর উল্লেখ আছে। এই তিনটি সরস্বতীর একটি আমাদের বর্তমান ক্ষীণকায়া সরস্বতী, অপরটি আবেস্তার হরকাইতি এবং বর্তমানের হেলমেণ্ড এবং তৃতীয়টি বৈদিকযুগের সরস্বতী বা সিন্ধু বর্তমানের Indus.

আর্য্যগণ এই নদীরূপিণী সরস্বতীকে পূজা করিতেন। কালক্রমে আর্য্যগণ সরস্বতীকে ব্যক্তিত্ব আরোপ করিয়া তাঁহাকে নদী হইতে পৃথক রূপে কল্পনা করিয়া বসিলেন। এইরূপে প্রাকৃতিক বস্তু বা ঘটনা হইতে আরম্ভ করিয়া আর্য্যগণ অগ্নি, বরুণ, বায়ু প্রভৃতি অনেক দেবতার সন্ধান পাইয়াছিলেন। সরস্বতীও সেই একই প্রণালীতে ভক্ত আর্য্যগণের কল্পনার বন্ধনে ধৃত হইয়াছিলেন।

ঋগ্বেদে বাচ নাম্নী আর একটি দেবীর সাক্ষাৎ পাই। এই বাচ নাম্নী দেবী অর্থাৎ বাক্‌দেবীতে আর সরস্বতীতে কোন প্রভেদ নাই। ভাষা জননীর আশীর্বাদ থাকিলে বক্তার কথা যেমন স্বচ্ছন্দ গতিতে চলিয়া যায়, নদীর জলও তদ্রূপ স্বচ্ছন্দ গতিতে চলিয়া যায়। নদীর জলের সহিত ভাষার অনেক সাদৃশ্য আছে বলিয়াই—“A rich, a free, an easy flow of words, fluency of speech, torrent of eloquence” ইত্যাদি শব্দ ইংরাজীতে পাই। এ রকম অনেক কথা যে আমাদের ভাষাতেও আছে তাহা উপস্থিত সভ্যবৃন্দের বক্তৃতা তরঙ্গ

হইতে জলের মত সহজ ভাবে বুঝিতে পারিবেন। জলদেবীকে আর্ধ্যগণ কেন যে বাকদেবীতে পরিণত করিলেন অনেকের মতে তাহার নীমাংসা এখনও হয় নাই। কিন্তু ইহা আমরা বেশ ভাল করিয়াই জানি যে সরস্বতীকে জলদেবী রূপে আর্ধ্যগণ যেন সর্বোচ্চ আসনে বসাইয়াছিলেন বাকদেবীরূপেও তাঁহারা তাঁহাকে সর্বশ্রেষ্ঠ স্থান প্রদান করিয়াছিলেন। বাকদেবী সম্বন্ধে যে কথা ঋগ্বেদের ১০ম মণ্ডলের ৭১ সূক্তে আছে তাহার ইংরাজী অনুবাদ নিম্নে প্রদত্ত হইল। এই সূক্তটি সম্বন্ধে Ragozin কহিয়াছেন,—“The beauty, dignity and ennobling uses of speech could scarcely be appraised with finer feeling or apter touches.” অর্থাৎ বেদকে যাঁহারা চাষার গান বলেন তাঁহারা যে বুদ্ধিমানের কাজ করেন না তাহাতে আর কোনই সন্দেহ নাই।

1. Man with their earliest utterances, gave names to things and all which they had lovingly treasured within them, the most excellent and spotless was disclosed.4. One man, seeing, sees not Vach; another hearing, hears her not; to another she willingly discloses herself, as a will attired and loving wife displays her person to her husband.

5. One man is said to be secure in her favour—and he is not to be overwhelmed in poetical contests; another lives in unprofitable brooding: he has only heard Vach, and she is to him without fruit or flower. . . .

8. When competing priests practice devotion in sayings born of the spirit's might, one lags far behind in wisdom, while others prove themselves true priests.

9. One sits and produces songs like blossoms; another sings them in loud strains; one discourses sapiently of the essence of things; another measures out the sacrifice according to the rite.

10. And friends are proud of their friend, when he comes among them as leader of poets. He corrects their errors, helps them to prosperity, and stands up, ready for the poetical contest.”

ইহার বাঙ্গলা দিতে পারিলাম না, আপনারা মার্জনা করিবেন। তবে আশা আছে—
আপনারা উহা হইতে বুঝিতে পারিবেন এই সূত্রটি কেমন সৌন্দর্য্য ও গরীমামণ্ডিত।

এই বাকদেবী সম্বন্ধে ঋগ্বেদের দশম মণ্ডলের ১২৫ সূত্রে এক অদ্ভুত বিবরণ আছে। যজ্ঞের সময় বাকদেবী স্বর্গীয় গাভীরূপ গ্রহণ করিয়া কহিলেন—আমাকে কুচরিত্র ব্যক্তিগণ অবহেলা করিতেছে—“I, Vach, the skilled in speech, who assist all pious practices, I the divine Cow who has come from the gods, I am neglected by evil minded man.”

Ragozin বলেন কোন কৃপণ রাজার দানকুষ্ঠার অসম্বুধি হইয়া কোন পুরোহিত এই শ্লোক রচনা করিয়া তাহার কুচরিত্রের কথা আৰ্য্য-সাহিত্যে চিরস্থায়ী করিয়া রাখিয়াছেন। একথা সত্য হইলে ঋগ্বেদের সময়েও যে অর্থলোভী পুরোহিতের অভাব ছিল না এবং ছষ্টবুদ্ধি গোঁসাই পুরোহিতের প্যাঁচটুকুও যে ঐ যুগের কেউ কেউ জানিতেন তাহাতে আর সন্দেহ নাই। সাধারণতঃ সকলেই ভাবেন কেবল বর্তমান কালেই অর্থাৎ কলিযুগেই পুরোহিত অর্থলোভী এবং যজমান বাগযজ্ঞ পূজা অর্চনার দেয় দ্রব্য সামগ্রীর মধ্যে নানা প্রকার চালাকি ও প্রতারণা করিয়া থাকেন। এই ধারণা যে কতখানি ভ্রান্তিজনক তাহা কঠোপনিষদের নিম্নলিখিত শ্লোকটি পড়িলেই বুঝিতে পারিবেন।

পীতোদকা অক্ষতৃণা হৃৎ দোহো নিরিন্দ্রিয়াঃ

অনন্দা নাম তে লোকাস্তান স গচ্ছতি তা দদৎ ॥

অর্থাৎ যে সকল গো জন্মের মত জলপান করিয়াছে, জন্মের মত তৃণ ভক্ষণ করিয়াছে, জন্মের মত ছন্দান করিয়াছে এবং সন্তান প্রসবে আর সমর্থ নহে, সেইরূপ গোগণকেই নচিকেতার পিতা বিশ্বজিৎ নামক যজ্ঞে দান করিয়াছিলেন। সেই জন্য তিনি অসুখময় লোক সমূহে গমন করিবার অধিকার লাভ করিয়াছিলেন অর্থাৎ নরকের পথ উন্মুক্ত করিয়াছিলেন। পিতার এই অসৎকার্য্য দেখিয়াই নচিকেতার বিবেক বুদ্ধি উৎপন্ন হইয়াছিল। সুতরাং এমন যুগ নাই বাহার ভাঙ্গ মন্ড ছই দিকই না থাকে।

কেমন করিয়া সর্বস্বতী জলদেবী হইতে বাকদেবীতে পরিণত হইলেন তাহার একটি সুন্দর ব্যাখ্যা আমরা J. Muirএর Original Sanskrit Texts, নামক গ্রন্থের পঞ্চম খণ্ডের ৩৩৭

পৃষ্ঠায় পাই। তাঁহার মতে “When once the river had acquired a divine Character, it was quite natural that she should be regarded as the patroness of ceremonies which were celebrated on the margin of her holy waters, and that her direction and blessing should be invoked as essential to their proper performance and success. She connexion, she was thus brought with sacred rites, may have led to the further step of imagining her to have an influence on the composition of the hymns which formed so important a part of the proceedings and of identifying her with Vach, the Goddess of speech.” অর্থাৎ জলদেবীরূপে সরস্বতীকে পূজা করার সঙ্গে সঙ্গে আর্ঘ্যগণ ভাবিলেন যে যে সকল যাগযজ্ঞ নদীতীরে সম্পন্ন হয় তাহা সরস্বতীর সাহায্যেই সুসম্পন্ন হইয়া থাকে। সুতরাং প্রত্যেক যাগযজ্ঞের যথাযথ প্রণালীতে সম্পাদনের নিমিত্ত ও সাফল্যের জন্য সরস্বতীর আশীর্বাদ ও সহায়তা প্রার্থনা করা আর্ঘ্যগণ অবশ্য করণীয় বলিয়া বিবেচনা করিলেন। পরে দেখা গেল সময় সময় এই সরস্বতী বন্দনা অতি সুন্দর হয় আবার কখন কখন ইহা একে-বারেই কর্কশ হইয়া পড়ে। সেই জন্য আর্ঘ্যগণ ভাবিলেন সরস্বতীর কৃপা হইলেই বন্দনা ভাল হয় আর সেই কৃপার অভাব হইলেই বন্দনা মন্দ হইয়া পড়ে। এইরূপে জলদেবী হইতে সরস্বতী বাকদেবীতে পারণত হইলেন। মুন্সীর সাহেব আর কহিয়াছেন—It is difficult to say whether in any of the passages in which Sarasvati is invoked, even in those where she appears as the patronage of holy rites, her character as a river goddess is entirely left out of sight”—অর্থাৎ সরস্বতী এমন বন্দনা পাওয়া কঠিন বাহাতে তাঁহার জলদেবীত্বের কোন ইঙ্গিত নাই। সুতরাং বাকদেবী যে পূর্বে জলদেবীরূপে বিরাজ করিতেন তাহাতে আর কোন সন্দেহ নাই।

এইবার সরস্বতীর নানা রকম কল্পনার কথা আপনাদিগকে বলিব। মহাভারতে দেখিতে পাই সরস্বতীকে বেদমাতা বলিয়া বর্ণনা করা হইয়াছে। তৈত্তিরীয় ব্রাহ্মণে দেখি বাকদেবী ইন্দ্রপত্নীরূপে বিরাজিতা এবং ইহারই মধ্যে জগৎ ব্রহ্মাণ্ড অবস্থিত এবং ইহারই আশীর্বাদে এইবার জন্য বেদপ্রণেতা ঋষিগণ ও দেবগণ সর্বদা লালারিত। মৎস্যপুরাণ দেখি সরস্বতীর

অনেক নাম, যথা—শতরূপা, সাবিত্রী, গায়ত্রী ও ব্রহ্মাণী। বরাহপুরাণেও একই দেবীকে গায়ত্রী, সরস্বতী, মহেশ্বরী ও সাবিত্রী নামে অভিহিত করা হইয়াছে।

কিন্তু স্বল্পপুরাণে সরস্বতীকে গায়ত্রী হইতে বিভিন্ন ব্যক্তি বলিয়া ধরা হইয়াছে। পূর্বে একমাত্র সরস্বতী ব্রহ্মার স্ত্রী ছিলেন। কেমন করিয়া গোপকন্যা গায়ত্রী ব্রহ্মার স্ত্রী হইলেন তাহার বিবরণ আমরা স্বল্পপুরাণেই পাই। পৃষ্ণরতীর্থে দেবতারা যজ্ঞ করিতেছিলেন। সকল দেবতাই উপস্থিত ছিলেন, ছিলেন না কেবল দেবীগণের মধ্যে একজনও। কিন্তু ব্রহ্মার স্ত্রী না হইলে যজ্ঞ হইতে পারে না, সেই জন্য একজন পুরোহিতকে সরস্বতীর নিকট পাঠান হইল। দেবী সরস্বতীর: তখনও গৃহকর্ম সনাপ্ত হয় নাই, বেশভূষাও পরিধান করা হয় নাই। আরও বিশেষ করিয়া লক্ষ্মী, ভবানী, গঙ্গা, স্বাহা, ইন্দ্রাণী ও অন্যান্য দেবীগণের মধ্যে একজনও তখন পর্যন্ত আসিয়া পৌঁছেন নাই। সুতরাং সরস্বতী পুরোহিতকে কহিলেন, একাকিনী তিনি সভা মধ্যে যাইতে পারিবেন না।

পুরোহিত ফিরিয়া আসিয়া ব্রহ্মাকে কহিলেন, সরস্বতী গৃহকার্যে ব্যস্ত আছে, তিনি এখন আসিতে পারিবেন না। কিন্তু আপনার স্ত্রী উপস্থিত না থাকিলে এ সকল যাগযজ্ঞে কোন ফলই ফলিবে না।

সরস্বতীর ব্যবহারে ক্রুদ্ধ ব্রহ্মা ইন্দ্রকে বলিলেন, “বাও যেখান হইতে পার আমার জন্য একটি স্ত্রী অতি সত্ত্বর সংগ্রহ করিয়া আন।” সুতরাং ইন্দ্রকে কুমারী নারীর অনুসন্ধানে বাহির হইতে হইল। কিছু দূর দিয়া ইন্দ্র দেখিলেন একটি অপূর্ব সুন্দরী গোপবালা মাখনের ভাণ্ড লইয়া দ্রুত চলিয়া যাইতেছে। ইন্দ্র তাঁহাকেই ধরিয়া সভা মধ্যে আনয়ন করিলেন। তখন ব্রহ্মা কহিলেন, “হে দেবগণ! যদি আপনাদের অভিমত হয় তাহা হইলে আমি এই গোপকন্যা গায়ত্রীকে বিবাহ করি। বিবাহিতা হইয়া তিনি বেদমাতা হইবেন এবং জগতের পবিত্রতার কারণ হইবেন।

দেবতারা সম্মতি দিলেন এবং ব্রহ্মার সহিত গায়ত্রীর বিবাহ হইয়া গেল, এবং বিবাহের পর গায়ত্রীকে সরস্বতীর জন্য নির্দিষ্ট স্থানে রাখা হইল। এমন সময় বিষ্ণু, রুদ্র প্রভৃতি দেবগণের স্ত্রী স্বারা পরিবৃত হইয়া দেবী সরস্বতী সভায় আগমন করিলেন। পুরোহিতগণ তখন যজ্ঞ আরম্ভ করিয়া দিয়াছিলেন। গায়ত্রীকে তাহার নির্দিষ্ট স্থানে উপবিষ্ট দেখিয়া সরস্বতী সকলই বুঝিলেন এবং অত্যন্ত ক্রুদ্ধ হইয়া ব্রহ্মাকে কহিলেন, “আমি তোমার বিবাহিতা স্ত্রী, আমাকে

পরিত্যাগ করিয়া তুমি অন্য স্ত্রী গ্রহণ করিলে ! তোমার কি পাপ বোধ নাই ! তোমার কি লজ্জা নাই ! তোমার এই জঘন্য কার্যের জন্য ত্রিলোকবাসী যে তোমাকে উপহাস করিবে !” ব্রহ্মা বিনয় বচনে কহিলেন, “দেবী, এই অপরাধটি মার্জনা কর। আর কখনও আমি তোমার মনে কষ্ট দিব না। তুমিত জানই সপরিবারে ধর্ম-আচরণ করিতে হয়। তুমি আসিলে না, তাই বাধ্য হইয়া আমাকে এই গায়ত্রীকে বিবাহ করিতে হইল। ইন্দ্র ইহাকে আনয়ন করিয়াছেন এবং বিষ্ণু ও রুদ্র ইহাকে আমার সহিত বিবাহ বন্ধনে আবদ্ধ করিয়াছেন।”

সাবিত্রী বা সরস্বতী ইহাতে সন্তুষ্ট হইতে না পারিয়া দেবতাগণকে অভিশাপ প্রদান করিলেন। ব্রহ্মাকে কহিলেন তোমার জন্য কেউ মন্দির স্থাপন করিবে না, সন্ধ্যাসরে একদিন ব্যতীত তোমাকে কেউ পূজা করিবে না। ইন্দ্রকে কহিলেন, “তুমি গোয়ালিনীকে লইয়া আসিয়াছ, এই জন্য শক্রগণ তোমাকে পরাজিত করিয়া শৃঙ্খলাবদ্ধ করিয়া তাহাদের দেশে লইয়া যাইবে আর তোমার অমরাবতী শক্রগণ কর্তৃক বিজীত হইবে।” বিষ্ণুকে কহিলেন, “তুমি গায়ত্রীকে সম্প্রদান করিয়াছ, ইহার জন্য তোমাকে মনুষ্য গৃহে জন্মগ্রহণ করিতে হইবে, তোমার শক্রগণ তোমার স্ত্রীকে চুরি করিয়া লইয়া যাইবে। আর গোপের ঘরে জন্মিয়া অনেকদিন ধরিয়া তোমাকে গরু চরাইতে হইবে।” রুদ্রকে সরস্বতী কহিলেন, “তোমার পুরুষত্ব লোপ পাইবে।” অগ্নিকে কহিলেন, “তোমাকে পবিত্র, অপবিত্র সকল বস্তুই ভক্ষণ করিতে হইবে।” সমবেত ব্রাহ্মণ ও পুরোহিতগণকে কহিলেন “এখন হইতে তোমরা কেবল অর্থলোভের জন্য যাগযজ্ঞ করিবে, ধর্মার্থে আর পূজা অর্চনা করিবে না। এই লোভের জন্যই তোমরা তীর্থক্ষেত্রে ও দেবালয়ে যাইবে। পরায়েই তোমরা উদর পূর্তি করিবে, নিজ গৃহের অগ্নে তোমাদের অরুচি জন্মিবে। পূজা, অর্চনাও তোমরা যথাযথভাবে সম্পন্ন করিতে সমর্থ হইবে না।”

এই অভিশাপ প্রদান করিয়া অন্যান্য দেবীগণের সহিত সরস্বতী সভাস্থল পরিত্যাগ করিয়া চলিয়া গেলেন। কিন্তু অন্যান্য দেবীগণ কিঞ্চিৎ অগ্রসর হইয়াই সভাস্থলে ফিরিয়া যাইবার সঙ্কল্প করিলেন। তজ্জন্য তাহাদের উপর ক্রুদ্ধ হইয়া সরস্বতী কহিলেন, “হে লক্ষ্মী, আজ হইতে কোথাও তুমি স্থির হইয়া থাকিতে পারিবে না। যাহারা পাপী, নিষ্ঠুর, অসত্যবাদী, ঘৃণ্য, অসত্য এবং নিকোঁধ, তুমি তাহাদের নিকটেই থাকিবে। হে ইন্দ্রাণি ! নহব স্বর্গ বিজয় করিয়া তোমাকে তাহার সেবা করিতে বলিবে। এবং ঐ ঘৃণিত বাক্য শ্রবণ করিয়াও তোমাকে

বাঁচিয়া থাকিতে হইবে।” ইহাতেও সরস্বতীর অভিশাপ শেষ হইল না। তিনি দেবীগণকে কহিলেন, “তোমরা পুত্র কন্যা হইতে একেবারেই বঞ্চিত হইবে।”

বিষ্ণু সরস্বতীকে সাস্বনা প্রদান করিতে অনেক চেষ্টা করিয়াও বিফল মনোরথ হইলেন। কিন্তু সরস্বতী চলিয়া গেলে গায়ত্রী সকলকে অভয় প্রদান করিয়া সরস্বতীর অভিশাপ অনেক মুছ করিয়া ফেলিলেন। এবং গায়ত্রীর এই আশীর্বাদের জন্যই Phalus worship সৃষ্ট হইল। ব্রাহ্মগণ দেবতার সম্মান পাইলেন এবং বিষ্ণু তাঁহার স্ত্রীকে ফিরিয়া পাইলেন।


পদ্মপুরাণে দেখিতে পাই এই স্ত্রী পুরুষের দন্দ বিষ্ণু চক্রে পড়িয়া মিটিয়া গেল। বিষ্ণু ও লক্ষ্মী সরস্বতীকে ফিরাইয়া আনিলে গায়ত্রী সরস্বতীর পদতলে পতিত হইলেন এবং ব্রহ্মা কহিলেন, “এই গায়ত্রী সম্বন্ধে তোমার আদেশ কি?” সরস্বতীর ক্রোধ চলিয়া গেল। গায়ত্রীকে সাদরে উঠাইয়া আলিঙ্গন করিয়া সরস্বতীকে কহিলেন, “স্বামীর আদেশ মান্য করা স্ত্রীর কর্তব্য। যে স্ত্রী স্বামীর সাস্বনাস্থল না হইয়া রাত্রিদিন তাঁহরে সহিত কলহ করিয়া বেড়ায় আর সর্বদা অমুযোগ প্রদান করে সে তাহার স্বামীর আয়ুষ্কয়ের কারণ হয় এবং মৃত্যুর পর সে নিজে নরকে যায়। সুতরাং আইস আজ হইতে আমরা উভয়েই ব্রহ্মার পরিচর্যা করি। গায়ত্রী কহিলেন, “আপনার আদেশ আমার শিরোধার্য। আপনার কন্যা স্বরূপে আপনি আমাকে রক্ষা করুন।”

আপনারা এই পুরাণ বর্ণিত কাহিনীতে বর্তমান সময়ের অনেক আভাষ পাইবেন এবং সে জন্য পুরাণকারের ভবিষ্যৎ দৃষ্টির প্রশংসা না করিয়া পারিবেন না।

বাণীর রূপের মধ্য দিয়া প্রাচীন কবি ও শিল্পি কি বিশ্বতত্ত্ব প্রকাশ করিয়াছেন তাহা হিন্দু মাত্রেই অবগত হওয়া কর্তব্য। বারাস্তরে দেবী সরস্বতীর এই রূপতত্ত্ব আলোচনা করিবার ইচ্ছা রহিল। আজ এইখানেই বাণীর চরণে প্রণাম করিয়া আপনাদের নিকট বিদায় লইতেছি।*

শ্রীপ্রিয়গেবিন্দ দত্ত।

* মুঙ্গেরের বাণীমন্দিরের পঠিত।



ভুলে কি ?

ভুলে কি গো আসিয়াছি

এ পথে ?

তবু ফিরে যাওয়া মোর

হবে না কো'কিছুতে ।

তানি না কো'অবশেষে

কোথা য'বো কোন দেশে—

কেহ কি গো মূঢ় হেসে

ডেকে লবে নিভৃত্তে ?

মনে হয় কে যেন গো

ডাকে মোরে এ পথে ।

সবে ডেকে বলে—ওগো

এ কি এ !

বুঝি না তো—কেন যাও

মরীচিকা পানে যে !

শুনি না ত'ক'রো বাণী

শুধু মনে মনে জানি—

কে যেন গো প্রাণখানি

আজি টানে অদূরে ;

বুঝিবে না কেহ আজি

ডাকে মোরে কি সুরে !

পাখী ডেকে বলে—‘ষারে

ছুটিয়া,

তোমাই পরশনে ফুল

উঠিবে রে ফুটিয়া।”

ডাকে মোরে দুরাক’শ

নদী দেয় আশ্বাস

ফোটা কুসুমের বাস .

থাকি থাকি লুটিয়া

বলে—“ওব পরশনে

রবে ফুল ফুটিয়া।

ভুলে আম আসি নাই

এ পথে,

ওই দূরে ডাকে মোরে

নিরালা সে নিভুতে।

ওগো তু ম মোরে ডাকি

বাহু দিয়া রাখ ঢাকি’

শাস্তির রেখা অঁকি’

দিয়ো মোর বুকেতে—

মনে হয়—ভুলে আমি

আসি নাই এ পথে।

শ্রীরেণুকা দাসী।

বয়াটে ।

— : * : —

(পূর্ব প্রকাশিতের পর)

(দুই)

ন'ব'নে ঠিক ক'রলে—একেবারে ক'লকাতায় গিয়ে উঠবে । অত বড় সহরে সেই লক্ষ লোকের মাঝখানে—মাথা গুঁজে থাকবার তারো একটু স্থান হবেই নিশ্চয় !

খানিকটা ইষ্টিমারে—বাকীটা রেল চ'ড়ে বেপরোয়া ন'ব'নে বুক ফুলিয়ে এসে ক'লকাতায় নাব'লো । সেখানে তার দিদিমা আছেন—চেনা জানা—আশে পাশের গাঁয়ের বালাবন্ধু ছ'চার জনও তো ক'লকাতায় থেকে লেখাপড়া করে ।

দিদিমা বড় গরীব ; ছোট মামা তাঁকে ভক্তি তো করেই না—খেতেও দেয় না । তবু এ সহরে সেই তার প্রথম আশ্রয়—সেইখানে গিয়েই প্রথম উঠতে হবে ।

দিদিমার বাড়ী শেরালদা থেকে বেশী দূর নয়—সেখানে গিয়ে সে পৌঁছোলো যখন, তখন বাড়ীতে কেউ ছিল না—বাইরের দোরে তালা বন্ধ ।

এইবার গোড়ার সে অতিরিক্ত উৎসাহ খানিকটা একটু দ'মে এল । সে ভাবলে—“কি আপদ ! এরা সব গেল কোথায় ?”

অনেকক্ষণ ধ'রে ন'ব'নে ঘরের সামনে ছোট রোয়াকের ওপর দাঁড়িয়ে রইল । এ-পাশ ও-পাশ, ছ'চার বার পায়চারী ক'রলে কিন্তু দিদিমা তো এলেন না । ন'ব'নে আর দাঁড়াতে পারলে না সেইখানে ব'সে প'ল । সন্ধ্যা অন্ধকার হ'রে এল । এখন কোথায় যাবে ন'ব'নে ? যদি দিদিমা আজ না করেন ! কিবা দিদিমা সহর ছেড়েই কোথায়ও চ'লে গেছেন—তার ঠিক কি ? আরও খানিকক্ষণ গেল—ঘণ্টা দুই হয়তো । ওপরে দিদিমার একজন ভাড়াটে থাকতেন ন'ব'নে তাঁকে আরও ছ'একবার এখানে দেখেছিল । তিনি বেড়িয়ে ফিরছিলেন যখন ন'ব'নেকে দেখতে পেয়ে একবার তার মুখের দিকে তাকিয়ে—কি যেন মনে ক'রে মিলেন তার পর ব'লেন—নবনী ?”

“হ্যাঁ” ব’লে ন’ব’নে তাঁর দিকে চেয়ে একটু হাসলো ।

“কখন এলে ?”

“এই তো আজই ; তা দিদিমাকে তো দেখছি নে ।”

“তিনি কলুটোলা গিয়েছেন বিয়েতে,—আসবেন এক্ষুণি বোধহয় ; তুমি ভাল আছ ত ?”

“আছি ।”

“বেশ” ব’লে ভাড়াটে বাবুটা পাশের দোর ঠেলে ওপরে চ’লে গেলেন । ন’ব’নে ব’সে ব’সে অনেকক্ষণ দিদিমার ফিরে আসার প্রতীক্ষায় বইল । কিন্তু কই দিদিমা ! রাস্তার কটে, ‘ক্ষিধে তষ্ঠায়’ ন’ব’নে বড্ড শ্রান্ত হ’য়ে পড়েছিল । বিছানা বাক্স তার তো কিছুই ছিল না যে বাইরে রাখলে ভয় আছে । সে একা ; একখানি মোটা কাপড় । একটা জামা গায়ে,—মোটা চাদর একখানা—তা তো ঘাড়ের ওপরেই ছিল । পকেট থেকে ‘হিতবাদী’ দিয়ে জড়ানো গামছাখানা য়’র ক’রে কাগজখানা বিছিয়ে গামছা আর চাদর জড়িয়ে বালিস ক’রে মাথায় দিয়ে রেয়াকের ওপরেই শুয়ে প’ল । ক্লান্ত দেহে শুয়ে ন’ব’নে খুব ঘুমোলো । তা-পর গাঢ় গভীর সে ঘুম তার ভাঙলো—দিদিমার কড়া কথা কানে গিয়ে । তখন ভোর হ’য়ে গিয়েছিল । দিদিমা—বিয়ে বাড়ী থেকে ত’খনি ফিরলেন । শেষ রাতে বিয়ের লগ্ন ছিল তাই এত দেরী ।

ন’ব’নে হাত বুলিয়ে চোক ক’চ’লিয়ে নিয়ে উঠে ; গিয়ে দিদিমাকে প্রণাম ক’রলে । দিদিমা বল্লেন—“তুই কখন এলি—আবার ম’রতে—অ’্যা ?”

একবার একটু হেসে ন’ব’নে বললে—“ম’রতেই এসেছি দিদিমা কাল সারা রাত এই রেয়াকে গুয়ে ছিলাম ।”

“তাতো থাক্‌বারই কথা, অপহতা যারা তাদের জন্যে ভগবান এই করেন ; পড়া নেই শোনা নই, বালাই আপদ ! দূর ! দূর ! কেন তুই এলি এ বাড়ীতে ম’রতে যা আজই আবার ফিরে বাড়ী যা ।”

ব’লে দিদিমা—আঙুল ছলিয়ে চ’লে যাওয়া দেখবার ভঙ্গী ক’রলেন ।

একবার হাস্‌বার চেষ্টা ক’রেও—ন’ব’নে পারলো না—তার চোখ ছল্ ছল্ ক’রে এল । ৭ কিছু খায়নি প্রায় দুদিন ; হঠাৎ দিদিমার কথায় যেন পেটের সে ক্ষিধে মনের বিষ আলার

চেরেও দাক্ষণ হ'য়ে জ'লে উঠলো। সে ব'লে—“বাড়ী ফিরে যাওয়া আর হবে না দিদিমা—
ভারা আমার গাঁ থেকে তাড়িয়ে দিয়েছে।”

“অ'্যা তাড়িয়ে দিয়েছে? আর তুই কিনা এসে জুটলি আগারি 'স্বন্ধে?' নাব্ নাব্ নাব্
বাড়ী থেকে।” ব'লে দিদিমা চোঁফিয়ে উঠলেন। ন'ব'নে ভাবলো—“কি দোষ আর সংসার—
এ দিদিমা যে তার আপন মায়ের মা—ও'রই রক্ত যে ন'ব'নের শিরায় শিরায় বইছে! সংসা
ভবু ছাই দিয়েছিল খেতে—কিন্তু দিদিমা যে কিছুই দিল না! এবার ন'ব'নে হুখে কেঁদে না উঠে
মুচুকে হেসে বাড়ী থেকে রাস্তায় নেবে এল। মণ্টুকে খুন ক'রে মেরেছে—সে হুখও তো
স'য়েছে! সামনে চলতে চলতে ন'ব'নে পিছন পানে তাকালে একবার—দিদিমা যদিই ডেকে
ফিরিয়ে নেন। কিন্তু—না—তার কি আর সে কপাল! নইলে মণ্টু ম'রবে কেন—সে বাড়ী
তার ছাড়তে হবে কেন? ন'ব'নে স্পষ্ট বুঝেছিল এ বিশ্ব সংসারে সে একা—আর এরা সবাই
তার শত্রু।

খানিকদূর গিয়ে দেখে—একটা ফুলুরির দোকান। এতক্ষণ ভাবতে ভাবতে চ'লেছিল
ক্ষিখেটা ভুলেছিল যেন। দোকানটার সামনে এসে হঠাৎ ভাজা বেগুণিগুলো দেখেই তার মনে
হ'ল শুকিয়ে কুঁকড়ী লেগে যাওয়া পেটটার মধ্যে তার আর কিছুই নেই—শুধু ক্ষিখে। তার সঙ্গে
সেই পাঁচটাকার বাকী পয়সা কিছু তখনো ছিল। একেবারে দু আনার বেগুণি কিনে ঐখানে
দাঁড়িয়ে দাঁড়িয়েই খেলে। রাস্তার পাশে বল ছিল সেখানে জল খেয়ে এতক্ষণে যে একটু ঠাণ্ডা
হ'ল। এবেলার মত নিশ্চিন্দ!” কিন্তু কাজ তার কি? এ সহরে সে কি ক'রতে পারবে?
যখন আর কিছুই ক'রতে পারে না তখন বেড়ানোই তার কাজ। মানিকতলা দিয়ে হেদো
তারপর বিড্‌ন স্কোয়ার; বিড্‌ন স্কোয়ার থেকে শোভাবাজার ঘুরে হাঁটতে হাঁটতে শেষে
ষ্ট্র্যাণ্ড। ষ্ট্র্যাণ্ড থেকে হাওড়ার পুল। হাওড়ার পুল থেকে বড় বাজার! মাড়োয়ারীদের
মস্ত মস্ত তিন চার তলা বাড়ীগুলো। লোকজনের ভিড়। মাঝে মাঝে দুটো একটা উঁচু, মোটা
বাঁড় ফুটপাথের ওপর গুয়ে র'য়েছে। ন'ব'নে হাঁটছে আর তার মনে কত কি আকাশ পাতাল
কথা স্বপ্নের মত ছবি হ'য়ে এসে ফুটে উঠছে। ন'ঠান্দি, মহিম ভূঁরেল,—বন্ধু খেব'লু;—খড়ম
মারুতে এসেছিল—দাঁতাল পোষ্টমাষ্টার;—মণ্টু—ন'ব'নের চোখে জল এল;—“বেলা”—
“বেলা”টার কি দয়া!—হঠাৎ যদি এই রাস্তার পাশে—ঐ বাড়ীটার রোয়াকের ওপর “বেলা”

দাঁড়িয়ে রয়েছে—দেখতে পেতো ! এই সব ভাবতে ভাবতে ন'ব'নে চ'লেছে মাথার চুলে তেল নেই,—স্নান করে নি ; শরীর শুকিয়ে ক্রম হ'য়ে গিয়েছিল—তার ওপর অনাহার । গা হাত পা ক্লাস্তিতে ভারী হ'য়ে উঠেছিল—তবু তাকে হাঁটতেই তো হ'বে—এ যে ক'ল্কাতার রাস্তা ! এখানকার পথে কেউ দাঁড়ায় না—সবাই চলে ।

আর একটু এগোলো—সদর রাস্তার পাশে সে একটা গলির মোড় ! একটা লোক হাত জোড় ক'রে চোঁচিয়ে চোঁচিয়ে ভিক্ষা চাইছে—“হু' গণ্ডা পয়সা বাবু এ সময় দিলে বৃথা হবে না—শেষ কাজ বাবু—গঙ্গার ঘাটে দেবার খরচা নেই—হু' গণ্ডা পয়সা দিয়ে যান বাবু ।”

ন'ব'নে দেখলে—একটা মেয়ে মানুষের মৃত দেহ ;—কাপড় দিয়ে মুখ ঢাকা । লোকটা তার স্বামী,—স্ত্রীর শেষ সংকার করার পয়সা নেই—তাই ভিক্ষা চাইছে । ন'ব'নের প্রাণে বড় ব্যথা লাগলো । নিঃসম্বল তার পকেট থেকেও দু'টো পয়সা তুলে নিয়ে লোকটার হাতে দিলে । মরাটা দেখে ন'ব'নের কান্না এল—কি তার মনে হ'ল—“মণ্টুরে !” ব'লে কেঁদে ফেললে !

চোখের পাশটা জামার তলাটা তুলে মুছে আবার ন'ব'নে চ'ললো । অনেকক্ষণ চ'ললো । সন্ধ্যা হ'য়ে এসেছে । রাস্তার লণ্ঠনগুলো সব কাপ'রেসনের মজুরেরা জ্বলে দিয়ে গেল ।

সহরের লোক চল-চল তখনো সমানেই চ'লছিল । ন'ব'নে চ'লতে চ'লতে কলেজস্ট্রীট দিয়ে “ওয়েলিংটনের” দিকে—আসছিল । অন্যমনস্ক আকাশ পানে চেয়ে হাঁটলেও—যেন এতক্ষণ একবারও ঝঁচোট খেয়ে পড়ে নি—কেবল দু'এক জনের গায় গায় ধাক্কা লেগে গেছে । এইবার প্যারিচরণ সরকারের গলির মুখে একজনের পিঠের সঙ্গে ধাক্কা খেয়ে থমকে থেমে গিয়ে নিজেকে সামলিয়ে নিয়ে আবার চ'লবে—এমন সময় শুন্লে—সেই গলা সেই লোকটাই চোঁচাচ্ছে—“হু'গণ্ডার পয়সা বাবু এ সময় দিলে বৃথা হবে না—” ইত্যাদি । ন'ব'নে স্বর লক্ষ্য ক'র সেই দিকে তাকিয়ে দেখে গলির ফুটপাথটার ওপর কাপড় ঢাকা মরা । সে ভাবলো—“সে কি ?—ও গঙ্গায় যাবে যদি তবে পিছিয়ে আবার এখানে এল কেন ?” কারণ কিছু ঠিক বুঝতে না পেরে ঐ লোকটার পাশ দিয়ে ন'ব'নে তাড়াতাড়িই হেঁটে চ'লে গেল—যেন লোকটা তাকে দেখে চিন্তে না পারে—অথচ সে ব্যাপারটা বুঝবার সুবিধা পায় । খুব তীক্ষ্ণদৃষ্টি দিয়ে—বেশ ক'রে তাকিয়ে তার যেন মনে হ'ল রাস্তার পাশে জ্বলে দে'য়া আলোর সে দেখতে পেলে মড়ার পা-টা একবার একটুখানি ন'ড়ে উঠলো । ন'ব'নে ভাবলো—“অ'্যা ? একি তা

হ'লে—লোকটার একটা প্রকাণ্ড দমবাজী? ভিক্টর ব্যবসাদারী?"—খানিকটা চ'লে গিয়ে আবার ফিরে এসে নব'নে—ঠিক মড়াটার সামনে দাঁড়িয়ে—চোখের পলকফেলার সময়টুকুর ভেতর দেখ'না দেখ' টক্ ক'রে মড়ার মুখের ওপর থেকে কাপড়টুকু সরিয়ে দিলে। যেমন কাপড় ফেলা অন'নি মড়া তড়া'ক্ ক'রে উঠে প'ড়ে চলতে লাগল—তাড়া'তাড়ি তার পেছনে সেই লোকটাও—ছুট আর কি!

ন'ব'নে আপন মনেই হো হো ক'রে হেসে আবার চ'লতে লাগলো! সে ভাবতে লাগলো—এই তো কলকাতার ব্যাপার—মরণ নিয়ে খেলা ক'রেও দিনের কুজি-রেশুর যোগাড় করে এখানে। কিন্তু—এখন আমার উপায় কি? রাত্তিরও হ'ল—রাত্তিরের কি ব্যবস্থা? সারারাত তো আর রাস্তায় রাস্তায় ঘুরে বেড়ানো যাবে না। হয় তো পুলীসে ধ'রবে। একবার ভাবলো—চ'লে যাবে জ্ঞানবাবুর বাসায় কি কমলদের মেসে কিন্তু দিদিমা যেমন তাড়িয়ে দিলে তারাও যদি তেমনি চিনেও—চিনিনে ব'লে দোরের বার ক'রে দেয়!—সে তা হ'লে বড় অপমান!

ভাবতে ভাবতে আর একটু এগিয়ে একটা মোড়ের কাছে খুব বড় একটা বাড়ীর গায়—দেখে একখানা পোষ্টার মারা র'য়েছে। লাল-নীল হরফে বড় বড় ক'রে লেখা :—

মিনার্ভা থিয়েটার!

মিনার্ভা থিয়েটার!!

১৫ই মে শনিবার।

রাত্রি ৮টায়—

দ্বিজেন্দ্রলালের

নূতন পঞ্চাঙ্গ ঐতিহাসিক নাটক

সাজাহান

সাজাহান

সাজাহান

তারপর—

হীরার ফুল

পাষণে প্রেম

দরিয়া

সমস্ত রাত্রি অভিনয়।

পরদিন রবিবার

ইত্যাদি।—



ন'ব'নের হঠাৎ মনে প'ল—সেদিনই তো তেরই তারিখ শনিবার। সারারাত অভিনয় হবে। বেশ ত থিয়েটার দেখেই আজকের রাতটা কাটানো যাক। পকেট থেকে সবগুলো পয়সা বা'র ক'রে এনে গুণে দেখলে—বার আনা দেড় পয়সা আছে। সেই তার পৃথিবীতে যা কিছু সাত রাজার ধন মণি-কাঞ্চন। কিন্তু আজই যদি এই সব—একরাতেই খরচ ক'রে নিঃশেষে ফুরিয়ে ফেলে—তা হ'লে কাল? সর্বস্ব হারিয়ে নিঃস্ব সে সকালে থিয়েটারের বাড়ীর বাইরে এসে দাঁড়াতেই যে বেঁচে থাকার বড় বালাই তার শক্ত মুঠিতে চেপে ধ'রবে। খাওয়া খাওয়া। কি খাবে? কাল-পরশু, তারপর দিন,—কিন্তু তারপর দিন? সেই একই কথা! তখন ম'রতে হবে না খেয়ে,—ভুঁইক্ষ না হ'লেও ক্ষিধেয় পেট গুকিয়ে এইখানে রাস্তায় প'ড়ে তাকে ম'রতে হবে—পরশু না হয় তারপর দিন কিম্বা তারপর দিন। সেই তারপর দিন না হয় কালই হ'ক। তবু আজ জীবনের শেষ—আনন্দের গান ছটো গুনে আশি। থিয়েটার দেখার সুযোগ হয় তো এ জীবনে আর নাও হ'তে পারে।

ন'ব'নে সিম্লাস্ট্রীট দিয়ে এসে আবার মাণিকতলায় প'লো। ইচ্ছা বরাবর গিয়ে ডান হাতের গলি দিয়ে একেবারে মিনার্ভা থিয়েটারের বাড়ীর পাশে গিয়ে উঠতে। ডানধারের ফুটপাথে একটা বাড়ীর সামনে লেখা স'য়েছে—“ব্রাহ্মণের হোটেল।”—সেখানে ভাত বিক্রী হয়।

ন'ব'নে বরাবর ভেতর ঢুকে প'ড়ে—একজনকে জিজ্ঞেস করলে—“এক বেগার চাৰ্য্য কত?”

“সে বলে—দশ পয়সা থেকে এক টাকা, দেড় টাকা অবধি আছে—যেমন চান।”

“আমি দশ পয়সার খবার চাই—এখুনি দিতে পারবে?” ন'ব'নে প্রশ্ন ক'রে লোকটার মুখের দিকে তাকালে।

সে বলে—“হ্যাঁ বসুন ঐ বারান্দায়—ও ঝি,—এক গেলাস জল দাও বাবুকে।”

ন'ব'নে খেতে ব'সলো। পেট ভ'রে ভাত খেল—ডাল, চচ্চড়ি মাছের ঝোল—কি রকম রান্না হ'য়েছিল—তার স্বাদ বোঝবার তার শক্তিও ছিল না সময়ও ছিল না। সে কেবল গরাসের পর গরাস পাকিয়ে গিলে গেল। তারপর পুরো ছুকেরো জল খেয়ে—ঠাকুরের হাতে দশটা পয়সা দিয়ে বেরিয়ে গেল থিয়েটারে।

তরুণী রঞ্জিনীরা রস-বিলসিত দেহ-ভঙ্গিমা; লঘু চরণের লাস্য-লীলার রুণুঝু মুপূর শিখরেন্দ্র; আঁখি পলকের পুলক-বিভ্রম—রূপের পশরা ফিরি করা ব্যবসাদারীর যত রকম কুৎসিত বিজ্ঞাপন

হ'তে পারে—তাই করলে। তাদের মুখের ওপর হাতের কঁকণ বালায়, বুকের ওঠা-পড়ায় বিজলী আলোক আছাড় খেয়ে মুচ্ছিত হ'রে প'ল—মূচ্ছ'নায়, মূচ্ছ'নায় সুর চড়িয়ে নারিকা গান গাইল, তার হাতের ফুলের মালা দোতুল দোলে দোল খেয়ে উঠলো, বাঁশী বেজে গেল,—হাসি এসে খেলে উঠলো দর্শকদের ওষ্ঠাধরে। বাহোবা দিন, তারিফ ক'রলো সকলেই—কেউ আরো কত কি ব'ল্ল—যা ব'ল্ল তা দিয়ে আর দরকার নেই!

ন'বনে কি ব'সে ব'সে এই আগে গান, হাদি অভিনয় দে'লে শুনে? না। সে কেবল ভেবে ভেবে সারাটা রাত পুইয়ে ফেললে। এ তরল আনন্দ লবু মন নিয়ে উপভোগ করবার স্বপ্নে লেখা দিন আর তার নেই। তার বে সচল হ'রে আস'ছিল। রাত শেষ হ'ছিল—আর ন'বনের মনে শঙ্কা ও হতাশা ভ্রানক হ'য়ে উঠ'ছিল। সকালবেলা ;—কাল ; দিন তার আলো জাগরণ, কাজ কোলাহল নিয়ে জেগে উঠ'বে। গাড়ী, ঘোড়া, বাবু, বুড়ো, খোঁড়া, ভিখিরী সবাই চ'লবে শুধু সেই বুঝি আর সামনে চলতে পারবে না—তাদের সঙ্গে। তার সকালবেলা কাল যদি আর না হ'ত।

কিন্তু কাল হ'ল! সকলের সঙ্গে ন'বনেও বাইরে রাস্তায় বেরিয়ে এল। তারা গেল যার যার বাড়ীতে—ন'বনে যাবে কোথায়? বিরাট সহরের কলরব-মুখর প্রকাণ্ড রাস্তা সব প'ড়ে রয়েছে—তার যাবার জায়গার অভাব কি? চিংপুর দিয়ে বেটিংস্ট্রীট হ'য়ে বরাবর চ'লে গেল গড়ের মাঠে। সেখান থেকে হাঁটতে হাঁটতে ইডেন গার্ডেন। বাগানের ভেতর ঢুকে একটা খোঁপের কাছে গাছ তলায় ব'সে ব'সে—শেষে শুয়ে প'লো। কেউ কিছু ব'লে না, বাধা দিলে না কেউ। শুয়ে শুয়ে ঘুমিয়ে প'লো। উঠ'লো যখন বেলা তখন গড়িয়ে গিয়েছিল ন'বনে উঠে আবার হাঁটতে লাগ'ল। রোদ মাথায় করে চ'লে এসে আবার মাঠের ভেতর মনুমেন্টের কাছে প'লো। খানিকক্ষণ সেখানে ব'সে থেকে আবার উঠ'লো—হাঁটতে লাগ'লো। হাঁটতে হাঁটতে মিউজিয়ামের কাছেই গেল। সেখান থেকে আবার ফির'লো। ফিরে কোথায় যাবে! আজও তো আবার সন্ধ্যা হ'য়ে আস'ছে, রাত্তিরে কি উপায় ক'র্বে? আজ কি যাবে জ্ঞানবাবুর বাসায়! জ্ঞানবাবু তাদের গায়ের বাবুদের জামাই। ক'লকাতায় ক'ব'রেঙ্গী পড়েন। ক'র্ণওয়ালীস স্ট্রীটে সে কবিরাজের বাড়ী। দেখি রাত্তিরটার মত যদি জায়গা হয় ভেবে চ'ললো ক'র্ণওয়ালীস স্ট্রীটের দিকে। থিয়েটার দেখে ফির'ছি ব'লে ডেকে জ্ঞানবাবুকে জাগাতে

হবে। হেঁদোয় এসে অনেক ভেবে রাত অবধি ব'সে থেকে আবার বেড়িয়ে এল রাস্তায়। বারটা অবধি কাছাকাছিই হাঁটাচলা ক'রে,—নিশীথ যখন নিঝুম মোহে অন্ধকারের ভেতর মাথা তুলে পিশাচের মত দাঁড়িয়ে উঠা বাড়ীগুলোকে নীরব স্তব্ধ ক'রে দিয়েছিল। ন'ব'নে সেই সময় সেই বাড়ীতে গিয়ে ডাকলে—“জ্ঞান বাবু, জ্ঞান বাবু।” ভেতর থেকে জবাব এল না কিছুই। এবার কড়াটা ধ'রে জোরে নাড়া দিয়ে—চঁচিয়ে চঁচিয়ে ডাকলে “জ্ঞান বাবু, জ্ঞান বাবু।”

এবার ভেতর থেকে উত্তর এল জিজ্ঞাসায় “কে?”

“আমি নবনী।”

“আ কে? নবনী?”

ন'ব'নে ব'লে—“হ্যাঁ নবনী—ন'ব'নে।”

ভেতর থেকে জ্ঞানবাবু ব'লেন—“ওঃ! কি মশাই! খবর পেয়েছি আমাদের কাছে আর আপ'নি না আসেন কর্তারা তাই চান—বুঝেছেন?”

ন'ব'নের মনে হ'ল মাথাটা বুঝি কেটে প'ল। সে ছোর পায় রাস্তায় নেবে ফুঁপিয়ে কেঁদে উঠলো! গাঁয়ের তাঁদের সঙ্গে যে কি শত্রুতা করেছি?—সেইটেই তো সমস্যা।

একজন পাহারাওয়াল একটা আলোর খুঁটি হেলান দিয়ে দাঁড়িয়ে দাঁড়িয়ে কোমাচ্ছিল সে কান্নার আওয়াজে চ'ম্কে উঠে ব'ল—“রোতা কাহে!”

ন'ব'নে চট'ক'রে চোখ মুছে ফেলে ব'লে—“না কিছু না।” পাহারাওয়াল আর কিছু না ব'লে আবার চোখ বুঁজলো। ন'ব'নে আরো খানিক দূর এগিয়ে গিয়ে দেখে “বোস কোম্পানীর” “পোর্টিকোর” নীচে জন দুই লোক রাস্তার ওপর শুয়ে র'য়েছে। সে আর হাঁটতেও পারছিল না। গামছাখানা বিছিয়ে ঐ খানেই শুয়ে প'ল।

সকালবেলা ন'ব'নে আর যেন উঠে দাঁড়াতে পারে না। ক্ষিধের তার সারা শরীর কাঁপছিল। কিন্তু ওখানে ব'সে থকলেও তো চ'লবে না—এখনি লোক জন চ'লতে আরম্ভ ক'রবে; দোকানদারেরা ঘরের দোর খুলবে—এখানে আর নয়। সে উঠে আস্তে আস্তে বেতে লাগলো। একটা মুড়ীমুড়কীর দোকান থেকে তিন পয়সার মুড়ীমুড়কী কিনে চ'লে চলেই খেলে। ঐ ছটো মুড়ী পেটে গিয়েও শরীরে যেন একটু বল পেলো। সে হাঁটতেই লাগলো।

কিন্তু আজ বড় কাহিন্স লাগছিল। বেশীদূর যেতেও পারে না। গোলদীঘিতে এসে ব'সে রইল। তিন পরসার মুড়ীমুড়কীতেই সেদিন গেল। রাত্তিরে শোবার জন্তে সেই রাস্তায় “বোস কোম্পানীর” দোকানের কাছে এল। একটা লোক তখন বিছানা বিছোচ্ছিল—সে ব'ললে—“এই হিঁয়া মৎ শোও—তুমারা শোনেকো আস্তে ই ‘পোর্টিকো’ নেহি ছায়।”

বৃকটা ন'ব'নের যেন ব্যথা ক'রে উঠলো।—বুকের ওপর দুখান হাত চেপে নিয়ে—সে ফিরে গেল শেয়ালদা ষ্টেশনের দিকে। সেখানে নানা দিকের যাত্রী ছ' চার জন তখনও “ওয়েটিং সেডে” ব'সে ছিল। কেউ বা শুয়েও ছিল। ক্লান্তিতে ন'ব'নের মেরুদণ্ডটা যেন ভেঙে যেতে চাইছিল সে ব'সে থাকতে আর পারে না—একখানা পাথরের বেঞ্চের ওপর শুয়ে প'ল সে রাত্তির তার সেখানেই কাটলো।

আবার তার পর দিন। এই তার পরদিনের আসার সামনে চোখ রাত্তিরে দাঁড়িয়ে শাসন ক'রে তাকে কিরিয়ে দেবার প্রতিটুকু শক্তিও ন'ব'নের নেই। এই তার পর দিনের খেয়ালের আসরে পালা গেলার প্রাণটাকে বাজি রেখে ন'ব'নে ক্রমাগত হার মেনে খেলেই চ'লেছে। তারপর দিন আবার তারপর দিন। আজ এই তিন দিন ন'ব'নের পেটে দানাটীও পড়ে নি। ষ্টেবনে শুয়ে থাকে রাত্তিরে সকালে উঠে এদিক ওদিকে যতক্ষণ পায়ের ওপর দেহটাকে খাড়া রেখে পারে—ঘুরে বেড়ায়। যখন আর পারে না কিয়ৎ আসে শেয়ালদা যাত্রীদের বিশ্রামের ঘর-খানিতে। যেন সেও কোথাকার যাত্রী। তারই যে যাত্রা সত্যিকার,—মরণের সঙ্গে যুদ্ধ ক'রে জীবনযাত্রা তার জোর ক'রে টেনে চ'লেছে, রাক্ষসী ক্ষুধার করাল গ্রাসের ভেতর নির্ভীকাবে আত্মসমর্পণ ক'রে।

সন্ধ্যাবেলা—গা মাথা তার ট'লতে লাগলো যেন মন খেয়ে নেশা লেগেছে। ন'ব'নে অনেক কষ্টে ঘরের বাইরে এসে কলের নীচে মাথা এগিয়ে দিয়ে নাখাটা ধুয়ে নিলে। তারপর অঁজল পুরে তিন চার অঁজল জল খেয়ে আবার ফিরে এল সেই পাথরের বেঞ্চখানার ওপর। যাত্রীরা সব যে ঘর মত টিকিট কিনে গাড়ীতে উঠে চ'লে গেল। দশটার পর ভিড় একেবারেই ক'মে গে'ছে। তিন চার জন লোক এদিক ওদিক শুয়েছিল ন'ব'নেও তাদের একজন।

হঠাৎ একটা হিন্দুস্থানী তিন সেলাই দে'য়া পাঞ্জাবী গায় দিয়ে প্রকাণ্ড পাগড়ীটা মাথার ওপর জড়িয়ে নিয়ে এসে ন'ব'নকে ঠেলা দিয়ে জিগু'গেব ক'রলে—“এই তোম্ কাঁহা ঘায়ে গা ?”

ন'ব'নের তো আর ঘুম ছিল না চোখে। পেট জ'লে ষাচ্ছিল, চোখ বন্ধ ক'রলে সে অঁধার ভ'রে সব কেবল খাবার জিনিষ, ময়রার দোকান দেখতে পায় আর অম্নি ক্ষুধা সমস্তটা শরীরের ও'পর দিয়ে একটা তীব্র জ্বালা স্পন্দিত ক'রে তুলে তাকে, পরের মুহূর্তেই অসাড় অবসন্ন ক'রে ফেলে। সে কথা শুনেই জবাব ক'রলে—“কোথায়ও যাব না ভাই, এইখানেই শুয়ে আছি।” শুকনো কণ্ঠের ভেতর শীর্ণ সে স্বর জড়িয়ে অস্পষ্ট হ'য়ে গেল।

হিন্দুস্থানী বললে—“ওঃ তোম-ওহি বোম্বোটিয়া হায়! পকেট মারকে গুব উড়াতা! বা বা! আভ-চল থানেমে।” ব'লে তাকে টেনে নিয়ে গেল।

থানার ঘরের ভেতর বড় দারোগাবাবু, ছোট দারোগাবাবুর সঙ্গে গল্প করছিলেন - আর মুঙ্গী মানে রাইটার কনেষ্টবল একপাশে ব'সে ডায়রী লিখ'ছিলে।

হিন্দুস্থানী ঘরে ঢুকেই ন'ব'নের পরিচয় দিয়ে দিলে—“এই হজুর পকেট-কাট্ কাল মো তিন আদমীকী পাকেট মার দিয়া।”

ন'ব'নে একবার ঢোক গিলে চেষ্ঠা ক'রে গলাটা একটুখানি ভিজিয়ে নিয়ে ব'ললে—
“দারোগাবাবু, সত্যি-কথা বিশ্বাস ক'রবেন?”

রেল-পুলীসের বড় বাবুর লোহার মত শক্ত মনটাও ন'ব'নের গলার ভেতর আটকে বাওয়া মিনতি ভরা নিবেদনে একটু নরম হ'ল। তিনি বল্লেন—“কি কথা?”

“আমি গাঁট-কাটা নই, ভদ্রলোকের ছেলে—সহরে রাতের জন্য কোথায়ও আশ্রয় না পেয়ে ষ্টেশনে এসে শুয়েছিলাম।”

“কিন্তু তুমি নাকি কালও এখানেই ছিলে?”

“আজ্ঞে হাঁ আজ চারদিন হ'ল রাতে এখানে থাকি ;—আমি পাঁচদিন আগে বাড়ী গেকে এসেছিলাম—আমার এক আত্মীয়ের বাড়ীতে—কিন্তু তাঁরা আমার থাকবার জায়গা দিলেন না—ফিরে যে কোনোখানে যাব—সে টাকাও আমার নেই।”

দারোগাবাবু শুনে ব'ল্লেন,—“কি খাও?”

“যা দু চার আনা ছিল এ কদিন তাইতে খেয়েছি।”

“হু” ;—আচ্ছা তোমার বাড়ী, ঘর, ঠিকানা, থানা সব বল।”

ন'ব'নে তার ঠিকানা লিখিয়ে দিলে বড় দারোগাবাবু বল্লেন—“বাও বেরিয়ে ষ্টেশন থেকে—শেয়ালদা'র সীমানায় তুমি থাকতে পারবে না।”

ন'ব'নে বল্লেন—“আজকের রাতটা ষ্টেশনে থাকতে দিন না দয়া ক'রে দারোগাবাবু।”

বড় বাবু উত্তর দেবার আগেই ছোট বাবু আঙুল দিয়ে দেখিয়ে বল্লেন—“তাহ'লে ঐ ঘরে থাকতে হবে হে।”

সেটা ষ্টেশনের থানার গারদ-ঘর। ন'ব'নে চোখ ভরে জল নিয়ে বড় দারোগা বাবুর দিকে তাকিয়ে বল্লেন—“আচ্ছা যাচ্ছি—নমস্কার।”

পেছন ফিরে দরজার কাছে এসেছে যেমন—বড় বাবুর মনে বৃষ্টি একটু দয়া হ'ল—তিনি ভেঁকে বল্লেন—“ওহে,—দেখ—আচ্ছা আজ রাতের মত থাকগে ষ্টেশনে কিন্তু কাল সকালে যেন এর কাছাকাছিও তোমায় দেখা না যায়।”

“আপনার এমন দয়া দারোগা বাবু।” বলতে বলতে ন'ব'নে সত্যি করেই কেঁদে ফেললো—ক্ষিধের তার স্বায়ুজালের ভেতর একটা তড়িত-প্রবাহ অস্থির আবেগে কাঁপছিল। দারোগা বাবুর এই কথায় অনুভবের একটা নতুন সাদা বাইরে থেকে গিয়ে সজোরে ধাক্কা মেরে সে আবেগটাকে বুক-ফাটা অশ্রুধারায় ঝরিয়ে গলিয়ে দিল।

ন'ব'নে ফিরে এসে শুয়ে পড়ে—ভাবতে লাগলো—“শেষ হল—এও ফুরালো, তবু শ্রান্ত দেহে বসে থাকবার জায়গা ছিল—কাল তাও থাকবে না। শেয়ালদা ষ্টেশনে আশা আশার বারণ; আবার যদি আসি হয় তো ওরা আমায় হাজতে আটকাবে—আমার “বিনি-দোষে” জেল হবে। কিন্তু সে কি বেশী কষ্ট? এই ক্ষিধের যন্ত্রণার থেকে কারার বাদন বৃষ্টি বরণ করে নে'য়া সুখের, ওরা তো সেখানে আমায় ছুবেলা খেতে দেবে। নাঃ ত'ও তো হবে না কিন্তু কাল কি করবো, এই এত বড় সহরের বুক নিশ্চিন্ত শুধু বসে থাকতে পারি—এমন একটু জায়গাও যে আমার নেই! কি করবো! আর সময় না!—পারি নে আব বরদাস্ত করতে, কিন্তু কই বুকটা তো “তবুও হঠাৎ” তার ভেতরের চলা থামিয়ে দিচ্ছে না! যা'ক্ যা'ক্ হৃদ-পিণ্ডের গতি ধাঁ করে থেমে যাক্—আমি উদ্ধার হই—মুক্তি পাই এ যন্ত্রণার হাত থেকে!

সেই থেমে যাবার শুভক্ষণের আশায়—প্রতীক্ষায় শুধু আমার চেয়ে থাকবার অধিকার আছে, তাকে ছোর করে থামিয়ে দেবার হাত তো আমার নেই—আমি যে মারব!

তা' হ'লে কা'ল? হ্যাঁ—মনে হয়েছে। গড়ের মাঠে যাব—মনুমেণ্টের তলায়। পারি যদি—কেউ যদি বাধা না দেয়—ঐখানেই রাত্তিরে শোব—কিন্তু খাব কি—ওর কাছাকাছি তো জলের কলও একটা নেই!

আবার ক্ষিধের জ্বালা,—এক সঙ্গে যেন হাজার বৃশ্চিক তার দেহের ভেতরে বাইরে বিষ ছড়িয়ে কামড়ে গেল। সে গায়ের ওপর দিয়ে হাতখানা একবার বুলিয়ে নিয়ে উঠে বসলে—তখন ফর্সা হয়ে গিয়েছিল।

ষ্টেবণে আর নয়। সে চলতে লাগলো—মাঠের পানে। রাস্তার দাঁড়িয়ে দাঁড়িয়ে মাঝে মাঝে দমন সংগ্রহ করে নিলে। মাঠের কাছে এসে একটু থেমে আবার মৃগাল বাবুর বাড়ীর দিকে হাঁটতে লাগলে। গেছে বছর কল্কাতা এফ্‌জিসন্‌ দেখতে এসে একজন ধনী-ঘরের ছেলের সঙ্গে তার খুব আলাপ হয়েছিল—সে না-কি কোথাকার রাজপরিবারের ছেলে! তার কাছে চললো। যদি সে চারটা টাকা ধার কি ভিক্ষে দেয়—ভিক্ষে! হ্যাঁ—যদি দয়া করে ভিক্ষেই দেয় তবে চলে যাব—এই কল্কাতা ছেড়ে। এখানকার ঐর্ষ্য শুধু ঐ বড় বড় উঁচু কার্ণিস তোলা গম্বুজ ওড়ানো বাড়ীগুলোর ভেতর জমা আছে। নিরন্ন ভিখারী ছবেলা ছমুঠো জোড়বার খরচ ছ'গুণা কড়ি এখানে খুঁজলেও মেলে না। পাড়া-গাঁ এর চেয়ে ঢের ভাল। সেখানে অতি গরীবও উপোস করে না। তার শত্রু প্রতিদ্বন্দ্বীও না-থেকে আছে জানতে পারলে ছ'কুনকো চাল অন্ততঃ তাকে দিয়ে আসে। মাঝের-গায়ে তো কত বার ক'দিন গিয়েটার কঠে গিয়ে বেশ থেকেছি—নাই-ই গেলাম নিজের গায়ে—সেই মাঝের গায়েই ফিরে যাব! তারা চারটি খেতে আমার দেবেই নিশ্চয়।

এই ভেবে ন'বনে ল্যান্সডাউন রোডের সেই ধনী বাড়ীতে গিয়ে—দোরের দাঁড়ালে। দারোয়ান বলে—বাবুর সঙ্গে দেখা হবে না। ন'বনে দারোয়ানকে বলে—“ভাই, একটি-বার মোটে দেখা চাই—আমার বড় জরুরী কাজ—আমাকে তিনি চেনেন—বল নবনী দেখা করতে চায়।”

দারোয়ান কি ভেবে ভেতরে ঢুকে তথ'খুনি আবার ফিরে এসে বলল—“যান ভেতরে।”

মৃগালবাবুর সঙ্গে দেখা হ'ল। ন'বনের ময়লা জামা কাপড়। তেলহীন উকখুক চুল—‘ক্ষিধের’ শীর্ণ শরীর—মুখের রঙ পিৎসে হ'য়ে গেছে—হাতের আঙুলগুলোতে ময়লা ব'সেছে—

আঙুলের ডগায় রক্তের লেশও নেই। মৃগালবাবু জিগ্গেষ ক'রলেন—“কি কথা তোমার?”

ন'ব'নে ব'ললে—“আমায় চারটে টাকা ধার দেবেন?” ন'ব'নে একটুও মুখবন্ধ না ক'রে সোজাসুজি তার নিবেদন জানালে। মৃগালবাবু অবাক হ'য়ে গিয়েছেন যেন এই রকম ভাব দেখিয়ে বলেন—“টাকা ধার দোব—তোমাকে?”

ন'ব'নে হাত ছুঁধান অনিচ্ছায়ই ষোড় ক'রে ভিক্ষুকের মিনতি নিয়ে ব'ললে—“না হয়—ভিক্ষে দিন।”

মৃগালবাবু বড় লোকের মামুলী দস্তুর হাসি হেসে ব'লেন—“ভিক্ষে কি অত সহজেই পাওয়া যায় হে ছোকরা? ময়লা ছুঁড়ী কাপড় জামা প'রে এসে হাত পাতলেই বুঝি একেবারে চারটে টাকা এসে হাতে প'লো—বেশ তো 'ব্যবসা' আরম্ভ ক'রেছ হে—যাও!”

যাও!—হাঁ—যাবই তো মৃগালবাবু, আপনার এখানে থাকবার আমার কি কিছু দাবী আছে! আপনি 'মানুষ'—সেটা সত্যি কথা—কিন্তু এ শতাব্দীর সহরে বড় মানুষের কাছে মানুষকে বাঁচিয়ে রাখবার মনুষ্যত্ব আশা করে যে—সেই শুধু হতভাগা নয়—সে নির্ঝোঁধ। কিন্তু আমার জেলার বড় বাবুটা—? না তিনি দেবতা।

এই ভাবতে ভাবতে ন'ব'নে হঠাৎ কি একটা যেন মনে ক'রে ধাঁ ক'রে ব'লে ফেললে—“মৃগালবাবু আমায় চাকর রাখবেন?”

“চাকর রাখবো তোমায়? কেন টাকা চুরি ক'রে পালাবার জন্যে?”

ন'ব'নে আশ্চর্য্যাদা আহত অভিমানে, ক্ষোভে অপমানে চৌঁচির হ'য়ে ফেটে প'ড়লো—সে চেঁচিয়ে ব'লে উঠলো—“চুরি ক'রে পালাবো?” চুরি? আজ চারদিন খাইনি—যদি না খেয়ে ম'রতেও হয়—”

“চারদিন খাও না—সত্যি? তা হ'লে বেঁচে আছ কি ক'রে?”

“বেঁচে কি আমি আছি সত্যি—মৃগালবাবু? বেঁচে আছি? হাঁ বেঁচে আছি—রাস্তার কলের জল পেট পুরে খেয়ে—জলে এখনও বেঁচে আছি।”

মৃগালবাবু একটুকুণ অবাক হ'য়ে চেয়ে থেকে ব'ললেন—“আচ্ছা এখানে চারটা খেয়ে যাও আজ”—

“না” ব’লে ন’ব্নে উন্মাদের মত দৌড়িয়ে বাড়ীর বা’র হ’য়ে রাস্তায় এল। তার মাথার ভেতর তখন সমস্ত জ্ঞান বুদ্ধি লুপ্ত হ’য়ে গিয়েছিল। এই মুখর রাজধানীর ঘন কলরব যেন একেবারে নীরব হ’য়ে গিয়েছে—এই বাড়ী ঘর দোকান পাট, বিজ্ঞাপনের কাগজ, গাড়ী যুড়ীর সগর্ভ সশব্দ যাতায়াত কিছুই যেন নেই। এমন দিনের বেলায় আলোর প্লাবন স্পষ্ট পরিষ্কার চারিদিক বৃষ্টি গাঢ় একটা অন্ধকারের ঘন কালো আস্তরণের নীচে ঢাকা প’ড়ে গিয়েছে। ন’ব্নে নেই—ন’ব্নে ব’লে কেউ কোনো দিন ছিল না। সে ছই হাতে মাথাটা চেপে ধ’রে ব’সে প’ল। চোখ ছটোর পাতা ছুথান প্রসারিত ক’রে খোলা ছিল কিন্তু ন’ব্নে কিছুই দেখতে পাচ্ছিল না।

এই রকম প্রায় দশ মিনিট। তার পর মনে আবার চিন্তা ফিরে এল, মাথার ভারিটা হালকা হ’য়ে গেল ;—ন’ব্নে উঠে আস্তে আস্তে হাঁটতে হাঁটতে একটা খাবার দোকানের কাছে এসে খানিকটা দাঁড়িয়ে, তাকিয়ে তাকিয় খাবারগুলো সব দেখলে। খাবার দেখে বৃষ্টি ক্ষিধে একটু কমলো। নিক্রপায় আজ সে চ’ললো—রমানাথ মজুমদার ষ্ট্রীটে। সেইখানে তার মামের গায়ের বন্ধু যতীন মেসে থেকে মেডিক্যাল কলেজে পড়ে। তার কাছে গেল—টাকা সে নিশ্চয়ই পাবে। যতীন ন’ব্নেকে সত্যিই ভালবাসে। আর মামের গায় ফিরে যাবার জন্যেই সে “টাকা চায় !”

“মেসে”—বরাবর ওপরে উঠে যতীনের ঘরের দিকে গেল। যতীনের এ ঘরে সে গত বছর এক মাসের বেশী থেকে গিয়েছে। মেসের অন্য ছেলেরাও কেউ কেউ তাকে চিন্তো। তখন তো ভালও বাসতো।

ঘরে ঢুকতে যেতেই কমলের সঙ্গে দেখা—কমল হেসেই “কি হে নবনী যে।” ব’লে হঠাৎ একটু আশ্চর্য হ’য়ে যেন তার মুখ জামা কাপড়ের দিকে তাকালো।

ন’ব্নে বুঝতে পারলো ব’ল্ল—“ভাই আর ব’লো না তোমাদের ক’ল্কাতার কথা—কেবল কালি আর ধুলো জামা-কাপড় রাখা চলে না—একদিনে ‘কিষ্টি’ হ’য়ে যায়।”

কমল ব’ল্ল—“তা সত্যি”—“তুমি কবে এলে? যতীনও বেরিয়েছে।”

“দিন-চারেক হ’ল এসেছি—যতীন ফিরবে তো শীগ্গিরি? আমি একটু বসি।”

“ব’সো” ব’লে কমল চ’লে গেল। ন’ব্নে ঘরের ভেতর ঢুকে যতীনের টেবলের কাছে চেয়ারের ওপর ব’সলো! অনেকক্ষণ যতীন ফিরল না। কাগজ-খাতাগুলো অন্যান্যনকে নাড়া-

চাড়া ক'রতে ক'রতে দেখে—খাতাগুলোর ও পাশে একটা মনিব্যাগ ! টাকা আছে নিশ্চয় ওতে ! মনিব্যাগটা তুলে নিয়ে গুল্লো । দেখে একটা টাকা আর ছোটো পয়সা ব'য়েছে । ন'ব'নের পেটের ভেতর ২।৪ মিনিটের জন্য ভুলে যাওয়া মৃচ্ছিত ক্ষুধার জ্বালা দাউ দাউ ক'রে জ্বলে উঠে “চাই চাই” ব'লে চীৎকার ক'রে উঠলো । ন'ব'নে ব'ল্লো উঃ ক্ষিধের কি কষ্ট !

এ টাকা আনি নিয়ে ধাব । নিম্নের ভেতর টাকাটা তুলে নিয়ে ন'ব'নে তাড়াতাড়ি বেরিয়ে সিঁড়ি ব'য়ে নেবে রাস্তায় এল । প্রথম যে দোকানটা পেলে সেইখানেই ব'সে চার আনার খাবার খেয়ে পেট পূরে জল খেলো । জলের আর কোনও স্বাদ এখন তার মুখে লাগে না । তবু জল খেয়ে একটু স্বস্তি হ'লে পেটের ভেতরটা বার কত নাড়া দিয়ে উঠলে সে জোর ক'রে চোখ মুগ ব'জে মুগের ওপর কঁচকিয়ে তুলে—সেটা সামলে নিলে । দোকানের বেঞ্চ ছেড়ে উঠতে যাবে এর ভেতর একটা কালো বছর আষ্টেক বয়সের ছেলে এসে দোকানদারের কাছে একখানা গজা ভিক্ষে চাইলে ব'লে “সারাদিন কিছু খাই নি—দাও না দোকানি, একখানা গজা ।”

দোকানী “যা যা পাল্লা—বেটা গজা খাবে ।” ব'লে ধ'ম্কে দিতেই ন'ব'নে কিছু না ব'লে হাত থেকে দোকানীর ফিরিয়ে দে'য়া তিনটে সিক্কির একটা “ছোকরার সামনে ফেলে দিয়ে তাড়াতাড়ি সেখান থেকে চ'লে গেল । দোকানী একটু যেন আশ্চর্য হ'য়ে গিয়ে তার দিকে তাকিয়ে রইল—মিনিট দুই—ন'ব'নে ততক্ষণে দৃষ্টির আড়াল হ'য়ে গেল ।

হারিসন রোড পোস্টাফিস থেকে একখানা পোস্টকার্ড নিয়ে ন'ব'নে তার পকেট থেকে “উড্ পেন্সিণ”টা বার ক'রে চিঠি লিখলে—“বতীন, তোমার একটা টাকা আমি চুরি ক'রে এনেছি—চোরের সঙ্গে তোমার মত সচ্চরিত্রের বন্ধুতা থাকা উচিত নয় তাই আমার সঙ্গে তোমার আর দেখা হবে না । ইতি—

ন'ব'নে ।”

চিঠি ডাকে ফেলে—ন'ব'নে কলেজ স্কয়ারের পানে হাঁটতে হাঁটতে—সেনেট হাউসের সামনে এসে ধ'ম্কে দাঁড়ালো । খেয়ে দেহটা একটু ভারি লাগছিল বটে কিন্তু নাখাটা অনেকটা পরিষ্কার হ'য়ে গেছলো । সে ভেবে ঠিক ক'রলে—এই তো বেশ শোয়ার জায়গা । সেনেটের

বারান্দায়—ঐ মূর্তিটার পেহনে এসে শোব। ন'বনের আফ্লাদে হাসি পেল। সে হাসলই।

আরো সাতদিন কাটলো। আট আনায় সাতদিন। আটদিনের দিন থেকে আবার উপোস।

ন'দিন দশদিন গেল। এগারদিনের দিন তার মনে হ'ল কিন্তু উপায় কি? এমনি ক'রে কি সারা জীবনের দীর্ঘ দিন রাত কাটানো যায়? এ জীবন যুদ্ধের মানে কি? এষে বোকমী! ভয়ানক নির্ভুঙ্কিতা! উপায় একটা কিছু ঠাওর করা দরকার—রোজগারের কিছু ফিকির ফন্দী না ক'রলে—এ সহরে এর কমে চ'লবে না! ভগবান! একটা উপায় ব'লে দাও! কি ব'ল্লাম? ভগবান! মিছে কথা! ভগবান কেউ নেই—এ দুনিয়া এমনিই চ'লছে—আপনি তৈরি হ'য়ে—আপনিই চ'লছে। ভগবান কে? কোথায় থাকে? স্বর্গে? স্বর্গই কল্পনা! ভগবান ভগবান নেই—শুধু আছি আমি—এই সহর,—ঐ লাটসাহেবের বাড়ী তার লাখো লাখো টাকা মাইনে—মোটরগাড়ী,—সাদা রঙের রেলওয়ে ম্যালুন—আর আমার পাঁজরের হাড় চিরোনো 'ক্ষিধে।' কিন্তু উপায় চাই—আমার বেঁচে থাকতে হবে—এই ঈশ্বরের ওপর নিষ্ঠুর প্রতিশোধ একটা আমার নিতে হবে।

কিন্তু উপায় যে কিছুই নেই। আমার দেহ ও আত্মাকে একনঙ্গে টি'কিরে রাখ'বার জন্য দুটা অম্লের সংস্থান কি ক'রে করি।

তাইত! ন'ব'বে খানিকটা চোখ বুঁজে ভাবলে। উপায় তো আছে একটা! হ'য়েছে—পাওয়া গেছে! মুটেগিরি ক'রে তো দিন গুজরান হ'তে পারে। কিন্তু মুটে হ'তে—আবার কর্পোরেশনের অনুমতি নিতে হয় নাকি! যদি হয় পরে নে'ন্না যাবে। আজ থেকেই ব্যবসা আরম্ভ করা যাক। এই পরের ট্রেণেই মোট বইতে শেয়ালদা ষ্টেশনে যাব। পারবো না? খুব পারবো! এই তো শক্ত হ'খান হাত—ক'দিনের অনাহারে কিছু শীর্ণ হয়েছে—থেকে পেলেই আবার এতে বল হবে। পুষ্ট ঘাড়—এতে এক মন ভারি বোঝাও আমি বইতে পারবো। চমৎকার উপায়! কে আমার কানে কানে এসে চুপি চুপি এ উপায়ের বাণী শুনিবে গেল কে তিনি? আছেন আছেন ভগবান আছেন। ঈশ্বর,—তুমি আছ। আমার প্রণাম নাও। আজ আমি মুটে,—দিন-মজুর কুলী! তোমার বিধানকে আশীর্বাদ ব'লে মাথায় ক'রে

নিয়েছি—আজও নিলাম। দেখ্‌বো তুমি কেমন দয়াময়—মোট অস্ততঃ ছোটো আমার আজ ছুটিয়ে দিতে হবে।

এ কি আশ্বাসের আনন্দ! ভাব্তে ভাব্তে ন'ব'নের শিরার ভেতর ক্ষীণ রক্তের স্রোত জোয়ার খেলে নেচে উঠলো। সব সেখানকার হতাশাস, এক নিমেষে কোন স্নদুরে ভাসিয়ে নিয়ে অমৃতের ভরা গাঙ সেখান দিয়ে চেউ তুলে ব'য়ে গেল। অপরূপ নিষ্কৃতির এ প্রগাঢ় পরিতৃপ্তি। বেঁচে থাকার একটা উপায় হল।

আশায় আঙ্লাদে ন'ব'নের দেহে সতি করেই নতুন বল দিয়ে গেল। সে ছুটলো ষ্টেশনের দিকে। ট্রামের রাস্তার সামনে ষ্টেশন ঘরের বাইরের সিঁড়ির একপাশে গিয়ে দাঁড়ালো। ট্রেন আসার তখনো দেরী ছিল। কিন্তু সে দাঁড়িয়ে রইল। মনে যে আশা তাকে প্রচুর পুষ্টি কর খাদ্য দিয়েছে। হস্ত তাকে সবল ক'রে তুলেছে। খানিকক্ষণ দাঁড়িয়ে থেকে দেখলো একটা বাবু তার পাশ দিয়ে মিঠা গন্ধ ধোঁয়ায় উড়িয়ে সিগারেট টেনে চ'লেছেন। ন'ব'নের আজ অনেকদিন পরে ইচ্ছে ক'রলো একটু সিগারেট খেতে। কিন্তু—পয়সা? নেই নেই একটা পাই পয়সাও তো নেই; কিন্তু হবে গাড়ীখান এলেই হয়। সে হয় ত অনেকক্ষণ! যদি এখুনি একটা সিগারেট পেতাম। পকেটে তো আমার অনেক দিনের পুরোনো একটা দেশলাই মজুত আছে—যদি একটা সিগারেট কি বিড়ি পেতাম! ধরাতাম এখুনি।

সম্মুখেই রাস্তার ধুলোর ভেতর গড়াচ্ছিল এক টুকরো পোড়া সিগারেট—মস্ত টুকরো প্রায় অর্ধেকটা। সিগারেটটা তুলে নিতে তবু লজ্জা! এদিক ওদিক তাকিয়ে নীচু হ'য়ে ঝুঁকে প'ড়ে দেখ্‌ না দেখ্‌ সিগারেটের টুকরোটা তুলে নিয়ে ধ'রিয়ে জোর টানলে। কিন্তু ক্ষুধিতের মস্তিষ্ক—সেখানে তো জোর ক'রে বল এনে কোন মতে মাথাটাকে খাড়া রেখেছিল—সেও একরকম উন্মাদনা। তামাকের কড়া ধোঁয়া মাথায় গিয়ে নিকোটিন্ বিষ তাকে ঘুরিয়ে তুললো। ন'ব'নে ব'সে প'ল। মিনিট পাঁচেক মাথাটা বোঁ বোঁ ক'রে শরীরটা আগাগোড়া বিষ বিষ ক'রলো। তারপর স্থির হ'য়ে আবার ন'ব'নে উঠে দাঁড়ালো।

গাড়ি একখানা এল। যাত্রীরা ঠেলা ঠেলি ক'রে বেড়িয়ে কেউ গাড়ী নিয়ে, কেউ হেঁটে যার যার বাবার জায়গার চ'লেন। মুটেরা এক একটা ঝাঁকা নিয়ে হাঁকতে লাগলো “মোটিয়া লাগে বাবু,—ঝাঁকা মোটিয়া?” যার ইচ্ছে হ'ল বাড়ীর রাস্তার নাম ব'লে দিয়ে তার চেঙারীর

ভেতর মাল তুলে দিলেন। ন'ব'নের এ ব্যবসায় পহেলা—শিকানবিশী। সে সাহস ক'রে “মুটে চাই” ব'লে চেঁচিয়ে উঠতে পারলো না।—লোকও এল না কেউ—মোটও পেলো না। সব লোকই ত চ'লে গেছে। তবে হ'ল না। এ চেষ্টাও ব্যর্থ হ'ল। এমন সময় তার পাশ দিয়ে একজন একটা ব্যাগ হাতে নিয়ে নেবে এলেন। এ গাড়ীর তিনিই শেষ যাত্রী—বুঝি নেবেছিলেন। ন'ব'নের গা ঘেঁষেই এক রকম নাব'ছিলেন তিনি। তিনি চ'লে গেলেও—এ গাড়ীতে আর আশা নেই। চ'লে বুঝি গেলেন—ন'ব'নে প্রাণপন চেষ্টায় নিজের সঙ্গে যুদ্ধ ক'রে যেন চেঁচিয়ে ব'লে উঠলো “মুটে।” আর কিছু ব'লতে পারলো না।

লোকটা চোখ কটমটিয়ে একবার তাকিয়ে—আরও ছ' পা এগিয়ে গেলেন। ন'ব'নে আবার আশা নিয়ে ব'ললো—“মুটে লাগে বাবু—অ'্যা!—না—না—সাহেব।”

ব্যাগ নিয়ে ষাচ্ছিলেন যিনি তিনি সত্যি ক'রেই বুঝি সাহেব—সাহেবী রঙ, সাহেবী পোশাক।

ক্রমশঃ—

শ্রীনিমলচন্দ্র চক্রবর্তী।

বন্ধুবর—

মিঃ জে. জি. ড্রামণ্ড সাহেবের প্রতি *
 —————

হে বিদেশী বন্ধু আমার, নওকো ভূমি দেশী,

তবু আমার তোমার দিকে টান,

বরেন্য সে বার্নস কবির নিকট-প্রতিবেশী,

মূর্ত্ত ভূমি তাঁহার মধুগান।

* ইনি ঢাকার কলেক্তার, বঙ্গভাষাবিদ এবং সাহিত্যিক

(২)

নাইক মান জাতি এবং পদের অহকার,
সাদা রঙের বরাই তোমার নাই,
নিখে নেচ আপন কবে মুক্ত তোমার দ্বার
ভিন্ জাতি যে সত্যি ভুলে যাই ।

(৩)

অবর হাকিম অনেক বছর হাজত দিতে পার
জতে আনার বৃটিশ সেটা জানো,
তবু তুমি এমন মুক্ত অপ্রিয় নও কারও
দেশের শ্রীতি বৃকের কাছে টানো

(৪)

কষ্টব্যেতে নিষ্ঠা এমন, এমন বিবেচনা,
শ্রীর প্রতি এমন অনুরাগ,
এমন কোমল, এমন করুণ, এমন মহামনা,
শুণের কথা বলব না আর থাক !

(৫)

উপশ্রাসের রাজার রাজার তুমি স্বদেশবাসী
পরীর দেশে তোমার আনাগোণা,
হস্ত তোমার কার্য করে চক্ষে তোমার হাসি
বক্ষে মনে বাণীর আরাধনা ।

(৬)

নানান্ কাজের 'কানপুরেতে' রুদ্ধ আমি আজ
 হঠাৎ পেলাম তোমার চিঠিখান
 সুদূর মধুর মিঠে আওয়াজ জাগলো বুকের মাঝ
 চেনা স্কটিস্ ব্যাগ-পাইপের গান ।*

শ্রী.কুমাররঞ্জন মল্লিক ।

রুষ কথ-সাহিত্যে ডক্টরেভ্‌স্কি

(আশোচনা)

বিখ্যাত সাহিত্যসুখী মাথু আনন্ডি রুষকথাসাহিত্য সম্বন্ধে বলিয়াছেন,—“The Russian novel has now the vogue and deserves to have it.” রুষকথাসাহিত্যই আজকাল সাহিত্যের আসর জমাইয়া বসিয়াছে এবং তত্পশুক্র কনভাও ইহার যথেষ্ট আছে । আমেরিকার একজন বিখ্যাত সমালোচক বলিয়াছেন—“Russian fiction is like German music the best in the world.” রুষকথাসাহিত্য জায়েগীর সঙ্গীতের মত পৃথিবীর মধ্যে সর্বশ্রেষ্ঠ । বাস্তবিক গোগল, টুর্গেনিভ, টলষ্টয় ও ডক্টরেভ্‌স্কির মত উজ্জ্বল জ্যোতিক্ষমালার প্রতিভালোকে যে কথাসাহিত্যাকাশ আলোকিত, তাহার গৌরব ও মহত্ব সন্দিহান হইবার কোনই কারণ নাই ।

* কানপুরে যখন সিপাহী বিদ্রোহে বহু ব্রিটিশ নরনারী বন্দী ছিল তখন তাহারা স্কটিস ব্যাগ-পাইপের গীত শুনিয়া মুক্তি নিবট জানিতে পারিয়া বড়ই উল্লসিত হইয়াছিল ।

কমসাহিত্যের সহিত প্রথম পরিচয়েই আমাদের কাছে ধরা পড়ে ইহার গভীর বিষাদময় স্বর। যে জীবনের চিত্র আমরা সেখানে চিত্রিত দেখিতে পাই, সেখানে আনন্দের দীপ্তি নাই, সুখের রঙীন রেখা বেদনার প্রলেপে বড় অম্পষ্ট, সমস্ত চিত্রখানি জুড়িয়া আছে শুধু বিষাদের মৃত্যুশ্মান কুহেলী। পুস্কিনের প্রথম বয়সের কবিতায় ও গোগলের প্রথম বয়সের উপন্যাসে যৌবনের আনন্দ ও তরলতা ফুনের মত ফুটিয়া উঠিয়াছিল মতা, কিন্তু জীবনের প্রথম অধ্যায়ের অবসানেই সে ফুল ঝরিয়া পড়িল, জীবনের বৃন্তে বৃন্ত দুঃখের কাঁটা জাগিয়া উঠিল। টনষ্টের টুর্গেনিভ, ডষ্টয়েভ্‌স্কি প্রভৃতি সকলেই সাহিত্যমন্দিরে বসিয়া যে স্বরের ঝঙ্কার তুলিয়াছেন—সে ঝঙ্কার শ্রাণ-বন-মুক্ত-আকাশের তলে এক অথগু মেঘমল্লার।

সাহিত্যে এই গভীর বিষাদরাগিণীর আলাপের কারণ কি? জীবনে যেখানে বিবাদ, সাহিত্যে ও সেখানে বিষাদই বাজে। কৃষজাতীয় জীবনের ইতিহাস প্রাণের রক্তে ও অশ্রুজলে লিখিত, বর্তমান এক অসহনীয় দুঃখে পরিপূর্ণ, ভবিষ্যৎ এক নিবিড় অন্ধকারে নিমজ্জিত। সীমাহীন অধুর্ভর প্রাপ্তর, সুবিশ্রুত অরণ্য, কঠোর শীত, প্রকৃতির সহিত মানুষের ভীষণ জীবন-সংগ্রাম, সামাজিক জীবনে দাসবৃত্তি, মোগলতাতারতুকীর আক্রমণের প্রবল তাড়না ও মৃত্যু-বিভীতিকা ও সর্বোপরি, প্রতিষ্ঠিত শাসন তন্ত্রের কঠোর নিপীড়ন কৃষজাতীয় জীবন হইতে সকল সুখ-সকল মাধুর্য্য অপহরণ করিয়াছে এবং চিরদিনের মত ক্রমের মনে নিবিড় দুঃখের এক সুগভীর রেখাপাত করিয়া রাখিয়াছে। এই কারণেই ক্রম-ক্রমের কৌতুক ও হাস্য নির্ঘাতিত নরনারীর গুষ্ঠপ্রাপ্ত সংগম কোমল হাসিটুকুর মত বড় করণ, বড় মর্ষস্পী। ক্রমক্রমের নিকট এ জীবন কেবলমাত্র এক দুর্লভ ভার,—ভোগ নাই, কর্ম নাই, আশা নাই, বড় শুষ্ক, বড় কঠোর। দিনের পর দিন এই দুর্লভ ভার সে বহন করিয়া চলিয়াছে, শ্রান্তিহীন দীর্ঘরাসে বাতাস ভারী হইয়া উঠিয়াছে, অবসাদে প্রাণক্ষীণ,—এই রকম এক আশাহীন দীর্ঘপথের যাত্রী এই কৃষজাতি।

এই অসীম দুঃখ-সাগর মন্বন করিয়া কমসাহিত্যিকগণ এক অমৃততাও লাভ করিয়াছেন—মানবতার প্রতি সুগভীর দয়া ও সুবিশাল সহানুভূতি। ডষ্টয়েভ্‌স্কির সেই মহাবাণী—“I did not bow down to you individually but to suffering Humanity in your person.” চিরদিন কমসাহিত্যের অমৃতত্বের বার্তা বিশ্বমানবের নিকট ঘোষণা করিবে। গোগল, টনষ্টের, এপ্রিত প্রভৃতি সকলেই এই এক মহাবাণীর প্রচারক।

কিন্তু এই বেদনা-যজ্ঞের প্রধান পুরোহিত হইলেন ডক্টরেভ্‌স্কি। Suffering is the corner-stone of Russian life, as it is of Russian fiction.” এই কথা তাহার সম্বন্ধে যেমন সত্য এমন বোধ হয় আর কাহারও সম্বন্ধে নয়। তাঁহার এই বিশাল দয়া ও সহানুভূতি কেবলমাত্র ভাবুকতা বা সৌখীনতা নয়,—যে জীবনের আদাস্ত এক কঠোর দুঃখ বেদনার অশ্রুসিক্ত কাহিনী সে জীবনে সৌখীনতার স্থান একেবারেই নাই। জীবনের বেদনা ও দুঃখের হলাহল তাঁহাকে আকর্ষণ করিতে হইয়াছিল তবেই তিনি অমৃতের সন্ধান পাইয়াছিলেন। প্রিমিখিউসের মত এই মহাবাহীর প্রচারক আজীবন দুঃখতাপাননে মগ্ন হইয়াছেন বেদনার গৃধ্র কঠোর নখচক্রের আঘাতে তাঁহার হৃৎপিণ্ড ছিন্ন ভিন্ন করিয়াছে কিন্তু তাঁহার বীরহৃদয় মানবজীবনের প্রতি অপায় দয়া ও সহানুভূতি কখনও হারায় নাই। সাইবেরিয়ার প্রান্তর হইতে যে দুঃখের বেদনার অভিজ্ঞতা তিনি বহন করিয়া আনিলেন তাঁহার উপরে ক্রমসাহিত্যের আকাশস্পর্শী বিরাট সৌধ গড়িয়া উঠিল।

১৮৪৫ খৃঃ নিঃস্ব সহায়হীন ২৪ বৎসর বয়স্ক যুবক ডক্টরেভ্‌স্কি প্রকাণ্ড দৈত্যের মত সহর সেন্টপিটার্সবার্গে আসিয়া উপস্থিত হইলেন। এক সামরিক পুঠ শিক্ষাগারে তিনি শিক্ষা সমাপ্ত করেন এবং দুই বৎসর কাল সমর-বিভাগের কোন এক চাকরীতে নিযুক্ত থাকিয়া সাহিত্যে মনোনিবেশ উদ্দেশ্যে পদত্যাগ করিয়া সহরে গমন করিলেন। তাঁহার পিতা ছিলেন মস্কো সহরের এক দরিদ্র চিকিৎসক, মাতা এক ব্যবসায়ীর কন্যা। জীবনের প্রথম দিন হইতেই দুঃখের সঙ্গে তাঁহার পরিচয়; এক চিকিৎসালয়ে তিনি ভূমিষ্ঠ হন (৩০শে অক্টোবর ১৮২১ খৃঃ)। বাল্যকালে পিতার নিকট তিনি যে শিক্ষা পাইয়াছিলেন তাহাই তাঁহার ভবিষ্যৎ জীবনের আধ্যাত্মিকতার ভিত্তি। বাইবেলের ভাব ও খৃষ্টধর্মের সত্য তাঁহাকে গ্রহণ করিতে শিক্ষা দেওয়া হইয়াছিল। সেন্টপিটার্সবার্গে আসিয়াই তিনি তাঁহার প্রথম উপন্যাস “নিঃস্ব লোক” (Poor Folk) রচনা করেন। সমালোচনার জন্য পাণ্ডুলিপিখানি তাঁহার এক বাল্য-সুহৃদের সাহায্যে কবি Nekrasoffর নিকট তিনি প্রেরণ করেন। সাহিত্যশোণিনীপু যুবক অতিশয় উৎসাহিত হইয়া কালান্তিপাত করিতে লাগিলেন। একদিন অতি প্রত্যুষে যখন ডক্টরেভ্‌স্কি নিদ্রিত, তাঁহার জীর্ণকক্ষের দ্বারে করাঘাতের শব্দ হইল। দ্বার উন্মোচন করিতেই দেখিলেন যে বিখ্যাত কবি Nekrasoff ও তাঁহার বন্ধু দণ্ডায়মান। ডক্টরেভ্‌স্কিকে দেখিবামাত্র

ঠাহারা উত্তরে আবেসন্ডরে ঠাহাকে আনিঙ্গন করিলেন এবং প্রতিভাবান্ সাহিত্যিক বলিয়া সম্বন্ধনা করিলেন । বাস্তবিক Nekrasoff লেখকের শক্তি ও প্রাণের পরিচয়ে এতদূর মুগ্ধ হইরাছিলেন যে সমস্ত রাশি জাগিয়া পাণ্ডুলিপিখানি পড়িয়া শেষ করিয়াছিলেন । সেই সময়ে কবের সর্বশ্রেষ্ঠ সমালোচক ছিলেন Belinsky, তাঁর নামে নবীন সাহিত্যিকগণ কাঁপিত । Nekrasoff একদিন Belinskyর নিকট যাওয়া বলিলেন—“A new Gogol has been born unto us.” অর্থাৎ “গোগলের ন্যায় ক্ষমতাশালী এক নবীন ঔপন্যাসিক সাহিত্যক্ষেত্রে দেখা গিয়াছেন ।” তাচ্ছিল্যের সহিত বিখ্যাত সমালোচক উত্তর করিলেন—“Gogols spring up like mushrooms now a days.” অর্থাৎ, “আজকাল ব্যাঙের ছাতার মত পথে ঘাটে গোগলের মত লেখকের ছড়াছড়ি দেখিতেছি ।” অতি বিরক্তির সহিত Belinsky Nekrasoffর হস্ত হটতে পাণ্ডুলিপিখানি গ্রহণ করিলেন । একটুখানি পড়িয়াই বিস্ময়ে তাহার মন পূর্ণ হইল ; পাতার পর পাতা উল্টাটতে লাগিলেন—অসামান্য প্রতিভার পরিচয় সর্বত্রই দেখিতে পাইলেন । পড়া সাক্ষ হইলেই তিনি নবীন সাহিত্যিকের সহিত একবার সাক্ষাৎ করিতে চাহিলেন । কম্পিত চরণে যখন ডষ্টয়েভ্‌স্কি ঠাহার সম্মুখে উপস্থিত হইলেন—Belinsky উত্তেজিত স্বরে বলিলেন—“Youngman, have you understood all the truth of what you have written ? It is the revelation of an inborn gift, a gift from above. Be true to this gift and you will be a great writer.” অর্থাৎ “যুবক, যে সত্য তুমি এখানে প্রকাশ করিয়াছ সে সত্য তুমি কি অস্তরের সহিত বুঝিয়াছ ? এক অনাগত অনৌকিক প্রতিভা তোমার এই লেখার মধ্যে পরিস্ফুট—এই প্রতিভা ঈশ্বরের দান । এই দানের প্রতি চিরদিন অবহিত থাকিও, তুমি এক বিখ্যাত লেখক হইতে পারিবে ।” বিখ্যাত সমালোচকের এই ভবিষ্যদ্বাণীর যথার্থতা অক্ষরে অক্ষরে প্রতিপন্ন হইরাছিল । এই পুস্তকখানি প্রকাশিত হইলে চতুর্দিকে একটা মহা সোরগোল পড়িয়া গেল । বিস্মিত পাঠক-সনাজ এক নবীন প্রোজ্জ্বল জ্যোত্বিকের অনুসন্ধান পাইল ।

১৮৪৮ খৃঃ হইতে ডষ্টয়েভ্‌স্কির জীবনের এক নূতন অধ্যায়ের সূচনা । ভবিষ্যৎ জীবনে ঠাহাকে বেদনাযজ্ঞের প্রধান হোতারূপে বরিত হইতে হইবে, ঠাহার হৃদয় বিগলিত করণোৎস একদিন ব্যথিত নরনারীর মর্মান্তিক চিত্রবেদনার ইতিহাস—সুগভীর বিবাদ লেখার ও সূশীতল

শাস্তিধারায় অপরূপ মাধুর্যময় করিয়া তুলিবে—তার জীবনের সুবর্ণ বিপদের নিকষ পাষাণেই পরীক্ষিত হওয়া উচিত। বস্তুতঃ ডক্টরেভস্কির পক্ষে তাহাই হইয়াছিল। ১৮৪৯ খৃঃ তিনি এক গুপ্ত সমিতিতে যোগদান করিলেন। এই সমিতির উদ্দেশ্য ছিল ক্রমে Socialistic মতবাদের প্রতিষ্ঠা। তিনি ও তাঁহার ২১ জন সহকর্মী রাজদ্রোহ অপরাধে ধৃত হইলেন এবং ঐ বৎসরেই ২২শে ডিসেম্বর তারিখে তাঁহাদের সফলবেই প্রাণদণ্ডে দণ্ডিত করিবার জন্য বধ-মঞ্চ নীত হইলেন। চক্রুর সম্মুখেই প্রাণদণ্ডের আরোজন চিন্তিত ছিল—এই জীবন মৃত্যুর সন্ধিক্ষেত্রে দাঁড়াইয়া মরণের পথিক মৃত্যুর বিভীষিকাময় স্বপ্ন দেখিতে লাগিলেন। মৃত্যুদণ্ডে দণ্ডিত, বধের জন্য প্রস্তুত অপরাধীর ভীষণ মনস্তত্ত্ব তাঁহার “The Idiot” নামক উপন্যাসে বর্ণিত হইয়াছে। ডক্টরেভস্কির সে সময়ের ‘অনুভূত-সত্য বধের রক্ত-লেখায় সুস্পষ্ট হইয়া উঠিয়াছে। বধের জন্য ঘাতক-সৈনিকগণ বন্দুক উত্তোলন করিয়াছে, আর এক মুহূর্ত্ত পরেই তাঁহাদের প্রাণহীন দেহগুলি ভূতলে লুপ্ত হইবে, এমন সময়ে এক অখারোহী খেত পাতাকা উড়াইয়া সম্রাটের ক্ষমার বার্তা বহন করিয়া আনিল। প্রাণদণ্ডের পরিবর্তে সম্রাট তাঁহাদিগের সাইবেরিয়াতে চিরনির্वासনের ব্যবস্থা করিয়াছেন। অদৃষ্ট-চক্রের সেই নিষ্ঠুর দ্রুত আবর্ত্তণে এক বন্দী চিরদিনের জন্য বিকৃত মস্তিষ্ক হইল। ডক্টরেভস্কির বন্ধুবর্গের চেষ্টায় রাজাজ্ঞার ভীষণতা তাঁহার ক্ষেত্রে অপেক্ষাকৃত অনেক কম হইয়াছিল। কেবলমাত্র চারি বৎসর কাল তাঁহাকে সাধারণ অপরাধীর মত কঠোর কারাদণ্ড ভোগ করিতে হইবে। সাহিত্যিক বলিয়া তাঁহার প্রতি এই অমুগ্রহ দেখান হইয়াছিল।

শৃঙ্খলাবদ্ধ অবস্থায় মণ্ডিত মস্তক অপরাধীগণ সাইবেরিয়ার নীত হইলেন। ইতিপূর্বে অপর একদল রাজদ্রোহীও সাইবেরিয়াতে নির্वासিত হইয়াছিলেন। ইতিহাসে ইঁহারা Decembrists নামে খ্যাত। ইঁহাদের পত্নীরাও স্বামীর অমুগমন করিয়াছিলেন। উচ্চবংশোদ্ভূতা বিলাসের অন্ধে প্রতিপালিতা এই নারীর দল স্বেচ্ছায় ছঃথকে বরণ করিয়া যে সাহস, ধৈর্য্য ও সহিষ্ণুতা প্রদর্শন করিয়াছিলেন নারীজাতির ইতিহাসে তাহা চিরস্মরণীয় হইয়া থাকিবে। প্রায় দীর্ঘ পঁচিশ বৎসর কাল তাঁহারা সাইবেরিয়ার কারাগারগুলি দেখিয়া বেড়াইতেন এবং নারীচিত্তের সহজাত মাতৃস্নেহদানে অপরাধিবর্গের কঠোর বন্দী-জীবন একটু সহনীয় করিয়া তুলিতে প্রয়াসী হইতেন। এই দলের কতিপয় নারীর সহিত ডক্টরেভস্কির সাক্ষাৎ হইল। তাঁহাদের নিকট

উপহার স্বরূপ তিনি একখণ্ড New Testament প্রাপ্ত হইলেন। এই পুস্তকখানি তিনি উপাধানের নিরে সযত্নে রক্ষা করিতেন। সমস্ত দিবসের কঠিন পরিশ্রমের পর তাঁহার সঙ্গী বন্দীগণ যখন নিজার স্বথম্পর্শে শ্রান্তি দূর করিবার চেষ্টা করিত, তিনি বহুবার অধীত এই পুস্তকখানিই বার বার পড়িতেন এবং জীবনের কঠোরতা অগ্নান বদনে সহ্য করিবার শক্তি সঞ্চয় করিতেন।

এই চিন্তাশীল, কল্পনাগ্রবণ ভাবুক স্বক স্বর্গজ্ঞানবর্জিত নিকৃষ্ট অপরাধীর সাহচর্যে, প্রাতঃকাল হইতে সন্ধ্যা পর্যন্ত অধ্যক্ষদিগের উদ্যত দণ্ডের ভয়ে মস্তক অবনত করিয়া কি গভীর ছঃখে দিনাতিপাত করিতেন তাহা সহজেই অনুমেয়। বিশ্বসাহিত্যের কোন পুস্তকীয় জীবনই বোধ হয় এত ছঃখপূর্ণ হয় নাই। এই সশ্রম কারাবাস-যাপন কালে সামান্য এক অপরাধের জন্ত তাহাকে এমন কঠোর দণ্ড প্রদান করা হয় যে তাহার ফলে তিনি মৃগী রোগে আক্রান্ত হন। তিনি আজীবন এই ছুরারোগ্য ব্যাধিতে ভুগিয়াছিলেন এবং তাহার মনোবৃত্তি ও রচনা এই ব্যাধির প্রভাবে মনস্তত্ত্ব প্রভূত পরিমাণে অক্ষয়িত হইয়াছিল। ১৮৫৬ খৃঃ যখন দ্বিতীয় আলেকজান্ডার সিংহাসনারোহন করেন, রাজ্যাভিষেক উপলক্ষে অনেক অপরাধীকে ক্ষমা করা হয়; ডটরেভস্কিও এই উপলক্ষে ক্ষমা লাভ করিয়াছিলেন। সাধারণ দেশবাসীর সমগ্র অধিকার তিনি পাইলেন, সামরিক বিভাগের পূর্বের পদ তাঁহাকে দেওয়া হইল কিন্তু ইউরোপে প্রত্যাভর্তন করিবার অনুমতি পাইলেন না। অবশেষে ১৮৫৯ খৃঃ সেই অনুমতিও তাঁহাকে দেওয়া হইল। দশ বৎসর কারাবাসের পর তিনি আবার স্বদেশে ফিরিয়া আসিলেন।

কারাবাসের শেষ ভাগে এক পরলোকগত সঙ্গীর বিধবা স্ত্রীর সহিত তাহার পরিচয় ঘটে। এই পরিচয়ের ফলে তিনি তাহাকে বিবাহ করেন। ভগবান্ যাহার জীবনপাত্র ব্যর্থতার ভিত্ত-রসে ভরিয়া দিয়াছিলেন বিফল প্রেমের তীব্র যাতনাও তাঁহার অদৃষ্ট হইতে বাদ পড়ে নাই। কয়েক প্রত্যাভর্তনের অতি অল্প কাল পরেই ঐ নারী ডটরেভস্কিকে পরিত্যাগ করিয়া অপর এক প্রেমকাজী পুরুষকে আশ্রয় করিল। ডটরেভস্কি ইহাতে অতিশয় মর্মান্বিত হইয়াছিলেন সন্দেহ নাই, কিন্তু তিনি সর্বাস্তঃকরণে তাহাকে ক্ষমা করিয়াছিলেন।

সেন্টপিটার্সবার্গে প্রত্যাগমনের পর ১৮৬৫ খৃঃ পর্যন্ত তিনি পত্রিকার সম্পাদকত্বে ব্রতী ছিলেন। তিনি অচিরেই দেখিতে পাইলেন যে, দেশের উপর দিয়া একটা প্রকাণ্ড পরিবর্তনের

ঝড় চলিয়া গিয়াছে। সমগ্র রুশ কম্পিত হৃদয়ে এ মহামুক্তির অবসরের স্রষ্টা প্রতীক্ষা করিতেছে। মুক্তি পথের পথিক রুশজাতি সবলে সামাজিক রাজনৈতিক সর্বপ্রকার সংস্কারের কাণাগার-ঘারে করাঘাত করিতে আবস্থ করিয়াছে। যে শক্তি এতদিন বন্ধ জলাশয়ের মধ্যে মৃতবৎ নিশ্চেষ্ট, নিষ্ক্রিয় ছিল সে শক্তি আজ জাগ্রত হইয়া এক প্রচণ্ড বিপ্লবের সূচনা করিতেছে। এই অন্ধ প্রচণ্ড শক্তির সার্থকতার শেষ কোথায় কেহই জানিত না—কেবল ছুটিবার নেশার একটা পরিবর্তনের আকাঙ্ক্ষায় জাতি জাগিয়া উঠিয়াছিল। কিন্তু একদল লোক তখন দেশে ছিলেন যাহাদের এই মুক্তির স্বপ্ন প্রবল রাজশক্তির রোষে ভাঙ্গিয়া গিয়াছিল। তাই দেশে Nihilism আসিয়া দেখা দিয়াছিল—ইহাই যে ব্যর্থ আশার একমাত্র মুক্তিদায়ক ভীষণ পরিণাম—তাহা কাহাকেও বলিয়া দিতে হইবে না। দেশের এই নব জাগরণের সূত্রপাতে ডক্টরেভ্‌স্কিও ঘাতিয়া উঠিয়লেন।

১৮৬৫ খৃঃ হইতে আরম্ভ করিয়া কয়েক বৎসর পর্য্যন্ত তাঁহার জীবনে নানা দুঃখ আসিয়া উপস্থিত হইল। তাঁহার দ্বিতীয় পত্রিকখানি রাজস্রোত বন্ধ হইয়া গেল তিনি প্রকাণ্ড ঋণের দায়ে পড়িলেন। এই সময়ে তাঁহার সহকর্মী ভ্রাতা মাইকেল পরলোকগত হন। উত্তমর্গদিগের হস্ত হইতে ত্রাণ পাইবার জন্য তিনি দেশত্যাগ করিলেন; প্রথমতঃ জার্মেনীতে ও পরে ইটালীতে যান। মৃগী রোগের পুনঃ পুনঃ অক্রমণে তিনি অতিশয় কাতর হইয়া পড়েন। ভগ্নস্বাস্থ্য হইয়া শীঘ্রই তিনি রুশে প্রত্যাবর্তন করিলেন এবং নূতন পুস্তক দিবার আশা দিয়া প্রকাশকদিগের নিকট হইতে কিছু টাকা সংগ্রহ করিলেন। বাস্তবিক এই ভয়ানক দুঃসময়েই ১৮৬৫ হইতে ১৮৭১ খৃঃ মধ্যে তাহার জগদ্বিখ্যাত উপন্যাস কয়খানি রচিত হয়—Crime and Punishment, The Idiot, The Possessed. এই শেবোক্ত উপন্যাসখানির রচনার ইতিহাস একটু বিচিত্র। ডক্টরেভ্‌স্কি ও টুর্গেনিভ রাজনৈতিক বিষয়ে কোনদিনও একমতাবলম্বী ছিলেন না, এমন কি সাহিত্যিক হিসাবে একে অপরের প্রতি ঈর্ষ্যা পোষণ করিতেন। রুশজাতির মনের অমিনারককে হইবেন ইহা লইয়া উভয়ের মধ্যে বিশেষ প্রীতির সম্বন্ধ ছিল না। অনেক দিন হইতে Nihilismর সম্বন্ধে একখানি উপন্যাস রচনা করিবার বাসনা ডক্টরেভ্‌স্কির ছিল, টুর্গেনিভের Father and Sons প্রকাশিত হইলে তিনি অতিশয় ক্ষুব্ধ হইলেন এবং অনতিবিলম্বেই The Possessed নামক উপন্যাসখানা লিখিলেন। ১৮৬১ খৃঃ হইতে Nihilism আলোচনা বা

তর্কের গণ্ডি ছাড়িয়া কৰ্মক্ষেত্রে আত্মপ্রকাশ করিতেছিল। Nihilismর এই বিপ্লবাত্মক চেষ্ঠাই তিনি এই উপন্যাসে প্রকাশ করিলেন। ইহার আবার তিন বৎসর পরে প্রতিবন্ধিতার পরিচয় পাইয়া টুর্গেনিভ Virgin Soil নামে অপর একখানি উপন্যাস রচনা করিলেন। এই প্রতিবন্ধিতায় কে জয়ী হইয়াছেন তাহা সুধী সমাজের বিচার্য্য।

১৮৭১ খৃঃ হইতে ১৮৮১ পর্য্যন্ত ডষ্টয়েভস্কি—জীবনের অপর এক অধ্যায় চলিতেছিল। এই বার যেন তিনি একটুখানি সুখ ও শান্তি পাইয়াছিলেন। তিনি দ্বিতীয়বার দারপরিগ্রহ করিলেন। এই বুদ্ধিমতী নারী আর্থিক ক্লেশ হইতে তাঁহাকে মুক্তি দান করিতে যথাসাধ্য গৃহকর্মে রত থাকিতেন। ক্রমশঃই তাঁহার বশঃ চারিদিকে বিস্তৃত হইয়া পড়িল এবং পুস্তক লিখিয়া যাহা পাইতেছিলেন তদ্বারা ঋণমুক্ত হইলেন। এই সময়ে তিনি একখানি পত্রিকা প্রকাশ করেন—“The Notebook of a Scribe.” ঐ পত্রিকাতে তিনি রাজনীতি সমাজ ও সাহিত্য প্রভৃতি বিষয়ে তাঁহার সকল প্রকার মত প্রকাশ করিতে লাগিলেন।

১৮৮১ খৃঃ ১০ই ফেব্রুয়ারী রুব ইতিহাসে এক স্মরণীয় দিন। যে প্রাণ রুষের বেদনার কাঁদিত, রুষের আশা ও আকাঙ্ক্ষার সফলতার জন্য যিনি সাদরে শৃঙ্খল বরণ করিয়াছিলেন রুষ জন সাধারণের প্রিয়, দেশের নবীন যুবকদের উপদেষ্টা ও বন্ধু ডষ্টয়েভস্কির কঠোর কোল প্রাণের স্পন্দন চিরদিনের মত থামিয়া গেল। আজ রুষে সেই সাধারণ তন্ত্র প্রতিষ্ঠিত হইয়াছে, জাতির স্বাধীনতার পতাকা মুক্ত আকাশের তলে উড্ডীন হইয়াছে, জানি না বর্তমান রুষজাতি তাহাদের মহাপুরুষদের বিশেষতঃ ডষ্টয়েভস্কিকে স্মরণ করে কি না।

যখনই ডষ্টয়েভস্কির মৃত্যুসংবাদ সহরে প্রচারিত হইল, দলে দলে লোক তাঁহার বাড়ীর দিকে ছুটিল। সকলেই একবার তাঁহাকে শেষ দেখা দেখিবার জন্য, মৃত আত্মার প্রতি হৃদয়ের শ্রদ্ধা প্রদর্শন করিবার জন্য আকুল হইয়া উঠিল। একরাশি গোলাপের নিয়ে ডষ্টয়েভস্কি চিরনিদ্রায় নিমিত্ত। তাহার বদনমণ্ডলের স্বাভাবিক বেদনার চিহ্ন তিরোহিত হইয়াছিল এক স্থির গভীর প্রশান্তির আলোকে মুখখানি উদ্ভাসিত ছিল।

১২ই ফেব্রুয়ারী তাঁহাকে সমাধিক্ষেত্রে বহন করিয়া সমাহিত করিবার দিন। প্রায় ২০ হাজার লোক শবের অনুগমন করিল। লক্ষ লক্ষ নরনারী রাস্তার উভয় পার্শ্বে দাঁড়াইয়া স্বর্গগত আত্মার

প্রতি স্বীয় ভালবাসা ও ভক্তির পরিচয় প্রদান করিতেছিল। ক্রমের ছাত্রবর্গ এই শোভাযাত্রায় যোগদান করিয়াছিল এবং সাইবেরিয়ায় নির্বাসিত বন্দীর নির্যাতনের চিত্র স্বরূপ কঠোর লৌহশৃঙ্খল মৃতদেহের পশ্চাতে বহন করিতে সক্ষম করিয়াছিল। কিন্তু রাজার আদেশে ইহা কার্যে পরিণত হয় নাই। এই জন সমুদ্র দর্শনে রাজপুরুষগণ প্রথমতঃ ভীত হইয়া উঠিলেন কিন্তু প্রধান মন্ত্রীর পরামর্শে জনসঙ্ঘের এই উদ্বেলিত শো : ও ভক্তির উৎস রুদ্ধ করা যুক্তিযুক্ত বোধ করিলেন না। কেবলমাত্র শাস্তিরক্ষার বিশেষ বন্দোবস্ত করিয়াই তাঁহারা ক্ষান্ত রহিলেন। যদিও এই ঘটনার ঠিক একমাস পরেই Nihilist দিগের হস্তে ক্রমসম্রাট নিহত হন এবং প্রধান মন্ত্রীর প্রাণ হননের জন্য দুঃসাহসিক চেষ্টা হইয়াছিল, কিন্তু জনসাধারণ ঐ দিন সকল প্রকার বিঘেব ভুলিয়া কেবলমাত্র ডক্টরেভন্সিকে শ্রদ্ধা নিবেদন করিবার উৎসাহেই মত্ত হইয়াছিল। এই বিরাট জন সাগরের মধ্যে ক্রমের সকল প্রকার জাতির, কর্মীর ব্যবসায়ীর ও ভাবুকের সমাবেশ হইয়াছিল। সমস্ত জাতির আন্তরিক শ্রদ্ধা ও ভক্তির অর্থ্য লইয়া ডক্টরেভন্সি শান্তিময় মৃত্যুশয্যায় শায়িত হইলেন। উপন্যাসের ন্যায় বিচিত্র জীবনের এই প্রকারে পরিসমাপ্তি ঘটিল।

ডক্টরেভন্সি সর্বশুদ্ধ প্রায় ৩০খানা উপন্যাস লিখিয়া গিয়াছেন। ১৮৮৫—১৮৮৬ খৃঃ সেন্টপিটার্সবার্গে তাঁহার সমস্ত গ্রন্থাবলী ছয়খণ্ডে প্রকাশিত হয়। ইহার পর ১৮৯৪—৯৫ খৃঃ উহার দ্বিতীয় সংস্করণ ১২ খণ্ডে প্রকাশিত হইয়াছিল। এই উপন্যাসগুলির মধ্যে Crime and Punishment, The Idiot, The Possessed, Memoirs of a House of the Dead, The Brothers Karamazov, The Poor Folk সম্বন্ধে প্রসিদ্ধ।

যথার্থ শিল্প ও -সৌন্দর্যের দিক হইতে বিচার করিলে ডক্টরেভন্সির সৃষ্টিতে অনেক ত্রুটি ও বিচ্যুতি দেখা যায়। তাঁহার রচনা শক্তি অনাধারণ ছিল এবং দ্রুত রচনার জন্যই তিনি আখ্যান বস্তুর শিল্পানুসৃত অবতারণা ও সুসমঞ্জস গঠনের প্রতি মনোযোগ প্রদান করিতে পারেন নাই। এই কারণেই তাঁহার রচনায় আমরা দেখিতে পাই, যথার্থ শিল্পী ও ভাবুকের অপরূপ তুলিকার স্পর্শের সহিত অতি সাধারণ লেখকের দুর্বল হস্তের রেখাপাত। এই সকল ত্রুটি সবেও বলিতে হইবে যে ডক্টরেভন্সির উপন্যাসগুলি বিগ্নসাহিত্যের চিরসম্পদ। তাঁহার রচনা এমন এক গভীর ভাবে অনুপ্রাণিত যে সকল দোষ ও ত্রুটি সেই গাভীর্য ও মহাপ্রাণতার নিকট অতি তুচ্ছ

বলিয়া মনে হয়। সেখানেই তাঁহার প্রাণের সহিত গল্পের আখ্যান ভাগের সংযোগ ঘটে সেইখানেই তাঁহার রচনা বাস্তবতার গৌরবে ও রমণীয়তার মগ্নিত হইয়া উঠে। *Memoirs of a House of the Dead* খানাই ডষ্টয়েভস্কির একমাত্র উপন্যাস সেখানে তাঁহার শিল্পজ্ঞানের কিছু পরিচয় পাওয়া যায়। ইহাতে তিনি তাঁহার নির্বাসিত জীবনের কাহিনী লিপিবদ্ধ করিয়াছেন, দারিদ্র্যের কষাঘাত জর্জরিত, পদদলিত নিপীড়িত নরনারীর করুণ মনোব্যথার চিত্র অঙ্কিত করাই ডষ্টয়েভস্কির প্রিয় ছিল। এই জীবন পথের আশ্রয়হীন যাত্রীদের দৈহিক ও নৈতিক দুঃখরাশির তীব্রতা ও কঠোরতা, মানব প্রকৃতির এই সর্বস্বহারা অসহায় ভাবটা পাঠকের নয়ন সমক্ষে উপস্থাপিত করিতে তিনি বড় ভাল বাসিতেন। তাঁহার হৃদয় অগাধ সহানুভূতিতে পূর্ণ ছিল। সাইবেরিয়াতে যাহারা নির্বাসিত হইত তাহারা সকলেই রাজদ্রোহিতার অপরাধী নহে। ইহাদের মধ্যে অতি ভয়ঙ্কর চরিত্রের চোর, ডাকাত, খুনী প্রভৃতি সকলেই থাকিত। ডষ্টয়েভস্কি ইহাদের ঘৃণা করিতেন না; ইহাদের পাপাশয়তার কথা বর্ণনা করিবার সময় নীতিবাগীশদের ন্যায় ঘৃণায় তাঁহার নাসিকা কুঞ্চিত হইত না। তিনি তাহাদিগকে ভাল বাসিতেন। এই ভালবাসায় তাহাদিগের প্রতি কোনও অনুকম্পার ভাব কিম্বা তাহাদিগের দুঃচরিত্রতার প্রতিবাদ কি সমর্থন কিছুই থাকিত না। তাহাদিগের অসহনীয় দুর্দশার জন্য এবং আশাহীন জীবনমৃত অবস্থার জন্য এক সহজ সবল আন্তরিক ভালবাসায় তাঁহার হৃদয় মথিত হইত। এইখানেই ডষ্টয়েভস্কির মহত্ব ও গৌরব।

ডষ্টয়েভস্কির সর্বপ্রকার উপন্যাস তাঁহার *Crime and Punishment*. পুস্তকের গল্পাংশ রোমাঞ্চকারী ঘটনায় পরিপূর্ণ। ঘটনার সংস্পর্শে নৈতিক অবনতির জন্য মানব মনের প্রবল আক্ষেপ ও বেদনায় সমস্ত পুস্তকখানি উবেলিত হইয়া উঠিয়াছে। এই উপন্যাসের নায়ক এক শিক্ষিত যুবক—এক অতি দরিদ্র ছাত্র, নাম *Roskolnikoff*. আধুনিক প্রচলিত *Materialist* মতবাদের দ্বারা সে অনুপ্রাণিত হইয়াছিল। ইহার ফলে সে খবরের কাগজে একটা প্রবন্ধ লিখিয়াছিল। তাহার ভাবার্থ এই প্রকার—মানুষ দুই শ্রেণীতে বিভক্ত উচ্চ ও নীচ! উচ্চ মানবের আদর্শ *Napoleon*, এই উচ্চ মানবদিগের জীবন যাত্রার পক্ষে আমাদের সাধারণ নৈতিকতার আদর্শ কোন বন্ধনই সৃষ্টি করিতে পারে না। এই যুবক বহুদিন পর্যন্ত অতাবের সহিত সংগ্রাম করিতে করিতে হতাশ ও হীনবল হইয়া পড়িতেছিল।

সংসারের তাহার বৃদ্ধা মাতা ও এক অবিবাহিতা বয়স্হা ভগ্নী ভিন্ন আর কেহই ছিল না। ইহাদিগের তাহার ভরণপোষণ ও নিজের শিকার ব্যয় নির্বাহ তাহাকেই করিতে হইত। সংসারের অভাব অন্টন এক সময়ে এত কঠোর হইয়াছিল যে তাহার ভগ্নী এক ঘৃণিত অথচ ধনী বৃদ্ধকে বিবাহ করিয়া, এই প্রকারে আত্মোৎসর্গদ্বারা—দারিদ্র্যের হস্ত হইতে মুক্তি পাইতে মনস্থ করিল। Roskolnikoff এই বিবাহের ছিল বিরোধী। এক বৃদ্ধা ধনী স্ত্রীলোকের সহিত তাহার পরিচয় ছিল। সে অধিক সুদে টাকা ধার দিয়া অনেক টাকা জমাইয়াছিল। ইহাকে হত্যা করিয়া অর্থ সংগ্রহ করিবার চিন্তা সর্বদাই তাহার মনে হইত। এই সময়েই এক বৃদ্ধ, মদ্যপ, অতি দরিদ্র কেরাণীর সহিত তাহার পরিচয় হয়। এই কেরাণীর প্রথম বিবাহের এক কন্যা ছিল, তাহার নাম Sonya. ডক্টরেভ্‌স্কির নারী-চরিত্রের মধ্যে ইহাই সর্বশ্রেষ্ঠ। রঙ্গমঞ্চে বা কথাসাহিত্যে বহুবার বারনারী চরিত্র প্রদর্শিত হইয়াছে সন্দেহ নাই কিন্তু এই চিত্রের তুলনার অন্যান্য সকলই কৃত্রিম বলিয়া মনে হয়।

পিতার অতিশয় মদ্যাসক্তির জন্য ছোট ছোট ভাই বোনগুলি সহ তাহাদিগকে প্রায়ই অনাহারে কাটাইতে হইত। পরিবারবর্গকে এই উপবাসজনিত আসন্ন-মৃত্যু হইতে রক্ষা করিবার জন্য সে মাঝে মাঝে পথিকাদিগের কদর্য্য দৃষ্টির সম্মুখে গিয়া দাঁড়াইত এবং দেহ দান করিয়া কিছু অর্জন করিত। কিন্তু তাহার মন ছিল কুন্দ কুসুমের মত শুভ্র; সংসারের কুৎসিতত্বের স্পর্শে সে প্রতিদিন ঝরিয়া পড়িত এবং প্রতিদিন প্রস্ফুটিত হইত। একজন সমালোচক বলিয়াছেন—*She seems to have stepped out of the pages of the New testament. ** ** She dies daily, and from her sacrifice rises a life of eternal beauty.*” এই Sonya সহিত Roskolnikoffর পরিচয় হইল। চতুর্দিকের আনুশঙ্গিক ঘটনা ক্রমাগত তাহাকে হত্যার দিকে অগ্রসর হইতে উত্তেজিত করিতে লাগিল। সত্য সত্যই সে ঐ বৃদ্ধা নারী ও তাহার ভগ্নীকে হত্যা করিয়া বসিল। ইহাই উপন্যাসের প্রথম অংশ। যে ঘটনার আবর্তে পড়িয়া Roskolnikoff এই হত্যাকাণ্ড করিল তাহার সৃষ্টি ও বর্ণনা অতুলনীয়। ইহার পরেই তাহার জীবনের Tragedyর আরম্ভ। এই গর্হিত কার্যের জন্য জীবনের প্রতি তাহার দৃষ্টি একেবারে পরিবর্তিত হইয়া গেল, তাহার মনে হইতেছিল জীবন-সূত্র কোন এক স্থানে ছিন্ন হইয়া গিয়াছে, জনসমাজের মধ্যে তাহার আর

স্থান নাই তাহার জীবন স্পন্দনের সহিত এই বিখ্যমানবের জীবন-স্পন্দনের যেন সুরের একটা প্রকাণ্ড অমিল সৃষ্ট হইয়াছে। নিজের আহত বিবেকের তাড়নায়, যে উদ্দেশ্যে হত্যাকাণ্ড করিয়াছিল, তাহার সম্পূর্ণ সুবিধা গ্রহণ করিতে না পারায় কলঙ্কের ভয়ে ও আত্মগ্লানিতে সে বিশেষভাবে বিচলিত ও কাতর হইয়া পড়িল। পুলিশের চক্ষে ধূলি দিয়া কি প্রকারে নির্দোষ সাজিয়া থাকা যায় ইহাই হইল তখন তাহার জীবনের একমাত্র লক্ষ্য। এই জন্যই সে পুলিশের সহিত পরিচয়স্থাপন করিল। ঘটনার সৃষ্টি এখানে এমন অপূর্ণ—এমন রহস্যপূর্ণ যে পাঠকের মনে স্বতঃই প্রতি মুহূর্তে উদ্ভিত না হইয়া পারে না—ওঃ এই বুঝি, এই মুহূর্তেই সব খেলা শেষ হইবে, Roskolnikoff নিজের অপরাধটা বুঝি স্বীকার করিয়া ফেলিবে কিন্তু অপরূপ চাতুর্যের সহিত বাক্যজাল ছিন্ন করিয়া সে ছুটিত এবং এই ভয়ঙ্কর খেলা আরও ভয়ঙ্কর করিয়া তুলিত। এই সব স্থানে গল্প এমন জমিয়া উঠিয়াছে যে পাঠকের নিঃশ্বাস ফেলিবার অবকাশ থাকে না। গল্পের ভয়ঙ্কর মনোহাবিহ্ব সর্পের সৌন্দর্য্যের মত মনকে ভয় ও আনন্দে পূর্ণ করে। ম্যাড্রিষ্টেট Porfir ডব্লিওভস্কির এক অপূর্ণ সৃষ্টি। ব্যাধ যেমন শীকারের সহিত খেলা করে সে ঠিক তেমন ভাবে Roskolnikoff'র সহিত খেলিতে ছিল। সে নিশ্চয় বুঝিয়াছিল যে একদিন এই অপরাধী যুবক নিজের অপরাধ স্বীকার করিবেই করিবে, Roskolnikoff Sonya'কে ভালবাসিত কিন্তু তাহার অপরাধের চিন্তা তাঁহার ভালবাসা ও অন্যান্য স্বাভাবিক মনোবৃত্তিগুলিকে নৈরাশ্যের কালিনায় কলঙ্কিত করিয়াছিল। Sonyaও Roskolnikoff'কে ভালবাসিত। Roskolnikoff'র মনে যে একটা ভয়ানক চিন্তা হৃৎস্পন্দনের মত চাণিয়া বসিয়া আছে, নিজের প্রাণের স্বাভাবিক সহানুভূতি বশতঃ Sonya তাহা অনুভব করিল এবং যথার্থ ভালবাসার ধর্ম্মানুসারে সে এই চিন্তার এই হৃৎস্পন্দনের ভাগী হইতে চাহিল।

Roskolnikoff নিজের অপরাধ স্বীকার করিল। তাহার নিবিড় মৌনতার মধ্যেও পলকহীন দৃষ্টির মর্ম্মস্পর্শী গভীরতায় Sonya তাহার প্রেমিকের ঐ ভয়ঙ্কর হত্যাকাণ্ড জনিত অতি তীব্র নৈরাশ্যপূর্ণ অনুশোচনার ভাব দেখিতে পাইল। Sonya কিছুক্ষণের জন্য স্তম্ভিত হইয়া রহিল। এই অপরাধের প্রায়শ্চিত্ত কি—সে জানিত, সে বলিয়া উঠিল,—“We must suffer, and together……pray……expiate……Let us to the convict prison.” প্রায়শ্চিত্তের মহিমা ও উপকারিতার ডব্লিওভস্কির গভীর বিশ্বাসী ছিলেন। Roskolnikoff

পুলিশের হস্তে আত্মসমর্পন করিয়া অপরাধের কঠোর দণ্ড সাংগ্রহে গ্রহণ করিল। Sonya তাঁহাকে ভগবানের চরণে আত্মনিবেদন করিতে শিক্ষা দান করিয়াছিল। সাইবেরিয়ার দীর্ঘ সাত বৎসর কারাবাস যাপন করিয়া প্রায়শ্চিত্তের অনলে পুত পবিত্র হইয়া উভয়ে সুখশান্তিময় ভবিষ্যৎ জীবনের প্রতীক্ষা করিতে লাগিল।

এই Sonyaরই পদতলে পতিত হইয়া একদিন Roskolnikoff বলিয়াছিল,—“I did not bow down to you indiridually but to Suffering Humanity in your person.” এই উক্তি কেবলমাত্র Roskolnikoff'র উক্তি নয় ইহা ডষ্টয়েভ্‌স্কির উক্তি, পাঠকেরও প্রাণের কথা।


Crime and Punishment প্রকাশিত হইলে পর—ডষ্টয়েভ্‌স্কির যশঃ সমস্ত ইউরোপে ছড়াইয়া পড়িল। Stevenson পুস্তকখানি পড়িয়া বিস্ময়ে আত্মহারা হইয়াছিলেন। এই পুস্তকখানির সম্পর্কে একটা বিষয়ের উল্লেখ না করিয়া পারিলাম না। যঁাহারা শ্রীযুক্ত যতীন্দ্রমোহন সিংহ মহাশয়ের—“সাহিত্যের স্বাস্থ্যরক্ষা”র পক্ষপাতী তাহাদের তর্কের একটা প্রধান বুক্তি এই যে, “বিষবৃক্ষ”—বিষবৎ পরিত্যজ্য, যেহেতু কুন্দের দৃষ্টান্ত অনুকরণ করিয়া অনেক বিধবা নারী পরপুরুষশক্তি শিথিয়াছে ও শিথিবে। নিশ্চয়ই তাঁহারা জানিয়া উল্লসিত হইবেন যে ডষ্টয়েভ্‌স্কির Crime and Punishment প্রকাশিত হইলে একজন মন্সোর ছাত্র পুস্তক বর্ণিত ঘটনার অনুকরণে এক স্তদখোরকে হত্যা করে। ইহার পরেও কুসিয়াতে এই প্রকার হত্যাকাণ্ড আরও অনেক ঘটয়াছে বোধহয় অধিকাংশই এই পুস্তক পাঠেরই ফল। মানুষের পাশবিক বৃত্তির যুপকার্ঠে এই প্রকার অনেক নরবলি চিরদিন ঘটয়াছে ও ঘটবে কিন্তু বুদ্ধিমের বিষবৃক্ষ, কি কৃষ্ণকাস্তের উইল, Dostoievsky'র Crime and Punishment আমরা হারাইতে পারিব না, কি হারাইতে চাহি না। “সাহিত্যের স্বাস্থ্যরক্ষা” বাদীর সম্বর্জ্জনী কেবলমাত্র ধূলিকণাকেই অপসারিত করিতে পারে—পর্বতকে টলাইতে পারে না।

ডষ্টয়েভ্‌স্কি কৃষ জীবন অঁাকিয়াছেন চোর, ডাকাত, খুনী, ব্যাধিকাতর,—পতিতা প্রভৃতি সমাজের—অধস্তন নরনারীর দ্বারা তাহার চিত্র পরিপূর্ণ। পাপীর চিত্র তিনি অঁাকিয়াছেন সত্য, কিন্তু—পাপকে তিনি কখনও—মনোমোহন করেন নাই কিম্বা ঘটনার সমাবেশে তাহার সমর্থনও কখনও করেন নাই। পতিতার আকর্ষণী শক্তি অঁাকিয়াছেন সত্য কিন্তু কখনও

ইঙ্গ্রিয় বিভ্রম, উৎপাদন করেন নাই। একজন সমালোচক বলিয়াছেন “He only shows the mude under Surgeon’s knife on a bed of suffering.”

বাস্তবিকই ডষ্টয়েভস্কির উপন্যাসে এমন একটা সত্যের প্রকাশ অনুভব করা যায় যে তাহাকে Prophet বলিতেও কছোচ বোধ হয় না। কিছুদিন পর্যন্ত ডষ্টয়েভস্কির টুর্গেনিভের যশঃ-রবিকে গ্লান করিয়া দিয়াছিলেন, এমন কি টলষ্টয়কেও ক্রম পাঠক সমাজ ভুলিয়া গিয়াছিল। পূর্বেই বলিয়াছি শিল্পী হিসাবে তিনি টুর্গেনিভ ও টলষ্টয় হইতে অনেক নূন্য ছিলেন। কিন্তু যখনই ডষ্টয়েভস্কি আমাদের আধুনিক নাগরিক সভ্যতার উপেক্ষিত সন্তানদিগের দুঃখের কথা দারিদ্র্যের নির্ধ্যাতনের কথা; পাপীর গভীর অনুশোচনার কথা বলিতে যাইতেন, সমস্ত ক্রটি সত্ত্বেও তার মনের অপার স্নেহের, সহানুভূতির উৎস-ধারায় স্বাত হইয়া চিত্রগুলি বাস্তবিকই অতি সুন্দর, মহান্ হইয়া উঠিত। সমাজের কঠোর পীড়নে সভ্যতার কঠোর নিষ্পেষণে সঙ্কুচিত মানবাত্মার মধ্যে কোথায় সে অপরাপ সৌন্দর্য্য লুকায়িত আছে, তিনি অসীম সহানুভূতির সাহায্যে তাহা দেখিতে পাইতেন এবং প্রকাশ করিতেন। শিল্পী হিসাবে তাঁহার প্রশংসা না হইতে পারে সত্য কিন্তু যে উদারতা ও যে সহানুভূতি তাঁহার বিখ্যাত উপন্যাসগুলিতে সঞ্চিত রহিয়াছে তজ্জন্য ডষ্টয়েভস্কি ক্রম সাহিত্যে চিরকাল এক অসামান্য প্রতিভাবান্ লেখক বলিয়া সমাদৃত হইবেন— বিশ্ব সাহিত্যেও বোধহয় তাঁহার স্থান শ্রেষ্ঠ লেখকদের সহিত এক পঙ্ক্তিতেই হইবে।

শ্রীঅশ্রমান্ দাশগুপ্ত ।



প্রকাশ ।

—ঃঃ—

গোপনে কখন চিনায়ে লইয়া
 মোদের মরম বাণী—
 দেখিনা বাতাস যেন কোতুকে
 ক রছে কি কানাকানি ।
 আমি ভেবেছিলুম প্রানের কথাটী
 কহিব না আর করে—
 দেখিনু আজিকে প্রকাশ করিয়া
 দিয়াছে কে চারিধারে ।
 ফুল বিকশিল, মুতিল ভ্রমর —
 বিথারিল উষা আলো,-
 আমারে ডাকিয়া কহিছে সকলে
 বাসিয়া'ছ তুমি ভালো ।
 ভেবেছিলুম মোর মনসেই তোমা
 মানসী প্রতিমা অঁকি
 রাখিব যতনে ব্যথার আদরে
 বিপুল পুলকে ঢাকি ;
 আজিকে তোমার মূর্তি আমার
 হৃদয় বাঁধন টুটি
 যনশ্চাম বনে, স্তনীল গগনে
 উঠে অপরূপ ফুটি ;

চারিভিতে হেরি সে মধুর হাসি
 সে দুটী নয়ন কালো—
 করিছে তোমারি মতন আমি গো
 তোমারে বেঁসেছি ভালো ।

শ্রীফটিকচন্দ্র বন্দ্যোপাধ্যায় ।

রক্তের ধার' ।*

সন্ধ্যা লাগিয়াছে । দত্তগৃহিণী তুলসী তনায় প্রদীপটি রাখিয়া, গলায় অঁচল জড়াইয়া, গড় হইয়া প্রণাম করিতে করিতে ভাবিতেছিলেন—“খুসী আমার এখন কি করিতেছে ?”

তাহার এই একমাত্র মেয়েটির হাসি হাসি মুখখানি কি সহজে মন হইতে তাড়াইয়া দেওয়া যায় ? অভাগী তাঁতাকে ছাড়িয়া দিয়া পলাইয়া গেল কি না পাড়ার একটা ছোড়ার সাথে ! উঃ আজকালকার নাটক নভেল শিক্ষা দীক্ষা কত সংসারকেই ছারেখারে দিতে বসিয়াছে ! মেয়েরা হইতে চায় স্বাধীন !

হুঃখিনী মা খবর পাইয়াছিল যে মেয়েটি আর তাহার শনি কলিকাতার এক নিভৃত গলির মধ্যে বসবাস করিতেছে । কলিকাতার কথা মনে হইলেই ভদ্রলোকের মেয়ের শরীর কাঁটা দিয়া উঠিত । একবার মাত্র তিনি কালীঘাটে পূজা দিবার জন্ত গিয়াছিলেন—তাহা আর ভুলিবেন না । উঃ, কলকারখানা, গাড়ী ঘোড়া, লোক জন, হৈ হৈ রৈ রৈ—কি বিষাক্ত হাওয়া রাজধানীর । ইতি মধ্যে একখানা চিঠি তিনি পাইয়াছিলেন—মেয়ে লিখিয়াছে তাহার একটি ছেলে হইয়াছে । খুসীর হাতের লেখা চিঠিখানা তিনি বাস্তব হইতে বাহির করিয়া মাঝে মাঝেই পড়িতেন ।

* করাসী গল্প অবলম্বনে

নাতির শুভাগমন বার্তা তাঁহাতে একটু বিচলিত করিত বটে কিন্তু প্রীত করিতে পারিত না । বৃকে পাষণ বাধিয়া তিনি চুপ করিয়া রহিলেন, চিঠির উত্তর দিতে তাঁহার হাত সরিল না ।

“উনি নিশ্চয়ই আনার কাজে সাহায্য দিতেন ।.....কিন্তু, তিনি বাচিয়া থাকিলে, মেয়েটার কি এমন দুঃসাহস হইত ?”

যতদিন বাচিয়া ছিলেন খুসীর পিতা ভবানীদত্ত সকল পরিবারে আদর্শ মানুষ বলিয়া কীর্তিত হইয়াছিলেন । অশনে ভূগণে কৃচ্ছ্রতা, ব্যবসাতে সততা, কর্মে ত্যাগনিষ্ঠা তাঁহার শীর্ণ স্তনীর্ষ দেহখানির চারিদিকে একটা গরিমার আভা বিকীরণ করিত—যে দেখিত তাহার মস্তক সম্মুখে আপনা হইতেই অবনত হইয়া পড়িত ।

ধনী তিনি হইতে পারেন নাট । চিকিৎসক হিসাবে তাঁহার খ্যাতি যদিও ছিল যথেষ্ট । তিনি বলিতেন চিকিৎসকের কাজ হইতেছে পরোপকার—অর্থোপার্জন নয় । তাঁহার ঔষধালয় গরীব দুঃখীদের জন্য সর্বদা উন্মুক্ত ছিল—দুঃস্থদের বাস্তবিকই তিনি ছিলেন মা বাপ । তরুণ বাহারা ডাক্তার হইয়া আসিত, তাহাদিগকেও তিনি কথায় ও কাজে ঐ উপদেশ দিতে চেষ্টা করিতেন ।

সংসার-ধর্মের তিনি ছিলেন আদর্শস্থানীয় । কাজের ভীড়ের মধ্যে যখন যতটুকু অবসর করিয়া লইতে পারিতেন সে সময়টুকু পত্নীর সহিতই কাটাইতেন । এমন ভাবে, এমন মিলমিশ ছিল উভয়ের মধ্যে—লোকে তাহাদিগকে তাই নাম দিয়াছিল “চকোর চকোরী ।” এমন স্বামীর হঠাৎ মৃত্যুতে গৃহিণী তাঁহার যে একেবারে ভাঙ্গিয়া পড়িবেন, তাহাতে আর আশ্চর্য্য কি ?

দত্তগৃহিণী ছিলেন কোমল, করুণাময়ী ; কুলের কলঙ্ক কণ্ঠার সহিতও তাই তিনি সকল সম্বন্ধ ছিন্ন করিতে পারেন নাই । কিন্তু মা ও মেয়ের মধ্যে অলঙ্ঘ্য বাধারূপে প্রসারিত রহিল মৃতের সেই কঠোর নিখর দীর্ঘ ছায়া ।

“না হতভাগীকে তিনি কখন মার্জনা করতে পারতেন না । বেঁচে থাকলে তিনি যা করতেন আমাকেও তাই করতে হবে...সত্যই ত, এ পাপের প্রায়শ্চিত্ত কি আছে ?...হায়, তাঁর কথা

স্মরণ করেও কি অভাগী নিজেকে বাঁচাতে পারলে না!...আমাদের দুই কুলে এমন কাউকে ত দেখি না যার চরিত্রে এতটুকু কলঙ্কের দাগ কোন দিন ছিল...এ হতভাগী তবে এল কেথা থেকে ?”

এমন সময়ে একজন স্ত্রীলোক আসিয়া উঠানে দাঁড়াইল।—“আপনি ?”—“শুনবেন, দুটো কথা আছে আপনার সাথে, একটু নিরিবিলা চাও।”

অপরিচিতার বসনে ভূষণে একটা আতিশয়া, ধরণে-ধারণে একটা সংঘমের অভাব দেখিয়া দত্তগৃহিণীর কেমন অশ্রদ্ধা, বিরুদ্ধভাব জাগিয়া উঠিল—ধীরে ধীরে ঘরে লইয়া গিয়া বসাইলেন। গৃহকর্তার একথানা ছবি দেয়ালে টাঙ্গান ছিল। নবাগতা রমণী তাহার দিকে একদৃষ্টে কিছুক্ষণ তাকাইয়া বলিল—“তাঁর মতনই বটে, বেশ ঠিক ঠিকই ত উঠেছে।” কথার ভঙ্গিতে আশ্চর্য হইয়া দত্তগৃহিণী জিজ্ঞাসা করিলেন—“আপনি কি কখন তাঁর রূগী ছিলেন ?”

রমণী হাসিয়া উঠিল, বলিল—“রূগী ? তা না। তাঁর সাথে আমার কিছু সম্বন্ধ ছিল।”

—সম্বন্ধ ? কি রকম ?

—হ্যাঁ, তাই। বলব যে কি, বার বছর ধরে আমাদের জানাশুনা ছিল।

—উঃ। ভগবান !

অভাগিনীর বোধ হইল যেন দেয়াল ঘর বাড়ী সমস্ত পৃথিবীটা হন্ হন্ করিয়া ঘুরিতে ঘুরিতে কোথায় মিলাইয়া যাইতেছে, খাটের বাজু সজোরে ধরিয়া অতি কষ্টে নিজেকে কোন প্রকারে সামলাইতে চেষ্টা করিলেন।

নবাগতা চমকিত হইয়া বলিয়া চলিল—“এ কি !, এ কি ? স্থির হোন্, স্থির হোন্!... আমার ধারণা ছিল আপনি সবই জানেন।...অপরাধ আমার ক্ষমা করবেন !...তিনি ত আর নাই, ওসবে এখন আর কি এসে যায় ?”

—উঃ ! বটে, বটে ! কিছুই এসে যায় না আর, না ?

নিজের কণ্ঠস্বর শুনিয়া তিনি নিজেই চমকিয়া উঠিলেন—কাঁপিতে কাঁপিতে, ত্রস্ত ভাবে, ভাঙা ভাঙা কথায় প্রশ্নের পর প্রশ্ন তিনি করিয়া চলিলেন। হঠাৎ কি একটা মাতলামীতে যেন তাঁহাকে পাইয়া বসিল, একে একে খুঁটিয়া খুঁটিয়া তিনি অতীতের সেই জঘন্য ইতিহাসটা

সব বাহির করিয়া ফেলিতে সুরু করিলেন—রাগে দুঃখে হৃদয় তাঁহার যতই কাটিয়া পড়িতে চায় ততই তিনি ঐ সব কথা লইয়া আরও আলোচনা করিয়া চলিলেন।

অপরাধিনীর নিজের মুখ হইতে তিনি সবই—সবই শুনিলেন, বার বৎসরের পুঙ্খানুপুঙ্খ কাহিনী। উঃ, বাহিরে ধর্মের মুখোশ পড়িয়া এমন ভাবে কেহ কোন দিন কাহাকেও প্রতারিত করিয়াছে? ধর্মের মার, সে গুপ্ত ইতিহাস এতদিন পরে ব্যক্ত হইয়া পড়িল একটা তুচ্ছ স্বার্থের কথায়।

রমণী কি জন্ত আসিয়াছে, তাহাই বুঝাইয়া বলিতেছিল—“আমার নামে তিনি একটা জীবন-বিমা করেছিলেন। কিন্তু কোম্পানী এখন তা দিতে চাচ্ছে না, নানা গোলমাল তুলেছে। বলছে, তাঁর বিবাহিতা স্ত্রী এখন আছে...!”

দত্তগৃহিণী কিন্তু কোন কথাই শুনিতেছিলেন না। তাঁহার সোনার স্বপ্ন এক আঘাতে ভাঙ্গিয়া ধূলিসাৎ হইয়া গিয়াছিল, হঠাৎ একটি চিন্তা সেট ধ্বংস-স্তূপের উপর মাথা খাড়া করিয়া দাঁড়াইল—“তাই ত! তাই ত! খুসীর আমান কেবলই দোষ ছিল না। তার এই দুর্ভাগতার কারণ আমি খুঁজে পাচ্ছিলেম না..... বুঝেছি, বুঝেছি এখন..... লিখে পাঠাচ্ছি, ক্ষমা করলেম তাকে!..... অভাগী আমার!..... তার নামের রক্তে ছিল, সে কি করতে পারে!”

শ্রী নলিনীকান্ত গুপ্ত।

বঙ্গলার ব্রাহ্মণ

(পূর্ব প্রকাশিতের পর)

সভ্যতার আর এক উপাদান ভাষা এবং সাহিত্য। আমাদের দেশের কোন কোন বড় পণ্ডিত ঐতরের আরণ্যকের শ্রুতি বিশেষ উদ্ধার করিয়া বলিয়াছেন যে, বৈদিককালে “বঙ্গবগধ এবং চের”গণ পক্ষিত্যতির ন্যায় অস্পষ্টভাষী ছিলেন, স্তত্রাং তাঁহাদের ভাষা আর্য-ভাষা ছিল না।

এই উক্তির “বগধ”কে কেহ কেহ “মগধ” দেশ এবং কেহ কেহ “বাগদী” জাতি সূচক শব্দের আদিম সংস্করণ বলিয়া গ্রহণ করিয়াছেন। আমরা পণ্ডিত নহি;—বিশেষতঃ বৈদিক সাহিত্যে আমাদের প্রবেশ নাই এবং তজ্জন্য “বৈদিকমুগ” কথাটির অর্থও ভাল বুঝিতে পারি না। এই উক্তিকে, আমরা, অঙ্গ, বঙ্গ, কলিঙ্গ, স্কন্ধ, পুণ্ড্র, এবং কামরূপের উপর প্রয়োজ্য বলিয়া মনে করিতে পারি না। আর যদিই বা এই উক্তি এই সকল দেশের সম্বন্ধেই প্রসূক্ত হইতে পারে বলিয়া সুপ্রমাণিত হয়, তাহা হইলে আমরা বলিব যে উক্ত ক্রটি সেই প্রাচীন সময়ে প্রচলিত হইয়াছিল, যখন এদেশে গঙ্গার আগমন হয় নাই;—অন্ততঃ রামায়ণও রচিত হয় নাই। আমাদের মতে আজ হইতে অন্ততঃ প্রায় নয়লক্ষ বৎসর পূর্বে রামায়ণ রচিত হইয়াছিল (১৯)। যদি নয় দশ লক্ষ বৎসরের অনেক পূর্বে এদেশে অস্পষ্টভাবী অসভ্যলোকের বাস থাকে, থাকুক, সামাজিক ইতিহাস শাস্ত্রের বিদ্যার্থীর পক্ষে সেই অতি-প্রক্ল-যুগের সংবাদের কোন সম্বন্ধ নাই। আর, দেশের কোন কোন অংশে এখনও কোল সাঁওতাল প্রভৃতি অভিন্ন লোক আছে,—তখনও ছিল। তাহাতে মূল বিষয়ের কোন হানি হয় না।

আমাদের দেশের সংস্কৃতভাষা-বিজ্ঞানের অন্যতম প্রধান আচার্য (পাণিনি ব্যাকরণ শাস্ত্রের মহাভাষ্যকার) পতঞ্জলি অশুদ্ধ অথবা অস্পষ্ট ভাষা-ভাষিগণকে “শ্লেচ্ছ” বলিয়াছেন এবং তাহার দৃষ্টান্ত স্বরূপ তিনি অসুরগণের (আসীরিয়া বা ‘অসুর’দেশ বাসিগণের) উল্লেখ করিয়া বলিয়াছেন যে “বাহাতে আমরা ‘শ্লেচ্ছ’ হইয়া না যাই, সেই জন্য ব্যাকরণ পড়া উচিত (২০)।” তাঁহার

(১৯) এই উক্তি অনেকই অগ্রাহ্য করিবেন, সন্দেহ নাই। কিন্তু, আমরা আমাদের প্রাচীন শাস্ত্রের পদানুবর্তী হইয়া এই কথা বলিয়াছি। মনুসংহিতাদি প্রাচীন শাস্ত্রের মতে ষাটলক্ষ বৎসর কাল পরিমাণ ৮,৬৪,০০০ বৎসর। রামায়ণ ত্রেতাযুগের গ্রন্থ। যদি ত্রেতাযুগের অন্তিম দিনেও রামায়ণ রচিত হইয়া থাকে তাহা হইলে, আজ হইতে ৮,৬৪,০০০ কলিগতাব্দ ৫০২৬ = ৮,৬৯,০২৬ বৎসর পূর্বে রামায়ণ রচিত হইয়াছে বলিতে হয় এবং আমরা তাহাই বলিয়াছি।

(২০) ব্যাকরণের মহাভাষ্য; প্রথম আঙ্কিক, ২য় পৃষ্ঠা (বোম্বাই গভর্নমেন্ট সংস্করণ)।

মতে “অপশব্দকেই শ্লেচ্ছ” বলা যায়। এখন, আমরা দেখিতে চাই যে, সংস্কৃত ভাষার আচার্যগণ কি আমাদের এই প্রাচ্য অথবা অঙ্গ-বঙ্গ-কলিঙ্গ-সুক-পুণ্ড্র, কামরূপাদি প্রদেশের অধিবাসীগণকে কখনও “শ্লেচ্ছ” অথবা “অশুদ্ধ-ভাষা ভাষী” বলিয়াছেন ?

আমরা দেখিতেছি যে, গৌড়-বঙ্গের কোন অধিবাসীর ভাষার সম্বন্ধে প্রাচীন আচার্যেরা কোনও আক্ষেপ ত করেনই নাই,—অপর পক্ষে তাঁহারা এদেশের ভাষা এবং রীতির জন্য এক নির্দিষ্ট সম্মান-সূচক স্থানের নির্দেশ করিয়াছেন। বৈয়াকরণ পাণিনি স্বয়ং উদীচ্য দেশের অধিবাসী হইলেও (২১) তাঁহার অষ্টাধ্যায়ী সূত্রের অনেক স্থানে প্রাচ্যমতের এবং প্রাচ্যদেশীয় বিঘ্নবর্গের যথেষ্ট সম্মান রক্ষা করিয়াছেন। বাতর্কিকার কাত্যায়ন এবং ভাষ্যকার পতঞ্জলি উভয়েই প্রাচ্যদেশের তদানীন্তর রাজধানী পাটলীপুত্রের নিবাসী অথবা প্রবাসী ছিলেন। পৌরাণিক সময় হইতে কালিদাসের সময় পর্যন্ত এই গৌড়বঙ্গের সাধারণ নাম “প্রাচ্যই” ছিল, তাহা সকলেরই সুবিদিত আছে। গ্রীকেরাও এই দেশকে “প্রাসি” (প্রাচী) বলিতেন। পাণিনি-কাত্যায়ন-পতঞ্জলি-প্রণীত ব্যাকরণ সমগ্র আর্ষাবতের সংস্কৃত ভাষাকেই নিয়ন্ত্রিত করিতে প্রাচ্যদেশ সমূহের অন্যকোন স্বতন্ত্র ব্যবস্থা ছিল না।

অতি প্রাচীনকালে যে দেশ “প্রাচ্য” নামে পরিচিত ছিল, উহাকে “গৌড়দেশও” বলিত। “গুড়” হইতে “গৌড়” নামের উৎপত্তি, “পুণ্ড্র” শব্দের অর্থও ইক্ষু বিশেষ,—রাঢ়ে ঐ ইক্ষুকে এখনও “পুড়ি আক” বলে এবং কবিরাজ মহাশয়েরা ঐ ইক্ষুর স্বতন্ত্র বর্ণনা করিয়া থাকেন। প্রাচীন গ্রন্থ সমূহে “পৌণ্ড্রবর্ধন” অথবা “পুণ্ড্রবর্ধন” মহানগরের নাম শুনিতে পাওয়া যায়। সেই “পুণ্ড্রবর্ধন”ই “পাটলাদেবীর” পীঠস্থান স্বরূপে প্রখ্যাত ছিল এবং সেই নগরেই বিখ্যাত কার্তিকেয় মন্দির ছিল। কালের পরিবর্তনে সেই মহানগর এক্ষণে প্রাদ্বৃত্তিক পণ্ডিত জনের অতি নিপুণ গবেষণার বিষয় হইয়াছে, কিন্তু এখনও কেহই তাহার প্রকৃত অবস্থান সম্বন্ধে নিঃসন্দেহ হইতে পারেন নাই। কাহারও মতে উহা “গৌড়” বা “পাণ্ডুরা” (মালদহ জেলায়)

(২১) পাণিনি যুনি বর্তমান সীমান্ত প্রদেশ অথবা Frontier Province এর অন্তর্গত ‘শলাতুর’ নগরের অধিবাসী ছিলেন বলিয়া ঐতিহ্য আছে। ঐ শলাতুর প্রাচীন “গন্ধার” রাজ্যে অবস্থিত ছিল বলিয়া পণ্ডিতেরা নির্দেশ করিয়াছেন।

কেহ বলেন “মহাস্থানগড়” (বগুড়া জেলায়),—কাহারও মতে উহা বর্তমান “পাবনা।” যাহাই হউক, মালদহ জেলার “গৌড়” নগরও অল্প প্রাচীন নহে। খৃষ্টজন্মের অনেক পূর্ব হইতেই উহার খ্যাতি দেশ বিদেশে বিস্তৃত হইয়াছিল এবং গুরঙ্গজেব সম্রাটের সময় পর্যন্তও উহা একেবারে জনশূন্য হয় নাই। বাঙ্গালার স্বাধীন পাঠানরাজ সুলেমান করবাণীর রাজত্বকালে (১৫৬৪-৬৫ খৃঃাব্দে) গঙ্গা নদীর স্থানচ্যুতি বশতঃ উহা মহানারীতে (মালেরিয়া ?) জনশূন্য হইতে আরম্ভ করে এবং প্রথমে রাজধানী ঠাড়াতে যায়,—পরে আকবর বাদশাহের আমলে সুবেদার নোনাইল খাঁ আবার (১৫৭৫ খৃঃ) গৌড়কে রাজধানী করেন কিন্তু তিনি মহানারীতে মরিয়া যান। রাজা মানসিংহ সুবে বাঙ্গালার রাজধানী “গৌড় হইতে রাজমহলে স্থানান্তরিত করেন (২২)। বাঙ্গালী কবি কবিত্বাসের সময়ে গৌড়ই দেশের রাজধানী ছিল এবং কবিকঙ্কণ মুকুন্দরাম চক্রবর্তীর সময়ে উহা রাজধানীর সম্মান হইতে বঞ্চিত হইলেও, কবির মনে তখনও উহার পূর্ব সম্মান পূর্ব বলবৎ ছিল। গৌড় নগরের সভ্যতা সম্বন্ধে কবিকঙ্কণ অনেক সংবাদ দিয়াছেন। ধ্বংস-প্রাপ্তির পর ছুই এক শতাব্দী মধ্যেই গৌড় দুর্ভেদ্য অরণ্যে পরিণত হইয়া গিয়াছিল এবং উনবিংশ শতাব্দীর প্রথম পাদেও উহা ব্যাঘ্রাদি হিংস্র পশুর একায়ত্ত এবং মানুষের পক্ষে দুর্গম থাকার কথা ইংরাজের মুখে শুনতে পাওয়া যায়। এখন সেই গৌড় নগর কতকগুলি সাঁওতালের উপনিবেশে পরিণত হইয়াছে। লর্ড কার্জনের কৃপায় পাঠান-সময়ের কতকগুলি পুরাকীর্তির ভগ্নাবশেষ এখনও রক্ষিত হইতেছে; তাহার কৃপা না হইলে “গৌড়নগর,” ও বোধহয় “পোণ্ড্রবধনে”র অনুগমন কারয়া অদৃশ্য হইয়া যাইত (২৩)। বাঙ্গালার পাল এবং সেন রাজগণের রাজধানী গৌড়ের ধ্বংসাবশেষ এখন হা হা করিতেছে।

(২২) সৈর মুতাখরীন, ঈশ্বাটের বাঙ্গালার ইতিহাস।

(২৩) গৌড়ের ভগ্নাবশেষ হইতে ইষ্টকাদি লইয়া লোক মালদহ, রাজসাহী, ঢাকা, মুরশিদাবাদ প্রভৃতি সহরে লইয়া গিয়া কত বাড়ী ঘর করিয়াছে। লর্ড কার্জনের “পুরাকীর্তি রক্ষার আইনের” দ্বারা এই লুণ্ঠন এক্ষণে বন্ধ হইয়াছে।

প্রাচীনকালে, সংস্কৃত ভাষায় যখন দেশের সর্বত্র কাব্যাদি রচিত হইত, তখন কতকগুলি প্রসিদ্ধ রচনা রীতির (Styleএর) উদ্ভব হইয়াছিল। এই সকল “রীতি” অথবা রচনা পদ্ধতির মধ্যে “গৌড়ী” এবং “বৈদভী”র সম্মান যে সর্বাপেক্ষা অধিক ছিল, তাহা সংস্কৃত অলঙ্কার শাস্ত্রের বিদ্বাৰ্থিবর্গের সুপরিচিত। এই রীতি সম্বন্ধে সর্বাপেক্ষা প্রাচীন নিদর্শন অগ্নিপুরাণে পাওয়া যায়। অগ্নিপুরাণের মতে সংস্কৃত ভাষার রচনা সম্বন্ধে “পাঞ্চালী, গৌড় দেশীয়া, বৈদভী এবং লাটজা” এই চারিটি রীতি প্রসিদ্ধ ছিল। (২৪)। প্রাচীন বৈয়াকরণ এবং অলঙ্কারবেত্তা বামনের মতে “গৌড়ী, বৈদভী এবং পাঞ্চালী” এই তিনটি রীতি এবং ভোজরাজের মতে “বৈদভী, পাঞ্চালী, গৌড়ীয়, অবস্তিকা, লাটীয়া এবং মগধী” এই ছয়টি রীতি। কবিরাজ দণ্ডী পাঞ্চালী অবস্তিকা, লাটীয়া এবং মগধী এই চারিটির অপ্রাধান্য অঙ্গীকার করত “রচনারীতি প্রধানতঃ বৈদভী এবং গৌড়ী এই দুই প্রকার বলিলেই যথেষ্ট” এইরূপ মত প্রকাশ করিয়াছেন (২৫)। সংক্ষেপতঃ, সরলশ্লেষ-প্রসাদ-মাধুর্য-সুকুমারতাদি গুণযুক্ত কোমল-কান্ত-পদাবলীর সাহায্যে গ্রথিত রচনাকে “বৈদভী” এবং “শুক্ল-গম্ভীর কঠিন শিষ্ট-শব্দ-সম্পদ-সমাযুক্ত এবং দীর্ঘসমাসবহুল” রচনাকেই “গৌড়ী” রীতি বলিয়া আচার্যেরা স্বীকার করিয়াছেন (২৬)। পাঞ্চালী, লাটী, অবস্তিকা, এবং মগধী প্রভৃতি রীতি এই “গৌড়ী এবং বৈদভী” রীতির অন্তর্ভুক্ত বলিয়াই আচার্য পদে দণ্ডী ঐ সকল সূক্ষ্ম ভেদ পরিহার এবং দুইটি প্রধান রীতিকেই গ্রহণ করত নিজের অলঙ্কার

(২৪)

“বাগ্‌বিদ্যা সংপ্রতিষ্ঠানে রীতিঃ সাপি চতুর্বিধা ।

পাঞ্চালী গৌড়দেশীয়া বৈদভী লাটজা তথা ॥ ১১

৩৪০ অধ্যায়,

(বঙ্গবাসী ।)

(২৫)

“অস্ত্যানেকোগিরাং মার্গঃ সূক্ষ্ম ভেদঃ পরম্পরম্ ।

তত্র বৈদভু গৌড়ীয়ো বর্ণ্যতে প্রস্তুটাস্তরৌ ॥ ৪০ ॥” কাব্যাদর্শ,

প্রথম পরিচ্ছেদ (এসিয়াটিক সোসাইটির সংস্করণ)

বিদ্বনাথ “সাহিত্যদর্পণে” অগ্নিপুরাণের অনুবর্তী হইয়া চারিটি রীতির উল্লেখ করিয়াছেন।

(২৬) কাব্যাদর্শের ৪১শ হইতে ১০১ তম শ্লোক পর্যন্ত আচার্য দণ্ডী বৈদভী এবং

গৌড়ীর বিভিন্নতা প্রদর্শন করিয়াছেন। তিনি সম্ভবতঃ দক্ষিণাপথ নিবাসী ছিলেন। এই

সন্দর্ভ “কাব্যাদর্শ” রচনা করিয়াছেন। এই প্রকার শ্রেণী বিভাগ হইতে আমাদের মনে হয় যে, গোড়ী রীতিকে স্থূলতঃ আর্ষাবতের এবং বৈদর্ভী রীতিকে দক্ষিণাপথের প্রতিনিধি স্বরূপেই আচার্যেরা গ্রহণ করিয়াছেন। কবি কালিদাস প্রধানতঃ “বৈদর্ভী” এবং ভবভূতি-ভারবি-মাঘ ঋশভট্ট-শ্রীহর্ষ,—মুরারি-ভট্টনারায়ণপ্রমুখ কবিবৃন্দ “গোড়ী” রীতিকেই অবলম্বন করিয়াছেন। কবি ভবভূতি বিদর্ভ দেশের পদ্মপুর নগরের নিবাসী হইলেও কিন্তু “গোড়ী রীতি”কে অবলম্বন করিয়াই স্বকীয় অত্যাশ্চর্য নাটকাবলী প্রণয়ন করিয়াছেন। যে দেশের লেখকগণের রচনার প্রণালী হইতে প্রাচীন কালে এরূপ প্রসিদ্ধ রচনা রীতির (গোড়ীয়) জন্ম হইয়াছিল, সে দেশের সকল লোকেই যে “কাকের ন্যায় অস্পষ্ট ভাসী” অথবা “শ্লেচ্ছভাষাভাষী” ছিলেন, তাহা বিশ্বাস করিতে আমাদের প্রবৃত্তি হয় না। তবে, প্রাচীন কালের প্রসিদ্ধ আর্ষনিবাস ব্রহ্মাবত” এবং ব্রহ্মর্ষি দেশের বৃক্ক প্রদেশে মধ্য মধ্যও অসভ্য অথবা অভদ্র লোকের বাস ছিল (এবং এখনও আছে।) এদেশেও সেইরূপ ছিল (এবং আছে)।

এদেশের পণ্ডিতেরা ত গুরুগম্ভীর এবং দীর্ঘ সমাসবহুল পদ প্রয়োগে সুনিপুন বলিয়া খ্যাতিলাভ (সুখ্যাতি এবং অখ্যাতি উভয়ই) করিয়াছিলেন, কিন্তু সমাজের সাধারণ লোকদের ভাষা কেমন ছিল; অনেকে মনে করিতে পারেন, তাহারাই পাখীর মত কিচ্‌মিচ্‌ কারয়া কোন

মধ্যে মধ্যে গোড়ী রচনাকে বেশ এক আধটু উপহাস করিয়াছেন। তিনি রীতির দৃষ্টান্ত দিতেছেন। যথা—

গোড়ী—“অস্তমস্তকপর্যাস্তসমস্তার্কাস্তসংস্তরা।

পীনস্তনস্থিতাতাম্রকম্ববস্ত্বেব বারুণী ॥ ৮২

ইতি পদ্মেহপি পৌরস্ত্যা বধস্ত্যোজস্বিনীগিরঃ।

অন্ত্রে ত্বনাকুলং হৃদমিচ্ছস্ত্যা জ্যো গিরং যথা ॥ ৮৩ ॥

বৈদর্ভী—পয়োধরতটৌংসঙ্গলগ্নসঙ্ঘাতপাংগুকা।

কস্ত কামাতুরং চেতো বারুণী ন করিষ্যতি ? ॥ ৮৪” প্রথম পরিচ্ছেদ।

“পৌরস্ত্যা গোড়াঃ”—প্রেমচক্রতর্কবাগীশচরণাঃ। কালিদাসাদি প্রাচীন কবিও এদেশ বুঝাইতে “পৌরস্তাঃ” শব্দের ব্যবহার করিয়াছেন।

অসভ্য বা শ্লেচ্ছ ভাষায় (তমিড় বোলীতে ?) কথাবার্তা কহিত । মনে করিতে পারেন কেন, অনেক নবসভ্য হোমরা চোমরা পণ্ডিত তাহাই বলিয়াছেন । এক নবীন সুপণ্ডিত ব্রাহ্মণ সন্তান, “বাঙ্গালীর ভাষার বাপও অনার্য এবং মাও অনার্য, সে এক খিচুড়ী”—ইত্যাকার মত প্রকাশ করিয়া আশুপ্রসাদ-লাভ করিয়াছেন । নবোরা এইরূপ বলিতে “সাহস” করিতেছেন বটে, কিন্তু প্রাচীনেরা তাহা করেন নাই । আচার্য দণ্ডীর মত প্রাচীন ভাষা-বিজ্ঞান-বিদগো গৌড়দেশীয় সাধারণ সামাজিক মনুষ্যদিগকে “কাকের মত অম্পষ্ট ভাষী”ত বলেনই নাই, পরন্তু তাহারাও যে সংস্কৃত-সম “প্রাকৃত ভাষা”র ব্যবহার করিত, সংস্কৃতকে অম্পষ্ট সাক্ষ্যপ্রদান করিয়াছেন । এই সম্বন্ধে আচার্য দণ্ডী বলিতেছেন,—

“সংস্কৃতং নাম দৈবী বাগব্যাখ্যাতা মহর্ষিভিঃ ।

তদ্ব্যবস্থাসংসর্গে দেশীভ্যনেকঃ প্রাকৃতক্রমঃ ॥ ৩৩ ॥

মহারাষ্ট্রাশ্রয়াং ভাষাং প্রকৃষ্টং প্রাকৃতং বিদুঃ ।

সাগরঃ সৃষ্টিরত্নাণাং সেতুবন্ধাদি যন্ময়ম্ ॥ ৩৪ ॥

শৌরসেনীচ গোড়ীচ লাটী চান্যাচ তাদৃশী ।

যাতি প্রাকৃতমিত্যেবং ব্যবহারেষু সন্নিধিম্ ॥ ৩৫ ॥

আভীরাদিগিরঃ কাব্যোষপত্রংশ ইতি স্মৃতাঃ ।

শাস্ত্রেষু সংস্কৃতাদন্যদপত্রংশ তয়োদিতম্ ॥ ৩৬ ॥”

কাব্যাদর্শে, প্রথম পরিচ্ছেদ ।

এই শ্লোকের টীকা কার-সম্বন্ধ মমর্থ ;—“পানিনি প্রমুখ মহর্ষিগণ কর্তৃক “সংস্কৃত” এই নামে কথিতা এবং ব্যবহৃত ভাষার নাম ‘দৈবীবাণী’ যেহেতু দেবগণ উক্ত ভাষায় কথোপকথন (২৭) করিতেন এই জন্য, অথবা উক্ত ভাষা দৈবত-সংস্কার প্রাপ্ত হইয়াছিল সেই জন্য উহার ঐ ‘দৈবীবাণী’ নাম হইয়াছে) ; আর ‘সংস্কৃত’ হইতে উৎপন্ন (তদ্ভব) সংস্কৃতের সমান (তৎসম), এবং নানাদেশে ব্যবহৃত (দেশী) নানাবিধ প্রাস্কৃত ভাষা (সংস্কৃত এই ‘প্রকৃতি’ বা উৎপত্তি স্থান

(২৭) “দেব” শব্দের অর্থ পূর্বে “বিদ্বান্” ছিল । “বিদ্বাংসো হি দেবাঃ ।” (ঋত পণ)

ব্রাহ্মণে ।

হইতে উদ্ভূত কিংবা 'প্রাকৃত' বা নীচ লোকের ব্যবহারের যোগ্য বলিয়া এই ভাষার নাম "প্রাকৃত" হইয়াছে) আছে (২৮)। 'প্রাকৃত' ভাষাগুলির মধ্যে মহারাষ্ট্র দেশে ব্যবহৃত (মহারাষ্ট্রী) ভাষা উৎকৃষ্ট, যাহাতে সুন্দর সুন্দর বাক্যাবলীরূপ রত্নসমূহের সাগরস্বরূপ "সেতুবন্ধ" (কাশ্মীর রাজ প্রবর সেনের কীর্তি 'বিতস্তা' নদীর সেতু সম্বন্ধে কবি কালিদাসের রচিত বলিগা বিখ্যাত) প্রভৃতি কাব্য আছে। সেইরূপ শৌরসেনী, গৌড়া, লাটা এবং তাহাদের মত আরও অগণ্য প্রাকৃত ভাষা আছে। বেদ বেদান্তাদি শাস্ত্রগ্রন্থে যাহাদের ব্যবহার নাই কিন্তু নাটকাদি কাব্যে ব্যবহৃত হইয়া থাকে একরূপ "অভীর" প্রভৃতি ভিন্ন ভিন্ন নামে পরিচিত অনেক "অপভ্রংশ" ভাষা আছে। "অপভ্রংশ" প্রাকৃত হইতেও সংস্কৃত ভাষার অধিকতর দূরবর্তী।"

(২৮) "প্রাকৃত" এই নাম হইলেও এই ভাষার রচনারীতি "সংস্কৃত" ভাষারই মত, সকলেরই "সংস্কৃত" ভাষার মত ক্রিয়ার বিভক্তি, কারকাদির রূপ আছে এবং উহা দেখিতে শুনিত্তে সংস্কৃতেরই মত ; এই জন্ত কেহ কেহ "প্রাকৃত" ভাষার কেবল "সংস্কৃত হইতে উৎপন্ন" এবং সংস্কৃতের সদৃশ" এই দুইটা মাত্র ভেদ স্বীকার করিয়া বলিয়াছেন "আৰ্ষোথনার্ষতুল্যঞ্চ দ্বিবিধং প্রাকৃতং বিদুঃ।" "গৌড়" দেশ সম্বন্ধে মহানহোপাধ্যায় ৩ প্রেমচন্দ্র তর্কবাগীশ মহাশয় বলিয়াছেন "কীকটবঙ্গদেশগোরস্তরাল দেশঃ" অর্থাৎ মগধ এবং বঙ্গ দেশের মধ্যবর্তী দেশের নাম "গৌড়" দেশ। শক্তি সঙ্গম তন্ত্রকার বলিয়াছেন,—

বঙ্গদেশঃ সমারভ্য ভুবনেশান্তগং শিবে ।

গৌড়দেশঃ সমাখ্যাতঃ সর্ববিদ্যা বিশারদঃ ॥ শব্দকল্পদ্রুম ধৃত ।

অর্থাৎ "বঙ্গদেশ হইতে আরম্ভ করিয়া ভুবনেশ্বর (পুরী জিলায় অবস্থিত, প্রাচীন নাক "একাত্মকানন") পর্যন্ত দেশকে "গৌড় দেশ" বলে আর এই তন্ত্রের মতে "ব্রহ্মপুত্র নদ হইতে সমুদ্রাভিমুখ বর্তী দেশের নাম 'বঙ্গ'।" তন্ত্রের এই বঙ্গ এবং গৌড় দেশ প্রভৃতির সংজ্ঞা প্রাচীন বলিয়া মনে হয় না। লেখকের সময়ে লোকে যাহা বলিত তাহাই তিনি লিখিয়াছেন।

আচার্য দণ্ডী অত্যন্ত প্রাচীন। আমাদের দেশে পণ্ডিতমহাশয়গণের মধ্যে একটি চিরাগত প্রবাদ-শ্লোক আছে, তাহা হইতে কবিগণের প্রাচীনতার পরিচয় পাওয়া যায়। এই শ্লোকটি এই,—

“জাতে জগতি বাল্মীকৌ কবি রিত্যভিধাভবৎ ।

কবী ইতি ততো ব্যাসে কবয়স্তুয়ি দণ্ডিনি ॥”

এই প্রাচীন শ্লোককর্তা মহাকবি দণ্ডীকে সম্বোধন করিয়া বলিতেছেন,—“জগতে যখন বাল্মীকি জন্মগ্রহণ করিয়াছিলেন তখন তিনি একমাত্র কবি থাকায় ‘কবিঃ’ এই একবচনাস্ত শব্দ ব্যবহার করিত; তাহার পর যখন ব্যাস জন্মিলেন, তখন দুইজন কবি জগতে হইলেন বলিয়া ‘কবী’ এই দ্বিবচনাস্ত শব্দের প্রয়োগ করিতে লাগিলেন; এখন, হে দণ্ডিন্, তুমি জন্মগ্রহণ করায় যেহেতু দুইজনের অধিক অর্থাৎ তিনজন কবি হইলেন, সুতরাং লোকে ‘কবয়ঃ’ এই বহুবচনাস্ত শব্দের ব্যবহার করিতেছি। এই শ্লোকের কর্তা যিনিই হউন, তিনি যে আচার্য দণ্ডীর প্রাচীনতা এবং কবিত্ব শক্তি এই উভয় গুণেরই প্রশংসা করিতেছেন তাহাতে সন্দেহ নাই। “শব্দ কল্পদ্রুম” অভিধানে কালিদাসকে এই শ্লোকের কর্তা বলা হইয়াছে, কিন্তু এই অভিধানের কোন প্রমাণ নাই,—সুতরাং তাহার প্রসিদ্ধ গদ্য কাব্য “দশকুমার চরিতের” রচয়িতা এই দণ্ডী এবং “বাসবদত্তার” প্রণেতা স্বয়ং উভয়েই যে “কাদম্বীর” এবং “হর্ষচরিত” প্রণেতা বাণভট্টের অপেক্ষা পূর্বগামী, তাহা স্বদেশী এবং বিদেশী সংস্কৃতজ্ঞ পণ্ডিতগণ স্বীকার করিয়াছেন। দণ্ডী তাঁহার এই “কাব্যাদর্শে” প্রাচীন কাব্য সমূহের মধ্যে প্রাপ্ত “সেতুবন্ধ” এবং ভূতভাষাময়ী অদ্ভুতার্থী “বৃহৎকথা” (মহাকবি ঞ্ণাঢ্য রচিত) ভিন্ন আর কাহারও নাম গ্রহণ করেন নাই। তজ্জন্য, মনে হয় যে, তিনি খৃষ্ট জন্মের অব্যবহিত পরেই জন্মগ্রহণ করিয়াছিলেন (২৮)।

এই প্রাচীন দণ্ডীচার্য এবং তদপেক্ষাও অনেক প্রাচীন “অগ্নিপু্রাণে” “গৌড়ী” রীতিকে “প্রাচ্য” দেশীয় সংস্কৃত রচনা রীতির প্রধান প্রতিনিধি বলিয়া স্বীকার করায় বৃষ্ণিতে পারা যায় যে, গৌড়দেশে খৃষ্ট জন্মের পূর্বেই বিভিন্নরূপ অথচ সুবিখ্যাত একটি প্রৌঢ় রচনা নীতির প্রতিষ্ঠা

(২৮) যাহারা কালিদাসকে খৃষ্টীয় চতুর্থ অথবা পঞ্চম শতাব্দীর কবি বলিয়া মনে করেন, তাঁহারা দণ্ডীকে ষষ্ঠ শতাব্দীতে ফেলিরার চেষ্ঠা করিয়াছেন।

হইয়াছিল। আর, উত্তরকালে, মাগধী ও অধ-মাগধী এই দুই নামে যে প্রাকৃতভাষা পরিচিত হইয়াছিল, প্রাচীনতর কালে তাহারাও বোধহয়, “গৌড়ী” এই সাধারণ নামেই ভারতখণ্ডের সর্বত্র বিখ্যাত ছিল। সম্ভবতঃ, “পালী” নামে পরিচিত প্রাচীন প্রাকৃতের “গৌড়ী” এই নামান্তর ছিল। যেক্রমেই দেখা যাউক, ভাষা এবং সাহিত্য হিসাবেও গৌড়বঙ্গের প্রাচীনতা যে অত্যন্ত অধিক, তাহা প্রতিপন্ন হইতেছে (২৯)। প্রসিদ্ধ নানা ভাষাবিদ বীমস্ হর্ণলি এবং গ্রীয়ারসন প্রমুখ পণ্ডিতেরা গৌড়-বঙ্গের প্রচলিত ভাষাগুলিকে সংস্কৃত-সম বলিয়াই স্বীকার করিয়াছেন।

সভ্যতার উপাদান “সাহিত্য-সঙ্গীত-কলা”র মধ্যে, সাহিত্যের মোটামুটি সংবাদ আমরা টিলাম। সঙ্গীত সম্বন্ধে এই নাত্র বলিলেই প্রচুর হইবে যে বিখ্যাত “ছত্রিশ রাগিনী”র মধ্যে “গৌড়ী” বিশেষ সম্মানের আসনে আসীনা আছেন এবং “বাঙ্গালী”র সম্মানও অল্প নহে। লেখক এবং পাঠকবর্গের অসাবধানতার “গৌড়ী” অনেক স্থলেই “গৌরী”রূপে পরিচিত হইয়াছেন। গৌড়বঙ্গের অধিকাংশ স্থলেই “ঢ” এবং “ড়” একেবারে “র” রূপে কথিত, লিখিত এবং পঠিত হইয়া থাকে। অধিক কি “গৌড়” শব্দের জনক স্বয়ং “গুড়”ই অনেক স্থলে “গুর” এবং “খণ্ড” শব্দের অপভ্রংশ “খাঁড়” “খাঁর” (এবং পরে “গুড়” হইয়া “কার” হইয়া গিয়াছে! সেরূপ

(২৯) উত্তরকালে প্রাকৃত ভাষা “মাগধী” অবস্থিকবে, প্রাচ্যা, শৌরসেনী, অধ-মাগধী, বাহ্লীকা এবং দাক্ষিণাত্যা (মহারাষ্ট্রী) এই সাত ভাগে এবং অপভ্রংশ ভাষা “শকারী, আভীরী, চাণালী, শবরী, জাবিড়ী ও ড্রুজ এবং বনেচরী”—এই সাত ভাগে বিভক্ত হইয়াছিল। “অপভ্রংশ”কে “বিভাষা”ও বলিত। শবর-সাঁওতাল প্রভৃতি বনেচরদিগের বিভাষার ত অনেকরূপ ছিল, তন্মধ্যে একপ্রকারকে “ঢকভাষা” বলিত। এই সকল “ভাষা” এবং “বিভাষা”র প্রয়োগ নাট্য সাহিত্যে দেখা যায়। “বৃচ্ছকটি” নাটকে মাথুর এবং দূতকর এই দুই পাত্রের মুখে যে ভাষার প্রয়োগ আছে, টীকাকার পৃথ্বীধর উহাকে “ঢক-বিভাষা” বলিয়াছেন। গ্রীয়ারসন সাহেব এই “ঢুকী” বা “ঢকবিভাষা”কে “ঢাকাই ভাষা” (The Magadhi of Dacca) মনে করিয়াছেন।

রূপান্তর প্রাপ্ত হইলেও গোড়দেশীয় সঙ্গীতবিদগণের উদ্ভাবিত “গোড়ী” রাগিণীকে সনাক্ত করিতে আমাদের ক্লেশ পাইবার আশঙ্কা নাই (৩০) ।

“কলা”র কথা কহিতে ভয় হয়,—যেহেতু আমরা “কলাবিৎ” নহি । অতিশয় শুভক্ষণে “বরেন্দ্র-অনুসন্ধান-সমিতির” জন্ম হইয়াছিল । ঐ সমিতির সৌভাগ্যবান্ অনুষ্ঠাতৃবর্গের চেষ্টায় গোড়ীয় স্থাপত্য এবং ভাস্কর্যাদি কলাশিল্পের মর্যাদা অনেকটা সুপ্রতিষ্ঠিত হইয়াছে । আমাদের মতে, পাল-রাজগণের অভ্যুদয়ের সহিতই ঐ গোড়ীয় শিল্পরীতির জন্ম হয় নাই এবং গরার, মগধের, এবং ওড়িশার শিল্পরীতি গোড়ীয় শিল্পরীতির অনাখ্যীয় নহে । প্রাচীন পাঠস্থান পুণ্ড্রবর্ধনের “পাটলা”দেবীর মন্দির যাহারা নির্মাণ করিয়াছিল, তাহাদের ভাই-বন্ধু দায়াদেবরাই একাত্মকাননে “কীর্তিমতী”, তাম্রলিপ্তে “বর্গভীমা” এবং বৈদ্যনাথের “অরোগা”দেবীর দেবকুলও প্রস্তুত করিয়াছিল । বঙ্গরাজ হরিবর্মার মহাসাক্ষিবিগ্রহী রাঢ়ীয় বিখ্যাত বিপ্র বালবলভীভূজঙ্গ ভট্ট ভবান্দেবের চেষ্টায় নির্মিত “অনন্তবাসুদেবের” উচ্চ মন্দির ভুবনেশ্বর ধামে “লিঙ্গরাজের” অতুলনীয় মন্দিরের নিকট এখনও সগৌরবে দাঁড়াইয়া শোভা পাইতেছে । তমলুকের “বর্গভীমা”দেবীর প্রাচীন মন্দিরও বিশেষরূপ উল্লেখযোগ্য । গোড়পতি শশাঙ্কের জ্ঞাতিগণের দ্বারাই নাভিগয়া যাজপুরের এবং একাত্মের অতুলনীয় কীর্তিযাজি স্থাপিত হইয়াছিল । গোড়বংশের যে ওস্তাদেবরা গোড়ের “পাঠান-কীর্তির” উন্নয়ন করিয়াছিল তাহারা এ দেশের প্রাচীনতর স্থপতি এবং ভাস্করগণেরই বংশধর । বাঙ্গালী জাতি এবং তাহার সভ্যতা উভয়েই বড় প্রাচীন,—তাহাদের বয়স গণিয়া-মাপিয়া বলিবার শক্তি আমাদের নাই । ফাগু সন, কনিংহাম এবং হাভেল সাহেবেরা আমাদের পূজনীয় পথিপ্ৰদর্শক হইলেও তাহাদের সকল কথা বেদবাণীবৎ সমান সম্মানযোগ্য

(৩০) কাশ্মীরের “রাজ-তরঙ্গিনী” নামক ঐতিহাসিক মহাকাব্যে উল্লিখিত গোড়দেশের রাজধানীস্থিত বিখ্যাত কার্তিকেয়-মন্দিরের নত কী কলাবতী কমলা এবং কাশ্মীর-রাজ মহারাজ জয়াদিত্যের প্রণয়-কাহিনীর প্রতি দৃষ্টি স্বতঃই আকৃষ্ট হয় । রাজতরঙ্গিনী গ্রন্থে বর্ণিত অসাধারণ রূপবতী এবং কোকিলকণ্ঠি কমলা নত কীর্তি গল্প পড়িলে সেকালের গোড়ীয় সভ্যতার সুন্দর চিত্র মনে জাগিয়া উঠে । উহাতে সাহিত্য-সঙ্গীত এবং কলা এই তিনেরই উৎকর্ষ বর্ণিত হইয়াছে ।

নহে। রাজা রাজেন্দ্রলাল নিতের জন্মভূমি এই গৌড়বঙ্গে কবে আমাদের ঘরে ঘরে বাঙ্গালী
ফাণ্ডার্সন, কনিংহাম এবং হ্যাভেল, জন্মগ্রহণ করিয়া আমাদের এই “প্রাচ্য”ভূমির মুখ এবং মাঝ
রক্ষা করিবেন, সেই আশা করিয়া আমরা বসিয়া আছি। সুলক্ষণ দেখিয়া মনে হইতেছে সেই
শুভদিন আসন্নপ্রায়। ভগবানের প্রসাদে বাঙ্গালীর “আত্ম-বিস্মৃতি” অচিরে লুপ্ত হউক
এই প্রার্থনা করিয়া অদ্যকার প্রস্তাব সমাপ্ত করি। আগামী বারে “বাঙ্গালী ব্রাহ্মণের” কথা
বলিতে চেষ্টা করিব।


শ্রী অখিলচন্দ্র ভারতীভূষণ।

বন্দা

পলক তরে মিলন মোদের
নীরব জীবন-মন্দিরে
যুগের ছোঁয়ায় বুকের তার
বোল্ ওঠে না মঞ্জুরে।
অচিন্ আজি শতক চিনা
বাজলো না তাই মুখর বীণা
বিজন বনের আল্গা পাখী
মন্ পিঁজরায় বন্দা রে।

বন্দে আদৌ মিঞা।

মাস কাবারী ।



জ্যৈষ্ঠে যষ্টীর ‘তষ’ লইয়া—পরিচারিকা আসে—আমরা সাময়িক কাগজের মাসকাবারী তথ্য লইয়া হাজির হইতেছি । ‘তষে’ থাকে আম-সন্দেশ, আর তথ্যে পাওয়া যাইবে বড় জোর আমস্বস্ত, এবার আন্দের আশা মুকুলেই বিনাশ—সুতরাং বকসীস আমরা চাই না—পরজোরই শিরোণা বলিয়া মানিয়া লইলাম ।

এ বছর গোড়াতেই মৌসুমী হাওয়া দিতে শুরু করিয়াছে—বাদল-ধারার হিসাব কবিতা ব্যারোমিটারও হিম মারিয়া গেল, কাজেই জ্যৈষ্ঠে মাসিকের আসর ত ঠাণ্ডাই দৈনিকের বাজারও কিছুমাত্র গরম নয় । আমরা খুঁজিয়া পাতিয়া সেই নরম খবরই ছ’চারটা তুলিয়া দিলাম । শুরুতেই দুর্ভিক্ষের কঙ্কালসার ছায়া ছবি দেখাইয়া লই ।—

“৮ই মে যে সপ্তাহ শেষ হইয়াছে—সেই সপ্তাহে কলিকাতায় নূতন সীতাভোগ চাউলের মূল্য প্রতিমণ ৮।৯০ ও বালাম প্রতিমণ ৭।০ ছিল । ৯ই মে যে সপ্তাহ শেষ হইয়াছে, সেই সপ্তাহে কলিকাতা হইতে ১২৩৯২ টন (৩৩৪৫৮৪ মণ) চাউল বিদেশে রপ্তানী হইয়াছে ।” (সঞ্জীবনী) অগচ্ প্রত্যকটি জেলায় চাউলের দর চড়িয়া চলিয়াছে ; এ দেশের লোক কুমা খাইয়া মরিবে না তো মরিবে কোন্ দেশের ?

*

*

*

*

এ মাসের সব চেরে বড় সাময়িক খবর মহাশ্রাজীর বাঙলা-ভ্রমণ । ২ রা মে হইতে এ পর্যন্ত মহাশ্রা গান্ধী, ফরিদপুর, কুমিল্লা, চট্টগ্রাম, নোয়াখালি, বিক্রমপুর, ঢাকা, দিনাজপুর, বগুড়া, বর্ধমান, বোলপুর ইত্যাদি নানা স্থানে ঘুরিয়া তাঁহার মহাপ্রেম ও চরকার বাণী প্রচার করিতেছেন । মহাশ্রার শ্রম ও চেষ্টা সার্থক হউক । বাঙলা তাঁহার পুণ্য-বাণীর মস্ত্রে দীক্ষা লউক । অস্পৃশ্যতা পাপ, পরস্পরে বিরোধের অপরাধ, রেবারেধির অপবাদ-কলঙ্ক তাহা হইলে দেশ হইতে নিঃসন্দেহ দূর হইয়া যাইবে ।

“ঢাকার মেথরদিগকে মহাশ্রা এই উপদেশ দিয়াছেন :—

(১) সকাল সন্ধ্যায় ঈশ্বরের নাম স্মরণ করিবে ; (২) মদ্যপান করিও না ; (৩) প্রতিদিন স্নান করিও ; (৪) মিথ্যা কথা বলিও না ; (৫) গোমাংস অথবা শূকরের মাংস খাইও না ; চরকার সূতা কাট এবং খন্দর পরিধান কর ।” (সম্ভাবনী.)

দিনাজপুরে সাঁওতালদিগকে মহাত্মা নিম্নলিখিত অমুশাসন কয়টি দিয়াছেন :—

(১) কখনও তোমরা মিথ্যা কথা বলিও না ; (২) কাহাকেও ঘৃণা করিবে না ; (৩) জীব মাত্রকেই দয়া করিবে ; (৪) নিজের জন্য কাহাকেও খুন করিবে না ; (৫) কাহাকেও কখনো প্রহার করিবে না ; (৬) এক ঈশ্বরে কে মানিবে ; (৭) দেহে ও মনে পরিষ্কার থাকিবে ; (৮) মদ খাইবে না ; (৯) বেশ্যাবাড়ী যাইবে না—বিবাহিতা স্ত্রী ছাড়া আর সকলকে ভগিনীর মত দেখিবে ; (১০) চরকা কটিবে ও খন্দর পরিবে ।” (দৈনিক বসুমতী)

তথাগত বুদ্ধের মত আপনার অমুশাসন বাণী প্রচার করিয়া বুদ্ধেরই মত মহাত্মা প্রার্থনা করিতেছেন :—“স্ববধি হোতু”—সকলের কল্যাণ হউক । ইহাই বৌদ্ধ দর্শনের “দশ শিক্ষা পদানি”—দশ উপদেশ অমুশাসন “অদ্বির অট্টজিকো মগ্গ”—আটটি আর্ষ্য সত্য ।

* * * * *

“আগামী ১৯২৬ সনে পূজার ছুটির সময় পার্শ্বতীপুর হইতে শিলিগুড়ি পর্য্যন্ত বড় গাড়ী যাইবে । কলিকাতায় রেল চড়িলে গাড়ী বদল না করিয়াই শিলিগুড়ি পৌঁছানো যাইবে ; ইহাতে ৪০ লক্ষ টাকা ব্যয় হইবে ।”

“১৮৫৪ খৃষ্টাব্দে ১৭ই এপ্রিল হাওড়া হইতে পাণ্ডুরা পর্য্যন্ত প্রথম রেল ইষ্ট ইণ্ডিয়ান কোম্পানী কর্তৃক চালিত হয় ।”

“১৮৫২ খৃষ্টাব্দে প্রথম ইষ্ট বেঙ্গল রেল—২০ মাইল চলে ।”

“প্রায় ৫ লক্ষ মাইল ব্যাপী রেলপথ সমগ্র পৃথিবীতে আছে ।”

(সম্ভাবনী)

* * * * *

“পরলোকগত স্যর আণ্ডোষ চৌধুরী তাঁহার গ্রন্থাগারের সমগ্র গ্রন্থ কাশীর হিন্দু বিশ্ববিদ্যালয়ে দান করিয়াছেন । পুস্তক সংখ্যা প্রায় ৩০০০ এবং মূল্য ৪০০০০ টাকা ।”

(সম্ভাবনী)

হায়দ্রাবাদের ডক্টর সৈয়দ মহম্মদ কাসিম জানাইয়াছেন—সেখানকার পুস্তকালয়ে সহস্রাধিক সংস্কৃত হাতে লেখা পুঁথি সংগৃহীত আছে। পুঁথিগুলির তথ্যিকাংশই মৌলিক এবং তালপাতার লেখা। গ্রন্থকারের নামের মোহর পুস্তকের পৃষ্ঠায় পৃষ্ঠায় সংযুক্ত আছে—ভারতের আর কোথাও সে সকল পুস্তকের অস্তিত্ব আছে বলিয়া জানা যায় না। অনেকগুলি পুস্তক অতি প্রাচীনতম কালে লিখিত। ইহার ঐতিহাসিক মূল্যও বড় কম নয়। টুটেন থামেন বা নেবুচাড নেজারের কালেরও পূর্ববর্তী। ধর্ম, দর্শন, কলা, বিজ্ঞান, ইতিহাস, অন্ন চিকিৎসা জ্যোতিষ, ধ-তত্ত্ব, করকোষ্ঠী-সামুদ্রিক ইত্যাদি নানা বিষয় লইয়া পুস্তকগুলি লিখিত। আর্ধ্যজাতি যে সেই বিস্মৃত আদিম যুগেও পরম সভ্যতার চরমে উন্নত হইয়াছিলেন এ পুস্তকগুলির মধ্যে তাহার অকাটা প্রমাণ প্রচুর পাওয়া যায়। তেজস্ক্র উপাদান হইতে পেট্রল বাহির করিবার অতি বিস্মৃত প্রণালী ঐ পুস্তকে পাওয়া বাইতেছে। অনুসন্ধান ও পরীক্ষাও চলিতেছে—এই প্রণালীতে অতি অল্প আয়স ও ব্যয়ে উৎকৃষ্ট পেট্রল অপরিয়াপ্ত পরিমাণে প্রস্তুত করা যাইবে।

(নিউ এম্পায়ারের ইংরাজী হইতে)

* * * *

“শ্রীমুকুন্দ বিরলা পানিহাটী মিউনিসিপাল সীমানায় নলকূপ বসাইবার জন্য ৬ হাজার টাকা দান করার—তাঁহাকে পানিহাটীবাসীদের পক্ষ হইতে একখানি অভিনন্দন পত্র দেওয়া হইয়া”
(দৈনিক বসুমতী)

* * * *

“কল্যাণীয়া কুমারী জ্যোতিষ্ময়া চৌধুরী এবার রেঙ্গুন বিশ্ববিদ্যালয় হইতে কৃতিত্বের সহিত (with distinction) বি-এ পরীক্ষায় উত্তীর্ণ হইয়া বাঙ্গালীর মুখোজ্জ্বল করিয়াছেন। তিনি রেঙ্গুনের সাক্ষোভ্যালী কোম্পানীর স্বত্বাধিকারী শ্রীমুকুন্দ নরেন্দ্রনাথ চৌধুরীর কন্যা। ইনি রেঙ্গুন বিশ্ববিদ্যালয়ের প্রথম বাঙ্গালী মহিলা গ্রাজুয়েট।”
(স্বাবলম্বী)

লঘু সাহিত্য :—

সব দেশের সাহিত্যের মতন বাঙলা সাহিত্যেরও লঘু দিকটাই ক্রমশঃ পুষ্ট হইয়া উঠিতেছে। তবে প্রশ্ন হইতেছে সেটা সুপুষ্টি না দুষ্টি-পুষ্টি! প্রবন্ধ সমালোচনা, রাজনীতি বা সমাজনীতির উপর লেখার তুলনায় গল্প বা উপন্যাস সকল দেশেই অনেক বেশী ছাপা হয় এবং কাটেও বেশ

দর্শনের বই কীটে কাটিলেও প্রেমের কাহিনী বাজারেই কাটে। সৃষ্টির পক্ষে এ কাটতিটা কিন্তু অতি অল্পকূল। শিল্পী তাঁর মনের তাগিদে বস্তুর সৃষ্টি করুন আর না করুন পেটের তাগিদে অন্ততঃ বেশ ছ' পরসাম আমদানীর খেসারৎ পাওয়া খেয়ালের খাতিরে—কথা-কথকেরা অজস্র কথা অশ্রাব্য লেখনীর মুখে অনর্গল লিখিয়া যান। দশ জনে গালাগালি দেয় আবার পাঁচজনে ভালও বলে, সাল সুমারীতে নিকাশ করিয়া টেকেও ছ'টার গণ্ডা জমা হয়,—মন্দ কি!

বস্তুতঃ ব্যাপারটা এই দাঁড়ায় বলিয়া কথা-সাহিত্যের বাজারে যত ভেজাল আর ভূমি মাল চলে এমন আর সাহিত্যের কোনো বিভাগে চলে না। যেমন গরম চাহিনা—তেমনি গরম সরবরাহ। Hot press বেশীর ভাগ সংখ্যায়ই Hot penএর যা ক্রটি দোষ তা তো গল্প লেখকেরা—don't care করিয়াই চলেন। শিল্পকে নিটোল নিখুঁত মনোজ্ঞ করিয়া গড়িয়া তুলিবার জন্ত যে সাধনা, যতখানি অস্তর-দানের প্রয়োজন আছে ঠিক ততখানি বাতীর আংশিকও মর্শ্ব সঁপিয়া দিয়া কোন লেখক যে গল্প লিখিয়াছেন—সে প্রমাণ ছ' একজন বড় লেখকের হিসাব করা চার পাঁচটা গল্প ছাড়া বাকীগুলির মধ্যে পাওয়া যায় না।

সত্য করিয়া কিন্তু—লঘু বলিয়াই সাহিত্যের এ দিকটা পল্কা বা ঠুনকো নয়। বিষয়ের জটিলতম সমস্যাগুলির সরল ও মনোমত সমাধান করিয়া দেওয়াই উপন্যাস বা গল্পের মূল লক্ষ্য। আমার মনের গোপন কথাটা—আমার প্রাণের স্পন্দনের মূলে যে সুর-ধ্বনি বস্তুর বিকাশ ও সত্যের পরম যাহা অর্থ, মানব অস্তরের স্বথ-দুঃখের চিরন্তন, কালের যে ধানী নিত্য অক্ষরিত হইয়া উঠিছে পুরাকালের বিশ্বকেও রোজই নূতন কাচ সবুজ রঙে বিচিত্র করিয়া তুলিতেছে তাহাকে চরিত্রে আকার দেওয়া, রক্ত মাংসে গড়া, প্রাণের সাড়ায় সঞ্জীবিত করিয়া “তোলাই” সাহিত্যের এ লঘু দিকের কাজ। কিন্তু তাহা যে সত্য, সুন্দর এবং শাস্ত, সে কথা প্রমাণ করিয়াও দেওয়া চাই। এখানকার কারখানায় মন লইয়া কারবার—আর সে মন এক জনের বা এক রকমের নয়—বিভিন্ন লোকের নানা হাল চালে গড়িয়া বাড়িয়া উঠা নানা চং, ভড়ং, রকম ভজিয়ার মন। অথচ স্রষ্টার সৃষ্টিটা হওয়া চাই সকলেরই মনের মত। কেবল রাজারই মার্কেলে গড়া মোকামে রাণীর জ্বরতে কারু করা গোলাপী ওড়না উড়াইয়া দিলে শিল্পীর চলিবে না—বুরকার নীচে বন্দির মনের ব্যথাও তাঁকে জানাইয়া যাইতে হইবে—সরাইখানার খুবসুরৎ হোটেলওয়ালীর সুরনার টানা চোখের পাতাটা কেন সে কালো করে আর যে দেখে সেই বা কেন মনের কাজল পাতায়

ছবি আঁকে এ কথাটাও বলিয়া বুঝাইয়া দেওয়া চাই। ভিখারিণীর বুকের কান্না—কাঁদিয়া যাইতে হইবে—অবহেলিতার লাজনা আহত কঙ্কালসার অন্তর-পঙ্করখানিও তিনি—না আঁকিয়া পারিবেন না। কাজেই এ বড় শক্ত কাজ; বহু শ্রম—ভারি সাধনা চাই।

নিরপরাধকে অপরাধীর কাঠগড়ায় ফেলিয়া পুলিশ পিষিয়া মারিবার চেষ্টা করিতেছে—ম্যাজিষ্ট্রেট মনে করিবেন—বেটা চোর—ঠিক হইয়াছে। আবার ঐ বেচারীর মত হতভাগার মনে করা চাই—ঠিক হইয়াছে—ছব্ব ‘সত্য’ চিত্র। এমনিই ছনিয়ার বিচার বটে!

সকলের মনের কুলুপ-কাটা ঘুরাইয়া একই বস্তু দিয়া ছনিয়াকে তুট্ট করাই গল্প-কুশলীর মুসীয়ানা। অনেক বাজে কথা বলিয়াও আসল কথাটা বোধ হয় বুঝাইতে পারিলান না—আর একদিন চেষ্টা করিব।

এ মাসে প্রবাসীতে ছইটা গল্প বাহির হইয়াছে ছইটাই মৌলিক। ভারতবর্ষে ৪টা, মানসীতে ৩টা, বঙ্গবাণীতেও ৩টা তার একটা অনুবাদ। বঙ্গমর্তীতে ৩টা গল্পের মধ্যে একটা অনুবাদ।

আগে মৌলিক গল্পের কথাই বলি।

প্রবাসীতে বিভূতিবাবুর “বিয়েরফুল” ফুটি ফুটি করিয়াও ফুটিল না। উপসংহারের বস্তুটুকু খাটি এবং বেশ কিছু তাহাকে লাগ মতন ধরিয়া দিতে পারেন নাই। বউদিদির চেয়েও হাওড়ার গাড়োয়ান Real—সুন্দর। ডাকাতির এপিসোডটুকু তেনন ছুত সই মতন জমে নাই। খোট্টার গান ছ’লাইনে নেশার রেশ আসে—তার “আর এক পেয়ালা চা ভি আনিয়ে দি” বাঙলা কথায় হাসি চাপা কঠিন। ভাষাটা ঝর ঝরে। “ভোলা”—কুকুরের গল্প পুকুর ধারে বসিয়া লিচু চুরি করিয়া খাইবার বয়সে এক রকম লাগিতে পারে—এ বড় কালে ভয় কুকুর তো জানোয়ার, কঁয়াক করিয়া একটা কামড় বসাইয়া দিলেই বাশ!—হয় শিলং নয় কলিকাতা! ট্রাজিডীটুকু দেখাইতে চাহিয়াছিলেন—ভোলার মরণে নয়—তার প্রাণে আর হীক মানে তার প্রভুর মনে। অতি সাধারণ কথা—নেহাং সাধারণ ভাবে বলা হইয়াছে।

ভারতবর্ষের “ক’নে পছন্দ”—নেহাং মামুলী মাস্কাতার আমুলী প্লেট। মেয়ে-ইস্কুলে থিয়েটার দেখিতে গিয়া অভিনেত্রীর রূপে ভুলিয়া যাওয়া—তিনি আবার শকুন্তলা ইনি হইলেন ছয়স্তু মনে মনে অবশ্য—পরে গোড়া হিন্দু পিসিনাই—এই মেয়ে ইস্কুলের পড়ুয়া মেয়েটার সঙ্গে তার বিবাহ দিয়া দিলেন—তার “আন—স্বরূপ”টা শুধু একখানা পাতলা নেটের যবনিকার আবডাল

করিয়া রাখিবার কাগ চেষ্টা করা হইল। ভাষাটা মন্দ নয় মেয়েলী হাত। মিঠাও বটে।

চাঁদের কব্জ—আচ্ছ বটে? আমরাও তা অস্বীকার করি না;—তবু মন্দ না। দাবীহারী নারীর দাবী দাওয়ার গল্পে বিচার চমিয়াছে। “পিউনী জেজেরা” ইহার রায় দিবেন—সেই ভাল। নারীর অধিকার লইয়া কাম্বুদী ষাটটার পর—এই আর একটা কাঁঠাল কাটিয়া পাটা রান্না—ঘি, গরম মসলা আছে—সুধু অজ্ব নয় এঁচোড়! ভাষাতে গন্ধ আছে জায়গায় জায়গায় সিক্ত হইয়া ঝারিও হইয়াছে বলা যায়।

মানসীর—মনের দাগ—মনের উপর ঘাট হোক এঁচোড় পেঁচোড় একটা দাগ রাখিয়া যায় বটে। মানসীর টুণ্ডালার মতন খটুরং ভাষার তুলনায় এ গল্পটার ভাষা অনেক মিহি এবং মোলায়েম বলিতে হইবে। মেয়েটার আশ্চর্যতায়—ট্রাজিডীকেও হত্যা করা হইল। ওখানে মৃত্যু দেখানো—আট নয় অন্ততঃ গাট আট নয়। “মর্গের” বাগা পাঁচুবাবুর গল্প। পাকা হাত। চমৎকার ভাষা খাসা বলিয়াছেন।

বসুমতীর সব গল্পই এক ধরণের। যেমন কেউ বলে “লা”—কেউ আবার “না”—কেউ বা বলে “লৈকা”—আমরা বলি নোকা—এই যা তফাৎ। অনুবাদটার কথা পরে বলিতেছি।

বঙ্গবাণী—মাণিকবাবুর নিয়ন্ত্রিতে লেখার ভঙ্গী বৈচিত্র্যের মধ্যে মাণিকবাবুকে পাওয়া যায় কিন্তু উপসংহারে—তিনিও নাস্তি! কি করা ঘাটবে—লেখকের নিয়ন্ত্রি! রামটহলের বন্দুকে তার নিস্তার ছেগে হত হইল! জাতি রক্ষা—দিব্য কালীর জাতি রক্ষার কথা। “রিয়াল” কিন্তু ভোগাপ চরাস নয়—নিখুঁত ছবি—সুন্দর।

অনুবাদটার কথা পরে বলিতেছি।

বিজলীর ‘দুর্গী’ অমলেন্দুবাবুর রাসিয়ান মেয়ের গল্প—বরং বলি পোলীস তরুণীর দেশাত্ম-বোধে উৎসুকু আশ্বাস কথা। অপূর্ব সুন্দর। টীনা “নীলপরী” কি ইরাণী ছরী তা দিয়া আমাদের দরকার নাই। তবে সে জানিত—“পোলাণ্ডের চেয়ে বড় মহৎ দেশ লিথ্বীতে নেই” ট্রাজিডীটা গল্পের, কাটারিণা বা টিনার মরুরি মধ্যে নয়—সেই ক্ষুদ্র, কাতর আহত অন্তরাঘার মধ্যে “লিও বুকলে তার আর বিন্দুমাত্র শক্তিও অবশিষ্ট নাই” ট্রাজিডীটা চমিয়া ফুটিয়া উঠিয়াছে উপসংহারের এই লাইনটীতে আর তাহা চিরস্তন হইয়া রহিয়াছে—শেষের সত্যকথার—“বরফে পোলান্ডের সর্বশ্রেষ্ঠ প্রাপের অবসান হ’য়ে গেল।”

এ মাসে বঙ্গবাণীতে একটা ও বঙ্গমতী একটা মোট এই দুইটা অনুবাদ গল্প বাতির হইয়াছে। দুইটাই স্বর্গীয় কথা-রসিক জ্যোতিরিন্দ্রনাথের হাতের তর্জমা। মূল স্প্যানিস গল্পের অনুবাদ। “প্রথম ভালবাসা”—পার্দো বাজানের লেখা। বাজান স্পেনের গ্যানিসিয়া প্রদেশের একজন কাউন্টেন। বাজান এ যুগের স্পেনীয় সাহিত্যের একজন অতি শক্তিশালিনী লেখিকা। জীবিত কথা-শিল্পীদিগের মধ্যে মানইজ্জত নাম ও ইনাম পাইয়াছেন চারজন “ভাল্‌দেস”, গাল্দোস,—ইবানেজ আর বাজান। বাজান শুধু উপন্যাসিক নহ—ইউরোপীয় সাহিত্যের খ্যাতি সমজদার, ধীমতী সমালোচক বলিয়াও তাঁহার বিলক্ষণ প্রতিষ্ঠা আছে। বাজানকে রুচিবাগীণ সমালোচকেরা রিয়ালিষ্টিক বলিয়া নাক সিঁটকাইয়া থাকেন। জোনার বস্তুতত্ত্ববাদ বাজানের লেখার আদর্শ সরবরাহ করিয়াছে বলিয়া অনেকের মত। এ গল্পটাও একটা কিশোরের মনে ছবি দেখিয়া প্রেমের প্রথম বাণহানার কাহিনী। ছবিটা কিন্তু তাঁর বৃড়ী দিদিমার যৌবন-দিনের।

বাস্তুশিল্পীর পত্নী বঙ্গমতীতে বাহির হইয়াছে। ক্রমেবার স্প্যানিস গল্প হইতে তর্জমা Trueba (১৮২১-৮৯) কথায় পত্নীজীবনের জীবন্ত চিত্র অঁকিয়া গিয়াছেন। সুন্দর এবং সুদৃঢ়। বাস্তুশিল্পীর পত্নীটাও এই সত্যেরই কতকংশে সাক্ষ্য দিবে।

বঙ্গমতীতে শ্রীযুক্ত দীনেন্দ্র রায়ের “প্রলয়ের আলো” নূতন উপন্যাস আরম্ভ হইল।

প্রবাসীতে রবীন্দ্রনাথের পশ্চিম যাত্রীর ডায়রী অফুরন্ত রস মধু তথা তত্ত্ব অপরিপাক্ত বিলাইয়া যাইতেছে,—মাসের পর মাস। তাঁর “তিন বছরের প্রিয়া”—“তিন বছরের বিরহিণী”—ইত্যাদি পড়িয়া Wordsworthএর Lucy কবিতা মনে পড়ে কিন্তু আমাদের কবি বলিয়া দিয়াছেন—
“তিন বছরের প্রিয়া হবেন বিশ বছরের মেয়ে”—তা’পর—

পূর্ণ চাঁদের লগ্নে, বৃহস্পতির দশায় ;—

তুংখ আমার আর সে যে হোক—

নয় সে দাদা মশায় ।

আমাদের কবির প্রিয়াকে ঘিরিয়া—“অনামারে ডাক দিয়েছ চোখের নীরব ভাষায়” ইত্যাদি মিষ্টিক রূপ কথা রহস্যময় হইয়া উঠিয়াছে হয়তো—কিন্তু—in Sun and shower—


Wordsworthএর যে অজানা তিন বছর বাড়িয়া উঠিয়াছিল—তার জীবন-কথার মতে নিষ্কৃতি
ঢাকা পড়িয়া যায় নাই।


“শিক্ষকের আক্ষেপ” শুনিয়া আর কি করিব—নইলে নিজেরই পেটে হাত আর পিঠে
হাত! সঁাওতাল জীবন—উপন্যাসের মত মধুর। তাহাদের সম্বন্ধে অনেক কথা জানিবার
আছে। প্রাচীন ভারতের ধর্ম্মে গবেষণা ও মেহনত ছয়েরই সন্ধান পাইলাম। রূপ ও আলাপ
গানের কথা। বসুমতীতে “বাঙ্গালীর বিবাহ”—ও তাই—সুর রাগিণী ভালই ত। বঙ্গবাণীর
রবীন্দ্রনাথ, সাহিত্য ও নঙ্গীত শ্রীযুক্ত দিলীপকুমার রায়ের লিখিত বিশ্বকবির স্বহস্ত স্মারিত
প্রবন্ধ সুপাঠ্য স্মারিত। আনরাও বলি—“কেলার মোনি”—কি মধুর সুরে উপপাদ্য
ত্রয়ী লীন লয়ে বাধা পড়িয়াছে।

কুশুকর্ণের নিদ্রাভঙ্গ—মন দিয়া পড়িলে উপকার হইবে। ময়ুরভঞ্জন আলপনা ছবি
কলা-কাহিনী।—প্রবাসীর ব্লক লইতে খোড়া ধরচ নাই। ভারতবর্ষে শ্রীযুক্ত যোগেন্দ্রনোহন
সাহার—রয়েল সোসাইটির ইতি কথা, উৎকৃষ্ট ও স্মাতব্য।

প্রবর্তক আবার স্বগৌরবে বাহির হইল। এ মাসে আর বলিবার স্থানাভাব।

“চক্রবর্তী”





পরিচাৰিকা

(নব পৰ্য্যায়)

“তে প্রাপ্নুবন্তি মাগেব সৰ্বভূতহিতৈ রতাঃ।”

৯ম বর্ষ।

শ্রাবণ, ১৩৩২ সাল।

৪র্থ সংখ্যা।

অন্তর-দেবতা ।

— ৩৫ —

জাগিছে কঠোর মৃত্যুমুছা গরজি গভীর রবে
রক্তমুরতি দহিছে অনল সুপ্ত শশানশবে ।
হেন কত বেশে কত শত দেশে যাপিয়া জীবন শত
না দেখি' উপায় চরণ ধরিয়া হয়েছি শরণাগত ।
বল বল প্রভু বল না আমায় কেমনে হৃদয়মাঝে
লুকায়ে রয়েছ গোপনে গভীরে, রয়েছ কেমন সাজে !
জ্বলিতেছে ক্ষীণ মর্ম্মপ্রদীপ গিরিগহ্বর অন্ধ
সেখানে আমার শশান-দেবতা একাকী রয়েছে বন্ধ ।

চারিদিকে তার জাগিছে অঁধার টুটেয়া তিমির-রাশি
 ফুটিছে কমল-কুমুদ-কুন্দ-নিন্দিত তার হাসি ।
 থাক্ সে যতনে ভাঙ্গাবো না তার শুভ্র মধুর শাস্তি
 একদা আকুল অ.কাশের মাঝে জাগিবে তাহার কাশি ।

(২)

যার লীলাঙ্গন প্রহলিকা সম গঠিত নিরাট বিশ্ব
 ধরে ধরে তাহে রাখিল সাজায়ে কত সুখময় দৃশ্য —
 সুখদুঃখ যার নিঃস-অধীন সঙ্কেতে ত'র বটে
 উন্নতি আর পতন জগতে সদা সবাকার ঘটে
 কত না জা তর চিহ্ন তাহার এক সঙ্কেত মাত্র
 কালসিদ্ধুর বৃকে হল লীন হেড়িয়া প্রলয়রাত্র
 ছেরিলা অদূরে সময়ান্বুধি ফেণরহস্যস্কন্ধ
 পশ্চাতে ত র বাত্যাভাঙিত তরঙ্গগণ লুন্ধ ।
 অকুল দুর্বার সাগর ভীষণ তবুও আশার ছল,
 বহে সে হলনা, হে মোর দেবতা—দুর্বলের সে যে বল ।

শ্রীশচীন্দ্রনাথ বন্দ্যোপাধ্যায়

খৃষ্টান্ সন্ন্যাসী সম্প্রদায়-বিশেষের প্রতীপাচার ও মহৎপূজা ।

ইউনাইটেড্ স্টেটস (স্যানফ্রান্সিস্কো) নিবাসী মার্ক টোয়েন্ একজন পর্যটক ও সুলেখক ছিলেন। তিনি নানা দেশ পর্যটন করিয়া, তাঁহার ভ্রমণবৃত্তান্ত একাধিক পুস্তকে লিপিবদ্ধ করিয়া গিয়াছেন।

একদা তিনি অনেকগুলি আন্যেয়ানিবাসী ভ্রমণলোকের সহিত জাহাজে, নিউইয়র্ক হইতে পবিত্র ভূমি প্যালেস্টাইন্ পর্যন্ত ভ্রমণ করিতে বহির্গত হইলেন।

তাঁহার নানস্থান পর্যটন করিতে করিতে ক্রমে রোম নগরীতে যাইয়া উপস্থিত হইলেন। তথায় দ্রষ্টব্য স্থান সকল পরিদর্শনের পর বিচিত্র অগত বীভৎস দৃশ্য কাপুচিন্ (Capuchin) সন্ন্যাসীদিগের মঠ দেখিতে গমন করেন।

কাপুচিন্ সন্ন্যাসীদিগের একটি মঠ, উহার দ্রষ্টব্য স্থান ভূগর্ভে - সোপানাবলীর সাহায্যে তাহাতে উপস্থিত হইতে হয়।

গৃহনগো ছয়টি অংশ বা ভাগ আছে। প্রত্যেক ভাগ বিভিন্ন আকারে সজ্জিত, এই সনস্কৃত সাজসজ্জা মনুষ্যের অস্তিত্বাণ গঠিত। কোন ঘরের সুগঠিত খিলান, কেবলমাত্র মনুষ্যের উদ্দেশ্যের অস্থি সংগ্রহ করিয়া নির্মিত। কোন গৃহ বা বহু নরমুণ্ড একত্র করিয়া সনচতুষ্কোণ ভিত্তি-বিশিষ্ট ক্রমস্বপ্নাগ্র পিরামিডের আকারে রচিত। মুণ্ড সকল যেন বিকট দৃশ্য বাহির করিয়া হাস্য করিতেছে। কিন্তু উহার গঠন নৈপুণ্য অতি চমৎকার। পদের নালীর সন্মুখের দিকের অস্থি এবং বাহুর অস্থি সংগ্রহ করিয়া সেই বীভৎস উপাদানের সাহায্যে স্থপতি-বিজ্ঞান-সম্মত নানা প্রকার সুদৃশ্য কারু-সম্পদের সৃষ্টি করা হইয়াছে। কোন স্থানে প্রাচীরগ্ৰায়ে চূর্ণবালির আস্তরের উপর মনুষ্য শরীরের নৈরুদেণ্ডের গ্রন্থিত অস্থি সমূহ বক্রভাবে সন্নিবেশ করিয়া দ্রাক্ষ্যমতা রচিত হইয়াছে। মাণ্ডলের মায়ু এবং অস্থিমাংসযোজক শিরা লইয়া লতার স্তম্ভতন্ত্র এবং জায়ু-সন্ধির সন্মুখস্থ ম্যাক্রাকৃতি অস্থি (মালাই) ও পাদাহুণির নখরের দ্বারা

পুষ্প প্রস্তুত হইয়াছে। এইরূপে সেই অমানুষিক স্থানে মনুষ্যশরীরের দীর্ঘকালস্থায়ী উপাদান সকল সংগ্রহ করিয়া নানারূপ শিল্পচাতুর্যের পরাকাষ্ঠা প্রদর্শিত হইয়াছে। ন্যাকারজনক ও অস্পৃশ্য উপাদান লইয়া শিল্পী কত শ্রদ্ধার সহিত ঐ সকলের সূক্ষ্মাংশের পারিপাট্য এবং কত মনোযোগের সহিত উহাদিগের সম্পূর্ণতা সাধন করিয়াছে তাহা ভাবিলে, যেমন তাহার কলাবিদ্যার প্রশংসা না করিয়া থাকা যায় না, তেমনি তাহার নির্দিকারচিত্তের পরিচয় পাইয়া অবাক হইতে হয়।

মঠের নয়স্বভাব এক সন্ন্যাসী দর্শকদ্বিগকে সেই সকল দেখাইয়া বেড়াইতেছিলেন। সন্ন্যাসীকে তাঁহারা জিজ্ঞাসা করিলেন, “এ সকল কাহারো নিৰ্ম্মাণ করিয়াছে?”

সন্ন্যাসী বলিলেন, “আমরা করিয়াছি।”

তখন তাঁহার মুখ দেখিয়া বোধ হইতে ছিল, কত যেন অহঙ্কারের সহিত তিনি সেই সকল সম্পত্তি দেখাইতেছিলেন। পরিদর্শকেরা পুনরায় জিজ্ঞাসা করিলেন, “আপনারা কাহারো?”

“আমি এবং কাপুচিন্ সম্প্রদায় দুই এই মঠের অন্যান্য সন্ন্যাসী ভ্রাতারা।”

“এই ছয়টি প্রকোষ্ঠ সজ্জিত করিতে কতগুলি সন্ন্যাসীর অস্থি আবশ্যিক হইয়াছে?”

“এই সকলে চারি হাজারের অধিক সন্ন্যাসীর অস্থি আছে।”

“এত অস্থি সংগ্রহ করিতে বোধ হয় বহু দিন লাগিয়াছে?”

“বহু শতাব্দী।”

“ইহাদের মধ্যে কোন সন্ন্যাসীর অস্থি, শিরা ইত্যাদি দেখিয়া আপনি চিনিতে পারেন?”

“হাঁ অনেককে চিনি।”

পরে একটা নরকপাল অঙ্গুলিবারা স্পর্শ করিয়া সন্ন্যাসী বলিলেন “এটি ভাই এনসেলমোর—
গনি আজ তিন শত বৎসর পূর্বে মারা গিয়াছেন,—ভাল লোক ছিলেন।”

“আর একটা করোটি স্পর্শ করিয়া বলিলেন “এটা ভাই আলেকজান্দারের—আজ দুই শত
বৎসর পূর্বে মারা গিয়াছেন।”

পরে তিনি একটা মাথা হাতে লইলেন, এবং ‘হামলেট’ যেমন সমাধি-থনক, Yorickএর
মুণ্ড হাতে লইয়া, অভিনিবেশ সহকারে সেই দিক দৃষ্টি করিতে করিতে Yorickএর বিষয়
আলোচনা করিয়াছিল, তিনিও সেইরূপ একাগ্রচিত্তে উহার দিকে চাহিতে লাগিলেন।

পরে বলিলেন “ইনি ভাই টমাস। এক উচ্চ এবং গর্ভিত বংশে এই সুবকের জন্ম হইয়াছিল। এই বংশ প্রায় দুই সহস্র বৎসর পূর্বের রোমের সেই সকল প্রাচীন গৌরবের দিন হইতে নিজ আভিজাত্যের পরিচয় দিয়া আসিতেছে। অপেক্ষাকৃত নীচ বংশোদ্ভূত এক তরুণীর সহিত এই সুবকের প্রণয় হয়। তাঁহার পরিবারস্থ লোকেরা প্রথমে তাঁহাকে এবং পরে তাঁহার প্রণয়িনীকেও নির্যাতন করিতে আরম্ভ করিল। অবশেষে তরুণীকে তাহারা রোম নগরী হইতে বহিস্কৃত করিয়া দিল। সুবকও প্রণয়িনীর অনুসন্ধানে বাহির হইলেন। কিন্তু বহু দূর দেশান্তর পর্যটন করিয়াও আর তাহার কোন সন্ধান পাইলেন না। তখন ভয় ছন্দায় প্রতাবৃত্ত হইয়া তিনি আমাদের এই সন্ন্যাসীসম্প্রদায়ে আশ্রয়নিবেদন এবং নিজ পরিশ্রান্ত জীবন ঈশ্বরের কার্যে নিযুক্ত করিলেন। অল্পদিন পরে তাঁহার পিতামাতা পরলোক গমন করিলেন। বিধাতার লীলা—হঠাৎ সেই সময় এক দিন তাঁহার প্রণয়িনীর সহিত সাক্ষাৎ হয়। তরুণী এতদিন নানাস্থানে তাহার প্রণয়ভাজনের অনুসন্ধান করিয়া বেড়াইতেছিল, অবশেষে সে এ প্রদেশে আসিয়া উপস্থিত—পথে উভয়ের সাক্ষাৎ—সুবকের সন্ন্যাসীবেশ—তবুও প্রণয়ীকে প্রণয়িনীর চিন্তে দেবী হইল না! মথার্থ প্রেম-স্বপ্নে তাঁহারা গ্রগিত ছিলেন। সুবতী আনন্দ-বিহ্বল উদ্ভিন্ন চিত্তে তাঁহার সন্নিহিত হইতেই—সন্ন্যাসী অপাণ্ডিত স্বরে বলিয়া উঠিলেন—“আমি যে এখন সন্ন্যাসী! নিরুপায়—নিরুপায়!—সুবক বাক্যস্কুরণের সঙ্গে সঙ্গেই মুর্ছিত হইয়া পড়িয়া গেলেন। তাঁহাকে সেখান হইতে তুলিয়া মঠে আনা হইল বটে, কিন্তু তিনি আর তারপর কাহারও সহিত বাক্যালাপ করেন নাট। সপ্তাহের মধ্যেই তাঁহার প্রাণবিয়োগ হইল; এই দেখুন; তাঁর নাগর চুলের রং এই রকম ছিল। এখনও কয়েক গাছা চুল মাথায় লাগিয়া আছে।”

পরে উক্তদেশের একপানি হাড় উঠাইয়া লইয়া সন্ন্যাসী বলিলেন “এই তাঁরই উষ্ণ হাড়। আপনাদের মাথার উপর প্রাচীরগাত্রে এই পাভাটি দেখিতেছেন, উহার শিরাগুলি দেড়শত বৎসর পূর্বে তাঁর আঙ্গুলের গাঁইটে ছিল।”

মার্কটোয়েন সন্ন্যাসীকে জিজ্ঞাসা করিলেন, “মঠের সন্ন্যাসীভ্রাতারা সকলেই কি আশা করেন যে মৃত্যুর পর তাঁদের অস্তি এইখানে এই প্রকারে রাখা হইবে?”

সন্ন্যাসী শাস্ত্রভাবে উত্তর দিলেন,—“আমাদের সকলকেই শেষে এইখানে থাকিতে হইবে ?”

তিনি মরিলে, তাঁহার অস্থি, শিরা, মাথু ইত্যাদি দেহোপকরণ সংগ্রহ করিয়া, এই স্থানে আবার নানারূপ শিল্পচাতুর্য্য প্রদর্শিত হইবে, এ চিন্তাতে সন্ন্যাসীর মনোমধ্যে কোনরূপ সস্তাপ হইল না। অভ্যাস করিলে সকলই সহ হয়।

মঠের স্থানে স্থানে বেশ সাজানো কুঞ্জ-কুঞ্জের ন্যায় আছে। ঐ সকলের মধ্যে মানুষের হাড়ের বিছানার উপর সন্ন্যাসীদের মৃতদেহ পড়িয়া রহিয়াছে। উহাদের পরিধানে কালবর্ণের পরিচ্ছদ। বহুদিনে শবগুলি শুক হইয়া গিয়াছে। দর্শকেরা একটিকে ভাল করিয়া পরীক্ষা করিলেন! তাহার বক্ষের উপর হস্তের মুকুরে স্থাপিত। মাথায় কেবল ছইগোছা চুল মাত্র। শুক চর্ম্ম দৃঢ়ভাবে শবে সংলগ্ন হইয়া আছে। চক্ষুর জলীয় অংশ শুকাইয়া গিয়াছে,—মৃতরাং চক্ষুহৃৎ ভঙ্গ-প্রবণ ও কোটিরগত। নাসিকার অগ্রভাগ খসিয়া গিয়াছে,—সে জন্য নানারক্কর বা গহ্বর দুইটি ভয়ঙ্কর বোধ হইতেছে। ওষ্ঠের সঙ্কুচিত হইয়া হরিদ্রাবর্ণ দুইপাটি দস্ত হইতে সরিয়া গিয়াছে। ফলে, অমানুষিক হাস্যের ছটার শবের ভীষণ বৃথ বেন ভীষণতর বোধ হইতেছে।”

**

**

**

আমাদের বোধ হয় যে, বিকাররাহিত্য সম্বন্ধে ইহাদের তুলনায় আমাদের দেশের শব লাধক ও শ্মশানবাসী বোগীরা শিক্ষানবিশ্ মাত্র।

খৃষ্টানদিগের রোমান্‌ক্যাথলিক সম্প্রদায়ের ভিতর মহাপুরুষদিগের পূজা অত্যধিক। মার্ক্‌টোয়েম ইতালিদেশে পরিভ্রমণ করিয়া তাঁহার ভ্রমণবৃত্তান্তের একস্থানে লিখিয়াছেন যে, তপস্যার বিশুদ্ধতার নামের অপেক্ষা মহাপুরুষদের নাম বা আদর অধিক। সেনেপে মহাস্থানের বৃত্ত হইলে, অনেক স্থলে তাহার তাঁহাকে সমাহিত করিত না বা এখনও করে না; বেশতু ঘাঘ ভূষিত করিয়া, সিন্দূকের মধ্যে ভরিয়া রাখিয়া দেয়। এই প্রকারে রক্ষিত, বহুদিনের প্রাচীন মহাপুরুষদের মৃতদেহ সে-সকল দেশে এখনও রোমান্‌ ক্যাথলিকদিগের গির্জা এবং খৃষ্টানদিগের মঠের ভিতর দেখিতে পাওয়া যায়।

মার্কটোয়েন্ ইতালিঃ শীর্ষদেশে মিলান নগরের সুবৃহৎ গির্জার ভিতর, তিন শত বৎসরের সযত্নে রক্ষিত এক মহাত্মার মৃতদেহ চাক্ষুষ করিয়া নিজ গ্রহে তাহার বিবরণ লিপিবদ্ধ করিয়াছেন।

তাঁহারা মিলানের প্রকাণ্ড গির্জায় প্রবেশ করিয়া তাহার বিরাট ব্যাপার পরিদর্শনের পর ভূগর্ভস্থ সমাধিমন্দির দেখিবার জন্য নিজে অবতরণ করিলেন। গির্জার একজন ধাক্ক তাঁহাদের সঙ্গে ছিলেন। ভূগর্ভ অন্ধকার, সেই জন্য যাককের হাতে বাতির আলো ছিল। ক্রমে তাঁহারা যাইয়া এক গৃহ মধ্যে উপস্থিত হইলেন।

এইস্থানে এক অতি সৎ হৃদয়বান ও নিঃস্বার্থ ব্যক্তির সমাধি আছে। দরিদ্রকে সাহায্য দুর্বলচেতাকে উৎসাহ দান এবং রোগীর শুশ্রূষা করিতে এই মহাত্মার জীবন অতিবাহিত হইয়াছিল। তিনি যখন যেখানে কাহারও বিপদ দেখিতেন, তখন তথায় যাইয়া তাহাকে উদ্ধার করিতে চেষ্টা করিতেন। তাঁহার হৃদয়, হস্ত ও অর্থ, জগতে সেবার জন্য সর্বদাই উন্মুক্ত থাকিত। তাঁহার জীবদ্দশায় মিলান নগরে একবার মারী ভয় উপস্থিত হয়। অগণিত লোকস্বয়ে নগর বিধ্বস্ত হইবার উপক্রম হইল। পিতামাতা পুত্র কন্যাকে, বন্ধু বন্ধুকে, ভ্রাতা ভগ্নিকে পরিত্যাগ করিয়া পলায়ন করিতে লাগিল। প্রাণভয়ে অতীব আত্মীয়ের কাতরোক্তি কেহ গ্রাহ্য করিল না। যখন নিজ নিজ প্রাণরক্ষার জন্য মানুষ দয়া মায়া পরিত্যাগ করিয়াছে, আতঙ্কে উন্মত্ত হইয়া যে যেখানে পারিতেছে পলাইতেছে, সেই বিষম সময়ে এই নিভীক মহাপুরুষ নিজের প্রাণের মায়া তুচ্ছ করিয়া, ওসন্ন বদনে ও সদয় হৃদয়ে গৃহে গৃহে ঘুরিয়া, ভয়ানককে সাহস, বিপন্নকে সাহায্য, দরিদ্রকে আশ্রয়দান ও রোগীর পরিচর্যা করিয়া বেড়াইয়াছিলেন। তাঁহার অসাধারণ বিশ্বশ্রমের পরিচয় পাইয়া লোকে তাঁহাকে দেবতাস্তানে অকপটচিত্তে শ্রদ্ধা ও ভক্তি করিত।

এই মহাত্মা মিলান নগরের বিশপ ছিলেন। তাঁহার মৃতদেহ ভূগর্ভে নিহিত না করিয়া, সেই বন্ধ মধ্যে পাষণ্ডময় শবাধারে, সুদীর্ঘ তিন শত বৎসরকাল সযত্নে রক্ষিত হইতেছে।

যাককের হস্তস্থিত আলোকের সাহায্যে, শবাধারে দর্শকদিগের দৃষ্টি পড়িল। ঐ মহাত্মা জীবনে যে সকল সংকার্য্যের অমুষ্ঠান করিয়াছিলেন, ঐ সকলের দৃশ্য, গৃহমধ্যে চতুর্দিকে প্রাচীরগাত্রে রক্তধাতুতে ক্ষোদিত রহিয়াছে। পাষণ্ডময় বৃহৎ শবাধারের আচ্ছাদন উন্মোচনের জন্য, উহাতে একটি ভারোত্তোলন যন্ত্র সংলগ্ন আছে। যাক্ক তাঁহার কক্ষবর্ণ পোষাকের উপর

অরির কাজকরা অদীর্ঘ একটি পরিচ্ছদ পরিধান করিলেন; নিজ হাত দুইখানি একবার আড়ভাবে রাখিয়া সম্মুখে, ক্রশাকৃতি করিলেন, পরে ধীরে ধীরে ঐ যন্ত্রটি ঘুরাইতে লাগিলেন। ক্রমে শব্দধার বিধা বিভক্ত হইল ও ক্ষটিক নির্মিত এক স্বচ্ছ আধার অভ্যন্তরে মহাত্মার মৃতদেহ দৃষ্টিগোচর হইল। স্বর্ণ সূত্রে চিত্রকাজ করা, রত্নখচিত বহুমূল্য পরিচ্ছদে উহা আবৃত। মস্তক কালে কুম্ভবর্ণ হইয়া গিয়াছে। গণ্ডদেশে একটি ও ললাটে একটি—দুইটি ছিদ্র আছে; ওষ্ঠদ্বয় সঙ্কুচিত ও বিশ্লিষ্ট হওয়ায় দন্তের দুই পাটিতে যেন ভীষণ হাস্য প্রকটত হইতেছে। মস্তকোপরি অতি সুন্দর পলকাটা হীরকাবলি মণ্ডিত উজ্জ্বল মুকুট এবং বক্ষোপরি মরকত ও হীরকখচিত ক্রস্ (crosses) ও ধর্ম্মাধ্যক্ষের দণ্ড (crossers) রাখিয়াছে।

* * * *

দেশে দেশে এই একই বীরপূজা,—মহতের সম্মান,—মানুষের মন সর্বদাই এক,—স্মৃতির পূজক,—বিষ্মানবের একই খেয়াল,—বিভিন্ন আকারে হইলেও একই পদ্ধতি। প্রেতপূজা ও স্মৃতিস্তম্ভ—বিষ্মানবের একই চিন্তাধারার পরিচায়ক।*

শ্রীমলিনীনাথ গুপ্ত।

আষাঢ় নিশায়।

—ঃঃ—

এসেছে ফিরে ওই অঝোর দেয়া

ফুটায় বনমাঝে কনক কুঁড়ি;

খুলিছে দলগুলি কণক কেয়া,

শীলার পিচ্কারী খেলিছে ছরী।

মেঘেরা ছুটে গেছে আকাশ পথে

বিজুলী ছুটে যায় নয়ন হতে

কাজরী গীত সনে নাচিছে তারা

হাসিতে ঝরিতেছে ইলসেগুড়ি।

* Mark Twainএর “The Innocents Abroad” হইতে সঙ্কলিত।

শালের বনে বনে মেঘের ছায়া

অঁচল লোটে তার উদাসী বায়

নীপের শিহরণ কিসের মায়া

আজিকে মন-পাখী কোথা সে ধায় !

কাঁদছে ঝাউবন হতাশে একা

গাহিছে কুহু দূবে, সাজিছে কেকা

মুদঙ্ করতাল বাজিছে মেঘে

চাতকী উচ্ছ্বাসে সূদূরে চায় ।

ওটিনো ছুটে চলে অলখ্ পানে

আপনা যৌবন-স্বপন মাতি

অজানা-শিশু ঘুম-পাড়ানী-গানে

চলিছে ঢেউ-শিশু পথের সাথী ।

দোতুল দোলে কচি যুগীর পাতা

ফুটিছে বৃকে তার প্রাণের গাথা

আকাশে বাজে শাঁখ—বাতাসে হুলু

ডালিম ফুলে ফুলে জ্বলিছে বাতি ।

এমন দিনে প্রিয়া কুটিরের এসে

নয়নে বুনেছিলে স্বপন-রেখা

রঙিন সাজ খুলি মলিন বেণে

গিয়েছ ওই পথে ফিরিয়া একা ।

নারীর প্রেম প্রিয়া বুঝি নি কী সে

নিমিষে আলো দিয়া হারালো দিশে

অঁধারে ডেকে আনি নিবিড় ঘন

চুমুর এককণা দিলে না লেখা ।

আজিকে কোথা আছো একেলা ঘরে
 ব্যাকুল কঁদিতেছ কাহার লাগি
 হেথায় বুকে মোর বেদনা ভরে
 পিয়াম-প্রাণে আজ ভোমারে মাগি ।
 কোথায় গেছ প্রিয়া কোন্ সে দেশে
 অজানা পদ্মবাসী—দিঠির শেষে
 আভিকে এস এস গোপন পারে
 রয়েছে বসে হেথা রত্নী জাগি ।

বন্দে আলী ।

ক্ষুধাতুর সত্যতা ।

—:~:—

কেও, ক্যাঙালীচরণ, এস এস বাবা, বসো । কি করছি ? দেখতেই পাচ্ছ গরুড়াসন করে
 বসে কলকের ফুঁ পাড়ছি । কখন কাক চিল ডেকে গেছে, বোসেদের ঐ তালপুকুরের পূর্ব পাড়ে
 চেয়ে দেখো, দশ ছিলিমের নেশার লাল ডগডগে চোখখানা রগড়াতে রগড়াতে সূৰ্য্যমামা
 উঠেছেন । এখনও আমার নেশার খেঁয়ালী ভাঙা হয়নি ক । এই হাড় জিরজিরে সরিস্প
 প্যাটার্ণ শরীর, তার গাঁটে গাঁটে বাতব্যাধির একমালি সত্ব আর কঠে গ্নেয়া ঠাকরুণের
 রসনচোকী ; আর বাবা ক্যাঙালী, এ সব নিয়ে আমাতে কি আর আমি আছি । উনিশবছর
 একাদিক্রমে মসীলপনের পর এই বার্কক্যে পেলন পাই সতর টাকা সওয়া পাই আনা, ডাইনে

আনতে বায়ে কুলোয় না, ঘোর কলিতে বাবা ব্রাহ্মণ আর তোমার নামটি হয়ে গেছে একার্থবাচক। এই যে অনশনক্রিষ্ট “ও” মার্কা ফ্যালারাম চকোত্তি দেখছো, ইনি হচ্ছেন ষিংশ শতাব্দির বাঙালীর এম্লেম,—typical product of Anglo Indian Civilisation; পাশ্চাত্যের ছর্কাসাকল্প ছর্মুখ ঋষি Bernard Shaw যে বলে গছেন,—“Civilisation is a disease produced by the practice of building society with rotten material”, তা’ বড় মিথ্যে নয়, ক্যাঙাল, মিথ্যে নয়। সুসভ্য পরম কারুণিক, benign এবং মহামহিমাম্বিত ব্রিটিশ সাম্রাজ্যের মাল মসলা হচ্ছে এক পাল ফ্যালারাম চকোত্তির—ক্ষুধা রাক্ষসীর বাহন বাতরাহুগ্রস্ত এই রকম চির ত্রিভঙ্গ নোট অব ইন্টারোগেশন ফ্যালারাম চকোত্তি।

বাবা ক্যাঙাল, হেসো না বাবা, অমম করে বুড়োর কলজের আগুণ ধরিয়ে হেসো না, বাপ। আমি তোমায় সত্যি বলছি এ সভ্যতা হচ্ছে মহামায়ার ধোকঁর টাটি, এটি হচ্ছে মানুষরূপ বলদকুলের সুখের ঘানী, ধর্ম অর্থ কাম মোক্ষের সেরেফ সেকেণ্ডহ্যান্ড ষ্টল। গিয়ে লক্ষ্য করে দেখ গে, একফোঁটা সুখরূপ তৈলের আশায় নর-বলীবর্দের দল নাকে দড়ি পরে পরমানন্দে ঘানী টেনে টেনে নিজেদের জীবনান্ত করছে বটে কিন্তু তৈল আর তাদের ভাগ্যে জুটছে না। এই চটকদার সভ্যতার বাজারে গিয়ে চক্ষু মেলে দেখ গে একবার, বাবা, দোকানে দোকানে ব্যাপারীরদল পুরাণো মেকী রঙচটা মাল সব ঝেড়ে মুছে বাণিস করে নতুনের নামে চড়া দামে ছাড়ছে। স্পার্টার বীরত্ব ও রোমের সাম্রাজ্য সেই আদিকালের ভীমসেনের গদারই দ্বিতীয় সংস্করণ, শঙ্করাচার্যের মায়াবাদ তো বাবা বুধুর নির্বাণ মুক্তির সেই ছেঁড়া কাঁথাখানারই নামান্তর মাত্র, পার্থক্যের মধ্যে “সর্কং দুঃখং” “সর্কং কৃণিকম্” ইত্যাদির গায়ে শঙ্করঠাকুর সনাতন বৈদিক ধর্মের গোটা দুই তালি মেরে নিরেছিলেন। আরব দেশের মহাত্মা যিশু যখন টিকি রেখে তেলক কেটে খোল করতাল যুদ্ধ সহকারে নবদ্বীপে এসে উদয় হলেন সেই পুরাণ প্রেমধর্ম প্রচার করতে তখন সে নতুন বাণিশ করা প্রেমকে কি Secondhand article বলে কেউ সনাক্ত করতে পেরেছিলে? অতদূর যেতে হবে কেন? হালেই দেখ না আমাদের মহাত্মাজীর হাত-সাক্ষাইয়ের তারিফ! যীশুর প্রেমেরই পুরাণ বুকড়ি চালে বাবা বুধুর অহিংসা রূপ অড়র ডাল দিয়ে তা’তে টগষ্টয়ের গরমমশলা যোগে আজ ঝাল কি খাসা ননকো রূপ পকায় তৈয়রী করেছেন। সবই বাবা নতুন করে নতুন গিল্লীর রাঁধা পুরাতনের জগা-খিড়ী; সবই বাবা

মরা যুদ্ধের কাপড়—খোপার বাড়ী থেকে দিব্যি ধোলাই ও ইঙ্গী হরে রিপুকর্ষ ও তালিযোগের পর নতুনের নামে খরিদারের মনহরণ করছে। তাইতো বলছি, বাপু, এ মেকী বাণিশ করা সভ্যতার মানুষ এগোচ্ছে কি পেছোচ্ছে তা বলে কার সাধ্য।

*

যতই চটকদার করে এ সভ্যতাকে ঘষে মেজে কাও না কেন, এর ভিত্তি হচ্ছে সেই ক্ষুধা আর ক্ষুধা। মানুষ ভাবছে তারা চলছে বড় বড় ভাবে কটানে উঁচু উঁচু আদর্শের ডাকে, কতই না মহামন্ত্রের শক্তিতে। তারা বুঝছে না, যে, জীবনের রাজপথে নানান আদর্শের পোষাক ও গয়না-পিন্টি পরে মানুষ ভুগতে দাঁড়িয়েছে যার' তারা মায়াবিনী ক্ষুধা রক্ষণীরই দল। এ কথা না মানো, আচ্ছা, কোন রকম অমৃত পান করিয়ে দিন কতকের জন্তে মানুষের আহাৰ বন্ধ করে দাও, উদর-গহ্বরের দাবানল নিবিয়ে ফেল। দেখবে তা হ'লে শুধু যে হোটেল রেস্টুরাঁ ময়রার দেকানই উঠে যাবে তা নয়, এ ক্ষুধাতাড়িত সভ্যতার রথখানির অনেক চাকাই অচল হয়ে পড়বে। চাষ আবাদ ক্ষেত খানার যাবে, জিল যাবে, ফ্যাক্টরী যাবে, রাজার ট্যাঁকশাল বন্ধ হবে, চাকরীর উমেদার উমেদারী ছাড়বে, বরের বাজার মাটি হ'য়ে কণ্ঠ্যকর্তার শুষ্কমুখে হাসি ফুটবে, সেপাই, পল্টন, পুলিশ পাহারা দূচে গিয়ে এম্পারার গড়ার মুখে ছাই পড়বে। ভেবে দেখ তো ক্যাঙালীচরণ একবার চারিদিকে কি অনর্থপাতই না ঘটবে! কলধারী লালপাগড়ী-শাসিত এই নাগরিক সভ্যতার মত আহাৰ নিদ্রামৈথুনশাসিত মানব সভ্যতার বনিবাদ একদম ধসে পড়বে, বাপু, ধসে পড়বে। শূন্য উদরাননের মগাশক্তিই ফরাসী বিপ্লব ঘটিয়েছিল, পাশ্চাত্য সভ্যতাকে সে যুগে যা' নতুন বার গড়েছিল তা হচ্ছে ঐ ফরাসী প্রজার উপবাসক্ষিপ্ত জঠরের তিনটি উদগার—Liberty, equality, fraternity, (brother-hood) সাম্য, নৈত্ৰী, স্বাধীনতা। যখনই ক্ষুধার দেশবাপী উদয় তখনই নব সভ্যতার ভিত্তি রচনা—উদাহরণ স্বরূপ চেয়ে দেখ আজ রুষ মহারাজের দিকে। সেখানে অন্ন-ব্রহ্মের অভাবে ক্ষুধারাক্ষসীর আত্মপ্রকাশে যখন সারা দেশ লাখ লাখ ক্যাঙালীচরণ ও ফ্যানারাবে ভরে উঠল তখন জাগল দেশে নতুন আদর্শ—বলসেভিজম্ প্রাল'টারিয়েটা দস্তবিকাশ, কমিউনিষ্টী হুড়া।

ক্যাঙালী, বাপ, আমার কথায় হেসো না অমন করে। যদি এ ক্ষুধাতুর ব্রাহ্মণের কথা মিথ্যা হয় তোমরা জোরসে পিকেটিং করে আমার গাজার বরাদ্দ বন্ধ করে দিও, চীন থেকে আফিং

আর এই শিবের দেশ ভারত থেকে গাঁজার আবাদ উঠিয়ে দিও, আমি তা'তে বাঙ'নিপ্পত্তিটুকু অবধি করব না । বাঙলার সোণার চাঁদ বন্ধি চন্দ্র বলে গেছিলেন মানুষের ধর্ম হচ্ছে আহার নিদ্রা মৈথুন, সে সত্য সুদূর ইংলণ্ড হতে আমেরিকা অবধি বার বার প্রমাণিত হয়ে গেছে । এ সত্যতার চার আনা বাপু হে দর্জির বাড়ী তৈয়ারী, চার আনা পেলেটি ভীমনাগের বাজী গড়া, চার আনা শুধু বাগবৈষ্ণবী এবং অবশিষ্ট চার আনা হচ্ছে—


ত্বমসি মম জীবনম্
ত্বমসি মম ভূষণম্
ত্বমসি ভবজলধিরত্নম্
দেহি পদপল্লবমুদারম্'

এই অন্নের ক্ষুধা, বস্ত্রের ক্ষুধা, নারীর ক্ষুধা, অর্থের ক্ষুধা, দেশের ক্ষুধা, দশের ক্ষুধা, যন্ত্রের ক্ষুধা, মন্ত্রের ক্ষুধা, হাজার হাজার ক্ষুধা-বায়ুর তাড়নার তাড়িত মানব-সমাজের দিকে বাপ ক্যাণালী-চরণ একবার চেয়ে দেখো এবং তারপর তোমার দুই কোটরগত চক্ষু মেলে চেয়ে দেখো পিঠে কুঁজ, পেটে খিল, হাত পা নড়ি নড়ি এই ব্রাহ্মণ সন্তান ফ্যালারাম চক্কোত্তির দিকে । তার পরে বুকে হাত দিয়ে আংক্ষ গঙ্গাঙ্গলে দাঁড়িয়ে বল দেখি আমরা এগোচ্ছি না পেছোচ্ছি । বল দেখি এ সত্যতা মহামায়ার ফক্কিকার মায়ী কি না এবং ফ্যালারাম শর্মা ঐ মায়ার আগে আগে এক মহা বিশ্বয়স্থচক জীবন্ত নোট অব ইণ্টারোগেশন কি না ।



শ্রী বারীন্দ্রকুমার ঘোষ ।

চোখের মণি ।



আধো কলরোলের মাঝে 'মা' ডেকেছে খোকা আজ
 আনমনা তার মাঃ তাই আজ শুছে নাক কোন কাজই !
 কানের কাছে মধুর স্বরে ঘুরছে শিশুর সেই মা ডাকা
 সকল বাধা ভুলিয়ে দেওয়া নিখিল ভোলা পুলকমাখা ।
 মাজু ছিল সে বাসন ব'সে পুকুরঘাটে খিড়াক দোরে
 দম্কা হাওয়া বইলে গাছের শুষ্কো পাতা পড়ল ঝরে ।'
 কান্না যেন ভেসে আসে মন্সুরে দূর কানন থেকে
 মা ভাবছে খোকাটী তার কাঁদল বুঝি মা মা ডেক ।
 বাসন রেখে ঘাটের ওপর ছুটল তখন ঘরের মুখে
 ঘুমন্ত তার শিশুটির ধরল চেপে কোমল বুকে ।
 কচি রাঙা ঠোঁটের উপর খেলো হাজার দুয়েক চুমা
 ঘুম-পাড়ানি গান গেয়ে দোল দিয়ে বলে মাগিক ঘুমা ।
 নিশীথ রাতে চাঁদ উঠেছে নীল অ'কাশে মেঘের বুকে
 বাতায়নের ফাঁকটী দিয়ে ভ্রাস্না পড়ে শিশুর মুখে ।
 কচি মুখের পানে চেয়ে কাটায় মা আজ উজল রাতি—
 নিখিল ধরা নীরব সারা নিভিয়ে গেল সাঁঝের বাতি ।
 উঠানেতে গন্ধ ছোটে বেল যুঁই আর হেনার ঝাড়ে ।
 কোমল অধর পরশ ক'রে ধায় চুমো মা বারে বারে ।
 মা মা মূহু গুঞ্জে ঠোঁট পাপড়ি দুটী উঠলে কেঁপে—
 যশোদা মা নীলমণিরে ধরল তাহার কোলে চেপে ।

শ্রীকটকচন্দ্র বন্দ্যোপাধ্যায় ।

দয়ানন্দ সরস্বতী ।

আর্য্য-সমাজের প্রবর্তক দয়ানন্দ সরস্বতীর নাম শিক্ষিত বাঙ্গালী মাঝেই অবগত আছেন । তিনি জীবিত থাকিলে এখন তাঁহার বয়স শতবর্ষ পূর্ণ হইত । সম্প্রতি সেই উপলক্ষ্যে আর্য্য সমাজে উৎসব হইয়া গিয়াছে । এ সময়ে তাঁহার সম্বন্ধে দুই একটা কথা বলা অসাময়িক হইবে না বিবেচনা করিয়া আমি এই ক্ষুদ্র প্রবন্ধ লিখিতেছি । ইহাতে কোন লিখিত জীবনচরিত্র হইতে অথবা অন্য কোন গ্রন্থ হইতে কোন কথা সংগ্রহ করি নাই । ১৮৭৩ অব্দে বারাণসীতে কয়েক সপ্তাহ প্রায় প্রতিদিনই সায়ংকালে তাঁহার সহিত সাক্ষাৎ করিতে যাইতাম । তখন তিনি যাহা বলিতেন তাহারই যাহা মনে আছে তাহাই এই প্রবন্ধে নিবন্ধ করিব । তিনি যে এ সকল কথা আমাকে বলিয়াছিলেন তাহা নহে । কাশীর বহু শিক্ষিত হিন্দুস্থানী, বাঙ্গালী মহারাষ্ট্রীয় প্রভৃতি লোক তাঁহার সহিত দেখা করিতে যাইতেন ; তাঁহাদের সহিত আলাপ করিতে করিতে তাঁহাদিগকেই তিনি সকল কথা বলিয়াছিলেন । মধ্যে মধ্যে দুই একটা কথা বিবেচনার পণ্ডা নামক আমার এক গুজরাটী সহপাঠীর মুখেও শুনিয়াছি । দয়ানন্দ সরস্বতী তখন সংস্কৃত ভিন্ন অন্য ভাষার কথা কহিতেন না । তাঁহার সংস্কৃত উক্তি যে দুই চারিটা ছোট ছোট কথা মনে আছে তাহা ঠিক ঠিক উদ্ধৃত করিব ।

এক্ষণে ভূমিকা স্বরূপে একটা কথা বলিব । আমার বোধ হয় ভিন্ন ভিন্ন সাহিত্য অধ্যয়নের ফলে লোকের ব্যক্তিগত শিষ্টাচারের পার্থক্য হইয়া থাকে । যাহারা কেবল পারসী পড়ে তাহারা বিনয়ী, নম্র ও সভ্য হইয়া থাকে । অন্য পক্ষে আমার আশঙ্কা হয় যে যাহারা কেবল সংস্কৃত পড়ে তাহারা যেন সভ্যতা হইতে কিছু চ্যুত হইয়া থাকে । দয়ানন্দ কেবল সংস্কৃতই জানিতেন সুতরাং তিনি মধ্যে মধ্যে বিরুদ্ধ মতবাদী প্রতিপক্ষের প্রতি আমোদ করিয়া যে ভাষা প্রয়োগ করিতেন তাহা সম্পূর্ণ সভ্যজনোচিত হইত না । একটা দৃষ্টান্ত এখানেই বলি । তিনি ময়ূর চীকাকার কুম্বুক ভট্টকে উল্লুক ভট্ট বলিতেন । আর আর দৃষ্টান্ত ক্রমে প্রদর্শিত হইবে ।

পঠদশাতেই দয়ানন্দের এই বিশ্বাস হইয়াছিল যে বেদে প্রতিমাপূজার বিধান নাই এবং প্রতিমাপূজার বিধান পুরাণ প্রভৃতি যে সকল শাস্ত্রে আছে সে সমস্তই ভ্রষ্ট। এই বিশ্বাসের অনুবর্তী হইয়া তিনি পাঠ সমাপন করিয়া যেখানেই যাইতেন সেখানেই পণ্ডিতদিগকে এই বিষয়ে তর্কযুদ্ধ করিবার জন্য আহ্বান করিতেন। একবার মথুরায় গিয়া এইরূপে বহু পণ্ডিতের সহিত তর্ক করিয়াছিলেন। সেখানকার হিন্দু-সমাজ সেজন্য তাঁহার ঘোরতর শত্রু হইয়া উঠিয়াছিল। দুই চার জন তাঁহার পক্ষপাতী হইয়াছিলেন। ইহাদের একজন খুব ধনবান ছিলেন। পাছে শত্রুরা অতর্কিত ভাবে দয়ানন্দকে আক্রমণ করিয়া আহত বা নিহত করে এই ভয়ে তিনি দয়ানন্দের শরীররক্ষার্থ চারিজন প্রহরী নিযুক্ত করিয়াছিলেন। তাহারা সর্বদা সজ্জিত থাকিয়া তাঁহাকে রক্ষা করিত। একদিন হিন্দুসমাজ দয়ানন্দকে স্ত্রাপন করিলেন যে তাঁহার সহিত তর্কযুদ্ধ বা বিচারে জন্ম অমুক স্থানে অমুক সময়ে এক বড় সভা হইবে, দয়ানন্দ সেই সময়ের অপেক্ষা করিতেছেন এমন সময়ে কয়েকজন লোক তাঁহাকে সংবাদ দিলেন যে বিপক্ষেরা গুপ্তা লাগাইয়া তাঁহাকে প্রহার করিবে অথবা একেবারে তাঁহার প্রাণনাশ করিবে বলিয়া ষড়যন্ত্র করিয়াছে। তাঁহার পৃষ্ঠপোষক সেইধনী এবং তাঁহার বন্ধুরা তাঁহাকে সভায় না যাইতে পরামর্শ দিলেন। তিনি তাঁহাদের কথা শুনিলেন না। তখন প্রহরী কয়েকজন প্রত্যেকে এক এক তরবারি লইয়া তাঁহার সহবর্তী হইল। তিনি তাহাদিগকে বলিলেন “তোমাদের যে চারিখানি তরবারি আছে তাহার অতিরিক্তও একখানি সঙ্গে লও। আক্রমণের সময়ে একখানা আমার হাতে দিবে। মুখদের হাতে বিনা বাধায় মরা অপেক্ষা দুই চারিজন মুখকে নিহত করিয়া মরা ভাল। দুই চারিজন মুখের বিনাশ হইলেও ভারতখণ্ডের কিছু উপকার হইবে।” (দয়ানন্দ ভারতবর্ষকে ভারতখণ্ড বলিতেন।) সভা হইল, তর্ক হইল কিন্তু নারানারিটা হইল না। বিপক্ষেরা দয়ানন্দের পক্ষের আয়োজন দেখিয়াই তাহাদের ছরভিসন্ধি পরিত্যাগ করিয়াছিল। সভায় বিচারের শেষ ফল আশানুরূপই হইয়াছিল—কেবল গোলমাল গালাগালি ও চীৎকার।

ইহার পর দুই এক বৎসরের মধ্যে দয়ানন্দ বিচারপ্রার্থী হইয়া কাশীতে উপস্থিত হইলেন। তিনি এবং তাঁহার পক্ষাবলম্বী লোকেরা ভাবিলেন যে কাশী হিন্দুধর্মের দুর্গমরূপ এবং সংস্কৃত বিদ্যারও প্রধান স্থান। কাশীর পণ্ডিতদিগকে তর্কে পরাস্ত করিলে পাষণপূজা বা

অড়োপাসনার প্রধান চূর্ণ জিত হইবে এবং তাহা হইলেই ক্রমে ক্রমে ভারতখণ্ড হইতে পাষণ-পূজা অপসারিত হইবে। কাশীতে গিয়া তিনি বিচার প্রার্থনা জ্ঞাপন করিয়া কাশীর মহারাজকে সংবাদ দিলেন। কাশী নরেন ইহাতে উত্তর সঙ্কটে পড়িলেন। তিনি দয়ানন্দের মতের সংবাদ এবং অগাধ বিদ্যাবত্তার কথা পূর্বেই শুনিয়াছিলেন। তিনি যদি শাস্ত্র প্রদর্শন করিয়া পাষণ পূজার খণ্ডন করিতে পারেন তাহা হইলে কেবল যে কাশী নরেনের বিরামে আঘাত পাইবে তাহা নহে, যাবতীয় হিন্দুই মর্মান্বিত হইবে যাহা কখনই অভিপ্রেত হইতে পারে না। অন্য পক্ষে একজন সন্ন্যাসী যখন বিচার-প্রার্থী হইয়াছেন তখন তাঁহাকে প্রত্যাখ্যান করাও বড় কলঙ্কের কার্য হইবে। এই সমস্ত ভাবিয়াই বোধ হয় কাশী নরেন প্রলোভন, উৎসাহ, স্তুতি প্রভৃতি দ্বারা দয়ানন্দকে মত্ত পরিবর্তন করাইবার প্রয়াস করিতে লাগিলেন। প্রথমত তিনি দয়ানন্দকে রাজবাটিতে বাইবার জন্য অমুরোধ করিয়া পাঠাইলেন। দয়ানন্দ অসম্মতি জ্ঞাপন করিলে মহারাজ বলিয়া পাঠাইলেন যে পূর্বকালে কত মুনিঋষি রাজাদের আগরে গিয়াছেন সুতরাং দয়ানন্দের রাজালয়ে গমনে আপত্তি হওয়া উচিত নহে। দয়ানন্দ উত্তরে বলিয়া পাঠাইলেন পূর্বকালে রাজারাও তপোবনে গিয়া মুনিদিগের সহিত সাক্ষাৎ করিয়াছেন সুতরাং মহারাজের সহিত সাক্ষাৎ করিতে যাওয়ায় কোন সম্মত আপত্তি হইতে পারে না। মহারাজ তখন বলিয়া পাঠাইলেন যে তিনি শীঘ্রই এক দিন দয়ানন্দের সহিত সাক্ষাৎ করিতে যাইবেন। এইরূপে বহুদিন অতীত হইয়া গেল। ক্রমে রামলীলার সময় উপস্থিত হইল। এই সময়ে কাশীতে রামচরিতের অভিনয় হইয়া থাকে। এক ব্রাহ্মণ বালক রাম, এক বালিকা সীতা, কেহ দশরথ, কেহ জনক ইত্যাদি সাজিয়া থাকে। রাম সীতার বিবাহ হয়। শুনিয়াছি সেই ব্রাহ্মণ বালকবালিকার সত্য সত্যই বিবাহ হইয়া যায়। তাহার পর পরদিন রামের অন্যান্য কার্যের অভিনয় হয়। সর্বশেষে রাবণ বধ হয়। এই উৎসবের প্রথম দিনই এক শোভা-যাত্রা করিয়া বহু ব্রাহ্মণপণ্ডিত, লোকজন, হাতীঘোড়া, গাড়ীপাকী প্রভৃতি লইয়া রাম দয়ানন্দ সরস্বতীর নিকট গেলেন এবং তাঁহাকে রামলীলা দেখিতে যাইবার জন্য অমুরোধ করিলেন। সে জন্য এক সুসজ্জিত হস্তী ছিল। দয়ানন্দ বলিলেন যাহারা রাম সীতা রাবণ হনুমান্ প্রভৃতি কিছুই নহে অথচ রাম সীতা প্রভৃতি বলিয়া পদ্মিচর দেয় তাহারা মিন্যা আচরণ করে; একরূপ মিন্যা অভির দেখিলে মনুর মতে শত হত্যার পাপ হয়; সুতরাং

তিনি তাহা দেখিতে যাইতে অসম্মত হইলেন। এই আপত্তি শুনিয়া কাশী নরেশ নূতন এক বিপদে পড়িলেন। তিনি পণ্ডিতবর্গকে জিজ্ঞাসা করিলেন যে বৎসর বৎসর বহুবায় করিয়া এই রামলীলার উৎসব করিয়া তাহা হইলে কি তিনি পাপানুষ্ঠান করিতেছেন? একজন পণ্ডিত নাকি বলিলেন যে বাস্তবিকই মনু ঐরূপ কার্য্যকে শত হত্যার পাতক সমান বলিয়াছেন। ইহা শুনিয়া মহারাজ আরও শুষ্ক মুখ হইয়া অন্য পণ্ডিতদিগের প্রতি দীনভাবে তাকাইলেন। তখন তাঁহার যাজ্ঞিক মাধবাচার্য্য তৎক্ষণাৎ শাস্ত্র হইতে বহু বচন মুখস্থ পড়িয়া প্রমাণ করিয়া দিলেন যে রামলীলার অভিনয় দর্শনে পাপ হওয়া দূরে থাকুক বহু পুণ্যই হইয়া থাকে। ইহা শুনিয়া মহারাজ তখনই তাঁহাকে পাঁচ শত টাকা এবং এক জোড়া শাল পুরস্কার দিয়া রামলীলা দেখিতে গেলেন।

তাঁহার পর শীতকাল সমাপ্ত হইল। কাশীর সেই ভয়ানক শীতেও দয়ানন্দ কোনরূপ বস্ত্র ব্যবহার করিতেন না। নিতান্ত অসহ্য হইলে তাঁহার সঙ্গী একটা ক্ষুদ্র ব্রহ্মচারী তাঁহার জন্য খড় বিছাইয়া শয্যা রচনা করিয়া দিতেন। দয়ানন্দ তাহাতেই শয়ন করিতেন কিন্তু গায়ে কিছুই দিতেন না। একদা রাত্রিতে সেইরূপ তৃণশয্যায় শয়ন করিয়া থাকিতে থাকিতে তাঁহার নিদ্রাভঙ্গ হইল। উঠিয়া দেখিলেন যে তাঁহার গায়ে এক জোড়া শাল। তখনই পার্শ্বস্থ সেই ব্রহ্মচারীকে জিজ্ঞাসা করিলেন। ব্রহ্মচারী বলিলেন যে রাজাদেশে তাঁহার লোকে সেই শাল লইয়া আসিয়া এই অনুরোধ জানাইয়াছিল যে তিনি যেন দয়ানন্দের নিদ্রাবস্থায় তাহা দিয়া তাঁহার শরীর আচ্ছাদন করিয়া দেন। ইহাতে কোন দোষ হইবে না ভাবিয়া ব্রহ্মচারী সেই অনুরোধ রক্ষা করিয়াছিলেন। দয়ানন্দ ইহা শুনিয়া সেই শাল দূরে নিক্ষেপ করিলেন এবং ব্রহ্মচারীকে ভবিষ্যতে আর কখনও ঐরূপ করিতে নিষেধ করিলেন।

ইহার অনেক দিন পরে মহারাজা বলিয়া পাঠাইলেন যে তিনি অমাত্যদিগের সহিত পরামর্শ করিয়া স্থির করিয়াছেন যে বেদ-বিদ্যার প্রচারকল্পে এক বিদ্যালয় স্থাপন করিবেন। শেষ পরামর্শ স্বামীজীর সহিত হইবে তাহা তিনি যখন রাজধানীতে যাইবেন তখনই হইবে। ইহা শুনিয়া দয়ানন্দ গঙ্গার পরপারস্থ রামনগর নামক কাশী নরেশের রাজধানীতে গেলেন। সেখানে কয়েক দিন অবস্থিতির পর মহারাজা তাঁহাকে বলিলেন যে তিনি বহু ব্যয়ে বেদ

বিদ্যালয়ের আয়োজন করিয়া দিবেন যদি দয়ানন্দ প্রতিগা পূজার বিরুদ্ধে কিছু না বলেন । দয়ানন্দ ক্রুদ্ধ হইয়া বলিলেন তিনি আর ক্ষমাত্রও রামনগরে থাকিবেন না—তখনই কাশীতে ফিরিয়া যাইবেন । তাঁহাকে বলা হইল যে তিনি রাজ প্রস্তাবে সম্মত না হইলে তাঁহাকে পর পারে লইয়া যাইতে নাবিকদিগকে নিষেধ করিয়া দেওয়া হইয়াছে । তিনি বলিলেন “আমি যে জীবনে কেবল বিদ্যাভ্যাসই করিয়াছি তাহা নহে, ব্যায়াম দ্বারা শরীরে বল সঞ্চয়ও করিয়াছি—রাজার যে কোন মন্ত্রকে আমি ভুমিসাং করিতে পারি এবং এমন সম্ভরণ করিতে পারি যে এইরূপ তিনটা গঙ্গা পার হইতে পারি।” এই বলিয়া তিনি বেগে নদীর দিকে চলিয়া গেলেন । ক্রুৎ সন্ন্যাসীকে বাধা দিবার সাহস কাহারও হইল না—স্বয়ং রাজারও না । সে যাহা হউক তিনি নদী তীরে গিয়া নাবিকদিগকে পার করিয়া দিতে বলিলেন । রাজার নিষেধ বলিয়া সকলেই সে বিষয়ে অক্ষমতা জানাইল পরে তিনি পর্যটন করিতে করিতে সন্ধ্যার প্রাক্কালে একটা নিভৃত স্থানে একখানা নৌকা দেখিতে পাইয়া তাহাতে উঠিয়া নাবিককে পার করিতে বলিলেন । সে সন্ন্যাসী দেখিয়া ভয়ে ভয়ে তাঁহাকে পার করিয়া দিল । তখন রাত্রি অধিক হইয়াছিল । তিনি যাইতে যাইতে আনন্দবাগ নামক উদ্যানে প্রবেশ করিয়া সেখানেই থাকিতে লাগিলেন । সেখানেও তিনি কয়েকজন শরীররক্ষক পাইলেন । কে ইহাদিগকে নিযুক্ত করিয়াছিল সে বিষয়ে আনি যদি কিছু শুনিয়া থাকি তাহা হইলে তাহা ভুলিয়া গিয়াছি । বোধহয় মাজিষ্ট্রেটই তাহাদিগকে নিযুক্ত করিয়াছিলেন । এখানে তাঁহার পূর্বসহচর সেই ক্ষত্রিয় ব্রহ্মচারী তাঁহার সহিত পুন মিলিত হইলেন । উভয়ের আহার সামগ্রী প্রত্যহ একজন ধনাঢ্য বণিক পাঠাইয়া দিতেন । তাহাতে দৈনিক ব্যয় বোধহয় চারি আনার অধিক হইত না ।

কাশীরাজ কিছু অধিক সঙ্কটে পড়িলেন । তিনি সন্ন্যাসীর প্রতি যে ব্যবহার করিয়াছিলেন সে কথা কাশীময় ছড়াইয়া পড়িল । একজন সন্ন্যাসী শাস্ত্রীয় বিচার করিতে কাশীতে আসিয়াছেন সেই বিচার এতদিন নানা ব্যপদেশে স্থগিত রাখা হইয়াছিল ইহাও তাঁহার বিবেককে অবশ্যই আঘাত করিয়াছিল । তিনি বিচারসভার অধিবেশনের আয়োজন করিলেন । কমিশনের এবং মাজিষ্ট্রেট সাহেব বিচারের সময়ে উপস্থিত থাকিতে ইচ্ছা করিয়াছিলেন কিন্তু তাঁহাদিগকে জানান হইল না । একদিন নধ্যাহ্নকালে বিচার সভা বসিল । বহু গণ্যমান্য

ব্যক্তি উপস্থিত ছিলেন। কাশীর সংস্কৃত পণ্ডিতমাত্রেই সভার শোভা বর্ধন করিয়াছিলেন। তামাশা দেখিবার জন্য এত লোকের সমাগম হইয়াছিল যে তাহাদের দ্বারা উদ্যানের প্রত্যেক বৃক্ষের সমস্ত শাখা ও প্রাচীরের উপরিভাগ পূর্ণ হইয়াছিল। ইহা আমি আমার সতীর্থ ৮বিষেখর পাণ্ডার কাছে শুনিয়াছি। তর্ককারী পণ্ডিতগণ তর্ক করিবার সময়ে কিরূপে নস্য গ্রহণ করিতেছিলেন তাহার বর্ণনা বিষেখর পাণ্ডা এইরূপ করিয়াছিলেন—প্রথমে তাঁহারা শয্যক হইতে বাম করতলে খানিকটা নস্য চালিয়া লইলেন। পরে উহা দক্ষিণ তর্জনী ও মধ্য অঙ্গুলি দিয়া খানিকক্ষণ ভাঙন করিয়া অঙ্গুষ্ঠের সাহায্যে নাসিকা-রন্ধ্রে দিতে লাগিলেন। ভাঙনের চোটে নস্য মণিবন্ধের গ্রন্থি ডিঙাইয়া এবং কাহার কাহার কনুয়ের গ্রন্থিও ডিঙাইয়া বাহ্যমূলের কাছাকাছি গিয়া একেবারেই অক্ষুণ্ণ হইত। কিন্তু সেদিকে লক্ষ্য করে কে? তাঁহারা অঙ্গুষ্ঠেই তর্জনী ও মধ্যমা দিয়া বাহ্যর সেই স্থান ভাঙন করিয়া নস্য গ্রহণের অভিনয় করিতে লাগিলেন।

বিচার আরম্ভ হইবার দুই এক মিনিট পরে উপস্থিত পণ্ডিতগণের মধ্যে ভদানীন্দ্র বঙ্গদেশের অন্যতম শ্রেষ্ঠ পণ্ডিত কৌড়কনী নিবাসী ৮রামধন তর্কপঞ্চানন এই বলিয়া সভা ভাগ করিলেন যে বিচারে কাহাকেও যখন মধ্যস্থ নির্দেশ করা হয় মাই তখন ন্যায্য মীমাংসার কোন সম্ভাবনাই নাই বিশেষ যখন এক পক্ষে একজন, অন্য পক্ষে কাশীর সমস্ত লোক।

যাহা হউক এখন বিচারের কথাটা বলি। কাশীরাজের রাজপণ্ডিত ভায়াকুমার তর্করত্ন হইলেন রাজপক্ষের বৃথপাত্র। তিনি দয়ানন্দকে বলিলেন “আপনি যখন বিচারপ্রার্থী হইয়া এখানে উপস্থিত হইয়াছেন তখন পূর্বপক্ষ আপনিই করুন।” দয়ানন্দ বলিলেন “বেদে প্রতিমা পূজার বিধান আছে কিনা আপনি এই প্রশ্নের উত্তর দিন।”

তর্করত্ন মহাশয় একে বাজালী তাহাতে তর্করত্ন। বেদে তাঁহার পড়া ছিল কিনা সন্দেহ। তিনি সরল উত্তর না দিয়া বলিলেন “কেবল বেদই আমাদের শাস্ত্র নহে—অন্য শাস্ত্রে প্রতিমা পূজার বিধান আছে।” দয়ানন্দ বলিলেন “অন্য শাস্ত্র সম্বন্ধে পরে আলোচনা হইবে। প্রথমে আপনারা বলুন বেদে প্রতিমা পূজা আছে কি না।”

কিন্তু তর্করত্ন এই সরল প্রশ্নের কোন উত্তর না দিয়া তর্ক করিতে লাগিলেন। ইহার পরই সভার গোলমাল আরম্ভ হইল। একসঙ্গে বহু ব্যক্তি দয়ানন্দকে সম্বোধন করিয়া কথা বলিলেন,

দণ্ডী বিশুদ্ধানন্দ স্বামী মস্ত একটা বক্তৃতা করিয়া ফেলিলেন। দয়ানন্দ সভাতার ভাষা অতিক্রম করিয়া তাঁহাকে বলিলেন “তু কাকভাষাং বদসি” অর্থাৎ তুমি ত কেবল ক্যাচ্, ক্যাচ্ করিতেছ। এখানে অবাস্তবভাবে একটা কথা বলা আবণ্যক বোধ করি। সাধারণত সংস্কৃত কথনে লোকে যেখানে বাক্যসঙ্কার স্বরূপ “তাবৎ” শব্দ প্রয়োগ করে দয়ানন্দ তৎস্থলে “তু” শব্দ প্রয়োগ করিতেন। সে যাহা হউক দয়ানন্দের এই অশুচিত ভাষায় উত্তেজিত হইয়া বিশুদ্ধানন্দ বলিলেন “অহং কাক ভাষাং বদামি পাষণ্ড, হানেকেনৈব দণ্ডবাতেন যমপুরী প্রেরয়িষ্যামি।” এই বলিয়া স্বীয় দণ্ড উদাত করিলেন। তখন পণ্ডিতেরা সকলেই দয়ানন্দের বিরুদ্ধে কোলাহল করিতে লাগিলেন। এইরূপ কোলাহল রাত্রি পর্য্যন্ত চলিল। রাত্রি ৮।৯টার সময়ে মাধবাচার্য্য একখানা কাগজে অতি ক্ষুদ্রাকারে লিখিত একটা শ্লোক দয়ানন্দের হাতে দিলেন। সভাস্থলে একটা মাত্র ক্ষুদ্র প্রদীপ দয়ানন্দ হইতে ৮।১০ হাত দূরে ছিল। দয়ানন্দ কংগজখানা লইয়া সেই দূরস্থিত প্রদীপের ক্ষীণ আলোকে তাহা পড়িতে লাগিলেন। কিন্তু এক মিনিট কি দুই মিনিট গত না হইতেই অর্থাৎ তাঁহার পড়া শেষ হইবার পূর্বেই মাধবাচার্য্য কাশীনরেশকে সম্বোধন করিয়া বলিলেন “এই ত দেখিলেন মহারাজ, স্বামী উত্তর দিতে অসমর্থ হইয়া নির্বাক হইয়াছেন। আর এখানে থাকিয়া কি ফল? চনুন এখান হইতে প্রস্থান করা যাউক।” রাজা ও সভাস্থ সকলেই তৎক্ষণাৎ উঠিয়া দাঁড়াইলেন। অমনি চারিদিক হইতে দয়ানন্দের উপরে ছেঁড়া জুতা, খুলা, লোহু ইত্যাদি বর্ষিত হইতে লাগিল। পরদিনই “দয়ানন্দ পরাভূত” নামে একখানা পুস্তক ছাপা হইয়া বাহির হইল।

দয়ানন্দের বিশ্বাস যে এই ঘটনার কয়েকদিন পরে, তাঁহাকে বিষ প্রয়োগ করা হইয়াছিল। তিনি আয়ুর্বেদে বিশ্বাস যে লক্ষণ পড়িয়াছিলেন শরীরে সেই সকল লক্ষণ প্রকাশিত হইতে লাগিল—সর্বাঙ্গে জ্বালা উপস্থিত হইল এবং কঠ জিহ্বা শুষ্ক হইয়া গেল। তিনি প্রভূত জল পান করিয়া সমস্ত রাত্রি পাদচারণ করিয়া অতিবাহিত করিয়া বিষের ক্রিয়া হইতে আপনাকে রক্ষা করিলেন।

“পাষণ্ড-পুঙ্জকেরা এইরূপেই শাস্ত বিচার করিয়া থাকেন।” দয়ানন্দকে বহুবার এইরূপ আক্ষেপ করিতে শুনিয়াছি।

মাধবাচার্য্য যে শ্লোক দয়ানন্দকে দিয়াছিলেন তাহার সংক্ষিপ্ত মর্ম্ম এই যে—“পুরাণ বিদ্যা বৈ বেদাঃ।” ইহার অর্থ যে দয়ানন্দ অমুকুলভাবে করিতে পারিতেন তাহা বলাই বাহুল্য।

এই ঘটনার দুই এক বৎসর পরে আমি কাশীতে গিয়া দয়ানন্দ স্বামীকে দেখিলাম। তেজস্বী, মুণ্ডিত মস্তক, দীর্বাকার বলিষ্ঠদেহ, তাম্রবর্ণ, কর্ণন লিপ্ত, প্রসন্ন মুখ পুরুষসিংহ একথানা চেয়ারে ঋজুভাবে বসিয়া আছেন। তাঁহাকে বেষ্ঠন করিয়া বহু বাঙ্গালী হিন্দুস্থানী ভদ্রলোকে কেহ বেঞ্চে কেহ ধরাসনে বসিয়াছিলেন। আগন্তুকেরা সকলেই তাঁহার পাদস্পর্শ করিয়া প্রণাম করিতেছিলেন। হিন্দুস্থানীরা কেহ কেহ তাঁহার মস্তকে পুষ্পাঞ্জলি দিয়া পরে পাদস্পর্শ করিতেছিলেন। প্রত্যহই এইরূপ হইত। তিনি সকলেরই প্রশ্নের উত্তর দিতেছিলেন। সঙ্গে সঙ্গে হাস্যপরিহাসও চলিতেছিল। তাঁহার ভাষা নিরবচ্ছিন্ন সংস্কৃত হইলেও তাহা এত সুগম ছিল যে সমস্তই বুদ্ধিতে পারিলাম। আমার মনে বড়ই দুঃখ হইল যে আমি সংস্কৃত কথা কহিতে পারি না। কিন্তু তাহা পারিব কি করিয়া? একে ত তাহার পূর্বে কাহাকেও সংস্কৃত কথা কহিতে শুনি নাই তাহাতে পেটে সংস্কৃতের উপক্রমণিকা ব্যাকরণ বাতীত আর কিছুই ছিল না। তথাপি যখন তখন এক মনঃকম্বিত ব্যক্তির সহিত সংস্কৃত আলাপ করিতাম। দুই তিন সপ্তাহ এইরূপ করিবার পর নিজেই অনুভব করিতে পারিলাম যে দুই চারিটা কথা সংস্কৃত বলিতে পারিব। পরে একদিন সাহস করিয়া দয়ানন্দ স্বামীর সঙ্গেই সংস্কৃত আলাপ করিয়া ফেলিলাম। তখন সেখানে আমার অধ্যাপক মহারাষ্ট্রীয় পণ্ডিত হরিভট্ট শাস্ত্রী মানিকর উপস্থিত ছিলেন। আমি স্বামীকে জিজ্ঞাসা করিলাম “আপনি ঈশ্বর পূজাবাদ প্রচার করেন কিন্তু আপনাকে লোকে যে, পুষ্পাঞ্জলি দিয়া এবং পাদস্পর্শ করিয়া পূজা করে তাহাতে বাধা দেন না কেন?” তিনি হাসিতে হাসিতে কতক আমোদ করিয়া বলিলেন “জড় পূজা করিলে জড়েরই মত বুদ্ধি হয়, আমার মত বুদ্ধিমান লোককে পূজা করিলে পূজকের বুদ্ধিও বুদ্ধিমান মানুষের মত হইবে।”

ইহার পর আমি আর কখনও তাঁহার সহিত সংস্কৃত কহিবার চেষ্টা করি নাই।

প্রতিমা পূজা বা জড়োপাসনার কথা প্রত্যহই হইত। একদিন একজন বলিলেন যে মুসলমানেরা কখনই কোন প্রকারে প্রতিমা পূজা বা জড়োপাসনা করেন না। স্বামী বলিলেন

মুসলমানেরা জড়োপাসনা করেন কিনা তাহা একবার তাঁহাদের একটা মস্জিদ ভাঙ্গিয়া দেখিতে পার।

একদিন একটা মৈথিল যুবকের কি একটা কথায় দয়ানন্দ বলিলেন “তুমি যাহা বলিতেছ সে রূপ কথা বেদে নাই।” যুবকটী বলিল “আপনি কি সকল বেদই পড়িয়াছেন যে এমন কথা বলিতেছেন?” দয়ানন্দ বলিলেন “হঁ। সমস্তই পড়িয়াছি।” যুবক বলিল “তাহা কখনই হইতে পারে না। বেদেই আছে যে অনস্তা বৈ বেদাঃ। বেদ যদি অনস্ত হইল তাহা হইলে আপনি নিঃশেষে সমস্ত বেদ পড়িয়াছেন তাহা কি হইতে পারে?” স্বামী বলিলেন “বিদস্তি যে তে বেদাঃ, জ্ঞানবন্তঃ পুরুষাঃ, ত এ অনস্তাঃ।” যুবক বলিল “আপনি বলেন ঈশ্বরের রূপ নাই—তবে বেদে তাঁহাকে সহস্রশীর্ষাঃ পুরুষাঃ ইত্যাদি বলে কেন?” স্বামী বলিলেন সহস্রাণি শিরাংসি যস্মিন্ অর্থাৎ সমস্ত জীব যাহাতে স্থিত তিনিই সহস্রশীর্ষ পুরুষ।

সংস্কৃতজ্ঞেরা সর্বই পরম্পরের ভাষায় ভুল ধরিতে চেষ্টা করে ইহা সর্বজনবিদিত। সেই যুবকটীও ক্রমাগতই দয়ানন্দের ভাষার ভুল ধরিতে চেষ্টা করিতেছিল। তিনি তাহাতে খুব এক ধমক দিয়া বলিলেন “ঘূর্ ঘুরায়সে কথম্?” উপস্থিত সকলেই হাসিয়া উঠিল।

একদিন কাশী কলেজের অধ্যাপক উনাচরণ মুখোপাধ্যায় এম্-এ ন্যাক্‌মুল্লর কৃত বেদের অনুবাদ হইতে দেখাইলেন যে একটা শব্দের অনুবাদ “লালবোড়া” করা হইয়াছে। দয়ানন্দ বলিলেন উহা লাল ঘোড়া কখনই হইতে পারে না, উহার অর্থ ঈশ্বর। পরে বলিলেন “গোরগু রক্তমুখা বানবাঃ সস্তি বেদস্য কি জ্ঞানায়ুঃ।” তিনি ইংরেজদিগকে গোরগু বলিতেন।

কাগজকে দয়ানন্দ স্বামী কাগল বলিতেন।

একদিন একজন বলিলেন ব্যাসকাশীতে বলিলে কি সত্যসত্যই গর্দভ হয়? দয়ানন্দ বলিলেন গর্দভা বদস্তি অর্থাৎ গাধারাই এসব কথা বলে।

একদিন একজন তান্ত্রিক তাঁহার সহিত আলাপ করিতে গিয়াছিলেন। তিন যে তান্ত্রিক এই পরিচয় পাইয়া বাঘে যেমন গরু ধরে দয়ানন্দ সেইরূপে তাঁহাকে আক্রমণ করিয়া তপ্তের বহু

ঘোরতর অশ্লীল শ্লোক আবৃত্তি করিয়া বেচারাকে এমন অপ্রস্তুত করিয়া দিলেন যে তিনি একটা কথাও বলিতে পারিলেন না। দয়ানন্দকে একাধিকবার বলিতে গুলিয়াছি যে তাঁজিকা মহাভ্রষ্টাঃ সন্তি।

একদিন কাশীর কবি হরিশ্চন্দ্র তাঁহার মহিত সাক্ষাৎ করিতে গিয়াছিলেন। উভয়ে অনেকগুলি কেবল হাসি তামাসাই হইল। কথায় কথায় পরাশরের অষ্টবর্ষা ভবেৎ গৌরী নববর্ষা তু রোহিণী ইত্যাদি শ্লোকের কথা উঠিল। পরাশরের অর্থোক্তিকতা দেখাইয়া হরিশ্চন্দ্র মুখে মুখে সেই শ্লোকের একটা parody রচনা করিলেন। দয়ানন্দও আর একটা parody রচনা করিয়া সমবেত লোকদিগকে খুব হাসাইলেন।

মাংস ভক্ষণ ও পশুবধ সম্বন্ধে দয়ানন্দের মত এই ছিল যে আহারের জন্ত পশুবধ করা বাইতে পারে। কিন্তু বেদে যখন অজ্ঞাধারা পশুবধের বিধি নাই তখন কোন জন্তকে ছেদন করা উচিত নহে। পাশবদ্ধ করিয়া অর্থাৎ ফাঁসী দিয়া হত্যা করাটাই উচিত যেহেতু বেদে সেইরূপে হত্যা করারই উল্লেখ আছে। বেদে ত শাস্ত্রে যে কলিযুগে অশ্বালম্ব, গবালম্ব প্রভৃতি নিষিদ্ধ হইয়াছে তৎসম্বন্ধে তিনি বলিতেন যে বেদে যখন একরূপ নিষেধ নাই তখন অজ্ঞ শাস্ত্রকার কোথাকার কে যে তাঁহার ব্যবস্থা অনুসারে চলিতে হইবে? পরে তিনি আৰ্য্য-সমাজ স্থাপন করিবার সময়ে নাকি এই মত পরিবর্তন করিয়া বলিয়াছিলেন যে বেদে জীবহত্যা করা সম্পূর্ণ নিষিদ্ধ। কিন্তু আৰ্য্য সমাজ এখন যে ছুই দলে বিভক্ত তাহার একদলের লোক আদিষ ভক্ষণ করিয়া থাকেন। অজ্ঞদের লোক তাঁহাদিগকে মাসী-আৰ্য্য অর্থাৎ মাংসভুক আৰ্য্য নাম দিয়াছেন। মাসী আৰ্য্যেরা আবার নিরাদিষ ভোজী আৰ্য্যদিগকে বিক্রপ করিয়া মাসী-আৰ্য্য নামে অভিহিত করেন।

একদিন এক ব্যক্তি তাঁহাকে জিজ্ঞাসা করিলেন যে রামায়ণে যে শব্দভেদী বাণের কথা আছে তাহাতে কি তাঁহার বিশ্বাস হয়? দয়ানন্দ উত্তরে বলিলেন একবার তিনি পশ্চিমে এক ক্ষত্রিয়দের গ্রামে গিয়া তাহাদিগকে সেই প্রশ্ন করিয়াছিলেন। তাহার তাঁহাকে শব্দভেদী বাণ নিকষ দেখাইয়া দিল। প্রথমে একটী লোকের চক্ষু কাপড় দিয়া বাধিয়া তাহার হাতে একটা গুলিভরা বন্দুক দিয়া এখানে দাঁড় করাষ্টয়া দিল। পরে একজন নিঃশব্দ পদসঞ্চারে নুনাধিক

ত্রিশ হাত দূরে একটা মাটির হাঁড়ি রাখিয়া আসিল। তাহার পর আর একজন লোক দূর হইতে একটা ছোট টিল ছুড়িয়া সেই হাঁড়িতে লাগাইল। হাঁড়িতে শব্দ হইবামাত্র প্রথম ব্যক্তি বন্দুক ছুড়িয়া হাঁড়িটা ভাঙ্গিয়া ফেলিল।

একদিন হুপার (Hooper) নামে একজন অল্প বয়স্ক ইংরেজ পাদ্রী দয়ানন্দের সহিত সাক্ষাৎ করিতে গিয়া প্রায় দুই ঘণ্টা তাঁহার সহিত অতি চমৎকার সংস্কৃতে আলাপ করিয়া গেলেন। তিনি যাইবার পর দয়ানন্দও তাঁহার সংস্কৃত কথন শক্তির প্রশংসা করিলেন।

সকল দেশীয় পণ্ডিত গিয়াই দয়ানন্দের সহিত সংস্কৃতে কথা কহিতেন কিন্তু বাঙ্গালী পণ্ডিত যদি কখনও কেহ যাইতেনও তথাপি কোন কথা কহিতেন না। কেন না তাঁহাদের সংস্কৃতে কথা কহিবার ক্ষমতা নাই। কেবল একদিন একটা বাঙ্গালী কবিরাজ গিয়া বিশুদ্ধ সংস্কৃতে স্বামীর সহিত আলাপ করিয়াছিলেন।

এক দিন টিমথি লুথর নামক এক জন বাঙ্গালী খ্রীষ্টিয়ান শিক্ষক গিয়া স্বামীর সহিত হিন্দীতে আলাপ করিলেন। স্বামী কিন্তু সংস্কৃতেই কথা কহিলেন। উভয়ের মধ্যে একটু তর্ক হইবার উপক্রম হইয়াছিল। তর্কের পূর্বে উভয় পক্ষকেই কি কি মানিয়া লইতে হইবে সেই কথা উঠিল। স্বামী বলিলেন যাহা কিছু উৎপত্তি হইয়াছে তাহারই বিনাশ আছে আপনি একথা অবশ্যই স্বীকার করিবেন। লুথর বলিলেন যে তিনি একথা মানিয়া লইতে প্রস্তুত নহেন যেহেতু বাইবেলে এঞ্জেলদিগের সৃষ্টির কথা আছে অথচ তাঁহারা যে অমর তাহাও কথিত আছে। সুতরাং তর্ক আর অধিক অগ্রসর হইল না।

দয়ানন্দ একবার বঙ্গদেশে আসিয়া কলিকাতা, ভাটপাড়া প্রভৃতি স্থান দেখিয়া গিয়াছিলেন। গণ্যমান্য বহু বাঙ্গালীর সহিত তাঁহার পরিচয়ও হইয়াছিল। অনেকের অনুরোধে কলিকাতায় তিনি হিন্দীতে কথা কহিতেন এবং বক্তৃতাও করিয়াছিলেন। বঙ্গদেশ হইতে কাশীতে ফিরিয়া গিয়া বাঙ্গালীদের বুদ্ধিমত্তার প্রশংসা করিতেন। “বঙ্গীয়া বুদ্ধিমন্তঃ সন্তি” এ কথা তাঁহার মুখে একাধিক বার শুনিয়াছি। সত্য বক্তৃতায় কোন ভাল কথা শুনিলে বাঙ্গালীরা হাততালি দিয়া আনন্দ প্রকাশ করেন দেখিয়া তিনি বলিতেন বঙ্গীয়া যদা প্রসন্না ভবন্তি তদা হস্তৈঃ পট্ পট্ ইত্যাকারং ধ্বনিং কুর্ষন্তি। বাঙ্গালীদের নাম তাঁহার খুব পছন্দ হইয়াছিল। বাঙ্গালীরা


পদকে পদ বলেন ইহা শুনিয়া তিনি আমোদ করিয়া বলিতেন যে বঙ্গীয়া মুকারন্ত ভঙ্গ্যং কুর্কন্তি। বাঙ্গালীরা সংস্কৃত কথা কহিতে পারে না ইহাতে তাঁহার বিস্ময় ইহাছিল যে বঙ্গদেশে সংস্কৃতবিদ্যায়াঃ প্রচার এব নাস্তি।

কেশবচন্দ্র শ্বেনকে দয়ানন্দ কেশব সেন চন্দ্র বলিতেন। তাঁহার সম্বন্ধে বলিতেন কেশব সেন চন্দ্রঃ শূরবীরোস্তি। তারানাথ তর্কবাচস্পতি এবং মহেশচন্দ্র ন্যায়রত্ন সম্বন্ধে হাশুকর মন্তব্য প্রকাশ করিতেন। একজন “মহা ধূর্তোহস্তি” আর একজন “বিশ্ববিদ্যালয়স্য অধ্যক্ষোহস্তি, কিঞ্চিদপি ন জানাতি। ন্যায়রত্নস্ত নাস্তি অন্যত্র রত্নো বর্ততে।” বিদ্যাসাগর মহাশয়কেও শূরবীর বলিতেন।

একদিন বৈকালে আমরা অনেকে তাঁহাকে দেখিতে গিয়া শুনিলাম যে তিনি পার্শ্ববর্তী অন্য এক উদ্যানে আছেন। আমরা সেখানেই গেলাম। গিয়া দেখিলাম তিনি একখানা পাথরের উপরে বসিয়া বাম পদ ঝুলাইয়া দক্ষিণ পদ বাম উরুর উপরে স্থাপন করিয়া মুদিত নয়নে ধ্যান-রত আছেন। তাঁহার সম্মুখে, বামে এবং দক্ষিণে ন্যূনাধিক এক শত বানর তাঁহাকে প্রায় বেঁটন করিয়া তাঁহারই মত ঋজুভাবে বসিয়া নিস্তরুভাবে বসিয়াছিল তাহাদের চক্ষুও তাঁহার মত মুদিত ছিল কিনা তাহা ঠিক দেখি নাই। আমরা সমীপবর্তী হইলে বানরেরা ছুটাছুটি করিয়া পলাইতে লাগিল। সেই শব্দে তাঁহার ধ্যান ভঙ্গ হইল।

দয়ানন্দের সংস্কৃত উচ্চারণ সম্বন্ধে হই একটা কথা বলিয়া এই প্রবন্ধ শেষ করিব। তিনি শ্রী, ঐ প্রভৃতি রকলাযুক্ত তালব্য শ বাঙ্গালীদের মতই দন্ত্য স রূপে উচ্চারণ করিয়া শ্রী, ঐ প্রভৃতি বলিতেন। কিন্তু ঋকারযুক্ত তালব্য শ ঠিকই উচ্চারণ করিতেন। শৃগুকে শৃগু না বলিয়া শৃগু ই বলিতেন। মূর্ধন্ত গ কারের উচ্চারণ আমি যেন তাঁহার মুখে দন্ত্য ন কারের মতনই শুনিয়াছি। কিন্তু উচ্চারণ বিষয়ক কথা উঠিলে স্পষ্ট মূর্ধন্ত গ-র উচ্চারণ করিতেন। তখন নারায়ণ, গণেশ না বলিয়া স্পষ্ট ভাবে নারায়ণ এবং গণেশ বলিতেন। একটা শব্দের উচ্চারণ তিনি সর্বদাই অশুদ্ধ রূপে করিতেন—করোষি না বলিয়া সর্বদাই করোসি বলিতেন অর্থাৎ ষ কারকে স কার রূপে উচ্চারণ করিতেন।

ঐ.বীরেশ্বর সেন।



নীরব আশা ।

—*—

ও রে আমার নয়ন-তার জীবন-পারের শেষের খেয়া,
আয় রে এবার অঁধার ঘাটে চুকিয়ে যাবো পাওনা—নে'য়া,

নীরব রাতে

বিজন ঘাটে,

প্রাণ যে আমার ব্যাকুলি ছোটে—

শাওন রাতে যায় রে ব'য়ে অঁধার সঁজের নীরব দে'য়া ।

অনেক আশায় ক'রেছিলাম তোমার সাথে আন গোনা

সকাল সঁজে কথা হ'লো কতই হ'লো জানাশোনা ;

আজ একেলা—

নীরব পালা,

অঁধিতে আজ অশ্রুমালা

ভোরের বাঁশীর তান উঠেছে চাইনে আমি পাওনা দেনা ।

যৌবন যে এসেছিল, সেই সেদিনের জীবন প্রাতে

প্রাণ যে তখন বিভোর ছিল—তার সে মোহন বাঁশীর সাথে

স্নিগ্ধ হেসে

বসলো পাশে

কইলো না তো কিসের আশে

দীনের নয়ন চিন্তলো না রে, কিরলো সে গো শূন্য হাতে ।

প্রাণের বাঁধন ছিঁড়ে ফেলে ডুকরে ওঠে অশ্রুবারি
দিনের শেষের দেশে এসে আর কি আমি রইতে পারি !

শূন্য পথে

নীরব রাতে

প্রাণ যে আমার ব্যাঘ্র মতে

সব হারিয়ে ভাবছি এনার বিজন রাতে ধরবো তারি !

শ্রীমদ্রোহিত্য বাগচী ।

গোপের মাঝখান ।

—o—

কতটুকু আমার পুরুষ এবং উকীল । জামাই একজননের বটে কিন্তু “জুনিয়ার” কারো নন । হাতুলা, রোগা ; লম্বা বলা চলে—বেঁটে বললে অবিচার করা হবে । গোপ রেখে দাঁড়ি কামিয়ে কেলেন । চিম্ড়ে গড়ন—ভিজ়ে সাড়ী মুচ্ড়িয়ে নিংড়ে নিলে—যে রকম হয়—অনেকটা সেই রকমের । নলি নলি হাত পা,—কোনো “আমেচার থিংটোরে” ছুভিক্ষের ভূমিকা নিলে বেশ ব্যঙ্গাবে । মুখের ওপর কল্ললোকের কলাশালার চিত্রী কেউ লাল ছোপ ফর্সা রঙে অপরূপ আলপনা টেনে না গেলেও—নাক চোখ মন্দ নয় ;—মুখখানা দেখলে—ভয় বা রাগ হয় না—বরং দয়া ক’রে ভালবাসতেই ইচ্ছে করে ।

তার সঙ্গে আমার প্রথম দেখা হয়—হাজারিবাগে,—“রিফ্রেশ্টারীর” কাছ থেকে যে রাস্তাটা হ্রদের পাশ দিয়ে বরাবর কেনারী পাহাড়ের দিকে চ’লে গিয়েছে—সেই রাস্তার ধারে একটা ঘহরা গাছের তলায় । আমি সুশীলকে সঙ্গে ক’রে হেঁটেই কেনারী পাহাড়ে বেড়াতে গিয়েছিলাম । কিছুতে একটু দেবী হ’লে গেল ;—চা’রধারে তাকিয়ে দেখি—নখুম ক্ষেতগুলো

পাশে পাশে, আসন্ন অন্ধকারের আবছায়া কালোয়, সন্ধ্যার মিহি নীলাধরীখানার প'ড়েন বোনা শুরু হ'য়েছে।

একটুখানি এগিয়ে এসে দেখি—লাল রাস্তার বকের রক্ত মাঠের গাঢ় সবুজে মেশামেশি হ'য়ে যেখানে একটা কোন্ অজানা রহস্যের যাহু কথা বুগবুগাস্তর ধ'রে কানাকানি ক'রে আসছে রাস্তার নীচে মাঠের ভেতর সেইখানে কষ্টি পাথরের মত কালো মিশমিশে ছোট্ট এক টুকরা শৈল শিলা। একজন কে তার ওপর ব'সে র'য়েছেন। দৃষ্টিটা তাঁর শূন্য আকাশ পানে নয়—দূরে দিগন্তের িবিড় নীল দিয়ে জরদা পরীরা যেখানে আকাশের পটে রঙ ফলিয়ে ঘুমন্ত রাজকন্য়ার মুখের ওপরকার পত্র লেখা অঁাকে—ততদূর অব'ধিও যায় নি। তিনি ঐ পাথরটারই চারদিকে আশে পাশে তাকিয়ে তাকিয়ে দেখ'ছিলেন—আর ভাব'ছিলেন ব'ঝি তিনিই হাজারিবাগে নির্ঝাসিত যক্ষ এবং অমন মেঘলা দিনের ঘনায়মান সন্ধ্যায়—ও রক্তের একান্ত বিরহটা তাঁর নিতান্তই অভিশাপ। পশ্চিম দিকে আকাশের এককোণায় একটুকরো মেঘও কালো হ'য়ে উঠ'ছিল।

টলাইটির পাশ দিয়েই পথ। আমি কাছাকাছি এসে খানিকটা ইচ্ছায়—অনেকখানি অনিচ্ছায়—ব'লে ফেললাম—“নমস্কার।”

ভদ্রলোক “নমস্কার” ব'লে আমার দিকে তাকিয়েই উঠে দাঁড়ালেন। তিনি ভদ্রলোক না—ব'লে ভুল হবার—চেহারা বা মুখ টুখ যাই কারণ থাক—ব্যবহারে আর সন্দেহ রইল না। বিশেষতঃ গায়ে জামা, পায়ে জুতো ছিল; মাথার মাঝখান দিয়ে টানা টেরীটা খুবই অস্পষ্ট হুতরাং তাঁকে গুণ্ডা বা বোম্বটে ব'লে মনে হবারও কোনো সম্ভব হেতু ছিল না। আমি জিজ্ঞেস ক'রলাম—“আপনার কি কাছেই বাড়ী?”

তিনি আর একবার আমার দিকে তাকিয়ে জবাব দিলেন—“না, আমি সহরে থাকি—এখানে মাঝে মাঝে বেড়াতে আসি—জামগাটা বেশ—নয়?”

মাঠের মাঝখানে একজন অচেনা তরুণীর সঙ্গে হঠাৎ দেখা হ'য়ে গেল—এমন সময় একা—এ ব'লে তিনি একটুও অনর্থক সজ্জন্ত বা শশব্যস্ত হ'য়ে উঠ'লেন না—বরং আমার মুখের দিকে শ সপ্রতিভের মতই সরল, স্বাভাবিক ভাবে তাকিয়ে পরিষ্কার কথা ব'লে গেলেন—গলার

ভেতর আওয়াজটা কেঁপে উঠে আটকে গেল না। আমি তাঁর কণ্ঠস্বর “বেশ জায়গা” বলে জবাব দিয়ে—ডাকলাম “সুশীল এস”। সুশীল খানিকটা পেছনে পড়ে গিয়েছিল। আমার ডাক শুনে একছুটে অনেকটা এগিয়ে এসে আবার রাস্তার পাশে ছোট ছোট ঝাঁকড়া কাঁটা গাছে হ’ল্‌দে হ’ল্‌দে ফুল ফুটে র’য়েছে দেখে সেইগুলো তুলতে লেগে গেল। আমি আবার ডাকলাম। ব’ললাম—“সন্ধ্যা হ’ল যে—সুশীল, এস—ফুল আজ থাক।”

“দাঁড়াও না একটুখান আর, চারটে মোটে” বলে আরো গোটাকত ফুল তুলে পকেটে পুরে দৌড়তে লাগলো। যত রাজ্যের কুচি পাথর কুড়িয়ে পকেট ভরতি ক’রেছিল—দৌড়াবার সময় সেগুলোতে ঝুমঝুমি বাজছিল।

এইবার কাছে এসে ব’লে উঠলো—“মেন্ন দি, নাইন, টেন, ইলেভেন।”

আমি ব’ললাম “হঁ”।

“হঁ ? নয় তা হ’লে—দেখবে ?”

ব’লে সুশীল পকেট থেকে পাথর টুকরো বার ক’রে গুণতে লাগলো “ওয়ান, টু, থ্রী”—আমার সদ্য পরিচিত বন্ধুটা ব’ললেন—“হ্যা—ঠিক ; একজ্যাক্টলী—ইল্‌এভেন।”

সুশীল হো হো করে হেসে হাততালি দিয়ে বলে “হঁ ইল-এভেন,—কেমন দিদির হ’ার।”

বন্ধু ব’ললেন—“অবিশ্রি হার।”

আমি ব’ললাম—“আপনাদেরই জয় ; তা এখন কি আপনি বাড়ী ফিরবেন ?—আমার একলাটা শুধু সুশীলকে সঙ্গে করে যেতে ভয় হ’ছিল আপনাকে সঙ্গে পেলে বেশ নিশ্চিত যাওয়া যায়।”

বন্ধু ব’ললেন—“Most Willingly”—তা’ পর একটুখানি হেসে আবার ব’ললেন—“কিন্তু মনে ক’রবেন না যেন—এর ভেতর এতটুকুও গ্যালান্‌টা আছে।”

আমি ধন্যবাদ দিয়ে হেসে চ’লতে লাগলাম। সুশীল আমার বাঁহাত ধ’রে চ’ললো,—বন্ধুটা সুশীলের বাঁধারে।

ডকটার পি, কে রায়ের বাড়ী ডান দিকে রেখে—আমরা বরাবর স্কোত লাগলাম। অনেক কথা হ’ল—রাস্তায়। বন্ধু ব’ললেন—তিনি বাড়লার ওকালতী করেন। এখানে

এসেছিলেন হাওয়া বদলাতে। আমি প্রথমটা একটু ইতস্ততঃ করলেও—শেষ পর্যন্ত জিগ্গেব করে ফেললাম—তার স্ত্রী আছেন কিনা। বন্ধু মুখটা ফিরিয়ে নিয়ে—বাকা করে বললেন—
“হ্যা—চাঁদপানা।”

সুশীলটা বড্ড পাঞ্জি— বললে—চাঁদপানা—গোল ?

উনি বললেন—কিন্তু “উত্তর-দক্ষিণ প্রান্তে কিঞ্চিৎ চাপা।”

সুশীল বললে “বুঝতে পেরেছি—গোবের মত।”

তিনি বললেন—“হ্যা—ঠিক—কেবল একটু চ্যাপ্টা—”

আমি হেসে জিগ্গেব করলাম—“কেন—আপনার কি বউ পছন্দ হয় নি ?”

বন্ধু একটুও না হেসে জবাব দিলেন—“খুব পছন্দ হ’য়েছে ;—সে সব কথা আর একদিন বলবো—যদি আপনার সঙ্গে আবার দেখা হবার সুবিধে হয়।”

আমি তখন সাহস করে খোঁজ নিলাম—তিনি কোন্ জায়গায় থাকেন—বাসা কোথায়।

তিনি বললেন—“ডেরা বলুন ;—মোটর আপিসের কাছে”—

“ঐ দোতলা বাড়ীটার ?”

“বরাত আমার ! দোতলা বাড়ী ? যেমন আমি মহাজন—আমার আত্মীয়টাও তেমনিই রাজা। সে একটা চোরা গলির ভেতর—মাঠের মাঝখানে খোলার বাড়ী। পাশে একটা ইন্দারা আছে—অনেক মেয়ে পুরুষ “হরবড়ি” সেখানে “পানি” নিতে আসে—আমি একলা একলা ব’স—তাই-ই দেখি—আর কি করা যাবে ?”

সুশীল বললে—“ওদের জল তুলে দেন না কেন !”

উনি বললেন—“দেখ্ছোনা ভাই—কি রকম সরু সরু হাত—এতে কি সামর্থ্য আছে যে অত নীচে থেকে জল টেনে তুলতে পারবে ?”

সুশীল বললে—“হ্যা, সত্যি আপান বড্ড রোগা—একটু একটু একসার সাইজ—ক’র্তে পারেন না ?—ডায়েল ক’রবেন নয়তো মুগুর ভাঁজবেন কি-না হয় তো—”

“না হক্কতা কি ?”—

“ঐতো মাঠটা—ঐ গলিটার পাশে! তার ওপারে—পাহাড়, আমি দেখেছি।—ওখানে অনেক গাধা চরে বেড়ায়—আপনি তাই ছই একটা ধরে—মাঝে মাঝে রেস দেবেন—দেখবেন কি রকম মুটিয়ে যান।”

আমি হো হো ক’রে হেসে—সুশীলকে ধনক দিয়ে ব’ললাম—“থাম—চুষ্টু ছেলে তুই কেবল যাই-তাই বকতে লেগেছিস্।”

বন্ধুর মুখে কিছু হাসি নেই। তিনি ব’ললেন—“যদি প’ড়ে যাই”? সুশীল জবাব দিলে।—“তখ’থুনি চ’লে আসবেন—আমাদের বাড়ী—বড়না ব্যাগেওজ বেঁধে দেবে।”

“আচ্ছা।” ব’লে বন্ধু পকেট থেকে একটী সিগারেট আর দেশলাই বার ক’রে—ব’ললেন—“With your permission” যদি কিছু মনে না করেন—আমি একটা সিগারেট ধরাই।”

আমি ব’ললাম “স্বচ্ছন্দে।”

বন্ধু সিগারেটটা ধরতেই এই এতক্ষণের হাসিবিহীন কাল মুখে তাঁর বিহ্যং চমকিয়ে আলো ফুটে উঠলো। চুরুটে জ্বোর একটা দন দিয়েই মুখখানা লীলা-প্রকুল—বিজ্ঞাপনের ছবির মত। এইবার তিনি নিজেই একবার হেসে উঠে ব’ললেন—“দেখুন—আনার একটা ঘোড়ায় চড়ারও গল্প আছে।”

“সত্যি?—বলুন না।”

“তা তো ছ’চার মিনিটে শেষ হবে না—সেও আর এক দিন ব’লবো—যদি ছকুম করেন।”

আমি ব’ললাম—হাঁ আলবৎ—এ আরজী মঞ্জুর ক’র্বো।”

আমরা বাড়ীর কাছে এসে প’ড়েছিলাম। বন্ধুকে সকালে আসতে বিশেষ ক’রে অশ্রুরোধ জানিয়ে আমরা শুভ রাত্রি নিবেদন ক’র্লাম তিনিও “গুড্‌নাইট ব’লে চ’লে গেলেন।

(২)

সকালে উঠে আমি ট্রের ওপর চায়ের জিনিষ গুছিয়ে নিছিলাম। সুশীল খাটো একখানা বেত হাতে নিয়ে—এসে টেবিলের ওপর সপাং সপাং গোটা চার পাঁচ কা মেরে জিজ্ঞেষ—

ক'রলে—“মেজদি, তিনি আসবেন না?” বন্ধুর সঙ্গে আমার—সুশীলের ঐ আধঘণ্টায়ই পাকা রকম প্রণয় জন্মে গিয়েছিল। আমি ব'ললাম—“কি ক'রে বলি বল—সে তাঁর দয়া।”

এর ভেতর নীচে সাড়া পাওয়া গেল। সেট গলা। বন্ধু ডাকছেন—“সুশীল, সুশীল।” “ওই যে এসেছেন” ব'লে সুশীল হেসে লাফিয়ে লাফিয়ে সিঁড়ি ট'প'কে নেবে গেল।

একটু পরে তাঁর হাত ধ'রে ওপরে এনে হাবির। আমি নমস্কার ক'রে এককোণে ব'সতে ব'ললাম। তিনিও নমস্কার জানিয়ে ব'সলেন। সুশীল জিজ্ঞেস ক'রলে—“দেখে এলেন—আসবার সময়?”

“কি? দেখে এলাম সুশীল?”

“গাধা চ'রছে—মাঠে?”

বন্ধু মুচ'কী হেসে সুশীলের পিঠে একটা আদরের চাপড় মেরে ব'ললেন—“গাধা চ'রতে দেখে এলাম না—গাধা সারকাস ক'রছে দেখে এলাম।”

“সারকাস ক'রছে?—কোনখানে?”

“পাহাড়ের মত কাপড়ের বোঝা তার পিঠে চাপিয়ে ধোপারা চ'লেছে ঘাটের পানে—আর গাধা গা গা ডাক ছেড়ে—কোনোমতে হেঁটে চ'লেচে।”

“ও—ওই সারকাস?—না-না আপনি কিছু জানেন না—যাবেন আমার সঙ্গে ক'লকাতায় হার্মিট্রোন সারকাস দেখিয়ে আনবো।”

চা-টা খাওয়া হ'ল। বড়দার সঙ্গেও বন্ধু চেনা জানা হ'য়ে গেল। অনেক গল্প ক'রলাম। সুশীল তাঁকে তার বই খাতা, ক্যারোম বোর্ড সব এক এক ক'রে দেখালে। বন্ধুতো ক্যারোম বোর্ড দেখে একরকম লাফিয়েই উঠলেন। সুশীলকে জড়িয়ে টেনে এনে ব'ললেন—“এস সুশীল, খেলি।”

সুশীলও তৈরি। ছ'জনে সেট এগারটা অবধি ক্যারোম খেললেন—বন্ধুর তাতে অক্ষুচি বা শ্রম দেখা গেল না। আমি মাঝে মাঝে কথা ব'লে সুশীলকে খেলা দেখিয়ে দিয়ে তাঁর সঙ্গে আড়ি করতে লাগলাম।—সে বেলাটা বেশ আনন্দেরই কেটে গেল।

তারপর রোজই যাওয়া আসায় পরিচয় পাকা আর বন্ধুত্ব ঘনিষ্ঠ হ'য়ে উঠলো—যদিও তাতে ছ'জনের কারো মনেরই বন-বিতানে কোনো কালো পাখী সাড়া দিয়ে যায় নি বা চোখেও কোনো কুহেলি রঙিন রসের নেশা ফাগ নিয়ে খেলা করে নি। অনেক ক'দিনই গেল—কিন্তু এটা সেটা নানান আলাপেই ঘণ্টা আর বেলা গড়িয়ে গিয়েছে—তাঁর সে ঘোড়ায় চড়ার গল্পটা কিন্তু চাদপানা বউএর মুখের রূপ-কাহিনীর জ্যোৎস্নায় চমকিয়ে তুলে শুনে ওঠা হ'ল না। আমাদেরও এতদিন—সে কথা ভেমন ক'রে মনে পড়ে নি—উনিও ইচ্ছে ক'রে বলেন নি।

সে দিন—সন্ধ্যা বেলা বেড়িয়ে ফিরছিলাম। বাড়ীর কাছে এসে—বন্ধু আমার সামনাসামনি দাঁড়িয়ে সুশীলের হাতখানা নিঃশব্দ হাতের ভেতর জড়িয়ে নিয়ে বলেন—“সুশীল, ভাই, এই দূর বিদেশে—প্রবাসে এসে তোমার আর তোমার সুন্দরী দিদির স্নেহ আদরে দিনগুলো বেশ কেটে যাচ্ছিল—কিন্তু এইবার শেষ—আমার কাল যেতে হবে।”

সুশীল আর আমি একসঙ্গে চোঁচিয়ে ব'লে উঠলাম—সেকি ?”

তিনি ব'লেন—হ্যাঁ ‘তার’ পেয়েছি—কালই ছাড়বো”—আমাদের মনের ভেতরে কেমন ক'রে উঠলেও তাঁকে আর আটকিয়ে রাখবো কি ক'রে ? তাঁর বাড়ীঘর আছে—স্ত্রী, ছেলে মেয়ে আছে ‘ব্যবসা’ আছে.—ব্যবসায় পশার আছে যেতে তো হবেই। বললাম—“কাল আমাদের বাড়ী খেয়ে যেতে হবে।”

সুশীল ব'লে—“আপনার নেমস্তন্ন।”

তিনি ধন্যবাদ দিয়ে নিমন্ত্রণ স্বীকার ক'রলেন। কিন্তু হঠাৎ একটু চিন্তিত হ'য়ে গিয়ে যেন খানিকক্ষণ কেন চুপ ক'রে রইলেন।

সুশীল জিজ্ঞেস ক'রলে—“কি ভাবছেন—যাবেন না ?”

“না যেতে হবেই—তাইই ভাবছি খেতে গিয়ে শেষে দেরী হ'য়ে যাবে না ত ? আবার মোটরের টিকিটও তো কিনতে হবে।”

আমি বললাম—আমি বড়দা'কে ব'লবো—তিনি সে সব ঠিক ক'রে দেবেন আপনার কোনো ভাবনা নেই।”

বন্ধু বাড়ী ফিরে গেলেন—সুশীলের আন সে রাত্তিরে পড়া হ'লো না।

(৩)

বন্ধু সকালেই এসে সুপ্রভাত জানালেন। আমরা চায়ের টেবিলে ব'সলাম—সেদিন সরোজিনীদি আর মণ্টু এসেছিলেন 'কালোজামের' বিয়ের খবর ব'লতে। আমি সকলের সামনে বন্ধুকে ধ'রে ব'সলাম—“আজ আপনার বউ আর ঘোড়ার গল্প না শুনে ছাড়ছি নি—এই নিন্।”

সিগারেটের টিনটা তাঁর হাতের কাছে এগিয়ে দিলাম। বন্ধু একটা সিগারেট নিয়ে মুখে দিতেই রাজোর হাসি চোখে মুখে লুকোচুরি খেলে উঠলো। সকলের কাছে বিনীত ভাবে ছকম নিয়ে সিগারেট ধ'রিয়ে বন্ধু ব'ললেন—“ও দুই এক—বউ আর ঘোড়ায় বড় একটা তফাৎ নেই।”

“না—না—এ আপনার স্মাক্রিলেজ”—

“বরং বলুন—স্বামী হিসেবে—প্রিভিলেজ।”

“আচ্ছা তাই মঞ্জুর বলুন” ব'লে আমি—আবার অমুরোধ ক'রলাম। বন্ধু ব'লতে লাগলেন—“ল” ক্লাসে পড়ি যখন—নার বড় সখ হ'ল চাঁদপানা বউ ঘরে আনবেন—বাগাও দেখলেন—সেই ফাঁকে যদি নিতাই বোরেরগীর দলিলখানা খালাস করা যায় তবে মন্দ কি! বাঙলা যন্ত্রকে বাপেদের মেয়েও গোড়া না—আমিও ছেলেটা খেঁড়া না—সুতরাং মাস দু'য়ের ভেতরের আনার ভাঙা ঘরে চাঁদের আলো ফুটলো। ফলে যে আলোটুকু কুঁড়ের কোণায় ছিল তাও নিভে গেল। কারণ বছর দেড়ের ভেতরেই এক খুকী তা'পর আর এক খুকী তা'পর—“feel the consequence”—ফাইনাল আইন পরীক্ষা দিয়ে—চিং বা উপুড় নয়—বাঙলা মতে কাং। “বেটার হাফ” আনার মনে মাথায় এমনি ক'রেই পেরে ব'সেছিলেন যে পরীক্ষার উত্তরের কাগজে এক খাতার ভেতরেই দুই হাফের জবাব লিখে গার্ডকে দিয়ে বেরোলাম। শেষে মনে হ'লো যখন সেই জাম্মাণ সাহেবকে গিয়ে ধ'রে অনেক ক'রে বলা গেল— কিন্তু তিনি সোজাসুজি শুনিয়া দিলেন—“নাউ ফিল্ দি কন্ডিকোয়েন্স হোয়াত্ ক্যান আই দু ফর্ ইউ।” (পাও এইবার টেরটা—আমি তোনার কি ক'র্ব!)

“দুই চক্ষু একেবারে স্থির।”

দুই চোখ কপালে উঠলো আর নান দে; না

আমি হেসে বল্ যি—“এখনও নয় ?”

“এখন ? এখন তো ক্রমে মাথায় উঠতে শুরু ক’রেছে ।”

সরোজিনী দি জিজ্ঞেস ক’লেন—“কি রকম ?”

বন্ধু বল্লে গেলেন—“সে খুব সোজা রকম যা সচরাচর দশজনের হ’য়ে থাকে—তাই । ওকালতী পাস ক’রলুম,—অবিশ্যি ।—বাঙালীর ছেলে ‘একজামিন’ পাস ক’র্তে জানি । ফল বেরোবার আগে মাস তিনেক এক গাঁয়ের ইস্কুলে মাষ্টারি নিলাম ।—চাঁদপানা বউএর হাল সাকিনে গাদা গাদা প্রেম পত্র লিখে বিরহ কাটানো গেল—আর ছেলে ঠেঙিয়ে ননী মাষ্টারের হাতে আমার পিঠের ওপরকার সেই পুরোণো ঘায়ের সুদ সমেত শোধ তুলে নিলাম । অত্যাচারে অস্থির হ’য়ে এক ছোঁড়া একদিন আমায় শুনিয়েই বল্লে গেল—“আচ্ছা দেখে নোব—আজ রাত্তিরে শোবে না ঘরে ? গোঁগেব আন্ধেকটা কানিয়ে দিয়ে যাব ।”

“আমি ভয়ে ভয়ে সেই বিকেলেই নাপিত ডেকে ছুদিকেরই গোঁপ কানিয়ে নিলাম ;—পরের দিন বকৃত্তা ক’রে সবাইকে বুঝিয়ে দিলাম—ওটা অক্সফোর্ডের ফ্যাসন ।”

সুশীল বল্লে—“ঐতো আপনার গোঁপ রয়েছে—মিথো কথা বল্লেছেন কেন ?”

“আহা—ওটা যে পরে আবার রেখেছি”—

সরোজিনী দি টিপ্পনী দিয়ে পাদ পূরণ ক’রলেন—“ওকালতীর আমলে ভারতিকি বজায় রাখবার জন্যে বুঝি ?

আজ্ঞে হ্যাঁ—আপনি দেখ্ছি অতি বুদ্ধিমতী ঠিক ধ’রেছেন । এখন শুনুন—“আমার চাঁদ মানে পত্নীতী মাথার দিব্যি দিয়ে চিঠি লিখলেন তাঁর বড় সাধে যেন বাদ না সাধি তিনি উকীলানী হবেন—”

সরোজিনী দি বল্লেন—“যেমন মাতুলানী ।”

“আজ্ঞে না—আমি শ্রীকৃষ্ণ নই সুতরাং—নাক সে কথা ;—আর বাবা ভাব্লেন—আমি উকীল হ’লেই বাড়ীতে চৌমহলা কুঠী উঠবে—এবং আমারও মনে হ’ল—মাস খানেকেই সার রাসবিহারী ঘোষের মকঃস্বল এডিসন ব’নে গিয়ে পারিসে—ল্যান্ডট কাচ তে পাঠাবো ।”

“ল্যান্ডট ?”

“হ্যাঁ—ল্যান্সেট ; প্যাণ্টলুন আর কিনি কি দিয়ে বলুন ? ভ্যাগিস সেন ম'শায় মানে আমার শশুর—দেড় যোড়া পাশ বালিস আর এক যোড়া ওয়াড় দিয়েছিলেন”—

“ওয়াড় একটা কম দিলেন কেন ?”

“রেশমী সাড়ীতে ঢেকে দিতে হ'য়েছিল ব'লে সেটীর আর লংকুথের ওয়াড় লাগে নি”—

“ওঃ—সেটা বুঝি”—

“আমার পত্নী”—আমাকে কথাটা শেষ ক'র্তে না দিয়েই—“আমার পত্নী” জবাব ক'রে ব'লে গেলেন—“ছেলেবেলা যখন স্বদেশীর খুব খুশি—লাঠী খেলা-টেলা হয়—তখন পালোয়ানী দেহ গড়'বার জন্যে কুস্তী সুরু ক'রলাম বুল্লেন ? কাজেই একটা ল্যান্সেটও তৈরি করাতে হ'ল—সেইটা তখনও ছিল ।”

“দেহখানিও কতকটা পালোয়ানীই র'য়েছে দেখা যাচ্ছে ।”

“এটা না দেখছেন—তা ওকালতীর অতি পশারে । এখন কাছারী তো যেতে হবে—ঐ ল্যান্সেটটীকে থলের মত সেনাই ক'রে—ওয়াড় ছটোর সঙ্গে জুড়—একটা দিশী প্যাণ্টলুন ক'রে নিলুম ।”

আমরা তো হো হো ক'রে হেসে উঠলাম ।—বন্ধু ব'ল্লেন—হাসবেন না—শুধুন ।—এইবার খোড়ার গল্প আরম্ভ হবে—তার আগে বলে রাখি—আমাশয়-টামাশয়ে আমার প্যাণ্টলুনটা বড় উপকার দেয়—টেনে পায়জামাটা পরে—একপাটি মোজা দিয়ে কোমরবন্ধ—মানে—বেণ্ট এ'টে নি যদি—একটুও ঠাণ্ডা লাগে না—খুব Comfort.—(আরাম) ।

আমি বললাম—“এরকম ক'রে ওকালতীর অপমান করা—আপনার উচিত নয় ।”

বন্ধু জবাব ক'রলেন—“আমরা কজন হতভাগা আছি বলেইতো—ওকালতীর মান—মর্যাদা এতদিনও রয়েছে—সে কথা থাক—এখন শুধুন—মহকুমায় ওকালতী আরম্ভ করলুম—গায়ের যত মুচ্ছুদি এসে—আমার বাসায় কায়েনী রকম ডেরা-ডাণ্ডা গেড়ে বসলেন । এখন বুঝুন—অবস্থা—আমি বা কি খাই আর তাঁদেরই বা কি খাওয়াই ! তাঁদের তো চিং-হস্ত—উপড় হয়-ই না—উপরন্তু তামাক সিগারেটটাও—আমার পয়সায়—নায়েব—নাজীরদের আসবার

বেলা—লঠন যাওয়ার বেলা ঠনঠন । একদিন এক নায়েব ব'ললেন—“এ উকীল বাবু—আমাদের বাবুদের নাত জামাই—খুব লোক—পাকা লোক—এই বয়েসেই—কি রকম ফুর ফুর ক'রে ইংরিজী বলেন—দেখেছো—কোথায় লাগে—কৌশলি এ'র কাছে—কিন্তু—কি করি বল—বাবুদের জামাই—ও'র হাতে টাকা দেয়া মানে বাবুদের অপমান করা—“ইত্যাদি আমি শুনে মনে মনে তাকে স্ত্রীর সম্বন্ধ বিশেষ ব'লে গালাগাল দিয়েই গায়ের ঝাল ঝাড়লাম । যা'হোক—এই রকম :অনাহারী ওকালতীর ফলে—কিছু দিনের ভেতরেই ম্যালেরিয়ায় ভুবন অন্ধকার দেখতে লাগলাম । কোনোমতে কুইনিন টুইনিনের পেলা দিয়ে—জ্বর ঠেকিয়ে নিতেই—বাবা বলেন—“কিছুদিন হাওয়া বদলে এস ” বুঝুন : হাওয়া খেয়ে হাউই ব্যবসা করি,—আমার আসতে হবে হাওয়া বদলিতে । উকীলানীর হাতে তো কিছু দিতেই পারিনি—এইবার তাঁর গলাখানি খালি ক'রে—এইখানে—আপনার স্বর্গ রাজ্যে এসে ছদিন জিরোলামই সত্যি । কিন্তু তাই কি নিশ্চিত থাকবার যো আছে—বউএর চিঠির ওপর চিঠি—ভাইটী—আমার পদ্য লিখতে শুরু ক'রেছেন—কিরকম পদ্য জানেন ত ?—

“সবুজ পরী, তুর্কী ছরি ওড়না খানি আসগানী

ভর পিরালা পিলাও সাকী, আঙুর হরা জাফরাণী ।”

এখন তাঁর বিয়ে না দিলেই নয় । বউ লিখেছেন ঠাকুর পো আজকাল—“গুলাগে বুলবুলির মত ফুলের হাওয়ায় ফুর ফুর ক'রে উড়ছেন শেকল বাধ, নইলে প্রাণপাখী ফাঁকি দিয়ে পালাবে—সেই জন্মেই তাগিদ—তাই জন্মেই তার ।”

সুশীল ব'লে—“যত বাজে কথা ব'লছেন—ঘোড়ার গল্প কই ?”—

“এইবার আরম্ভ”—

“চেছে যেতে হবে—অনেক দূর—ঐ ক'টী তো টাকা—কল কৌশলে—কারসাজী ক'রে না গেলে—পোয়াবে কি ক'রে ? আমার হেড কোয়াটার মানে আস্তানা থেকে নিয়ারেষ্ট রেলওয়ে স্টেশন মবলগে আটাশ মাইল । যানের ভেতর গড্ডালিকা অথবা ছর পথে ছরিত্ত জান—তুরগ ।”

মণ্টু ব'লে—“তুরগ মানে ক্যাঙ্গার ।”

“না ক্যান্টারু যার ওপর চড়ে।”

আমি বললাম—“অর্থাৎ আপনি?”

“ধন্যবাদ।” বন্ধু বলে গেলেন—“আমার একটা মক্কেলের—অবিশ্রি প্রকাশ থাকে যে—
 তিনি বায়নার তাকে ঘোড়া চুরির অপরাধে ডিফেন্ড ক’রে খালাস ক’রেছিলুম—ঐ আমার প্রথম
 এবং শেষ কেশ জেঁতা—তা নইলে তো বুঝতেই পারেন—আমি “লার্ণেড” উকীল
 স্ত্ররাং হামেসাই—থিমান্স ফর এ Chagal”—অর্থাৎ ছাগল হাকিনটা—বি,এস্-সি
 বি-এল—ছাগলের ইংরিজী ভুলে গিয়েছিলেন। যা হোক—বোধ হয় আমার মক্কেলের
 —সেই চুরির ঘোড়াটাই—বুঝলেন?—তিনি—আর্দেকটা খচ্চর সিকি গাধা আর
 সিকিটেক ঘোড়া—মানে লেজের দিকটা আর কি! উঁচু খুব বড়—ভেড়ার কি তার
 চেয়ে আর একটু বেশী—ছোট মোট বাচ্চা বাঁড়ের মনান। নাঠে মাঠে ছাড়া ঘাস
 খায় স্ত্ররাং পেটটা পুরো বোঝাই ষাট ইঞ্চি নবাব জান ব্যাগের মত বলে নেবেছে—মাটা
 ছেঁ। ছেঁ। হ’য়ে যায়। আমার মক্কেলটা বলেন—তার এ পোষা ওটা—খুব কষ্টসহ—ভুটিয়া
 পনীর মত কাজ দেয়—গাড়ীতেও চলে সোয়ারও নেয়। আমি বললাম—“দয়া ক’রে দিন্ না
 ঘোড়াটা আমাকে ধার”—তিনি খুব খুসী হ’য়ে রাজী হ’লেন। যথা সময়ে পঞ্জিকা টঞ্জিকা
 দেখে—ফুল বেলপাত যাত্রাসিকি পকেটে গুঁজে—স্বরিত যানে চ’ড়ে রওনা হ’লাম।—ঐ যে
 প্যান্টলুন—আমার যোধপুরী ল্যাঙ্গেট ব্রিচেস্—তাই টেনে টুনে প’রে—একটা কালো ছাতার
 কাপড়ের কোট ছিল—পকেটের কাছটা সতর বছরের ব্যবহারে একটু ফেসে গিয়েছিল—নইলে
 প্রায় নতুন কোটই তাকে বলা যায়—চকচ’কে ছিল বেশ; সেইটা গায় দিয়ে—বেতের স্টকেস্টা
 সামনে ব’সিয়ে ঘোড়া ছাড়লাম। রশি তিন চার গিয়েই দেখি—পায়ের কাছে পা জামাটা
 একটু ‘হাঁ’ হয়েছে। সেখানে রাস্তার পাশেই আমার একটা বন্ধু বাড়ী—তিনি ইস্কুল মাষ্টার—
 আমার চেয়েও রোগা—সিঁটকে কিন্তু বজ্জাতের ধাড়ি। তাকে ডেকে একটা সূঁচ স্তো
 চাইলাম—ইচ্ছে ছেঁড়াটা ষুড় নোব। সে কিনা মশাই বেরিয়ে এসেই ব’লে—“আরে তোমার
 মত বেকুফ তো দেখিনি! ওখানে সেলাই কখনো টেঁকে? তার চেয়ে এই পাড় দিচ্ছি—
 দু দিকে হাঁটু অব্ধি পড়ির মতন ক’রে জড়িয়ে নাও—শুকও হবে—বেশ চ’লেই লেতে পারবে।”
 যুক্তিটা মন্দ লাগলো না। আমার ভাইটা—পদ্য ভাব্তে ভাব্তেই অবিশ্রি—আমার সঙ্গে

এসেছিলেন—নদীপার অবধি এগিয়ে দিতে—তাকে ব'ললাম—“এই, একখানা কঞ্চি কেটে চাবুক ক'রে দে তো!” বন্ধুটা ব'ল্লেন—“ওকে তো হাকের ক'রে করে এগিয়ে নিতে হবে—কাজেই ছড়ি দিয়ে কি হবে একটা বাশই কেটে নাও আগেই কাজ দেবে।”

যা হোক কোনো মতে ঘোড়া নিয়ে তো নদীর ঘাটে পৌঁছলুম। এখন তো আর হেঁটে গেলে চ'লবে না—জুতো পায় আছে! আমি ঘোড়ায় চেপে ব'সলাম—সে খচ্চরের ছাটী তো বৃন্দাবন থেকে “পাদমেকং”ও যাবেন না—ভাই রাস ধ'রে টেনে জলে নাবালেন—আমি জুতোগুদু পা ছুটো উঁচু ক'রে তার ঘাড় অবধি তুলেছিলুম কারণ সে ত্বরিত যানের পেটটি এরির মধ্যে জলের সঙ্গে ছলাং ছপাং জল-কেলী ক'রতে লেগেছিল। মাঝ দরিয়ায় গিয়ে—অশ্বতর একেবারে খাড়া! না সামনে না পিছনে। “দাঁড়াও দাঁড়াও আমি ওকে চালাচ্ছি” ব'লে বন্ধু কোথায় থেকে এক ইয়া মোটা অঁকাসী এনে ঘোড়ার পেছনে জোর খোঁচা দিতে আরম্ভ করলেন। খোঁচা খেয়ে তিনিও পেছনটা ক্রমে নীচু ক'রতে ক'রতে জলের ভেতর একেবারে কুপোকাত—আমি আপাদমস্তক—আর্দ্র। গেরো বরুন।

সরোজিনী দি হেসে উঠে ব'ল্লেন—“জুতো প্যাণ্টলুন সব ভিজ়ে গেল?”

ভাগ্যিস স্কটকেসটা তখনো ভাই হাতে ক'রে রেখেছিল। “সব।” কিন্তু সে পাড়ের পটি খোলা কি সাধারণ ব্যাপার! ভাই, চাবুকে চাবুকে টিট বানিয়ে—তাকে এপারে এনে তুল্লেন;—আমি ঐ ভেজা কাপড় চোপড়েই অশ্বারোহী হ'য়ে আবার যাত্রা ক'রলুম। এবার তিনি ভাল মানুষের ছেলের মত—বেশ চ'ল্লেন। রাস্তায় অনেক পথিক মাথা হেঁট ক'রে সেলাম দিতে লাগলো—“সাক্ষো পাঞ্জা” আমি খুব খুসী হ'য়ে—‘এইও এইও হেট টক্ টক্’ ক'রে টগবগিয়ে খচ্চর চালিয়ে চ'ললাম। অনেকদূর এসে ইস্কুল। ছেলের দল টিফিনের ছুটিতে বেরিয়ে এসে হল্লা ক'চ্ছিল। আমায় দেখেই টিকেদার সাহেব, টিকেদার সাহেব—ব'লে—চেষ্টা উঠলো—মহা হৈ চৈ হাততালি—খচ্চর দিশেহারা হু'য়ে পুচ্ছ উঁচু ক'রে—বেগে দৌড়োবার উদ্যোগ করা—আর এক কাঠে লেগে—উঁচোট খাওয়া—আমি তো দশহাত দূরে ছিটকে গিয়ে পপাঙ—আর তিনি ভুঁইএ ধপাস। গড়াগড়ি ব্যাপার একেবারে! যা লাগলো জানেন,—ভয়ানক রাগ হ'ল—ভাবলুম—স্বীর ভাই সেই মক্লেটীর স্বীর ভাইটাকে—খোঁচাড়ে দিয়ে উপযুক্ত আকেশ দিয়ে যাই।

ও: হো: হো: ক'রে হাস্তে হাস্তে আমরা ব'ললাম -- "থামুন থামুন আর নয়" --

বন্ধু ব'ললেন-- "আর বেশী নেই। -- সে ঘোড়ার ভায়রা ভাইটীকে সেইখানেই ছেড়ে দিয়ে স্ট্রটকেস মাথায় নিয়ে ঘোড়া সোরার আমি "কুলী চাই বাবু" হ'য়ে হেঁটেই ষ্টেশনে -- তখন গাড়ী প্রায় ছাড়ে ছাড়ে -- এক বেটা কুলী এসে ব'লে -- বাবু দিগিয়ে মাল হান্কা মাথাপর আব'গো -- পহিলা গাড়ীমে চড়ায় দে'গা -- টিকম্ লাগিয়ে।" ছুটো ছুট গিয়ে টিকিট এনে হাঁফাতে হাঁফাতে এসে -- তো কুলীকে ব'ললাম -- এই "থরু গাড়ীকে" --

"হাঁ হাঁ হোজুর" -- ব'লে তিনি তো এক গাড়ীতে আমার ভুলে দিলেন -- উঠেই দেখি -- যে মশাই -- "ইয়া ভুঁড়ি -- সওয়া হাতটেক বেকির বাইরে এসে খল খল ক'ছে -- ও'গ্ ও'গ্ গৌয়া -- সক্রা না লাগ'তেই -- নাক ডাকার শব্দে আমি উঠেই ব'ললাম -- "মশাই মশাই, -- উঠুন -- উঠে বসুন!" --

"তিনি দিব্যি নির্ঝিকার।"

আমি আবার ব'ললাম -- "ও মশাই! উঠুন না -- যা দেহ দেখ'ছি -- তাতে তো এ গাড়ী আপনার ব'লে মনে হ'ছে না -- উঠুন বেকভানে যান।"

এইবার ছুটো কামরাটার মত লাল চোখ মেলে তাকিয়ে আমার দিকে দেখে তিনি ব'ললেন -- "আপনি ভুল ক'রেছে -- আপনিই মেল ভানে যান -- বুচ পোষ্টের পলিয়ার।"

কি আর করি -- নিক্রপায় হ'য়ে ওপানের বেকের ওপর গিয়ে ব'সলাম। সঙ্গে একটা হিন্দুস্থানী -- মাথায় গাম্ছাখানি বেঁধে -- গজল ধ'রেছিলেন -- "আ-হারে পরদেশী সাইয়া, গেয়া হামারি গই বিদেশে" -- "পি-য়া-আ-আ-আ --" ক'রতেই দমকা বাতাস এসে তাঁর গাম্ছাখানি -- "আরে হাঁ হাঁ -- এ দাদা উড়ায় লিয়া -- হো -- "জলগান ওয়ালা টীকম্ উসনে বা --"

হুমুমানের মত এক লাফ দিয়ে উঠেই -- ডব্বার সিগনাল টানা -- গাড়ী থেমে গেল। গার্ড এসে -- আগাতেই আসামী স্থির ক'রে এক ধমক। --

বন্ধু আর ব'লতে পারলেন না -- ব'লদা এসে তাড় দিলেন -- ব'ল হ'য়ে গেছে। গল্পের মাঝখানে ভঙ্গ দিয়ে উঠতে হ'ল।

বন্ধু চলে গেছেন। অনেক সন্ধ্যা সকালেই—তার কথা আলোছায়ার রঙ খেলার মত মনের ওপর একখানা রঙিন স্মৃতি এনে দিয়ে যায়। বৃকের কোনো গোপন কোণায় একটু আধটু বাথাও কি আর টন টন করে নাই উঠে।

শ্রীবিমলচন্দ্র চক্রবর্তী।

প্রকাশের বেদনা।

ভাষা একদিকে ভাব প্রকাশের সহায় আর, এক দিকে আবার তেননি অস্তুরায়। মনের মধ্যে যে কথাটা খেলিয়া চলে ভাষা তাহার একটা মোটামুটি রূপ বাক্য করে একটা সাদামাটা কহাল। চিন্তা অমুভব আবেগ যতক্ষণ ভিতরে ততক্ষণ দেখি তাহাতে রহিয়াছে কত রঙ, কত আলোছায়ার খেলা, তাহাতে কত ইঙ্গিত কত আভাস, কত বড় বিপুল সে জিনিষটি; কিন্তু ভাষায় যেই তাহাকে ধরিয়াছি অমনি সেটি হইয়া পড়িয়াছে কেমন নিরোট, কাটাছাঁটা, ছোট সন্ধান। প্রথমতঃ মনের যত কথা বলিতে চাই, ভাষা তাহার সব প্রকাশ করিয়া ধরিতে পারে না; দ্বিতীয়তঃ মনের কথা যে ভঙ্গীতে বলিতে চাই ভাষা সে ভঙ্গী রাখিতে পারে না। ভাষার এই যে অভাব, প্রকাশের এই যে বেদনা—ইহা হইতেই কাবোর উৎপত্তি।

শিশু যখন মাতৃস্তনের অন্ত লালায়িত, তখন তাহার অর্ধফুট বাক্য তাহার ভিতরের অভাব আবেগ কতটুকু প্রকাশ করিতেছে? সে বাক্য অপরের কাছে বৃষ্টির পক্ষে বগেট হইতে পারে, দরকারের দাবি ঐ টুকুতেই মিটান যাইতে পারে; কিন্তু শিশুর প্রাণের যে সমস্ত রঙীন জগৎ, তাহার মুখা তৃষ্ণারই সহিত জড়িত যে দোলায়িত রসায়িত চিত্র, তাহা কতখানি ফুটিয়া উঠিয়াছে ঐ উচ্চারিত বর্ণমালার মধ্যে? ভাষার এই অভাব শিশু পূর্ণ করিয়া লইতে চেষ্টা করে তাহার রোদনের ধ্বনি, তাহার অঙ্গ সঞ্চালনের সহায়ে। মানুষও সেইরকম মুখের কথাকে একান্ত করিয়া চলিতে পারে না, তাহার মধ্যে আনিয়া জুড়িয়া দেয় ছন্দ সুর। ভিতরের অমুভব তাহার যত নিবিড় যত সূক্ষ্ম যত বিচিত্র ততই সে বুঁকিয়া পড়ে কাবোর দিকে, গানের দিকে।

বক্তাবোধ মধ্যে প্রয়োজনের, অর্থের অতিরিক্ত রহিয়াছে যে একটি অন্তরঙ্গ ভাবলাভ তাহাকে প্রকট করিয়া ধরিবার জন্য কত রকম কোশলের আশ্রয় লওয়া খাইতে পারে তাহাই হইতেছে কবির শিল্পীর কারুকলা ।

অন্তরের অনুভব যখন অন্তরে জাগ্রত তখন সেখানে কত রকমের ভাব কত বাহ্যনা লইয়া জড়াজড়ি হইয়া আছে । একটি চিন্তা হয়ত সেখানে সকলের উপরে বাক্য, কিন্তু তাহার চারিদিকে আরও কত রকমের চিন্তা অর্ধবাক্য, অবাক্য ভাবে তাহাকে ঘিরিয়া আছে, তাহার অর্থগৌরবকে নিবিড় বিপুল করিয়া ধরিয়াছে । একটি মূল চিন্তা কেমন সহজে অবহেলায় সমস্ত আধারের মধ্যে, আধারের দূরতম ক্ষুদ্রতম, গুপ্ততম কোণে কোণে কত বহু বিচিত্র স্পর্শের ক্রমলীমমান প্রতিধ্বনি তুলিয়া দিয়াছে । ক্ষুটবাক্য কি এই সমগ্র মনোভাবের সমস্ত আভাস প্রকট করিয়া ধরিতে পারে ? বাক্যের ধর্ম দেখি এক একটি চিন্তা বা অনুভবকে সে পৃথক পৃথক করিয়া কাটিয়া কাটিয়া প্রকাশ করে । জটিল মনোভাবের যে সজীব একত্ব তাহা সেখানে ধরা দেয় না । তারপর, মনের মধ্যে যে সত্যের যে জোর নাই, ভাষার মূর্ত্ত করিতে গিয়া দেখি তাহার উপর ততোধিক জোর পড়িয়া গিয়াছে । আশেপাশে থাকিয়া যে সকল অন্তর রকম সত্য কোন বিশেষ সত্যকে একাগ্র করিয়া অত্যধিক হইয়া উঠিতে দেয় নাই, স্থূল ভাষা সেই আনুসঙ্গিক আবেষ্টন সঙ্গ করিয়া তুলিয়া আনিতে অসমর্থ হইয়াছে—মনোভাবের স্বরূপ তাই কথার মধ্যে বাধা পড়িয়া বিকৃত হইয়া পরিয়াছে । অন্তরের কথা যথাযথ ব্যক্ত করিতে গিয়া, দিকল হইয়া তাই ত শীরাপিকা দারুণ ব্যথায় বলিতেছেন—

সখি কি পুছসি অনুভব মোর ।

সোই পিরীতি অমুরূপ বখানিতে

তিলে তিলে নূতন হোর ॥

কাব্য আমাদের কাছে এত রসময় এত মর্মস্পর্শী ঠিক এই জন্য—ভাষার স্বভাবজ দৈন্ত্য কবি তাহার ইচ্ছাজালে কথঞ্চিৎ পুরণ করিয়া দিয়াছেন, যিনি যতখানি পূরণ করিতে পারিয়াছেন তিনি ততখানি বড় কবি । গল্প হইতেছে প্রধানতঃ প্রয়োজনের ভাষা, মোটামুটি ধরণে মনের বক্তব্য ব্যক্ত করিতে পারিলেই তাহার সার্থকতা । মোটা অর্থের আশে পাশে যে আভাসের আলোছায়ার ভাবময় জগৎ গল্প ধরিয়া দেখাইতে চাহে না, এবং হয়ত পারেও না । তাই মাঝে

কাব্যকে আশ্রয় করে। এই হিসাবে গল্পের ক্ষমতা যতদূর তাহার পরিচয় বিশেষ ভাবে আধুনিক জগতে একমাত্র বোধ হয় আনাতোল ফ্রান্স দেখাইয়াছেন। ভাষার সহায়ে চিন্তার লক্ষণা বা 'ধ্বনি' (nuances) এই অদ্ভুত শিল্পী যেমন ও যতখানি প্রকাশ করিতে পারিয়াছেন, ভাষাকে মনোবৃত্তির ক্ষুদ্র ভাঁজে ভাঁজে যেমন অবলীলাক্রমে ইনি পাট করিতে সক্ষম হইয়াছেন তাহার তুলনা গল্প সাহিত্যে সচরাচর বড় মিলে না। তবুও এই বিষয়ে গল্প কখন কাব্যের সমকক্ষ হইতে পারে না? কাব্যের কবিত্ব অর্থই এই বিশেষত্বটুকু।

একটা বিশেষ চিন্তা একটা সম্পূর্ণ কাটাছাঁটা বিশেষ অর্থ মূর্ত্ত করিয়া ধরা, কবির বিশেষত্ব নয়। কবির কবিত্ব সার্থক যখন তিনি দেখাতে পারেন একটা চিন্তা একটা অর্থ। নানা চিন্তা নানা অর্থে প্রতিধ্বনিত হইতে হইতে কেমন চেতনার দূর বেলাভূমির প্রান্তে আশ্রয় আশ্রয় যাইয়া মিলাইয়া পড়িতেছে। এই কাজ কবি করেন কি উপায়ে? বাক্যের চয়ন, বাক্যের বিস্তার, শব্দের ঘাতপ্রতিঘাত, মিল, যতি, গতি—ছন্দের সহায়। কিন্তু শিল্পীর এই যে রকমারি কৌশল, তাহা সবেও ভিতরের অনুভবগত জগৎ তাহা কখন কি ছব্ব প্রকাশ করা যায়? প্রকাশের অর্থইত রূপ দেওয়া, অর্থাৎ সীমাবদ্ধ করা, দৃষ্টিকে একটা কিছু উপর কেন্দ্রীভূত করা, সেই একটা কিছু ছাড়া অন্য সকল বস্তুকে ভুলিয়া যাওয়া, দৃষ্টির বাহিরে রাখিয়া দেওয়া। তাহার ফল? ভগবান আপনাকে প্রকাশ করিয়াছেন, রূপাঙ্কিত করিয়াছেন সৃষ্টির মধ্যে, কিন্তু তাহাতে ভগবান কি আপনাকে ছোট করিয়া খাট করিয়া ফেলেন নাই? ভগবান আপনার ভগবানত্ব লোপ করিয়া দিয়াছেন যখন তখনই ত সৃষ্টি। ভগবানের স্বরূপ-সত্য তাই সৃষ্টিতে নাই। তাই না সৃষ্টি অসত্য মায় হইয়া পড়িয়াছে?

জাপানী কবি এই সত্যটি যেমন বুঝিয়াছে জগতের আর কোন কবিরা তেমন অনুভব করে নাই। জাপানী কবি তাই ভাষার এই স্বভাবগত অভাব স্পষ্ট স্বীকার করিয়াছে, এই অভাব কখন দূর করিবার নয় বলিয়া অলঙ্কার শাস্ত্রের চলিত ছলা-কলাও সব বর্জন করিয়াছে। জাপানী কবিতায় ছন্দ নাই, বাক্যের বাহুল্য ত' নাই-ই, পুরাপুরি বাক্যও নাই। ছই একটা ছাড়া ছাড়া কথা মাত্র। তাহার সহায়ে মনের সম্মুখে ছই একটা চিত্রের আভাস আঁকিয়া তোলা—ইহাই জাপানী কবিতা। জাপানী কবিতা দিতেছে এই একটা ইঙ্গিত মাত্র, ছই একটা

স্বত্বের মুখ, সূচনার খণ্ড। তাহা ধরিয়া নামমাত্র অবলম্বন করিয়া যাহাতে মন আপন ভাবে
অবাধে সকল রহস্তে ভরিয়া আপনার জগৎখানি গড়িয়া তুলিতে পারে।

Heard melodies are sweet, but those unheard are sweeter —

এই কারণেই ভগবানের “রসো বৈ সঃ” বিনি তাঁহার পূর্ণ অনুভূতি চেতনার যে স্তরে সেখানে
মানুষ নীরব, মুক।

কিন্তু কথা। বলিতে হয়ত অতিমাত্রায় চলিয়া গিয়াছি। ভাষা ভাবের কি রকমে অন্তরায়
তাহা দেখাতে গিয়া তুলিয়া গিয়াছি কি রকমে তাহা আবার সহায় হয়। প্রকাশের বেদনা,
একটা দিক—আবার প্রকাশের আনন্দও তাহা অপেক্ষা কম সত্য নহে। ভাষার, মুখের কণার
যে কি ক্রম বর্তমান প্রবন্ধের সিদ্ধান্তই তাহার প্রকৃষ্ট প্রমাণ।


“বিজলী”

শ্রীমলিনীকান্ত গুপ্ত।

অনন্তলাল।

—

(পূর্বে প্রকাশিতের পর)



[পূর্বে পরিচ্ছেদগুলির সার—অনন্তলাল রতনপুরের জমিদার। অগ্ৰণ্ড হটেরাও দানশীল; ভিতরে কথা ছিল—
তার ত্রিচালক গুরুজীর কথায় অনন্তলাল অসাধ বিধাস; তিনি ভবিষ্যতে গুপ্তধন প্রাপ্তি আশা দিয়া অনন্তলালকে
আরও দানশীল করিয়া তুলিয়াছিলেন—মোটা হাতে নিজেও লুটিতেছিলেন। অনন্তলাল সভায় মো-সাহেবের অডাক
ছিল না—তাদের রকম নানা রকম,—হরিশ ছিল শুভাকাঙ্ক্ষী; আর নিপিন প্রভৃতি খাঁটি মো-সাহেব। জমিদারের
জাতিয়া বন জি লপকা পায়া—শুভ্রের অঙ্গ পুষ্ট ও বাবু! বনরাঙ্গের এক দূর সম্পর্কীয় ভ্রাতা ব্রজেন্দ্র, ছেলোট
স্বশীল ভবোধও বটে,—তুহ—অনন্তলাল অগ্ৰণ্ডের জমিদার বাটীতে থাকিয়া কালিকাতায় কলেজে পঠিত। অনন্তলালের
এক বন্ধুজনী শিশিরের ছিল সে শিকড়;—শিকড় ও ছত্রাতে ভাবটা ক্রমে গাঢ় হটেরা আনিতেছিল,—সহানুভূতির
অবেদন। আশার কুহেলী লইয়া সংসার, অনন্তলালের অগ্ৰণ্ডেরই মস্তক ছাড়াইয়া উঠিয়াছে,—প্রায় সংসার
অচল—এই সময় শ্রী শ্রী গুরুজীর রতনপুরে আগমন,—অনন্তলাল গুরুজীর কৃত্তিক।—গুপ্তধন লাভের আশায় উৎকর্ষ।]

চতুর্দশ পরিচ্ছেদ ।

—o—

স্বামীজী গাড়ী হইতে অবতরণ করিবানাত্ৰ অনন্তলাল ভূনিষ্ঠ হইয়া তাঁহাকে প্রণাম করিলেন । শুরু শিয়াকে কোল দিলেন ; তথায় বৈশিষ্ট্য অপেক্ষা না করিয়া অনন্তলাল তাঁহাকে তাঁহার জন্য নির্দিষ্ট কক্ষে লইয়া গেলেন । সেখানে অন্যের প্রবেশ নিষেধ ছিল ।

স্বামীজী আসন গ্রহণ করিলে অনন্তলাল পৃথক আসনে উপবেশন করিলেন । তখন স্বামীজী হাসিতে হাসিতে বলিলেন,—“বেশি দূরের Railway journey বড় Teasing বড় পরাধীন ।”

অনন্তলাল বলিলেন,—“মাঝে এক যাত্রগার নেমে একদিন বিশ্রাম করে এলেই হ'ত ।”

“না, যে সময়ে আসবো বলে লিখিচি সে সময় ঠিক পুরাত্ন হইবে ত ; নইলে কথা যে মিথ্যা হবে । সে যাক্—সেখানে যাওয়া যাবে কবে ঠিক করেচ ?”

“দিন দুই চার বাদে যাওয়া যাবে—কি বলেন ? আমার হাতে এখন কিছুই নাই কিন্তু টাকা নিয়ে যেতে হবে ত ? দীক্ষা গ্রহণ করতেও কিছু খরচ হবে ।”

“হাঁ, তা ত ঠিক । আর এক কথা—কাশীর কতকগুলি সন্ন্যাসীকে ভোজন করিতে আমার কিছু দেনা হয়েছে । আমার আশ্রমে এখন খরচ বেশি হয়েছে । তুমি মাসে মাসে যে টাকা দাও তাতে সব কুলায় না । সে জন্যে বাজার দেনাও আগে হতে হয়ে আছে ।”

“কত দেনা হয়েছে, বলবেন আপনি যাবার সময়ে দিয়ে দেব । আজকাল আমারও হাত সর্ধরা খালি থাকে । তবে আপনার আশ্রমে অভাব হবে না । সে দেনা পরিশোধ করে দেব ।”

তখন স্বামীজী তৃতীয় ব্যক্তি তথায় উপস্থিত আছে কিনা দেখিতে একবার-বারের চতুর্দিকে দৃষ্টিপাত করিয়া অপেক্ষাকৃত মুহূর্ত্তে বলিতে লাগিলেন,—“আমি তোমাকে আগেও অনেক বার বলেছি, এখনও বলিচি—তোমার জন্য প্রচুর অর্থ—কোন স্থানে সঞ্চিত আছে । সে দিন সমাধিস্থ হয়ে দেখলাম,—সে সময় এখনও হয় নি । যে দিন দান খরচাতে তোমার এই পৌত্রিক সম্পত্তির নিঃশেষ হবে; সেই দিন সেই গুপ্তধনরাশি তোমার হস্তগত হবে । সে জন্য চিন্তা কোরা না ।”

অনন্তলাল কিছুই উত্তর না করিয়া মৌন হইয়া রহিলেন। তিনি বুঝিলেন তাঁহার পৌত্রিক সম্পত্তি নষ্ট না হইলে, তিনি স্বামীজী কথিত গুণ্ডধনরাশি পাইবার যোগ্য হইবেন না। কিন্তু সে ইচ্ছা মনোমধ্যে পোষণ করিবার উপযুক্ত বৈরাগ্য তখনও তিনি উপার্জন করিতে পারেন নাট। সুতরাং এ প্রসঙ্গ পরিত্যাগ করিবার জন্য বলিলেন,—“এ মহাত্মার সঙ্গে আপনার পরিচয় হলো কখন?”

স্বামীজী বলিলেন,—“এ পরিচয় এক জন্মের নয়। তবে এ জন্মের পরিচয় কিছু দিন পূর্বে কালীতে হয়েচে। আমি একদিন আশ্রমে কি একটা কাজ কর্চি এমন সময়ে একজন গিয়ে খবর দিলে যে, একজন মহাত্মা আমার ড়য়ারে সাক্ষাৎ প্রার্থী হয়ে দাঁড়িয়ে আছেন,—আমি তাড়াতাড়ি বাহিরে যাষামাত্র তিনি আমার দিকে চেয়ে, হাস্তে হাস্তে বললেন,—“কি একেবারে ভুলে গেচ?”

“আমি তখনই অস্তুচক্কুতে দেখলাম, এ যে সাক্ষাৎ কৃষ্ণদেবপায়ন। অমনি ভূমিষ্ঠ হয়ে প্রণাম করে, ভিতরে নিয়ে গিয়ে বসালাম। বদরিকাশ্রম থেকে কবে এলেন জিজ্ঞাসা করিলাম। তিনি বললেন এখন সে স্থান ত্যাগ করে, কিছুদিনের জন্য বাঙ্গলা দেশে আশ্রম করে বাস করছেন। বদরিকাশ্রম ত্যাগ করে এ দেশে বাস করবার কতকগুলি কারণ বললেন। তার মধ্যে একটি প্রধান কারণ, তোমাকে শিষ্য করা।”

অনন্তলাল আশ্চর্য্যান্বিত হইয়া জিজ্ঞাসা করিলেন,—“আমাকে কি তিনি জানেন?”

স্বামীজী গম্ভীরভাবে উত্তর করিলেন,—“অনেক জন্ম জন্মান্তর হতে তিনি তোমাকে জানেন। তিনি আরও বললেন যে তুমি পূর্বে পূর্বেজন্মে বিষ্ণু মন্ত্রধারী ছিলে। এ জন্মে যে বংশে জন্মেচ, সেই বংশের মন্ত্র অর্থাৎ শক্তিমন্ত্র তোমাকে গ্রহণ করতে হয়েচে। কিন্তু এ মন্ত্রে তুমি সিদ্ধ হতে পারবে না। আর আর জন্মে বিষ্ণুমন্ত্রে অনেক পরিশ্রম করেচ। এইবার আবার সে মন্ত্র পেলে সে পরিশ্রম সফল হবে। আর সে মন্ত্র তাঁর কাছে তোমাকে পেতে হবে।”

রাত্রি অধিক হইয়াছে দেখিয়া অনন্তলাল বলিলেন,—এখন আর অন্য কথার কাজ নেই, আপনি ভোজন করে বিশ্রাম করুন। রাত্রি অনেক হয়েচে, আপনার শরীরও ক্লান্ত আছে।”

তখন তাঁহার আজ্ঞাক্রমে একজন ভৃত্য স্বামীজীর ভোজনের স্থান জলসিক্ত ও পরিস্কৃত করিল এবং পাচক ব্রাহ্মণ ভোজ্য দ্রব্য আনয়ন করিয়া তথায় রক্ষা করিল। পরে স্বামীজী ভোজন করিতে বসিলেন। ভোজন শেষ হইলে তাঁহাকে শয়ন করাইয়া অনন্তলাল অন্তরে গমন করিলেন।

পঞ্চদশ পরিচ্ছেদ।

—:—

অনন্তলালের মূণের পরিমাণ অত্যধিক হওয়ায় ইদানী তাঁহার মহাজনেরা যথাসময়ে সুদের টাকা পাইত না, এবং সেইজন্য তাহাদের মধ্যে অনেকেই তাঁহার উপর সন্দেহ ছিল না। একরূপ ক্ষেত্রে তাহারা পুনরায় তাঁহাকে মূণ দান করিতে অসম্মত হইবে ইহা সহজেই অনুমেয়। কিন্তু তাঁহার সভাসদ হরিশ সাহার এক অসাধারণ ক্ষমতা ছিল যে সে এই সব ল মহাজনের নিকট হইতে পুনরায় টাকা কঙ্ক করিয়া আনিতে পারিত। এইজন্য অনন্তলাল তাঁহার এত বাধ্য। অতি প্রত্যায়ে তিনি তাহাকে নিভৃত্তে লইয়া গিয়া বলিলেন,—“হরিশ স্বামীজী ত এসেছেন। এখন কিছু টাকা না হলে সেখানে যাওয়া হয় না। তুমি ভিন্ন এ কাজ আর কারো দ্বারা হবে না।

হরিশ বলিল,—“তাই ত, এখন টাকার যোগাড় হয় কোথা থেকে? মহাজনেরা সব চটে আছে।”

অনন্তলাল বলিলেন,—“কাজ শকুই যদি না হবে, তা হলে তোমাকে বলব কেন? তুমি না হলে টাকাও হবে না, তুমি না গেলে সেখানে যাওয়াও হবে না।”

হরিশ প্রীত হইয়া বলিল,—“আজ আমি কলিকাতায় যাই ত, দেখা যাক কি হয়।”

এই বলিয়া সে কলিকাতায় যাইবার জন্য প্রস্তুত হইতে গেল। তখন অনন্তলাল কতকটা নিশ্চিন্ত হইয়া, আফিম ও চা সেবন করিতে গেলেন।

রাত্রি প্রায় দেড় প্রহরের সময় হরিশ সাহা টাকা আনিয়া তাঁহাকে প্রণাম করিল। তখন তাঁহার আফিমের পরিসীমা রহিল না। তিনি টাকার তোড়া হস্তে হাসিতে হাসিতে অন্তরে প্রবেশ করিলেন।

পরদিন প্রাতঃকালে স্বামীজী, অনন্তলাল, হরিশ সাহা ও একজন ভৃত্য ঘরের কম্পাস গাড়ীতে ভদ্রেশ্বর ষ্টেশনে যাত্রা করিল। গাড়ী আসিতে বিলম্ব আছে দেখিয়া, সকলে বিশ্রামাগারে যাওয়া প্রবেশ করিল। হঠাৎ হরিশচন্দ্রের মনে পড়িল, একটিও ছত্র সঙ্গে লওয়া হয় নাই। ভাদ্র মাস, কখন কোথায় বৃষ্টি হয় বলা যায় না। সে বলিল, এ সময়ে ছাতি ফেলিয়া আসা বড়ই অন্যায হইয়াছে। অনন্তলাল বলিলেন,—“ভয় কি ? বৃষ্টি হবে না। আর যদিই হয়, তবে সে কষ্ট কি সহ হবে না ? মানুষ ত কাগজের নয়, যে গলে যাবে। স্বামীজীর ত ছাতি নাই, এঁর কি চলে না ?”

স্বামীজী বলিলেন,—“না হে, তেমন তেমন দেখলে মাঝে মাঝে আমাকেও ছাতি মাথায় দিতে হয়। তা ছাড়া, তোমরা গৃহী, তোমরা আমাদের মত কষ্ট সহ্য করতে পারবে না।”

“খুব পারব”—এই বলিয়া অনন্তলাল ঘড়ি বাহির করিয়া একবার তাহাতে দৃষ্টিপাত করিলেন। পরে বলিলেন,—“হরিশ টিকিট লওগে।”

হরিশ ঘর হইতে বাহির হইয়া গেল, তিনি অক্ষুট স্বরে স্বামীজীকে বলিলেন,—“আমার বেন বোধ হচে কে একজন আমাদের সঙ্গে সঙ্গে এসেছেন ! তিনি কে ?”

স্বামীজী বলিলেন,—“তা আর বুঝতে পারচ না ? ধীর কাছে চলছে তিনি।”

অনন্তলাল আশ্চর্যাবিত হইয়া, তাঁহার মুখের দিকে চাহিয়া রহিলেন।

গাড়ী আসিল—তাঁহারা প্রথম শ্রেণীতে আরোহণ করিলেন। বেলা প্রায় পাড়ে এগারটার সময়ে তাঁহারা চন্দ্রহাট ষ্টেশনে যাইয়া অবতরণ করিলেন। ষ্টেশন হইতে দুই ক্রোশ দূরে “বিশালা” নামক বন। এই বনমধ্যে স্বামীজী কথিত কুম্ভধ্বপায়ন বেনবাস আশ্রম করিয়া বাস করিতেছেন।

পূর্ব হইতে মেঘ করিয়াছিল টপি টপি বৃষ্টি পড়িতে লাগিল। হরিশ ভাড়াভাড়া গরুর গাড়ীর সন্ধানে গেল। কিন্তু গাড়ী মিলিল না। এ সময়ে গাড়োয়ানেরা কৃষিকার্য্যে ব্যস্ত, গাড়ী বহিতে বাহির হয় না। স্বামীজী বলিলেন, “তবে কি হবে ?”

অনন্তলাল বলিলেন, “চলুন, হেঁটেই যাব। ড্রকোশ বইত নয়।”

স্বামীজী বলিলেন, “জল পড়্চে যে ! তোমাদের সঙ্গে ছাতি নাই।”

“তা পড়ুগ্গে, তাতে আর গলে যাব না। আপনি পারবেন আর আমরা পারবো না ?”

তখন সকলে ষ্টেশন হইতে বাহির পদব্রজে বহির্গত হইল। হরিশ একখানি বস্ত্র চারি ভাঁজ করিয়া, তদ্বারা অনন্তুগালের মস্তক আবৃত করিয়া দিল। স্বামীজী উত্তরীয়-বস্ত্র নিজ মস্তকে দিলেন।

ষ্টেশন হইতে “বিশালা” বনে যাইতে ভাল রাস্তা নাই। কোন কোন স্থানে অত্যন্ত কাঁদা। কিছুদূর যাইতে না যাইতে মুষলধারে বৃষ্টি পড়িতে আরম্ভ করিল। উপরে জল, নীচে কাঁদা ; তাহার উপর কাপড় চোপড় সমস্ত ভিজিয়া গিয়াছে। অনন্তুলাল বড়লোক ;—এরূপ কষ্ট কখনও সহ করেন নাই। তা ছাড়া তিনি অফিসেনসেবী ; ভিজিতে ভিজিতে এক ক্রোশ পথ অতিক্রম করিয়া প্রায় চলচ্ছক্তিহীন হইয়া পড়িলেন এবং অতি কষ্টে পথ অতিবাহিত করিতে লাগিলেন। তখন স্বামীজীকে দেখিয়া মনে হইতেছিল তাঁহারও অত্যন্ত কষ্ট হইতেছে।

এইবার মহান্ন্যার অণবা ব্যাস দেবের আশ্রম নয়নপথবর্তী হইল। এত কষ্টেও ভবিষ্যতের আশায় সকলে উৎফুল্ল হইলেন,—আশাই মানুষের জীবন !

ক্রমশঃ—

শ্রীনলিনীনাথ গুপ্ত।

অর্থের মূল্য।

গতবারে* বলিয়াছিলাম যে বিনিময়ের প্রয়োজনের অপেক্ষা যদি দেশে চলতি অর্থের পরিমাণ বেশী হয় তাহা হইলে জিনিষপত্রের দাম যে বাড়ে সেই তবুটা এবার বলিব ! কিন্তু সেই তবু শুরু করিবার পূর্বে অর্থের মূল্য কি তাহাই বুঝিবার চেষ্টা করা যাউক।

* পরিচায়িকা বৈশাখ ১৩৩২ ‘বাড়তি টাকা ও চড়া দর’ প্রবন্ধ দ্রষ্টব্য।

দ্রব্যের যে শক্তি বা গুণ থাকাতে উহার বিনিময়ে অন্যান্য পদার্থ পাওয়া যায় তাহাকেই উহার মূল্য কহে। এক মণ পাট দিয়া যদি দুই মণ ধান পাওয়া যায় তাহা হইলে এক মণ পাটের মূল্য দুই মণ ধান অর্থাৎ পাটের মূল্য ধানের মূল্যের দ্বিগুণ। কিন্তু দ্রব্যের কি গুণ থাকিলে উহার বিনিময়ে অপর দ্রব্য পাওয়া যায়? প্রথম গুণ প্রয়োজনীয়তা;—অর্থাৎ দ্রব্যটি লোকের কোনও অভাব মিটাইবার উপযুক্ত হওয়া চাই। আবশ্যক বোধ করিলে তবে তো লোকে উহা পাইবার চেষ্টা করিবে। কেবল দ্রব্যের প্রয়োজনীয়তা থাকিলেই চলিবে না। উহা অপ্রচুর হওয়া চাই। প্রাণ ধারণের জন্য বায়ু চাই প্রত্যেকেরই, কিন্তু সকল লোকের যে পরিমাণ বায়ু দরকার তাহার তুলনায় বায়ুর যোগান্ অনন্তব বেশী বলিয়াই উহার প্রয়োজনীয়তা থাকা সত্ত্বেও লোকে উহার বিনিময়ে কিছু দিতে রাজী হয় না। পূর্কের দুইটি গুণ ছাড়াও দ্রব্য হস্তান্তর করিতে পারা যায় এমন হওয়া দরকার। দ্রব্যের এই তিনটি গুণ থাকিলে উহা বিনিময় যোগ্য হয়। পাটের এই সব গুণ আছে বলিয়াই পাটের বিনিময়ে ধান, চা'ল, তেল, ঘি, ময়দা, কাপড় ইত্যাদি সকল দ্রব্যই কিছু না কিছু পাওয়া যাইতে পারে। অবশ্য এক মণ পাটের বিনিময়ে সকল দ্রব্যই যে একই পরিমাণে বা একই সংখ্যায় পাওয়া যাইবে তাহা নহে। নির্দিষ্ট পরিমাণ কিছু পাটের বিনিময়ে অন্যান্য সকল দ্রব্যই কম বা বেশী কোন নির্দিষ্ট সংখ্যায় বা পরিমাণে পাওয়া যাইতে পারে, তাহাকেই পাটের মূল্য কহে। সকল দ্রব্যের পক্ষেই এই নিয়ম। কোনও দ্রব্যের মূল্য কি জানিতে হইলে উহার নির্দিষ্ট পরিমাণের বিনিময়ে কোন দ্রব্য কতটা পাওয়া যাইবে তাহা নিশ্চয় করিলেই উহার মূল্য জানা যাইতে পারে।

এখানে একটি বিষয়ে আমাদেরকে সাবধান হইতে হইবে। আমরা আমাদের দৈনিক কথাবার্তায় 'মূল্য' শব্দটিকে নানান অর্থে ব্যবহার করিয়া থাকি। কখনো হয়তো 'প্রয়োজনীয়তা' বুঝাইতেই মূল্য শব্দ ব্যবহার করি; আবার কোথাও উহার ব্যবহার করি 'বিনিময়-মূল্য' অর্থাৎ পূর্কে যে ব্যাখ্যা করিলাম তাহা বুঝাইতে। কিন্তু ধনবিজ্ঞানে মূল্যের এই দ্বিতীয় অর্থটাই বরাবর মনে রাখিতে হইবে। অর্থাৎ দ্রব্যের যে শক্তি বা গুণ থাকাতে উহার বিনিময়ে অন্যান্য পদার্থ পাওয়া যায় তাহাকেই উহার মূল্য কহে। অন্যান্য দ্রব্যের সহিত বিনিময়ের তুলনা দ্বারা কেবল কোন দ্রব্যের কি মূল্য তাহা স্থির করা যাইতে পারে।

মূল্য কাছাকে বলে তাহা বুঝিলাম। পাটের মূল্য, ধানের মূল্য ইত্যাদি সকল দ্রব্যের মূল্য কেমন করিয়া জানিতে হয় তাহাও দেখিলাম। ঠিক এই উপায়েই আমরা অর্থের মূল্য বা অর্থের মূল্যও জানিতে পারি। কোনও নির্দিষ্ট পরিমাণ অর্থের পরিবর্তে ভিনিমের দাম বিনিময়ে সকল দ্রব্য যতটা পাওয়া যায় তাহাই ঐ পরিমাণ অর্থের মূল্য। এক টাকায় যদি পাঁচ সের চাউল, অথবা দুই সের তেল পাওয়া যায়, তাহা হইলে এক টাকার মূল্য পাঁচ সের চাউল বা দুই সের তেলই বলিতে হইবে। অর্থের ও দ্রব্যের এই অদল বদলের সম্বন্ধটাকে সাধারণতঃ সমাজে ‘অর্থের মূল্য’ এই ভাষায় প্রকাশ না করিয়া ‘দ্রব্যের দাম’ এই ভাষায় প্রকাশ করা হয়। কিন্তু মূল্য ও দামের মধ্যে স্বরূপগত বিভিন্নতা কিছুই নাই আট আনার এক সের তেল পাওয়া যায়। তেল ও অর্থের এই বিনিময়ের বা অদল বদলের সম্বন্ধটাকে আমরা প্রকাশ করিতে পারি দুই রকম ভাষায়—(১) অর্থের মূল্য হিসাবে, অথবা (২) দ্রব্যের দামের ভাষায়। এখানে আমরা বলিতে পারি আট আনার মূল্য এক সের তেল ; অথবা একসের তেলের দাম আট আনা। অর্থের ও দ্রব্যের বিনিময়কে দামের ভাষায় প্রকাশ করাই সমাজে চলিয়াছে বেশী। কোনও দ্রব্যের বিনিময়ে অগ্ৰাণু দ্রব্য কি পরিমাণ পাওয়া যাইবে তাহা নির্ণয় করিলে যেমন উহার মূল্য জানা যায়, তেমনি কোনও নির্দিষ্ট পরিমাণ দ্রব্যের বিনিময়ে যতটা অর্থ পাওয়া যায় তাহাকেই সেই দ্রব্যের পণ বা দাম বলা যায়। কোন দ্রব্যকে অর্থের সহিত তুলনা করিলেই তাহার দাম স্থির করিতে পারা যায়। দ্রব্যের যে পরিমাণ বা যে সংখ্যার পরিবর্তে যত অর্থ পাওয়া যায় তাহাই দ্রব্যের সেই পরিমাণ বা সংখ্যার দাম।

সকল দ্রব্যের মূল্য এককালে বাড়িয়া উঠিতেও পারে না, কমিয়া যাইতেও পারে না। মনে করুন, আগে ১ মণ পাটের বদলে দুই মণ ধান পাওয়া যাইত। তখন এক মণ পাটের মূল্য দুই মণ ধান, এবং ১ মণ ধানের মূল্য ½ মণ পাট। কিন্তু ½ মণ পাটের বদলে যদি ২ মণ ধান পাওয়া যায়, তাহা হইলে, পাটের মূল্য বাড়িল বটে, কারণ এই পরিবর্তিত অবস্থায় ১ মণ পাটে ৪ মণ ধান পাওয়া যাইবে ; কিন্তু সঙ্গে সঙ্গে ধানের মূল্য কমিয়া গেল। আগে ১ মণ ধানের মূল্য ছিল ½ মণ পাট, এখন হইল দশ সের পাট। তাহা হইলেই দেখা যাইতেছে যে সকল দ্রব্যের মূল্য এককালে বাড়িয়া বা কমিয়া যাইতে পারে না। কিন্তু, সকল দ্রব্যের দাম এককালে

বাড়িয়া বা কমিয়া যাওয়া সম্ভব। কারণ যে মাপকাঠি অর্থাৎ যে অর্থের সহিত তুলনা করিয়া আমরা পণ্য দ্রব্যের দাম ঠিক করি, সেই অর্থের মূল্যই যদি কোন কারণে পরিবর্তিত হইয়া যায়, তাহা হইলে প্রত্যেক জিনিষেরই দামেরও নড়চড় হইবে। আমরা দৈনিক দেখিতে পাই কোনও একটা জিনিষের দাম হয় তো বাড়িয়াছে, আরেকটার দাম কিছু কমিয়াছে, অপর একটা জিনিষের দাম হয়তো ঠিকই রহিয়াছে। এই যে দ্রব্য বিশেষের দামের নানা রকম পরিবর্তন উহার কারণ ওই সব জিনিষের টান্ যোগানের কষাকষি। কিন্তু যখন দেখিতে পাই যে একটা দেশে সব জিনিষেরই দাম চড়িয়া চলিয়াছে অথবা কমিতেছে তখন বুঝিতে হইবে যে দেশের অর্থের কিনিবার ক্ষমতা কোনও কারণে কমিয়াছে বা বাড়িয়াছে।

মনে করুন, ১০০ শত কমলানেবুর দাম ৫ পঁচ টাকা। তাহা হইলে, এক টাকার পাওয়া যাইবে ২০টা কমলানেবু। এখানে কমলা ও অর্থের অদল বদলের তুলনায় এক টাকার মূল্য হইল ২০টা কমলানেবু। কিন্তু কমলানেবুর দাম চড়িয়া যাইয়া যদি শতকরা ১০ দশ টাকা হয়, তাহা হইলে, তখন এক টাকার পাওয়া যাইবে ১০টা নেবু। অর্থাৎ, তখন এক টাকার মূল্য হইবে ১০টা কমলানেবু। তাহা হইলে দেখা যাইতেছে যে কমলানেবুর দাম শতকরা ৫ পঁচ টাকা থাকাতে এক টাকার মূল্য ছিল ২০টা নেবু, আর দাম চড়িয়া শতকরা ১০ দশ টাকা হওয়াতে টাকার মূল্য কমিয়া গিয়া টাকা প্রতি হইল দশটা কমলানেবু। সুতরাং বুঝা যাইতেছে যে জিনিষের দাম বাড়িলে অর্থের মূল্য কমে। তেমনি জিনিষের দাম কমিলে অর্থের মূল্য বাড়ে। দ্রব্যের দাম ও অর্থের মূল্য পরস্পর বিপরীত ভাবাপন্ন। ঠিক দাঁড়ি পাল্লার মতো। কিন্তু একই ঘটনার এপিঠ আর ওপিঠ।

অবশ্য ছুই একটি জিনিষের দাম চড়া বা নরম দেখিয়াই, অথবা কয়েকদিনের বাজার দর যাচাই করিয়াই দামের অথবা অর্থের মূল্যের তেজীমন্দা সম্বন্ধে কোনও মতামত প্রকাশ করা যায় না। কয়েক বৎসর ধরিয়া মানুষের সকল প্রকার প্রয়োজনীয় দ্রব্যাদির দামের তালিকা সংগ্রহ করিয়া তুলনা করিলে তবে সঠিক বলা যায় দামের বা অর্থের মূল্যের গতি কোন দিকে।

আগামীবারে আমরা অর্থের পরিমাণের সহিত জিনিষের দামের সম্বন্ধ আলোচনা করিব।

শ্রীনরেন্দ্রনাথ রায়।

বয়াটে ।

—*—

(পূর্বে প্রকাশিতের পর ।)

তৃতীয়

(ঘরে বাইরে)

এক ।

হাতের লাঠিখানা বগলে তুলে ডান হাতে ব্যাগ নিয়ে সাহেব চলেছিলেন । নব্বনের কথা শুনে আর একবার ফিরে তার পানে তাকিয়ে দেখলেন । নব্বনে বললে—“নিব্ব না সাহেব আমার মুটে করে—তা’হলে আপনারও ঐ ভারি ব্যাগ বহিতে কষ্ট হবে না, আমারও ছুটি খাবার ছুটবে দিন সাহেব ব্যাগটা আমার হাতে ।”

এক নিঃশ্বাসে কথাগুলো ব’লে ফেলে নব্বনে যেন হাঁপাতে লাগলো । তার একান্ত আবেদনের সে সবিনয় মিনতি সাহেবের অন্তরের মধ্যে গিয়ে তাঁর করুণার ঝরণার মুখেই ঘা দিলে বুঝি ! তিনি ফিরে এসে নব্বনের রক্তহীন, খোলা ছুটি চোখের ওপর দৃষ্টিটা সেকেণ্ড চা’র পাঁচ নিশ্চল করে রেখে—তার পর দেহখানা আগাগোড়া দেখে নিয়ে পরিষ্কার বাঙলায় জিগ্গেস করলেন—“আজ কি খেয়েছ ?”

“আজকে ?” বলে নব্বনে সাহেবের দিকে তাকিয়ে চূপ করে রইলো । তার সে নির্ঝাঁকু কথার মানে বুঝতে সাহেবের এক নিমেষও দেরী হ’ল না । ছল ছল চোখের সক্রমণ নোন বাণী স্পষ্ট করে বলার চেয়ে সাহেবের কাছে অনেক বেশী খবর ইঙ্গিতে ব্যক্ত করে দিল । তিনি পকেট থেকে একটা শিকি বার করে নব্বনের হাতে দিতে গেলেন—নব্বনে নিল না । সাহেব ব্যাগটা নব্বনের হাতে দিয়ে বললেন :—“এস ।”

সাহেবের পিছনে ব্যাগ নিয়ে নব্বনে । সাহেব বরাবর গিয়ে একটা চায়ের দোকানে উঠে জিগ্গেস করলেন—“আপনাদের টাটকা হুধ আছে ?”

চা-ওয়ালার মুখটা একটু গম্ভীর করে জবাব দিলে—“আমাদের এটা চায়ের দোকান ঘোলের দরবতের দোকান না মশাই।”

সাহেব আওয়াজটা একটু কড়া করে চড়িয়ে বললেন—“চায়েও কি আপনারা ঘোল মেশান নাকি মশায় ?”

“না চায়ে ছুধই দিই অবিশ্বি।”

“তাই জিগ্গেস করছি—সে কন্ডেন্সড্ মিল্ক্—না গাইএর ছুধ ?”

“তা গাইএর ছুধও দিতে পারি।”

“আচ্ছা বেশ কথা ; ছুনো দাম দোব বুঝলেন ? আদ্বেকটা ছুধ আর আদ্বেকটা চা দিয়ে আমাকে দিন তো।” বলে নব্বেনেকে হাতে ইশারা করে কাছে ডেকে একথানা বেঞ্চ দেখিয়ে দিলেন—ব্যাগটা রাখতে। তা পর বললেন—“বসো চা খাবে ?”

নব্বেনের ক্রোধের জ্বালা তো জ্বালামুখীর আগুনের মত দিন রাতই জ্বলছে। টি, চপ্, কাটলেট কারীর মধুর গন্ধ রেস্টোরার্স রান্নাখর থেকে গরম হাওয়ার ভেসে এসে পঞ্জর-সার খাওয়ার বাসনাটাকে প্রতি মুহূর্তে স্থূল করে বাড়িয়ে তুলছিল। কিন্তু খাবে যে তার পয়সা কই ? সে সাহেবের কথার উত্তরে স্পষ্ট “না” বলে মাথাটা নীচু করলে। সাহেব একটু ঝুঁকে পড়ে তার কানে কানে বললেন :—“তোমার মজুরী আমি আগোয়া দিচ্ছি।”

নব্বেনে হঠাৎ খুসী হয়ে উঠে বললে :—“আচ্ছা খাব।”

সাহেব বললেন :—“ছুপেয়ালার দেবেন, বুঝলেন।”

“বয়” ছুপেয়ালার চা সামনে রেখে জিগ্গেস করলে—“আর কিছু দোব—ডেবিল মার্টিন চপ্—”

“The devil—” বলে মুচকী ভেসে সাহেব বললেন—“আচ্ছা ছুপাইজ করে কটা,—মাথাম বেশী করে দিও।—আর তোমাদের মুরগীর ডিম আছে—?”

বয় বলে “আছে।”

“আচ্ছা ছুটো হাফ বয়ল” বলে সাহেব তাঁর পেয়ালার চুমুক দিলেন।

খাবার সব এল। নব্বেনে চার দিন পরে আজ খাচ্ছে। গলার ভেতর কটা ঝাঁটকে আসছিল ; এক এক সিপ চা খেয়ে গলা ভিজিয়ে নিয়ে সে কষ্টে খাবার গিললো। সাহেব তাকিয়ে

তাকিয়ে এক একবার তা দেখলেন—কিন্তু কিছু বলেন না।

খাবার শেষ হয় হয় এমন সময় সাহেব রেস্টোরার ম্যানেজারকে জিগ্গেস করলেন—
“শেরালদা থেকে আপনাদের রেস্টোর’র হয়ে ঘুরে জানবাজার (কপোর্শন স্ট্রীট) যেতে কুলী
কত মজুরী নিতে পারে মশায় ?”

ম্যানেজার বলেন—“তার কি কিছু ঠিক আছে—যা দিয়ে পারেন।”

“তবু, কি দিলে কুলীর ঠকা হবে না মনে করেন ?”

“হ’ আনা।”

“আচ্ছা, আপনাদের কত হ’ল ?”

“ন আনা।”

“এই রইল” সাহেব দশ আনা পয়সা টেবিলের উপর রেখে বয়কে “There is your বক্শিস্”
বলে ম্যানেজারকে “Good morning জানিয়ে বেরিয়ে এলেন। নব্নে ব্যাগটা নিয়ে তাঁর
পেছনে চললো। চার দিনের পরের এই খাবার নব্বনের পেটের ভেতর ছএকবার ওলট পাগট
করে উঠলো, কষ্টে মুখ চেপে খানিকটা হাঁটলে। বমির ভাবটা কমে গেল। তখন গায় একটু
যেন বলও এল তার। সাহেবের সঙ্গে সঙ্গে সমানেই চলতে লাগলো। ব্যাগটা পুরো বোঝাই—
বেশ ভারি। হাতে করে আর নিতে না পেরে নব্বনে ঘাড়ের ওপর তুলে দুহাত দিয়ে চেপে ধরে
যেতে লাগলো। সাহেব ফিরে ফিরে এক একবার তাকিয়ে তাকিয়ে দেখলেন।

ওয়েলিংটন স্ট্রীটে ভীম নাগের সন্দেশের দোকান ছাড়িয়ে বা দিকের ফুটপাথে একটুখনি
এগিয়ে গিয়েছে যখন পেছন থেকে নব্বনের ডান হাতের কাছ দিয়ে একখানা ‘ফিটন’ ছুটে এল।
নব্বনে আর গাড়ীতে ‘যোতা’ ঘোড়াটার ভেতর বড় জোর হাত তিনেক জায়গা ছেড়ে দেওয়া
আছে। তেজী ঘোড়ার পারের লোহা রাস্তার পাথর-ভাঙা বুকের ওপর খট-খটাং শব্দ করে
উঠছিল। হঠাৎ “গেল গেল”—বলে রাবড়ীওয়ালারা চোঁচিয়ে উঠলো; সবাই তখন চারিদিক
থেকে কোলাহল ক’রে উঠলো—“গেল গেল;”—আর এক সেকেণ্ড—ঘোড়াটা দৌড়ের-মুখে-
তোলা সামনের পা একখানা ফেলবে—আর তিন বছরের সে ছোট ছেলেটা ঘোড়ার পারের নীচে
পড়ে গড়িয়ে-আসা চাকার তলায় গুঁড়িয়ে ছাতু হয়ে যাবে। সে একেবারে গাড়ীর সামনে চেপে
এসে পড়েছিল।

এক নিমেষের ভেতর নব'নের দেহে বৃষ্টি শক্তির দেবতা তাঁর দেহের অমানুষিক বহু সঞ্চায় ক'রে দিয়ে গেলেন—সে, নিশ্বাস একটা ফেলতে যতক্ষণ লাগে তারও অর্ধেক সময়ের ভেতর বিদ্যুতের চমকের চেয়েও বেশী তাড়াতাড়ি ঘাড়ের ব্যাগটা রাস্তায় ফেলে লাফিয়ে গিয়ে—ঘোড়ায় তোলা পাখানার স্মৃথ থেকে ছেলেটাকে বাঁহাতে ক'রে একটা ঝেঁটকা টান মেরে তুলে নিলো—কিন্তু ঝেঁটকের মুখে নিজের দেহখানা ঠিক খাড়া রাখতে না পেরে, ছম্‌ড়ী খেয়ে প'ড়ে গেল। কোচ'মান যতটা সম্ভব জোরে রাস ক'সে টেনে ধ'রে ঘোড়াটাকে প্রাণপণ চেষ্টায় রুখলেও—ঘোড়া বাঁপাখানা ফেললে—সে পা প'ড়লো—ন'ব'নেরই পিঠের ওপর। কিন্তু ছেলের গায় অ'চড়টীও লাগলো না—ন'ব'নে প্রাণপণ শক্তিতে বাঁহাতখানা সটান ক'রে ছেলেটাকে ধ'রে রেখেছিল। সবাই চেষ্টামেচি ক'রে উঠলো—“ধর ধর—হাত ফ'স্কে প'ড়লো বৃষ্টি।”

এর মধ্যে সাহেব ঝটিতি এসে ছেলেটাকে ন'ব'নের হাত থেকে নিয়ে—পাশের একজন লোকের হাতে দিয়ে তখ'ণুনি আবার ছ' হাত দিয়ে টেনে ন'ব'নেকে বার করে আনলেন।

লোকগুলো আবার চেষ্টা করে উঠলো—“বেঁচেছে বেঁচেছে ছ'জনেই বেঁচেছে।”

ন'ব'নের ময়লা কালো জামাটা ছিঁড়ে ফ'ক হ'য়ে গেছিলো—পিঠ কেটে রক্ত বেরো!ছিল—হাঁটুর নীচে ও উরোতে অনেকখানি গভীর হ'য়েই ছ'ড়ে গিয়েছিল।

সাহেব তাকে টেনে আনতেই ন'ব'নে নেতিয়ে মাটাতে লুটিয়ে প'ল। ক্ষুধিতের মস্তিকের সকল জ্ঞান এই আকস্মিক উত্তেজনা আর আঘাতে অকস্মাতই লুপ্ত হ'য়ে গিয়েছিল। সাহেব ন'ব'নেকে কোলে ব'য়ে নিয়ে রাস্তার পাশের কলের কাছে জলের ধারের মুখে মাথা এগিয়ে ধ'রে এক জনকে ব'ললেন—“কল টিপে ধর।” ন'ব'নের মাথায় জলের ধারা স্নিগ্ধতার অমৃত-ধারা ঢেলে দিল, সাহেব চোখে মুখে জলের ঝাপটা মারতে লাগলেন—মিনিট দশেকের ভেতরেই ন'ব'নের জ্ঞান ফিরে এল, সে চোখ মেলে তাকালো। সাহেব কুটপাথের ওপর ব'সে কোলের ওপর ন'ব'নের মাথা রেখে ব্যাগ খুলে—একখানা চন্দনের হাতপাখা বার ক'রে তাকে আন্তে আন্তে হাওয়া ক'রলেন—খানিকটা। ন'ব'নে হাওয়ায় জলে ঠাণ্ডা হ'য়ে বল পেয়ে সহজ জ্ঞানে উঠে ব'সল। এক লহমা বসেই—ন'ব'নে ঝেঁড়ে ঝেঁড়ে উঠে দাঁড়িয়ে দু'টা হাত একসঙ্গে সামনের

দিকে বাঁড়িয়ে হবার ঝাঁকি দিয়ে নিল। তা'রপর সাহেবকে বলে—“দিন ব্যাগটা বন্ধ ক'রে
—চলুন।”

ফিটনের যাত্রী সাহেব গাড়ী থেকে নেবে এসে এখানেই দাঁড়িয়েছিল। রাবড়ীওয়ালার
বউ—তার নাকে জোড়া নং—ছেলেকে কোলে ক'রে কেবল ব'ল্ছিল “হা ভগবান,—হে
মহেশ্বর, ওমা কালী,—পরের ধন, এ ভাল ষা'নবের ছেলের জ্ঞান ফিরিয়ে দাও ঘোড়ার পায়ের
তলায় নিজের পিঠ পেতে দিয়ে থোকাকে আমার বাঁচিয়েছে, ওকে ভূমি বাঁচাও মা, আমি পাঁচ
লিকের পূজা দেব।”

এইবার ন'ব'নে উঠে দাঁড়াতেই—সে আর রাবড়ীওয়ালার—তার স্বামী—একসঙ্গে ছুটে এসে
—ন'ব'নেকে ব'লে “ধা উপ্কার আমাদের আজ ক'লে বাবা—কি দোব তোমায়?”—রাব্‌ড়ী-
ওয়ালার বউ ব'লে “কি দোব বাবা।”

ন'ব'নে একটু হেসে ব'লে—“খেতে না পেয়ে কোন দিন যদি দোকান গোড়ায় এসে
দাঁড়াই—তু চুমুক রাবড়ী দিয়ে আমার বাঁচাও মা।”

“আমায় 'মা' ব'লি বাবা, আমার ছেলেকে বাঁচিয়েছি—তুইও আমার ছেলে, আর রাবড়ী
থাবি।” ব'লে গয়লা বউ ন'ব'নের হাত ধ'রে টানলো।

ফিটনের সাহেব অমনি পকেট থেকে পাঁচটা টাকা বার ক'রে ন'ব'নের কাছে বাঁড়িয়ে ধ'রে
ব'লেন—লো কুপিয়া রাবড়ী পিও—মিঠাই খাও।”

ন'ব'নে ব'লে—“সাহেব, টাকার লোভে কি আমি গাড়ীর নীচে ছুটে গিয়েছিলাম?
তোমার টাকা আমাকে নয় পারতো যার ছেলে তাকে দিয়ে যাও—আর মা, রাবড়ী আজ খাব
না—ক্ষিধের আবার যেদিন মরার মতন হব—সেই দিন আস্বো—সে হয়তো পরশুই।” ব'লে
সাহেবকে ব'লে—“চলুন।”

সাহেব চুপ ক'রে দাঁড়িয়ে সব শুনছিলেন আর একখানা নোট বইয়ের মত খাতায় সকলের
চোখের আড়ালে টের-চোখে তাকিয়ে তাকিয়ে—কি কি লেখা ছিল তাই এক একবার
প'ড়ছিলেন। ন'ব'নে এবার তাঁর দিকে তাকাতেই খাতাখানা পকেটের ভেতর পুঁকি
ব'লেন—“ভূমি কি আর যেতে পারবে?”

“নিশ্চয় পারবো—আর যেতে হবেই আপোনা মজুরী নিয়েছি।”

“তা আন্ধেক রাস্তা তো এসেছ !”

“আন্ধে না,—চুক্তি ক’রেছি যা, তা শেষ ক’রে করাই নিয়ম । তার আন্ধেক ক’রে আন্ধেক মজুরী পাওয়া যায় না—অন্ততঃ দানী করা অন্যায় ।”

এর মধ্যে সেই বউটী বলে উঠলো—“উঃ ! পিঠ দিয়ে রক্ত ছুটছে যে - ও সাহেব রক্ত বন্ধ কর—বন্ধ কর ।”

পিঠের কাটাটা দিয়ে সত্যিই রক্ত বেরোচ্ছিল । ন’ব্নে তার চাদরখানা চট ক’রে ভিজিয়ে সাহেবের হাতে দিয়ে বলে—“এইটে জড়িয়ে পিঠটা বেধে দিন না দয়া ক’রে ।”

সাহেব আহা উহ কিচ্ছু না বলে পিঠটা বেধে দিতে দিতে বলে—“ছিঁড়ে নিলে ভাল হ’ত, চাদরখানা মস্ত হ’ল । ন’ব্নে বলে—ছিঁড়ে নিলে ভালই হ’ত কিন্তু আমার যে মুড়ী দেবার আর কোন আবরণ নেই, থাক ; কোনো মতে দিন ঐটে আস্তই জড়িয়ে ।”

সাহেব তাই দিলেন । গাড়ীর সাহেবের টাকা পাঁচটা ন’ব্নে ত নিলই না—রাবড়ী-ওয়ালার কিরিয়ে দিল । তার যা লোকসান হ’ল সেটা সময় ।

ন’ব্নে আর দেরী ক’রে লোকের ভিড় জমানো বোকানী মনে ক’রে সাহেবের ব্যাগটা তুলে নিয়ে এগোলো । বউটী বলে—“বেদিন ইচ্ছে হবে বাবা, কিছু খেতে আসিস্ আমার দোকানে ।”

সাহেব হাতের টুপি মাথায় ক’রে আবার চ’ললেন ।

জানবাজারে সাহেবের বাড়ী পৌঁছতে আরও মিনিট পনের লাগলো ।

ন’ব্নে বাড়ীর বারান্দায় ব্যাগ নাবিয়ে দিলে । সাহেব ব্যাগ রাখতে ঘরে গেল ; ন’ব্নে ফিরে রওনা হ’ল ।

সাহেব বেরিয়ে এসে ডাকলেন—“এই পয়সা নিয়ে যাও—তোমার বকসীস্ ।”

ন’ব্নে ফিরে বলে—“আমার মজুরী তো আপনি চায়ের দোকানে দিয়েছেন ।”

* “চায়ের দোকানে সাড়ে চার আনা লেগেছে—আরো ছ’পয়সা তোমার পাওনা,—নিয়ে যাও ।”

ন’ব্নে সাহেবের কাছে গিয়ে হাত পাতলো, সাহেবে ন’ব্নের হাতে একটা টাকা দিলেন । অন্যায় ক’রে সানের ওপর টাকাটা ছুঁড়ে দিয়ে ন’ব্নে চেঁচিয়ে উঠলো—উঃ মুটেগিরিতেও এত

অপমান ! যে ইচ্ছে সেই ভিক্ষে দেয়—কিন্তু যেদিন—নাঃঃ সাহেব, ছ'পয়সা আমার পাওনা টাকা দিচ্ছেন কেন ?”

সাহেব খুব গম্ভীর হ'য়ে জবাব দিলে—“বকসীস্ দিয়েছিলাম ঝাঁকীটা । থাক, তুমি নেবে না যখন নাও ছ'পয়সা ।” ব'লে আর এক পকেট থেকে ছটা পয়সা তুলে ন'ব'নের হাতে দিলেন ।

ন'ব'নে নিয়ে ফিরে যেতেই সাহেব ডেকে আবার ব'লেন—“দেখ—সেলাম ক'রে যেতে হয়—মুটের ব্যবসায় পাকা মারা ওস্তাদ তাদের এই সেলামটা দিতে ভুল হয় না বুঝলে ?”

ন'ব'নে ব'ললে—“বুঝেছি ! সেলাম হজুর ।”

“হাঁ—ঠিক যাও ।” ব'লে সাহেব মুখ ফেরালেন । ন'ব'নে আবার ফিরলো যাবার জন্য ; আট দশ পা গে'ছে সাহেব আবার পেছন থেকে হাঁকলেন—“এইও এ মোটিয়া ।”

কি ! মোটিয়া ? হ'লামই বা আমি মজুর, তাই ব'লে সাহেব,—এমন 'মোটিয়া মোটিয়া' ব'লে চেঁচাবে—কি অপমান !—মোটিয়া মুটে কুলী—কি অপমান !”

না—এ অপমানকে তো মাথার মণি ভূষণ ব'লে বরণ ক'রে নিয়েছি—এই অপমানের বর আজ আমার দশ দিনের ক্ষিধের খাবার দিয়েছে—বেরিয়ে যাবার মুখে প্রাণটাকে আঁকড়ি ফিরিয়ে রেখেছে । ন'ব'নে ফিরে দাঁড়িয়ে ব'লল—কি ব'লছেন ?”

সাহেব একথানা খাতা দেখিয়ে ব'লেন—“এ খাতাখানা কার—আমি ঐ গাড়ীর কাছে তুমি অজ্ঞান হ'য়ে পড়েছিলে যখন—এখানা কুড়িয়ে পেয়েছি ।”

ন'ব'নে লাফিয়ে এগিয়ে এসে ছহাত দিয়ে খাতাখানা ধ'রে ব'লল—“দিন্ দিন্ খাতাটা—ও আমার ; আমারি ওখানা, গাড়ীর কাছে পকেট থেকে প'ড়ে গিয়েছিল বোধ হয় ।”

সাহেব ব'লেন—“দাঁড়াও, দিচ্ছি ;—এ সব কে লিখেছে ?” এই ব'লে সাহেব প'ড়লেন—

“কত অজ্ঞানারে জানাইলে তুমি,

কত ঘরে দিলে ঠাই

দূরকে করিলে নিকট বন্ধু—”

কিন্তু সংমাকে নয় ;—বিধাতার সৃষ্টিতে সংমা এক বেথাপ জিনিষ ।

ন'ব্লে ব'লে—“ও সব ছাই পাঁশ কথা থাক—দিন্ খাতাখানা ।”

“দিচ্ছি”—ব'লে সাহেব আবার প'ড়লেন—“আমার লেখাপড়া হ'ল না ছুঁনের জন্যে তার একজন সংমা আর একজন আমাদের মহিম মাষ্টার ।

মাষ্টার মশায় মনে করেন তিনি খুব পণ্ডিত আর তাঁর চেয়ে ভাল মাষ্টার ছনিয়ার হ'তে পারে না । যে কেউ তাঁর সঙ্গে দেখা ক'রতে যাক,—তিনি অল্প কথা কইতেন লোক দেখলেই বই খুলে ব'সতেন আর ব'লতেন—‘বালকের ন্যায় বেলা ভূমি হইতে উপলখণ্ড সংগ্রহ করিতেছি মাত্র জ্ঞান-মহার্ণব পুরোভাগে অক্ষুণ্ণ রহিয়াছে ।’ এ কথাটা আমরা বার্তা এর মানে কিছুই বুঝিনে—আমাদেরই শোনাতেন বেশী ক'রে । শুনে ‘না না সে কি কথা মাষ্টার মশায়’—না ব'লেই তিনি চাবুক হাঁকাতেন ।

আরে ! ছলনায় ছোট হ'য়ে কি বড় হওয়া যায় ? আর বেতের বদলে কি ভালবাসা মেলে ? চাবুক মেরে যা পাওয়া যায় সেটা মন নয় গানাগাল আর যা বোঝানো হয়—সেটা বিদ্যা নয়—ব্যথা ।”

“কি প'ড়ছেন ও সব ! দিন না খাতাখানা ।”

“আরও আছে দেখছি”—

“মুসলমানকে হিন্দু ঘেন্না করে কি সে মুর্গী খায় ব'লে ? তা হিন্দুও তো কাছিন খায় । আর কাছিম মুর্গীর চেয়ে ছোটত নয়ই—বরং বড় ;—তার আরো চার পা ।”

“বেশত কথা সব লেখা আছে ;—দেখি এ পাতায় ।” ব'লে সাহেব খান পাঁচছয় চিলতে পাতার মাথা গেঁথে বাঁধা, তেলে ধুলোয় ময়লা খাটার আর একখানা পাতা উণ্টে আবার প'ড়লেন—“যে কাজ করে—তারো একটা বিবেক আছে—কিন্তু যে কাজ করায়—সে এ-কথাট ভুল গিয়ে মনে করে—তার কারিগর বুঝি—ক্রমাগত ফাঁকি দিয়েই চলেছে ।

প্রশ্ন । গরীব কুলী, মজুরের অশেষ অপরাধের ভেতর সব চেয়ে বড় ছটো কি কি ?

উত্তর । ১ । তার বাবা গতর খাটিয়ে মাথার ঘাম পায়ে ফেলেও—না খেয়ে মরেছে ;—আর—

২ । সে পূর্ক পুরুষের সম্পত্তির দখিলকার হয়ে আদালতে নামজারী করিয়ে নেয় নি ।

আফ্রিকার গান্ধী—তঁার নিজের দেশে কিরে আসেন না কেন ? সোনার রাজ্য সেইটে না এইটে ?”

সাহেব চোখের পলকে ন'ব'নের ডান হাতখানা তঁার মোটা চওড়া হাতের ভেতর জাপটিয়ে জড়িয়ে নিয়ে জিগ্‌গেস্‌ ক'রলেন—“বল, এ কে লিখেছে—তুমি ?”

ঠাৎ চমকে গেলে লোকের মুখের ভাব যেনন করে বদলে বিকৃত হ'য়ে ওঠে—চকিতের ভেতরে ঠিক তেমনি ক'রে বদলানো, অবাক মুখে ন'বনে সাহেবের মুখের পানে চাইল। সাহেব—সেবার জোর ক'রে ব'ললেন—“বল কে লিখেছে।”

ন'ব'নে ব'ললে “আমি”।

“তুমি আজই নতুন মুটেগিরি ক'রতে বেরিয়েছিলে ?”

“আজ্ঞে হ্যাঁ।”

“পেটের ক্ষিদেয় ?”

“ক্ষিদেয় জালায়।”

“ক'দিন খাও না ?”

“প্রায় উনিশ দিন।”

“চাকরী ক'র্বে ?”

“কি চাকরী ?”

“বয়' থাকবে—আমার কাছে ?”

“বয়' ?”

“হ্যাঁ ; মুটের চেয়ে “বয়' হওয়া কি খারাপ ?”

“তবু—মুটে স্বাধীন তার যে স্বাধীনতার সম্মান—”

সাহেব ন'ব'নেকে বুকে জড়িয়ে ধরলেন। তঁার প্রাণের উচ্ছ্বসিত আবেগ বৃষ্টি বাধা দিয়ে থামিয়ে রাখতে তিনি পারলেন না, নিমেষে গদগদ হয়ে ঐ আন্তরিক আলিঙ্গনের ফাঁকে সে আবেগ পিতার মেহের মত বর্ষার বাদল ধারায় নিঝোরে গ'লে প'ল। তিনি ব'ললেন—“রাজী হও ছোকরা,—তুমি আমার স্বাধীন “বয়' থাকবে। একেবারে স্বাধীন—কোন বাধন, কোনো

শাসন থাকবে না—আমি চোথ রাঙিয়ে কড়া কথা তোমায় কোনো দিন বলবো না—প্রতিজ্ঞা
ক'চ্ছি—।”

ন'বনে চুপ ক'রে থাকলো একটু খানি মোটে,—এক মিনেটও না—তার পর বললে —
“রাজী আছি ।”

“আচ্ছা—এস ভেতরে ।”

ব'লে সাহেব ন'বনেকে হাত ধরে ঘরের ভেতর টেনে গেলেন ।

শ্রীবিমলচন্দ্র চক্রবর্তী ।

অর্ঘ্য

দুঃস্বয়-লিঙের দুর্গম শিরে

মৃত্যুঞ্জয়ী, হে মহাতাপস—

সাধনা তোমার ভেঙ্গে দিল হায়

কোন্ নিষ্ঠুরের বজ্র-পংশ !

মহেশের মতো ত্যাগী ছিলে তুমি

বলীর মতো করিলে দান ;

হে নীলকণ্ঠ ! কণ্ঠ পূরিয়া

হলাহল শুধু করিলে পান—

জীবন চূয়ানো অমৃত-রসে
 গড়িলে নবীন জাতির পীতি
 জীবন-আহবে চিরঞ্জয়ী তুমি
 সত্য-সাধনা তোমার নাথী !
 দেশ-জননীৰ নিদেশ মানিয়া
 দীক্ষা লইলে ভাগের পথে,
 বাসনা তোমার পুণ্ডিতে বাসব
 তুলে নিল তাই আপন রথে !
 নন্দন-হৃদি রঞ্জন তুমি
 লহ, লহ, ওগো প্রাণের হবি—
 নয়নের জলে হে দেব মহান,
 অভিষেক তোমা করিছে কবি ।

শ্রীসরোজকুমার সেন ।

দেশবন্ধু চিত্তরঞ্জন।

—o—

(এক ।)

স্মৃতিপূজা ।

কহিল দেবতা,—

“মরণ মগিত করি এনেছি অমৃত—
জীবন জাগিয়া আছে বিষ-ভাগে মোর ;
হবে যদি দুঃখ-শোক, বেদনা বিস্মৃত
সুধা পান কর সুধী—মোছ ঝাংগিলোর !
মরণ জিনিবে যদি জীবনের রং—
চুমুকে নিঃশেষ করি কর বিব পান !”
পুলকে সরস হাসি ফোভ-রিক্ত মনে—
কহিল সে—“দাও মোরে মৃত্যুহীন মান
অশ্রু চাই, দুঃখ চাই, দৈন্য চাই দান,
কণ্ঠ ভরে দাও করি হলাহল পান ।”

“যত্রে বিশ্বমিদং জগন্মনো জগাম দূরকং ।

তত্ত্ব আ বর্তমানসীংকরায় জীবসি ॥”

(ঋগ্বেদ)

তোনার যে আত্মা বিশ্ব-নিখিলে ছাইয়া গিয়াছে—আমরা আবার তাহাকে ডাক দিতেছি—
তাহা আমাদের মধ্যে বাস করুক ও বাঁচিয়া থাকুক ।

* . * *

কাঞ্চনকঙ্কণের তুফ চূড়ার রক্ত-গোধূলি সহসা ধূসর হইয়া গেল কেন ? কন্যা-কুমারীর
শ্লিষ্টকল বৃক্ষের উপর উচ্ছসিত সাগর মূর্ছিত হইয়া পড়িয়াছে । অভিষেপের অগ্নিবৃষ্টি নামিয়া

প্রকাশ আশার সকল ঐশ্বর্য্য ভঙ্গীভূত করিয়া দিল। এক মহা জ্যোতির পতন হইয়াছে—লক্ষ
 নক্ষত্র কক্ষ হারাইল—তাই বুধি নিখিল নিশ্চল হইয়া গিয়াছে,—বিষ-ধঃগী মূঢ় মুক শুক,—
 বাতাসও বুধি কুঙ্কমাস! বাঙলার ঈশ্বরপাত হইয়াছে—দেশবন্ধু চিত্তরঞ্জন মহাপ্রাণ করিয়াছেন।
 গুনিয়াছ বাঙালি? প্রলয়ের দিনের বহুনির্বোধ গুনিয়াছ? অস্থিসার দেশ-মাতৃকার পঞ্জর-
 বহাল ক'থানির উপর অকস্মাৎ মেরু-চূড়া ভাঙিয়া পড়িয়াছে—এ অনর্থের বার্তা গুনিয়াছ?
 যে মহা ঐশ্বিকের তপঃশক্তির সঞ্জীবনী মস্ত্রে আগরিত জাতির জীবনে প্রভাত পুনিকিত হইয়া
 আসিয়াছিল যত্না যে আজ নির্ভূর আছানে জীবন-যজ্ঞের সে ঐশ্বি হোতাকে টানিয়া লইল!
 তোমার মহাযজ্ঞ পূর্ণ হইল না—সে সংবাদ গুনিয়াছ? বাঙলার বল, বাঙলার মান, দেশের
 মণি-কিরীট চিত্তরঞ্জন নাই—দেশবন্ধু চিত্তরঞ্জন নাই! গুনিয়াছ বঙ্গ! অভাগিনী জননি—
 চীৎকার করিয়া কাঁদিয়া উঠ! বিচুরিত বক্ষে করাঘাত করিয়া—হৃদভাগিনি, আজ আছাড়
 খাইয়া পড়! বাঙালি, চক্ষে কি তোমার অশ্রুধারার সাগর নাই, বক্ষ-মণি হারাইয়া ভারতবর্ষ,
 এখনও ডুমি উন্মাদিনী হইয়া যাও নাই! কৃতবৎসা হৃদভাগিনী, করাল হাতে কাল যে আজ
 তোমার বক্ষের শেষ নিখিটা অক্ষশূন্য করিয়া কাড়িয়া লইয়া গেল—ধরিয়া রাখিতে পারিলে না?
 হৃদয়ের মণি—বক্ষের পক্ষপুটে ঘিরিয়া রাখিতে পারিলে না? লিখিয়া রাখ বঙ্গ, লিখিয়া রাখ—
 ভারত,—বুকের রক্তে লিখিয়া রাখ—২রা আঘাত মঙ্গলবার ১৩৩২ সাল। তোমার ইতিহাসের
 একটা গৌরবময় অধ্যায় লেখা হইতেছিল—সমাপ্তির পূর্বেই ২রা আঘাত সন্ধ্যা ৫।০টার তাহা
 হঠাৎ শেষ হইয়া গিয়াছে। হাহাকারে আকাশ দীর্ণ করিয়া কাঁদিয়া উঠ ভারত, পৃথীভূত দীর্ঘশ্বাসে
 ধ্বংসমান মেঘ সৃষ্টি করিয়া বিশ্বভরা অশ্রুর বৃষ্টি নামাইয়া দাও—সকলে মিলিয়া কাঁচুক;—অস্তর-
 ব্যথা—নরনাসারের নিখর-ধারার গলিয়া পড়ুক।—এ রক্ত তোমার গেল—আমার গেল,—
 চীনের গেল, জাপানের গেল—ইউরোপের গেল—ইংলণ্ডের গেল। এ যে কোহিনুর মণি—
 প্রলুপ্ত আশ্রয়ে সারা বিশ্ব ইহার ছাতিমান্ গরিমায় গৌরবাবিভ হইবে বলিয়া চাহিয়া ছিল।
 কিন্তু হৃদ্যন্ত দস্যুর মত যত্না আসিয়া আচম্বিতে সে রক্ত হরণ করিয়া লইয়া গেল! তোমারই
 বক্ষের উপর হইতে কৌতুভ হরণ করিয়া লইয়া গেল—ভারত! কুরু হৃৎপিণ্ডের বেদনা-ঘন
 স্পন্দন বুধি মর্শের চলা তোমার বক্ষ করিয়া দিবে। অভাগিনি, বিশ্ব-বিজয়ী বীর—সপ্ত সমুদ্রের
 সুভাষা জয় করিয়া আনিয়া তোমার কৰ্ণাভরণ গাথিয়া দিতে চাহিয়াছিল। পক্ষ-মহাদেশের

মর্যাদা জিনিয়া আনিয়া—তোমার আয়তির পঞ্চ-প্রদীপ সে জালিয়া দিতে পারিত—তোমার পূজামন্দিরের সিংহদ্বারে দণ্ডারমান পুঙ্কারীর শক্তিমান হস্তে ধৃত পাঞ্চজন্যের আঘাত আরাবে অবাক বিশ্ব যে তোমার চরণে মস্তক অবনত করিয়া আনিত । তোমার বক্ষ-পীযুষে পরিপুষ্ট সন্তান তোমার মা, তোমারই মোহিনী মূর্তি হৃদয়-ফলকে অবিদ্যর অক্ষরে অঙ্কিত করিয়া লইয়া জ্ঞান-বিজ্ঞান, শিক্ষা-দীক্ষার গৌরব-মৌলিনী, তোমার নিত্য সমুদ্রত মস্তকে যুগ-মহিমার মুকুট পরাইয়া দিবার জন্য প্রাণপণ সংগ্রাম করিতেছিল ।—সপ্তরশী বেষ্টিত মহারথী মরণ-ভয়-রহিত সব্যাসাচীর সে অব্যর্থ, সন্ধানে শত্রুর শির বিকৃত করিয়া চিরবিজয়-বিক্রম কীৰ্ত্তি-গাণ্ডীব ধনু তইতে অবিশ্রান্ত বাণ বর্ষণ করিতেছিল । একাকী যুদ্ধ করিতেছিল গভীর রণ-সন্ধিক্ষেত্রে—সঙ্কট-সঙ্কল পক্ষ-কূট ;—ভীত সারথী রথ পরিচালনে অক্ষম—অশক্ত । সূধী রণবীর পদাশ্রয়ে সারথীকে নিরাপদ রাখিয়া পূর্ণোদ্যমে একাকী যুদ্ধিরা চলিয়াছিল,—বিজয়-লক্ষী বিশ্ব-কুঞ্জের নিখিল পুষ্প চন্দন করিয়া জয়ীর কণ্ঠভূষণ বরণ-মালা গাথিতেছিল—কিন্তু সহসা ইন্দ্রপতন হটল—বিশ্বজিৎ মহাবোগী ;—যোগীবর হিমাচলের পাদপীঠতলে লীলা সম্বরণ করিলেন । কি হইল ? কে বলিয়া দিবে কি হইল ! কার মুখে বাণী আছে—কে বলিয়া দিবে কি হটল ! অনাগত যুগ ভাহার বিচার করিবে—ভবিষ্যৎ বংশাবগৌ বলিয়া দিবে কি হইল !

সংক্ষিপ্ত জীবনী ।



(চিহ্ন)

চিত্তরঞ্জন বৈদ্য সন্তান । তাঁহার পৈতৃক বাসভূমি পূর্ববঙ্গে । বিক্রমপুরের তেলিরাবাগ গ্রামে দাশ-পরিবার-বনিয়াদি ঘর ;—চিত্তরঞ্জন এই বংশের কুলতিগক ।

পিতা—ভুবনমোহন দাশ কলিকাতার আসিয়া আইন ব্যবসায় গ্রহণ করেন । তিনি হাইকোর্টের একজন গণ্যমান্য “এটর্নি” ছিলেন । কিন্তু ভুবনমোহনের—ভুচ্ছ সে পদবী গৌরব । ধন্য ভুবনমোহন—যিনি এখন পুত্রের পিতা—ধন্য তিনি ভুবনমোহন—“দেশবন্ধু” তাঁহার সন্তান !

১৮৭০ খৃষ্টাব্দে—কলিকাতার চিত্তরঞ্জনের জন্ম হয়। ষোল বৎসর বয়সে চিত্তরঞ্জন মিশনারীদের স্কুল হইতে প্রবেশিকা পরীক্ষায় উত্তীর্ণ হন। চার বৎসর প্রেসিডেন্সী কলেজে পড়িয়া ১৮৯০ খৃষ্টাব্দে বিশ্ববিদ্যালয়ের বি-এ, উপাধি লাভ করেন—কিন্তু কর্মজীবনে তিনি এ উপাধি কখনও ব্যবহার করেন নাই।

বি-এ, পাস করিবার পরেই ম্যাজিষ্ট্রেটী পরীক্ষা দিবার জন্য চিত্তরঞ্জন বিলাত যান।

পিতার ইচ্ছা ছিল—পরীক্ষার শিরোপা পাইয়া সরকারী তনখায় চাকরিয়া শাসক বহাল হইয়া চিত্তরঞ্জন দেশে ফিরুক। কিন্তু ভূবনেশ্বরের সে সাধ পূর্ণ হইল না! চিত্তরঞ্জন পরীক্ষার অকৃতকার্য্য হইলেন বলিয়া যে ভূবনেশ্বরের আশা ব্যর্থ হইল তাহা নয়—চিত্তরঞ্জনের গৌরব চূড়া মণিময় করিয়া গড়িয়া তুলিবার জন্য বিধাতা তাঁহার জীবন-যাত্রার অন্য পথ নির্দেশ করিয়া দিয়াছিলেন। শাসিতের দৈন্য পুণ্য নাথায় লইয়া শাসকের রক্ত চক্ষুর সম্মুখে বিরাট পুরুষের মত দাঁড়াইয়া শাসককেই শাসন করিবার জন্য চিত্তরঞ্জনের জন্ম হইয়াছিল। শাসন সংস্কারের জন্য তাঁহার জন্ম হইয়াছিল। চাকরী ত্যাগ করিবার জন্য তাঁহার জন্ম হইয়াছিল—চাকরী গ্রহণ করিবার জন্য চিত্তরঞ্জনের জন্ম হয় নাই। আই, সি, এস পরীক্ষায় চিত্তরঞ্জন উপস্থিত হইলেন—সগৌরবে উত্তীর্ণও হইলেন—কিন্তু চাকরী পাইলেন না। কারণ সাহেবের দেশে থাকিয়া সাহেবের অন্যায়ের বিরুদ্ধে তিনি প্রতিবাদের তাঁত্র অস্ত্র লইয়া যুদ্ধে দাঁড়াইয়াছিলেন। জন ম্যাকলিন—পার্লিামেন্ট মহাসভার এক সদস্য।—ভারত ও ভারতীয় জাতির প্রতি কটাক্ষ করিয়া তিনি মানিকর বক্তৃতা দেন। তরুণ চিত্তরঞ্জনের দেশায়বোধে উক্কর অস্ত্রাঘ্রার মধ্যে—ইংরেজের মুখের বে মিপ্যা কথায় ঘোর অভিমান উদ্দীপ্ত হইয়া উঠিল তাঁহার আত্মসম্মানের আঘাত লাগিল—জাতীয় মর্যাদার অবমাননার চিত্তরঞ্জন চীৎকার করিয়া প্রতিবাদ করিয়া উঠিলেন। মহামতি রাজমন্ত্রী গ্লাডষ্টোনের সভাপতিত্বে এক সভা আহ্বান করিয়া তীরের ন্যায় তীক্ষ্ণ সভাবাণীর আঘাতে ম্যাকলিনকে চিত্তরঞ্জন অর্জরিত করিয়া তুলিলেন। ম্যাকলিন পরাজিত হইলেন, অপরাধ স্বীকার করিয়া ক্ষমা প্রার্থনা করিলেন—তাঁহার সদস্য পদ আর রহিল না। দূর বিদেশে একা বাঙালী—সেদিন মাতৃভূমির মান রক্ষা করিয়া কুলোচ্ছলকারী কৃতী সম্ভানের কর্তব্যপালন করিলেন—কিন্তু এ জয় তাঁহাকে আপাত দৃষ্টিতে বড় অধিক মূল্যে ক্রয় করিতে হইল। পাস করিয়াও তিনি ম্যাজিষ্ট্রেট

হইতে পারিলেন না। পরীক্ষার ফল বাহির হইল—চিত্তরঞ্জন দাশ—এ বৎসরের কৃতকার্য। পরীক্ষার্থীদের মধ্যে সর্বনিম্নে স্থান পাইয়াছেন। জীবনের প্রথম দিনে প্রকাণ্ড বার্থটার বিনিময়ে ষড় জননীর মর্যাদা হৃদয়ঙ্গম করিতে পারিয়াছিলেন বলিয়াই আজ চিত্তরঞ্জন বিশ্ববিজয়ী বীর।—শ্রিত হাস্যে আইন পরীক্ষা দিয়া—ব্যারিষ্টারের সনন্দ লইয়া—চিত্তরঞ্জন গৃহে ফিরিলেন। পিতা কি বলিলেন জানি না কিন্তু বঙ্গজননী বরণডালা হাতে লইয়া সেই দিনই সন্তানকে অভিনন্দন জানাইয়াছিলেন—“এস বৎস, স্বাগত।” সন্তানও তাই বলিতে পারিয়াছিলেন—“আমার বাঙলাকে আমি আশৈশব ভাল বাসিয়াছি; যৌবনের সকল চেষ্টার মধ্যে আমার সকল দৈন্য, সকল অযোগ্যতা অক্ষমতা সহেও আমার বাঙলার যে যুক্তি, তাহা প্রাণে প্রাণে জাগাইয়া রাখিয়াছি এবং আজ এই পরিণত বয়সে আমার মানস-মন্দিরে সেই মোহিনী-যুক্তি আরও জীবন্ত ও জাগ্রত হইয়া উঠিয়াছে।”

১৮৯৩ খৃষ্টাব্দে চিত্তরঞ্জন আইন ব্যবসায় আরম্ভ করিলেন। ভাগ্যলক্ষী কিন্তু তাঁহার এ বর-পুত্রের সহিতও “লুকোচুরি” খেলিতে ছাড়িলেন না। কিন্তু সর্বকালে সর্ব অবস্থায়ই সুধী চিত্তরঞ্জন স্থির, প্রসন্ন, স্থিতধী, বন্ধপরিষ্কর। জীবনের বন্দ-সংঘাত তাঁহাকে বিন্দুমাত্রও বিচলিত করিতে পারে নাই। তপস্বীর সাধনায়—তিনি আইন অধ্যয়ন আরম্ভ করিলেন—সংহিতার অধিষ্ঠাত্রী তাঁহার কণ্ঠে অধিষ্ঠিতা হইলেন। প্রায় পনের বৎসর জীবন-মুহুর্তে অল্প পরাজয়ের দোলাচল অবস্থায় কাটিল।

১৯০৮ খৃষ্টাব্দে বাঙালার ইতিহাসের অরণীয় মোকদ্দমা। সরকার শ্রীঅরবিন্দের বিরুদ্ধে রাজদ্রোহের অভিযোগ আনিলেন। আলিপুর বোমার মানলা আরম্ভ হইল। অরবিন্দ ও চিত্তরঞ্জন—আত্মা ও প্রাণ। কিন্তু আসামীর পক্ষের ব্যারিষ্টারদিগের দীর্ঘ নামের তালিকায়—চিত্তরঞ্জনের নামে খুঁজিয়া পাওয়া গেল না—দশজনে ভাবিল কারণ কি?—জানিত দ্বারা তাহারা বলিল “তাই ত!” আর চিত্তরঞ্জন বলিলেন—“আমার স্থিতি যেমন সত্য ইহাও তেমনি সত্য যে তাহারা আমার কাছে আসবে—অরবিন্দের পক্ষ আনাকে সমর্থন করিতেই হইবে।”

সে কথা সত্য হইল। সেসনে চিত্তরঞ্জনের ডাক পড়িল। সাত্তা দিতে মুহূর্ত মাত্রও বিলম্ব হইল না। দশ মাস ধরিয়া চিত্তরঞ্জন অরবিন্দের পক্ষে আইন-রূপে অনবরত সুস্থিতে লাগিলেন।

সে কী বুদ্ধ! অক্লান্ত চিত্তরঞ্জন গভীর রাত্রি পর্যন্ত জাগিয়া বসিয়া কাগজ প্রস্তুত করিতে লাগিলেন—আইনের কূট-সমস্যা মীমাংসা করিয়া—ত্রুটিগ্ন বেড়া-জাল রচনা করিয়া তুলিলেন—বিখ্যাত আইনজীবী আরগুড নোর্টনের ভাষ্যর প্রতিভা—বাঙলার অঞ্চল-নিধি এ মরকতের কর্কুর ছাতিছারায় স্নান হইয়া গেল। চিত্তরঞ্জনের বিস্তৃত মাই—পিতৃ ঋণে তিনি দেউলিয়া—মকঃমলে গিয়া মোকদ্দমা লইবার সময় নাই—শুক্লতর বড়বস্ত্রের মোকদ্দমা তাঁহারই হস্তে—বন্ধ অরবিন্দ শৃঙ্খল-বন্ধ—চিত্তরঞ্জনের আহাৰ্য্যের যক্ষিণ বা সংস্থান হয়—ব্যবহার্য্য কিনিবার সঙ্কলন নাই—ভাগবীর গাড়ী-ঘোড়া বিক্রয় করিলেন—ঐতঙ্গসাদি এক একখানি করিয়া গেল। অটল, স্থিরকর্মী—অরবিন্দের মোকদ্দমা চালাইতে লাগিলেন। দেবতার আশীর্বাদ তাঁহার মস্তকে বর্ষিত হইল—হাইকোর্টের বিচারে দোষমুক্ত অরবিন্দের হাত ধরিয়া বিজয়ী চিত্তরঞ্জন আদালত হইতে বাহির হইয়া আদিলেন—দেশের লোক গৌরবে তাঁহাকে বরণ করিল—বিদেশের সুবী, ডাক্তার বুদ্ধি, ন্যায়বিচারক, সর্ব্ববনোরঞ্জক বিচারপতি সার লরেন্স জেক্সিন্স প্রকাশ্যে চিত্তরঞ্জনের গৌরবঘোষণা করিলেন। ঐশ্বর্য্যের দেবতাকে লজ্জায় তাঁহার ভাণ্ডার উজাড় করিয়া আনিয়া চিত্তরঞ্জনের গৃহে ঢালিয়া দিতে হইল। ব্যবসার ত্যাগ করিবার সময় চিত্তরঞ্জনের বার্ষিক আয় ছিল আট লক্ষ টাকা। বিলাতের সাইমনও চিত্তরঞ্জনের তুলনায়—অধিক উপার্জন করেন নাই।

পূর্বেই বলিয়াছি চিত্তরঞ্জন দেউলিয়া হইয়াছিলেন—কিন্তু সে ঋণের জালা বুদ্ধি নিশিদিন অন্তর মধ্যে একটা প্রকাণ্ড অগ্নিকাণ্ড জ্বালাইয়া রাখিত। সে ঋণের মেয়াদ ফুরাইয়া দাবী তামাদী হইয়া গিয়াছিল—কিন্তু চিত্তরঞ্জন জানিতেন—পিতার এ ঋণ তাঁহার দেয়—এ দেয়া পরিশোধ করিতে তিনি ধন্যতঃ বাধ্য! ভুবনমোহন ছই হস্তে দান করিয়া ঋণ করিয়া গিয়াছিলেন—চিত্তরঞ্জন প্রাণপণ প্রমে উপার্জিত অর্থে পিতার সে ঋণ পরিশোধ করিলেন। একদিনে ৭৬ হাজার টাকা ঋণ দিয়া—আদালতে প্রার্থনা করিলেন—“দেউলিয়ার তালিকা হইতে আমার নাম তুলিয়া দেওয়া হউক।” তাঁহার পাওনাদারের কেহ কেহ সহসা একদিন প্রভাতে উঠিয়া দেখিয়া বিম্বিত হইলেন—ভুবনমোহন ও চিত্তরঞ্জন দানের নিকট তাঁহাদের প্রাপ্য টাকার সেই তারিখ পর্যন্ত হিসাব করিয়া শেষ পাই অবধি সব টাকার এক একখানি চেক তাঁহাদের নামে পাঠাইয়া দেওয়া হইয়াছে। বিচারপতি জেক্সিন্স বলিলেন—“দেউলিয়ার ইতিহাসে এ কাহিনী

অতৃপ্তপূর্ণ।” আর চিত্তরঞ্জনের উত্তমর্ষণ অথাক হইয়া গেলেন। এই-ত ধর্মবীর, জাগবীর, বঙ্গবীর—চিত্তরঞ্জন।

চিত্তরঞ্জনের কবি-প্রতিভাও বড় কম ছিল না। বাগ্যেই তাঁহার উন্মেষ হইয়াছিল। জীবনের মধ্য দিন পর্য্যন্তও কিন্তু তিনি তাহা প্রকাশ করিয়া প্রতিষ্ঠা কর্ব্বনের প্রয়াসী হন নাই। চিত্তরঞ্জনের প্রথম কাব্য “সাগর সঙ্গীত”—সে বিরাটের অভিনব-শক্তি, অনাদির আবাহন, অনন্তের উদ্বোধন। তারপর “অন্তর্যামী”, “মালক”, “কিশোর কিশোরী।” “নারায়ণ” তাঁহারই প্রতিষ্ঠিত মাসিক পত্রিকা।

চিত্তরঞ্জন উৎকৃষ্ট ইংরাজী প্রবন্ধ লিখিতে পারিতেন। “নিউবেঙ্গল” ও “বন্দেমাতরম”এ— তাঁহার নিপুণ লেখনী নিহত বহু বিচিত্র প্রবন্ধ বাহির হইয়াছে।

লর্ড কার্জনর অত্যাঘাতে যেদিন চিত্তরঞ্জনের দেশ-মাতৃকার অন্ন খণ্ডিত হইল—বেদিন বঙ্গ-ভঙ্গ হইল, ব্যথিত চিত্তরঞ্জন সেইদিন আসিয়া রাজনীতি-ক্ষেত্রে দাঁড়াইয়াছিলেন। কিন্তু আপনাকে বিলাইয়া দিয়া কাজে লাগিলেন না। তারপর ভবানীপুর প্রাদেশিক কনফারেন্সে চিত্তরঞ্জন সভাপতির আসন গ্রহণ করেন;—যদিও সে সভাপতিত্বও তাঁহার রাজনৈতিক জীবনে কোনো বিচিত্র অধ্যায় রচনা করিয়া দিতে পারে নাই।

ইহার পর ১৯১৮ সাল। ভারতের শাসন-সংস্কার। ডিয়ার্কি বা ষেত-শাসনের সূচনা। কংগ্রেস মণ্ডপে দাঁড়াইয়া—বাঙলার বীর গর্জন করিয়া উঠিলেন—তীব্র প্রতিবাদ করিয়া বলিলেন—এ শাসন-সংস্কার ভূয়া।

পাঞ্জাবে বেদিন নিরীহ-হত্যার নির্ণয় অভিনয় চলিতে লাগিল—অত্যাচারে সমস্ত ব্রহ্মাবর্ত কাপিয়া উঠিল, সামরিক আইনের কবলে পড়িয়া নির্দোষ পুরুষ-নারী নির্যাতিত হটল; চিত্তরঞ্জন কংগ্রেস মহাসভার পক্ষ হইতে সেই অত্যাচারের অগ্নিসন্ধান করিতে পাঞ্জাবে গিয়া উপস্থিত হইলেন। ১৯১৯ খৃষ্টাব্দে এখানে চিত্তরঞ্জনের সহিত মহাত্মা গান্ধীর প্রথম সাক্ষাৎ হয়। মহাত্মা সেই প্রথম সাক্ষাতের কথায় এই ভাবে লিখিয়াছেন—ব্যবসারে চিত্তরঞ্জনের পক্ষস্থল প্রসার আর ইংরাজী বক্তৃতার অতোধিক মূল্যমানার কথা দূর হইতে শুনিয়াছিলাম। বুকটা কাপিতেছিল, ভয়ে ভয়ে কাছে উপস্থিত হইলাম। বড় কম বিস্মিত হইলাম না। আটনে তিনি

স্বাসাচী—ঊাহার মত জানাইলেন যে নিপুণ সওরাণ-জ্বাবে হাণ্টারকমিটার সাক্ষীদিগকে বাণাহত করিয়া তিনি আসল সত্য বাহির করিলেন—ইত্যাদি।

এই বংসরেই তিনি অসহযোগের মতাবলম্বী হন। পরের দুইবংসর মহাশ্মার বিশ্বস্ত মন্বসিক হইয়া—অসহযোগ মত প্রচার করেন অসহযোগরত গ্রহণ করেন।—১৯২০ খৃষ্টাব্দে ঊাহার বিপুল—উপার্জন তুচ্ছ করিয়া ব্যারিষ্টারী ব্যবসায় ত্যাগ করেন।

১৯২১ খৃষ্টাব্দে স্বয়ং ধনঞ্জয় ভারতের রাজনৈতিক কুরুক্ষেত্র অবতীর্ণ হইলেন। পশ্চাতে তুলসী পত্রে মাত্র তুষ্টি নরনারায়ণ—মহাত্মা গান্ধী—গদাপাণি ভীম—মৌলানা সৌকত আলি মহাশ্মার পার্শ্বরক্ষী—ধৃষ্টদ্রুম, সাত্যকীও আসিয়া জুটিল। ক্রমশঃ অভিমত্য়র দল আসিয়া বৃাহে প্রবেশ করিল। তাহাদের অবশ্যস্তাবী পতন হইল বটে কিন্তু একা পার্থ—ডিম্বার্কি—জয়মথের” সংহার করিলেন—“না বাইতে অস্ত্রাচলে ঐ দিনমণি,” সে কথা পরে বলিতেছি।

সরকারী আইন জারী হইল। চিত্তরঞ্জনের প্রাণে তিলমাত্রও শঙ্কা নাই। স্বরাজের আগমন উপলক্ষে দেশব্যাপী হরতালের আয়োজন করিলেন। রাজশাস্ত্রীর লৌহবন্ধনে চিত্ত-রঞ্জনকে বাধা পড়িতে হইল—অমান হাস্যে দেশবন্ধু চিত্তরঞ্জন কারাবরণ করিয়া লইলেন।

জেল হইতে বাহির হইয়া চিত্তরঞ্জন স্থির করিলেন—শাসন-পরিষদে প্রবেশ করিয়া অসহযোগ মত্রে দেখাইতে হইবে—যে এই সংস্কৃত শাসন-তন্ত্র স্বপ্ন-রচিত মায়্যা-প্রাসাদ। ইহার ভিত্তি নাই, স্বহা নাই। প্রাণ স্বরাজ্য দল গঠন করিয়া আপনি তাহার নামক হইলেন, তিন তিনবার মন্ত্রী বেতন নাকচ হইল। বাঙলার ত্বেতশাসন চলিল না—ভারত-সরকার বাঙ্গলার শাসন পরিষদের হাত হইতে হস্তান্তরিত বিভাগ তুলিয়া লইলেন।

ইতিমধ্যে কলিকাতার মিউনিসিপাল কর্পোরেশন স্বরাজ্য-দল দখল করিয়া লইল। চিত্ত-রঞ্জন কলিকাতার “মেয়র”—মনোনীত হইলেন। কর্পোরেশনের সাহায্যে তিনি দেশের গৌরব গড়িয়া তুলিবার চেষ্টা করিতে লাগিলেন।

ক্রমশঃ চিত্তরঞ্জনের স্বাস্থ্য ভাঙিয়া পড়িল। ভয়স্বাস্থ্যেই তিনি স্বভাব-মধুর স্মিতহাস্যে বিনিস্র অক্লান্ত ভাবে দেশ মাতৃকার সেবা করিতে লাগিলেন। কিন্তু দেহ এত ভার আর সহিতে পারিল না। ইতি পূর্বেই চিত্তরঞ্জন ঊাহার সর্ব্ব স্ব দেশকে সমর্পণ করিয়া সখল-বিস্কৃত সন্ন্যাসীর তপ-ত্রত গ্রহণ করিয়াছিলেন।

ধর্মপত্নী,—নিঃস্ব, বৈরাগী তাহার এমুগের “সাবিত্রী,” বাঙ্গলার “চিন্তা” শ্রীমতী বাসন্তী দেবীকে সঙ্গে লইয়া স্বাস্থ্যপরিবর্তনের জন্য দার্জিলিং শৈল-শিরে উপস্থিত হইলেন।

১৯২৫ সাল—১৬ই জুন বিকাল প্রায় ৫।০ টায় নিতান্ত অপ্রত্যাশিতভাবে, অত্যন্ত চিত্তরঞ্জন মহাপ্রয়াণ করিলেন। বাসন্তী দেবী আছাড় খাইয়া মূচ্ছিত হইয়া পড়িলেন। কিন্তু মূচ্ছা তোমার ভাঙিতেই হইবে পতিরতা, চক্ষে তোমার অশ্রুর নিসান্দ নামাইয়া—কাঁদিয়া আকুল হইবার অবসর তো-তোমার নাই। মৃত্যুর দেশ হইতে স্বামীকে ফিরাইয়া আনা চাই। উঠ সাবিত্রী—কটাতে অঞ্চল বাঁধিয়া অগ্রসর হও—যমের সহিত—শমনের সহিত তোমার সংগ্রাম করিতে হইবে। এস, তোমার স্বামীর পরমাখ্যা জীবন্ত করিয়া—বাঙ্গলার ঘরে ফিরাইয়া আন ভারতের কর্মক্ষেত্রে সেই শক্তিমানের শক্তি প্রতিষ্ঠা কর শক্তিময়ি, তোমার নয়ন প্রান্তের মুক্তাবিন্দুটী শতমণি প্রভায় উজ্জ্বল করিয়া তুলিয়া—সাম্বনার অমৃত লইয়া এস—আশার হাসি লইয়া এস—তোমার পবিত্র মধুর হাস্যে বাঙালীর অবসন্ন ভগ্নহৃদয় নব আশায় উজ্জীবিত হইয়া উঠুক।

১৮ই মৃতদেহ কলিকাতায় আনিয়া কেওড়া ভলার শ্মশানে ভস্মীভূত করা হয়। জাহ্নবী তীরের এ শ্মশান,—বাঙ্গালি, তোমার স্বর্গ, তোমার তীর্থ।

লক্ষ-কোটি লোক সাশ্রনয়নে শবের অনুগমন করিয়াছিল। হিন্দু, মুসলমান, বৌদ্ধ, খৃষ্টান কেউ গৃহে থাকিতে পারে নাই। ইংরাজ অশ্রু বর্ষণ করিয়াছে—পারসী অশ্রু বর্ষণ করিয়াছে। ধনী অশ্রু বর্ষণ করিয়াছে—মজুর অশ্রু বর্ষণ করিয়াছে—সারাদেশ হাহাকার করিয়া কাঁদিয়া উঠিয়াছে।

চরিত্র-বিশ্লেষণ।

বিশ্ব তাহার চলার পথে থামে না ;—পথে সে ক্রমশঃ অগ্রসর হয় আর তার বিকাশের মুখে অতীত কাল অনাদির কোলে হারাইয়া যায়—অনাগত আর অজ্ঞাত থাকে না—বর্তমান মুর্ত্তিমান হইয়া ভবিষ্যৎকে স্পষ্ট করিয়া আনে—যুগ যায় আবার যুগের সৃষ্টি হয়। যুগেরই ধর্ম্মে জাতি গড়িয়া উঠে—তাহার পুরাতন—প্রাচীন হইয়া পড়ে—মৃত্যুনের গঠন

অবশ্যস্তাবী প্রয়োজন বলিয়া—জাতি বাগ্ন হইয়া উঠে ;—এই গঠনের প্রয়োজনেই কর্ম্মীরা জন্ম গ্রহণ করেন। নিখিল ধারা পরিবর্তনের মূলে—এই একই সূত্র নিত্যকাল হইতে কাজ করিয়া আসিতেছে। এই নিয়মেই—ভল্টেয়ার, রুসো, রোবেসপিয়ার, গ্যারিবল্ডি, ম্যাজিনি, স্যাভোনারোলা, খৃষ্ট, বুদ্ধ, মহম্মদ, পার্থ, শ্রীকৃষ্ণ, ম্যাকমুইনি, ডিভ্যালেরা, লেনিন-জগলুল ইত্যাদি মহা-মানবেরা দেশে দেশে যুগে যুগে জন্মগ্রহণ করিয়াছেন। কিন্তু কর্ম্মীদের সকলের বাণী এক নয়—কর্ম্মের ক্ষেত্রও এক নয়। একই লক্ষ্য হয় তো দুই বা বহু বীর কাজ করিয়া গিয়াছেন—কিন্তু তাঁহাদের গতি-ছন্দের এক একটা পৃথক-ধ্বনি, সাধনার বিভিন্ন-প্রণালী দেখা গিয়াছে। ফরাসী-রাষ্ট্র-বিপ্লবের নায়কেরা যে পথে চলিয়াছেন—‘রুশীয়ার বলশেভিক নেতারা সে আদর্শের অনুসরণ করেন নাই—ডিঃ ভেলেরা যেমন করিয়া লড়িয়াছেন—ভারতে তেমনি করিয়া যে সংগ্রাম চলিতে পারে না। খৃষ্ট আর শ্রীকৃষ্ণের লক্ষ্য—ধর্ম্মের সংস্থাপন হইলেও পথ নির্দেশ এক নয়। বুদ্ধ আর লেনিন—দুই জনেই মুক্তির ভিখারী—কিন্তু মুক্তির মূলটা কি দুই জনের এক ? বুদ্ধ চাহিয়াছিলেন আত্মার মুক্তি—আর লেনিন্ চাহিয়াছিলেন—রাজ-শাসনের বন্ধন হইতে মুক্তি।—লেনিনের শ্রেণীর জন-নায়কেরা বলিবেন—যে আত্মার আত্মস্বত্ত্বা বৃদ্ধিবারই স্বাধীনতা ও সামর্থ্য নাই—সে আবার তার নির্ঝান মুক্তি চাহিবে কি করিয়া। প্রথমে তোমাকে মুক্ত কর—তারপর আত্মার মুক্তি। আবার জাতির মুক্তি আনিবার জন্য যে পথে লেনিন চলিয়াছিলেন—সে পথে চলিলে ভারতীয় নেতার পদস্থলন অবশ্যস্তাবী,—তপস্যা তার ব্যর্থ হইবে। আয়লণ্ডের বিপ্লববাদ বাঙলার আবহাওয়ার বাড়িবার বস্তু নয়। তাই—ভারতের যুগাবতার—বুদ্ধ, চৈতন্য—এ যুগের মহাত্মাগান্ধী, চিত্তরঞ্জন।

চিত্তরঞ্জন অতি শক্তিমান জননায়ক কিন্তু বাহর সাধনার এ শক্তি তিনি লাভ করেন নাই। তাঁহার শক্তির উৎস ছিল তাঁহার মনে—হৃদয়-দানের মা-ভয় বল লইয়া তিনি বিশ্বজয়ে বাহির হইয়াছিলেন। সে জয়-যাত্রার মধ্যে কোনো কুচ্ছূতা, কোনো চাতুরী ছিল না—কোনো ব্যথা বা আঘাত দিয়া তিনি চলেন নাই—আহত হইয়া বেদনাকেই মহিমা বলিয়া মাথায় তুলিয়া লইয়াছেন।—তাঁহার চরিত্র বিশ্লেষণ করিলে পাওয়া যায়—

১। বিরাতের স্বপ্রকাশ।

২। সার্ব-জনীন প্রেম।

৩। মুক্তির ব্যগ্রতা।

ছোট যাহা, সঙ্কীর্ণ, গণ্ডীবদ্ধ যাহা—চিত্তরঞ্জনের পরিপার্শ্বেও তাহার স্থান ছিল না। আপনার ব্যাপক অন্তরের মধ্যে তাঁহার যাহা কিছু বাসনা কামনা, প্রার্থনা সাধনা—তাহাকেই তিনি বিরাট আকারে গড়িয়া লইয়াছেন। ভিক্টোরহুগো নাহাকে বলিয়াছেন—“ইমেনসিতে”—মহানের বৃহতের স্বপ্রকাশ—বিরাটের বৈচিত্র—চিত্তরঞ্জনের জীবনে আদ্যস্ত সেই বৈচিত্রের খেলা চলিয়াছে। তিনি প্রিয়র কানে গান শুনান নাট, গোলাপকে ডাকিয়া তাহার কুণ্ডলনে অতিথি করিবার জন্য ততবড় ব্যগ্র ছিলেন না।—তাঁর অতি ভারাক্রান্ত বন্দী অন্তরাশ্বার সর্ববন্ধনহীন মুক্তির সাধনায়—আদি অন্তহীনা বিশাল উদার সাগরের কানে তাঁহার ব্যর্থ-বুকের অনন্ত সঙ্গীত শুনাইতে বসিয়াছিলেন। তখনই কিন্তু—সাগরের উর্ধ্ব-মুখর বক্ষের উচ্ছসিত গুরু গর্জনে অজ্ঞানা কোনো অনন্ত-লোকের আশাবাণী শুনিতে পাঠিয়া তাহারই বর্ণে বর্ণে ছন্দে ছন্দে আপনার হৃদয় গাঁথিয়া লইলেন। “সাগর সঙ্গীতের” মন্থবাণী কবির কণ্ঠে অক্ষরিত হইয়া উঠিল—

আজি তব গান—

অন্তহীন দিশাহারা উন্মাদের মত
আনার হৃদয় তলে গরজে সতত,
তবে এস, ভেসে এস উন্মাদ আমার
খুলিয়া রেখেছি বন্ধ অধারে তোমার।
ভাসিব ডুবিব আজি প্রলয়-আভাসে,
মরণ অধার ভরা আকাশে বাতাসে।”

মহাবীর মরণকে বরণ করিয়া লইলেন।

চিত্তরঞ্জনের চরিত্র যে তিনটি মহীয়ান ত্রয়ীর স্বপ্রকাশ আমরা পূর্বে তাহার উল্লেখ করিয়াছি। ছন্দ, জ্যোতিষাদি যেমন—বেদান্ত ঐ তিনটি ঐশ্বর্যের মূল হইতে তেমনি তাঁহার ত্যাগ, অসাময়িক সহিষ্ণুতা, দৈব প্রতিভা, অকুপণ দান-বৃত্তি-প্রভৃতির উদ্ভব হইয়াছে। সহজ, সংযত সীমাবদ্ধ যাহা—স্বার্থের কলুষ সেইখানেই কলঙ্কিত হইয়া উঠিতে পারে কিন্তু সীমাকে এড়াইয়া যাহা অনীমে ছুঁতে যায়—ক্ষুদ্রকে বৃণা করিয়া যাহা বৃহতের পূজা করে—অবিদ্যাকে যে বিদ্যা

অপমানে অর্জরিত করিয়া রাখে—মাথা তুলিতে দেয় না সেখানে সবই মহীয়ান ;—নিফলক পুণ্যের অভিব্যক্তির তাহা শুভ্র-সুন্দর, একটা গরিমাদৃশ্য তপঃশক্তি কোনো কল্পলোকের পুণ্য পুঙ্কে তাহার মধ্যে জ্যোতিমান হইয়া উঠে—তাহার মহীয়ান আশ্রয় গৌরবের কাছে অতি গরীয়ান অভিমানও উন্নত-শির অবনত করিয়া আনে—কিন্তু মলিনিমায় আসিত হইয়া যায় না।

চিত্তরঞ্জন ছিলেন এই বিত্তের অধিকারী—এই স্বর্গীয় দীপ্তি তাঁহার চিত্ত-লিপিকায় একটা অপরূপ আলোছায়া লীলায়িত করিয়া দিয়াছিল। ক্ষুদ্রতার বিরুদ্ধে তিনি অভিযান করিয়াছেন যখন—বৈরাটোর জয় তুর্যা সঘন-নির্নাদিত হইয়া সঙ্কীর্ণতার স্বার্থাক লঙ্ঘনা তখন উদার সম্প্রসারিত আলিঙ্গনের মধ্যে অতি দানের মহাত্মারে পীড়িত হইয়া উঠিয়াছে।

এখন দেখা যাউক চিত্তরঞ্জনের এ সকল বৃত্তির মূল ছিল কোণায়? তাহার সূত্র আনরা নির্দেশ করিতে পারি—

- ১। বংশ-রক্ত।
- ২। পিতার সঙ্গুগাবনী।
- ৩। তাঁহার উদ্ভবাদিকার।

১। ভুবনমোহন পরম দাতা ছিলেন। নিজের সকল অর্থ তিনি দুই হস্তে বিলাইয়াছেন—দানে তথাপি তাঁহার তৃপ্তি হয় নাই, ভুবনমোহন দানের জন্য প্ৰাণ করিয়াছেন।

২। ভুবনমোহন ব্রাহ্মধর্ম গ্রহণ করিয়াছিলেন—এবং নৈষ্ঠিক আধুনিক ব্রাহ্ম ছিলেন।

ব্রাহ্মধর্ম গ্রহণ করাটা ভুবনমোহনের ভুল হইয়াছিল কিনা—আমরা সে বিচার করিতে বসি নাই কিন্তু তাঁহার ধর্মাস্তর গ্রহণের মধ্যে একটা দৃঢ় সতেজ মনের পরিচয় স্পষ্ট হইয়া উঠিয়াছে। এ মনও বিদ্রোহীর মন। প্রচলিত কুপ্রথাগুলি যে যুগে সমাজের অঙ্গে ক্ষত সৃষ্টি করিয়া সদস্য তন্ত্রটাকে পঙ্গু করিয়া ফেলিবার চেষ্টা করিতেছিল মহর্ষি দেবেন্দ্রনাথ, আচার্য্য কেশবচন্দ্র প্রভৃতির সেই যুগে আবির্ভাব। কেশবচন্দ্র দেখিলেন জাতিভেদ সমাজের বিভিন্ন সম্প্রদায়ের মধ্যে একটা বিরোধ আনিয়া ক্রমশঃ এককে অপর হইতে পৃথক করিয়া ফেলিবে। এই করেকটা প্রথার করাল গ্রাসের মধ্যে পড়িলে দেশের জনশক্তি অতিশয় হীন হইয়া পড়িতে কালমাত্র বিলম্ব হইবে না। বিদেশ আপনাদের উদারতার তোমার আপনকে তাহাদের করিয়া লইয়া আপনারা বলীয়ান হইয়া উঠিবে। সমাজের আর একটা বিভূ নারী। রূপণের মণি-

মঞ্জুর নিহিত ধনের মত তাহা তোমাদের সাজেও নিহিত হইয়াই রহিয়াছে—তেমন কিছু প্রয়োজন দেশের কিছু সত্যকার কল্যাণ ভারতীয় নারী দিয়া কিছুই সাধিত হইতে পারিতেছে না। নারীরও যে একটা স্বহা আছে তাহাকে তাহা বুঝিতে দাও। সেও যে শক্তিমতী—একথা বুঝিবার অবসর দিতে যদি তুমি আপত্তি কর—যদি তাহাকে অন্ধ করিয়া অন্ধ কারায় আবদ্ধ রাখিতে চাও তাহা হইলে তোমাদেরই ভবিষ্যৎ বংশাবলীর জন্য বন্দীশালা নিশ্চিত হইবে। ব্রাহ্মধর্ম প্রচারের এই যে একটা অতি বড় দিক ছিল দেশ তাহার কুসংস্কারের বশে সে দিকটাকে বিচারেই আনে নাই। সনাজ দেবিল ইহারা খুঁটান হইয়া যাইতেছে—কেশব সেনা খুঁটানী তংএ বাঙলা বুঝি রসাতলে গেল। অবশ্য একথাও আমি স্বীকার করি—সে যুগের যুগাবতার সেই সকল ধর্ম্মনতাও মানুষকে, জাতিকে একথা তেমন করিয়া বুঝাইবার জন্য প্রাণপণ করেন নাই—যেমন প্রাণ ও প্রভূত চেষ্টা করা উচিত ছিল ততখানি চেষ্টা ততখানি মহান্ ভাগ, করিয়াছিলেন কিনা সে বিষয়েও প্রশ্ন করিবার অবকাশ আছে।

যদি প্রশ্ন উঠে—ধর্ম্মের সঙ্গে—রাজনীতির কোনো সংস্রব আছে কিনা? আমি বলিব অতি অবশ্য আছে। ধর্ম্ম সাজকে নিয়ন্ত্রিত করে—সনাজ লইয়াই রাজত্ব স্তুরাং সমাজতন্ত্রকে নিয়ন্ত্রিত করা অর্থই—রাজনীতি। আয়ার জন্য ধর্ম্ম পুষ্টি লইয়া আসে এ কথা যেমন সত্য—জীবন,—তাহার পারিপার্শ্বিক অবস্থা, জীবন-বাত্রার বিধি নির্দেশ,—এ সকলেরও মূলে—ধর্ম্ম, ইহারও বিকাশের উপর ধর্ম্মের প্রভাব স্পষ্ট বিদ্যমান।

ভুবনমোহন প্রভৃতি সে যুগের শিক্ষিত ব্যক্তিদিগের বুদ্ধি বর্তমানটাকে বাঁচাইয়া রাখিবার জন্য যতখানি খেলিয়াছিল তার চেয়ে বেশী খেলিয়াছিল—ভবিষ্যতের বাঙ্গলা গড়িয়া তুলিবার ভাবনায়। রক্ষণশীলতাকে অতীতের বস্তু বলিয়া ভুলিয়া গিয়া তাঁহাদের জীবনের মধ্যে সমাজকে দীক্ষা দিতে চাহিয়াছিলেন।

অধ্যকার রাজনৈতিক আন্দোলনের ইহাই মূল কথা। মহায়া গান্ধীর জ্ঞানচক্র সম্মুখে এ সত্য পরিষ্কৃত হইয়া উঠিয়াছে। ছুঁংনর্গ যে বিষের মত তোমারই অঙ্গ প্রত্যঙ্গ অসাড়, নিস্তেজ, অবসাদগ্রস্ত করিয়া আনিতেছে—মহায়া পুনঃ পুনঃ সে কথা ঘোষণা করিতেছেন। যদি সকলে এক না হয়—তাহা হইলে ভারতের বৃদ্ধির আশা বিড়ম্বনা মাত্র।

চিত্তরঞ্জন পিতার এই ধী, এই দূর-দর্শন,—সেই মহীয়সী চিন্তার উত্তরাধিকারী হইয়াছিলেন । ব্রাহ্ম, হিন্দু, মুসলমান ইত্যাদি সর্বাঙ্গ, গণ্ডী জ্ঞান তিনি বিম্বিত হইয়াছিলেন আচণ্ডাল সকল জাতিকে আলিঙ্গন করিয়া লইয়াছিলেন । সার্বজননীর প্রেমের মহাজ্ঞানই তাঁহাকে আপামর সাধারণের নিজস্ব, আপন করিতে পারিয়াছিল । প্রেমে চিত্তরঞ্জন বৈরাগী হইয়াছিলেন । তাঁহার এক তরঙ্গী সুর রাগ যুদ্ধের মহাতালে ধ্বনিত হইয়া বিধে কেবল কোল বিলাইয়া ফিরিয়াছে । সে প্রেম বিচার করে নাই, পাপীকে ঘৃণা করে নাই—ব্রাহ্মকে ভৎসনা করে নাই—সকলকে শুধু টানিয়াছে—বুকের কাছে রাখিয়া মর্ষের উপর তুলিয়া—পিতার স্নেহ পুণ্যে—যে আসিয়াছে তাহাকেও বরণ করিয়াছে যে আসে নাই—তাহাকেও আকৃষ্ট করিয়া আনিয়াছে । তাই তাঁহার স্বরাজ্যকল—সকল হইতে স্বতন্ত্র অথচ জনশক্তিতে পুষ্ট পেশল, শক্তিশালী হইয়া দাঁড়াইয়াছে । এই প্রেমেই—শ্রীযুক্ত হেমন্ত সরকারকে প্রথমদিন বাড়াতে ডাকিয়া আনিয়াই সর্বত্যাগী হরিশ্চন্দ্র তাঁহার শূণ্যানের সঙ্গিনী নৈব্যাকে বলিয়াছিলেন “বাসন্তি আজ তোমার আর একজী ছেন এসেছে”—ইত্যাদি । এই প্রেমেরই প্রবাহে—গোপীনাথের মহাপাপের দিকটা তাঁহার বিচার-নীতি হইতে ভাসিয়া গিয়াছিল । এই প্রেমেই তিনি সর্বত্যাগী হইয়াছিলেন ।

প্রথম যেদিন ত্রিশ হাজার পরের সম্মান—তাহাদের শিকার সাধনাগার ত্যাগ করিয়া বাহির হইয়া আসিল—প্রেমিক-নেতা চিত্তরঞ্জন হইয়া ছুটিলেন । অসুস্থ দেহেও—সার পিঃ সি রায়ের গৃহে উপস্থিত হইয়া এই ত্রিশ হাজার সম্মানের জন্য তাঁহারই সুধী হৃদয়ের কাছে আশ্রয় ভিক্ষা করিয়া ভিখারী চিত্তরঞ্জন করঘোড়ে দাঁড়াইলেন । বলিলেন—“উদ্ধার করুন,—পরের সম্মান আজ আমাকে আপন বলিয়া ডাকিয়া—আমারই আহ্বানে সাড়া দিয়াছে—উপায় করুন—ইহাদের শিকার ব্যবস্থা করুন—আমার শেন সঙ্গ বাসগৃহখানি বিক্রয় করিয়া বিস্ত-রিক্ত আমি লক্ষ যুদ্ধা আপনার হস্তে দিতেছি—ধরণীর আমি—ধূলিমুষ্টির আমি—উদার আকাশের নীচে—পত্নী, পুত্র লইয়া আসিয়া দাঁড়াইব—এই ত্রিশ হাজার সম্মানের শিকার ব্যবস্থা করুন । ষষ্টি আচার্য্য, জাতীয় যজ্ঞের এ মহা হোমে হোতা হইবেন—আমুন । এ কথা কি সাধারণ প্রেমিক সহজ প্রেমে কেহ বলিতে পারে ? এ ত্যাগ কি মুহূর্ত্তে কেহ করিয়া বসিতে পারে ? এ শুধু চিত্তরঞ্জনই পারিয়াছিলেন—আর তাই ভারতের ছাত্র সম্প্রদায়—তাঁহার

মহা মনুষ্যত্বের পূজা ধারে—আপনাদিগকে বলির জন্য উৎসর্গ করিতেও কুণ্ডা বোধ করে নাই।

ঠাঁহার দান বিধি মানিত না—বাধা-নিষেধের মানা শুনে নাই—মর্যাদা বা প্রয়োজনের তুলার মাপিয়া দেয় নাই,—দিয়া—একবার ভুলিয়াও তাহার নিকাশ কসিয়া দেখে নাই। কর্ণ, দধিচী, শিবী যদি ছিলেন সে যুগের—এ যুগের তাহা হইলে চিত্তরঞ্জন। পুরাণ মহাভারত যদি সে সকল দানবীরের কাহিনী বন্ধে ভুলিয়া রাখিয়া থাকে তবে ভারতের ইতিহাসও এ মহাপুরুষের মহাদানের মণিময় কিরীট আপনার গৌরবান্বিত শিরে ভূষণ করিয়া পরিবে।

অক্লান্তকর্মী কর্মক্ষেত্রে নিশিদিন শুধু কাজ করিয়া গিয়াছেন। নিদ্রাকে বিসর্জন করিয়া ছিলেন—ক্ষুধা ঠাঁহাকে কাতর করিতে পারে নাই—দেহের অবসাদ তুচ্ছ করিয়াছিলেন—আসন্ন মৃত্যুকে ক্রমাগত বুক করিয়া দূরে রাখিয়াছেন—এই মহাকর্মীর বিরূপ কর্ম-সাধনার সম্মুখে নিখিল বিশ্ব অন্ধক বিয়য়ে অঁখি বিক্ষারিত করিয়া দাঁড়াইয়াছিল। চিত্তরঞ্জন ছিলেন বাঙালীর চিত্তস্বয়ংক—ভারতের আদর্শ নেতা। সর্বত্র সমর্পণ করা, ত্যাগ-পুণ্ড বিভূতির মূল্যে ভারতের মুক্তি ক্রয় করিতে হইবে। চিত্তরঞ্জন আপনার কর্মে ঠাঁহার মরকতোকুল দৃষ্টান্ত রাখিয়া গেলেন—এই মহাবাণীতে ভারতে মুক্তির মন্ত্র ধ্বনিত হইল।

ভারতের প্রাণে তিনি আত্মবোধ উদ্ভূত করিয়া দিয়াছেন। বাঙালীকে তিনি জাতীয় জ্ঞানের মন্ত্রে দীক্ষিত করিয়াছিলেন। যে জাতির দেশাত্মবোধ হয় নাই—চিত্তরঞ্জন বুঝাইয়াছিলেন—বিশ্বে সে জাতির স্থান নাই। ছত-গৌরবার হারা-স্বাধীনতা তিনি কিরাইয়া আনিয়া মণিমালায় মায়ের কণ্ঠভরণ গাঁথিয়া দিবার জন্য আনন্দ সংগ্রাম করিয়াছেন—সে শ্রম ঠাঁহার আজ মৃত্যুতে সার্থক হইল। আকণ্ঠ হলাহল পান করিয়াও নীলকণ্ঠ আজ ব্রহ্মাণ্ড রক্ষা করিলেন। জাতির স্মৃতি চক্ষুর পত্র উন্মীলিত করিয়া নব জাগরণে তাহার প্রাণ সম্বীভিত করিয়া তুলিলেন। দীনের হৃৎখে—ঠাঁহার দারিদ্র্য ব্রত, হৃৎখীর সেবায় ঠাঁহার নারায়ণ পূজা, আত্মদানের রক্তধারা সে পূজার তুলসীচন্দন। দেশকে উদ্ধার করিবার জন্য সম্রাটের সম্মান! শেষে বসনের ভার-টুকুও অসহ হইল। চীংকার করিয়া উঠিলেন,—“বসনের ভার সহিতে নারি!”

“আজ আমারে নেংটা কর ওগো আমার মনের ধন।”

স্বর্ণস্বপ্নের উপর—বিনি শব্দ্য রচনা করিতে পারিতেন—ধুলিতে তিনি শয়ন করিয়াছিলেন—মুক্তা খচিত উপানহ ঠাঁহার চরণ রক্ষা করিয়া ধন্য মানিত নথপদে তিনি ভিখারীর কণ্ঠালিঙ্গম

করিয়া দাঁড়াইয়াছিলেন—অভিযুক্তের জন্য কারাগৃহের ছাড় পত্র যিনি বক্রুতায় দাবী করিয়া লইতে জানিতেন—দেশকে ভালবাসার অপরাধে অভিযুক্ত হইয়া স্বয়ং স্বেচ্ছায় সেই কারা-বরণ করিয়া লইলেন। ইহা, মহান, বিরাট, মহিমময়। সমস্ত জীবনটা চিত্তরঞ্জনের একটা মহিমা-স্বিত লাঞ্ছনা—মৃত্যুতে তাহা সে প্রসারিত ললাটে গঙ্গা-মৃত্তিকা গৈরিক অমূল্য তিলক হইয়া রহিল। আজ স্বর্গের আশ্রয়—ঠাহার বরণ অভিনন্দনের বাণী আকাশে বাতাসে প্রাণে প্রাণে প্রতি ধ্বনিত হইয়া উঠিতেছে,—

“রাখ রথ শান্ত হও ! ওগো রণ শ্রান্ত,

হে মোর বিজয়ীধীর, হে আমার ক্রান্ত।”

বঙ্গবীর দেহ রক্ষা করিলেন—রণের গতি ঠাহার শান্ত হইল।

৪। শোক-তর্পণ।

পূজনীয়া বাসন্তী দেবীকে মহাত্মার প্রথম তার—“ভগবানের ইচ্ছা পূর্ণ হউক। বিহ্বল হইও না। খুকী যেন অতি শোকে মুহমান না হয়। আমি কলিকাতায় কিরিতেছি।”

মহাত্মাজীর কথা—“বৃকের উপর যখন গভীর ক্ষত টাটাইয়া উঠে লেখনী বিদ্রোহী হইয়া চলিতে চায় না। আজ দেশবন্ধু শুধু কত মহৎ ছিলেন—তাই বুঝিলাম না—বুঝিলাম তিনি কত মধুর ছিলেন। ভারত তাহার শিরোনামি হারাইয়াছে কিন্তু আমরা স্বরাজ লাভ করিয়া সে মণি কিরিয়া পাইব।”

মহম্মদ আলির পত্র—কাদিতে পারিবে না ভগিনি, আমি যে আজ প্রিয়হারা,—অনার্দ্র চক্ষুতে সাধনা দিয়া আজ আমার ভাঙা হৃদয় তোমারই জুড়াইয়া দিতে হইবে।”

ভাইসরয়ের তার—“এই মাত্র গভীর শোকাহত হৃদয়ে আপনার স্বামীর মৃত্যু সংবাদ শুনিলাম। এই শোকে আমার সহানুভূতি জ্ঞাপন করিতেছি।”

শ্রীযুক্ত জে এম সেন গুপ্তকে ষ্টিফেনসনের পত্র—“ঠাহার চরিত্রে ক্ষুদ্র কিছু হীন কিছু ছিল না। ঠাহার অভাবে বাঙলা আজ কাঙাল।”

পণ্ডিত মতিলাল নেহেরুর তার—“সহ কর বোন। আমাদের শোক হঃসহ ; কিন্তু ভগবানের ইচ্ছা পূর্ণ হইবে। দীর্ঘ পথ চলিতে নিতান্ত অশক্ত একটু সুস্থ হইলেই তোমার কাছে যাইতেছি।”

রবীন্দ্রনাথের তার—“দেশের ক্ষতিতে আমার খেদ আর তোমার শোকে আমার সমবেদনা।”

শ্রীযুক্ত কৃষ্ণ গুপ্তের তার—“পতীর আহত। আন্তরিক শোক জ্ঞাপন করিতেছি।

শ্রীযুক্ত তুলসী গোস্বামীর তার—“বজ্রপাত তুলা হৃদয়-ভাঙা সংবাদ। সমস্ত ভারতবর্ষ আপনার সঙ্গে কাঁদিতেছে। শ্রদ্ধাপূর্ণ শোক জ্ঞাপন করিতেছি।”

মহাত্মা অ্যান্ড্রুজের তার—গভীর শোকে আহত হইলাম। আপনার স্বামী তাঁহার শেষ লক্ষ্য দেশকে উৎসর্গ করিলেন।

পণ্ডিত মালবীর তার—“সংবাদে ব্যথিত হইলাম। আপনার এ ক্ষতি সারা দেশেরই ক্ষতি। যেদিন তাঁহাকে দেশের বড় বেশী প্রয়োজন সেই দিন ভগবান তাঁহাকে লইয়া গেলেন। ভগবান এ গুরু দুঃখে আপনাদিগকে সাহন। দিন্।”

রাজা গোপালাচাঁর—“জাতীয় ক্ষতি কথায় প্রকাশ করা যায় না।”

মালী রাজপৎ রায়—“ভারত তাহার এক শ্রেষ্ঠ সম্ভান হারাইল।”

সার সুরেন্দ্রনাথের পত্র—“আমার মর্মান্বিত শোক-প্রকাশ গ্রহণ করুন।

মিঃ গাভিনের কথা—“এ শোকানুভব আমরা শ্রদ্ধা ও সহানুভূতির সহিত অনুভব করিব।”

শ্রীমতী নাইডু—“রাজা চলিয়া গিয়াছেন—ভারত তাই শোকে লুপ্তিত হইয়া পড়িয়াছে। তিনি ছিলেন দানে রাজা—ত্যাগে সত্রাট। তাঁহার প্রেম উজ্জল বক্তিকার মত আমাদিগকে স্বরাজের পথ দেখাইয়া লইয়া যাইবে।”

মোহন বোদ্ধা। (ইংলিসম্যান)—“তাঁহার আত্মীয় এবং যে রাজনৈতিক দলের তিনি নেতা ছিলেন তাঁহাদিগের প্রতি আমাদিগের অকৃত্রিম আন্তরিক সহানুভূতি এবং বেগুন ক্ষতি আজ ভারতবর্ষের হইল সে অন্য আমাদের সমবেদনা।”

আমাদের সহিত দাস সাহেবের অনেক বন্দ সংগ্রাম চলিয়াছে কিন্তু তাঁহার মতের অন্য বরাবর তিনি মোহন বোদ্ধার মত লড়িয়াছেন। সে যুদ্ধে তাঁহার বিপর্যতা করিয়াছি বলিয়া আমাদের বিশ্বাস—শ্রীযুক্ত দাস সর্বশেষ ব্যক্তি যিনি আমাদিগকে কমা প্রার্থনা করিতে বলিবেন।”

সমস্ত পৃথিবী চিত্তরঞ্জনের অভাবে অশ্রু বর্ষণ করিয়াছে। তাহার সকল কথা উল্লেখ করা নিশ্চরোক্তন। আজ তাঁহার পূণ্য স্মৃতির তর্পণ দিনে আমাদের বিনীত নত' সজল বাণিত প্রণাম নিবেদন করিতেছি। তাঁহার আশীর্বাদ স্বর্গ হইতে আমাদের মস্তকে বর্ষিত হউক। সে আত্মা পূণ্য হউক, ভূপু হউক; পূর্ণ হউক—মধু হউক।

কুচবিহারে—কুচবিহারেও তাঁহার স্মৃতিপূজা ও আত্মার কল্যাণের জন্য প্রার্থনা করা হইয়াছে। এলা জুলাই শ্রীমুকু যোগেন্দ্রচন্দ্র চক্রবর্তীর সভাপতিত্বে এক শোক-সভার অধিবেশন হইয়াছিল। যোগেন্দ্রবাবু চিত্তরঞ্জনের জীবন কি শিক্ষা দেয়—এই বিষয় যিনি সর্বোৎকৃষ্ট প্রবন্ধ লিখিতে পারিবেন তাঁহাকে একটী সুবর্ণ পদক পুরস্কার দেওয়া হইবে বলিয়া ঘোষণা করিয়াছেন। কুচবিহার সাহিত্য-সভা এরচনার বিচার ভার গ্রহণ করিয়াছেন এবং পদকটাও বিতরণের জন্য সভার হস্তেই দেওয়া হইবে।

স্বরাজ-নায়ক।

—:~:—

দীর্ঘ করি' দেহবন্ধ হিমাচল-শৈলের শিখরে

লক্ষ্মুকি স্বরাজ-নায়ক

হুড়ায় পড়েছে অস্ত্রি ভারতের প্রতি ঘরে ঘরে

সজ্জিত সেনানী-চূণে ভরে দিতে শক্তির শায়ক ;

কে বলে সে ছেড়ে গেছে ঝেড়ে ফেলে দায়িত্বের ভার ?

কে বলে সে চলে গেছে বার্থকাম—ফিরিবে না আর,

কে বলে সে নহা প্রাণ নাচিয়া আসেনি প্রাণে প্রাণে,

কে বলে রে দেশবন্ধু লক্ষ লক্ষ হৃদয়ের টানে

নেশেনি দেশের দীপ্ত প্রাণে ?

নেভেনি সে হোম-শিখা—জলিয়াছে আরো সমুজ্জল,

প্রাণদানে বাঁচাইতে ধ্যানের ভারতে তা'র

ঘারে ঘারে ফিরিছে সে প্রাণবাঁই বিলায়ে নিশ্চল।

(২)

ছুঁড়ে ফেলি রাজনও,—প্রেমে বাধি' প্রাণমন খুলে
 আপনার জনগণে বিতরিতে মুক্তির আশ্বাদ,
 নৃপতির এ আদর্শ,—যে-ভারত ধরিয়াছে তুলে
 ঘুচাতে জগত হ'তে রাজশক্তি-গর্ভের বিশ্বাদ,
 সেই ভারতেরি শিষ্য, বাঙালী-সন্তান, দেশের স্বরাজ-দলপতি
 মরেনি রে বেঁচে আছে, দেশেরি কামনা-মান্নে
 বৃকে বৃকে বিকীরিয়া জ্যোতিঃ ।

আনন্দের অশ্রুবাণে, রুদ্ধ অঁখি দেখিতেছি তাই
 তুচ্ছ করি' জাতি বর্ন, তার পূণ্যস্মৃতিতীর্থে বিবাহুনা মিলিল সবার
 এক বৃন্তে দুটে-ওঠা পুষ্পগুচ্ছমন, ভাই ভাই !
 সর্ব সম্প্রদায় হ'তে দিল তা'রে শ্রদ্ধার অঞ্জলি
 করিল রে অভিমেক প্রাণ-গলা অঁখি-জলে
 "তুমিই প্রাণের রাজা" বলি' ।

(৩)

যে শিরে মুকুট শোভে, রাজশক্তি সেথা আজ নাই
 আছে—তাহা আছে,
 দেশপ্রাণ, দেশবন্ধু, স্বাধীন, অমর ঐ সদায়ুক্ত প্রাণবেগ মাঝে ।
 শত-শোকসভাতলে দাঁড়িয়ে হরম-বিদ্ধ তাই আজ দেখিতেছি আমি,
 সেই মহা প্রাণ-বেগ হিনাদ্রি-শিখর হ'তে শতবারে আনিতোছে নানি'
 ভারতের সমতলে ; বক্ষে বক্ষে ঢালি' উর্ধ্বরতা,
 সমভূমি ক'রে দিতে ভৈর-ভিন্ন হিয়াগুলি, ধূয়ে মুছে সকল ক্ষুদ্রতা ।
 উঠিতেছে কুটিরায় : চিত্তরঞ্জনের সেই আলোকিত চিত্তের রজন-
 বর্ণে বর্ণময় করি' সাজাতে স্বদেশে তা'র,—করি' সর্ব সমস্তাভরণ ।

আস্মতেজে বিদারিয়া ভঙ্গুর অঙ্গের কাটাগার
 বাহির হয়েছে পথে অনঙ্গ সে নেতা আজ
 অঙ্গে অঙ্গে করিতে রে চেতনা সঞ্চার ।

(৪)

খানেক কবি আঁকে ছবি, প্রাণ তারে দেয় শ্রদ্ধাবান্ ;
 আপন জীবন ধরি' কবির টঙ্গিতগুলি, দৃষ্টান্তেরে করে জন্মদান
 সেই নিতা,—যে জন্মে সন্ধান ।

জীবন্ত সে দৃষ্টান্তের সমুখিত পট্টাকার তলে
 লোকারণ্য-নীড় তাজ্জ্বলিত করি' জনগণ সমবেত হয় দলে দলে ।
 সাগ, শ্রীতি, আত্মনিষ্ঠা, স্বাধীনতা-সংগ্রামের যে জীবন্ত অটল প্রতীক
 চিত্তরঞ্জেতে ফুটি' পথভ্রান্ত পথিকেবে দেখাইয়া গেল আজ দিক,
 ভারতের ইতিহাসে স্বর্ণোজ্বল স্মৃতি তা'র গাঁথা হয়ে রবে চিরদিন,
 বর্ষে বর্ষে জাগাইতে নব নব সাধকে রহিবে তা' দীপ্ত, অমলিন ।


আজ শুধু এই চিত্রে শ্রদ্ধাভরে করি' নমস্কার
 অবিস্রাস্ত সুরে আর অনির্বাক্য গানে
 বেধে হতে উঠিতেছে যোগাসনা ভারতীর মর্মের বহুকার
 কোটা কোটা আদর্শেতে অলি'
 যুগে যুগে মানবেরে অমৃতের পথ দিতে বলি' ।

শ্রীবিজয়কৃষ্ণ ঘোষ ।

নিবেদন ।

শ্রাবণ ও ভাদ্রের মাসকাবারী একত্র ভায়ে লিখিব ।

কন্যাপ্রার্থী—চক্রবর্তী ।



পরিচরিকা

(নব পৰ্য্যায়)

“তে প্রাপ্নুবন্তি মামেব সৰ্বভূতহিতে রতাঃ

৯ম বর্ষ।

ভাদ্র, ১৩৩২ সাল।

৫ম সংখ্যা।

অসম্পূৰ্ণ যৌবন।

ছিন্নতন্ত্রী বীণায়ন্তে ছন্দহীম সঙ্গীত বোধন

কিরে কেন জাগালে যৌবন !

পুরাতন ভয়স্তুপে অতীতের স্বপ্ন-আবরণ,—

রচি' বৃথা মায়াজাল আরবার করিলে মোচন ;

ভয়স্তুপে ঢেলে এলে যেন কোন্ পরশপাথর—

পুনর্বার তাই বৃষ্টি অশ্বেষিতে হইলে তৎপর

সন্ধ্যার আলোকে ;

অরণ্যের পূর্বরাগ রচিলে আজিকে

অপূর্ব পলকে !

কবে কোন্ ধ্যানরত সন্ন্যাসীকে করিলে স্পর্শন

অসম্পূর্ণ হে হত-যৌবন

তারি শাপ-বন্ধি লাগি' প্রভাতের যাত্রাপথে তব—

ভয়ে পরিণত হোল সীমাহীন অক্ষয় বৈভব ;—

অসম্পূর্ণ যাত্রা তব তাই বৃষ্টি গিয়াছে নরিয়া—

মুঞ্জরিত শ্যামশাখা অকস্মাৎ ঝিয়াছে নরিয়া—

বসন্ত প্রভাতে !

গীতারক্ত আপনারে হেরিলে আপনি

আজি আচম্বিতে ?

কবে কোন্ যুগপ্রাতে বসন্তের নিরুদ্ধে মন

ছেয়েছিল তোমারে যৌবন !

সেদিন বন্ধন তব কেন জানি গিয়াছে টুটিয়া,

দীর্ঘ শীত-বন্ধ ভেদি' অন্ধকারে উঠিলে ফুটিয়া ।

সেদিন চৌদিক হ'তে দিগ্দিগন্ত দিয়েছিল ডাক—

স্বপ্ন ধরিত্রীর কাণে শুনাইলে অমঙ্গল শাখা,

কৌতুক-চঞ্চল ;

বৈরাগ্যের' তপোমস্ত্রে উড়ালে গগনে

গৈরিক অঞ্চল ।

রত্নপূর্ণ গুপ্ত কক্ষ দূর হতে সে কোন্ ভবন

ভেকেছিল তোমারে যৌবন !

সেদিনের পূর্ণপাত্র উচ্ছ্বসিল তোমার অস্তরে

হেরিলে অপূর্ণ সৃষ্টি নীলাকাশে কাননে প্রাস্তরে ;

সেদিনের চিত্রাকাশে উজলিল নবজ্যোতিঃশিখা,

উৎসুক অস্তরে তুমি লিখেছিলে তেজঃ রক্তলিখা

আকাশের গায় ;
অকস্মাৎ বার্তা তারি নিয়ে এলো বেগে
দক্ষিণের বার ।

অস্থিরে জাগিল কেন বন্ধনের সহস্র বেদন—
গতি স্তব্ধ ব্যাকুল যৌবন !
যেই জ্বালায়ী বিষ পিয়েছিলে আকণ্ঠ পূরিয়া,
সে বিষের পানপাত্র মুহূর্ত্তে কি গিয়াছে চূর্ণিয়া ?
সহসা পথের মাঝে বাজাল কে ঝঞ্ঝার সুপূর
চকিতে চাহনি হানি' লাগাল কে বিশ্বাসের যোর—
নয়নে ভোমার ?
অসমাপ্ত সঙ্গীতের মূর্চ্ছনা বাঞ্জিল
করি' হাহাকার ।

সেদিনের সে উৎসবে আজি কেন করিলে বোধন
আরবার ব্যথিত যৌবন ?
আজিকার শিহরিত ধ্যানমগ্ন শীতের প্রদোষে
অতীত নূতন হয়ে অকস্মাৎ গেল হেথা নিশে ;
মুথরিত উৎসবের যাত্রা তবে করি আজ মিছে—
নিদ্রায় বিধাতা কোন্ যৌবনের সমাধি রচিছে
অনিমেষ চোখে !
শীতল উত্তরবার বারে বারে কর হানে ঘারে
উৎসুক কৌতুকে !

শ্রীনিখিলকুমার ঘোষ ।

বয়াটে ।

—*—

(পূর্ক-প্রকাশিতের পর ।)

(দুই)

সাহেবের ঘরের ভেতর রূপ, রঙ, আসবাব আয়োজন একরকম ছিল না ব'লেই হয় । ঘরের কোণায় কোণায় ঝুল আর মাকড়শার জালে ধুলো জ'মে, বুগী তুলে গাঁট বাধা সুন্দরীর সৌখীন হাতে বোনা ফ্রেমের রুমালের মত দেখাচ্ছিল । তাকেই এ ঘরের ছবি বা শিল্প-সাজ ব'লে ধরে নেওয়া চলে । তিন পায়ের একখানা টেবলের ওপর বই, খাতা, দোয়াত-কলম, একটা ছোট ডাকে পাঠানো প্যাকিং বাস্ক, দেশলাই—তার বাক্সগুলো সব মাঝে মাঝেই ছ'ড়ে ছ'ড়ে উঠে গিয়াছে । হোলি বাইবেলের কালো বাধানোর ওপরটায় চায়ের পেয়ালার রাখার, বাদামী দাগগুলো গোল গোল হ'য়ে র'য়েছে । এক পাশে কোণা ভাঙা একখানা সনার—তার ওপর একরাশ ছাই আর সিগারেটের টুকরো । এ ছাড়া আরো কত হিজি বিজি, আলাই বালাই—ই যে এলোমেলো হ'য়ে প'ড়ে র'য়েছে তার ঠিক নেই । গোল বেতের চেয়ারখানার পিছনকার পায়টা লোহার পাত মেরে পুটিং দিয়ে অ'টা । হাত দুই ওসার একখানা তক্তাপোষ তার ওপর পাটনাই খেড়োর চিলতে একখানা তোষক পাতা । মাদ্রাজী তাঁতের একখানা বিছানার চাদরে তোষক ঢেকে রাখবার চেষ্টা ফ'াকে ফ'াকেই ব্যর্থ হ'য়ে গিয়েছে কারণ চাদরখানা চার পাঁচ জায়গায় গোল হ'য়ে ছেঁড়া । ঘরের এক পাশে রান্না-বাগ্নার সব সরঞ্জাম । একটা কেরোসিনের বাস্কের ভেতর চাল, ডাল, তরকারী সব খিচুড়ী হ'য়ে মিশে র'য়েছে । ষ্টোভও আছে একটা—আর একটা “কুকার” । একটা টিনে কেরোসিন তেল । চালের বাস্কের পাশে একখানা তক্তার ওপর চায়ের তৈজস-পত্র । একটা চায়ের টিন । তার গায় বঁকা, কাঁচা হাতের ছোট বড় হরফে লেখা লেবেল অ'টা র'য়েছে—
“Best Darjeeling নীচে ব্র্যাকেটের ভেতর (Speciality—flavour) । বর্গার কড়ার সঙ্গে একগাছা নারকেলের দড়িতে খলয় পোরা একখানা বেহালা ঝোলানো । আর একপাশে

দৈত্যের ছানার মত মাঝা মাঝি রকম বিরাট একটা কাঠের সিন্দুক। তার ভেতরে কি আছে কে জানে।

ন'বনে ঘরে ঢুকে এক মিনিটের ভেতর সব দেখে নিলে।

তার মনে হ'ল—এ সাহেবও বুঝি তারই মতন, একটা “গাঁ তাড়ানো” স্নেহ হারানো মানুষ এক নখরের ভ্যাগাবণ্ড তবে তার মতন গরীব নয়। কিন্তু তা যদি হয় বেশ ;—হুজনে মিশ খাবে চমৎকার। ন'বনে এর ভেতরেই বেশ ভাল ক'রেই টের পেয়েছিল এ'র আরও যদি কিছু না থাকে তাঁর প্রাণ আছে।

বাইরে তখন সন্ধ্যার অঁধার কালো হ'য়ে আসবার আর বড় বেশী দেরী ছিল না। সাহেব ঘরের ভেতর গিয়েই একটা ল্যাম্প জালিয়ে টেবলের ওপর রেখে সিন্দুকের কাছে আসলেন। তিনটে তালা মেয়ে আটকানো তার ডালাখানা চাবি ঘুরিয়ে কুলুপগুলো খুলে টেনে উদ্গো ক'রে ফেললেন। ন'বনে দেখলো সিন্দুকের ভেতর—পোরা জিনিষ পত্র। সাহেব একটা গেঞ্জি আর একখানা কাপড় ব'র ক'রে ন'বনেকে দিয়ে ব'লেন—“জুতো খোল, ঐ তেল র'য়েছে মেখে কলতলায় যাও, জল ধরা আছে বোধ হয় চৌবাচ্চায়—নেয়ে নাও—কাপড় ছাড়।”

ন'বনে জিগ্গেষ ক'রলো—“কোন দিকে কল? পাইখানা কোথায়?” সাহেব ব'লেন—“নিজের বাড়ী—খুঁজে বার ক'রে নাও।”

ন'বনে আর কথা না ব'লে বাড়ীর ভেতরের দিকে উঠোনে বেরিয়ে গেল। এদিক ওদিক হ'একবার তাকিয়ে দেখেই টের পেলে কোথায় কল পাইখানা। যা কাজ ছিল সেয়ে নিলে।

স্নান সেয়ে ভেতরে এসে দেখে সাহেব তাঁর পোষাক ব'দলেছেন। প'রেছেন একটা ঢিলে পায়জামা—গায় ঢোলা আস্তিনের ফুঁনেলের পাঞ্জাবী। গায় এক জোড়া লাল রঙের বান্ধা স্যাণ্ডাল। সাহেব পাম্প ক'রে ঠোঁট জালুছিলেন। কুকারটা আগেই ধ'রিয়ে তাতে রান্নাও তুলে দে'য়া হ'য়েছিল। ন'বনে ঘরে ঢুকতেই সাহেব ব'লেন—“এই সম্ প্যানটায় জল নিয়ে এস চা করা যাক্।

ন'বনের শরীরে স্নান আর আশ্রয় পাওয়ার আনন্দ নতুন একটা আরাম আর স্বস্তি প্রচুর পরিমাণে এনে দিয়েছিল। না খাওয়ার ব্যথাটা একটু আধটু তখনও পেটের ভেতর

টাটিয়ে উঠলেও কষ্ট তার একটুও ছিল না। সে ছুটে গিয়ে জল নিয়ে এল। চায়ের জল ঠোঙের ওপর ফুটে দিয়ে সাহেব উঠে এলেন—ব্যাগ খুলে কি কি ওষুধ ন্যাকড়া তুলে সব বার ক'রে ন'ব'নের পিঠের কাটাটা পাকা ডাক্তারী হাতে ব্যাগেজ ক'রে দিয়ে উপরের ছ'ড়ে যাওয়া জায়গাটায় টিনচার আইওডিন চিত্র ক'রে লেপে দিলেন। ন'ব'নে ব'ল্ল—“ও অত করবার কি দরকার—আপনিই ক'মে যাবে।”

সাহেব ব'ল্ল—“না অস্থখে সাবধান হওয়া উচিত—ব্যাগমোকে বাড়বার সুযোগ দিলে—সে প্রায়ই পেয়ে বসে।”

ছুটো পেয়ালায় চা চলে সাহেব ব্যাগের ভেতর থেকে একটা 'ফ্লাস্ক' বার ক'রলেন। তাতে টাটকা দুধ তখনও গরম ছিল। ব'ল্লেন—“এ রাত্রিরের জন্যে জমিয়ে রেখেছিলাম তাই রাস্তায় বার করি নি।”

ব'লে সাহেব চায়ে দুধ মিশিয়ে ছুটো আধ সেক ডিম খোসা ছাড়িয়ে একটা নিজে নিলেন আর একটা ন'ব'নেকে দিলেন। চা খেতে খেতে সাহেব ব'ল্লেন—এখন একটা কুটিন তৈরি করা যাক—আমাদের কাজের। ঐ দোয়াত কলম কাগজ নিয়ে এস। ন'ব'নে চায়ের পেয়ালায় একটা চুমুক দিয়ে উঠে গিছে টুকটাক সব যুগিয়ে নিয়ে এল। বুড়ো ব'ল্লেন—“লেখ সকলবেলা ছটা।”

ন'ব'নে ব'ল্লেন—“হ্যাঁ সকলবেলা ছটা—”

“উঠে হাত মুখ ধোয়া একসারসাইজ ইত্যাদি।”

“হ্যাঁ হ'য়েছে লেখা “ব'লে ন'ব'নে আর এক চুমুক চা খেলে।”

সাহেব ব'লে গেলেন—“সাড়ে ছটা থেকে সাতটা—বাসন মাজা—চায়ের জিনিষপত্র ধুয়ে মুছে শুছিয়ে গাছিয়ে নে'য়া। সাতটা থেকে দশটা রান্না। এগারটার ভেতর স্নান খাওয়া শেষ। সাড়ে এগারটা থেকে বাইরের কাজ—সে Practical—কিছু লেখবার দরকার নেই। বিকেল চারটা অবধি বাইরে।” চারটের সময় ঘরে ফিরে থালা বাসন ধুয়ে রান্না বানা। চা খাওয়া সমস্ত সন্ধ্যা সাতটা অবধি।

সাতটা থেকে এগারটা রান্না স্নান ইত্যাদি।

ন'ব'নে লিখলো। তা'পর জিগ্গেব ক'রলে—আমার কাজ তা হ'লে—বাসন মাজা, রান্না ?

“হ্যাঁ কোনো কোনো দিন—কাজ সব ভাগ ক'রে নে'য়া হবে।”

ন'ব'নের মনে একটু একটু রাগ হ'চ্ছিল—কিন্তু সাহেবের জবাব শুনে তা আর বেড়ে না উঠে একেবারে মিইয়ে এল। সে জিজ্ঞেস ক'রলে—“না না আলোচনা কে ক'রবে ?”

সাহেব জবাব দিলেন—“জেনেই।” ন'ব'নে—ব'লে—“আমি তো তার কিছুই জানিনে—না জেনে কিসের কথা কি ব'লবো ?”

“যত দিন ব'লতে পারবেনা তত দিন শুনবে ?”

“বেশ।”

“তোমার মাইনে কিছু নেই ; খাবে, কাপড় চোপড় পাবে, সিগারেট দেশলাইও আমার খরচ। যদি নগদ টাকার কিছু দরকার হয় তখন দোব। বাজার তুমি ক'রবে—বাজারের টাকার হিসেব রাখতে হবে—বেশী খরচ হ'লে জবাব দিহী চাইব।”

“আচ্ছা।”

এখন খাবার মেনু।

রবিবার—নিরামিষ, শুকুনি, ডাল, চচ্চড়ি, ছানার ডালনা, পায়েস।

সোমবার—পোলাও, মাছের কালিয়া মাংস।

মঙ্গলবার—ভাজা, ডাল, মাছের ঝোল।

বুধবার—খিচুড়ী, ভাজা, ধোঁকা, মাছের ডালনা।

বৃহস্পতিবার—ডিম, চপ, কাটলেট, মাটন কারী, পুডিং।

শুক্রবার—ভাত, মাছের ঝোল, টক্, দই, সন্দেশ।

শনিবার—দমের ভাত, মুরগীর সুপ, মাছের কোন্দা, টক, দই।

রান্ধিরে—৪ দিন লুচি ৩ দিন রুটী।

ফল—রোজই কিছু কিছু।

ন'ব'নে শুরু বিষয়ে সাহেবের কথা শুনছিল। এক একবার ভাবছিল—বুঝি ঠাট্টা। সাহেব তা লক্ষ্য না ক'রে ব'লেই গেলেন—“খরচ নাসিক ষাট টাকা ; ক্যাসিয়ার—“হ্যাঁ তোমার নামটা কি বয় ?”

ন'ব'নে ব'ললো—“নবনীতমোহন চক্রবর্তী গুরুকে ন'ব'নে ।

“ন'ব'নে ? all right you are my Protege—I am your Sincere friend” ব'লে সাহেব ন'ব'নের হাতখানা ধ'রে খুব জোরে নাড়া দিয়ে হো হো ক'রে হেসে উঠলেন । তা'পর বলেন In Charge of Cash—নবনীতমোহন চক্রবর্তী ।

ন'ব'নে ব'লল—“মেনু তো হ'ল রাজভোগের—কিন্তু বাবুর্চী কে ?”

“Dear me” ব'লে সাহেব চোঁচিয়ে উঠে জবাব দিলেন—You and I. I am as good a বাবুর্চী as any one in a first class Establishment—do you see—my boy—বুঝলে ?”

“বুঝেছি ।”

“ব্যস—তা হ'লে all right” ব'লে আবার সেই দমকা স্বচ্ছ হাসি হাসলেন ।

ন'ব'নে রাস্তিরে ঘরের মেজের সাহেবের পাশে গুয়ে গুয়ে ভাবতে লাগলো এ লোকটা কে ? এ যে এক আজগুবি অদ্ভুত লোক । বাবু নয় কিন্তু বাদশাই আছে পুরো ষোল আনা । চেহারা নবাবের মত—মন ফুলের মত । মেজাজ নেইই বোধ হয় একেবারে । সাহেবও নয় কিন্তু বাঙালীও নয় । পারশী হবে কি ? কি জানি ।

কিছু ঠিক ক'রতে না পেরে সে, একটা পরী রাজ্যের খেলা ঘরে ভুল ভোলানো স্বপ্নের রঙ খেলানো পরিকল্পনা একখানা তার জীবনে আজ জীবন্ত হ'য়ে সত্য হ'য়ে আসছে মনে ক'রে প্রাণে একটা মধুর স্পন্দন নিয়ে—ঘুমিয়ে পড়ল । ঘুম আজ বেশ হ'ল ; চিন্তা নেই কিধের তাগিদ বা তাড়া নেই আজ সে রাস্তায় নয়—ঘরে ।

রুটীন মত কাজ চ'লবে তারপর দিন থেকে । সে দিন তারা নটা বাজতেই গুয়ে প'ড়েছিল । চারটের সময় ন'ব'নের গাড় ঘুম তার গায় মনে আরামের সোণারকাঠি ছুঁইয়ে চ'লে গেল ।

সাহেব ঠিক ছ'টার জেগে দেখেন তাঁর ঘরের শ্রী ফিরে গিয়েছে । ঝুল-কালি নেই । টেবিলের ওপরটা ফুল ফুটিয়ে সাজানো । বই খাতা, দোয়াত কলম যা কিছু জায়গা মতন মানান সেই ক'রে গুছিয়ে রেখেছে । বাসন-পত্র মাজা সাজা । ঠোঁড় আর কুকারটার কালি-ঝুলির কলঙ্ক কোথায় অদৃশ্য হ'য়েছে ধোয়া মোছা,—সোণার মত ঝক ঝক ক'চ্ছে । ভাঁড়ারের দিকটা পরিষ্কার পরিচ্ছন্ন ; জিনিষ আছে—কিন্তু তার এলোমেলো বিশৃঙ্খলা, সেজে রূপ হ'য়ে

উঠেছে। ন'বনে টেবিলের পাশে ব'সে এক তা কাগজে লাইন টেনে ঘর ক'রে দিনের কাজের তালিকাখানা তাদের বড় বড় হরকে পরিষ্কার ক'রে লিখ ছিল—দেয়ালের গায় মেয়ে রাখ'বে ব'লে।

সাহেব উঠেই চারিদিকে তাকিয়ে দেখে একবার হো হো হো ক'রে প্রাণ খুলে হেসে উঠলেন সে হাসির হররা বুঝি মাথার ওপরে ছাড় ফাটিয়ে বার হ'য়ে যাবে।

ন'বনে সাহেবের দিকে একবার মোটে তাকিয়ে একটুখানি হাসলো।

সাহেব একটা সিগারেট ধরিয়ে নিয়ে বেরিয়ে গেলেন। ফিরে এসে দেখেন 'টি পটে' চা ঢালা হ'য়েছে। নবনীতমোহন পেয়ালার চা ছাঁকছিল।

Breakfast শেষ হ'ল। ন'বনে বাজার ক'রে এল। ষড়ি ধ'রে কাঁটার কাঁটার এগারটার খাওয়া দাওয়া শেষ। মেয়ুর সঙ্গে মিলিয়ে সব রান্না ঠিক মতই করা হ'য়েছিল। সাহেবই আজ রাঁধলেন। রাঁধলেন আর ন'বনেকে সব দেখিয়ে দেখিয়ে বুঝিয়ে হাতে কলমে শেখালেন। ন'বনে দেখলো সাহেবের মুন্সীরানা হাত পাকা গিল্লীর চেয়েও তন্তু চলে; কাজ হ'চ্ছে যেন কলে। ন'বনে অবাক হ'য়ে দেখলো; সাহেব বেপরোয়া হাসি বেদম হাসলেন আর সিগারেটের পর সিগারেট টেনে চ'ল্লেন। ন'বনে খাওয়ার আগে সিগারেট পেল না তার বরাদ্দ দিনে চারটা সিগারেট—তাও দুদিন পরে একদিন বাদ। রব্বারে এক বেলা।

ঘরের কড়ায় ডবল তালি চড়িয়ে সাহেব আর তাঁর বয় বেরোলেন বাইরের Practical কাজে,—কুটিনে তার বিস্তারিত কিছু ফিরিস্তি ছিল না। সে দিনের খবর মোটামুটি—এই রকম।

সাহেবের পোষাক পুরোনো। প্যান্টলুন তালি দে'রা। টাই, বুট, জাট সবই আছে কাট দেখে সাহেব দরজীর তৈরি বলেই মনে হয়। ষড়ির ইম্পাতের চেন শিকলের মত মোটা কিন্তু বক্ বক্। জুতোর তলার হাপসোল মার ওপরে কিন্তু সাপনার্কা কালির রঙ্ ব'সে ব'সে চিকমিকিয়ে তুলেছেন। মাথার চুল পরিষ্কার ক'রে আঁচড়ানো,—চোখে নিকেল স্ক্রেনে 'গাস না' চস্মা গলার মোটা কারের সঙ্গে ঝোলানো আর এক বোড়া লেজারাসের দোকানের রেজিল পাথরের বুঝি সে বোড়টা—পড়বার জন্যে।

ন'বনে খোঁটাবাবু। সাহেব ব'লেন আমীরের ঘরের লেড়্কার মত সেজে নাও। সে মাথার সোনালি কাজ করা টুপি ঝাকা ক'রে বসালো। মসলীনের গিলে করা পাঞ্জাবী রঙিন গেঞ্জির ওপর ফুর ফুরিয়ে উড়লো। জরী পেড়ে ঢাকাই ধুতি কোঁচার কাছে ফুলিয়ে মালকাছা মেরে প'রেছে। হাতে পাথর বসানো আংটা তিন চারটে। পকেটে সোনার সিগারেট কেস। বুক পকেটে গন্ধমাখা সাতরঙা রেশমী রুমাল কানে তুলোর করে আভর গৌজা।

সাজ দেখে সাহেব "বাঃ বহৎ উমদা—ছয়া, একদম—নবাবজাদা ;—কিন্তু জড়োয়া—ও সবই ঝুটো বুল্লে ?" ব'লে তাঁর সেই হেঁ হো গদ্ গদ্ হাসি আবার হাসলেন—ন'বনেও মুখটিপে না হেসে পারলো না।

ধর্মতলার মোড়ে চোরঙ্গীর ফুটপাথে দাঁড়িয়ে সে দিনের দৈনিক কাগজ একখানা কিনে প্রথম পৃষ্ঠার বিজ্ঞাপন থেকেই পড়া শুরু ক'রলেন। আপন মনেই বললেন—এই যে জাহাজের বিজ্ঞাপন। নিশান উড়িয়ে দিয়েছে ;—তোমার মেরুদণ্ড গুঁড়িয়ে জমানো বাটে ইংরেজের বিজয়-নিশান অঁটা। বা দিকে—"ডোমেস্টিক"—সাহেব মেমের ঘরের কথা—তার নীচে—"পাসনেল"—যার যেমন নিজের কাজের বিজ্ঞাপন ;—এই-ই আমি চাই! প্রথমটা "Sweet lord জেসাস্কে ধন্যবাদ"—আমার কিছু গেল এল না। তা পরেরটা—না—হ্যাঁ—এই যে তিনের নম্বরে—"Dear old lad, don't be anxious ; things finally settled. Meet sweet I where it leads to downe lands. Monna Vauna" ("ওগো পুরোনো প্রিয়, ব্যস্ত হ'য়ো না ; সব ঠিক ; প্রিয় সে এক ;—তার সঙ্গে দেখা কর—রাস্তা যেখানে "ডাউন ল্যান্ডস"—মানে নীচু জমিতে নেবে গিয়েছে (মোন্নাভান্না)।

ছাপা ইংরাজীটার বাঙলা তর্জমা ক'রলে—কতকটা এই রকম দাঁড়ায়। ন'বনে—পাশ থেকে তাকিয়ে দেখে ব'ল্লে—"কিন্তু down বানান ভুল লিখেছে—সেবের "e"টা হবে না।"

সাহেব হো হো ক'রে হেসে উঠে—আবার পড়া আরম্ভ ক'রলেন। কত লোক ধাকা মেরে গেল,—সাহেবের বুটের কালো, ধুলো ক'রে ছ'একজন তাঁর পা-ও মাড়িয়ে গেল—সাহেবের ক্রক্বেপও নেই—তিনি উন্টে পান্টে কাগজই প'ড়ে চ'ললেন। ন'বনে দেখলো রাস্তার পথিকের দল—কাজে অকাজে যে জনোই হ'ক—ব্যতি ব্যস্ত হ'য়ে ছুটেছে—ট্রাম গাড়ীর

ভেতর লোকের ভিড়, সাহেব পাড়া হ'লেও—দু'চারজন মাড়োয়ারী, চীনে, হিন্দুস্থানীও আছে
বাড়ীদের মধ্যে। মেমদের মাথায় রঙদার ছাতা—লম্বা লম্বা তার বাঁটগুলো।

মিনিট দুই মনে মনে গ'ড়ে নিয়ে সাহেব ব'ললেন—“এবার চারটি সার্কাস
আসছে।”

ন'ব'নে ব'ললে—“খুব পরসাদা লুটবে।”

সাহেব আবার ব'ললেন—“এ হুগায় death rate ক'মেছে”—

ন'ব'নে ব'ললে—“হ্যাঁ, আমিই ত একজন খুব বে'চে গিয়েছি।”

সাহেব হেসে জবাব ক'রলেন—“আর একজনকে খুব বাঁচিয়েছ—এই যে সে খবরও
উঠেছে দেখছি—ওয়েলিংটন ষ্ট্রীটে বিকেল প্রায় পাঁচটায়—ইত্যাদি—শেষ হ'চ্ছে—একজন
কুলী তাকে বাঁচায়।”

ন'ব'নে ধা ক'রে ব'লে ফেললো—“কুলী?”

সাহেব ব'ললেন—“হ্যাঁ ঠিকই লিখেছে।”

ন'ব'নে হেসে ব'লল—“ঠিকই লিখেছে।”

“তা'পর—মেয়ে ভোলানোতে দশ বছর—যাক বাজে”—

“শেওড়া ফুলীতে ভয়ানক ডাকাতি—দরকার নেই”—

“ম্যাজিস্ট্রেটের কোর্টে আসানী জুতো ছুড়ে ম্যাজিস্ট্রেটকে মারে তার তিন মাস জেল
হলো—লোকটা সাহসী।”

“রবিবার কলকাতা গল্লী ইংরিজীতে তর্জনা হ'য়েছে—হ্যাঁ একদিন তাঁর খাতার কথাই
বিশ্বসাহিত্যের পাতাগুলো পোরাবে।”

ন'ব'নে ব'লল—“নিশ্চয়।”

সাহেব মুখ টিপে হেসে পৃষ্ঠাখানা কাগজের উর্টে নিয়ে ব'ললেন—“কংগ্রেসের বিরাট
আয়োজন ডেলিগেটদের জন্য বিশেষ বন্দোবস্ত—কিন্তু বিছানা ও মশারি সঙ্গে আনিবেন—কেবল
ভোল, ও সব ভূয়ো বাবা, ফাঁকা কথা;—আসল কাজ হবার দিন এখনও আসে নি। যখন
আসবে তখন বক্রতা হবে কম—সৌখীন খাওয়া শোয়া বন্দ হবে—এত বড় জ'াকিয়ে বিজ্ঞাপন

দেবারও দরকার ক'রবে না। দিন আসবে—। চুষুক কথাটুকু তোমার নোট বই-এ লেখা আছে।”

ন'ব্নে বললে—“ও আমার পাগলামী।”

কিন্তু খাটি সত্যি কথা—হ' তা'পর Latest Paris fashious Ladies world—
all bosh—nonsense—Rubbish কিছু নেই এ কাগজে বলে—“ওয়েলিংটনে ছেলে
বাঁচবার খবরটুকু আর সেই মোলা ভান্নার কাটিং শুধু ছিঁড়ে বাঁকীটা রাস্তার উপর ছুঁড়ে ফেলে
দিলেন। মোটা বেতের লাঠিগাছা পায়ের সঙ্গে হেলিয়ে রাখা হয়েছিল সেটাকে ঘাড়ে তুলে
নিরে পকেট থেকে ঘড়ি বার ক'রে দেখলেন—বারোটা বেজে গিয়েছে। ন'ব্নেকে বললেন—
“তাড়াতাড়ি চল—অনেকটা যেতে হবে।”

ন'ব্নে জবাব ক'লে “চলুন।”

সাহেব ঝড়ের বেগে উড়ে চ'লেন যেন ন'ব্নে তাঁর পেছনে তাঁর—বেশী হাঁপাতে হোলো
না—কেন না সাহেবের চেয়ে ন'ব্নের দেহ অনেক হাল্কা।

একটা বাজতে মিনিট পনের বাকী থাকতে হ'জমে গিয়ে ল্যান্সডাউন রোডের মোড়ে
পৌছলেন। সাহেব বললেন—এইখানে একটা অবশি দাঁড়াতে হবে—কাগজে তাই লেখা
ছিল—আমার “মোলা ভান্না”—আসবে—“মোলা ভান্না বয়।”

সাহেব হো হো হাসি আবার হাসলেন কিন্তু ন'ব্নে অবাক হ'য়ে তাঁর মুখের পানে
তাকালো—সে ভাবলো—এ আবার কি?—এ সাহেবের গোপন প্রেম আছে নাকি?

সাহেব ন'ব্নের মনের কথা বুঝেও কিছু না বলে আবার হাসলেন—স্পষ্ট সরল সে হাসি—
শুণ্ড প্রণয়ীর মনের পঙ্কিল কলকে সে হাসি কালো হ'য়েছে বলে মনে হয় না।
কাঁটার কাঁটার যখন একটা—রাস্তার ভেতর দিক থেকে সাহেবেরই মত নখর মোটা একজন লোক
বেগিয়ে এসে হ'হাত দিয়ে সাহেবের এগিয়ে বাড়ানো পরিপুষ্ট হাতখানা চেপে ধ'রে অভিনন্দন
জানালেন। সাহেব ন'ব্নেকে বললেন—“বয়, আমার মোলা ভান্না—কেমন চেহারা?—
জৌলুস আছে—কি বল?”

ন'ব্নে আরো অবাক হ'য়ে গিয়ে ভাবছিল—“এ কী অদ্ভুত।”

ন'ব্নে আশ্চর্য হ'য়েই জবাব দিলে—“এই মোলা ভান্না?”

সাহেব ব'লেন—“বোনি ভান্না,—কেমন রঙ ?”

ন'ব'নে ব'ললে—“কেটলীর তলার মত”—

“ওঃ হো হোঃ” ক'রে সাহেব হেসে উঠলেন—তার ভান্নাও সে হাসিতে যোগ দিলেন ।

এই রকমে মিনিট দুই । মোরা ভান্না—এইবার পকেট থেকে এক টুকরো খবরের কাগজে মোড়া বিষত টাক লম্বা একটা বাণ্ডেল বার ক'রে সাহেবের হাতে দিল ।

সাহেব জিজ্ঞেস ক'রলে—“মেয়েটার খবর কি ?”

ভান্না—ব্যাখায় করণ স্বরে জবাব দিলে—“কাল সক্কার—শেষ হ'রে গিয়েছে ।”

“মারা গেছে—পারলে না রাখতে—বেচারীকে ?” ব'লে সাহেব চেঁচিয়ে উঠলেন কিন্তু তার গলার ভেতর আওয়াজ করণায় গদগদ হ'য়ে এল ।

ভান্না ব'লে—“না—প্রাণপণ চেষ্টা করেও কিছু হ'ল না ।

“আহা—বেচারী ; ভগবান, এ আত্মা তোমার কোলে পারিজাত হ'রে ফুটে থাক্—তাকে বুকে করে রেখো ।” তা পর ভান্নার দিকে ফিরে ব'লেন—“হতভাগিনী তার মা ?”—

“অনেক ক'রে বুঝিয়ে শাস্ত ক'রেছি ।”

“মাতালটা ?”

“নেপা ছেড়ে দিয়েছে—আজ সকালে তাড়ির পেরালা দুটো গুঁড়িয়ে চুর চুর করেছে ।”

“দেখ যদি একটা আত্মার বলিদানেও ওকে গিরিয়ে পাও ।” ব'লে সাহেব তার হাতখানা ধরে জ্বোরে নাড়া দিয়ে—বিদায় নিলেন । রাস্তায় খানিকটা নীরবে চ'লে—ছ'এক বার ক্রমাল বার ক'রে চোখের কোণটা মুছে মুছে নিলেন । ন'ব'নে তার পাশে হেঁটে চ'লেছিল কোনো কণা জিজ্ঞেস ক'রবার সাহস পাচ্ছিল না । সাহেবই প্রথম কথা ব'লেন । জিজ্ঞেস ক'রলেন—
“সাহেবী দোকানে জিনিষ কিনেছ কখনো ?”

ন'ব'নে ব'ললে—“না ।”

সাহেব একটু দাঁড়িয়ে—একখানা কিটন ডেকে—ন'ব'নেকে নিয়ে গাড়ীতে উঠে ব'সলেন । কোচম্যান জিজ্ঞেস ক'রলে—“ঠিকানা ?”

সাহেব ব'লে—“লেড'ল ।”

হোয়াইট অ্যাঞ্জের দোকানের সামনে লোক জমেছিল মন্দ নয়। চটকদার জামা পরা রাঙা রাঙা মেমের ছবি—রাঙা জন্নির কাগজের প্রাকার্ডের ওপর একে বাহারের বিজ্ঞাপন দিয়েছে—
 ওদের X Mas Sale—মানে বড় দিনের সস্তা—বিক্রী আরম্ভ হ'য়ে গেছিলো। দোকানের সামনে কিটন থেকে নেমে—ভেতর দিকে মোজাম্মজি চ'ললেন—দরওয়ান লম্বা সেলাম ঠুকলে আধ হাত হেঁট হ'য়ে। সাহেব ন'ব'নেকে ইসার ক'রে পকেট দেখিয়ে দিলেন। ন'ব'নে পকেট থেকে একটা টাকা বার ক'রে দরওয়ানের হাতে ফেলে দিলে। দরওয়ান ছ হাতে আবার সেলাম দিয়ে দরজা খুলে ধ'রলেন।

ভেতরে shop girlsদের চঞ্চল চোখ, ফিক করা মিঠা হাসি—চমৎকার ব্যবসাদারী—
 যৌবনের বিজ্ঞাপন দিয়ে ;—রূপের লেখায় গোলাপ ফুটিয়ে তুলে।

“Good morning Sirs” ব'লে একটি মুনরী এগিয়ে এল। ঠোঁটের ওপর রস আর হাসি রস করা কাটছিল।

একখানা কার্ড হাতে দিয়ে সাহেব জবাব দিলেন—“Fair morning miss.”

তরুণী বুড়োর দিকে মর্যাদার সঙ্গে তাকিয়ে কথার পান্টা উত্তর ক'রলো—Is it not Sir my old love ব'লে হেসে ফেললো।—

সাহেব ব'ললেন—But too old a love—I am. There is my young friend here, an Indian Nabab. ব'লে বুড়া মুচকী হাসলেন।

তরুণী হেসে ন'ব'নের দিকে তাকিয়ে ব'ললেন—My services are always at your Highness' disposal—

সাহেব ব'ললেন—ফ্যান্সী ছাণ্ডকারচিক্ বুক, সেন্ট।”

তরুণী ধাঁ ক'রে আলমারী খুলে রুমাল হর রকমের মেলাই সেন্ট বার ক'রে আনলো। সাহেব ন'ব'নেকে ছটো তুলে দেখালেন। ন'ব'নে ঘাড় নাড়ালো সাহেব ব'ললেন not to our liking.

তরুণী ব'ললেন—fifty six Rupees. Sale price per dozen.

বুড়া গলা চ'ড়িয়ে জবাব ক'রলেন Yes ; but an Indian Nabob don't you see. my silly young lady ?

“Yes, I see” ব’লে তরুণী গিয়ে আর এক আলমারী খুলে জঁক চমকানো বাহার তোলা বেসে আরও ১০।১২ টা অল্প প্রসাধনের সাজ সরঞ্জাম নিয়ে এল।

বুড়ো ব’ললেন Yes ; ন’বনেকে আর এক সেট দেখালেন—আবার ন’ব’নে ঘাড় নাড়ালো, তরুণী তাড়াতাড়ি আর এক সেট তুলে ন’ব’নের কাছে ধ’রে চোখের কোণার মিঠে ভঙ্গিমায়, মন কেড়ে নেবার মিনতি নিবেদন ক’রে ব’ললেন—May it please your Highness—have this one—I am at your Highness’ Command সুন্দরী গালে টোল খাইয়ে মুচকী হাসলো—

সাহেব ঠ—ওয়া গোছের একটা আওয়াজ গলার ভেতরে গোঙ’রিয়ে ব’ললেন—Let him have that. “Thank you” ব’লে তরুণী packerকে ডাকলেন।

তা’পর ক্রমাল। সুন্দরী এক পাঁজা বালু নিয়ে এল। বুড়ো অনেকগুলো ওলট পালট ক’রে নেড়ে চেড়ে এক বাস্র বেছে নিয়ে ব’ললেন—Don’t mind the troubles—Miss ; thank you”

বুড়ো ঠিকানার bill পাঠাতে ব’লে বেরিয়ে এলেন। সাহেবদের দোকানের লোকই গাড়ীতে এনে জিনিষ তুলে দিয়ে গেল। সাহেব ন’ব’নেকে নিয়ে গাড়ীতে উঠে ব’সে হাঁকলেন “রাধাবাজার বেটিঙ ষ্ট্রীট হোকে” গাড়ী চ’লতে লাগলো।

বুড়ো ন’ব’নেকে ব’ললেন—এই সব Shop girls sweet and seducing বুঝলে ?

ন’ব’নে ব’ললো “বুঝছি”—

সাহেব হো হো ক’রে হেসে উঠে ফিটনের বোড়াটাকে চ’মকিয়েই তুললেন বুঝি। তারপর একটা দোকানের কাছে এসে হাঁকলেন—“এই ও রোগ।”

গাড়ী থামলে—হ’জনে নেমে একটা চীনে সাহেবের দোকানে ঢুকে ব’ললেন—“a pair of shoes—here is the measurement”

আফিম-খোর সাহেব টিকি ছলিয়ে ব’ললো—“সু, সু কেহা কেহা—ওয়াট প্রাইজ”

“Any price. I want superior quality—you see”

“বালা বালা good—yes” বলে চীনে ম্যান—আলমারী থেকে এক জোড়া জুতো বার ক’রে এনে মেপে টেপে ব’লল—“বেরি গুড্—ফাইব রুপি।”

সাহেব ব'ল্লেন—“টু” “টু” would you let it go at two ?

চীনে সাহেব ম'খ ব'কিয়ে ব'ল্লেন—“two, not good—bad bad ! take bad” বলে সাহেব আর এক বোড়া জুতো আন'লো বার ক'রে ।

সাহেব ব'ল্লেন—“No not bad I want to have this pair.”

“This pair ! then one—একঠো লে যাও—take one”

“You yellow sot, Do you see !” বলে সাহেব, চীনেকে খুঁষি দেখালেন ।

সে পাকানো মুঠি দেখেই তো চীনে জলে ঊঠ'লো—টেঁচিয়ে ব'ল্লো “blow ! blow !: মারেগা ?”

সাহেব জোরে টেবিলটার ওপর একটা আর সেটা তুলে সঙ্গে সঙ্গে চীনের দিকে হাওয়ার আর একটা খুঁষি ঝেড়ে টেঁচিয়ে ব'ল্লেন—Yes you will have this. How dare you insult a gentleman ?—Savage.

চীনে যেন কি “কফু, ফফু, নউফু” ব'লতে লাগ'লো সাহেব ব'ল্লেন—দেগা কি নেই ?—two annas more”

চীনে অম্নি জুতো বোড়াটা কাগজে জড়িয়ে বেঁধে দিয়ে হাত পাতলে ব'ল্লেন—“লাও টুকুপী টু আনা ।”

দাম দিয়ে জুতো নিয়ে সাহেব হকুম দিঅেন—“হাঁকাও রাখাবাজার ।”

রাখাবাজারে নেবেই একটা দোকানে ঢুকে সেন্ট আর রুমালগুগো দেখিয়ে সাহেব জিজ্ঞেস করলেন—“কত দাম হতে পারে মশার ?”

“গোটা আশী টাকা হ'তে পারে । এ Laidlawর ত ?”

সাহেব ব'ল্লেন—“হ্যা ।”

“কত নিয়েছে ?”

“১৩২ টাকা” ব'লে হাসতে হাসতে সাহেব ষেরিয়ে এসে রাস্তার ন'ব'নেকে ব'ললে—“দেখলে তো সাহেব, আর চীনে দোকান ?—সাহেবরা ডাকাত, চীনেরা বদমাইস । ভাল মানুষ খ'দের কা'রো চীনে দোকানে উচিং দামে জিনিষ কেনবার উপায় নেই ।”

ব'লতে ব'লতে আর এক দোকানে ঢুকে প'লেন। সমস্ত রাধাবাহারে যতগুলো দোকান ছিল এক এক ক'রে ঘুরে ঘুরে নানা রকম দর কসাকসি ক'রে কখনও হেসে কখনও আশ্চর্য হ'য়ে কথা ব'লে—চীনের পুতুল; জার্মানীর বাঁশী; টিনের নৌকা, রবারের বল, পেন্সিল কাটা কল, বাজে মেকারের ছুরী, কোমরের ঘুড়ুর, ঘুনসী, ছোট ছোট খেলনা ঘড়ি—তার ভেতর থেকে ঘোরালেই, মুরগী, ঝাঁড়, ভেড়া, ঘোড়া, হাতী, উট এই সব একে একে বেরিয়ে আসে—ছোট দোয়াত, জার্মান সিলভারের তৈরি খেলা ঘরে রান্না বাসার হাঁড়ি কুড়ী এই রকম একশ “ভালের” একরাশ জিনিষ কিনে জুতো টুতো সব শুদ্ধ একটা ঝাঁকায় তুলে নিয়ে গাড়ীতে এসে উঠলেন। গাড়ী তখনো দাঁড়িয়ে ছিল। চারটে বাজে বাজে হ'য়েছিল আর বাইরে নয়—সাহেব ঠিকানা ব'লে হাঁকাতে হুকুম ক'রলেন—কাঁটায় কাঁটায় চারটেয় ছুজনে ঘরে ফিরে এলেন।

কোচম্যানকে চারটে টাকা ফেলে দিলেন—সে সেলাম দিয়ে টাকা তুলে নিয়ে চ'লে গেল।

“সাহেব ন'ব'নেকে জিগ্গেব ক'রলে—“সাধারণ বাঙালীর বাড়ী ব'লে ও ব্যাটা কি ক'রত?”

“চাঁচামেচি আরম্ভ ক'রতো?”

“শুধু তাই নয় গালাগাল—তারপর হয়তো মারামারি—এই দস্তুর এ বেটাদের—ছোট কোট দেখলেই ঠাণ্ডা।”

ব'লতে ব'লতে কুলুপ খুলে ছুজনে ঘরে ঢুকলেন।

ন'ব'নে জিগ্গেব ক'রলো—“এই খেলনাগুলো কি হবে?”

সাহেব ব'ললেন—“হিজিবিজি দিয়ে বাস্তবের ফাঁকগুলো পোরাবো।”

সাহেবের সেই হাসি আবার ঘরের চারিদিকে ধ্বনি তুলে ভেসে উঠলো। ন'ব'নে আর কিছু প্রশ্ন ক'রলে না।

তার মোনা ভান্নাকে সাহেব ব'লে দিয়ে এসেছিলেন—সাতটার সময় এক লাইব্রেরীর লোক এক পাঁজা বইকোগজ দিয়ে গেল। তার ভেতর খবর আর লেখা যত,—চমৎকার রঙে তুলতুলে, তুলির টুককরা টানে—ভঙ্গী ফুটিয়ে, ভাব ফলিয়ে তোলা ছবি তার চেয়েও বেশী। বইএর

দোকানের বিজ্ঞাপন ছিল অনেক। নেপালে কাটামুণ্ডর কোন্ -Buddhist Society বুদ্ধদেবের দশ অবস্থার মৌলিক ছবি বিক্রি ক'চ্ছেন তাঁদের কাছে অনেক ছুপ্রাপ্য হাতে লেখা পালি বই পাওয়া যায়। তিব্বতী ভাষার প্রাচীন পুঁথি—বেদের আসল মূল সংস্করণ তা ছাড়া শীলাঙ্গত, পাহাড়ী ওষু ইত্যাদিও অনেক রকম তাঁরা বিক্রি করেন। ইত্যাদি লেখা অতি গোপন বিজ্ঞাপনও একথানা তার ভেতর ছিল। সাহেব ধাঁ ক'রে সেইটে প'ড়ে আফ্লাদে নেচে উঠলেন যেন। ব'ললেন—“এইবার যদি পাই—হংস দেশের বিশ্ববিদ্যালয়ের সব খবর খুঁটিনাটি সেখানকার শিক্ষা দীক্ষা, শিক্ষকদের পরিচয়, তাঁদের কলাবিদ্যা—ঋষি-শিল্পী আত্মীয়ের রঙ মেশানোর অপূর্ব নৈপুণ্য। কি দিয়ে তিনি অমন রঙের ইন্দ্রধনু এঁকে রূপ আর ভঙ্গীর যাক্খেলা খেলতেন কোন সোণার তুলির স্বপন পালকের টানে টানে তা আমার জানা চাই। বুদ্ধদেবের চিকিৎসক জীবকের লেখা মূল বিবরণ কিছু আছে কিনা—তাঁর হাতের লেখা, যদি পাই—আমার চেষ্টা, পরিশ্রম সব সার্থক হয়—পাবই এদের কাছে। ব'লে সাহেব তাড়াতাড়ি উঠে গিয়ে কাগজ কলম কালি এনে নেপালী ভাষায় এক চিঠি লিখলেন ন'ব'নে অবাক হ'য়ে দেখলো। চিঠি লেখা শেষ হ'লে নানা আলোচনা আরম্ভ হ'ল। মনের কথা ; আত্মার সঙ্গে তার সম্বন্ধ Cosmology, Cosmogony,—বিশ্ব, বিশ্বের কারিকর, তাঁর পাকা হাতের মুসীমানা নক্সা কাটা ধরনীর শ্যাম-অঁচলের ওপরকার সৌখীন কারু ইত্যাদি—ক্রমশঃ সাহিত্য—তা'পর বিশ্বসাহিত্য—তার প্রাণের কথা মৌলিক লক্ষণ—স্পিনোজার মহাবাক্যে *Subspecio auternitatis*—বিশ্বের মহাপ্রাণ যা সকল দেশের, সকল কালের সকল জাতির অন্তরের মধ্যে—তারই নিজস্ব আনন্দ হ'য়ে খেলে উঠবে—তাই বিশ্বসাহিত্য। তার পর *Mysticism*,—“ধরি ধরি করি ধরিতে না পারি—” এই যে আনন্দ, সেই “কিমিব কিমিব” স্পর্শ পেয়ে প্রাণের বে মধুর অমুভব, সেইটাই হচ্ছে সাহিত্যের প্রাণ। বিশ্ব-সাহিত্যে চাই আত্মা, স্বভা, জীবন—ত একেরই আপন নয়—এক দেশের নয়—তা গ্রীকেরও যেমন রোমকেরও তেমনি, ফরাসীর যেমন ইংরেজেরও তাই, ইউরোপের যা—ভারতীয়ের কাছেও সেই একই। ইত্যাদি। সে অনেক রকমের অনেক কথা। নব'নে মনোযোগ দিয়ে সব শুনলো। অনেক কথাই বুঝলো না, বুঝলো যা বোধহয় মনে রাখলো।

রাত দশটা বাজতেই কার্ণোবিসের লোক একবার রেকর্ড শুধু এফটা গ্রামোফোন নিয়ে এল। গানের কলের গায়-সাহেবের একখানা কার্ড আঁটা বাঁ দিকে পেঙ্গিন দিয়ে দস্তখস্ত “মোস্তাভান্না।”

সাহেব লাফিয়ে উঠে বাজনা নাবিয়েই কলে গান শুড়ে দিলেন। তাই থেকে আরম্ভ হ'ল সুর লয়ের কথা। ইউরোপীয় সঙ্গীত ভারতীয় সঙ্গীত! সুরের যন্ত্র, তালের যন্ত্র। ইংরিজী বাঙলা মিশোনো সুর ইত্যাদি। ইটালির গং গানের সুর না কি—অতি চমৎকার বেহালায় তা মিঠে বাজে।

এই ব'লে সাহেব :তাড়াতাড়ি উঠে তাঁর বেহালাখানা পেড়ে এনে বিগিতী সুর আর গং বাজাতে আরম্ভ করে দিলেন। সাহেব নিপুণ বাজিয়ে। তাঁর ওস্তাদি-হাতের আঙ্গুলকটা বিদ্যাতের মত তারের গায়ে গায়ে উঠে প'ড়ে যেন স্বর্গ থেকে একটা অমৃতনয় সুরের লহর নাবিয়ে—আনলো। প্রথমে সুর কিশোর; ইরাণীসাকীর মুখের ওপরকার রঙ লেখার মত, তার পায়েরা পরা লঘু পায়ের গং বাঁধা; ছন্দের মত রূপকথায় কম লোকের লীলা হ'য়ে ফুটে উঠলো;—তারপরে সুর আশ্বে আশ্বে বেড়ে উঠে—করুণ সে, ফুলধমুর পরণ হরা তনিমা রঙ্গে কোন্ রূপনার যৌবনে হারিয়ে ফেলা হিরার গোপন কথা আপনার অবাঙনয় ইঙ্গিতে ব্যক্ত করে ব'লে গেল; চারিদিকে কোমল, শুভ্র, রেশমের ডোরে ডোরে ফাঁস-বাঁধা জাল-বুনে—সকল সুরের প্রাণের যে সুর বিধবনির বুকের সুরের লীলা ম্পন্দন বুঝি তারই মাঝে এনে বেঁধে আবার তখনই হাওয়ার হাওয়ার তাকে উড়িয়ে দিলে তরুণীর অঙ্গে মিলিয়ে যাওয়া ভেজা হাওয়ার সাড়ীর মত—হাল্কা আলো ছায়ায় সে পুলক বুঝি ছুটে গেল অনন্তের পানে আপন-ভোলা।

ন'বনে শুন্তে শুন্তে নিজেকে ভুলে গিয়েছিল—সাহেবের বেহালায় বা বাজছিল সেটা গং কি নিখিল-কোবিলের কাকলী সুর না দূর-নিকুঞ্জে যুগল-পাখীর মিলন-লয়ের মিঠা ডাকত! বোঝা যায় না। ঘরের ভেতর বুঝি পাপিয়া গান গাইছে, দোয়েল শিশু নিচ্ছে, ময়না প'ড়ছে— এক সঙ্গে।

বাজনা শেষ হ'লে ন'বনে ব'ল্ল—“এ কি চমৎকার এমন বাজনা আমি শুনি নি কখনো— কিন্তু আমি শিখবো।”

সাহেবের সেই হো হো হাসি—এবার তিনি হেসে উঠলেন। তা' পর ন'বনের হাতে বেহালা দিয়ে বললেন—“বাজাও।” ন'বনে একটু একটু বেহালা কেন সব যন্ত্রই বাজাতে পারতো। সাহেবের কাছে আস্তে আস্তে সবই সে ভাল ক'রে শিখবে ঠিক হ'য়ে গেল। শুতে যাবার সময় সাহেব ন'বনের হাতে একখানা চামড়ার বাঁধানো গিলট জঁাকিয়ে তোলা নোট বই দিয়ে ব'ললেন,—“যা ইচ্ছে লিখবে আর কাল থেকে বাইরে যা হবে তার নোট রাখতে হবে। এই নাও পেন্সিল আর ছুরী।” ন'বনে টেবলের ওপর সব গুছিয়ে রেখে—বেহালায় সাহেবের কি গিঠেই হাত উঃ! ভাবতে ভাবতে ঘুমিয়ে প'ল।

ক্রমশঃ—

শ্রী বিমলচন্দ্র চক্রবর্তী।

প্রকৃতি


(১)

প্রকৃতি গো রমণীয় তনুমাঝে তব
মনোহর,—বিরাজিছে কত নব নব
অনন্ত আকাশ ঘিরি-রক্তান্বদরাজী
বিপিনে তোমার বীণা উঠিতেছে বাঞ্জি
কুঙ্কধ্বনি-ভেসে আসে সমীরণ সনে
ফুল ফুল গন্ধময়-যুগী উপবনে
কপূর-গোঁরাভ কভু ধবল অ'কাশ
করিছে তোমার নব-যৌবন-বিকাশ।

সবিস্ময়ে দেখিতেছি যেন তব মাঝে
অভ্রভেদী শৈলরাজ কোথাও বিরাজে
তরল-কিরণময় চূড়াদেশ তার
উপরে বহিরা যায় মেঘ-পারাবার।।

(২)

কোথাও বা পিপাসিত অনাদি প্রান্তর
কোথাও ফেগোশ্মিগয় বিশাল সাগর
মুকুতা-মকর-মীনে পূর্ণ সূদা বহে
দেখিতেছি কোথাও বা বহে কি না বহে
চিকণ পিচ্ছিল পথে কৃশা গিরি নদী
দেখিলেই মনে হয়—যেন নিরবধি
করিছে বিরহ চিন্তা কৃশ বধুজন
তারি দুই পাশ গিরি ক্ষুদ্র পুষ্পান
কৃশাঙ্গিনী স্রোতস্বিনী বিরহে আকুল
এখনও ফোটেনি তার প্রণয়-মুকুল
অফুটন্ত কলিকার-আত্মানে বিভোর
কবে সে লভিবে দূর নীলান্বুধি ক্রোড় ।



(৩)

প্রকৃতি গো কভু চারু চন্দ্রিকা প্লাবিত
পূর্ণিমা রজনী রূপে বিশ্ব বিমোহিত

দেখা দেয় করে লয়ে সম্মোহন বাণ
 তোমার নয়ন মাঝে, তাহারে নিরখি
 পলক বিহীন নেত্র শুধু চেয়ে থাকি
 যৌননের পানে তার—সেই নিশিথিনী
 করবাঁ-কনক-হারে নক্ষত্রের মণি
 অগণিত, ধীরে ধীরে করে সন্নিবেশ
 অধিক বিস্ময়ে হেরি তব জ্যোৎস্নাবেশ
 সে পূর্ণিমা—করে যবে ফুলধনু ধরে
 মুহূর্ত্ত বিকল অস্তি করে সুর-নরে
 তব কুণ্ডলে আর এক জাগিতেছে নারি
 কোকলা তাহার ন ম, কুলু স্বর তারি
 অধেক-আবেশ-পূর্ণ, সেই গীতধারা
 করিতেছে বিরহীরে চির নিদ্রাহারা ।

(৪)

কখনও মাধব মাস হলে অবসান
 বেজে উঠে আষাঢ়ের—অদূর বিষণ
 অকস্মাৎ মসীপূর্ণ আকাশ আবরি
 দেখা দেয় মেঘরুন্দ—তমো বিভাবরী
 আনে মর্ত্তে-আস্থানিয়া, দেখে তব দাস
 মেঘ-পরিবেশ পূর্ণ বিক্ষিপ্ত আকাশ
 ভ্রষ্ট কুন্তলের মত, কভু সৌদামিনী
 নর-বিভ্রমে তার সমগ্র অবনী

করে বিমুচ্ছিত প্রায়—গত অন্ধকরে
 জলে বজ্রানল-শিখা ভেদ তমোস্বরে—
 বাসুকীর ফণামণি প্রদীপ্ত কিরণে
 জলিয়া উঠিছে যেন মগ্নিত হিরণে

(৫)

তব দর্শন দিনালোক, পাখীদের গান
 কোমল-কিরণ-কান্ত তরল-বিমান
 তব সঙ্গ্য সঙ্গের স্তল কল ধ্বনি
 কোথাও তরুণীহীনা তব প্রবাহিণী
 আমারে করিছে মুগ্ধ সুন্দরী প্রকৃতি
 মনে হয় তব সম নাহি রূপবতী ।
 সারাদিন ঘুরি ঘুরি কোথাও রাখাল
 দিবা অবসান হেরি লইয়া গোপাল
 গোধূলি-ধূসর সঁকে চলিতেছে মাঠে
 তাহার চ'একটি গান জাগিতেছে বাটে
 স্মৃতিপট যেন মনে লাগিতেছে মোর
 ঘনাইছে জীবনের অপর'হু ঘোর ।

শ্রীশচীনন্দনাথ বন্দ্যোপাধ্যায়

নারীর কথা;

—:~:—

(একখানি চিঠি)

বেঙ্গুন,

২০শে জুন, শনিবার,

১৯২৫।

প্রিয় অনলা,—

বাংলা ছেড়ে মগের দেশে এসেই অনেকগুলি কথায় মনটা ভরে উঠেছে, বিশেষতঃ আমাদের নিজেদের সম্বন্ধেই, নারীর কথায়। এটা সে ভুলনা আর বৈনম্যের ফল তা' বোধ হয় বুঝতে পেরেছি। শরৎ বাবুর শ্রীকান্তে যা পড়েছিলাম, ঐ যে ইক্ষুদণ্ডের সাহায্যে বর্ষা রমণীর একটি বেয়াদফ্ পুরুষকে কর্তব্য ও আচরণ শিক্ষা দেওয়া, বাস্তবিক বাঙ্গালীর মেয়ে হয়ে এ কেমন অসম্ভব মনে হয়েছিল। এখানে এসে অবধি আমার সে ভুল ভেঙ্গে গেছে। এ দেশের নারী অতিশয় কণ্ঠিষ্ঠা ও চতুরা। সংসারের সকল কাজই নারীরা করে, পুরুষ যেন পুংমক্ষিকা (Drone), একেবারে Parasite (পরগাছা)। সংসারের স্বন্দ কোলাহলের মাঝে এসে নারীর সহজ সঙ্কোচ এখানে অনেকটা ঘুচে গেছে, এ জন্যই আমাদের পক্ষে যে কাজটা অসম্ভব, সে কাজ এরা অনায়াসেই করে উঠতে পারে। এদের কণ্ঠনিষ্ঠা, সরলতা ও হৃদয়ের সরসতা ও বেশ লক্ষ্য করবার জিনিষ।

আমি ভাবছি, আমাদের বাংলার নারী সমাজ যে তাদের সামাজিক, আর্থিক ও রাজনৈতিক অবস্থার প্রতি খুব অসন্তুষ্ট হয়ে উঠেছে, এ—কিন্তু একটা বিশেষ গুণচিহ্ন। এই অসন্তোষকেই অবলম্বন করে দেশে নারীর অবস্থার এমন একটা পরিবর্তন আসবে, যার ফলে সমাজে ও রাষ্ট্রে নারী আশনার যথার্থ স্থানটা কোণায় বুঝে সেরা অধিকার করবে। এ পরিবর্তন দু এক দিনের মধ্যে হবার নয়, এর জন্য বাস্তব হ'য়ে বিলাতী Suffragistদের মত আমাদের অনাবশ্যিক সৌরগোল করারও কোন দরকার নাই। আমাদের মনে রাখতে হবে যে, ভারতীয় সমাজে সকল

পরিবর্তনই অতি ধীরে ধীরে ঘটছে ; জাতি হিসাবে আমাদের শিক্ষা দীক্ষা সবই Evolutionকে অনুসরণ করছে, Revolutionর উগ্রতা আমাদের ধাতে নয় না ।

আমি অনেক জায়গায় শুনেছি বিশেষতঃ পুরুষদের মহলে, যে আমাদের এ দেশের মেয়েরা তাঁদের অবস্থাতে একটুও অসন্তুষ্ট নন,—তাঁরা ত দিব্যি আরামে দিন কাটাচ্ছেন—সংসারের ঝাটঝাট কিছুতেই তাঁদের পায় না, এর চাইতে সুখের অবস্থা আর কি হতে পারে । আর একটা কথাও খুব শুনেতে পাওয়া যায়, বাংলার নারী-সাধারণ এ সব কিছুই চায় না—কেবল মাত্র কয়েকজন মহিলাই এ সব আন্দোলনের সৃষ্টি করেছেন । যে সব পুরুষ এ কথা বলেন তাঁরা হচ্ছেন, পুরুষতন্ত্রের Bureaucratic. নারীর আশা আকাঙ্ক্ষাকে দাবিয়ে রাখাই তাঁদের স্বভাব । বাংলার কৃষক Home rule বা স্বরাজ্য কাকে বলে জানে না কিন্তু তাঁদের দুঃখ দারিদ্র্য বেশ মর্মে মর্মে টের পায় । এই দারিদ্র্য, ব্যাধিপ্রকোপ প্রভৃতি কারণ বৃদ্ধিয়ে দিলে বেশ বৃদ্ধিতেও পারে । দুঃখ যখন সত্যই আছে, তার প্রতিকার চাওয়াটাও মানুষের পক্ষে স্বাভাবিক । এর অর্থই হচ্ছে “স্বরাজ্য” চাওয়া । বাংলার নারীসমাজও তাঁদের বর্তমান অসহ্যাজাত দুঃখ, ক্লেশ মর্মে মর্মে বোধ করছে । সমাজ নারীকে এমন এক স্থানে বসিয়ে রেখেছে যেখানে তার স্বাধীন ইচ্ছার বা আকাঙ্ক্ষার কোনই মূল্য নাই, যেখানে সে শুধু একটা যন্ত্র । নারীর সাক্ষ্য দ্বারাই নারীর অবস্থা বিচার হতে পারে,—“Bureaucratic eye” মুক্ত পুরুষের দ্বারা কখনই নয় । নারীর এই বর্তমান অবস্থার মধ্যে কতখানি দুঃখ সঞ্চিত রয়েছে, তাঁরাই এটা তীব্রভাবে বুঝতে পারেন, যাদের অনুভূতি প্রখর ও আত্মসম্মান জ্ঞান প্রবল । এই রকম অনুভূতি-সম্পন্ন নারীরাই হয়েছেন এ আন্দোলনের নেত্রী । সকল ক্ষেত্রেই এ রকমই হয় । দেশবন্ধু চিত্তরঞ্জন দেশের দুঃখ ও স্বরাজ্যের আবশ্যিকতা যেমন তীব্রভাবে বুঝেছিলেন, অনুভব করেছিলেন, আমরা দশজনে তেমন করি না । এই তীব্র অনুভূতি ছিল বলেই তিনি হয়েছিলেন স্বরাজ্য প্রতিষ্ঠাব্যক্তির প্রধান ঋষিক । এ কথা কখনই সত্য নয় যে, যারা কোনও একটা ব্যাপরের নেতা বা নেত্রী, তাঁরাই কেবল সে জিনিষ আকাঙ্ক্ষা করেন, আর কেহই করে না ।

যাক্ ও সব অভিযোগের কথা । একবার আমার খাণ্ডীকে আমার স্বামীর কাছে বলতে শুনেছিলুম “দেখ্, মেয়েগুলিকে এমন কিছু শিক্ষা দিস্, যাতে তারা বরকরাও করতে পারে, কিছু

উপার্জনও করতে পারে। তা'হলে ওদের অবস্থা আর আমাদের মত হবে না। ছুটি পয়সা খরচ করতে হলেই তোদের কাছে হাত পাততে হবে না। আজকাল যেমন অবস্থা, তোদের থাকলে ত আমাদের দিবি। আমাদের কি আর তোদের কাছে চাইতে লজ্জা করে না।” নারী জীবনের একটা বড় দুঃখের প্রকাশ হয়েছে এ কথাগুলির মধ্যে। এ দুঃখ শুধু একজনার নয়, এ অধীনতা সকল নারীরই ললাট তিলক। আমার চিন্তার ধারা ক’দিন যাবৎ এ পথেই চলেছে। Home (গৃহ) সম্পর্কীয় সকল কর্তব্য বজায় রেখে নারীর এই আর্থিক অধীনতা কি করে দূর করা যায় তাই শুধু এ ক’দিন ভাবছি।

গৃহ সম্পর্কীয় কর্তব্য বজায় রাখবার কথা বলছি কেন তার কারণ একটু পরেই জানতে পারবি। নারীর জীবনে সব চাইতে বড় কাজগুলি কি, এও আজকাল একটা আলোচনার বিষয় হয়ে দাঁড়িয়েছে। এ প্রশ্নের উত্তরে মনু যা বলে গেছেন তাই আমার মত মনে হয় “উৎপাদনম পত্যস্য জাতস্য পরিপালনঃ।” সন্তানের জন্মদান পালন ও রক্ষা একান্ত নারীরই কর্তব্য এ কর্তব্য আর কারও দ্বারা করান যায় না। মনুর কথা সত্য হলেও Martin Luther এ সম্বন্ধে যা বলেছেন তাকে কিন্তু গ্রহণ করতে পারব না। “If a woman becomes weary or at least dead from bearing, that matters not ; let her die from bearing, she is there to do it.” “যদি কোন নারী সন্তান প্রসব করতে করতে শ্রান্ত হয়ে পড়ে অথবা মরেই যায়, তাতে কিছুই আসে যায় না। এ কাজে তার প্রাণ যায় যাক, এই ত তার কাজ।” Lutherর এই কথাগুলির মধ্যে কেমন যেন একটা উগ্রতা আছে। সন্তানোৎপাদনই যেন নারীর একমাত্র কর্তব্য—আর যেন তার কিছুই করবার, বোঝবার নাই! বাস্তবিক এ মতটাকে গ্রহণ করলে নারীর ব্যক্তিত্বকে অপমানিত ও পদদলিত করা হবে—নারীকে কথাস্বরে সন্তানোৎপাদক যন্ত্র মনে করা হবে।

Martin Lutherর দিন অনেক কাল হয় চলে গেছে। কত নূতন চিন্তা, নূতন ভাব পরিবর্তনের ঝড়ো হাওয়া সঙ্গে নিয়ে সমাজের রাষ্ট্রের উপর দিয়ে বয়ে গেছে, কত পুরাতন আদর্শ ভেঙে গেছে এবং তার স্থানে নূতনের প্রতিষ্ঠা হয়েছে। ঊনবিংশ শতাব্দীর প্রথমভাগ হতেই সমাজে নারী জীবনের আদর্শ অনেক পরিবর্তনের আঘাত সহ করেছে। জীবন সংগ্রামের কঠোরতা বশত: জীবিকার্জনের পথ নানাভাবে অবরুদ্ধ হওয়ার পুরুষেরা এই যুগে নারীর

অবাধ সম্মান প্রসব ব্যাপার বিশেষ অনুকূল মনে করেন না । নারীর পক্ষ হতেও এই বাধ্যতামূলক মাতৃহলাভের প্রতিবাদ গুনতে পাওয়া যায় । Ellen key বলেছেন—“The tyranny of the old protestant church which enjoined on women unlimited submission to joyless motherhood * * * * is now being broken.” এ সব তর্ক বিতর্কের শেষ কথা এই, সম্মান প্রসব, সম্মান পালন নারীর যে প্রধান কর্তব্য আমরা স্বীকার করি, কিন্তু এর সঙ্গে আরও বলি যে এগুলিই নারীর একমাত্র কর্তব্য কখনই নয় ।

আমাদের দেশের মেয়েরা নারীর এ প্রধান কর্তব্যটাকে কোনদিনও অস্বীকার করে নাই । এ গুণতর দায়িত্ব স্বীকার করেই তারা আরও কতকগুলি কর্তব্য নিজেদের ঘাড়ে চাপিয়ে নেবার আকাঙ্ক্ষা করছে, যা তারা এতকাল পায় নাই কিম্বা পুরুষ তাকে পেতে দেয় নাই । এই আকাঙ্ক্ষার মূলে আছে কেবলমাত্র জীবনের বিভিন্ন দিকগুলির পরিণতি সাধন ও মানবধের বিকাশ । এখন আমাদের দেখতে হবে এই চাওয়ার মধ্যে কোন চাওয়াটা ভাল, কোন আকাঙ্ক্ষা আমাদের বর্তমান অবস্থায় যুক্তিসূক্ ।

কয়েক বৎসর পূর্বে বঙ্গীয় নারী সনাজের পক্ষ হতে রাষ্ট্রীয় অধিকার লাভের জন্য বঙ্গের শাসন-কর্তার নিকট একখানি আবেদন উপস্থিত করা হয়েছিল । এ আবেদনের অর্থ, দেশের শাসন সংক্রান্ত ব্যাপারে নারীর মতামতের স্থান লাভ । এ সব ক্ষেত্রে সাধারণতঃ যা হয়ে থাকে, তাই হয়েছিল ; বাংলার গবর্নর মহোদর মৌখিক সহায়ত জা নিয়েই কর্তব্যের দায় হতে মুক্ত হয়েছিলেন । আমার মনে পড়ছে, তিনি এ সম্পর্কে ইংলণ্ডের নারী স্বাধীনতার আন্দোলন ও কর্মক্ষেত্রে পুরুষের সহিত নারীর প্রতিযোগিতার দৃষ্টান্ত উল্লেখ করে আলোচনাটিকে অনেকখানি প্রাণবন্ত করতে চেয়েছিলেন । অনেক স্থানেই দেখতে পাই যে এ সমস্ত দৃষ্টান্ত এ দেশের নারীসনাজকে উত্তেজিত ও অনুপ্রাণিত করার ব্রহ্মাস্ত্র রূপে ব্যবহৃত হয় । আমার মনে হয়, পাশ্চাত্যদেশের দৃষ্টান্ত নিয়ে আমাদের কোনও উপকার হবার আশা নাই । ও দেশে অনেক নারী অবিবাহিত অবস্থায় কালাতিপাত করে কিম্বা দুই চারিটা সম্মানের জন্মান করেই মাতৃহের দায় হাত অব্যাহতি লাভের উপায় অবলম্বন করে । তারপর আর একটা কথা । ও দেশের নারীদের সম্মানপালনরূপ সর্বশ্রেষ্ঠ কর্তব্যই পালন করতে হয় না । সম্মানের জন্ম হলেই তাকে wat nuff's নিকট পাঠান হয় ও এটু বড় হলেই শিশু শিক্ষার

উপযোগী কোনও বিদ্যালয়ে শিক্ষিত হবার জন্য ভর্তি করে দেওয়া হয়। এ প্রকারে মার কাঁধ হতে কর্তব্যের বোঝা অনেকটা অপসারিত হওয়ায় অবসর তার হাতে যথেষ্ট থাকে এবং নূতন কার্যের অমুসন্ধানে তাকে ব্যাপৃত হতে হয়। কিন্তু আমাদের দেশের নারীর সন্তান-প্রসব সন্তান-পালন ও শিক্ষা-প্রদান সমস্তই করতে হয়, কন্মক্ষেত্রে পুরুষের প্রতিযোগিতা করবার মত অবসর তত বেশী থাকে না। এ জন্যই পাশ্চাত্য দেশের নারীর দাবীর সঙ্গে আমাদের দেশের নারীর দাবীর মূলতঃ অনেক পার্থক্য আছে। নারীর রাষ্ট্রীয় অধিকার লাভের প্রয়াস আমাদের দেশে এখনও আবশ্যিক বলে মনে হয় না। এ বিষয়ে ব্যগ্রতা বা আগ্রহের বিশেষ কোন মূল্য নাই। আমাদের দেশের নারী সমাজের প্রধান সমস্যা তাদের Parasitism দূর করা। কেবলমাত্র সাধারণ রকমের গৃহকন্ম ব্যতীত আমরা আর কি করে থাকি? আমাদের আশে পাশে অনেক বাড়ী ছিল, কোথাও নারীর দ্বারা কোন প্রকার অর্থোৎপাদক কন্মের অমুষ্ঠান দেখতে পাই নাই। আমাদের বাড়ীর কর্তার মুখেও শুনে পাই যে আমরা যে গৃহকন্ম করি তার Money value ৮।১০, টাকা মাত্র। একটু অবস্থাপন্ন স্বামীর ভার্গ্যা যিনি তার উপার্জন একেবারে শূন্য। সত্যই আমাদের বাঙ্গালী মেয়ের Parasitism এ যুগে সম্পূর্ণরূপে বিকসিত। নারীর এই “পরগাছ” বশতঃই আমাদের সংসারে এত অনটন, অভাব এবং এ জন্যই আজকালের বুকেরা বিবাহের বিরোধী হয়ে উঠছেন, আর যারা বিবাহিত তারা বিবাহের সুখ মর্মে মর্মে টের পাচ্ছেন। বিবাহে আর কি বহন করা বোঝায় জানি না, কিন্তু স্ত্রীর গুরুভার যে বহন করতে হয় তা’ আমরা আমাদের স্বামী বেচারাদের বেশ টের পাইয়ে দিচ্ছি। কি করে এই অসহায় Parasitism দূর করে অর্থোৎপাদক শক্তির সঞ্চার করা যায় সেই হচ্ছে আমাদের সর্বাপেক্ষা বড় চিন্তার বিষয়!

নারীর অকর্মণ্যতা ও বিলাসিতা হতেই জগতের সব জাতিরই ধ্বংসের সূচনা হয়েছে। রোম, গ্রীস ও মিশর সভ্যতার পতনের এও একটা বিশিষ্ট কারণ। গ্রীক সভ্যতার চরম বিকাশের সময় গ্রীক নারী অনেক কাজ করত। কেবলমাত্র যে সাধারণ নারীরাই কাজ করত তা নয়, রাণীরা বা রাজকন্যারা জল টানত, নদীতে বেয়ে বস্ত্রাদি পরিষ্কার করত, সূতা কাটত ও বস্ত্রবয়ন করত। এই সব নারীর গর্ভেই গ্রীসের মহাবীর, ভাবুক ও শিল্পী জন্মগ্রহণ করেন। আবার গ্রীকজাতির পতনের প্রথম ভাগের অবস্থা আলোচনা করলে দেখতে

পাই যে নারী সমাজ তখন অলস, অকর্মণ্য ও বিলাসী হয়ে পড়েছিল। নানাবিধ বেশভূষা ধারা দেহ সুসজ্জিত করা ও আমোদ প্রমোদের সুযোগ অমুসন্ধান করাই ছিল নারীর একমাত্র কর্ম। কিন্তু গ্রীকপুরুষ তখনও মানসিক পরিশ্রম পরিত্যাগ করে নাই। সে জন্য সঙ্কটকালে অন্তর্গামী সূর্যের কিরণপাতে পশ্চিমাকাশ যেমন উজ্জ্বল হয়ে উঠে, ঠিক তেমনি গ্রীসের পতনের প্রাক্কালে সেখানে কতকগুলি বড় বড় দার্শনিক ও কবির আবির্ভাবে দেশ জ্ঞান গরিমায় উদ্ভাসিত হয়ে উঠেছিল। কিন্তু পুরুষের জ্ঞান চর্চা দেশকে অধঃপতনের করাল গ্রাস হতে রক্ষা করতে পারেন না। অবস্থার বৈষম্য বশতঃ পুরুষ ও নারীর মধ্যে এমনই একটা প্রকাণ্ড ব্যবধানের সৃষ্টি হ'ল যে যৌন আসক্তির প্রাবল্য তাকে খোঁচাতে পারেন না। জনসৃষ্টির আকাজক্ষা হৃদয়ের গভীরতন ও উচ্চতম বৃত্তির সাহচর্য্য হতে বঞ্চিত হয়ে বিগুঞ্চ হয়ে যাবে পড়ল। নারীর Parasitism গ্রীসের অধঃপতনের মূল কারণ। জাতির উন্নতি বা অবনতি ব্যাপারে নারীর দায়িত্ব কত গুরুতর তা উপলব্ধি করবার জন্যই এ বিষয়ের অবতারণা করেছি। আমাদের স্বরণ রাখতে হবে—“Only an able and labouring womanhood can permanently produce an able and labouring manhood, only an effete and inactive male can ultimately be produced by an effete and inactive womanhood.”

আমাদের নিজেদের অবস্থা আলোচনা করলে আমরা বেশ বুঝতে পারব যে এ দেশের মেয়েদের “effete and inactive womanhood” ভিন্ন আর কিছুই বলা যায় না। পরিশ্রম বিমুখতা, দারিদ্র্য, অবাধ সম্ভ্রান জনন ও আলোক বাতাস সংস্পর্গহীনতার জন্যই এ দেশের নারী স্বাস্থ্যহীন, এবং স্বাস্থ্যহীন ও অকাল মৃত্যুর বশীভূত সম্ভ্রানের জননী। আমাদের জাতিটাকে তুলতে হলে রাষ্ট্রীয় ব্যাপারে Vote দেবার অধিকার লাভের জন্য লড়াই না করে যাতে দারিদ্র্য, স্বাস্থ্যহীনতাও অন্যান্য সামাজিক কুপ্রথাগুলি দূর করা যায় তারই চেষ্টা আবশ্যিক। এর একটা বিশিষ্ট কারণ এই যে, Vote দেবার অধিকার পাওয়া অপরের অমুগ্রহের উপরে নির্ভর করে—কিন্তু সামাজিক কুপ্রথার দূরীকরণ আমাদের নিজেদের চেষ্টাতেই সফল হওয়া সম্ভব। আমাদের আর্থিক অধীনতা দূর করা অর্গোংপাদক শ্রমে লিপ্ত হওয়া সে জন্য অতি সহজেই হতে পারে। এর সঙ্গে এ কথাটিও আমাদের মনে রাখতে হবে যে, আমাদের সমাজ যে ভাবে গড়ে উঠেছে এবং সমাজের মধ্যে নারীর স্থান যেমনটা আছে তার

বিশেষ কোন পরিবর্তন না করে আমাদের কাজ বেছে নিতে হবে। পুরুষের সঙ্গে প্রতিযোগিতা যেখানে হতে পারে,—সেখানে আমরা যাব না, আমাদের কাজ ঘরের মধ্যে বসেই করতে হবে; সন্তান পালন সংসার চালান ও টাকা আনবার কাজ একই সঙ্গে চলবে।

যদিও জাপানের match Industry, যা ভারতের বাজার ছেয়ে ফেলেছে, তা' নারীদেরই Cottage Industry. মেয়েরাই ধরে ঘরে এ কাজ করে থাকে। কুচবিহার অঞ্চলে কিম্বা আসামে দেখেছি, অনেক মেয়ে বেশ সুন্দর সূতা কাটতে পারে গামছা ও সূজনী বুনতে পারে। মেয়েরা এণ্ডি পোকা পোষে, সূতা প্রস্তুত করে ও কাপড় বয়ন করে। বেশ মোটা শক্ত এণ্ডি ১২ টাকা হতে ১৫ টাকার মধ্যে সেখানে পাওয়া যায়।

Cottage Industryই বাঙ্গালী নারীর একমাত্র আশ্রয় ও অবলম্বন। মহাত্মা গান্ধি আমাদের সকলকেই সূতো কাটতে বলেছেন। প্রতি পরিবারে গৃহে গৃহে তাঁত বসাতে হবে যদি সম্ভবপর হয় এণ্ডি মুগা বয়ন কার্য চালাতে হবে, বেতের কাজ, পুতুল তৈয়ারী প্রভৃতি কাজে মেয়েদের শিক্ষা পাওয়ার ব্যবস্থা ও বিক্রয়ের সুযোগ ও সৃষ্টি হওয়া উচিত। বিদেশ থেকে পুতুল তৈয়ারী হয়ে এসে আমাদের দেশের কত টাকা যে নিয়ে যাচ্ছে তা ভাবলে আশ্চর্য হতে হয়। সেলাই, বুনন প্রভৃতি কার্যে মেয়েরা স্বভাবতঃই নিপুণা। আমি দেখিছি যে ৫ একটা মেয়ে নারিকেলের দড়ী দিয়ে এমন সুন্দর পাপোষ তৈরী করতে পারে যার একখানির মূল্য ২ টাকার কম কখনই নয়। আমার মনে হয় সংসারের সকল কাজ করেও আমাদের হাতে এত অবসর থাকে যে সেই অবসরটুকু এপ্রকার কাজে ব্যয় করলে আমরাও ২০, ৩০ টাকা অনায়াসে অর্জন করতে পারি।

এ আমার দৃঢ় বিশ্বাস যে নারীর এ অর্থোৎপাদক শ্রম অবলম্বিত হলে সমাজের অশেষ কল্যাণ হবে। পুরুষের আয়ের সহিত নারীর আয় যুক্ত হলে সমস্ত পরিবারের আর্থিক অবস্থা অনেকটা ভাল হবে। স্বামী স্ত্রীকে আর গলগ্রহ মনে করবে না, স্ত্রীও স্বামীকে সাহায্য করতে পারছে মনে করে অসীম আনন্দপ্রসাদ লাভ করবে। সামাজিক একটা কুপ্রথা এতে কি প্রকারে দূর হতে পারে দেখাচ্ছি। আমাদের পণপ্রথা যে একটা বড় রকমের কুপ্রথা সকলেই তা এক কথায় স্বীকার করে। এই কুপ্রথার ও উচ্ছেদ এতে সম্ভব হয়। সৌন্দর্য্য সত্যই নারীর একটা বিশেষ সম্পত্তি, পুরুষের চোখে খুঁট মূল্যমান বলে বিবেচিত হয়। আজকাল সমাজে দেখতে

পাওয়া যায় যে রূপের বদলে অনেক টাকা নিয়ে থাকে, মেয়ের রূপ থাকলে অনেক সময় টাকা কম দিতে হয়। আজকাল আর্থিক সমস্যা এত প্রবল হয়ে উঠেছে যে, যে মেয়ের রূপ নাই সে যদি Cottage Industry দ্বারা স্বামীর সংসার কিছু অর্থাগমের সুবিধা করতে পারে,—লোকে সে মেয়েকে রূপবতী কন্যার মত বিনা পণে গ্রহণ করবে। Cottage Industryর অবলম্বনে যে মেয়ে যত উপার্জন করতে পারবে সমাজে তার দাম তত বেড়ে যাবে। তার বিবাহে পণ প্রদানের আবশ্যিকতা বোধ হয় হবে না।

শুনেছি আজকাল সহরে সহরে মহিলা সমিতি স্থাপিত হচ্ছে। প্রত্যেক মহিলা সমিতিতেই এসব কার্য প্রচারের ব্যবস্থা আবশ্যিক এবং মেয়েদের এ প্রকার শিক্ষাব্যবস্থা প্রকার সুযোগ সম্ভব তারও সৃষ্টি করা কর্তব্য।

প্রাণের আবেগে আজ অনেক কথাই বলে ফেললাম। এতে যদি তোদের মনে একটু ভাবনা জাগিয়ে দিতে পারি, তা' হলেই এত কথা বলা সার্থক জ্ঞান করব। তোদের মহিলা সমিতিতে এ বিষয়ে একটু আলোচনা হয়েছে শুনলে খুবই আনন্দিত হব। “চরকার গান”টা আমার লিখে পাঠাস্। ইতি—

অশীর্ষাদিকা—

তোর—বিমলাদিদি।

শ্রীঅশ্রমান দাশ গুপ্ত।

স্বপ্নময়ী ।

যতবার মুখ তুলি' চোখে বসি 'এসো কাছে
ততবার ফিরাও নয়ন'
পিয়াস-কুণ্ঠিত দেহ, প্রাণ লয়ে নিশিদিন
সীমাহীন একি গো ছলন !

পরশ-সুখার আশে যতবার বাহ্ন মেলি'
স্ববাসেরে আকড়িতে চাই,
ভুলে যাই—অই দেহ সজীব আমার কাছে
অশরীরী আর সব ঠাই !

'কথা কও' 'কথা কও'—বেজে উঠে কলতানে
মনে মনে নহে এবে মুখে ।
মিটে না তিয়াস মম অনুভবি' মনকথা
ক্ষোভ শুধু ছাপি রহে বুক !

নিশিদিন আধ-জাগা নিমীল নয়ন তব
মেল অঁাখি—মেল একবার ।
অফুট কলিকা রাশি হতে পারে শোভাময়ী
নাহি নাহি স্ববাস সস্তার !

অই হাসে যেন জাগি' প্রভাত প্রথম আলো
অনিবার ছুটি ছুটি যাই ,
চমকি' চাহিয়া হেরি' মিলিয়াছে শেষ-রেখা
চারিধারে কেহ কোথা নাই !

ওগো স্বপনের দেবি ! নদীর কল্লোল গাথা
বসন্তের শীতল সমীর,
ঝরণার কলগানে, ঢালি' স্রুধা মোর প্রাণে
ছিয়া মম করেছ অধীর !

আমার বাসনা মাঝে স্বরূপ লভিছ নিতি
নদী মাঝে বৃষদ সমান
জলে জাগি' মিশে পুনঃ অনিবার সত্বাহীন
নাহি তাহে নাহি কভু প্রাণ !

জাগো জাগো স্বপ্নময়ি ! ত্বাভূত এ জগতে
মনে মনে নহে—এবে মুখে,
দেহ, মন দৌছে মিলি সৃজন করেছে মোরে—
দাও মুছে পিয়াস দৌহার !

পুষ্প, পুষ্প মধু হাসি থাক কিম্বা নাহি থাক
হাসি তব বহুক ছাপিয়া
তটিনীর কলতান যার যাক্ মিশে যাক্
কণ্ঠ তব উঠুক বাজিগা !

এক পদ ফিরে ঘাই, আর পদ ফিরে আসি
মুখ ফিরি চাহি মুখ পানে !
মনে হয় অই বৃষ্টি স্নান হ'য়ে এলো অঁাখি
মুখ ভার হ'ল অভিমানে !

যাক্ বিশ্ব ডুবে যাক্ প্রলয়ের উন্মির্জলে
তুমি থাক একান্ত আমার,
স্বরগের অধিষ্ঠান যাক্ মম টলে যাক্
খুলে দাও মরম-ভাগ্যার !

যাক্ বর্ষা চলে যাক্ শীত গ্রীষ্ম হিমকাল
 নাহি চাই—কিছু নাহি চাই !
 শুধু মেন বসন্তের অকুরন্ত মাধুরিমা
 ফাঁকি দিখে নাহি পায় ঠাই !



শ্রীমতীন্দ্রমোহন চট্টোপাধ্যায়

অনাথা ।

চার বৎসর পর শৈলেনের সঙ্গে হ্যান্ডিসন রোডে হঠাৎ দেখা । সে এক উড়ো হাওয়ার মত এমন ভাবে ছুটে চলেছিল যে ডেকে ফেরানো যায় না । কাজেই ছুটে গিয়ে একেবারে তার সাম্না সাম্নি দাঁড়ালাম ।

“আরে, কিরণ যে ! My goodness ! চল—একটা কাজে সেরে নিয়ে—বাড়ী চল আজ আর তোকে ছাড়ছি” বলে আমার হাত ধরে টেনে নিয়ে চ’ললো ।

সারকুর্নার রোডে একটা বড় বাড়ীর সাম্নে এসে হঠাৎ সে থেমে আবার তখনি আমার টেনে নিয়ে গেটের মধ্যে ঢুকল । গাড়ী বারান্দার সামনে একটা ঘড়ী টাঙ্গান ছিল । সেই দিকে চেয়ে শৈলেন বলল :—“যাক, দেবী হয় নি—এখনো দেখা করবার প্রায় আধ ঘণ্টা সময় আছে ।”—

আকিসের মত একটা কুঠরীতে আমরা প্রবেশ করলাম । একটি মধ্য বয়সের ভদ্রলোক চেয়ারে বসে টেবিলের উপর খাতাপত্র নিয়ে লেখাপড়া করছিলেন । শৈলেন ঘরে ঢুকে তাঁকে নমস্কার করল । তিনি প্রতিনমস্কার করে সহাস্ত বদনে আমাদের পাশের চেয়ারে বসতে ব’ললেন ।

শৈলেন চেয়ার টানতে টানকে ভদ্রলোকটিকে জিজ্ঞাসা করল “খুকী কেমন আছে প্রসন্ন বাবু ?”

প্রসন্ন বাবু তাঁর লেখা বন্ধ করলেন। চোখের চসমাটি কপালের উপর টেনে তুলে শৈলেনের দিকে তাকিয়ে বললেন “আরে মশাই, সে তো থাকে ভালই, বেশ আনন্দে। আপনি এসেই তো যত গোলমাল বাধান।”

শৈলেন। তবু আশ্তে আশ্তে একটু স্থির হয়ে আসছে, কেমন ? আগের মত অতটা আর নেই।

প্রসন্ন বাবু। হাঁ, অনেকটা কম বলেই তো বোধ হয়। যাই হোক, আজ আবার দেখা করবেন নাকি ? তার পাখী এনেছেন তো ?

শৈলেন। হাঁ, এনেছি। আজো একবার দেখা করেই যাই, কি বলেন ?

“চলুন” বলে প্রসন্ন বাবু তখনই উঠে আমাদিগকে ভিতরে নিয়ে চললেন। কচি ঘাসে ছাওয়া আঙ্গিনায় এক ঝাঁক ছোট ছোট ছেলে মেয়ে ছুটোছুটি করে খেলছিল। তাদের উল্লাসধ্বনি সমস্ত বাড়ীখানিকে যেন হাসিয়ে তুলেছে।

প্রসন্নবাবু শৈলেনকে বললেন “সে ওখানে নেই, ছাতে কাণামাছি খেলছে।”

লম্বা লম্বা দুই প্রস্থ সিঁড়ি অতিক্রম করে আমরা ছাতে এলাম। শৈলেন চিলের ঘরে উঠে, সেখানেই থেকে গিয়েছিল। ইচ্ছে সে আগে তার সঙ্গে দেখা করবে না।

ছাতটি বেশ প্রশস্ত, চারিদিকে উচু প্রাচীরে ঘেরা। প্রায় কুড়ি পঁচিশটি ছেলে মেয়ে হাসির ফোয়ারা ছুটিয়ে সেখানে খেলা করছিল। সন্ধ্যা গগণের রক্তিন আভা তাদের কচি কচি আনন্দে জ্বল মুখ মণ্ডলে পড়ে এক অপূর্ণ শোভার সৃষ্টি করছিল। মেয়েদের লাল ফিতা সমেত এলো ফুলগুলি তাদের ক্রীড়াচাকল্যের সঙ্গে সঙ্গে বাতাসে নৃত্য করছিল।

প্রসন্নবাবু ডাকলেন “খুকী”, আর অননি পাঁচ ছয় বৎসরের ফুক পরা একটি হাসামুখী বালিকা এসে তাঁর হাত ধরে ঝুলতে আরম্ভ করল আর শিশুস্বলভ অভিমামের সুরে বলল “কৈ দাদাবাবু, আমার পাখী ? মা পাখী আনবে ?”

প্রসন্নবাবু মেয়েটির বিক্ষিপ্ত এলো চুলগোছায় হাত বুলাতে বুলাতে বললেন “আনবে—
আনবে ;—আচ্ছা থুকী’ বলতো এ কে ?”

থুকী প্রথমে আমার দিকে একটু সঙ্কোচের সঙ্গে তাকাল, কিন্তু তক্ষুনি আবার হেসে উঠে
ছুটে এসে আমার চাদর ধ’রে টান লাগাল ; তার বোধ হয় বিশ্বাস হয়েছিল আমার চাদরের
মধ্যেই তার আকাঙ্ক্ষিত পাখীর ছানা লুকানো আছে ।

স্টিক সেই সময়ে শৈলেন একটি রবারের প খী হাতে করে মেয়েটির সামনে এসে বলল “এই
যে, থুকী, তোর পাখী এনেছি”, হঠাৎ থুকীর প্রফুল্ল মুখ একেবারে কালী হয়ে গেল । সে
ফুপিয়ে কেঁদে উঠে আমার হাঁটু জড়িয়ে ধরে মুখ লুকাল ।

ব্যাপার দেখে আমি অবাক হয়ে গেলাম । শৈলেন তাড়াতাড়ি নীচে নেমে গেল ।
অনেকক্ষণ ধরে প্রসন্নবাবু থুকীকে কত বুঝিয়ে শাস্ত করলেন । তবুও কি যেন এক অজ্ঞাত
ব্যথায় সে থেকে থেকে ফুপিয়ে উঠছিল ; যেন শৈলেনের দেওয়া পাখী সে ছুলোও না ।

কথায় কথায় শৈলেনদের বাড়ী এসে পৌছোলাম । তখন রাত্রি হয়েছিল । আমি ভিজ্ঞানা
করলাম “কিন্তু, শৈলেন, ও মেয়েটার ব্যাপার কিছুই বুঝলাম না ।”

শৈলেন বলল ;—“সে বড় করুণ কাহিনী । শৈলেন গল্পটা ব’লে গেল ।”

“ও হ’ল এক গরীব অনাথা মেয়ে বছর দুই হ’ল ওকে আমি আমাদের দেশ থেকে এনে ওই
অনাথা শ্রমে রেখে দিয়েছি । মাসে খরচ যা লাগে আমিই দিই । ওর সঙ্গে কেমন করে আমার
দেখা হ’ল ব’লছি ।”

সে বার ডাক্তারী পরীক্ষা দিয়ে আমি বাড়ী গেলাম । শাস্ত পল্লীর বুকে সে নিশ্চিন্ত জীবন
যাত্রা বড় আনন্দ ময় । কলিকাতায় বন্দী জীবনের রুদ্ধশ্বাস ব্যথাটা গ্রামের অনাবিল উল্লাস
পুলকের মধ্যে নিম্ন শেষে ছাড়িয়ে যায় । প্রবাসীর প্রাণের আনন্দে সারা গ্রামখানি আনন্দিত
হ’য়ে উঠে ।”

“তুমি জান আমি নৌকো চড়তে ভালবাসি। সন্ধ্যার স্নান ছায়ায় ঝোপে ঝাড়ে ঘেরা খালটির ভিতর দিয়ে নিজে হাতে নৌকো বেয়ে যাওয়ার—সে কি আনন্দ !

“সে দিন একটু বাদলা মত হয়েছিল। গ্রাহ্য না ক’রে—সন্ধ্যার সময় আমি আমাদের গ্রামের ছোট্ট নদীটির ধারে ছুটলাম। খেয়া ঘাটের কাছে একখানা ডিম্বি বাধা ছিল। এদিক ওদিক চেয়ে কাকেও না দেখে ডিম্বিটি শ্রোতে ভাসিয়ে দিয়ে তাতে উঠে পড়লাম।

“শ্রোতের অনুকূলে অনেক দূর চলে গেলাম উজানে যে অতটা পথ একা নৌকো ঠেলে ফিরতে হবে তা আমার তখন খেয়াল হয় নি।

“রাত্রি নয়টা বেজে গেল, কিন্তু তখনো আমি অন্ধক পথ ফিরতে পারলাম না। আকাশে মেঘ আরো ঘনীভূত হয়ে এল—বৃষ্টিও ছোরে নামল। অন্ধকার ভেদ করে বাতাস পাগলের মত ছুটতে আরম্ভ করল। ‘ঝি’ ‘ঝি’ ও ব্যাঙের ডাক এক সঙ্গে জড়িয়ে গেল—সে এক অপূর্ব সুর। আমি প্রাণপণে বৈঠা চালাতে লাগলাম।

“হঠাৎ ডান তীর থেকে এক করুণ সুর কানে এল—‘কে যাচ্ছ বাবা, আনাকে দয়া করে পার করে দেও না!’

“আমি চমকে উঠলাম। আয়োজ্য দক্ষ্য বরে সেই দিকে নৌকা নিয়ে তীরে গিয়ে ভিড়লাম। চকমকি ছেলে কেরোসিনের ডিবেটা ধরিয়ে দেখলাম কাদার মধ্যে এক খুঁতখুঁতে বড়ী ভিজে কাপড়ে দাঁড়িয়ে ঠক ঠক করে কাঁপছে। আমি বেতেই সে ক্রন্দন সুরে বলে উঠল ‘বাবা, ভগবান তোমায় ভাল করবেন, আনায় পার করে দেও।’

বড়ীকে জিজ্ঞাসা করে জানলাম ;—

“সেই তীরেই পাঁচ সাত রশি তফাৎ তার কুঁড়ে ঘর। তার “উপযুক্ত” ছেলে বছর দুই হ’ল কলেরায় হঠাৎ মারা যাওয়াতে বড়ীর দুর্গতির শেষ নেই। অনেক কষ্টে বড়ী তার বিপদা পুত্রবধু ও শিশু নাতিনীটির গ্রামের ভাত জুটাচ্ছিল। কিন্তু আজ প্রায় পনের দিল হ’ল তার পুত্রবধু রোগে শয্যা গ্রহণ করেছে। অসুখ কিছুতেই কমছে না, পরশা নেই সে ওমুদ ক’রবে। আজ সন্ধ্যার সময় থেকে বৌটির অসুখ খুব বেড়েছে, বড় ছটকট করছে। তাই বড়ী কেরোসিন ওপারের

বাঘদীঘি গ্রাম থেকে হারু কবিরাজকে হাত পায়ে ধরে আনতে চলেছে। এখান থেকে পার হতে পারলে খেরাঘাটে যাবার জন্যে তাকে বেশী দূর ঘুরতে হবে না, ফেরার সময় না হয় সে খেরা দিয়েই আসবে !

তার কথা শুনে আমার সমস্ত হৃদয়টা ব্যথার ভরে উঠল। হায়, এত দুঃখীও মানুষ থাকে ! সমস্ত বছরের অর্থক্স বুড়ী আজ স্নেহের টানে একা এই অন্ধকার বাদল রাতে গৃহ ছেড়ে নদী পার হতে এসেছে। বাঘদীঘি গ্রাম নদীর ওপার থেকে প্রায় দুই মাইল হবে। বুড়ী কতক্ষণে সেখানে পৌঁছবে ? কতক্ষণেই বা আবার বাড়ী ফিরবে ? তার শিথিল কম্পিত দেহ-বৃষ্টি বৃষ্টি বাতাসে হয় তো এই রাস্তার মধ্যেই কোথায় ভেঙে পড়বে। আর সে যে উদ্দেশ্যে যাচ্ছে তাও তো অনিশ্চিত। কবিরাজ কি এই দুর্যোগে বিনা পয়সায় দরিদ্রার প্রার্থনায় কর্ণপাত করবে ?

“আমি বুড়ীকে বললাম ‘বুড়ী, আমিও একজন ডাক্তার ; চল, তোমার বৌকে দেখে ওষুধের ব্যবস্থা করব।’

“কৃতজ্ঞতার বুড়ীর চক্ষু ছলছল করে উঠল। আকাশের দিকে আঙ্গুল নির্দেশ করে সে শুধু বলল ‘ভগবান তোমায় সুখী করবেন !’

“নৌকাখানি সেখানে বেধে বুড়ীর সঙ্গে চললাম। বাতাসের সঙ্গে বৃষ্টির ঝাপটা এসে আমাদের মুখে বিধতে লাগল। ঘাট ছেড়ে একটি ছোট মাঠ পেরিয়ে কতকগুলি বাশঝাড় দেখলাম—বাশঝাড়ের পিছনে পাড়া। সেই পাড়া দক্ষিণে রেখে আমরা বা দিকের পথে গেলাম। আর একটা মাঠ দেখা গেল। খানিক দূর যেতেই সেই মাঠের উপরকার কয়েকটি গাছ দেখিয়ে বুড়ী বলল ‘ওই আমার ঘর।’

“বুড়ীকে জিজ্ঞাসা করলাম ‘তোমার ঘর মাঠের মধ্যে কেন ? আর কোন বাড়ী তো ওখানে দেখছি না।’

“বুড়ী দুঃখের একটি দীর্ঘ নিশ্বাস ফেলে বলল ‘আমার ছেলের কয়েক বিঘে ভূঁই ছিল ওখানে। দেখাশুনার সুবিধে হবে বলে ছেলে গা থেকে ঘরটা ওখানে তুলে এনেছিল। অদৃষ্টের কথা কি

বলব বাবু, ছেলে মরার পর জমিটুকু ভাগে করতে দিয়েছিলাম, কিন্তু এককণা ফসলও পেলাম না। যাকে ভাগে দিয়েছিলাম সেই ও জমিটুকু মালেকের কাছ থেকে লিখে নিল। গরীব মেয়ে মানুষ, কি করব, বাবা? এবার শুনছি, আমাদের কুঁড়েটুকুও নাকি ওখান থেকে তুলে দেবে!’

“শুনতে শুনতে বুড়ীর কুটীরে এসে পৌঁছলাম। ঘরের ঝাঁপ বন্ধ ছিল। ঝাঁপের রক্তগুলি দিয়ে অতি ম্লান আলোরশ্মি দেখা যাচ্ছিল! বুড়ী আশ্চর্যে আশ্চর্যে ঝাঁপটি সরিয়ে আমাকে ডাবল “এসো বাবু।”

“বুড়ীর পেছনে পেছনে ঘরে ঢুকলাম। দেখলাম ছিন্ন মলিন একখানা কাঁথার উপর একটি শীর্ণদেহ যুবতী কাত হয়ে শুয়ে আছে। আর তার মাথার কাছে বসে একটি তিন চার বৎসরের উলঙ্গ শিশু একটা ভাঙ্গা পাখা দিয়ে বাতাস করছে। ঘরের এক কোণে উপুড় করা হাঁড়ির উপর একটি কেরোসিনের ডিবা ধূম উদ্গীরণ করছিল।”

বুড়ী শিশুটিকে দেখিয়ে বলল “দেখছ বাবু দিদিমণির কত বুদ্ধি। যাওয়ার সময় ডকে বলে গিয়েছিলাম—মাকে বাতাস দিস্—সেই থেকে ও বসে বসে বাতাস দিচ্ছে। বড় লক্ষ্মী মেয়ে।—হাঁ রে দিদিমণি, মা ঘুমিয়েছে?”

“শিশু গভীর ভাবে ‘হাঁ’ সূচক ঘাড় নেড়ে চুপি চুপি বলল ‘কত বাতাস করে তবে ঘুম পালালাম। তুমি তেতিও না, ঠাকুমা, তালে মা এককুনি উথে, আবাল ছৎফৎ ক’লবে—অসুখ কলেছে কিনা।”

“রোগিনীকে দেখবার জন্যে কাঁথার উপর গিয়ে বসলাম। হঠাৎ সন্দেহে আমি কেঁপে উঠলাম। পরীক্ষা করে দেখলাম যুবতীর প্রাণ বায়ু অনেকক্ষণ বেরিয়ে গিয়েছে।”

“শিশুটি তখনো মাকে বাতাস দিচ্ছিল আর ঘুমে তুলছিল। তার চর হচ্ছিল পাছে আমি তার মাকে নাড়া চাড়া করে জাগিয়ে ফেলি।”

“বুড়ীকে বুক ভাঙ্গা খবর দিতে হ’ল। সে আছাড় খেয়ে প’ড়ে কেঁদে উঠলো।” সরল শিশু তখনো বুড়ীকে শাসন করে বলছে—‘চপ কল ঠাকুমা, মা উথে পলবে যে, তুমি বন্ধ হত।”

“বুড়ী ঘরের দাওয়ায় এসে মাটিতে লুটিয়ে লুটিয়ে কাঁদতে লাগল। বৃষ্টি তখন ধরে এসেছিল। বাতাস উদাসী দরবেশের মত দীর্ঘ নিশ্বাস ফেলে অঁধারে ঘুরে ঘুরে বেড়াচ্ছিল। একটা খুঁটি হেলান দিয়ে দাঁড়িয়ে আমি চোখের জল মুহূর্তে লাগলাম।”

“ঠাকুমার চীৎকার 'সহেও মা জেগে উঠে ছুটামি আরম্ভ করল না দেখে মেয়েটি বোধ হয় আশঙ্কিত হন। বুড়ীর মন্দীভূত বিলাপ শ্রুতি ঘূর্ণ পাড়ান সুরে গিয়ে শিশুর কানে পৌঁছতে লাগল। সে তার মায়ের কোলে মাথা রেখে অবিলম্বে ঘুগিয়ে পড়ল।”

“অনেকক্ষণ পরে বুড়ী একটু স্থির হল। আমার পা জড়িয়ে ধরে কেঁদে বলল ‘বাবা, একটা ব্যদস্থা করে দেও। মড়া ঘরে বাসি হলে আমার দিদিনগির অকল্যাণ হবে।’”

“কাছেই গ্রামে আনাদের কয়েক ঘর প্রজা ছিল। তারা বুড়ীর স্বজাতীয়। সেখানে গিয়ে সমস্ত রাত ঘুরে ঘুরে, কাউকে মিনতি করে, কাউকে ভয় দেখিয়ে, কাউকে বা লোভ দেখিয়ে, লোক আর কাঠ জোগাড় করে আনলাম।”

“মৃতদেহ যখন শশ্মানে নিয়ে আসা হল তখন প্রায় ভোর। মাকে জড়িয়ে বেঁধে আনতে দেখে মেয়েটি ভয়ানক কাঁদতে আরম্ভ করেছিল। তাকে কোন রকমে ঠেকাতে না পেরে বুড়ী তাকে সঙ্গে করে শশ্মানে এনেছিল। সমস্ত রাত্তা সে ‘মা মা’ বলে চীৎকার করে লুটোতে লুটোতে এসেছে। কিন্তু যেই মৃতদেহ শশ্মানে নামান হল অমনি মেয়েটি কান্না বন্ধ করে ছুটে এসে তার মায়ের কোলে এসে বসলো। আমি চোখের জল ধরে রাখতে পারলুম না।”

“শব চিতার উপর শোয়ানো হল। মেয়েটি ছুটে গিয়ে তার মার মায়ের কোলে উঠতে চায়। আমি তাকে জোর করে দূরে টেনে নিয়ে গেলাম। তাকে বুক চেপে ধরে আদেশ দিলাম—“আগুন দাও।”

“আগুন ধূ ধূ করে জলে উঠল। সঙ্গে সঙ্গে মেয়েটি এক অস্বাভাবিক চীৎকার করে আমার কোলের মধ্যে অজ্ঞান হয়ে লুটিয়ে পড়ল।”.....

“এর পর যখনই আমি বুড়ীর বাড়ী খোঁজ খবর নিতে যেতাম, মেয়েটি আমাকে দেখেই মা মা করে চেঁচিয়ে উঠতো।” আমি বলতাম “মা খাঁচা ভরে নীল পাখী আনতে গিয়েছে— আনি মাকে শুদ্ধ পাখী নিয়ে আসবো—তুই কাঁদিস নি!”

“মাস দুই পরে বুড়ীও মরে গেল। শিশুটির আর কেউ রইল না। আমি তাকে পাখী দোব বলে এখানে নিয়ে এলাম। পাখীর স্মৃতিটা এখনও ঐ শিশুর মনে স্বেচ্ছ হ’য়ে র’গেছে— কিন্তু আমি যে ভয়ানক মিশ্যে কথা বলেছি।”

শ্রী সুবীরকুমার গোস্বামী।

“বাঙ্গলার ব্রাহ্মণ” প্রবন্ধ সম্বন্ধে দুই একটা কথা

১৯৪৪

পাঁচ সপ্তাহ পূর্বে আমি যখন পাটনায় ছিলাম তখন বৈশাখ মাসের পরিচারিকা পাঠিয়া দেখিলাম যে শ্রীযুক্ত অখিলচন্দ্র মহাভারতী মহাশয় অসাধারণ বিদ্যাবতীপূর্ণ “বাঙ্গলার ব্রাহ্মণ” নাম দিয়া আর একখানি প্রকাণ্ড জাহাজ সাহিত্য সাগরে ভাসাইয়াছেন। তাহার পৃচ্ছ সংগ্রহ পাদটীকা রূপ ছোট নৌকাগুলিও যথাপূর্ব বিদ্যা বোঝাই। সত্য সত্যই বলিতেছি যে অখিলবাবুর বিদ্যার প্রসার ও গভীরতা বিস্ময়কর। আমি তাঁহার একটা কথার প্রতিবাদ করিব বলিয়া তখনই ইচ্ছা করিয়াছিলাম। কিন্তু নানারূপে চিত্ত বিক্ষিপ্ত থাকায় তাহা ভুলিয়া গেলাম। পরে এতদিন নানা স্থানে ভ্রমণ করিয়া কয়েকদিন হইল কলিকাতার নিকটবর্তী এক নিস্তৃত পল্লীতে আসিয়া রহিয়াছি। এমন সময়ে দ্বৈষ্টের পরিচারিকা পাঠিয়া তাহাতে সেই প্রবন্ধেই দ্বিতীয় ভাগ দেখিলাম। ইহা দেখিয়াই আমার পূর্বকার ইচ্ছার কথা মনে হইল। সমগ্র প্রবন্ধ সমাপ্ত না হইলে তাহার মুখ্য বিষয়ের সালোচনা করা যায় না। কিন্তু যখন লিখিতেই বসিয়াছি প্রবন্ধ লিখিতে অব্যস্তর দুই একটা কথা সম্বন্ধে অন্ত দুই একটা মন্তব্য প্রকাশ করিতে ইচ্ছা করি। আশোকরি সম্পাদক মহাশয় দয়া করিয়া স্থান দিবেন।

প্রবন্ধের দ্বিতীয় অংশটা অখিলবাবু বোধহয় খুব তাড়াতাড়ি করিয়া লিখিয়াছেন নতুবা তাহাতে “আর্জ অর্থাৎ ভিজা” দেখিতাম না। কেন না অখিলবাবু নিশ্চয়ই একরূপ মনে করেন না যে যাহারা পরিচারিকা পাঠ করেন তাঁহাদের মধ্যে এমন লোকও আছেন যাহারা আর্জ শব্দের অর্থ জানেন না।

অখিলবাবু প্রবন্ধের মধ্যে বঙ্কিমচন্দ্র, অক্ষয়কুমার, ম্যাক্সমুলার প্রভৃতি পূজ্যপাদ ব্যক্তিদিগের প্রতি শ্লেষোক্তি করিয়াছেন দেখিয়া দুঃখিত হইলাম। সকল মহানহিম ব্যক্তি যাহা বলিয়াছেন তাহা তাঁহাদের সময়ের, জ্ঞানের অল্পবর্তী হইয়াই বলিয়াছেন। বর্তমান সময়ের লক্ষ জ্ঞানালোকে যদি তাঁহাদের জ্ঞান কথা ভ্রান্তি বলিয়া প্রমাণিত হয় তাহা শ্লেষ না করিয়া সোজা কথায় বলিলেই ভাল চলে। বিশেষত ইয়োরোপীয় পণ্ডিতেরাই এ সকল বিষয়ে পূর্বে ও আমাদিগকে পথ প্রদর্শন করিয়াছেন এখনও ইয়োরোপীয় পণ্ডিতেরাই নূতন পথ প্রদর্শন করিতেছেন। অস্তুতঃ তাঁহারা আমাদিগকে প্রকৃত সত্য পথ ধরবার উপায় বলিয়া দিতেছেন। পূর্বে বঙ্কিমচন্দ্র, অক্ষয়কুমার প্রভৃতি যেন উইলসন্, ম্যাক্সমুলার প্রভৃতির নির্দেশিত পথে চলিয়াছেন, বর্তমান সময়েও তেমনই ভাগ্যরকর, রুদ্রপট্টন, এবং স্বয়ং অখিলবাবু প্রভৃতি দেশীয় পণ্ডিতেরা মার্শল, ম্যাকডোনাল্ড, উড্ রফ্ প্রভৃতি ইয়োরোপীয় পণ্ডিতদিগের প্রদর্শিত আলোকের সাহায্যে নূতন পথ আবিষ্কার করিতে পারিতেছেন। সুতরাং পূর্বেকার ইয়োরোপীরেরা নিজের প্রথম প্রচেষ্টার ফলে যদি প্রচুর আলোক নাই পাইয়া থাকেন তাহা হইলেও তাঁহারা ভক্তি ভিন্ন শ্লেষের পাত্র কখনই হইতে পারেন না। তাঁহাদের নিকট হইতে ভ্রান্ত আলোক লইয়া যে সকল বাঙ্গালী ভ্রমণ করিয়াছেন তাঁহাদের সম্বন্ধেও আমার এই উক্তি প্রযোজ্য। তাঁহারাও ভক্তিভাজন।

অখিলবাবু নিজেই বলিয়াছেন যে পুরাণগুলির বহুল অংশের লোপ হইয়াছিল। সুতরাং নব কালের পুরাণগুলি দেখিয়া যদি উইলসন্ তাহাদের বয়স নির্ধারণ করিয়া থাকেন তাহা হইলে **স্বাক্ষর** এমন কি হইয়াছে?

মহাভারতে কোন পুরাণের নাম উল্লিখিত থাকিলেই যে সেই পুরাণ মহাভারতের পূর্বে লিখিত একথা অখিল বাবু বেদবাক্য স্বরূপ মানেন। কিন্তু মহাভারতে যে কত প্রক্ষিপ্ত অঙ্গিবেশিত হইয়াছে তাহা কি অখিল বাবু ভুলিয়া গিয়াছেন? মহাভারতের অনুক্রমণিকার

অধ্যায়ে লিখিত আছে যে প্রথমে ব্যাস ২৪,০০০ শ্লোকে ভারত সংহিতা রচনা করেন। সুতরাং অবশিষ্ট ৭৬,০০০ শ্লোক প্রক্ষিপ্ত। আর যদি ধরিয়াই লওয়া যায় যে ব্যাসই নিজের পরে তাহাতে এই ৭৬,০০০ শ্লোক সংযোজন করিয়া এক লক্ষ শ্লোক পূর্ণ করিয়াছিলেন তাহা হইলেও বর্তমান মহাভারতে ১,৬০,০০০ শ্লোক হইল কেমন করিয়া? এখন যে মহাভারতে ১,৬০,০০০ শ্লোক আছে তাহা বিষ্ণুসাগর মহাশয়ের অনুক্রমণিকা অধ্যায়ের বাল্মীকি অধ্যায়ের মুখবন্ধে দ্রষ্টব্য।

অখিল বাবুর বিশ্বাস যে ব্যাসই সন্থ ভারত রচনা করিয়া তাহার শিষ্য বৈশম্পায়নকে পড়াইয়া ছিলেন এবং বৈশম্পায়ন তাহা জনমেজয়কে পড়িয়া শুনাইয়া ছিলেন। কিন্তু বিচার করিয়া দেখা যাউক যে এই সংবাদটা সম্পূর্ণ সত্য হইতে পারে কি না। ধৃতরাষ্ট্রের মৃত্যু কালে তাহার বয়স হইয়াছিল অনূন্য ১০০ বৎসর। ব্যাস ছিলেন তাহার জন্মদাতা। সুতরাং ব্যাসের বয়স তখন অনূন্য ১২৫ বৎসর। ধৃতরাষ্ট্রের মৃত্যুর পরও সুবিষ্টির নানাধিক ত্রিশ বৎসর রাজত্ব করেন যে হেতু ৩৬ কলি অন্দে তিনি পরীক্ষিতকে রাজ্যভার দিয়া মহাপ্রস্থান করেন। তাহার পর পরীক্ষিত ও কিছু দিন রাজত্ব করার পর জনমেজয় রাজা হইলেন। তখন পর্যন্ত ব্যাস যে কেবল বাচিয়া ছিলেন তাহা নহে—তিনি তখনও মহাভারতের মত প্রকাণ্ড গ্রন্থ রচনা করিতে সমর্থ ছিলেন। একথা কয় জন লোক বিশ্বাস করিতে পারেন?

অখিল বাবু নির্দেশ করিয়াছেন যে ৩,০০০ পূর্বে খ্রীষ্টাব্দে ভারত মুক্ত হইয়াছিল। অর্থাৎ তিনিই বলিয়াছেন যে খ্রীষ্টপূর্বে ৫,০০০ বৎসরে অথবা কলির প্রারম্ভে সেই মুক্ত হইয়াছিল। মুক্ত বর্ণনার পূর্বে মহাভারতে যে জ্যোতিঃ সংস্থান আছে তাহা দেখিয়া একজন গণনা করিয়া বলিয়াছেন যে সেই মুক্ত ৫,০০০ পূর্বে খ্রীষ্টাব্দেই হইয়াছিল। এই কথা আনি অনেক দিন হইল একখানা মাসিক পত্রিকায় পড়িয়াছি। কিন্তু পত্রিকার নাম, লেখকের নাম প্রতিটি কিছুই মনে নাই।

অখিল বাবু প্রমাণ না দিয়াই বলিতেছেন যে বঙ্গরাজ চন্দ্র সেন ও সমুদ্র সেন দ্বারা ঐশ্বরীর স্বয়ংবরে নিমন্ত্রিত হইয়াছিলেন তাহার বাবে কুলীন ক্ষত্রিয় ছিলেন “তৎ সম্বন্ধে সন্দেহ নাই।” আনিও সেইরূপ প্রমাণ না দিয়াই বলিতেছি যে মহাভারতের এই অংশ যে প্রক্ষিপ্ত

তাহাতে সন্দেহ নাই। ইহা ভিন্ন আমার আর একটা বক্তব্য এই যে পূর্বকালে ক্ষত্রিয় বংশে জন্মগ্রহণ না করিয়াও যাহারা ক্ষত্রিয় ধর্ম গ্রহণ করিতেন তাঁহারাও ক্ষত্রিয় বলিয়া পরিচিত হইতেন। বল্লাল সেন রাজা হইয়াছিলেন সুতরাং ক্ষত্রিয় ধর্ম গ্রহণ করিয়াছিলেন বলিয়া এক তাম্রফলকে বা প্রস্তরফলকে তিনি চন্দ্রবংশীয় ক্ষত্রিয় বলিয়া উক্ত হইয়াছেন। অথচ তিনি যে বৈদ্য বংশীয় একথা তিনি স্বীয় “দানসাগর” পুস্তকে লিখিয়াছেন। দ্রোণ ব্রাহ্মণ বংশে জন্মিয়াও যুদ্ধ করিয়াছিলেন সুতরাং তিনিও আপনাকে ক্ষত্রিয় বলিয়া পরিচয় দিতেন। তাঁহাকে বধ করায় অর্জুন বা পৃষ্ঠদ্যুয়ের ব্রহ্মহত্যার পাপ হয় নাই।

অতি অল্প দিন পূর্ব পর্যন্ত ইরোরোপীয়েরা বিশ্বাস করিতেন যে মানবসৃষ্টি ৫,০০০ পূর্ব পৃষ্ঠাব্দে হইয়াছিল। এজন্য তাঁহারা অখিল বাবুর উপহাসাম্পদ। তাঁহাদের এই বিশ্বাস বাইবেলের অর্থবাদের ফল। এখন এক Saturday adventist ব্যতীত খৃষ্টীয় সকল সম্প্রদায়ই অর্থবাদ পরিত্যাগ করিয়াছেন। সমগ্র হিন্দুসমাজ কিন্তু এখনও যে, পুরাণ প্রভৃতি সম্বন্ধে অর্থবাদী। অথচ গীতায় বেদবাদপর অর্থাৎ বেদের অর্থবাদী লোকদিগের নিন্দা আছে। আয়ুর্বেদবাদরত বত বৃদ্ধ এখনও চ্যবনপ্রাশ সেবন করিয়া এই আশা পোষণ করেন যে তাঁহারা অচিরেই পুনর্ধৌবন লাভ করিবেন।

“ধাঙ্গিক” শব্দটার ব্যুৎপত্তিগত অর্থ বাহাই হউক তাহা বাঙ্গলা ভাষায় কেবল মাগুমের বিশেষণরূপেই প্রযুক্ত হয়। কিন্তু অখিল বাবু ধাঙ্গিক আচার ব্যবহারের উল্লেখ করিয়াছেন।

রায় বাহাদুর যোগেশচন্দ্র বিদ্যানিধি মহাশয়ের অনুবর্তী হইয়া* অখিল বাবু ধর্ম কর্তা প্রভৃতি না লিখিয়া ধর্ম কর্তা লেখেন। বঙ্গের অধিকাংশ স্থলে কিন্তু লোকে দুইটা ম এবং দুইটা

* রায় বাহাদুরের পদানুসরণ করিয়াই যে—অখিলবাবু “ধর্ম”, “কর্তা” ইত্যাদি লেখেন এরূপ বলা যায় না। ব্যাকরণের প্রাচীন সূত্রই বলিতেছে—রেফাক্রান্ত বর্ণ দ্বিঃ হইবে—বিকল্পে। ভারতীভূষণ মহাশয়ের এ বানান সম্ভবতঃ সেই বিকল্পবাদ। ঐ স্থানে ব্যাকরণ পুনরায় সূত্র নির্দেশ করিয়াছে রেফাক্রান্ত বর্ণ দ্বিঃ হইবে বিকল্পে কিন্তু দুইটা মহাপ্রাণ বর্ণ অর্থাৎ বর্গের দ্বিতীয় ও চতুর্থ বর্ণ একত্র হইলে পূর্বটী অঙ্গপ্রাণ হইবে। সেইজন্য—“গর্ভ”, “ধর্মুর্ভব” প্রভৃতি বানান। পুঞ্জীয় বিদ্যাসাগর মহাশয়ও রেফাক্রান্ত বর্ণে দ্বিঃ করেন নাই।

উচ্চারণ করে। ধর্ম শব্দে দুইটা ম উচ্চারিত হয় কিন্তু থর্ম মিটার এবং দর্মাহাটার একটা মাত্র ম উচ্চারিত হয়। ধর্মের দুইটা ম উচ্চারিত হয় বলিয়া ইহার প্রকৃত রূপ ধর্ম। কর্তায় দুইটা ত উচ্চারিত হয় বলিয়া অশিক্ষিত লোকেরা ইহাকে ‘কর্তা’ বলে। পূর্ববঙ্গে কিন্তু অশিক্ষিত লোকে বলে কর্তা। হিন্দী “কিয়া কর্তা হায়” এই দুই বাক্যের কর্তা এবং কর্তার উচ্চারণ ভিন্ন।

যাহা হউক এই সকল অবাস্তব কথা ছাড়িয়া দিয়া প্রবন্ধের প্রথম ভাগে লিখিত যে কথাটার প্রতিবাদ করিতে ইচ্ছা করিয়া ছিলাম এখন তাহাই বলিতেছি। বৈশাখের পরিচারিকায় অখিল বাবু লিখিয়াছেন যে রানচরিত প্রণেতা সন্ধ্যাকর নন্দী কায়স্থ ছিলেন। এই সংবাদটা কিন্তু ভুল। মহানহোপাধ্যায় শ্রীযুক্ত হরপ্রসাদ শাস্ত্রী মহাশয়ের মত এই যে সন্ধ্যাকর নন্দী জাতিতে ব্রাহ্মণ ছিলেন। শ্রীযুক্ত অক্ষয়কুমার গৈত্রের মহাশয় বলেন যে তিনি কায়স্থ ছিলেন। অপর পক্ষে উমেশচন্দ্র বিদ্যারত্ন এই দুই মত খণ্ডন করিয়া প্রতিপন্ন করিয়াছেন যে সন্ধ্যাকর বৈদ্য ছিলেন। এই তিন জনের কে কি যুক্ত প্রদর্শন করিয়াছেন তাহা আমার মনে নাই। আমার যতদূর স্মরণ হয় শাস্ত্রী মহাশয় কোন যুক্তি প্রদর্শন করেন নাই। সন্ধ্যাকর নিজে যে আত্ম পরিচয় দিয়াছেন তাহার মধ্যে একটা “করণ্য” শব্দ আছে। ইহাকে করণ শব্দ ভাবিয়াই অক্ষয় বাবু সন্ধ্যাকরকে কায়স্থ বলিয়াছেন। কিন্তু একেত করণ্য শব্দ আভিধানিক নহে তাহাতে বঙ্গদেশীয় কায়স্থেরা কখনই ‘করণ’ বলিয়া পরিচিত হন নাই। করণ্য শব্দ সম্ভবত বরেন্য বা বরেন্দ্র শব্দের লিপিকর প্রমাদ। সুতরাং সন্ধ্যাকরকে কেবল করণ্য শব্দের বলে কায়স্থ বলা যাইতে পারে না। বিদ্যারত্ন মহাশয়ের যুক্তির একটা কথাও আমার মনে নাই। আমি নিজে যে cumulate probabilityর উপর নির্ভর করিয়া সন্ধ্যাকর নন্দীকে বৈদ্য বলিয়া বিশ্বাস করি তাহা এই :—

১। গাণত বেত্তা শুভদ্রের নাম বঙ্গলা দেশের সকলেই শুনিয়াছেন। তিনি নন্দী বংশীয় বৈদ্য ছিলেন। একথা প্রাচীন বৈদ্য কুলগ্রন্থে লিখিত আছে। মুঙ্গাবাদ প্রণেতা বোপদেব গোস্বামীও নন্দী বংশীয় বৈদ্য ছিলেন। চৈতন্য চরিতামৃত প্রণেতা কৃষ্ণদাস গোস্বামী ও নন্দীবংশীয় বৈদ্য ছিলেন। যে বংশ এই সব খ্যাতনামা বিদ্যান ছিলেন সেই বৈদ্যকুলেই সন্ধ্যাকর নন্দীর জন্ম হওয়া সম্ভব।

২। অন্য পক্ষে ৬০।৭০ বৎসর পূর্বে কায়স্থেরা সংস্কৃত বিদ্যা চর্চা করিবার অধিকারী বলিয়াই বিবেচিত হইতেন না। যদি এরূপ প্রসিদ্ধি থাকিত যে কায়স্থেরা পুরুষানুক্রমে সংস্কৃত শিক্ষা করিতেন তাহা হইলে সংস্কৃত কলেজ স্থাপিত হইবার পর তাঁহারাও তাহাতে প্রবেশ লাভের অধিকার পাইতেন। কায়স্থ লিখিত গণনীয় সংস্কৃত গ্রন্থ আর একখানিও আছে ইহা কি অখিল বাবু বলিতে পারেন? যেমন বাঙ্গালীদের মধ্যে ভীষ্ম বা নেপোলিয়ানের মত কোন লোকের জন্ম হওয়া অসম্ভব কায়স্থকুলেও পূর্বকালে সেইরূপ সংস্কৃত গ্রন্থকার হওয়া অসম্ভব ছিল। বিশেষ সন্ধ্যাকর নন্দীর মত গ্রন্থকারের।

সন্ধ্যাকরের জাতিটা যখন তর্কহীন তখন তাঁহার জাতির উল্লেখ না করিলেও চলিত। বিশেষতঃ তিনি কোন জাতীয় ছিলেন সে কথাটা অখিল বাবুর আলোচ্য প্রবন্ধে সম্পূর্ণ irrelevant বা বিষয় বহির্ভূত।

এখানে একটা কথা না বলিয়া পারিলাম না। বর্তমান সময়ে বঙ্গ দেশে কায়স্থেরা বিদ্যা, বুদ্ধি, ধন, মান প্রভৃতিতে অন্য কোন জাতি অপেক্ষা হীন নহেন। তথাপি তাঁহাদের মধ্যে কেহ কেহ অকারণে বৈদ্যা দিগকে গালাগালি দেন কেন এবং প্রধান প্রধান বৈদ্যকে কায়স্থ বলিয়া জানাইতে চাহেন কেন তাহা বুঝা যায় না। এক দিন এক জন কায়স্থ ডেপুটি মাজিষ্ট্রেট এক সভায় কায়স্থ দিগের মহত্ব প্রতিপন্ন করিবার জন্য বলিলেন বল্লাল সেন কায়স্থ ছিলেন। আমি কায়স্থ সাহিত্যের মোটে একখানা কি দুইখানা বই পড়িয়াছি। তাহাতে লিখিত আছে যে শুভকর কায়স্থ ছিলেন। সেদিনকার রামপ্রসাদ সেনও নাকি কায়স্থ ছিলেন। আর কৃষ্ণনগরের রাজ সভায় ন্যায়রত্ন, বিদ্যারত্ন প্রভৃতি উপাধিধারী সংস্কৃতজ্ঞ পণ্ডিত ছিলেন, কাশীরাম দাস খুব সংস্কৃত জানিতেন ইত্যাদি। এরূপ করায় লাভ না হইয়া বরং বিপরীত হয়। *


শ্রীবীরেশ্বর সেন।

* আনরা লোফর সহিত এজন্য নই

অনন্তলাল।

— ❦ —

মোড়ণ পরিচ্ছেদ



আশ্রমটি বনের মধ্যস্থলে অবস্থিত। ইহার চতুর্দিকে কিঞ্চিদধিক একত্রোশ পথ না ঘাইলে বনভূমি উত্তীর্ণ হইয়া লোকালয় পাওয়া যায় না। এ দেশে এইরূপ প্রবাদ আছে যে, ইংরাজদিগের রাজত্বের প্রারম্ভে এ সকল স্থানে ডাকাতের ভয়ানক উপদ্রব ছিল, এবং এই বন মধ্যে তাহারা লুকাইয়া থাকিত। যেখানে আশ্রম হইয়াছে তাহার নিকটে এক প্রকাণ্ড বট বৃক্ষ ছিল। মন্যগণ ঐ বৃক্ষতলে নরবলি দিয়া কালীপূজা করিয়া, ডাকাতি করিতে যাইত।

আশ্রমটি প্রকাণ্ড। ইহার চতুর্দিক মৃৎপ্রাচীরে বেষ্টিত। অনন্তলালেরা যখন আশ্রমের দ্বারদেশে উপস্থিত হইলেন, তখন উহা ভিতর হইতে বন্ধ ছিল। অনেক ডাকাডাকির পর, একজন প্রাচীন বৈষ্ণব উহার অর্গল মোচন করিল এবং সকলে ভিতরে প্রবেশ করিলে পুনরায় দ্বার বন্ধ করিয়া দিয়া ভিজিতে ভিজিতে তাড়াতাড়ি বাইয়া, নিকটস্থ একটি ঘরের দাওয়ায় উঠিল।

সদর দরজা পূর্বমুখী। অনন্তলালেরা ভিতরে প্রবেশ করিয়াই একটি বড় উঠানে উপস্থিত হইলেন। উঠানের পশ্চিম সীমায় একটি পূর্বদ্বারী মাটির ঘর। ঘরের দাওয়া উচ্চ। তদুপরি একজন জটাভূটধারী রামাইং বৈষ্ণব বসিয়া পাটের সূতা কাটিতেছিল। অনন্তলালেরা সেই কদম্বর প্রাঙ্গন উত্তীর্ণ হইয়া তাহার সম্মুখে দাওয়ার নীচে বাইয়া দাঁড়াইলেন। তখন সন্ন্যাসী জিজ্ঞাসা করিলেন,—“বাড়ী কোথায়?”

হিন্দুস্থানীরা বহুদিন বাঙ্গালা দেশে বাস করিলেও বাঙ্গালা বলিতে গেলে যেমন তাহাদের কথায় হিন্দি টান থাকিয়া যায়, এই ব্যক্তির বাঙ্গালা কথাতেও তেমনি হিন্দি টান ছিল। স্বামীজী পূর্বোক্ত প্রাচীন বৈষ্ণবটির নহিত কি কথা কহিতে পশ্চাতে পড়িয়াছিলেন। তিনি এক্ষণে সম্মুখীন হইয়া বলিলেন,—“বাবা চিহ্নিতে পার্চেন না?”

বাবাজী তাঁহার মুখের দিকে দৃষ্টিপাত করিয়া বলিলেন,—“ওহো ! আমুন, আমুন উপরে উঠে আমুন। এত বৃষ্টিতে কোথা থেকে? সেদিন কাশী থেকে আপনার পত্র পেয়েছি। আপনাদের আরও দুদিন আগে আসবার কথা ছিল।”

অনন্তলাল বলিলেন,—“আজ্ঞে, কার্ঘ্যের গতিকে দেরি হয়ে গেল।”

পরে প্রাঙ্গন হইতে সকলে উপরে উঠিলেন। তখন স্বামীজী যোড়হাত করিয়া বাবাজীকে অভিবাদন এবং বাবাজীও “নমো নারায়ণ” বলিয়া তাঁহাকে প্রত্যভিবাদন করিলেন ও উভয়ে অল্প অল্প হাস্য করিতে লাগিলেন। পরে, অনন্তলাল, হরিশ সাহা ও ভৃত্যটি ভূমিষ্ঠ হইয়া তাঁহাকে প্রণাম করিলেন। বাবাজীও “কল্যাণ হউক” বলিয়া আশীর্বাদ করিলেন। অবশেষে উচ্চৈঃস্বরে ডাকিলেন,—“সুন্দরলাল!”

“আজ্ঞে বাই” বলিয়া ভিতর হইতে একজন উত্তর দিল। পরক্ষণে মস্তকের উর্দ্ধদিকে কেশ বাধা, জাম্বুর নীচে পর্যাস্ত আলখাল্লা পরা শ্মশ্রু ও গুফ পরিশূন্য ত্রিশং বৎসরের কিছু অধিক বয়স্ক গৌরবর্ণ এক ব্যক্তি বাইয়া তাঁহার সম্মুখে দণ্ডায়মান হইলেন। এই ব্যক্তিকে দেখিলে স্ত্রীলোক কি পুরুষ, স্থির করা কঠিন হয়। তাহাকে দেখিয়া বাবাজী বলিলেন,—“দুইটি জল নিয়ে এসো।”

হরিশ বলিল,—“আমাকে ঘাট দেন, আর ঘাট দেখিয়ে দেন, আমি জল নিয়ে আস্টি।”

হরিশ তখন নিজের জাতি ভুলিয়া গিয়াছিল, কিন্তু অনন্তলাল ভুলেন নাই। গঙ্গাজলে দোষ নাই বলিয়া তিনি রতনপুরে তাহার জল লইয়া ব্যবহার করিতেন। কিন্তু এ গঙ্গাজল নহে অতএব ইঙ্গিতে নিষেধ করিলেন। সন্দের ভৃত্যটি নরসুন্দর, অনন্তলাল তাহাকেই জল আনিতে আজ্ঞা করিলেন।

হরিশ ব্যাগ হইতে শুক কাপড় ও জামা বাহির করিয়া দিল এবং অনন্তলাল আর্দ্র পরিচ্ছদ পরিত্যাগ করিলেন। স্বামীজীও শুক কোপিন বহির্কাস পরিধান করিলেন। অনন্তলালের পদ হইতে দুই জাম্বু পর্যাস্ত পর্যাপ্ত পরিমাণে ও শরীরের স্থানে স্থানে ছিটাকোটা কর্দম লাগিয়াছিল। হরিশ ও ভৃত্যের সাহায্যে সে সকল ধৌত করিয়া তিনি একবার ঘড়ি দেখিলেন।

তখন বেলা তিনটা, তাঁহার আফিস ঘাইবার সময় হইয়াছে। বাবাজী জিজ্ঞাসা করিলেন,—
“বাবা, এখন ভোজনের কি হবে? একটু জলযোগ করুন।”

অনন্তলাল বলিলেন,—“আমাকে একটু মিষ্টি দিলেই হবে। আমি দিননানে আর কিছুই খাব না।”

“তাই কি হয়?” বলিয়া স্বামীজী বাবাজীকে জিজ্ঞাসা করিলেন,—“আশ্রমে দুগ্ধ পাওয়া যাবে?”

বাবাজী বলিলেন,—“হ্যাঁ, আমার দুগ্ধবতী গাভী আছে।”

“তবে, এঁর জন্যে একটু গরম দুগ্ধ আনিয়া দেন।”

কিছুক্ষণ পরে তাঁহাদের দুই জনের মধ্যে দুই বাট গরম দুগ্ধ এবং হরিণ ও ভূত্যের জলযোগের জন্য গুড় ও মুড়ি আসিল। অনন্তলাল অহিকেন ও দুগ্ধ সেবন করিয়া কথঞ্চিৎ সুস্থ হইলেন এবং অর্কশয়ান অবস্থায় এক দৃষ্টে বাবাজীকে দেখিতে লাগিলেন।

তিনি ভাবিতেছিলেন, এই ব্যক্তিই সেই ষাপরমুণ্ডের কুম্ভৈষপায়ন বেদব্যাস। ইনিই বেদ-বেদান্ত, অষ্টাদশ মহাপুরাণ প্রভৃতি লিপিবদ্ধ করিয়াছেন এবং ভগবান শ্রীকৃষ্ণকে চাক্ষুণ ও তাঁহার সহিত কত কথোপকথন করিয়াছেন। ইনি কি সেই শরীরেই বর্তমান আছেন? এঁকে দেখিলে ত পঞ্চান্ন ছাপ্তান্ন বৎসরের অধিক বয়স বলিয়া বোধ হয় না। এঁর মুখে ত্রেতাযুগের অনেক গল্প শুনতে পাওয়া যাবে। তবে এখন নয়, সে সব কথা পরে জিজ্ঞাসা করিলেই হবে।

অনন্তলালের চরিত্রে একটি বিশেষত্ব এই যে, তাঁহাকে অতি অল্প সময়ের মধ্যে কোন কথা বিশ্বাস করাইতে পারা যায়। আবার তত শীঘ্র বিশ্বাস, তত শীঘ্র অশ্বিনের ছায়া আসিয়া তাঁহার হৃদয়কে আচ্ছন্ন করিত।

সে যাহা হউক এই ব্যক্তিই সেই ষাপরমুণ্ডের ব্যাসদেব, সাত জন অন্যের এক জন এ বিশ্বাসের প্রতিকূলে কোন তর্ক মনোমধ্যে উদ্ভিত হইলে, তাহা খণ্ডন করিতে এক্ষণে আর দ্বিতীয় লোকের আবশ্যক হইবে না। তিনি নিজেই নানা সৃষ্টির অবতারণা করিয়া সেই প্রতিকূল তর্ককে নিরাকৃত করিবেন।

একবার তাঁহার মনে হইল যে, ইনিই যদি বেদব্যাস তাহা হইলে সামান্য গৃহীর ন্যায় অবস্থান করিতেছেন কেন? আবার ভাবিলেন, ষাপর সুগেও বদরিকাশ্রমে ইহার আশ্রম ছিল, ব্রাহ্মণী ছিলেন, শুকদেব নামে পুত্রও হইয়াছিল। ∴ কিন্তু তাহাতেও ইহার মাহাত্ম্য খর্ব্ব হয় নাই। অনাসক্ত পুত্রবের এ সকলে দোষ হয় না।

সপ্তদশ পরিচ্ছেদ।

অনন্তলাল প্রত্যক্ষীভূত ব্যাসদেবকে নিরীক্ষণ করিতে করিতে নানা প্রকার চিন্তা করিতেছেন, এমন সময়ে পূর্বোক্ত সুন্দরলাল আসিয়া জিজ্ঞাসা করিল,—“মহারাজ এঁদের পাক শাকের কি হবে?”

তখন বাবাজী অনন্তলালকে জিজ্ঞাসা করিলেন,—“বাবা, আপনাদের পাকের কি হবে? ইনি জাতিতে ব্রাহ্মণ, আর, আমার শিষ্য। ইনি পাক করলে হবে ত?”

অনন্তলাল বলিলেন,—“বিলক্ষণ! তা আবার জিজ্ঞাসা করছেন? খুব হবে।”

স্বামীজী দেওয়ালে হেলান দিয়া, আসনে বসিয়াছিলেন। ইতিমধ্যে তাঁহার স্তম্ভ নিদ্রা আসিয়াছিল। ইহাদিগের কথাবার্তা কর্ণকুহরে প্রবেশ করিবামাত্র তিনি বলিয়া উঠিলেন “হবে, হবে।”

তখন সুন্দরলাল প্রহৃষ্টান্তকরণে পাক করিতে গেল। সে যাইলে অনন্তলাল বাবাজীকে জিজ্ঞাসা করিলেন,—“এঁর জন্মস্থান কোথায়? আর, ইনি কতদিন আপনার শিষ্য হয়েছেন?”

বাবাজী বলিলেন,—“এঁকে আপনারা চিন্তে পারছেন না, কিন্তু ইনি আপনাদের অপরিচিত নন। এঁরি মুখে মহারাজ পরীক্ষিত শ্রীমদ্ভাগবত শুনেছিলেন।”

অনন্তলাল ব্যস্ততাসহকারে জিজ্ঞাসা করিলেন, “ইনিই কি শুকদেব গোস্বামী?”

বাবাজী অপেক্ষাকৃত গম্ভীর হইয়া বলিলেন “হাঁ ইনিই সেই শুকদেব গোস্বামী। পরীক্ষিতকে গোপীভাব বর্ণনা করে অবধি ইনি এত দিন তাহাই সাধনা করে আসছেন এবং এই জন্মে এঁর শরীরে সেই গোপী ভাবের পূর্ণ বিকাশ হয়েছে।”

তাহাদিগের এইরূপ কথোপকথন হইতেছে এমন সময়ে দুইজন লোকে দুইখানি লাঙ্গল স্বক্কে ও চারিটি বলদ গরু সঙ্গে করিয়া আসিয়া প্রাঙ্গনে দণ্ডায়মান হইল। বাবাজী তাহাদিগকে জিজ্ঞাসা করিলেন,—কি রে, আর ক দিনে লাঙ্গলের কাজ শেষ হবে ?”

তাহাদিগের একজন বলিল, “আজ্ঞে কর্তা আর দু দিন লাগবে।”

“বা এখন গরুকে খেতে দিগে যা।”

এই বলিয়া বাবাজী আসন হইতে উঠিয়া; তাহাদিগের সহিত আশ্রমের উত্তরাংশে খামার বাড়ীর দিকে গমন করিলেন। তখন স্বামীজী বলিলেন,—“অনন্তলাল দেখচ ? সুন্দরলাল লোকটা কে তা—শুনলে ? তা ছাড়া, মহাশয়ার কাব্যকলাপ দেখে কিছু ঠাওরার যো আছে ? যেন ঘোর বিবরী। মনে থাকে যেন যে, এঁরই কলম—‘কৃত্বাপি ন নিবধ্যতে—লিখছিল।

অনন্তলাল বলিলেন,—“আজ্ঞে হাঁ; এ ভঙ্গি বোঝা কঠিন। আর, এখানকার সবই রহস্যময়।”

কিছুক্ষণ পরে বাবাজী আসিয়া আসনে উপবেশন করিলেন। অনন্তলাল কৌতুহল আর অধিকক্ষণ দমন করিতে না পারিয়া বলিলেন,—“ঠাকুর, একটি প্রার্থনা করছিলাম।”

“কি প্রার্থনা ?”

অনন্তলাল বিনীত ভাবে বলিলেন,—“আজ্ঞে ষাপরমুগের যে সফল ঘটনা আপনি স্বচক্ষে দেখেছেন, তার ছ একটি গল্প শুনতে চাই।”

“ষাপরমুগের গল্প ? কত কেমন করে বলব ?”

তখন স্বামীজী হাসিতে হাসিতে বলিলেন,—“বাধা অনন্তলাল ভিতরকার খবর সব জানে।”

বাবাজী মুখন্ডল গষ্ঠীর করিয়া বলিলেন,—“সে সব কথা এ কলিমুগে বলবার উপায় নাই। ভগবানের কাছে প্রতিজ্ঞাবদ্ধ হতে হয়েছে।”

এ সময়ে অনন্তলালের সকল আশা ফুরাইল। তিনি এবার স্বামীজীর মুখের দিকে চাহিলেন। পরে নিঃশব্দে বসিয়া রহিলেন।

ক্রমে সন্ধ্যা হইল। পূর্বেকৃত প্রাচীন বৈষ্ণবটি বরে আলো জ্বালিয়া দিয়া বাবাজীকে প্রণাম করিল। অনন্তলালও উঠিয়া প্রথমে বাবাজীকে পরে স্বামীজীকে প্রণাম করিলেন। বাবাজী এক বৃহৎ বোলা বাহির করিয়া, মালা জপ করিতে লাগিলেন। স্বামীজী চক্ষু মুদ্রিত করিয়া ধ্যানস্থ হইলেন। এ সময়ে অনন্তলাল রুদ্রাক্ষের মালা জপ করেন। কিন্তু শক্তিমন্ত্র ত্যাগ করিয়া তাঁহাকে বিষ্ণুমন্ত্র গ্রহণ করিতে হইবে বলিয়া তিনি সে মালা বাটীতে রাখিয়া আসিয়াছিলেন। একবার কর জপিতে উদ্যত হইলেন। আবার ভাবিলেন, সে মন্ত্র বখন ত্যাগ করিতে হইবে তখন আর জপ করিয়া কি হইবে ?

হরিশ্চন্দ্র বোলা লইয়া, এক পার্শ্বে বসিয়া চুপিতে আরম্ভ করিল।

বাবাজী জপ করিতে করিতে অনন্তলালকে জিজ্ঞাসা করিলেন, “আমাকে কখন দেখেচ বলে মনে হয় ?”

“আজ্ঞে, না।”

“তাই বা কেমন করে হবে, তোমার পূর্বজন্মের কথা ত কিছুই মনে নাই।”

অনন্তলাল অবাক হইয়া, তাঁহার মুখের দিকে চাহিয়া রহিলেন।

স্বামীজী চক্ষু উন্মীলন করিয়া বলিলেন,—“আপনি সে ক্ষমতা দিলেই মনে হবে।”

বাবাজী বলিলেন,—“এর পূর্বজন্মের মন্ত্র গ্রহণ করে, বিছু দিন জপ করলে, সে ক্ষমতা আপনিই হবে।”

এই সময়ে সুন্দরলাল ঘাইয়া বলিল, “মহারাজ, অন্ন ব্যঞ্জন প্রস্তুত।”

“আচ্ছা” বলিয়া বাবাজী, সকলের ভোজনের বন্দোবস্ত করিতে রন্ধনশালায় গমন করিলেন, এবং তাহার অন্নক্রম পরে সকলে উঠিয়া ভোজন করিতে গেলেন।

আহারাদির পর বাবাজী তাঁহার পাঠীন শিষ্যটিকে বলিলেন,—“তুলসীদাস, তোমার ঘরে এঁদের বিছানা করতে হবে।”

তখন তুলসীদাস ও অনন্তলালের ভৃত্য, সকলের পৃথক পৃথক শয্যা রচনা করিল। অনন্তলালের অনুরোধে স্বামীজী প্রথমে যাইয়া একটি শয্যা অধিকার করিলেন, এবং পথশান্তি দশতঃ শয়ন করিবার অল্পক্ষণ পরেই নিদ্রাভিভূত হইলেন। অনন্তলাল শয়ন করিতে যাইয়া দেখিলেন নিকটে একটা কিসের গর্ত রহিয়াছে। তিনি তুলসীদাসকে বলিলেন,—“বাবা, মাথার গোড়ায় এ যে একটা গর্ত রয়েছে।”

তুলসীদাস বলিল “উম্‌সে কুচ্‌ ডর্‌ নেহি—আপনি ঘুম করুন। ও চূয়াকা গর্ত। হানি রোজ এই ঘরে থাকি।”

কিন্তু অনন্তলাল “ঘুম করিতে” সাহসী হইলেন না। তাঁহাদের কথাবার্তা শুনিয়া বাবাজী অপর ঘর-হইতে বলিলেন, “বাবা, কিছু ভয় নেই, সাপে কিছু করতে পারবে না। আমি গরুড় দেবকে তোমার পাহারার রাখলাম।”

হরিশ্চন্দ্র গর্তট বন্ধ করিয়া দিবার চেষ্টায় শয্যা হইতে উঠিতেছিল কিন্তু বাবাজীর অভয় বাণী শুনিয়া আর উঠিল না। অনন্তলালও “বে আজ্জা বাবা,” বলিয়া বিছানায় শয়ন করিলেন। হরিশ ও ভৃত্যটি পথশ্রমে ক্লান্ত হইয়াছিল, শয়ন করিবারাত্র নিদ্রাভিভূত হইয়া পড়িল। অনন্তলালের ক্লান্তি সর্বাপেক্ষা অধিক হইয়াছিল। কিন্তু তাঁহার নিদ্রা আসিল না। তিনি ভাবিলেন, একে ভাদ্রমাস তাহাতে বনের অভ্যন্তর; এসকল স্থানে সর্প থাকা কিছুই বিচিত্র নহে। যদি সাপ বাহির হয়, তাহা হইলে আর রক্ষা নাই। তবে তাঁহার নিকট মহর্ষি কুম্ভৈষণায়ন গরুড়দেবকে পাহারা রাখিয়াছেন। মহর্ষির কথা কি মিথ্যা? মিথ্যা ত নয়—আর যদি সত্য না হয়, তাহা হইলে ত প্রাণ নষ্ট হইবে। মহর্ষি নাই বনুন, এ ক্ষেত্রে তাঁর কথায় বিশ্বাস করিয়া থাকা চলে না। প্রাণের অপেক্ষা বড় কিছুই নাই। আলোটিও তুলসীদাস গুইবার সময়ে নিবাইয়া দিয়াছে। এ সকল স্থানে সমস্ত রাত্রি আলো থাকা বিশেষ প্রয়োজন।

এই সকল চিন্তা করিতে করিতে অনন্তলাল দেশলাই জালিয়া লগ্নন ধরাইলেন। তুলসীদাসের তখনও নিদ্রাকর্ষণ হয় নাই। সে জিজ্ঞাসা করিল,—“কিন্‌ কেন দীপ্‌ বারলে?”

অনন্তলাল উত্তর করিলেন,—“আজ্ঞে, রাত্রিকাল,—একটা আলো থাকা ভাল।”

“আরে বাঙ্গালী তোমারা বিশ্বাস নেহি হ্যায়।”

এই বলিয়া তুলসীদাস পার্শ্ব পরিবর্তন পূর্বক নিদ্রা বাইতে লাগিল।

প্রদীপ জালিয়া অনন্তলাল পুনরায় শয়ন করিলেন, কিন্তু কিছুতেই নিদ্রা আসিল না। কিছুকণ পরে তিনি বুঝিলেন গৃহস্থ সকলেই নিদ্রায় অভিভূত হইয়াছে। তখন উঠিয়া নিঃশব্দে খিল খুলিলেন, এবং লঠনটি হাতে করিয়া বাহিরে একেবারে উঠানে যাইয়া উপস্থিত হইলেন। টিপি টিপি বৃষ্টি পড়িতেছিল। তিনি ভিজিতে ভিজিতে উঠান হইতে কতকটা কদম উঠাইয়া লইলেন। পরে, পুনরায় নিঃশব্দে গৃহমধ্যে প্রবেশ পূর্বক কদম দ্বারা গর্ভের মুখ উত্তমরূপে বন্ধ করিলেন। পরে, হস্ত ধৌত করিয়া নিশ্চিন্ত হইয়া শয়ন করিলেন।

তিনি আশা করিয়া আসিয়াছিলেন যে, সাক্ষাৎ বেনব্যাসের সঙ্গ লাভ করিয়া, তাঁহার মুখে দ্বাপরযুগের অনেক কথা—কুরুক্ষেত্রের যুদ্ধের ভগবান শ্রীকৃষ্ণের ও মহাভারতে বর্ণিত পুরুষ ও স্ত্রীলোকদিগের গল্প শুনিয়া চির কৌতূহলের নিবৃত্তি করিবেন। কিন্তু সে সম্বন্ধে জিজ্ঞাসা করিবামাত্র বাবাজী বলিলেন যে, কলিযুগে সে সব কথা বলিবার উপায় নাই কারণ ভগবানের নিকট তাঁহাকে প্রতিজ্ঞাবদ্ধ হইতে হইয়াছে। যাহা হউক তখনও এক একবার আশা হইতেছিল যে, কথা প্রসঙ্গে তিনি অবশ্যই দ্বাপর যুগের দুই একটি গল্পও বলিয়া ফেলিবেন।

এইরূপ চিন্তা করিতে করিতে সুন্দরলালের শুকদেব গোস্বামীর কথা মনে পড়িল। অনন্তলাল বিশ্বাসবিষ্ট চিত্তে সুন্দরলালের মূর্ত্তি চিন্তা করিতে করিতে নিদ্রাভিভূত হইলেন।

(ক্রমশঃ)

শ্রীমলিনীন থ গুপ্ত ।

তিন বছর ।

—*—

“এই যে—নমস্কার ।”

এই বলে ঘোড়করা হাত দুখানা আনগোছে কপালে ছুঁইয়ে ‘রঞ্জিত’ থাকে সৌজন্য-সম্ভাষণ জানালে—তিনি তরুণী এবং সুন্দরী ।

গন্দির থেকে বেরোবার মুখে দোরের কাছে এ অভিনন্দন ! মুন্না ঈশং একটু খতমত থেয়ে ঘাড়টা বেঁকিয়ে নমস্কার ফিরিয়ে দিলে, তা’পর জিগ্গেব করলে,—“আপনার কি কিছু বলবার আছে ?”

“হ্যাঁ এই ছ’একটা কথা—”

“তা—বলুন না ।”

টেরীর ভাঁজের চুলের গোছাটার বার কতক টান মেরে—রঞ্জিত বল্লেন,—“কথাটা হ’চ্ছে—কেমন দিনটা আজ ?”

“বেশ রাতটা—দিব্যি চাঁদ উঠেছে ।”

পুলকে শিউরে উঠে রঞ্জিত জবাব দিল,—“দিব্যি চাঁদ উঠেছে—না ?”

“হ্যাঁ—কিন্তু আপনার কি এই খবরটাই শুধু”—

মুনাকে শেষ ক’রতে না দিয়েই রঞ্জিত তাড়াতাড়ি জবাব দিলে,—“না—না—দেখুন ঐ যে ছোকরাটি—বুঝলেন ?”

“কোন্ ছোকরাটি ?”

ঐ যে—ছোকরাটি ! কি আর এমন চেহারা ? রোজ সন্ধান মাথলে আমাদের রঙও গুরকম ফরসা হ’ত । বাবড়ী ধরণে চুল রেখে মাঝখান দিয়ে সীথি কাটা নাকের ওপর “পাসনে” চসমা—ওঃ ? ভাবে বুঝি ভারি কারদা—বুঝলেন ?—

“কিন্তু তিনি কে ?”

“চিন্তে পারেন না ?”

“না !”

“সে—কী ?—সেই যে—সে বছর তিনেক আগের কথা—ভিক্টোরিয়া ইস্কুলের প্রাইজের দিন—আপনি যে গান গাইলেন !—সে দিন ইন্সটিটিউটের সিঁড়ির ওপর সুম্খো সুম্খি দাঁড়িয়ে আপনার সঙ্গে কথা কইছিল না একজন ?

“আমার তো কই মনে নেই !”

“মনে নেই ! সে—কী ? তাকে মনে নেই ?”

“মনে নেই !”

“আচ্ছা আরো ব’লছি !—সেও বছর তিন হ’ল—শ্যামবাজার এসপ্লানেড ট্রামে—একদিন আপনি সেনেটের কাছে ট্রামে উঠতেই—একজন লাক্ষিয়ে উঠে আপনাকে জায়গা ছেড়ে দিলে—তা’পর দাঁড়িয়ে দাঁড়িয়েই আপনার সঙ্গে অনেক কথা ব’ললে !

“সে রকম কথা আপনাদের মত কত জনে—কত দিনইতো ব’লেছেন !”

“না না সে কত জনের ভেতর নয়—সে একজনই—আপনি যে তাকে চিন্তেই পাচ্ছেন না—অবাক ক’লেন দেখছি !”

“আচ্ছা তাই কি ! আপনি কি ব’লবেন তাঁর কথা—বলুন না !”

“কি আর ব’লবো !—ও ছোকরা ভয়ানক দম্বাজ ! জোচ্ছোর—যে ‘থিসিস’ দিয়ে ও পি, এইচ, ডি হ’য়েছে—সে আমারি লেখা—আমার খাতা থেকে “রু” চুরি ক’রে—বুঝলেন ?

“বুঝলাম—ভয়ানক অন্যায় ত !”

“দেখুন জো—কি অন্যায় ! কি রকম কেবেবাজী ! তা’পর আবার মুখের ওপর আমার পাগল ব’লে গেল !”

“কেন ?”

“কি জানি !—ল’-এর ওপর আমি একটা থিসিস লিখিছি জানেন, ওকে দেখালুম—কাব্য, কলার সঙ্গে মেশানো আইনের সে এক—“ফাষ্ট ক্লাস” থিসিস—চনৎকার—ওরিজিনাল !”

“তাই প’ড়ে—আপনার পাগল ব’ললেন ?”

“তাই পড়ে!—দেখুন তো কি রকম “ইম্পারটিনেন্স্”। বলছি শুধু—থিসিস্টা কি জানার। “Merchant of Venice”এ পোশিয়া যে এক জন ডক্টরের গাউন পরে গিয়ে সাইলকের কেস্টা একেবারে জাহান্নমে দিবে এল—সাইলকের মত লোক কি তা ছাড়বার পাত্র? সে একটা মামলাবাজ সওদাগর! সে তখুনি ছদ্মবেশ ফাঁসিয়ে বার করে বলে—এ “কল্‌স্ পারসোনিফিকেসন্” “কোটকে” “চিট্” করা হয়েছে। এ বিচার চূড়ান্ত বলে মেনে নেয়া যেতে পারে না—এই অবধি লেখা হয়েছে—বলুন তো নতুন থিসিস্ নয়?”

“কে বলে নতুন নয়—এবে একটা রিসার্চের মতন রিসার্চ—এই থিসিস্ পড়ে—আপনার পাগল বললে?”

“এই থিসিস্ পড়ে! আরে আমি কি তোর চেয়ে কিছু কম? গোল্ড মেডেলিষ্ট তুই—আমিও ফার্স্ট ক্লাশ—তাপর ফিলজফির ডক্টরেট—সে তো আমারি থিসিস্ চুরি ক’রে!”

“নইলে তো—আপনারই ডক্টরেট পাবার কথা!”

“তা থাক্গে—সেজন্যে আমার দুঃখ নেই—ডক্টরেট এয়ার আমি পাবই—”

“আমাদের শুভ ইচ্ছা।”

“আন্তরিক ধন্যবাদ! কিন্তু বলুন তো আমি কি ওর চেয়ে খারাপ ছেলে?”

“কে বলবে এ কথা! বরং মেরেরা কেউ আপনার সঙ্গে বন্ধুত্ব করতে পেলো—ধন্য মান্বে!”

“না না নেটা আমি অবিশ্রি বড়াই করে—তা থাক্ কিন্তু তাই আমি আপনাকে সাবধান ক’রে দিচ্ছি ওর সঙ্গে ঘনিষ্ঠতা না করাই ভাল—কখন যে ঠকিয়ে বসে!”

“অশেষ ধন্যবাদ—আপনি যে সাবধান করে দিচ্ছেন! কিন্তু লোকটাকেই তো আমি চিন্তে পাল্লাম না।”

“অ্যা—আপনি এখনো বুঝতে পারেন নি? আচ্ছা আর একদিনের কথা বলছি—”

“বলুন দয়া করে—”

“এক দিন সন্ধ্যা বেলা আপনাদের গাড়ীবারান্দার ওপর একখানা দোলনা চেয়ারে বসে আপনি কি যেন সেগাই করছিলেন। এান সময় এক জন কে-সেন যাচ্ছিল নীচ দিয়ে—আপনি তার দিকে লক্ষ্যও করেন নি—আর তা করবেনই বা কেন অ্যা?”

“হ্যা—”

“কিন্তু সে-ইল জ্জ, লোফার ওপর পানে কেবলি চাইছিল—আপনি হঠাৎ দেখে ওর কুৎসিত দৃষ্টিটা এড়াবার জন্যে উঠতে যাবেন—হঠাৎ আপনার কোমরে আলগোছে গৌড়া কুমাল-খানা টুক করে গরাদের পাশে পড়ে হাওয়ায় উড়ে একেবারে নীচে চলে গেল—সে অমনি টুক করে সেখানা কুড়িয়ে নিয়ে মুখের কাছে তুলে ধরলে—কি পাজী ! আপনার মুখ তখনি রাঙা হয়ে উঠলো—রক্ত-গোলাপের মত !

“লজ্জায় ?”

“লজ্জায় !”

“কি রকম দেখালো মুখখানা ?”

“সে কথা বলতে পারবো না—বলতাম—যদি ঐ স্বাক্ষরটা—”

“ওর নামটা কি—একটা কোনো—কুমুম রায় ?”

“হ্যা হ্যা—সুহাসকুমুম রায়—ঠিক ধরেছেন ;—কিন্তু দাবধান—সে একটা রোগ, রাঙ্কোল রাঙ্কিয়ান—”

“থাক থাক আর বলবেন না—তার সঙ্গে আমার বিয়ে হ’য়ে গেছে—সেও আজ তিন বছর ।”

রঞ্জিত বিছাতের মত ধাঁ করে মুখ ফিরিয়ে—এক দম বোঁ ছুট !

শ্রীবিমলচন্দ্রচক্রবর্তী !

মাংসকাণ্ড

—:~:—

এবার আবারে মেঘের মাদল তেমন গুরু গুরু বাজে নাই ;— বাদল ঝরিগাছে বটে কিন্তু নেহাতই বুরু বুরু । মাসিকেও রসধারা স্তুরাং অতীব তিরি তিরি বহিয়াছে । কারণ মাসিক সাহিত্য এবং সাহিত্য যাহা তাহা স্বাভাবিক—বর্ষা আর বাদল দে’য়া বা মেঘ এদের মত স্বাভাবিক আর কি হইতে পারে—কাজেই রসধারা বারিধারার সমাহু শাতে ঠা’র চলিয়াছে !— স্বাভাবিক সাধু ।

সাহিত্যিক, বা সাহিত্য সুরসিকনিগের কাছে এক “রসম্যা” না হোক সন্দেশ অন্ততঃ নিবেদন করিবার আছে। ভাদ্রে ভাল পাকুইতে কিনা জানি না তবে বেতালের বৈঠক বসাইতে যে নয় সে কথা নিঃসন্দেহ মাসিকের কুঞ্জ সবুজ পত্র আঁবার দেখা দিবে। বিজ্ঞাপনে তাহার রসিন কিনলয়—ঘোমটা খুলিয়া মুখ দেখাইয়াছে। প্রবীন সাহিত্যিক প্রথমনাথ প্রৌঢ় হইতে পারেন, কিন্তু তাঁহার লেখনী চিরন্তন কালের জন্য কড়ি—লেখা কাঁচা—অবশ্য তাহা ভাবে নয় রঙে—পত্রগুলি সূত্রাং সবুজ! প্রবীনের লিখন এ পত্রিকাখানির আমরা পূর্বাঙ্কেই অভিনন্দন করিতেছি স্বাগত বরণ করিয়া বলিতেছি—“এস সুন্দর এস মাকি!” ভয় নাই, ব্যাকরণ ভুল করি নাই মাকী তরুণী নয়—তরুণ-ই, বরং বলি কিশোর।

“আঘাতের প্রথম দিবসে”—প্রবাসী এবার নির্কাসিত যক্ষের কাহিনী মনে করাইয়া দিবার জন্য অমর কবি কাশিনানের মেঘদূতের উপর রবীন্দ্রনাথের অমর কবিতা মেঘদূত উদ্ধৃত করিয়াছেন। ধন্যবাদ। অনেকদিন পরে পুরাতন কথা আর প্রৌঢ় মনে পুরানোদিনের স্মৃতি মনে পড়িয়া সত্যই প্রাণে মধুর অমৃতভব আসিবে।

“মেটার লিঙ্কর” উপর প্রাক্কী (প্রানী, আঘাত) স্থপাঠ্য এবং স্থচিত্তিত বুদ্ধিলেও অচার বলা হইবে না। শীঘ্রের বাখা মেটার লিঙ্কর মনে কেমন ধরিয়া কোনখানে আঘাত দিয়াছিল সে কথাগুলি বেশ সরল, প্রাক্কন ভাবার ভাল করিয়া বলা হইয়াছে। বৈদ্য, বেদনা ও দুঃখ সম্বন্ধে মেটার লিঙ্কর বোধ ও ধারণা বাহা তাঁহার Pellias Et Melisande “পেলিয়ানেত মেলিসান্দে” অর্থাৎ পেলিয়াস এবং মেলিসান্দানাটকে স্পষ্ট করিয়া ধরিয়া দিয়াছেন আর্কেল বলিতেছে—

“They can make their lives marvellous so that even if sorrow comes to them it will first have become beautiful; and he makes her say that she is glad to have suffered”—

এ “সি”—বা’ সে নারী হটক—সত্যটা বাহা—মেটারলিঙ্ক বলিলেন—তাহা শুধু নারীরই কথা নয় নর নারী সকলেরই সম্বন্ধে উহাই তাঁহার অমৃতের বাণী। বেদনা ও ব্যথার এই বোধ তাঁহার “মেরী মাকডালেন” মোরাভারা ইত্যাদি সবগুলি নাটকের মধ্যে একইভাবে একই পরিমাণে আঁধা প্রকাশ করিয়াছে। মেরী মাকডালেন অবিধাসীর হাতে যে অপমান যে অকরণ

আঘাত পাইলেন—মোরা ভাঙ্গা—আপনার মন ও মানসের বিরুদ্ধে যে কর্তব্যের জন্য কঠোর সংগ্রাম করিয়া জয়লাভ করিলেন তাহা অনবদ্য, অনিন্দ্যসুন্দর, beautiful. রবীন্দ্রনাথও ঠিক এই একই কথা বলিয়াছেন—

“হৃৎথের পরে পরম হৃৎথে, তারি চরণ বাজে ঝুঁকে” ।

আমরা প্রবন্ধটির বাস্তবিকই প্রশংসা করিতেছি—লেখক অনেক সমস্যা এমন স্পষ্ট করিয়া বুঝাইয়াছেন যে, “মেটার লিঙ্কের” পাঠকদের পক্ষে তাহা টীকা বা ভাস্যের কাজ করিবে ।

মেটার লিঙ্ক বেলজিয়ান লেখক, নাট্যকার, রচনা লেখক, এক কথায় সাহিত্যিক, ১৯১১ খ্রীষ্টাব্দে তাঁহার “লোয়াজো বা নীল পাখী” নাটকের উপর তিনি নোবেলের সাহিত্য পুরস্কার লাভ করেন । মেটারলিঙ্ক বেলজিয়ান হইলেও তাঁহার পুস্তকগুলি ফরাসী ভাষায় লিখিত । মেটারলিঙ্ক মিস্টিক কিন্তু তাঁহার মিস্টিসিজমের একটা বৈশিষ্ট্য এই যে তিন মানব মনের মিস্টিক হেতু বাদকেই ধর্মের মূল বলিয়া নির্দেশ করিতেছেন । তাঁহার রচনাগুলির আদ্যস্তই এই কথাটার মূলমন্ত্রে প্রতিধ্বনিত তাঁহার কথা—

“We have in our mystic reason a possession perhaps equivalent to a religion.”

পূজার তত্ত্ব—সীতাদেবীর গল্প ইহাতে পূজা হয়তো আছে তত্ত্বও থাকিতে পারে কিন্তু তথ্য কিছু মাত্র নাই । সীতাদেবীর হাতের মধু গঙ্গার ফাঁকে ফাঁকে ঝরিয়া নিঠা নৈবিদ্য প্রচুর পরিবেষণ করিয়াও গিয়াছে—কিন্তু মোটের উপর গঙ্গা ছোটই হইয়াছে গঙ্গা হয় নাই ।

এবারকার ভারতবর্ষে অনেকদিন পরে ডাঃ নরেন্দ্রনাথ সেন গুপ্তের মনস্তত্ত্বের উপর লেখা পড়িলাম । ডক্টর সেন সম্ভবতঃ—খানিকটা অলস—এবং কিছুটা খেয়ালী । লেখা দিয়া ছনিয়ার উপকার করিবার তাঁহার ইচ্ছা থাকিলেও ঘটনার ঘটনা উঠে না । কিন্তু এবারকার প্রবন্ধটি—আশার বাণী শুনাইয়া গিয়াছে । ব্যবহারিক মনস্তত্ত্ব সম্বন্ধে অনেক কথা শুনিবার ও জানিবার আমাদের আগ্রহ রহিল । এ প্রবন্ধটি মুখবন্ধ হিসাবে চমৎকার । মুখবন্ধ বলিয়াই বোধ হয় কিছু ছোট—কিন্তু বড় বস্তুর সন্ধান ইহার মধ্যে প্রচুর আছে ।

অবসান—মাসিক বসুমতীতে প্রকাশিত গল্প । শ্রীমুত রামেন্দু দত্তের লেখা । ইহার মধ্যে অবসান হইয়াছে—গল্পের নারিকার—সঙ্গে সঙ্গে গল্পেরও, নেহাৎ গামুলী—প্রেমের কথা ।

জুই বন্ধু একজনদের বাড়ীর এক মেয়েরই প্রেমে পড়িলেন। ষারভাঙ্গা বিল্ডিংএর সিঁড়ির ধাপেরই মত পরীক্ষাগুলিকেও এ ছুটি তরুণ নায়ক—টকাটক পার হইয়া গেলেন। কোন কষ্ট হইল না—বরং আরো জল পানি পাইলেন। তা'পর এক বন্ধুর বুকে বাজ পড়িল—তার বন্ধু পঞ্জরের উপর গড়িয়া ওঠা প্রেমের তাজমহল দীর্ঘখাসে ভাঙ্গিয়া পড়িল তাহার বন্ধুর সঙ্গে সে মেয়ের বিবাহ হইল—তাহার বন্ধুটি মাতাল। এইখানে লেখকের একটা বড় ত্যাগ দেখাইবার ব্যর্থ চেষ্টা আছে। চেষ্টাটাই কিন্তু অক্ষতর বেড়াঙ্গালের মধ্যে এমন হাঁকাইয়া উঠিয়াছে যে তাহা শেষ পর্য্যন্ত করুণ বা মহীয়ান না হইয়া হাস্যকর হইয়া দাঁড়াইয়াছে। এ বন্ধু তাঁহার প্রেমের প্রতিমাকে দান দিয়া বন্ধুকে মদ ছাড়িবার প্রতিজ্ঞা করাইয়া লইলেন। কথাটা ভাল কিন্তু ফোটে নাই। তা'পর মেয়েটা একটা ছেলে ও মেয়ে রাখিয়া মরিয়া গেল নেহাৎ ছেলেমানুষী কনকুসন—কিছু পাওয়া গেলনা—না রস—না মধু—‘ন চ’ আট।

ভারতবর্ষে নরেনবাবুর “গরমিল” শেষ হইল। বোয়ার্গসর বাহাদুরী তিনি বজায় রাখিতে পারিলেন না গল্পটির দেশী ছাঁচে ভাল ছাপ উঠিল না। এমন বস্তুটি—এমন করিয়া তুলিলেন যে বাঙ্গালী পাঠকের কাছে—তাহা যতখানি ঠিক উপভোগ্য হওয়া উচিত ছিল—ততখানি উপভোগ্য হইল না।—মূলের কদরও নষ্ট হইল।

মাণিকবাবুর “রক্তকমল” গল্প।—কমলের পাপড়ীও আছে—রক্তও আছে কিন্তু রক্তকমল এক সঙ্গে সমাস বাধিয়া ফুটে নাই। মাণিকবাবু বোধ হয় এখন অতি “হেলা-ছেদা” করিয়া গল্প লিখিয়া যান। গল্পের সরস্বতী অবশ্য কোন মতে তাঁহাকে ছাড়িতে না পারায় খেংড়া খাইয়াও তাঁহারই ঘরের আনাচে কানাচে আনাগোনা করেন—অগচ মাণিকবাবু পঞ্চ প্রদীপ আর পুষ্প মাল্যে তাঁহাকে বরণ না করিয়া কাড়া নাকাড়া ঢাক বাজাইয়া দেবীকে তাড়াইবার চেষ্টায় আছেন। এ অবহেলা ভাল নয়—সুনামে কলঙ্ক পড়িবে।

জ্ঞানের ডাক প্রভৃতি আরো উৎকৃষ্ট ও গবেষণাপূর্ণ প্রবন্ধ আছে। বিস্তারিত অন্য সময় বলিতে চেষ্টা করিব।

শ্রাবণে প্রবাসীর সম্পাদকীয় স্তম্ভে রবীন্দ্রনাথের প্রবন্ধ—ভারতীয় বিবাহ যেমন মধুর তেমনি তব্ব এবং তথ্য পূর্ণ। ভারতীয় সমাজের বিবাহ সম্পর্কীয় সমস্যার কথাও কবি নিপুণ ভাবে

আলোচনা করিয়াছেন। অতি অপূর্ণ প্রবন্ধ—আমরা সকলকে ইহা পড়িতে অনুরোধ করি।

গোবিন্দদাসের কড়চার ঐতিহাসিক আলোচনা বাঙ্গলা সাহিত্যের ইতিহাস পাঠকদিগের উপকারে আসিবে। ভেড়াঘাট নামটা হাস্যরস হইলেও ঐতিহাসিক মূল্য ইহার কম নয়।

শ্রাবণের ভারতবর্ষে বাঙ্গলার মেয়েদের সম্বন্ধে “দরদীর” প্রবন্ধটি চমৎকার এবং সুখপাঠ্য! ১৩৩০ সালের ফাল্গুন মাসের ভারতীতে শ্রীমতী উবাশ্রয় সেন এ সম্বন্ধে এই রকমেরই একটি প্রবন্ধ লিখিয়াছিলেন। আমরা “দরদীর” সহিত এক মত।

পুরুষের বাইজী লইয়া বাগানে যাওয়ার প্রতিপক্ষে মেয়েদের বাবুজী লইয়া রাস্তায় বাহির হইবার ভয়ে বাহারা সশঙ্ক হইয়া উঠিয়াছিলেন—দরদী তাঁহাদিগকে মাভর বাণী শুনাইয়াছেন। আশ্চর্য্য যে কবির দলের পালটা কথা কাটা কাটীর মতন এ রকমের বাদ প্রতিবাদ এবং হেতুবাদ সাহিত্যের পৃষ্ঠায় স্থানপায় এবং আমরা তাই পড়ি! বাইজী লইয়া বাগানে বাহির হওয়াটুকি পুরুষের পক্ষে স্বাভাবিক এবং সাধারণ? লেখক এতবড় ধুষ্ট কথাটা অনায়াসে বলিয়া ফেলিলেন? হিঃ!

তাপর লেখা পড়ার কথা!—বর্তমান শিক্ষাপদ্ধতি মেয়েদের উপযোগী কি না সে সম্বন্ধে প্রমোদ্রর বাই হটক তাহা লইয়া তর্ক করা নিস্প্রয়োজন। তবে যে শিক্ষা ছেলেদের সহিত মেয়েদের এখন পাইতেছেন—তাহা তাঁহাদের সম্পূর্ণ অনুকূল না হইলেও—সেই মেয়েদের কষ্টী আমাদের বড় বেশী ব্যাকুল হইবার কিছুমাত্র সম্ভব কারণ নাই। আমি একজন মেয়ে স্কুলের নিট্টেরকে জানি—তিনি বিএ, পাশ। তাঁহার স্বামী বিএ, ফেল। কিন্তু এই পাশ করা মেয়েটির দাম্পত্য জীবনে কল-কলহ তো শুনিই নাই বরং তিনি ছেলে রাখেন, রান্না করেন, ভাত বাড়েন, স্বামীকে খাওয়ান এবং নিজে খান। বিলাসিতার কথা—আমাদের এ বয়সে একটু পাউডার মাখা গন্ধ ওড়ানো—ভাব মনে হইলেও হইতে পারে কিন্তু তাঁহার মাসে ৩০ খানি সাবান লাগে না। আমি তাঁহার জমা খরচ দেখিয়া নিখিতেছি আর এক শিশি কেশতৈল একদিনেও ফুরায় না। তা ছাড়া আমার অনেক বন্ধু, বান্ধবকে বরসের জোয়ার দিনে নেহাৎ কচি, ঘোমটা ঢাকা, নিরক্ষর “বউ”এর জনাও ওরকম অনেক গন্ধ টুকু কিনিতে দেখিয়াছি। সেটা হইতেছে রূপ, রসের কথা—বৌবন দিনের কাঙ্ক্ষনী খেরাল—তাহা বিদ্যা শিক্ষা; ডিগ্রি পাওয়া বা সম্ভবতঃ মেলা মেসার উপর

নির্ভর করে না। তা' করিলে কি আনার কবিরাজদার বউ সরোজ ঘোঁঠান টোলে পড়া
টাকি-রাখা পণ্ডিতের অহর্যাস্পস্যা স্ত্রী হইয়াও রাবান রাখিত না সাড়ীর আঁচলে নাগকেশর
ঢালিত !

স্বাধীনতাটা যতখানি বাহিরের জিনিষ তার চেয়ে বেশী মনের জিনিষ। এই মনের খোরাক
যদি যোগাইতে পার—তবে অন্তরেই রাখ আর বাহিরেই বাহির কর—বিছুতেই ক্ষতির আশঙ্কা
নাই কিন্তু মনকে না গড়িয়া যদি ঢাকনা দিয়া শুধু ঢাবিয়া রাখিতে চাও গাম্ভীরা চূপা চালানী
মাছের মত তা'হা শুধু পচিয়াই উঠিবে—নিষ্ঠা আর তাজা থাকিবে না।

কিছুই না বলিয়া যে কথা বলা যায়—প্রবাসীর “চিত্তরঞ্জন” তাহার নম্বর পহেলা—প্রমাণ।
প্রবাসী ব্যবসাদারী যেটুকু দরকার তাহার কিছুই ছাড়েন নাই—চিত্তরঞ্জনের নানা প্রকার ছবি
দিয়াছেন—লোকের মন ভুলাইবার জন্য আয়োজনের ক্রটি হয় নাই কিন্তু বলিবার সময় কেবল
তৃতীয় পুরুষে অস্পষ্ট কথা বলিয়া মনের সত্য অনুভবটাকে দমবন্ধ গোছ চাপিয়া রাখিয়া
চিত্তরঞ্জনের স্মৃতিতর্পণ—না তাঁহার স্মৃতি প্রবাসীর সম্পাদকের কিছুই নাই কারণ
তিনি তাঁহাকে তেমন করিয়া কিছুই জানিতেন না এবং জানেন না—সুতরাং বলি চিত্তরঞ্জন
সম্বন্ধে তাঁহার বক্তব্য শেষ করিয়াছেন। এ দুর্ভাগ্য চিত্তরঞ্জনের নয় চিত্তরঞ্জনের দেশবাসীরও
নয়—এ দুঃখ দেশের—এ দুর্ভাগ্য বাঙ্গলার। Hero and hero worship এ পরাধীন জাতি
বাস্তবিকই ষ্মরিতে জানে না। রামানন্দবাবুকে আমরা চিত্তরঞ্জন সম্বন্ধে Englishmanএর
Leaderটা (সম্পাদকীয় স্প্রবন্ধ) পড়িয়া দেখিতে অনুরোধ করি।

রামানন্দবাবুর কাগজ তাঁহার হইতে পারে কিন্তু সে কাগজের পাঠক দেশের সর্ব সাধারণ।
সুতরাং একরূপ ভাবে সর্ব সাধারণের মনে আঘাত দিবার তাঁহার কতখানি অধিকার আছে
তা'হা তিনিই যেন বিচার করিয়া দেখেন আমাদের এই অনুরোধ।

সার আঙতোষ ছিলেন—“অটোক্রাট” নহায়া গান্ধী অবিবেচক এ সব কথা তাঁহার মত
প্রবীন সম্পাদকের মুখে শোভন নয়। রামানন্দবাবু পূজনীয় সম্পাদক, তাঁহাকে আমরা শ্রদ্ধা
করি কিন্তু সে শ্রদ্ধার বিনিময়ে আঘাত দিলে দুঃখটা বড় বেশী করিয়া লাগে।

শ্রাবণের অধিকাংশ কাগজই বেশবন্ধুর স্মৃতি পূজার মোড়শোপচারে পরিপূর্ণ! সবগুলি
সুপাঠ্য।

শোকসংবাদ

১। শুর সুরেন্দ্রনাথ।

বঙ্গজননী কণ্ঠভূষা-হার হইতে একটা একটা করিয়া রক্ত খসিয়া পড়িতেছে—জননী বক্ষে অশ্রু-লাগুর সৃষ্টি হইল—বঙ্গালী স্কন্ধ, আহত বক্ষে করাঘাত করিয়া বলিতেছে—“একে একে নিবিছে দেউটা।” কিন্তু সেই সর্বনিয়ন্তা—যাঁর ইচ্ছিতে নিখিলের রথ তার গতিপথে ভাঙ্গিয়া-গুড়িয়া নিয়ত চলিয়াছে—তাঁহার ইচ্ছাই পূর্ণ হইবে—ক্রন্দন বা হাঠাকারে সে বিধান বাধা মানিবে না।

বঙ্গালার রাষ্ট্রনীতির প্রবর্তক—ভারতের স্বাধীনতার স্রষ্টা, বঙ্গালীর প্রাণে দেশাত্ম-বোধের উদ্বোধনকারী শুর সুরেন্দ্রনাথ ধরাধাম ত্যাগ করিয়াছেন। গত ৬ই আগষ্ট বৃহস্পতি-বার বারাকপুরস্থ বাসভবনে সে বঙ্গীয়-দেশবীরের দেহ রক্ষিত হইয়াছে। কয়েক দিন পূর্বেও সুরেন্দ্রনাথ মহাশয়কে বলিয়াছেন—“আমার পরমাণু ১০ বৎসর”—বিন্দু আরও পনের বৎসর ভগবান দেশের এ কৃতী সন্তানকে দেশবাসীর কাছে রাখিলেন না।

গত আঠার মাস হইল বঙ্গালায় যে কি সর্বনাশেরই কুবোগ লাগিয়াছে—তাহা স্মরণ করিলেও সমস্ত হইয়া উঠিতে হয়। অশ্রুবেগে কণ্ঠ রুদ্ধ হইয়া আসে—মস্তুর অক্ষয় আশ্রয়াদ ব্যক্ত হইতে পায় না। একটা একটা করিয়া সব যাইতেছে—অশ্বিনীকুমারদত্ত, শুর আশুতোষ চৌধুরী, ‘মহতো মহীয়ান’ শুর আশুতোষ মুখোপাধ্যায়, ভূপেন্দ্র বসু,—তাঁ’পর বঙ্গালী তোমার মাথার মণি—তোমার জাতীয়-জীবনের অন্ধকার পথে—উজ্জ্বলতম রত্নদীপ দেশবন্ধু চিত্তরঞ্জন তোমার বক্ষপঙ্কর চিত্তরঞ্জনের বিয়োগব্যথার এখনও ওর্জ্বরিত—অশ্রু-আবিল চক্ষু তোমার আঁচ ও ৩৯ না হইতেই—আবার এই! বঙ্গালার হুখে মাথনা খুঁজিয়া পাওয়া যায় না।

সুরেন্দ্রনাথের জীবন—নানা বিচিত্র তরঙ্গভঙ্গে আবর্তনময়। বঙ্গালী সে জীবনের মস্ত্রে দীক্ষা যদি না-ই লয় শিক্ষার উপাদান প্রচুর পাইবে। বঙ্গালাকে সুরেন্দ্রনাথ প্রাণ দিয়া ভালবাসিতেন, বঙ্গালার স্বাধীনতা তাঁহার প্রাণের কান্না বস্তু যে ছিল সে বিষয়ে সন্দেহ মাত্র নাই।

মণ্টফোর্ড শাসন প্রথার সমর্থন করিয়া সুরেন্দ্রনাথ তাঁহার জীবন-সন্ধ্যায় যে সংগ্রামে প্রবৃত্ত হইয়াছিলেন—আমাদের মনে হইল তাঁহার মূলে একটা অতি বড় সত্য—তাঁহার অন্তরে আত্ম প্রকাশ করিয়াছিল। জীবনব্যাপী যুদ্ধে পুনঃ পুনঃ আহত সৈনিক তাঁহার ক্লান্ত হৃদয়ের মধ্যে বৃষ্টি অন্ততঃ একটু সাধনার সুর গুণিতে পাইয়াছিলেন। অসম্পূর্ণ, অস্পষ্ট, ক্ষুদ্র, সামান্য হইলেও ইহাকেই সে মহারণী তাঁহার প্রাণপণ যুদ্ধের বিজয়-গৌরব বলিয়া প্রাণে প্রাণে গ্রহণ করিয়াছিলেন—তাই এ গৌরব তুচ্ছ করিতে—ইহাকে কিছু নয় বলিয়া ত্যাগ করিতে তাঁহার অন্তঃকরণে আঘাত লাগিত। সুরেন্দ্রনাথ তাঁহার আজীবন সাধনার ফল,—তুলনার অকিঞ্চিৎকর হইলেও তাহা উপেক্ষা করিতে পারেন নাট,—তথাকথিত সংস্কারকে স্বাধীনতার আভাস রূপে বরণ করিয়া লইয়াছিলেন। গরমপহীরা ইহাকেই বলিতেন—তাঁহার বার্ষিকের দুর্বলতা কিন্তু তাহার মধ্যে যে তাঁহার কতখানি প্রাণের যোগ ছিল—তাহা ভাবিলে মন শ্রদ্ধানত না হইয়া পারে না। এই জন্যই সুরেন্দ্রনাথকে হারাইয়া আজ দেশ ক্ষেতাহত। আর একটা বীর হারাইয়া আজ বাঙ্গলা শক্তিহীনা। সকলই সেই বিশ্বনিয়ন্ত্রার ইচ্ছায় সংঘটিত—তাঁহার ইচ্ছাই পূর্ণ হউক। আমরা সুরেন্দ্রনাথের শোক-সম্বন্ধ পরিবারবর্গের প্রতি আন্তরিক শোকানুভূতি জ্ঞাপন করিতেছি। তাঁহার আত্মা মুক্তি ও কল্যাণ লাভ করুক।

২। জগদ্বল্লভ বিশ্বাস

গভীর দুঃখ ও সেননাহত হৃদয়ে এখানে আমরা যাহার অকাল বিয়োগের সংবাদ লিখিতে অগ্রসর হইতেছি—তিনি বাঙ্গলার সম্মান হইলেও বিশেষ করিয়া কুচবিহারের। তাঁহার মৃত্যুতে আজ কুচবিহার শোকাক্ত; কুচবিহার নিবাসী, প্রবাসী প্রজাসাধারণ, রাজকর্মচারী সকলের অন্তরই আজ বহুবিয়োগের গুরু ব্যথায় ক্ষুব্ধ হইয়া উঠিয়াছে। রাজপরিবার—যাহারা তাঁহার প্রভু ও প্রতিপালক—স্বয়ং শ্রীশ্রীমতী মহারানী রিজেন্ট সাহেবা, মহারানী মহারাজনাতা শ্রীশ্রীমতী সুনীতি দেবী, মহারাজ কুমার ভিক্টর নিত্যেন্দ্রনারায়ণ—প্রত্যেকেই জগদ্বল্লভ বাবুর মৃত্যুতে শোকবোধ করিয়াছেন—রাজকর্মচারীরা সকলেই এ দুঃসংবাদে অশ্রু বিসর্জন করিতেছেন জগদ্বল্লভ বাবু কুচবিহারের রাজস্ব-সচিব ও রাষ্ট্রপরিষদের বিচারক সভ্য বা জুডিসিয়াল মেম্বর ছিলেন। এ পদ রাজ্যের দেওয়ানীর নামান্তর।

পূর্বনা জেলায় অষ্টমনীষা গ্রামে বয়েশ্রেণী ব্রাহ্মণ—বিখাস-পরিবারে জগদ্বল্লভ বাবুর জন্ম হয়। তাঁহার পিতা স্বর্গীয় ব্রজবল্লভ বিখাস রাজসাহীতে মোক্তারী করিতেন। বাবুসারে বিখাস মহাশয়ের প্রতিষ্ঠা এবং প্রসার দুইই ছিল। কিন্তু নানা সংকার্যে তাঁহার আয় হইতে ব্যয়ের মাত্রা অধিক থাকায় সঞ্চয়ের ধরে ছিল শূন্য। জ্যেষ্ঠ পুত্র জগদ্বল্লভ উত্তরাধিকারস্বত্রে কুল্য ভাগ্য লাভ করিয়া ছিলেন।

জগদ্বল্লভ রাজসাহী কলেজ হইতে এফ এ পরীক্ষায় গৌরবের সহিত উত্তীর্ণ হইয়া কলিকাতার প্রেসিডেন্সী কলেজে বি, এ, পড়িতে যান। প্রেসিডেন্সী কলেজ হইতেই তিনি বি, এ, এবং এক-এ, ও রিপন কলেজ হইতে বি-এল, পাস করেন। সে যুগে বাঙ্গলার সরকারে চাকুরী এদিনের মত ছল্লভ না হইলেও জগদ্বল্লভ বিধি নিদ্দেশেই যেন কোচবিহারের চাকুরী গ্রহণে বাধ্য হইয়াছিলেন। তিনি সে সময় ওকালতী করিতেন বর্ধমানে। সবে তখন তাঁর পিতৃবিয়োগ হইয়াছে; জুনিয়ার উকীল, আয় কম অথচ একটা বৃহৎ সংসার স্বক্ষে, এ অবস্থায় চাকুরির চেষ্টা স্বাভাবিক। তাঁহার বন্ধু ও সহায়ক বর্ধমানের সুপ্রসিদ্ধ নলিনাক্ষবাবুর উপযুক্ত পুত্র শ্রীশুক্ত শরৎ বাবু ইহা জানিতেন; তিনিই জগদ্বল্লভ বাবুর অজ্ঞাতে সংবাদ পত্রে কোচবিহারের ডেপুটার পদ খালি আছে দেখিয়া তাঁহার হইয়া আবেদন করেন। কার্য হইয়া গেল; নিয়োগের 'ভার' নাড়ীতে গিয়া তাঁহাকে অকস্মাৎ বিস্মিত ও উৎফুল্লিত করিয়াছিল। সহল তাঁহার তখন অম, এ, উপাধি এবং আইনের ডিক্রি আর একটা দৃঢ়, সতেজ, স্বাধীন সাভিমান প্রাণ, অতি তীক্ষ্ণ স্থিতধী বুদ্ধি। তাঁহার বলেই তিনি কালে কোচবিহারে উচ্চ অসন অধিকার করিতে সমর্থ হইয়াছিলেন। আপনার সুখ-দুঃখ রাজ্যের কল্যাণে বলি দিয়াছিলেন—শ্রীশ্রীমন্নহারাজ ভূপ বাহাদুরের কার্যে জীবন উৎসর্গ করিয়াছিলেন। মৃত্যুর এক সপ্তাহ পূর্বেও তিনি রাজসভায় নিধনিত কর্ম নির্বাহ করিয়াছেন—পীড়িত দেহেও নিত্য কর্তব্য সম্পাদনে ক্রটি করেন নাই। তাঁহার গুণ ছিল অশেষ;—খাঁটি মানুষটি ছিল তাঁহাতে অবিকৃত, পদগৌরবে তাঁহাকে বদলাইয়াছিল কমই। তাঁহার সহৃদয়—আত্মীয়ের ত্রায় অকপট ব্যবহারে ছোট বড় সকলেই আপন হইত—সকলেই ছিল তাঁহার নিকট সমান—সমান আদর-সম্মান লাভ করিত। সকাল সন্ধ্যায় তাঁহার বসিবার গৃহ সমাগত অর্থাপ্রার্থী প্রভৃতিতে পূর্ণ থাকিত—ইহাতে তাঁহার কার্যের অন্তরায় হইত—কিন্তু তিনি কার্যকেও প্রত্যাখান করিতেন না। সত্য ও সঙ্গতাকে তিনি

সর্বাপেক্ষা উচ্চস্থান দিতেন, প্রার্থীকে স্পষ্ট তাহার প্রার্থনার ফল বুঝাইয়া দিতেন; আশায় প্রলুব্ধ করা তাঁহার স্বভাব বিরুদ্ধ ছিল,—অনেক সময় প্রার্থী ঈপ্সিত ফল লাভে হতাশ হইয়া তাঁহাকে বার বার বিরক্ত করিত;—তিনি বলিতেন “আপনাদের সাহায্য করাই আমার কার্য,—যদি গৃহ্য কারণে তাহার উপায় না হয় কি করিব—আমি দশের সঙ্গে যুদ্ধ,—একের জগু দশকে বঞ্চিত করা চলে না।” তিনি বালকের গৃহ্য সরল ছিলেন। স্পষ্ট কথা—রাজনীতি ক্ষেত্রে ক্ষতিজনক—এ বিশ্বাস অনেকেরই; অমন স্পষ্ট ভাবে নিজ মত ব্যক্ত করার বহুগণ তাঁহাকে বলিতেন “এইটীতেই আপনার অপকার হয়,—অন্য কথা প্রকৃত বিষয় চাপা দিলেই ত হয়,—করা না করা আপনার হাত—আগে বলিয়া কেন শত্রু বৃদ্ধি করেন।” উত্তরে তিনি বলিতেন “সর্বদা মঙ্গলকারী, স্পষ্ট কথায় অপকার হয় না,—শত্রু বৃদ্ধি হইতে পারে কিন্তু পরিশেষে সে শত্রুকে একদিন বৃষ্টিতে হয়—সত্য যাহা তাহাটী তাহার পক্ষে মঙ্গল—খামাচাপা বৃষ্টিতে অন্ধকারই বৃদ্ধি করে।”

তিনি বিলাসী ছিলেন না সঞ্চয়ীও ছিলেন না অর্থের লোভ ছিল তাঁর বড় কম, জীবনে কখন বেতন বৃদ্ধির আবেদন করেন নাই, যে পদে তিনি কর্ম করিয়াছেন তার বেতন ছিল পূর্বে অনেক বেশী, তিনি সময়ে সে কথা উল্লেখ করিয়াছেন সত্য কিন্তু তাহার জগু কখনও প্রার্থী হন নাই; “ব বলিতেন “ব্রাহ্মণ দরিদ্র চিরকাল—দুঃখ কি অনটনে!” ব্যয় বাছলোর জন্য তাঁহার স্বচ্ছলতা ছিল না। ত্রিশ বৎসরের উপার্জন অক্ষুণ্ণ হস্তে ব্যয় করিয়া তিনি চলিয়া গেলেন। কিন্তু ছেলেরা অর্থের অভাব কখনো বোধ করেন নাই এখনও করিবেন না। পিতার জীবন যদি তাহাদিগকে দীক্ষা দিয়া থাকে তবে রিক্তের বেদন তাহাদিগকে স্পর্শ করিবে না। কলিকাতায় লেখাপড়া শিক্ষার সময় তাঁহার পুত্রেরা রাজপুত্রের ন্যায় অর্থ ব্যয় করিয়া হিন্দু হোষ্টেলে বাস করিয়াছে—প্রেসিডেন্সী কলেজে বিদ্যা লাভ করিয়াছে। যতুকালে জগদ্বল্লভবাবুর ৫৭ বৎসর বয়স হইয়াছিল। আপনার গুণ গৌরবে জগদ্বল্লভ নায়েব আহেলকারী হইতে দেওয়ানী পদে উন্নত হইয়াছিলেন। স্বর্গীয় মহারাজ জিতেন্দ্রনারায়ণ ভূপ বাহাদুর তাঁহার নিপুণতার প্রশংসা করিয়া তাঁহাকে ধন্যবাদ দিয়াছেন—এ কথা বলিতে জগদ্বল্লভবাবু পুলকিত হইয়া উঠিতেন। কুচবিহারকে তিনি ভাল বাসিতেন আপনার মাতৃভূমির ন্যায়—কুচবিহারকেই তিনি দেশমাতৃকার সম্মান ও সম্মম দিয়াছিলেন।”

বাহাদুরী কর্মচারীরা যদি ছিলেন তাঁহার বন্ধু—কুচবিহারীরা ছিলেন তাঁহার আশ্রয়।

একদিন কথায় কথায় মহারাজ ভূপবাহাদুরকে জগদ্বলভবাবু বলিয়াছিলেন—“হজুর, আমি যে “ভাটিয়া”—মহারাজ তাঁহাকে স্বভাব মধুর মুহূ হাস্যে তৎক্ষণাৎ প্রতিবাদ করিয়া বলিলেন—
“কে বলল আপনি ভাটিয়া? আপনি যে আমার রাজ্যের সুখ দুঃখ নিজের বলে নিয়েছেন—
আপনি কুচবিহারী।”

এ গর্ব জগদ্বলভবাবু করিতে পারিতেন। এই গর্বের মহীয়ান অধিকারী হইতে পারিয়াছিলেন বলিয়াই সর্ব সাধারণ আজ তাঁহার বিয়োগে ব্যথিত।

প্রবল শত্রুকেও তিনি কখন ভয় করিতেন না,—মৃত্যুকেও নয়,—বলিতেন নিজে ন্যায় পক্ষে থাকিলে ভয় কিসের,—ন্যায়ের পরাজয় নাই। শেষ মুহূর্ত্তেও তিনি মাথা নোঙরান নাই,—উঠিয়া বসিতে চাহিলেন,—আশ্রয় ছিলেন—ডাক্তারের নিষেধ জদয়যন্ত্রের বিপর্যয়ের ভয় আছে,—উত্তর করিলেন—“মৃত্যু ভয়—সে আর বেশী কি—সে ত সকলেরই আসিবে,—উঠাইয়া বস।” সত্যই মহাপ্রস্থান কালে—মৃত্যু তাহার বদনে নয়নে একটি রেখাও অঙ্কিত করিতে পারিল না—তাঁর শেষ কথা—“আনায় ডেক না, ঘুমাতে দাও”—পাঁচ মিনিটের মধ্যে চিরনিদ্রা।

আজ সজল চক্ষে ও ব্যথিত চিত্তে তাঁহার পুত্র ও পরিবারবর্গের সহিত একান্ত হইয়া গভীর শোক নিবেদন করিতেছি। ভগবান তাঁহাদিগের সর্বস্ব-হারা প্রাণে এই দুর্দিনের গুরু দুঃখে আশ্বাস ও সাহায্য দান করুন। তাঁহার অমৃতময় আশীর্বাদ ইহাদিগের মস্তকে বর্ষিত হউক। তাঁহারই চির কল্যাণময় ক্রোড়ে শ্রান্ত কর্মবীরের অমরাত্মা তৃপ্তি ও বিশ্রাম লাভ করিয়া মুক্ত হউক, মধু হউক।


বি. চ. চ.


ভ্রম-সংশোধন।

“বঙ্গীয়-সাহিত্য-পরিষৎ-প্রকাশিত এই দুইটি মুদ্রাকর-প্রমাদ ঘটিয়াছে; পাঠকগণ অনুগ্রহ পূর্বক সংশোধন করিয়া লইবেন :—

১। তৃতীয় স্তবকের ১ম পংক্তি হইবে—“তাই”—মুদ্রায় ১ম পংক্তিরূপে মুদ্রিত পংক্তিটি দ্বিতীয় পংক্তি দাঁড়াইবে।

২। কবিতা-শেষের চরণ-চতুষ্ঠয়ের পূর্বে নিম্নলিখিত পংক্তিটি অমুদ্রিত থাকিয়া গিয়াছে :—
“কিরিয়া দাঁড়াতে চাই সেই উৎস-পানে,”





পরিচারিকা

(নব পার্যায়)

“তে প্রাপ্তবন্তি মামেব সর্ষভূতহিতে রতাঃ ।”

৯ম বর্ষ ।

আশ্বিন, ১৩৩২ সাল ।

৬ষ্ঠ সংখ্যা ।

অশ্বেষণ ।

হে অনাদি, হে অনন্ত সুনীল সাগর
তোমায় আমায় দেখা কত দিন পর—
কত দিন, কত রাত, কত বার, মাস
কাটিয়া গিয়াছে মোর, ছাড়ি' গৃহবাস
সঙ্গাহীন পথে পথে । আজি সব ভুলে
আসিয়াছি হে সাগর তোমার এ কূলে ।
মনে পড়ে কবে কোন ম্লান সন্ধ্যাবেলা
তোমার এ বালুতে করেছিষু খেলা,

মনে পড়ে যার সাথে গেয়ে ছন্দু গান
 তারে যে তোমার কোলে ক'রে গেছি দান ।
 কবে কোন আদি-যুগে—প্রবাদ-বচন—
 হে সাগর তব বক্ষ করিয়া মন্থন
 পেয়েছিল স্পর্শমণি—যাবার বেলায়
 ফেলে গেছে তব কূলে পরম হেলায়
 দেবগণ । তাই এক সন্ন্যাসী নবীন
 রক্ষ জটা শীর্ণ দেহ স্নান জ্যোতিহীন—
 ফিরে গেছে খুঁজে খুঁজে তোমারি এ কূলে
 এক দিন পেয়ে যাহা ফেলে দেছে ভুলে ।
 সেই মত হে সাগর করি অবেষণ
 তোমারি এ কূলে মোর সাধনার ধন ।

শ্রীরেণুকা দাসী ।

বয়াটে ।

(পূর্বপ্রকাশিতের পর ।)

(গোড়া)

পরের দিন সকালে উঠে সাহেব ন'ব'নেকে জানালেন—সেদিন আর তাঁরা বেরোবেন না ।
 কারণ সেদিন শ'ব'বার—বিশ্রামের দিন ।

ন'ব'নে কিন্তু দেখলো—বেশা বাঁকটা অর্ধমি কেবলই—কিন্তু রকমের লোক এল আর
 গেল । তাদের কেউ হিন্দুস্তানী—পারে নাগ'রাই, গায়ে বেরলই—তার ওপর সাত পোরল

ধুলো—আর তেলে ছাতা পড়ে উঠেছে। কেউবা বাঙালী—তার হাতকাটা জামার ওপর ছেঁড়া ফালি চাদর জড়ানো—টেরিটা বাজারের বাদামী চটা পায়। কারো কারো আবার গলায় ছনর ক'রে কাঠের মালা। পাঞ্জাবী কেউ—তার মাথায় আঠার বহরের পুরোন আঠার হাতী পাগড়ী—পারসীও ছজন এসেছিল—তাদের কিছু প্যাণ্টলুন পরা—তার ওপর লম্বা বুকবন্ধ কোট ঝুলে নেবেছে।

সাহেব কখনো গুজুব গুজুব ক'লেন—ক্ষণে বা তাঁর সে স্পষ্ট অটু সরস হাসিতে—সহরের ধোঁয়া ধুলোর ভারী হাওয়াটাও হাল্কা হ'য়ে উঠলো! এক একবার কাগজ নিয়ে কি হিসেব নিকেশ লিখলেন. কাউকে ধমকালেন—একটা পাঞ্জাবীকে ত ভেড়ে মারতে গেলেন—সে দৌড়ে রাস্তায় নেবে গেল—কিন্তু একেবারে পালালো না—একটু পরেই আবার ফিরে এসে খাড়া।

ন'ব্নে ভেতরে নৈমিত্তিক কাজ ক'রতে লাগল। আর সাহেবের আশ্রম-তীর্থে এ জন-যাত্রা,—সেই সাত প্রদেশী নানা যাত্রীর আনাগোনা—তার অর্থই বা কি—কারণই বা কি হ'তে পারে—আকাশ পাতাল ভেবেও সে সম্বন্ধে কিছু ঠিকানা ঠাওর ক'রতে না পেরে নিজের মনে নিজেই অবাক হ'য়ে রইল।

এমনি ক'রে ঠিক ক'র'বার পরে—তা ন'ব্নের নিকেশ লেগা ছিল না,—তার অনেক আগেই জান-বাজারের বাগী ছেড়ে সাহেব ডেরা ব'ন্দেগেছিলো। সেইখানে এ চব্বিন ন'ব্নেকে ডেকে সাহেব হুকুম দিলেন—“বয়, তোমার নোটটি ঝান—আজ তাই পড়া বাক।”

ন'ব্নে খাতা এনে ব'সল। সাহেব ক'লেন—“ভূমিকাটা বাদ দিয়ে চেঁচিয়ে পড়।”

এক।

ন'ব্নে প'ড়ে গেল—

বাইরের দর।

নোট বইয়ের প্রথম কথান পাতা ছেড়ে দিয়ে।

ছোঁঠা তারিখ।

আজ সাহেব আগার নিয়ে বেরিয়ে বরাবর ওয়াটগঞ্জে গেলেন—একটা জাপানী বাড়ীতে। কাগজের নানা কারু কাটা ছবি নক্সায় সাজানো গুলু ছাপানো মাত্র পাতা চন্দ্রকার প্রস্থানি।

ছোট কিন্তু পরিষ্কার পরিচ্ছন্ন। একজন বেটে, মোটা নাক বোঁচা জাপানী সাহেব বেতের হালকা চেয়ারে বসে কি যেন লিখছিলেন। সাহেব গিয়ে জাপানী ভাষায় নমস্কার জানাইতেই জাপানী 'গায় তো গায় তো' বলে অভিনন্দন ক'রে আমাদের বসতে বসলেন। জাপানীতেই তাঁদের অনেককণ আলাপ সালাপ চললো আমি বসে বসে তাঁর ঘরের টুকটাক সব ঠুনুকা সে সৌখীন ঠাট্-ঠমক্ চেয়ে দেখতে লাগলুম। ঘণ্টা দুয়েক পরে বেরিয়ে রাস্তায় এলান যখন তখন সাহেব বল্লেন এ লোকটা জাপানী ব্যবসাদার ওদের মহাজনী চর এখানে এয়েছে— কলকাতার বাজারটা এক চেটিয়া ক'রে বসতে। ও সব—এগানবার বাজারের হাল চাল, কি জিনিষ লোকে চায় বেশী, ফ্যাসান আর ভড়ং কি স্বকম হলে মান কাটবে বেশ এখান থেকে সেই খবর পাঠাচ্ছে। সেদিন যে চিঠী ও লিখছিল তার খানিকটা সাহেব আনায় বল্লেন আমি তা নীচে লিখলাম!—

নবুহিরো তোকুচিহ জিয়ামার নিজের হাতের লেগা খাঁট খবর। কারখানার কারিগরদের চিঠী পেয়েই নমুনার জিনিষ তৈরী কর্তে হুকুম দেওয়া যেতে পারে।

সেন সেন—পানওয়ালী মার্কা।

ছবি এঁকেছে শুধু মুখটা—সিঁ থির উপর অবশি ঘোমটা—গানভরা পান বাঁ দিকে টিন্লে হ'রে রয়েছে। সিগারেট কেস—বাইজী মার্কা, তরুণী বাইজী তার আঁটা কাঁচোলীর ওপর ওড়না ছলিয়ে গালে একটা আঙুল ঠেকিয়ে যেন গান ধরেছে “আরে হারে তেরা নয়নাকা কাটারি” খুব চলবে কারণ গোরালিনী মার্কা গাঢ় হুঙ্ক এখানকার ঘরে ঘরে। দেশলাই—কালী শিব, হরিণ, সাইকেল ইত্যাদি যা ইচ্ছে মার্কা হ'ক চলবে। তবে এদেশের লোক দেবতার নামে গলে যায়। দেবতা মার্কা কিন্তু কাজেই চলবে বেশী। সিগারেট চাই ঘোড়া মার্কা। চটক দেয়া বাংলার ভেতর দশটা। দাম—খুব কম এখানে;—ছ' পয়সায় ছাড়তে হবে।

এলাহি বকসকে সোল এজেন্ট ক'লেই বাজার জানাদের হাতে আসতে পারে। ইত্যাদি।—

সাহেব বল্লেন বোঝ কি ক'রে এ জাত কুড়ী বছরে উঠে ব্যবসায় পয়সা লুটে নিচ্ছে। কিন্তু ব্যবসায় ওরা রাখতে পারবে না—বড় খেলো খাল দেয়।

টিপ্পনী—আমার মত—খেলো জিনিষ যে ওরা জোচ্চুরি ক'রে চালায় তা নয় কেবল ফাঁকা, হালকা, পাতলা জিনিষ নিয়ে ওদের রোজকার জীবন ; কাগজ দে' বাড়ী গৈয়ের করে—উঠেছে হাওয়ার ওপর মোটে পঞ্চাশ বছরে,—কায়েমী মজবুৎ, পাকা জিনিষ জাপানীরা ক'রতে পারে না তাতে তাদের স্বভাবই ব্যথা ক'রে ওঠে ।

সাত তারিখে ।

আজ সাহেব এই দিকে বাঙালী পাড়ার এক খুঁটি গলির ভেতর আমায় নিয়ে গেলো । সন্ধ্যা রাস্তা দু'পাশের বাড়ীগুলো উঁচু হ'য়ে উঠে সূর্যের আসার রাস্তায় হুমুমানের মতন তাকে আটকে ধ'রেছে । আমরা একটা বাড়ীর অন্ধকার সিঁড়ি ঘরের ভেতর দিয়ে এ'বিয়ে-বেকিয়ে হাত্‌ড়ে হাত্‌ড়ে ওপরে গিয়ে উঠলাম । সেখানে এক বুড়ো ব'সে কি যেন সৈলাই করছিল । তার আশে পাশে রঙ' বেরঙা দাগী কাপড় পাঁজাকরা বোধ হয় দরজী রিপু কাজে ওস্তাদ । সাহেব উঠেই পেছন থেকে ব'ললেন—“সৈলান ওস্তাদজী ।”

বুড়ো মাথাও তুললো না ঘাড়ও নাড়লো না—সাহেব এবার জেগে ব'ললেন—“সৈলান ওস্তাদজী ।”

বুড়ো শুনে ঘাড় ফিরিয়ে দেখেই ছাইএর উপর ইলিস নাচের চিকমিকিয়ে ওঠা খোসার মত ঝিকমিকে একটুখানি হাসি হেসে উত্তর ক'রলেন—“সৈলান সৈলান সাহেব—আব'কা বহুং মেহেরবাণী ফরমাইয়ে কেয়া জ'করং ।”

সাহেব ব'ললেন—“সেনিঙ্গ এক ড'জন জ্যাকেট দশটো, ফ্রক এক ড'জন, ওর ব্লাউজ ছোটো ।

ওস্তাদজী হেসে বললেন—“বান্ ।”

সাহেব উত্তর দিলেন—“বান্ ।”

“দরজী কাট কি ঘরোয়া কাট ?” ব'লে দরজী সাহেব—আনার সাহেবের মুখের পানে তাকালেন । সাহেব ব'ললেন ‘ঘরোয়া কাট বি'কুল-তামাম’ ।”

“বহুং আ'চ্ছা” ব'লতেই সাহেব আবার সৈলান দিয়ে ফিরলেন ।

চলতে চলতে আমায় ব'ললেন—এদের নতুন ধরণের সন্ধানী ব্যবসা । ওরা—ক'রে কি জাহাজের নাচের মত হুঁদি দাগী কাপড় তাই নিলেম বেনে—জন্ম দশ পুনর নিলে ।

তা'পর খবর নেয়া আছে ওদের অনেক বড় বড় ঘরের শিল্প চতুর মেয়েরা—নিজেদের ত'বিলে উপরি-টাকা জমাবার ফিকিরে—করমাস মত জামা টামা ক'রে দেন। এ ক'ল্কাতার সে রকম মেয়ে ঢের আছেন। ওরা কাপড় সূতো বোতাম সব দিয়ে আসে। তারা তারিখ মত জামা ক'রে তৈরী রাখেন—এরা গিয়ে নগদ মজুরী বুঝে দিয়ে নিয়ে আসে। এদের কাছ থেকে ফিরি ওখালার আবার জিনিষ নিয়ে যায়,—বাজার দরের চেয়ে—অনেক সস্তা পায় কিন্তু বেচে বাজার দরেই।

এই জন্তে কল্কাতার ছোট দোকানের জানার চেয়ে ফিরিওখালাদের জামা সেনিঞ্জের কাট অনেক সময়েই দেখা যায় বেশ সৌগীন আর হাল্লে ফ্যাসান-দোরস্ত।”

হঠাৎ আমাদের ছুজনের ভেতর দিয়ে স'ী করে একটা লোক চ'লে গেল। আমি অন্যমনস্ক পকেটএ হাত দিতে গিয়ে দেখি সিগারেট কেস্টী নেই। চেষ্টা করে বললাম—“বারে আমার সিগারেট কেস্টী?”

সাহেব ফিরে তাকিয়ে বললেন—“নেই?” আমি “না” বলতেই সাহেব একটু হেসে বললেন—“যাক্ গেছে গেছে।”

কিন্তু এমন হঠাৎ সিগারেট কেস্টী পকেট থেকে উড়ে গেল। আমার মনটাও সত্যিই বড় দুখ হ'তে লাগলো, লজ্জাও হ'ল। আগে খানিক দূরে এসে একটা মোড় ঘুরে গলি নিজে আবার ঘুরে গলির পাশের চেপা রাস্তা ধরে সাহেব আমার নিয়ে চললেন। পাশে একটা বাড়ীর সামনে ব'সে ছ'জন মুসলমান দাবা খেলছিল। খাঁটা রেশমী লুঙ্গীরা গায়ে খুব ভাল ভায়েলা ক্রানেলের পাঞ্জাবী, ঘাড়ের উপর বড় একখানা রঙ্গিন রেশমী ক্রমাল। সাহেব সেখানে দাঁড়িয়ে বললেন—“সেলাম মিঞা সাহেব শেষকালে আমারি এ আমিরজাদার সিগারেট কেস্টী?”

একজন দাবার কোট থেকে দৃষ্টি তুলে সাহেবকে দেখে বললেন—“সেলাম সাহেব আবকা সিগারেট কেস্টী? আরেই শালা বজ্জাত বেইমান হারামখোরকে কেইসা ধরম” বলে হাঁকলো “এ রহমান সিগারেট কেস্টী কোন গুদাম মে জমা হয়?” একজন কে ছোকরা গলার আড়াল থেকে উত্তর করলো “তিন মঘর”

আমাদের নিয়ে সে বাড়ীর ভেতর একটা ঘরে গিয়ে ঢুকলো। নানা রকম জিনিষে সে ঘর বোকাই। তাতে নেই যে কি তা বলা যায় না। একপাশে দেখিয়ে বললেন—“হ'রা হয়

সিগারেট কেম্ দেখিয়ে আপ্কা কোন হায় ?” সে মেলুই সিগারেট কেম্ সোনার অমেক শুলো কতকগুলো রুপোর। আমি দেখেই চিন্লেম আমারটা। দেখিয়ে দিলেম। মুসলমান হেসে কেম্গী আমায় এনে দিল। আমরা বেরিয়ে এসে সেলাম ক’রে বিদায় নিলাম। সেও সাহেবকে সেলাম দিল আর আমাকে বল্—“বন্দেগি আমিরজাদা,—আধকা গোলাম পকেটসে আউর কভি কুছ নেই যায়ে গা—ই কল্কাতামে” বুখলাম ইনি গাটকাটার সর্দার। কিন্তু আমার সাহেবকে এ চেনে কি ক’রে ?

আট তারিখ।

আজ সাহেব বাড়ী থেকে বেরিয়ে খাতার পাতায় লিখতে লিখতে চলেন—

১।	জান বাজার	ছ’টো।
২।	চৌরঙ্গী	দরকার নেই।
৩।	ল্যান্স ডাউন রোড্	৩টা।
৪।	থিয়েটার রোড্	চারটা।
৫।	এলগিন রোড্	একটা।
৬।	উডস্ট্রীট	ষা-তা বাজে।
৭।	ওয়েলেস্গী	একটা।

বাস্ আর না।

সাহেব রাস্তায় চ’লেন চ’লেন এক একবার থামলেন এদিক ওদিক তাকিয়ে কি দেখে নিয়ে ঐ সব লিখলেন আর কি লিখলেন তা তিনিই জানেন।

সেই দিন রাত্রি আটটা।

রাস্তা-ঘোরা শেষ ক’রে আমরা বাড়ী ফিরলাম। খাওয়া শেষ হ’লে ডক্তনে বসেছি এর ভিতর একজন এসে ডাকলে—“আছেন নাকি মশায় ?”

সাহেব ব’লেন “হ্যাঁ আছি। আসুন ভেতরে।”

ধিনি এলেন তিনি অল্প বয়সী,—ছোকরা বাবু। বাগ্গিস লপেটা পরে ঘরে ঢুকেই সোজা সূজি ব’লেন—“মশাই, আপনারা ষুগল ষা জুটেছেন চমৎকার। ঘরে কুলুপ চড়িয়ে ত’ বেরিয়ে

যান আপনাদের ভাবোঁরায়। বাড়ীতে পাবার যোগী নেই। কিন্তু এদিকে বাড়ী ভাড়া ক'মানের বাকী পড়েছে তার হিসেব আছে ?”

সাহেব হো হো ক'রে হেসে ব'ল্লেন—ওঃ আমি ভাব্‌লুম আপনি বুঝি Universityতে Historyর research Scholar—আমার কাছে সেই খবর কিছু জানতে এসেছেন।

“ইউনিভার্সিটী ঢের দিন ছাড়া হয়েছে মশাই—খেলাংচাঁদ ইন্সটিটিউসনে থার্ড ক্লাশ অব্‌ধি পড়েছিলাম কিন্তু আমার পায়রার ঝাঁক, টনি ডগ দেখবার শোন্‌বার, কাকাতুয়া ময়না পড়াবার লোকের বড্ড অভাব হ'ল—তাই বাধ্য হ'য়ে পড়া ছাড়্‌লুম।”

সাহেব ব'ল্লেন—“বেশ ক'রেছেন—তা আমার বুড়ো বাড়ী ওয়ালা আপনার কি হন ?”

“আমার বাবা হতেন—তিনি তো গেল মাসে মারা গেছেন—এখন কারখানা, বাড়ী ঘর এসব আমার।”

“অ্যা! বুড়ো মারা গেছেন ? ওঃ Poor soul, Poor soul ! ভগবান তাঁর আত্মাকে শান্তি দিন। তা' আপনার ক'মানের বাড়ী ভাড়া পাওনা হয়েছে ?”

“ছ মাসে চলেছে।”

“আচ্ছা দোব !”

“দেবেন কবে মশাই ?”

“এই দু চার দিনেই।”

“সে হবেনা মশাই একুনি দিতে হবে !”

সাহেব হঠাৎ গস্তোর হ'য়ে গিয়ে জবাব ক'রলেন—“বদি না দিই।

বাবু গলার কুক্ক আওয়াজ বার ক'রে ব'ল্লেন—“আদায় ক'রবো।”

“কি ক'রে ?”

“আদালতের দরজা খোলা রয়েছে--কি ক'রতে ?”

কি ? যে লোক ছ বছর সমানে তোমাদের ভাড়া ষুগিয়ে এসেছে—সে ছ মাসের ভাড়া দেয়নি ব'লে নালিশ ক'রবে ? যাও বেরোও,—ক'রগে নালিশ—বিনে মোকদ্দমায় এক পয়সা পাবে না।”

“তুমি তুমি ব'লে অপমান ? আবার বড় বড় কথা, আমি দেখে নোব তোমাকে সাহেব, আমার বাড়ী থেকে আমাকেই বেরিয়ে যেতে ব'লছ—দেখ ন আমি কাল তোমাকে—চক্ষিণ ঘণ্টার ভেতর আমার বাড়ী থেকে তোমায় নেবে যেতে হবে। বদমাইশ গুণ্ডা।”

গালাগাল শুনে রাগে আমার সর্বাঙ্গ রি রি ক'রে উঠলো। তাড়াতাড়ি লাগিয়ে উঠে সাহেবের লাঠিগাছটা তুলে নিতেই সাহেব ধাঁ ক'রে আমার হাত থেকে সেখানা ছিনিয়ে নিয়ে চৌকিরে ব'লে উঠলেন—“তুমি দিও নোটিশ আহাম্মক ছোকরা ! এখনি বেরোও এখান থেকে আর এক সেকেণ্ড যদি হল্লা কর—দেখছ বেত ”

সাহেব তার মুখের সামনে সে মোটা লাঠিগাছটা ঘোরাতেই ছোকরা রাগে গর গর করতে করতে স্টু স্টু নেবে গেল। তার বিলক্ষণ ভয় পাবারই কথা কারণ সাহেবের যে ডাণ্ডা। সাহেব আমার দিকে মুখ ফিরিয়ে বলেন—“বয় যারা ভদ্রলোকের পোশাক পরে অভদ্রের একশেষ তাদের সঙ্গ ছাড়াই ভদ্রলোকের উচিত। এখানে আর নয়—আমরা এখন ছোটলোকের সঙ্গেই থাকবো। এক্ষুনি বেরোবো।”

সাহেব আর আমিই মুটে সেজে সেই কাঠের “হোণ্ডমন” সিন্দুকটা ছুজনে মাথায় নিয়ে নাব্বো—এমন সময় সেই প্রথম দিন রব্বারে সাহেব যে পাঞ্জাবীটাকে মারতে তাড়া করেছিলেন সে হাঁফাতে হাঁফাতে ছুটে এসে আমাদের ঐ অবস্থা দেখে ছ'সেকেণ্ড থমকে দাঁড়ালো। তা'পর সহসা বিস্মিত বিস্ফারিত ছুচোখে তাকিয়ে জিজ্ঞাসা করলো—“এ কেয়া ?”

সাহেব জবাব দিলেন—“কুহ্ নেহি—তোমারা কেয়া জরুরং ?”

লোকটা বলল—“ভারি খবর।” সাহেব খুঁটিয়ে নাটিয়া সব জিগ্গেস কর্তে লাগলেন লোকটা বলে গেল—মুন্না মরিয়া হঠয়া উঠেছে সে খুন করবে—আজ আর কেউ তাকে ঠেকাতে পারবে না। রক্তের নেশা তার শিরা ধমনীগুলোর ভেতর তাণ্ডব নাচনা নেচে উঠেছে। পিশাচের বৃকের খুন তার চাই—চাই। বারে বারে অপমান—এবার তাকে ক্ষেপিয়ে তুলেছে ! সাহেব নইলে কেউ তাকে রুপ্তে পারবে না। ছ'খানা ভোজালি শানিয়ে কোথরে গুঁজে নিয়ে বৃষ্টি সে বেরোলো—সাহেব তাড়াতাড়ি।”

সাহেব বলেন—“ধর বাকস—তুমারা ডেরা পর”—পাঞ্জাবী সাহেবের দিকটা ধরলো—আমাকে বলেন—এর সঙ্গে বরাবর চলে বেও। আমি আগে চল্লাম। ছুটে যেতে হবে।”

খামে-পোরা কি একটা সাহেব পকেট থেকে বের করে টেবলের ওপর ছুঁড়ে দিলেন—
জিনিষটা ঠকাস ক'রে গিয়ে পড়লো।

“দিয়ে গেলাম বেটার বাড়ী ভাড়া।” বলে সাহেব ঝড়ের মতন ছুটে নেবে গেলেন।
আমরাও হুজুন তাঁর পেছনে বেরিয়ে প'লাম। আমাদের খাট বিছানা চেয়ার টেবিল ভাঙা
চোরা যা কিছু আসবাব পত্র ছিল সেইখানেই পড়ে রইল।

(দুই)

তার পর দিন।

পাঞ্জাবী আর আমি সিন্দুকটা ব'য়ে নিয়ে অনেক রাস্তা গলি পেরিয়ে ইটলীর ওখানে বস্তীর
ভেতর একখানা খোলার বাড়ীতে গিয়ে উঠলাম। লম্বা বরখানার ভেতরে ভেতরে বেড়া দিয়ে
ভাগ করা—‘ব্যারাক’ আর কি! উঠোনটা অতি অপরিষ্কার,—যাচ্ছে তাই অপরিষ্কার।
চারদিকে রাজ্যের নোংরা, এঁটো হাড়, কাঁটা, পেঁয়াজের খোসা, উননের ছাই, ভাঙ্গা হাঁড়ি—
আস্তাকুড়ের মত দেখাচ্ছিল।

অনেকগুলো ঘরেই তখন দরজা বন্ধ হ'য়ে গিয়েছে। ছ' একটা দরজার ফাটল দিয়ে সরু
আলোর রেখা দেখা যাচ্ছিল। কেরোসিনের কুপীর মুখে কালী জমে গিয়ে ফটফা প'ড়ে আলো
মিইয়ে এসেছিল কিন্তু একেবারে নেবেনি। সব শেষের ঘরখানা থেকে কাণ্ডালের ঘর রান্নার
নিত্য বন্দযুদ্ধের কলকণ্ঠ শোনা যাচ্ছিল। বউটী বলছিল “পরনের কাপড় পেটে ভাত দিতে না
পারবি যদি তবে এনেছিলি কেন?”

“খাম বলছি হাড়হাবাত; কিছুতেই তোর জলন্ধর পেট আর ভরে না, সারাদিন বুকে পিঠে
এক করে খেটে এলুম কোথায় একটু জিরোবো—না—

“জিরোবি তুই—জিরোবার কপাল নিয়ে তুই—কি রে ডেকরা জন্মেছিস? নিজের
পেটে দিতে পরসা নেই—আবার একটা মেয়ে মানুষ এনে সাত খোয়ারী করা চাই!—বলে
ক'লকাতার কলে ভারি চাকুরী করি। কি আমার চাকুরে রে!”

“মুখ খেঁতো করে দোব হারামজাদী, ছোটলোকের বেটা—

“কি! আমার বাপ তুলছিস—ও থেকেব বেটা—ডাকরা।”

বউটির চীংকারে রাত্রির অন্ধকারও বিরক্ত মুখে শিউরে উঠলো যেন। পাশের ঘর থেকে একটা রোগা বউ দোরখানা ফাঁক ক'রে মাথা বার ক'রে দিয়ে বল্লো—“ওগো তোমাদের পায়ে পড়ি একটু আস্তে ; মেয়েটা জ্বরএ পুচ্ছে গায়ের তায়ে খই ফোটে একটু আস্তে গো”—

পুরুষটা জবাবে বল্লো—“শুনলি—শোন ডাইনি, আমাফে ত খেয়েছিস,—বুকে ক্ষয় ধরেছে খাটতে খাটতে মুখ দিবে রক্ত ওঠে এখন ঐ ভান মান্নের নেয়ের বুকের ধনটাও খেতে চাস্ ?

আর কতদূর যাবে এবার তো বউটা জিগ্গির ছেড়ে কাঁদতে বসলো—“আমার হাতের পৈছে, ছ'নর ধান-তাবিজ বেচে খেয়ে আমার রাফনৌ বলে গালাগাল দেয় রে বাবা—ও বাবা”—

সে মড়া কান্নার ব্যাপার !

এ ঘর থেকে রোগীর মা-তী আবার নিশ্চিন্ত করে থামতে বল্ল কিন্তু কার নিবেদন কে শোনে ! পঞ্জরসার দৈন্যের জ্বালা বুঝি এ গৃহের চারিদিকে ধোঁয়াটে গুমোট তুমের অগ্নিকাণ্ড জ্বলে এই হতভাগাগুলোকে তিলে তিলে পোড়াচ্ছিল। সকলেরই এক অভিযোগ—পেটের খাবার নেই ! মৃত্যু সন্ধ্যোগ পেয়ে তার চিরস্থান ক্ষুধিত সর্সভূক গ্রামের ভিতর এই নিত্য দুর্ভিক্ষে অন্নহীন অভিসপুদের একটা একটা করে নিক্ষেপ কর্তে আরম্ভ করেছে। এদেরই ঘরে ঘরে তার নিশিদিন আসা যাওয়া। খেতে না পেয়ে দুর্ভাগাদের অস্থগ ; ওমুখ না পেয়ে মৃত্যু মরণের বিরুদ্ধে নিরুপায় এরা কুণ্ড দুর্ভাগ তাদের নেকনগুগুলো জোরকরে খাড়া রেখে ধন্যদের বুকে অক্লান্ত লড়ে চলেছে ; আর বাইরে রাজপথে বিধ তার মনি মূল্যে কেনা বিজয়রথ দ্রুত ছুটিয়ে চলে যাচ্ছে। তার পুলকিত গতিহন্দে এই হতভাগাদের স্পন্দিত অংপি গুটা—চকিতে চমকে ওঠে শুধু।

উঠানেরই একপাশে সিন্ধুকটা নামিয়ে রেখে আমরা দুজনে তার ওপর বসেছিলেম পাঞ্জাবীটা কি ভাবছিল জানি না আমি ঐ সবকথা আকাশ পাতাল গোণাপড়া করতে করতে বুমে বুমে আসছিলাম হঠাৎ—“এ, এ—এ—ইও—শা—” এই রকম একটা জড়িত শব্দে আমার আধা তন্দ্রার ঘোর ভেঙে গেল তাকিয়ে দেখি—টলতে টলতে একটা লোক বাড়ীর ভেতর এসে

টুকলো। চলতে গিয়ে ভম্ভী খেয়ে পড়ে—তবু চলেছে। আনাদের হয়তো সে দেখতেও পেলেনা—উঠি প'ড়ি করে এগিয়ে একটা ঘরের দোরের কাছে দাঁড়িয়ে ডাকতে—“শুনিয়া—এ—
ও—উ—উ”—কথাটা শেষ ও করতে পারলেনা—ধপ্ ক'রে ব'সে পড়ে “এ—শা—ল—ল”
ব'লে আবার—ওঠ'বার চেষ্টা ক'রে ডাকলে—এ—গে”—

ডাক শুনে একটা হিন্দুস্থানী মেয়ে দোর খুলে বেরিয়ে এসে “এ দাদা,—তু'হি—হো।” ব'লে তাকে ধরে তুললে।

আমার পাঞ্জাবী সঙ্গিটা মেয়েটাকে জিগ্গেশ করলে—“মুন্না কাঁহা—?”

মেয়েটা তার দিকে তাকিয়ে একটা জবাব দিলে,—ভয়ে বিষয়ে জড়িয়ে গিয়ে স্বরটা তার—
আর্ন্তনাদের মতন শোনা গেল। সে চোঁচিয়ে উঠলো—“সাহেবকো ভেট নেহি মিনা?”

এ জিজ্ঞাসার শেষে তার সে ভদ্রাক বিক্ষাচিত দৃষ্টিটা একটা ব্যথাহত বন্ধের আশাহীন
কাতরতা ব্যক্ত করে শুরু হয়ে রইল।

মাতালটা তক্ষুনি অম্নি নিজেকে সা ম্লে নিয়ে বলে উঠলো—“দোঠো ভোজালি লে গিয়া
উম্কো কলিজাসে লোউ নিকালকে পিয়েগা ; শা—লা—লু—চ্চা আ—আ” বলতে বলতে
আবার টলে পড়তে চাইল শোনিয়া ছোরে আঁকড়ে ধরে তাকে খাড়া রাখলো।

পাঞ্জাবী বললে—“উম্কো ঘরমে লে যাও—সাহাব সে ভেট ছা।”

শোনিয়া ঘরে গেল। গরীবের ঘরের বউ সে কিঙ্ক সকল চোখের দৃষ্টি নিছিঁখে নেয়। বয়স
তার বুকে মুখে মুঞ্জরিয়ে উঠেছে। সে অঙ্গে মিলিয়ে যাওয়া চতুদশ বৎসরের কৈশোরক, এ তার
গোধূলি লগ্নে আজ, ভরা যৌবনের বীণা খানি গীতছন্দে বেধে তরুণীর সারাদেহে সপ্তক সুরের
সাড়া জাগিয়ে তুলেছে। মুখে রূপ, অপাঙ্গে ভঙ্গি হিন্দোল্লা—অপরূপ ; চল গেলে পায়ের
ছন্দ ধরণীর গায় লীলায়িত হয়ে ওঠে, এই মুন্নার বউ। আনি খানিকটা মুগ্ধ হয়ে গিয়ে
ভাবছিলাম মুন্না তাহলে এ স্বপ্নলোকে কি রূপ নিয়ে ঘুনিয়ে পড়ে ? খুনে সে-কুরূপ সে নিশ্চয়।

বাইরে ছজন লোকের পায়ের শব্দে শোনা গেল। ফিরে তাবিয়ে দেখি সাহেব। কালো
জোয়ান একটা লোকের শিরা-পেশল ডান হাতখানা নিজে হাতে শক্ত করে ধরে লোকটাকে
এক রকম টেনে নিয়ে আস'ছেন। তার হাতে একখানা কুকরী ভোজালির ধারাল ইম্পাত—
অন্ধকারের ভেতরেও চকমক ক'রে উঠ'ছিল। কাছে এনে দেখলাম—লোকটার চোখ দুটো—

গোল গোল—টকটকে লাগ যেন ছুটো রক্তের ডেলা । খুনের নেশা—বৃষি—তখনো তার মাথায় বোঁ বোঁ করে ঘুরছিল । এক একবার অনিচ্ছায়ও—যেন—হাত ছিটফিয়ে নিয়ে ছুটতে চায় ; কিন্তু সাহেবের হাতের বাধন শৃঙ্খলের চেয়েও শক্ত ।

সাহেব বা হাত দিয়ে ভোজালিখানা ছিনিয়ে নিয়ে, মুন্নার হাত ছেড়ে দিলেন । সে ঠায় দাঁড়িয়ে রইল । একটুও ন'ড়'ছেন । সাহেব ডাকলেন—“শোনিয়া ।”

তার হয়তো সে চেনা ডাক । ছুটে বেরিয়ে এসে—দেখে সামনে তার স্বামী—পাশে সাহেব ।

“বাপুজি” শুধু এইটুকু বলে তার লতানো হাত দুখানা দিয়ে সাহেবের পুষ্ট মোটা হাতখানা জড়িয়ে নিলে । সাহেব হিন্দিত্তে ব'ল্লেন—“ভয় নেই—ওকে ফিরিয়ে এনেছি—নিয়ে যা মা, বিছানায় শুইয়ে একটু বাতাস করগে—ঘুমিয়ে প'ড়বে—আজ আমার নেশা ক'রেছে ।”

শোনিয়া—মুন্নার হাত ধরে টানলো—সে একটুও আপত্তি ক'রলোনা—একটা কথাও বল্লোনা—আস্তে আস্তে তার সঙ্গে গিয়ে ঘরে ঢুকলো—

সাহেব, আমি আর পাঞ্জাবী বাকুসটি ধরা ধরি করে এ পাশের একটা ঘরে নিয়ে গিয়ে ছুটো ছেঁড়া মাদুর পেতে ছুজনে শুয়ে প'লাম । পাঞ্জাবী তার ডেরায় ফিরে গেল । পরের দিন সাহেব মুন্নার গল্প আনাদের শোনালেন ।

মুন্নার গল্প ।

(সাহেবের কথা)

আমি রাস্তায় এসে পড়বার আগেই মনে মনে একটা নক্সা ছ'কে নিয়েছিলেম । বরাবর ফিরিঙ্গিদের গলির ভেতর ঢুকে পড়ে খুঁচি রাস্তা পেরিয়ে তীরের বেগে ছুটতে ছুটতে মোড়ের ঘরের দোকানে গিয়ে পৌঁছোলাম । হত্যার উন্মাদনায় ছুটেছে সে আজ—সহজ মস্তিষ্কে ছ-পাও যে সে এগোতে পারবে না তা আমি জানতাম । দোকানের সামনে রাস্তার উপর বসে তখনো জন চারেক হিন্দুস্থানী মেটেখুরীতে করে সেই সর্ব্বনেশে বিষ ঢোকে ঢোকে গিলছিল । ছুটো শালপাতের ঠোঙ্গায় তেলভাজা ছোলা-সেদ্ধ । নেশার মুখে চাট চিবোচ্ছিল আর অম্পষ্ট আড়ষ্ট গলায় অশ্লীল গালাগাল ক'রে সেখানকার সুরাগন্ধি বন্ধ-হাওয়াটাকে আরো পাক্কন, ভারি

করে তুলছিল। আমায় দেখে একবেটা “সেলাম সাহেব” বলে খুব নীচু হ’য়ে অভিবাদন জানালো আর তিনটে হো হো ক’রে হেসে উঠে জবাব দিলে—“হাঁ—হাঁ সে এ এ—বাঃরে বিলাট বেঃটআ” গুরীর তলানিটুকু আর এক চোকে নিঃশেষ ক’রে—“অ্যা—হ্যা—অ্যা”—আওয়াজের সঙ্গে সঙ্গে “খু—উ—খু” ক’রে খানিকটা ফেনায় লালায় মেশানো খুখু ফেললে।

আমি দোকানীকে ডাকলাম। সে আমাকে চিন্তো। দেখেই অভিবাদন জানিয়ে ব’ললো—“মুন্নার খোঁজে এসেছেন তিন মাস পরে আজ সে এসেছিল—বেশী খায়নি—তিন খুরী মোটে!—কি যেন একটা তার হ’য়েছে মনে হ’ল—কিছু কথা ব’ললে না—একটুও হাসলে না; অভিসম্পাত দিয়ে গালাগাল ক’রলে না;—নেশাটুকু তিন চুমুকে গিলে—আস্তে আস্তে বেরিয়ে গেল—আমি অনেক কথা জিজ্ঞেস ক’রলাম কিন্তু সে কোন কথাই জবাব দিলে না।”

আমি ব’ললাম “তাড়াতাড়ি ব’ল সে কোন দিকে গেল?”

সাহজী মানে মদওয়ানা সামনের গলিটা দেখিয়ে দিলে।

আমি ব’ললাম—ও উড্ডীটের দিকে গিয়েছে। তাড়াতাড়ি সেই রাস্তায় ছুটে মোড় পেরিয়ে একটু এগিয়ে দেখি—একটা পাহারাওয়ানা—অনামনস্কে দাঁড়িয়ে অনবরত হাই তুলছে। আমি সাহেবী হিন্দীতে তাকে জিজ্ঞেস ক’রলাম—“এ রাস্তায় একটা লোক যেতে দেখেছো?” আন্দাজেই বুঝিয়ে দিলাম তার গায় মেরজাই, তোলা পায়জানা পরা, মাথায় পাগড়ী। পাহারাওয়ানা জবাব দিলে—“হাঁ আভি গিয়া একঠো পাঞ্জাবী।” লোকটা রাস্তা দেখিয়ে দিলে আমার বুঝতে একটুও দেরী হ’ল না, ঠিক টের পেলুম—সে কলিঙ্গা-বাজারে ঢুকেছে।

ঝড়ো হাওয়ার মত আমি আঁধির বেগে ছুটলাম—নির্জন রাস্তা শুধু এক একটা বাড়ী থেকে ব্যভিচারীর কলুষিত উচ্চ হাসি যেন দমবন্ধ নিরুদ্ধ হররায় নীচে রাস্তায় নেমে আসছিল। দূরে দেখলাম একটা লোক যাচ্ছে। আমি ছুই ছুই—লোকটাকে ধরি ধরি—সে পাশের একটা ঘরের চোরা দরজা দিয়ে ভেতরে ঢুকে পলো। আমি স্পষ্ট ব’ললাম মুন্না। ওখানে ‘লুকোচুরি’ বিলিতে মদ বিক্রি হয়—ও বোধহয় আর এক পেয়ানা খেয়ে তার মাঝে মাঝে জেগে ওঠা নিবেকটাকে নেশার বিসে একবারে নিশ্চেষ্ট জর্জরিত করে রেখে মার মুখো মরিয়া হ’য়ে

উঠতে চায়। মোটে এক মিনিট—আমি তখনো সে ঘরের দরজা অবধি পৌঁছতে পারি নি দেখি ছোটো লোক ধসুধসু জড়াজড়ি করতে করতে রাস্তায় এসে পল। একজনের হাতে কুকরী। আমার মাথাটা ধা করে ঝাঁ ঝাঁ করে উঠলো। আরো জোরে ছুটলাম। একেবারে বিছ্যতের বেগে গিয়ে হুঁজনের মাঝখানে পড়ে কুকরীওয়ালার হাতখানা চেপে ধরে বললাম—“বেইমান।”

মুন্না চেচিয়ে উঠলো—“বেইমান লুচ্চা এই হারামজাদা! শোনিয়া মেরা জান্ মেরা কলিজা ছোড় দো হাগকো বেইমানকা হাম জান লেগা জরুর লেগা।” আমি আরও জোরে হাত চেপে ধরে বললাম—“কাহে কো?” ও বলল—“শোনিয়াকো মাস্তা মেরে মেহেরাককো—শোনিয়াকে হাত পাকড়্ লিগা—মেরা ইচ্ছাং গিয়া—বিলকুন গিয়া বাপুজী উম্কা হাম কলিজা সে লো নিকাল লেগা।” আমি বললাম—“আচ্ছা হোগা—আভি চল ঘর।” “উম্কা কলিজা নেহি নিকালগে” বলে তাঁর নিস্পলক দৃষ্টিতে আমার দিকে তাকালো সে কী ফিরিয়ে তাকে আনা যায়। ওর মধ্যে তখন হিংস্র পশুবৃত্তি উদ্দাম হ’য়ে উঠে রক্ত পিপাসায় তাকে ক্ষেপিয়ে তুলেছে অনেক কষ্টে টেনে নিয়ে এলাম। একটা পাহারাওয়ালো এসে জুটেছিল তার হাতে একখানা দশ টাকার নোট ফেলে দিতেই সাদ্মীর হাত মুখ ছইই বন্ধ হয়ে গেল। তারপর—

মুন্নার কথা।

ভাঙা ভাঙা হিন্দীতে মুন্না তার জীবনের কাহিনী বলে গেল আমি নিদ্রের মতন শুঁচিয়ে সে গল্প লিখলাম :—

মন্দুরম্ ওরফে মুন্নার সঙ্গে শোনিয়ার প্রথম যখন চেনা হ’ল শোনিয়া তখন আট বছরের। সাগরের ঢেউ এ ঢেউ এ ভেসে এসে রং বেরংয়ের ঝিনুক কড়ি বেলায় বালুরাশের উপর প’ড়ে থাকতো। শোনিয়া রোজ আসতো কাঁকালের ঝড়ি ভ’রে সেই ঝিনুক কড়ি কুড়িয়ে নিতো পাশেই সাগর তীরে নারকেল সারের কুঞ্জের ভেতর ছিল মুন্নাদের সর্বস্ব একখানা ক্ষেত। বাপ বেটার এক সঙ্গে সেই ক্ষেতে কাজ করতো। বড় খেটে খেটে মুন্না যখন শ্রান্ত হয়ে এসে ক্ষেতের পাশে জিরোতে বসতো তখন শোনিয়া বেলায় বেড়িয়ে বেড়িয়ে চুণি চুণি ঝিনুক কুড়াচ্ছে! মুন্না চেয়ে চেয়ে দেখতো ফিনিক ফোটা আলোর দেশে ঝিলিকমারা

লীলার মত কচি একটা পরীর মেয়ে দোড়ল দোলে ছলকী চলে কড়ি কুড়িয়ে বুড়ি ভরছে। অসীম সাগরের নীল জলে নেয়ে এসে স্নিগ্ধ, সজল হাওয়া তার গুচ্ছ অলকের লাখো হাজার ভোম্বা পাতা আকুল করে উড়িয়ে দিত—মুন্না তাকিয়ে তাকিয়ে দেখতো! সে ক্ষেত ভুলে যেতো কাজ ভুলে যেতো—তার বাপকেও আর মনে পড়তো না; সে ভাবতো সমুদ্র বুঝি অফুরন্ত আসমানী রংয়ের অসীম শ্যামল কাফিফেত ছোয়ার লেগে যৌবনে তার গাছে গাছে গুচ্ছ ফুলের বাণ ডেকেছে আর শোনিয়া তার বুড়ি ভরে কাঙ্ক্ষি কুড়ির নিছানি নিছিয়ে নিয়ে যাচ্ছে রামধনুর মুখে রংফলাবে বলে।

ছ'দিন গেল তিন দিন গেল একমাস গেল তিনমাস গেল। মুন্না আর সবুর করতে পারলো না। একদিন গিয়ে তার সঙ্গে কথা কইল,—বুড়িতে বিহুক কুড়িয়ে দিল, হেসে হেসে বলল “তোমার ডব্‌গা গালে উল্কা তিলক তুলিয়ে ছিস কইগে?” শোনিয়া হেসে তার মুখের পানে চাইল।

চার চারগু বছর চলে গেছে! মুন্নার—বাপ নজর করলো—ছেলে তার কাজে মন দেয় না ঘুমের ভেতর ঘন নিঃশ্বাস ফেলে—ভাবলো বেটার কি হলো। কিছু বুঝতে পারে না সে তবু ভাবে;—বুকের ধন তার কল্‌জের রক্ত—যে ছেলের! ভুইয়ে প'ড়ে মুন্নারও প্রথম নিঃশ্বাসটা পড়েছিল যখন—ছুগিনী তার মারও শেষ শ্বাসের সঙ্গে সঙ্গে নাড়ীর গতি তখনি বন্ধ হ'য়ে থেমে গিয়েছিল।

সেই ছেলেকে মানুষ ক'রে বুকে পিঠে ক'রে আজ এত বড় করেছে কিন্তু তার ছেলের কি হল? এমনি ভাবতে ভাবতে একদিন সাগর তীরের দিকে হঠাৎ তাকিয়ে দেখে মুন্না শোনিয়াকে বুকের মধ্যে জড়িয়ে নিয়েছে তার বাবা হেসে উঠলো। এত দিনে বুঝলো ছেলের মনে মনে বউ-কথা করেছে। সে নিজে নিজেই ঠিক করলো শোনিয়ার সঙ্গে মুন্নার বিয়ে দিবে দিবে।

শোনিয়ার রক্তের আপন কেউ ছিল না ছনিয়ায়। চিন্মরন তার দূর সম্পর্কের মেসো তারি বাড়ীতে শোনিয়া ছ'মুঠো ভাত খায় আর সারাদিন সাগর কূলে বিহুক কুড়িয়ে মেসোর দিন রুজীর কড়ি কিছু কিছু যোগায়। মুন্নার বাবা-মাতা পটুর তার কাপড়খানা ঝেড়ে পড়ের

কাছার কোণাটা ঝুলিয়ে নাবিয়ে দিয়ে চিদম্বরের বাড়ী গিয়ে নমস্কার দিল। কথা শুনেই ত মেসোর মাথার টনক নড়ে উঠলো। সে স্পষ্টে কথায় “না” জবাব দিলে। মুন্নার বাবা চলে গেলেই—শোনিয়াকে ডেকে কড়া শাসন করলে “ফের যদি সে মুন্নার কাছে যায় কি তার সঙ্গে কথা কয় তো শোনিয়াকে মেরে ফেলবে একেবারে! খবর শুনে তো ছ’জনেরই বুক টাটিয়ে টুটে পড়তে চাইল। চুপি চুপি একদিন দেখা হ’লে গলা জড়া জড়ি করে বসে অনেক কাঁদাকাঁদী করলো কিন্তু কেঁদেই ত আর শোনিয়াকে পাওয়া যাবে না মুন্না কত ক’রে ক’রে ভবলো—কিছু মীমাংসা হ’ল না—আরো চার বছর চ’লে গেল।

একদিন হঠাৎ মুন্নার বাবা ব্যাগের প’ড়ে ছট্‌কট্‌ ক’রে উঠলো—মুন্না কত তার সেয়া ক’রলে কিন্তু—কিছু হ’ল না—বাবা তাকে এফলা রেখে চ’লে গেলেন। মুন্না আছাড় খেয়ে প’ড়ে চোঁচিয়ে উঠলো—শোনিয়া লুকিয়ে এসে তার সঙ্গে কেঁদে সাহসনা দিয়ে মুন্নাকে থানাতে চেঁচা ক’রলে।

দিন কতক পরে মুন্নার মনটা তখন একটু শান্ত হ’য়েছে—সমুদ্রের ধারে ব’সে শোনিয়ার গলার ওপর দিয়ে হাত লভিয়ে রেখে মুন্না গল্প করছিল আর মাঝে মাঝে শোনিয়ার ঠোঁটের টকট’কিয়ে ওটা খুন-ছোপ হাসির ওপর চুনো খেয়ে মুন্না অপরূপ পুলক লেগে শিউরে শিউরে উঠছিল। হঠাৎ কোণায় থেকে মেসো এসে তাই না দেখতে পেয়ে একেবারে আশ্বন! শোনিয়াকে ছোরে চোঁচিয়ে ডেকে নিয়ে এক থাপড় বসিয়ে দিল।—তা’পর মুন্নাকে শাসিয়ে গেল—তাকে চিদম্বর খুন করবে—শোনিয়া যদি বাড়াবাড়ি করে—তাকেও আশ্ব রাখবে না।”

মুন্নার বুকটা ছর ছর ক’রে উঠলো—সে ছুটে গিয়ে চিদম্বরের পায়ে ধ’রে বলল,—“আমার মেরে ফেলো—কিন্তু শোনিয়াকে কিছু বলো না।”

“হু” শুধু এষ্টটুকু জবাব ক’রে শোনিয়াকে টেনে নিয়ে চিদম্বর চ’লে গেল।

মুন্নার মনে ভাবনার শেষ নেই, রান্না বাগ্না ভাল লাগছিল না। একটা গাছ হেলান দিয়ে ব’সে সে বাবার কথা, মায়ের কথা মনে মনে ভেবে দেখছিল কিন্তু সব চিন্তা ছাপিয়ে তার—

বুকের ওপর শোনিয়া রূপসী মূর্তি নিয়ে হেসে দাঁড়াচ্ছে। এমন সময় একজন পড়সী এসে বললো—“উঃ শুনেছিস মন্দুরাম?”

মুন্না বললো—“কি? না।”

পড়সী বলল “শোনিয়াকে তার মেশো—পিঠ্ কেটে কেটে মেরেছে সে কথা মনে করলেও সর্কাক ব্যথা ক’রে ওঠে! উঃ কী মার!”

মুন্না হঠাৎ কেঁদে ফেলল! সে কাঁচা দেহের লাবঙ্গ চিরে চিরে—বেতের ওপর বেত পড়েছে আর ঝির ঝির ক’রে পিচ্কিরীর ঝারি ছুটেছে বৃষ্টি—টাটকা তাজা সে রক্ত। একথা ভেবেই মুন্না ব্যথা বরদাস্ত করতে পারলে না। একবার ভাবলো ছুটে যাবে—ঐ বেত নিয়ে মেশোর পিঠে ঘা করে দিয়ে শোনিয়ার মারের শোধ নেবে। আবার ভাবলো—না—তা হ’লে হয়ত ও শোনিয়াকে মেরেই ফেলবে। মুন্না—মনে মনে একটা মতলব আটলে।

তখন গভীর রাত—শুধু দূরে সাগরের তীরাপহত ঢেউগুলোর আছড়িয়ে পড়া গর্জন শোনা যাচ্ছিল—গায়ে বাড়ীগুলো সব নীরব। মুন্না আন্তে আন্তে বেরোলো। ভয় নেই তার প্রাণে। ওরকম নিশ্চিন্তি “বিরাতে”—আরো কতদিন সে শোনিয়াকে ডেকে জাগিয়ে বার ক’রে এনেছে—মেশো কিচ্ছু টের পায় নি—মুন্নারও কখনো মনে হয় নি যে—সে একটা পাপ করছে। আজও তার তা মনে হ’ল না—পা টিপে টিপে গিয়ে—শোনিয়ার মাথার কাছের খোলা জান্নাটা দিয়ে একটা কাঁঠির খোঁচা মেরে তাকে জাগালে। শোনিয়া উঠে বেরিয়ে এলো। মুন্না তাকে—বুকে জড়িয়ে নিয়ে—নিজের ঘরে ফিরে এসে—যা ছিল হ’ একটা—ফতুরা—আঙুরা শুছিয়ে বেধে নিয়ে জিজ্ঞেস করলে—“শোনিয়া চলতে পারবি?”

শোনিয়া বলল—“পারবো কিন্তু পিঠে বড় ব্যথা।”

মুন্না বলল—“তাকে কাঁখে ক’রে নিয়ে যাব।”

“কোথায়?”

“ত্রিচিনোপলী।”

“খাবি কি?”

“নকরী করবো—তুই ‘আমি’ হুজনেই—তা ছাড়া আজ জমীটুকু বিক্রি ক’রে কিছু টাকা পেয়েছি—তা দিয়ে কিছু দিন ত চলবে।”

শোনিয়া ম্লান ঠোঁটের উপর মৌন মধুর হাসি একটুখানি হাসিলো ।

শোনিয়াকে কাঁধে নিয়ে মৃগা বেরোলো—তার গায়ে তখন তিন ছোয়ানের বল । কাউকে আর ভয় করে না সে—আজ শোনিয়াকে সে পেয়েছে ।

মৃগা খানিকটা চলে গিয়ে—শোনিয়াকে নানিয়ে দিলে—ঐ অক্ষয়চাঁদের ভেতরেই তার মুখের পানে একবার তাকিয়ে হেসে উঠলো ।

শোনিয়া জিজ্ঞেস করলে—“কিরে মৃগা ?”

মৃগা বলে—“শোনি, তুই আমার বউ ।”

শোনিয়া বলে—“হ্যাঁ তোর আমি বউ—ধরন সাক্ষী ।”

সে নির্জন পথ—গভীর রাত্রি—মৃগা ছ’খান হাত নিয়ে শোনিয়াকে জড়িয়ে নিয়ে তার মুখের ওপর চুমো খেলো । তা’পর আবার ছ’জনে চলতে লাগলো ।

বিয়ে—তাদের হ’লো যে—তা মানুষ কেউ জানলে না—শুধু ছ’জনের মন রইল ছ’জনের সাক্ষী ।

ত্রিচিনোপলী এসে পৌঁছলো । এইবার জীবনের প্রথম মৃগা ভাল ক’রে বুঝলো—গরীব মা-বাপের সম্মান—ভিত্তিরীক মত দীন তারা শুধু নয়—তারা অস্পৃশ্য জাত । কত আয়গার খোঁজ করলে—কিন্তু মাথা শুঁজে থাকবার মত একটা আশ্রয় মিললো না । টেশনের কাছে রাস্তার পাশে একটা নর্দমার প’ড়ে সারারাত কাটালো ; রাস্তায় শুতে ভয়—কি জানি যদি ব্রাহ্মণ কি—আর কেউ—তার চেয়ে বড় জাত হঠাৎ ছুঁয়ে ফেলে ! ভয়ানক কথা !

সকালে কাজের খোঁজে বেরোলো—ঝাড়ুদারি—কি মরলা সাফাইএর একটা নকরী যদি মেলে ! রাস্তা দিয়ে ছ’জনে চ’লেছে । শোনিয়ার মারের ষা, পিঠের টাটানিটা এত দিনে ঢের ক’মে গিয়েছিল—সে হাঁটতে পারছিল ।

চলেছে চলেছে—আর থেকে থেকে কেউ পথিক আসছে দেখলে কাপড় মুড়ি দিয়ে মাথা মুখ ঢেকে চেঁচিয়ে উঠছে—“পকমা—পকমা পারিয়া—আমরা পারিয়া ।” কখনো রাস্তার নীচে নেমে দাঁড়াচ্ছে ।

আরো একটুকু । গলে গলে রাস্তার দিকে নজর রাখতে ভুলে গিয়েছিল—কলনার কলি ফেরানো ইনারত একখানা আসনানের অন্তরে গড়ে ভুলে ভাল তখন ওদের মনের মতন ক’রে

ভবিষ্যৎ সাজিয়ে নিচ্ছিল। হঠাৎ একজনের সঙ্গে ধাক্কা বেগে গেল। ছুঁজনের ভয়ে অন্তরাশ্মা তকিয়ে কাঠ। ছই হাত ঘোড় ক'রে—উপুড় হ'য়ে শুয়ে প'ড়ে মাথা খুঁড়ে খুঁড়ে বলতে লাগলো—
“ক্ষমা করুন, দয়া করুন, দেবতা আপনি—আমি পারিয়া।”

লোকটা শুনে ধাঁ ক'রে ক্ষেপে গিয়েই মূন্নার টুটি চেপে ধরলো। সে একটা আওয়াজ করতে চেষ্টা করলে—কিন্তু পারলে না। শোনিয়া পাশে কাঁপছিল—ব্রাহ্মণ তাকে জোরে এক লাথি মেরে গর্জন ক'রে উঠলো—“অজাত, অস্পৃশ্য,—ছুঁয়ে ফেলে আনার আজ জাত মারলি—হতভাগা পারিয়া পঞ্চমা” বলতে বলতে লোকটা যেন আরো ক্ষেপে উঠলো—বললো—“না আজ তোদের খুন করবো।”—“না তোর চোখ উপড়ে নোব—তোর বউএর মাথায় লাথ মারবো—তোদের মাথা ভেঙে ফেলবো।” এই বলে আর ঘুঁবি, কীল, লাথির উপর লাথি। মূন্না নীরবে—সেই আঘাত সহিতে লাগলো। সহিতে ত হবেই—সে যে পারিয়া—পঞ্চমা—অনজাত অনাচারী! আবার মার আবার লাথি—আজ কত স্টবে বেচারী?—“হাউ হাউ” ক'রে কেঁদে ফেললো—বলল—“মেরে ফেল—একেবারে মেরে ফেল—ওর ঐ রোগা দেহে মেরে মেরে আর ব্যথা ও নিদা—একেবারে খুন কর।”

ব্রাহ্মণ বড় উঁচু জাত, এত উঁচু যে স্পর্শে তা' চ'স পড়ে—ছুলে তার ধর্ক যায়—সে রাগে গুম্বে গুম্বে উঠতে লাগলো। সে পথ দিয়ে আর একজন লোকও এগোলো না—দূর থেকে তার শব্দ শুনেছিল এ রাস্তায় পারিয়া রয়েছে। কুকুর শ্যাল নয়—মানুষ—কিন্তু পারিয়া—পারিয়া থাকবে রাস্তায়? পারিয়া পশুর চেয়েও অপবিত্র।

গোলমাল শুনে পুলিস এসে প'ড়ে ওদের ছিনিয়ে থানায় নিয়ে গেল। সব কথা শুনে দারোগা সাহেবের একটু দয়া হলো—তিনি জিজ্ঞেস করলেন—“টাকা আছে তোদের কাছে?”

“আছে কিছু হুজুর” বলে মূন্না তাকে সেনাম কল্লো। দারোগাবাবু বললেন—“বা তোরা আজকেই কলকাতায় যা—সেখানে নকরীও মিলবে—পারিয়া বলে কেউ মারবেও না।”

মূন্না অবিশ্বাসে চেঁচিয়ে উঠলো—“এমন সহর কি পৃথিবীর কোথাও আছে—হুজুর?”

দারোগা বললেন—“আছে—ক'লকাতায় যা।”

সেইখানে একজন পাঞ্জাবী ব'সেছিল—সে বললো—“তোদের কোনো ভাবনা নেই আনার সঙ্গে চল,—আমিও ক'লকাতায় যাচ্ছি, সেখানে তোদের বাগানে ঢাকরী ক'রে দোব।”

শোনিয়া আর মুন্না ছ'জনেই তাকে কৃতজ্ঞতা জানালো ।

ক'লকাতার এসে ওরা পৌঁছোলো । পাঞ্জাবীটা কিছু খাবার এনে ওদের দিয়ে ব'লল—
“এইখানে ব'সে থেয়ে নে—আমি খানা পিনা ক'রে এনে তোদের নিয়ে যাব । কিন্তু খবরদার
এ বড় ভারি সহর জোঁচোরের জায়গা—এখান থেকে উঠে কোথাও যাস্নি ।”

মুন্না ঘাড় নেড়ে “না” ক'রলে । লোকটা চ'লে গেল ; তখ খুনি অম্নি আর একজন লোক
তাদের কাছে এসে জিজ্ঞেষ ক'রলে—“তোমরা মালবরী ?”

মুন্না তা'র মুখের কথায় আর চেহারা দেখে বুঝলে সে লোকটা ও তাদের দেশী ; সে “হ'্যা”
ব'লে জবাব দিয়ে প্রশ্ন ক'রলে—“তুমিও মালবরী ।”

“হ'্যা ।”

মুন্না আর শোনিয়া ছ'জনেই হঠাৎ ভয়ে চম্কে উঠে একটু স'রে গিয়ে ব'লে উঠলো—
“আমরা পারিয়া পঞ্চমা ।”

ওদের ভয় হ'চ্ছিল এই বুঝি আবার মার খায় । কিন্তু এ লোকটা হো হো ক'রে হেসে
ব'ললো—“কিছু ভয় নেই তোমাদের—চল আনার সঙ্গে—আমি তোমাদের থাকবার জায়গা
ঠিক ক'রে দোব নোকরী নিয়ে দোব ।”

“হ'—আমি তাকে চিনি ;—সে চা বাগানের আড়কাঠী—সর্বনাশ হবে তোমাদের—মারা
যাবে সেখানে গেলে—আর দেরী নয়—ও এখুনি এসে পড়বে ; শীগ'গির চল—এইবেলা আমরা
পালাই—ও এসে প'লে ওর হাত এড়ানো দায় হবে ।”

তিমুয়া—মুন্না আর সোনিয়াকে এই বস্তীতে নিয়ে এল । তিমুয়ার আদত নাম তিম্নোদরম—
বলে সবাই ডাকে । মুন্নার পরম বন্ধু ; সোনিয়াকে তিম্নোদরম বহিন ব'লে ডেকেছে । সেদিন
ভারির হাত ধরে টানিয়া উঠোন থেকে দূরে টেনে নিয়েছিল ।

তিমুয়া—ছ'জনেরই ময়নাডাঙ্গার পাটের কলে চাকরী নিয়ে ছিল । মুন্না ঠিকনে কাজ
শিখতো—শোনিয়া কলে করলা দেবার কাজ নিলো ।

কলে ভর্তি হবার চার পাঁচদিন পরেই—মালিক এসে দেখলেন—মুন্না কাজ ক'চ্ছে । শোনিয়া
তার পাশে—দাঁড়িয়ে । শোনিয়াকে দেখে মালিকের মনটা সেই মুহূর্তেই ছলে উঠলো তিনি
যাবার সময়—সদ'র মজুরকে ডেকে বলে গেলেন—“ই জেনানাকো—ভারী কান দত দেনা ।”

সর্দার কুলী—“যো হকুম হজুর মালিক” ব’লে সেলান দিবে সাহেব চ’লে গেলে খুব একচোট হাসলো। তা’পর শোনিয়াকে এসে ব’ললো—“মনীব তেরা -হো—মালিক বহৎ সুখ দেগা”—

মুন্নার কাছে কথাটা ভাল লাগলো না। মাস তিনেক পরে -সকালে একদিন সর্দার মজুর একটা রেশমী আড়িয়া এনে শোনিয়ার হাতে দিবে বল্ল—“নে—ধর; মনীব দিয়েছে তোকে শিরোপা—তোর কাজে মনীব ভারী খুসী হয়েছে।”

শোনিয়া মুন্নাকে নিয়ে কুর্জা দেখালো—মুন্না ব’ললো—“লে পেহেন।”

আরো মাসখানেক পরে মালীক আর একদিন কাজ দেখতে এসে—হেসে শোনিয়াকে কাছে ডেকে ব’ল্ল—“তোমারা কাম্বে হাম বহৎ খুসী ছ্যা—এ এঞ্জিনকা কাম ছোড়ায়কে তোমকো পাটমে দেগা—হ’য়া আধা মেহনৎ—সম্বা?”

শোনিয়া জবাব দিল—“সমব্ গেয়া হজুর মেহেরবান;—বহৎ বহৎ সেলাম।”

“হাঁ হাঁ তোমকো হাম—একদম হালকা কাম দেগা” ব’লে মনীব আবার হেসে চ’লে গেল।

দিন যেতে লাগলো—কলের মালিক শোনিয়ার ওপর একটু বেশী মেহেরবান আর অতিরিক্ত রকম মনোযোগী হ’য়ে উঠলেন। মুন্নার মনে কেমন একটা সন্দেহ গোড়া থেকেই জড় নিচ্ছিল কিন্তু সেটাকে সে চট ক’রেই পল্লবিত হ’তে দেয় নি।

এর মধ্যে একদিন মনীব শোনিয়াকে তার বাঙলোর ডেকে পাঠালেন। মুন্নার শুখন মাথার তাড়ির নেশা—কথাটার ভালমন্দ ভেবে দেখবার মতন জ্ঞান তার ছিল না। এই ক’নাসে নেশার পাশ মুন্নাকে শক্ত রকমেই ধরে বসেছিল।

মজুরীবস্তীতে যে বসতি নেয়—তারই বৃষ্টি এ পাপের হাত এড়াবার যো নৈই। এখানকার সব মাতাল! তাদের হাড় চোরানো কাজ নাড়ী চিবোনো ক্ষিধে। বেলা নটা থেকে পাঁচটা লোকগুলো খাটে! উঃ সে কী মেহনৎ! মনে করতেও প্রাণ শিউরে ওঠে! কলের চাপে পিষে সরু করা বস্তার মত—জীবন-ভরা শ্রমের চাপে পাজরের কঙ্কাল ক’খানা চিম্ড়ে লেগে গেছে! গায় মাংস বাড়ে না—খায় কি? রোজগার করে কি? ষড়্ভিক এক আনা! মেহে বে পুষ্টি আগে থেকে থাকে, তাও শুকিয়ে যায়;—চামড়ার আট-সাঁট বাধন—তিনে শিপিগ

হয়ে বুলতে থাকে—ভেতরে কঙ্কালগুলো চলতে খট খট করে বাজে ! হাড়ে হাড়ে ঠক ঠকিয়ে এই হতভাগাদের পঞ্জর-সার ভুবনের কাহিনী দিনরাত্তির লেখা হচ্ছে । চোখ দুটো বসে গিয়ে দেখা দেয়—বড় বড় দুটো গর্ভ—কপালের ওপর শিরার দাগগুলো নীল । জীবনের তাদের কোনো দরদ নেই—বোঝে কেবল পেটের তাগিদ ! ভাবলে কি আর এক দণ্ডও বেচারীরা বেচে থাকতে পারে ? ভাবনা ভুলে যাবার জন্যে ওরা হাঁফিয়ে ওঠে—পাগল হ'য়ে যায় ;—সদ্য চোয়ানো বিষ চোকে চোকে খেয়ে—কোনোমতে মাথাটাকে খাড়া রাখে ।

এ দিকে নেশা গিয়ে অস্তরের পণ্ডটাকে খোঁচা দিয়ে জাগিয়ে তোলে সে হাজার দিয়ে উঠে যদিও সে মরণের বিকার ! শিকার খোঁজে ! ভোগ চাই—এ ওর নারী নিয়ে টানাটানি করে একজন আর এক জনের শত্রু হ'য়ে দাঁড়ায় ।

মুরাও ক্রমশঃ এই জীবনে অভ্যস্ত হ'য়ে উঠ'ছিল । শোনিয়াকে সে ভালবাসে—কিন্তু তার চেয়েও ভালবাসে—ভাড়ি । তবে শোনিয়ার উপর আর যারি ক্ষুধিত চ'খ প'ড়ে থাক তার কাছে আর কেউ এগোতে সাহস পায় নি ! পেয়েছে শুধু একজন । মনীষ ডাকছে ওনে মুরা—অন্যমনস্বে ব'লে—‘যা ।’

একটুকুণ পরে শোনি ফিরে এল যখন—চোখ দুটো তার রাঙা হ'য়ে উঠেছে—ঘন ঘন নিশ্বাস প'ড়'ছিল—ছুটে আসতে গতরের লুগা এলিয়ে গিয়েছে তার খেরাল নেই । এসে চে'চিয়ে ব'লে—“এর শোধনে—তুই শোধ নেবো মরদ্ ! মনীষ বলে—আমার বুলাকী দেবে—কানে কুণ্ডল কিনে দেবে—ওর মুখ ভোঁতা ক'রে দে—সে বলে আমার খাটে ঝোলাবে !”

চট ক'রে মুরা ক্ষেপে উঠ'লো—তার হাতে ছিল একখানা কয়লা দেওয়া কোদালি—তাই ত নিয়ে ছুটলো ! সর্দার মজুর টের পেয়েছিল—সে দৌড়িয়ে গিয়ে ধ'রে ওকে ফিরিয়ে আনলে—মুরা চে'চিয়ে উঠ'লো—“আমি ওর জান নেবো,—ওকে কলে পোড়াবো ।”

সর্দার ব'লল—“খাম্ খাম্ পরে হ'বে ।”

শোনিয়ার ষাড়ে ছনো কাজ প'ড়'লো—সপ্তাহের মাগনা—একটা না একটা মোষে হয় হস্তারই কাটা বাচ্ছে । শোনিরা মনীষের চোখ থেকে সব সময় স'রে থাকে ।

কিছুদিন পরে পরীর দেশ থেকে—একটা খুঁচী এসে শোনিয়ার কোলে হেসে উঠ'লো । সে কলে ছুটা নিল ।

কিন্তু মুন্না যে এখন মদের একটা জালা—যা পায়—তাই যায় নেশায়। শোনিয়া কত বুঝিয়ে বলে—“দারু খাসনে—মদ ছুঁসনে—দুধ কিনে মেয়েটাকে খাওয়া।”

মুন্না বলে—“মাড় পেয়ে আমি বেঁচেছি তোর বেটা খাবে—দুধ ?”

মায়ের বুকের বেঁটা দুধ নেই—ছ’বেলার ভাতও তো তার জোটে না—মুন্না নেশা খেয়ে কড়ি ওড়ায়। মেয়েটা কাহিল হ’তে লাগলো। শোনিয়া কলে ফিরে গেল। মনীষ আবার তাকে ভালবেসে তোষাবার ফিকিরে হালকা কাম দিলে। কিন্তু শোনিয়া মালিকের মনের খবর আঁচ ক’রতে পেরেছিল—সে মুখে কিছু বলতো না—মনে মনে সাবধানে সমিহ ক’রে চ’লতো।

ছোট মেয়ে কোলে ক’রে শোনিয়া কাজে যায় ;—পেটেও দানা নেই—মায়েরও নেই—মেয়েরও নেই। শোনিয়া আর মুন্না ছ’জনের নোজগার মুন্না মদে ওড়ায়—তাড়ি তাকে তাঁলের জড় বানিয়ে ব’সেছিল।

মেয়েটা ক্ষিধেয় কেঁদে কেঁদে গুনিয়ে প’লে—স’্যাতনে’তে মেঝের ওপর তাকে শুইয়ে রাখতো। ওই কচি প্রাণে কত সহবে ? মজুরের মেয়ে হ’লেও মজুর, মুটে, চাষা—মানুষ নয়—তারা মানুষের চেহারায় পশু কিন্তু পশুরই বা কত নয় ? একটা কুকুরই বা না খেয়ে ক’দিন বাঁচে ? বিড়াল একটা বেঁধে শুকিয়ে রাখলে একদিন,—ছ’দিন ; তিনদিন—তারপর দিনতো সে নেতিয়ে পড়বেই। মুন্নার মেয়ে, শোনিয়ার খুকীর অর হ’ল—ভারি ব্যামো—ধুঁকতে লাগলো—জোরে জোরে নিঃশ্বাস প’ড়ছে ? চোখ মেলতে পারে না—সারা মুখ—লাল হ’য়ে গিয়েছে। শোনিয়া কেঁদে মুন্নার পায় ধ’রে বল্ল—“যা বাপুজীর কাছে—উপায় কর—রক্ষা কর—মেয়েটাকে আমার বাঁচা।”

রোগা মেয়েটার মুখের দিকে তাকিয়ে তাকিয়ে—মুন্নার ছাতি ফেটে যেতে চাইছিল—শোনিয়ার প্রাণের কাকুতি তার আহত স্বংপিণ্ডের ওপর শানিত আঘাত দিয়ে গেল—মুন্না ছুটে চ’লে গেল সাহেবের কাছে।

সাহেব এ বস্তীওয়ালাদের পুরোনো বন্ধু ; ওরা বলে—সাহেব-বাবা—সাহেব বলেন—কতভাগারা—বেটা। প্রথম দিন হাওড়া থেকে ফেব্রুয়ার পথেই তিম্নোদরম্ শোনিয়া আর

মুন্সাকে সাহেবের বাড়ী নিয়ে—তার সঙ্গে চেনা করিয়ে দিয়েছিল—সেই দিন থেকে তারাও হয়েছিল—সাহেবের বেটা-বেটা ।

সাহেব কতদিন এসে মুন্সাকে শাসন ক'রে গেছেন—হু হু “আদমী” “রুপেয়া” “কামাই” করে—কিন্তু তবু শোনিয়া—লাল ছাপ্—ছয় গজী লুগা কিন্ছে না—সিঁদুর তার তেলে চুকচুক-কপালের ওপর—তিলকের টানে টক টক ক'রে ওঠে না—পরীবাণু মিশু থুকু—ক্রমেই রোগা হ'রে যাচ্ছে—সাহেব সে সব কথা ব'লে মুন্সাকে কতবার শাসিয়ে গেছেন—আর সে তাড়ি ছোঁবে না—ব'লে প্রতিজ্ঞা করিয়ে নিয়েছেন—কিন্তু কিছু হয় নি—শোনিয়া সাহেবকে কিছু বলতে সাহস পায় নি—কোনদিন যদি কিছু বলেছে—মুন্সার হাতে নিদম মার খেয়ে তাকে প'ড়ে প'ড়ে কাঁদতে হ'য়েছে । আজ মেয়েটার মুখের পানে চেয়ে মুন্সার—সে সব কথা মনে হ'ল—সে হুখে ডুকরে কেঁদে উঠলো ।

সাহেব বড় ডাক্তার নিয়ে এসে খুকীকে দেখালেন । কিন্তু খাজাখীবাবু মোরাতাঘাটকে তার শুশ্রূষার ভার দিয়ে সাহেবকে দূরে বেরিয়ে যেতে হ'ল । কোথায় যেন তাঁর আর কি একটা খুবই জরুরী দরকার ছিল । খাজাখীবাবু দিনরাত খুকীর শিয়রে ব'সে,—হু'পাশে তার বাপ-মা । হতভাগা মুন্স বসে বসে—মেয়েটার মুখের দিকে অপলক চ'খে খানিকক্ষণ তাকিয়ে থাকে—তা'পর হঠাৎ ফুঁপিয়ে কেঁদে ওঠে—চীৎকার ক'রে বলে—“আমি ওকে মারলাম—নিজের হাতে মারলাম—মদ খেয়ে—আমার নিজের বুকের রক্ত—শোনিয়ার কলিজা—মীনাকে—“ও হো হো”—ব'লে মুন্স হাহাকার ক'রে ওঠে—খাজাখী তাকে ধামান্ ! শোনিয়া চেষ্টা করে ওঠে না—তুধু তার হু'গাল ব'রে অশ্রুর ঝারি নেমে আসে—অঁচল দিয়ে মুছে মুছেও সে জল শুকানো যায় না ।

মুন্স কেবলি ভাব্ছে—মদ খেয়ে—সে মেয়েটাকে মানে ! শোনিয়া মীণার মুখের দিকে তাকিয়ে কেঁদে উঠতে চায়—কিন্তু পারে না ।

আরো খানিকক্ষণ । হঠাৎ মেয়েটার জুপিগুটা জোরে দপ দপ ক'রে উঠলো—ক্রমেই আরো জোরে—বাইরে থেকে তার দাপানি-শব্দ স্পষ্ট শোনা যায় ! আর এক লহমা ঘোটে—নাড়ী নেই—একটা যন্ত্রণার শব্দ ক'রে—তার ছোট হুটা চোখের তারা একেবারে হির—পাশ

দিয়ে ছ ফোঁটা জল গড়িয়ে প'ল—দেহখানা—শক্ত কাঠ। “কি হ'ল কি হ'ল—মা—আমার” ব'লে শোনিয়া আছাড় খেয়ে প'ল। মুন্না তাকে বুকে জড়িয়ে নিয়ে চেঁচিয়ে উঠলো—আছাড়ি পিছাড়ি ক'রে কাঁদলো—বুকে চেপে ধ'রে বললো—“জুকে ছেড়ে দেবো না—যেতে দেবো না—” কিন্তু ধ'রে রাখতে পারেনা—ঐ টুকুন মেয়েকে তিন তিনটে লোক ধ'রে রাখতে পারেনা—মীনা—ময়না পাখীটা হ'রে পরী-মেয়েদের ফুলের রাজ্যে উড়ে গেল।

পরের কাজ যা করার মোম্বাভান্না চোখের জল মুছতে মুছতে—সব শেষ করলেন। মুন্না সেই দিনই তাড়ির পেয়ালার চুর চুর ক'রে ভেঙে ফেলল।

পনের দিন কাঁদাকাটীর পর একটু শান্ত হ'ল—মোম্বাভান্না ওদের কলে পাঠিয়ে দিলেন। এখানে সাক্ষাতরা কেউ কোন ছুখ জানালো না। শোনিয়া মুখ বুজে কাজ ক'রে যায়—তার কোলের বোঝা ভগবান হালকা ক'রে দিয়েছেন। সে আর হেসে কথা বলতো না—কাছে এলে মুন্নার মুখের পানে চেয়ে—শুধু অবাক হয়ে থাকতো।

কলের মালিক তার উদ্যত, উদ্যম প্রবৃত্তিকে অনেক দিন শাসন ক'রে থামিয়ে রেখেছিল। শোনিয়াকে সে চায়—কিন্তু জোর ক'রে চায় না—সে জগু অনেক অপেক্ষা ক'রেছে—মনের সঙ্গে ঢের ল'ড়েছে। মুন্না আর শোনিয়া অবাধ্য হয়েছে—কাজে কত অপরাধ ক'রেছে—তবু ছাড়িয়ে দেয় নি—কারণ শোনিয়াকে সে চায়। এ রূপ একদিন অন্ততঃ—সে ভোগ করবেই। ঢের দিন আশায় আশায় গে'ছে—আর সময় না—মালিক এবার ঠিক করলো—আর নয়—আজটাই সেই দিন।

তার বাঙলোর কাছেই শোনিয়াকে পাট মেলে দেওয়ার কাজ দিয়েছিল। বেহারাকে দিয়ে ডেকে পাঠালে—শোনিয়া একবার ইতঃস্তত ক'রে ভয়ে ভয়ে গিয়ে মনীষের ঘরে ঢুকলো।

মালিক হেসে বলেন—“শোনিয়া—হাম্ তোমকো বহং আসনাই করি—আও হি'রা বৈঠ!” মনীষ শোনিয়াকে তার কোল দেখিয়ে দিলেন।

শোকে ব্যথার শোনিয়ার বুকে একটা অতি বড় বেদনার ফস্তু ব'রে যাচ্ছিল—দিন রাত,—বারে বারে এই অপমান—এমন পাপ কথা শুন্তে শুন্তে বেচারী আর ভাবতে পারেনা—কৈদে কৈদে।

মনীষ উঠে দাঁড়িয়ে—“রোও মং মেরে দেল—আও”—ব’লে এগিয়ে এসে তার হাত ধ’রে—
আর এক হাত পিঠের ওপর দিয়ে শোনিয়াকে জড়িয়ে নিতে চাইল—চীৎকার ক’রে উঠে
শোনিয়া—মুচ্ছিত হ’য়ে প’লো—তার মস্তিকে সে দিন এত আলা সহবার বল ছিল না।

মুন্না সব সময় কান খাড়া ক’রেই রাখতো ! চোখে চোখে শোনিয়াকে দেখে রাখতে চেষ্টা
করতো ! অনেকগ সে কাজের উপর ছিল না—তা মুন্না লক্ষ্য ক’রেছিল—এবার তার চীৎকার
শুনে ছুটে গিয়ে—দেখে—শোনিয়ার দেহ ভূঁইয়ে গড়াগড়ি যাচ্ছে।

আহত ক্রোধ-কাতর বাঘের মতন নিষ্পলক হিংস্র দৃষ্টিতে মুন্না, সাহেবের দিকে তাকালো
ছ’মিনিট,—তারপর কিছু না ব’লে—শোনিয়ার অসাড় দেহ কাঁধে ক’রে কলের কাছে এনে
জলের ধারানি দিয়ে—জ্ঞান ফিরিয়ে আনলে। সব কথা শুনে—বুকের রক্ত তার রাগে
টগ্‌বগিয়ে ফুটে উঠলো।

বাড়ী ফিরে এসে, তিমুয়াকে ডেকে মংলব আঁটলে—ও ব্যাটাকে একেবারে জাহান্নামে
পাঠাবে—একদম্ শুমখুন—ওর বুক ভোজালী ব’সিয়ে দিবে।

রাগ আর লাঞ্ছনা—তখন মুন্নার রগে রগে রক্ত ধারার সঙ্গে উত্তাল হ’য়ে ছুটছিল—মুন্না কড়া
শান দিয়ে তার কাটারির তাজা ইম্পাতের মুখে ধার তুলে। ও জানতো, ঐ পাষণ্ড হিলস্লেনের
রোজ রাত কাটার। সেই চোরাই মদের দো কানে—দশটা থেকে বারোটা অব্ধি ব’সে ব’সে
চুর নেশা করে—চুরির চোরানো মদ বেগী লোক সেখানে এ হসঙ্গে হল্পা করে না—খুব সুযোগ—
ঐখানে শয়তানকে ধরতে হ’বে।

মরিয়া হ’য়ে ছুটলো মুন্না। কিন্তু সহজ মাথায় একাজ করা যাবে না। তিন মাস পরে—
গিয়ে আজ তিন খুরী মদ খেলে। আর না—ট’লে না পড়ে—মাথা খাড়া রাখতে
হবে।

নেশা নিমেবেই তার মাথায় রঙ খেলতে শুরু করলো—চোখের সম্মুখে হত্যার বিভীষিকা
রক্তের রঙে রাঙিয়ে উঠে মুন্নার মাথাটাকে নাচিয়ে তুললো—মনে কোনো চিন্তা নেই, প্রাণে
একটুকুও ভয় নেই—একছুটে গিয়ে হিংস লেনে ঢুকলো। ধ’রে বার ক’রে নিয়ে এল পিশাচকে—
কিন্তু পাল্লে না—সাহেব খুনেকে ফিরিয়ে নিয়ে আসলেন।

মুন্নার গল্প শেষ হ'ল আমি অনেকক্ষণ ব'সে ব'সে ভাবলাম। ক্লান্ত, ব্যথিত নরনারীর আশাহীন জীবনযাত্রার কলঙ্কে এই বস্তীর পদলগুলি নিত্য পঙ্কিল—ব্যাধি এদের জীর্ণ জীবনের দিনগুলো নিত্য বিবাক্ত ক'রে তুলছে—এ পদলের পঙ্কোদ্ধারের কি কোনো ব্যবস্থা হ'তে পারে না ?

“আমার মনের—চিন্তাটা যে সাহেবের মাথার ভেতর গিয়ে অনেক আগে থাকতেই কাজ ক'রতে শুরু ক'রেছিল—তা সেদিন টের পাইনি। বুঝতে পারলাম যখন—আহ্লাদে মন ভ'রে গেল,—সে কথা পরে লিখবো।”

“আমরা এখন এই বস্তীর খোলার বাড়ীতেই থাকি। হ'জনের শোবার ছুখানা মড়ার খাটিয়া আছে। বিছানার ভেতর মাহুর—বালিস নাস্তি। বসবার জন্যে আলাদা আর কিছু আমাদের নেই।”

“এখানে সঙ্গীরা সব চমৎকার। হরকিসিম—নানান ড'লের—এ মানুষের দোকানঘর বা চিড়িয়াখানা বলেও চল। কেউ “কুলপী বরফ” ওয়ালা—কেউ বেচে ‘সাড়ে-বত্রিশ-ভাজা’—“নুন বদলে” আছে ক'জন—“শিশি আছে বোতল”ও থাকে ক'টা। “সাড়ী সেমিজ চাই”—৪ জন—পাশের বাড়ীতে জন,তিনেক “লা ব্রিস”। সবাই আলাদা আলাদা থাকে—লা ব্রিসের হম্ভী খেয়ে চাঃড়া চাছা—আর তার মেহেরাকুর ছলছা ছলানী গান দিনরাতই চলে।

কলের ড্রাইভার, পোর্টকমিশনারের ‘কুলী—এরাও থাকে কয়েকজন। আমরা খাই কোনদিন চালে ডালে—কোনোদিন বা চুনো মাছের ঝোল আর ভাত। বিকেলে জুগুখাওয়া—“চেনাচুর”। আমিই র'াধি। সাহেব রিপুকর্ষ করেন।

খাওয়া দাওয়ার আমরা অবিন্যি খুব সাবধানে থাকি—পরিষ্কার পরিচ্ছন্ন।”

“সাহেব মুন্না কে কল ছাড়িয়ে এক মোটর কোম্পানীতে ড্রাইভারি আর অন্ন-বিস্তর কল-কজার কাজ শিখতে চুকিয়ে দিয়েছেন। এ হাওয়া গাড়ীর কোম্পানীটা কেবলি ক'মাস খুলেছে—কলকাতার এ কোম্পানী বোধ হয় এই প্রথম।”

“মুন্না আর তাড়ির দোকানে যায় না—ইস্কুলে রীতিমত পড়ে। এ ইস্কুল সাহেবের এক অপূর্ক কীর্তি। বস্তীতে বস্তীতে সাহেব শ্রমিকদের জন্যে ঘরোয়া কতক গুলো ইস্কুল খুলেছেন

দিনে ছ'বার ক'রে ইস্কুল বসে । বাদের ছপুয়ে ব্যবসা তারা সন্ধ্যার ইস্কুলে পড়ে—আর সন্ধ্যার
বারা ফিরিতে বেরোয়—সে খুব অন্ন কজনই—তারা ছপুয় বেলা পড়ে ।”

পড়ার খুব সহজ—সিগেবাস বা পাঠ্য-তালিকা । আমি নীচে লিখি খানা লিখে দিলাম ।

১ । ইংরাজী ও বাঙলা পড়া

২ । স্বাস্থ্যরক্ষা—খাদ্য, সাধারণ অস্থখের চিকিৎসা—পরিষ্কার পরিচ্ছন্ন থাকবার উপকা-
রিতা—ইত্যাদি মৌখিক বুদ্ধিতে শেখানো হয়—ছোয়াচে অস্থখ যাতে না ধরতে পারে তার
জন্যে ।

প্রতিবেদক উপায়ও—বেশ বিস্তারিত রকম ব'লে—যাতে ব্যবহারও সেই রকম চলে—
সেজন্যে লক্ষ্য রাখা হয় ।

৩ । দেশের খবর ।

খবরের কাগজ পড়ে বুদ্ধিতে দেওয়া সেই সঙ্গে দেশ-বিদেশের খবর সব রকম মুখে মুখে ব'লে
শেখানো । কোথায় থেকে জনকতক মর্টার রেখে দিয়েছেন । তারা সবাই কিছু অদ্ভুত ধরণের
লোক । অতি সাধারণ চাল-চলন ; সাজ-গোজ একেবারেই নেই—অথচ ছ'একজনের সঙ্গে
গল্প ক'রে দেখিছি—সবাই মহা পণ্ডিত—কেউই মহিম পণ্ডিত নন । মোন্নাতান্না এঁদের
ইন্সপেক্টর—সারা দিনের পরেও রাত্তির ১০টা অবধি—টো টো ক'রে ঘুরছে এ-পাড়া—আর
ও-পাড়া । মোন্নাতান্না কোথায় থাকে—তার ঠিকানা কেউ জানিনে—কেউ জিজ্ঞেস করলে
বলে না । সে ছাত্রদের সব—জুটিয়ে নিয়ে ইস্কুলে পৌঁছে দেয়—কেউ অস্বীকার ক'রলে তাড়া
দেয়—ক'াকি দিলে—“টিকটিকি” সাজে—তখন মোন্নাতান্না পাকা গোয়েন্দা ।”

“আমি এক একবার ভাবি—সাহেব এত টাকা কোথায় পান—ওঁর কি টাকশাল আছে !
কিছু বুঝতে পারিনে—জিজ্ঞেস ক'রলে—“হো হো হো” ক'রে হেসে—আমার মন মাথা—
ঘর-বার সব কাঁপিয়ে একটা হরুরা তুলে দেন ।”

পরের রবিবার ।

এখানেও—র'ব'বার এলো—এখন তো সাহেবের—নিত্য বিশ্রাম—রবি-সোম আর কি ?
কিন্তু সাহেব তা স্বীকার করেন না—সত্যিকার ব্যাপারও দেখলাম তাই । সকাল থেকে লোক
আসতে শুরু ক'রলো । সাহেব সকলের কাছে—প্রথম একটা খদ্দা হিসেব নিয়ে—বেশপাকা

“অডিটারের” মতন ভুল চুক খঁতিয়ে দেখে নিলেন। জমা খরচ নিকাশ ক’রে—ওদের কাছ থেকে—টাকা পরস্যা বুঝে নিয়ে—আবার নিজের নোট বই বার ক’রে—পড়লেন। তাতে তাঁর লাভের ভাগ দেবার হিসাব ক’রে অঙ্ক কসা ছিল—সকলের নামে নামে—। যার যার লাভ বুঝিয়ে মিটিয়ে দিয়ে—ঐ হোল্ড অল।” এতদিনে বুঝলাম—ব্যাপার কি! কতকগুলো ফিরিওয়ালা আছে সাহেবের পোষ্য। তাদেরই জন্যে বাস্তব ভরে—জিনিস কিনে শুদাম বোঝাই রাখেন। র’ববার হিসাব নিকাশ। সাত দিনের দেনা পাওনা সেই দিন বুঝে নেন। সকলের টাকায় এক পরস্যা ক’রে সাহেবকে দিয়ে যেতে হয়—সাহেব তাদের নামে—“প্রভিডেণ্ড ফাণ্ড” মানে—নিদেনী-রুজী কিছু কিছু জমাবার ব্যবস্থা ক’রেছেন। অনবরত হো হো হাসেন—আর হিসেব করেন—এ—এক অদ্ভুত লোক। লোকগুলো সব চ’লে গেলে—আমি জিজ্ঞেস করলাম—“এরা কারা?”

এই লোকগুলোই সেই—র’ববার জানবাজারের বাড়ীতে এসেছিল।

সাহেব বল্লেন—“সবগুলো লোক রাস্তায় প’ড়ে মর্ছিল - ডেকে এনে—এই বালাই ঘাড়ে নিয়েছি—দেখোনা গেরো—র’ব্বারেও একই দিনে ঘুমোবার উপায় নেই।”

“কথা শেষ হবার সঙ্গে সঙ্গে—হাসি—হো হো হো। আমি অবাক হ’য়ে ভাবতে লাগলাম—পরের আপদ নিজের ঘাড়ে নিয়ে—সরল হাসি হাসে—নিশ্চিন্তে নিবিড় ঘুম সারারাত্তির ঘুমোর—এ আবার কেমন মানুষ? রাজা, চাকুরে উকীল কি হাকিমও নয়—তবে? কি জানি।

তারিখ আর সময়টা

ঠিক মনে নাই।

মাসখানেক “ফোরগো প্রেসে”,—গঙ্গা পারে—হাওড়ার কলের বস্তীতে দিন কতক “ফুলবাগানে” কিছুদিন এমনি ক’রে বস্তীতে বস্তীতে প্রবাসী হ’য়ে—আমাদের দিন মাস আরামেই কাটতে লাগলো।—সাহেবের পেটলুনের তালির ওপর তালি প’ড়লো—ছুতোয় তিনবার হাপ্পোল বদলালেন—আমাকে কিন্তু ছেঁড়াটেড়া রিনু করা কাপড় চোপড় প’রতে দিতেন না।

এই ঘোরাঘুরি ছিল ব'লেই জীবনটা তেমন আর ততখানি একত্রে লাগতো না। সাহেব যখন—পরের শালে রিপু ক'রতেন—আমি তখন কাগজ কলম নিয়ে—“বনিয়াদি সালের ইতিকথা” কিছা “দোশালার মালেক” ইত্যাদি নাম দিয়ে—এক একটা গল্প বা “স্বপ্ন” যাই হ'ক লিখে—আলফু সময়টা কাটাতে।

**

**

**

**

সেদিন পশ্চিম আকাশে সহসা কালো হ'য়ে উঠে কোনার একখানা মেঘ—জোর জল নামিয়ে দিয়েছিল! সাহেব—দাঁড় কাকের মত জুবজুবে ভিজে—কোথায় থেকে ফিরে ঘরে ঢুকেই “হো হো হো” ক'রে হেসে উঠলেন—হাসির হাওয়ায়—তার ধব'ধবে সাদা দাঁড়ির উপরকার জলের ফোঁটা গুলো ন'ড়ে উঠে ক'রে পল। আমি বললাম—“কি হ'ল?”

My warmest Congratulations.” (আমার প্রার্থের অভিনন্দন)।

আমি কিছু বললাম না—তবু—একটুখানি হেসে বললাম—“আমার তো বিধে নয়”—
“না তোমার গোপন-প্রেমের গুপ্তকথা এই নাও” ব'লে সেই সপ্তাহের—“নন্দিতা” একখানা আমার সামনে ফেলে দিলেন।

আমি কাগজখানা খুলে দেখি—আমার গল্প বেরিয়েছে—“দোশালার মালেক।”

আমার সারা মনে আনন্দ স্পন্দিত হ'য়ে উঠলো। সে যেন আধ ঘুমের ঘোরে জেগে উঠে দেখলাম আমার ঘরে দক্ষিন হাওয়া পাগল হ'য়ে ফুলের রেণু ছড়িয়ে ছুটছে। আমার হাতের লেখা প্রথম ছাপার হরফে উঠেছে।

“সাহেব মোটা মোটা আঙুল দিয়ে আমার গাল দু'টো আদর ক'রে টিপে দিয়ে আবার হো—হো ক'রে হেসে উঠলেন। আমি ভাবলাম এ কী পাগল রে বাপু শুধুই কেবল হাসে।”

কিন্তু শুধু নয় সাহেব ‘নন্দিতা’খানা তুলে নিয়ে তার সম্পাদকীয় পৃষ্ঠাটা উলটিয়ে বার ক'রে বলেন—“পড়” আমি পড়লাম—

“আমি কালি কলিকাতার রাস্তায় বাহির হইলে কিরিওয়ালার লাব্রিস ইত্যাদি নানা প্রকার হরকরাদিগের অত্যাচারে পথ চলা ছাড়র হইয়া উঠে। এ বলে “সাড়ী, সেমিজ চাই, ও বদলায় লবণ খবরের কাগজ বাবু।”—

“সাড়ে বত্রিশ ভাজা”—“ভাজা টাটকা খবর আছে”—“বন্দিতা” এক পয়সা একঠো।”

“নন্দিতা’র এডিটরকে খুব কষেছে”—দেখুন না একখানা কিনে দেখুন জুতোর শুকতলা কি যাহু জানে বুড়ো নন্দিতার “তুবুড়ো গাল খেবড়া করেছে বাবু?” ইত্যাদি।

এরূপ অভদ্র ব্যবহার প্রকাশ্য পথে সম্মানীয় লোকদিগের এরূপ মানি শ্রুতি গোচর হইলে কর্ণে অঙ্গুলি প্রদান করিতে হয়; কিন্তু ক্রেতাগণ তৎপরিবর্তে এ গালাগালি উপভোগ করিয়া হাস্য করেন এবং মূল্য দিয়া ঐ সকল কাগজ ক্রয় করিয়া থাকেন। আমরা বিশ্বস্তমূর্ত্তে অবগত হইলাম ইহার মূলে আছে এক ব্যক্তি বয়সে বৃদ্ধ, পুরাতন পাষণ্ড। সম্ভবতঃ কোন নীচ বংশ সম্ভূত দুষ্কর্শীল পিতার পুত্র হইবে। চৌর্য্য বা দস্যু বৃত্তি দ্বারা প্রচুর অর্থ সংগ্রহ করিয়াছে। সেই অর্থে কতকগুলি তস্করের দ্বারা দিবসে “হকারের” ব্যবসায় করার রাজিতে ধনীগৃহে সিঁদ কাটে নিঃসহায় পথিকের সর্বস্ব কাড়িয়া লয়, সুযোগ পাইলেই পরস্ব অপহরণ করে।

আমরা সবিনয়ে এই দিকে পুলিশ কমিশনারের দৃষ্টি আকর্ষণ করিতেছি। লোকটা অতিশয় চতুর এবং ছদ্মবেশ গ্রহণে তৎপর—উপযুক্ত গোয়েন্দা নিযুক্ত না করিলে তাহার সন্ধান পাওয়া মুকঠিন। আশাকরি কলিকাতার পুলিশ বিভাগ এই ব্যক্তিকে উপযুক্ত শাস্তি দিয়া দেশবাসীর আশীর্বাদভাজন হইতে কাল বিলম্ব করিবেন না।”—ইত্যাদি।—

আমি ছুঁড়ে কাগজখানা মাটিতে ফেলে দিবে “মিথ্যাবাদী ছোটলোক” বলে চেঁচিয়ে দাঁড়িয়ে উঠলাম। সাহেব আমায় ধরে বসিয়ে দিবে সেই নির্ভীক, সরল, অনাবিল হাসি আর একবার হেসে উঠলেন। তারপর বল্লেন—“বয়—এবার একটা ব্যবস্থা কর্তে হচ্ছে—তুমি তৈরী থেকো. কাল সকালে বেরোবো খুব ভোরে।”

তার তিন দিন পর সন্ধ্যা বেলা।

ভোরে উঠেই সাহেব আমার নিয়ে মাঠের দিকে চলতে লাগলেন। তখনো মাঠের ওপর আলো সোণার ঝাঁচল ছড়িয়ে শুকুতে দেয় নি; গাছের নীচে নীচে অন্ধকার অতি তরল-ছায়া ফেলে হালকা টানে কুমারীর মাধমগুল ব্রতের আলপনা টানছিল যেন।

আমরা গিয়ে একটা গাছের ওপর উঠে বসলাম। মাঠে ছ'টা ঘোড়া দৌড়োচ্ছিল। সাহেব গাছের ওপর বেশ সাবধানে সতর্ক মতন আট স'ট জুতসই ভাবে কাত হয়ে নিয়ে দূরবীণ লাগিয়ে দেখতে লাগলেন। আমার হাতে একখানা নোট বই আগেই দিয়ে রেখেছিলেন। এবার বলেন,—লেখ—ফাষ্ট-ব্র্যাক ফোর্টিন অ্যানাস্ স্পেস্।

সেকেণ্ড—ইকোয়াল মানে সমান স্পেস্ একটু ভারি চলে। পা খুব সিত্তর হবে মা।

থার্ড—রোন্ কালার স্পেস্ থার্টিন এ্যাণ্ড হাফ অ্যানাস্ সামনে একটু ঝুঁকে চলে—থারোব্রেড্ ইংলিস বলে মনে হচ্ছে। খুব হোপফুল—হাইলি নিম্বল্, রোখা, তেজী.—ঘাড়ের ভঙ্গীটা চমৎকার বাজী জেত্বার জগুই ও স্পেসালী ব্রেড্—নিশ্চয়। আচ্ছা দেখা যাক।” আমরা গাছ থেকে নেমে পড়লাম একটু পরেই জকীরা ঘোড়াগুলোকে ফিরিয়ে নিয়ে চলল। সাহেব একটা শব্দ ক'রে—কি যেন ইশারায় জানালেন। সেই তিনের ঘোড়াটার সোয়ার আস্তে আস্তে এ গাছটার কাছে এসে মাথাটা একটু হেলিয়ে ঝুঁকিয়ে দিলে। সাহেব ধাঁ ক'রে তার পকেটের ভেতর খান কত নোট মুচুড়ে দলা ক'রে ফেলে দিয়ে জিজ্ঞেস করলেন—“কার ষ্টেব্ল ?”

“ঝুনঝুনি ওয়াল্লা” থারোব্রেড্ ইংলিস ফাষ্ট ফেভারিট ; ষ্টেক থাড্ এণ্ড ইউ উইল্ উইন।”

সাহেব জিজ্ঞেস করলেন “নাম ?”

সঙ্গে সঙ্গে আরো দু' খানা নোট পকেটে।

“ফ্যান্সিফেয়ার ”জকী সেল্ফ হ্যাণ্ডি ক্যাণ্ড্ এক পাউণ্ড অ্যাজ লাইট অ্যাজ এয়ার।”—

“হাওয়ার মত হাল্কা” বলে জকী মুখ ফিরিয়ে ঘোড়া ছুটিয়ে দিল। সাহেব খাতা বার ক'রে ভাড়াভাড়া পাতা উল্টিয়ে ‘পেডিগ্রি পড়লেন—“ফ্যান্সি ফেয়ার” বাপ মা ছই-ই ইংলিস্। বাপ—ডার্কি জিহেছে।” এই ঘোড়াই ধরবো—বয়—আজ রেস্ খেলবো ?”

তার পর দিন।

ঠিক চারটার আমরা রেস্ কোর্সে গিয়ে পৌঁছলাম। বুকীরা, দালালের দল চেঁচামেচি ক'রে ভাল মান্বেরও মাথা গোলমাল ক'রে ফেলবার যোগাড় ক'রে তুললো। কেউ বলে—“ডিউক অ্যালবিউনি” ধরুন—কেউ বললে—“ষ্টেপ্ল্ চেজ্” প্লেস পাবে নির্ধাৎ—জিত্তে যদি চান

“হাকমুনে” “ষ্টেক” করুন। বুকীদের ঘরে লোকের হুড় আর ভিঁড় এক রকম প্রাপ্য পুরিচ্ছে। আমরা সোজানুজি গিয়ে “ফ্যান্সি ফেয়ারে” হাজার টাকার টিকিট কিনলাম। সাহেব আজ ছ’পকেট বোঝাই ক’রে লড়াইয়ের রেস্ট মানে টাকার পুরে নিয়ে এসেছিলেন।

ঘোড়া দৌড়োলো এক বেটা কাত হ’রে পড়ে দেখতে লাগলো সবাইএরই মুখে হাসির কোল কাটিয়ে উষেগের চিহ্নটাই ফুটে উঠছিল বেশী স্পষ্ট হয়ে।

পাঞ্জাবী একজন চেঁচিয়ে বল—“লেগা লেগা ওহি—হঁ! হঁ!”—

আমি দেখলাম “ফ্যান্সি ফেয়ার” পাঁচটা ঘোড়ার পেছনে দৌড়িয়েছে। সাহেব নির্ঝিকার। আমার কিন্তু বুকটা হুঁক হুঁক করছিল—এতগুলো টাকা! চোখের পলকে দেখি ফ্যান্সি ফেয়ার খার্ড—হ’সেকেণ্ডের ভেতর দ্বিতীয়—পাঞ্জাবীটা চেঁচিয়ে উঠলো—“আরে ই-তো ফ্যান্সি ফেয়ার এহি তো লে লেগা বুঝাতা” ফ্যান্সি ফেয়ার প্রাণপণে ছুটেছে; আমাদের কিছু আশা হ’ল তবু—একেবারে টাকাটা যাবে না—দেখতে দেখতে পাঞ্জাবীটা আবার চেঁচিয়ে উঠলো—“হঁ! হঁ! গর্দান বাচায় দিয়া লে লিয়া লে লিয়া।” হাততালি হুলা রুমান ছোঁড়াছুড়ি। কারো কারো মুখ একেবারে আলকাতরা। “ফ্যান্সি ফেয়ার জিতলো। আমরা আজ লক্ষপতি। সাহেব হো হো হো অনবরত হাসছিলেন। মেম সাহেব বাঙ্গালী শিখ অনেকেই এসে তাঁকে অভিনন্দন জানিয়ে গেল। সাহেব কেবল হেসেই তার জবাব দিলেন।

ছদিন পরে।

রাস্তিরের খাওয়া শেষ হ’লে সাহেব আমার বলেন—এইবার বড় মান্ধী কর্তে হবে বর “সোসাইটি জেন্টেল ম্যান” সহরে সম্ভ্রান্ত লোক আমাদের হওয়া চাই। একটা বাড়ী—কিন্বো। রেসে সোওয়া লাখ আরো পঁচিশ হাজার। আমি ধাঁ করে হাঁ ক’রে গিয়ে জিগ্গেব করলেম “আরো পঁচিশ হাজার কিসের?” সাহেব হেসে জবাব দিলেন—“সেই মনে আছে তোমার,—একদিন রাস্তার বেরিয়ে একটা ছুটো তিনটে এমনি করে একখানা লিষ্ট করেছিলেম নোট বইএর পাতায়।”

আমি বল্লম—“আছে।” সাহেব বল্লেন—“সে গুলো বাড়ীর খবর। আমি এগারখানা বাড়ী এক বছরের লিজ নিয়ে দেড়া ছনা লাভে আবার সাবলেট করেছিলাম তাতে লাভ হয়েছে মোটামুটি পঁচিশ হাজার। আমি অবাক হয়ে রইলাম। “ব্যবসা ব্যবসা বয় ব্যবসা বড় টাকশান” বলে সাহেব আবার হাসলেন। আমরা ভারি বাড়ী একখানা কিনলাম।

বিজলী আলো, চকচকে আসবাব পত্র, গালিচা পাতা মেজে, দামী ছবি দিয়ে দেওয়াল সাজানো।

আমি সত্যই আমীরজাদা—আমির হলেন আমার সাহেব। আমীর বল্লেন—“এ বাড়ীতে আর পুলীশ আমায় ধরতে আসবে না। বড় লোকের এ ছত্র মঞ্জীল।”

পড়া শেষ হ'লে সাহেব বল্লেন “বেশ এখন ভূমিকাটা পড়।”

নব'নে গোড়া থেকে পড়া শুরু করলো—“আমি সাহেবের বয়। সাহেব নাহস্ সুহস মোটা কিন্তু ফুটবলের মতন গোলগাল নন। পুষ্টি হাড়, পেশল দেহ অতি শক্তিমান। বয়স পঞ্চাশের কাছাকাছি কি হ' এক বছর ওপর।

ধরির মতন সাদা দাড়ি। লাঠি একগাছা সব সময় হাতে আছে। মোটা গঁটে—পাহারাওয়ালার হাতে হলে তাকে ডাঙা বলতাম। ভাগিয়ে তিনি সেটা যখন তখন যার তার ঘাড়ে ঝাড়ে ন। তা হ'লে আমারও জেল—টারো ফাঁসি একেবারে বাধা ছিল।

“সাহেব আমার পালক—আবার শিক্ষক—ডবল বছরের বাবা—সাধারণ মানুষের চারপাশ বুকের ভেতর জড়িয়ে নিয়ে গুয়ে থাকেন।”

“অমন মাষ্টার পৃথিবীতে বুঝি ঐ একজনই আছেন। বেত মারেন না কিন্তু শেখান। মুখস্থ করবার জন্ত বেঞ্চির নীচে ঘাড় ঠেলে উপুড় করে বসিয়ে রাখেন না কিন্তু মুখস্থ হয়।”

“তিনি জানেন না বোধ হয় শুধু এন্টিমো আর আফ্রিকার মানুষ-থেকে লোকদের ভাষা নইলে এমন ভাষা নেই যা তিনি লিখতে ও পড়তে পারেন না।”

“তাঁর একখানা খাজ আছে তাতে কি যে আছে আর কি যে নেই তার ঠিকানা করা যায় না। সেই-ই হ'ল আমাদের মহাভারত; আর যা নেই ভারতে তা নেই ভারতে।”

নীচে তারা চিহ্ন দিয়ে ফুট-নোট করা—ভারত মানে এখানে পৃথিবী
 তাঁর কাছে আমি ছুতো সেলাই থেকে ছবি আঁকা অবুধি হাতের কাজ সব শিখলাম।
 নিজের দেশ, বিদেশ সব দেশেরই কাব্য সাহিত্য মুখে মুখে শুনেছি মাঝে মাঝে বই থেকে
 পড়ে শুনিয়েছেন। ছ'জনের পড়া হ'য়ে গেলে সে সা বই পুরোনো বইএর দোকানে বিক্রি
 ক'রে দিয়ে টিনের সিগারেট কিনে খেয়েছি।

“আমার কাছে সাহেব যত বড় বিশ্বাস তার চেয়ে বেশী হৈয়ালী।”

তিনি বিড়াল পোষেন না স্ত্রীরাং তাঁর স্বভাব বেদামারা কিনা কুটীল নয়। কুকুর পোষেন
 না কাজেই যাকে তাকে যখন তখন খিঁচিঁচিয়ে খিট মিটিয়ে গুঠেন না। আবার কারো
 কাছে মাথা নীচু করে দিয়ে লুটিয়ে পড়ার মনও তাঁর নয়—শক্ত তিনি সহিষ্ণু ব'লে, মাথা উঁচু
 ক'রে চলেন কারণ তাঁর মাথা আছে। তিনি মানুষ পোষেন স্ত্রীরাং মনুষ্যত্বের দাবী তাঁর
 কাছে যে কেউ করতে পারে—কৃপণও নন কারণ খান ভাল। ব'াদর পোষেন না কাজেই চঞ্চল
 নন—গম্ভীর। পাখী কিনে ছেড়ে দেন স্ত্রীরাং স্বাধীনতা ভাল বাসেন।

“আমি তাঁকে ভয় ত করিই না—ভক্তির কথাও ঠিক বলা কঠিন। তবে আমি তাঁকে প্রাণ
 দিয়ে ভালবাসি, যিশু যেমন ঈশ্বরকে ভালবাসতেন।

এইখানে নীচে নোট করা আছে—“নন্দিতার সম্পাদককে আমি একবার দেখে নোব।”
 এইটুকু বোধ হয় পরে যোগ করা হ'য়েছিল।

শুনে সাহেব বল্লেন—“তোমার কান মলে দেওয়া উচিত—তুমি আমার নামে মিথ্যে কথা
 লিখেছো।”

তা'পর আবার আমাকে কাছে টেনে জড়িয়ে নিয়ে বল্লেন—কিন্তু বয় “নন্দিতার
 সম্পাদককে নিয়ে গোলমাল ক'র না বুড়ো বায়ান্তর বছর বয়স হ'ল—ওকে বায়ান্তরে ধরেছে
 ব'লে আমরাও কি ক্ষেপ যাব?”

নব্নে আর কিছু জবাব দিলে না

ক্রমশঃ—

শ্রীনিমলচন্দ্র চক্রবর্তী।

ভ্রষ্ট-লগ্ন।

অভিমानी বন্ধু আমার কোথায় তুমি কেন বিদেশে,
বে-দরদীর আকুল কাঁদন সেথায় কি গো যায় নি ভেসে !
সে দিন তুমি সাজ অবেলায় এসেছিলে আমার দ্বারে
কুহেলিকার আবছা আলোয় চিনি নি গো তখন হা—রে
এলে যখন আমার দ্বারে ।

ওগো মহারাজ অধিরাজ
হোমার-হেরি ভিখারী সাজ
আঘাত হেনে বিদায় দিলুম কোন্ পাপিনীর পাপ-নিবেশে !

পেয়ে অনেক ব্যথার ছালা বন্ধে বয়ে বেদন ভারী—
শান্তি আশায় এসেছিলে তখন যদি জানতে পারি—
বন্ধভরা বেদন ভারী ।

সাপ্টে টেনে মোহাগড়রে
আসন দিয়ে বুকুর 'পরে
শ্রান্ত শিথিল পা দুখানি মুছে দিহুম মাথার কেশে ।

অনাদৃত জীবন তব দ্বার হতে দ্বার কাহার লাগি
খুঁজেছিল ব্যাকুল চোখে সায়নারি পরশ ম গি,
দ্বার হতে দ্বার কাহার লাগি ।

ভাবলে বুঝি আমার কাছে
 পথের মানিক লুকিয়ে আছে
 তাই এলে কি জিড়িয়ে নিতে বন্ধে ব্যথার বাণ বিঁধে সে।

কেউ তোমারে দেয় নি আদর—দেয় নি স্নেহ ভালবাসা,
 অবহেলা কী তোর ললাটে—লিখেচে সেই সর্বনাশা ?
 বঞ্চিত সব ভালবাসা ।:

আমার বুকের কঙ্ক কবাট
 খুলতে নারি জোর করাঘাত
 ফিরে এলো ক্লান্ত হয়ে ব্যর্থতারি এক নিশেষে ।

এ অভাগীও বোঝার ভুলে চেনে নি তার পূজারীকে
 চায় নি তখন নিঙ্করাণে তার তরুণ প্রেমের পূজার দিকে।।
 চেনেনি তার পূজারীকে ।

দীর্ঘল দিচ্ছি তোমার চোখের
 ছিল নাভো মর্ত্য লোকের
 ব্যথায় তারে ভরিয়ে দিলুম হতাদরের বেকন বিষে ।

আজ অবেলয় তাই যে মনে পড়্চে আমার বারে বারে
 কিসের লাগি আঘাত দিলুম কোন সে খনের অহঙ্কারে ?
 পড়্চে মনে বারে বারে ।

ছিল নাভো---আজো যে নেই
 পৃথারীকে কি ধন যে দেই
 মিথ্যা দিবে মন কী তারে আজ অবেলায় ছলবি শেষে ?

ও রে আমার উদাস-মনা---ওরে আমার পথিক-কবি
 তরুণ বৃকের গহণ তলে লুকানো ও কিশোর ছবি ?
 ওরে আমার পথিক-কবি ।

রক্ত ভুলির রঙিন লেখায়
 যুক্তি কাহার ঐ দেখা যায়
 ও যে আমার--আমার ও যে--ওই যে আঁকা তোর হৃদে মে !!!

এবে আমার ভালোবাসো হায় দরদী পথিক পাগল
 তাই আজিকে অশ্রু বরে ভেঙে আমার চোখের অঁগল ।
 অকারণের পথিক পাগল,
 আক্শোষে মন ডুকরে কাঁদে
 পরাজয়ীর বাথার কাঁদে
 বিজয়িনী অপমান মুখ ঢাকে আজ অঁচল ঠেসে ।

শক্তি আমার আছে কি হায় ধরে রাখা তোমায় হেথা
 পথের দেশে লেগেচে ষার বৃক্বে সে কি ঘরের ব্যথা !
 ধরে রাখার শক্তি কোথা ?

গুঁজেছিলে সে দিন যারে
 ঘৃণা করে আজকে তারে
 অভিমানে কোথায় গেচ সেই ব্যথা যে মনকে পেমে ।

কতই আঘাত পাচ্চ দেখা—আমার কথাই ভাব্‌চো বুঝি
 জানি তুমি অমন ব্যথায় আর কাররে নওনি খুঁজি ।

আমার কথা-ই ভাব্‌লে বুঝি !
 কেউ না চিনুক আমি চিনি
 স্মৃতির আগুণ নিশি দিন-ই,
 ভিখারী সাজ খুলে তোমায় সাজিয়ে দেচে বাউল বেশে ।

আদর ছাড়া চাওনি দয়া ওগো আমার মোহাগ ভীতু
 অজ্ঞো বুঝি তেগনি আছো—বদলে নিক মনের ঋতু ।
 ওরে আমার মোহাগ ভীতু !
 ছল করে সে কথার বেলায়
 একটু খ নিক অনহেলায়
 মুখখানি তোর মালিন হোত—যাইনি ভুলে আজো যে সে ।

সেই গররী দেবতা আমার বক্ষে লবে ছুখের কাঁটা
 দেশ বিদেশে ঘুর্‌চো পেয়ে অনাদরের আগাত কাঁটা
 বক্ষে ধরি স্মৃতির কাঁটা ।

আঁশ-ভাঙার আঙুণ ডালি
 হাহাকারে বাজায় তালি
 প্রতিধ্বনি দূর হ'তে তার রুদ্ধ এ মোর ব্যথার মেশে !

পাহাড় সম হোক না তোমার অভিমানের অটুট ভার—
 শূন্যে যদি পাওগো কভু ঝুঁচে আমার অশ্রুধার ;

টুটবে তোমার মনের ভার ।

দিবস রাতে তোমার লেগে

পাথের পানে রই যে ক্ষেগে

শূন্যে কভু অসুবে নাকো—আসুবে ছুটে কাঁদন-রেণ ।

খ মাথায়ালী বন্ধু আমার আজ কী তোমায় চলতে পারি :
 নীরবে আজ সাঁপিয়া দাও ও জীবনের সকল ভার-ই ।

তোমায় কি আজ চলতে পারি !

গুম্বরে জ্বলা তুষের দাণে

তোমার হাতের পরশ-গাহন

দিক নিভায়ে অঁধার রাতে ঘরে আমার একলা এসে ।

আঙ্কে কেন কোলার শেষে তোমার কথাই পড়্চে মনে
 ফিরিয়ে পেলে নয়ন জলে—চেতুম কমা পথের বনে ।

তোমার কথাই পড়্চে মনে ।

দরদহীনা পুষ্কারিণী
 অপমানের আঘাত জিনি
 দুয়ার পশে দাঁড়িয়ে একা, মুখ তুলে চাও চাও গো হেসে।

বন্দে অলৌ।

দয়ানন্দ সরস্বতী।

— ❀ —

(২)

প্রথম প্রবন্ধ লেখার পর দয়ানন্দ সরস্বতী সম্বন্ধে আরও দুই একটা কথা মনে পড়িল। এই ক্ষুদ্র প্রবন্ধে তাহাই বিবৃত করিতেছি।

বেদ যে অনন্ত নহে এতৎ সম্বন্ধে তিনি আরও এই বৃত্তি প্রদর্শন করিয়াছিলেন যে মনুস্মৃতিতে এই ব্যবস্থা আছে যে ষাটশ বৎসর গুরু-গৃহে বাস করিয়া চারিবেদ অধ্যয়ন করিবে অর্থাৎ তিন তিন বৎসবে এক এক বেদ পড়িয়া শেষ করিবে। সুতরাং চারি বেদ যখন বার বৎসরে পড়িয়া শেষ করা যায় তাহা অনন্ত হইতে পারে না।

একদিন মহর্ষি দেবেন্দ্রনাথ ঠাকুরের সহিত দয়ানন্দের সাক্ষাৎ হইয়াছিল। কিন্তু পরস্পর কোন আলাপ হয় নাই। দয়ানন্দ তখন কোন বন মধ্যে থাকিতেন। একদিন জ্যোতিঃসম্পন্ন পরম রূপবান এক পুরুষ বেদোচ্চারণ করিয়া তাঁহার নিকটে সমুপস্থিত হইয়া তিন চারি পল মাত্র সময় উপবেশন করিয়া উঠিয়া চলিয়া গেলেন। তিনি সে স্থান ত্যাগ করিবার পর দয়ানন্দ অন্য লোকের মুখে শুনিলেন যে তাঁহার নাম দেবেন্দ্রনাথ ঠাকুর।

একদিন কথায় কথায় রাজেন্দ্রলাল মিত্রের কথা উঠিল। দয়ানন্দ তাঁহার অসাধারণ বিদ্যাবত্তার সংবাদ পূর্বেই শুনিয়াছিলেন। উপস্থিত একজন হিন্দুস্থানী পণ্ডিত বলিলেন “শুনিয়াছি রাজেন্দ্রলাল জাতিতে শূদ্র, অগচ তিনি এত বড় বিদ্বান্। এ বড়ই আশ্চর্য্য।” দয়ানন্দ বলিলেন “তিনি যে শূদ্র এ কথা আমার বিশ্বাস হয় না, আমার বোধ হয় তিনি অশ্রুষ্ঠ।”

কলেজের কোন ছাত্র দয়ানন্দের কাছে গেলে তিনি জিজ্ঞাসা করিতেন সে সংস্কৃত কিছূ পড়ে কি না। সে রঘুবংশ বা কুমারসম্ভব পড়ে বলিলে দয়ানন্দ বলিতেন মনুস্মৃতিঃ কথং ন পঠ্যাতে? কাব্যৈঃ সত্যনাশঃ ক্রিয়তে।

দয়ানন্দকে একাধিক বার বলিতে শুনিয়াছি যে মনুসংহিতায় পঁচিশটা প্রক্ষিপ্ত শ্লোক আছে। প্রচলিত রাগায়ণেও বহু প্রক্ষিপ্ত শ্লোক আছে এ কথাও বলিতেন।

শ্রাদ্ধ তর্পণ ও হোম দয়ানন্দের মতে সকলেই দৈনিক অবশ্য কর্তব্য। শ্রাদ্ধ ও তর্পণ কেবল পিতা, পিতামহ এবং প্রপিতামহের উদ্দেশ্যেই করিতে হয়। প্রতাহ এই তিন মৃত পূর্ন পুরুষের নাম স্মরণ করিলে দায়ভাগে ভুলের সম্ভাবনা থাকে না। পিতা, পিতামহ এবং প্রপিতামহ এই তিনটী শব্দ ঈশ্বরেরই নামান্তর। সুতরাং শ্রাদ্ধ তর্পণ করিলে পূর্নপুরুষের সঙ্গে ঈশ্বর স্মরণও হয়। তর্পণ করিতে হয় মধ্যাহ্নকালে যখন সূর্য্য তাপে জগৎ উদ্ভৃষ্ট হইয়া উঠে। কোন বৃক্ষমূলে বসিয়াই তর্পণ কর্তব্য এবং তর্পণের জল সেই বৃক্ষ মূলেই ঢালিতে হয়। ইহাতে বৃক্ষের উপকার হয়। ইহা হইতে এই শিক্ষা লাভ হয় যে কেবল জল দিয়াও পরোপকার করা যায়। বৃক্ষকেও যখন উপকার করা উচিত তখন উচ্চতর জীবকেও দয়া প্রদর্শন করা কর্তব্য এবং পিনা মূল্যের বস্তু জল দিলেও যখন কাহার না কাহারও হিত হয় তখন মূল্যবান বস্তু দান করিলে যে অধিকতর হিত হইবে তাহা বলাই বাহুল্য। তর্পণ ও শ্রাদ্ধে যে দত্ত দান করা হয় তাহা প্রেতগণ গ্রহণ করেন না—তাঁহাদের নাম স্মরণ করিলে আমাদেরই হিত হয়।

আর হোমে জগতের মঙ্গল হয়। মৃতের আত্মা পুনে পরিণত হয়। সেই পুনের স্পর্শে মেঘ বিশোধিত হয় এবং বিশোধিত মেঘের বৃষ্টিতে জগতের কল্যাণ হয়; যেহেতু সেই বৃষ্টির জলে শস্যের উন্নতি হয়। এইরূপ ব্যাখ্যাকেই পরবর্তী সময়ে শ্রীমুক্ত গণধর তর্কচূড়ানগি মহাশয়

বৈজ্ঞানিক ব্যাখ্যা নাম দিয়াছিলেন। দয়ানন্দ বলিতেন যে ঘৃত দ্বারা সম্বলন করিলে যেমন ব্যঞ্জন স্বাদ ও স্বাস্থ্যকর হয় তেমনি মেঘের জলও স্বাদ ও হিতকর হয়।

এই ব্যাখ্যা বৈজ্ঞানিকই হউক বা বালকোচিতই হউক, আর্য্যসমাজভুক্ত নরনারী প্রত্যহই হোম ও তর্পণ করিয়া থাকেন। সংসারে চিরকালই সমাজ মধ্যে বহু কুনস্কার ও বহু উপদ্রব্য থাকিলেই থাকিবে কিন্তু এই হোম ও তর্পণের মত নিরীহ উপদ্রব্য অতি অল্পই আছে।

নিজের মতামত প্রকাশ করিয়া একথানা পুস্তক লিখিবার জন্য কেহ যদি দয়ানন্দকে অনুরোধ করিত তাহা হইলে তিনি বলিতেন “ভরতখণ্ড শত শত সম্প্রদায়ে বিভক্ত হইয়া দুর্দল হইয়া পড়িয়াছে। আমি পুস্তক লিখিলে নিশ্চয়ই আর একটা সম্প্রদায়ের সৃষ্টি হইবে। তাহা আমি ইচ্ছা করি না।” আর একটা এই বলিতেন “আমি নিজে বসিয়া বসিয়া লিখিতে পারি না। আমি বলিয়া দিলে লিখিয়া লইতে পারে এমন লোক আমার নাই।”

পরে কিন্তু দয়ানন্দ পুস্তকও লিখিয়াছিলেন এবং তাহার মতাবলম্বী এক সম্প্রদায়েরও উদ্ভব হইল। কিন্তু নূতন সম্প্রদায় হইলে ভরতখণ্ড অর্থাৎ ভারতবর্ষ আরও দুর্দল হইবে বলিয়া তিনি যে আশঙ্কা করিয়াছিলেন সেরূপ কুফল কিছুই হয় নাই। তাহার প্রবর্তিত আর্য্য সমাজের অভ্যুদয়ের ফলে ভারতে নূতন শক্তির সঞ্চার হইয়াছে। আমি যতদূর অবগত আছি তাহাতে আর্য্য সমাজীদের মত যাহাই হউক কার্য্যে তাহারা নিষ্কল্যা হইয়া বসিয়া বসিয়া ধ্যান করিয়া সময় নষ্ট না করিয়া প্রকৃত ধর্ম্মকর্ম্মের অনুষ্ঠান করিয়া থাকেন অর্থাৎ কিসে সংসারের মুখ বৃদ্ধি করিবেন কিসে সংসারের দুঃখের লাঘব হইবে এই চেষ্টাতেই ব্যাপৃত আছেন। ভারতবর্ষের সর্ব্ববিধ উন্নতির যে প্রধান অন্তরায় জাতিভেদ তাহারই উচ্ছেদ করিয়া অবনত এবং অবনতিত জাতি সকলকে উত্তোলন করিয়া আর্য্যসমাজ ভারতের প্রকৃত কলাগ সাধন করিতেছেন।

শূদ্র শ্রমজীবী অন্ন তিনি আহাৰ করিতে পারেন কিনা এ কথা জিজ্ঞাসা করিলে দয়ানন্দ বলিতেন শূদ্র যদি নথ কেশ কাটিয়া ভালরূপে অঙ্গ প্রক্ষালন পূর্ব্বক রন্ধন করে তাহা হইলে তাহার আপত্তি নাই। শূদ্র বলিলে তিনি অশিক্ষিত অপরিচ্ছিন্ন লোকই বুঝিতেন। ব্রাহ্মণকুলে জন্মিয়া যাহারা বেদাধ্যয়ন করে নাই বা অন্য কোনরূপ বিদ্যা শিক্ষা করে নাই তাহারাই দয়ানন্দ সম্বন্ধীয় মতে শূদ্র।

শ্রী.বীরেশ্বর সেন।

শরচ্ছন্দ ।

(কামেল ছন্দ)

শরতের আকাশ,—তাঁহে নাই জলদ ।

স্বরণের অ'ভাস,—কিছু নাই গলদ !

লাগে খুব মধুর,

মন প্রাণ-বঁধুর

শশীমুখ প্রকাশ,—দেখি আয় জলদ

সেবি' আয় অনিল,—সমতুল সুধার ;

দেখি আয় সুনীল নভোরূপ উদার ।

পাশে যোর ছাদের

দ্রব-হেম চাঁদের

নব চাঁদ, অখিল জগতের দু'ধার !

ধরো গীত কামোদ,—নব সুর দীপন !

করে তাই । আঃমোদ,—উপভোগ, জীবন ।

শোভা এই বিশদ,

ভরি দিক্ ঈষৎ

তব মন অরোধ ! ভুলে যাক,—কি পণ !

শ্রীচণ্ডীচরণ মিত্র

হাসির দাশ।

—:(#):—

সে ছিল কোনও পতিতার তথাকথিত মেয়ে। যার জীবনে যৌবন সমাগমে আত্মবিক্রম ভিন্ন অন্য কোনও বৃত্তি নির্দিষ্ট ছিল না; তা' করতে সে যেন বিধাতার আইন অমুসারে বাধ্য। কাজটা ভাল কি মন্দ—তা' কখনও তার ভেবে দেখবার অধিকার ছিল না। তার মা বলে পরিচিত জীবটি তাকে যে নির্দিষ্ট পথে চালাবে—সেই হতে হবে তাকে সেই পথে!

তখন ছিল সে খুব ছোট। তার নির্দিষ্ট ভাবী-জীবিকাই হোক অথবা আর একটা অবলম্ব্য কিছু আমার দৃষ্টিকে তার দিকে লক্ষ্য করতে বাধ্য করেছিল।

তার চেহারায় একটা বিশেষত্ব ছিল—কমনীয়তা, তাকে দেখলেই ভালবাসতে ইচ্ছা হ'ত। তাকে দেখলেই আমার চোখ জলে ভরে উঠ'ত—আর মনে হ'ত—হায়! এমন কুম্বনেও কীট দেখা দেবে!

ক্রমে তার বয়স হ'তে একটা জিনিষ আমার চেখে ধরা পড়ে গেল;—সময় অসময় নেই—আমাদের মেসের প্রতি তার উদাস দৃষ্টিতে কেমন ব্যাকুল ভাবে চাহনি।

কেন বলতে পারি নে—আমি ঠিক ভাল ছেলের বই পড়ার মত তাকে পড়তে লাগলাম। তার ফলে বুঝতে পারলাম—তার সে চাহনির লক্ষ্য আমাদের মেসের প্রবেশ। প্রবেশ যখন পড়তে যার—পারল তখন তেমাথার রাস্তায় একটা দোকানের পাশে গিয়ে দাঁড়ায়, তার বুদ্ধগু দৃষ্টি দেখলে বোধ হয় লে যেন চোখ হ'টো দিয়ে প্রবেশকে গিলে ফেলেতে চাচ্ছে।

প্রমেশ কিন্তু ছিল—খুব ভাল ছেলে,—Stoic moralist—অর্থাৎ যারা ও-জাতিকে বড়ই ঘৃণা করে—ঠিক তাদের দলের, পাক্লদের বাড়ীর পাশ দিয়ে গেলে কলেজ কিছু 'সটকাট' হ'তে পারে—কিন্তু পাছে কলেজের আব' হাওয়া লেগে মন ময়লা হ'য়ে যায়—সেই ভয়ে ও-রাস্তার সংস্পর্শটাকেই সে বাড়িয়ে চলেত ।

কাল কারও মুখের পানে চায় না ক্রমে মকরকেতন পাক্লের অঙ্গেও পূর্ণতার চিহ্ন সৌন্দর্য-রাগে এঁকে দিল । চারিদিক হ'তে মন্য প্রকৃষ্টিত ফুলের পাশে মৌমাছির মত সৌখিন বাবুর দল তাকে ঘিরে দাঁড়াল । কিন্তু এঁখানেই দেখলাম মত গোলমাল । বাবুর দলকে দেখলেই ঘৃণায় তার মুখ কেনন বিবর্ণ হ'য়ে যেত—সে বৃক্ষ না বৃক্ষি—ওই বাবুর দলের খোন-মেজাজের বিনাময়ে তার ভাতকাপড়ের সংস্থান ।

ক্রমে দেখলাম—না-হাস্কার জন্ত তার উপর অত্যাচার হ'তে আরম্ভ হ'ল । এক এক দিন সে অত্যাচার নজরে পড়লে মনে হত—নেসের ঘর বদলে ফেলি । কিন্তু কাজে তা' হত না । আমার প্রাণ তখন প্রেমের খেলা দেখার নেশায় ভোর, আমি আমার ঘরের জানালাটার নেশা কিছুতেই ছাড়তে পারলাম না ।

এই সময় এমন একটা ঘটনা ঘটল—যাত্র প্রমেশকে প্রায় অষ্টপ্রহরই পাক্লের চোখের উপরে থাকতে হ'ত । প্রমেশ রাজা গজেন্দ্রনারায়ণের ছেলের 'গার্জেন্-টিউটারি'তে নিযুক্ত হ'ল ।

রাজা গজেন্দ্রনারায়ণের বাড়ী পাক্লদের বাড়ীর ঠিক সম্মুখে এবং সে ঘর ও সংস্পর্গ দ্বারা মাটি প্রমেশ ব্যবহারের জন্ত পেল—সে ড'টিও ঠিক পাক্লের ঘরের সামনে । পাক্লের ঘরের জানলা গুলে সটান প্রমেশকে দেখা যেত । ক্বাজেই আজকাল প্রমেশের পাক্লকে দেখা না দিয়ে আর গতাস্তর ছিল না ।

আমি কোনও দিন পারুলকে দরোজায় দাঁড়াতে দেখি নি'। কিন্তু কলেজের ছুটির পর যে সন্ধ্যায় প্রমেশ আপনার জিনিষপত্র রাজা-বাহাদুরের বাড়ীতে নিয়ে যায়—সেই সন্ধ্যা দেখলাম—পারুল যথাসম্ভব সজ্জিত আপনার দেহ-লতাটিকে টেনে ছন্নারের উপকণ্ঠে দাঁড়াল, দেখতে লাগলাম—ক্রমে তার ক্ষুধিত আয়া প্রমেশের অধেষণে ব্যাকুল হ'য়ে উঠেছে।

'খাড-ইয়ারে' আমার স্বাস্থ্য বড় খারাপ হওয়ায় জল বায়ু পরিবর্তনের জন্তু পশ্চিম যাই। এক বৎসর কলিকাতার মেসের কোনও খবর জানতে পারলাম না। কিন্তু প্রাপ্তা এক একবার পারুলের খবরের জন্তু উদ্গ্রীব হয়ে উঠত।

সেদিন পুরো একবৎসরের পর ফের কলিকাতায় পড়তে এলাম। দেখলাম—অনেক জিনিষ উল্টে গিয়েছে। কেবল একটা জিনিষ উল্টাই নি'—অর্থাৎ প্রত্যহ সন্ধ্যায় পারুল প্রমেশের অপেক্ষায় ঠিক আগেরই মত সেই ফুটপাথের পাশের জানলার বসে থাকত।

হ' এক দিনের মধ্যেই শুন্লাম—গভেজনারায়ণের মেয়ের সঙ্গে প্রমেশের বিয়ে।

আজ গোখুলি লয়ে প্রমেশের বিয়ে; আমরা বরযাত্রী এসেছি। এমন সময় পিয়ন এসে একটা 'ইন্সিওর' দিয়ে গেল। 'ইন্সিওর'টি প্রমেশের নামে আসছে। 'ইন্স' হয়েছে বৌবাজার পোষ্ট-অফিসে।

প্রেরকের যে নাম বা যে ঠিকানা—পরে অনুসন্ধান ক'রে জানলাম—সে নব্বরের বাড়ী—বোধ হয় সে নামের মানুষও কলিকাতায় নেই।—অন্ততঃ যে পাঠিয়েছে—তার পরিচিত।

'ইন্সিওর'টি খোলা হ'ল। দেখলাম—একটি চেন ও বড়ি—আর এক ছড়া হার। এক টুকরা চিঠির কাগজে লেখা আছে—“জীবনের প্রিয় বন্ধু প্রমেশের পরিণয়ে উপহৃত হইল। ইতি অনৈক অজ্ঞাত অশক্ত বন্ধু।”

দেখলাম—ঘড়ির লকেটটিতে শিল্পীর কারুকার্যে যথেষ্ট। কিন্তু কাছে গেলেই বুঝতে পারলাম—সেই কৌশলের ভিতর ঢাকা—অথচ বেশ স্পষ্টাক্ষরে লেখা আছে—লকেটের গায়ে—
“শ্রীবৃক্ষ প্রমেশচক্র যারের করকমলে ।”

এই দেখে মনে হ’ল—খুঁজে দেখি কোনও খানে প্রেরকের নামের গন্ধ আছে কিনা? কিন্তু চেনটিতে বা লকেটটির কোনও খানে প্রেরকের নামের চিহ্নও পেলাম না।

খানিক পরে হার ছড়াটি হাতে তুলে নিলাম। একটু দেখতেই বেশ যোঝা গেল—হারের গায়ে সোণার তারাগুলি এমন ভাবে সাজান’ আছে যে—একটু চেষ্টা করলেই তিনটি অক্ষর ধরে নেওয়া যেতে পারে। সে তিনটি অক্ষর—“পাকুল।”

আমার চোখ দিয়ে অজ্ঞাতসারেই এক ফোঁটা অশ্রু এসে মাটিতে পড়ল। ব্যথিতা পতিতার ব্যথার আধি কেমন একটু মুসড়ে পড়লাম। বিবাহের ‘কমেডি’ আমার কাছে ‘ট্রাজিডি’ ঠেকতে লাগল। বিবাহ সভার আর থাকতে পারলাম না। পথে নেমেই দেখি—পাকুল রাস্তার পাশে উপরের জানলাটিতে দাঁড়িয়ে গজেন্দ্র বাবুর বাড়ীর পানে চেয়ে আছে। মনে হ’ল—তুমি যেকোনো নিকাম ভাবে দায়িত্বের আলিঙ্গনে প্রিয় স্পর্শের অভিজ্ঞতা কর—সে অতি মহৎ—অতি উদার।

* * * *

আমি সবে মাত্র শকুন্তলা খুলে পড়তে ছিলাম—

“আবাধ্যস্তে ন খলু মদনৈঃ প্রাপ্তকালঃ কুমর্যোঃ ।”

আর পড়া হ’ল না। পাকুলের মার কর্কশ স্বরে আমাকে উবিঘ করিল। উঠে গিয়ে দেখি—নির্দয় প্রহারে পাকুলের মুচ্ছা হয়েছে। একবার ইচ্ছা হ’ল—ঘাই, ওর মধ্যে ছুটে গিয়ে পাকুলের শুক্রবা করি। কিন্তু সেটা আমার অনধিকারচর্চা ভেবে নিরস্ত হ’লাম।

সন্ধ্যায় একটা বড় কালো ঘোড়ার জুড়ি এসে পাকুলদের ছুঁতে দাঁড়াইল। একটা ছিপ্‌ছিপে বাবু মেমে ভিতরে গেলেন। বুঝতে পারলাম—তিনি পাকুলের বন্ধক (না ভক্ষক?)

অভ্যাস মত ঘরের সেই জানালাটিতে দাঁড়ালাম। এ জন্তু কত ছেলে কত রকম ঠাট্টা-বিদ্রূপ করত—তবে আমি তা' গ্রাহ্য করতাম না।

পাকুলের মা পাকুলকে সঙ্গে ক'রে ঘরে আনল। সে সময় তার মুখ দেখে আমি চমকে উঠলাম। সে মুখ এত ফ্যাকাসে—এত রক্তহীন ; যেন মরার মত নিশ্চিত।

হঠাৎ তার মুখ উজ্জল হ'য়ে উঠল। সেই ফিকে পাটলের মধ্যেও রক্তের কণা ছুটে গেল। তার ঠোঁট ছ'টিও একটি ক্ষীণ হাসির রেখায় রঞ্জিত হ'য়ে উঠল। তার কারণ বুঝবার জন্তু আমি তার চোখ লক্ষ্য ক'রে তাকালাম। তখনই বুঝতে পারলাম—তার হাসির কারণ। খোলা জানলার পথে দেখা যাচ্ছে—প্রমেশ ও প্রমেশের স্ত্রী রসালোপে মগ্ন। হায় প্রেম ! যথার্থই তোমার দেবতা অন্ধ ! গুণ-সম্পর্ক-বিচার-বিহীন !

বোধহয় সেই হাসির ফলে বাবুর মন একটু প্রসন্ন হ'ল। তিনি গোটাকতক টাকা তার অঙ্ক লক্ষ্য করে ছুড়ে দিলেন। টাকাগুলি ঝন্ঝনিয়ে মাটিতে পড়ল। বাবুর ও টাকার দিকে তার লক্ষ্য ছিল না। সে আগেরই মত সেইদিকে তাকিয়ে আছে। তার মা টাকাগুলো তুলে নিল।

বাবু একটু' নেশা-বিহ্বল ছিলেন। তাঁর পাকুলের ব্যবহার লক্ষ্য করবার ক্ষমতা ছিল না। শুধু হাসি-টুকু লক্ষ্য করেই তিনি ফরমাস করলেন—“বিবিজান্—একটা গান।” পাকুল গান গাইল—কিন্তু একটুও নড়ল চড়ল না।—

“রাধা ত' কলঙ্কিনী শ্যাম তব তরে
তুমি যে প্রেমের গুরু গোকুল ভিতরে।
হে নাথ প্রেমের পতি—
তব প্রেম উ'চু অতি—
পরশে অক্ষয় তাহা গোপিনী-নিকরে।
নাগরী বেঁধেছে প্রেমে তোমার নাগরে।”

গান তার চির-বিরহ-দগ্ধ-হৃদয়ের সেই করুণ উদ্গাদনা !

এই সময় খাওয়ার ঘণ্টা পড়ল—ফিরে এসে দেখি—পাকলের যুঁজিত দেহে জল সেক করতে করতে তার মা বকছে—“আঃ মলো! আর পারি নে’। মেয়েটার রূপ-গুণ ছিল, ভেবেছিলাম—আমার বরাত খুলবে। কিন্তু পাজী মেয়ে রীতের দোষে—খারাপ ব্যবহারে সব আশা নষ্ট করে দিল।”

*

কয়েক দিবস গেল। তার মা চিকিৎসা শুশ্রূষা করে তাকে সারিয়ে তুলল। সারলেও তখনও তার শরীরে বল হয় নি’। সে সেই জান্াটির পাশে খাটের উপর শুয়ে গজেন্দ্রনারায়ণের বাড়ীর পানে চেয়ে থাকত। আর বোধহয় আপনার অদৃষ্টকে দিক্কার দিত—সে কেন ও-বাড়ীর মেয়ে হয়ে জন্ম গ্রহণ করে নি’।

প্রমেশ আমাদের মেস হতে চলে যাওয়ায় সঙ্গে সঙ্গে আমাদের আগেকারের আলাপটা নষ্ট হয়ে গেল। তাই এবার—নতুন করে তার সঙ্গে আলাপটা ঝালিয়ে নেওয়ার একটু সুযোগ খুঁজতে লাগলাম। কেন না—‘ফোর্থ-ইয়ারে’ উঠায় সে আর যখন তখন সে ঘরটি বা বারান্দার উপর আসত না। শুধু দেখার আশায় হতেও পাকলকে হতাশ হয়েছিল।

আমার এক বৎসর নষ্ট হওয়ায় প্রমেশের সঙ্গে আলাপ গাঢ় করতে একটু সুবিধা হ’ল অর্থাৎ এখন আমরা দুই জনেই এক ‘ইয়ারে’ পড়ি।

অল্পদিনেই আলাপ জমানোর সফলতার আনন্দে মেতে উঠলাম। কারণ আজ ক’দিন ছলে কলে আমি তাকে বারান্দায় ধরে রাখতাম। অবশ্য সে জন্য আমাকে অনেক সময় তাদের বাড়ীতে থাকতে হত। তাতেও মনে সাহসনা ছিল—পাকলের হৃদয়ের তবুও একটু শাস্তি আনতে পেরেছি।

একদিন আমি প্রমেশকে বললাম—“জানো, কে তোমায় চেন ঘড়ি ও হার ‘প্রোজেক্ট’ করেছে?”

সে জিজ্ঞাসা করল—“কে?”

আমি “ওই দেখ”—বলে জান্নার পাশে সেই একই ভাবে দাঁড়ানো পারুলকে দেখিয়ে দিলাম।

প্রমেশ বলল—“ও দেবে কেন?”

আমি সমস্ত ঘটনাটি বর্ণনা করলাম এবং ‘লকট’ ও হারের গায়ে খোদাই করা নামগুলিও দেখিয়ে দিলাম। দেখে ও শুনে প্রমেশ চটে উঠল—সে আমাকে বলে বলল—“কিরণ, তোমার ‘মিস্কান্ডাক্টে’র বিষয় আমি জান্তাম; কিন্তু তুমি যে এতদূর নষ্ট, তা’ আমি জান্তাম না। যেহেতু তুমি আর একজনকেও ওই পথে নিবে ছেতে চাও। চলে যাও—তুমি এখান থেকে। আর এখানে এসো না।”

তখনই সে দারোয়ান দিয়ে উপহারগুলি ফিরিয়ে দেওয়ার ব্যবস্থা করল।

চরিত্রের উপর আঘাতে আমিও উত্তেজিত হয়ে উঠেছিলাম। কিন্তু তখনই মনে হল—ব্যাপারটি যে ভাবে চলছে—তাতে বাড়াবাড়ি হলে আর একজনের বুকটা ভেঙ্গে চুরে মুসড়ে দিয়ে যাবে। আর রাগ করা হ’ল না। আপনাকে সামলে নিলাম। প্রমেশকে বুঝিয়ে বললাম—“ষড়ি, ষড়ির চেন ও হার আমার কাছে দেও, আমি তাকে বুঝিয়ে-সুঝিয়ে ফেরৎ দিব।”

প্রমেশও গম্ভীর ভাবে ঘণার সঙ্গে দ্রব্য কয়টি আমাকে ফেরৎ দিল—এমন ভাবে দিল—যাতে বোঝাল—সে যেন পাপ-মুক্ত। হার রে মানুষ, তুমি বৃকের ব্যথা বোধ না।

আমি বাসার এসে দেখলাম—সেদিনের সেই কালো জুড়িতে আর সেই পাতলা বাবুটি আজ আবার এসেছে।

কেমন একটা মনের মধ্যে ভয়ের সঞ্চার হ’ল।

সেই জান্নার গিরে দেখি—আজও সেইদিনের মত তার উপরে সমান ভাবে অত্যাচার—মারধর চলছে। রক্ত শরীর বলে কেও তাকে রেহাই দিচ্ছেনা।

আজ আর সহ করতে পার্লাম না—একজন সহদয় পুলিশ অফিসারের সাথে তাদের বাড়ী গিয়ে হাজির হলাম। পুলিশ দেখে বাড়ীর সকলে ভয়ে ‘জড় সড়’ হয়ে গেল।

আমি অন্য কোনও দিকে ত্রক্ষেপ না করে যখন তার কাছে গিয়ে পৌঁছলাম—তখন সে প্রায় খাবি খাচ্ছে।

খানিক পরে বোধ হল—প্রদীপ নিবে যাওয়ার আগে জলে উঠল—সে একবার তাকাল—কিন্তু তাও সেই প্রমেশের দরোজার পানে। অমনি মরণাহতের মুখ হাসিতে ভরে গেল। আমিও সঙ্গে সঙ্গে তাকিয়ে দেখি—প্রমেশ বারান্দায় দাঁড়িয়ে।

ও-বেলার সকল অপমান ভুলে গেলাম। বলে উঠলাম—“পাকল, প্রমেশকে ডেকে আনব ?”

আমার মুখে তার নাম শুনে সে চম্কে ফিরে তাকিয়ে আমার পায়ের ধুলো মাথার তুলে নিয়ে বলল—“কোনও দরকার নেই কিরণ বাবু ?”

তার মুখে আমার নাম শুনে আমিও অবাক হয়ে গেলাম। ভাবলাম—হয় ত’ মেসের ছেলের মুখে শুনেছে। তা’ হ’লে পাকলও ত’ আমার উপর লক্ষ্য রেখেছে।

সে টেনে টেনে বলতে লাগল—“কিরণ বাবু আমার আর বেশী সময় নেই। বেশী কথা আর বলতে পারব না। আপনার মহত্ব—আপনার উপকার আমি আর জীবনে ভুলতে পারব না। আমি জানি—আপনি আমার জন্ত অনেক করেছেন। কিন্তু আমি অসহায় প্রতিদানে কিছু দিতে পার্লাম না। আমি পতিতা—আমার শিরে ব্রাহ্মণ’—প্রমেশকে লক্ষ্য করে দেখাল—“ওই দেখুন—সম্মুখে গুরু নারায়ণ। নারায়ণ দূরে থাকেন—তা’ তিনি তাইই থাকুন। বলুন দেখি—আমার আজ কি স্ত্রের যত্ন ? যা’ হোক আপনি ‘পুলিশ কেশ্’ করবেন না। যত্নের পর যেন আমার দেহ নিয়ে আর টানাটানি না হয়। জীবন্তে এ দেহের উপর অনেক অত্যাচার চলেছে। মরণের পর আবার কেন ? আর বলতে পার্ছিনে—দেবতা আমার—দেবতাই সে—পাপকে তার এত ভয় !”

কঠ কঠ হ’য়ে এলো,—জীবনের শেষ।—শেষ কি সেইখানেই !

কিরে এগাম—সেই অপবিত্র স্থান হ'তে সমাজের পবিত্রতার মধ্যে,—শান্তি এখানে
কতটুকু,—হৃদয়ে আমার তখন কি বাধা—নয়নে অশ্রু,—পবিত্র না অপবিত্র? অভিজ্ঞতা
বলছিল—সমলেও কমল ফুটে—হাসির দাম অর্থ নয়—প্রীতি—প্রেম! আর সঙ্গে রইল—
চিরজীবনের মত স্মৃতির আগুন—সেই ঘড়ি—ঘড়ির চেন—আর হার ছড়াটি। তারা আশ্রয়
আমার ভুলতে দিচ্ছে না—পারুলের স্মৃতি—আর তার “হাসির দাম।”

শ্রীবৈষ্ণবনাথ কাব্যপুরাণভীর্ষ।

প্রেম।

—❖—

আকাশে জড়িত নিলীমা তোমার—

তটিনীতে তব তান

হে প্রেম নিখিল মাধুরি সুকত—

করিছ মানব প্রাণ

চাহিছ চিত্ত ফুটায় তুলিতে—

নব নব রসভাসে—

নব তৃণাঞ্চ ধরণীর সম,

জাগো সদা উন্মাদে !

গৌরব তব গাহিছে মলয়—

কত মাধবীর সাঁঝে—

তটিনী হিয়ার কলরোলে তব

বুহু জয়-গীতি বাজে

কত কৈশর ফুটায় তুলিছ

ঘোঁবন টিকা দিয়া

নিখিল হিয়ার পরতে পরতে—

আছ তুমি জড়াইয়া ।

শ্রীফটিকচন্দ্র বন্দ্যোপাধ্যায় ।

বেদনা ।

-: # :-

“নাতৃহারা মা যদি না পায়

তবে আজ কিসের উৎসব !

স্বারে যদি থাকে দাঁড়াইয়া

মানমুখ বিষাদে বিরস—

তবে মিছে সহকার-শাখা

তবে মিছে মঙ্গল-কলস ।”

। ছুটাঁ নিয়ে বাড়ী গিয়েছিলুম, যখন ফিরে এলুম, দেখলুম গ্রামের ধান-খেত কাঁচা সবুজে রঙিন হয়ে উঠেছে ; ছোট্ট কোপাই নদী বর্ষার জলধারা বহন ক’রে, কূলে কূলে ফেঁপে ফেঁপে, হুকুল ছাপিয়ে, পাড় ভেঙে ছলে ছলে এঁকেবেঁকে বয়ে চলেছে । বৃষ্টি হয়ে গেছে, গাছের পাতার, ঘাসের শিবে বৃষ্টিকণার উপর বিকালের অস্তোমুখ সূর্য্যরশ্মি পড়ে হীরার কণার মত চক্ চক্ ঝক্ ঝক্ করছে ; গ্রামের পথের ধারে শিউলি গাছ, ফুলের কুঁড়িতে উপছে উঠেছে ।

হাঙ্গা মন নিয়ে হুশিয়ার বেদনা মাথায় বয়ে কাঁড়ী দিকে ছুটেছিলুম, যখন ফিরে এলুম তখন চিন্তা নেই, কিন্তু তা'র পরিশেষ, গভীর বিচ্ছেদ বেদনার কাঁটটুকু বুকের কোণে বিধে রয়েছে। যখন নিজের গ্রাম্যস্থলের নিজের বাসা-বাড়ীর কুঁড়েখানার দাওয়ার এসে পা দিলুম তখন পূর্বের পুর্ণিমার চাঁদ মুচুকে হেসে বেন বলে "নেই বা রইল কেউ, তুই ত আছিস্" কিন্তু আমার মন ত তাতে সায় দিল না, চাঁদের আলো সেদিন বেন আমার চোখ হুঁতোতে কাঁটা বিধতে লাগলো। চারিদিকের সাক্ষ্য নিস্তরতা বেন আমার বুকের উপর নিশীথ দৈত্যের মত চেপে বসতে চাইল। থেকে থেকে শূন্য হৃদয়ের গভীর দীর্ঘ নিঃশ্বাসে বুকের ভিতরকার শূন্যতা বেন আরো বাড়িয়ে দিতে লাগল।

পূজার ছুটির তখন অনেক দেরী, চাকুরীজীবী মানুষ যারা তাদের নিকট এই খবরটা এই সময়টা যে কত মধুর তা বাঙ্গালীমাত্রই সহজে অনুভব করতে পারেন। শরতের নীলাকাশ, সাদা মেঘ, শিউলীফুলের সঙ্গে, পূজার ছুটির কি অস্বিচ্ছিন্ন সখ্যতা; তাই বসে বসে ফুলের মাষ্টারী করছি আর ছোট ছেলের মত ছাড়া পাবার জন্য ছুটির দিন গুন্ছি। একদিন সন্ধ্যায় বাড়ীর দাওয়ার বসে বসে ভাবছি যে আমার ত বিদ্যার দৌড় ছাত্রবৃত্তি পর্যন্ত;—তা'র উপর এই বিপুল সংসারের ভার, এতদিন মা ছিলেন তিনি আমার অজ্ঞাতে এক রকম করে সংসারটিকে কোন রকমে চালিয়ে এসেছিলেন, এখন এই আনাড়ী মাঝির হাতে পড়ে, নৌকা ডোবে কি পারে গিয়ে ঠেকে সে বিষয়ে যথেষ্ট সন্দেহ আছে। নিজের সামর্থ্যের দিকে তাকালে মন নিরাশ্রয় ফোভে ভোরে ওঠে। সন্ধ্যার অস্পষ্ট গোধূলি-আলোকে থেকে থেকে যেন মায়ের মুখখানা চোখের উপর ভেসে উঠতে লাগল।

(আ)

সে দিন ভোরের দিকে ঘুম ভাঙতেই বিছানায় উঠে বসলুম, জানালা দিয়ে ভোরের কীনালাক ঘরের ভিতরে এনে পড়েছে। নিশাশেষের মুহূর্তে বাতাসে সদ্য প্রফুটিত শিউলি ফুলের গন্ধ জেসে আসতে ভোরের নিস্তরতা ভেঙ্গে মাঝে মাঝে ছ'একটা পাখী প্রভাত-আগমনী ঘোষণা করছে। উষাদেবী গোলাপী রঙের সাড়ীর অঁচল উড়িয়ে, আলোর রূপে চড়ে, ধীরে ধীরে বাশ বনের ওপাশ থেকে উঁকি দিচ্ছেন। আজ দুর্গাষটী,—ভোরের সঙ্গে সঙ্গে ই গ্রামবাসী-

দিগের মনে এক মব আনন্দের সঞ্চার করে জমিদার বাড়ী ঢাক গোলা বেজে উঠল। আজকার তপন যেন কি এক পবিত্র উজল-আনন্দময় আলো নিয়ে পূর্বতোরণ দিয়ে “মা”কে বরণ করবার জন্য ধীরে ধীরে জগতের পরে নেমে এল, সুনীল আকাশ বুকভরা আলোর আপনার মধ্যে আপনি পূর্ণ হয়ে, স্থির নেত্রে জগতের পানে তাকিয়ে রয়েছে। সাদা সাদা কাটা কাটা টুকরো মেঘগুলো প্রভাত-বায়ের সারা আকাশময় অকেন্দ্রা ভবঘুরের মত হাঁকা দেহ নিয়ে ঘুরে বেড়াচ্ছে; সত্যি সত্যি আজকার প্রভাতের মধ্যে যেন কি এক মাধুরিমা আপনাপনি লতায়, পাতায়, আকাশের আলোর, পাখীর গানে আর শিউলি বনের মধ্যে দিয়ে ফুটে উঠেছে। মায়ের আবাহন-গীতি যেন আজ প্রকৃতির মধ্যে পূর্ণরূপে ধ্বনিত; কিন্তু নিজের দিকে তাকিয়ে দেখলুম “কই মাতৃ-সিংহাসন ত অপূর্ণই রয়েছে। সারা জগতের সুরে ত আমার সুর মিলছে না, সে যে আলোর ভরা আকাশে বিশাদের সুর বিলিয়ে দিয়ে হাহাকার ধ্বনি তুলছে।” ভারি মনকে আজকার প্রভাতের স্পর্শে একটু হাঁকা করবার আশায় খাঁচা ছেড়ে বাহিরে বেরিয়ে এলুম; শিশির সিক্ত রং বে রঙের বাগের ফুলভরা প্রান্তরটা শরতের উজল তপনালোকে ছাপিয়ে উঠেছে। সকালের সূর্যকি হাওয়ায় চারিদিক আকুল—ঘুরতে ঘুরতে গ্রাম ছাড়িয়ে অনেক দূরে এসে পড়লুম—গ্রামের, ধানের খেতের পাশ দিয়ে, পারে-হাঁটা রাস্তা বেয়ে, তাল-বনের মাঝ দিয়ে চলতে চলতে অনেকটা পথ এগিয়ে এসেছি, মুখ তুলে যখন তাকালুম, তখন দেখি যে আমি একেবারে একটা কুড়ীদের গ্রামের কিনারায় এসে পৌঁছেছি—চারিদিকে রোদ একেবারে চম চমিয়ে উঠেছে। গাছতলায় এক, একটু বিশ্রামের জন্য বসলুম—বসে বসে তাদের নিরীহ বাধাহীন, মধুর গ্রাম্য-জীবন-যাত্রার চলন্ত ছবির দ্রুত পরিবর্তন আমার চোখের সামনে দেখতে লাগলুম—অমনি আমার গ্রামটা আমার গ্রামের প্রান্তে পুকুর-পাড়ের বাশবনে ঘেরা, আয়ীর-স্বজনের মেহে-ভরা, নানা স্বর্ণহা-বিজড়িত বাড়ীখানি, তার পাশে নিজের তথাবগানে তৈরী স্বস্ত রচিত বেগুন আর লঙ্কাকৈত উঠানের ধারে লাউগাছে ঢাকা ছোট গোলাটা বাড়ীর পিছনে বেড়ার ধারে ছ’ চারিটি কলাগাছ সব যেন একটুকু পর একটুকু মনের পটে ফুটে উঠতে লাগল, আর তার সঙ্গে মায়ের স্মৃতি বুক ভরে গভীর বেদনার সঞ্চার করে তুলে। বেলা বাড়তে লাগল, রোদে ক্লান্ত হয়ে বাড়ী ফিরে

এসময় যেখানেই বাই সেই কি এক গভীর শূন্যতা বুকের ফাঁককে যেন ভরে থাকে ; সে শূন্যতা ত পূর্ণ হইল।

(ই)

ছোট্ট গ্রামখানি আজ তিন দিন পূজার আনন্দে অধীর, গ্রামবাসী হঠতে আরম্ভ করে জার প্রত্যেক লতাপাতা, পশুপাখী পর্যন্ত আজ বিশ্বের এই বিপুল আনন্দে আত্মহারা— আজ নবমী পূজা—পূজার শেষ দিন—জমিদার-বাড়ী লোকে লোকারণ্য, কারণ সমস্ত গ্রামখানিতে এই একখানি মাত্র পূজা। আবার লোক বনিতা সকলেই মায়ের মুখ দেখবার জন্য, মাতৃপ্রসাদ লাভের আশায় এই জমিদার বাড়ীর দিকে ঝুঁকে পড়েছে। সন্ধ্যা হয়ে এসেছে, আমি পূজা বাড়ীর পাশের রাস্তা দিয়া অন্য মনে চলেছি—পথের ধারে কুকুরগুলি, এদের ভিতরের ক্ষুধা মিটাবার কোনও আহাৰ্য্য—এদের সামনে ধরে দেয় এমন কেউ নেই ! তাই মায়ের জন্য মনটা যেন জোড়ে নাড়া দিয়ে উঠলো।

বেলা পড়ে আসবার সঙ্গে সঙ্গেই সকলেই যথাসাধ্য নববস্ত্রে সজ্জিত হ'য়ে দলে দলে জমিদার বাড়ীর দিকে প্রতিমা বিসর্জন দেখতে চলেছে। রাস্তার লোক ভেঙ্গে পড়েছে ; আমি কোমল রকমে এ ধার ও ধার দিয়ে ভিঁড়ি ঠেলে ফাঁকা রাস্তার এনে পড়লুম, যখন খানিক পথ এসেছি এমন সময় কে যেন কীণ কণ্ঠে আমার ডাকল “বাবু একটা পয়সা দে—না সারাদিন কিছু খেতে পাই নি” ফিরে তাকিয়ে যা দেখলুম তা হৃদয়বিদারক, মাতৃক্রোধের শিশুটি দারিদ্র্যের নিশ্চেষ্টে কীণ-প্রাণ, কঙ্কালসার, মূর্ত্তমান দৈন্য রূপে দাঁড়িয়ে। তাকে দৃষ্টিসা করলুম “কেন আজ কোথায়ও তোর এক মুঠো ছুটলো না ?” সে বললে “কে আমাকে দেবে আমার যে মা নেই।”

কথাটা আমার বুকের ভিতর বিগুণ করণ করে বাজল ; হৃদয়-বীণার ছুংখের রাগিনীর স্বরীয় স্বরীয় তুলো—মুহূর্ত্তের মধ্য সকল অতীতকে চেঁনে নিয়ে এসে কে যেন বলে গেল “জগতের মা কোথায়, কে তাঁর খুলিলুটিত, শোকাভূর, দৈন্য পীড়িত সন্তানকে রাক্ষসীরূপ মারীর হাওঁ থেকে উদ্ধার করবে ?” আমি আর না দাঁড়িয়ে তাঁর হাতে একটা “আনি” দিয়ে ক্ষতপদে

পথে বেরিয়ে পড়লুম—মনে হল মাকে হারিয়েছি আমি একা নয়, জগতের অনেকখানি সেই মাতৃরূপ থেকে বঞ্চিত ; তাই এই মা-হারাদের ক্রন্দন শরতের নির্মল আকাশে, তপনালোকে, সবুজ রঙে রঙিন প্রান্তরের মধ্যে হা হা ধ্বনি তুলছে, থেকে থেকে এই শারদ প্রাতের আপন হিগার কোন্ একটু দীনতা ফুটে উঠছে ।

শ্রী অমলদাকুমার মজুমদার ।

মহা-প্রয়াণ ।

—:~:—

শাওন রাতে আঁধার পথে যাত্রী কে ওই যার ?
 কত দূরের পথে যাবে ? যাবে সে কোন নার ?
 গঙ্গাতীরে শুধায় সবে পথের পথিক যত
 তেজে-ভরা যুক্তি হেরে শ্রদ্ধা অবনত ।
 ধীরে ধীরে এল নেমে দীপ্ত কে ওই নারী
 কুহলিজাল সরিয়ে দিয়ে সোনার রথে চড়ি ।
 করুণ মধুর একটু হেসে বল্লেন' ওরে শোন
 চিনিম্ না কো এরে তোরা ? জানিম্ না এর মন ?
 বজ্রাদপি কঠোর হৃদয়, কুমুকোমল প্রাণ,
 ন্যায়নিষ্ঠ, কন্দ্রপ্রিয়,—নাইক অভিমান ।
 প্রেম ছিল তার দগ্ধ ধরার বারি-ধারার মত,
 তেজ ছিল তার সূর্য্যসম হয় নি অবনত ।
 স্বচ্ছ স্নেহ-স্নানাকিনী উছলে পড়ে দিকে,
 সত্যপথে গেছে সদাই যার নি কভু নৈকে ।

স্বাধীন ছিল মনের মত,—সিদ্ধ সম স্নেহ,
 পবিত্রতা মনে প্রাণে—পবিত্র তার দেহ ।
 চারি ন কারো অনুগ্রহ জেযামোদে বিক,
 সরসপথে কর্তব্য সে কর্তেছিল ঠিক ;
 মস্তবড় মানী যে জন অহঙ্কারের লেশ
 ছিলনাক দেহে তাহার নহিক ভূষা বেশ ।
 দেয় নি কভু দুঃখ কারে, স্নান হাস্যময়
 পরের সুখে সুখী সেজন, সুখী কভু নয় ।
 সার্থক তার নামটা ছিল, জগত-বল্লভ,
 “নান্দু” ছিল, এজগতে মানুবি দুর্লভ ।
 বিশ্বাস সে করেছিল, বিশ্বাসী যে জন,
 কোচরাষ্ট্রো ছিল সে যে অমূল্য একধন ।
 কাদরে তোরা কোচবিহারী কাদরে তোরা আজ,
 মন্ত্রী তোদের চলে গেল গড়ল হঠাৎ বাজ ।
 বাংলা দেশের পথিক ওরে চিন্‌বি কেমন ক’রে
 বাংলা দেশের রত্ন হয়ে ছিল পরের ঘরে ।
 চিনলিনাত বুঝলিনাত আজকে কে ওই যায়,
 যাবে নাক হাঁটা পথে,—যাবে নাক নায়
 ক্লাস্ত হেরে সম্মানেরে পাঠিয়ে দেছে রথ ।
 শ্রান্ত ছেলে কোলে নিতে মায়ের মনো-রথ ।

শ্রীমতী সুখাদেবী ।

অনন্তলাল ।

-❀-

(পূর্ব প্রকাশিতের পর)

অষ্টাদশ পরিচ্ছেদ ।

পরদিবস প্রাতঃকালে, নিদ্রাভঙ্গ হইবামাত্র অনন্তলালের মনোমধ্যে বাড়ীর কথা, মহিলাদিগের তাগাদা ও নিজ অভাবের কথা উদ্ভিত হইতে লাগিল। তিনি রতনপুর হইতে হঠাৎ এতদূর আসিয়াছেন, ফিরিতেও দুই চারিদিন বিলম্ব হইবে। এ সংবাদে মহাজনেরা কি ভাবিবে? যাহারা নূতন তাগাদা করিতেছে, তাঁহার উপর তাহাদের সম্পূর্ণ অবিশ্বাস জন্মিবে এবং কেহ কেহ হয় ত নালিশ করিবে। একবার একজন নালিশ করিলে আর রক্ষা নাই, তখন তাঁহার সকল মহাজনই আদালতের আশ্রয় গ্রহণ করিবে।

নিদ্রাভঙ্গের পর অনন্তলাল এইরূপে চিন্তানলে দগ্ন হইতেছেন এমন সময়ে স্বামীজী প্রভৃতি গৃহস্থিত ব্যক্তির প্রবন্ধ হইতে এবং ভগবানের নাম উচ্চারণ করিতে লাগিল।

কথায় বলে, হৃদিজলধি আন্দোলিত হইতে থাকিলে ভগবান-চন্দ্রকে তন্মধ্যে দেখিতে পাওয়া যায় না। অনন্তলালের মনেরও তদ্রূপ ব্যবস্থা। তবে, স্বামীজী প্রভৃতি পাছে কিছু বিসাদৃশ মনে করিবেন এই ভাবিয়া তিনিও তাঁহাদিগের ন্যায় হরিনাম উচ্চারণ করিতে করিতে শয্যাভ্যাগ করিলেন।

সাংসারিক চিন্তায় মুহূমান ব্যক্তি পরমার্থিক কার্যে বা চিন্তায় কালক্ষেপ করিতে পারে না। সে সময়টুকু বৃথা নষ্ট হইতেছে বলিয়া তাহার মনে হয়। অদ্য প্রাতঃকালে অনন্তলালের মনে তাহাই মনে হইতে লাগিল। তিনি ভাবিতেছিলেন, অদ্যই রতনপুরে ফিরিতে পারিলে ভাল হয়। কিন্তু যে জন্য এখানে আসিয়াছেন, অর্থাৎ মন্ত্র গ্রহণ না করিলে ফিরিয়া যাইলে স্বামীজী কি মনে ভাবিবেন? সাধক বলিয়া তাঁহার যে খ্যাতি আছে ইহাতে তাহাও নষ্ট হইতে পারে। যাহাই হউক, যাহাতে যত শীঘ্র এ কার্য সমাধা হয় তাহার জন্য তিনি স্বামীজীকে বিশেষ করিয়া অনুরোধ করিবেন স্থির করিলেন, এবং প্রাতঃকালীন প্রণাম বন্দনাদির পর, নিজ আশনে উপবেশন করিয়া, মুহূম্বরে তাঁহাকে বুঝাইলেন যে, রতনপুরে অনেক কার্য অসম্পূর্ণ অবস্থায় ফেলিয়া আসিয়াছেন, অনতিবিলম্ব ফিরিতে না পারিলে, সে সকল নষ্ট হইতে পারে।

অতএব এখানকার কার্য শীঘ্র সমাধা করা বিশেষ আবশ্যিক! স্বামীজী আশা দিলেন, অদ্যই বাবাজীকে বলিয়া, যত শীঘ্র পারেন তাহা শেষ করিয়া দিবেন।

প্রাতঃকৃত্যাদির পর বাবাজী নিজ আসনে যাইয়া উপবেশন করিলে স্বামীজী বলিলেন, “বাবা অনন্তলালকে কবে কুপা করবেন?”

বাবাজী জিজ্ঞাসা করিলেন, “আজ কোন তিথি?”

স্বামীজী বলিলেন, “আজ একাদশী। আর তিথি নক্ষত্র দেখতে গেলে অনেক বিলম্ব হতে পারে। এঁরা বিষয়ী লোক, বিলম্বে এঁদের কাজের অনেক ক্ষতি হবে।”

বাবাজী অল্প চিন্তা করিয়া বলিলেন, “পরশু ত্রয়োদশী। পরশু এঁর দীক্ষা হবে।”

অনন্তলাল ভাবিলেন, মাঝে একদিন মাত্র অপেক্ষা করিতে হইবে, তাহাতে বিশেষ কোন ক্ষতি হইবে না।

হরিশ ব্যাগ হইতে পেন্সিল ও কাগজ কাহির করিয়া; মন্ত্র গ্রহণ করিতে যে যে দ্রব্যের প্রয়োজন হইবে, বাবাজীকে জিজ্ঞাসা করিয়া, তাহার এক কর্দ প্রস্তুত করিল, এবং পরদিবস অনন্তলালের ভৃত্যের সহিত চন্দ্রহাট যাইয়া, ঐ সকল সংগ্রহ করিয়া আনিল। ত্রয়োদশীর দিন প্রাতে সমস্ত উদ্যোগ শেষ করিয়া বাবাজী অনন্তলালকে স্নান করিয়া আসিতে বলিলেন; অনন্তলাল স্নাত ও শুদ্ধ বস্ত্র পরিহিত হইয়া, স্বামীজী ও বাবাজীর সহিত একটি নির্জন গৃহ মধ্যে প্রবেশ করিলেন। এই স্থানে মন্ত্র গ্রহণের জন্য দ্রব্যাদির সমাবেশ হইয়াছিল। তাঁহারা নিজ নিজ আসন গ্রহণ করিলে, বাবাজী একটি ত্রিপত্র আনাইয়া তত্পরি অনন্তলালকে তাঁহার ইষ্ট-মন্ত্র লাল কালি দ্বারা লিখিতে আজ্ঞা করিলেন। অনন্তলাল ত্রিপত্রের প্রত্যেক পত্রে এক একবার নিজ ইষ্ট মন্ত্র লিখিলেন। শেষে বহুদিন জপ করা সেই মন্ত্র সহ ত্রিপত্র ব্যাগের মধ্যে প্রবেশ করিল। বাবাজীর আজ্ঞা হইল যে, রতনপুর যাইয়া, অনন্তলাল উহা গঙ্গা জলে বিসর্জন করিবেন। নিজ ইষ্ট মন্ত্র ব্যাগের মধ্যে প্রবেশ করাইয়া অনন্তলাল যেন একটা প্রয়োজনীয় কার্য সমাধা পূর্বক অনেকটা শাস্ত হইলেন। পরে, অন্যান্য আনুষ্ঠানিক ব্যাপার শেষ হইলে, বাবাজী রামাইৎ বৈষ্ণবদিগের প্রথমত তাঁহার কপালে সিন্দূরের এক উর্কপুণ্ড্র অঙ্কিত করিয়া, কর্ণে বিষ্ণু মন্ত্র প্রদান করিলেন। মন্ত্র গ্রহণের পর অনন্তলাল মুদ্রাপূর্ণ একটি তোড়া লইয়া বাবাজীর পাদদেশে রক্ষাপূর্বক তাঁহাকে প্রণাম করিলেন। নিকটে স্বামীজী বসিয়াছিলেন; ইত্যবসরে বাবাজীর সহিত তাঁহার দৃষ্টির বিনিময় হইল। তখন যদি অন্য কেহ গৃহ মধ্যে উপস্থিত থাকিত, তাহা হইলে সে তাঁহাদিগের উভয়ের ওষ্ঠোপরি যুগ হাত্যের রেখা ও চক্রে আনন্দের উৎস দেখিতে পাইত।

সমস্ত কার্য সমাধা হইলে তিন জনে বাহিরে যাইয়া স্ব স্ব আসনে উপবেশন করিলেন।

তুলসী দাস এতাবৎকাল হরিশের সহিত বাহিরে বসিয়াছিল। সে এক্ষণে অনন্তলালকে বলিল, “বাবুজি, এক্ষেত্রে দিনে আপকা শরীর পরিষ্কার হয়, এতনা উমেরতক আপ গুরুমন্ত্র নেহি লিগা কাহে?”

হরিশ সাহা বলিল, “বাবু মন্ত্র অনেক দিন হ’লো নিয়েচেন। এত দিন কি মন্ত্র না নিরে ছিলেন?”

তুলসীদাস আশ্চর্যাবিষ্ট হইয়া জিজ্ঞাসা করিল, “কিন্ এ কেয়া ছাঃ? এক স্বামী ছোড়্কে দোসবা স্বামী?”

হরিশ বলিল, “এর ভেতর কথা আছে—ইনিই বাবুর পূর্বজন্মের গুরু।”

তুলসীদাস বলিল, “আরে তাই পূর্বজন্মকা স্বামী বাত্‌লানেসে কোই স্বাধী স্ত্রী ইহ জনম্কা স্বামী ছোড়্‌তা ছায়?”

হরিশ সাহা বলিল, “সে কথায় আর এ কথায় অনেক তফাৎ।”

তুলসী দাস কিঞ্চিৎ উষ্ণ কণ্ঠে উত্তর করিল, “তফাৎ এহি ছায় যে, বহুং জেনেনা এক স্বামী ছোড়্‌কে দোসরা স্বামী লেতি ছায়; মগর্‌ যো সাধু ছায়, ও উস্কো গুরুমহারজ্‌কো কতি নেহি ছেড়েগা।”

ইহাদিগের কথাবার্তা শুনিয়া স্বামীজী একবার বাবাজীর মুখের দিকে চাহিলেন। তখন বাবাজী তুলসী দাসকে বলিলেন, “আরে তুলসী দাস!”

“মহারাজ?”

“আরে তোম উনকা সাং কাহে বক্‌ বক্‌ কর্তা ছায়? কোই কাম ছায়তো করো যাকে।”

“যো হকুম মহারাজ”—বলিয়া তুলসী দাস তথা হইতে উঠিয়া গেল।

অনন্তলাল ভাবিতেছিলেন, কার্য শেষ হইয়াছে অতএব অন্যাই রতনপুর যাইতে হইবে। তিনি স্বামীজীকে বলিলেন, “তা হ’লে আজই আমরা ফিরবো।”

বাবাজী বলিলেন, “আজ নয়, পরশু যাবে। আজ গেলে কেমন ক’রে হবে? জপ, পূজা ইত্যাদি জেনে নিতে হবে ত?”

বাবাজী এক্ষণে অনন্তলালের গুরু। গুরুর এই প্রথম আজ্ঞা অগ্রাহ করিতে স্বামীজী তাঁহাকে নিষেধ করিলেন। অগত্যা পর দিবসও থাকিতে হইল। সেই দিন প্রাতে বাবাজী অনন্তলালকে রামাইং বৈষ্ণবদিগের শাস্ত্রানুসারে পুত্রার ও জপের নিয়ম বলিয়া দিতেছেন, এবং স্বামীজী স্মরণলালের সহিত ঘরের তিতর বসিয়া কি কথোপকথন করিতেছেন, এমন সময়ে একজন হিন্দুস্থানী দারবান যাইয়া অনন্তলালকে অভিবাদন পূর্বক সম্মুখে দণ্ডায়মান হইল।

তিনি তাহার মুখের দিকে দৃষ্টিপাত পূর্বক বিস্ফারিত লোচনে জিজ্ঞাসা করিলেন, “কি হে রামসিং! তুমি যে এলে? বাড়ীর খবর কি?”

রামসিং বলিল, “বাবুজি, পোকাবাবুর বড় অসুখ; হামি আপ্নাকো লিতে এলাম।”

এই বলিয়া, সে একখান পত্র অনন্তলালের হস্তে দিল। পত্র সরলা লিখিতেছে। অনন্তলাল বাবাজীর দিকে পশ্চাৎ ও রামসিংয়ের দিকে সম্মুখ করিয়া গভীর একাগ্রতার সহিত উহা পাঠ করিতে লাগিলেন। পত্র শেষ হইলে বাবাজীকে বলিলেন, “বাবা, আর আমার থাকবার যো নেই,—দৌহিত্রের বড় অসুখ—বসন্ত হয়েছে। হরিশ, সব গুটিয়ে নাও, এখুনি উঠতে হবে।”

বাবাজী তাড়াতাড়ি ঘর হইতে বাহির হইয়া জিজ্ঞাসা করিলেন, “ব্যাপার কি?”

পরে সনগ্রহ বৃত্তান্ত শুনিয়া বলিলেন, “ট্রেন্ কখন পাওয়া যাবে?”

অনন্তলাল ঘড়ি দেখিয়া বলিলেন, “এখনও তিন ঘণ্টা বিলম্ব আছে। আমাদের এখুনি বেরুতে হবে।”

জপ, পূজা, পদ্ধতি ইত্যাদিতে আর তাঁহার কিছুমাত্র মনোযোগ রহিল না। দৌহিত্রের জন্ত মন ব্যস্ত হইয়া উঠিল। তথা হইতে প্রস্থানের পূর্বে তিনি বাবাজীকে বলিলেন “বাবা, বাড়ীতে আমার নানা রকম বিপদ যাচ্ছে। জামাইটির অসুখ, নিজেরও বিষয় কার্যে নানা বিশৃঙ্খলা। আবার দৌহিত্রের এই ব্যারাম। ঈশ্বর ইচ্ছায় সে আরাম হয়ে উঠুক; তারপর, আমার ইচ্ছা আছে, একটি দৈব কার্য্য করবার। সে সময়ে আপনি দয়া করে একবার রতনপুরে আমার বাড়ীতে পায়ের ধুলা দিলে ভাল হয়।”


বাবাজী বলিলেন, “আমি আশীর্বাদ কর্চি, তোমার সব বিষয়ে মঙ্গল হবে। আর, দৈবকার্য্য যদি কর, তা হ’লে সে জন্ত আমাকে যেতে হবে না; আমার সুন্দরলাল ও-সকল কাজে বড় ভাল, তুমি লোক পাঠালেই সুন্দরলালকে পাঠিয়ে দেব।”

অনন্তলাল বলিলেন, “যে আজ্ঞা, তা হ’লে তাই পাঠিয়ে দেবেন।” পরে সুন্দরলালকে বলিলেন,—“লোক পাঠালে যেন দয়া ক’রে যাবেন।”

এই বলিয়া অনন্তলাল বাবাজীকে ও সুন্দরলালকে প্রণাম করিয়া, সঙ্গে আশ্রম হইতে বাহির হইলেন। নবম্ব্রে তাঁহার হৃদয় তন্ত্রী যেন বাজিতে ছিল না—মন তাঁর তখন বড় চঞ্চল।

(ক্রমশঃ)

শ্রীনলিনীকান্ত গুপ্ত।



পরিচারিকা

(নব পর্যায়)

“তে প্রাপ্নুবন্তি মামেব সর্বভূতহিতে রতাঃ ।”

৯ম বর্ষ ।

কার্তিক, ১৩৩২ সাল ।

৭ম সংখ্যা ।

বাল্মীকির ব্রাহ্মণ ।

—:(ঃ):—

তৃতীয় প্রস্তাব ।

প্রথম অংশ—কান্যকুব্জের কথা ।

রাজনৈতিক সংবাদ ।

প্রাচ্য অর্থবা গৌর দেশের প্রাচীন সভ্যতার ইতিহাস সাধারণ ভাবে গত প্রতীবে বলিয়াছি । প্রাচীন সংস্কৃত-সাহিত্য-ভাণ্ডার হইতেই যে আমরা ঐ ইতিহাসের উপকরণ সংগ্রহ করিয়াছি তাহারও যথাসম্ভব পরিচয় প্রদান করিয়াছি । খৃষ্টপূর্ব চতুর্থ শতাব্দীতে রচিত কেটিল্য চানক্যের অর্থশাস্ত্র হইতেও প্রাচ্যভারতের প্রাচীন সভ্যতার ইতিহাসের অনেক মূল্যবান উপকরণ পাওয়া যায় । ভারতের অমূল্য ঐতিহাসিক এবং ভক্ত পাঠকপাঠিকা এই অমূল্য গ্রন্থখানির সম্যক পরিচয় প্রদান

করিয়াছেন এবং করিতেছেন ;—যাহারা এখনও উহার সহিত পরিচিত হন নাই’—তাঁহারাও অনতিবিলম্বে উহা পাঠ করিয়া উপকার এবং আনন্দ লাভ করিবেন, এ আশা আমরা করিতেছি ।

প্রাচীন মহাভারতের মহাবিশ্বকর সভ্যতার অঙ্গগণকে আমাদের শাস্ত্র ব্রাহ্মণ ক্ষত্রিয় এবং নৈশ্য—অর্থাৎ “আর্য”—এই আখ্যায় পরিচিত করিয়াছেন । অতি প্রাচীন কালে এই গোড়-মণ্ডলে যাহারা সেই আর্যসভ্যতার প্রচার এবং প্রসার করিয়াছিলেন,—সেই ক্ষত্রিয় রাজন্যবর্গের পরামর্শদাতৃগণের অগ্রণী যে ব্রাহ্মণেরাই ছিলেন, তাহাতে বিদুমাত্রও সংশয় নাই । “ব্রাহ্মণহীন আর্যসভ্যতা”র কোন অর্থই নাই । রামায়ণ মহাভারত এবং মহাপুরাণাদিতে অঙ্গবঙ্গাদি প্রাচ্য-দেশীয় যে সকল নরপতির সংবাদ পাওয়া যায়, বেদবেদাঙ্গবেত্তা, জ্ঞান ও ধর্মের মূর্তিস্বরূপ ব্রাহ্মণগণ যে তাঁহাদের গুরু, পুরোহিত এবং উপদেষ্টা ছিলেন, তাহাও নিঃসংশয়ে ধরিয়া লওয়া যাইতে পারে । এ দেশে অতি প্রাচীন কাল হইতে এ সময় পর্যন্ত যে সকল রাজনৈতিক, সামাজিক এবং ধর্ম-বিষয়ক বিপ্লব উপস্থিত হইয়াছে তাহাতে স্থান বিশেষে, কোন কোন বিষয়ে সনাতন রণাঙ্গধর্মের কিছু কিছু পরিবর্তন ঘটিলেও সাধারণভাবে এরূপ কোন আপদ উপস্থিত হয় নাই যাহাতে আর্যসভ্যতা-শাসিত এবং রাজন্যবর্গের সুরক্ষিত সেই প্রাচীন যুগের ব্রাহ্মণ-সমাজের ধ্বংস অথবা ব্রাহ্মণের জাতিনাশের অনুমান করা যাইতে পারে । অন্ততঃ সেরূপ ভয়ানক বিপ্লবের কোন প্রমাণ এ পর্যন্ত পাওয়া যায় নাই ।

ইতিহাসের প্রদত্ত শিক্ষা হইতে আমরা বুঝিতে পারি যে বৈদিক সনাতনধর্মের ক্রমশঃ পরিবর্তন হেতু প্রাচ্যভারতে জৈন এবং বৌদ্ধধর্মের অভ্যুদয় হইয়াছিল এবং সিদ্ধুদের পশ্চিমপার হইতে নবগত মুসলমানধর্মের ক্রমশঃ বিস্তৃতি সাধিত হইয়াছিল । সেই সকল ধর্ম প্রচারের প্রভাব বশতঃ প্রাচীন আর্যসভ্যতার অন্যান্য অংশে সেরূপ অনিবার্য সামাজিক পরিবর্তন ঘটয়াছিল গোড় বঙ্গে তদপেক্ষা অধিকতর কোনরূপ বিকট বিপ্লব বা বিপর্যয় সাধিত নাই । স্বরগাতীত কাল হইতেই এদেশে পুরুষ পরম্পরক্রমে ব্রাহ্মণগণ বসতি করিতেছেন ; তবে এই লক্ষ লক্ষ ব্রাহ্মণের মধ্যে কোন কোন বংশ অথবা পরিবার সময়ে সময়ে আর্যসভ্যতা অথবা দক্ষিণ-পূর্বের স্থান বিশেষ হইতে আক্রমণ এদেশের অধিনা হইয়া গিয়াছেন, সে বিষয়েও সন্দেহ নাই ।

প্রাচীন কালেই শাক্যবংশীয় ব্রাহ্মণগণ এদেশে আসিয়াছিলেন :—অথবা তাঁহাদের বংশধরগণ

গ্রহবৈশিষ্ট্যে গ্রহাচার্য (আচার্যজি বামুন) বা লগ্নাচার্যরূপে বঙ্গীয় সমাজে বাস করিতেছেন । মুসলমান (পাঠান এবং মুঘল) অভ্যুদয়-কালে যে সকল কর্মোজীয়া; নৈণিলী এবং জিঝোতীয়া (.) প্রভৃতি শ্রেণীর ব্রাহ্মণ এদেশে আসিয়াছিলেন, তাঁহারা বাঙ্গালী ব্রাহ্মণগণের সহিত পৃথকই রহিয়াছেন । আমাদের প্রস্তাবে সেই সকল অল্প সংখ্যক বিভিন্ন শ্রেণীর ব্রাহ্মণগণের কথাই আলোচনা হইতেছে না । শ্রীহট্টের সামাজিক ব্রাহ্মণ এবং কামরূপ ও কোচবিহার প্রভৃতি স্থানের “কামরূপী” এবং অন্যান্য নামে পরিচিত অল্প সংখ্যক ব্রাহ্মণগণের কথাও আমাদের উদ্দেশ্যের বাহির ।

বর্তমান বাঙ্গালাদেশে সনাজের শীর্ষালঙ্কার সৃষ্ণ ব্রাহ্মণবর্গের প্রায় সকলেই রাঢ়ীয়, বারেন্দ্র এবং বৈদিক (পাশ্চাত্তা এবং দাক্ষিণাত্য) এই তিন শ্রেণীর মধ্যে কোন না কোন এক শ্রেণীর অন্তর্গত বলিয়া আত্মপরিচয় দিয়া থাকেন । এই তিন শ্রেণীর মধ্যে রাঢ়ীয়গণের সংখ্যা সর্বাপেক্ষা অধিক, বারেন্দ্রগণের সংখ্যা তদপেক্ষা মূনে এবং বৈদিকগণের সংখ্যা আরও কম ;—দাক্ষিণাত্য-গণের সংখ্যা মুষ্টিমেয় বলিলেও হয় । দাক্ষিণাত্যেরা আপনাদিগকে ওড়িশা-প্রদেশ হইতে এবং প্রথম তিন শ্রেণীর ব্রাহ্মণেররা তাঁহাদিগকে কানাকুঞ্জ হইতে আগত ব্রাহ্মণদিগের বংশধর বলেন । দাক্ষিণাত্য বৈদিকদিগের আগমনের কাল এবং কারণ সম্বন্ধে কোন নির্দিষ্ট কিংবদন্তীর কথা আমরা অবগতি নহি । পাশ্চাত্তা বৈদিকেরা বলেন যে বাঙ্গালার রাজা শামলধর্মী এদেশে বৈদিকযাগযজ্ঞপারগ ব্রাহ্মণের একান্ত অভাব নিবন্ধন, তাঁহাদের পুত্র-পুরুষ কয়েকজনকে কয়েজ হইতে এদেশে আনাষ্টয়াছিলেন এবং রাঢ়ীয় ও বারেন্দ্র ব্রাহ্মণেরা বলেন যে তুলারূপ কারণেই বঙ্গদেশের বিখ্যাত রাজা আদিশুর তাঁহাদের পাঁচ গোত্রের পাঁচজন মূল-পুরুষকে কয়েজ হইতে আনাষ্টয়া এদেশে সাদরে বসতি করাইয়াছিলেন । রাঢ়ীয় এবং বারেন্দ্রগণের মধ্যে ঐ মূলপুরুষ পাঁচজনের নাম সম্বন্ধে মত ভেদ থাকিলেও তাঁহারা সকলেই কয়েজাগত ঐ পাঁচজন ব্রাহ্মণের বংশধর বলিয়া পরিচয় দিয়া থাকেন ! বর্তমান বাঙ্গালার অলঙ্কার স্বরূপ এই পাঁচ গোত্রের

(১) মুরশিদাবাদ জেলার জেনো গ্রামের জমীদারগণ (৩রাহম্মদ...) (২) জিঝোতীয়া ব্রাহ্মণ । তাঁহাদের আদি নিবাস তেজাককুন্ডি বা কুন্ডল খণ্ড ছিল ।

রাঢ়ীয় ও বারেন্দ্র এবং ষাদশ গোত্রের পাশ্চাত্য বৈদিক ব্রাহ্মণদিগকে পরিত্যাগ করিলে দেশে “ব্রাহ্মণ” পরিচয়ে পরিচিত যাঁহারা থাকেন,—তাঁহাদের বিদ্যাবত্তা এবং সামাজিক সম্মানের অবস্থা সম্ভোগজনক নহে। এক কথায়, কান্যকুব্জাগত বলিয়া পরিচিত ব্রাহ্মণগণকে পরিত্যাগ করিলে রাঙ্গালাদেশকে ব্রাহ্মণহীন বলিতে হয়। দেশের প্রকৃত সামাজিক তত্ত্ব ও কি তাই ?

বাঙ্গলায় ব্রাহ্মণাগমনের কিংবদন্তী প্রায় সকলেরই সুপরিচিত। সংক্ষেপে সেই কিংবদন্তী এই—বাঙ্গলা দেশে আদিশুর নামক একজন বড় রাজা ছিলেন ;—রাজা অপুত্রক। মন্ত্রিগণ বলিলেন, বৈদিক পুত্রোষ্টিযাগ করাটিলেই বংশরক্ষা হইবে। দেশের ব্রাহ্মণেরা বৈদিক যজ্ঞের ধার ধারিতেন না, রাজা শুনিতে পাইলেন, কন্নৌজরাজ্যে বেদজ্ঞ ব্রাহ্মণ আছে। তিনি অনেক যত্ন চেষ্টা করিয়া কন্নৌজ হইতে পাঁচ গোত্রের পাঁচ জন ব্রাহ্মণ আনাহিলেন। তাঁহারা যজ্ঞ করিলেন এবং সেই যজ্ঞের প্রভাবে রাজা পুত্রলাভ করিলেন। রাজার অমুরোধ ব্রাহ্মণেরা গোড় দেশেই রহিয়া গেলেন। বর্তমান যাবতীয় রাঢ়ীয় এবং বারেন্দ্র ব্রাহ্মণেরা সেই পাঁচ জনেরই বংশধর। *

এই ব্রাহ্মণগণের বংশধরেরা ও বাংলার জল বায়ুর গুণে কয়েক পুরুষের মধ্যেই বৈদিক যাগযজ্ঞ ভুলিয়া গেলেন। এই সময়ে বাঙ্গলায় শ্রামল বর্মার রাজত্ব। একদিন রাজার গৃহচূড়ে এক গৃধ্র আন্মিয়া বসায় রাজ্যে হৈ চৈ পড়িয়া গেল। ঘরে শকুনি বসিলে ত আর রক্ষা নাই! তবে উপায় কি? মন্ত্রীরা বলিলেন, বৈদিক শ্রোনযজ্ঞ বা গৃধ্র যজ্ঞ করিলে তবে অশাস্তি কাটিবে। বাঙ্গলায় ত সেরূপ ব্রাহ্মণ নাই ;—আবার কন্নৌজ হইতে ব্রাহ্মণ আনান হইল। তাঁহারা যজ্ঞ করিলেন, রাজার ফাঁড়া কাটিল। রাজা সমাদরে ব্রাহ্মণগণকে রাজ্যে বাস করাইলেন—বর্তমান পাশ্চাত্য শ্রেণীর বৈদিক বিপ্রেরা সেই ব্রাহ্মণগণের উত্তর পুরুষ।

আদিশুর শ্রামল বর্মার পূর্বগামী তাহা নিশ্চয় ; সুতরাং রাঢ়ীয় এবং বারেন্দ্র ব্রাহ্মণদিগের মূল পুরুষগণ বৈদিকগণের পূর্বপুরুষদিগের পূর্বে বাঙ্গলায় আসিয়াছিলেন। শ্রামল বর্মার বংশীয় ভোজ বর্মার এবং ঐ বংশের হরি বর্মার তাম্রশাসন আবিষ্কৃত হইয়াছে এবং তাহার ফলে ঐতিহাসিকগণ শ্রামল বর্মাকে খৃষ্টীয় একাদশশতাব্দে রাজা বলিয়া অনুমান করিয়াছেন। আদিশুর রাজার সমসাময়িক কিম্বা তাঁহার বংশের কোন রাজার কোন তাম্রশাসনাদি দলীল পাওয়া যায় নাই,—সুতরাং তাঁহার সময়ও ঠিক করিবার উপায় নাই। নানাবিধ কুলশাস্ত্রের

১৭শ শতাব্দীর ১৭৭

নানাবিধ মত আছে। খৃষ্টীয় সপ্তম শতাব্দের মাঝামাঝি হইতে খৃষ্টীয় এক
পাদ পর্যন্ত আদিশুরের সময় আন্দাজ করা হইয়া থাকে। ঐতিহাসিক ভিস্লেট স্মিথ তাঁহাকে
আনুমানিক ৭০৩ খৃষ্টাব্দের রাজা বলিয়াছেন।

নদীয়ারাজ-বংশের ইতিহাস “ক্ষিতীশবংশাবলী”র মতে ৯৯৯ শকাব্দে (১০৭৭) খৃষ্টাব্দে
আদিশুর কর্তৃক ব্রাহ্মণ আনয়নের কাল ; আর সর্বাপেক্ষা প্রাচীন মত ৬৫০ খৃষ্টাব্দ। খৃষ্টীয়
১২০০ অব্দের কাছাকাছি বখতিয়ার খালজীর পুত্র মহম্মদ নোদিয়াহ (নব্বীপু ?) দখল
করিয়াছিলেন। যদি খৃষ্টীয় ৬৫০ অব্দ ব্রাহ্মণাগমনের কাল ধরিয়া লওয়া হয়, তাহা হইলে এদেশে
মুসলমান অধিকার প্রারম্ভ হওয়ায় সাড়ে পাঁচশত বৎসর পূর্বে তাঁহারা আসিয়াছিলেন স্বীকার
করিতে হয় আর তাঁহাদের আগমনের কাল খৃষ্টীয় ১০৭৭ অব্দ ধরিলে তাঁহারা মুসলমান
অধিকারের ১২৩ বৎসর মাত্র পূর্বে এদেশে আসিয়াছিলেন ধরিয়া লইতে হয়।

এখনও গোড়বংশের সর্বত্র বৈদিক, পৌরাণিক এবং তান্ত্রিক ধর্মের ধোঁয়া প্রবল প্রভাব
রহিয়াছে তাহা সকলে লক্ষ্য করিতেছেন। মুসলমান অধিকার এ দেশে বন্ধন হইবার পরে
ব্রাহ্মণেরা নিজ নিজ ধন, প্রাণ এবং ধর্ম লইয়া একরূপ বাতিবস্ত হইয়া পড়িয়াছিলেন যে সে
সময়ের মধ্যে তাঁহাদের দ্বারা আর্য্যসভ্যতার সঙ্কোচ ব্যতীত কখনই বিস্তৃতি সাধিত হয় নাই।
পাঁচটা ব্রাহ্মণ কলৌজ হইতে এ দেশে আসিয়া বসবাস করিবার কয়েক শত বৎসরের মধ্যে
কিরূপ বংশ-বিস্তার করিতে এবং তাহার সহিত কান্যকুব্জানীত সভ্যতা এবং সদাচারের প্রচার
করিতে সমর্থ হইয়াছিলেন, তাহা ভাবিয়া দেখিবার কথা। পাঁচটা কেন, পাঁচহাজার নবাগত
(ব্রাহ্মণ নহে) ব্রাহ্মণ পরিবারের সহায়তাও, কয়েক শত বৎসরের মধ্যে, গোড়মুণ্ডে একরূপ
ব্রাহ্মণ-প্রাধান্য স্থাপিত হওয়া সম্ভবপর বলিয়া বোধ হয় না।

যাহাই হউক, যদি কুলশাস্ত্রের এই সকল কিংবদন্তীর উপর একান্ত নির্ভর করা যায়, তাহা
হইলে বলিতে হয় যে, বাঙ্গালা দেশে প্রচলিত সভ্যতার মূলে কলৌজীয়া ব্রাহ্মণগণের কৃতিত্বের
অংশ অতিশয় কম। পাঁচজন ব্রাহ্মণ (সন্ন্যাসী ?) এ বিশাল দেশে বাস করিবার কিছুকাল
পরে তাঁহাদের বংশধরেরা দেশভেদে রাঢ়ীয় এবং বারেন্দ্র এই দুই শ্রেণীতে বিভক্ত এবং এই

উত্তর শ্রেণীর ব্রাহ্মণেরা উত্তর প্রদেশের একশত বারটি ভিন্ন ভিন্ন গ্রামে বাস করিতে থাকেন (২) খৃষ্টীয় ষোড়শ শতাব্দের রাজা বল্লালসেন এই রাঢ়ীয় এবং বারেন্দ্র ব্রাহ্মণদিগের মধ্যে কৌলীন্য প্রথার সৃষ্টি করিয়াছিলেন বলিয়া প্রবাদ আছে। বৈদিক ব্রাহ্মণেরা যে কোনও কারণেই হটক বল্লালী কৌলীন্য স্বীকার করেন নাই। কৌলীন্য প্রথার মূল যে কি এবং কোন সময়ে কোন ব্যক্তি কতক প্রকৃত প্রস্তাবে উহা প্রবর্তিত হইয়াছিল, তাহার মাসল কোন অনুসন্ধান এ পর্যন্ত হয় নাই। কৌলীন্য প্রথার প্রকৃত রহস্য যাহাই হটক, তাহার বিচার করা এই প্রস্তাবের উদ্দেশ্য নহে।

আমরা দেখিতেছি যে কুলশাস্ত্রের সংবাদ অনুসারে কন্নৌজীয়া ব্রাহ্মণগণের প্রতিষ্ঠার উৎস-সংখ্যা সাড়ে পাঁচশত বৎসরের মধ্যেই এ দেশে মুসলমান বিজয়ীর পদানত হইয়া পড়ে। কন্নৌজ প্রভৃতি পশ্চিমদেশে ইহার পূর্বেই মুসলমানের অধীন হইয়াছিল। অদ্য হইতে ৭২৫ বৎসর পূর্বে মুসলমানেরা বাঙ্গালা অধিকার করিয়াছেন। তাহার পাঁচশত বৎসরের মধ্যে আগত পাঁচ সাতজন ব্রাহ্মণের দ্বারা বাঙ্গালা দেশের সভ্যতার সৃষ্টি এবং উন্নতি হওয়ার কথা বিশ্বাসের যোগ্য নহে। আমরা পূর্বেই দেখিয়াছি যে গৌড় দেশীয় সভ্যতা অতিশয় প্রাচীন। রামায়ণ মহাভারতের কথা ছাড়িয়া দিয়া চাণক্য প্রণীত অর্থাশাস্ত্রের সাহায্য লইলেও দেখিতে পাওয়া যায় যে এ দেশের সভ্যতা অদ্য হইতে ২৫০০ বৎসরের পূর্বেও সমৃদ্ধ ছিল। আক্ষেপের বিষয় যে অনেকে বাঙ্গালার সভ্যতাকে কন্নৌজানীত এবং নূতন বলিয়া থাকেন। তাঁহাদের মুখে এই গল্প শুনিয়াই হাণ্টার প্রভৃতি সাহেবেরা বাঙ্গালার সর্বাচার এবং সভ্যতার প্রতি অবিচার করিয়াছেন।

বিদেশী কেন আমাদের স্বদেশী বিজ্ঞানেরাও সেই অবিচার করিয়াছেন। মাননীয় বঙ্কিমচন্দ্র চট্টোপাধ্যায় মহাশয়ও কুলশাস্ত্রের প্রবাদের উপর আস্থা স্থাপন করত বাঙ্গালা দেশে

(২) বাঙ্গালা দেশে রাঢ়ীয় এবং বারেন্দ্র ব্রাহ্মণদিগের (প্রত্যেক শ্রেণীর ৫৬টি করিয়া মোটে) ১১২টা গ্রাম ছিল বলিয়া প্রবাদ আছে।

“পঞ্চ গোত্র ছায়ায় গাই

ইহা ছাড়া বামন নাই।” বৈদিকদিগের কোন “গোত্র” নাই।

ব্রাহ্মণদিগের প্রথম আগমনকাল নির্ণয় করিতে প্রবৃত্ত হইয়াছিলেন। ভাষা, সাহিত্য, শিল্প এবং সঙ্গীত প্রভৃতির ইতিহাস অতি সামান্যরূপে অনুসন্ধান করিলেই বুঝিতে পারা যায় যে অন্য হইতে বার তের শত বৎসরের মধ্যে আগত কয়েক জন কন্নোজীয়া ব্রাহ্মণের বংশধরদিগের দ্বারা এই প্রাচীন গৌড়ীয় সভ্যতার বিশাল সৌধ নির্মিত হইতে পারে নাট।

আমাদের তাই মনে হয়, বঙ্গদেশপ্রচলিত সামাজিক সংস্কারের মূলে কোথাও কোন ভগ্নানুকূল গোল আছে। বাঙ্গালা দেশে হিন্দুজাতির মধ্যে ব্রাহ্মণগণের অনুপাত খুব বেশী;—কেবল পশ্চিম বঙ্গের কৈবত, বাগদী এবং পূর্ব ও উত্তর বঙ্গের নমঃশূদ্র এবং রাজবংশী প্রভৃতি কয়েকটি জাতি ভিন্ন ব্রাহ্মণগণের সংখ্যার সহিত স্পর্শ করিতে পারে এরূপ কোন জাতি নাই। এই ব্রাহ্মণগণের মধ্যে যাহারা সমাজের শিরোমণিস্বরূপ, তাঁহাদের সকলেই কন্নোজের দোহাই দিয়া থাকেন। আরও আশ্চর্যের বিষয় এই যে পাঁচজনের বংশধর রাজ্যীয় এবং বারেন্দ্রদিগের সংখ্যা বার গোত্রের বার জনের বংশধর পাশ্চাত্য বৈদিকদিগের সংখ্যা অপেক্ষা অনেক বেশী। এই তের শত বৎসরের মধ্যে পাঁচ সাত জন ব্রাহ্মণের একরূপ বংশবৃদ্ধি হইতে পারে কিনা, তাহা আমরা বলিতে পারি না; আমরা কেবল সেন্সাস গৃহীত সংখ্যাটী দেখাইব। যাহারা এই সব বিষয় লইয়া হিসাবের অঙ্ক করিতে পটু তাঁহারা একবার হিসাব মিলাইয়া দেখিতে পারেন।

কুলশাস্ত্রের দোহাই দিয়া সকলেই বলিয়া থাকেন যে খৃষ্টীয় সপ্তম শতাব্দের মধ্যভাগ হইতে খৃষ্টীয় একাদশ শতাব্দের শেষপাদ পর্যন্ত বাঙ্গালা দেশে ব্রাহ্মণাগমনের কাল; সেই জন্য আমরা খৃষ্টীয় সপ্তম হইতে আরম্ভ করিয়া ষাটশ শতাব্দের শেষ মুসলমান বিজয়ের আরম্ভ পর্যন্ত কন্নোজ দেশের রাজনৈতিক ইতিহাসের একটু তলোচনা করিব। এই আলোচনা হইতে আমরা বুঝিতে পারিব যে বাঙ্গালা দেশ অপেক্ষা কান্নকুঞ্জপ্রদেশে ঐ সময় বেদাচারের এবং ব্রাহ্মণ-প্রভাবের প্রাধান্য অগা প্রাবল্য থাকা সম্ভবপর কি না।

খৃষ্টীয় ৩১৯ অথবা ৩২০ অব্দে পাটলিপুত্রের গুপ্তনামাজ্ঞাব প্রতিষ্ঠা হওয়ার কথা ইতিহাসের পাঠকমাত্রেরই অবগত আছেন। গুপ্তবংশীয় প্রথম চন্দ্রগুপ্ত এই বংশের প্রথম সম্রাট। গুপ্তদিগের রাজত্ব সময়ে বৈদিক (পৌরাণিক এবং তান্ত্রিক সম্প্রদায় সহিত) ধর্মের অতুল্য প্রবল হইলেও জৈন এবং বৌদ্ধ ধর্মের (অথবা সম্প্রদায়ের) বিশেষ অবনতি হয় নাই। চীন দেশের বিখ্যাত পর্যটক ফা-হিয়ান এই সময়েই (খৃষ্টীয় পঞ্চম শতাব্দের প্রথম পাদে) ভারতের উত্তর

বিভাগের সর্বত্র পরিভ্রমণ করেন। তিনি কন্নৌজও গিয়াছিলেন। তাঁহার সময়ে তথায় হীন-মান বৌদ্ধসম্প্রদায়ের দুইটি সংসারান এবং একটি বৃহৎ স্থিতবস্তু বিদ্যমান ছিল (৩)।

কান্যকুজ বা কন্নৌজ আর্ষাবতের প্রাচীন নগর সমূহের অন্যতম। রামায়ণ, মহাভারত এবং মহাপুরাণনায়েই এই নগরের উল্লেখ আছে। হেমচন্দ্র সুরি-প্রণীত অভিধানচিন্তামণি গ্রন্থে এই নগরের “কন্যকুজ কন্যাকুজ, মহোদয়, গাধিপুত্র, কোণ এবং কুশভূজ” এই ছয়টি পর্যায় বা নামান্তর দেখিতে পাওয়া যায়। আধুনিক “কান্যকুজ” নাম প্রাচীন গ্রন্থে প্রায়ই দেখা যায় না (৪);—তৎসঙ্গে কন্যাকুজ এবং কন্যাকুজের প্রয়োগই লক্ষিত হয়। এখন উহার চলিত নাম কন্নৌজ—আমরা “কনৌজ” বলি। এই কন্যাকুজ প্রাচীন পঞ্চাল দেশের রাজধানী ছিল এবং রামায়ণ ও মহাভারতাদি প্রাচীন গ্রন্থের মতে বিশ্বামিত্রের পিতামহ কুশনাভ (বা কুশিক) ইহার প্রতিষ্ঠা করিয়াছিলেন। ভারতবৃক্ষের পূর্বেই এই পঞ্চাল দেশ বিধা বিভক্ত হইয়া উত্তর পঞ্চাল তৎকালে স্রোণাচার্যের এবং দক্ষিণ পঞ্চাল দ্রুপদ রাজের অধিকারভুক্ত হইয়াছিল। উত্তর পঞ্চালের রাজধানী অহিন্দ্র এবং দক্ষিণ পঞ্চালের রাজধানী কাম্পিলা নগরে প্রতিষ্ঠিত ছিল। প্রাচীন কন্যাকুজ, অহিন্দ্র (অহিন্দ্র) এবং কাম্পিলা এক্ষণে যুক্তপ্রদেশের ফরকাবাদ জিলার পড়িয়াছে এবং তিনটি নগরেরই হ্রদশার একশেষ হইয়াছে। প্রাচীন কালে কন্যাকুজ গঙ্গা-তীরেই প্রতিষ্ঠিত ছিল কিন্তু বর্তমান সময়ে উহার হ্রদশা দেখিয়াই যেন গঙ্গাদেবী অনেক দূরে সরিয়া আসিয়াছেন।

ফা-হিয়ান যে সময়ে কন্যাকুজে আসিয়াছিলেন তখন তথায় বৌদ্ধধর্মের প্রভাব ছিল দেখা গিয়াছে (৫)। খৃষ্টীয় ৫৩৮ অব্দের নিকটবর্তী কালে গুপ্তবংশের শেষ সম্রাট দ্বিতীয় কুমার গুপ্তের রাজত্ব শেষ হইয়া গেলে গুপ্তবংশের মহারাজা লোপ পায় এবং গুপ্ত সাম্রাজ্য সময়েই

(৩) The Pilgrimage of Fa Hian, chaprs XVIII.

(৪) কন্যাকুজ অথবা কন্যাকুজই প্রকৃত নাম, উহা হইতে “তথায় বাসকারী” অর্থে বিশেষণ শব্দ “কন্যাকুজ” হওয়া সম্ভাবিত বলিয়া বোধ হয়। সেই জন্য “কন্যাকুজ-ব্রাহ্মণ” এইরূপ বলা হয়।

(৫) ফা-হিয়ানের সময় সমগ্র আর্ষাবতে, বিশেষতঃ প্রাচীন শূরসেন, (মথুরা) সান্ধাশা, কন্নৌজ, সাকেত (অযোধ্যা) প্রাবর্তী, বৈশালী ও মগধ প্রভৃতি প্রদেশ সমূহে বৌদ্ধসম্প্রদায়ের প্রভাব বিস্তৃত হইয়াছিল।

গুপ্তবংশের দায়াদদিগের মধ্যে কেহ মালব, কেহ মগধে, কেহ গৌড়ে এবং কেহ বা ওড়িশায় প্রান্তঃসাম্রাজ্য স্বরূপে ও পরে স্বতন্ত্র স্বতন্ত্র অধিকাংশী রূপে রাজ্য স্থাপন করিয়াছিলেন (৬) । স্বাধীন-রাজ্য প্রথম রাজ্যবর্ধনের প্রপৌত্র বিখ্যাত হর্ষবর্ধন খৃষ্টীয় ৬০৬ অব্দে, পৈতৃক স্বাধীন (প্রাচীন কুরু) প্রদেশের রাজ-সিংহাসনের সহিত কানাকুঞ্জের সিংহাসন অধিকার করত পরে আর্ষাবর্তের সাম্রাজ্যপদ প্রাপ্ত হইয়াছিলেন । হর্ষবর্ধনের অব্যবহিত পূর্বে তাঁহার ভগিনীপতি (রাজ্যশ্রীর স্বামী) নোখরি কুলজগ্রহবর্মা কন্নোজের রাজা ছিলেন । গুপ্তবংশের মহারাজ্য লুপ্ত হইলে পর কন্নোজে এই বর্ম-নোখরিবংশের রাজ্য সংস্থাপিত হইয়াছিল । এই রাজবংশের যতদূর পরিচয় পাওয়া গিয়াছে তাহা হইতে বোধ হয় যে গুপ্তবংশট চন্দ্রগুপ্ত (দ্বিতীয়) বিক্রমাদিত্যের অথবা কুমার গুপ্তের সামন্তরাজ স্বরূপে কন্নোজে এই বংশের প্রতিষ্ঠা আরম্ভ হয় এবং পরে গুপ্তসাম্রাজ্যের অবসানে সেই সামন্তরাজের কোন সুষোগ্যবংশধর (সম্ভবতঃ ঈশানবর্মা অথবা শর্ষবর্মা-নোখরি) স্বতন্ত্র রাজ্যের অধিপতি বলিয়া পরিচিত হন । সম্রাট হর্ষবর্ধনের স্মৃৎসং এবং সভাসন মহাকবি ভট্টবাণ তদায় হর্ষচারিত এবং কাদম্বরী কথা-গ্রন্থে (মঙ্গলাচরণ শ্লোকাবলীর মধ্যে) “সংশেখর নোখরি”দিগের উল্লেখ করিয়াছেন । ঐতিহাসিকগণের চেষ্টায় নিম্নলিখিত বংশ তালিকা নির্ণীত হইয়াছে—

- ১। হর্ষবর্মা ।
- ২। আদিত্যবর্মা ।
- ৩। ঈশ্বরবর্মা ।
- ৪। ঈশানবর্মা ।
- ৫। শর্ষবর্মা নোখরি ।
- ৬। স্মৃৎসংবর্মা ।
- ৭। অবন্তিবর্মা ।
- ৮। গ্রহবর্মা—(রাজ্যশ্রীর স্বামী) । এই গ্রহবর্মা খৃষ্টীয়

(৬) মালব এবং মগধের গুপ্তবংশ, গৌড়ের শশাঙ্ক নরেন্দ্রগুপ্ত এবং ওড়িশা-বাম্বপুরের যবান্তি-কেশরী প্রভৃতি নৃপতিরূপে গুপ্তবংশের দায়াদ বলিয়া অনুমানিত হয় ।

৩০৬ অঙ্কে মালব-রাজ দ্বারা পরাজিত ও নিহত হইয়াছিলেন। এই মালবরাজের নাম দেবগুপ্ত বলিয়া কেহ কেহ অনুমান করিয়াছেন (৭)।

এই মৌখিক বর্ম রাজগণ ধর্মে পৌরাণিক (অথবা তান্ত্রিক) হিন্দু এবং সম্প্রদায়ে শৈব অথবা সৌর ছিলেন। বেহারের সাহাবাদ (আরা) জিলার “দেববরুণার্ক”—মন্দিরের শিলালিপি হইতে বুঝিতে পারা যায় যে শর্ববর্মী এবং অবস্তিবর্মী উভয়েই দেববরুণার্ক-সূর্য-মন্দিরের সংস্কার-সাধন করিয়াছিলেন (৭)। পৌরাণিক এবং তান্ত্রিক হিন্দুদিগের শৈব-শক্তি-সৌর-বৈষ্ণব-গাণ-পত্যাদি সম্প্রদায়-ভেদের প্রকৃত রহস্য যুরোপীয় ঐতিহাসিকগণ বুঝিতে অনেক গোল করিয়াছেন বটে, কিন্তু আমাদের পক্ষে ঐরূপ গোল করিবার বা ভুল বুঝিবার কোন সম্ভাবনা নাই। আমরা জানি, প্রকৃত জ্ঞানী হিন্দুর নিকট ঐ সকল দেবদেবীর উপাসকদিগের মধ্যে সাম্প্রদায়িক মতভেদ থাকিলেও শত্রুতার কোন কারণ নাই। হিন্দুমাঝেই প্রত্যহ ঐ পঞ্চদেবতার পূজা করিয়া থাকেন,—অস্তুতঃ করা উচিত বলিয়া মানেন। একই রাজা শিব, বিষ্ণু, শক্তি, সূর্য এবং গণেশের মূর্তি এবং মন্দির প্রতিষ্ঠিত করিয়াছেন, একরূপ দৃষ্টান্ত শত শত রহিয়াছে। আজও কত ধনবান্ এবং নিষ্ঠাবান্ হিন্দু পঞ্চদেবতার প্রাসাদ নির্মাণ করাইয়া পুণ্য এবং যশঃ উপার্জন করিতেছেন। প্রাচীন কালের রাজারা আবার ঐ সকল দেবদেবীর মূর্তি এবং মন্দিরের প্রতিষ্ঠা করাইয়া কাস্ত হইতেন না,—তাঁহারা বৌদ্ধ এবং জৈন

(৭) আফসদ-লিপি এবং অসীরগড় মুদ্রা লিপি (Seal), Corpus Ins. Vol. III, P. 203 and P. 219 দ্রষ্টব্য। পুনর পণ্ডিত শ্রীযুক্ত C. V. Vaidya, M. A., LL. B., মহাশয় ভূক্ত History of Mediæval Hindu India Vol I গ্রন্থের ৩৩ হইতে ৩৯ পৃষ্ঠার প্রমাণগুলি একত্র করিয়া ইতিহাস-পাঠকের মহত্বপূর্ণ করিয়াছেন। কন্নৌজের এই বর্মগণের সহিত মালবের বা মগধের গুপ্তদিগের বংশগত বিবাদ ছিল বলিয়া বোধ হয়। সপ্তমশতাব্দীর প্রবেশ মুখে গৌড়পতি শশাঙ্ক ঐ গুপ্তগণের পক্ষাবলম্বন করিয়া গ্রহবর্মীর উচ্ছেদ-সাধন সুগম করিয়া দিয়া ছিলেন।

দেবদেবীর মূর্তি, মন্দির এবং সংস্কার বা বিহারও প্রস্তুত করাইতেন (৮)। বৌদ্ধ বলিয়া বিখ্যাত পাল বংশের নৃপতিগণের কীর্তিকলাপ আলোচনা করিলেও এই বিষয় ভাল করিয়া বুঝিতে পারা যায়। বৌদ্ধ এবং জৈন ধর্মাবলম্বীগণকে প্রাচীনকালে সকলেই সুবিশাল হিন্দুধর্মের অঙ্গীভূত বলিয়া জানিতেন, তাঁগদিগকে শত্রু বলিয়া কেহই গ্রহণ করিতেন না। আধুনিক কালের শাক্ত-বৈষ্ণবের ঘনের গ্রায় কচিং পৌরাণিক এবং বৌদ্ধ-জৈনের মধ্যে সাম্প্রদায়িক বিবেকের পরিচয় পাওয়া গেলেও উত্তর কালীন মুসলমান-বিজয়ী-বীরগণের মত প্রাণাস্তিক বৈর ব্যবহার কেহই করিতেন না (৯)। গৌড়বংশের প্রাচীন কালের ধার্মিক ও সামাজিক ইতিবৃত্ত অতঃপর ক্রমশঃ আলোচনা করিয়া বুঝিবার চেষ্টা করিব।

কন্নৌজ-রাজ মোখরি গ্রহবর্নার পতনের সংক্ষিপ্ত ইতিহাস এই:—গুপ্ত সম্রাটদিগের সাম্রাজ্য-ভুক্ত কন্নৌজে বর্মগণের আধিপত্য গুপ্তবংশের দায়াদদিগের অসহ্য হওয়ায় বর্মগণকে বংশ পরম্পরায় গুপ্তদিগের সহিত বৃদ্ধ বিগ্রহে লিপ্ত হইতে হইত এবং রাজবংশের চিরস্থনী নীতানুসারে সময়ে সময়ে পরম্পরের মধ্যে বিবাহ বন্ধনের দ্বারা সন্ধির বন্ধন দৃঢ় করিবার চেষ্টাও করা হইত। স্থায়ীকর রাজবংশ ও বিবাহ-সম্পর্কদ্বারা গুপ্তগণের সহিত সময়ে সময়ে সংযুক্ত হইতেন। রাজ-পরিবারের এই সকল বিবাহ প্রায়শঃই রাজনৈতিক কারণে সংঘটিত

(৮) কাশ্মীরের ইতিহাস রাজতরঙ্গিনীতে একরূপ দৃষ্টান্ত অনেক দেখিতে পাওয়া যাইবে। বাণভট্টের কাদম্বরীতেও একরূপ আভাস আছে।

(৯) খৃষ্টাব্দ আরম্ভ হইবার শতাব্দী বৎসর পূর্বে (ইউরোপীয় গণের ও তাঁহাদের অমুগামী দেশীয় ঐতিহাসিকগণের মতে খৃষ্টীয় ষষ্ঠ শতাব্দে) প্রণীত বরাহমিহির কৃত “বৃহৎসংহিতা” গ্রন্থে প্রতিমা প্রতিষ্ঠাপন সম্বন্ধে নিম্ন লিখিত শ্লোকটি দেখিতে পাওয়া যায়,—

“বিষ্ণোর্ভাগবতান্ মগাংশ্চ সবিতুঃ শস্ত্রাঃস তস্ময়িজান্

মাতৃ গামপি মাতৃমণ্ডলবিদো বিপ্রান্ বিহুত্র ক্লগঃ ।

শাক্যান্ সর্বহিতশ্চ শাস্ত্রমনসো নগ্নান্ জিনানাং বিহু

ষে'ষং দেবমুপাশ্রিতাঃ স্ব বিধিনা তৈস্তস্যকার্য্য ক্রিয়া ॥ ১৯ ॥

ষষ্ঠিতম অধ্যায়ে ।

হইত। হর্ষ বর্ধনের পিতামহ আদিত্য বর্ধন মহাসেন গুপ্তের ভগিনী মহাসেনা গুপ্তাকে মহিষী করিয়াছিলেন (১০)। কল্লোজ রাজ অবন্তিবর্মা বলসঙ্কয়ের অভিপ্রায়েই নিজ পুত্র গ্রহবর্মার সহিত স্বাধীশ্বর-রাজ (আদিত্যবর্ধনের পুত্র হর্ষবর্ধনের পিতা) প্রভাকর বর্ধনের কন্যা রাজ্যশ্রীব বিবাহ দিয়াছিলেন। এই বিবাহের পরই মালবের রাজা (দেবগুপ্ত ?) গোড়ের গুপ্তরাজ শশাঙ্কের সহিত সন্ধিাদ্ধ হইয়া কল্লোজ আক্রমণ করত নবমুবক রাজা গ্রহবর্মাকে পরাজিত, নিহত এবং তরুণী রাজ্যো রাজ্যশ্রীকে কঠিন শৃঙ্খলে বান্দিয়া কারাগারে নিঃক্ষেপ করেন। ঠিক এই সময়েই প্রভাকর বর্ধন হঠাৎ ক্রম্ব এবং যুদ্ধানুখে পতিত হওয়ায় তাঁহার জ্যেষ্ঠপুত্র নব্যযুবা রাজকুমার রাজ্যবর্ধন পিতৃ-সিংহাসনে অভিষিক্ত হইয়াছিলেন। রাজ্যবর্ধন রাজপদে প্রতিষ্ঠিত হইতে না হইতে কল্লোজের বিপদবাতী তাঁহার নিকট পৌঁছিলে তিনি ছুটিয়া আসিয়া ভগিনীপতির রাজ্য উদ্ধার করিলেন বটে, কিন্তু সদোষবিধবা ভগিনীর কারানোচনের পূর্বেই স্বয়ং শত্রুহস্তে প্রাণবিসর্জন দিলেন। বাণভট্ট বলিয়াছেন, গোড়পতি শশাঙ্কের ঘণিত বিশ্বাস-ঘাতকতার ফলেই রাজ্যবর্ধন শত্রুশিবিরে প্রাণ হারাইয়াছিলেন কিন্তু, রাজকবি বাণভট্টের প্রদত্ত সংক্ষিপ্ত বিবরণ হইতে গোড়পতির অপরাধের পিচার করিতে অগ্রসর হওয়া কাহারও পক্ষে উচিত নহে। রাজনীতি অথবা কাব্রনীতি-শাস্ত্র যে কিরূপ জটিল, তাহা শাস্ত্রজ্ঞের অবিনিত নহে। সে কথা যাহাই হউক, রাজ্যবর্ধনের মৃত্যুর সময়ে তাঁহার কনিষ্ঠ হর্ষবর্ধনের বয়স আঠারো বৎসরের অধিক নহে,—তাহার কম হওয়ারই সম্ভাবনা। হর্ষবর্ধন এই আকস্মিক বিপদে মুহূমান না হইয়া বীরপুরুষের মত রণসজ্জা করত অগ্রসর হইলেন এবং বিদ্ধারণা হইতে ভগিনীর উদ্ধার সাধন করিয়া প্রথমে মালবের রাজাকে (দেবগুপ্তকে ?) সমরে

(১০) কুমারগুপ্ত (২য়) কল্লোজের ঈশান বর্মার, মহাসেন গুপ্ত স্থস্থিত বর্মার সহিত যুদ্ধ করিয়াছিলেন এবং মহাসেনের পিতা দানোদর গুপ্ত নৌখরি-যুদ্ধে নিহত হইয়াছিলেন। আবার আদিত্যবর্মার সহিত (হর্ষগুপ্তের ভগিনী) হর্ষগুপ্তার এবং তাঁহার পুত্র ঈশ্বর বর্মার সহিত উপগুপ্তা দেবীর (জীবিত গুপ্তের ভগিনী ?) বিবাহ হইয়াছিল। Mr. C. V. Vaidya প্রণীত পুস্তকের ৩৭ পৃষ্ঠায় বিস্তৃত বিবরণ দেওয়া হইয়াছে। এই গুপ্তগণের কথা পরে বিবেচিত হইবে।

সংহার এবং পরে গৌড়পতি শশাঙ্ককে পরাস্ত এবং বিতাড়িত করিলেন। শুভাদৃষ্টবশতঃ এইরূপে হর্ষবর্ধন নবযৌবনে পিতৃরাজ্যলাভ ও (ভগিনীর পুত্র না থাকায়) কন্নৌজরাজ্যেরও অধিকার পাইয়া ক্রমশঃ নিজের গুণে সমগ্র আর্ষ্যবর্তের সুহৃৎ সাম্রাজ্যপদ প্রাপ্ত হইয়াছিলেন (১১)।

এই রাজপরিবর্তন আর্ষ্যবর্তের ইতিহাসের অতি প্রসিদ্ধ ঘটনা। খৃষ্টীয় ৬০৬ অব্দে রাজ্যলাভ করিয়া খৃষ্টীয় ৬১২ অব্দে তিনি সম্রাট পদবী প্রাপ্ত হইয়াছিলেন এবং প্রায় একচল্লিশ বৎসর সাম্রাজ্য শাসন ও পালনের পরে এই মহা প্রতাপী, ধার্মিক এবং যশস্বী সম্রাট ৬৪৭ খৃষ্টাব্দে প্রাণ পরিত্যাগ করিয়াছিলেন। তাঁহার একমাত্র ক্রান্তাতা (বলভীর রাজা ঋবডট বা ঋবসেন) হিন্দু আর কোন নিকট আত্মীয় না থাকায় রাজ্য অরাজক রাখিয়া তিনি স্বর্গারোহণ করিলেন এবং অতি শীঘ্রই তাঁহার সেই আদিকু গঙ্গাসাগর বিস্তৃত মহাসাম্রাজ্য ছিন্ন ভিন্ন হইয়া গেল। হর্ষের মৃত্যু এবং সাম্রাজ্য ধ্বংস খৃষ্টীয় সপ্তম শতাব্দের মধ্যভাগে ঘটিয়াছিল। এই সময় হইতে মুসলমান অধিকারের পূর্ব পর্যন্ত কন্নৌজের রাজনৈতিক ইতিহাস আমাদের আলোচনার বিষয় এবং আমরা সংক্ষেপে সেই আলোচনাতেই প্রবৃত্ত হইতেছি। কন্নৌজ প্রদেশে বেদাচারের প্রবলতা এবং তথাকার ব্রাহ্মণদিগের বিদ্যাবত্তা এবং বিশুদ্ধতার খ্যাতি এখনও সর্বত্র প্রচলিত রহিয়াছে। প্রকৃতপক্ষে তদ্রূপ খ্যাতির সম্ভাবনা কতদূর তাহার বিচার পাঠকপাঠিকাগণ করিবেন। হর্ষের সমসাময়িক হোয়েহুসান্স (যুয়ানচোয়াঙ্গ) নামক সুশিক্ষিত বৌদ্ধশ্রমণের বর্ণনা দেখিলে রাজধানী কন্নৌজ সে কালে যে বৌদ্ধ সম্প্রদায়ের প্রভাবে খুব প্রভাবান্বিত ছিল, তাহাই বোধহয়; অস্তুতঃ তখন বৈদিকধর্মের অমুরাগী ব্রাহ্মণগণের প্রভাব এবং সম্মান খুব বেশী যে ছিল না তাহা নিশ্চয়। তবে, আমরা পূর্বেই বলিয়াছি, যে সম্রাট হর্ষবর্ধনের সময়ে বৈদিক (অথবা পৌরাণিক কিংবা তান্ত্রিক) ধর্মাবলম্বিগণও অনাদৃত অথবা উপেক্ষিত হন নাই। তিনি সকল ধার্মিকেরই সমান আদর করিতেন। নগরে সূর্যদেব এবং মহাদেবের মন্দির ছিল এবং নগরের অধিবাসিবৃন্দ তুল্য সংখ্যায় পৌরাণিক এবং বৌদ্ধধর্মের অমুরাগী ছিলেন।

খৃষ্টীয় ৬৪৭ অব্দে,—অর্থাৎ সপ্তম শতাব্দের মধ্যভাগে,—হাৰ্ঘের সাম্রাজ্য ধ্বংসপ্রাপ্ত হইবার পর, কন্নৌজ যে স্বাধীন রাজ্য-ংশের পরিচয় পাওয়া যায়—তাঁহাদিগকে আমরা পুরাতন মৌখরিবর্ম-বংশীয় বলিয়া মনে করি। রাজ্যশ্রীর স্বামী গ্রহবর্মী নবযৌবনে নিহত হইয়াছিলেন এবং তাঁহার কোন পুত্র না থাকায় হর্ষবর্ধনই কন্নৌজরাজ্য অধিকার করিয়াছিলেন। চীন দেশের ঐতিহাসিক-মতানুসারে বিধবা রাজ্ঞী রাজ্যশ্রীই রাজ্যেশ্বরী হইয়াছিলেন এবং তাঁহার অগ্রজ তাঁহারই প্রতিনিধি স্বরূপে কন্নৌজরাজ্য শাসন পালন করিতেন। রাজপ্রতিনিধির (হর্ষের) মৃত্যুর পরে রাজবংশেরই কোন যোগ্য ব্যক্তি রাজ্যলাভ করিয়াছিলেন তাহা স্বাভাবিক; কিন্তু সেই রাজ্য সেরূপ বংশীয় না হওয়ায় জন প্রমাদ তাঁহার নাম ধরিয়া রাখিতে পারে নাই। খৃষ্টীয় সপ্তম শতাব্দের শেষাধ পর্যন্ত এইরূপ ক্ষুদ্র ক্ষুদ্র এক বা একাধিক রাজা রাজত্ব করিবার পর সপ্তম শতাব্দের অন্তিমপাদে অর্থাৎ অষ্টম শতাব্দের প্রথম ভাগেই বিখ্যাত যশোবর্মী কন্নৌজের সিংহাসন লাভ করেন। যশোবর্মীকে আমরা তাই মৌখরিবর্ম-বংশীয় বলিয়াই গ্রহণ করিয়াছি।

১। প্রাচীন মৌখরিবর্ম-বংশের ধারা—

নাম।	রাজত্বকাল।
(১) যশোবর্মী।	খৃষ্টীয় সপ্তম শতাব্দের অন্তিমপাদ হইতে অষ্টম শতাব্দের প্রথম ভাগ পর্যন্ত। (৬৭৫—৭১৫ খৃষ্টাব্দ ?)
(২) বজ্রাবুধ।	অষ্টম শতাব্দের মধ্যভাগ হইতে শেষভাগ পর্যন্ত। এই রাজা খুব সম্ভব যশোবর্মীর পৌত্র।
(৩) ইন্দ্রাবুধ।	অষ্টম শতাব্দের শেষপাদ হইতে নবম শতাব্দের প্রথম পর্যন্ত।
(৪) চক্রাবুধ।	নবম শতাব্দের (৮১৬) প্রথমপাদের মধ্যেই ইঁহার রাজত্বের অবসান হয় (১২)।

(১২) এই যশোবর্মী হইতে চক্রাবুধ পর্যন্ত চারিজন রাজার সমসাময়িক রাজগণ :—

(১) যশোবর্মীর সভায় বাকপতিরাজ নামক কবি রাজকবি ছিলেন। রাজতরঙ্গিনীর মতে মহাকবি ভবভূতিও ইঁহার সভায় থাকিতেন। দেশীয় বিদেশীয় অনেক

২। গুর্জর প্রতীহার বংশ।

নাম।	রাজত্ব কাল।
(১) নাগ ভট—	৮১৬ হইতে ৮২৫ খৃষ্টাব্দ পর্যন্ত।
(২) রামভদ্র বা রামদেব— (নাগভটের পুত্র)।	৮২৫ হইতে ৮৪০ খৃষ্টাব্দ পর্যন্ত।
(৩) মিহির ভোজ বা প্রথম ভোজ— উপাধি—আদিবরাহ (রামভদ্রের পুত্র)	৮৪০ হইতে ৮৯০ খৃষ্টাব্দ পর্যন্ত।
(৪) মহেন্দ্রপাল বা মহেন্দ্রায়ুধ— (মিহির ভোজের পুত্র)	৮৯০ হইতে আরম্ভ শেষ অনিশ্চিত।
(৫) দ্বিতীয় ভোজ (মহেন্দ্র পালের পুত্র)	প্রথম অনিশ্চিত, শেষ ৯১০ খৃ. অব্দ।
(৬) মহীপাল (দ্বিতীয় ভোজের বৈমাত্রেয়)	৯১০ হইতে ৯৪০ পর্যন্ত।
(৭) দেবপাল (মহীপালের পুত্র)	৯৪০ হইতে ৯৫৫ পর্যন্ত।
(৮) বিজয়পাল (দেবপালের ভ্রাতা)	৯৫৫ হইতে ৯৯০ পর্যন্ত।
(৯) রাজ্যপাল (বিজয়পালের পুত্র)	৯৯০ হইতে ১০১৯ পর্যন্ত।
(১০) ত্রিলোচনপাল (রাজ্যপালের দায়াদ)	১০১৯ হইতে ১০২৭ পর্যন্ত।
(১১) যশঃ পাল (ত্রিলোচনের দায়াদ)	১০২৭ হইতে ১০৩৭ পর্যন্ত।

পশ্চিম রাজতরঙ্গিনীর মত অবলম্বন করত ভবভূতির সময় নির্ধারণ করিয়াছেন। আমরা এ সম্বন্ধে তাঁহাদিগের মতামত গ্রহণ করিতে অসমর্থ। এই বিষয় বর্তমান প্রস্তাবের প্রাসঙ্গিক না হওয়ার তৎসম্বন্ধে কিছু বলিতে চাহি না। কাশ্মীরের রাজা ললিতাদিত্য মুকুটপীড় (কহলনের মতে রাজ্যকাল খৃঃ ৬৯৯ হইতে ৭৩৫ অব্দ পর্যন্ত) দিগ্বিজয় উপলক্ষে যশোবর্মাকে পরাস্ত করিয়াছিলেন।

(২) কাশ্মীররাজ ললিতাদিত্য মুকুটপীড়ের পৌত্র বিনয়াদিত্য অরুণপীড় বঙ্গীয় মুখকে পরাস্ত করিয়াছিলেন। কহলনের মতে ৭৫১ হইতে ৭৮২ খৃষ্টাব্দ অরুণপীড়ের রাজত্ব কাল।

(৩) বাঙ্গালার রাজা ধর্মপাল কর্তৃক ইব্রাহিম পরাস্ত এবং রাজ্যচ্যুত হইয়াছিলেন।

যশ: পালের পরে কয়েকজন ক্ষুদ্র ক্ষুদ্র রাজা ১০৩৭ হইতে ১০৯০ পর্যন্ত রাজত্ব করিবার পর এই বংশ লুপ্ত হয় (১৩) ।

৩। গহরবাড় (রাঠোর) বংশ ।

চন্দ্রদেব এই বংশের প্রথম রাজা এবং তাঁহার বংশের হস্তে কন্নৌজরাজ্য প্রায় একশত বৎসর থাকিবার পর শেষ রাজা জয়চন্দ্রের সহিত এই বংশ এবং হিন্দু রাজ্যের যুগপৎ লোপাপত্তি ঘটে । এই জয়চন্দ্রই ইতিহাস প্রসিদ্ধ দিল্লীর পৃথ্বীরাজের ষষ্ঠর এবং প্রতিবন্দী “জয়চাঁদ ।” লুপ্তিত সর্বত্র কন্যাকুঞ্জ নগরী আবার গাহড়াড় বংশীর রাজগণের চোয় মহাসমৃদ্ধিশালিনী

(৪) ধর্মপাল চক্রায়ুধকে রাজ্যে স্থাপিত করিয়াছিলেন । “বঙ্গনার ইতিহাস” লেখক শ্রীযুক্ত রাখালদাস বন্দ্যোপাধ্যায় এম-এ. মহাশয়ের মতে ৭৯০ হইতে ৭৯৫ খৃষ্টাব্দের মধ্যে ধর্মপালের রাজত্ব আরম্ভ হইয়াছিল । খৃষ্টীয় ৮১০ অব্দে গুর্জর প্রতীহার বা পরীহার বংশীয় নাগভট চক্রায়ুধকে পরাস্ত এবং নিহত করিয়া স্বয়ং রাজা হইয়াছিলেন ।

(১৩) গুর্জর প্রতীহারবংশের আদিম স্থান রাজপুতানার অন্তর্গত ভিনমাল বা ভীলমাল । নাগভটই কন্নৌজে এই বংশের প্রতিষ্ঠাতা । দক্ষিণাপথের প্রসিদ্ধ রাষ্ট্রকূটবংশীয় তৃতীয় ইন্দ্র ৯১৬ খৃষ্টাব্দে এই বংশের ষষ্ঠ রাজা মহীপালকে পরাস্ত করিয়াছিলেন । বৃন্দেনথণ্ড অথবা জেজাকভুক্তির চন্দেল রাজা যশোবর্ম এই বংশের সপ্তম রাজা দেবপালকে পরাস্ত করিয়াছিলেন । গজনির অতি বিখ্যাত সুলতান মামুদ এই বংশের নবম রাজা রাজ্যপালকে পরাস্ত করিয়াছিলেন । রাজ্যপাল মামুদের ভয়ে কন্নৌজ পরিত্যাগ করত গঙ্গার অপর পাশ্বে স্থিত “বারী” নগরে গিয়া নূতন রাজধানী স্থাপন করিয়াছিলেন । সুলতান মামুদ রাজার পশ্চাদ্ধাবন পরিত্যাগ করত তাঁহার প্রধান উদ্দেশ্য দেবমূর্তি ভঙ্গ ও মন্দিরাদি লুণ্ঠন-কার্য সুচারু রূপে সাধন করিয়া চলিয়া যান । বৃন্দেনথণ্ডের চন্দেলরাজ গণ্ডের উত্তরাধিকারী বিদ্যাদর খৃষ্টীয় ১০১৯ অব্দে এই কাপুরুষ রাজা রাজ্যপালকে (তাঁহার নূতন রাজধানী “বারী”তে গিয়া) আক্রমণ, পরাস্ত এবং নিহত করিয়াছিলেন । ১০৯০ খৃষ্টাব্দের কিছু পূর্বে গহরবাড় (রাজস্থানের ইতিহাসে “রাঠোর” বলিয়া পরিচিত) বংশীয় চন্দ্রদেব কন্নৌজ রাজ্য অধিকার করেন এবং সেই সময়ে প্রতীহার বংশের অবসান এবং গহরবাড় বংশের প্রতিষ্ঠা হয় ।

হইয়াছিল। ঘোর বংশীয় সিহাবুদ্দীন (নহস্রবোরী) প্রথমে এই কন্নৌররাজ জয়চাঁদকে কীরূপে হস্তগত করত পৃথ্বীরাজের সর্বনাশ সাধন করেন। এবং পরে আবার সেই স্বদেশ এবং স্বজাতিদ্রোহী জয়চাঁদকে কীরূপ সমুচিত শিক্ষা প্রদান করিয়াছিলেন, তাহা ভারতের ইতিহাস-শিক্ষার্থী মাত্রেরই সুপরিচিত। খৃষ্টীয় ১১৩৪ অব্দে জয়চাঁদের পতন এবং কন্নৌরের হিন্দুরাজ্যের অবসান ঘটয়াছিল। আজ আর সেই পৃথিবী-বিশ্বত (১৪) কন্নৌরের সে স্ত্রী-সম্পদ কিছুই নাই; স্বয়ং গঙ্গাও সেই দুর্ভগা নগরীর স্পর্শ ছঃসহ মনে করিয়া দূরে সফিয়া গিয়াছেন এবং এখন সেই মহানগরী ফরক্কাবাদ জিলার ক্ষুদ্র একটি তহশীলদারের অধিষ্ঠান স্বরূপে কথকিং নিজ পরিচয় প্রদান করিতেছে!

কন্নৌরের ইতিহাস যতদূর আলোচনা করা গেল, তাহাতে তথায় হর্বের পর বিশেষ পরাক্রান্ত কোন সার্বভৌম নরপতির অস্তিত্বের প্রমাণ পাওয়া গেল না। বাকপতি রাজের আশ্রয়দাতা বশোবর্মদেবের কথা তুলিয়া লাভ নাই,—তিনি নিজেই কাশ্মীরাবিপতি ললিতাদিত্য যুক্তাপীড়ের নিকট পরাস্ত হইয়াছিলেন (১৫)। পরে বশোবর্মার বংশীয় ইন্দ্রাবুধ বাঙ্গালার অধিরাজ ধর্মপালের হস্তে পরাস্ত হইয়াছিলেন এবং ইন্দ্রাবুধের পুত্র বা দায়াদ চক্রাবুধ গৌড়রাজের প্রদাদভোজীই ছিলেন। একরূপ অবস্থায় আর্ঘ্যবর্তের অন্যান্য অংশ অপেক্ষা কন্নৌরে বৈদিক-ধর্মের অধিকতর মর্যাদা অথবা উন্নতি থাকার সম্ভাবনা বলিয়া বোধ হয় না। অপর পক্ষে গৌড়রাজের ধার্মিক বা সামাজিক অবস্থা ঐ সময়ে কন্নৌরের অপেক্ষা বিশেষ হীন থাকারও কোন সম্ভব কারণ দেখা যায় না। আগামী প্রস্তাবে আমরা বঙ্গমণ্ডলের রাজনৈতিক ইতিহাসের সংক্ষিপ্ত আলোচনা লইয়া উপস্থিত হইব।

ক্রমশঃ—

শ্রীঅণিলান্দ্র ভারতী ভূষণ।

(১৪) কন্নৌরের রাজনৈতিক ইতিহাসের উপাদান আমরা প্রদানতঃ ভিনেসান্ট শ্বিথ এবং সি, ভি, বৈদ্য মহাশয়ের ইতিহাস হইতে সংকলন করিয়াছি। গ্রীক টলেমীর গ্রন্থেও কন্নৌরের উল্লেখ বখন দেখা যাঃতেছে, তখন উহাকে “পৃথিবী-বিশ্বত” বলা অসম্ভব নহে।

(১৫) বাকপতি রাজের “গৌড়বহো” (বা গৌড়বধ) কাব্যের মূলে কোন ঐতিহাসিক তথ আছে বলিয়া আমরা বিশ্বাস করি না। বাঙ্গালার রাজনৈতিক ইতিহাস ও তহশীলন কালে আমরা সংক্ষেপে “গৌড়বহ” সম্বন্ধে দুই চারি কথা বলিব।

মিনতি ।

ক্ষমা ক'রো মোরে হে আমার প্রিয়—ক্ষমা ক'রো অপরাধ,
 ভুলে যেয়ো যদি হয়ে থাকে কোন ক্রটি,
 নিমেষের তরে অবহেলা ভরে গণিয়ে না পরমাদ—
 রেখো অভাগীর এই শেষ মিনতিটা ।

অভিমান ভরে হয়তো কত না কহিয়াছি কটু কথা—
 হয়তো তোমার বরায়েছি অঁখি জল,
 তা' বলে তোমার ঘৃণা-করে-দেওয়া মর্শ্বলুদ ব্যথা
 রংগেনি আমার অক্ষত হৃদি তল ।

আমার জীবন নিষ্ফল তুমি ক'রেছো চরণাঘাতে
 উন্নত গির করিয়া দিয়েছো নত ;
 তনে কেন আর বজ্রের মত ক্রুর অভিসম্পাতে
 অভাগারে তুমি করিবারে চাহ হত ।

আপনি যে দীপ নিবিছে নীরবে—নিবায়ে কি হবে তারে,
 যতটুকু জ্বলে—জ্বলিবারে তারে দিয়ো,
 এ শিখায় তব কাঁচা সোণাটুকু পোড়াইয়া বারে বারে
 চিরতরে তারে থঁটা ক'রে শুধু নিয়ো ।

শ্রী:বৃন্দা দাস ।

বয়াটে

দ্বিতীয় ।

(রঙ্গনৈচিত্রে ।

(পূর্বপ্রকাশিতের পর)

মুখবন্ধ

খোলার বাঁড়ী থেকে একেবারে দোমহলা “কোঠা”—ন’বনে যেন হাঁফিয়ে উঠলো ! তাঁদের বাড়ীর সদরে এখন—দারোয়ান, অন্তরে রাঁধুনি আর আপিস ঘরে “বয়” বা আরদালী ।” এই “বয়” নিয়ে হ’য়েছে—ন’বনের বড় আপন ;—সাহেব “বয়” বলে ডাকলে—এক একবার সেই জবাব দিয়ে বসে ।

সাহেব ঠিক ক’রেছেন—দম্কা খরচের মুখে হাজার হাজার টাকা পাখীর ঝাঁকের মত হস্ ক’রে উড়িয়ে দে’য়া চাই । বাড়ীখানাকে তাই হালের বড় মান্নী কায়দায় আগাগোড়া সাজিয়ে গুছিয়ে তোলা হ’য়েছে । নীচে—আপিস ঘর ;—সেখানে সেক্রেটারিয়েট টেবিল, চেয়ার, আলমারী, বাক,—হোয়াটনট ! ওপরে ড্রইং রুম ;—ছবি-তস্বীরে তামাম ঘরখানা সাজানো—যেন কোনো পরীজাদীর আরাম-বাগ কি স্নানের হাঙ্গামা ! তার পাশে লাইব্রেরী—ছোট বড় আলমারীগুলো সব দেশ বিদেশের বাহাই সাহিত-বিজ্ঞানে ভরপুর বোঝাই । একটা রিভলভিং বা ঘোরানো সেনক্—তাতে পড়বার মতন ‘নতুন’ বই খান কত ক’রে সাজানো । এক কোণায়—তিনখানা “ইঞ্জেল”—তেহগিনির ছোট একটা সেন্ফে ক্যানভাস, রঙ, তুলি ইত্যাদি ছবি ঝাঁকবার সরঞ্জাম । লাইব্রেরীর পাশে বেড্রুম বা শোবার ঘর । চেটাই ছেড়ে একেবারে স্প্রিংএর খাটে গুদি অঁটা বিছানায় বিজ্ঞানী পাখার নীচে শুয়ে গুনানো । ন’বনের কাছে এ সব আরব্য উপন্যাসের মত তদ্ভূত ঠেকতে লাগলো ! সে ডিগ্‌গেস ক’রলো—

“এর নামে ?”

সাহেব ব'লেন—“আলীরা
ন'ব'নে ব'ললো—“বেশ কৃপা।”

এক।

সেদিন—আবার র'ব'বার! সাহেব ভোরে উঠেই অ'পিন করে এসে ব'নেছেন। বয়
চা চোকোনেট, টোষ্ট—মাখন ইত্যাদি ট্রে'র ওপর সাজিয়ে এনে টেব'লের ওপর রেখে গেল।
ন'ব'নে তখন—ঘরের কোণায় তাদের সেই ‘হোল্ডঅলের’ ডালা উল্লো ক'রে খুলে রাজ্যের
খেলনা, বাসন, ব্লাউজ বার ক'রে আলাদা আলাদা থাক' দিয়ে সাজাচ্ছিল। আচ্ছা আবার
সাহেবের পোষ্য ফেরীওয়ানার দল—তাদের হস্তার বেসতি ব'য়ে নিতে আসবে। সাহেব
খাতা খুলে ব'সেছিলেন—হিসেব স' কড়া ক্রান্তিতে মিলিয়ে নে'য়া চাই!

সাহেব ন'ব'নেকে ডাকলেন—“এস চা খেয়ে নাও”—

এর মধ্যে দারওয়ান এসে টেব'লের ওপর কার্ড একখানা রেখে সেলাম দিলে—সাহেব
ব'লেন—“সেলাম ব'লো।”

কার্ডে লেখা ছিল—“মোম্বাভান্না”—এক নি'মিটের ভেতরই মোম্বাভান্না ঘরে ঢুকে ন'ব'নে তার
সাহেবকে সুপ্রভাত জানালো। সাহেব ল'কয়ে উঠে তাকে ব'কে জড়িয়ে নিলেন—ন'ব'নে
ছুটে এসে তার দুই হাতে “মোম্বাভান্নার” ডাকাতদের হাতের মতন পেশল ডান হাতখানা
জড়িয়ে ধ'রে ব'লে—“গুড'মর্নিং!”—সাহেব ব'লেন—“আনার কমাশিয়াল গেজেটিয়ার” ব'য়, খবর
শোন।”

ন'ব'নে মোম্বাভান্নাকে টেনে একটা চেয়ারে বসিয়ে এক পেয়ালা চা ঢেলে সাম'নে এগিয়ে
দিয়ে ব'লে—“বলুন, হস্তার খবর।”

মোম্বাভান্না—চারের পেয়ালায়—চৌ—একটা চুমুক দিয়ে—পকেট থেকে এক ভাড়া নোট
টেনে বার ক'রে সাহেবের কাছে এগিয়ে ধ'লো। সেই ল্যান্ডাউন রোডের মোড়ে—প্রথম
দিন যেমন একটা বাণ্ডল সাহেবের হাতে দিয়েছিল—আজকে ও নোটগুলো মোম্বাভান্না সেই

রকম ক'রে কাগজ দিয়ে জড়িয়ে আধ বিষতটাক একটা বাণ্ডেল ক'রে এনেছিলো। সে দিনও সেগুলো ছিল নোট—টাকা,—আজও তাই! সাহেব জিগ্গেস ক'রলেন—“কালকে এসেছে?”

“হাঁ সন্ধ্যার ডেভিভারীতে পেয়েছি—এ হুণ্ডায় আনদানী বেশী হ'য়েছে।”

“কপাল ফ'লেছে?” ব'লে সাহেব হাসলেন। ন'ব'নে জিগ্গেস ক'রলো—“তাপর বাজারের খবর”—

ভান্না জবাব দিল—“দোটের ওপর ভেজী—বিস্ত একদিক ঘিরে একটু বন্দা গেছে”—

“মানে?”

“মানে—একটা বাঙালী ছেলে—পাকা খেলোয়াড়। আর বিরিকি ফেরোয়ার!”

ন'ব'নে ব'ললে—“অ'্যা?”—

“ফেরোয়ার?”—ব'লে সাহেব—আবার “হো—হো—হো—হো—হো” ক'রে ডাক ছেড়ে হেসে উঠলেন—

মোস্তাভান্না অত্যন্ত গম্ভীর মুখে আর এক চুমুক চা গিলে ব'লে গেল—“তার হাতে প্রায় সাঁইত্রিশ টাকা জ'নেছিল—মালও বিছু ছিল তা বিক্রি হবার আগেই—সে লাগোয়া হ'য়েছে কারণও যে কিছু তার না ছিল তা নয়—সে কথা পরে বলছি।”

ন'ব'নে গালের বাদিকে টিবলে ক'রে টোঁট চিবোতে চিবোতে জিগ্গেস ক'রলেন—“তার আগের খবর।”

“হরিচরণ।” ন'ব'নে জিগ্গেস ক'রলেন—“সে আবার কে?”

বলরানদের ট্রীটের ক'ব'রেজ মশাই—আনার ডেকে নিয়ে ছোকরার সঙ্গে চেনা করিয়ে নিয়েছিলেন;—বেশ চালাকচতুর, কথাবার্তা শুনে খুব মশীম ব'লে মনে হ'ল। সে ব'লে—পাবনা—সিরাজগঞ্জ থেকে ডিমের চালান এনে ‘ব্যবসা’ শুরু ক'রেছে—খরচখরচা বাদে—ছনো লাভ টেঁকে! আমার কাছে বিছু মূলধন চায়। ক'ব'রেজ মশায় ‘সুপারিস’ ক'রে ব'ললেন ‘বেশ ছেলেটা—একে দিতে পারেন।’ আনি তখন পঁচিশ টাকা দিলাম দিন দুট পরেই সে এনে আনার চল্লিশ টাকা করিয়ে দিয়ে ব'লে—দেখুন—একটা খুব ‘দাঁ’ পাওয়া গেছে!—

“রেড্‌পাল” সাবান কোম্পানীটা ফেল পাড়েছে—জানেন ত! আমি মোটে আটশো টাকায়—ওদের কল নার সরঞ্জাম-সব কিনে ফেলেছি;—সাবানো কিছু আছে। এট্টে “জয়েন্টষ্টক সিস্টেমে” চালাবো—আপনি, আমি আর ক’ব্‌রেজ মশাই—তিনজন প্রমোটারস্। আর একজন উকীলকেও ব’লেছি তিনি বেশ পরমাওয়াল লোক ৪ ভাগে দুশো টাকা ক’রে মোট আটশো আরো টাকা ৫০ ক’রে দিতে হবে পরেও তো দরকার আছে—সেটা সেকেও “কল” দিয়ে নোন। আজ নগদ দুশো টাকা দিয়ে দিন। আমি সত্যিই সেটা তোফা-ফলাও একটা ‘দাঁ’ মনে ক’রে তখ্‌খুনি দুশো টাকা দিয়ে দিলুম।”

শেষ পর্য্যন্ত আপনাদের তিন জনের ওপরেই চাল দিয়ে—ফলাও দাঁটা—মানে এই ছ’শ টাকা মেরে সে বেগালুন—চম্পট ?

“চম্পট।”

সাহেব হো হো হো ক’রে আবার ক’ল্‌জে—ফাটানো হাসি হাসলেন। ন’ব্‌নে বল্লো—
“বেশ হ’য়েছে!—তা’পর ক’ব্‌রেজ মশাই কি ব’ল্লেন?”

“হরিচরণ অতি কৃতয়!”

“প্রাঞ্জল সংস্কৃতে এই জবাব দিলেন?”

“হ্যা—তা’পর হিসেব দিলেন—তার মোট চারটা শ’ টাকা মহাত্মা হরিচরণ—নিম্নে ডিমে—”

ন’ব্‌নে বল্ল—“তা’ দিয়েছেন?”

ব্যাপার বোঝ! তা’পর বিরিকি—সে রেটা সারাবেলাই—কি তাকি তুকি ক’রতো—কেমন ক’রে ক’রে দেন চাইত—তাই দেখে ওর ওগর বিল্ট, হিলটু সককলেরই কেমন একটু গন্দেহ হ’ল—। ওরা ঠিক বার ক’রলে—“ও-বেটা পুলীসের চর—আমাদের পেছনে টিকটিফি ঐ ছানাটিকে লাগিয়েছে। সবাই মিলে উত্তম-মধ্যম ব্যবস্থার যোগাড় ক’চ্ছে বুঝতে পেরেই বাছাধন পগার পার—কিন্তু এ বাড়ীর খবর এখনও কিছু পায় নি।”

সাহেব ব’ল্লেন,—“দেখা পাওতো ডেকে ঠিকানাটা ব’লে দিও।”—

কথার মাঝখানেই একজন দুজন করে সওদাগররা সব এসে জুটলেন। হিসেব-নিকেশ, বুঝ-পুত্র, নেনা-দেনা মিটে গেলে—মোন্নাওন্না বাজে বেড়িয়ে গেলেন। ন’ব্‌নে আর সাহেব

উঠতে বাবেন এমন সময় প্রকাণ্ড একখানা প্যানহাট গাড়ী এসে ন'বনেদের বাড়ীর দরজায় দাঁড়ালে। ভেতর থেকে একটা বাবু হেঁড়ে গলায় ডেকে দারোয়ানের হাতে একখানা চ'ক চ'কে কার্ড-সাহেবের বরাবর পাঠিয়ে দিলেন। তাঁর দেহখানি বেমানানো রকম অনাবশ্যক নাহুগ-মুহুগ হৌদল-কুতকুতে গোছের। ভুঁড়িগী মোটরগাড়ীর বনেটের মত সামনের দিকে ফুলে বেড়ে উঠেছে ব'লে দাঁড়িয়ে উঠলে সারা অঙ্গ পেছন পানে হেনে চিং হয়ে আসে। গায়ের রঙ বেশ ফরসা—সাজ-গোজটীও সৌখীন।

একটু পরেই সাহেব সেলাম পাঠালে বাবুটী গিয়ে সাহেবের কাছে ব'সে নানা রকম কি সব কথা-বার্তা আরম্ভ ক'রে দিলেন। সে অনেকক্ষণ। কখনো চুপে চুপে, কখনো হাত মুখ নেড়ে কখনো বা মুচকী হেসে। ন'বনে দূরে ড্রয়ারের সামনে ব'সে ব'সে এক একবার তাকিয়ে এই অদ্ভুত রঙ্গ অভিনয় দেখতে লাগলো। আলাপ-সালাপ শেষ হ'লে বাবুটী ন'স্কার জানিয়ে উঠে গেলে সাহেব তাঁর হো হো গদগদ হাসি হেসে উঠে ব'ললেন—“রঙ্গ, আবার ব্যবসা।”

ন'বনে জ্বা ব ক'বলে “অমুমান ক'রছি বটে কিন্তু সব কথা ঠিক বুঝতে পারি নি।”

সাহেব বললেন—“ইনি পূর্ণরমা কটন দিলেন—প্রোপ্রাইটার। হঠাৎ এঁদের সেয়ারের দর প'ড়ে গিয়াছে। একেবারেই নেবে গিয়েছে ব'লতে হবে কিন্তু তার সমস্ত কোনো কারণ নেই। কেননা কাপড় ঠিক সমানই তৈরি হচ্ছে সুতো বছরে বরং বাড়তিই হ'য়েছে কিছু—হিসেবে পাওয়া যাচ্ছে কিন্তু ডিভিডেন্ট গত বছর যা দে'য়া হয়েছিল—এবার তা দিতে পারলেন না খরচ যে কেন বেড়ে গেল তাও ঠিক বুঝে উঠতে পারেন নি। এঁদের সেয়ার-রেটলি যদি অন্ততঃ কুড়ী টাকা বাড়িয়ে দিতে পারি তবে উনি আমার মোটের ওপর দশ হাজার টাকা মর্যাদা দেবেন ব'লেন—সোজা কথায় আমার মেহনতের মজুরী পুষ্টিয়ে দেবেন আর কি! বাস! কাল থেকেই আরম্ভ ক'রতে হবে। তুমি সপ্তাহে দু দিন গিয়ে ওদের অ্যাকাউন্টটা আগাগোড়া অডিট ক'রবে। গলদ কিছু ভেতরে আছেই নিশ্চয়।”

ন'বনে ব'লে —“আচ্ছা।”

পরদিন ইংরাজী, বাঙলা, সংস্কৃত নৈনিকিই প্রকাণ্ড বিজ্ঞাপন বেরিয়ে গেল। পূর্ণরমা কটনদিলের সেয়ারের দর হঠাৎ প'ড়ে গিয়েছে বলে রামনারায়ণ কিম্বদন্তী তাঁর দশ হাজার

টাকার সেয়ার পঁয়ষট্টি টাকা দরে ছেড়ে দেবেন যদি কেউ ক্রেতা থাকেন—চিঠি লিখে খবর করুন।

তার সাতদিন পরে নবনীতমোহন চক্রবর্তী সব কাগজেই অ্যাড্‌ভার্টাইজমেন্ট বার ক'লেন তিনি পূর্ণিমা কটনমিলের সেয়ার কিনবেন। দর পঁচাত্তর থেকে আশী টাকা। সাতদিনের ভেতর ধারা “বিক্রি” ক'রতে রাশী আছেন চিঠি লিখুন।

পরের সপ্তাহে রোজ ‘ডেলিভারির’ পর ‘ডেলিভারিতে’ সেয়ার ‘বিক্রীর’ চিঠি এসে ন'বনের টেবলের ওপর পাজা হ'ল। নিয়ম মত লেখাপড়া ক'রে সাহেব নবনের নামে অনেক টাকার সেয়ার কিনে ফেললেন। ন'বনে শেষ সেয়ার ট্রানজাকশন সে'রে উঠে দাঁড়ালে সাহেব দাঁড়ীর ভেতর দিয়ে পাঁচটা আসুল একবার চালিয়ে নিয়ে তাঁর সেই হাসির হররার ঘর কাঁপিয়ে তুলে— ন'বনের পিঠের ওপর একটা চাপড় মেরে ব'ললেন “তৈয়্যি হও; বেলা বারটা বাজে একুনি সেয়ার মার্কেটে বেরোতে হবে।”

হুজনে বেরিয়ে প'ল।

সে এক অপূর্ণ চিড়িয়াখানা। মানুষের ভেতর বত আজগুবি আদর্শের জীবেরই সেখানে গতি বিধি। আশে-পাশে বড় বড় আটামোবাইল গাড়ী; এখানে ওখানে বেজার বেজার হর রঙা পাগড়ী, ছাট, কোট বুট আছে—ভুঁড়িটা সাধারণ, প্রায় সকলেরই—সে এক একটা মানুষী নৈহিক সম্পত্তি। সবাই বেন অতিশয় বাস্ত। চোখগুলো লোণ-গুলোর কুট বুদ্ধির উৎসাহে অতিরিক্ত রকন আছে। হাসছে কেউ কেউ কিন্তু তার ভেতরেও মানে গোপন র'য়েছে, আর সে মানে—ঐ এক কথা—টাকা আর লাভ। নগদ রূপের অন্বয়মানি বা তিকনিকানো রূপ সহরের কানি ধোঁয়ার অপস্থির রোদের আলোর জ'লে উঠছে কম বেশীর ভাগ কাজ-কর্মই চ'লছে কাগজে আর লেপায়।

পূর্ণিমার মালিচ, আমাদের সাহেব আর ন'বনে তিন জনেই সেখানে হাঙ্গির হ'য়েছেন। সাহেব মিলের মালিকের মোটা হাতখানার জোরে গোটাকত ঝাঁকি মেরে ব'লেন দর হাঁকুন— ৯৯ টাকা।

তিনি ব'লেন—পূর্ণিমা কটন মিল—৯৯ টাকা ১০ সেয়ার ১০০ টাকা।

চট ক'রে একটা মাড়োরারী দেহ ছলিয়ে ছুটে এসে ব'ললো একশো পঁচ।

তার পেছনে আর একজন—হাঁকলো—“একশো দশ ।”

সাহেব ব'ল্লেন—“একশাও চালিস—” নব'নে ডাকলো দেড়শাও ।”

সে আজও নবাবজাদা । তেমনি সাজ ফিককরা হাসি, গাল ভরা পান কানে আতর ।

পেছন থেকে কে একজন তাড়াতাড়ি এসে ন'ব'নের হাত চেপে ধ'রে ব'ল্লে—“বিলকুল
তামাম লে লেগা ।” এক শও প'চাত্তর পৌনে দোশ ।”

সাহেব ব'ল্লেন—“বাস খতম ।”

সবগুলো সেয়ার বিক্রী হ'য়ে গেল । পূর্ণরমা মিল্‌সের সেয়ার য়েট উঠে গেল পৌনে
দুশ ।

তার সাতদিন পরে শ্রীমান নবনীতমোহন অডিট রিপোর্ট মানে হিসাব খতিয়ে নিকেশ করা
বিবরণ সাহেবের হাতে দিলে—মিল্‌সের প্রোপ্রাইটারকে খবর দিয়ে ডাকিয়ে এনে সাহেব
তাঁর সামনে প'ড়লেন—“১৮৯৬ থেকে আজ পর্য্যন্ত পূর্ণরমা মিল্‌সের ক্যাস বইএর খতিয়ান খুঁটি
নাটী নিকাশ ক'রে যা দেখা গেল—

প্রথম বছরেই ব্যবসায় লাভ হয়েছে । শতকরা দুই টাকা লাভ অংশীদারদের দিলেও—
রিজার্ভফণ্ডে পনর হাজার টাকা থাকা উচিত ।

তা'পর থেকে ৫ বছর অবধি প্রত্যেক বছরেই সামান্য লোকসান ।

তারপর ২ বছর লাভ ।

তারপর ৫ বছর ছনো লাভ হয়েছে । রিজার্ভের যে টাকা খরচ হ'য়েছিল সব আবার জমা
রাখা যেতে পারতো । পুনাত্মের রাজার দেড় লাখ টাকার সেয়ারে—ডিভিডেন্ট খরচ লেখা
হ'রেছে কিন্তু তাঁর কাছে তারে খবর নিয়ে দেখা গেল তাঁকে এ অবধি এক পয়সাও লাভ দে'রা :
হয়নি । খাতাধীর ড্রয়ারের পাশে ছেঁড়া এক টুকরো চিঠি পড়ে হঠাৎ সন্দেহ হ'য়েছিল ব'লে
আমরা গোপনে খোঁজ নিয়েছিলাম ।

মোটের ওপর দেখা গেল প্রায় তিন লাখ টাকা চুরি হ'য়েছে । যদি কর্মচারীদের কিছু
জামিন থেকে থাকে তবে তা বাজেয়াপ্ত ক'রে এই টাকা আদায় ক'রে নিয়ে ব্যবসায় বাড়িয়ে
দে'রা যেতে পারে—ভাল একজন ম্যানেজার রাখা দরকার । প্রত্যেক মাসে অডিট হওয়া

চাই। বেশী টাকা দিয়ে বিশ্বাসী, খাঁটা লোক রাখবেন। বাইরে এ খবর 'রাষ্ট্র' হ'তে দেবেন না—তা হ'লে সৎনাম নষ্ট হ'য়ে যাবে। ইতি—

শ্রীনবনীভমোহন চক্রবর্তী।

কড়ার ক্রান্তিতে হিসাব ক'বে জমা, খরচ, ঠক, উৎপন্ন জিনিষ বিক্রীর দাম ইত্যাদি লিখে দস্তুর মত ব্যবসায়ী ধরণে নিকাশ নামানো খতিয়ানশ্লিপ রিপোর্টের সঙ্গে আঁটা ছিল। এমন কৌশলে পরিষ্কার করে বিবরণ লিখে দে'য়া হ'য়েছে যে যে কেউ তা থেকে—সত্য উদ্ধার ক'রে নতে পারবেন। মিলসের মালীক তো প'ড়ে অঝক। তিনি ছোট ছোট ছুটো চোখ গর্ভের ভেতর ফুর্শিয়ে বড় ক'রে ব'ললেন—“এতদিন তবে এই সব—অডিটাররা কি ক'রেছে?”

ন'ব'নে মুচকী মুখে টিপি টিপি হাসলো—আর সাহেব হো হো উল্লাসে ঘরের ভেতর আওয়াজ গুলজার ক'রে ব'ললেন—“এই জন্তেই বাঙালীর ব্যবসায় লাভ হয় না; মন তৈরী হয় নি লোভ সাম্ভাতে পারে না—তারা চায় রাতারাতি বড় লোক হবে কিন্তু অসহুপারে।”

মিলওয়াল ব'ললেন—“আপনার এই ছেকুরা বাবুটিকে আমায় দিন না—আমি সুপারিনটেনডেন্ট রাখ'বো।”

সাহেব আবার হাসলেন। ন'ব'নে ব'লে “আমার অবসর কম।”

সাহেব ব'ললেন—“তবে তো হয় না প্রোপ্রাইটার বাবু!”

বাবুটা ভাবলেন এ ছজনই অদ্ভুত বিচিত্র স্বভাবের লোক। এ'রা মাইনে নিয়ে নিয়ম মত দশটা থেকে পাঁচটা তাঁর কাজ করতে কিছুতেই রাজী হবেন না। তাই মাঝে মাঝে তাঁর ব্যবসায়ের তথ্য করবার বিনীত নিবেদন জানিয়ে এঁদের ছজনকেই অন্তরের সঙ্গে ধন্যবাদ দিয়ে বিদায় হ'লেন।

ছই।

পরের দিন সকালে উঠে সাহেব ন'ব'নেকে ছবি আঁকতে ব'লে বেরিয়ে গিয়ে বেলা এগারটার সময় এক হাওয়াগাড়ী ক'রে বাড়ী কি'লেন। মোটরের শব্দে ন'ব'নে মেবে এসে জিগ'গেব ক'লে—“সে ক'?”

সাহেব হেসে ব'লেন—“সেই দশ হাজার টাকা বয়, পূর্ণিমা কটন মিলসের টাকায় এই হাওয়াগাড়ী কিনলাম—হ'জনে মিলে হরদম হাওয়া খেয়ে বেড়াবো। সৌকার আধরা রাখবো না—তোমারও গাড়ী চালানো শিখিয়ে দোব।”

আবার হো হো হাসি। গাড়ী চড়া আর চালানো ছুই-ই এখন এঁদের বিপুল বেগে চলতে লাগলো। ন'ব'নে হাওয়াগাড়ী হাঁকিয়ে সাহেবের সঙ্গে অনেক মজলীস, সভা, কবি গৃহের মিলনী-উৎসব ইত্যাদি করে বেড়াচ্ছে।—কিন্তু মনটা যেন তার—সৌখীন সহবতের রঙদার তালে লয়ে বেশ সহজ; সচ্ছন্দে চলতে চাইল না—এই সব মুখোমুখি ভদ্রতার অতিভারে তার সরল হৃদয় যেন অনাবশ্যক রকম ভারাক্রান্ত হ'য়েই উঠলো। যেখানেই যায়—সেখান থেকে বাড়ী ফিরে একটা অবাধ নিঃশ্বাস ফেলে ন'ব'নে হাঁফ ছাড়ে। সহবতের হাওয়ায় বুকি নিঃশ্বাস ফেলতেও লোককে একটা নিয়ম মেনে চলতে হয়। তার বেনিয়মী জীবনটা এমনি সহবতের গৎবাধা ভদ্রতার মাঝে মাস খানেক কেটে যাবার পর—একদিন সকাল সকাল হাওয়া দাওয়া সেরে সাহেব ব'লেন—“বয় বেশ পরিকার পরিকল্পন মতন সেজে-গুজে নাও—এক জায়গায় বেরোতে হবে।”

ন'ব'নে তৈরি হ'ল। সাহেব হাওয়াগাড়ী বার ক'রে আনলেন। ছুই-ই উঠে গাড়ী হাঁকিয়ে ক্রমে সহর ছাড়িয়ে গ্রাণ্ডট্রাঙ্ক রোডে এসে প'লেন। ন'ব'নে একবার জিজ্ঞাস ক'রলো—“কতদূর বাব।” নিষাদে চড়া হাসি হেসে সাহেব ব'লেন “মানেক ড্যাম।”

হ হ জ্বোরে সাহেব গাড়ী ছেড়ে দিলেন মিনিটে দেড় মাইল ছাড়িয়ে মোটর ছুটেছে—তার অবাধ গতির মুখে কোনো বাধা নেই—সাহেব তিনের “গিয়ারে” সিপ্‌ড্‌ তুলে দিব্যি নিশ্চিন্তে ঠিকারিং ধ'য়ে ব'সেছেন। মাঝে মাঝে ছপরের তপ্ত হাওয়া ধুলোর রাশ ব'য়ে এসে তাদের মুখে চোখে ঝাপটা মেরে যাচ্ছে। পুর কঁাচের ষোড়া ষোড়া “গগল্” মানে ‘বিরিট’ চশমা তাদের চোখে পরা ছিল স্মৃতরাং অন্ধ হ'য়ে যাবার আশঙ্কা মোটেও ক'রতে হয় নি। প্রায় চল্লিশ মাইল সমানে চলে যাবার পর—একটানদীর রেখা সন্মুখে স্পষ্ট হ'য়ে এল; পরিস্ফুট অল কল্লোল শোনা যায়। সাহেব ব'লেন—“ঐ “রূপ রেখা” বয়, ঐ নদীর মোহনায়—মানেক ড্যাম।”

ন'ব'নে জিজ্ঞেস ক'রলো—“ও ড্যামের” নাম “মানিক ড্যাম” হ'ল কেন?”

“করাচির শেট মানিকজী বিঠল রাম”—

ব’লতে ব’লতে সাহেব মোহনার নদী তীরে এসে গাড়ী থামালেন। নব্নে নামতে নামতে ব’ললো—“তারই নামে এই ড্যাম ?”

“হ্যাঁ ; তিনিই রূপরেখার মুখে এই বিশাল বাধ বেঁধে—সব জল আটকে ফেলবেন ঠিক ক’রেছেন। বিজ্ঞানের তরোয়ালে ভগবানের মুগুপাত করার চেষ্টা”—

ব’লে সাহেব হাসলেন ন’ব’নেও শুনে হেসে উঠলো। সাহেব ব’ললেন—এই যে জমিগুলো দেখছো—এক এক খানা সোণার চাপ—হীরের খনি। কিন্তু যদি সময়ে বাদল না বর্ষে—ফসল ষোল খানা জন্মে না।

ন’ব’নে ব’লে উঠলো—“তাই বৃষ্টি পাকা বাধ দিয়ে জল আটকে ফেলে সেই বাধা জল ক্ষেতে ক্ষেতে বইয়ে দিয়ে—বৃষ্টির জলের কাজ ক’রবেন ?”

“হ্যাঁ—ঠিক ধ’রেছ বর ; শুধু তাই নয়—তা’পর এখানে পাট আর কাপড়ের কল খুলে—প্রকাণ্ড ব্যবসা ক’রবেন মনস্থ ক’রেছেন। কল সব চলবে বিদ্যুতে। জল থেকে বিদ্যুৎ চ’মকিয়ে তুলবেন—বর !”

ন’ব’নে ব’ললো—“ওঃ হাইড্রোটারবাইন !”

“হ্যাঁ হ্যাঁ”—ব’লে সাহেব ন’ব’নের মুখের কাছে মুখ নিলেন—চুপি চুপি কথা ব’লবেন—টেঁচিয়ে ব’ললে যদি কেউ শুনে ফেলে। অথচ তার আশে পাশে কতকগুলো কুলীদের ছেলে ছাড়া আর লোক ছিল না। তারা এসেছিল হাওয়ার কল দেখতে। সাহেব ব’ললেন—“আমিও এই ক’াকে একটা দাঁ মারবার চেষ্টায় আছি বর, ড্যামটা ঠিকে নিয়েছি—কন্ট্রাকটারের ব্যবসায় দেখি কি হয়। সেয়ার বেচে হাওয়াগাড়ী ক’রেছি”—

ন’ব’নে হেসে ব’লল—“কন্ট্রাকটারি ক’রে বৃষ্টি রাজ্য কিনবেন ?”

ছ’জনে মিলে শুধুই খানিকটা হাসলো। তা’পর সাহেব ফিতে নিয়ে নানান জায়গায় কি কি সব মেপে জুখে,—পকেট থেকে নক্সা বার ক’রে নানা রকম রঙিল পেন্সিলের দাগ দিয়ে সব মার্কা ক’রে নিলেন। ন’ব’নে চারিদিক দেখে—ব’ললো—“ঠিক হ’বে ?

“হ্যাঁ ঠিক হবে বর ।”

ব'লে আর এক প্রশ্ন হাসি হো হো ক'রে হেসে আবার ছুজনে এসে গাড়ীতে উঠলেন। বাড়ীতে ফিরে এসে পেট পুরে খেয়ে ছ'জনেই বেহ'সে ঘুমোলেন।—ন'ব'নে পনের দিন বেলা আটটার সময় উঠলো।

তিন।

আরো মাস দেড়েক ন'ব'নেদের নবাবী জীবন টেকা মেরে কেটে গেল। সাহেব মোম ঘ'বে পালিস করা কাগজের ওপর কি সব নক্সা এঁকে এঁকে কালি কাগজে নানা রকমের হিসাব পত্র ক'ষে নামিয়ে রাতের পর রাত জাগলেন আর নব'নে ইজেলের ক্যানভাস্ এঁটে কার যেন একখানি মুখ এঁকে তুলে তার রাঙা ঠোঁটের পলাস পাঁপড়িটার নীচে, কোণার বাঁ দিকে একটা তিলের দানা—এই তিনমাস ঘ'রে অঁকলো। সাহেব একদিন জিজ্ঞেব ক'রলেন—“কার এ চেহারা ?”

ন'ব'নে মুন্দের মতন জবাব দিল—“আমার প্রিয়ার।”

“কোথায় সে আছে ?—”

“ব'লবো না !”

সাহেব আর কিছু না ব'লে নিজের কাজে চ'লে গেলেন। ন'ব'নের মন-মাথা ছ'টোই হঠাৎ কেমন ভারি হ'য়ে উঠলো,—ছবি অঁকা আর ভাল লাগলো না। সেই ছবির তব্বদীর রূপকথা বুঝি বিরহি তার হিয়ার ভেতর অনেক কালের হারানো স্মৃতির হিন্দোলার দোলা দিয়ে চ'লে গেল। ন'ব'নে পাঞ্জাবীটা টেনে এনে গায় দিয়ে রাস্তার বেরিয়ে প'ল। হাঁটতে হাঁটতে মিউনিসিপাল মার্কেটে এসে একমোড়া ম্যাগনোলিয়া গ্রীদিফ্লোরা কিনে মনে মনে চালুতে ফুলের সঙ্গে তার রূপ আর আকারের তুলনা ক'রতে ক'রতে আবার বাড়ীর দিকে ফিরছিল।

হঠাৎ পাশ দিয়ে সঁ। ক'রে একখানা মোটার ছুটে বেরিয়ে গেল। চকিতে দেখে ন'ব'নের আঁগটা যেন ছ'্যাং ক'রে উঠলো। গাড়ীর ভেতর ছুজন যাত্রী। একটা তরুণী। ফিকে লাল জবাফুলের রঙের সাদী একখানি স্মন্দরী পরেছিল—ডেস ক'রে। উদলো মুখ। সাহেব বাড়ীর কাটা ব্লাউজের ওপর দিকটার বুকের কাছে চওড়া নেটের লেস দে'রা—তরুণীর যৌবন বে-আবরু ক'রা সে নয় রূপ তার নিলাজ মনেরই বুঝি খবর স্পষ্ট ক'রে ব'লে যাচ্ছিল। পাশে ব'সেছিল—একটা তরুণ বাবু। গৌপের ডগা কসম্যাটিক দিয়ে পাকানো। অঁকালো

বাবুনা আমা কাপড়। খা করে ন'বনে এটা দেখে নিলে। চকিতে সে যেন ছন্নকেই চিন্তে। কিন্তু ভাবলে—“অ্যা—তাই কি?” খোঁজ নিতে হ'চ্ছে। ব্যাপারটা জানতে হবে।” মোটারখানা তাদের সামনে এগিয়ে গেলে ন'বনে তার পেছনে টিনের বোর্ডে সাদা রঙে লেখা কর্পোরেশনের নম্বরটা দেখে—ভাল করে ভেবে মনে করে রাখলে।

বাড়ী কিরে এসে সে রাস্তিরে ন'বনের গল্প লেখা কি ছবি অঁকা কিছুই হ'লো না—স্বপ্ন এল না। ভোরে উঠেই চা খাওয়া সেরে—সাহেবকে কিছু না ব'লেই হাওয়াগাড়ী নিয়ে বেরিয়ে গেল।

কর্পোরেশন আফিসে খোঁজ নিয়ে—আগের ছিন সন্ধ্যার সেই মোটরগাড়ীর মালীক কে “গ্যারেজ” কোথায় সব জেনে নিয়ে সেইখানে গিয়ে পৌঁছোলো।

একজন বাঙালী সে গাড়ীর সোফার। ন'বনে তার হাতে চারটি টাকা দিয়ে ব'লল—“আমার একটা জরুরী খবর জানার আছে—আপনার কাছে, যদি বলেন বিশেষ বাধিত হব।”

“বলুন।”

“কাল পাঁচটা বাজতে পাঁচ মিনিট বাকী থাকতে আপনি কোথায় ছিলেন?”

“ভাড়ায় বাছিলাম—বোধহয় তখন মিউনিসিপাল মার্কেটের কাছাকাছি ছিলাম।”

“গাড়ীতে আরোহী ছিলেন একটা সুন্দরী মেয়ে—আর একজন বাবু?”

“হ্যাঁ—মেয়েটা বোধহয় বাবুটার—”

“সবকটা বিশেষ পবিত্র ব'লে আপনার কাছে মনে হয় নি? না?”

“অজ্ঞে হ্যাঁ।”

“তারা কোথায় গাড়ী নিয়েছিলেন?”

“Standএ।”

“কোথায় পৌঁছে দিয়েছিলেন—তাদের ঠিকানা মনে আছে?”

—লেনে—১৮ নং বাড়ীতে।”

“কহ ধন্যবাদ আর আমার কিছু জিগ্গেব করবার নেই—অন্যায় কষ্ট দিলাম কিছু মনে করবেন না।”

“না—কিছু না—আপনি তো তার মজুরীও আমার দিয়েছেন। কিন্তু কথাটা হচ্ছে মেয়েটা কি বেরিয়ে এসেছে ?”

“ঠিক জানি নে তবে আমার একটু সন্দেহ হয়েছে ;—আপনার কিছু ভাবনা বা ভয় নেই কোনো কেস বা সেই রকম গুরুতর কিছু হয় নি।—আমি নিজের খেয়ালে খোঁজ করছি—তারা আমার কেউ আত্মীয় বা আপনার নন।”

ন'ব'নে বেরিয়ে—লেনের কাছে গাড়ী ছুটেয়ে এসে গলির তেতর বরাবর টুকে প'ল। ১৮ নং বাড়ীর সামনে এসে ব্রেক চেপে কার থামিয়ে দিলে। কিন্তু আশ্চর্য্য যে—বাড়ীতে তো লোক নেই কেউ। বাইরে প্লাকার্ডে লেখা রয়েছে “To let”—এই বাড়ী ভাড়া দে'রা যাবে। কিন্তু কোণার কার কাছে খোঁজ করতে হবে কিছুই ঠিকানা নেই। ন'ব'নে কল বন্দ করে মোটার থেকে নেবে পাশের বাড়ীতে একজনকে জিগ্গেষ ক'রলে—“মশায় ব'লতে পারেন এ বাড়ীর খোঁজ কোথায় নিতে হবে ? কার বাড়ী কে ভাড়া বন্দোবস্ত ক'রবেন ?”

ভদ্রলোক একটু আশ্চর্য্য মতন হ'য়ে ব'ল্লেন—“না মশাই সে সব আমি কিছুই জানিনে আজ দশ বছর হ'লতো দেখছি ওবাড়ী To let ?”

ন'ব'নে অশাক হ'য়ে জিগ্গেষ ক'রলে—“সে কি মশাই ?”

“ওই রকমই মশাই ওর কিছুই খোঁজ পাত্তা পাবেন না—অন্য বাড়ীর চেষ্টা দেখুন।”

ন'ব'নে ভাবলে একি অদ্ভুত ব্যাপার ? সোফার কি তা হলে আমার ভুল খবর দিলে ? না। তাই বা সে দেবে কেন ? তার লাভ কি তাতে ?

ভাবতে ভাবতে আবার গাড়ীর ইঞ্জিনে Start দিয়ে বেরিয়ে প'ল গলি থেকে। বরাবর বাড়ী পৌঁছে শ্রান্ত দেহে ইজি চেয়ারের ওপর শুয়ে প'ল।

অন্যমনস্ক স্বান খাওয়া সেরে ন'ব'নে ডুইংক্রপে খাটের ওপর গড়িয়ে প'ড়ে সেই মোটরগাড়ী আর ঐ বাড়ীর কথা ভাবছে। সাহেব আগে থেকেই ন'ব'নের এট কেমন সচিন্ত, উন্নয়ন ভাবটা লক্ষ্য ক'রেছিলেন। এখন ঘরে টুকেই জিগ্গেষ ক'রলেন—“বয়, কি একটা ভাবনার যেন হ'লং তুমি চিন্তিত হ'য়ে প'ড়েছ মনে হ'চ্ছে। অন্ন গুরুতর ! ব'লে বুঝতে পারছি—অবিশ্যি, কিন্তু গুরুতর ! বলতো কি ?”

ন'ব'নে ব'ললো—গলির ১৮ নং বাড়ীর কথা।

সাহেবের সেই বুক ফাটানো, ধর-কাটানো কানে-তালা-লাগানো হাসি। হাসি শেষ হ'লে ব'লেন—“আজ রাত্তিরে খবর হবে। কিছু সমস্যা নয় সেটা একটু হয়রাণি এই যা।”

বিকেলে সাহেব মোস্তাভারাকে ডেকে পাঠালেন। সে আসলো আর তার সঙ্গে একটা ফুরফুরে কাপড়-জামাপরা ফুলেল বাবু এসে সাহেবকে নমস্কার দিলেন। তাঁর সঙ্গে অনেকক্ষণ কি কি কথাবার্তা ক'রে সাহেব কুড়ীটা টাকা দিয়ে বাবুটাকে বিদায় দিলেন। মোস্তাভারাও নমস্কার জানিয়ে চ'লে গেল।

রাত্তির এগারটার সময় সাহেব আর ন'ব'নে ছুজনে রাস্তায় বেরোলেন। সেজেছেন ছুটিতেই “ফুলবাবু” থাকে বলে তাই। কোঁচানো কাপড় জামা, চাদর। হাওয়ায় হাওয়ায় চাদরের স্তূগন্ধ ভেসে উঠ'ছে। মাথায় টেরি; গোঁপ বাগানো। দামী লপেটা পায়। হাতে হীরে বসানো আংটা, সৌখীন ছড়ি। গলার বেলকুলের গ'ড়ে মালা তিন চার ছড়া ক'রে। সাহেবকে দেখে ন'ব'নে হেসে ব'ললো “এ যে “বুড়ো শালিকী ” সাজ হ'ল।”

বুড়ো হো হো হো হেসে উঠে বললেন—“কি আর করি বল তেরে জন্যে আমার এও সাজ'তে হ'ল।”

ছুজনে বরাবর গিয়ে মুক্তারামবাবুর রোএ মন্দিরটা সামনে ক'রে একবার দাঁড়ালেন। বুড়ো ন'ব'নের হাত ধরে টেনে আঙুল দিয়ে দেখিয়ে জিগ'গেষ ক'রলেন—“কি দেখ'তে পাচ্ছ ?”

“ছু'জন মেয়ে মানুষ মনে হ'চ্ছে।”

“হ'্যা”,—আচ্ছা চল ওদের পেছ পেছ।”

“সে কি ?”

“চলত।”

অনেক দূর ছুজন স্ত্রীলোকের পেছনে পেছনে গিয়ে আর একটা গলির মোড়ে দাঁড়িয়ে গলির ভেতরে দেখিয়ে বুড়ো জিগ'গেষ ক'রলেন ?—“এবার কি দেখ'ছ ?”

“এবারও তো মেয়ে মানুষই মনে হ'চ্ছে কিন্তু একই রকম সাজ যে !”

“একই রকম সাজ। আবার চল—।”

ন'ব'নে আর বুড়ো ঐ ছুজন মেয়ে মানুষের পেছ নিলেন আগের ছুজন গিয়ে এদের সঙ্গে মিলেছিল। কত রাস্তা ঘুরে কত গলি পেরিয়ে এরা চ'ললো—ন'ব'নে আর সাহেবও আছেন

এদের পেছু পেছু । কিন্তু ওরা কিছু টের পাচ্ছে না । আরো খানিকটা গিয়ে আরো দুজন—
ঐ একই রকম সাজ ।

ন'ব'নে ব'ল্লে—“কি আশ্চর্য্য এ সকলেরই যে বিধবার বেশ পরা ।”

সাহেব ব'ল্লেন—“কিন্তু এর একটাও বিধবা নয়—আর নেহাৎ ছোট বরেরও মেয়ে
নয়—ওরা । প্রত্যেকে সুন্দরী যুবতী । বেরিয়েছে নৈশ অভিসারে ।”

“অ'্যা”—ব'লে ন'ব'নে যেন চ'ম্কে উঠ'লো ।

“হ'্যা” ব'লে সাহেব ডাক্লেন—“চ'লে এস—আর একটু ।”

ওদের পেছনে পেছনে—আর একটু গিয়ে—ন'ব'নে আর সাহেব—লেনের মোড়ে
পৌঁছোলেন । স্ত্রীলোকেরা গলির ভেতর ঢুকে প'ল । সাহেব দূরে দেখিয়ে জিগ্গেষ
ক'রলেন—“এবার কি দেখ'ছ ?”

“একজন বুড়ো গোছ বিধবা ।”

“হ'্যা ;—ওকেই আমার দরকার—এরা সব ১৮ নং বাড়ীতে ঢুকবে । ও দরজা বন্ধ ক'রে
দেবার আগেই আমাদের ১৮ নং এর কাছাকাছি পৌঁছোনো চাই ।”

ব'লে সাহেব তাড়াতাড়ি এগিয়ে গেলেন—ন'ব'নেকে একটু পেছনে ফেলে ! ১৮ নং
বাড়ীর দোর—ধ'। ক'রে খুলে গেল । স্ত্রীলোকেরা সব কটা গুটা গুটা ভেতরে ঢুকে গেল ।
বুড়ো মোটা বিধবাটা দরজা বন্ধ ক'রতে যাবে—এমন সময় সাহেব তাকে ইসারা ক'রতেই সে
দোর বন্ধ ক'রে দিয়ে—একটু পরেই যেন কোথায় দিয়ে বেরিয়ে সাহেবের কাছে এসে দাঁড়ালো ।
সাহেব তার হাতে দশটা টাকা দিলেন ।

বুড়ী হেসে ব'ল্লেন—“কি গো—ভাল মানুষের ছেলে—খবর কি ?”

“মাসি—বড় বেজায় রকম । একজনকে দেখেছিল আমার এই ছোকরা—ইয়ার,—খোঁজ
পেয়েছি—এই বাড়ীতেই সে আসে—তাকে চাই—পারতো প'চিশ টাকা ।”

বুড়ী ব'ল্লে—“কি রকম দেখ'তে ?”

সাহেব ন'ব'নেকে ডেকে ব'ল্লেন—“বলত হে কি রকম চেহারা ।”

ন'ব'নে হবহ মুখ, চোখ, ভঙ্গী, গড়ন সব ব'ল্লে । বুড়ী হেসে ব'ল্লেন—“ওমা ! সোজা কথা
তো—এগো ! ওর জন্যে—এত ? আজই দেখা চাই ?”

“দেয়ী কি আর চলে—তুমিই বলত ?”

“আচ্ছা হবে বোধহয় ; একলাই আছে :সে ! কিন্তু মনটা হঠাৎ ট’কে গেছে—রূপসীর, পুরুষ জাতের ওপর । ফুসলিয়ে এনেছিল যে ছোঁড়া সে হতভাগা—ফাঁক পেয়ে টাকা কড়ি নিয়ে স’টকে প’ড়েছে ।”

ন’ব’নে ব’ল্লে—“তুমি ব’লো একদিন যে তোমার জন্যে গ’া ছেড়েছিল—আজও সে তোমার জন্যে—বুক পেতে বাথা নেবে ।”

“অ’্যা—আগেকারি চেনা শোনা তা হ’লে ? দাঁড়াও একটুখানি বাবা—আমি আসছি ।”

বুড়ী ধ’া ক’রে ভেতরে গিয়ে চট ক’রেই আবার ফিরে এসে ব’ল্লে—“হাসি বেরিয়েছে গো মুখে—অবাক চোখে আলো জ’লে উঠ’লো যেন—খবর শুনে, এস ।”

বুড়ো ব’ল্লে—“একলাই যাও ।”

তা’পর কানের কাছে মুখ নিয়ে ব’ল্লে—“রিভালবার পোরা আছে তো—ফতুরার পকেট ?”

ন’ব’নে ব’ল্লে—“হ’্যা ।”

সাহেব ব’ল্লে—“কিছু ভয় নেই । মাসি আছে—আর কি ?”

“কিছু না বাবা—তুমি এস ।” ব’লে বুড়ী ন’ব’নেকে নিয়ে বাড়ীর ভেতর ঢুকলো—সাহেব তার হাতে তিনখানা দশ টাকার নোট দিয়ে গলির একটা বাড়ীর রোয়াকে মাতালের মত কাত হ’য়ে শুয়ে প’লেন—যেন হঠাৎ কারো কোনো সন্দেহ হ’লে মাতাল ব’লেই এড়িয়ে যেতে পারেন ।

মিনিট ত্রিশ পরে ন’ব’নে মেয়েটিকে সঙ্গে নিয়ে বেরিয়ে এল । সাহেব উঠে জিগ্গেব ক’ল্লে—“কি ?”

“একখানা গাড়ী পেলে হ’ত—কিন্তু বাড়ী নিয়ে কোথায় রাখ’বো ?”

“নিয়ে যাওয়া দরকার ?”

“হ’্যা—সব কথা পরে ব’ল’বো ।”

“চল আমি ব্যবস্থা কচ্ছি—এই গলির বাইরে আন্তাবল আছে বেশী ভাড়া দিলেই গাড়ী পাওয়া যাবে ।”

তিনজনে তাড়াতাড়ি গলি ছেড়ে বেরিয়ে এসে—আস্তাবলের কাছে দাঁড়ালেন। গাড়ী পাওয়া গেল। বুড়ীটাকে আরো কুড়ী টাকা ন'ব'নে দিয়ে এসেছিল সে আর কোনো গোলমাল ক'রলে না। ন'ব'নেরা বাড়ী ফিরলো যখন—তখন রা'ত দেড়টা বেজে গে'ছে। নীচের একটা ঘরে মেয়েটার থাকবার বন্দোবস্ত ক'রে দিয়ে সাহেব আর ন'ব'নে তাঁদের শোবার ঘরে এসে—'অধোরে' ঘুমিয়ে প'লেন। তাঁদের নিশীথ রাতের শিফার যাত্রা সফল হ'য়েছিল—ছ'জনে তাই নিশ্চিন্ত।

চার।

ঘুম ভেঙে উঠে, চোখ মুখ ধুয়ে ন'ব'নে নীচে গেল। ঘরে ঢুকে দেখে কিরণ বিছানার ওপর ব'সে] র'য়েছে। চোখ ছটো তার রক্তের মত লাল—রাত্রিরে বোধ হয় জেগে ব'সে শুধু কেঁদেছে।

ন'ব'নে ব'ললে—“কিরণ, ঘুমোন্ নি ? সারারাত ব'সে আছিস ?”

“হ্যাঁ।”

“আশ্চর্য্য যা হোক তুই !”

কিরণ উত্তরে ন'ব'নের মুখের পানে একদৃষ্টি চেয়ে নীরব রইল।

ন'ব'নে আবার জিগ্গেস করলো—“কি ভাব'ছিস কিরণ ?”

সে কথার কিছু জবাব না দিয়ে—একটুখানি শুকনো, রুঢ় হাসি হেনে কিরণ জিগ্গেস করলে—“তুমি সেই—নবু ?”

“হ্যাঁ—সেই ! কেন ? তোর কি মনে হ'চ্ছে—আমি খানিকটা বদলে গেছি ?”

“একটুখানি কিন্তু আমি একটুও বদলাই নি।—যাক সে কথা ; কিন্তু তুমি আমার কি স্বার্থে উদ্ধার ক'রে আনলে—নবনি ?”

“নিঃস্বার্থে।”

“তুমি কি নিরকোষ ?”

“হয় তো।”

“হয় তো—নয় নিশ্চয় ! পুরুষ তুমি, তরুণ, তোমার বয়স ;—আর আমি—?”

“নারী এবং স্ত্রী “কিরণের মুখের পানে না তাকিয়েই—ন’ব্নে জবাব ক’রলো।

কিরণ হঠাৎ একটুখানি উত্তেজিত হ’য়ে ব’ললো—“তা বোঝ—স্ত্রী আমি—সে জান আছে—বোল আনা—আর তোমার মনে কোনো স্বার্থের চিন্তা নেই—? মিথ্যাবাদী!”

“মিথ্যাবাদী নয় ব’লেই এ কথা ব’লতে পারলাম।”

“আচ্ছা আমাকে দেখতে ইচ্ছে করে না তোমার?”

“করে হয় তো।”

“ভাল লাগে না?” ব’লে কিরণ চোখের শাণিত কৃষ্টিখানা মনোহর ভঙ্গিমায় বেকিয়ে নব্বনের মুখের পানে চাইল।

ন’ব্নে জবাব দিল—“খারাপ লাগে না অন্ততঃ।

“কলঙ্কিনী ব’লে ঘেন্না করে না?”

“না।”

কিরণ উঠে গিয়ে ন’ব্বনের হাতখানা চেপে ধ’রে—তাকে টেনে নিয়ে এসে ব’লল—“কাছে এসে ব’স নব্বনি!”

ন’ব্বনে কিছু আপত্তি ক’রলে না—পাশে বসিয়ে কিরণ ব’ললে—“এই যে তোমার হাত ধরে টেনে নিয়ে এলাম—আমার স্পর্শে তোমার সারা শরীরে একটা আবেশ রি রি ক’রে এলো না?”

“বুঝ এল!”

“তবে? কেন তবে নিজেকে এ শাসন নব্বনি?”

“এই শাসনের ভেতর আমি তোমার স্পর্শ পাওয়ার চেয়েও বেশী আনন্দ ভোগ কর।”

কিরণ ন’ব্বনের মুখের পানে এক পল অন্ধক চোখে তাকিয়ে থেকে বললো—“যদি এই স্পর্শে আমি বিহ্বল চকিত ক’রে তুলি?” কিরণ ন’ব্বনের দুখান হাত আরো জোরে জাঁকড়িয়ে ধ’রে আবার ব’ললো—“যদি এত কাছে, বুকের পাশাপাশি পেয়ে তোমাকে প্রাণপণ জোরে জাঁকড়িয়ে ধ’রে ঐ ঠোঁট দুখানা চুমোর চুমোর ছেয়ে দি?” ব’লে কিরণ কি যেন একটা অব্যক্ত অল্পভবে পুলকিত হ’য়েছিল খিল খিল ক’রে হেসে উঠলো। তাচ্ছিল্যের হাসি একটু হেসে ন’ব্বনে বললো—“তুই কি পাগল হ’য়ে গিয়েছিস?”

“তা তুমি বোঝ না—নবনি ? প্রাণ কি চায়—তা—কি তুমি জান না ? কি উদ্দেশ্য জোরার বুকের ভেতর থামাতে না পেরেই ছুটে এসেছি !”

“এ ছোট্টর মানে কি ?”

“প্রবৃত্তির মুখে ক্ষেপা ঘোড়া ছেড়ে দে'রা । রাস-আলগা তাকে ছুটিয়ে নিয়ে যাব তোমাদের পুরোনো, অথর্ক, সমাজের মুণ্ডু পঁজরের হাড় কথানা চুরিয়ে গু'ড়িয়ে ফেলে তবে এ উন্মাদ-প্রবৃত্তি শান্ত হবে ।”

“বিস্তৃত তাতে শাস্তি পাবি ত ?”

“শাস্তি চাইনে-ত ! এই অশাস্তিই যে আমার আনন্দ ! তোমরা সমাজ গ'ড়ে তার চূড়ার ওপর, কঠোর অনুশাসন-লেখা জয়ধ্বজা উড়িয়ে রেখেছ । তাকে উপড়ে ফেলতে চাই ! আমার এই অন্ধ ছোট্টা—সেই সমাজের বিরুদ্ধে—জনকত মিথ্যে নীতি বাদী,—তোমাদের মত চরিত্রবানের বিরুদ্ধে জয় যাত্রা । নীতি কেবল মেয়ে মানুষের বেলায়—পুরুষ পাঁচটা বিয়ে করুক সমাজ বাজনা বাজিয়ে তাকে বরণ ক'রে নেবে—আর মেয়ে মানুষ ?—সাবধান চোখ তুলে পুরুষের মুখের পানে চাওয়াও মানা ! এমন সমাজের একচোখো বিধান আর আইন জোর ক'রে ভেঙে ফেলাই আনন্দ ! এই যে আমার ব্যগ্র দান তুমি বার বার অবহেলায় ফিরিয়ে দিচ্ছ—কেম—এ উপেক্ষা ? আমার পুজারি প্রাণের এ পবিত্র নৈবেদ্যও তোমার নীতির বিচারে কলুষিত পাপ-না ?”

“পাপ ব'লে নয় তবে এ দান আমি নিতে পারি নে !”

“অন্যায় ব'লে ? আবার নীতির নিক্রিতে মাপ ক'রছ বুঝি চরিত্রবান—সামাজিক ? অন্যায় ? কি অন্যায় ? কেন অন্যায় ?—আমি বিধবা ব'লে ? তোমরা কি তবে স্বতাবকে পিশে, চেপে তার দমবন্ধ ক'রে মেয়ে ফেলতে চাও ? যৌবনকে, বয়সকে, তার কাজ ভুলিয়ে দিতে চাও ? বাঃ বাহোবা ! নিজেরা ভোগ ক'রবে—আঠারো আনা আর আমাদের বেলা যোগের নিধম বেঁধে দিয়ে—চোখ-বুজে স'রে দাঁড়াবে ? কেন ? কি অধিকার তোমাদের আছে আর একজনের মনকে, মর্ষকে নির্মমের মতর এমন করে ছেঁচে দেবার ?”

“কোনো অধিকার নেই, তার বিরুদ্ধে তুমি বিদ্রোহী হ’য়ে দাঁড়াও—তাতে আমার আপত্তি তো নেই—বরং মত আছে। আমি তাতে তোমার সাহায্য ক’রতেই রাজি আছি। সমাজকে আমিও মানি না—কিন্তু তার চোখের আড়ালে চুরি করাকে আমি ঘৃণা করি।”

“তার মানে ?”

“তার মানে—তুমি সমাজের বিরুদ্ধে রাজপথে দাঁড়িয়ে যুদ্ধ ঘোষণা কর। তুমি বিপ্লব কর। লালসার লহমার পরিতৃপ্তির জন্য নিমেষের বিদ্রোহ ব্যভিচার,—পাপ। যদি জীবন প্রতিষ্ঠা ক’রে বিদ্রোহ ঘোষণা ক’রতে পার—যদি সাহস থাকে—এগিয়ে এস আমি তোমার পথ দেখিয়ে দোব।”

“তার সন্ধানেই ত বেরিয়েছিলাম—কিন্তু—তোমাদের পুরুষ জাত—কোনো বিশ্বাস নেই এদের—এরা ডাকাত এরা সন্নতান !”

“পিশাচকে বন্ধু ব’লে ভুল করায়—তোমার এ ক্ষতি হ’য়েছে—পশুকে মানুষ মনে ক’রে—তুমি ঠ’কেছ।”

কিরণ ধ’া ক’রে খেমে গিয়ে—ন’ব’নের মুখের পানে তাকিয়ে থানিকক্ষণ যেন কি ভাবলো। ন’ব’নে সে নীরবতা ভাঙবার জন্তে কি যেন ব’লতে যাচ্ছিল—এর মধ্যে সাহেব এসে ঘরে ঢুকে ব’ললেন—“ও’র হাত মুখ ধোয়া হ’য়েছে ?—বয় খাবার আনছে যে !”

কিরণ বুড়োকে দেখে উঠে দাঁড়ালো। সাহেব ব’ললেন—“যাও মা,—ঐ বাথরুমে সব আছে মুখ হাত ধুয়ে নাও।”

কিরণ যেন চ’ম্কে উঠলো ? এ কে বৃদ্ধ ? মা ব’লে আমার ডাকলেন ! কিরণ বিষ্ময়ে চূপ। রাতের সেই বুড়ো ! তাঁর সে সৌম্য, গম্ভীর রূপ রাতে সে ভাল ক’রে চেয়ে দেখেনি। সকালে অনাবিল আলোকে সে মূর্তি তার চোখে—শিব, স্তম্ভর ব’লে লাগলো। সে গলায় কাপড় নিয়ে বুড়োকে প্রণাম ক’রলো।

বুড়ো ছই হাত দিয়ে তাকে ধ’রে তুলে—হাসলেন—হো হো হো ! তা’পর ব’ললেন—“তোমার কোনো ভাবনা নেই মা,—আমি আছি—এ সব ছেলেরা আজ-কালকার বড় “মরালিষ্ট !”—আমি তা নই,—মেয়ে যদি পথ ভুলে গিয়েই থাকে—তাই ব’লে বাড়ী ফিরে এলে কি তাকে তাড়িয়ে দেবে ?—যা মা—মুখ টুকু ধো—আমার ক্ষিদে পেয়েছে—চা তৈরি।”

বুড়োর আবার সেই অটু হাস্য—তার শেষ নেই। কিরণ এক লহমার মুখ হ'য়ে গিয়েছিল। সে মুখ-হাত ধুয়ে স্নান সেরে ফিরে এল। সদ্য স্নাতা তার স্নন্দরী মূর্তির দিকে তাকি—বুড়া ব'লে উঠলেন—“বড় স্নন্দরী আমার মেরে যে !”

কিরণ মনে মনে বিস্ময় ভাবলো—অথচ এ—রূপে ঐ বয়াটে ছোকরার অন্তরে বহি জ্বলে দিতে পারলাম না। তবে? নেহাতই অকস্মাৎ কিরণের মনের মধ্যে একটা বিষম খটকা খটকা ক'রে গিয়ে বাঝলো। সে ভাবতে লাগলো—মানুষেরই মনে তবে কি এমন কিছু আছে যা দিয়ে—উদ্দাম উন্মাদ বাসনাটাকে বাগ মানিয়ে রাখা—অতি সহজ, সাধারণ কথা? এমনো একটা অজের অনুভব প্রাণের মরমী হ'য়ে জেপে উঠতে পারে—যার কাছে সব বাসনার উচ্ছৃঙ্খলতা মাথা হেঁট ক'রে আনে—যা দিয়ে নব-যৌবনেও যৌবন জয় করা যায়? এই যে আমার এমন রূপের অযাচিত দান তাতে পেয়েও আজ ন'ব'নে উপেক্ষায় তা তুচ্ছ ক'রে দাঁড়ালো—শাসন ক'রে মনকে তার ফিরিয়ে রাখতে পারলো—এ শাসনটাই কি তবে সত্যি ক'রে একটা ভোগ? ভোগের আকাঙ্ক্ষা বিদ্রোহী হ'য়ে মাথা তুলে উঠবে—আমি তার সঙ্গে লড়াই ক'রে—তাকে হটিয়ে দিয়ে ভোগেরই চরম সুখ, পরম সার্থকতা পাব—তা—কি সম্ভব? কিরণের মনে হ'ল—তা বুঝি পারে! তা পারে ব'লেই আজ ন'ব'নের এত অহঙ্কার—আর আমার এত অপমান—এতখানি অন্তর গানি। এই প্রবৃত্তি জ্বরের প্রাণপণ বৃদ্ধই আজ আমাকেও আরম্ভ ক'রতে হবে! গোড়ায় কিরণ ভেবেছিল সে কিছু খাবে না। এখন হঠাৎ একটা নতুন আনন্দে তার অন্তর মন ভ'রে উঠলো। সে সহজ, স্বচ্ছন্দ ভাবে খেয়ে—নিজের ঘরে চ'লে গেল। যাবার সময় ন'ব'নেকে ব'লে গেল—“এইবার একটু ঘুমোই গে।”

কিরণ চলে গেলে ন'ব'নে সাহেবের মুখের পানে তাকাতেই তিনি প্রশ্ন ক'রলেন—“কি যেন জিগ্গেস ক'রবে মনে হচ্ছে?”

“হ্যা—কালের সে বাড়ী আর ঐ উইডো-মিট্রি বিশ্ববাদের ব্যাপারখানা কি?”

আর একবার হো হো হো ক'রে হেসে মন মাথা ছই পরিষ্কার ক'রে নিয়ে বুড়া বললেন—“ঐ বাড়ীটা হ'ল Empty house খালিবাড়ী। ও রকম খালিবাড়ী ক'লকাতার ধারাপ প'ল্লীর দিকে অনেক জায়গায়ই আছে। ওসব বাড়ী For ever to let.—চিরদিনের জন্যেই—“ভাড়া দে'রা যাবে”—বিজ্ঞাপন ওতে লটকানো থাকে—ভাড়াটে আর কেউ আসে

না। ঐ বুড়ীর “লিঙ্গ” নেয়া আছে বাড়ী। ঐ রকম এক একটা বুড়ী এক একটা বাড়ীর গোপন “লিঙ্গ-হোস্তার!” ওদের দিনের বেলায় ব্যবসা হ’লো—কিরি করা। ছেঁড়া কাপড়ের বদল নিয়ে এনামেলের বাসন কাঁসার রেকাব, ফেরো এই সব ‘বিক্রি’ ক’রে বেড়ায় বাড়ী বাড়ী। সুবিধে পেলেই তরুণী বউ, ঝিদের কানে কানে পাশব-লালসার পাপ-গুণ্ডরগ গুণ্ডন ক’রে ব’লে আসে। বাবু আছে সব ওদের হাতে তাঁরা আসেন গভীর-রাতে এখানে! তরুণী যারা স্বামীর আসার আশায় কত রাত্রি বিনিদ্র জেগে ব্যর্থ পুইয়ে পুইয়ে—জীবনে দাম্পত্য আনন্দের সুখে একেবারেই বঞ্চিতা হ’রে প’ড়েছে—তারাই আসে এ সব জায়গায় বেশী। স্বামী যান তাঁর “নৈশ বিহারে-কুস্থানে ঐরা আসেন এদিকে গোপন অভিসারে। ঐ বুড়ীকে কিছু কিছু দিয়ে হাতে রাখতে এদের ঝা ব্যয়। বুড়ীরা প্রথম প্রথম নিজেরাই গিয়ে সঙ্গে ক’রে নিয়ে আসে। শেষে ওরা আপ’নিই আসে ঠাকুর প্রণাম বা অম্নি একটা কিছু ছুতো ধ’রে। গাড়ী বা মোটরে যাওয়া তেমন নিষ্কাশন নর কোচম্যান সোফাররা টের পায় চট ক’রে ধরা প’ড়ে যেতে পারে তাই হেঁটেই যায়। আর নিশীথ পথিকের হঠাৎ দৃষ্টি এড়াবার জন্যেই—বিধবার সঙ্গে সঙ্গে বেরোয়।”

ন’ব’নে শুনে ব’ল্ল—“এখানে বুঝি—কিরণই তা হ’লে একটা সত্যিকার বিধবা গিয়েছিল?”

সাহেবের কথা ব’লতে হ’লেই হাসিতে জোর বেধে নিতে হয়—সুতরাং তিনি প্রথম হেসে উঠে জবাব দিলেন—“বোধ হয়! তবে এ অভিসারিকাদের ভেতরেও যে বালিকা বা তরুণী-বিধবাও ছ’একজন না থাকেন তা নয়!”

ন’ব’নে একটুক্ষণ চুপ ক’রে থেকে তাঁ’পর ব’ল্ল—“কিন্তু এখন কিরণকে নিয়ে কি করা যায়?”

সাহেব ব’ল্লেন—“ব্যবস্থা ঠিক ক’রেছি—আমি ওকে নিয়ে কালই বেরোবো।”

“কোথায়?”

“তা পরে ব’ল্লো—।”

পরের দিন সাহেব আবার সেট ছেঁড়া প্যাণ্টলুন, তালিমারা ছুতো, ফুটো ছাট, কুঁচকে-বাওয়া কোট গায় দিয়ে ব্যাগ হাতে নিয়ে বেরিয়ে প’ড়লেন। কিরণ তাঁর সঙ্গে গেল। ন’ব’নে এখানে রইল—এ দো’মহলা “কোঠার” মালিক।

ক্রমণ:—

শ্রীবিমল চন্দ্র চক্রবর্তী।

হৃদয়হীন ।

কোথাও নাই প্রিয়া, একটু ঠাঁই মোর সবারি স্নেহধারা রুদ্ধ
 জনম যুগ হতে কেবলি কার মনে করেচি কেন যেন যুদ্ধ !
 আজিকে বটে আমি হৃদয়হীন অতি, করুণাহারা মোর বন্ধ
 তৃষিত মনে মোর আঘাত গুরুতর, ভুলায় বারে বারে লক্ষ্য।

পাইনি,—যার লাগি করেচি হাহাকার

মরুর মাঝখানে ফেলা এ অঁখি-ধার

করুণা নাই কারো আমার বেদনার গো

আসেনি কোনোদিন মুছাতে অঁখি জল দেখাতে সাস্তুনা সখা ।

বৃথা এ দোষ হানো,—বৃথা এ অভিযোগ

কেন গো অকারণ অশ্রুতাপশোক,

ভেঙেচে বহুদিন অঁখির মায়ালোক গো

তুমি কী বুঝে নিবে আদিম যুগ হতে বিরহী আমি তব যক্ষ ।

উথলে অনিবার বৃকের পাতে মোর তৃষার সীমাহারা সিন্ধু

অতীত রেখে গেছে আব্হা স্মৃষ্টি-টুকু করুণা নাহি তার বিন্দু ।

মনের কোণে কোণে রুদ্ধ হাহাকার পথের ধূলিতলে রিক্ত

উদাসী মন-ছোঁয়া সকল অভিমান নয়ন বারি অতিষিক্ত ।

কোন সে মায়াবিনী জানি না কোনোদিন

মরুভূ মাঝখানে স্বপন করে লীন

আতুর ব্যথাহত দীপ্ত আলোহীন গো

অঁধারে ফেলে গেছে রুদ্ধ বিষভরা নিশাস দীনতায় রিক্ত ।

করণা করে নিক সে বিন মোরে প্রিয়া
 স্মৃতির স্মরণেতে আজিকে তাই নিয়া
 চোখের মরীচিকা তোমারে সব দিয়া গো
 অশ্রুত ঠেঁব হানিয়া মোচ উক্তি গানের তালে হই লিপ্ত ।

বন্দে আলী।

অর্থের পরিমাণবাদ ।

—:(*)—

অর্থের মূল্য ও জিনিষের দাম যে একই ঘটনার অপিঠ আর ওপিঠ তাহা দেখিমাছি । (১)
 দ্রব্যের দাম বাড়িয়া গেলে যে অর্থের মূল্য কমিয়া যায়, এবং দাম কমিয়া গেলে অর্থের মূল্য বাড়িয়া
 যায়, তাহাও বুঝিলাম । কিন্তু অর্থের মূল্য বাড়ে কমে কেন ?

অর্থের পরিমাণ বাড়াইয়া দিলেই উহার মূল্য কমে ; আবার উহার পরিমাণ কমাইয়া দিলেই
 মূল্য বাড়ে ! মনে করুন, ১০০টি পণ্যদ্রব্যের কেনাবেচা হইবে । এই কেনাবেচার কাজ
 চালানোর জন্য সমাজে চলতি অর্থের পরিমাণ যদি ১০০টি টাকা থাকে, তাহা হইলে এক টাকার
 মূল্য হইবে ১টি পণ্যদ্রব্য ; অর্থাৎ প্রত্যেকটি পণ্যদ্রব্যের দাম এক টাকা । এখন চলতি অর্থের
 পরিমাণ বাড়াইয়া যদি ২০০ টাকা করা যায়, তাহা হইলে একটি টাকার মূল্য হইবে আধখানা
 দ্রব্য ; অর্থাৎ প্রত্যেকটি দ্রব্যের দাম পড়িবে ২ টাকা । কিন্তু অর্থের পরিমাণ বাড়িবার সঙ্গে
 সঙ্গে অর্থের বদলে যে সব জিনিষ পাওয়া যায়, তাহাদের পরিমাণও যদি বাড়িতে থাকে, তাহা
 হইলে অর্থের মূল্যের পরিবর্তন সে রকম হয় না । আগের উদাহরণে সমাজে চলতি অর্থের
 পরিমাণ বাড়িয়া ১০০ হইতে যখন ২০০ হইল, তখন ক্রীত-বিক্রীত দ্রব্যের পরিমাণও যদি
 বাড়িয়া ১০০ হইতে ২০০ হয়, তাহা হইলে, এক টাকার মূল্য একটি দ্রব্যই হইবে ; অর্থাৎ
 প্রত্যেকটি দ্রব্যের দাম আগের মতো এক টাকাই থাকিবে । এই ক্ষেত্রে ক্রীতবিক্রীত দ্রব্যের
 পরিমাণ অর্থের সঙ্গে ঠিক একই অনুপাতে বাড়িবার দরুন অর্থের পরিমাণ বাড়া সত্ত্বেও অর্থের

(১) পরিচায়িকা শ্রাবণ ১৩৩২ 'অর্থের মূল্য' প্রবন্ধ দ্রষ্টব্য ।

মূল্যের, অথবা জিনিষপত্রের দামের কোনো নড়চড় হইল না। সেই জন্যই অর্থনীতিবিসারদগণ বলেন “আর সব অবস্থার কোনো পরিবর্তন না হইয়া অর্থের পরিমাণ যদি ডবল বাড়িয়া যায়, তাহা হইলে উহার মূল্য ঠিক অর্ধেক হইবে; অর্থাৎ জিনিষপত্রের দাম আগের চেয়ে ঠিক বিগুণ বাড়িবে। তেমনি, টাকার পরিমাণ যদি অর্ধেক হয়, এবং অন্যান্য অবস্থার যদি কোনো পরিবর্তন না ঘটে, তাহা হইলে অর্থের মূল্য ঠিক ডবল হইবে; অর্থাৎ জিনিষপত্রের দাম আগের চেয়ে ঠিক অর্ধেক কনিবে।” অর্থের মূল্য ঠিক উহার পরিমাণের হ্রাসবৃদ্ধির অনুপাতে বাড়ে বা কমে। অর্থের পরিমাণ যে হিসাবে বাড়ে, উহার মূল্য ঠিক সেই অনুপাতে কমে; অথবা পণ্যদ্রব্যের দাম ঠিক সেই অনুপাতে বাড়ে। তেমনি অর্থের পরিমাণ যে অনুপাতে কমে উহার মূল্যও ঠিক সেই অনুপাতে বাড়ে; অর্থাৎ জিনিষপত্রের দাম ঠিক সেই হিসাবে কমে। এই সত্যকে অর্থনীতিবিসারদগণ ‘অর্থের পরিমাণবাদ’ বলিয়া থাকেন।

এখানে একটা প্রশ্ন উঠিতে পারে যে, প্রত্যেক জিনিষেরই তো মূল্য নির্ভর করে উহার টান ও জোগানের কবাকবির উপর। টানের চেয়ে যে কোনো জিনিষেরই জোগান বাড়িলে উহার মূল্য কমে; এবং টানের তুলনায় জোগান কনিলে উহার মূল্য বাড়ে। তবে অর্থের বেলা কোনো বিশেষত্ব আছে কি? হাঁ, অর্থের বেলা একটু বিশেষত্ব আছে। চিনির টান যদি ঠিক থাকে, তাহা হইলে উহার জোগান বিগুণ বাড়াইয়া দিলে চিনির মূল্য যে ঠিক অর্ধেক হইবে তাহা জোর করিয়া বলা যায় না। অর্ধেক হইতে পারে, অর্ধেকের কম বা বেশীও হইতে পারে। কিন্তু অর্থের মূল্যের পরিবর্তন ঠিক উহার পরিমাণের হ্রাস বৃদ্ধির অনুপাতে হয়।

অর্থের মূল্য কি, অর্থাৎ অর্থের কিনিবার ক্ষমতা কি রকম তাহা জানিতে হইলে সমাজে চলতি অর্থের পরিমাণকে ক্রোতবিক্রীত দ্রব্যের পরিমাণ দিয়া ভাগ করিলেই জানা যাইবে। কাগজের অর্থ, হস্তী, ধনপত্র ইত্যাদি যাহা কিছু অর্থের কাজ চালায় সবই অর্থ বলিয়া ধরিতে হইবে। সমাজে চলতি অর্থের পরিমাণ জানিতে হইলে আর একটি বিষয়ে মনোযোগ দিতে হইবে। আমরা নিত্য দেখিতে পাই পণ্য দ্রব্যের শেষ বিক্রয় হইবার এবং বাজার হইতে উঠিয়া যাইবার পূর্বে একই অর্থ বহুবার হস্তান্তর হইয়া অনেক কেনা বেচার কাজ সম্পন্ন করে। একটা টাকার বদলে একবার কিছু কেনা অথবা বেচা হইলে ওই টাকাটা একবারের কাজ

করিল। কিন্তু এই টাকাটা যদি দশজন লোকের হাত বদলাইয়া দশবারের কেনা বা বেচার সাহায্য করে তাহা হইলে উহা সমাজে ১০, দশ টাকার কাজ করিল বলিতে হইবে। সুতরাং কোন বৎসরে সমাজে কত অর্থ ব্যবসাতে খাটিয়াছে তাহা জানিতে হইলে কেবল অর্থের সংখ্যা জানিলে হইবে না; উহা কতবার হাতফের হইয়াছে তাহাও জানিতে হইবে। অর্থের মোট পরিমাণকে উহা বৎসরে কতবার হাতফের হইয়াছে তাহা দিয়া গুণ করিলেই ব্যবসাতে বৎসরে কত অর্থ খাটিয়াছে তাহার পরিমাণ জানা যায়। তেননি বৎসরে কতটা পণ্যদ্রব্য অদলবদল হইয়াছে তাহার পরিমাণ জানিতে হইলেও পণ্যদ্রব্যের অধিকাংশই বহুবার ধরিতে হইবে। কারণ অনেক পণ্যদ্রব্যই নির্মাতার হাত হইতে ভোক্তার ভোগে আসিবার মধ্যে ব্যবসাদার-দিগের লাভের লোভে বহুবার ক্রীতবিক্রীত হয়। এই বহুবার বিক্রীত দ্রব্যের সমষ্টি করিলে তবে বৎসরে কতটা দ্রব্য অদলবদল হইয়াছে তাহার পরিমাণ জানা যায়। এই দ্রব্য সমষ্টির সহিত বৎসরে ব্যয়িত অর্থের সম্বন্ধই ঐ সময়কার অর্থের মূল্য স্বরূপ। সুতরাং অর্থের কিনিবার

$$\text{ক্ষমতা} = \frac{\text{অর্থের সংখ্যা} \times \text{অর্থের হাতফের}}{\text{ক্রীত বিক্রীত দ্রব্যের সমষ্টি}}।$$

পূর্বে অর্থের পরিমাণবাদ বলিতে যাইয়া বলিয়াছি “আর সব অবস্থার কোনো পরিবর্তন না হইয়া,” “অন্যান্য অবস্থার যদি কোনো পরিবর্তন না ঘটে” ইত্যাদি। এই ‘আর সব অবস্থা’ এবং ‘অন্যান্য অবস্থাগুলি কি তাহা এখন পরিকার করিয়া জানা দরকার। প্রথমতঃ উৎপাদক যে ভোগ্য বিনিময় না করিয়া নিজেই ভোগ করেন তাহা এই অর্থের পরিমাণবাদের হিসাবের মধ্যে ধরিতে হইবে না। কেবল অর্থের সঙ্গে যাহা কিছু অদলবদল হয় তাহাই এই হিসাবে গণ্য। জিনিষের বদলে জিনিষের যে সোজাসুজি বিনিময় তাহাও বাদ দিতে হইবে। এই জিনিষের অদলবদলের পরিমাণ যদি একই রকম থাকে, নির্মাতা তাঁহার নির্মিত দ্রব্যের সম্ভোগও যদি ঠিক রাখেন, ক্রীতবিক্রীত দ্রব্য সমষ্টির যদি পরিবর্তন না হয়, এবং অর্থের হাতফেরও যদি না বাড়ে কমে, তাহা হইলেই অর্থের পরিমাণের পরিবর্তনে উহার মূল্যের বা কিনিবার ক্ষমতারও পূর্কোক্ত ভাবে নড়চড় হয়। কিন্তু অর্থের পরিমাণের হ্রাসবৃদ্ধির সঙ্গে সঙ্গে ওই সব ‘অন্যান্য অবস্থার’ কোন একটির বা বহুর অথবা সবগুলিরই যদি পরিবর্তন হয়,

তাহা হইলে আর অর্থের পরিমাণবাদ খাটে না। সেই জন্যই পণ্ডিতগণ বলিয়াছেন আর সব অবস্থার কোন পারিবর্তন না হইয়া অর্থের পরিমাণ যদি ডবল বাড়িয়া যায় তাহা হইলে উহার মূল্য ঠিক অর্ধেক হইবে; অর্থাৎ জিনিষপত্রের দাম আগের চেয়ে ঠিক বিংশ বাড়িবে। তেমনি, টাকার পরিমাণ যদি অর্ধেক হয়, এবং অন্যান্য অবস্থার যদি কোনো পারিবর্তন না ঘটে, তাহা হইলে অর্থের মূল্য ঠিক ডবল হইবে; অর্থাৎ জিনিষ পত্রের দাম আগের চেয়ে ঠিক অর্ধেক কমিবে।

শ্রী-রেন্দ্রনাথ রায়।

বৈষ্ণবের রসনা

—ঃ#ঃ—

আহা রসিক আমার রসনা! তুই ঢাল্ রে মধুরস,
সদা মিষ্টভাষে টানিস্ সখায় রাখতে আপন-বশ।
যেন তোর বাণীতে থাকেনাক' মলিনতার কস্!
ওরে ব্যথিতকে তুই সাস্থনা দিস্—আনিস্ শোণের ক্ষয়,
জ্বােরে আশার ভাষা শুনাস্—ভীতু হয় যেন নির্ভয়;
শুধু ভালোবাসায় সব-মানুষের হৃদয় কবিস্ জয়।
তোর ব্যবহারে জানুক সবাই মোর যাহা বৈশব,
যেন তোর মাঝারে সফল সে হয় কৃষ্ণনামেঃুব!
শুনে' মানুষ যেন বলে আমার পরম বৈষ্ণব।

শ্রীচণ্ডীচরণ মিত্র।



দীক্ষার দক্ষিণা ।

(ক)

“শুভ্রুম্—শুভ্রুম্ মারণ-মঙ্গ-গর্জন করিয়া উঠিল। হত্যাক্রমি মুহূর্তেই মাতীর শরীরে মাটিকে আঁকড়াইয়া ধরিয়া মাতীর জগৎ হইতে বিদায়-গ্রহণ করিল। আততায়ী ধরা পড়িল। কাগজে কাগজে ছাপা হইয়া গেল—বড় বড় অক্ষরে এই খুনের কথা।

আততায়ী কলেজের ছাত্র। ভাল ছেলে বলিয়া তাহার খ্যাতি ছিল। সেইই যখন হত্যাকারী বলিয়া ধরা পড়িল—তখন তাহার বাড়ীর লোক হইতে আরম্ভ করিয়া কলেজের অধ্যাপকেরা পর্যন্ত সমান চমকাইয়া উঠিলেন—তাই ত এ কি!

আসামীর বিচার আরম্ভ হইল। সে আত্মপক্ষ সমর্থনের কোনও চেষ্টাই করিল না। উকিল দিল না—একটিও কথা কহিল না। তাহার আত্মীয়স্বজন অনেক চেষ্টা করিলেন। কিন্তু সবই বৃথা হইল। আসামী দায়রা-সোপর্দ হইল।

দায়রার ঘটনাও ঠিক ঐ একরূপ। আত্মীয় স্বজনে আর কি করিবেন? হাতে হাতে ধরা পড়িয়াছে। জেরা না হওয়ার কোনও সাক্ষী সাক্ষ্যে গোলমাল করিল না। আসামীর ফাঁসির হুকুম হইল।

(খ)

একটা রহস্য! এমন ছেলে কেন এমন কাজ করিল। অনন্ত-সমস্যার জালে আবৃত। সকলেই রহস্য-উদ্ঘাটনের জন্য ব্যাকুল—কিন্তু কি করিবেন? আসামী কাট-কবুল; কোনও কথা কহিবে না। অক্ষয় উদ্বিগ্নতার সকলেই অধীর হইয়া উঠিলেন।

কাল আসামীর ফাঁসি হইবে। সকালে একবার জেগার আসামীর সহিত দেখা করিতে আসিলেন,—যদি সে কিছু বলে, এমনই মানুষের জানিবার বাসনা! কিন্তু সে কোনও কথাই কহিল না। বৈশাখ তাহার দাদা আসিয়া তাহার সহিত দেখা করিলেন। এ-কথা—

সে-কথা—নানা কথা হইল। শেষ মুহূর্ত্তে চোখের জলের ধারার সাথে সুর মিলিয়ে তার দাদার নাড়ী-ছেঁড়া প্রবাহিত হইয়া আনিল—“কেন এ কাণ্ড করলি?”

“তুমিও”—গভীর ব্যপার আত্মনিবেদনের মতই বাহির হইল। উদাত্ত রোদনকে সে সখমের কশাঘাতে দাবাইয়া দিল। দাদার স্নেহের দৃষ্টি যেন তাহাকে ঘিরিয়া ব্যগ্র আকাঙ্ক্ষায় নিবেদন জানাইল—বলো!—বলো!—বলো!

সে পারিল না। ব্যথার রাগিণীর তার-কাটা সুরে সে আধ-বসুরো আগ্রাহে বলিল—
“দাদা, তুমিও আজ আবার ঐ একই প্রশ্ন করলে?”

“হাঁ, আমিও”—তার দাদা বলিলেন।

সে জেলখানার কুক প্রাচীরের পানে চাহিয়া ক্ষুব্ধ-কণ্ঠে কহিল—“তবে শোন”—

(গ)

“তোমরা ত দেখছ—আমি প্রশ্ন রাখকে খুন করেছি। অতি সহজ কথা! মদ্র-প্রেরণায়—রক্তলালসায় চিরদিনই একজন একজনকে খুন করে আসছে। এর মধ্যে কিছু নূতনত্ব নেই—কিছু বিচিত্রতা নেই। এ হল চিরন্তন সত্য!

কিন্তু জানো কি তোমরা—আমি আমার কাকে খুন করেছি। আমি খুন করেছি—আমার শিক্ষাদাতাকে—আমার দীক্ষাদাতাকে—আমার পথ-প্রদর্শককে। সে আমার প্রাণ দিয়ে ভালবাসত। জগতে বোধ হয় আমার চেয়ে তার আর প্রিয়পাত্র ছিল না;—তবু আমি তাকেই হত্যা করেছি। একেই বলে প্রাক্তন।

তুমি বোধ হয় জানো—আমি যখন জামালপুরে পড়তাম—তখন সে সেখানকার শিক্ষক ছিল। এই ভাগী কৃতী শিষ্ট-শাস্ত্র অধ্যাপকটিকে সকলেই একটু অতিনাত্রায় শ্রদ্ধা করত। আমিও করতাম। তখন কে জানত—এই শাস্ত্রের কোলে মাথা লুকিয়ে ক্রুদের অগ্নি-দেবতা ঘুমিয়ে আছে। যে দিন সে-কথা বুনতে পারলাম—সে দিন নিজেরও প্রাণের অনুভব করলাম—ঐ ক্রুদের প্রেরণা।

চোখে পড়ল—ভাগী অগ্নিক্রুদের ঋষিগণ একের পর একে আপনাকে লোক-চক্ষুর অস্বপ্নে গোপনে আহতি দিচ্ছেন। সে কি পবিত্র কি নধুর—কি মহিমানয়!

বালকের চোখ টাটিয়ে উঠল। তখন আমার বয়স তের।

গুপ্ত-সমিতির মন্ত্রের দীক্ষা আমি তার কাছ থেকেই নিই, যখন নব-যৌবন মানুষকে নানান প্রলোভনে ভুলিয়ে রঙিনস্বপন দেখায়—তখন আমরা আর এক স্বপন দেখছিলাম।

সম্ভব-অসম্ভব বিবেচনা করি নি। কার্যাকার্যের অসঙ্গতির কথাও মনে আসে নি। নিজের কতটুকু শক্তি!—তা' ভেবে দেখার অবসরও হয় নি। সব চেয়ে উন্মত্ততা—তাই নিয়ে অগতের শ্রেষ্ঠ শক্তির সঙ্গে টেকা দিতে গিয়েছি। কিন্তু তবু তখনও ছিল—মুক্তি পাগলদের চোখে রক্ত রঙের 'শেড'-করা অপূর্ণ স্বপন।

পরে যা' ঘটেছে—তা' সকলেই জানেন। দলে দলে ফাঁসিতে ঝুলল—পালে পালে জেলে—ঘীপাস্তুরে গেল—ঝাঁকে ঝাঁকে অস্তরীণ হ'ল। তার পর স্বপনের পরিসমাপ্তি—নিজার পর আগরণ।

(৬)

কিন্তু এই হ'ল মোটা কথা! হয় ত' এ প্রতিষ্ঠান ভেঙ্গে যেত—এর পরিণাম এই রকমই হ'ত। তবু এর মধ্যে আমাদের যে অপমান লুকিয়ে আছে—জাতির যে হীনতা এই দিক দিয়ে ফুটে উঠেছে—তা' যে কোন মতেই ভুলতে পারছি নে'।

এই অমুঠান মাটি হ'ল—আমাদেরই নিজেদের ভীকৃতার জন্য—আপনার জনের—দলের লোকের বিধাসঘাতকতার দোলতে—মরমীর মরমের অভাবে। মাটি হবার যা—মাটি হ'ক তা—তাতে আর ছুঃখ কি—ক্ষোভ করার কি আছে, কিন্তু কেন কোন্ পাপে—আমার দেবতাকেও হঠাৎ পিলাচে পরিণত করল—কিসে। সে দৃঢ়তা—সে নির্ভরতা আর তখন তার ছিল না। ক্রমে ছই একজন অপরিচিত লোকের সঙ্গে তাকে গল্প করতে—লুকিয়ে লুকিয়ে মেড়াতে দেখা গেল। পরে সব পরিষ্কার হ'য়ে গেল—সেইদিন—যেদিন আমরা তাকে দেখলাম—সাক্ষীর কাটুগড়ায় উঠে রাজার সাক্ষী হয়ে দাঁড়াতে।

ঠিক সময়ে মোকদ্দমা হ'ল—বিচার হ'ল—রায় বেরুল; প্রায় সকলেরই সাজা হ'য়ে গেল।

আমাকে সে বড়ই ভালবাসত। তাই আমার বিরুদ্ধে সে একটি কথাও বলে নি। ফলে আমিই কেবল খালাস পেলাম।

ফিরে এলাম—হেসে খেলে বেড়াতে নয়—শতকরা নিরনকরুট জন বাঙ্গালীর মত গতানুগতিক-ভাবে জীবন কাটিয়ে দিতে নয়—জীবন নিয়ে ছিনি-নিনি খেলতে। আমি সকলকে প্রতিশ্রুতি দিয়ে এলাম—ওর রক্ত আমিই দেখব। যারা আমাকে ঠিক চিন্ত না—আর আমাদের অতি-মাখামাখি লক্ষ্য করে এসেছে—তারা একটু' অবিশ্বাসের হাসি হাসল। তবে দেখলাম—জন কতকের দৃষ্টি আমাকে অভিনন্দন করল—আর তাদের চোখে মুখে প্রতিহিংসার আনন্দ ফুটে উঠল।

সে দৃষ্টি কিন্তু আমাকে ছাড়ল না। যেখানেই যাই—সে ছায়ায় মত আমার অনুসরণ করে। আমার আর দেরি সহ হ'ল না। দৃষ্টির আঘাতে মরিয়া হয়ে উঠলাম।

বিশ্বাস-হস্তার শাস্তি—! অগ্নি-ফলক আমারই হাতে গর্জে উঠল। মুহূর্তেই সে মাটি নিল। একবার করুণ-নেত্রে আমার পানে চাইল। তার পর মরণাহতের বুক ভেদ করে যেন বার হ'ল—“তুমি?”

আমি বললাম—“হাঁ, তুমিই আমাকে দীক্ষা দিয়েছিলে। আজ এতদিনে তার দক্ষিণাস্ত হ'ল। ভয় নেই শীঘ্রই হু'জনে গিয়ে পরপারে মিলছি। সেখানে জীবন্ত জগতের বাস্তব কিছু থাকবে। মানুষের যত কিছু ভুল ত্রুটি সব সংশোধিত হ'য়ে যাবে। পালাতে পারতাম—কিন্তু মন সরল না। ধরা পড়লাম। তার পর ত' সবই—জানো।”

(কবর্গ শেষ)

আসামী চূপ করিল। দাদার ছই কপোল বহিরা অ'ধি-জল অবিরল ধারায় জেলখানার শুক ভূমি ভিজাইয়া দিল। জেলার মুখ ফিরাইয়া ক্রমালে চক্ষু মুছিলেন।

আত্মসম্বরণ করিয়া যখন তাঁহারা আসামীর পানে চাহিলেন—দেগিলেন—সে বদন—প্রশান্ত—নির্ভীকার। বুকিতে পারিলেন না—কাল কি এই লোকই ফাঁসি-কাঠে প্রাণ দেবে!

শ্রীবৈষ্ণনাথ বাব্যপুরাণভীর্ষ।


মন ।

—*—

মন বলছিল—‘ওহে মানুষ আমাব মত নিয়ে কাজ করাটা তুমি আর দরকার বলেই মনে কর না। আমার অস্তিত্বটা তুমি দিনে দিনে ফুল যাচ্ছ। আমার সুখ স্বাধীনতার ওপর তোমার আর মোটেই দৃষ্টি নেই। এর ফল যে বড় ভাল হবে তা মনে ক’রো না। কারণ—আমি যে দিনে দিনে এমন ভাবে মরচি এতে তোমার অহিত বই হিত হবে না কখনও।’ ছত্তোর মন—মানুষ তার কথা আদবেই নিলে না। আপন গুমোরে গটমট ক’রে চল্লো। ঘোড়দৌড়ের মাঠের দরজার কাছে এসে মানুষ দাঁড়াল।—মন বলে—‘থবর্দার মানুষ এই কাঠের দরজা পার হবার চেষ্টা করো না—ওখানে গোলমালের মধ্যে আমি এক তিলও পারবো না তিষ্ঠোতে!’ এখানেও হ’ল মনের পরাজয়। সে পরাজয়ে মানুষ যে কত অবসন্ন হ’ল তা’ সে বুঝলে—দিনের শেষে মাঠ থেকে বেরিয়ে।

তখন মানুষ কতকটা মনের বশীভূত হবার চেষ্টা করতে লাগল। সে বুঝলে জীবনের প্রকৃত আনন্দের সঙ্গে মনের আছে অনেকখানি সম্বন্ধ। তাকে বাদ দিয়ে চলা একান্তই অসম্ভব। এই ভেবে সে একেবারে মনের সম্পূর্ণ আমলেই এল। কিন্তু তাতেও বিপদ।—মন অমৃতের সন্ধানে ছোটে!—তাতে গা ভাসিয়ে দিলে সে অমৃতের পারাবারে ছুটে গিয়ে পড়ে। এ ভাবে মরাটাও প্রার্থনীর নয়। মন বলে ‘তুমি ওই মেরেটিকে ভালবাসো।’ বাস্লাম।—শত প্রতিকূল অবস্থা ভেদ করেও হয়ত তার কাছে প্রেম জ্ঞাপন করলাম,—বিনিময়ের—প্রার্থনা জানালাম। এর ফলে পেলাম নিদারুণ নৈরাশ্য, তখন মানুষ জোড় ঘেঁরে বুঝলে—মানুষ আর মন ছটোকে আলাদা ক’রে রাখা যেতে পারে না। তাদের ছটো মিলিয়ে যেদিন সত্যিকারের এক হবে সেই দিন জগতের আনন্দ-সভার যোগ দিতে সে তার প্রকৃত অধিকার পাবে। মানুষকে নিতে হবে মনের অনুমতি। মানুষ হবে মনের বাহন।

শ্রীফটিকচন্দ্র বন্দ্যোপাধ্যায় ।



স্বাস্থ্যের কথা ।

—*—

রানিরাশি আম'নের খাদ্য ।

পৃথিবীতে অতি সূক্ষ্ম পদার্থ আছে যাহার জন্য আমাদের স্বাস্থ্যরক্ষা হয় এবং যাহার অভাবে আমাদের রোগ হয় । প্রকৃতির মধ্যে লুক্কায়িত অবস্থায় এই অতি বীর্যশালী বস্তু বর্তমান আছে তৎসম্বন্ধে কোনও সন্দেহই নাই । ইহার অতি সামান্য পরিমাণ সেবনে মানুষের আকৃতি বড় হয় কিম্বা তাহার অভাবে বামন হইয়া পড়ে, এমন কি মানুষের জীবন ইহার উপর নির্ভর করে । ভিটামিন বা খাদ্যবীৰ্য্য ঘনীভূত করিয়া প্রস্তুত করা হইয়াছে কিন্তু এ পর্য্যন্ত কেহই এই খাদ্যবীৰ্য্য প্রকৃতির মধ্যে যে অবস্থায় থাকে সেইরূপ অবিকৃত অবস্থায় পায় নাই । একজন মানুষের সারা জীবনে যতটা ভিটামিন বা খাদ্যবীৰ্য্য প্রয়োজন হয় তাহা অতি বিশুদ্ধ অবস্থায় একত্র করিলে একটা পেয়ালা ভরিয়া যাইতে পারে ।

'ক' শ্রেণীর ভিটামিন বা খাদ্যবীৰ্য্য জাস্তব পদার্থে পাওয়া যায়, উহা উত্তীর্ণ হইতে প্রাপ্ত তৈল বা চর্বিতে বর্তমান থাকে না । সেইজন্য শিশুগণকে জাস্তব চর্বি সেবন না করাইলে তাহাদিগের বৃদ্ধি স্বাস্থ্যসম্বন্ধে অবস্থায় হয় না । সেজন্য তাহাদের অস্থি কোমল ও ক্ষীণ হয় । তাহাদিগের খাদ্য হইতে 'ক' শ্রেণীর ভিটামিনের মাত্রা যতই কম হয় ততই তাহাদের ঐ রোগের আক্রমণ অধিক হয় ও অস্থির গঠন হয় না । এই জন্যই শিশুগণের দুগ্ধের প্রয়োজন এবং তাহারা দুগ্ধ পান করিয়া সুস্থ থাকে । দুগ্ধে চূণ ও ফসফেটের মাত্রা অধিক থাকায় তাহাদের অস্থির গঠন হয় ।

জাস্তব পদার্থ সেবন না করিলে যে শিশুর অস্থির গঠন হয় না এই কথা বিস্ময়কর কিন্তু তাহাপেক্ষা আরও বিস্ময়কর কথা এই যে সূর্য্যকিরণ এই সফল শিশুর গাত্রে লাগিলে যে ফল হয় তাহা জাস্তব পদার্থের তুল্য । কুকুরের শাবককে সূর্য্যকিরণে রাখিয়া যদি তাহাদিগকে দুগ্ধ প্রভৃতি জাস্তব পদার্থ সেবন করিতে দেওয়া না হয় তবে তাহাদিগকে নরম অস্থির রোগ বা ricket ততটা হয় না যে তাহাদিগকে অন্ধকার স্থানে রাখিলে হয় । সূর্য্যকিরণের আরও অসুস্থ

প্রভাব জানা গিয়াছে। খাঁচার মধ্যে কোনও জন্তকে রাখিয়া যদি তাহাকে কেবল অন্ধকারময় স্থানে রাখা যায় তবে তাহার স্বাস্থ্যহানি হয় বটে কিন্তু তাহার খাঁচাটি প্রত্যহ রৌদ্রে দিলে তাহাদের স্বাস্থ্যের অনিষ্ট হয় না। রৌদ্র এই খাঁচার উপর যে প্রভাব বিস্তৃত তাহাতে তাহার বায়ুর গুণ বৃদ্ধি হয়, এই জন্যই সম্ভবতঃ স্থানবিশেষের বায়ু স্বাস্থ্যকর বায়ু বলিয়া বর্ণিত হয়। ইহা লইয়া দুইটা বৈজ্ঞানিক দলে বিতণ্ডা উপস্থিত হইয়াছিল, একদল অপর দলের পরীক্ষা ঠিক বলিয়া স্বীকার করিতে রাজী হয় নাই। তাহার জন্য এক সভা বসে এবং একটা পাত্রে করাণ্ডের গুঁড়া লইয়া রৌদ্রে দেওয়া হয় অপর একটা খালি পাত্র রৌদ্রে দেওয়া হয়। যে পাত্রে করাণ্ডের গুঁড়া ছিল তাহা সূর্যালোক শোষণ করিয়া লইয়াছিল এবং অন্ধকারে উহা জন্তুর পাত্রে প্রভাব বিস্তৃত করিয়াছিল।

ইহা দ্বারা প্রমাণ হয় যে আলোক কাঠ ও অন্যান্য উদ্ভিদ দ্বারা সঞ্চিত হইতে পারে এবং উহা আবার সেই আলোকের প্রভাব জীবজন্তুর গায়ে অন্ধকারের পরে সঞ্চারিত করিতে পারে। এই অত্যন্ত পরিমাণ সূর্যকিরণের রশ্মির প্রভাব অত্যন্ত অধিক। জন্তু যদি এইটুকুও পায় তাহা হইলে অত্যন্ত কম মাত্রার চর্কি সেবন করিয়া বাঁচিতে পারে। কিন্তু এই অত্যন্ত পরিমাণ সূর্যকিরণের প্রভাব পাইলেও যাহা লাভ হয়, সে লাভটুকু অন্ধকারে থাকিলে একেবারেই পাওয়া যায় না। ইহাতে দেখা যায় যে, রৌদ্রে 'ক' শ্রেণীর ভিটামিনে পূর্ণ এবং ইহা গৃহের কাঠ ও কাষ্ঠের আসবাবাদি হইতে রাত্রি বিপ্রহরে পাওয়া যাইতে পারে।

পূর্বে যে কয়েকটা বিষয়কর কথা লেখা হইয়াছে তাহার মধ্যে আরও অধিক বিষয়কর কথা প্রফেসর মেলানবি বলিয়াছেন, ইনি খাদ্য বীর্ষ্যের অনুসন্ধান সম্বন্ধে অগ্রণী; তিনি বলিয়াছেন যে খাদ্যের মধ্যে যেমন ভিটামিন আছে তেমন এটি-ভিটামিন বা খাদ্যবীর্ষ্য-নষ্টকারী পদার্থও বর্তমান আছে। অনেক প্রকার শস্য বিশেষতঃ ওটনিলে বা যটতে এই খাদ্যবীর্ষ্য-নষ্টকারী পদার্থ অধিক আছে, ইহাতে ঐ নষ্টকারী পদার্থ অস্থিগঠনে বাধা প্রদান করে অর্থাৎ 'ক' শ্রেণীর ভিটামিন নষ্ট করে। ঐ নষ্টকারী পদার্থ যটয়ের অনুপরিমাণের মধ্যে প্রচিষ্ট হইয়া আছে। সেই জন্য যাহারা উহা সেবন করে, তাহাদিগকে ছুঁচ বা চক্কিময় খাদ্য সেবন করিতে হয়। পরিষ্ক নামক খাদ্যের সহিত ছুঁচ, কটির সহিত মাখন প্রভৃতি মানুষ হঠাৎ মিশাইয়া খাইতে শিখে নাই, কিংবা ইহা আকস্মিক নহে, ইহা মানুষের অন্তর্জন্মিত মনের গতি। এই স্বাভাবিক ইচ্ছার জন্যই

উত্তর মেরুর মানব চর্বি সেবন করে ইটালীর লোক জলপাইর তৈল সেবন করে এবং ভারতের লোক ঘৃত সেবন করে ।

মানুষ যাহা করে তৎসম্বন্ধে নানাপ্রকার কথা এই সকল আবিষ্কারের ফলে জানা যাইতেছে । মানব পৃথিবীর নানাস্থানে বাস করিয়া এবং বিভিন্ন কালে কি আহাৰ করিয়া থাকে ; মানবের আপন গৃহসজ্জা ও গৃহের দেওয়ালে কাষ্ঠ ব্যবহার করার প্রবৃত্তি, মানবের স্বর্ঘ্যালোক উপভোগ, মানব তাহার খাদ্য কি প্রকারে আপনা হইতে নানারকমে বিভিন্ন জিনিসের সহিত মিশাইয়া সেবন করে এই সকল কৌতুহলপ্রদ কথা জানা যাইতেছে । এই সকল আবিষ্কারে বিজ্ঞান মানব মনের অন্তর্জনিত গতির অনুসরণ করিয়াছে ।

গ্রীষ্মপ্রধান দেশের উদ্যমহীনতা ।

গ্রীষ্মপ্রধান দেশে ম্যালেরিয়া, টাইফয়েট, ওলাউঠা, প্লেগ, বসন্ত প্রভৃতি নানা প্রকার রোগের চিকিৎসার উপায় আবিষ্কৃত হইতেছে সেই জন্য পূর্বকালের ন্যায় ইহা আর সেরূপ ভয়াবহ নহে । এই সকল রোগের জন্যই প্রাচীন রোম ও গ্রীসের অবনতি ঘটয়াছিল । এই দুই জাতি যুদ্ধ-জয়ী হইয়া দেশের পর দেশ অধিকার করার সঙ্গে সঙ্গে উপরোক্ত রোগগুলিতে আক্রান্ত হইয়া তাহাদিগের স্বাস্থ্যহানী ঘটিতে লাগিল, তাহারা স্বদেশ ঘাইয়া এই সকল রোগ নিজের দেশে সংক্রান্ত করিয়া দিল । এই সকল কারণে জাতির স্বাস্থ্যের অবনতি ঘটায়, রাজ্যেরও অবনতি হইয়াছিল । যাহারা বক্রকীট (Hook worm) সম্বন্ধে অবগত আছে তাহারা বলিতে পারে যে সেই সকল জাতির অবনতির কারণ এই বক্রকীট সহস্র সহস্র বৎসর ধরিয়া পৃথিবীতে বর্তমান আছে । ৩৬৪০ বৎসরের পুরাতন মিশর দেশের তালপত্রে লিখিত এক রোগের বিবরণ আছে যাহা পাঠে এখন বুঝা যায় যে রোগীর বক্রকীটের রোগ হইয়াছিল । কেবল মাত্র গত কয়েক বৎসরের মধ্যে এই বক্রকীট সম্বন্ধে অনুসন্ধান ও পরীক্ষা করা হইয়াছে । কয়েক প্রকার রোগ ও স্বাস্থ্যহীনতা এই বক্রকীটের দরুণ হইয়া থাকে যাহা পূর্বে সকলে গ্রীষ্মপ্রধান দেশের আবহাওয়ার জন্য উদ্যমহীনতা বলিয়া মনে করিত । পূর্বে জনাভূমির আবহাওয়ার জন্য যেমন ম্যালেরিয়া হয় মনে করিত ইহাও ঠিক সেইরূপ ।

গ্রীষ্মপ্রধান দেশেই এই বক্রকীট অধিক যদিও শীতপ্রধান দেশে ইহা কম নহে । গ্রীষ্মপ্রধান দেশের লোক রক্তহীন, উদ্যমহীন এবং সাধারণতঃ অসত্যপ্রিয় দেখা যায়, সেইজন্য উহা জল

বায়ুর ঘোষে হয় বলিয়া সকলে মনে করিত। যদিও জল বায়ু কতকটা ইহার জন্য দায়ী কিন্তু অলসতা অথবা মধ্যে বক্রকীট থাকিলেই প্রধানতঃ হইয়া থাকে। ইহা রোগীর রক্ত শোধন করিয়া প্রাণ সংহার করে। আমেরিকায় চিকিৎসকগণ সর্বপ্রথমে এই বক্রকীট দেখিতে পান। বক্রকীট দ্বারা আক্রান্ত হইলে বিশেষ কোনও অসুখ বুঝিতে পারা যায় না, তাহার কাজ কর্তে অলসতা, অনামনত্বতা, কার্যে উৎসাহ না থাকা ও ভাল করিয়া কার্য না করা ইহাই প্রথমে বুঝিতে পারা যায়। ক্রমে রোগের আক্রমণ অধিক হইলে রক্তহীন হয়, ক্ষীণকার ও ক্রমে দুর্বল হইয়া পড়ে। ইহার চিকিৎসা অতি সহজ একটু চিকিৎসার ফলে রক্তহীন ও উৎসাহহীন ব্যক্তি ক্রমে সকল বিষয়ে মন দিতে থাকে, হঠাৎ কন্ঠী হইয়া উঠে এবং শরীর রক্তে পূর্ণ হয়, সেই সঙ্গে তাহার বুদ্ধি বাড়ে। এই রোগ দূর করিতে আমেরিকায় রকেফেলার স্যানিটারী কমিশন অতি আশ্চর্য্য কার্য্য সকল করিয়াছেন। আমেরিকায় যুক্তরাজ্যের দক্ষিণ ভাগের লোক এই বক্রকীট দ্বারা বেশীভাগ আক্রান্ত হইয়া থাকে। সে সকল স্থানে চিকিৎসকগণ হইয়া ঔষধ বিতরণ করেন। প্রত্যেক ব্যক্তিকে পরীক্ষা করিয়া ঔষধ দেওয়া হয় এবং তাহাদের যাহাতে পুনরাক্রমণ না হয় উদ্ভাৱন কি সতর্কতা অবলম্বন করিতে হইবে তাহার উপদেশ দেওয়া হয়। প্রতি রোগীর জন্য ৩৫/০ করিয়া ব্যয় করা হইয়াছে। ইহার ফলে সহস্র সহস্র লোক রোগমুক্ত হইয়াছে এবং স্বাস্থ্য লাভ করিয়া সুখে জীবন যাপন করিতে পারিতেছে।

বঙ্গদেশে এই রোগ আছে। যাহারা খালি পায়ে হাঁটে তাহাদিগকে এই কীট অতি সহজে আক্রমণ করে। এই কীট মাটিতে যে সকল আবদ্ধ পঙ্কিল জল আছে তাহার নিকটে ডিম পাড়ে। কীট পূর্ণ আকার ধারণ করিলে উহা ঠু ইঞ্চি লম্বা হয়। সাধারণতঃ মানুষের চর্ম তেল করিয়া এই কীট-শিশু প্রবেশ করে, তখন উহা চক্ষুর অগোচর থাকে। তাহার পর ক্রমে শরীরের নানাস্থান দিয়া গমন করিয়া অঙ্গে যাইয়া অবস্থান করে। সেই স্থানে পৌঁছাইবার পর হইতে উহার শরীর হইতে বিষ বর্জিত হইতে থাকে এবং তাহার ফলে মানুষের পূর্বোক্ত রূপ স্বাস্থ্যহীন অবস্থা হয়। দেখা গিয়াছে এক জন মানুষের শরীর হইতে ৫৫০০ বক্রকীট বহির্হিত হইয়াছে। ইহাতেই বুঝা যায় যে, ইহারা কি প্রকারে মানুষের জীবনীশক্তি, স্বাস্থ্য, বল উহার্য্য হরণ করে। থাইমল নামক এক প্রকার ঔষধ সেবনে এই কীট নষ্ট করা যায়। চিকিৎসকগণ মনে করেন যে, বঙ্গদেশের লোক অলসতাপ্রিয়, কার্যে অপটু, উদ্যমহীন সকলেরই কারণ

তাহারা বক্রকীট দ্বারা আক্রান্ত হইয়াছে বলিয়া । যদি তাহাদের এই রোগ না থাকিত তবে তাহাদের বর্তমান সময়ে যতটা কার্য্য করিবার ক্ষমতা ও উৎসাহ আছে, তাহার প্রায় দেড়গুণ অধিক কার্য্য করিতে পারিত ।

সঞ্জীবনী ।

মনে রাখিবেন—খালি প'য়ে ঘাসের উপর দিয়া হাঁটা অতিশয় অনিষ্ট কর ।

সর্বদা জুতা প'য়ে থাকাও অনিষ্টকর—পরিষ্কার স্থানে মুক্ত বাতাস ও সূর্য্য কিরণে শিশুকে লগ্নপদে প্রায় হাঁটিতে দিবেন ।

অনন্তলাল ।

(পূর্বপ্রকাশিতের পর ।)

উনবিংশ পরিচ্ছেদ ।

যে দিন প্রাতে অনন্তলাল স্বামীর সমাভিব্যাহারে বিশালগা বনে মহর্ষি বেদব্যাসকে দর্শন করিতে গমন করেন, সেই দিবস অপরাহ্নে তাঁহার দৌহিত্র চিন্তামণি অরাক্রান্ত হইয়া বিদ্যালয় হইতে গৃহে প্রত্যাবর্তন করিল । অর ও সর্কণরীয়ে ব্যথা—পারিবারিক চিকিৎসক রোগী দেখিয়া বলিয়া গেলেন, বসন্ত বাহির হইবার সম্ভাবনা । সতাই পর দিবস চিন্তামণির সর্কাসে বসন্ত বাহির হইয়া পড়িল । ব্রজেন্দ্র দিগরজি রোগীর পার্শ্বে বসিয়া সুশ্রবা করিতে লাগিল । সে অল্পকালের জন্য গৃহ হইতে স্থানান্তরে বাইলে, চিন্তামণি অস্থির হইত । সে আর কাহারও হস্তে ঔষধ সেবন করিত না,—আর কাহারও স্পর্শ তাহার পছন্দ হইত না । স্ত্রীরাং ব্রজেন্দ্রের লেখাপড়া, বা কলিকাতার কলেজ বাওদা বন্ধ হইল ।

রসরাজ কখন কখন চিন্তামণির শয্যাপার্শ্বে বাইরা উপবেশন করিতেন এবং কিছুক্ষণ নিস্তরূ ভাবে বসিয়া থাকিয়া তথা হইতে অপমৃত হইতেন। আজি কালি তিনি অধিক কথাবার্তা ভাল বাসিতেন না। নিজ গৃহাভ্যন্তরে একাকী বসিয়া থাকিতেন।

চিন্তামণির বসন্ত দিন দিন পরিপুষ্ট ও পাকিবার উপক্রম হইল। সে অসহ যন্ত্রাণায় অস্থির হইয়া বিছানায় থাকিতে পারিত না; প্রায়ই নিজ শরীরের অধিকাংশ ব্রহ্মেশ্বরের শরীরে ন্যস্ত করিয়া, শুইয়া থাকিত।

অনন্তলাল স্বামীজী প্রকৃতির সহিত সন্ধ্যার সময়ে বাটী পহুছিলেন। তিনি চিন্তামণির গৃহমধ্যে প্রবেশ করিয়া দেখিলেন, সে শয্যাপরি ব্রহ্মেশ্বরের ক্রোড়ে অবস্থিত করিতেছে এবং সরলা নিকটে দাঁড়াইয়া আছে। তাঁহাকে সাক্ষাৎ প্রদানপূর্বক কিছুক্ষণ চিন্তামণির নিকট উপবেশন করিয়া তাহার রোগের অবস্থা ইত্যাদি জিজ্ঞাসা করিলেন। পরে ব্রহ্মেশ্বকে ঘরের গাড়ী করিয়া ডাক্তার ডাকিয়া আনিতে বলিলেন। সে শয্যা হইতে উঠিতেছে, এমন সময়ে চিন্তামণি বলিল,—“না, দাদাবাবু, ব্রহ্মেশ্ববাবুকে আমার কাছ থেকে—কোথাও পাঠাবেন না। তাহলে আমি বাঁচবো না।”

অগত্যা অনন্তলাল ডাক্তারে নিকট অন্য লোক পাঠাইলেন।

বসন্ত অত্যন্ত সংক্রামক পীড়া বলিয়া, সরলা শিশিরকুমারীকে চিন্তামণির গৃহমধ্যে প্রবেশ করিতে দিতেন না। একদিন ব্রহ্মেশ্ব স্নানাহার করিতে রোগীর গৃহ হইতে বাহিরে বাইতেছে— এমন সময়ে তাহার সহিত শিশিরের সাক্ষাৎ হইল। শিশির জিজ্ঞাসা করিল, “মাষ্টার মশায়, আপনার টিকে হয়েছে?”

ব্রহ্মেশ্ব বলিল—“না।”

তখন শিশির বলিল—“বসন্ত বড় ছোঁয়াচে রোগ। আপনি সর্বদাই—রোগীর কাছে আছেন, এতে আপনার প্রাণের আশঙ্কা আছে।”

“ব্রহ্মেশ্ব বলিল,—“শিশির, এঁরা আমাকে প্রতিপালন করছেন—এঁদের অন্যে যদি প্রাণ যায়, তাতে আমি ছঃখিত নই।”

শিশির আর কিছুই বলিল না।

ব্রজেন্দ্র বলিল—“এখন কিছুদিনের জন্যে রতনপুর থেকে তোমার কোথাও গেলে ভাল হয়। তোমাদের জন্যেই ভয় হয়।”

তাহাই হইল। অনন্তলাল রতনপুরে পহুঁছিয়া পর দিবস শিশিরকুমারীকে কলিকাতার তাহার এক অ’স্বীরের নিকট রাখিয়া আসিলেন।

ক্রমে চিন্তামণি আরোগ্যমুখী হইল। সে বেশ সুস্থ হইলে এবং রতনপুরে বসন্তের প্রাচুর্ভাব উপশমিত হইলে, অনন্তলাল শিশিরকুমারীকে কলিকাতা হইতে আনয়ন করিলেন। ব্রজেন্দ্র আবার কলিকাতায় পড়িতে যাইতে অ’রম্ভ করিল। তাহার প্রথম বার্ষিক পরীক্ষার দিন নিকট হইয়া আসিয়াছিল। যে কয়দিন অধ্যয়ন বন্ধ ছিল তাহার ক্ষতিপূরণ করিতে তাহাকে অত্যধিক পরিশ্রম করিতে হইল। কিছুদিন অধিক রাত্রি জাগরণ করিয়া অধ্যয়ন করায় তাহার শরীর অসুস্থ হইয়া পড়িল। একদিন স্নানাহার বন্ধ ও পর দিবস স্পষ্ট জ্বর হইল। অর দিন দিন প্রবল ও শরীরে বসন্ত বাহির হইল। চিকিৎসকেরা দেখিয়া বলিলেন, এ বসন্তের লক্ষণ অতি মন্দ, ইহাতে রোগী প্রায় রক্ষা পায় না। তাহা শুনিয়া অনন্তলালের ভয় হইল। তিনি সরলাকে বলিলেন যে, বসন্তরোগ অতি সংক্রামক, অতএব কাছারীবাড়ীর একটি ঘর পরিষ্কার করিয়া, ব্রজেন্দ্রকে তথায় স্থানান্তরিত করা হউক।

সরলা বলিল “বাবা, আমার চিন্তামণির অসুখের সময়ে, ব্রজেন্দ্র নিজের জীবনকে অগ্রাহ্য করে তার সেবা করেছে। বোধহয় সেই জন্যেই তার এ রোগ হয়েছে। এ সময়ে আমি কিছুতেই তাকে এ বাড়ী থেকে বিদায় করে দিতে পারব না।”

অনন্তলাল আর কিছু না বলিয়া, মুখমণ্ডল গম্ভীর করিয়া, বহির্বাটিতে এবং সরলা ব্রজেন্দ্রের কক্ষাভিমুখে গমন করিলেন। ইহার পর, শিশিরকুমারী ও চিন্তামণি বাহাতে ব্রজেন্দ্রের নিকট যাইতে না পার, সে বিষয়ে অনন্তলাল বিশেষ সতর্ক হইলেন।

ব্রজেন্দ্রের নিকট সর্বদা থাকিবার জন্য সরলা একজন পরিচারক নিযুক্ত করিয়াছিলেন। কিন্তু ভৃত্য সমস্ত রাত্রি তথায় থাকিত না, কতক রাত্রির পর পার্শ্বের গৃহে যাইয়া শয়ন করিত।

রোগ দিন দিন বৃদ্ধি হইতেছে দেখিয়া, সরলা একদিন প্রাতে পিতাকে বলিয়া রতনপুর হইতে ব্রজেন্দ্রের মাতাকে আনতে লোক পাঠাইলেন।

কিন্তু ব্রজেন্দ্র তাহা জানিল না। সে দিবস অনেক রাত্রি পর্য্যন্ত তাহার চৈতন্য ছিল না। রাত্রি ছই প্রহরের পর মাঝে মাঝে অন্ন অন্ন সংজ্ঞা হইতে লাগিল। চিকিৎসকদিগের নির্দেশানুসারে গৃহমধ্যস্থ আলোকের তেজ কম করিয়া দেওয়া হইয়াছিল। সেই ক্ষীণালোকে প্রথমে চক্ষুরুন্মীলন করিয়া ব্রজেন্দ্র দেখিল, গৃহ জনশূন্য। পরে তাহার বোধ হইল যেন ষারদেশে কে দাঁড়াইয়া আছে। সেই দিকে দৃষ্টিপাত করিতে করিতে পুনরায় তাহার চৈতন্য লোপ হইল। পরে আবার সংজ্ঞা হইলে সে দেখিল যেন একটি রমণীমূর্তি তাহার নিকটবর্তী হইতেছে। পার্শ্বের গৃহস্থিত ঘড়িতে একটা বাজিল। ব্রজেন্দ্র ভাবিল এত রাতে এ স্ত্রীলোক কে? কোন দেবী? এই সময়ে সে পুনরায় চক্ষু মুদ্রিত করিল। কিন্তু তখন তাহার সম্পূর্ণ চৈতন্য হইয়াছে এই অবস্থায় তাহার অনুমান হইল যেন কেহ শয্যা পার্শ্বে বসিয়া, তাহাকে বীজন করিতেছে। সে চক্ষুরুন্মীলন করিয়া রমণীর দিকে ন্যস্ত করিল। এ কে? শিশির নাকি? ব্রজেন্দ্র ডাকিল “কে তুমি? শিশির নাকি?”

রমণী উত্তর করিল, “আজ্ঞে হাঁ, মাষ্টার মশায়, আপনি এখন কেমন আছেন?”

ব্রজেন্দ্র তাহার প্রশ্নের উত্তর না দিয়া, উত্তেজিত কণ্ঠে জিজ্ঞাসা করিল; “তুমি এত রাতে এখানে?”

“আপনার অসুখ বৃদ্ধি হয়ে অবধি আমি প্রতি রাতে এই সময়ে এসে আপনাকে দূর থেকে দেখে যাই, আজ ভারি অসুখ শুনে, ভিতরে আপনার কাছ পর্য্যন্ত এসেছি। এ কথা কেউ জানে না; আজ পর্য্যন্ত আপনিও জানতেন না। দিনমানে এদিকে আমাকে আসতে দেয় না।”

ব্রজেন্দ্র ব্যস্ত হইয়া বলিল, তুমি এখানে কেন? এখুনি নিজের ঘরে যাও, তুমি ছেলে মানুষ, এ রোগ কত ভয়ানক তা জান না। এখানে আর এসো না।”

এই বলিয়া সে পিপাসা শান্তির জন্য পার্শ্বস্থ ক্ষুদ্র টেবিলের উপর হঠতে জলের গ্লাস লইতে হস্ত প্রসারণ করিতেছে এমন সময়ে শিশিরকুমারী গ্লাস তুলিয়া, তাহার মুখের নিকট ধরিল। কিন্তু ব্রজেন্দ্র জলপান না করিয়া বলিল, “তুমি গলাস ছুওনা, রেখে দাও—দিয়ে নিজের ঘরে যাও।”

সে পুনঃ পুনঃ অনুরোধ করার অগত্যা শিশির কুমারী গৃহ হঠতে নিষ্ক্রান্ত হইয়া গেল।

পর দিবস প্রাতে সরলা যাইয়া দেখিল, ব্রজেন্দ্র শয্যোপরি বসিয়া আছে। তাহার মুখমণ্ডল প্রসন্ন। উহাতে যন্ত্রণার চিহ্নমাত্র নাই দেখিয়া তাঁহার বিষয় বোধ হইল। তিনি ভাবিলেন, রতনপুর হইতে মাতা আসিতেছেন, এই সম্বাদে তাহার চিত্ত প্রসন্ন হইয়াছে। আবার স্মরণ হইল যে, গতকলা সে অজ্ঞান অবস্থায় পড়িয়াছিল তিলভাঙ্গায় লোক যাওয়া সম্বাদ জানে না। যাহাই হউক, তাহার ভাল অবস্থা দেখিয়া, তাঁহার আনন্দ হইল; তিনি জিজ্ঞাসা করিলেন, “ব্রজেন্দ্র, আজ কেমন আচ?”

“আজ্ঞে, আজ আমি কালকের চেয়ে অনেক ভাল আছি।”

“তোমার মাকে আনতে কাল তিলভাঙ্গায় লোক পাটিয়েছি।”

“কই, তাত আমি জানি না—কাল সমস্ত দিন আমার জ্ঞান ছিল না।”

ডাক্তার আসিয়া তাহার অবস্থা দেখিয়া বিষ্ময়াপন্ন হইলেন ও বলিলেন যে গতকাল অপেক্ষা আজ যে অনেক ভাল আছে। গতকলা তাহার জীবনের আশা ছিল না কিন্তু আজ সে আশা করিতে পারা যায়। তিনি আরও বলিলেন যে, অকস্মাৎ রোগীর মন বিশেষ প্রকল্প না হইলে, এত শীঘ্র অবস্থার এরূপ পরিবর্তন হয় না এবং এরূপ পরিবর্তনে অসাধা রোগও সাধা হইতে দেখা যায়।

পর দিবস বেলা প্রায় দেড় প্রহরের সময়ে ব্রজেন্দ্রের মাতা রতনপুরে বাবুদের বাড়ী আসিয়া উপস্থিত হইলেন এবং সম্বাদের অবস্থা দেখিয়া ক্রন্দন করিতে লাগিলেন। তাঁহার পথশ্রম অপনোদন হইলে সরলা তাঁহাকে স্নানাহার করিতে ডাকাইলেন। তাঁহার শাস্ত ও পবিত্র মূর্তি দেখিলেই ভক্তি হইত। তিনি সরলার গৃহ মধ্যে যাইয়া উপবেশন করিলে, শিশির তাঁহাকে প্রণাম পূর্বক পদধূলি গ্রহণ করিল। ব্রজেন্দ্রের মাতা তাহাকে দেখিয়া, কিঞ্চিৎ সঙ্কচিত হইয়া জিজ্ঞাসা করিলেন, “না, তুমি বাবুর—”

নিকটে সরলা দাঁড়াইয়াছিল, সে বলিল, “ইনি আমার বাবার মানাত ভাইয়ের কন্যা, আমার ভগিনী ও ব্রজেন্দ্রের ছাত্রী,—মাতা, পিতা, কেহই নাই,—এইখানেই থাকেন। আমার খুড়া মহাশয় অর্থাৎ এর পিতা যথেষ্ট সম্পত্তি রেখে গিয়েছেন, সে সকলের ইনিই মালিক।”

ব্রজেনের মাতা একঘাব সরলার মুখের দিকে দৃষ্টিপাত করিলেন। পরে সমস্ত হৃদয়ঙ্গম করিয়া শিশিরকুমারীকে দেখিতে লাগিলেন। এরূপ সুন্দরী কন্যা তিনি ইতিপূর্বে কখন চাক্ষুষ করেন নাই।

শিশির নতমুখে বিচক্ষণ অবস্থিতি করিয়া, পরে বলিল, “মা, পঞ্চশ্রমে আপনার বড়ই কষ্ট হয়েছে, আমি জল এনে আপনার পা ধুইয়ে দিই।”

ব্রজেনের মাতা বলিলেন, “না মা, আমি নিজেই ধোবো।” তখন পরিচারিকা জল আনিয়া দিল এবং ব্রজেনের মাতা হস্তপদ প্রক্ষালন করিয়া, স্নানের উদ্যোগ করিতে লাগিলেন।

(ক্রমশঃ)

শ্রীমতীনীন থ গুপ্ত।

সরোজনলিনী দত্ত নারীমঙ্গল সমিতি।

মহিলা সমিতিতে পারিতোষিক প্রদান।

ভগবানের কৃপায় “সরোজনলিনী দত্ত নারীমঙ্গল সমিতির” প্রথম বৎসর নির্বিঘ্নে পূর্ণ হইতে চলিল। গত ১৯শে জানুয়ারী শ্রদ্ধেয়া শ্রীমতী সরোজনলিনী দত্ত পরলোক গমন করেন। আগামী ১৯শে জানুয়ারী তাঁহার প্রথম বার্ষিক শ্রাদ্ধবাসরে কেন্দ্রসমিতির প্রথম বার্ষিক অধিবেশন হইবে। তাহাতে সহর ও মফঃস্বলের মহিলাসমিতিসমূহের প্রতিনিধিগণ উপস্থিত থাকিবেন। এই অধিবেশনে শ্রীযুক্ত গুরুসদয় দত্ত মহাশয়ের প্রদত্ত এগারটা পুরস্কার কৃতকৃত্য মহিলাসমিতিতে প্রদান করা হইবে। যে মহিলাসমিতি আমাদের উদ্দেশ্যগুলি বিশিষ্টরূপে

কার্যে পরিণত করিয়া সর্বাপেক্ষা শ্রেষ্ঠ স্থান অধিকার করিবেন সেই সমিতিকে মিঃ দত্ত প্রদত্ত প্রথম পুরস্কার ৫০ পঞ্চাশ টাকা প্রদান করা হইবে। যে সকল মহিলাসমিতি প্রতিযোগিতায় ২য়, ৩য়, ৪র্থ প্রভৃতি স্থান অধিকার করিবেন তাঁহাদের প্রথম দশগু মহিলাসমিতির প্রত্যেকটিকে ২০ কুড়ি টাকা হিসাবে পারিতোষিক প্রদান করা হইবে! মহিলাসমিতিসমূহ তাঁহাদের কার্য বিবরণ ধারাবাহিকরূপে লিখিয়া পাঠাইলে আমরা পারিতোষিকের যোগ্যতা নিরূপণে সমর্থ হইতে পারিব। আমরা মহিলাসমিতিসমূহকে এই পারিতোষিক প্রতিযোগিতায় যোগদান করিতে সাদরে অহ্বান করিতেছি। প্রত্যেক মহিলাসমিতি আগামী ৩১শে ডিসেম্বরের পূর্বে তাঁহাদের কার্যবিবরণী নিম্নলিখিত ঠিকানায় পাঠাইলে বাধিত হইবে।

কার্য বিবরণী পাঠাইবার আরও প্রায় দুইমাস সময় বাকী আছে। এই দুই মাসের মধ্যে মহিলাসমিতিসমূহের সভাগণ ঐকান্তিক চেষ্টা দ্বারা সমিতির উদ্দেশ্যগুলি কার্যে পরিণত করিয়া স্বকীয় সমিতিকে সাফল্যমণ্ডিত করুন; এবং যে সকল স্থানে এ পর্যন্ত মহিলাসমিতি স্থাপিত হয় নাই সে সকল স্থানের মহিলাগণও ইতিমধ্যে সমিতি প্রতিষ্ঠিত করিয়া এই পারিতোষিক প্রতিযোগিতায় যোগদান করিতে প্রয়াসী হউন ইহাই আমার অনুরোধ।

মহিলাদের জ্ঞাতব্য বিষয়।

“সরোজনলিনী দত্ত নারীমঙ্গলসমিতি” বঙ্গদেশের সহরে সহরে ও গ্রামে গ্রামে মহিলা সমিতি প্রতিষ্ঠা করিয়া মহিলাসমাজের স্বাস্থ্য, শিক্ষা, শিল্প, সামাজিক ও আর্থিক অবস্থার উন্নতি করিতে প্রয়াসী হইয়াছেন। কেন্দ্রসমিতি কলিকাতা হইতে সহর ও মফঃস্বলের যাবতীয় মহিলাসমিতির সভাগণকে অত্যাবশ্যকীয় সংবাদাদি প্রেরণ করিয়া যথাসাধ্য সাহায্য করিতেছেন। বাংলা দেশের কোন মহিলা আবেদন করিলে সমিতির সম্পাদিকা নিম্নলিখিত যে কোন বিষয় সম্বন্ধে বিস্তারিত সংবাদ প্রদান করিয়া সাহায্য করিতে পারেন।

(১) ছাঁট, কাট ও সেলাই শিক্ষা—মফঃস্বলের যে কোন মহিলা কলিকাতার ৩৪ মাস অবস্থানের বন্দোবস্ত করিতে পারিলে সমিতির অন্তর্ভুক্ত “ছাঁট, কাট ও সেলাই শিক্ষার বিদ্যালয়ে” বিনা বেতনে শিক্ষালাভ করিয়া স্বাধীনভাবে, অথবা শিক্ষয়িত্রীর কার্যদ্বারা, জীবিকা

অর্জনের পস্থা সুগম করিতে পারেন। যাতায়াতের জন্য তাঁহাদিগকে দূরত্ব অনুসারে অল্প মাত্র গাড়ীভাড়া দিতে হইবে। হিন্দু ও মুসলমান মহিলাদের জন্য সম্প্রতি এইরূপ দুইটি বিদ্যালয় স্থাপিত হইতেছে।

(২) হিন্দু বিধবাপ্রম—অসহায় হিন্দু বিধবাদিগের বাসের উপযোগী আশ্রম কলিকাতায় আছে। চরিত্রের বিশুদ্ধতা সম্বন্ধে উপযুক্ত সার্টিফিকেট সহ আবেদন করিলে দুই বৎসর বিনাব্যয়ে আশ্রমে থাকিয়া সাধারণ শিক্ষালাভ ও শিল্পাদি শিক্ষা কারিখা স্বাধীনভাবে অথবা শিক্ষয়িত্রীর কার্যদ্বারা জীবনযাত্রা নির্বাহের উপায় করা যাইতে পারে। ষোল বৎসর বয়সের কম কোন বিধবাকে আশ্রমে গ্রহণ করা হয় না। শিশু সন্তান সহ আসিলে মাসিক ১০০ দশ টাকা হিসাবে তাহাদের প্রত্যেকের ব্যয়ভার মাতার আত্মীয় বন্ধুগণ বহন করিবেন। ৮ বৎসর বয়স পূর্ণ হইবামাত্র বালকদের ভবন ছাড়িয়া যাইতে হইবে।

(৩) নিরাশ্রয় মহিলাদের বিনাব্যয়ে বাসের উপযোগী আশ্রয়স্থল কলিকাতায় আছে।

(৪) পিতৃমাতৃহীনা নিঃসহায়,—অন্ধ, খঞ্জ, রোগাতুরা বালিকা বা পরিণতবয়স্কা স্ত্রীলোকদিগের বিনাব্যয়ে বাসের উপযোগী আশ্রম কলিকাতায় আছে।

(৫) বিদ্যালয়ের শিক্ষয়িত্রী—যে সকল হিন্দু বা মুসলমান মহিলা সাধারণ শিক্ষা ও জ্ঞানলাভ করিয়াছেন তাঁহারা বালিকা বিদ্যালয়ে শিক্ষয়িত্রীর কার্য করিতে ইচ্ছুক হইলে মাসিক ১৫০ টাকা বৃত্তি লইয়া দুই বৎসর শিক্ষা লাভের পর গভর্ণমেণ্টের সাহায্যপ্রাপ্ত বালিকা বিদ্যালয়ে শিক্ষয়িত্রীর কর্ম দ্বারা জীবিকা লাভে সমর্থ হইতে পারেন। শিক্ষা সমাপ্তির পর গভর্ণমেণ্টের সাহায্যপ্রাপ্ত বালিকা বিদ্যালয়ে চাকুরী গ্রহণে অসম্মত হইলে ৩০০ টাকা ফেরত দিতে হইবে। যাহারা অভিভাবকের অধীনে থাকিয়া বাড়ী হইতে আসিয়া স্থলে পড়িতে চান, তাঁহারা উপরোক্ত মাসিক বৃত্তি পাইবেন না, তাঁহাদিগকে উপরোক্ত সন্তোষে আবদ্ধ হইতে হইবে না। শিক্ষিতা হিন্দু ও মুসলমান মহিলাদের জন্য স্বতন্ত্র স্বতন্ত্র বন্দোবস্ত আছে। শিক্ষার্থিনীদিগকে অন্তঃপুর মহিলাদের ন্যায় থাকিতে হইবে। তাঁহারা তখন পিতা, ভ্রাতা ও স্বামী ভিন্ন অপর কোন পুরুষের সঙ্গে দেখা সাক্ষাৎ করিতে পারিবেন না। বিদ্যালয়গুলি কলিকাতায় অবস্থিত।

(৬) নার্স—যে সকল মহিলা কলিকাতায় নার্সের (Nurse) কার্য শিক্ষা করিতে চান তাঁহারা মাসিক ১৮০, ২৫০, ৩০০ বা ৩৫০ টাকা বৃত্তি লইয়া ৩ বৎসরে উপযুক্ত শিক্ষালাভের পর

৫০, পঞ্চাশ টাকা মাসিক বেতনে হাঁসপাতালে চাকুরি পাইতে পারেন। পরে বার্ষিক ৫, হারে বৃদ্ধি হইয়া বেতন ৭৫ পর্য্যন্ত বাড়িবে। এই সকল মহিলাদের বয়স ১৮ হইতে ৪০ এর মধ্যে থাকা আবশ্যিক, এবং নাসের কার্য শিক্ষার উপযোগী স্বাস্থ্য ও সাধারণ শিক্ষা ও ইংরেজী বিদ্যালয়ের অন্ততঃ ৫ম শ্রেণী পর্য্যন্ত শিক্ষালাভ থাক' চাই। তাঁহারা সন্তানাদি সঙ্গে আনিতে পারিবেন না। অন্যান্য নাসদের সঙ্গে তাঁহাদের হাঁসপাতালে একত্র বাস করিতে হইবে। আহা'রাদির জন্য তাঁহাদের প্রত্যেককে মাসিক ১০, দিতে হইবে। তাহা ঐ বৃত্তির টাকা হইতে দিতে পারিবেন। প্রতি বৎসরে পূর্ণ বেতনে তাঁহারা একমাস ছুটি পাইবেন। তাঁহাদের কার্য ও ব্যবহার সমস্তোষদায়ক হইলে শীঘ্র উন্নতি হইবে।

শ্রীকুমুদিনী বসু ।

সম্পাদিকা ।

সরোজনলিনী দত্ত নারীমঙ্গল সমিতি,

৮নং জ্যাকসন লেন কলিকাতা ।

সাতটি সামাজিক পাপ

—:(*) :—

জ্ঞানৈক ভদ্রলোক মহাত্মা গান্ধীর 'ইয়ং ইণ্ডিয়া' পত্রে সাতটি সামাজিক পাপের প্রতি দেশবাসীর দৃষ্টি আকর্ষণ করিয়াছেন। সেই সাতটি পাপ এই :—

সিদ্ধান্ত রহিত	রাজনীতি ।
কার্য রহিত	সম্পত্তি ।
বিবেক রহিত	জ্ঞান ।
চরিত্র রহিত	জ্ঞান !
সদাচার রহিত	বাবসায় ।
মনুষ্যত্ব রহিত	বিজ্ঞান ।
ত্যাগ রহিত	পূজা ।

শোক-সংবাদ ।

—:~:—


অকালে গোকুলচন্দ্র নাগ মহাপ্রয়াণ করিলেন, তাঁহার বয়স মাত্র একত্রিশ বৎসর হইয়াছিল । গোকুল ছিলেন শিল্পী ও সাহিত্যিক, উভয় কলাতেই তাঁহার বিশেষত্ব ছিল । তর্জনার্য তাঁহার হাত ছিল বেশ ঝরঝরে । তিনি, টেনিসনের 'প্রিন্সেস' 'রাজকন্যা' নামে ও মেডারলিন্কে 'ব্লু-বাড' 'পরীস্থান' নামে অনুবাদ করিয়াছেন । অনুবাদ মনোহর ও অনিন্দ্য হইয়াছে । তিনি 'কল্লোল' পত্রের সহযোগী সম্পাদক ছিলেন, সে কার্যেও তিনি যথেষ্ট কৃতিত্ব দেখাইয়াছেন । ইনি জীবিত থাকিলে বঙ্গভাষা অনেক আশা করিতে পারিত । সকলই ইচ্ছানয়ের ইচ্ছা—মুক্তাঙ্গা চিরশান্তি লাভ করুন ।


নিবেদন ।

ছাপাখানার গোঁমালে কার্তিকের পরিচারিকা প্রকাশে দেরী হইয়া গেল,—
তজ্ঞন্য আমরা সহৃদয় গ্রাহক গ্রাহিকার নিকট ক্রটি সীকার করিতেছি । আশা
করি, অগ্রহায়ণের পরিচারিকা বর্তমান মাসের শেষ तक প্রকাশ করিতে সমর্থ
হইব ।

কার্য্যাধ্যক্ষ—

পরিচারিকা ।





পরিচরিকা

(নব পঞ্চাঙ্গ)

‘তে প্রাপ্নুবন্তি যামেব সর্ষভূতহিতে রতাঃ।’

৯ম বর্ষ।

অগ্রহায়ণ, ১৩৩২ সাল।

৬ম সংখ্যা।

জাতীয়তাগঠনে সংঘবদ্ধ জীবনের প্রভাব। *

মুক্তি বা স্বাধীনতা মানবের প্রকৃত স্বরূপ। মানব প্রকৃতিগত অধিকার স্বত্রে স্বাধীনতায়নে ধনী হইয়াই সংসারে জন্ম গ্রহণ করে। কিন্তু বিধাতার বিচিত্র বিধানে বর্তমান সংসার মানবের অহস্ত রচিত কারাগার। এখানে আসিবামাত্র সে যেন তাহার কৃতকর্মের ফলে দম্বা তরুরের ন্যায় পরাধীনতা শৃঙ্খলে চিরন্তরে আবদ্ধ হইয়া থাকে। যে ব্যক্তি আজন্ম শৃঙ্খলাবদ্ধ তাহার স্বাধীন কর্মশক্তির কণ্ঠা বিড়ম্বনা মাত্র। সে কলের পুতুলের মত নড়ে চড়ে, হাসে, কাঁদে, নাচে, কিন্তু ভিত্তরে তাহার প্রাণের স্পন্দন অনুভূত হয় না। কলের কোশলে পুতুলের ন্যায় প্রকৃতির বশে তাহার ঐ সকল দৈনন্দিন কার্যকলাপ বেশ সমাধা হইয়া থাকে। কলের

* কলিকাতা মুহূদ লাইব্রেরীর পুরস্কার প্রবন্ধ

বিকলতার ফলে পুতুলের যেমন সর্বনাশ, প্রকৃতির বিপর্যয়ে পরামুগ্রহজীবী ঐ সকল মানবেরও তদ্রূপ ঐকান্তিক ধ্বংস অনিবার্য। বর্তমান ভারত সমাজ যেন এরূপ কতকগুলি পুতুলের সমষ্টি। অবশ্য ইহাতে মানুষের মত মানুষ একেবারে নাই, একথা বলিলে ধুঁটতার একশেষ হয়। তবে অঙ্গুলিমের যে কয়জন আছেন, সাতকোটির তুলনায় তাঁহারা সাগরে শিশির ঝিনু সদৃশ। এখন এই স্ববির অচল নিজীব সমাজকে ভাঙিয়া চুড়িয়া নুতন করিয়া গড়িয়া তুলিতে হইলে, ভিন্ন ভিন্ন স্বাধীন সমুন্নত ও সুসভ্য জাতির রীতি-নীতি, চালচলন, ভাবভঙ্গী, সৌজন্যশিষ্টাচার ও কর্ম পদ্ধতির পর্যবেক্ষণ করিয়া ইহাদের কোথায় কোন জীবনপ্রদ মহদভাব অন্তর্নিহিত আছে, ধীরচিত্তে ঐগুলির অনুসন্ধান পূর্বক এই স্ববির মুমূর্ষু সমাজকে সেই ভাবের পথে সুপরিচালিত করিতে হইবে। এঁদো পুকুরের পচা বন্ধ জলের দুর্গন্ধ বিঘাত্ত বাষ্পের ন্যায় কুসংস্কার জর্জরিত অতিস্ববির নামমাত্র সমাজের মহামারীর প্রকোপে আজ কোটি কোটি ভারত সন্তান জীবন্ত। চক্ষুমান্ব্যক্তি মাত্রেই ঐসকল মারাত্মক দোষ অনুক্ষণ নেত্রগোচর করিতেছেন। যে পল্লী জাতির পুষ্টিকাগার আজ তথায় ম্যালেরিয়া বিসৃচিকা পুতনার ভীষণ ভাণ্ডব নৃত্য। যে কৃষীকুল ভারতবাসীর তল্লাতা, আজ অনাবৃষ্টি, অতিবৃষ্টি, প্লাবন প্রভৃতি প্রবল দৈবছর্কিগাকে তাহারা নিশ্চুল প্রায়। তৃষ্ণায় জল নাই, ক্ষুধায় অন্ন নাই, রোগে ঔষধ পণ্য নাই, শীতে বস্ত্র নাই, কেবল অস্থিবহালসার কতকগুলি জীবন্ত প্রেতে আজ ভারত শ্মশান স্থখরিত। ইহাদের উপর প্রবলের অত্যাচার ও অনাচারের স্রোত অব্যাহত। যারা দেশের মেরুদণ্ড প্রকৃতির নির্মম নিয়মে সমাজতন্ত্রের কঠোর শাসনে তারা যদি অবিরত এইরূপে চূর্ণ-বিচূর্ণ হইয়া যায়, তাহা হইলে দেশের ভবিষ্যৎ কল্যাণের আশা কোথায়? জাতির অস্তিত্ব ইহার রাখিতে হইলে এই তথাকথিত সমাজের ঘুণকৃত কাঠাম পর্য্যন্ত বদলাইতে হইবে। দেশ কাল পাত্রের উপযোগী করিয়া ইহার পুনর্গঠন পূর্ণমাত্রায় অত্যাৱশ্যক। ইহার প্রত্যেক অঙ্গ প্রত্যঙ্গ যাহাতে সবল সচল ও সবিশেষ শক্তিশালী হয়, তৎ প্রতি পূর্ণদৃষ্টি রাখিতে হইবে। আমরা গোড়া কাটিয়া আগায় জল ঢালিতে বসিয়াছি, অর্থাৎ প্রাচীন পল্লীগুলির উচ্ছেদ করিয়া নাগরিক শোভা সমৃদ্ধির বৃদ্ধি সম্পাদনেই মনঃপ্রাণ ঢালিয়া দিয়াছি। এই অনভ্যস্ত অতিরিক্ত পৌরবিহারপ্রিয়তা দোষেই আমাদের দেশ দিন দিন ছারখারে যাইতেছে। পল্লীর বিলুপ্তি প্রাণ সেই জমিদার, তালুকদার অথবা মহাজন শ্রেণীর ধনাঢ্য ব্যক্তির। এখন আর পল্লীমাঠের মুক্ত

আকাশের নির্মল বাতাস সেবন, শশাশাম্বিত বিস্তৃত প্রান্তরে সুখ সঞ্চারণ. কমলাকর সরোবরের স্বচ্ছ সুগন্ধি সলিলপান, গৃহপালিত গাভীর খাঁটি দুগ্ধ পানে শরীর পোষণ, স্বক্ষেত্রজাত ধান্যের সুস্বাদু তণ্ডুল ভোজন, ক্ষেত্রজাত কাপাস সূত্রে গাম্য তন্তুবায়ের প্রস্তুত সুলাবস্ত্রে লজ্জা বারণ, বিলাসবাসনবর্জিত বালাবন্ধুদের সহিত সরল নিন্দোষ সদালাপ, এবং কিন্নরবর্গে গ্রাম্য গায়কগণের মধুর তন্ত্রীযন্ত্র স্বর সংবলিত ধ্রুপদ খেয়াল প্রভৃতি উচ্চাঙ্গের গীত শ্রবণেও আনন্দ পান না। তাঁরা এখন ধুমধূম নগরের বেড়ায় খেরা গড়ের-নাঠে খোড়ার মত ভাড়াটে ঘোড়ারগাড়ীতে ভ্রমণ, নলের বলে চালিত বাল্‌তীমাপা বলে-জলে পাখীর মত স্নান, ফুঁকা দেওয়া সাদারঙের গোয়ালার জল পান, ভয়ালের সহল বালাম নামক চাঁলের অন্ন গ্রহণ. ব্যবসারী বন্ধুবান্ধবদের সহিত রহস্যলাপ ও রজনীযোগে বহু অর্থের অপব্যয়ে রঙ্গালয়ে পণ্যাক্রমার অভিনয় দর্শনে রাত্রি জাগরণ করিয়া ঐ সকলের নিত্য সঙ্গী পানদোষে অভ্যস্ত হইয়া অকালে কালকবলে নীত হইতেছেন। যাদের অর্থে পল্লীর পুষ্করিণীর পকোদ্ধার, জঙ্গল কাটা, পথবাটের সুবাসস্থা, শিক্ষা চিকিৎসার সংস্থান হইবে, সেই পল্লীর প্রাণগুলি যদি অকালে মলে মলে এইরূপ শোচনীয়ভাবে জীবনীলা সাক্ষ করিতে থাকেন; তাহা হইলে দেশের উদ্ধার হইবে কাহাদের দিয়া? এখন সমাজের এই বিকৃত মনিকগুলির প্রকৃতিস্থ হওয়ার প্রয়োজন। মহাত্মা গান্ধী ইহাদের জন্য যে বিলাস বর্জনরূপ মৃত-সম্ম বনীর ব্যবস্থা করিয়াছেন, যতদিন না ইহারা রীতিমত ঐ উৎস সেবনে অভ্যস্ত হইতেছেন, ততদিন দেশের কোনও স্থায়ী মঙ্গলের সম্ভাবনা নাই। মূলতঃ পল্লীসংগঠনকার্য হইতে আরম্ভ করিয়া এ পথে ধীরে ধীরে অগ্রগতি হইতে হইবে। রোগ যেন “ষাপ্য”, চিকিৎসাও তেমনি, সময়সাপেক্ষ। এই চিকিৎসাপদ্ধতির নির্ণয় করে ডাক্তার দিনেশচন্দ্র সেনপ্রমুখ মনীষিগণ আদর্শ পল্লী প্রতিষ্ঠার উপদেশপূর্ণ যে পুস্তিকাটির প্রণয়ন ও প্রচার করিতেছেন, আমরা ঐগুলির মতামত অনুসরণ করিয়া “বঙ্গীয় হিতসামনসঙলী” প্রতি হস্তের জাতীয় প্রতিষ্ঠান সমূহের নিকাম কম্বি-গুলের পরামর্শ ও উপদেশ মত স্বদেশ প্রেমিক মহাপ্রাণ ভ্রাতৃ-গণকে কণ্ঠক্ষেত্রে অবতীর্ণ হইতে সাবনয় অনুরোধ করি। পরিতপ্রাণ কম্বি-গুলীর কার্যকুশলতার দেশের অস্থিকালসার পল্লাগুলির হৃদশার মূল বাধি নিরাকৃত হইলে উহাদের স্বাস্থ্যক্রী ও ধন সমৃদ্ধির পুনরুদ্ধার হওয়ার দেশ ক্রমশঃ প্রভূত অভ্যুদয়ের পক্ষে অগ্রসর হইতে থাকিবে। কিন্তু অশিক্ষার ঘোর অন্ধকারে

বিবিধ উৎকট রোগের নিদাক্রণ কারাগারে দৃঢ় আবদ্ধ, চুক্তিক, মহামারী ও প্লাবনের কাল কালে চিরকবলিত দেশের জীব শোণিত পল্লীগুণির প্রতি অবশ্যবর্ত্তব্য ভুলিয়া সহরে বসিয়া পত্রিকা প্রচার ; বহুতাদান, সভাসমিতির সাহায্যে দেশোদ্ধারের চেষ্টা কতদূর কার্যকরী হইয়াছে ও হইবে, তাহা কেবল ভাগবতী ভষিতব্য তাই নির্দেশ করিতে পারেন। কি ছোট কি বড় সর্ববিধ কার্যসম্পাদনে সংহতিশক্তির একান্ত আবশ্যিক। এইরূপ সংহতিশক্তির দৃঢ় ভিত্তির উপর প্রাচীন ভারতীয় সমাজ প্রতিষ্ঠিত হইয়াছিল, গ্রাম্য উৎসব, পূজা পর্কাহ ও মহোৎসবাদিতে কতকটা তজ্জাতসারে এই বিরাট সমাজ শক্তির প্রভাব আত্মপ্রকাশ করিত। গ্রাম্য বারইয়ারী পূজা অদ্যাপি ইহার ক্ষীণ নিদর্শন। স্বাধীনতা দেবদুলভ সামগ্রী। ইহা মানবের আভ্যন্তরিক মহীয়সী শক্তি হইলেও যথাযথ প্রয়োগের জন্য নিয়মিত অহুর্শালনের প্রয়োজন। মানব-দেহের সকল ইন্দ্রিয় স্বতন্ত্র স্বাধীন। কিন্তু সেগুলি যদি দীর্ঘকাল যথারীতি বিনিয়োজিত না হয়, সম্মাটস্থানীয় মনের ইঞ্জিতে যদি উহাদের কার্যকলাপ স্তব্ধিত না হয়, তাহা হইলে স্ব স্ব স্বাধীন উচ্ছ্বাল ঐ ইন্দ্রিয়ের দ্বারা মানবদেহের অংশম ক্ষতি সাধিত হইয়া অনতিকাল মধ্যেই ঐ দেহের ধ্বংস আসন্ন হইয়া থাকে। বর্তমান সময়ে জাতির বিচ্ছিন্ন দুর্বল অঙ্গপ্রত্যঙ্গগুলিকে প্রাচীন ভারতের উদার সমাজ শাসনের বৈশিষ্ট্যের মধা দিয়া বন্দি ও কন্দঠ করিয়া তুলিতে হইবে। আদর্শ সমাজ সংগঠন ব্যতিরেকে এ কার্য সুসম্পন্ন হওয়া দুর্লভ। আমাদের মধ্যে কেহ বুদ্ধিবলে বণীয়ান, কেহ ধনবলে গরীয়ান্, কেহ শরীরেলে দুর্জয় ; কেহবা জনবলে অজয়। কিন্তু পরস্পরের সহিত অপরিচিত, দূরবাবহিত, তথাকথিত স্বাতন্ত্র্য সম্পন্ন এই বল চতুষ্টয় কখনই কোন বৃহৎ কাহ্য সম্পাদনে সক্ষম হইবে না। জ্ঞানী কেবল জ্ঞান বিতরণে জগতের লোককে জ্ঞানবান্ করিতে পারেন, কিন্তু কেবল জ্ঞানী লোকের দ্বারা বিরাট জগৎসু কখনও সুপরিচালিত হয় নাই বা হইতে পারে না। বলী কেবল বাহ্য বলের সাহায্যে বহুল দেশ সাময়িকভাবে আয়ত্ত করিতে পারেন কিন্তু সিংহ ব্যাঘ্রাদির ন্যায় কেবল শারীর বল কখনও কোন দেশ শাসনে সমর্থ হয় নাই। ধনী ধনের বলে জগৎকে প্রবৃত্ত সুখী করিতে কিম্বা নিজে অপার্থিব সুখের অধিকারী হইতে পারেন না। কারণ তাঁহার ধনাগার কুবেরের ঠাণ্ডারের মত চির অক্ষয় নহে। যিনি কেবল জ্ঞানবলে বলী তাঁহার বল পূর্ব পূর্ব উক্ত বল ত্রিতর অপেক্ষায় আত দুর্বল। কারণ, ভরণপোষণে অশক্ত বহু সম্মান পিতার ও জনবহুল ওড়ুর পিতৃঘের ও

ও ভূত্বের গৌরব অতি লঘু। এরূপ অসহায় জ্ঞান দৈহিক বল, অর্থ ও জন দানের সামঞ্জস্য ঘটিত মহতী সংহতি শক্তিই ভগবতের উন্নতির সিংহধার। এই চতুর্ভুজের শুভ সম্মিলনের ফলেই প্রাচীন ভারতের সমাজ স্থিতির অক্ষুব্ধ চাতুর্ক্যের প্রাণ প্রতিষ্ঠা হইয়াছিল। কালানুসারে গুণকর্মের বিভেদে নামাস্তুরিত ব্রাহ্মণ ক্ষত্রিয় বৈশ্য শূদ্ররূপ চারিটা মহাস্বস্তুর উপর ভারতের জাতীয় মন্বন্তরসৌধ সংস্থাপিত হইয়াছিল। এ দেশের সমাজের উৎপত্তি, স্থিতি, গতি ও বৃদ্ধির ইতিহাসের সন্ধান প্রাপ্ত হইতে হইলে সর্বপ্রথমে এই সমাজ তত্ত্বের মূল অনুসন্ধান করিতে হইবে। আমি অবশ্য আজকালকার নাম মাত্র ব্রাহ্মণ ক্ষত্রিয় বৈশ্য শূদ্র পরিপূর্ণ বিকৃত সমাজের কথা বলিতেছি না। ইহারা যাহাদের বংশধর, যাহাদের প্রজ্ঞা পরিকল্পিত বিধিব্যবস্থার প্রভাবে এই অভিশপ্ত দেশই একদিন পৃথিবীর জ্ঞানগুরু, বীরত্বের আদর্শ, বাণিজ্যের মূল কেন্দ্র, স্বদেশ ও সমাজ সেবার এবং আতিথ্যের ভান্দাতা বলিয়া সর্বদেশে সমভাবে সন্মানিত হইয়াছিল; সেই সকল পুণ্যশ্লোক দেবকল্প সমাজ-প্রতিষ্ঠাতা আমার উক্তির মূল লক্ষ্য। তাঁহাদের ন্যায় আত্মপরিভূলিয়া একমাত্র লোকহিতার্থে আবার যদি ভারতে পুরাতন চাতুর্ক্যের আদর্শে সমাজ গঠিত হয়, এবং ঐ পুনর্গঠিত সমাজের প্রত্যেক ব্যক্তি যদি নিজ নিজ ক্ষুদ্র ব্যক্তিত্বের ক্ষুদ্রতর অভাবঅভিযোগগুলি একেবারে দিসর্জন দিয়া, চুপ স্তব্ধ হিতের বোধলে আত্মশুশ্রূষা সংহত অথচ স্বতন্ত্র ইষ্টকরাশির দৃঢ় সন্যাসে নিশ্চিত অলঙ্কন সৌধের ন্যায় জাতীয় মিলন সৌধের ভিত্তি প্রতিষ্ঠা করিতে পারে, তাহা হইলে এ ভারতের সৌভাগ্যশ্রীর পুনরুদ্ভাবের সম্ভাবনা।

প্রথমতঃ পল্লী সংস্কার হইলে ঐ সংস্কৃত পল্লীগুলির সাহায্যে সমাজ প্রতিষ্ঠা। তৎপর সমাজ প্রতিষ্ঠান হ্রদুত হলে ঐ সমাজ সংশ্লিষ্ট প্রত্যেক ব্যক্তির প্রচেষ্টায় কৃষি, শিল্প ও বাণিজ্যের পুনরুদ্ধার সাধিত হইলে দেশের ধনাগনের দ্বার উন্মুক্ত হইতে থাকিবে। দেশে সৌভাগ্য-লক্ষীর শুভাগমনের রাজপথ তিনটা। প্রথম বাণিজ্য, দ্বিতীয় কৃষি আর তৃতীয় রাজসেবা বা শ্রমবিনিময়। উহাদের মধ্যে ভারতে কৃষির পথটী অপেক্ষাকৃত সুপ্রশস্ত। অধুনা দেশীয় বাণিজ্যের পথ সঙ্কট সঙ্কুল। রাজসেবার কথা না তুলাই ভাল। কারণ এই পথে ভারতীয়েরা বড় জোর হিতোপদেশের বড়ুকু লোল দৃষ্টি শৃগালের মত “মাংসাত্মক—অস্থলিপ্ত” ছই একপশু হাড়ের টুকরা পাইলেও পাইতে পারে। কৃষি এ দেশীয়ের পক্ষে একান্ত ও চিরাত্মস্থ হইলেও অনাবৃষ্টি, অতিবৃষ্টি প্রভৃতি উৎপাতে উৎসাহ হইতে সুপর্যাপ্ত কনন পাওয়া যাইতেছে না। যে

দেশের শতকরা আশীজন কবিজীবী সেই কবি প্রধান দেশে কবি সম্পদ বৃদ্ধির জন্য কিরূপ প্রচুর আয়োজন থাকা আবশ্যিক. উহা চিন্তাশীল দেশ হিতৈষীর সহজ অধুনেয়। বিদেশী রাজার জাতিগোষ্ঠী যেন দেশের বাণিজ্যের হস্তাকর্ষাবিধাতা, সে দেশের দরিদ্র অধিযাত্রীর প্রচুর মূলধন সাধ্য বৃহৎ বাণিজ্যের পরিকল্পনা আসন্ন যুগের মুক্ত যাত্রার স্বপ্ন দর্শনের ন্যায় ক্ষণিক কৌতূহলজনক হইলেও বিড়ম্বনার রূপান্তর মাত্র। অবশ্য আনাদের দেশে পূর্বে যে সফল শিল্পবাণিজ্য ছিল এবং এখনও যাহাদের কিছু কিছু ধ্বংসাবশেষ আছে, ঐগুলির পুনঃসংস্কার ও পুনরুদ্ধারের দ্বারা এ দেশবাসীকে ধনসম্বয় করিতে হইবে। এই কার্যের মূল সহায়ত্বভূমিকীল জ্ঞান-প্রতিষ্ঠিত সমাজের সাহায্য গ্রহণ একান্ত প্রয়োজনীয়। বারন দেশীয় সমাজ সংস্থান পরিকল্পিত উপর দেশীয় বাণিজ্যের জীবনমরণ বহুনাশে নিভর করে। ইহাতে প্রতিকূলতা ছাড়া বাহিরের সাহায্য এক কথাও মিলিবে না। দেশীয় জনসমাজকেই এই বাণিজ্যশক্তির সর্বপ্রকার উৎকর্ষ সাধন করিতে হইবে। সমাজশক্তিসম্মত একমাত্র একতাই এই দুর্কর কার্যকে সাফল্যমণ্ডিত করিতে পারে।

একদেশজাত সমস্বার্থ বহুলোকের একযোগে এফই উদ্দেশ্যে একপ্রাপতার সম্মিত কার্যকরতার নাম একতা। পৃথিবীর যাবতীয় সুসভ্য ও স্বাধীন জাতি এই একতা মহামন্ত্রের একনিষ্ঠ উপাসক। যে জাতি বা সমাজের সন্নীবতার মূল একতার সংযোগ স্থরের (Links) কিছু মাত্র বিপর্যায় ঘটয়াছে, অচিরে উহার সর্বনাশ সংঘটিত হইয়াছে। জাতির সর্ববিধ অবনতির প্রধান ও প্রধান কারণ একতার অভাব। এই অমূল্য রত্নের উপমূলক সনাদরের অভাবে সোনার ভারত শ্মশানে পরিণত। সুদূর ঐতিহাসিক কালের প্রতি দৃষ্টিক্ষেপ করিলে দেখিবে, তক্ষশিলারাজ প্রভৃতি হীন প্রকৃতি হিন্দুরাজগণ যদি বিদেশী বিজেতা আলেকজান্ডারের অহুগত্য না করিতেন, তাহা হইলে ঐ অসহায় আলেকজান্ডার যত বড় বীরই থাকুন না কেন, উহার পক্ষে অপরিচিত দেশের প্রবল পরাক্রান্ত পুরুষাজকে পরাজিত করিয়া আর্ধ্যাশোণিতে পবিত্র পঞ্চনদ (পাঞ্জাব) ভূমি প্রাবিত করিয়া দিগ্বিজয়ী খ্যাতিলাভ করা সমূহ সন্দেহের বিষয় ছিল। হিন্দুকুল ফলক জয়চন্দ্র জঘন্য ত্রিঘাংসা পরিতৃপ্তি লাগিয়া মহারাজ পৃথ্বীরাজের বৈরাচরণ করিয়া যদি মহম্মদ ঘোরীকে সাদরে আহ্বান না করিত, তাহা হইলে খুব সম্ভবতঃ ধীরোত্তম পৃথ্বীরাজকে অকালে কালকবলিত হইতে তাইহ না। ভারতবাসী একতার

অনমাননা করাতেই ভারতগগনের চিরভাষুর স্বাধীনতা ভাঙ্কর চিত্তরে অন্তর্নিহিত হইয়াছে। পক্ষান্তরে যে ইংরাজজাতি আত্র বিশাল ভারতের অধিতীয় অধীশ্বর, একমাত্র একতাই উঁহাদের এতাদৃশ অনন্য সুগভ মহত্ব লাভের সুপ্রশস্ত সোপান। একতার ফলেই জাতীয় সংগঠন বৃদ্ধি প্রবুদ্ধ ও জলন্ত স্বদেশপ্রেম সমুদীপিত হইয়া থাকে। একতাবদ্ধ ইংরাজজাতি স্বদেশের স্বাতন্ত্র্য গৌরব রক্ষায় সতত বদ্ধপরিকর, এমন কি, প্রয়োজন হইলে উঁহারা জাতীয় সম্মান অক্ষুণ্ণ রাখিবার নিমিত্ত প্রাণদিতেও অকুণ্ঠিত। সহায়ভূতি, পরার্থপ্রাপ্ততা, জাতীয় স্বার্থরক্ষায় একনিষ্ঠতা প্রভৃতি বহুল সঙ্গুণ একতার অঙ্গীভূত। একের রোগ শোকে, অভাব অভিজোগে, চুঃখদৈন্যে যদি দশজন সমবেত ভাবে প্রাণদিয়া সাহায্য করেন, তাহা হইলে উঁহাদের মধ্যে একতার ভাব বদ্ধমূল হইয়াছে বুঝিতে পারা যায়।

এইরূপে একতা বিচ্ছিন্ন দুর্বল জনমণ্ডলীকে স্বগত অসীম সাংখ্যের প্রভাবে এক অজয়ের বিরাট সমষ্টি বা জাতিতে পরিণত করে। মান্য একাকী কোন বৃহৎ কার্য্য করিতে যাউলে তাহার স্বাভাবিক দুর্বলতা প্রকাশ পাইতে পারে। কিন্তু সে যখন দশের সহিত মিলিয়া মিশিয়া ঐ কার্য্য করে, তখন তাহার নৈসর্গিক দুর্বলতা ধরা পড়ে না। একক মানব সিংহ ব্যাঘ্রাদি হিংস্র জন্তুর কবলে পড়িলে উঁহার বিনাশ অপরিহার্য্য। কিন্তু দশ জনে মিলিয়া ঐ দুর্দান্ত বলিষ্ঠ ষাপদকে ত্রাসিত, বিতাড়িত এমন কি সময়বিশেষে নিহত করিতেও দেখা যায়। সামান্য বায়ুর আঘাতে যে তৃণ ছুইয়া পড়ে, উঁহার সমষ্টিভূত রজ্জুতে উদ্বেজিত বলীবর্দ এমন কি মস্ত মাতঙ্গ পর্য্যন্ত আবদ্ধ হইয়া থাকে। মধুমক্ষিকা অতিক্রীণজীবী ও ক্ষুদ্র প্রাণী। উঁহারা অনেকে একত্র মিলিয়া শৃঙ্খলার সহিত সুকৌশলে যে কারুকার্য্যময় সৃষ্টি মধুচক্র রচনা করে, মাদৃশ মানবের উঁহা কল্পনাভীত। সমাজের অতি নিম্নস্তর হইতে সর্বোচ্চস্তর পর্য্যন্ত সর্বত্র এইরূপ একতা শক্তির ক্রিয়া সুপরিবর্ত্ত। আমরা একতাবদ্ধ জাতির মতোই সভ্যতা, জাতীয় উন্নতি ও সর্ববিধ সমৃদ্ধি বৃদ্ধির পরিচয় পাইয়া থাকি। কি পারিবারিক, কি সামাজিক, কি রাজনৈতিক জীবনের সকল ক্ষেত্রেই একতা অত্যাাবশ্যক। এক পরিবারভুক্ত পাঁচজন ব্যক্তির মধ্যে যদি সকল বিষয়ে অনৈক্য হয়, তাহা হইলে সে পরিবারে কখনও শান্তি স্থাপ্য থাকে না। ব্যবসায় ক্ষেত্রে একতাই প্রকৃত মূলধন। বাণিজ্যানিপুণ ব্যবসায়জীবী জাতির মধ্যে যাহারা ষত একতার অমুরক্ত ভক্ত তাহাদের ততোধিক উন্নতি। দরিদ্র ভারতবাসীর পক্ষে এখন একতার

অমূল্যের দ্বারা যৌথকারবারের বহুল প্রতিষ্ঠা করিয়া ধনবল সঞ্চয় এক ১২ বর্ষব্য। এ পথে একতাই প্রধান পথ প্রদর্শক। ইতিহাস সাক্ষ্য দিতেছে যে, প্রাচীন গ্রীস কতকগুলি খণ্ডরাজ্যে বিভক্ত ছিল। একটা মাত্র সৈন্যদল ঐ বিচ্ছিন্ন প্রদেশগুলি অন্যায়সে জয় করিতে পারিত।

কিন্তু উহাদের সমবেতশক্তি প্রাণপরাক্রান্ত পার্শ্বান্দিগকে বহুবার বিতাড়িত করিয়া দিয়া স্বদেশের স্বাধীনতা রক্ষায় সমর্থ হইয়াছিল, ইংরাজের কথা পূর্বেই বলিয়াছি। এই জাতি তাহাদের রাজার নিকট হইতে সর্বপ্রকার সুখসুবিধা লাভের জন্য সর্বদাই একতাবদ্ধ। রাজা জনের (King John) এর রাজত্বকালের পূর্বে তাহারা এ বিষয়ে বিশেষ লাভবান হইতে পারে নাই, জন্ রাজা হইলে প্রভাগণ মহীয়সী একতা শক্তির মহিমায় রাজার নিকট হইতে সর্ববিধ অধিকার আদায় করিয়া লইয়াছিল। দুর্ভাগ্য ভারতবাসীর হৃদয় হইতে যদি অমূল্য একতার চিরহরে পরিভ্রান্ত না হইত, তাহা হইলে মুসলমান ও মোগল কি কখনও ধর্মক্ষেত্র হিন্দুস্থানের পবিত্র যুক্তি সম্পর্ক সাহসী হইতে পারিত? এখন যদি নতুন করিগা ভারতসাম্রাজ্যের ভিত্তি পত্তন করিতে হয়, তাহা হইলে উহার মহানুভব স্থপতিবৃন্দকে সর্বপ্রথম একতা বনিয়াদ পাকা করিয়া তুলিতে হইবে। সুখের বিনয় ভারতবাসী অধুনা কিয়ৎ পরিমাণে একতার মূল্য হৃদয়ঙ্গম করিতে শিখিতেছেন। সুদীর্ঘ দেড়শত বৎসর কাল একতা সেবক ইংরাজশাসনের সুফল দেশে জাতীয় ভাবের তরঙ্গোচ্ছ্বাস। বিশাল ভারতে আচার ব্যবহার, বেশভূষা ধর্মভাষা সংক্রান্ত প্রভূতগোষ্ঠ্য থাকিলেও ইংরাজ রাজত্বের অধীনে এক কালয়ে একই শিক্ষা, একরূপ আইন কাগুন, অগ্নি বিচার শাসন ও আদর্শে অনুপ্রাণিত হওয়ার উহাদের ঐক্যবন্ধন দিন দিন দৃঢ় হইতে সুদৃঢ় হইতেছে। ভারতবাসী বহুদিন হইতে একতা ভুক্ত ইংরাজের সংশ্রবে থাকিয়া এবং উহাদের দৈনন্দিন কার্যকলাপের মূলস্থত্র একতার সূত্র প্রয়োগ প্রত্যক্ষ করিয়া এখন প্রায়শঃ দেশের কল্যাণার্থ একত্র সম্মিলিত হইয়া সভা সমিতিও আন্দোলনআলোচনা করেন। এই আদর্শবদ্ধ একতার প্রকৃত অনুকরণের ফল ভারতীয় রাষ্ট্র-মহাসভা (Congress) বৃটশ ভারতীয়দের সমিতি (British Indian Association) ভারতসভা (Indian Association), সমবায় প্রথায় ঋণদান সমিতি (Cooperation Credit Society), দেশীয় মুদ্রায়ত্ত সমিতি (Native Press Association), বেহার জমিদারসমিতি, ভারত সেবকসংঘ, সম্পাদকসংঘ, শ্রীরামকৃষ্ণ মিশন, বিবেকানন্দ

সমিতি ইত্যাদি। সময়ের গুণে এবং উদার ইংরাজী শিক্ষা ও শাসনের ফলে দেশে যে জাতীয়তা-বর্ধক রাজনীতিক অধিকার লাভের মহতী প্রচেষ্টা চলিয়াছে, উহার ফল অদূর ভবিষ্যতে নিশ্চয়ই হস্তগত হইবে। মহামতি উদারচেতা লর্ড রিপণ্‌প্রমুখ সহৃদয় সহানুভূতিশীল ভূতপূর্ব রাজ-প্রতিনিধিগণ ভারতে যে স্বায়ত্তশাসন সৌধের ভিত্তি পত্তন করিয়া গিয়াছেন, কালে উহার অভভেদী “গৌরী শখর” জগদ্বাসীর সনৌতুক বিশ্ব দৃষ্টি আকর্ষণ করিবেই করিবে। ভারতীয় রাজনীতির আদিম আচার্য্য শ্রীকৃষ্ণের উপদেশ,—“নেহাভিক্রম নাশোহন্তি” গীতা ২য়। হে পরম্পর! এ জগতে আরক কন্দের বিনাশ নাই। যে জগৎ প্রদীপ সূর্য্য পূর্বাংশে উদিত হইয়া পশ্চিমাংশে তস্তমিত হন, তিনি আবার ঐ পূর্বাংশেই পুনরুদিত হইয়া থাকেন; ইহা প্রকৃতি নিয়মিত নিত্য প্রত্যক্ষ সত্য। দেশে অধুনা যে রাষ্ট্র গঠন কার্য্য আরম্ভ হইয়াছে, উহা কখনও একেবারে ধ্বংস হইবে না, হইতে পারে না। উহাতে যুগপৎ প্রকৃতির সনাতন নিয়ম-ধর্ম্ম ও প্রত্যক্ষ ঐতিহাসিক সত্যের অপলাপ আছে। রাজানুগ্রহলক স্বায়ত্তশাসন প্রতিষ্ঠান প্রসারের সহিত জনসাধারণের কক্ষশক্তি ও রাজনীতিক অধিকার লাভ দিন দিন তিল তিল করিয়া বাড়িয়া চলিয়াছেন ইহার সুফল চিন্তাশীল বিজ্ঞ ভারতহিতৈষী মাত্রেই সহজ বেদ্য। এই আরক প্রতিষ্ঠানকে সমাক্ গড়িয়া তুলিবার জন্য যদি কতকগুলি ভ্যাগী কন্মী সন্ন্যাসী ইঁহারা সে কালের রাঙাধি জনকের ব্রতগ্রহণ পূর্ব্বক দেশের সর্ব্বত্র যাতায়াত করিয়া এবং স্বচক্ষে স্থানীয় সকল অভাব অভিযোগ প্রত্যক্ষ করিয়া উহার নিরাকরণে যত্নশীল হইবেন। ইঁহারা মহাজন হইলে দেশের অশিক্ষিত জনগণ জীবন্ত আদর্শের অনুসরণে হাতেকলমে কার্য্য করিতে শিখিবে। তৎপর স্থানীয় কার্য্য শিক্ষিত স্থানীয় লোকের দ্বারা সম্পাদিত হইতে পারিবে। বতদিন না গগদেবতা জাগ্রত হন ততদিন ঐ মহাপ্রাণ কক্ষিসংঘই দেশমাতৃকার মহায়জ্ঞে প্রধান পৌরোহিত্য করিবেন। দেশের সুসম্মান এই সকল কন্মীর আদর্শ সম্পর্কে ইটালীর ভ্রাণকর্ত্তা মহাপ্রাণ গ্যারিবত্ভী বলিয়াছেন.—“Let those who wish to continue the war against the stranger come with me. I offer neither pay, nor quarters, nor provisions; I offer hunger, thirst, forced marches, battles and death. Let him who loves his country in his heart, and not with his lips only, follow me.” Indian Review, October, 1921.

বস্তুতঃ মহাপুরুষনির্দিষ্ট জনকপত্নী ঐরূপ কন্যা সন্ন্যাসীরাই কেবল নীল ভারতসাম্রাজ্য প্রতিষ্ঠায় সৈন্যপতাপদের অধিকারী। ইহারা সমুদ্রমহনরত দেবগণের ন্যায় প্রলোভনজনক রত্নলাভে কিংবা ভীতিজনক নিয়োদগারে প্রলুক বা ভীত হইয়া স্বকর্তব্যত্রষ্ট হ'বেন না। পশ্চাত্তথিত অমৃতলাভে দেবগণ যেমন অমর হইয়াছেন, ভয় ও প্রলোভনের কঠোর করগ্রহ হইতে মুক্ত মহনীয় কশ্মি সংজ্বকেও তেমনি জাতীয় মুক্তি সুখা আহরণ করিয়া মৃত্যুঞ্জয় হইতে হইবে। তরুহ কাষ্য সিদ্ধির জন্য দেবগণ যেমন তাঁহাদের জন্য বৈরী অসুরদিগকেও সহযোগী করিয়া ছিলেন, দেশোদ্ধারব্রতে ব্রতী কশ্মিসংজ্বকেও তরুণ দেশের অসুরপ্রকৃতিক জনগণের সহিত প্রথম প্রথম সখ্যমূলক সহযোগ করিতে হইবে। উহাদিগকে দূরে রাখিয়া কার্য্যারম্ভ করিলে সনষ্টির স্থানতা বশতঃ দুর্কলতা ঘটবে। বিশেষতঃ অভিমানাহত ঐ সকল প্রতিপক্ষের প্রবল প্রতিকূলতার কাষ্যসিদ্ধির পথ অতিদুর হইয়া উঠিবে। ফলোদ্যান রক্ষণের জন্য কণ্টক বৃক্ষের বেড়ার প্রয়োজন, একথাটা মনে রাখা ঐতরু দরকার। ঐরূপ হিন্দু অহিন্দু, শত্রুমিত্র, ব্রাহ্মণচণ্ডাল, বিঘ্নান্ মুর্থ, নরনারী, স্বরাজ্যপত্নী, মধ্যপত্নী, চরমপত্নী বা উদাসীন ভারতবাসী, ভারতপ্রবাসী, ভারতোপনিবিষ্ট ছোট বড় সকলকে লইয়া একটা মহাজাতি গঠন করিতে হইবে। যে জাতির সমবেত কণ্ঠে উচ্চারিত রাজনৈতিক অধিকারলাভের চঙ্কার ধ্বনিতে বৃটিশ কুন্তকর্ণের গভীর স্তম্ভুপ্তি চিরতরে ভয় হইয়া যাইবে। এক্ষণে প্রাচীন ঋষিদিগের অমর ভাষায় সুখ শক্তির উদ্‌বোধক মুক্তি মন্ত্রের প্রতিধ্বনি করিয়া প্রবন্ধের উপসংহার করিলাম।—

“সংগচ্ছধ্বং সংবদধ্বং সংবোমনাংসি জানতাং ।

দেবা ভাগং যথা পূর্বে সংজানানা উপাসতে ॥”

“সকলে মিলিত হও,

মিলে মিশে কথাকও,

মন হোক্ সবার সমান ;

পূর্বে যথা পুরাতন,

মিলেমিশে দেবগণ, --

বস্তুভাগ করিল গ্রহণ ॥”

শ্রী ত্য:গাপাল বিদ্যাবিনোদ ।

গান ।

—*—

ও গো আমার গোপন মনে

পুলক লেগেছে ।

কাদনভরা নীপের বনে,

কাঁপন জেগেছে ।

আজ ফুলে ফুলে অনুরাগে

যৌবনেরি পরশ লাগে,

স্বরের হাওয়া নদীর বঁকে

মাঁতন ভুলেছে ।

কোন মায়াগীর ললাটলে

মায়ার ধারা পড়ছে গলে,—

ও গো কার সবুজ-ছায়ায়

ভ্রমন ভুলেছে ।

শ্রীশ্রীপতিপ্রসন্ন ঘোষ ।

বয়্যাটে ।

৩য় খণ্ড }
শ্রেণী }

—
এক ।

সাহেব চলে যাবার পরদিনই “নন্দিতায়” নীচের খবরটা বেরোলো—

“আমরা পুনঃ পুনঃ পুনীশের দৃষ্টি আকর্ষণ করিয়াও এ বিষয়ে কোনো ফললাভ করিতে পারি নাই। সেই অজ্ঞাত নামা ব্যক্তির দুঃস্বপ্ন দিন দিনই গুরু হইতে গুরুতর আকার ধারণ করিতেছে। সম্প্রতি আমরা বিশ্ব-সূত্রে অবগত হইলাম—সে অসচ্ছিত্রা নারীদিগের সাহায্যে এক ব্যবসায় আশ্রয় করিয়াছে। “উদ্ধার আশ্রম” নাম দিয়া নাগপুরের কোনো সাঁওতাল পল্লীতে এক আখড়া খুলিয়াছে। সেখানে ভদ্র গৃহস্থের তরুণী বিধবাদিগকে ফৌসলাইয়া লইয়া গিয়া কুকার্যে লিপ্ত করে। কলিকাতার অনেক গণিকা এ কার্যে তাহার সাহায্য করিয়া থাকে। কয়েকদিন হইল.....জেলার ..গ্রামের কিরণবালা নাম্নী একটা বিধবার এইরূপ সর্বনাশ সাধন করিয়াছে। আমরা—কিরণবালার পরমাত্মীয় বসন্তকুমার রায় ও কাহিরাম চক্রবর্তীর নিকট এ সংবাদ জানিতে পারিয়া ছি।”

এ খবর পড়েই বিষম রাগে—নব্বনের সারামন বাকুদস্তুরের মতন দপ্ করে জলে গেল। বসন্ত ? কাহি ?—রাস্কেল বোম্বটে পাঙ্গী ছবেটা। আর হারামজাদা ঐ বেটা কাগজ-ওয়ারা। ওকে আমি দেখবো। সম্পাদকের ওপরকার পুরোনো রাগ আবার নতুন করে একখানা প্রতিবাদ লিখ—নন্দিতা আফিসে পাঠিয়ে দিবে পুনশ্চ করে—সম্পাদককে জানালো—যে তিনি যেন—তাঁর লেখার জন্যে দোষ স্বীকার করে ক্ষমা চান।

আরো ছ’দিন গেল। নব্বনের মনে মাথায় রাগের জ্বালাটা সমানেই জ্বলছিল। ছদিনের পরেও—“নন্দিতায়” নব্বনের প্রতিবাদ—বেরোলো না। আর নয়। সে বাড়ী থেকে বেরিয়ে বরাবর “নন্দিতা” আফিসে গিয়ে উঠলো। ঘরে ঢুকতেই শোরের পাশে দেখে—বিরিঞ্চি। বিরিঞ্চি এখানে ? নব্বনে গম্ভীর, কড়া গলায় প্রশ্ন করলে—বিরিঞ্চি ?”

বিরিঞ্চি ধাঁ করে চ'ম্কে উঠে একটু স'রে দাঁড়িয়ে বল্লো—“এখানে একটা ব্যবসার কাজে এয়েছি,—বাবু প্রণাম হই। সাহেব ভাল আছেন ত ?

ন'বনে ঘৃণিত, নীরব তাচ্ছিল্যের দৃষ্টিতে শুধু তার দিকে তাকিয়ে দেখলো—তার কথার কিছু জবাব দিল না। একটা ছোকরা মতন উড়ো বাহারে সাজা বাবু জিগ্গেস ক'রলেন—
“আপনার কি চাই ?”

ন'বনে জবাব দেবার আগেই বিরিঞ্চি বল্লো—“ইনি আমাদের নবনীবাবু,—
.হরিচরণবাবু।”

ন'বনে বুঝলো—“এই সেই—তুই পাষণ্ড! এরাই এসব খবরাখবরের জন্যে দায়ী।
বাইরে সে কথা তিল মাত্র বুঝতে না দিয়ে—ন'বনে হরিচরণের প্রশ্নের জবাব দিল—“আমি
সম্পাদককে চাই।”

“কিছু লেখার কথা কি ?”

“আজ্ঞে হ্যাঁ।”

“বসুন, বসুন, আপনি আগে বসুন”—ব'লে ব্যবসায়ী চ'লে আপ্যায়িত ক'রে হরিচরণ—
সম্পাদককে ডাকতে গেল।

একটু পরেই—এক বুড়ো পাশের ঘর থেকে বেরিয়ে এলেন। তাঁর গায় ফ'তুয়ার ওপর
একখানা চাদর কোণা-কুণি ক'রে ঝুলিয়ে দেয়া। বুড়োটা হাসি মুখে ন'বনেকে নমস্কার
ক'রলেন। ন'বনে জিগ্গেস ক'রলো—“আপনি নন্দিতার সম্পাদক ?”

“হ্যাঁ ; আর আপনিই বুঝি আমাদের নবনীতবাবু ? আর কিছু লেখা এনেছেন কি ?”

“লেখা একটা ডাকে পাঠিয়েছিলাম,—পান নি ?”

“কই না !”

“একটা প্রতিবাদ !”

“প্রতিবাদ ? কিসের।”

আপনাদের “নাগপুরে নারী ব্যবসায়ের।”

সম্পাদক একটুখানি রেওয়াজী মেজাজে বলেন “না কি ? কিন্তু তার কি কিছু প্রতিবাদ
সত্যি হ'তে পারে ? আমরা খুব ভালরকমেই সে খবর জানি।”

“হরিচরণ আর বিরিঞ্চি আপনার প্রমাণ বুঝতে পেরেছি! কিন্তু এঁরা হুটীতেই চোর এবং জোচ্চোর আমি ইচ্ছে করলে এখুনি এঁদের পুলীশে দিতে পারি তা জানেন?”

“জোচ্চোর চোর সে কী মশায়?” ব’লে সম্পাদক জোরে চৈঁচিয়ে উঠলেন। চীৎকার শুনেই বোধহয় হরিচরণ ঘরে এসে ঢুকলো। ন’ব’নে চৈঁচিয়েই বললো “হ্যাঁ, হরিচরণ চোর।”

“কি ব’লছেন মশাই? বলে হরিচরণ জামার আস্তিনে গুটিয়ে এগিয়ে এল। ন’ব’নে স্থির। আস্তিনেও গোটালো না—ঘুঁষিও বাগালো না। সে গস্তীরভাবে জবাব দিল—“তোমার মত পাঁচটা হরিচরণকে পিষে মারতে পারি—বুঝতে পেরেছ হে ছোকরা? গায়ের বল যেখানে, সেখানে খাটাতে এসো না।”

হরিচরণ রাগে চৈঁচিয়ে বললো “তুমি আমার চোর বলছ?”

“অবিশ্যি বলছি;—সাবানের কল ক’র্বে বলে একজন মাদ্রাজী ভদ্রলোকের কাছ থেকে ছশো টাকা,—বলরাম দেব ঝাঁপের কব’রেজ মশাইএর কাছ থেকে ডিমের ব্যবসায় হুঁশো,—সাবানের ত’শো, মোট চারশ—ন’ব’নের কথা শেষ না হতেই তার কথার উত্তরে সম্পাদক চৈঁচিয়ে উঠলো—“থামুন থামুন মশাই, এ সব কথার আপনার কিছু প্রমাণ আছে?”

হরিচরণের মুখ শুকিয়ে এসেছিল তবু সম্পাদকের কথায় সাহস পেয়ে সেও একটা সচেষ্ট সপ্রতিভ ভাব দেখিয়ে ব’ললো—“হ্যাঁ ডিফেমেশন সূট করবো—আপনার কিছু প্রমাণ আছে?”

ন’ব’নে বিরক্ত-মুখে বললে—“পুলীশে দিয়ে তা’পর প্রমাণ দেখাবো—জোচ্চোর কোথাকার! আপনিও এই দলে নাকি মশায়?” ব’লে ন’ব’নে সম্পাদকের দিকে চাইল।

“আপনি ত অতি অভদ্রলোক দেখছি!” সম্পাদক রেগে জবাব দিলে। ন’ব’নেও চড়া গলায় বলল—“আর ভদ্রের চুড়ামণি আপনি আর আপনার এই হরিচরণ—বিরিঞ্চি—”

বিরিঞ্চি কথাটা ন’ব’নে বেশ জোরেই উচ্চারণ করেছিল—সে আওয়াজ শুনেই দাঁড়িয়ে উঠে কাপ্তে কাপ্তে—“আজ্ঞে না আমি না—ছেলেপিলে নিয়ে বউটা বাবু প’র্বে ব’সবে—পুলীশে দিও না—আমার না! ব’লতে বলতে বিরিঞ্চি রাস্তার নেমে ভাগোয়া।

ন’ব’নে তাকে দেখিয়ে সম্পাদককে ব’ললে—“এই ত প্রমাণ পেলেন।”

“কি প্রমাণ ? তুমি বেরোর এখান থেকে” বলে সম্পাদক ধাঁ করে চটে উঠে চেঁচিয়ে,—
 হরিচরণকে ডাকলো—“হরিচরণ, ধরতো বেটাকে” হরিচরণ কথা শুনে আবার আস্ত্রিন গুটরে
 এগিয়ে আসতেই ন’ব’নে তার নাকে একটা জোর ঘুঁষি বসিয়ে দিল। হরিচরণের মাথাটা ঘুরে
 উঠলো। সে মুখ ফিরিয়ে বসে প’ল। সম্পাদক চেঁচিয়ে হাঁকলো—“পাহারওয়াল
 পাহারওয়াল।” লাল-পাগড়ী সে নবাবজাদা অনেক দূরে খইনি টিপ্‌ছিলেন। ন’ব’নের রাগ
 ধৈর্যের সীমা এড়িয়ে উঠেছিল। সে আর ভেবে দেখবার,—বিবেচনা করবার অবসর পেনে
 না—ধাঁ করে ঝগাপট সম্পাদকেরও নাকে-মুখে জোরে পাঁচ সাতটা ঘুঁষি কবে দিয়ে “সাবধান
 হ’য়ে এর পর খবর ছাপিও—নইলে তোমার দেখে নোব old fool” বলে বেরিয়ে এক দম
 মোলাভান্নার ঠিকানার গিয়ে হাজির। পাহারওয়াল ততক্ষণে তামাক পাতার টিবলে জ্বিবে
 নীচে ঠেলে দিয়ে পুচ করে একবার খুঁতু ফেললেন। ন’ব’নে বুঝলো এদের কাগজ চালানো
 জোচ্ছুরিরই ব্যবসাদারী ও আপিস এই রকম করে লোক ঠকিয়ে খাবার একটা আড্ডাখানা।
 কিন্তু এর পর নিশ্চরই যে ওর পেছনে পুনীশ হালিয়া করবে—তাত ন’ব’নে বেশ টের পেয়েছিল।
 সে তাই মোলাভান্নাকে সাহেবের কুঠীতে পাঠিয়ে দিয়ে বস্তীর কাজের ভার নিজে নিজে নিয়ে
 দিন রাত ঘুরতে লেগে গেল। এই বোরা ঘুরিতে মনটাও অনেক দিন পরে ভাল লাগলো।
 চিরদিনের দৈন্যে বাড়ী জীবন দৌলতের যাত্ন বাজাতে বন্ধ হয়ে মরতে বসেছিল যেন। এবার
 সে হাঁফ ছেড়ে বাঁচলো। দিন ছয়েক পরে—একদিন বাজারে বেরিয়ে দেখে রাস্তায় রাস্তায়
 পুনীশ আপিসের বিজ্ঞাপন বেরিয়েছে—“একশ টাকা পুরস্কার।”

“নন্দিতার সম্পাদককে এক গুঞ্জা ঘেরে ফেরোগার হ’য়েছে তাকে ধরে দিতে পারলে একশ
 টাকা বকশীস পাওয়া যাবে।”

ন’ব’নে প’ড়ে নিজের মনেই নিজে হো হো করে হেসে বাড়ী ফিরে এল। মোলা-ভান্নার
 নামে একখানা চিঠিতে সব লিখে রেখে তখ্‌খুনি আবার বেরিয়ে—সোজা লালবাজার পুনীশ
 অফিসে গিয়ে হাজির। এক দারোগা বাবু ব’সে সিগারেট টানতে টানতে ডাঠরী লিখ্‌ছিলেন।
 ন’ব’নে ঘরে ঢুকতেই একগাল ধোয়া উড়িয়ে দিয়ে জিজ্ঞাস ক’রলেন—“কি চাই ?”

“ধরা দিতে চাই”—

দারোগা বাবু অবাক্ চোখে নব্বনের আপাদ মস্তক দেখে নিলেন। শেষ পর্য্যন্ত ন'ব'নে গ্রেপ্তার হ'ল। আদালতে স্পষ্ট কথায় তার অপরাধও স্বীকার করলে—সুতরাং বিচারে তার শাস্তি হ'য়ে গেল।

দুই।

কিরণকে এনে “উদ্ধার আশ্রমে” নিরাপদ রেখে সাহেব নিশ্চিত, উদাত্ত হাসি হেসে উঠলেন। কিরণ জিগ্গেষ ক'রলো—“এখন থেকে তুমি হলে এই আমার আশ্রয়?”

“অস্তুতঃ কিছুদিনের জন্যে” জবাব দিয়ে সাহেব আবার হাসলেন। কিরণ প্রশ্ন ক'রলো—“এখানে আমার কি কাজ?”

“তোমার প্রথম কাজ মা, ও জীবনের যে ক'খানা পৃষ্ঠা আমাদের অজানা রয়েছে সেই পাতা ক'খানা নিজের হাতে লিখে আমার হাতে দিয়ে ন'ব'নের কাছে পাঠাবে।”

কিরণ একটুখানি কি ঘেন ভেবে নিয়ে বললো—“এ কী বাবারই ছকুম না ন'ব'নের খেয়াল?”

“আমার কৌতুহল আর ন'ব'নের মিনতি গো পাগলি।” বলে কিরণের চিবুকটা একবার টিপে দিয়ে সাহেব কিরণের কপালের ওপর এসে ঝুলে পড়া একটা চূর্ণ চুলের গোছা মাথার ওপর তুলে দিলেন।”

কিরণ হেসে কৃতজ্ঞতা জানিয়ে “আচ্ছা” বলে ভেতরের দিকে চলে গেল।

তার তিন দিন পরে সকাল থেকে হাড়ভাঙ্গা মেহনৎ করে শ্রান্ত হয়ে ছপুর্নে একটু আরেস ক'রবেন বলে সাহেব গুয়ে পড়েছিলেন। কিরণ ধীরে ধীরে এসে অতি আন্তে পা কেলে ধরে চুকলো। কিন্তু সাহেব ঘুমিয়ে রয়েছেন বলে কিছু না বলে আবার তেমনিই আন্তে ফিরে যাচ্ছিল। কিন্তু তার হালকা পায়ের সে মুহূ-ধ্বনিও সাহেবের সতর্কতা এড়াতে পারলো না। সাহেব চোখ মেলে তাকিয়ে তাকে ডাকলেন। কিরণ গিরে দাঁড়িয়ে এক মুহূর্ত্ত এক নিমেষ একটুখানি ইতস্ততঃ করেই তখুনি আবার চট করে একখানা খাতা সাহেবের সামনে দিয়ে আর কিছু শোনবার অপেক্ষা না ক'রে অতি “তরস্ত” বেরিয়ে গেল। সাহেব হো হো হাসিটা হেসে খাতাখানা তুলে নিয়ে প'ড়ে গেলেন—

“আমার অধঃপাতের কালা কথা।”

(নবনী অহুরোধে লেখা।)

বিয়ের ছ’মাস পরে এগার বছর বয়সে বিধবা হয়ে বাপের বাড়ী ফিরে এলাম। তা’পর আমারও যে তনু মন রূপে রসে ভরে উঠেছে সে খবর টের পেলুম—সমবয়সী সঙ্গিনীদের সঙ্গে গল্প ক’রে। তারা আমার বললে—তাদের বিয়ের কথা,—স্বামীর কথা, নিশীথরাতে মিলন সুখের কথা! শুনে শুনে আমার মনে কি যেন অভাব গুপ্ত শত্রুর গত সহসা আঘাত দিয়ে একটা অসহনীয় লাঞ্ছনার আমার পাগল করে তুললো। আমি নিজের মনের সঙ্গে প্রাণ পণ লড়াই আরম্ভ করলাম কিন্তু জয়ী হতে পারলাম না। নিজে নিজেই তর্ক করে মীমাংসা করলাম। কি অপরাধ এতে? কি পাপ? আশে পাশে কত জনকে ত দেখছি কি হয়েছে তাদের? লোকে কেবল ত’এক কথা বলবে। বলুক তাতে আমার ব্যয় গেল! এই রকম দোলা চল মনে নিয়ে আরো কতদিন গেল। একদিন হঠাৎ দেখি রাস্তা দিয়ে তুমি যাচ্ছ। তোমায় আমি ভালবাসতুম চিরকাল। সে শুধু প্রবৃত্তির খেলা নয় তার ভেতর সত্যিকার প্রাণই ছিল, অনেকখানি। আমার কতদিন মনে হয়েছে নবনী, তুমি যদি আমার স্বামী হতে। যাক! কিন্তু তুমিও আমার সে নিবেদনের উত্তরে উপদেশ দিয়ে স’রে গেলে। সে ব্যর্থ-নিবেদন আমায় ক্ষেপিয়ে তুললো। আমি ভাবলুম এত অবহেলা? তরুণ যা চেয়ে পায় না আমি তাই সেধে দিতে গেলাম আর ও হতাদর করে চ’লে গেল? তখনি আমার মনে হল দেখতে হবে আমাকে—এ রূপ, এ কাঁচা তরুণমার কোনো প্রলোভন আছে কিনা! ন’ব’নেকে আমার দেখতে হবে।

এর ভেতর শুন্লাম তুমি গাঁ থেকে চ’লে গেলে। আমারি নামের সঙ্গে তোমার সে যাওয়ার কারণ নাকি অনেকখানি জড়ানো ছিল। একেবারে মিথ্যা হলেও আমার খুব আনন্দ হ’ল মনে মনে। সে তোমার ওপর আমি একটা ভীষণ প্রতিশোধ নিলাম।

কি রকম ক’রে শোধ—নিলাম জান? আমার লেখা যে চিঠিখানা তুমি আমার ফিরিয়ে দিয়েছিলে—কাছির বোনের হাত দিয়ে—সে চিঠিখানা আমিই কাছিকে পাঠিয়ে দিয়েছিলাম। সে মিথ্যে করে বলেছিল তোমার সংমা তোমারই বিছানার নীচে ও চিঠি পেয়েছেন।

কিন্তু এই প্রতিশোধেই মন শান্ত হল না। রাগটা তখন—বরং বলি অভিমানটা আমার সব গিয়ে পড়লো—সমস্ত পুরুষ জাতের ওপর। তখন কিন্তু বুঝিনি সেটা প্রতিশোধ নেবার তীব্র ক্ষোভ নয়,—প্রবৃত্তির পাপ জ্বালারই ভোজবাজী। আমি শুধু পরকে আঘাত দিয়েই তৃপ্তি পাচ্ছিলাম নিজের জন্যেও যেন কি একটা চাইছি। এই—চাওয়াতেই আমার সন্ধিস্থ চোখ শুধু শিকার খুঁজে বেড়াতে লাগলো।

তুমি বাবার দিন পাঁচ ছয় পর থেকেই—কাছির বোন আমার কাছে এসে রোজই বিকালে বসতে লাগলেন। কত তার সে গল্প—ফুরোর অবর না। এমনি করে একদিন মুচ্কী মুচ্কী হেসে কানের কাছে মুখ নিয়ে ফিস্ ফিস্ করে জিগ্গেব ক'রলেন—“ও বাড়ীর বসন্তবাবু কেমন দেখতে ক'রেন কিরণ ?”

* আমি বললাম—“বেশ।” কাছিঠাকুরের ঘোন্ বা চান—আমার আধ আধ সায়ে সে সব কথা জেঙেই বললেন। বসন্তবাবু তাকে পাঠিয়েছিলেন—কাছিকে দিয়ে ঘটকী ধরে। আমি বললাম—“তাঁরতো রূপসী স্ত্রী আছেন।”

কাছির বোন মুখ বেঁকিয়ে হাত নেড়ে জবাব দিলে—“হ্যা—সে রূপসী! ডাইনি যে লা।”
অবাক হয়ে জিগ্গেব করলাম “সে কি।”

“হ্যা—হ্যা সব চিঠি ধরা পড়েছে। এমন ডাইনি সে ভাস্করের কাছে চিঠি লিখতো—তাঁর মজাটা টের পাওয়াবে বসন্ত।”

“আমি ভয়-চকিত করে বললাম কি করবেন ?”

“শুন্তেই পারি সময়ে” বলে কাছির বোন হাসলেন—সে যে প্রেতিনীর হাসি তা আমি তখন টের পাই নি। তার চারদিন পরে শুন্লাম—বসন্তবাবুর স্ত্রী গলায় দড়ি দিয়েছে। কাছির বোন এসে বলেন—“শুনেছিস্তো ?” আমি—“হ্যা” জবাব দিয়ে জিগ্গেব করলাম—“তিনি আত্মহত্যা করতে গেলেন কেন! তাঁর স্বামী কিছু টের পেয়েছিলেন বুঝতে পেরে বুঝি ?”

কাছির বোন—মুখের হাঁটা—অনাবশ্যক রকম বড় করে বললেন—ওমা। তুইও যেন হাবা ছুঁড়ো। বসন্তই শেষ করেছে ওকে! আমার কাছি থাকতে আর ভয় কী ? ডাকঘরের ডাক্তারখানা থেকে—সেই সব এনে টেনে শুঁড়িয়ে দিয়েছিল—পানের ভেতর দিয়ে ব্যস।

তাপর গাছে নিরে ঝুলিয়ে রাখলো—সেও কাছির বুদ্ধি। কী বুদ্ধি আমার ভাইএর। সকলেরই বাচোয়া। দারোগা এসে কিছুই টের পেলেনা—ফাঁসি বলে রিপোর্ট দিয়ে দিলে।”

আমি হঠাৎ শিউরে উঠলাম। গা-মাথা ঝিম ঝিম করতে লাগলো। বললাম “আপনি আজ যান—আমার দেহ মন ভাল নেই।”

সে দিন তাকে বিদায় করলুম বটে, কিন্তু একেবারে পাপ দূর করতে পারলুম না তো। সে এসে রোজই বসন্তবাবুর কথা আমার কানে কানে শোনাতে। ব’লতো এই দুঃখ পেলে বেচারী বউটার জন্যে—এবার যদি তোকে না পায় তো সে পাগল হয়ে যাবে। সেও আত্মহত্যা করবে। তোর মুখ চেয়েই সে বেঁচে আছে। এমনি করে রোজই ঐ এক কথা!

আমি শেষে স্পষ্ট বলে দিলাম—“না অনন লোকের সঙ্গে কথা বলতেও ভয় করে আপনি আর বলবেন না—ও কথা আমার কাছে।” কাছির বোন বললেন—“তুই একবার বউটার পাপের কথা ভাবছিস্ না। ওমা! আপন ভাসুর! ছি ছি! কেলেকারী!! এ কলঙ্ক রাখি কোথায়? অমন মানুষের এই রকম শাস্তিই হওয়া চাই। সোনার টান স্বামী থাকতে কিনা—হ্যাঁ বুদ্ধি বিধবা বউ-ঝি হয় সে এক কথা। তা না এ কি? তোকেও তো ব’লছি কিন্তু তোর যে সঙ্গে তুই আছা বেচারী! কচি বিধবা!” আমি বলুম—“সে যাই হোক আমি পারবোনা আপনি বলবেন না আর সে কথা।”

গেল ক দিন। আবার আরম্ভ হল। সে আমার সত্যি করেই বোঝালো। আমি—ভাবলুম সত্যিই তো বসন্তবাবুর রাগ হবার কথা বটে!

পাকা পাকি কিছু কথা তবু আমি দিলাম না। এর মধ্যে একদিন মিত্তিরদের বাড়ী বিয়ে। সন্ধ্যার সময় হঠাৎ চণ্ডীমণ্ডপের পাশে বসন্তবাবুর সঙ্গে আমার সুমখে সুমখি দেখা হয়ে গেল। সে কিছু মুখবন্ধ না করে একটাও কথা না ব’লে—একেবারে আমার পা ভড়িয়ে ধরে বললো—“মত দাও, কিরণ, নইলে আমি ম’রে যাব—পাগল হ’য়ে যাব। আমার সব দোষ ক্ষমা করে আমার ভালবাসু—তোমার পারে ধরে আমার এই ভিক্ষা।”

আমি বললাম “ছি ছি কি কছেন? পারে হাত কেন? আর তা ছাড়া কেউ দেখতে পাবে এমুনি! পা-ছাড়ুন!—আমি বলে পাঠাবো আমার কথা।”

পা ছেড়ে দিয়ে তখ্খুনি উঠে বা হাত দিয়ে সে নিল্লজ্জ আমার গলা জড়িয়ে ধরলো—
“আ-ছাড়ুন! ছাড়ুন!” বলে আমি—জোর করেই এক রকম তার হাত ছাড়িয়ে সরে
গেলাম! কিন্তু কি সে স্পর্শ। যে যেন একটা বিছুৎ আমার সারা দেহের ওপর দিয়ে চ’মকে
গেল। বসন্তবাবু পাগল হবেন কি আমিই যেন এক মহম্ময় পাগল হয়ে গেলাম।

পরদিন থেকে কাছির বোনের আবার যাওয়া আসা আর ঐ কথা! “পাগল হয়ে যাবে
নইলে বসন্ত।”

আমি বললাম “আচ্ছা রাজী আছি; কিন্তু তিনি আমায় বিয়ে করবেন বলে—প্রতিজ্ঞা
করবেন।”

“সে কিরে? তুই যে বিধবা।”

“আমি বললাম তা যাই হক—তা আমি জানিবে, কিন্তু আমি চাই যে তিনি আমায় বিয়ে
করবেন।”

কাছির বোন বললেন—“তা কি করে হবে?”

আমি বললাম—“কেন বিদ্যোসাগরী মতে।”

কাছির বোন চলে গেল। তারপর দিন খবর দিল—“হাঁ সব ঠিক! বিয়ে হবে কলকাতায়।
বসন্ত তোমায় নিয়ে সেই খানেই থাকবে আপাততঃ—তা পর পশ্চিমে কোথায়ও গিয়ে বাড়ীঘর
করে সংসার পাতবে। আমি যা কিছু গয়না গাটা পারি নিয়ে রাত্তির বারটার সময়ে বাড়ী
থেকে বেরিয়ে রাস্তার পাশে গাছতলার দাঁড়াবে। বসন্ত আগেই গাড়ী আনিয়ে রাখাবে।
ছজনে হেঁটে গায়ের বাইরে গিয়ে গাড়ীতে উঠে মহকুমায় যাবে। সেখান থেকে কলকাতায়।

আমার সত্যিই আনন্দ হ’ল। সাহসও এল মনে অনেকখানি। রাত্তিরে বেরোলাম।
কিন্তু বসন্ত কি কেউ নেই—রাস্তায়!—ভাবলুম আসছে। আর একটু দাঁড়িয়ে—কই বসন্ত তো
এল না। ভাবছি! একটু পরে একটা গাড়োয়ান এসে বললে “মাইজি আইরে গাড়ী হ্যায়—
উ’হা পর।” আমি ভাবলুম বসন্তও বুঝি আছে সেখানে। গেলাম তার সঙ্গে। গাড়ীর কাছে
এসে গাড়োয়ান বলে “উঠিয়ে।” আমি জিগ্গেষ কলাম “বাবু কাহা?”

গাড়োয়ান বললে—“আগাড়ি গিন্না, দোসরা গাড়ীমে এক টম্‌টম্‌ পর—জানেমে হরজা
হোনে সেখ্‌তা উসিসে বাবু খোড়া আগাড়ি গিন্না।”

আমি উঠে ব'সলাম। গাড়ী ছুটলো মহকুমার রাস্তার আমি বাড়ী ঘর সব ছেড়ে সেই ভাসলাম অজানার অকূলে।

রাতের কালোটা পরিকার, ফস' হ'য়ে যাবার আগেই এসে ঘাটে ঠেবণের টিকিট ঘরের কাছে দাঁড়ালো। গাড়োয়ান আমার নাব'তে ব'লে আমি তাকে জিগ্গেস করলুম—“বাবু কোথায় ?”

সে জবাব দিলে—“আগাড়ি পৌছ'নেকা তো বাত রহা কেয়া জানে বাবু আয়া কি নেই।”

আমার বুকের ভেতরটা চকিতে দুরু দুরু ক'রে উঠলো। গাড়োয়ানকে ব'ললাম—“দেখতো বাবু টিকিট-ঘরে আছেন না কি ?”

লোকটা একটু ক্ষণেই ঘুরে এসে ব'ললো—“নেহি হ্যায়।”

ষ্টীমার একখানা তখনি ছেড়ে যাবার জন্য এঞ্জিনের বোমাকলের মুখে প্রচুর ধোঁয়া ওড়াচ্ছিল। আমি নিমেষের ভেতর কর্তব্য ঠিক ঠাওর ক'রে নিলাম। কুল, মান সব ভাসিয়ে দিয়ে বেরিয়ে প'ড়েছি—বাড়ী থেকে—আরতো সেখানে ফিরে যাবার উপায় নেই। কিন্তু এইখানেইবা একা এই হাজারো জোড়া চোখের সম্মুখে আমার তরুণ মুখ উদ্ভলো ক'রে ব'সে থাকি কি ক'রে! আর কিছু না হ'ক একটা জবাব দিহীর অন্ততঃ ভয় তো আছে। পুলীসেও ধ'রে নিয়ে যেতে পারে। তা ছাড়া আমাকে আমি ব'লেই কেউ চিন্তে বন্'তে পেরে খবর দিলে বাবার মুখ ও মর্যাদা একেবারে কালো হ'য়ে যাবে। তাই গাড়োয়ানকে ব'ললাম—“আচ্ছা একঠো 'সিকণ্ড' ক্লাসকা টিকিট লে আও ক'ল্কাতেওয়ালী।” আমার কাছে টাকা ছিল তাকে দিলাম। টিকিট নিয়ে এক দ্বিতীয় শ্রেণীর কামরায় উঠে ব'সলাম। জাহাজ ছেড়ে দিল। তখন তো জানতুম না—বসন্ত আমার পেছনে পেছনেই আছে। সেও ঐ ষ্টীমারেই রওনা হ'য়েছিল। মাঝখানে একটা জায়গায় চুপি চুপি এসে সে আমার কামরায় ঢুকলো। আমি তাকে দেখে প্রথমটা খুবই চ'টে গেলাম। ক্যাবিনে ঢুকেই সে আর কিছু মুখবন্ধ না ক'রে একেবারে ছু'হাতে আমার পা জড়িয়ে ধ'রলো। আমি “ও: কি করেন ও: কি করেন” ব'লে ভাড়াভাড়ি তার হাত ধ'রলাম। সে উঠে এসে আমার পাশে ব'সে ব'ললো—“কিরণ আমার কমা কর ;—তোমার সঙ্গে এক গাড়ীতে আসতে পারিনি,—রাস্তার কারো মনে সন্দেহ হ'য়ে

হঠাৎ বিপদ ঘটে যেতে পারে—তাই একা এক গাড়ীতে এসেছি। ঘাটে এসে—ময়রা দোকানে বসে তামাক খেয়ে—আবার এদিকে এসে তোমার কত খোঁজাখুঁজি করেছি কিন্তু তোমার পাইনি! আমার চোখ দিয়ে তখন জলগড়িয়ে এল—ভাবলাম আমি কি আমার সর্বস্ব হারিয়ে বসলাম। শেষে সেই গাড়োয়ানের কাছে খবর পেয়ে টিকিট কিনে—জাহাজে উঠেছি।”

তার এ সব কথা আর নিঃস্বস্তি ব্যবহারে আমার যতই দয়া হোক আর নাই হোক—সে এক রকম নিরুদ্দেশ পথে আমি একা চলেছিলাম যাত্রী—তাকে সঙ্গী পেয়ে অনেকটা সাহস হ’ল—ভয়সাও পেলাম কিছু। ছদিকে খোলা জলের কুঁপিয়ে ফেটে পড়া ঢেউগুলোর বুক ভেঙে জাহাজ নির্গমের মত গর্জন করে ছুটেছে—আমারও মনে ঐ কালিন্দার কল তরঙ্গের মতই চিন্তা-শ্রোত উচ্ছ্বাসিত হ’য়ে উঠেছিল—বিস্কর, ফেনিল, ক্রত। বসন্ত তার হুঁথান হাতের ভেতর আমার হাতখানা ধ’রে—তাতে যুঁ মিঠি চাপে চাপে টিপ দিতে লাগলো। কত কথাই সে আমার শোনালে। একখানা রঙিন ভবিষ্যৎ—সে আমার চোখের সম্মুখে বিচিত্র করে ধরলে। আমরা এসে কলকাতার পৌছোলাম। শেয়ালদা নেমেই দেখি—কাহ্নি। মাথায় টিকি—আর গায়—নামাবলীখানা ঠিক আছে! হাস্তে হাস্তে সে ব’ললে—“এই যে কিরণ! রাত্তার খুম হয়নি বুঝি? মুখ শুকিয়ে গেছে যে! চল্ চল্ বাসায়—আমি সব ঠিক করে রেখেছি।” ঘোড়ার গাড়ীতে করে কাহ্নি আমাদের ঐ পাপের পাছশালার নিয়ে এল। দেখেছো তো ঘরখানা তুমি নবনী! চমৎকার করেই তা সাজানো। আমি কিছু সন্দেহ করলাম না। কাহ্নি খাবার দাবার যোগাড় করে এনে ব’ললে—“পঞ্জিকার একটা ভাল লগ্ন আর যোগ পেলোই শুভকর্ষ শেষ হবে।”

একটা মধুর ভাবে আমার অন্তর ভ’রে গেল। বিকেলে হাওয়া গাড়ী করে বসন্ত আমার নিয়ে যেরোলো। আমি নব্যা মেয়েদের ধরণে সাড়ী পরে—মাথায় ভেল উড়িয়ে, কুতো পরে বেড়াতে গেলাম। এ নতুন জীবন যাত্রা সূখের ব’লেই প্রথমটা মনে লাগলো। রাত্তিরে ছুজনে আমরা হুঁ বিছানার শুভাম। কাহ্নি এবাড়ীতে থাকতো না। তার যেন আর কোথাও—ছিল আস্তানা। হুঁ বেলা এসে সে আমার খোঁজ খবর নিয়ে যেতো।

এমনি করে—একদিন আমার হঠাৎ নকরে প'ল—গুটা কত বিধবা মেয়ে মানুষ আর সেই বটাই বাবু ! যা তা হজ্জা-জনক ব্যাপার চলছে ।

আমার ঘরের নীচে গাড়ী বারান্দার ও পাশে । আমারই দেখে হজ্জার মাথা নীচু হয়ে এল । সন্দেহ হল ভয়ানক । জায়গাটা বুঝলাম পাপের, ব্যক্তিচারের লীলাক্ষেত্র । কিন্তু কিছু বুঝলাম না ওদের । সে দিন রাত্তিরে বসন্ত ঘরে ফিরলো যখন তার মুখ দিয়ে বিশ্রী গন্ধ বেরোচ্ছিল । মুখে লালা ও লোল যেনা হয়ে গড়াচ্ছিল । চোখ লাল । সে এসে আমার ধ'রতে চাইলে আমি একটু সরে গেলাম । হো হো হাসি হেসে আবার ছুটে এল । আমি আরো সরে গেলাম । বসন্ত ব'ললে “কিরণ আজ দয়া কর ।” আমি জবাব দিলাম “না বসন্ত, প্রতিজ্ঞা করেছ বিয়ে ক'রবে ।”

“কালই আমাদের বিয়ে হবে কিরণ এতে কোনো দোষ নেই ।”

আমি ব'ললাম “না নিজেকে চোখ ঠেরে ঠকাতে আমি চাই না । প্রিয়তম ! তুমি আমার, চিরদিন আমার । আর একদিন মোটে দেবী ।”

“আর না আর না” বলে বসন্ত আবার ছুটে এল । এবার সে উদ্ভাদ । নেশা তার মাথার রঙ খেলতে শুরু করেছিল সে পাগল হয়ে ছুটে এল দুখান হাত বাড়িয়ে । আমারও প্রাণের মধ্যে কামনা বাধনহারা ব্যাকুল হয়েই উঠ'ছিল বটে শাসন ভোলা সে বিদ্রোহির জয়ধ্বজা তুলে মনকে আমার ও হৃদয় করে আন'ছিল । কিন্তু ত'খুনিই মনে প'ল এ বাড়ী সেই মেয়ে মানুষকটা । ভয়ানক ! শেষে নিরাশ্রয় ক্ষেত্রে চলে যেতে এরা অনায়াসে পারবে । বিশেষতঃ কাছি সঙ্গে আছে । আগে বিয়ে হওয়া চাই । আমি ব'ললাম “না না থাম ।” সে জোর করে আমার ধরতে এল কিন্তু মাতালের শক্তি তার পা টল'ছিল আমি জোরে একটা ঠেলা মেয়ে সরিয়ে দিয়ে তা পর টেনে নিয়ে তার বিছানায় তাকে গুঁইয়ে দিলাম । ছ একবার উঠ'তে চেষ্টা করলো কিন্তু আমি চেপে রেখে তাকে উঠ'তে দিলাম না । একটু পরে অসাড় হয়ে প'লো । আমি গিয়ে শুলাম কিন্তু ঘুমোলাম না ।

সকালে পরিষ্কার মাথা নিয়ে জেগে উঠে বসন্ত আমার মুখের পানে তাকিয়ে হাসলে । তা পর বেরিয়ে গিয়ে খানিকটা পরে ঘুরে এসে ব'ললো “হ্যাঁ সব ঠিক হয়েছে । কাল দিন ভাল । কালই

আমাদের বিয়ে কিরণ।” আমি হেসে তার গালটা টিপে দিয়ে বললাম “আমার সৌভাগ্য গো ভাগ্যের দেবতা।” পরদিন বিকালে দুজনে হেঁটেই গেলাম মিউনিসিপাল বাজারে ফুলের মালা আর তোড়া কিনতে। গন্ধ কাপড়, জামা এ সবও কিনলুম কতকগুলো। তা’পর একখানা হাওয়া গাড়ী নিয়ে বাড়ী ফিরলুম। বসন্ত বুলে তোমার গয়নাগুলো ময়লা হয়ে গিয়েছে বিয়ের দিন নতুনই হওয়া দরকার ছিল, কিন্তু তাড়াতাড়ি তাই হল না; আচ্ছা পরে করে দোব। এখন দাও ওগুলো ঐ পাশের স্যাক্রার দোকান থেকে আজের মতন একটু রঙ করে আনি।

সে যে তাদের একটা প্রকাণ্ড ছলনা বোম্বের ফেরেব বাজী তা আমি তখন একটুও বুঝলাম না। আমার মনে তখন বিয়ের কথাই মধুরুষ্টি ক’রছিল। আমার বাস্কাটা দিলাম। সে প্রায় তিন হাজার টাকার গয়না। এক ঘণ্টা গেল। দু ঘণ্টা, তিন ঘণ্টা না কেউ ফিরলো না। পুরোহিত যার আসার কথা ছিল সেও এল না। আমার কল্পনার বাসর চির বিরহের ব্যর্থ শয্যার পরিণত হল। বুঝলাম পিশাচেরা দুজনে গহনা নিয়ে পালিয়েছে—আমায় এই গহবরের ভিতর ফেলে। তখন বুঝলাম এ সব কাঙ্ছির কারসাজী। বাবার সঙ্গে সীমানা নিয়ে মারামারি হয়েছিল বলে সে বোধহয় এই ভীষণ প্রতিশোধ নিলে। বসন্তরও বোধহয় অনুরোধ খানিকটা কাজ করেছিল। সে ভেবেছিল ফাঁকি দিয়ে—সার্থক হয়ে শেষকালে চলে যাবে। কিন্তু দেবতা রক্ষা করেছেন আমি নারীর নিজস্ব নিঃশেষে তাকে বিলিয়ে দেয় নাই দেহ আমার সে স্পর্শ করেছে। কিন্তু সেটা আমি তত বড় অপরাধ মনে করি না।

তা’পর গভীর রাতে তুমি গিয়ে আমার উদ্ধার করলে। আমার অধঃপাতের অতল থেকে তুলে এনে এক স্বর্গের প্রাস্তে আশ্রয় দিলে। আমি সে নরক কুণ্ড থেকে উদ্ধার পেলাম। তুমি আমার অকূল পারের খেয়ার নেয়ে চিরকালই ছিলে আজও আছ। নিপুণ ভাতে তুণী বেয়ে সেই হাবুডুবু থেকে বাঁচিয়ে আমার তীরে এনে দিলে। ইতি—

শ্রীকিরণময়ী রায়।

পড়া শেষ হলে খাতাখানা ব্যাগের ভেতর চাবি বন্ধ করে রেখে সাহেব উঠতে যাচ্ছিলেন এমন সময় ডাকের চিঠি, কাগজ পত্র এল। সাহেব কলকাতার খবর ক’দিন থেকে জানতেন না—তাড়াতাড়ি “নন্দিতা” খুলেই দেখেন—বড় বড় “হেডলাইন” ছাপা রয়েছে।

“পাষণ্ডের উপযুক্ত দণ্ড।”

“গুণ্ডার সহচর গুণ্ডার শাস্তি।”

“নন্দিতার মহামাননীয় সম্পাদককে ঘুষি প্রহার ও চপেটাঘাত
করিবার জন্য নবনীতমোহন চক্রবর্তীর

একমাস সশ্রম 'কারাবাস'।”

সাহেবের কপালের ওপর ফোঁটা ফোঁটা ঘাম টপ টপ করে এল। তিন চার বার করে তিনি লেখাটা পড়লেন। সে খবর তাঁর বিশ্বাস করতে হ'চ্ছে হ'চ্ছিল না। শেষবার পড়ে আর কোনো সন্দেহ রইল না। বুকের সে হঠাৎ ব্যথাটা টেঁচিয়ে কমিয়ে নেবার জন্যে—বুড়ে চীৎকার করে ডাকলেন—“কিরণ।”

ডাক শুনেই কিরণের মাথাটা কাটা পড়লো যেন। সাহেবের সর্বাঙ্গিক রকম ক্রন্দন,—আক্ষেপে আধ-নিরুদ্ধ 'স্বরের মধ্যে সে যেন শুনতে পেলে তারই বিরুদ্ধে ভৎসনা তীব্র হয়ে উঠেছে। এক সেকেণ্ড সে নিশ্চল হ'য়েই বসে রইল। তারপর ভয়ে ভয়েই ধীরে ধীরে উঠে সাহেবের ঘরে ঢুকলো। সাহেব বুকের ওপর সাদা দাড়ি-গোছার নীচে কাগজখানা রেখে ইজিচেয়ারে প'ড়েছিলেন। কপালের ওপর রেখাগুলো কি যেন বিকোভে কুচকে উঠেছিল। মুখের উপর বিরক্তির ভাবটা পরিষ্কৃত। কিরণ ভাবলো আমার জীবনের সত্যি কথাটা প'ড়ে সাহেব এতই রুঢ় হয়ে উঠলেন। সে আশ্তে আশ্তে ডাকলো “বাবা।”

সাহেব লাফিয়ে দাঁড়িয়ে উঠে বল্লেন—“কিরণ, ন'ব'নের জেল হয়েছে!”

নিজের চিন্তাটা কিরণের মনের অনেক নীচে নিম্নে চাপা পড়ে গেল। আশ্চর্য্য হয়ে গিয়ে জিগ্গেষ করলে “সে কী?”

সাহেব কাগজখানা কিরণের হাতে দিলেন। সবখানি পড়ে সে আবার প্রশ্ন করলে—এ “ঘুষি প্রহার” ও চপেটাঘাতের মানে কি,—কারণ কি হতে পারে—কিছু ভেবে দেখেছেন কি?”

গম্ভীর ভাবে সাহেব জবাব দিলেন “বোধহয় তোমার কথা যা লিখেছিল ওরা—সে মিথ্যা নব্নে ষরদাস্ত করতে পারে নি।” মাথা নীচ করে কিরণ একটুকুণ মাটিরদিকে তাকিয়ে যেন—তার অতীত জীবনের কথাগুলো এক নিমেষে মনে করে নিল, লজ্জা আর রাগে সমস্ত মুখখানা তার রাক্ষা হয়ে এসেছিল তারই জন্যে নিরপরাধ নির্দোষ ন'ব্নের বারে বারে এই দুঃখ বরণ? গাঁ-ছাড়া বাড়ী-ছাড়া করে সেই শেষে তাকে জেলে পাঠালে? কিরণ ধাঁ বরে উত্তেজিত হয়ে উঠলে:—সে মাথা উচু করে দীপ্ত দুই চোখ বিস্ফারিত করে সাহেবের মুখের দিকে তাকিয়ে ব'ল্ল—“তাই যদি হয় আমিও ছাড়বোনা এর শোধ না নে'য়া পাপ। বাবা আপনি ব্যবস্থা করুন—আমি মোবদমা করবো—আপান উকীলের নোটাশ দিন।” “তুই রাজী তা হলে? বাস্।” বলে তখুনি মোঃ গাফ্ফারকে এক চিঠি লিখে দিয়ে, তাঁর ডাঙা আর ব্যাগ নিয়ে সাহেব তৈরি হলেন—তারপর দিনই ক'লকাতায় রওনা হবেন।

দিন।

জেলেও সেদিন রবিবার। করেদীদের সঙ্গে—বাইরের লোক কেউ'ইছে ক'রলে রবিবারে দেখা ক'রতে পারেন। জেলারবাবু এসে ন'ব্নেকে খবর জানালেন যে একজন কে তাঁর সঙ্গে দেখা ক'রতে আসবেন। ন'ব্নে ভাবলো—খবর পেয়ে সাহেবই বুঝি আসছেন। সাহেবের কথাটা মনে প'ড়েই ঘাড়ে পিঠে তার জেলের শাস্তি ঘানর ব্যথাটা যেন হঠাৎ টাটিয়ে উঠলো—নারকোলের ছোব্ড়া টেনে টেনে হাতে ধা হ'য়ে গিয়েছিল—দুই হাতে তার বুঝি আর একটা শিশুর হাতের বলও নেই। তার বড় স্নেহশীল আশ্রয়দাতা সাহেব আসছেন—তার এ ব্যথা যে শুধু বিখে তার—একজন দরদী—সে তিনিই বুঝবেন! ন'ব্নে জেলারবাবুকে মুচ'কী হেসে ধন্যবাদ দিল।

খানিকটা পরে ওয়ার্ডার এসে ব'ল্ল—তিনি এসেছেন। উৎসুক ন'ব্নে তাকিয়ে দেখে—“মোন্নাতা।” মনটা অনেকখানি মিইয়ে গেল। মোন্নাতা বিশেষ কিছু ভূমিকা না ক'রে—সোজাসুজি সাহেবের চিঠিখানা তার হাতে দিয়ে—চুপ ক'রে দাঁড়িয়ে রইল। ন'ব্নে প'ড়লো—

“উদ্ধার আশ্রম।”

ঠিকানার নামটা প’ড়েই ন’বনে চকিত হ’য়ে উঠলো। কিন্তু কিছু না বলে প’ড়ে গেল—

“উদ্ধার আশ্রম।”

“গুজরান।”

বোনি ভান্না,—

‘নন্দিতায়’ প’ড়লাম—ন’বনের জেল হ’য়েছে। আমি একবারও ভাবি নি “বয়” ধাঁ করে এ রকম একটা মারামারি করে ব’সবে। কাজটা সে ভাল করে নি। আমাদের যা দিন-গুজরানী হাল—তাতে যতটা সম্ভব নিজেদের এড়িয়ে, বাচিয়ে চলাই বুদ্ধিমানের কাজ! সে কী জানে না—আমি নন্দিতার সম্পাদকের কোনো কণার কোনো দিন প্রতিবাদ করি নি? তার একটা মানে নিশ্চয় আছে। এবার তো দেখছি—পুলীশের ডেকী, পটিকটিকি সব আমাদের পেছনে জেঁকের মতন লেগে ব’সবে। ব্যাপারটা ঢাক পিটিয়ে “রাষ্ট্র” করা হ’ল। দোমহলা কোঠীর ভড়ং জাঁকিয়ে রেখেও তাদের শোন দৃষ্টি থেকে রেহাই পাওয়া যাবে না—কাজের নানা ব্যাঘাত ঘটবে! তবে সম্পাদকেরও শেষ বনিয়ে আসছে—সে কথা নাক। তুমি জেলে ন’বনের সঙ্গে দেখা করে এ চিঠি দেগিও। পরশু র’ববার তুমি ভোরেই যাবে। আমি ৮টার ট্রেনে ক’লকাতায় নেবে বরাবর জেলেই গিয়ে তাকে আশীর্বাদ করে আসবো। ইতি—

শুভানাজী

তোমার—সাহেব।

ন’বনে পড়া শেষ করে ভান্নার হাতে চিঠিখানা ফিরিয়ে দিয়ে—বড় বড় ছই চোখে তার মুখের দিকে একবার তাকালে। তার নির্ঝাক সে দৃষ্টির মানে ভান্নার কাছে কেমন কিছু স্পষ্ট হ’য়ে এল না। ভান্না চিঠিখানা জড়িয়ে লক্ষেটে রেখে দিয়ে বলে;—“সাহেব আসবেন ন’বনে।”

ন'ব'নে শুধু সজ্জপে উত্তর দিল ;—“হ্যাঁ” ।

তার মনের মধ্যে তখন কতকগুলো বিরুদ্ধ ভাব আর ধারণায় একটা তোলাপাড়া উত্থাপ হ'য়ে এসেছিল। সে ভাবছিল—আমি কি তাহলে খামখা নন্দিতার সম্পাদককে মেরেছি ! সে দেখেছি—সত্যি কথাই লিখেছিল। এইতো সাহেব নিজেই ঠিকানা লিখেছেন—“উদ্ধার আশ্রম”। আশ্রম একটা তাঁর তা হলে আছে। হঠাৎ ন'ব'নে ব'ল্ল—“দেখি চিঠিখানা—আর একবার !”

ভান্না—চিঠি বার ক'রে দিলে—এক দৃষ্টিতে—“উদ্ধার আশ্রম” ঐ একটা কথার দিকে দেখতে—লাগলো। মনে হচ্ছেল চিঠি পড়ছে কিন্তু ন'ব'নে ততক্ষণ ভাবছিল—কিরণ তরুণী ;—মনকে পড়া মুখস্ত ক'রিয়ে শাসন করার বল—তার কাঁচা হৃদয়ের মধ্যে নেই ! এবং ভোগ আর লালসার তৃষা তাকে আকর্ষণ পিপাসিত ক'রে তুলেছে—সেই তৃষা মেটাবার জন্যেই কি সাহেব তাকে নিয়ে গিয়েছেন ? যদি তাই না যাবেন—ত'ব আনাকে সবকথা স্পষ্ট ক'রে ব'ল্লেন না কেন ? “নন্দিতার” সম্পাদক সব খবর জানে ! নিশ্চয় তাই এ নিশ্চয় !

চট ক'রে অস্থির হ'য়ে উঠে ন'ব'নে মোহা ভান্নাকে জিজ্ঞেস ক'রলো ;—“উদ্ধার আশ্রমে—কারা থাকে ?”

ভান্না হেসে উত্তর দিল ;—“জনকত হতভাগিনী ।”

“মানে—বেশ্যা ?”

ভান্না—সুস্তিতের মতন গম্ভীর হ'য়ে গিয়ে, ব'ল্ল—“ছি ন'ব'নে ! তুমিও নন্দিতার সম্পাদকের কথাই বিশ্বাস ক'রছ !”

ন'ব'নে আর কিছু জবাব দেবার আগেই—সাহেব ঘরে ঢুকে—তাকে বুক জড়িয়ে ধু'রলেন। কিন্তু এ সময়ে গদগদ আলিঙ্গনও আজ ন'ব'নের এই অকস্মাৎ বিদ্রোহী অন্তরাঘ্নার তুসুল আন্দোলন শাস্ত ক'রতে পারলো না।

সাহেব কি কি হ'য়েছিল—ন'ব'নের কাছে সব কথা শুনলেন। তা'পর ব'ল্লেন “ওঃ! বয়, জেলের কষ্ট যে তোমার সহ হবে না—পিঠটা ভেঙ্গে প'ড়বে! বড় ছেলে-মামুষ বয়,—তোমরা বড় ছেলেমামুষ!”

বুড়োর গালের ওপর দিয়ে চোখের জল গড়িয়ে এল। ওয়ার্ডার হাঁকলো—“টাইম হো গেয়া।”

বার দিন পরে তার খালাস হবার দিন—সাহেব আবার আসবেন ব'লে ভান্নাকে সঙ্গে ক'রে জেল থেকে বেরিয়ে এলেন—সেদিন তিনি নাকি ন'ব'নেকে বুক ক'রে নিয়ে যাবেন। ..

আজ সাহেব—একবারও হো হো ক'রে হাসলেন না। সে সরল সহাস ভাবের বদলে তাঁর সে দিনের গম্ভীর গুরু ব্যবহারটা ন'ব'নেকে আরো সন্দেহান ক'রে তুল্লো। তার কাছে মনে হ'ল—সাহেব যেন আর সে সাহেব নেই! তাঁর প্রথম দিনের প্রতিজ্ঞা ও এতদিনে তিনি ভাঙলেন! আনায় সাহেব কোনো দিনও কড়া কথা ব'লে শাসন ক'রবেন না ব'লেছিলেন কিন্তু আজ তিনি স্পষ্ট ক'রে লিখলেন—কাজটা আমার ভাল হয় নি। শুধু দু-ফোঁটা চোখের জলকে তাঁর প্রাণের সহানুভূতি ব'লে আজ আমি নিতে রাজী নই। আমি তো তাঁর সুনামে বা পাছে কালি পড়ে—সেই ভয়ে সম্পাদককে শিক্ষা দিয়েছি—কিন্তু সম্পাদক তো মিথো কথা বলে নি। তাই সাহেব আজ আমার কাজটা অন্যায় ব'লে গেলেন। বালোর সে উচ্ছ্বাল, বঘাটে মনোবৃত্তিটা তার আজকের এই আন্দোলিত মনের মধ্যে অনাহত জেগে উঠে ন'ব'নেকে চঠাং বিচলিত ক'রে তুল্লো সে ভাবলো যে সাহেবের সে অতি বড় গলগ্রহ! এ অকারণ ধারণাটা কিছুদিন থেকেই তার মনে যাহু খেতে শুরু ক'রেছিল। সাহেবের কথা তার কাছে আজ তাকেই শাসন ব'লে মনে হ'ল। সে বিশ্বাস ক'রলো—কিরণকে সাহেব—“কুকার্যোই লিপ্ত” ক'রেছেন! আমি কি তাকে নরক থেকে এনে আবার পাপেরই পঙ্ক-কুণ্ডে ফেলে দিলাম।

শেষ মুহূর্ত পর্য্যন্ত সে প্রতিজ্ঞা ক'রে ব'ল্লো—সাহেবের দো-মহলা বাড়ীতে তাঁর অনাবশ্যক গলগ্রহ হ'তে সে আর ফিরে যাবে না! তবে? আবার অনাহার? আবার ক্ষিধে? আবার মুটেগিরির শিক্ষানবিশী? তা যাই হোক—সে দেখা যাবে! কিন্তু ঈশ্বর, যদি তুমি থাক—

তা হ'লে এই ভিক্ষা মঞ্জুর ক'রো—সাহেব এসে পৌছোবার আগেই খালাস পেয়ে আমি যেন জেল থেকে বেরোতে পারি।

ভোর ছটার ন'ব'নে মুক্তি পেলো। তাড়াতাড়ি এক রকম ছুটে চ'লেই, সে একটা গলি রাস্তার ভেতর গিয়ে প'লো। খুঁ সতর্ক সে চ'লেছে যেন সাহেব কোনো মতে তার সন্ধান না পান। অনেকক্ষণ হেঁটে মেছোবাজারের মুচী-বস্তীতে এসে হাজির। বুড়া একজন জুতোর গুস্তাগর কেবল দোকান খুলে তার বাটাল তুরপাণ গুছিয়ে রাখ'ছিল। ন'ব'নেকে দেখেই উঠে গিয়ে হেঁট হ'য়ে সেলাম ক'রে ব'ল্লে—“বহু দিন সে বাবাকো ভেট নেহি—জিউ আচ্ছা হায়?”

“হ্যাঁ বেশ আচ্ছা হায় বুড়া” ব'লে ন'ব'নে দোকানে উঠে গিয়ে—বুড়োর হাতখানা দু'হাত দিয়ে ধ'রে আপ্যায়িত ক'রলে। বুড়া মুচী আফ্লাদে, কৃতজ্ঞতার গ'লে গেল। দু'হাত দিয়ে আবার সেলাম ক'রে ন'ব'নেকে তার দোকানের পাশে বসালো। এই সব দিন-কামিলা, মজুর মিস্ত্রীরা, সাহেব, মোস্তাভারা আর ন'ব'নের বন্ধু, মরমী পরমাশ্রী। এদের ঘরে ঘরে রোগে শুশ্রূষা, ক্ষিদেয় খাবার, উৎসবে উপহার নিয়ে গিয়ে এদের সুখ-দুঃখকে নিজেদের ব'লে মেনে নিয়ে ছোটলোকের এরা রাজা হ'য়ে ব'সেছিল।

ন'ব'নে বুড়োর দোকানে ব'সে ব'সে তার কাজের ওপর ফেলে রাখা একপাটা জুতোর হাপসোল লাগাতে লেগে গেল। বুড়া “হো হো” ক'রে প্রাণখোলা আনন্দে হেসে নিজে আর একপাটির কাজ ধ'লে। হাপসোল শেষ হ'লে ন'ব'নে বুড়োকে জুতো দেখিয়ে জিগ'গেম ক'রলে—“ক্যায়সা ছয়া ওস্তাদ?”

বুড়া তার হাতিয়ারের বাস্র থেকে চামড়া বাঁধা মোটা কাঁচের চন্মা যোড়া বার ক'রে চোখে দিয়ে—ঘুরিয়ে ঘুরিয়ে জুতো পাটা দেখলে একটু,—একটু এক একবার হাসলে—তা'পর ব'ল্লে—“উম্দা ছয়া বেটা।”

ন'ব'নে ব'ল্লে—“এ বুঢ়ুরা বাপ,—হায় আয়া আজ খোড়া ভিক্ মাস'নে—দেগা?”

মুচী আবার হেসে ব'ল্লে—“কেয়া ভিক্—বোল—দেগা—আজ রাজাকো সোণা দান দেগা।”

ন'ব'নে একটা পুরোণো চামড়ার থ'লে—আর এক প্রস্থ হাতিয়ার ভিক্ষা চাইলে । বুড়ো তখনি উঠে গিয়ে সব যোগাড় ক'রে আনলো ।

এর মধ্যে ন'ব'নে ঐ দোকানের ওপর ব'সে-ব'সে ধুলোয় ব'সে তার কাপড় জামাটা বতটা সম্ভব কালো ক'রে নিয়েছিল ।

বুড়ো তোড়যোড় যন্ত্রপাতি এনে দিলে ন'ব'নে থা'টি খোঁটাই ধরণে কাপড় প'রে চামড়ার থ'লে বগলে তুলে নিয়ে হেসে রাস্তার বেরিয়ে প'ল । “লা—ব্রিস্—স্ স্ ।” খানিক দূর গেলে এক ছোকরাবাবু ডাকলেন—“তার সেলিনে ক'ড়ে আঙুলের কাছে ফুটোটার তালি দিয়ে—কালি লাগাতে হবে ।

ন'ব'নে ওস্তাদ জুতো মিস্ত্রীর মত, থলিয়া থেকে চামড়া হাতিয়ার বার ক'রে নিয়ে ব'সে—বেমানুম তালি জুড়ে কালি ঘ'ষে দিল ।

ছোকরা জুতো পাটা বার প'চ সাত উটে পাণ্টে দেখে ব'ল্লেন—“এ কি ক'রেছিস রে—কি সেলাই দিয়েছিস ?”

ন'ব'নে ব'ল্লে—“আচ্ছা তো হয় তজুর ।”

“খাম খাম বেটা,—কিছু জানিন্নে জুতো পাটাই আমার নষ্ট ক'রেছিস ।”

“নেহি বাবু আচ্ছা হয় বড়িগা তালি কস্ দিয়া ।”

“হ্যা—খুব বড়িগা তালি দিয়েছ—আর কালি যা দিয়েছ—মাঝে মাঝে ত সাদাই র'য়েছে ।”

ন'ব'নে কিন্তু বরাবর সমান টেনে ঘ'ষে, চক চ'কিয়ে কালির জেলা তুলে দিয়েছিল । বাবু ব'ল্লেন—“নে, বেটা ৪ পয়সা—যা ।”

ন'ব'নে ব'ল্লে—“ছে পয়সা কা বাত রহা—আতি চার পয়সা ।”

“ঐ প'টের দিয়েছি—যা সেরেছ জুতো—ন'ব'নে মানে বুঝলো—ঐ ছটো পয়সা । কিছু না ব'লে পয়সা চারটে নিয়ে আবার হেঁকে চ'ল্লো—“লা ব্রিস ।”

সারাদিন ঘুরে—তার দেড় টাকা রোজগার হ'ল। এক বাঙালী হোটেলে দশ পরসার ভাত খেয়ে ফুল বাগানে বস্তীতে গিয়ে ঘুমোলো।

লা ত্রিস্ ক'রে মাস খানেক গেল। পুঁজি যা হ'ল তাই দিয়ে আর কিছু দোকানে বাকী রেখে খানকত কাপড় আর চার পাঁচটা ব্লাউজ কিনে ন'ব'নে বেরোলো—বাড়ী বাড়ী ফিরি নিয়ে—“ভাল ভাল কাপড় চাই—সাড়ী চাই,—সেমিজ, বডি চাই”—

কত তরুণী—কাকন বাজিয়ে বেরিয়ে এসে হাতছানি দিয়ে কাছে ডাকলেন। নেবেন না যিনি তিনিই ষাঁটলেন বেশী। দশ আনার জিনিষ দর ক'রছেন চার আনা।

ন'ব'নে হাঁকলো—“ভাল ভাল কাপড় চাই—সাড়ী সেমিজ।

ঘোমের মেজবউ মিশিঘষা দাঁত বার ক'রে—হেসে ফুলদার ব্লাউজ একটা' কিনে প্রতিবেশী টগরোর মাকে দেখালেন। টগরোর মা কিনতে পাল্লেন না ব'লে এঁকটা দীর্ঘ নিশ্বাস ফেলে ব'ললেন—“বেশ হ'য়েছে—তো'র রঙে মানাবে চমৎকার!—আমাদের মিলে—আট খোয়ারী হোক ডাকরার একটা পরসা পাবার যো নেই গয়না গাঁটা তো হ'লই না—একটা যে জামা গায় দোব তাও পোড়াকপালে নেই।”

এক স্নানরী তাঁকে আশ্বাস দিলেন—“কি করবি ভাই, গরীবের ঘরে প'ড়েছিস।”

ন'ব'নে শুনে একবার মনে মনে হেসে অমুকরণ করা ঝাঁঝে বাজানো গলার আবার হেঁকে চ'ললো—“সেমিজ, বডিস চাই—ভাল ভাল কাপড়—ড”—

এরপর “চাই”—এর—“ই”র খাদের রিসটা সহরের কোলাহলে মিলিয়ে যাচ্ছে।

এদিকে সাহেব, অঁতি পাঁতি খুঁজে ফিরছেন—কোথায় ন'ব'নে—কই ন'ব'নে? জেলখানায় তাকে না পেয়ে সাহেব বাড়ী ফিরেছিলেন—কিন্তু ন'ব'নে তো ফেরে নি! সেই থেকেই সাহেব খুঁজে খুঁজে ফিরছেন। তাঁর বুকটা থেকে থেকে ভরে কেঁপে ওঠে—নু'ব'নে—তাঁর “বয়”—অপঘাতে মরে নি ত? বুকের ওপর তখন একটা বড় যন্ত্রণা মর্মান্তন হ'য়ে ওঠে। সাহেব দিন রাত ক'রে—পাগলের মত ঘুরে ঘুরে—ন'ব'নের সন্ধান ক'রছেন—কিন্তু ক্রি

আশ্চর্য্য!—অমন বাহাদুর খুঁজিয়েও এ ছোকরার কোনো সন্ধান ক'রতে পাচ্ছেন না। সেও অতি সাবধানে সাহেবকে এড়িয়ে ফাঁকি দিয়ে ফিরছে!—ন'ব'নে ছ'দিন এক বস্তীতে থাকে না—এক হোটেলে খায় ন—এক পথে ফিরিতে বেরোয় না—গলি খুঁটি দিয়ে তার চলাচল। সে চলার তার—দেহে কিছু খেদ,—কি মনে কোনো ক্ষোভ নেই। এক একবার শুধু বড় শাস্ত হ'য়ে পড়ে যখন—সাহেবের হো হো হো হাসিটা গুন্তে ইচ্ছে করে।—ব্রাহ্মণের মাহুরের ওপর গুয়ে কোনো কোনো দিন যখন অনেকক্ষণ ঘুম হয় না—সাহেবের বুক লাগে। গভীর রাতে অনেক দিন আচম্বিতে মনে প'ড়ে সে চঞ্চল হ'য়ে ওঠে—ইজেলের ওপর সেই ছবিখানা যে—অসমাপ্ত ফেলে চ'লে এয়েছে—তারি টুকটাক বাকী রেখা ক'টা টেনে শেষ করবার জন্যেই কি তার আর একবার ফিরে যেতে হবে—সাহেবের বাড়ী? না। আর নয়। এতকাল পরের—এ মধুর মুক্তি, বাধন আলাগা খোলাপাওয়া। এই অবাধ স্বচ্ছন্দ জীবনের—এ স্বাধীনতা আর ইচ্ছে ক'রে—হারানো না। সাহেবের বাড়ী দিগে গিয়ে সেখানকার সৌখীন বাধাবাধির ভেতর—আবার জাল-ফাঁসে আটকিয়ে পড়া—আর কিছুতেই হ'তে পারে না। ঐ বাড়ী, গাড়ী, খানসামা, খেদমংগার—এ সব ভোগ ক'রে—ওরকমের কুড়িয়ে পাওয়া রাজগী করা—ন'ব'নের কাছে সখের যাত্রার দলে ভাড়াটে রাজার পাট করার মতই একটা প্রকাণ্ড ঠাট্টা ব'লে মনে হ'ল। এতদিন পরে আবার তার মনে অনেক দিনের হারানো কৈশোর এসে হানা দিল—মণ্টু যেন তার কাছে চেপে ব'সলো। সে দিনের একগুঁয়ে বয়াটে বুদ্ধি—এতদিনে আবার তার মনের তন্ত্রাটাকে ঝঙ্কার দিয়ে বাজিয়ে তুলেছে।

কদিন পরে নিশ্চিন্ত, উদাসীন—ফিরি নিয়ে হেঁকে বেরোলো —“সাড়ী সেমিজ চাই”—। রাজধানীর রাস্তায় সারাদিনই জন-যানের একটানা চলাচল—ন'ব'নেরও গলায়—একঘেয়ে সুর—সেও দিনমানই হেঁকে চ'লেছে—“সাড়ী, সেমিজ চাই—ভাল ভাল বড়ি”—এ পথ থেকে,—ওপথ,—এ গলির ভেতর দিয়ে—বড় রাস্তার মোড় পর্য্যন্ত।—ঐখানে ট্রামের রাস্তা,..... বেলা তখন প্রায় তিনটে ন'ব'নে হাঁকলো, “ভাল ভাল কাপড়—ড'ড়”—ওদিকে ট্রামের পাশে এক ছোকরা সেই সুরের সঙ্গেই চেঁচিয়ে উঠলো—“মাসিক দেয়ালী” বাবু ছ'আনা—একখানা—এ মাসে নবনীবাবু গল্প বেরিয়েছে—নতুন গল্প—“জেল কয়েদী।”

হঠাৎ কথাটা শুনে ন'ব'নে আফ্লাদে ঝিঞ্জের মনে নিজেরই একবার হেসে উঠলো—ওধার থেকে তাড়াতাড়ি ট্রামের কাছে এসে ১০ আনা দিয়ে একখানা কাগজ কিনলে। ইচ্ছে তখনি খুলে পড়ে ;—কিন্তু মাথায় তার ফেরীর সওগাৎ—হাতে কাগজ একমনে প'ড়তে প'ড়তে যদি ছম্ভি খেয়ে গিয়ে কারো ঘাড়েই পড়ে। ন'ব'নে কাগজখানা ব'গলে নিয়ে—হেঁকে চ'ললো—“সাড়ী—সেমিজ ।”

খানিক দূর দিয়ে—আবার ইচ্ছে হ'ল দেখি কাগজটা। বগল-তলা থেকে “দে'য়ালী” টেনে বার ক'রে খুললো—বিজ্ঞাপনের প্রথম পৃষ্ঠাটাজেই দেখে লেখা র'য়েছে—বড় বড় অক্ষরে ছাপা—“বয়! বয়! বয়!” ন'ব'নে আগাগোড়া প'ড়লো—“বয়, বিষম বন্ডায় দেশ ভেসে গিয়েছে—আমাদের ডাক এসেছে, ভাঙ্গা আর আঁধি হ'জনেই ক'লকাতা ছাড়'লাম। তুমি যদি বেঁচে থাক আর ক'লকাতায় থাক—কি যেখানেই থাক ক'লকাতায় এসে এখানকার কাজ চালাবে।

তোমার শুভাকাঙ্ক্ষী—সাহেব।

ন'ব'নের মনে চিন্তার ধারা এক মুহূর্তেই উন্টো বইতে সুরু হল। কৈশোরের নিকট বৃদ্ধি আবার তাকে বয়সে বানিয়ে তুলেছিল—হঠাৎ তা যেন উপে গেছে—ঘাড়ের ওপর সে উল্লুক বৃষ্টি আর নেই। ন'ব'নে ফিরি নিয়ে মুখ ফিরিয়ে—হেঁকেই চ'ললো—“সাড়ী, সেমিজ চাই,”—মুখে সে বলছে—ভাল ভাল কাপড় মনে মনে ভাবছে—“না—সাহেব আমার ডের ক'রেছেন—তাঁর অনেক খেয়েছি—এ ডাকে আমার সাড়া দিতেই হবে। কিন্তু বন্যা হ'ল কোথায়? খবরের কাগজ ও পড়িনে দেশের “হাল-চালও কিছুই জানিনে।” ভাবতে ভাবতে সাহেবের বাড়ীর কাছে এসে—ন'ব'নে—অভ্যাস মতই ডাকলো—“সাড়ী সেমিজ”—ডাক হেঁকে ঝরাবরু ভেজরে ঢুকতে যাবে—অম্নি দারোয়ানও হাঁক দিয়ে উঠলো—“এইও কাঁহা যাতা হ্যায়?”

ন'ব'নে হেসে ফিরে দাঁড়িয়ে ব'ললো—“সেলাম—দারোয়ানজী, জিউ আচ্ছা হ্যায়?”

দারোয়ান চাকতে আশ্চর্য্য হ'য়ে গিয়ে ব'লল—“আরে—ই কোঁহা—ছোট বাবু।” হো হো ক'রে হেসে ন'ব'নের মাথার ওপর থেকে বেসাতির বোঝাটা টেনে নামিয়ে ব'লল—“একদম বেমানুমম লুগাবালা বনু গেধা হজুর! সেলাম।”

ন'ব'নে জবাবে জিগ্গেব করিলো—“সাহেব কবে গেছেন—দারোয়ান ?”

“আজ পাঁচ রোজ আব'গা আস্তে কুন্ডী চাবি তামাম কুচ হামরা পাশ দে' গিয়া ৭৫ বি ছোড়্ গেরা একাঠো ।”

“আচ্ছা দাও” ব'লে ন'ব'নে চাবি চিঠি নিয়ে ভেতরে ঢুকে প'ল—দারোয়ান তার ফেরীর মাল সাড়ী সেমিজ নিয়ে তুলে রাখ'লো ।

ক্রমশঃ—

শ্রী বিমলচন্দ্র চক্রবর্তী ।

আনুমনা ।

—❀—

কাহার লাগি' উদাসী মন

আজ শরতের ভোরের বেলা

হিমের চুমু হার' মেনেচে

—গরম ছোঁয়ার চাইচে খেলা !

মনের কোণের কোন্ কামনার—

ফুট্চে পরাগ—ঝর'চে নীহার

পথের মাঝে কুড়িয়ে পেলু

মাণিক-পাথার-লক্ষ-মেলা ।

বাঁশরী তার স্তূদুরে হতে

নীল সাগরের অলখ' পারে—

আজকে কেন একলা ঘরে—

করু'চে অঘোত বৃকের ঘরে ।



বসি রেখায় ভোজ্য অরুণ
হাসিতে আঘাত সোহাগ করুণ
রঙের খেলায় পালক নাড়ি

অঙ্গী আঁচাইতে পারে।

বন্দে আলো।

বড়দিন।

— ❦ —

(ভগবান্ শ্রীশ্রীযীশুখৃষ্টের জন্মদিন অথবা
ভগবান্ শ্রীশ্রীস্বর্ষের জন্মদিন ?)

এখন আমরা ছোট বড় সকলেই বেশ জানি যে ইংরাজী অথবা খৃষ্টীয় বৎসরের শেষ মাস অথবা ডিসেম্বর মাসের ২৫শে তারিখে খৃষ্টানদিগের ভগবান্ শ্রীশ্রীযীশুখৃষ্টের (মুসলমানগণের ইশা মসীহ পয়গম্বরের) জন্মতিথির উৎসব হইয়া থাকে। এ বৎসর ~~খৃষ্টান~~ সৌর পৌষমাসের ১০ দশম দিবসে এই উৎসব ঘটয়াছে। ইংরাজেরা এই উৎসবকে “খৃষ্টমাস” (Christmas, অথবা সংক্ষেপতঃ X'mas) বলিয়া থাকেন। বাঙ্গালীরা এই খৃষ্টানী পর্বকে “বড়দিন” বলেন এবং বাঙ্গালা দেশের পত্রিকাতে “খ্রীষ্টমাস্ ডে। (বড়দিন)” বলিয়া ইহার নাম-করণ হইয়াছে।

ইংরাজী Christmas শব্দের উচ্চারণ Crisimas এবং সাধারণ ইংরাজী অভিধানে ইহার অর্থ “Festival of Christ's birth, 25th December” (খৃষ্টের জন্মোৎসব, ২৫শে ডিসেম্বর) লিখিত হইয়াছে। ইহার প্রকৃত অর্থ, “Cristes masse” (the Mass or Church-festival of Christ), খৃষ্টান্ ধর্মসভার উৎসব। এখনকার খৃষ্টানের

বিশ্বাস করিয়া থাকেন। প্রভু যীশুখৃষ্ট ২৪শে ডিসেম্বর তারিখের মধ্যরাত্রির পর তাঁহার জননী গর্ভ হইতে জন্মিত হইয়াছিলেন।

কিন্তু, ইহাকে “বড়দিন” বলে কেন? খৃষ্টান্দিগের প্রধান পর্ব দিন অর্থাৎ Day of the Great Festival বলিয়া কি ইহাকে “বড়দিন” বলে, না ইহার অন্যরূপ অর্থ আছে?

“পি. এম. বাক্চি পঞ্জিকাতে” (এবং বঙ্গদেশ-প্রচলিত প্রায় সকল (১) পঞ্জিকাগুলিতে) এ বৎসর ৯ই পৌষ অথবা ২৪শে ডিসেম্বর তারিখের দিনমান ২৬ দণ্ড ১৯ পল এবং ৩৩ বিপল লিখিত আছে;—অর্থাৎ ঐ দিনই বৎসরের মধ্যে সর্বাপেক্ষা হ্রস্ব বা ছোট দিন এবং পরদিন ১০ই পৌষ অথবা ২৫শে ডিসেম্বর তারিখের দিনমান ২৬ দণ্ড ২০ পল এবং ৪৪ বিপল অর্থাৎ পূর্বদিন হইতে ১ পল ১১ বিপল বেশী লিখিত আছে এবং উক্ত ২৫ ডিসেম্বর হইতে অল্প অল্প করিয়া দিনমান বাড়িতে বাড়িতে ৮ই চৈত্র অথবা ২২শে মার্চ তারিখে দিনমান এবং রাত্রিমান ঠিক সমান অর্থাৎ ৩০ দণ্ড করিয়া বর্ণিত হইয়াছে। এই জ্যোতিষিক নির্ণয় হইতে দেখা যায় যে ২৪শে ডিসেম্বর (৯ই পৌষ) সর্বাপেক্ষা ছোট দিন এবং তাহার পর দিন ২৫শে ডিসেম্বর (১০ই পৌষ) হইতে দিনমান বৃদ্ধি পাইতে আরম্ভ করিয়াছে। অনেকে বলিয়া থাকেন, যেহেতু ২৫শে ডিসেম্বর

(১) বাঙ্গালা দেশের মধ্যে “বিশুদ্ধ-সিদ্ধান্ত-পঞ্জিকা” বিলাতী Nautical Almanac বা নাবিক পঞ্জিকার মতামুযায়ী এবং অনেকটা বিশুদ্ধতর প্রণালীতে গণিত বলিয়া পরিচিত। ঐ পঞ্জিকার মতামুযায়ী এ বৎসর ২০শে ডিসেম্বর (৫ই পৌষ) দিনমান ২৬।৪৪।১৫ ২১শে (৬ই পৌষ) ২৬।৪৪।৫, ২২শে (৭ই পৌষ) ২৬।৪৪।৫, ২৩শে (৮ই পৌষ) ২৬।৪৪।৫, ২৪শে (৯ই পৌষ) ২৬।৫৪।১৫ এবং ২৫শে (১০ই পৌষ) ২৬।৪৪।২৫ লিখিত আছে। এই গণনা প্রকৃত হইলে, ২১, ২২ এবং ২৩শে এই তিন তারিখের দিনমানই সমান হ্রস্ব এবং ২০শে ডিসেম্বর তারিখের দিনমান ও ২৪শে তারিখের দিনমান সমান (২৬।৪৪।১৫) হইয়াছে। এরূপ অবস্থায় ২৪শে ডিসেম্বর অথবা ৯ই পৌষ তারিখে এ বৎসর Winter solstice অথবা প্রথম “বড় দিন” হইয়াছে। ইংরাজী জ্যোতিষিক ভূগোলের মতে এই Winter solstice ২১শে ডিসেম্বরের কাছাকাছি পড়ে বলিয়া লিখিত আছে। “বিশুদ্ধ-সিদ্ধান্ত-পঞ্জিকা” মতে ১৮ই মার্চ, (৪ঠা চৈত্র) দিনমান ৩০।০।৩০ হইয়াছে।

তারিখ হইতে দিনমান প্রথম “বড়” হইতে থাকে, সেই জন্য ঐ তারিখকে “বড় দিন” এই নাম দেওয়া হইয়াছে। বিজ্ঞানগণের এই ব্যাখ্যাটি প্রথম দৃষ্টিতে বেশ মানানসই অথবা যুক্তিবৃত্ত বলিয়া বোধ হয় বটে, কিন্তু, এই ব্যাখ্যাতে একটি বড় “কিন্তু” আছে।

বঙ্গলা দেশের পত্রিকাগুলির গণক মহাশয়গণের গতে ২৪শে ডিসেম্বর (এ বৎসর ৯ই পৌষ) “সর্বাপেক্ষা ছোট দিন” লিখিত থাকিলেও প্রকৃতপক্ষে উহা “সর্বাপেক্ষা ছোট দিন” নহে। যে কোম “জ্যোতিষিক ভূগোল” খুলিলেই দেখিতে পাওয়া যাইবে যে বর্তমান সময়ে পৃথিবীর উত্তর গোলাধে ২০শে ডিসেম্বরের কাছাকাছিই ঐ “সর্বাপেক্ষা ছোট দিন” পড়িবে। তাহার পরে যে দিন প্রথমে দিনমান বড় হইতে আরম্ভ করে, সেই দিনকে ইংরাজীতে “Winter Solstice” বলে। আর্ষ-জ্যোতিষশাস্ত্রে আমরা অজ্ঞ ; তথাপি, যত্নের সন্নিহাছি, ঐ শাস্ত্রের মতে উহার নাম “মকরক্রান্তি” অথবা “উত্তরাংশ সংক্রান্তি” ; অর্থাৎ ঐ দিন হইতেই সূর্যের উত্তরাংশ আরম্ভ হয়। জ্যোতিষের মতে, তাহা হইলে, ২১শে ডিসেম্বর তারিখ হইতেই দিনমান প্রথম “বড়” হইতে থাকে এবং উক্ত ২১শে ডিসেম্বর তারিখকেই প্রকৃতপক্ষে “বড় দিন” বলা উচিত।

তথাপি এমন এক কাল ছিল, যে সময়ে পৃথিবীর উত্তর গোলাধে প্রকৃতই ২৪শে ডিসেম্বর তারিখে ঐ “ছোট দিন” এবং ২৫শে ডিসেম্বর তারিখে “Winter Solstice” পড়িত। খৃষ্টীয় তৃতীয় শতাব্দীতে (২৭৩ খৃষ্টাব্দে) ২৫শে ডিসেম্বর তারিখেই “বড় দিন” পড়িত এবং ক্রমশঃ এখন পিছাইয়া পিছাইয়া উহা ২১শে ডিসেম্বর পড়িতেছে। খৃষ্টানী উৎসবের প্রাচীন ইতিহাস পাঠে দেখিতে পাওয়া যায় যে খৃষ্টীয় চতুর্থ শতাব্দীতেই প্রথম এই ২৫শে ডিসেম্বর তারিখে খৃষ্টের জন্মদিন *The Christian Dies Natalis* বলিয়া গৃহীত এবং ঐ তারিখে তাঁহার জন্মোৎসব করিবার প্রথা প্রবর্তিত হইয়াছিল (২)।

এই Winter Solstice অথবা মকরক্রান্তিতে (বড় দিন) কেন যীশুখৃষ্টের জন্মোৎসব প্রচারিত হইয়াছিল ? সত্যই কি ঐ ২৪শে ডিসেম্বর তারিখের মধ্যরাত্রির অবসানে প্রভ যীশুখৃষ্ট তাঁহার জননী মেরীর গর্ভ হইতে ভূমিষ্ঠ হইয়াছিলেন ?

(২) Nelson's Encyclopædia, Vol. VI. P 133, Article, "Christmas."

যুরোপের পণ্ডিতগণ এ সম্বন্ধে অসুসন্ধান করিয়া এই বিষয়ের কোন ঐতিহাসিক প্রমাণ পান নাই। প্রকৃতপক্ষে প্রভু যীশুখৃষ্ট অদ্য হইতে ১৯২৫ বৎসর পূর্বে ২৪শে ডিসেম্বর, মধ্যরাত্রির পর যে জন্মগ্রহণ করিয়াছিলেন, তাহার কোন ঐতিহাসিক প্রমাণ নাই। আমাদের শ্রীরাম নবমী তিথিতে শ্রীশ্রীরামচন্দ্রের এবং জন্মাষ্টমী তিথিতে শ্রীশ্রীকৃষ্ণচন্দ্রের জন্মগ্রহণ সম্বন্ধে যেরূপ পৌরাণিক ঐতিহ্য চলিয়া আসিতেছে, প্রভু যীশুর জন্মের সেরূপ চিরাগত কোন ঐতিহ্যেরও সন্ধান এ পর্যন্ত পাওয়া যায় নাই।

প্রাচীন যুগে ভারতবর্ষের (প্রাচীন ভারতবর্ষের ভিতর পারস্য, বাবিলোনিয়া মেসোপটামিয়া, মিসর এবং পশ্চিম এশিয়ার গ্রীক বা যবন রাজ্যগুলিও ছিল) যাবতীয় সভ্যদেশে এককালে শ্রীশ্রীসূর্যদেবের পূজাচর্চার খুব প্রতিপত্তি ছিল। আমাদের বিষ্ণু ভগবান্ “সবিতৃ-মণ্ডল মধ্যবর্তী”, এবং ষিঞ্জমাত্রেয়ই নিত্য উপাসনার গায়ত্রী মন্ত্র “সবিতৃদেবেরই বরণ্য ভর্গের” মহিমা বিধোহিত করিতেছে। আমাদের দেশে বারটি সৌর মাসে সূর্যের বারটি নাম প্রচলিত আছে। ভবিষ্যোত্তর পুরাণাস্তরগত প্রসিদ্ধ “আদিত্যহৃদয় স্তোত্রে” মাঘ মাস হইতে ষষ্ঠ্যক্রমে সূর্যের নাম “অরুণ, সূর্য, বেদাজ, ভানু, ইন্দ্র, রবি, গভস্তি, যম, সুবর্ণরেতা, দিবাকর, মিত্র এবং বিষ্ণু” লিখিত হইয়াছে। ষাদশ মাসে ষাদশ আদিত্যের কথা এ দেশে বহু প্রাচীন কাল হইতেই সুপ্রচলিত আছে। শতপথ ব্রাহ্মণে লিখিত আছে, যে, যেহেতু সূর্য মাসে মাসে জীবগণের পরমায়ু “আদান” বা গ্রহণ করিতেছেন, এই জন্য তাঁহাকে “আদিত্য” বলে। পৌরাণিক মতে অবশ্য অদিত্যের পুত্র বলিয়া তাঁহার “আদিত্য” এই নাম হইয়াছে। অধিকতর প্রাচীন সময়ে সূর্যকে “অর্থমা, পুষণ (পুবা), মিত্র, হংস, বিষ্ণু, ইত্যাদি নামে পরিচিত করা হইত। এই “মিত্র” শব্দ প্রাচীন পারসিক দেশে “মিথ্রু” নামে এবং ক্রমশঃ “মিহির” আখ্যায় সূর্যকেই বুঝাইত। প্রথম খৃষ্টপূর্বাব্দে লিখিত “অমরকোষ” নামক অভিধানে সূর্যের নাম-পর্যায় “মিত্র” এবং “মিহির” উভয়ই লিখিত হইয়াছে। প্রসিদ্ধ রাজ্ঞী সুর-জহান্ বেগমের নাম “মেহের-উন্-নিশা” ছিল ; সেই “মেহের” ও “মিহিরের” রূপান্তর মাত্র। উহার অর্থ “নারীকুল-সূর্য।”

সেই প্রাচীন যুগের সর্বত্রই সূর্যের পূজা খুব আড়ম্বরের সহিত আচরিত হইত এবং সেকালে একমাত্র ব্রাহ্মণী জাতি নিরাকার পরমেশ্বরের পূজক ছিলেন। ২৫শে ডিসেম্বর তারিখে সেকালে দিন বড় হইতে আরম্ভ করিত বলিয়া ঐ দিনে সূর্যদেবের জন্মতিথির উৎসব হইত। দেশের

আপামর সাধারণ নরনারী খুব ঘটী করিয়া ঐ জন্মোৎসব করিতেন বলিয়া প্রাচীন গ্রন্থে দেখিতে পাওয়া যায়। কিলোকেলাস নামক এক প্রাচীন যবন বা গ্রীক জ্যোতিষীর পঞ্জিকায় দেখিতে পাওয়া যায় যে ২৫শে ডিসেম্বর তারিখে সূর্যের জন্মদিন (*Natalis Solis Invicti*) অবধারিত হইয়াছে (৩)। প্রসিদ্ধ পণ্ডিত ডাক্তার জে. জি. ফ্রাজার বলিতেছেন “যদি আমরা এক প্রাচীন টীকাকারের প্রদত্ত প্রমাণে আস্থা স্থাপন করিতে পারি, তাহা হইলে আমরা দেখিতে পাই যে গ্রীকেরা সে সময়ে ঐ ২৪শে ডিসেম্বর তারিখের মধ্যরাত্তির পর সূর্যদেবের জন্মতিথির উৎসব করিতেন এবং পুরোহিত মিত্রদেবের মন্দিরের গর্ভগৃহ হইতে বাহির হইতে হইতে চীৎকার করিয়া বলিতেন “কন্যা প্রসব করিয়াছেন! জ্যোতিঃ বাড়িয়া উঠিতেছে!” এক্ষণে, মিগের (মিত্রের) পুজকগণ যে তাঁহাকে সূর্যের সহিত অথবা ‘অপরাজেয় সূর্যের’ সহিত (*Sotrs Invicti*) অভিন্ন অথবা একই বলিয়া গ্রহণ করিতেন তাহার প্রচুর প্রমাণ পাওয়া গিয়াছে (৩)।

উক্ত সুবিখ্যাত পণ্ডিত বলিতেছেন, “বাইবেল পুস্তকে যীশুর জন্মদিনের কোনই সংবাদ পাওয়া যায় না, এবং সেই জন্য প্রাচীন সময়ের খৃষ্টানেরা খৃষ্টের জন্মতিথির উৎসব করিতেন না। ক্রমশঃ, ইজিপ্ট (মিশর) দেশের খৃষ্টানেরা জানুয়ারী মাসের ৬ই তারিখে খৃষ্টের জন্মতিথি বলিয়া মানুন্নিতে আরম্ভ করেন, এবং ক্রমশঃ ঐ তারিখে খৃষ্টের জন্মোৎসব করিবার রীতি বিস্তৃত হইতে থাকে এবং চতুর্থ শতাব্দেই প্রাচ্য দেশের (মিশর, এসিয়ামাইনর, ইত্যাদি দেশের) সর্বত্রই উহা সুপ্রতিষ্ঠিত হইয়া উঠে। অবশেষে, তৃতীয় শতাব্দীর অন্তিম সময়ে অথবা চতুর্থ শতাব্দীর প্রথম ভাগে, পাশ্চাত্যদেশের (ইটালী ইত্যাদি দেশের) ধর্মসঙ্ঘ ২৫শে ডিসেম্বর তারিখই খৃষ্টের প্রকৃত জন্মদিন বলিয়া স্বীকার করিয়া লন। পাশ্চাত্যদেশের ধর্মসঙ্ঘ কোন কালেই কিন্তু ৬ই জানুয়ারি তারিখের উৎসব করিতেন না। এটিওক নগরে (সিরীয়দেশের নগর, খৃঃ পূঃ ৩০০ অব্দে স্থাপিত) খৃষ্টীয় প্রায় ৩৭৫ অব্দের পূর্বে এই পরিবর্তন (৬ই জানুয়ারী হইতে ২৫শে ডিসেম্বর) গৃহীত হয় নাই। কিলোকেলাসের পঞ্জিকাতেই খৃষ্টমাসের পর্বের (সূর্যের

(৩) The Golden Bough নামক পুস্তকের “Adonis, Osiris, Attis” ভাগ, প্রণেতা—Dr. J. G. Frazer, D. C. L., Litt. D., LL. D. ; পৃষ্ঠা, ২৫৪—২৫৫ এবং উহার পাদটীকা দ্রষ্টব্য।

জন্মদিনের ?) কথা প্রথম দেখিতে পাওয়া যায় এবং এই পঞ্জিকা ৩৬৬ খৃষ্টাব্দে রোম নগরে প্রস্তুত হইয়াছিল।

“আমাদের খৃষ্টমাস অথবা খৃষ্টের জন্মোৎসব করিবার প্রথাটি অখৃষ্টান ধর্ম-সম্প্রদায়ের সহিত সংগ্রামের একটি চিহ্ন স্বরূপ বিদ্যমান রহিয়াছে,—এবং প্রতীতি হয় যে খৃষ্টান্ ধর্মসম্ম (চার্চ) এই অখৃষ্টান্ উৎসবটিকে সোন্সাম্মজি আয়নাং করিয়া লইয়াছেন। আমাদের ধর্ম-সম্প্রদায়ের কতীরা খৃষ্টের জন্মোৎসবটির অনুষ্ঠান কেন করিলেন ? সিরীয় দেশীয় এক খৃষ্টান্ লেখক এই উদ্দেশ্য সম্বন্ধে বেশ সরল ও স্পষ্টবাদিতার সহিত লিখিয়াছেন,—৬ই জানুয়ারী তারিখে যে জন্মোৎসবটি আচরিত হইতেছিল, তাহাকে ২৫শে ডিসেম্বর তারিখে পরিবর্তিত করিবার পক্ষে কতৃপক্ষের যে উদ্দেশ্য অথবা অভিপ্রায় ছিল, তাহা এই :—উক্ত ২৫শে ডিসেম্বর তারিখে অখৃষ্টান্ সম্প্রদায় সূর্যের জন্মতিথির উৎসব করিতেন, এবং সেই উৎসব উপলক্ষে আনন্দের পরিচায়ক চিহ্ন স্বরূপে আলো জালিতেন। খৃষ্টানেরাও এই উৎসব এবং আনন্দে যোগদান করিতেন। খৃষ্টান ধর্মের পাণ্ডারা যখন দেখিলেন যে এই উৎসবের উপর সাধারণের অত্যন্ত অশ্রদ্ধা রহিয়াছে, তখন তাঁহারা ভিতরে ভিতরে পরামর্শ আটিয়া স্থির করিলেন যে খৃষ্টের জন্মোৎসবের অনুষ্ঠান এই ২৫শে ডিসেম্বর তারিখেই করা হউক, এবং ৬ই জানুয়ারী তারিখে ‘এপিফানী’র উৎসব করা যাউক (৪)। সেই জন্য এই রীতির সহিত ৬ই জানুয়ারী পর্য্যন্ত আলো জালিয়া রাখিবার ব্যবস্থা প্রতিষ্ঠিত হইয়াছে। অগষ্টিন (৫) যে উপদেশ দিয়াছেন, ‘আমার খৃষ্টান ভ্রাতৃগণের পক্ষে অখৃষ্টান্ সম্প্রদায়ের লোকের মত ঐ তিথিতে সূর্যের জন্য উৎসব করা কখনই উচিত নহে, কিন্তু যান সূর্যের সৃষ্টিকর্তা, তাঁহার জন্যই (খৃষ্টের জন্যই) উৎসব করা উচিত’, তাহা হইতে দেখা যাইতেছে যে তিনি এই কথা স্বীকার না করিলেও বেশ পরিষ্কার ভাবে ইঙ্গিত করিয়া গিয়াছেন। এইরূপ, পোপ লিও দি গ্রেট ও যে লোকের বর্তমান বিশ্বাসকে, (খৃষ্টমাস উৎসব,

(৪) Epiphany, —a church festival celebrated on Jan. 6, in Commemoration of the manifestation of Christ to the wise men of the East.

— St. Augustine's Sermons CXC (Magnis Patrologia Latina, XXVIII, 1007).

খৃষ্টের জন্মের জন্য নহে, কিন্তু নূতন সূর্যের জন্মের জন্য করা হয় বলিয়া লোকের যে ধারণা আছে সেই বিশ্বাসকে) তিরস্কার করিয়া গিয়াছেন (৬), তাহা হইতেও এই অনুমান দৃঢ়তর হয়।

“অতএব, সূর্যের প্রতি অখৃষ্টান সম্প্রদায়ের যে ভক্তি ছিল তাহা খৃষ্টের প্রতি (যাহাকে ধর্মের সূর্য বলা হইয়া থাকে) লইয়া যাইবার জন্যই যে খৃষ্টান ধর্মসভ্য এই ২৫শে ডিসেম্বর তারিখে (তাঁহাদের সম্প্রদায়ের প্রবর্তকের) খৃষ্টের জন্মোৎসবের প্রতিষ্ঠা করিয়াছিলেন, তাহা দেখিতে পাওয়া যাইতেছে” (৭)

এই ২৫শে ডিসেম্বর তারিখে খৃষ্টমাস উৎসব অনুষ্ঠিত হইবার আরও একটি কারণের কথা কোন কোন খৃষ্টান লেখক বলিয়াছেন। তাঁহাদের মতে, ২৫শে মার্চ তারিখে যেহেতু যীশুখৃষ্টের স্বর্গারোহণের দিন, (ইষ্টার অথবা গুড্ ফ্রাইডে পর্ব) এবং যেহেতু তিনি ঠিক নির্দিষ্ট পূরাপুরি বৎসর (Exact number of years) এই ধরাধামে ছিলেন, সেই সূত্র ধরিয়া ২৫শে মার্চ তারিখে তাঁহার জননী-গর্ভে প্রথম অবতার (Annunciation পর্ব দিন) হইয়াছিল ; এবং সেই তারিখ হইতে ময় মাস গণনা করিয়া ২৫শে ডিসেম্বর তাঁহার জন্মদিন হয়। এই হিসাব এবং গণনা কতদূর প্রকৃত তাহা “ইষ্টার হোলী উৎসব” নামক প্রস্তাবে দেখাইবার ইচ্ছা আমাদের রহিল। (৮)

এখন প্রকৃত পক্ষে ২১শে ডিসেম্বর তারিখে কেন Winter Solstice পড়িতেছে এবং পূর্বে কেনই বা ২৫শে ডিসেম্বর তারিখে উহা পড়িত, তাহার উত্তর প্রদান করা গণিত জ্যোতিষের অধিকার ভুক্ত ; আমাদের সে অধিকার না থাকায় উহার উত্তর প্রদান জন্য আমরা জ্যোতিষী মহাশয়দিগের শরণাপন্ন হইতেছে। ৬শঙ্কিম বাবু তাঁহার “কৃষ্ণচরিত্র” গ্রন্থে মহাত্মারতের সময়

(৬) Leo the Great, Sermon XXII (Magnis Petrologia Latina, XVII, 614

(৭) Dr. Frazer সাহেবের Adonis, Osiris, Attis নামক উপন্যাসের প্রস্তাব ২৫৪ হইতে ২৫৬ পৃষ্ঠা হইতে এই প্রস্তাবের উপকরণ সংগৃহীত।

(৮) প্রচলিত মতে যীশুখৃষ্ট ঠিক ত্রিশ বৎসর কাল পৃথিবীতে ছিলেন।

নির্ধারণ প্রসঙ্গে কিছু আলোচনা করিয়াছিলেন। যদি কোন জ্যোতিষাভিজ্ঞ পণ্ডিত মহাশয় সাধারণ পাঠককে এ সম্বন্ধে কোন উপদেশ প্রদান করেন, তাহা হইলে বড় ভাল হয়।

আমাদের বক্তব্য আপাততঃ এই স্থানেই শেষ করিলাম,—“ইষ্টার পর্ব” এবং “বসন্ত বা হোলী উৎসব” উপলক্ষে এ সম্বন্ধে কিছু কিছু কথা পুনরায় বলিতে হইবে।

শ্রীঅখিলেন্দ্র ভারতীভূষণ।

নীলমাণিক ।

ওরে আমার নীলমাণিক !

গভীর রাতে ছিটকে পড়া

নীলমাণিকের টুকরোখানিক—

সকল বাধা বন্ধহারা

পাগলা-ঝোরার জর্গা-ধারা ;

আয় ছুটে আয় বন্ধে আমার

উথলে উঠা হাসির ফিনিক,

ওরে আমার নীলমাণিক ।

মৌ-বনে হায় লুকিয়ে ছিলি

ভোম্বরা হ'য়ে তুই কী ওরে—

মা যশোদার বুকে-চেরা-ধন

বাঁধলি আমার কিসের ডোরে ?

চপল তোরি পরশ ছোঁয়ায়
 অঙ্গে অঙ্গে হরষ জাগায় ;
 উষর মরুর বৃকের 'পরে
 বধা মেঘের টুকরোখানিক্ ;
 ওরে আমার নীলমাণিক !

শ্রীসরোজকুমার সেন ।

বর্মান্দেশে রমণীর সভ্যতা ।

—:(\$):—

বর্মান্দেশ ভারতের এক সীমাবর্তী—সমুদ্র ও পর্বত দ্বারা বঙ্গদেশ হইতে বর্মান্দেশকে পৃথক করা হয়েছে । চট্টগ্রামের সীমা ধরিয়াই ব্রহ্মদেশ । যে সকল স্থান চট্টগ্রামের অতি নিকটে সে সকলের সভ্যতা ও সামাজিক রীতিনীতি অনেকটা বাঙ্গালার মত । আবার খাটা ব্রহ্মদেশের সামাজিক রীতি, নীতি ও সভ্যতা সম্পূর্ণ পৃথক । আজ পঁচিশ বৎসরের পূর্বের কথা, আমি ব্রহ্মদেশে বেড়াইতে গিয়াছিলাম, সে কেবলই ভ্রমণের খাতিরে । ব্রহ্মদেশে তখনো বাঙ্গালী ভরপুর হইয়াছিল এখন ত কথাই নাই । আবার যে কবে বাঙ্গালীরা ঘরের ছেলে ঘরে ফিরিয়া আসিবেন তাহা অনির্দিষ্ট । ব্রহ্মদেশে বাঙ্গালী তাড়াইবার অ ইন হইয়াছে । এখন আর বাঙ্গালীরা সে দেশে রাজকীর চাকরী পায় না, সে দেশ হইতে বুঝি বা বাঙ্গালীর বাণিজ্য, স্বাধীন ব্যবসাদিও বন্ধ হইয়া যাইবে । বাঙ্গালীরাই ইংরাজের পক্ষ হইয়া ব্রহ্মের শাসন, সুবিধা বিষয়ে নানা প্রকার সুবিধা করিয়া দিয়াছিল আজ সে দেশে বাঙ্গালীর এই দশা, কি পরিভ্রমণের বিষয় ! আর এই হেতুতে ইংরেজ জাতিকে অনেকে অকৃতজ্ঞ বলিবে তাহা আশ্চর্য্য কি ! বাঙ্গালীরা ব্রহ্মবাসীর রাজনৈতিক গুরু কিনা তাই ।

যে প্রস্তাব করিতেছিলাম তাহারই বিষয় বলিব । ব্রহ্মদেশের রমণীরা রাস্তাঘাটে, হাট, বাজারে, সভা, সমিতিতে, ধর্ম্মমন্দিরাদিতে সর্বদা সর্বত্র স্বাধীন ভাবে বেড়াইতে পারেন । ইহা

ছাড়া তারা রেল, জাহাজে সর্বত্র একাকী ঘাইবার অধিকারী। ব্রহ্মদেশ অতি অল্পদিন হইলে স্বাধীনতা হারাইয়াছে, তাই তাহাদের রক্তে স্বাধীনতার তেজ এখনও বিদ্যমান। বর্ষারমণীরা স্বাধীনা হইলেও তাহারা কদাচ উচ্ছ্বল হইতে দেখা যায় না। আমাদের দেশে স্বাধীনা বলিলে উচ্ছ্বলতা বুঝায়। আমাদের ধাতে স্ত্রীস্বাধীনতা সর না, আমাদের রমণীগণ স্বাধীনা হইলে উচ্ছ্বল হইয়া পড়েন, ইহা আমাদের দুর্ভাগ্য। সে দেশে স্ত্রীস্বাধীনতা আছে, বিধবা বিবাহ আছে, বহুবিবাহও অপ্রচলিত নহে তবে আজকাল নাকি বহুবিবাহ কমিয়া আসিতেছে।

বেদান্তের সুপ্রসিদ্ধ পণ্ডিত ৩উমেশচন্দ্র বিদ্যারত্ন মহাশয়ের এক পুত্র ব্রহ্মদেশে আমার ভ্রাতার নিকট গিয়া বাস করিতেছিল। বিদ্যারত্ন মহাশয় আমাদের পরম বান্ধব ছিলেন। আমার ভ্রাতা রেশুণ হাইকোর্টের উকীল। তাঁহার সে পুত্র এক ব্রহ্মরমণীকে বিবাহ করে। সে যুবতী রূপগুণের অধিকারিণী ছিলেন। তাহার বিবাহের পর বিদ্যারত্ন মহাশয়ের পুত্র আমার ভ্রাতার গৃহত্যাগ করে অথবা আমার ভ্রাতাই তাকে গৃহবহিষ্কৃত করিয়া দেয়। বিবাহের পর বর্ষারমণীর প্রেমে পড়িয়া সে যুবক ভারি বাবু হইয়া পড়ে। সেই যুবতী তাকে সোনার ঘড়ি, চেইন, হীরার অঙ্গুরী আরো কত কিছু দিয়াছিল। কিছুকাল সেই যুবতীর গৃহে বাস করিয়া যখন সে জরে পীড়িত হয় ও খুব কাবু হইয়া পড়ে তখন আমার ভ্রাতা বিদ্যারত্ন মহাশয়কে কলিকাতায় সমস্ত অবস্থা লিখিয়া পত্র লিখিল। বিদ্যারত্ন মহাশয় সে পত্রকে গৃহে স্থান দিবেন কিনা এ ভাবনা তার ছিল। বিদ্যারত্ন মহাশয় সামাজিক হিসাবে উদার তাই তিনি পত্রকে কলিকাতায় তাঁহার বাসস্থানে পাঠাইতে পত্র লিখিলেন। পুত্র, সস্ত্রীক তাহার বাড়ীতে আসিয়া উঠিল—ব্রহ্মরমণীর সাজে। জাহাজে উঠিয়া সে যুবতী ব্রহ্মরমণীর পোষাক পরিত্যাগ করিয়া ব্রহ্মরমণীর সাজে সজ্জিত হইয়া কলিকাতায় আসিয়াছিল। তাহার স্বামীর নিকট সে বাঙ্গলা ভাষা শিক্ষা করিয়াছিল। তাহার স্ত্রীকে দেখিয়া তিনি একটা আপদ মনে করিয়াছিলেন। কিন্তু তাহার স্বভাবচরিত্রে ও তাহাকে সেবাপরায়ণা দেখিয়া পরিবারের সকল লোকই তাহার গুণমুগ্ধ হইয়াছিল।

আমি এক দিন কলিকাতায় গিয়া শুনিলাম বিদ্যারত্ন মহাশয়ের সে পুত্র মরণাপন্ন কাতর এবং কলিকাতার এক সভায় বিদ্যারত্ন মহাশয়ের সহিত দেখা হইলে সকল কথা জানিলাম। এক দিন সে রমণীকে দেখিতে গেলাম। গিয়া দেখি সে শব্যার পড়িয়া আছে, তাহার স্ত্রী তাহার

সেবা করিতেছে। আমি তাহাকে তাহার বেশভূষা দেখিয়া তাহার স্ত্রী বলিয়া চিনিতে পারি নাই, মনে করিলাম সে হয়ত বা তাহার ভগ্নি হইবেন। তাহার ভগ্নিদের আমি চিনি, জানি। মুখ দেখিয়া বুঝিলাম, ঠনি অপর কোন রমণী। বিদ্যারত্ন মহাশয়ের পুত্র যখন অতিকষ্টে উঠিয়া আমাকে প্রণাম করিল, তা দেখিয়া সে রমণীও আমাকে প্রণাম করিল। এই সময় রোগীর মা ও ভগ্নি আসিয়া নানা কথা জিজ্ঞাসা করিলেন। রোগীর বর্ষান্দ্রীকে দেখিতে চাহিলে তাঁহারা আমাকে এই রমণীকে দেখাইয়া দিলেন। এবং তাহার সমস্ত বিবরণ আমাকে জানাইলেন। *সে এখন সর্বদাই আমাদের দেশী পোষাকে থাকে। দেখিয়া আমার দয়া হইল, দু'দিন পরেই যে সে বিধবা হইবে ইহা আমার পক্ষে অসহ্য হইল। তখন গিয়া জানিলাম রোগীর যক্ষ্মা হইয়াছে। কিছুকাল পরে বিদ্যারত্ন মহাশয় গৃহে আসিয়া সেই বর্ষাবৃত্তীর শতমুখে প্রশংসা করিতে লাগিলেন।

একদিন বিদ্যারত্ন মহাশয়ের বাচনিক জানিতে পারিলাম তাহার সে পুত্র মারা গিয়াছে। আমি তাহাদের বাড়ীতে গেলাম। অন্যান্যের সঙ্গে সে ব্রহ্মবৃত্তীও বিধবার বেশে আসিয়া আমাকে প্রণাম করিল। আমি অনেক কথার পরে তাহাকে পুনরায় বিবাহ করিতে প্রস্তাব করিলাম। এই কথা শুনিয়া বিদ্যারত্ন মহাশয় কহিলেন “আমি ইহাকে বিবাহ করিতে অনেক বার কহিয়াছি তাহা ছাড়া তাহাকে তাহার পিতার কাছে বর্ষাদেশে পাঠাইয়া দিতে কহিয়াছিলাম কিন্তু সে আমাদের কাছে ছাড়িয়া যাঠতে চায় না। এ জন্য বেশী পিড়াপীড়ি করিলে সে কাঁদিয়া ফেলে। আমাদের পরিবারের সকলের নিকট সে বড় সেবাপরায়ণা আর আমি তাহারই সেবার স্বাস্থ্যরক্ষা করিয়া বাঁচিয়া আছি।” বর্ষারমণীর চরিত্রের নমুনা কতকটা ইহা হইতেও পাওয়া যায়। বৃত্তীর স্বামী অহ্লাদ করিয়া তাহার যে বাঙ্গালী নাম রাখিয়াছিলেন উহাই এখন প্রচলিত আছে।

বর্ষাবাসীরা মঙ্গোলিয়া জাতীয়। ইহাদের শরীরের বর্ণ পীতভ, নাক ও মুখ চ্যাপ্টা, দেহ কথঞ্চিৎ ঋক্ষাকৃতি। রমণীদের দেহ নাতিদীর্ঘ, নাতিখর্ব্ব হইলেও তাহাদের দেহ কমণীয়, উজ্জল গোর, সুগঠিত চক্ষু যুগল অপেক্ষাকৃত ক্ষুদ্র। অঙ্গসৌষ্ঠবে ইহারা সুন্দরী। তাহাদের সৌন্দর্য্য-সাধন একটা বিশেষত্ব। বর্ষাদেশে নারীর স্থান খুব উচ্চ। রাজনীতি, সমাজনীতি, শিক্ষা, ধর্ম, বাণিজ্য প্রভৃতি বিষয়ে ব্রহ্মনারীগণ পূর্ণ স্বাধীনতা ভোগ করিয়া থাকেন।

ব্রহ্মনীরীগণ এইরূপ অধিকার প্রাপ্ত হইয়া তাহাদের স্বাভাবিক ভাবে জীবন গড়িয়া তুলিতে পারিয়াছেন। আমাদের শাস্ত্র যেমন নানাবিধ প্রকারে নারীকে অস্বাধীন ও অবলা করিয়া রাখিয়াছেন তাহাদের দেশে এরূপ প্রথা নাই। শাস্ত্র তাহাদের পক্ষে বড় অমুকুলে। পুরুষেরাও মনে করেন রমণীসমাজ গড়িয়া না তুলিলে দেশের প্রকৃত উপকার হইবে না। আমাদের যেমন গৃহকোণ হইতে কোন রমণীকে ছুঁতুরা জোর করিয়া ধরিয়া নিজে প্রায়ই তাহার প্রতিকার হয় না, সে দেশে রমণীরাই তাহার উচিত শাস্তি দিয়া থাকেন সুতরাং তাহারা পথে ঘাটে বাহির হইলেও কেহ তাহাদের উপর অত্যাচার করিতে সাহস করে না আর পুরুষসমাজও তদবস্থায় যথেষ্ট প্রতিকারপরায়ণ হইয়া থাকে।

ইহারা স্বাধীনা হইলেও গৃহকার্যে বড় নিপুণা। গৃহের সমস্ত কাজই তাহাদের আয়ত্বাধীন। রমণীরা মৃত ব্যক্তির পরিত্যক্ত সম্পত্তির উত্তরাধিকারী হইয়া থাকে। স্বাধীনতা ব্রহ্ম রমণীর জন্মগত অধিকার হইলেও তাহারা তাহার অপব্যবহার করেন না। আমি অনেক ব্রহ্ম পরিবারে নিমন্ত্রিত হইয়া ব্রহ্মরমণীর চরিত্র সম্বন্ধে অভিজ্ঞতা লাভ করিতে পারিয়াছি। তাহারা কোন বিষয়ে পুরুষের মুখাপেক্ষী নহেন। পরিবারে নারীরস্থান সর্বোচ্চ। গৃহিণী, জননী, ভগিনী, সখী ও সেবিকা যাহারা তাহারা গৃহের অধিষ্ঠাত্রী দেবী হইয়া পরিবারে কর্তৃত্ব করিয়া থাকেন। কন্দম্বেরে রমণীরা কন্দম্বীলা, কষ্টসহিষ্ণু এবং সুনিপুণা। রমণীদের সর্বত্রই অবাধগতি। রমণীরা গৃহের আসবাবপত্রের মত সজ্জিত থাকিতে চাহে না অথবা তাহারা পুরুষের বিলাস-সামগ্রী বলিয়াও বিবেচিত হন না। গৃহস্থালীর সকল কার্যই তাহারা স্বহস্তে করেন। হাট, বাজার হইতে বা ষ্টেশন হইতে সাধারণ মালপত্র তাহারা নিজেরাই বহন করিয়া আনেন। উহারা মানসিক ও শারীরিক পরিশ্রমধারা অর্থার্জন করিতে সদা অভ্যস্ত। প্রয়োজন হইলে স্বামী, পুত্রাদি বা পিতামাতার ভরণপোষণ পর্য্যন্ত তাহারা করিয়া থাকেন। তাহারা স্বামীর সম্পত্তির যেমন উত্তরাধিকারী হয় পুত্র বর্তমানে পিতৃ-সম্পত্তিতেও তাহাদের উত্তরাধিকারীত্ব বর্তমান আছে। ধর্ম, সমাজ, পরিবার সংক্রান্ত সকল কাজেই নারীর অধিকার পুরুষের তুল্য। পুরুষদের না থাকিলেও ব্রহ্মরমণীরা দল বাধিয়া পথে, ঘাটে, হাটে, বাজারে, ধর্মমন্দির ও সভা সমিতি বা বিবাহ মঙ্গলসে স্বাধীন ভাবে যাত্রাভ্রমণ করেন।

বর্ষারমণীরা বিবাহকার্যেও স্বাধীন। তাহারা নিজেই বর বাছিয়া লয় পরে পিতামাতার অনুমতি লইয়া বিবাহ করে। পিতামাতাও তদ্রূপ বিবাহে বাধা দেন না। নিজের বয়ঃ কনিষ্ঠ ব্যক্তিকেও তাহারা বিবাহ করিয়া থাকে। বালিকারা পিতামাতার অধীনে থাকে। কিন্তু যুবতী অবস্থার পিতামাতার তেমন কর্তৃত্বাধীনে আর থাকেন না। তখন তাহারা জীবন পং নিজেই বাছিয়া লয়। বঙ্গল নার মত তারা শাস্ত্রীয় ও সামাজিক বিধি-নিষেধের বন্ধনে থাকেন না। ইচ্ছা করিলে তাহারা অবিবাহিতা বা চিরকুমারী থাকিতে পারেন। বিধবা হইলে ইচ্ছা মত বিবাহ করিতে পারেন। পিতামাতার ইচ্ছানুসারে তাহারা অপরিণত বয়সে বিবাহ করিতে বাধ্য নহেন। ইহারা বিবাহের পরও স্বশুরবাড়ীর পক্ষী গ্রহণ করেন না, পিতৃভ্রাতৃদের প্রদত্ত নাম আজীবন ব্যবহার করেন। ধনী রমণীরাও স্বহস্তে গৃহস্থালী কার্য্য করিয়া থাকেন দৈহিক পরিশ্রমে কেহই বিমুখ নহেন। প্রথম বা দ্বিতীয় শ্রেণীর স্ত্রী যাত্রীরাও নিজেদের জব্যাদি নিজেই বহন করিয়া চলেন। রমণীরা পুরুষ অপেক্ষা সমধিক ধর্ম্মশীলাও ভক্তিমাতি সে দেশে সকলেই বোধ ধর্ম্মাবলম্বী। পুরুষেরা যেমন ধর্ম্মের জন্য চিরকুমার থাকিয়া সন্ন্যাসী হন তদ্রূপ স্ত্রীলোকেরাও ধর্ম্মের জন্য চিরকুমারী থাকিয়া সন্ন্যাসিনী হইয়া থাকেন। পুরুষ সন্ন্যাসীকে ভিক্ষু ও স্ত্রী সন্ন্যাসীকে ভিক্ষুণী কহে। ধর্ম্মানুষ্ঠানের সকল কার্য্যই পুরুষের ন্যায় রমণীরাও যোগদান করিয়া থাকেন। গ্রাম্য সালিসী পঞ্চায়েতেও তাহাদের অধিকার পুরুষের ন্যায়। কাউন্সিল ও মিউনিসিপলটিতেও তাহাদের পূর্ণ অধিকার রহিয়াছে।

বর্ষারমণীরা কোন বিষয়েই পুরুষের মুখাপেক্ষী নহেন। তাহাদের মনে বিলক্ষণ সাহস, দেহে শক্তি, প্রাণে অমিত তেজ। তাহাদের স্বাস্থ্য বিলক্ষণ উন্নত। দুঃশরিত্র স্বামীকে শাসন সংবত করিবার তাহাদের প্রাণে বিলক্ষণ তেজ আছে। উপরোধ, অহুরোধে ফল না হইলে তেমন স্বামীকে সংযত ও শোধন করিবার ভার তাহারা নিজ হস্তে লইয়া থাকেন ও প্রিয়জনকে সংপথে আনিয়া থাকেন। তাহারা নিজের প্রিয়জনকে যথেষ্ট ভালবাসিয়া থাকেন। তাহাদের স্বাধীনতা থাকিলেও গোপনে পরপুরুষের সাহত যথেষ্ট—হাস্য, পরিহাস ও আলাপাদি করিবার রীতি নাই, তাহাতে তাহাদের নিন্দা হয়। রমণীরা পরিজনের সেবা করিয়া তৃপ্তিলাভ করেন। স্ত্রীনাবিধ পরিচ্ছদে সজ্জিত হইয়া তাহারা বিবাহ ও নৃত্যগীতের মতলিসে যাতায়াত করেন। ইহারা আবছা বঙ্গরমণীর ন্যায় সমধিক অলঙ্কারপ্রিয় নহেন। গৃহের জামা ইত্যাদি তাহারা

নিজ হস্তে প্রস্তুত করিয়া থাকেন। আবশ্যক মত তাহারা গৃহের অন্যান্য বস্তাদিও বরন করিয়া থাকেন। রেশমী বস্ত্রই তাহারা বেশী ভালবাসেন। ইহারা পুষ্প বড় ভালবাসেন। শ্রীতিউৎসাহে, দেবতাকে দিতে হইলে, নিজের সম্ভ্রায় পুষ্পের অতি প্রয়োজন। ব্রহ্মদেশে বালাবিবাহ নাই, আরাকান প্রদেশে বালা বিবাহ হইতে দেখা যায়।

পোড়া ভারতবর্ষের মত জাতিভেদের দারুণ প্রাচীর বা দৌরা স্বা বর্মানী নাই। আমাদের দেশে বহু-কন্যার পিতামাতা হর্ভাগ্য বলিয়া বিবেচিত হন কিন্তু সে দেশে বহু-কন্যার পিতামাতা সমধিক সৌভাগ্যশালী। ইচ্ছা করিলে বর্মানীরা নিদেশীকে বিবাহ করিতে পারে তজ্জন্ম মাদ্রাজী, পাঞ্জাবী, বাঙ্গালী, ইয়ুরোপীয় প্রভৃতি জাতির সঙ্গে বিবাহ করিয়া সে দেশে বিস্তর বর্ণ শঙ্কর উৎপন্ন করিয়া দিয়াছে। বিবাহ না করিয়াও যদি জারজ সন্তান হয় তবে তাহারাও পরিত্যক্ত বা নিন্দিত হয় না। অনেকে স্বদেশীয় সঙ্গে বিবাহ করিয়া আত্মীয় ভাৱ ভরণপোষণ করা অপেক্ষা অন্য দেশীয়ের সহিত বিবাহ করিয়া নিরাপদে থাকিতে ইচ্ছা করে। এইরূপে ইয়ুরোপীয়, চীনা, জাপানী, ভারতীয় ও বাঙ্গালী অনেকে বর্মানী বিবাহ করিয়া এ দেশে বেশ ধরসংসার করিয়া লইয়াছেন। একরূপ বিধি সে দেশে নিন্দনীয় নহে। বর্মানী একরূপ বহু পরিবারের সৃষ্টি হইয়াছে। বর্মানী বর্ণসঙ্করের প্রাচুর্য্য আছে, কালে বোধ হয় তাহা বর্ণসঙ্করের রাজত্বই হইবে।

বর্মানীরা সৌন্দর্য্য রক্ষা ও বৃদ্ধিকল্পে সর্বিশেষ যত্নশীল, তাহাদের পোষাকের পরিপাটি ও বাহার বড় বেশী। তাহাদের কেশদাম ভ্রমর-কৃষ্ণ ও আগুনক লম্বিত হইয়া থাকে, কেশের যত্ন তাঁরা খুব করেন। কেশগুচ্ছ সাজাইয়া তারা খোঁপা বাধেন, তাহা দেখিতে কৃষ্ণ ভেলবেটের টুপির ন্যায় হয়। চুলের ভাঁজে ভাঁজে নানা বর্ণের পুষ্প গুচ্ছ গুঁজিয়া দেন। মুখমণ্ডলের সৌন্দর্য্য ও সুগন্ধি বৃদ্ধির জন্য মুখে ও হাতে পায় তালেখী নামক এক প্রকার চন্দন কাঠ বসিয়া প্রলেপ দিয়া থাকেন। বিলাসিনীরা ক্রমুগল অধিকতর কৃষ্ণবর্ণ করিবার জন্য তাহাতে কলপ দেন ও চক্ষুর সৌন্দর্য্যের জন্য অগ্নন ব্যবহার করিয়া থাকেন। কেশের অল্পতা হইলে তা পূরণ জন্য তাঁরা আলিঙ্গা কেশগুচ্ছ ব্যবহার করিয়া থাকেন। অবস্থাভেদে চুলের খোঁপার মধ্যে হীরা বা মুক্তাখচিত চিরুণী ও কৃত্রিম পুষ্প ব্যবহার করিয়া থাকেন। রেশমী বস্ত্রের ব্যবহার এদেশে অত্যধিক, মেয়েদের পরিধেয় বস্ত্র লৌঞ্জি বা খামি। ইহা খুব সুন্দর ও পুরু রেশমী বস্ত্র।

ময়ূর-কঁঠী রঙ্গের লোঞ্জির (লুঙ্গী) ব্যবহারই বেশী । বর্গী রমণীরা জরির কাজকরা ও চেউ খেলান লুঙ্গী বেশী ব্যবহার করিয়া থাকেন । সাধারণতঃ ছয় হাত দীর্ঘ বস্ত্রখণ্ডের দুই দিক সিলাই করিয়া লুঙ্গী প্রস্তুত হয় । মেয়েদের লুঙ্গীর উপরিভাগে দশ বারো ইঞ্চি চওড়া লাল বা নীল বস্ত্রখণ্ড দুই বা ততোধিক ভাঁজ করিয়া কোমরে বাঁধা হইয়া থাকে । লুঙ্গীর বাড়ন্ত ভাগটুকু দোভাঁজ করিয়া কোঁচার মত সম্মুখ দিকে ঝুলাইয়া দেওয়া হয় । ঐ লুঙ্গীর ধারা পারের গোড়ানী পর্য্যন্ত আবৃত হইয়া যায় । অভ্যন্তরে অবশ্যই সেমিজ বা অঙ্গরাখা রাখিবার প্রথা আছে । গাঙ্গ্রাবরণ এঞ্জি, ইহা চিকণ, মসৃণ বস্ত্র ধারা প্রস্তুত, হাতের কব্বী ও কটি পর্য্যন্ত উহা লম্বান থাকে । হীরা, পাগা বা রঙ্গিণ কাচের বোতাম দিয়া উহা আটক্কইয়া দেওয়া হয় । এঞ্জি প্রায়ই খুব সূক্ষ্ম শেত বস্ত্রে প্রস্তুত হয় । ইহা বক্ষস্থল ও সমস্ত শরীর আবৃত হয় । এঞ্জির নীচে সেমিজ দেওয়া হয় । একথণ্ড দীর্ঘ সূক্ষ্ম রেশমী বস্ত্র উত্তরীয়ের ন্যায় রঙ্গের দুই পাশে সম্মুখে ঝুলাইয়া দেওয়া হয় । ইহাকে “পাওয়া” বলে । স্থান ভেদে রমণীদের পোষাকের তারতম্য হইয়া থাকে । ইহাদের পোষাক সুরুচি গম্ভীর এবং শরীরের সর্ব অংশ আবৃত হয় ।

বাহিরে যাইবার বেলায় ইঁহার পাছকা ব্যবহার করেন । কানা নামক চটা জুতাই ইঁহার ব্যবহার করেন । ইঁহার জাতীয় ভাব বা পোষাক পরিভেই বেশী ভালবাসেন । অনেকে ইউরোপীয়ান বিবাহ করিয়াও বর্ণা পোষাক ব্যবহার করেন । তাহারা সকলেই দেশীয় ছাতা ব্যবহার করেন উহার নাম “ ঠি ” ইঁহার বাঁটটা বংশ নির্মিত ইহা প্রায় ৪ ফিট্ লম্বা আবরণ তৈলাক্ত পুরু বস্ত্রের, শিকগুলি বংশ নির্মিত । ছাতাগুলি গোল ও চ্যাপ্টা । ছাতা নানা বাহারী রঙ্গের হয় ও নানা লতাপাতার চিত্রিত । রৌদ্র দিয়াই ইঁহার বর্ণ প্রকৃষ্ণিত হইয়া ছত্রধারিণীর রূপলাবণ্য বর্ধিত করিয়া থাকে । উৎসবাদিতে তাহারা অলঙ্কার পরিয়া থাকেন । সর্বদা কেহ অলঙ্কার পরেন না ।

একটা বড় কুৎসিত, দুর্নীতি বর্নারমণীদিগের মধ্যে দেখা যায় তাহা ভারতরমণীর গর্ভে অত্যন্ত হীন ও লজ্জাকর । বর্নারমণীরা দলে দলে কলিকাতা ও চট্টগ্রামে শীতের প্রারম্ভে আসিয়া উপস্থিত হয় । তাহারা আত্মবিক্রম করিয়া অর্থার্জন করে ও তাহা স্বামী বা পিতা মাতাকে পাঠাইয়া দেয় আবার বর্ষার প্রারম্ভেই স্বদেশে চলিয়া যায় । ইতিমধ্যে যদি কাহারো

সন্তানসম্ভবনা হয় তবে সে সন্তান পরিত্যক্ত হইবে না। স্বামীও এইরূপ স্ত্রীকে গ্রহণ করিয়া ঘর সংসার করিবে। বাঙ্গলার কলিকাতা ও চট্টগ্রাম ব্যতীত কখনোবা উহাদের কেহ কেহ বিক্রিষ্ট হইয়া অন্য জেলায়ও গিয়া থাকে। শীতকালে বাঙ্গলায় ও বেহারে নানা স্থানে মেলা বসে। সেই সকল মেলার বর্ষারমণীরা স্ত্রীধর্ম্য বিসর্জন করিয়া প্রচুর অর্থ উপার্জন করে। ব্রহ্মদেশেও ইহা দেখা যায় যে, স্বামী বর্তমানে স্ত্রী পরপুরুষের সঙ্গে মেলামেশা বা প্রেম করিয়া যদি কিছু উপার্জন করে তাহাতে স্বামী বা পরিবারের কেহ বাধা দেয় না এবং তজ্জন্য তাহাদের গুরুতর নিন্দা হয় না। তদ্বারা সন্তান হইলেও তাহা পরিত্যক্ত হয় না। ইয়ুরোপীয়, চীনা বাঙ্গালী, বেহারী, মাদ্রাজী, পাঞ্জাবী প্রভৃতি ব্রহ্মপ্রবাসী নরগণের সহিত তাহারা এইরূপে মিলিয়া থাকে এবং আবশ্যিক মত তাহারা তদ্রূপভাবে ছ'এক বৎসর উপপতির সঙ্গে বাস করিলেও সে রমণী স্বামী পরিত্যক্ত হয় না। এইরূপ দুর্নীতি ব্রহ্মরমণীর পক্ষে আমাদের দৃষ্টিতে বড় কলঙ্কের কথা। এই কলঙ্ক দূর করিবার জন্য ব্রহ্মবাসীদের চেষ্টা দেখা যায় না। এখন শুনা যাইতেছে কোন কোন শিক্ষিত ব্যক্তি এই কু প্রথার বিরুদ্ধে অস্বাভিক পরিমাণে দণ্ডায়মান হইয়াছেন। কিন্তু এরূপ দুর্নীতি কতকালে দূরীভূত হইবে তাহা কে বলিতে পারে। তবে যদি উহারা চীনাদের বেণী কাটার মত একদিন সকলে সমবেত হইয়া সভা করিয়া উহা পরিত্যাগ করিতে পারে তবে সম্ভবপর বলিয়া মনে করি। এইরূপ হীন ও লজ্জাজনক কুপ্রথার বিরুদ্ধে ব্রহ্মবাসী সকলেরই দণ্ডায়মান হওয়া উচিত। এই দূরপণেয় কলঙ্ক ব্যতীত ব্রহ্মরমণীর কাছে বঙ্গ রমণীর অনেক শিথিবার আছে।

শ্রী.র.জেন্দ্রকুমার শাস্ত্রী।

ইষ্টারের ছুটিতে ফ্রান্স ও অ্যাম্পসে।

(১৯২৫)

অক্সফোর্ড ইউনিভার্সিটিতে পড়াশুনা হয় বৎসরে ২৪ সপ্তাহ—আর বাকিটা ছুটি। ৮ সপ্তাহ করে এক একটা ‘টার্ম’ (Term) তার পরই ছুটি। ইষ্টারের বন্ধ হচ্ছে ছয় সপ্তাহ কাল, মার্চের গোড়াতেই আরম্ভ হয়। আমি ছুটির আগে থেকেই ফ্রান্সের পার্কিং অঞ্চলে যাওয়ার জন্য উদগ্রীব হয়ে ছিলাম। ইংলণ্ডে এসে কোন যায়গায় বেশি দিন থাকতে ইচ্ছা আমার মোটেই করে না। একটা যায়গার সব জিনিস যেমন দেখা হয়ে যায় ও তার নতুনত্ব কেটে যায়, তখনই অন্যত্র যেতে ইচ্ছা করে। যেখানে ‘গৃহ’ নাই সেস্থানের জন্য ভালবাসাও বেশি দিন থাকে না।

এখানে দেশভ্রমণের বাতিক এত যে অনেক লোক ভ্রমণকারীদের নানা রকম ভাবে স্মৃতিধা করে দিয়ে পরমা করছে। টমাস কুক পৃথিবীর সর্বত্র আফিস খুলে রেখেছে এই জন্যই। আমি যাওয়ার অনেক পূর্বে থেকেই এদের কাছ থেকে সমস্ত খবর আনিরে রেখে ছিলাম। যা কিছু অভাব হচ্ছিল তা সঙ্গীর। কেউ ভরা শীতে পাহাড়ে ও বরফে যেতে রাজি নন। অতিকষ্টে একজনকে রাজি করা গেল। ‘টাইমসে’ (Times) একজন ফরাসী মহিলা বিজ্ঞাপন দিয়েছিলেন, তাঁর বাড়ীতেই প্রথমে থাকা হবে, স্থির হল। সব চেয়ে আনন্দ হল যে তিনি ইংরাজী জানেন, কারণ ফ্রান্সে এ ডিনিসটি পাওয়া একটু কঠিন। ফরাসীরা এত দেশভ্রমণে কিছুতেই অন্য দেশের ভাষা শিখবে না, এতে তাদের হাজার ক্ষতি হকনা কেন। যদিও ইংরাজের রাজত্ব পৃথিবীর চার কোণাতেই আছে, কিন্তু ভিন্ন ভিন্ন জাতের মধ্যে রাজনৈতিক আদান প্রদান হয় ফরাসী ভাষাতেই।

একদিন সন্ধ্যা আটটার সাউথহামটনের ট্রেনে চেপে বসা গেল। ছুটি হওয়ার তখনও দুই দিন বাকি ছিল, তাই কলেজের কর্তা অক্সফোর্ড ত্যাগ করার অমুমতি দিতে একটু ইতস্তত করছিলেন। কিন্তু যখন আমি তাঁকে স্মরণ করিয়ে দিলাম যে আমি আইন সঙ্গত ৪২ বর্জনীর

বেশি অক্সফোর্ডে টামে কাটিয়েছি. তখন আর তার কোন আপত্তি থাকল না। অক্সফোর্ডে কেউ ক্লাশে গেল কিনা তার কোন খোঁজ করে না, হাজারের কোন ব্যবস্থা নাই; কিন্তু প্রত্যেক টামে অন্ততঃ ৪২ রাত অক্সফোর্ডে ঘুমতে হবে, তা না হলে ইউনিভারসিটি পরীক্ষা দিতে অসুস্থতা দেয় না।

সাউথহামটন (Southampton) থেকে রাত ১১:০০ টায় আমাদের ষ্টীমার যাত্রা করল। আমাদের স্থান আগে থেকেই 'রিনার্ভ' করা ছিল। সুতরাং নির্বিবাদে শুয়ে পড়লাম। ষ্টীমারে তেমন ভিড় ছিল না। ইংলিশ-চ্যালেঞ্জে প্রায় সব সময়ই ঝড় লেগেই আছে। এর উপর দিয়ে সব চেয়ে বেশি জাহাজ যাতায়াত করে বলেই বোধহয় বরুণ রাজার শাসন সব চেয়ে বেশি। কিন্তু সৌভাগ্য বশতঃ এবার সমুদ্র বেশ শান্ত ছিল। খুঁসকালেই কুয়াসার ঢাকা ফরাসী উপকূল দেখা গেল। জাহাজ 'সেন' (Seine) নদীর মুখে প্রবেশ করল। এখানেই ফ্রান্সের অন্যতম বৃহৎ বন্দর হাবার (Havre) ফরাসীদেশ দেখতে পেয়েই মন খুসীতে ভরে উঠল। এর বাঁড়ায় লোকজন ইংলণ্ড থেকে কত তফাৎ। ইংলণ্ডে সমস্ত রাস্তা জুড়ে প্রকাণ্ড একটা বাড়ী। তাকেই ছোট ছোট বাড়ীতে ভাগ করা হয়েছে যেন একটা প্রকাণ্ড অঙ্গুর শুয়ে আছে। আর ফরাসীদেশে প্রত্যেক বাড়ীই ছোট ছোট এবং আলাদা, সেই জন্য রাস্তার বৈচিত্র্য অনেক বেশি। তারপর, দুই দেশের লোকে কত তফাৎ। ইংলণ্ডে কোথায় কোন গোলমাল নাই, মুটে মজুর নীরবে আপন আপন কাষ করে যাচ্ছে, আর ফ্রান্সে তাদের কথা যেন ফুরায় না। এত জোরে ফরাসীরা কথা বলে যে মনে হয় এরা যেন কেবল কথাই শিখেছে। ইংরেজদের মত প্রকাণ্ড দেহ ও তড়পমুক্ত গাঙ্গুরীয়া ফরাসীদের নাই। যদিও দুই দেশের মধ্যে ব্যবধান হচ্ছে মাত্র ২৫ মাইল সমুদ্র, কিন্তু দুই জাতের মধ্যে তফাৎ হচ্ছে পচিশের অনেকগুণ। সেই জন্যই ফরাসীদেশে পা দিয়েই যেন ছুটির নবীনতা আরম্ভ হয়।

বন্দরে নেমেই আবগারীর কর্তাদের কাছে ট্রাক খুলে দেখাতে হয়, চুরি করে ফ্রান্সের ট্যাক্স না দিয়ে কোন জিনিস নিয়ে যাচ্ছি কিনা। ট্রাক খুলে দাঁড়িয়ে থাকতে হয়, কর্তারা তেমন চটপটে নন। অনেকক্ষণ পরে একজন আমার কাছে এসে লম্বা এক ছড়া বলে গেল, ~~তার মধ্যে~~ মাত্র দুইটি কথার মানে বুঝলাম, একটা 'তাবাক' (Tabac) তামাক, আর একটা 'লারজান' (L'arjan) মূদ্রা। কিন্তু আমি অতি জোরে মাথা নেড়ে তার ছড়ার তালিকা

করতে লাগলাম। সে ট্রাকের জিনিস না দেখেই আমাকে বন্দরে প্রবেশ করার অনুমতি দিল, এখনই যাত্রীর যত্রণা শেষ হয় নাই। পাসপোর্ট অফিসের কাছে আবার দাঁড়িয়ে থাকতে হল। সেখানকার কর্তা সবেমাত্র এসেছেন, তার মোহরের তারিখ খুঁজে পাচ্ছিলেন না; কিছুক্ষণ পরে তারিখ মিলল। আমাদের পাসপোর্টে একটা করে ছাপ দিয়ে ফরাসীদেশে প্রবেশ করতে দিল। দেশভ্রমণের আনন্দকে মাটি করে এই আবগারীর ও পাসপোর্টের দৌরাছা। অনেক সময় এত দেরী করে যে ট্রেন ধরতে পারা যায় না।

বন্দর থেকে ট্রেনে করে স্টেশনে যাওয়া গেল, এবং সেখানে প্যারিসগামী এক এক্সপ্রেসে চেপে বসা গেল। আমাদের কামরার সঙ্গী ছিলেন এক মহিলা ও তার ছোট এক মেয়ে। ফরাসীরা ছোট ছেলে অত্যন্ত ভালবাসে। যেমনি সেট মেয়েটি দৌড়িয়ে 'কারিডোরে' (Corridor) বের হচ্ছিল, অমনি কেউ না কেউ তাকে ধরে আদর করছিল। আমার বন্ধু যুমিয়ে পড়লেন; মেয়েটি তার জুতো শুষ্ক পা ধরে হাতীনাটানি আরম্ভ করে দিল। তার মা আমাদের সঙ্গে আলাপ করার চেষ্টা করলেন, কিন্তু আমাদের যে সামান্য ফরাসী জ্ঞান ছিল, তা উচ্চারণ করবার দোমে একবারে অবোধা হয়ে দাঁড়াল। বাস্তবিক ফরাসীভাষা অদ্ভুত শব্দের অর্ধেকই বেশি সময় উচ্চারণ করা হয় না। Prixএর (Price) উচ্চারণ প্রিক্স নয়, প্রি। Beaucoup (many) 'বোকুপ্' নয় 'বকু।' ট্রেন থামল মাত্র ক্রমাতে (Rouea)। দুই ধারে দেখি বরফ পড়ে আছে। এবার শীতে ইংলণ্ড বরফ পড়ে নাই, কিন্তু ফ্রান্সে বরফ দেখতে পেলাম। সাধারণতঃ ফ্রান্স ইংলণ্ডের চেয়ে বেশি ঠাণ্ডা।

ট্রেন বেলা ১২ টায় প্যারিশের 'সাঁলাজার' (St. Lazaire) স্টেশনে এসে থামল। আমরা যে যাত্রাগার যাব, তার নাম হচ্ছে মেজিভ (Megève) তার ট্রেন আর একটা স্টেশন 'গারদিলিয়' (Garede Lyon) থেকে রাত নয়টার ছাড়ে। সুতরাং লাগেজ পত্র স্টেশনে জিন্মা করে রেখে প্যারিশ দেখতে বেরিয়ে পড়া গেল। রাস্তায় একখানা প্যারিশের ম্যাপ কিনে নিলাম ও 'লুভার' গ্যালারিতে ঢুকে সারা বিকেল কাটানো গেল। ইংলণ্ডে ফেরবার পথে প্যারিশে কয়েক দিন ছিলাম। সেই সময় প্যারিশ সব্বন্ধে লিখব।

রাত সাড়ে নটার সময় আমাদের ট্রেন ছাড়ল, বাইরে ভয়ানক ঠাণ্ডা। গাড়ীতে বৈকিঙ্ক জ্বলে গরম জলের পাইপ বসানো আছে, তাতে গাড়ী গরম থাকে। আমাদের কামরার আর

কেউ ছিল না। এক বেঞ্চির একদিকে আমি মাথা রাখলাম, অপরদিকে আমার বন্ধু মাথা রাখলেন; আমাদের পা পরস্পরের মাথার কাছে এসে পড়ল। আমি ব্রাহ্মণ আমার বন্ধু বৈদ্য, কিন্তু পথ ঘাটে ব্রাহ্মণদের উপযুক্ত সন্মান হয় না, এ আমি অনেক যাত্রায়ই লক্ষ্য করেছি। দুইজনে ওভারকোট ও 'রাগ' মুড়ি দিয়ে আরাম করে ঘুমিয়ে পড়লাম।

শাশের কামরার কয়েকজন ফরাসী পুরুষ ও মহিলা যাচ্ছিলেন তাঁদের হাসাহাস ও কৌতুকে আমাদের ঘুম মাঝে মাঝে ভেঙ্গে যাচ্ছিল। ফরাসীরা ভয়ানক আলাপপ্রিয়, রেল গাড়ীতে কামরার যত জন থাকে সকলেই পরস্পরের মধ্যে আলাপ জমে যায়। হঠাৎ কেউ এই লক্ষ কথাবার্তাকে সরস করার জন্য এক বোতল 'ভাঁ' (মদ) বের করে প্রত্যেককে খেতে দেয়। তারপর তাদের উচ্চ কলহাসি ও রসিকতা এতদূর বৃদ্ধি পায় যে এরা যে এক পরিবারের লোক সকলের তাই মনে হবে। অথচ ইংরাজরা এসবকে কত বিড়ি। আমি এক্সপ্রেস ট্রেনে যন্টার যন্টা এক কামরাধ বহু ইংরেজের সঙ্গে চলেছি, যেই ট্রেন ছেড়ে দিয়েছে সেই থেকে যে যার যাত্রার 'গ্যাট' হয়ে বসে খবরের কাগজ পড়া ও এত কসে পাইপ টানা শুরু করে দিল যে গাড়ীতে মাতুল যাচ্ছে কি লাগেজ যাচ্ছে কিছুতেই বোঝবার উপায় নাই। ধন্য জাত!

ভোরের আলো চোখে লেগে ঘুম ভেঙ্গে গেল, দেখি গাড়ী পাহাড়ে ঢুকেছে; এত দীর্ঘ যে হাত বের করা যায় না; চার দিকে ঘাসপালার বালাই নাই, সব কৃষ্ণ, তার মাঝে মাঝে সাদা বরফ পড়ে আছে। বেলা আটটার সময় ট্রেন এক্স-লা-ব্যাতে পৌঁছাল। এখানে আমাদের গাড়ী বদল করতে হবে; আমাদের ট্রেনখানা রোম পর্যন্ত যাবে। এই এক্স-লা-ব্যাতে (Aix-la-Bain) গ্রীষ্মের সময় কয়েক সপ্তাহ কাটিয়েছিলাম, দূরে পাহাড়ের উপর আমাদের সেই বাড়ী দেখা যাচ্ছিল, তখন এক্স-লা-ব্যাতে শ্রামশোভার সজ্জিত দেখেছিলাম, এখন এর ধূসর মুক্তি। জীবনে এ যাত্রাটাকে আর তৃতীয় বার দেখব না। আমাদের বাড়ীর চার পাশে টালু পাহাড়ের গারে আঙ্গুরের ক্ষেত, চেরী ও অ্যাপেলের গাছ, দূরে বরফ মণ্ডিত ইটালীর পর্বতমালা, সন্ধ্যার রক্তিম আভার আমাদের সেই সব গল্পগুস্তব এবং অক্ষুট চন্দ্রালোকে কালো পাহাড়ের ভীম ক্রমল ছায়া, এই সব পুরাণো কথা মনে বরে কাণ্ডা পাচ্ছিল, হে কাল, তোমার ঐ কৃষ্ণ অন্ধকার গুহার একবার আমাকে প্রবেশ করতে দাও, আমি আমার উজ্জল স্মৃতিগুলিকে আর একবার দেখে নিই।

ক্রমে ট্রেন উঁচুতে উঁচুতে লাগল; মাঝবের চিহ্ন বিরল হয়ে আসতে লাগল ও বরফ ততই বেশি হতে লাগল। 'লারোশে' (La Roche) আর একবার ট্রেন বদল করতে হল, ট্রেন একটা উপত্যকার মধ্য দিয়া চলল। একটা নদী আগাগোড়া এর ভিতর দিয়া চলেছে। উপত্যকাটা টেবিলের মত সমতল; চওড়া আধ মাইল থেকে এচ মাইলের কাছ। দুই পাশে পাহাড় এমন খাড়া হয়ে উঠেছে যে প্রচীর বলে বোধ হয়। বেলা এগারটার ট্রেন আমাদের গন্তব্য ষ্টেশনে পৌঁছিল; 'মেজিত' (mengeve) এখান থেকে ৭৮ মাইল দূরে; মোটরে যেতে হবে। ছোট্ট সেই ষ্টেশনে দুইজন কাল আদমী দেখে বেশ একটু 'সোর' পড়ে গেল। আমাদের নিরে যাওয়ার জন্য আমাদের গৃহকর্তী তাঁর 'বাটলার' ও মোটর পার্টির দিয়েছিলেন, আমরা তাতে উঠে পড়লাম। আমাদের প্রায় দুই হাজার ফিট উপরে উঠতে হবে। মোটর অদ্ভুত সুন্দর রাস্তা দিয়ে উপরে উঠতে সুরু করল। এখন চারদিকে অবিচ্ছিন্ন বরফ, সবুজের কোন চিহ্ন নাই; কেবল স্থানে স্থানে ঘন সবুজ 'পাইনের' বন সেই শুভ্রতাকে কলঙ্কিত করেছে। গরম দেশের লোক; এ রকম দৃশ্য আর কখনও দেখি নাই। কাষেই দুই দিনের পথের ক্লাস্তি ভুলে গিয়ে বাগকের মত উচ্ছৃঙ্খিত কণ্ঠে দুইজন বিশ্বয় প্রকাশ করছিলাম। গাড়ীর ড্রাইভার সারা রাস্তা আমাদের লক্ষ্য করে কত কি বলে যাচ্ছিল। আমাদের মন সেদিকে একেবারেই নাই। কখনও গাড়ী পাহাড়ের গারে খাতের পাশ দিয়ে চলছিল; হয়তঃ বাতাসের একটা ঝাপটা তাকে উড়িয়ে শত শত ফিট নীচে ফেলে দিতে পারত। চারদিকে কেবল পাহাড়, এক শ্রেণীর পর আর এক শ্রেণী, এই রকম তরঙ্গায়িত শৈলমালা সীমাহীনভাবে দিগন্তে মিশে গিয়েছে। পাহাড়ের উপর 'পাইন'বনের ধারে কচিং একখানা কাঠের কুঠী। সেখানে গ্রীষ্মকালে লোক এসে বনের কাঠের খবরদারি করে। মোটর আর একটা সমতল ভ্যালিতে (উপত্যকা) প্রবেশ করল। এটাকে যেন বরফের মরুভূমি বলে বোধ হচ্ছিল। তার মধ্যে এক বায়গায় খান তিরিশ চল্লিশেক বাড়ী। সেইটাই হচ্ছে আমাদের গন্তব্য স্থান 'মেজিত'।

মোটর থেকে নেমে মাটিতে পা দিতেই পা বরফের মধ্যে ডুবে পড়ল। সর্বত্র বরফ, ঘরের চাল এক ফুট বরফের আস্তরণে সাদা হয়ে আছে। আমরা বাড়ীতে প্রবেশ করে গৃহকর্তীর জন্য ডাইনিং রুমে অপেক্ষা করতে লাগলাম। একটু পরে তিনি এলেন। ও হরি, এবে একবারে ছেলে মানুষ; আমাদের চেয়েও বয়সে ছোট; কোথায় ভেবেছিলাম যে প্রৌঢ় মার বয়সী

মহিলাকে দেখব ; তার বদলে দেখি ১৯২০ বছরের একটি মেয়ে ; খেলার পোষাক পরে আছেন । ছুইদিন আমাদের কৌরকারী হয় নাই ; তারপর পথের ধুলোবালিতে চেহারা বর-মানুষের মত হয়ে আছে । পাছে তিনি মনে করেন যে ভারতবর্ষীয়রা অসভ্য বর্কর, তাই তাকে বললাম, “এই অপরিষ্কার চেহারার আপনার সম্মুখে আসার জন্য মাপ করুন ; কি করব, ইচ্ছা সত্ত্বেও আমরা পেরে উঠি নাই ।” তিনি আমাদের জন্য অপেক্ষা করে ছিলেন , তাড়াতাড়ি লাঞ্চার জন্য আদেশ দিলেন ।

আমরা বাড়ী দেখে খুব সন্তুষ্ট হলাম । এ খানা ছোট্ট একখানা কাঠের বাড়ী নূতন তৈরী, ঝকঝক করছে । সর্বদা প্রত্যেক ঘরে গরম জলের পাইপ রেখে ঘর গরম রাখা হয়েছে । এই রকম ছোট্ট বাড়ীকে বলে ‘স্যালো’ (chalet) এই রকম বাড়ীতে লোকে অল্প দিনের জন্য ছুটি যাপন করতে আসে । ফ্রান্স ও সুইটজারল্যাণ্ডে পাহাড়ের গায়ে এই রকম কাঠের বাড়ী যথেষ্ট দেখা যায় ।

আমাদের গৃহকর্তী একজন রুমেনিয়ান জঙ্গলোকের কন্যা, একজন ফরাসী জঙ্গলোকে বিবাহ করেছেন । তাঁর স্বামীর বয়স ২২।২৩, বেচারী মোটরে করে ঘুরে বেরাতে ঠাণ্ডা লাগিয়ে শয্যাগত হয়ে ছিলেন, এবং আমরা যে চার সপ্তাহ ঐ বাড়ীতে ছিলাম, ততদিন বিছানা ছেড়ে উঠতে পারেন নাই । গৃহকর্তীর পিতা রুমেনিয়ান ডিপ্লোমাটিক সার্ভিসে ছিলেন ; কায়েই অনেক দেশ ঘুরেছেন ; সেই জন্য তাঁর কন্যা অনেক কয়টি বিদেশী ভাষা জানেন । বাস্তবিক তিনি একজন অতুত স্ত্রীলোক । যত রকম পুরুষোচিত খেলা ও ব্যায়াম আছে তিনি প্রত্যেকটা অভ্যাস করেছেন, এবং লেখাপড়াও বেশ জানেন । প্রত্যাহ খাবার সময় আমার বন্ধুর সঙ্গে সোশিয়ালিজম্ (Socialism) স্ত্রীলোকের অধিকার, ধর্ম ও সমাজ নিয়ে অনেক তর্ক করতেন । এক কথায় তিনি অনেকটা দেবী চৌধুরাণী ধরণের মেয়ে মানুষ ।

পূর্বেই বলেছি ‘মেজিভ’ একখানা ছোট গ্রাম । রেল থেকে মাইল দশেক দূরে, দিনের মধ্যে একবার মাত্র স্টেশন থেকে মোটর আসে । সুতরাং অন্য কোন আমোদপ্রমোদের ব্যবস্থা নাই । চারদিক বরফে একবারে সাদা হয়ে আছে । বরফের উপর নানা রকম খেলা আছে, যেমন স্কেটিং, স্কিং (Skating, Ski-ng) প্রতিবছর ইংলণ্ড থেকে শীতকালে অনেকে আল্পসে

এইসব খেলার জন্য আসে, একে ইংরেজরা বলে উনটার স্পোর্টস্ (Winter Sports) আমরা সমস্ত কাটানোর অন্য কোন উপায় না দেখে বাধ্য হয়ে এই সব খেলা আরম্ভ করলাম। আমাদের গৃহকর্তী হলেন আমাদের শিক্ষয়িত্রী, তিনি এই সব খেলার জন্য এই শীতের ভিতর বাড়ী ভাড়া করে আছেন।

আমরা যেখোলা আরম্ভ করলাম তাকে বলে স্কি-ইং (Ski-ing) স্কির চেহারা বর্ণনা করা একটু শক্ত। প্রায় মানুষ-সমান লম্বা আধ হাত চওড়া পাতলা ছইখানা কাঠের উপর ছইপা আটকান থাকে। কাঠ ছইখানা খুব পালিশ ও পাতলা, ও সামনের আগা উপরদিকে ঝাঁকানো, যাতে বরফের মধ্যে ঢুকে না যায়। চামড়ার বকলশ দিয়ে সেই কাঠ ছইখানা এমন ভাবে পারের তলায় লাগানো থাকে যে, কিছুতেই খুলে যায় না। যেখানে বরফ একটু ঢালু সেখানে স্কি অনায়াসে পিছলে নেমে পড়ে। খেলার এই হচ্ছে আনন্দ। যখন ছোট ছোট টিলার মাথা থেকে স্কি নামা শুরু করে, তখন ঠিক হয়ে দাঁড়িয়ে থাকাই হচ্ছে বাহাহুরী। স্কি যতই নামে ততই তার বেগ বৃদ্ধি হয়, ততই দাঁড়িয়ে থাকা হয় কঠিন ও ততই স্ফুর্তি লাগে। সমস্ত শরীর শিরশির করে উঠে, মনে হয় যেন পারের তলাথেকে পৃথিবী সরে যাচ্ছে। এই অতিবেগের সময় স্কি থামানো, কিংবা তাকে ঘুরিয়ে অন্য পথে নিয়ে যাওয়াই হচ্ছে কারিকুরি। ল্যাপল্যাণ্ড নরওয়ে স্কইডেন প্রভৃতি বরফের দেশে যখন সব পথ ঘাটের চিহ্ন থাকে না, তখন সেখানের লোকেরা এই স্কি পায়ে দিয়ে সর্বত্র যাতায়াত করে। সেদিন আমাণ্ডসেন (Amundsen) উত্তর মেরুতে যে অভিযান নিয়ে গিয়েছিলেন, তখন সঙ্গে করে স্কিও নিয়ে গিয়েছিলেন ও চলাফেরার জন্য ব্যবহারও করেছিলেন। এখানে একটা কথা বলি। ইংরেজরা Skiকে স্কি না বলে বলে 'সি' ; কিন্তু আমরা ফরাসী দেশে বলতে শুনেছি 'স্কি' এবং শুনেছি নাকি নরওয়ের অধিবাসীরাও ঐ বলে ; সুতরাং আমরাও স্কি বলতাম। আমি প্রথম কয়দিন এত আছাড় খেয়েছিলাম যে গানের বাধায় কয়েকদিন নড়তে পারি নাই। বরফ এত গভীর যে পড়লে তেমন আঘাত লাগত না তাই রক্ষা।

মেডিসভের মত দুর্গম ছোট ষারগায়ও শীতকালে এই খেলার জন্য ভিড় হত ; ~~তাই~~ এখানে পাঁচ ছয়টি হোটেল আছে। আমি এক ঘোড়া স্কি ভাড়া করেছিলাম। বরফে এই সব খেলার জন্য একই বিশেষ বুটের দরকার হয়। নূতন এক জোড়ার দাম দেখি খুব বেশি ; পনর

কুড়ি দিনের জন্য কিনতে ইচ্ছা হল না। শেষকালে এক জোড়া পুরাণো ব্যবহার করা (Second hand) মিলল। তাই কিনে নিলাম। কখনও যে Second hand জুতো কিনব ভাবি নাই। কিন্তু আশ্চর্য্য এই যে কয়েকজন আমার কাছ থেকে ঐ জুতো ফের কিনে নেওয়ার ভুল এসেছিল।

মেজিভের মত গ্রামে পূর্বে ভারতীয় কেউ কখন আসে নাই; কায়েই এরা আমাদের সঙ্গে খুব ভাল ব্যবহার করত। যখন চলে যাব তখন কি করে এরা জেনেছিল যে আমরা চলে যাচ্ছি। সকলেই দুঃখ প্রকাশ করেছিল এবং মেজিভ আমাদের কেমন লেগেছে সে সম্বন্ধে জিজ্ঞাসা করেছিল। ফরসৌরা বিদেশীয়দের সঙ্গে খুব ভাল ব্যবহার করে।

আপনারা হয়ত ভাবছেন কি করে আমরা এত শীত সহ্য করেছি। দিনের বেলা শীত মোটেই ছিল না। যখন নির্মল নীল আকাশে সূর্য উঠত তখন বরফের উপর থেকে এক তীব্র দীপ্তি চারিদিক ঝলসে ফেলত; আলো এত প্রখর যে চোখে নীল চশমা ব্যবহার করতে হত; তা না হলে বাইরে চাওয়া যেত না। বাস্তবিক এই রকম উজ্জল দিন আর দেখি নাই। চারিদিকের বরফ ও পাহাড় যেন কি এক অপার্থিব আভায় জল জল করত; মাথার উপর ঘন নীল আকাশ; ঘন সবুজ পাইনের বন; তার পেছন থেকে পাহাড়ের সার স্তরে স্তরে উঠে আকাশের এককোণা ছেয়ে ফেলেছে। সূর্য অস্ত যাওয়ার সঙ্গে সঙ্গে ভয়ানক ঠাণ্ডা পড়ত; এত ঠাণ্ডা যে হাত বের করা যেত না। কখন বৃষ্টি হতে দেখি নাই; বৃষ্টি জমাট বেঁধে পড়ত।

বিকলে প্রায়ই বেড়াতে যেতাম; কিন্তু সূর্য অস্ত যাওয়ার সঙ্গে সঙ্গে বাড়ীতে ফিরে আসতাম, একটা পথে খুব বেশী যেতাম, কারণ সেই পথে কিছুদূর গেলেই আল্পসের সর্বোচ্চ শিখর ম' ব্লাঁ (Mont Blanc) কে খুব সুন্দর ভাবে দেখা যেত; ম' ব্লাঁ প্রায় মোল হাজার ফিট উঁচু এবং মেজিভ থেকে মাইল ১০।১২ দূরে। একদিনের কথা বেশ মনে আছে। পথ থেকে ম' ব্লাঁকে খুব ভাল দেখতে পাচ্ছিলাম; ক্যামেরা সঙ্গে ছিল; একখানা ছবি নিলাম। কিছুদূর গিয়েই মনে হ'ল এখান থেকে দেখতে আরও সুন্দর, অমনি আর একখানা ছবি নেওয়ার জন্যে; আর একটু যেয়ে দেখি যে এখান থেকে দেখতে আরও সুন্দর; কিন্তু আর প্লেট নষ্ট করতে ইচ্ছা হল না। চার দিকের পাহাড় থেকে সূর্য বিদায় নিয়েছে; ভ্যালিতে তাদের ছায়া

পড়েছে; সন্ধ্যার অন্ধকার ঘনিয়ে আসছে; কিন্তু ম' র্নার মাথার উপর তখনও সূর্যের আলো আছে।

এই রকম অনেক বিকালটো আমাদের কেটেছে। আর একদিনের সন্ধ্যা ভ্রমণ সম্বন্ধে আমার ডায়েরীতে (Diary) যা লিখেছিলাম, তা নীচে তুলে দিচ্ছি। “চারের পর আমরা ছই জনে Comblouxএর দিকে যাত্রা করলাম। নির্জন পথ; সমুখের পাহাড় একবারে নগ্ন, এত খাড়া যে বরফ গারে লেগে থাকতে পারে না। আমাদের ডানে ও বায়ে পাইনের সব গাছ। পথটা পাহাড়ের এক কিনারা দিয়ে চলে গিয়েছে। নীচেরে ত্যালি (উপত্যকা) পাহাড়ের গা থেকে বরফ চলে যাওয়ার জন্য মরা খাস বের হয়ে পড়েছে। সাদা কটা পাহাণের রুদ্ধ ধূসরতা পাইনের ঘন সবুজের সঙ্গে মিশে এক বিচিত্র সমাবেশ হয়েছে। রাস্তা দিয়ে মনে হচ্ছিল কেবল দূরে আরও দূরে চলে যাই।”

“মধ্যে মধ্যে ছই একখানা বাড়ী এবং পথে কচিং পথিক দেখা যাচ্ছিল, সহরে ঘরবাড়ী ও মানুষ এত গাদাগাদি হয়ে আছে যে তাদের পৃথক করে দেখা যায় না। কিন্তু এই নির্জন পাহাড় পথে যখন একজন করাসী কৃষক চলে যাচ্ছিল, তখন প্রকৃতির এই গাছপালা, পাহাড় পর্বত, বরফ ও মরা ঘাসের কটা রঙের মধ্যে মানুষকে কেমন সুন্দর দেখা যায়, তার কি রকম স্থান বেশ বুঝা যাচ্ছিল।”

“এমন সুন্দর সন্ধ্যাভ্রমণ আর কখনও করি নাই; বাতাস এমন স্নিগ্ধ ও শ্রীতিকর আর কখনও ঠেকে নাই। কেবল বেঁচে থাকার যে সুখ আছে, শুধু খাওয়া ও বিশ্রাম করা, খেলা করা প্রভৃতি দিয়ে জীবনের যে আনন্দ পাওয়া যায় আমরা যেন তা উপলব্ধি করতে পারছিলাম।”

মেজিতে অনেক পাহাড়েই উঠেছি। একদিনের বিবরণ দিয়ে মেজিভের প্রসঙ্গ শেষ করি।

মেজিত থেকে সমুখের পাহাড়ের জন্য ম' র্নাকে ভাল দেখা যেত না। মেজিত থেকে হাজার আড়াই কিট উঁচুতে “স্তালে রোজা” বলে একখানা ছোট কাঠের কুটার আছে। সেখানে অবশ্য এখন কেউ নাই। কিন্তু সেখান থেকে নাকি ম' র্নাকে সম্পূর্ণ ভাবে, অর্থাৎ ~~সম্পূর্ণ~~ মাথা পর্যন্ত দেখা যায়। যদিও সমস্ত ব্যরণা বরফে ঢাকা থেকে পথের কিছু হিরতা ছিল না, কিন্তু

আমাদের গৃহকর্তী বললেন যে এত লোক সেখানে গিয়েছে যে বরফের উপর পথের বেশ চিহ্ন আছে ; এবং একবার ঠিক পথ ধরলে আর ভুল হওয়ার উপায় নাই। তিনি শুধু আমাদের সাবধান করে দিলেন যে কুটারে পৌঁছিয়ে যেন আমরা আর একটুও যেন অগ্রসর না হই, কারণ কুটারের ছই তিন গজ দূরেই একটা আড়াই হাজার ফিট গভীর খাত আছে যার মধ্যে পড়ে গেলে আমাদের শরীর ও প্রাণ ছইরের শেষ হবে, আমরা বেলা ছইটার সময় যাত্রা করলাম। কিছুদূর গিয়েই পথ সম্বন্ধে ঘোরতর সন্দেহ উহস্থিত হল, সম্মুখেই বরফে ঢাকা প্রকাণ্ড মাঠ, পথের কোন চিহ্ন নাই। তার ওপারে একটা বাড়ী দেখা যাচ্ছিল। সেইখানে খবর পাওয়া যাবে ভেবে সেই পাক্তর পার হয়ে গেলাম। বরফের মধ্যে হাঁটার কষ্ট কুস্তভোগী ছাড়া কেউ বুঝবেন না। প্রতি পদক্ষেপেই পা ডুবে পরে। সেই বাড়ীতে কোনই নির্দেশ মিলিল না কেবল শুনলাম যে আমাদের আরও উপরে উঠতে হবে। কিছু দূর গিয়ে আর এক বাড়ী পাওয়া গেল। এই সব ক্রমকদের বাড়ী। এরা গ্রীষ্মকালে পাহাড়ের গা চাষ করে, শীতকালে কোন কাজই থাকে না। অনেক ডাকাডাকির পর একজন মেরে বেরিয়ে এসে আমাদের বলল 'a droit' সম্মুখে বরফের উপর পারের চিহ্ন ছই দিকে চলে গিয়েছে। মেরেটি যে কথা বলল তার মানে হয় ডাইনে এবং বরাবর সম্মুখে। আমার ডাইনের পথেই চলতে ইচ্ছা ছিল। কিন্তু আম র বন্ধ করাসী ডাবার আমার চেয়ে বেশী পণ্ডিত ; সুতরাং তাঁর কথামত সম্মুখের পথ ধরা গেল, যদিও সে পথ এমন খাড়া ভাবে উঠেছে যে দেখে বোধ হচ্ছিল বেশীদূর সে যাব নাই। একটু গিয়েই সন্দেহ সত্যি হল। একটা পাইন বনের মধ্যে এসে পথের সমস্ত চিহ্ন মিলিয়ে গিয়েছে। আমরা শেষ লোকান্তর নীচে ছেড়ে এসেছি, সুতরাং কোথায় জিজ্ঞাসা করার উপায় নাই। কিন্তু আমাদের মধ্যে যৌবনের ছবু ছি ভেসে উঠল ; ব্যর্থ হয়ে ফিরে যাব, এ হতেই পারে না। আমরা ছইজন তখন পথচিহ্নহীন নিঃশব্দ বরফের ভিতর দিয়া পাহাড়ে উঠা আরম্ভ করলাম। পাহাড়গুলো কি পাজি ! ম' ব্লাকে অনেকটা দেখা যাচ্ছিল ; মনে হচ্ছিল সম্মুখের এই পাহাড়টার পর আর কোনো উঁচু পাহাড় নাই ; এটাতে চড়লেই ম' ব্লা সম্পূর্ণ দেখা যাবে। সেটার উপর চড়ে দেখি, সম্মুখে আর একটা। সেটার উপর চড়লে আবার আর একটা এসে হাজির হয়, ক্রমে চলাও কষ্টসাধ্য হয়ে উঠল এবং বরফের মধ্যে ক্রমে হাঁটু তারপরে কোমর পর্যন্ত ডুবে যেতে লাগল, কিন্তু আর এক মূর্তন বিপদ দেখা দিল। আমার বন্ধ নিঃশব্দচিত্তে সামনের বরফে পা দিয়েছেন, অমনি ধপাস

করে তার মধ্যে গলা পর্যন্ত ডুবে গেলেন ; দেখা গেল সেটা একটা নদীখাতের কিনারা । পাহাড়ের এই সব কারণে কত গভীর খাতের সৃষ্টি করে সে আমরা দেখেছি । তার উপর দিয়ে বরফের এক ভগ্নুর আন্তরণ শীতকালে পড়ে যায়, ভাগ্যে বন্ধ বেশী গভীর স্থানে পড়েন নাই ; তা হলে জীবন নিয়ে টনাটানি হত । কাষেই আমরা কিরে এলাম । কয়েক ঘণ্টা ধরে হেঁটে যেমন ক্লান্ত হয়েছিলাম, তৃষ্ণা পেয়েছিল তার বেশী, কিন্তু চড়াইয়ের চেয়ে উত্তরাই আরও কষ্টকর ; পেছন থেকে কে যেন সর্বদাই ঠেলা দিচ্ছে নেমে যাওয়ার জন্য ; কিন্তু সেটা ধামিয়ে রেখে ধীরে ধীরে নামতে হয় । যাই হোক, নেমে এসে সেই বাড়ীতে আমরা পানীর প্রার্থনা করলাম তখন বাড়ীতে গাভী দোহন চলছিল, সেই কাঁচা গরম দুধ এনে আমাদের খেতে দিল, এ জিনিষটা মুখ প্রিয় বলতে পারি না । কিন্তু আতুরে নিয়মো নাস্তি ; তাই দুই পেয়াল পান করা গেল । নাম এত কম যে দামের সমান বকশিশ দিয়ে নিশ্চয়ই ভারতীয়দের সম্বন্ধে সম্মান বেশী করে এসেছি ।

ক্রমশঃ—

শ্রীযতীন্দ্রনাথ তালুকদার ।

সুহাসিনীর মৃত্যু ।

বঙ্গপুরের নির্ঘাতিতা, হিন্দুকুলবধু সুহাসিনী দেবী কালকবলে পতিত হইয়া সকল জালা জুড়াইয়াছে । সুহাসিনীর উপর অত্যাচার, নির্ঘাতনের কাহিনী বঙ্গ কাহারও অবদিত নাই । সুহাসিনী গাইবান্ধার এক মোক্তারের কন্যা । কয়েকজন মুসলমানের লালসাস্থল হইয়া সুহাসিনী অপহৃত হইয়া, এবং দুর্ভাগ্য তাহাকে অনেক প্রকারে নির্ঘাতন করে । সুহাসিনীর পিতা অতি কষ্টে তাহার উদ্ধার সাধন করেন । হাইকোর্ট পর্যন্ত সুহাসিনীর মামলা চলে এবং মামলার পুনর্বিচারের আদেশ হয় । কিন্তু বিচার শেষ হইবার পূর্বেই গত ৬ই অগ্রহায়ণ রবিবার বেলা ১১টার সময় সুহাসিনী ঃরানসিংহ জিলার মুক্তাগাছার তাহার জ্যেষ্ঠ শ্বশুরের বাসিন্দা প্রাণত্যাগ করিয়া সকল জালা, বঙ্গা, নিন্দা, অপবাদ ও মানির হাত হইতে অব্যাহতি লাভ

করিয়াছে। এই অগ্রহারণ সুহাসিনীর ফিট হর, রাত্রি ১২টা পর্যন্ত মধ্যে মধ্যে তাহার জ্ঞান ফিরিয়া আসিয়াছিল, কিন্তু তার পর হইতে মৃত্যুকাল পর্যন্ত আর জ্ঞান হয় নাই।

মৃত্যুর কিছু দিন পূর্বে সুহাসিনী নারীস্বাক্ষর সমিতির সম্পাদক শ্রীযুত কৃষ্ণকুমার মিত্র মহাশয়কে নিম্ন উদ্ধৃত পত্র লিখিয়াছিল—

“নিবেদন এই যে, পিতা, ভগবান আমাকে স্বামীর সংসারে আনিয়াছেন, উপকার আপনাই। আপনারা যে উপকার করিয়াছেন, তাহা জীবনে বিশ্বত হইবার নহে। এখানে আসার পরে স্বপুত্রের কাজ গিয়াছে। তাঁহাকে এক্ষরে করিয়াছে এবং এইরূপ হইয়াছে যে, জীবনে :আমার সমাজে উঠিবার সম্ভাবনা নাই। ইহারা আমার হাতে খান নাই, খাইলে কি হইত জানি না। ভগবানের সৃষ্টির মধ্যে আমার ন্যায় হতভাগিনী দ্বিতীয়া আছে কি না সন্দেহ। এখন ইহাদের এমন অবস্থা যে, না খাইয়া মরিবার উপক্রম। সংসারে এফ তিল শাস্তি নাই। এখন আমার ইচ্ছা যে, কোন আশ্রমে আমার জীবনের অবশিষ্ট দিনগুলি কাটাওয়া দেই। টহা আমার প্রাণের একান্ত বাসনা। আপনার কি মত জানাইবেন। যদি ভাল বুঝেন, আমার স্বামীর দ্বারা কিম্বা আপান নিজে আমাকে লইয়া যাইবেন। পত্র পাওয়া মাত্র অভিমত জানাইবেন।”


সুহাসিনীকে মুসলমান পিণ্ডাচের কবল হইতে উদ্ধার করিবার পর তাহার স্বামী শ্রীমান নারায়ণ তাহাকে পুনর্বার গ্রহণ করিয়াছিল, তাহার স্বপুত্রও তাহাকে পুত্রবৎরূপে অন্তঃপুরে স্থান দিয়াছিলেন। কিন্তু যে সমাজ উচ্ছৃঙ্খল, মদ্যপায়ী, বারবনিতাসেবীর কোন দণ্ড দেয় না, যে সমাজ দুর্বলের উপর সর্বদা কঠোর দণ্ড দিতে সমুদ্যত, সেই সমাজ সুহাসিনীকে স্থান দেয় নাই। পরন্তু নানা প্রকার গানিতে তাহার অকলঙ্ক চরিত্রে কলঙ্কের আরোপ করিয়া বর্তমান হিন্দু সমাজের সনাতনত্ব রক্ষা করিয়াছেন। এই মর্মান্বীড়া ও মনোহুখে সুহাসিনী দিন দিন শুষ্ক হইতেছিল, পরিশেষে :কাল আসিয়া তাহাকে সকল নিলাগানির অতীত রাজ্যে লইয়া গিয়াছে।


সমাজ গোড়ামীতে কতদূর অন্ধ ও নির্দম হইতে পারে তাহার পরাকাষ্ঠা এ ক্ষেত্রে হিন্দু মহাত্মাদের ব্যবহার সুস্পষ্ট হইয়া উঠিয়াছে। এই যদি সনাতন হিন্দু ধর্মের ব্যবস্থা হয়

তাহা হইলে নরকের আইন আর বিতীর্ণ নাই। আমাদের ভণ্ডামী পদে পদে,—কর্মক্ষেত্রে, জীবন যাপনে, সামাজিক প্রায় প্রতি ব্যাপারে! আমরা মুখে বলি রমণী দেবী,—প্রকৃতপক্ষে আমরা তাবি তাহার পিশাচী! কুবুন্ডি তাহাদেরই বেশী,—এই যে সমাজে ধারণা যে সমাজে পুরুষ প্রকৃত অত্যাচারী হইলেও দোষী নির্ঘাতিত হইয় রমণী, সে সমাজের সকল শিক্ষা পণ্ড,—সকল আশাই বিফল,—সোনার ভারত আজ এই পাপেই নরকের অধম! এত দেখিয়া এত ভুগিয়াও কি এ কলঙ্কের নিরাকরণ হইবে না!

বিদ্যার্থীর প্রতি আচার্য্য বঙ্গুর উপদেশ ।

সম্প্রতি কাশী হিন্দু বিশ্ববিদ্যালয়ের বাৎসরিক উপাধি বিত্তরনী সভার আচার্য্য স্যার জগদীশচন্দ্র বঙ্গ মহাশয় 'ভারতীয় শিক্ষার ধারা' সম্বন্ধে এক সারগর্ভ বক্তৃতা করেন। চারি হাজার বৎসর যাবৎ ভারতে যে শক্তিতে নিরবচ্ছিন্ন ভাবে বিদ্যার চর্চা হইয়া আসিতেছে তাহার বর্ণনা করিয়া তিনি বহিরাছেন ভারতের সভ্যতার মধ্যে এমন একটা নিহিত শক্তি আছে, যাহা কালের সর্ববিধবংসী ক্ষমতাকে অগ্রাহ করিতে সমর্থ হইয়াছে, যে সভ্যতা অসংখ্য পরিবর্তন সহ করিয়া আজও মাথা তুলিয়া দাঁড়াইয়া রহিয়াছে, যে সভ্যতা মিশরের, এ্যাসিরিয়ার এবং বাবিলনের সভ্যতার উত্থান পতন দেখিয়া আজও সবল সুস্থাবস্থায় বাঁচিয়া আছে। ভারতবর্ষ অতীতে যেমন জগৎকে জ্ঞানদান করিয়াছিল, বর্তমান যুগেও তেমনি করিবে। সে শক্তি নষ্ট হয় নাই। অতীতের সেই মহিমাময়ী শক্তি হৃদয়ে ধারণ করিয়া বিদ্যার্থীগণ কঠোর সাধনার ব্রতী হও। কঠোর সাধনার যে অঙ্গী হইবে, সেই দেশসেবার প্রকৃত অধিকারী। সহজ সুলভ কার্য্যে আনন্দ ও সুফল নাই—কঠিন কার্য্যের দিকে অগ্রসর হইবে। সে পথে সংঘর্ষই একমাত্র সচায়। সংঘর্ষের দ্বারা এই শক্তি সঞ্চিত হয়। স্বাধীন চিন্তার স্রোত কেহ প্রতিরোধ করিতে সমর্থ হয় না। ছুখ দৈন্যের নিদারুণ আঘাতেই মনুষ্য গড়িয়া উঠে। পোষাক পরিচ্ছদ নাই—বিপদের দাতপ্রতিদাতাই তোমাদিগকে শক্ত করিয়া তুলিবে। বৃথা কথা বলিয়া শক্তির অপচয় করিও না, অপরকে উপদেশ দিতে না ঘাইয়া নিজের উপদেশ স্মরণ পালন করিবে। ভারতে এত ধনির্ভ রত্ন ও কৃষিসম্পদ থাকা সত্বেও দেশের যুবকেরা বেকার ও অন্নভাবে দারুণ কষ্ট পাইতেছে, ইহা অপেক্ষা শোচনীয় ব্যাপার আর কি হইতে পারে? উপযুক্ত রূপে পরিচালিত শিক্ষাগারে শিক্ষাদান করিলে দেশীয় যুবকগণ যথোপযুক্ত শিক্ষালাভ করিতে সমর্থ হয়, উপরোক্ত সমস্যা সমাধানের বিপুল প্রয়াসের প্রয়োজন। উচ্চশিক্ষার জন্য বিদেশীর সুধাপেক্ষী না হওয়া আবশ্যসম্মান বোধসম্পন্ন প্রত্যেক দেশের মত আমাদেরও কর্তব্য। কর্মীর উপদেশ সকল হউক।





পরিচায়িকা

(নব পৰ্য্যায়)

“তে প্রাপ্নুবন্তি মামেব সৰ্বভূতহিতে রতাঃ।”

৯ম বর্ষ।

পৌষ, ১৩৩২ সাল।

৯ম সংখ্যা।

আনন্দ উৎসব।

—:(ঃ):—

আজিকার আঙন-বায়ে

ব্যাকুল চাওয়া—

জীবনের হারিয়ে ফেলায়

সকল পাওয়া

এলো ওঁই কোন মায়াবী

হাতে লয়ে কনক-চাবি

মায়াহার ফেললো খুলে

আলোক হাওয়া।

দোলা দ্যায় মনের বনে
 পরশ অধীর
 ভূখাচোখ পান করিচে
 রূপের মন্দির ।
 জনমের এমন খানিক
 ছিল মোর হাসির মানিক
 বাঁশরীর উৎসবেতে
 কী গান শুনায় !
 অজানার পূণ্যফলে
 কোন কারণে,—
 অপ্সরী আসলো আজি
 মোর সাঙ্গনে ।
 ফুলের ওই পাঁপড়ি গুলি
 মাখে গায় পথের ধূলা
 চলেচে পরের তরে
 হারিয়ে যাওয়া !!
 অরঙের রঙের বাসে
 রাঙের মীহার,
 এলো মোর তুলির টানে
 মানস-বিহার
 ভাষা নাই কইতে কথা
 ছবি দ্যায় নীরবতা
 সাধনার অতুল মনি
 দানের নাওয়া ।

ফ্যালে কেউ স্মৃথ পাণে

চপল চরণ,—

থামে কেউ কুটির ঘারে

মানস হরণ ।

আঁকা মোর হাতের চবি

দ্যাখে কেউ তাহার সব-ই

ছোঁয়া দেয় সাপ্টে নিতে

দখিন হাওয়া ।

রূপে মোর ডুব্লে আঁখ

মানস তরুণ,

নিভে যায় আলোক রেখা

দিনের অরুণ ।

পুরা মোর হয়নি হাসি

বিদায়ের বাজলো বাঁশী ;

এসো গো আবার হেথায়

বিদায় চাওয়া !

সময়ের দাম যে এত

মানিক তুমার !

অবসর হয়নি মোটে

একটি মার ।

বছরের একটি দিনে

এসো কেব লইব চিনে

ধামারো কাঁদন-স্তরা

নৌকা বাওয়া ।

বন্দেআলী ।

বাল্মীকীর ব্রাহ্মণ ।

— :: —

তৃতীয় প্রস্তাব ।

দ্বিতীয় অংশ, গোড়মণ্ডলের রাজনৈতিক কথা ।

এই বার-আমরা "গোড়মণ্ডলের রাজনৈতিক কথা" কিছু কহিব । মহাভারত মহাগ্রন্থ হইতে আমরা জানতে পারি যে, ভারতযুদ্ধের পূর্বে এই প্রাচ্য ভারতখণ্ডে মগধাধিপতি জরাসন্ধ সম্রাট ছিলেন এবং অঙ্গ, বঙ্গ, কলিঙ্গ, সুক্ক, পুণ্ড্র, মিথিলা এবং প্রাগ্-জ্যোতিষাদি প্রদেশের নৃপতিবৃন্দ তাঁহার অধিনায়কত্বে দেশ শাসন করিতেন । শ্রীকৃষ্ণের পরামর্শে মহান-পাণ্ডব ভীমসেনের হস্তে জরাসন্ধ নিহত হওয়ার পর তাঁহার পুত্র সহদেব মগধরাজ্যে অভিষিক্ত হইয়াছিলেন । মহারাজ যুধিষ্ঠিরের রাজস্বয়ংক্রমের পরে কিছুকাল পর্যন্ত প্রাচ্য-ভারতীয় ভূপালবৃন্দ ইন্দ্রপ্রস্থের অধীনতা নাম মাত্র স্বীকার করিলেও যুধিষ্ঠিরের সে মহাসাম্রাজ্য দীর্ঘকাল স্থায়ী হয় নাই ; অচিরকাল মধ্যেই জাতি-বিরোধের সর্বনাশকর হতাশনে হস্তিনা এবং ইন্দ্রপ্রস্থের অধীশ্বরগণের সহিত তদানীন্তন ভারতের যাবতীয় কত্রিয়রাজাই শলভবৎ আত্মবিসর্জন করিয়াছিলেন । ভারতযুদ্ধের পর মহারাজ জরাসন্ধের পৌত্র (সহদেবের পুত্র) সোনাধি বা সোমপ গিরিব্রজ নগরে রাজত্ব করিতে থাকেন এবং তাঁহার বংশের হস্তেই মগধ-সাম্রাজ্য এক সহস্র বৎসর পর্যন্ত থাকে । তাঁহার বংশনাশের পর প্রদ্যোতবংশ ১৩৮ বৎসর ও তাহার পর শিশুনাগবংশ ৩৬২ (অথবা ৩৬০) বৎসর সাম্রাজ্য-শাসন করার পর মহানন্দীর সহিত এই শিশুনাগবংশের শেষ হইলে নন্দবংশের প্রতিষ্ঠা হয় । এই বংশের প্রতিষ্ঠাতা মহাপদ্মনন্দ এবং তাঁহার আট পুত্রকে লইয়া নবনন্দ বলা হয় এবং মগধ-সাম্রাজ্য ১০০ বৎসর এই বংশের হস্তে থাকার পর প্রথিতনামা কোটিল্য চাণক্য এই নন্দ-বংশের উচ্ছেদ-সাধন করত মৌর্য চন্দ্রগুপ্তকে রাজ্যে প্রতিষ্ঠিত করেন । মৌর্যবংশ ১৩৭ বৎসর রাজত্ব করার পর শেষ মৌর্যরাজ বৃহদ্রথ অথবা বৃহদ্রথের সেনাপতি পুষ্যমিত্র (পুষ্পমিত্র) রাজাকে বিনাশ করত নিজে রাজ-সিংহাসন গ্রহণ করেন,—এবং তাঁহার বংশ (শুকবংশ) ১১২ বৎসর রাজ্য-

পালন করার পর কংগোত্রীয় ব্রাহ্মণ অমাত্য বসুদেব শেষ শুঙ্গরাজ দেবভূমিঃ অথবা দেবভূতিকে বিনাশ অথবা কারারুদ্ধ করিয়া স্বয়ং সিংহাসনে আরোহণ করেন এবং ৪৫ বৎসর মাত্র রাজ্য তাঁহার বংশের অধিগত থাকে। অন্ধ্রদেশীয় (বা অন্ধ্রজাতীয়) সিদ্ধুক (শিশুক বা শিমুক) কাথায়ণ ব্রাহ্মণরাজ সূশর্মাকে এবং পূর্বরাজ-(শুঙ্গ)-বংশীয় অবশিষ্ট রাজপুত্রগণকে বিনাশ করত স্বয়ং রাজা হন এবং তাঁহাদের হস্তে এই প্রাচ্য ভারতের (এবং সমগ্র দক্ষিণাপথেরও) রাজত্ব ৪৬০ বৎসর ছিল। এই অন্ধ্রবংশের (সাতযাহনবংশের) পতনের পরে ভয়ানক রাজ-বিপ্লব ঘটে ও তাহার পর পাটলিপুত্রের শুপ্তবংশের প্রতিষ্ঠা হয়। শিশুনাগবংশীয় রাজা উদায়ীর (বৃদ্ধদেবের নির্বাণের কিছু পরেই) সময়েই মগধ-রাজ্যের রাজধানী গিরিব্রজ হইতে পাটলিপুত্রে স্থানান্তরিত হইয়াছিল (১)। নন্দবংশের উচ্ছেদের সমকাল হইতে শুপ্তবংশের প্রতিষ্ঠা পর্যন্ত ভারতের উত্তর পশ্চিমাংশে এবং আর্ঘ্যবর্তের স্থানে স্থানে যবন ও শকাধিকার প্রতিষ্ঠিত হইয়াছিল।

মহাভারতের কাল হইতে পাটলিপুত্রের শুপ্ত-সাম্রাজ্যকাল (খৃষ্টাব্দ ৩১৯ হইতে ৫৩৮ অব্দ বা তাহারও কিছু কাল পর) পর্যন্ত সংক্ষিপ্ত ইতিহাস, যাহা আমাদের মহাপুরাণগ্রন্থাবলীতে পাওয়া যায় তাহা উপরে বিবৃত হইল। বৌদ্ধ এবং জৈন ধর্মাবলম্বিগণের গ্রন্থ হইতে ও অনেক ঐতিহাসিক সংবাদ পাওয়া যায় ;—ঐতিহাসিক পণ্ডিতেরা তাহাও সময়ে সংগ্রহ এবং প্রকাশিত করিয়াছেন। মৌর্য-চন্দ্রগুপ্তের সময় হইতে আরম্ভ করিয়া শুপ্তবংশের সময় পর্যন্ত কালের অনেক ঐতিহাসিক তথ্য পৌরাণিক প্রবাদ ভিন্ন শৈললিপি, স্তম্ভলিপি, শিলালিপি, মুদ্রা এবং তাম্রশাসনাদির দ্বারা সমর্থিত হইয়াছে। প্রদ্যোতবংশ, শিশুনাগবংশ, নন্দবংশ, মৌর্যবংশ, শুঙ্গবংশ, কাথবংশ এবং অন্ধ্রবংশের রাজগণের প্রকৃত কাল-নির্ণয় এবং তাঁহাদের প্রভাবের বিস্তৃতি লইয়া পণ্ডিতে পণ্ডিতে অনেক মতভেদ থাকিলেও আমাদের আলোচনার নিমিত্ত সেট

(১) আমাদের প্রদত্ত এই সংক্ষিপ্ত ইতিহাস বায়ুপুরাণ (৯৯ অধ্যায়), মৎস্যপুরাণ (২৭২—২৭৩ অধ্যায়), বিষ্ণুপুরাণ (৪র্থ অংশ, ২২—২৪শ অধ্যায়) এবং শ্রীমদ্ভাগবতের (৯ম স্কন্ধ, ২২ অধ্যায় ও ১২শ স্কন্ধ ১ম অধ্যায়) ঐতিহাসিক অংশ হইতে গৃহীত। মিঃ ভিন্সেন্ট স্মিথের ইতিহাস, অধ্যাপক দেবদত্ত ভাণ্ডারকরের পুস্তকাবলী এবং কেঞ্চিং ইতিহাসও দ্রষ্টব্য।

সকল মতভেদের ঝলকোলাহলে যোগদানের বিশেষ আবশ্যকতা নাই। আমরা মূলতঃ এই মাত্র বলিতে চাই যে, মহাভারতের কাল হইতে গুপ্তকাল পর্যন্ত মগধনাথই প্রাচ্য ভারতখণ্ডে সম্রাটের পদে প্রতিষ্ঠিত ছিলেন, এবং অঙ্গ, বঙ্গ, পুণ্ড্র, স্কন্ধ, কামরূপ ও কলিঙ্গাদির রাজগণ মগধনাথের ছত্রচ্ছায় নিজ নিজ রাজ্যের প্রজাগণকে শাসন পালনাদি করিতেন। গুপ্তবংশীয় চন্দ্রগুপ্ত (দ্বিতীয় বা বিক্রমাদিত্য) মহারাজের সময়েই গৌড়মণ্ডল প্রথমে মগধ-সম্রাটের সাক্ষাৎ শাসনাধীন হওয়ার প্রমাণ পাওয়া গিয়াছে। তবে, পূর্বে কামরূপ হইতে দক্ষিণে কলিঙ্গ পর্যন্ত এই বিস্তৃত প্রাচ্য প্রদেশের সর্বত্রই যে গুপ্তনাথগণের সমান রাজনৈতিক প্রভাব বর্তমান ছিল, তাহা বলা যায় না। অন্ততঃ কামরূপে ভগদত্তবংশীয় রাজগণের বংশধারা অবিচ্ছিন্নভাবেই যে বহুকাল পর্যন্ত (এমন কি খৃষ্টীয় ষোড়শ শতাব্দী পর্যন্ত) চলিয়াছিল এবং পূর্ববঙ্গে যে স্বতন্ত্র রাজবংশ রাজত্ব করিতেন, তাহারও সাক্ষ্য (তাব্রশাসনাদি দলীল) পাওয়া গিয়াছে।

ঐতিহাসিকগণের সংগৃহীত প্রমাণে দেখিতে পাওয়া যায় যে, খৃষ্টীয় ৫৩৮ অব্দের নিকটবর্তী সময়ে, গুপ্তসম্রাট দ্বিতীয় কুনারগুপ্তের সহিত, গুপ্তবিংশের মহারাজ্য উৎসন্ন গিয়াছিল। নিম্নে তাঁহাদের বংশ তালিকা প্রদত্ত হইল ;—

	মহারাজ শ্রীগুপ্ত
	—
	মহারাজ শ্রীঘটোৎকচগুপ্ত
	—
	মহারাজাধিরাজ শ্রীচন্দ্রগুপ্ত—প্রথম সম্রাট (৩১৯—৩২০ খৃষ্টাব্দ)
ঐ	শ্রীসমুদ্রগুপ্ত (খৃঃ ৩৭৫ পর্যন্ত)
ঐ	শ্রীচন্দ্রগুপ্ত দ্বিতীয় (বিক্রমাদিত্য) ৪১৩ খৃঃ পর্যন্ত)
ঐ	শ্রীকুমারগুপ্ত প্রথম (খৃঃ ৪৫৫ পর্যন্ত)
ঐ	শ্রীবন্দগুপ্ত (খৃঃ ৪৮০ অব্দ পর্যন্ত)
ঐ	শ্রীপুরগুপ্ত (৪৮০ খৃঃ)
ঐ	শ্রীনরসিংহগুপ্ত (বালাদিত্য) (৪৮৫ খৃঃ)
ঐ	শ্রীকুমারগুপ্ত দ্বিতীয় (৫৩৮ খৃষ্টাব্দ পর্যন্ত) । (২)

(২) মিঃ ভিন্সেন্ট স্মিথের প্রাচীন ভারতের ইতিহাস হইতেই প্রধানতঃ এই তালিকা গৃহীত।

গুপ্ত সাম্রাজ্যের অধিকার কালে গৌড়মণ্ডলের কোন কোন অংশ যে সাক্ষাৎ সম্বন্ধে তাঁহাদের শাসনাধীন ছিল, তৎসম্বন্ধে সন্দেহ নাই। দিনাজপুরের অন্তর্গত দামোদরপুরে আবিষ্কৃত পাঁচখানি এবং রাজসাহী জেলার নাটোর মহকুমার নিকট ধানাইদহ গ্রামে আবিষ্কৃত একখানি এই ছয়খানি প্রাচীন তাম্রশাসনের প্রমাণ হইতে নিম্নলিখিত ঐতিহাসিক সংবাদ সংগৃহীত হইয়াছে—

(১) নাটোরের ধানাইদহ লিপি,

সম্রাট প্রথম কুমার গুপ্ত, গুপ্তাব্দ ১১৩ (খৃষ্টাব্দ ৪৩২—৪৩৩)

(২) দিনাজপুর দামোদরপুর লিপি (ক),

সম্রাট প্রথম কুমার গুপ্ত, গুপ্তাব্দ ১২৪ (খৃষ্টাব্দ ৪৪৩—৪৪৪)

(৩) ঐ দামোদরপুর লিপি (খ),

সম্রাট প্রথম কুমার গুপ্ত, গুপ্তাব্দ ১২৯ (খৃষ্টাব্দ ৪৪৮—৪৪৯)

এই তিনখানি তাম্রশাসনই মহারাজাধিরাজ প্রথম কুমারগুপ্তের সময়ে তাঁহার নিযুক্ত উপরিক (প্রাদেশিক শাসনকর্তা) এবং বিষয়পতির (জেলার সর্বশ্রেষ্ঠ কর্মচারী) শাসনকালে সম্পাদিত হইয়াছিল। দামোদরপুরের অবশিষ্ট তিনখানি শাসন লিপির দুইখানি সম্রাট বৃধগুপ্তের রাজ্যসময়ে, (সংবতের অঙ্ক লুপ্ত হওয়ায় পাঠ করিতে পারা যায় নাই) এবং একখানি সম্রাট ভানুগুপ্তের রাজ্যকালে, ২১৪ গুপ্তাব্দে, (৫৩৩—৫৩৪ খৃষ্টাব্দে) সম্পাদিত হইয়াছিল। ভানুগুপ্তের যে কাল (২১৪ গুপ্তাব্দ বা ৫৩৩—৫৩৪ খৃষ্টাব্দে) দেওয়া হইয়াছে, তাহা ঐতিহাসিক গণের মতে দ্বিতীয় কুমারগুপ্তের রাজ্য কালের মধ্যে পড়ে। “বৃধগুপ্ত” এই নাম গুপ্ত সম্রাটগণের সুপরিজ্ঞাত বংশাবলীর মধ্যে পাওয়া যায় না ;—বংশাবলীতে স্বন্দগুপ্তের পুত্র পুরগুপ্তের নাম পাওয়া যায়। এই পুরগুপ্তের নামই “বৃধগুপ্ত” পঠিত হইয়াছে কি না,—অথবা বৃধগুপ্ত পৃথক কোনও নরপতি ছিলেন, (যাহার নাম পূর্বে জানা যায় নাই), তাহা আমরা বলিতে অসমর্থ। ভানুগুপ্ত ও দ্বিতীয় কুমারগুপ্তের নামান্তর কিনা, তাহাও বিবেচ্য। যাহাই হউক, এই ছয়খানি তাম্রশাসন হইতেই জানিতে পারা যাইতেছে যে, উত্তর বঙ্গ (প্রাচীন পুণ্ড্রদেশ) সাক্ষাৎ সম্বন্ধে গুপ্ত

সাম্রাজ্যের শাসনাধীন হইয়াছিল। দামোদর পুরের পাঁচখানি শাননেই “পুণ্ড্রবর্ধন ভুক্তি” এবং তদধীন “কোটিবর্ষ বিষয়ের” উল্লেখ এবং কোটিবর্ষ বিষয়াধিষ্ঠানের (জেলার কাছারীর) মুদ্রা বা মোহর সংযুক্ত রহিয়াছে।

পূর্ববঙ্গের ফরিদপুরে আবিষ্কৃত চারিখানি পুরাতন তাম্রশাসন হইতেও অমুদিত হয় যে গুপ্তসাম্রাজ্যকালে তথায় ও সাক্ষাৎ সম্বন্ধে গুপ্ত-শাসন প্রবর্তিত হইয়াছিল (৩)।

গৌড়বঙ্গের ধার্মিক, সামাজিক এবং রাজনৈতিক ইতিহাস শিক্ষার্থীগণের পক্ষে এই ১০খানি অতি প্রাচীন তাম্রশাসন অতিশয় মূল্যবান। গৌড়বঙ্গের ধার্মিক এবং সামাজিক ইতিহাস আলোচনা-কালে আমরা পুনরায় এইগুলির কথা বলিব।

গুপ্তগণের মহারাজ্য ধ্বংসপ্রাপ্ত হইবার পূর্বেই তাঁহাদের বংশের রাজপুত্রগণ মালবে, মগধে, গৌড়ে এবং ওড়িশায় প্রথমে সামন্তস্বরূপে রাজ্যস্থাপন করিয়াছিলেন এবং ঐ সাম্রাজ্য ধ্বংসপ্রাপ্ত হইবার পরে তাঁহাদের দায়াদগণ স্বতন্ত্র স্বতন্ত্র অধিকারের প্রতিষ্ঠা করিয়াছিলেন, এ কথা আমরা পূর্ব প্রস্তাবে বলিয়াছি। ওড়িশায় কেশরীবংশের প্রতিষ্ঠাতা যযাতি কেশরী, মগধের আদিত্যসেন এবং গৌড়ের শশাঙ্ক নরেন্দ্রগুপ্ত এই তিন জনই গুপ্তরাজকুলের দায়াদ ছিলেন বলিয়া ঐতিহাসিকগণ অবধারণ না করুন, অমুমান করিয়াছেন। এই তিন জনের মধ্যে যযাতি কেশরী হর্ষের অগ্রগামী, শশাঙ্ক সমসাময়িক এবং আদিত্য সেন তাঁহার পরগামী ছিলেন। হর্ষের সমসাময়িক কামরূপ-পতি কুমার ভাস্করবর্ম স্বতন্ত্র রাজকুলোৎপন্ন (ভগদত্ত বংশীয়) ছিলেন, তাহা পূর্বেই উক্ত হইয়াছে।

(৩) এই শাসনগুলির প্রকৃত পাঠনির্ণয়ের জন্য অধ্যাপক শ্রীযুক্ত রাধাগোবিন্দ বসাক এম-এ, মহাশয়ের নিকট আমরা বিশেষ ভাবে কৃতজ্ঞ। সাহিত্য, ১৩২৩ ৫৮৬ পৃষ্ঠা এবং ১৩২৭, ১৩—৮৫ পৃষ্ঠা দ্রষ্টব্য।

গুপ্তগণের মহারাজ্য ধ্বংসপ্রাপ্ত হইবার পরও মগধে নিম্নলিখিত গুপ্ত-রাজগণের নাম প্রাপ্ত হওয়া যায়, যথা—

- ১। শ্রীকৃষ্ণ গুপ্ত
- ২। শ্রীহর্ষ গুপ্ত
- ৩। শ্রীজীবিত গুপ্ত (প্রথম)
- ৪। শ্রীকুমার গুপ্ত (তৃতীয়)
- ৫। শ্রীদামোদর গুপ্ত
- ৬। শ্রীমহাসেন গুপ্ত
- ৭। শ্রীমাধব গুপ্ত (৬০৬ খৃষ্টাব্দে)।
- ৮। শ্রীআদিত্য সেন (৬৭২ খৃষ্টাব্দ)।
- ৯। শ্রীদেব গুপ্ত
- ১০। শ্রীবিক্রম গুপ্ত
- ১১। শ্রীজীবিত গুপ্ত (দ্বিতীয়)। (৪)

(৪) আফসদ, আসীরগড়—লিপি, দেববরুণার্ক-লিপি, হর্ষ-চরিত ইত্যাদি দ্রষ্টব্য। আফসদ লিপি, আসীর গড় মুদ্রালিপি এবং দেববরুণার্কলিপি :Corpus Inscriptionum, Vol. III. গ্রন্থে মুদ্রিত হইয়াছে। সার ভিসেন্ট স্মিথ এবং সি, ভি, বৈদ্যের ইতিহাসেও উল্লিখিত আছে।

এই তালিকার মধ্যে সপ্তম মাধবগুপ্ত হর্ষবর্ধনের, এবং তাঁহার পিতা মহাসেন গুপ্ত হর্ষবর্ধনের পিতা প্রভাকর বর্ধনের, সমসাময়িক ছিলেন। মহাসেন গুপ্তের ভগিনী মহাসেনা গুপ্তা দেবী হর্ষের পিতামহী এবং প্রভাকরের জননী ছিলেন। উপরি লিখিত গুপ্ত রাজগণের রাজ্য মালবে ছিল বলিয়া কেহ কেহ অনুমান করিয়াছেন, কিন্তু প্রমাণ অভাবে আমরা তাঁহাদের মত গ্রহণ করিতে অসমর্থ।

কন্নৌজের রাজকবি বাকপতিরাজ স্বপ্রণীত “গৌড়বহো”-(গৌড়বধ)-কাব্যে কন্নৌজের রাজা যশোবর্মদেব কর্তৃক এক গৌড়রাজের পরাজয়-কাহিনী লিপিবদ্ধ করিয়াছেন। যে সকল পণ্ডিত ঐ কাব্যকে ঐতিহাসিক গ্রন্থ বলিয়া গ্রহণ করিয়াছেন, তাঁহাদের মতে উল্লিখিত তালিকার নবমরাজা শ্রীদেবগুপ্তই ঐ পরাস্ত এবং নিহত গৌড়রাজ। আমরা “গৌড়বহো” কাব্যকে কাব্যগত বলিয়া গ্রহণ করি, এবং কাব্যের বাণত দিগ্বিজয় কাহিনীকে কবির কল্পনার লীলা-বিলাস ভিন্ন আর কিছুই মনে করি না;—সুতরাং তৎসম্বন্ধে অধিক আলোচনা নিষ্পয়োজন।

গুপ্তসাম্রাজ্য বিনষ্ট হইবার পরে যে দ্বিতীয় গুপ্তবংশ (শ্রীকৃষ্ণগুপ্ত প্রমুখ) মগধে রাজত্ব করিয়াছিলেন, তাঁহাদের রাজধানী সম্ভবতঃ প্রথমে পাটলিপুত্রে, এবং পরে পাটলিপুত্রের অবনতি হইলে, তথা হইতে “বেহারে” স্থানান্তরিত হইয়াছিল। এই বংশের অষ্টম রাজা আদিত্য সেনের যে আক্ষয়-প্রশস্তি পাওয়া গিয়াছে, তাহাতে তিনি নিজ পিতা মাধব গুপ্তকে “শ্রীহর্ষদেব নিজ-সঙ্গমবাহুনা” ইত্যাদি বর্ণনায়ুক্ত করায় মনে হয় যে এই মাধবগুপ্তই হর্ষচরিত-লিখিত শ্রীহর্ষের অনুচর মাধবগুপ্ত হইবেন। আদিত্য সেনের একখানি লিপিতে (৫) তাঁহার সময় ৬৬ হর্ষ সংবৎ (অথবা ৬৭২ খৃষ্টাব্দ) উল্লিখিত হইয়াছে।

এইস্থানে কাশ্মীরের ইতিহাসের সহিত আমাদের গৌড় ইতিহাসের একটু সংস্পর্শ আছে, কিন্তু, তাহার পূর্ণ

বাণট্ট উল্লেখ করিয়া গিয়াছেন। শশাঙ্কের রাজধানী কর্ণসুবর্ণ নগরের অবস্থান মুর্শিদাবাদ জেলার কান্দী মহকুমার ভাগীরথীর পশ্চিমতটে “ব্রাহ্মণাটী” বলিয়া পণ্ডিতেরা নির্দেশ করিয়াছেন। তাঁহার পিতা অথবা পিতামহাদির কোন সংবাদ পাওয়া যায় না। হর্ষের হস্তে তিনি পরাস্ত হইলেও নিহত হন নাট, এবং পরাস্ত হওয়ার পর তিনি কর্ণসুবর্ণ পরিত্যাগ করত দক্ষিণবাতে আসিয়া রাজধানী স্থাপন করিয়া থাকিবেন। হর্ষের মিত্র কামরূপরাজ কুমার ভাস্করবর্মা অন্ততঃ কিছুদিনের জন্য হর্ষবর্ধনের অধীনতায় গৌড় শাসন করিয়া থাকিবেন; সেহেতু কর্ণসুবর্ণ জয়স্বর্গাবার হইতে প্রদত্ত একখানি তাম্রশাসনের দ্বারা কুমার ভাস্করবর্মা কয়েকখানি গ্রাম কয়েকজন ব্রাহ্মণকে দান করিয়াছিলেন। কোঙ্গদমগুল (গঞ্জাম) হইতে একজন সামন্তরাজার প্রদত্ত (খৃঃ ৬১৯ অব্দে) একখানি শাসন হইতে জানিতে পারা গিয়াছে যে, শশাঙ্কের রাজ্য তৎকালে গঞ্জাম পর্যন্ত বিস্তৃত ছিল। ব্রাহ্মণাটীর শাক্ষীপীয়া গ্রহাচার্য ব্রাহ্মণগণের কুলপ্রবাদানুসারে মহারাজ শশাঙ্কই কয়েকজন শাক্ষীপীয়া ব্রাহ্মণকে অযোধ্যা প্রদেশ হইতে গৌড়ে আনাষ্টয়াছিলেন। খৃস্টীয় সপ্তম শতাব্দির প্রায় মধ্যভাগ পর্যন্ত শশাঙ্ক নারেন্দ্রগুপ্ত গৌড়দেশের স্বাধীন বা মিত্র রাজা ছিলেন, তাহা মনে করিবার যথেষ্ট প্রমাণ আছে। শশাঙ্কের পর, সম্ভবতঃ গৌড়দেশ পুনরায় মগধের সহিত মিলিত হইয়া গিয়াছিল, এবং আদিতা সেন মগধ হইতে রাজস্ব পরিচালনা করিতেন এবং গৌড়ে পূর্ববৎ সামন্তরাজারা মগধের অধীনতায় রাজ্যশাসন করিতেন।

কাশ্মীরের তুলভবর্ধন-(কায়স্থ)-বংশীয় মহারাজ মুকুপীড় ললিতাদিত্য দিগ্বিজয় উপলক্ষে বহির্গত হইয়া প্রথমে কন্নৌজের নশোবর্মা'কে পরাস্ত করত গৌড়ের অভিমুখে অগ্রসর হইয়া ছিলেন। গৌড়পতি দিগ্বিজয়ী কাশ্মীর-রাজের সহিত সন্ধি করত তাঁহাকে অনেকগুলি হস্তী উপঢৌকন দিয়া আশ্রয়সাধন করেন। কাশ্মীররাজ এইরূপ মিত্রতাবন্ধ গৌড়রাজকে আমন্ত্রণ করত সন্ধি করিয়া কাশ্মীরে লইয়া যান এবং তথায় তাঁহার স্থাপিত বিষ্ণু-বিগ্রহ পবিত্র-কেশবের মন্দিরে বিগ্রহকে অধাস্থ রাখিয়া প্রতিজ্ঞা করেন, যে তিনি অতিথি গৌড়পতির কোন হানি করিবেন না। অবশেষে কোনও কারণে কাশ্মীররাজ নিজ পবিত্র প্রতিজ্ঞা ভঙ্গ করত গৌড়-রাজের বধ সাধন করিয়া নিজ ধবংগ যশোর পটে অক্ষয়নীর কলক অর্পণ করিয়াছিলেন।

রাজতরঙ্গিণীকার কবি কহলগমিশ্র এই স্থানে কতকগুলি গোড়ীয় প্রভুভক্ত বীরের অদ্ভুত রাজভক্তি এবং শৌর্ষের পরিচয় দিয়াছেন। কাপুরুষ বলিয়া কথিত গোড়বাসীর পক্ষে বিদেশী কবির প্রদত্ত এই প্রশংসাপত্রের মূল্য অল্প নহে। কাশ্মীরের রাজকবি কহলগ বলিয়াছেন,— “ক্রমশঃ গোড়রাজের নিধনবাতী স্বদেশে পৌঁছিলে কতকগুলি রাজভক্ত গোড়ীয় বীর রাজ-হত্যার প্রতিশোধ লষ্টবার জন্য কাশ্মীর যাত্রা করিলেন। ‘সারদাদেবীর দর্শনার্থী যাত্রী’ এই পরিচয় প্রদানের দ্বারা তাঁহারা কাশ্মীর রাজ্যে প্রবেশ পূর্বক একেবারে পরিহাসপুরে উপস্থিত হইলেন। রাজা ললিতাদিত্য রাজ্যে উপস্থিত ছিলেন না,—তিনি দিগ্বিজয়ের জন্য উত্তরাপথে যাত্রা করিয়াছিলেন; তাই রক্ষা পাইলেন। পরিহাস-কেশব তাঁহারা সম্মুখে কৃত শপথ রক্ষা করিতে অপারগ হওয়ায় প্রতিহিংসাপরায়ণ গোড়ীয় বীরগণ তাঁহার মূর্তি ভগ্ন করিবার উদ্দেশ্যে ছুটিলেন, কিন্তু সম্মুখে রামস্বামী মন্দিরের মুক্ত পাইয়া ক্রমবশতঃ তাহাতেই প্রবেশ করিলেন এবং উন্নতের মত রামস্বামীর রক্তমূর্তি ভাঙ্গিয়া চূর্ণ বিচূর্ণ করিয়া সেই রক্ত রেণুগুলিকে পথের ধূলায় সহিত মিশ্রিত করিয়া দিয়া চলিয়া গেলেন! রামস্বামীর বিগ্রহশূণ্য মন্দির আজিও গোড়ীয় বীরগণের অচলা রাজভক্তির পরিচয় প্রদান করিতেছে।” কাশ্মীরে প্রবাদ আছে যে স্বঃ সীতাপতি রামচন্দ্র এই রামস্বামীর বিগ্রহ প্রতিষ্ঠিত করিয়াছিলেন।

এই নিহত গোড়রাজ যে কে, তাহা এখনও অভ্রান্তভাবে নিরূপিত করা যায় নাই। কোন কোন ঐতিহাসিক মনে করেন যে, তিনি মগধের আদিত্যসেনের পুত্র দেবগুপ্ত। কহলনের মতে খৃঃ ৬৯৯ হইতে ৭৩৫ অব্দ পর্যন্ত ললিতাদিত্য মুক্কাপীড়ের কাল। সমর লটয়া মিলাইলে (খৃষ্টীয় ৬৭২ খৃষ্টাব্দের) আদিত্যসেনের পুত্র দেবগুপ্ত অথবা তাঁহার পৌত্র বিষ্ণুগুপ্ত এই গোড়রাজ হওয়া অসম্ভব নহে।

কাশ্মীররাজ ললিতাদিত্যের পৌত্র মহারাজ জয়্যাপীড় বিনয়াদিত্যের সহিত ও গোড় রাজ্যের সম্বন্ধের কথা কহলগম বলিয়াছেন। সেই কাহিনী শুনিতে ঠিক কল্পনাময় কথাকাব্যের আখ্যানবস্তুর মত। উহা অনেকেই জানেন,—তবুও বাঙ্গালার কথা বলিয়া আমরাও কহিব। জয়্যাপীড় পিতামহের পদাঙ্কানুসরণ করত দিগ্বিজয়ে বাহির হইয়া সৈন্যে প্রয়াগ পর্যন্ত আসিবার পর, সৈন্যদিগের দিগ্বিজয়ে বিরাগ দেখিয়া তিনি একাকীই পূর্বাভিমুখে প্রস্থান করিলেন এবং ক্রমশঃ গোড়ের রাজধানী পুণ্ড্রবর্ধনে উপস্থিত হইলেন। সে সময়ে জয়ন্ত নামে এক ক্ষুদ্র

সামন্ত রাজা পুণ্ড্রবর্ধনে রাজত্ব করিতেছিলেন। রাজধানীর কার্তিকেয়মন্দিরে অলোক-সামান্য মূল্যবান কমনীয়মূর্তি নতকী কমলা নৃত্য করিতেছিলেন,—মহারাজ জয়াপীড় ছদ্মবেশে সেই নৃত্যদর্শন-কালে নতকীর সানুরাগদৃষ্টির অতিথি এবং কমলা কতৃক নিমন্ত্রিত হইয়া তাঁহার আবাসে গেলেন। সেইখানে গিয়া শুনলেন যে, নগরবাসিনীগণ একটা সিংহের উপদ্রবে বড়ই বিব্রত হইয়াছে,—সন্ধ্যার পর কেহই একাকী নগরের পথে বাহির হইতে সাহস করে না। রাজা বৃদ্ধ, তাঁহার কর্মচারিগণও নিশ্চেষ্ট। জয়াপীড় এই কথা শুনিয়া একাকী রাত্রিতে পথে বাহির হইলেন এবং ছুরিকা দ্বারা সেই সিংহের সর্বার করিলেন। সিংহকে তিনি যখন ছুরিকাঘাত করেন, তখন উহার ব্যাদিত বদনের ভিতর মণ্ডলহস্তের কিয়দংশ প্রবিষ্ট হওয়ায় তাঁহার হস্তের রক্তবলয় সিংহের দ্রুততার ভিতর আবদ্ধ হইয়া গিয়াছিল, তাহা রাজার লক্ষ্য হয় নাই। প্রভাতে নগরবাসিগণ সবিস্ময়ে দেখিল যে সিংহ মরিয়া পথে পড়িয়া আছে, আর তাহার মুখের ভিতর একগাছি রক্তবলয় আটকাইয়া আছে। একজন সাহসী ব্যক্তি সেই রক্তবলয় গাছটি মুত সিংহের মুখগহ্বর হইতে বাহির করিয়া লইয়া রাজসভায় গেল এবং সিংহবধ বৃত্তান্ত নিবেদন করত বলয় রাজাকে দান করিল। রাজা বলয় লইয়া পরীক্ষা করিতে করিতে দেখিলেন যে উহাতে “জয়াপীড়” নাম অঙ্কিত আছে। এই ঘটনা হইতে রাজা জানিতে পারিলেন যে, দিগ্বিজয়ী কাশ্মীররাজ জয়াপীড় ছদ্মবেশে তাঁহার নগরে আসিয়াছেন; সুতরাং ভয়ে তিনি কাঁপিয়া উঠিলেন। রাজার আদেশে চরেরা তখনই ছদ্মবেশী সিংহহস্তার অনুসন্ধান করিতে করিতে জানিতে পারিল যে, কমলার গৃহেই সেই আগন্ধুক বাস করিতেছেন। রাজা জয়ন্ত তখন সমারোহে রথ লইয়া স্বয়ং পাত্ৰমিত্র সহিত কমলার আবাসে আসিয়া অভ্যর্থনাসহকারে জয়াপীড়কে নিমন্ত্রণ করিয়া প্রাসাদে লইয়া গেলেন এবং তথায় রাজ-কুমারী কল্যাণদেবীর সহিত জয়াপীড়ের বিবাহ হইল। জয়াপীড় নতকী কমলাকেও বিবাহ করিয়া তাহাকে ভোগিনী রাণীর পদ প্রদান করিয়াছিলেন। বিবাহোৎসব সম্পন্ন হইবার পর মহারাজ জয়াপীড় বিস্মৃত গোড়রাজ্যের আরও কয়েকজন সামন্তকে যুদ্ধে পরাভূত করিয়া স্বস্তর জয়ন্তকে পঞ্চগৌড়ের অধীশ্বর করত সদ্যোবিবাহিতা দুই রাণীকে লইয়া কাশ্মীর রাজ্যে প্রত্যাগমন করিয়াছিলেন। কল্যাণের সময় পর্যন্ত গোড়রাজকন্যা পট্টনহাদেবা কল্যাণদেবীর প্রতিষ্ঠিত মন্দির রাজধানীতে বিদ্যমান ছিল। এই জয়াপীড় (জয়াদিত্য) সংস্কৃত সাহিত্যের সুবিখ্যাত পণ্ডিতরাজ কীর্ত্ত্বানীর আশ্রয়দাতা

এবং নিজেও অসাধারণ পণ্ডিত ছিলেন। পণ্ডিতগণের মধ্যে প্রচলিত প্রবাদের মতে ইনি পাণিনীর কাশিকাবৃত্তির গ্রন্থকার জয়াদিত্য। প্রাচ্যবিদ্যাগর্হাব শ্রীযুক্ত নগেন্দ্রনাথ বসু মহাশয়ের মতে এই জয়ন্তই “আদিশূর” নামে কুলশাস্ত্রে পরিচিত হইয়াছেন। কল্পণের মতে খৃঃ ৭৫১—৭৮২ অব্দ জয়াপীড়ের রাজত্বকাল। পুণ্ড্রবর্ধনপতি জয়ন্ত প্রকৃত প্রস্তাবে ঐতিহাসিক ব্যক্তি হইলে, তিনি খৃষ্টীয় অষ্টম শতাব্দের মধ্য হইতে উহার শেষভাগ পর্যন্ত এই কালের মধ্যে রাজত্ব করিতেন বলিতে হয়; এবং তাহা হইলে দেববর্ধনপতির সূর্য-নির-সংস্কারক মগধের দ্বিতীয় জীবিতগুপ্তের পর (জীবিতগুপ্তের সময় ৭৩২ খৃষ্টাব্দ অনুমান করা যাইতে পারে) এই গোড়পতি জয়ন্তের রাজ্যরস্তুর কাল বলিয়া ধরিয়া লওয়া যাইতে পারে। তবে এ কথা বলা উচিত যে, এক রাজ-তরঙ্গিনী ভিন্ন আর কোনও প্রমাণের দ্বারা জয়ন্তের কাহিনী সমর্থিত না হওয়ায় তাঁহাকে অবিঃস্বাদিতভাবে ঐতিহাসিক ব্যক্তি বলিয়া ধরিয়া লওয়া সম্ভব হইবে বলিয়া বোধ হয় না। প্রত্নতত্ত্ব বিভাগের অধ্যক্ষ শ্রীযুক্ত রাখালদাস বন্দ্যোপাধ্যায় মহাশয়ের প্রণীত কথাগ্রন্থ “শশাঙ্ক” অপেক্ষা “রাজতরঙ্গিনী”র ঐতিহাসিক মূল্য বড় অধিক বলিয়া মনে করিবার কারণ আছে কিনা, তাহার বিচার এখনও হইয়াছে বলিয়া বোধ হয় না।

যদি পুণ্ড্রবর্ধন-পতি জয়ন্তকে ঐতিহাসিক কোন গোড়পতি বলিয়া স্বীকার করিতে পারা যায়, তাহা হইলে তাঁহার সময়েই সম্ভবতঃ কামরূপরাজ হর্ষদেব গোড়, ওড়্র, কোশল ও কলিঙ্গ বিজয় করিয়াছিলেন (৬); এবং তাঁহারই জীবনান্ত-কালে গোড়বঙ্গে অরাজকতা নিবন্ধন “নাৎমান্যায়” প্রবর্তিত হওয়ার দেশের প্রকৃতিপুত্র “দয়িতবিষ্ণুর পৌত্র, রণকুশল বপ্যাটের পুত্র শ্রীগোপাল দেবকে” রাজ্য নিবাচিত করিয়াছিলেন। শ্রীগোপাল দেব হইতেই গোড়বঙ্গে পাল-সাম্রাজ্য প্রবর্তিত হইয়াছিল এবং ঐতিহাসিকগণের চেষ্টায় পালবংশের নিম্নলিখিত রাজ-তালিকা সংগৃহীত হইয়াছে (৭)।



(৬) এই ঘটনা নেপালের রাজা শিবদেবের পুত্র জয়দেবের শাসনে (খৃঃ ৭৬৯ অব্দের) উল্লিখিত হইয়াছে। এই জয়দেব হর্ষদেবের কন্যা রাজ্যদেবীকে বিবাহ করিয়াছিলেন।

(৭) গোড় লেখমালা,—গোড় রাজমালা, রাখালদাস বন্দ্যোপাধ্যায়ের ব্যঙ্গালার ইতিহাস, অক্ষয়কুমার মৈত্রেয় মহাশয়ের বক্তৃতা প্রভৃতি দ্রষ্টব্য।

দক্ষিণবিত্ত

বপাট

- ১। গোপাল (খৃঃ ৭৮৫—৭৯০ মধ্যে রাজ্য প্রাপ্তি ;) ভিসেন্ট স্মিথের মতে ৭৫০ খৃঃ!
- ২। ধর্মপাল (৭৯০—৭৯৫ মধ্যে রাজ্য প্রাপ্তি)
- ৩। দেবপাল
- ৪। বিগ্রহপাল (প্রথম)।
- ৫। নারায়ণপাল
- ৬। রাজাপাল
- ৭। গোপাল (দ্বিতীয়)
- ৮। বিগ্রহপাল (দ্বিতীয়) (৯৬৬ খৃষ্টাব্দ)
- ৯। মহীপাল (প্রথম) (১০২৫ খৃষ্টাব্দ)
- ১০। নরপাল
- ১১। বিগ্রহপাল (তৃতীয়)



১৭। কৃত্তিবাস

১৮। চন্দ্রপাল

রাজনৈতিক হিসাবে পালবংশীয় ধর্মপালদেবের সময়ে গোড়বঙ্গের গৌরব-রবি মধ্যাহ্ন গগনে সমুজ্জল দীপ্তিদান করিতেছিলেন। একরূপ সূর্য্যবিন বাঙ্গালীর জীবনে ঐতিহাসিক কালে আর আসে নাই। যে বরেন্দ্র অথবা পুণ্ড্রদেশে একদিন পৌণ্ড্রক বাসুদেব ঘরকাধীশ ষড়পতি বাসুদেবের স্পর্ধা করত আটবিক প্রদেশের মিত্ররাজ প্রসিদ্ধ একলবোর সহিত একযোগে জলপথে এবং স্থলপথে অগণ্য সৈন্য লঠিয়া ঘরকানগর অবরোধ করিয়াছিলেন (৮), সেই বরেন্দ্র বা পুণ্ড্রদেশের রাজা ধর্মপাল খৃষ্টীয় অষ্টম শতাব্দের শেষ পাদে আর্ষাবতের পশ্চিমোত্তর স্থিত গান্ধার-কঙ্কোজ-মরদাদি দেশ জয় করত কাশ্মীরাম্বিপ ললিতাদিত্য মুক্তাপীড় এবং বিনয়াদিত্য জয়াপীড়ের ঋণ পরিশোধ এবং কন্নৌজের যশোবর্মার দায়াদ ইন্দ্রায়ুধের দর্পচূর্ণ করত সমগ্র আর্ষাবতের অধিরাজ পদ প্রাপ্ত হইয়া বাঙ্গালীর মুখ প্রকৃতই উজ্জল করিয়াছিলেন। ভোজ, মৎস্য, মদ, কুফ, দহ, যবন, অবন্তি, গন্ধার এবং কীর প্রভৃতি আর্ষাবতের যাবতীয় নরপতির সাধুবাদ লাভ করত মহারাজ ধর্মপাল অতুলনীয় রাজশ্রীবিমণ্ডিত হইয়াছিলেন এবং বলিরাজ ইন্দ্রকে পরাস্ত করিবার পর বামনদেবের প্রার্থনায় সন্তুষ্ট হইয়া তাঁহাকে যেমন ত্রৈলোক্য-রাজ্য প্রদান করিয়াছিলেন, সেইরূপ অপরূপ বলী ধর্মপাল কন্নৌজের ইন্দ্ররাজকে পরাস্ত করিবার পর, প্রার্থনাও প্রণাম-পরায়ণ নতকায় (বামনের মত) চক্রায়ুধকে আবার সেই কন্নৌজরাজ্য (ইন্দ্ররাজের মহোদয়শ্রী—অর্থাৎ কন্নৌজ রাজ্যলক্ষ্মী) প্রত্যর্পণ করিয়াছিলেন (৯)।

কিন্তু, “চিরদিন সমান না যায়।” এই পালরাজবংশের অষ্টমরাজা দ্বিতীয় বিগ্রহপালের রাজত্বকালে এক কীর্তিমান্ কাঙ্কোজবংশজ নরপতির পরাক্রমে বরেন্দ্রভূমিতে পালরাজলক্ষ্মী কিছুদিনের জন্য পরহস্তগত হইয়াছিলেন। বাণগড় শিবমন্দিরের স্তম্ভলিপি (যে স্তম্ভটি সম্প্রতি দিনাজপুরের মহারাজার প্রাসাদের উদ্যানে প্রতিষ্ঠিত আছে) হইতে জানিতে পারা যায় যে, এই কাঙ্কোজবংশাবতংস নরপতি ৮৮৮ অব্দে (খৃঃ ৯৬৬ অব্দে ?) বাণগড়ে বা প্রাচীন কোটিবর্ষ

(৮) হরিবংশ, ভবিষ্যপর্ব, ৯১ হইতে ১০২ তম অধ্যায়ে এই বিষয় বর্ণিত হইয়াছে।

(৯) ধর্মপালদেবের খালিমপুর লিপি এবং নারায়ণপালদেবের ভাগলপুর লিপি। খালিমপুর-লিপির ১২শ শ্লোক এবং ভাগলপুর-লিপির তৃতীয় শ্লোক দ্রষ্টব্য। গোড়-লেখমালার ১১—১২ পৃষ্ঠা এবং ৫৬—৬২ পৃষ্ঠায় এই লিপির পরিচয় আছে।

বিষয়ে উক্ত শিবমন্দিরের প্রতিষ্ঠা করিয়াছিলেন। আমাদের মনে হয়, এই শৈব কাম্বোজবংশজ নৃপতিকে কুলশাস্ত্রের “আদিশূর” বলা যাইতে পারে (১০)। যাহাই হউক, কাম্বোজবংশের প্রাধান্য অধিককাল কোটিবর্ষে টিকিতে পারে নাই; যেহেতু, তৎপরেই প্রথম মহীপালদেবের শাসন-লিপি হইতে জানিতে পারা যায় যে, তিনি “অনধিকৃতবিলুপ্ত” পৈতৃক রাজশ্রী পুনরুদ্ধার করত উক্ত কোটিবর্ষ বিষয়ের একটি গ্রাম একজন ব্রাহ্মণকে দান করিয়াছিলেন (১১)। খৃষ্টীয় দশম শতাব্দীর মধ্য ভাগ হইতে শেষ ভাগ পর্যন্ত পঞ্চাশ ষাট বৎসরের মধ্যে, জেজাবভুক্তি বা বৃন্দেলখণ্ডের চন্দেলরাজ যশোবর্ম এবং তাঁহার পুত্র ধর্মদেব গোড়, রাঢ় এবং অঙ্গদেশ জয় করিয়াছিলেন (১২)।

প্রথম মহীপালদেব “কাম্বোজায়জ্ঞ গোড়পতির” কবল হইতে বরেন্দ্রদেশে মুক্ত করিলেও তাঁহার গ্রহবৈগুণ্য দূর হয় নাই। কর্ণাট হইতে পাকেশরাবর্ম রাজেন্দ্র চোড় বঙ্গদেশ আক্রমণ করিলে, গোড়েশ্বর মহীপালদেব বঙ্গের গোবিন্দচন্দ্র, দক্ষিণরাঢ়ের রণশূর এবং দণ্ডভুক্তির ধর্মপালাদি মিত্ররাজসহ শত্রুর সম্মুখীন হইয়াছিলেন। এই যুদ্ধের ফল কি হইয়াছিল, তাহা ভগবান্ই জানেন। রাজেন্দ্রচোড় তাঁহার জয়লিপিতে (১৩) যাহা লিখিয়া রাখিয়াছেন, তাহা সত্য হইলে বলিতে হয়, “কর্ণভূষণ, চর্মপাছকা এবং বলয়-বিভূষিত মহীপালদেব পলায়িত হইয়াছিলেন।” এই ঘটনা ১০২৩ অথবা ১০২৫ খৃষ্টাব্দে ঘটিয়াছিল।

(১০) এই “কাম্বোজায়জ্ঞ গোড়পতি”র নাম এই লিপিতে নাই,—সময় সংকেতে “কুঞ্জরষটাবর্ষণ” আছে, তাহা হইতে ৬রাজেন্দ্রলাল মিত্রজ ৮৮৮ (কুঞ্জর = হস্তী ৮ এবং ষটা = বছর ১৮৮) পড়িয়াছিলেন। ইহাকে শকাব্দের অঙ্ক ধরিলে ৯৬৬ খৃষ্টাব্দ হয়। কুলশাস্ত্রকার ধ্রুবানন্দমিশ্র আদিশূরকে “দরদদেশাগত অম্বষ্ট-কত্রিয়” বলিয়াছেন। দরদদেশ (Dardistan) তিব্বতের সন্নিহিত কাম্বোজ-দেশের পশ্চিম ভাগে অবস্থিত।

(১১) প্রথম মহীপালদেবের বাণগড় লিপি,—গোড় লেখনালার ৯২-৯৮ পৃষ্ঠা।

(১২) যশোবর্ম এবং ধর্মদেবের খজরাহো মন্দির-লিপি (৯৫৪ এবং ১০০১ খৃষ্টাব্দে লিখিত) বোম্বাই নির্ণয়সাগর প্রেসের প্রাচীন লেখনালা, দ্বিতীয়ভাগ। ৯৪—১১০ পৃষ্ঠা দ্রষ্টব্য।

(১৩) রাজেন্দ্রচোড়ের তিরুমলগিরিলিপি। Epigraphica Indica, Vol. IX. pp 232—233 ইত্যাদি।

এই সময় (খৃঃ ১০২৫ অব্দের কাছাকাছি) বঙ্গদেশ বা পূর্ববঙ্গে গোবিন্দচন্দ্র রাজা ছিলেন; এবং যদি রাজেন্দ্রচোড়ের কথা সত্য হয়, তাহা হইলে তিনিও বর্নাটবীরের সম্মুখ হইতে পলাইয়া আত্মরক্ষা করিয়াছিলেন। এই পলায়িত গোবিন্দচন্দ্র গানের বৈরাগী রাজা (ময়নামতীর পুত্র) গোবিচন্দ্র বা গোপীচন্দ্র কি না, তাহা বলিতে পারা যায় না। যাহাই হউক, এই সময়ের পরেই পূর্ববঙ্গে যত্বংশীয় বর্মণগণের রাজত্ব আরম্ভ হইয়াছিল। বজ্রবর্মী, জাতবর্মী, শ্যামলবর্মী, ভোজবর্মী এবং হরিবর্মী এই কয়েকজন বর্মণংশীয় রাজার নাম সমসাময়িক দলীল (তাত্ত্বশাসন) হইতে জানিতে পারা গিয়াছে। এই সময়ের মধ্যেই ডাহলের (জব্বলপুরের) চেদিবংশীয় গাঙ্গেয়দেব (অনুমান ৯৮০ হইতে ১০৩০ খৃষ্টাব্দ পর্যন্ত) প্রাচ্যদেশ বিজয় করিতে আসিয়াছিলেন কিন্তু বিশেষ কিছু করিতে পারেন নাই। গাঙ্গেয়দেবের পুত্র বর্নদেব পিতৃপদাভ্যুসরণ করত গোড় এবং বঙ্গদেশ আক্রমণ করিয়াছিলেন কিন্তু উভয়স্থলেই পরাস্ত হইয়া গোড়রাজ তৃতীয় বিগ্রহপাল দেবের হস্তে যৌবনশ্রী এবং বঙ্গরাজ জাতবর্মীর করে বীরশ্রী নামী কন্যাটয়কে প্রদান করত সন্ধি করেন (১৪)।

এই তৃতীয় বিগ্রহপাল দেবের মৃত্যুর পরে বরেন্দ্রভূমির কৈবর্তগণ দলপতি দিব্যোক, রুদোক এবং দিব্যোক-পুত্র ভীমের নেতৃত্বে বিষম বিদ্রোহবহি প্রজ্বলিত করে এবং পালবংশীয় ত্রয়োদশ রাজা শূরপাল এই বহিতে ধ্বংসপ্রাপ্ত হন এবং দেশ কৈবর্ত নায়কগণের হস্তগত হয়। শূরপালের কনিষ্ঠ বিখ্যাত রামপাল গোড়মণ্ডলের সামন্তমণ্ডলীকে একত্র করত বহুকষ্টে কৈবর্ত-বিদ্রোহ দমন এবং গোড়দেশে পালরাজত্বের সম্মান রক্ষা করেন (১৫)। বারেন্দ্র-কায়স্থ-কুল-তিলক কলিকালবাগ্নীকি সক্ষ্যাকর নন্দী (মহাসাক্ষিবিগ্রহিক শ্রীকর নন্দীর পুত্র) অসাধারণ পাণ্ডিত্যপূর্ণ

(১৪) রামচরিতম্ ১ম সর্গের নবম শ্লোকের টীকা, ভোজবর্মীর তাত্ত্বশাসন, সাহিত্য ১৩১৯, ৩২৮ পৃষ্ঠা। আলবেরুণী (১০৩০ খৃঃ) নিজের India গ্রন্থে গাঙ্গেয়দেবকে নিজের সমসাময়িক বলিয়াছেন।

(১৫) রামচরিতম্; ২য় সর্গের ৭ম শ্লোকের টীকা। এই টীকা স্বয়ং কবি সক্ষ্যাকর নন্দীর কৃত।

বার্থক মহাকাব্য “রামচরিতম্” লিখিয়া স্বয়ং অমরত্ব লাভ এবং গোড়বঙ্গের রাজনাকুলের মুখোচ্ছল করিয়াছেন। পালবংশের রাজত্ব পূর্বে কামরূপ হইতে পশ্চিমে মগধ, মিথিলা এবং বারাণসী পর্যন্ত বিস্তৃত ছিল; কিন্তু, রামপালের পরে এই বংশ শ্রীহীন হইতে আরম্ভ হয় এবং কয়েক বৎসর মধ্যেই নিতান্ত হীনবল হইয়া পড়ে। রামপালের পুত্র পঞ্চদশ রাজা কুমারপালের মন্ত্রী বৈদাদেব বিদ্রোহী কামরূপপতিকে দমন করিতে গিয়া নিজেই তথাকার স্বাধীন রাজা হইয়া উঠেন এবং সপ্তদশ রাজা মদনপালের কিংবা অষ্টাদশ রাজা গোবিন্দপালের সময়েই সেন বংশের প্রতিষ্ঠাতা বিজয়সেন বরেন্দ্রের রাজসিংহাসন অধিকার করেন এবং পালরাজ মগধে গিয়া কোন প্রকারে অস্তিত্ব রক্ষা করেন। ষাটশ শতাব্দের শেষে বখতিয়ার খালজীর পুত্র মহম্মদ “বেহার” অধিকার করেন এবং তাহার পরই বাঙ্গালার এই পালরাজবংশের শেষ হইয়া যায়।

দক্ষিণাপথ হইতে আগত চন্দ্রবংশীয় ক্ষত্রিয় সেনবংশের পূর্বপুরুষগণ বহুকাল হইতে রাঢ়দেশের পবিত্র গঙ্গাকূলে গোঁড়েশ্বরের সামন্ত নৃপতি স্বরূপে বাস করিতেছিলেন। তাঁহাদের বংশের বীরসেনের প্রপৌত্র, সামন্তসেনের পৌত্র এবং হেমন্তসেন ও যশোদেবীর পুত্র বিখ্যাত বিজয়সেন সম্ভবতঃ খৃষ্টীয় একাদশ শতাব্দের অন্তিমভাগে অথবা ষাটশ শতাব্দের উষাঝালে বরেন্দ্রের বিজয়নগরে রাজ্য-প্রতিষ্ঠা করিয়াছিলেন। তাঁহারই পুত্র শস্ত্রে শস্ত্রে সমান প্রবীণ মহারাজ বল্লালসেন দেব। বল্লালসেন দেবের জ্ঞাননী প্রাচীনতর শূররাজবংশের ছহিতা ছিলেন। বল্লালসেনের পুত্র লক্ষ্মীভ্রষ্ট লক্ষ্মণসেন দেব। লক্ষ্মণসেন দেব যৌবনকালে অসাধারণ বীরত্ব প্রদর্শন পূর্বক উত্তর-পশ্চিমে বারাণসী হইতে দক্ষিণে শ্রীজগন্নাথক্ষেত্র পর্যন্ত বিস্তীর্ণ ভূভাগে আপন প্রভাব বিস্তীর্ণ করিতে সমর্থ হইয়াছিলেন। তীরভুক্তি বা তীরহৃত (বর্তমান মজঃফরপুর বিভাগ) প্রদেশে আজিও বাঙ্গালাদেশের অক্ষর-লিপি এবং লক্ষ্মণ সংস্কৃত প্রচলিত থাকিয়া তথায় বাঙ্গালার এবং বাঙ্গালীর প্রভাবের সাক্ষ্য প্রদান করিতেছে। আনাদের উদ্দিষ্ট কাল (অর্থাৎ ৯৯৯ শকাব্দ অথবা ১০৭৭ খৃষ্টাব্দ পর্যন্ত) যদিও পাল সাম্রাজ্যের সহিত শেষ হইয়া গিয়াছে,—অর্থাৎ বঙ্গমণ্ডলে করৌজীয়া ব্রাহ্মণগণের আগমনের প্রবাদান্ত কাল ১০৭৭ খৃষ্টাব্দের সহিত শেষ হইয়াছে;—তথাপি, বাঙ্গালার শেষ স্বাধীন সেনবংশের রাজত্বের উল্লেখ না করিয়া স্বাধীন বাঙ্গালার রাজনৈতিক কাহিনী সমাপ্ত করা অসম্ভব। সেই জন্যই কতিপয় সংক্ষেপে সেন রাজত্বের কথা সহিত আমাদের প্রস্তাবের এই অংশ সমাপ্ত করিলাম। আগামী বারে ঐ সময়ের, অর্থাৎ

খৃষ্টীয় সপ্তম শতাব্দের মধ্যভাগ হইতে একাদশ শতাব্দের শেষাধ পর্যন্ত সময়ের,—গৌড়বঙ্গের ধার্মিক, সামাজিক এবং রাজ্যশাসন সংক্রান্ত ইতিবৃত্তের যথাসম্ভব সংক্ষেপে আলোচনা করিয়া প্রস্তাব শেষ করিব (১৬)।

ক্রমশঃ—

শ্রীঅখিলচন্দ্র ভারতীভূষণ ।

যৌবনের ব্যথা ।

-:~:-

হে প্রিয় আমার

লহ মম যৌবনের নব নমস্কার !

পিয়াসী অন্তর মোর প্রাণ ভরি'চায়,

ক'হারে পাইতে বুকে কে বুঝবে হায় !

অসীম বেদনা তবু ভাসা নাই তার ;

দিকে দিকে জে'গে রয় চির হাহাকার !

(১৬) সেন বংশের ঐতিহাসিক উপাদান কয়েকখানি তাম্রশাসন হইতে পাওয়া যায় । এখনও কোন সুযোগ্য ঐতিহাসিক সকল উপাদান একত্র করিয়া সেনবংশের ইতিহাস প্রণয়ন করিয়াছেন কিনা, তাহা আমরা জানিতে পারি নাই । বরেন্দ্র-সমিতি তাঁহাদের আরম্ভ-কার্য সুসম্পন্ন করিলেই আমরা পরিভ্রষ্ট হইব ।

দখিনের বয়—

ফুলের সুরভি, কিগো অমনি বিলায় ;
 কোন আশা নাই তার, ব্যথা নাহি রাখে,
 ফুল যবে ঝরে পড়ে বিমলিন সাঁঝে !
 যেদিন ফোটেনি ফুল, ছিলনা সুরভি,
 ব্যথায় বাঙেনি প্রাণে করুণ পূরনী ;
 সেদিন আমারি লাগি আকুল ডুবা—
 কত বার বার এসে, ফিরে গেছ হায় !
 আজ শুধু মনে হয়—একি তব খেলা,
 পাথের মাঝারে ডাকি এত অবহেলা !
 তাই অনিবার,
 পুষ্পিত যৌবন মোর করে হাহাকার !

শ্রীসরোজকুমার সেন ।

অনন্তলাল ।

বিংশ পরিচ্ছেদ ।

অনন্তলাল বন মধ্যে দৌহিত্রের রোগ সম্বাদ শ্রবণ করিয়াই ভাবিয়াছিলেন যে তিন এতদিন যে দেবীর মন্ত্র বহন করিলেন তাঁহার উপাসনা পরিত্যাগ করাতেই বোধহয় এই বিপদ উপস্থিত হইয়াছে । অতএব দিব্যপত্র সহ সে মন্ত্র কখনই গঙ্গাজলে বিসর্জন করা হইবে না । এ কথা মনে মনে রাখিলেন, স্বামীজী অথবা অন্য কাহাকেও বলিলেন না ।

স্বামীজী বিশালাবন হইতে অনন্তলালের সহিত রতনপুর আগমন করিয়াছিলেন। তথায় দুই চারিদিন অবস্থিতি করিয়া চিন্তাশি একটু সুস্থ হইলে, অনন্তলালের নিকট হইতে কিছু অর্থ সংগ্রহ পূর্বক, কাশীধামে রওনা হইলেন।

বিশালাবন মধ্যে অনন্তলাল যাহা অনুমান করিয়াছিলেন, তাহাই হইল। তাঁহার অনুপস্থিতিতে কতকগুলি মহাজন বিরক্ত হইয়া আদালতের আশ্রয় গ্রহণ করিল এবং অবশিষ্ট কতকগুলি তাহাদিগের দৃষ্টান্ত অনুসরণ করিবার উদ্যোগ করিতে লাগিল। নির্দিষ্টে সুদ পাঠবার আশায় অনেক কুসীদজীবী মধ্যবিত্তশ্রেণীর গৃহস্থ তাঁহার নিকট অর্থ রাখিয়াছিল; তাহারাও এইবার পুনঃ পুনঃ তাগাদা করিতে আশু করিল।

অনন্তলাল নিজেও বিনা লেখাপড়ায় বা কিছু বন্ধক না রাখিয়া, অনেককে অনেক টাকা ধণ দিয়াছিলেন; এক্ষণে তাহাদিগকে পুনঃ পুনঃ তাগাদা করিয়াও কিছুই আদায় হইল না। কেহ বলিল অনন্তলালবাবু তাহাকে টাকা দান করিয়াছিলেন, ঃপণ নহে; কেহ বলিল এখন তাহার ঃপণ পরিশোধের অবস্থা নহে; ইহার পর সে উহা পরিশোধ করিবে।

চতুর্ভূজ বাবুকে অনন্তলাল পাটের ব্যবসায় করিতে যে অর্থ প্রদান করিয়াছিল, সে সমস্তই নষ্ট হইল। টাকা হস্তগত করিয়া চতুর্ভূজবাবু রতনপুর যাওয়া একেবারে পরিত্যাগ করিয়াছিলেন। পুনঃ পুনঃ পত্র ও লোক প্রেরণে কোন ফল হইল না দেখিয়া অনন্তলাল স্বয়ং একদিন তাঁহার আফিসে গমন করিলেন। তথায় চতুর্ভূজ বাবু তাঁহাকে খাতাপত্র দেখাইয়া বুঝাইল যে ব্যবসায়ের সম্পূর্ণ লোকসান হইয়া গিয়াছে। পুনরায় অর্থ ব্যয় করিয়া ব্যবসায় আরম্ভ না করিতে পারিলে আর আশা নাই।

যে ব্যক্তি অলম্ব্য হইয়া প্রাণ হারাইতেছে সে সম্মুখে একগাছি তৃণ পাইলেও তাহা অবলম্বন করিয়া স্বীয় প্রাণ রক্ষা করিবার চেষ্টা করিয়া থাকে; অনন্তলালও এই অবশ্যস্তাবী সর্বনাশ হইতে রক্ষা পাইবার জন্য নানা কৌশল অবলম্বন করিতে লাগিলেন। এই বিপদের সময়ে সম্প্রতি গৃহে বসন্তরোগের প্রাদুর্ভাব হইল দেখিয়া, অনেকে তাঁহার বাটীর ও তৎসঙ্গে আধিক মঙ্গল উদ্দেশ্যে একটি শাস্তি করাইবার জন্য তাঁহাকে পরামর্শ দিল। তিনিও ঐ কার্যের আরোজনে সচেষ্ট হইলেন। তাঁহার স্মরণ হইল, এই কার্য সুশৃঙ্খলভাবে সম্পন্ন করাইবার জন্য, তাঁহার শুকদেব বিশালাবন হইতে ষাপরমুগের শুকদেব গোস্বামীকে অর্থাৎ স্কন্দরলালকে

পাঠাইয়া দিবার অঙ্গীকার করিয়াছেন। অতএব তাঁহাকে আনিবার জন্য রতনপুর হইতে হরিশ সাহা প্রেরিত হইল।

**

**

**

**

অদ্য কলিকাতা হইতে মেডিকেল কলেজের ছাত্র আমাদিগের পূর্ব পরিচিত যামিনীকুমার ব্রজেন্দ্রকে দেখিবার জন্য রতনপুর আসিয়াছে। ব্রজেন্দ্রকে দেখিয়া আসিয়া সে অনন্তলাল বাবুর মজলিসে বসিয়া আছে এবং ব্রজেন্দ্রের ব্যারাম অনেকটা সারিয়াছে বলিয়া তাঁহার নিকট আনন্দ প্রকাশ করিতেছে। গৃহস্থে বিপিনবাবু ও আরও দুই তিন জন ভদ্রলোক কথাবার্তা কহিতেছেন, এমন সময়ে হরিশ সাহা সুন্দরলালকে সঙ্গে লইয়া গৃহস্থে প্রবেশ করিল। সুন্দরলালকে দেখিবামাত্র অনন্তলাল দণ্ডায়মান হইয়া, “আসুন, আসুন” বলিয়া তাঁহার অভ্যর্থনা করিলেন এবং তাঁহার বসিবার জন্য একটি পৃথক আসন নিদেশ করিয়া দিলেন। সুন্দরলাল ষাইয়া তথায় উপবেশন করিলে, অনন্তলাল প্রণাম পূর্বক তাঁহার পদধূলি গ্রহণ করিলেন।

নিজ আসন উপবেশন পূর্বক সুন্দরলাল সহাস্য বদনে একবার গৃহের চতুর্দিকে দৃষ্টিপাত করিলেন। হঠাৎ যামিনীকুমারের চক্ষে চক্ষু পড়িবামাত্র তাঁহার মুখ শুকাইয়া গেল। তিনি অকস্মাৎ আসন হইতে গাত্রোথান করিয়া, অনন্তলালকে বলিলেন,—“ভিতরে আমার গরম বোধ হচে। চলুন ছুজনে বাইরে গিয়ে বসি গে।”

অনন্তলাল বলিলেন,—“বাইরে বসবেন? তবে তাই চলুন।”

এই বলিয়া তিনি সুন্দরলালের আসন বাহিরে বারাণ্ডায় বিছাইয়া দিতে একজন ভৃত্যকে আজ্ঞা করিলেন। এই ভৃত্যটি অল্পদিন হইল নিযুক্ত হইয়াছিল। আসন উঠাইয়া, বাহিরে লইয়া ষাইবার সময়ে তাহার চক্ষু হইতে বারিধাধা পতিত হইতেছে দেখিয়া অনন্তলাল জিজ্ঞাসা করিলেন,—“তুই কাঁদচিস্ কেন রে?”

সে যোড়হাত করিয়া বলিল,—“হুজুর, উনি আমার বড় দিদি। আজ প্রায় দশ বছর হলো বাড়ী থেকে নিরুদ্দেশ হয়ে এসেছেন।”

অনন্তলাল সবিস্ময়ে জিজ্ঞাসা করিলেন,—“কে তোর বড় দিদি?”

“আছে, উনি”—বলিয়া ভৃত্য দক্ষিণ হস্তের তর্জনী দ্বারা সুন্দরলালকে দেখাইয়া দিল।

সুন্দরলাল ক্রোধাধিত হইয়া বলিলেন, “বাবু আপনি কি আমাকে অপমান করতে এনেচেন ?”

অনন্তলাল ক্রোধ বিক্ষারিত লোচনে ভূত্যের দিকে দৃষ্টিপাত করিয়া বলিলেন, “শুয়ার ! বদমাইশ ! তুই কি ঠাট্টা পেয়েছিস ? কে আচিস রে ?”

যামিনীকুমার এতক্ষণ ভিতর হঠতে সমস্ত শূন্যেছিল, এক্ষণে বাহিরে যাইয়া ভূত্যকে জিজ্ঞাসা করিল, “তোমার বাড়ী কোথায় ?”

সে কাঁপিতে কাঁপিতে বলিল, “আজ্ঞে, নদে জেলা বল্লভপাড়া গ্রামে ।”

যামিনী বলিল, “তোমার কিছু ভয় নাই, আমি যা জিজ্ঞাসা করি, সত্য বল । তোমরা কি জাত ?”

“আজ্ঞে, আমরা কলু ।”

“এখানে কি কর ?”

“আজ্ঞে তন্নদিন হ’ল এখানে এসে বাবুর বাড়ী চাকরী কর্চি ।”

যামিনীকুমার তাহাকে আর কোন কথা জিজ্ঞাসা না করিয়া, অনন্তলালকে বলিল, “একে কেন ধম্কাচ্ছেন ? এর কথা মিথ্যা নয় ।”

পরে সুন্দরলালকে বলিল, “কি বামুনঠাকুর, আমাকে চিন্তে পার ? অত জারিজুরি কর্চ কেন ? এখানে আমি আছি দেখনি ?”

ভিতরে যে কয়জন লোক বসিয়াছিল, ব্যাপার কি দেখিবার জন্ম তাহারা সকলেই ইতিমধ্যে বাহিরে আসিয়া দাঁড়াইয়া ছিল ।

অনন্তলাল বিস্ময়াবিষ্ট লোচনে একবার সুন্দরলালের দিকে এবং একবার যামিনীর দিকে দৃষ্টিপাত করিতে লাগিলেন । বিপিনবাবু যামিনীকে জিজ্ঞাসা করিলেন, “যামিনীবাবু ব্যাপারটা কি বলুন দিকি ?”

যামিনী বলিল, “এ পুরুষ নয়, স্ত্রীলোক ; জাতিতে কলু । এর বাড়ী নদে জেলা, বল্লভপাড়া গ্রামে । এক বৎসর পূর্বে, বামুন ঠাকুর সেক্ষে, আমাদের মেসে ভাত রাঁধতো । তারপর এক দিন বল্লভপাড়া নিবাসী এক গোস্বামী আমাদের মেসে যাওয়াতে, এ তখন সেখান থেকে পালানো । ব্রহ্মস্রোত সেইদিন আমার সঙ্গে দেখা করতে আমাদের মেসে গিয়েছিল ; আর, তখন

সেখানে উপস্থিত ছিল। একে আমরা মারবো বা পুলিশে দেবো ভেবে গোস্বামীঠাকুর তখন এর কথা কিছুই আমাদের বলেন নি। তার কিছুদিন পরে, তিনি আবার একদিন আমাদের মেসে বেড়াতে এলেন। তখন তাঁর মুখে জানতে পারলাম, ও ব্রাহ্মণী নয়, কলুনী। এর জন্যে মেসের সকলকে মাথা নাড়া করে প্রায়শ্চিত্ত করতে হয়েছে। বোধ হচ্ছে আপনাদেরও মাথা নাড়া করতে হবে।”

যামিনীর বাক্যবসানে সকলে সুন্দরলালের দিকে চাহিল। কিন্তু কোথায় সুন্দরলাল? সে ইতিমধ্যে তথা হইতে অপমৃত হইয়াছিল। তখন অনন্তলাল সেই ভূতটির নাম ধরিয়া ডাকিতে লাগিলেন। কিন্তু কোন উত্তর পাইলেন না। একজন ঘরবান আসিয়া বলিল, “হুজুর যো ব্রাহ্মচারী আবি অ'য়া রহা, উন্কা সাং ও নকরটোভি মোকান্ সে ভাগা হ্যায়।”

অনন্তলাল মাথায় হাত দিয়া, অধোবদনে বসিয়া পড়িলেন।

হরিশ সাহা বলিল, “যা হবার তা হয়েছে, এখন সব চুপ্ করুন। এ কথা যেন কেউ জানতে না পারে।”

তাহার কথায় বিপিনবাবুর বড় রাগ হইল। তিনি বলিলেন, “তুমি যেন চুপ করলে,— তুমি যদি এই কলুনীর হাতে থেয়ে থাক, তাতে তোমার এমন কিছু দোষ হবে না। কিন্তু আমাদের বাবু যে ব্রাহ্মণ, কুলিনের ছেলে। ইনি কি প্রায়শ্চিত্ত না করে থাকতে পারেন?”

যামিনী বলিল,—“তা ত হবে এখন এরা গেল কোথা? এখান থেকে যদি পালাতে পার, তা হলে আরও অনেক ভদ্রলোকের সর্কনাশ করবে।”

উপস্থিত একজন বলিল,—বোধহয় তারা রেলওয়ে ষ্টেশনে গিয়েছে। একটু পরেই কলকাতা যাবার ট্রেন পাবে। একবার কলকাতায় যেতে পারলে, আর শিগ্গির তাদের ধরেন কে?”

তখন যামিনী অনন্তলালকে বলিল,—“আপনি আমাকে একজন ঘরবান দেন তাকে সঙ্গে করে নিয়ে আমি ষ্টেশনে যাব। আর আপনিও এই গ্রামে স্থানে স্থানে লোক পাঠিয়ে সন্ধান করুন, যদি কোথাও লুকিয়ে থাকে ত বার হবে।”

পরে সে একজন ঘরবান লইয়া, ঘরের কম্পাস গাড়ীতে ষ্টেশন যাত্রা করিল। অনন্তলালও রতনপুরের স্থানে স্থানে শুকদেব গোস্বামীর, ওরফে কলুনীর অমুসন্ধান লোক প্রেরণ করিলেন।

যামিনী টেসনের নিকটবর্তী হইয়া, গাড়ী হইতে দেখিতে পাইল, যে স্থানে টিকিট বিক্রয় হয় সেই জানালার নিকট সুন্দরলাল বা তাহাদের ব্রাহ্মণ ঠাকুরাণী এবং তাহার পশ্চাতে তাহার ভ্রাতা দাঁড়াইয়া আছে। তখন সে ষারাবানের সাহায্যে উভয়কে ধৃত করিয়া, গাড়ীতে চাপাইয়া রতনপুর পুলিশ আউট পোষ্ট অভিমুখে অগ্রসর হইয়া দারোগার নিকট উপস্থিত হইল। দারোগাবাবু তাহার গৃহমধ্যে চেয়ারে বসিয়া সম্মুখস্থ টেবিলের উপর একখানি বড় খাতায় কি লিখিতেছিলেন। তাহার পার্শ্বে অন্য একখানি কেদারায় আর একজন বসিয়াছিলেন। এ ব্যক্তিরও পরিধানে পুলিশের পোষাক। টেবিলের নিকট একজন এবং ষারদেশে একজন কনষ্টেবল দাঁড়াইয়া ছিল।

আগন্তুকেরা যাইয়া গৃহমধ্যে প্রবেশ করিলে, সকলে তাহাদিগের মুখের দিকে চাইতে লাগিল। তখন যামিনী সংক্ষেপে সুন্দরলালের গুণগ্রাম ও পরিচয় বিবৃত করিল। দারোগাবাবুর পার্শ্বে উপবিষ্ট লোকটি এতক্ষণ একাগ্রচিত্তে যামিনীর কথা শ্রবণ করিতেছিলেন। তাহার বাক্য-সমানে তিনি কেদারা হইতে উঠিয়া দাঁড়াইলেন এবং তাহাদের নিকট গিয়া জিজ্ঞাসা করিলেন,— “বিশালাবনের আখ্রা থেকে এসেচে, সে লোকটি কে?”

যামিনী দেখাইয়া দিবামাত্র তিনি পকেট হইতে হাতকড়ি বাহির করিয়া সুন্দরলালের হাতে লাগাইয়া দিলেন এবং ছোট একখানি নোটবুকে যামিনীর নাম, ধাম ইত্যাদি লিখিয়া লইলেন। পরে দারোগাকে বলিলেন,— “আমি তো আপনার আফিসে বসেই আসামি পেয়ে গেলাম। এইবার চক্রহাট চললাম। আসামি নিয়ে যত শীঘ্র পহুঁছিতে পারি ততই ভাল।”

যামিনী জিজ্ঞাসা করিল,— “মহাশয়, কোন পুলিশে থাকেন?”

“আমি চক্রহাট গ্রামের পুলিশের দারোগা। চক্রহাটের নিকটবর্তী বিশালাবনের চতুর্দিকস্থ গ্রাম সকলে অনেক দিন হতে অনেকগুলি ডাকাতি হয়েছে। কিন্তু তার কোনটিরই ভাল কিনারা হয় নি। গত এক বৎসরের মধ্যে আবার দুবার ডাকাতি হয়। কিছু দিন হল গভর্ণমেন্ট থেকে কয়েকজন গোয়েন্দা সে দেশে পাঠান হয়ে ছিল। তিনি বহু পরিশ্রমে কতক কিনারা করেছে। আজ প্রাতে বিশালাবনের ভিতর বাবাজীর আখরা ঘর খুঁড়ে ডাকাতির অনেক লুণ্ঠিত দ্রব্য বাহির হয়েছে। বাবাজী ও তাঁর চেলা সেই বৃদ্ধটি চালান গিয়েছে।

এই সুন্দরলাল সেখান থেকে রতনপুর এসেচে সখাদ পেয়ে, একে ধরবার জন্যে এখানে আমার আসা।”

সুন্দরলালের ভ্রাতাও ধৃত হইল। দুই পার্শ্বে দুইজন রক্ষীর মাঝে ভ্রাতা ও ভগিনী; শোভা পাইতে লাগিল! হায়! এঁরাই কলির দেবতা, সাধু—কয়জন তাহাদের মধ্যে এখন রাজসম্মান—উপযুক্ত পুরস্কার পায়!

ক্রমশঃ—

শ্রীমলিনীনাথ গুপ্ত।

হাওয়ার প্রাসাদ

(গাথা)

অন্তরীণের কবল হ'তে—

মুক্তি পেয়ে মুক্তি সবে নাম্ ল এসে গ্রামের পথে ।

সাতটি বছর অজ্ঞাতবাস করে

ফিরল মুক্তি আপন গৃহে অনেক দিনের পরে ।

বক্ষে ছিল আশা

হয় ত দেশে শুন্তে পাবে সুখের নানান্ ভাষা ।

কানের কাছে কল্কলিয়ে বল্ছে আশা ফিরছ দেশের কোলে-

তুর্বে কত প্রিয়জনে মিষ্টি-মধুর বোলে ।

বুকের মাঝে উঁকি মেরে ছরাশা তার কয়—

তাও কি কখন হয়

চলছে যখন আশঙ্কা আর আশার বন্ধ মনের আশেপাশে
 দেখল দূরে গোবিন্দ রায় ঐ বুঝি ঐ আসে ।
 ঠক্ঠকিয়ে লাঠী ধরে আসছে ধীরে বুড়ো—
 মুক্তি তারে বলল হেসে—“প্রণাম করি খুড়ো ?”
 পায়ের তলায় দেখলে সাপ যেমন করে লোকে—
 ফিরে থাকে ; তেমনি করে ফিরল বুড়ো জানিনেক’ কোন কুহকের ঝাঁকে ।
 এদিক ও-দিক তাকিয়ে দেখল—কোনওখানে নেইত কেহ আর
 বলল তখন গোবিন্দ রায় মুখটি করে ভার—
 “কোথা হতে আসছ তুমি মুক্তি—
 এতদিনে বলো তোমার শেষ হোল কি চুক্তি ?”
 কাঁঠ হেসে মুক্তি কহে—“হোয়েছে মোর শেষ—
 ফিরছি বাড়ী অনেক দিনের পরে ।” বললে গোবিন্দ—“বেশ বেশ তা’ বেশ ?”
 কিন্তু চমৎকার !

গোবিনের সেই স্তব্ধ চরণ চপল হোল দাঁড়াল না আর ।

পোষ্টাফিসে এসে—

দেখল ইন্দু বসে আছে চেয়ারখান ঠেসে ।
 মুক্তিরে হায় ! দেখে তাহার মুখ হোল অঁধার,
 ঠক্ঠকিয়ে কাঁপল চরণ, ছরছরিয়ে উঠল তাহার বুকের চারিধার ।
 জ্ঞানটি যখন আসল ফিরে প্রাণে
 দেখল মুক্তি চেয়ে কেমন রয়েছে তার পানে ।
 বললে শেষে পাংশু-মলিন মুখে
 “মাঝ পথেতে করছ এত বিলম্ব কোন্ হুখে ?
 যাওনা ফিরে ঘরে
 কি কাজ তোমার গভর্মেন্টের আফিসেরি পরে ।”

এতক্ষণে বুঝলে মুক্তি আসল তাহার কথা
কোন খানে তার ব্যথা ।

এত'ছেখেও অধর কোণে হাসি এল তার ।
হল পোষ্টাফিসের বার ।

সাঁঝের সময় মিলে সকল ভাই বোনে—
করছিল সব গল্প গুজব বসে চিলের ছাদের কোণে ।

এমন সময় এসে দেখা দিলেন খুড়ো তার
বললেন—“মুক্তি বলো তোমার একোন্ ব্যবহার ?

এরা অবোধ, ছল-চপলের ধারে নাক' ধার
জানেনাক' মেলা-মেশার কোথায় কাছার কেমন অধিকার ।

খেয়েছ ত আপন পরকাল
করিও না বেচারাদের নিজের যেমন তেমনি ধারা হাল !

ফিরে তখন নিজের ছেলের পানে—
উঠলেন বলে পক্ষ কণ্ঠে—“আজকালকারের কোন জনে না জানে ?”

কুণ্ডির ফলে যে হয় অন্তরীণ
থাকে না তার কোনওখানে ভ্রলোকের চিন ।

তার সাথেতে মিলে পরে ভবে—
হয় নাকি ভয় কোন জনে'কি কবে ?

বিদায় হলেন তিনি,
মুক্তির মাথায় তরল রক্ত উঠল করে 'রিপি-রিপি !'
বুঝল তাহার বাড়ীতেও নেই স্থান—
অন্তরীণের কালে যখন জননী তার ত্যজিয়াছেন প্রাণ ।
বাপ ত গেছেন অনেক দিনেই মারা—
কোথায় যাবে—কি করিবে ভেবেও পার না সাড়া ।



মুক্তি পাওয়ার আগে তাহার অস্তস্তলে হায় !
আশার বাসা বেঁধেছিল উড়ল তা' হাওয়ায় !

শ্রী.বৈষ্ণনাথ কাব্যপুরাণতীর্থ।

ইস্টারের ছুটিতে ফ্রান্স ও আঁপ্পসে।

(১৯২৫)

(পূর্বপ্রকাশিতের পর)

৯ই এপ্রেল মেজিভ ত্যাগ করে আমরা 'স্যামনি' (Chamonix)তে এলাম। কি রকম আশ্চর্য্য রকনের পাহাড়ের মধ্য দিয়া ইলেকট্রিক রেল এখানে এসেছি, তার বর্ণনা আর দিব না ; কারণ বর্ণনা করে সুন্দর জিনিসের পরিচয় দেওয়া শক্ত এবং আজকাল বহিম্বী আমলের মত বড় বড় বর্ণনা আর ফ্যাসান নয়।

স্যামনি ম'ন্ট্র'র পায়ে তলে ভ্যালিতে ছোট্ট একটি সহর, তিন হাজার ফিটের বেশি উঁচু। ভ্যালি খুব ছোট, মাইল তিনেক লম্বা ও আধ মাইল চওড়া। এক পাশে ম'ন্ট্র' ও তার সান্নিপাত্ত সমস্ত চিরতুষারগণ্ডিত পর্বত শিখর খাড়া প্রাচীরের মত উঠে গিয়েছে ; আর একদিকে ঐ রকম আর একদল পর্বত শিখর। সূর্যের আলো ঘণ্টা দেড়েক পরে এই ভ্যালিতে প্রবেশ করে। স্যামনিতে পর্বতের সমস্ত দৃশ্য একত্র দেখা যায়। চিরতুষারগণ্ডিত আঁপ্পসের সর্বোচ্চ শিখর, বিভীষকাময়ী বরফের নদী (glacier), জলপ্রপাত এবং অন্যান্য পার্বত্য দৃশ্য স্যামনির খুব নিকটেই। স্যামনি থেকে ম'ন্ট্র' আরোহণ করে। পার্বত্য দৃশ্য দেখতে হলে খুব পরিশ্রম করা দরকার হয় ; কিন্তু এখানে অনেক উঁচুতে রেলো যাওয়া যায়। এই সব রেল সাধারণ রেলের মত নয়, দুইটি সাধারণ রেলের মধ্যে লোহার দাঁতওয়ালা আর এক রেল পাতা আছে ; ইঞ্জিন এবং গাড়ী এই দাঁতের সঙ্গে আটকানো থাকে। আর এক রকম রেলো লোহার

দড়ীর দ্বারা গাড়ীকে উপরে টেনে তুলার হয়। আমরা যে সময় স্যামনিতে গিয়েছিলাম, সে সময় season (মস্কুম কাল) নয়, গ্রীষ্মে এখানে লোক আসে। সেই জন্য প্রায় সব হোটেল ও দোকান বন্ধ ছিল। এই সমস্ত পার্কৃত্য রেলও বন্ধ, কারণ বরফে সমস্ত রেল ঢাকা। আমরা একটা হোটলে স্থান পেয়েছিলাম, ইষ্টার উপলক্ষে কয়েকটা হোটেল খোলা হয়েছে।

আমাদের ইচ্ছা ছিল স্যামনি হয়ে সুইটজারল্যান্ড যাব, স্যামনি ফ্রান্স ও সুইস সীমান্তে ; কিন্তু দেখি যে বরফের জন্য ও আভালাসের (avalanche) এর উৎপাতে রেল বন্ধ। মনটা একটু খারাপ হল।

আমার অনেকদিন থেকেই পর্বত আরোহণের একটা অদম্য ইচ্ছা ছিল। আমি পার্কৃত্যদেশে ভ্রমণকাহিনী ও আল্পসের শিখরে আরোহণের বর্ণনা খুব আগ্রহ সহকারে পড়েছি। আমার এই বাতিক এত প্রবল ছিল যে আমি আল্পসের প্রায় প্রত্যেক শিখরেরই নাম এবং তাদের উচ্চতা জানি। গিরি আরোহণের কি যে বিপদ তা সামান্যরূপে উপলব্ধি করার সুযোগ আমার স্যামনিতে হয়েছিল। আমি তাই এখন বর্ণনা করব।

পার্কৃত্য প্রদেশে এক অপূর্ণ দৃশ্য হচ্ছে গ্লেসিয়ার (Glacier), অর্থাৎ বরফের নদী। ইহাকে ঠিক নদী বলা চলে না ; কারণ ইহা প্রায় গতিহীন ; দিনে ছই তিন ইঞ্চির বেশি চলে না। চিরতুনারময় শিখর থেকে ইহা ঠিক একখানা জিহ্বার মত নীচুদেশে নেমে আসে। যদিও ইহার গতি নাম মাত্র কিন্তু উহা এত শক্তিশালী যে উহা চারিদিকের পাষাণ-প্রাকার চূর্ণ-বিচূর্ণ করে নেমে আসে। এই উপায়ে প্রকৃতি পাহাড় ধ্বংস করে জীবের বাসোপযোগী মাটি প্রস্তুত করিতেছে। পৃথিবীর যখন বয়স অল্প ছিল তখন ইউরোপ এশিয়া বরফে ঢাকা ছিল ; তখন এই সব গ্লেসিয়ারই পাহাড় ভেঙ্গে সমতল সৃষ্টি করেছে। এখন যখন ডাইনোসোর (dinosaur) নামক প্রভূতি অতিকায় জীবের কঙ্কাল সেইকালে আমাদের মা-জননীরা বিরাট পরিবারের পরিচয় দিতেছে, সেই রকম ভূমিকম্প আগ্নেয়গিরি গ্লেসিয়ার প্রভূতি মা-জননীরা কার্যশক্তির সাক্ষী রাখিয়াছে। এখন আমাদের মাতা বৃদ্ধ হইতেছেন ; কাজেই তাঁহার সম্ভাবন সম্ভূতি, আমরা এত ক্ষুদ্র, এবং যৌবনের এই সব হাতিয়ার পত্র ক্রমে লোপ পাইতেছে।

স্যামনির কাছে অনেকগুলি মেশিয়ার আছে ; তার মধ্যে “মার দি গ্লাস” (mer de glasse) “বরফের সমুদ্র” সব চেয়ে বিখ্যাত । এটা দেখতে হলে স্যামনি থেকে প্রায় হাজার পাঁচেক ফিট উঠতে হয় । গ্রীষ্মকালে একটা রেলো এই পথ উঠা যায় ; কিন্তু শীতকালে বরফের জন্য এই পথ বন্ধ । আমি ও বন্ধু একজন ‘গাইড’ সঙ্গে করে একদিন সকালে এইপথে যাত্রা করলাম । এই পথপ্রদর্শকদের পরীক্ষার পাশ করতে হয়, এবং তাদের কাজ বিপজ্জনক এই জন্য পারিশ্রমিকও বেশি, আমাদের গাইড নাকি মঁর্রাতে ১২৫ বারের বেশি উঠেছে, এবং আলসের অন্য কোনও শিখরও এর বাদ নাই । গায়ের রঙ একবারে সূর্য্যপক্ক ; বরফের মধ্যে ঘুরলে এই রকম হয় ।

হোটেল থেকে আমাদের মাধ্যাহ্নিক আহারের জন্য নানারকম খাদ্য দিয়েছিল । গাইড তা তার পিঠের ঝুলিতে নিয়ে নিল । প্রথম প্রায় মাইল দুই ভ্যালির মধ্যে সমতল পথে যাওয়া গেল । তারপর পর্বতারোহণ আরম্ভ হল । গাইড তার কোট ওয়েষ্টকোট খুলে ঝুলিতে পুরল এবং আমাদেরও তাই করতে বলল ; কারণ তা ছাড়া খুব গরম হবে ; এইসব জিনিষ ও আমার ক্যামেরা সে নিজে গ্রহণ করে আমাদের ভার লাঘব করতে চাইল ; কিন্তু আমরা তাকে কষ্ট দিতে রাজী হলাম না । সে তখন ঘরটা সম্মুখে ঝুঁকে মাথা নেড়ে চলা সূত্র করল, যেন “কি সানন্দ গতিমন্দ মন্ত করিবর ।” আমার বন্ধু পরে আমাকে বলেছিলেন যে ভয়ানক কঠিন পথেও ‘গাইড’ ঠিক এক গতিতেই চলেছে । তার হাতে একখানা লোহার লাঠি, যার মাথা ইংরাজি “T”র মত, মাথার একধার শাবলের মত ধারালো । আমরা দেখেছি যেখানে পথ খুব খাড়া, সে তার লাঠির মাথা পাহাড়ের গায়ে পুঁতে তাই ধরে উঠেছে ।

আমরা পাহাড়ে উঠা আরম্ভ করলাম । পথ প্রথমত: পাইনবনের মধ্যে দিয়ে । শেষে পাইনের সীমা ছাড়িয়ে আরও উচ্চ আরোহণ সূত্র হল । ক্রমে পথ একটা খাতের পাশ দিরা চলল । খাতটা প্রায় ৩০০।৪০০ ফিট গভীর ; তার মধ্যে এসে একটা মেশিয়ার শেষ হয়েছে, এবং তার মধ্যে প্রকাণ্ড প্রকাণ্ড পাথর পড়ে আছে । গ্রীষ্মকালে পদ্মানদীরপাড় যে রকম জল থেকে খাড়া হয়ে উঠে । আমরা যে পথে চলছিলাম সেটাও এই বরফ নদীর পাড় ; কিন্তু পথ এত কিনারার এবং পাড় এত খাড়া যে নীচে তাকাতেই আমার মাথা ঘুরে আসছিল । কিছুদূর গিয়ে গাইড বলল যে আমাদের এই পাড়ের নীচে নামতে হবে এবং সম্মুখের মেশিয়ার

পার হতে হবে। আমরা একটা কুটারের কাছে বিশ্রাম করলান, পাহাড়ের উপর এই রকম অনেক কুটারই আছে, উঁচু পাহাড়ে হঠাৎ ঝড় বৃষ্টি আরম্ভ হয়; এই রকম আশ্রয় স্থল নিকটে না থাকলে প্রাণ বাঁচানো দুঃসাধ্য।

নীচে নামার যে পথ তার নাম হচ্ছে 'মভে পা' (Mauvais Pas) অর্থাৎ খারাপ পথ। এখানে পথ এত সরু যে পূর্বে অনেকে এই স্থানে পা পিছলে নীচে পড়ে জীবন হারিয়েছে; সেই জন্য এই নাম। আজকাল পাহাড়ের গায়ে ধাপ কেটে দিয়েছে; এবং হাতে ধরার জন্য পাহাড়ের গায়ে একটা রেলিং লাগিয়ে দিয়েছে। সুতরাং পথের ভীতি এখন আর নাই। কিন্তু আমাদের দুর্ভাগ্য যে সেই পথের উপর একখানা নোটীণ বেওয়া হয়েছে যে এই পথের উপর আভালান্স (Avalanche) পড়ছে, সুতরাং এই পথ বিপজ্জনক। অতএব গাইড আমাদের আভালান্স বর্জিত আর এক বিপথ দিয়ে নিয়ে চলল। এই পথ এত সরু যে কোন রকমে পা রাখা যায়; কিন্তু কিছু দূর এসে এ পথটুকুও নাই। প্রায় দেড় গজ যায়গা কোন রকমে পাহাড়ের উপর পা রেখে পার হলে তবে আবার পথ পাওয়া যাবে। পাহাড় এখানে এমন খাড়া এবং জলে ভিজ়ে ভিজ়ে এমন পিছল হয়ে আছে যে খালি পায়ে পার হওয়াই মুকিল। আমাদের পার হতে হবে জুতো পায়ে; তা ছাড়া বহু নীচে এত বড় বড় পাথর পড়েছিল, তাদের মধ্যে পড়লে আমার কি দশা হবে এই ভেবেই দেহটা কাপুরুষের মত কাঁপা শুরু করে দিল। মনে আমার সাহসের অভাব মোটেই ছিল না; কিন্তু কিছুতেই অবাধ্য পা ছুটো খানল না। আমি জানি অনেক বীরেরই এক রকম গুরবস্তা হয়েছে। সুলতান মামুদের সঙ্গে অনঙ্গপাল মহা বিক্রমে যুদ্ধ করেছিলেন, কিন্তু বেচারীর হাতী পলায়ন করেই তাঁর যুদ্ধ মাটি করেছিল। বাই হোক সম্মুখবদী গাইড ও আমার বন্ধু পার হয়ে গেলেন। আমার পার হতে একটু দেরী দেখে গাইড আমাকে সাহায্য করতে অগ্রসর হল। আমি একটু জিরিয়ে নিচ্ছি এই বলে সতেজে তার সহায়তা প্রত্যাখান করে ডান পা একহাত দূরে পাহাড়ের গায়ে রক্ষা করলাম। ইচ্ছা ছিল ঐ পায়ের উপর ভর দিয়ে এক লাফে বাকিটুকু পার হয়ে অন্য পা পথের উপর রক্ষা করব। আমি এই রকম দৈহিক ব্যায়ামে কোনদিনই বিশেষ পটু নই; পা গেল পিছলে এবং আমি গেলাম পড়ে; ভাগ্যে পাহাড়ের গায় পড়ে গেলাম; বিপরীত দিকে পড়লে হয়ত আজ এই সব লিখতে সুযোগ পেতাম না। গাইড ছিল কাছেই; সে তাড়াতাড়ি ধরে ফেলল। নীচে নামা গেল। এইবার গ্লেশিয়ার পার হতে হবে।

আমাদের সম্মুখেই 'নার দি গ্লাস' মেশিয়ার ;—মনে করুন একটা তরঙ্গাকৃতি নদী হঠাৎ জমে গিয়েছে ; তা হলে এর একটু ধারণা করতে পারবেন । চারিদিকের বরফ সাসা, কিন্তু মেশিয়ারের বরফ সবুজ রঙের ; মধ্যে মধ্যে ফাটল থাকে, ইংরাজিতে বলে ক্রেভাস (Crevasse) দেখে মনে হয় যেন বিরাট অঙ্গুর হাঁ বরে জিব বের করেছে । গাইড এটবার একখণ্ড দড়ি দিয়ে আমাদের দুইজনকে নিজের সঙ্গে বাধল । শীতকালে বরফ পড়ে অনেক ফাটলই লুকানো থাকে ; যদি ভুল করে পা দিয়ে তার মধ্যে পড়ে যাই তবে এই দড়ির সাহায্যে আমাদের টেনে উঠান যেতে পারে । বরফে হাঁটু পর্যন্ত ডুবে যেতে লাগল । এক যায়গায় এসে গাইড বলল সাবধান ; অননি কাপুরুষ পা আবার কাঁপা শুরু করে দিল । ধন্য গাইডের চোখ ; আমরা কিছুই বুঝতে পারছিলাম না ; সে বরফ সরিয়ে আমাদের প্রকাণ্ড একটা ফাটল দেখিয়ে দিল । তার মধ্যে সে একটা পাথর ফেলে দিল । আমরা যতক্ষণ সুনতে পারছিলাম ততক্ষণ পাথর কেবল নীচেই পড়ছিল, তলায় পৌঁছানোর কোন শব্দ পাওয়া গেল না । এই এক একটা ফাটল ৪০০।৫০০ গজের কম গভীর নয় ; সুতরাং তাতে পড়ে যাওয়ার ভয়ে পা ছুটো যদি একটু কাঁপে তবে তাদের নেহাৎ ভীক বলা যায় না । মেশিয়ার পার হয়ে অন্য পাড় বয়ে উঠতে হবে । এটা খুব খাড়া ; ৭ পঁচেক ফিট উঁচু ; তবে অন্য পাড়ের মত ছুরারোহ নয়, কারণ এর গায়ে বরফ পড়ে আছে । কিন্তু উঠতে আমাদের ভয়ানক পরিশ্রম হয়েছিল ; কারণ এত খাড়া যে আমাদের দুইজনকে বিড়ালের মত চার হাতপায়ে হামাগুড়ি দিয়ে উঠতে হয়েছিল । ধন্য গাইড, সে একবার আছাড়ও পড়ল না বরং আমরা যখন পাহাড়ের গায়ে গড়িয়ে পড়ছিলাম তখন দড়ি ধরে আমাদের টেনে তুলছিল । উপরে উঠে দেখি রেল এখানে এসে শেষ হয়েছ ; একটা হোটেলও আছে । কিন্তু শীতকালে সব বন্ধ ।

আমরা এখন আট হাজার ফিট উপরে । অনেকজাণ্ডার তখনকার পরিচিত জগৎ জয় করে যে রকম গর্ভ অমুভব করেছিলেন, আমরাও এইখানে এসে তাই হল । এই আমার পর্ত্তারোহণে প্রথম কঠিন অভিযান ; অনভ্যাস হেতু পা দুই একবার খারাপ ব্যবহার করেছে ; কিন্তু তবু এখানে এসেছি । এখন আমার কাছে ম' ব্লাঁতে চড়া সহজ বলে মনে হল ; এমন কি মনে মনে শুধু ব' ব্লাঁ নয় আমাদের দেশের গৌরীশঙ্কর কাঞ্চনজঙ্ঘা প্রভৃতি জয় করবার বাসনাও জেগে উঠল এবং এখন থেকে যেন সেই গৌরবের আনন্দ উপভোগ করতে লাগলাম, কিন্তু সম্মুখেই

হোটেলের ছায়ার আর একদলকে দেখে আমার গর্জ একটু কমল ; নিকটে গিয়ে দেখি দুইজন মহিলা আর একজন গাইড। আমার মন ভয়ানক দমে গেল, যখন কুসুম সুকুমার-অঙ্গ নারী এতদূর উঠেছেন তখন পুরুষোচিত যে বীর্ঘ্য আমার আছে ভেবে আশ্চর্যপ্রসাদ লাভ করছিলাম, তাতে একটু দিখা জন্মিল। গাইড আমার মলিন মুখ দেখে আনাকে ঝুলি থেকে খাবার বের করে দিল। আমি ঐ দলের গাইডের কাছে শুনলাম যে তারা আর একটা সহজ পথ দিয়ে এসেছে, বেশ বেশ ; মেয়ে মানুষ কেমন করে আমাদের পথের কষ্ট সহ্য করবে ? হয়তঃ এই মহিলারা এই পাহাড়ের দেশের লোক, এবং আমাদের দেশে কোন মহিলা নিশ্চয়ই এই পাহাড়ে উঠতে পারবেন না, এই চিন্তা করে শিগ্গিরই আমার মন প্রফুল্ল হয়ে উঠল।

বরফের উপর বসে লাঞ্চ শেন করলাম। আমাদের সঙ্গে একখানা প্রকাণ্ড রুটি ছিল ; আমরা সবটুকু শেন করতে না পেরে বাকিটাকে বরফের উপর ফেলে দিলাম। আমাদের গাইড সহরে সেটুকু তুলে নিয়ে ঝুলিতে পুরল। আমার বন্ধু আমার দিকে চেয়ে হাসলেন। আমি বললাম, “দশায়, এই রুটির জন্য বেচারী আমাদের সঙ্গে এই দুয়ারোহ পাহাড়ে উঠে এসেছে। তাই রুটিটুকু এর কাছে অনেক দামী।”

আমরা ঘণ্টাখানেক সেখানে বিশ্রাম করলাম ও বসে বসে চারিদিকের সৌন্দর্য উপভোগ করছিলাম। আমার বন্ধুর এতদূর এসেও আরামের ধারণা ঠিক ভারতীয়ই আছে, তিনি আড়ালে বেয়ে একটা পাথরের উপর বসে বৃট মোজা প্রভৃতি খুলে খালি পা হলেন। আমরা যেখানে এসেছি সেটা এটা পর্বতরাজের খান দরবারে ; চারিদিকে কেবল সব মেলা উঁচু শিখর ; গাইড প্রত্যেকটার নাম আমাদের বলছিল এবং সেই সাথে কতবার প্রত্যেকটাতে চড়েছে বলছিল, যেন তারা তার কাছে কত পরিচিত। আকাশ নিম্নল, চারদিক আলোতে ঝলনল করছিল। আমাদের পায়ের নিম্নে—ঠিক ৩০০৪০০ ফিট নীচেই মেশিয়ার ‘নার দি মাস’ তার স্তম্ভ তরঙ্গ নিয়ে যেন শতশীর্ষ বাসুকির নত পড়েছিল। তার অন্য পাড় থেকে একটা পাহাড় ঠিক গির্জার চূড়ার নত উঠে গিয়েছিল ; সে এত ঝড়া যে তার নাগায় কোন বরফ নাই। সেই পাহাড়ে আমরা পর্বতের মহিমনয় আর এক দৃশ্য দেখলাম। সে হচ্ছে আভালাঞ্চ (avalanche) সময় সময় সূর্যের তাপে অলগ্না হওয়ার জন্য বড় বড় বরফের চাপ ধসে নীচে পড়ে ; একেই বলে আভালাঞ্চ। অনেক সময় ইহা বড় বড় পাথর সঙ্গে করে নানে ; কিছুদিন

পূর্বে ম'রার মাথার ঞানিক অংশ এই সঙ্গ হেঙ্গে পড়েছিল। গত বছর সুইটকারমাণ্ডে পাহাড়ের কোলে একটা গ্রাম আভালাঙ্গ পড়ে গ্রানের সমস্ত ঘর বাড়ী লোপ করেছে। আমরা একটা পাহাড় থেকে অনবরত এই আভালাঙ্গ পড়া দেখছিলাম; চারিদিকের অসহ মৌন এই মজ্জ্বলনিত্তে কেবল একটু ভাঙ্গ ছিল।

আমরা যে পথে এসেছিলাম সেই পথেই ফিরতে হল, কারণ অন্য পথ আভালাঙ্গের জন্য নিরাপদ নয়। আমাদের পেছনে সেই মেয়ের দল আসছে দেখে মন আবার একটু পাপ হল। কিন্তু তারা আমাদের এত পেছনে পড়ে গেল এবং বরফের উপর পিছলে পড়ার জন্য কাপুরুষের (কা-নারীর?) মত এতই সন্তোষে চাঁৎকার করছিল সে তাদের কথা চিন্তা করে আমার আজকার ভ্রমণের পৌরুষ একটুও খর্ব্ব করলান না। সেই "মভে পা"র কাছে আর কোন বিপদ হয় নাই, কারণ গাইড এগার আমাকে ধরে পারু করিয়েছে।

বুক ফুলিয়ে বিকেল ৪টার সময় হোটেলে প্রবেশ করলাম। স্নান করে ঘরে এসে বিশ্রাম করছিলাম; বাইরে আঙ্গলের প্রত্যেক সাদা শিথরের উল্লেখ মনে মনে বললাম 'দাঁড়াও, তোমার মাথার উপর চড়ব, তবে ছাড়ব।' কে বলে বাঙ্গালী ভীক। ডিনারের ঘণ্টা পড়ল। সিঁড়িতে একজন ফরাসী ভজলোক ইংরিজিতে নিজে থেকেই আলাপ শুরু করলেন। আমি তাঁকে প্রথমেই গর্কের সহিত জানিয়ে দিলাম যে আজ সারাদিন আমি গাইডের সঙ্গে করে "মার দি মাস" পর্যন্ত যুরে এসেছি; সেই জন্য একটু ক্লান্ত আছি। তিনি বললেন যে তিনিও বিকেলে তাঁর স্ত্রী ও কন্যার সঙ্গে সেখানে গিয়েছিলেন। আমি জিজ্ঞাসা করলাম "নিশ্চয়ই গাইড সঙ্গে ছিল?" তিনি হেসে বললেন "এটুকু যেতে আর কে গাইড নেয়।" আমি শেষ চেষ্টা করে বললাম "নিশ্চয়ই 'মভে পা' পার হয়ে যান নাই; সে পথ যে মেয়েদের পক্ষে অসম্ভব।" তিনি আবার হেসে বললেন "কই, সে পথে আমাদের ত কোন কষ্ট হয় নাই।" আর না; আমি ছুটে ডিনার ঘরে চলে গেলাম। খেতে খেতে মনে হচ্ছিল কেন সাজাহান তাজনিংগাতা সেই শিল্পীকে মৃত্যু পুরস্কার দিয়েছিলেন; তা না হলে হয়ত তাঁকে দিল্লীর বাইরে আর কোথায় আর একটা তাজ মেথার দুঃখ ভোগ করতে হত।

এদেশে পাহাড়ে চড়া এক দুর্নিবার বাতিক; লাভ এতে কিছুই নাই; কারণ ইহা ব্যায়াম নয় যে শরীরের উন্নতি হবে, বরং এই নিদারুণ পরিশ্রমের পর শরীর সারতে কিছু সময় লাগে।

আমার এই অভিযান থেকেই বুঝবেন যে এতে হাত পা ভাঙ্গার সুযোগ খুব বেশি এমন কি ঘাড়মটকানোর সম্ভাবনাও বড় ভয় নয়, আমি এই দুই বছরে আসলে বহু দুর্ঘটনার বিষয় কাগজে পড়েছি। কিন্তু তবু এদেশে উৎসাহীর অভাব নাই। অনেকেই প্রশ্ন করেছেন গৌরীশঙ্করের মাথায় উঠে কি লাভ হবে? মেরু আধিকারে অনেক ভৌগোলিক ও বৈজ্ঞানিক তথ্য পাওয়া গিয়েছে, গৌরীশঙ্করে তেমন কিছুই পাওয়া যাবে না। কিন্তু তবু চড়াতে হবে; কেন? Sir Younghusbandএর জবাবে বলেছেন যে মানুষের সাহসের সীমা কতদূর এবং আমাদের শক্তি কতখানি এর পরিচয় পাওয়া যাবে। কিন্তু সে কি রকম পরিচয়? তারই গোটা কয়েক কাহিনী লিখছি। কিছু দিন পূর্বে একদল আমেরিকান গাইড প্রভৃতি নিয়ে স্যামনি থেকে ম'ন্ট্রী'র চড়ল। ম'ন্ট্রী'র মাথায় চড়াতে তিন দিন সময় লাগে। প্রথম দিনে দশহাজার ফিট উঁচুতে "গ্রান্ড মুল" (Grand Mulets) বলে একটা কুটারে উঠা হ'ল। সেখান থেকে শেষ রাতে রওনা হয়ে পরদিন বেলা ৮টা নাটার সময় ম'ন্ট্রী'র মাথায় পৌঁছান হয়; তারপর সেখান থেকে নেমে সন্ধ্যায় সেই কুটারে আবার রাত কাটাতে হয় এবং পরের দিন স্যামনিতে নামতে হয়। এই আমেরিকান পার্টি নির্বিঘ্নে ম'ন্ট্রী'র মাথায় পৌঁছাল। কিন্তু নানার সময় আরম্ভ হল ঝড় ও তুষার বর্ষণ; সাতদিন ধরে তাই চলল। এরপর স্যামনি থেকে যে দল তাদের খোজে গেল তারা তাদের প্রাণহীন শীতে-জমা দেহ নিয়ে নেমে এল। একজন আমেরিকান শেষ পর্যন্ত তার ডাইরীতে সমস্ত লিখে রেখেছে,—হৃৎসার করাল শীতল স্পর্শের সে কাহিনী কি ভয়ানক! আর একবার আর এক রাশিয়ান উদ্ভ্রলোক চার জন গাইড নিয়ে ম'ন্ট্রী'তে চড়েন; ফেরবার সময় এক মেশিয়ান পার হাতে দুই জন গাইড তার কাটলে পড়ে যায়। প্রায় চল্লিশ বছর পড়ে মেশিয়ান সরে যাওয়ার তাদের মৃতদেহ বের হয়ে পড়ে; বরফের মধ্যে থাকার জন্য বোনরূপ বিকৃতি ঘটে নাই। তাদের আর দুইজন সঙ্গী এত দিনে অর্শাতিপর বৃদ্ধ হয়ে গিয়েছে; একজনের জ্ঞানলোপ পেয়েছিল। আর একজন এসে সেই দুইজনকে সনাক্ত করল। বৃদ্ধ তার যৌবনের এই দুই সঙ্গীর হাত ধরে চীৎকার আরম্ভ করল যেন তারা ঘুমিয়ে আছে। সে কি দৃশ্য! এই রকম কত দেহ এই সব পর্বতের পাদদেশে লুকানো আছে। হয়তঃ কোন সুদূর ভবিষ্যতে—যখন মানুষের অস্তিত্ব লোপ পাবে, তখন পাদদেশ তার বন্ধ থেকে এই সব রহস্য প্রকাশ করবে এবং এখন যেমন জাননা লুপ্তপ্রাণীর চিহ্ন মিউজিয়ামে

রক্ষা করি, তখনকার অধিবাসীরাও মানুষের এই সব দেহকে সেই ভাবে রক্ষা করবে। স্যাননিতে এই সব বিভীষিচানয় জ্বিনিসের এক নিউজিয়াম আছে! যে সর্বপ্রথম মর্ল্লাতে চড়ে তার একটা মর্ল্লর মূর্ত্তি রক্ষা করা হয়েছে। তার নাম জাকুয়ে বাল্মা (Jacques Balmat) ১৭৬১ খৃষ্টাব্দে সে একলা মর্ল্লাতে চড়ে। শুনেছি বৃদ্ধ বয়সে বাল্মা ভয়ানক লোভী হয়ে পড়েছিল; তাই নানা পর্বত শৃঙ্গ সোণার খোজে ঘুড় বড়াত; একদিন তার একটা থেকে পড়ে তদ্রলোক প্রাণ হারিয়েছে; উপযুক্ত মৃত্যু বটে!

১৯ই এপ্রেল স্যাননি ত্যাগ করে জেনেভা এলাম। জেনেভা প্রাচীন সহর; সেই জন্য সহর দুই রকমের। যে অংশ প্রাচীন সেখানে বাড়ী ঘর পুরাণো, রাস্তাঘাট সরু, আধুনিক অংশে বাড়ী ঘর প্রকাণ্ড, রাস্তাঘাট চওড়া। জেনেভার হ্রদের ধারই সুন্দর। হ্রদের তীরে সুন্দর একটা বাগান আছে; তার নাম হচ্ছে “জার্দী আঙ্গে” (Jardin anglais) “ইংরাজ উদ্যান।” ইংরাজদের খুসী করার জন্য অনেক স্থানেই অনেক রাস্তা ও উদ্যান এবং হোটেল ইংরেজদের নামে করা হয়। স্ট্রটজারল্যাণ্ড ও ফ্রান্সের অনেক টাউনের ধনাগম হয় দর্শকদের কল্যাণে। ইউরোপে ইংরাজরাই সব চেয়ে ভ্রমণ করে বেশ। সুতরাং ইংরাজদেরই প্রাধান্য এই সব স্থানে অধিক। রাস্তাবিক ইংরাজ ভাতকে সঙ্গম না করে পারছি না। এদের জন্যই সুইস হোটেলের সব দাসীরা ইংরাজি শিখতে বাধ্য হয়; ফ্রান্সে দোকানে লেখা থাকে “English is spoken here”.

জেনেভার দেখার বিশেষ কিছুই নাই; সেই জন্য পরদিনই প্যারিশ চলে যাই। কোল দুটি বজার ঘটনা হয়েছিল,--সন্ধ্যাবেলা হ্রদের ধারে একটা রেষ্টুরায় বসে ডিনার খাচ্ছি এমন সময় কিছু বলা নাই হঠাৎ একজন বৃদ্ধ এসে আমাদের টেবিলে বসে গেল এবং টুপী খুলে আমাদের কন্যাপ্রার্থনা করে বলল যে সে একজন ভারতবাসী; ইংরেজ গবর্ণমেন্ট তার রাজদ্রোহিতার জন্য তাকে ভারতবর্ষে ফিরতে দেয় না; তাই সে আজ পনের কুড়ি বছর জেনেভায় নির্বাসনে আছে। তদ্রলোক বলা আরম্ভ করলেন “তোমরা হয়তঃ বুঝবে না আমার ভারতীয় দেখে কি আনন্দ হয়। সেই জন্য হঠাৎ তোমাদের উপর এসে পড়েছি; কিছু মনে করো না।” তারপর তদ্রলোক কেবল বকে যাচ্ছিলেন। আমাদের যখন খাওয়া শেষ হল তখন তিনি বিদায় নিলেন। দ্বিতীয় ঘটনা হচ্ছে সেইদিন রাতে। আমাদের হোটেল সহরের একপ্রান্তে; ঘুরতে ঘুরতে অনেক দূর এসে পড়েছি; তাই পথ খুজে পাচ্ছিলাম না। শেষে জেনেভার এক নির্জন অংশে এসে পড়লাম।

সম্মুখে কেউ নাই। একখানা মোটর চলে যাচ্ছিল ; মাত্র তাতে একজন লোক। শেষকালে তাকে থানিয়ে পথ জিজ্ঞাসা করলাম। লোকটা প্রথমে পথ বলে দিল ; তার পরে কি ভেবে আমাদের মোটরে পৌঁছে দিতে চাইল। আমাদের দুইজনের পকেটে ছিল অনেক টাকা ; নিদেশ ; তাতে রাত ; এবং জেনেভায় ইউরোপের যত নির্কাসিত ব্যক্তির আশ্রয় ; কায়েই ইতস্ততঃ করছিলাম। শেষে লোকটা বলে উঠল তোমাদের কোন ভাড়া দিতে হবে না। এর পর অবশ্য বজ্জায় আমরা মোটরে চড়লাম। লোকটি বাস্তবিক ভদ্রলোক ; আমাদের হোটেলের নামিয়ে দিয়ে চলে গেল। বাস্তবিক এরকম ভদ্রতা খুব কম দেখা যায়।

১৬ই মার্চ প্যারিশে এলাম। প্যারিশে হোটেল পেতে একটু কষ্ট হয়েছিল, তখন প্যারিশে একটা অহুর্জাতিক প্রদর্শনী আরম্ভ হয়েছে ; তাই খুব ভিড়। অবশেষে একটা হোটেলের স্থান মিলল, সেখানে সবেমাত্র ঘর খালি হয়েছে।

প্যারিশ লণ্ডনের চেয়ে অনেক ছোট। প্যারিশের কতক অংশবাহিরে আর সব বহু পুরাণো, রাস্তাঘাট সরু, পাথর দিয়ে বাঁধানোর জন্য সমতল নয়। লণ্ডনের সব রাস্তাই পিচ দিয়ে স্মন্দর বাঁধানো ও পরিপাটি। লণ্ডনের মিউনিসিপালিটি প্যারিশের চেয়ে এ বিষয়ে সহস্রগুণে শ্রেষ্ঠ। সাধারণতঃ ইংলণ্ডের প্রত্যেক সহরই কি রাস্তা হিনাবে কি পরিষ্কার পরিচ্ছন্নতায় ফ্রান্সের সহরের চেয়ে ভাল, কিন্তু প্যারিশে বুলেভার্দ অতুলনীয়। প্যারিশের সব চেয়ে বিখ্যাত রাস্তার নাম হচ্ছে "সাঁজ্‌ইলিজে" (Champs Elyseis) অর্থাৎ দেবতাদের প্রাস্তর, এই রাস্তার দুই ধারে উদ্যান ও তার মধ্যে বড় বড় সৌধ। এবটা যাত্রগায় অনেকগুলো রাস্তা এসে নিসেছে, তার নাম হচ্ছে "প্লাস দি লা কনকর" (Place de la Concord) অর্থাৎ সৌম্য স্থান। ফরাসী বিপ্লবের সময় এই স্থানে সাধারণের দৃষ্টি সম্মুখে অপরাধীদের গিলোটিনে বধ করা হইত ; রাজা অষ্টাদশ লুই, মেরি অ্যান্টোনেৎ প্রভৃতি বিখ্যাত ব্যক্তিগণ এই স্থানে হত হয়ে ছিলেন ; তখন এই যাত্রগাকে বলা হত প্লাস দি লা রিভলিউসিওঁ (Place de la Revolution) অর্থাৎ বিপ্লবের স্থান ; পরে এর নাম বদলিয়ে সৌম্যস্থান করা হয়েছে। এই স্থানে প্যারিশের সব চেয়ে ভাল দৃশ্য ; একপাশে ছোট ছবির মত 'সাঁন' নদী, আর একদিকে টুলেরি (Tulleris) উদ্যান ও সেই উদ্যানের মধ্যে রাজপ্রাসাদ লুভার (Louvre), আর একদিকে বিখ্যাত রাস্তা রুয়াল (Rue Royale) ; এই রাস্তার প্রত্যেক বাড়ীর সম্মুখেই একটু বারান্দা থাকায় রাস্তাটির

অপূর্ব চেহারা হয়েছে। আর একদিকে সাজ ইঞ্জি রাস্তা। ফ্রান্সে বড় বড় বুলেভদ এর দুই পাশে বাগান, সেই বাগানে সুন্দর সুন্দর মর্ম্মর মূর্তি। টুলেরি উদ্যানে বিখ্যাত রোডিন (Rodin) নামক ভাস্করের অনেক অপূর্ব সুন্দর মূর্তি আছে। সাজ ইঞ্জি একবারে সোজাসুজি এক নাটল গিয়ে একটা স্থানে পড়েছে বার নাম হচ্ছে ইতোইল (Etoile) অর্থাৎ নক্ষত্র। এখানে অস্তুতঃ এক উজন রাস্তা এসে মিশেছে, যেন একটা তারার রশ্মি চারিদিকে ছড়িয়ে পড়েছে। এইখানে নেপোলিয়ানের তৈরী বিখ্যাত Arc de Triomphe (Arc of Triumph) অর্থাৎ বিজয়-তোরণ। যেনন তাজমহলের সৌন্দর্য্য বর্ণনা করে বুঝিয়ে দেওয়া যায় না, কিংবা কথার শেষ করা যায় না, সেই রকম পারিষে এই রাস্তা, তার চার পাশের বাগান ও সৌধমালা, নেপোলিয়ানের এই বিজয়-তোরণ, দূরের লুভার প্রাসাদের কালো গম্বীর মূর্তি ও টুলেরি উদ্যানের সৌন্দর্য্য—এই সমস্ত কথায় বন্ধে শেষ করা যায় না, লুভার প্রাসাদের সম্মুখেও একটা বিজয়স্তম্ভ আছে; সেখান থেকে সাজ ইঞ্জি ঠিক একটা সরল রেখার মত এসে এই Etoile এর তোরণে মিশেছে, যে দিন নেপোলিয়ানের মৃত্যু দিন সেইদিন সূর্য্যাস্তও এই সরলরেখার মধ্যে এসে পড়ে, মনে হয় যে দূরের ইতোইলের বিজয়তোরণের মধ্যে সূর্য্য অস্ত যাচ্ছে। ফরাসীরজাত এই রকম কল্পনা প্রাণ; ইংরাজদের উপবন উদ্যান প্রভৃতি ফরাসীর স্বার্থ প্রতিলিপি। দুইজাত কল্পনায় কত তফাৎ তা একটা ব্যাপারেই বুঝা যায়। যুদ্ধের পর প্রত্যেক জাতই তাদের মৃত বীরগণের স্মৃতিচিহ্ন স্বরূপ একজন অজ্ঞাত মৃত সৈন্যকে কবরস্থ করে তার উপর বহুমূল্য স্মরণ-সৌধ নির্মাণ করেছে। লণ্ডনে যেখানে চারদিকে ইংরাজ গবর্নমেন্টের রাজপ্রাসাদ প্যার্লিামেন্ট প্রভৃতি আছে সেই বিখ্যাত হোয়াইট হল (White hall) নামক রাস্তার উপর মাঝখানে সাদানার্ক্সেলের একটা প্রকাণ্ড স্তম্ভ খাড়া করা হয়েছে, যাকে ইংরাজেরা বলে Cenotaph (স্মরণ চিহ্ন) এখান দিয়ে চলে যেতে মাথা থেকে টুপী খুলে সকলে জাতির সেই মৃত বীরের সন্মান করে। দুঃখের বিষয় মার্ক্সেলের সেনোটাফটি এমন বিশি দেখতে এবং পাশের পুরণো কালো সৌধের মধ্যে থাকায় এমন বেখাপ্পা দেখায় যে ইংরাজ ছাড়া আর কেউ সেটাকে সুন্দর বলবে না। ফরাসীরা এর জন্য সুন্দর এক উপায়ে স্মৃতিচিহ্ন নির্মাণ করেছে। নেপোলিয়ানের যে বিজয়স্তম্ভ, সেখানে চারদিক থেকে আলোর রশ্মির মত দশ দশ দশটা রাস্তা এসে মিশেছে, ঠিক সেইখানে মাটির উপর একটা প্রদীপ জ্বলছে; এর তলেই

তাদের জাতির অজ্ঞাতীর স্মরণার্থ; এই আলোটাকে বলা হয় স্মরণবাতি (The flame of remembrance); কেমন সুন্দর কল্পনা !

সমস্ত প্যারিশই এই রকম সৌন্দর্যোভরা ; ইতিহাসে প্যারিশে অনেক রাস্তা ও অনেক বাড়ী অনন্য হয়ে আছে ; এর গির্জা অসুন্দর। 'নোতার দাম' মন্দির, সাজারমে প্রভৃতি গির্জা অপূর্ণ অসুন্দর। পূর্বে যে সব রাজপ্রাসাদ ছিল এখন সেই সব সরকারী আফিস হয়েছে ; প্রত্যেকটাই দেখতে সুন্দর, এত এতখানা ছবির মত। যদিও ফরাসীরা ভয়ানক Democratic কিন্তু এর কল্পনা এখনও রাজরাজাদের মতই বিনাসিতাপূর্ণ।

প্যারিশের তিনটি স্থানের কথা বলেই প্যারিশ থেকে বিদায় নিব। প্রথম হচ্ছে লুভার মিউজিয়াম ও চিত্রশালা ; এখানে এত সব শিল্পসম্পদ রক্ষা করা হয়েছে যে দেখে শেষ করা যায় না, আমরা দুইদিন কেবল চিত্রশালাতে গিয়েছিলাম ; মিউজিয়ামের কিছুই দেখি নাই। কিন্তু তবুও সব চিত্র দেখে শেষ হল না, জগৎবিখ্যাত অনেক চিত্রকরের ছবি এখানে আছে। নেপোলিয়ান যখন সমস্ত ইউরোপ জয় করেছিলেন তখন তিনি সব রাজধানী থেকে সমস্ত শিল্পকলাসম্পদ প্যারিশে লইয়া আসেন ; তিনি অর্থের দিকে তত দৃষ্টি দিতেন না ; অবশ্য নেপোলিয়ানের পতনের পর সেই সব ছবি, মূর্তি প্রভৃতি ফেরৎ দেওয়া হয়েছে, তা না হলে প্যারিশ কি যে হত জানি না। দ্বিতীয় জিনিস হচ্ছে প্যারিশে ইউনিভারসিটি সারবো (Sorbonne) ও তার চার পাশের স্থান থাকে "লাটিন কোয়ার্টারস" বলা হয় (Latin quarters) ইউনিভারসিটির বাড়ী দেখতে খুব মহিমাযুক্ত ; দেওয়ালে নানা রকম কারুকার্য মণ্ডিত ; বিখ্যাত ছবির প্রতিলিপিতে দেওয়াল সুন্দর করা হয়েছে ; সিনেট হল নানা রকম মন্দির মূর্তি ও ছবিতে ভরা ;—বাণীর মন্দিরে প্রবেশ করেছি তা যেন প্রতিপদেই মনে হয় ; "কোয়ার্টার ল্যাটিন" প্যারিশের খুব প্রাচীন অংশ ; চিরদিনই ছাত্র ও আর্টিষ্টদের বাস। এইখানে ফরাসী উপন্যাসে বিশেষতঃ ভিক্টর হিউগো (Victor Hugo)এর অমর লেখনীতে এই পল্লীর উপর কেমন একটা কবিত্বের মোহজাল ছড়াইয়া দিয়াছে। এইখানে অনাহারাক্লিষ্ট চিত্রকর, ছেঁড়া প্যান্টালুনপরা খালি-পায়ে দরিদ্র ছাত্র, বৃদ্ধ শীর্ণ অধ্যাপক প্রভৃতি বাণীর সেবকগণ পূর্বকালে ঘুরিয়া বেড়াইতেন। তারা বাণীর সেবা করেন তাঁরা সব দেশেই সব কালেই নিঃস্ব এই সব ছাত্রগণই ফরাসী বিপ্লবে অমর কাব্য করে'ছ, এরাই ফ্রান্সের বড় বড় চিত্রকর ও লেখক

হয়েছে, এরাই বিজ্ঞানে ও চিকিৎসা শাস্ত্রে ফ্রান্সকে শ্রেষ্ঠ করেছে। এই জীবন যুত্বাপারের ভূত্য চিত্ত ভাবনাহীনের” দল খালি পকেটে রাতের পর রাত প্রচণ্ড আনোদে কাটিয়ে তারপর হয় ত সীনের বক্ষে আশ্রয় গ্রহণ করেছে। এদের এই সব পাগলামি, দারিদ্র্য, কলাপ্রিয়তা, প্রণয়কাহিনী ফরাসী লেখকগণের তুলিকায় রোমান্সে রঞ্জিত হয়ে আছে। তারা সেই ছেঁড়া পোষাকপরা দরিদ্র আটিষ্টদের খোঁজে একানকার একটা বিখ্যাত রেস্টুরায় প্রবেশ করলাম; কিন্তু ভাল পোষাকপরা কয়েকজন বাবু ছাত্র ছাড়া আর কিছুই চোখে পড়ল না।

এইবার তিন নম্বরের কথা বলে শেষ করব—সে হচ্ছে নেপোলিয়ানের সমাধি এবং আইফেল টাওয়ার (Eiffel Tower) নেপোলিয়ানের মৃতদেহের উপর যে সমাধি নির্মাণ করা হয়েছে, তা তাঁর মত লোকেরই উপযুক্ত। শবাধার একট গর্ভের মন্যে রক্ষিত করা হয়েছে, যাকে দেখতে হলেই মাথা নীচু করতে হয়। তার চারপাশে ‘জয়ের’ (Victory) কয়েকটি মর্ম্মরমূর্ত্তি ‘অষ্টার লিজ প্রভৃতি যুদ্ধে যে সমস্ত শত্রুর পতাকা অধিকার করেছিলেন, সেই সব পতাকা, শবাধারের মাথার উপর ক্রমবিদ্ধ যিৎমূর্ত্তি। তার চারপাশে সোণালী রঙের আরও অনেক কারুকার্য। জানালার কাচ দিয়ে দিনের আলো সোণালী আভায় মণ্ডিত হয়ে এই সমাধির উপর চন্দ্রকিরণের মত হয়ে পড়ছিল; যেন চারদিকে স্নান জ্যোৎস্নাসিক্ত রজনী শান্তি ও নিস্তরুতা বিরাজ করেছে ধন্য বঙ্গনা! নেপোলিয়ানের চিহ্ন প্যারিশের সর্বত্রই দেখা যায়, ইতিহাস পড়লে জানা যায় যে নেপোলিয়ান ফ্রান্সের যত ক্ষতি করেছেন অন্য কেউ তত করেছে কিনা সন্দেহ। কিন্তু তাঁর বিজয়কাহিনী ফরাসীজাতকে পাগল করে রেখেছে; যে ছেলেটি সব চেয়ে উর্দাস্ত, মা যেমন তাকেই সবচেয়ে ভালবাসে এ যেন ঠিক তাই। আইফেল স্তম্ভ প্যারিশের এক আশ্চর্য্য বলে সকলেই মনে করে। আমার কাছে কিন্তু এর কোন সৌন্দর্য্যই প্রকাশ পেল না। বরং এই হাজার ফিট উঁচু কতগুলো লোহার কড়িবর্গাকে বিনা প্রয়োজনে তৈরী করা হয়েছে এই ভেবে রাগ হচ্ছিল। আজকাল এটা বিনাতার টেলিগ্রাফের স্টেশন রূপে ব্যবহার করা হয়। আমরা লিফ্টে (Lift) এর মাথায় চড়ে নিলাম। সেখান থেকে সারা প্যারিশ ও বহুদূর পর্য্যন্ত দেখা যায়।

প্যারিশ শেষ করার পূর্বে তার একটা কথা বলব, সে হচ্ছে প্যারিশের রেস্টুরা; ফরাসী রান্না ইউরোপের সর্বত্র আদৃত; এমন কি ইংলণ্ড ও আমেরিকার বড় বড় হোটেলের জাপন দেওয়া হয় যে এখানকার রান্না Cuisine Francaise (French cooking); বড় বড় ভোজ্যে মেহু

ছাপানো হ্রয় করাসী ভাষার। একখানা ভৌগোলিক পুস্তকে প্যারিশের বর্ণনায় তার বড় বড় সৌন্দর্য, রাস্তা, উদ্যানের সঙ্গে বলা হয়েছে যে এই খানে পৃথিবীর (?) মধ্যে সব চেয়ে ভাল খাবার পাওয়া যায়। আমি ইংলণ্ডের খাদ্যের রস কিছুতেই গ্রহণ করতে পারিনি। আমার বায়ে বায়ে ফ্রান্সে আসার কারণও তাই। মেজিভে আমাদের পাচিকা এই বিষয়ে অসাধারণ গুণী ছিল, তাই সেস্থান ত্যাগ করার সময় আমি তার করগ্রহণ করে বলি "Much of the pleasure of this Valetion is due to you (এই ছুটির অনেক আনন্দই তোমার কল্যাণে) আমার বন্ধু আমাকে ঠাট্টা করেছিলেন, কিন্তু দেখেছি তাঁর ভোজনশক্তি আমার চেয়ে আরও বেশী। পাহাড়ে অনেকদিন নাছ খাওয়া হয় নাই, সেইজন্য জেনেভায় মাছের উপর আমাদের ভয়ানক লোভ হয়েছিল, একদিন একটা মাছের ডিমের জন্য ৬ ফ্রাঙ্ক (৬ টাকা) দিতে হয়। প্যারিশে এসে এই জন্য আমাদের আনন্দের অবধি ছিলনা, নানা ভাল ভাল রেস্টুরাঁর খেয়ে বেড়াইতাম। এইজন্য কেউ যদি আমাদের পেটুক মনে করেন, তবে যেন তিনি কিছুদিন ইংলণ্ডে এসে রোস্টবিফ ও মাটন খেয়ে দেখেন।

প্যারিশ থেকে একদিন ভারসাই (Versailles) দেখতে যাই। এখানে চতুর্দশ লুই বে প্রাসাদ ও উদ্যান তৈরী করে গিয়েছেন, তা এখনও সৌন্দর্য্য হিসাবে চূড়ান্ত। এইখানে এলে ইতিহাস জীবন্ত হয়ে দাঁড়ায়। যে বরে চতুর্দশ লুই শান করতেন, সেই বরে বিছানা পর ঠিক সেই রকম আছে। যেখানে মেরি আন্তোনেতের (Marie Antoinette) এর প্রসাধনকক্ষ ও স্নানাগার ছিল তা ঠিক রকমই আছে। রাজপ্রাসাদের মধ্যে একটা থিয়েটার আছে, তার গ্যালারী ও স্টেজ অতুত সুন্দর। তার কোথায় পঞ্চদশ লুই বসতেন এবং কোথায় ম্যাডাম পম্পাদুর (Madame Pompadour) বসত, গাইড আমাদের দেখিয়ে দিল। এই কক্ষেই নেপোলিয়ান প্রথম রিপাবলিকের প্রতিনিধিগণকে বিতারিত করে স্বয়ং ফ্রান্সের কর্তা হয়ে বসেন। আর একটা স্থানে নাকি গত মহাযুদ্ধের শেষে যখন সন্ধির প্রস্তাবনা চলছিল তখন সমস্ত প্রতিনিধিরা এসে আহ্বার করতেন, এবং কোন জটিল প্রশ্ন উপস্থিত হলেই দৌড়িয়ে এসে একগ্লাস পানীয় খাওয়ার আছিলার লয়েডজ ও ক্রেনেনসু পরামর্শ করতেন। আর একটা ঘর হচ্ছে জগদ্বিখ্যাত Hall of Mirror (দর্পণ কক্ষ) দেওয়ালে বড় বড় আয়না বসানো আছে, এবং বাইরে দৃষ্টিপাত করলে বহুদূর পর্য্যন্ত স্থান শোভাময় ফ্রান্সের মাঠ দেখা যায় ; রাজা নাকি

কাউকে বাড়ী করতে দিতেন না। এই কক্ষে ১৮৭১ সালে ফ্রান্স, জার্মান সমরের অবসানে বিজয়ী প্রাশিয়ার রাজা নিজকে জার্মানীর সম্রাটরূপে ঘোষণা করেন; বর্তমান জার্মান সম্রাটের পূর্বপাৎ হয়। আবার এই ঘরেই ১৯১৯ সালে পরাজিত জার্মান সম্রাজ্য সন্ধিপত্রে স্বাক্ষর করে; যে টেবিলের উপর যে কলমে সকলে দস্তখত করে তা এই ঘরের মধ্যে রাখা হয়েছে। ইতিহাস যদি কখন নাটকের মত হয়, তবে তা এই ঘরে হয়েছে। সমস্ত ঘর এখন ফরাসী জাতীয় ইতিহাসে যে যে ঘটনা কীর্তীকর তার ছবিতে ভরা; ফরাসী বালক যদি এখানে বেড়াতে আসে তবে তার আর ইতিহাস মুখস্ত করতে হবে না। এই সমস্ত কক্ষের মধ্যদিয়ে যখন চলছিলাম তখন কেবলই মনে হচ্ছিল হয়ত এই চেয়ারে নেপোলিয়ান বসেছেন, কিংবা এই পথে চতুর্দশ লুই কত বার যাতায়াত করেছেন। বাইরেই সুন্দর উদ্যান, মর্ম্মরমূর্ত্তি ও ফোয়ারায় ভরা; এখন মাসে দুই রবিবারে মাত্র ফোয়ারায় জল দেওয়া হয়। এই রাজপ্রাসাদ নির্মাণের জন্য ফরাসীদেশ শোষণ করে চতুর্দশ লুই যে অর্থগ্রহণ করেন, তার প্রতিক্ষল পান হতভাগ্য ১৬শ লুই; তিনি নিজে খুব শাস্ত্রস্বভাব ও দয়ালু ছিলেন।

ভারসাইএ আর দুইটি রাজপ্রাসাদ আছে; এখান থেকে মাইল খানেক দূরে, একটার নাম গ্রান্ড ত্রিয়ানোঁ (Grand Trianon) অন্যটার নাম পেতি ত্রিয়ানোঁ (Petit Trianon) পেতি ত্রিয়ানোঁতে মেরি আন্তোনেং বাস করতেন। মেরি আন্তোনেং ভুবনমোহিনী সুন্দরী ছিলেন; তিনি অষ্ট্রিয়ার সম্রাজ্ঞী মেরিয়া থেরেসীর কন্যা। চতুর্দশ বৎসর বয়সে ষোড়শ বর্ষীয় ১৬শ লুইয়ের সঙ্গে তাঁর বিবাহ হয়, এবং সেই সঙ্গে তিনি মাতাকে ত্যাগ করে ফরাসী রাজদরবাবে চিরদিনের জন্য চলে আসেন। তাঁকে ফরাসীর লোকেরা দেখতে পারত না; কারণ অষ্ট্রিয়া ছিল চিরদিন ফ্রান্সের শত্রু, সেই জন্য ফরাসীরা মনে করত যে রাণী রাজাকে কুপরাহর্ষ দিচ্ছেন; তারা ঘণা করে তাঁকে বন্দ Austrian woman. তাঁর স্বামীও তেমন চতুর ও গুণশালী ছিলেন না, বোধহয় তাঁর মত রূপসীর অনুপমুকুই ছিলেন। মেরি আন্তোনেং এইখানে একটি ক্ষুদ্রপল্লী স্থাপন করেন; তাঁর একটা গোশালা ছিল, চাষার মেয়েদের মত তিনি গরুকে খাবার দিতেন ও দুধ দোহন করতেন। এখনও সেই সব খড়ের ঘর পড়ে আছে, একটা ছিল তাঁর পরিচালিত ইস্কুল, আমাদের ছেলেরা যেমন রাজা রাজা খেলা করে সেই রকম মেরি আন্তোনেং চাষা চাষা খেলা করতেন। এতে তাঁর কর্ম্মহীন দুঃখময় জীবনের

ছবি যেন পরিফুট হয় ; স্বামী কোন দিন তাঁহাকে সন্তুষ্ট করতে পারেন নাই ; হয় ত অধিকাংশ সময়ই তিনি যুগলা কিংবা বন্ধুদের আড্ডার থেকে স্ত্রীর কাছে আসতেন না ; বাইরে ফরাসী-জাতের কেউ তাঁকে দেখতে পারত না, সকলেই অভিশাপ দিত। সেই জন্য এই বন্দিনী এই ভাবে নানা কাণ্ডের সৃষ্টি করে নিজকে ব্যপ্ত রাখতেন। আমার মনে হয় ইতিহাস তাঁর উপর যত খানি কালিমা লেপন করেছে, তা অনেকটা তাঁর এই মানসিক ছুঃখেই ঘটেছে। একটা ঘরে তিনি বেড়িয়ে এসে বিশ্রাম করতেন। এর দেওয়ালে যত সব লক্ষণকারী নাম লিখে গিয়েছে ; আমিও একজন আমেরিকান নামের পাশে নিজের নাম লিখে রাখলাম !

প্যারিশ থেকে আর একদিন যাই ফন্টেনব্লোতে (Fontainebleu) প্যারিশ থেকে মাইল ৩৫ দূরে। এইখানে ফরাসী রাজাদের বাসস্থান ছিল। এইখানে নেপোলিয়ানের স্মৃতি বেশি। রাজপ্রাসাদের সম্মুখে যে চহর সেখানে তিনি তাঁর গার্ডদের কাছ থেকে শেষ বিদায় নিয়ে ছিলেন। এই প্রাসাদ দেখার জন্য ফরাসী গবর্নমেন্ট লোক রেখেছে ; কারণ এত মূল্যবান সব জিনিস আছে যে কেউ একজন সঙ্গে থাকার দরকার। এ প্রতি কক্ষই আশ্চর্য ভাবে সজ্জিত, ছাদে সোণালোকায় করা ; প্রত্যেক ঘরেই বিচিত্র Panelling (কাঠের দেওয়াল),—বিলাসিতায় মে মাথার দরকার হয়, তা এইখানে এসে বৃথা যায়। এ ঘর হচ্ছে ফরাসী রাজ্যের শয়ন ঘর ; বিহানাপত্র ঠিক সেই রকম পড়ে আছে। যে কক্ষটা ১ন ফ্রান্সিস (Francis) নিজের জন্য সাজিয়ে ছিলেন সেইটাই সর্বসুন্দর ; যেটা উপাসনা কক্ষ সেটাও খুব সুন্দর। একঘরে নেপোলিয়ান শয়ন করতেন ; তাঁর বিহানা পড়ে আছে, আর এ ঘরে তিনি কাণ্ড করতেন, টেবিলের উপর তাঁর বিখ্যাত টুপি পড়ে আছে ; আর এক ঘরে স্নান করতেন ; লোহার টব প্রভৃতি এখনও সেই রকম পড়ে আছে। আর এক ঘরে তিনি পোপকে বন্দী করে রেখেছিলেন, সেখানে বিহানাপত্র ও আনবাব এত মূল্যবান ও লোভনীয় যে পোপের মত সন্ন্যাসীর কিছুতেই উপযুক্ত নয়। আর একটা লাইব্রেরী ঘর, এখানে দেওয়ালের গায়ে বিচিত্র আলমারীতে সব বইকে বাঁধানো বই, ঘরটা আরও সুন্দর সোণালী আভার ভরা, এখানে এলে কেউ বইয়ের পাতায় দৃষ্টি নিবদ্ধ করতে পারবে না ; হলের কারুকার্যই বরং দেখবে। এইখানে টেবিলের উপর নেপোলিয়ান এলবা (Elba) গমন করার পূর্বে যে পত্রে সিংহাসন ত্যাগ করেছিলেন, সেই পত্র পড়ে আছে। এত বড় লোকের হাতের লেখা যে দিল্লী যে আমিও এট িসাবে তাঁর

চেয়ে বড় ; বিছুতেই পড়া যাচ্ছিল না। এই সব লোক কবে চলে গিয়েছেন ; কিন্তু এই সব বাড়ীঘর দেখে মনে হল যে তাঁরা কেবল ইতিহাসের পাতাতেই ছিলেন না, তারা এককালে আমাদের মত পৃথিবীতে ঘুরে বেড়াতেন। ফর্তেনল্লোতে প্রকাণ্ড বন আছে ; এখানে রাজারা হরিণ এবং বরাহ শিকার করতেন। এখন আশা সে সব কিছুই নাই, কিন্তু বন আছে। আমরা সারা বিকাল মোটরে করে সেই বনে ঘুরে এলাম, বন মানে জঙ্গল নয় ; ভিতরে খুব পদ্মিকার, গাছ সব শ্রেণীবদ্ধ এবং ভিতরে সুন্দর রাস্তা, এর ভিতর একটা গ্রাম আছে, তার নাম বারবিজোন (Barbixon) এখানে যত সব কলার উপাসক বাস করেন, গ্রামখানা ছবির মত, বনের মধ্যে লোকের বাস নাই।

ক্রমশঃ—

শ্রীযতীন্দ্রনাথ তালুদাধ।

দ্বিজেন্দ্রলাল ।

—:~:—

শুষ্ক-দহন আগুন তুমি, রুদ্র বংশেখ-মেঘ
বজ্র :মাদের চমকে দিলে জ গিঘে প্রাণের বেগ,
জীর্ণ দেহে পরাণ দিলে, ভগ্নহৃদে আশ,
মর্তিয়ে-নেওয়া বংশেখ-নায়ে আনলে প্রাণের শ্বাস ;
দীপ্ত তব প্রাণের শিখায় নিরাশ পুড়ে ছাউ,
মাধুৰ মোরা জানিয়ে দিলে, বাঁচার গাথা গ ই।
তোমার বিজয়-ডঙ্কা সাথে অজকে গাহি গান,
তোমার সাথে অজকে বলি—দেশের তরে প্রাণ ।

গাঃপালা ও মাঠে ঘেঁরা দেশটা শুধু নয়,
 শীর্ণ শত দেশের লোকে ঐ ওখানে রয়,
 ওদের নিয়ে ক্রিস্টে নিয়ে ভাগরে ওরে ভাগ,—
 তোমার অভয় বর্গে শূনি, প্রাণ-মাতান ডাক।
 ক্ষিপ্ত উত্তাল সাগর তুমি দেদার দিলে দোল,
 বললে মোদের—আয় না ছুটে, ভোল দে ব্যথা ভোল,
 তুঁতে তুমি, বজ্র তুমি, দীপ্ত হতাশন,
 যন্ত্র তোমার লক্ষ প্রাণের সৃষ্টি-বিলোড়ন।
 কে গো তুমি ভীষণ-আরাব কোন্ ব'শেখের মেঘ,
 বজ্র মোদের চমক দিলে ভাগিয়ে প্রাণের বেগ।

শ্রীপ্যারীমোহন সেন গুপ্ত।

বয়াটে।

—৪—

চার।

এক।

পূরবী রঙ ভোরের দিগন্তে সোনা ফগিয়ে দেবার আগেই ন'ব'নে বাড়ী থেকে বেরিয়ে প'ল।
 তার ঘাড়ের ওপর থেকে ফিরির বস্তা নেনে গিয়ে সেখানে আজ বত রাজ্যের কাজের বোঝা
 আবার চেপে ব'সেছে। ক'লকাতায় বস্তা—ছুখের নিরেট নিকষ যেখানে অন্ধকারের চেয়েও
 নিবিড়—রাত পোয়ানোর অনেক আগে থেকেই সেখানে দীন-জীবনের দিনের যুদ্ধ আরম্ভ হ'য়ে
 যায়। সেইখানে নব'নের কাজ—সাহেবের আদেশ। সে গিয়ে খোজ নিল—কার হাঁড়তে
 চান নেই—ছমুঠো পেটের দানা ভিখ মেঙে কে পায় নি,—সে তার যোগাড় ক'রে দিল। মজুর

বড় কে আজ দু'দিন থেকে বাথা খাচ্ছে ন'ব'নের ডাকে দাই এসে তাকে দেখলে—রাতে তাড়ির দোকানে নেশা ক'রতে গিয়ে কোন্ ছুখিনীর স্বামী এই এত বেলায়ও ঘরে ফেরে নি—ন'ব'নে গিয়ে তাকে হয় নন্দনা থেকে বেহ'স অবস্থায় তুলে নিয়ে এল—হতভাগাকে,—নয় তো খুনার জামিন হ'য়ে খালাস করে আনলো। কোথায় কোন্ ছুখী রাতভর দর্শা বাদলে পথে প'ড়ে প'ড়ে ভিজে সকালে সর্সাসে জর নিয়ে ঠির ঠিরিয়ে কাপ'ছে—বস্তীর ছোট ছজুর ন'ব'নে তাকে কাপে করে নিয়ে হাসপাতালে দিয়ে এল। ইত্যাদি। এই সাহেবের রোজকার কাজ ন'ব'নে আজ তাঁর প্রতিনিধি। ঘুরে ঘুরে—ঘরে ঘরে খোঁজ নিতে তার মাথার ওপর বেলা গড়িয়ে গেল। ছপুরের তপ্ত রোদ জ'লে উঠে বড় বড় বাড়ীর ছায়াগুলোকে ফুটপথ-বরাবর বিছিয়ে দিয়েছে। ন'ব'নে কাজ সেরে বাড়ী ফিবছিল। মনের ক্ষেতর তার বয়াটে বুদ্ধিটা এক একবার গুঞ্জন ক'রে উঠ'ছিল। নিজের মনে নিজেই সে তর্ক আরম্ভ ক'রে দিয়েছিল—যে সাহেবের এ কাজের শেষ কই? এর শেষ নেই! তা হ'লে তারো কি এই ভবঘুরে জীবনের চলাফেরা এমনি ক'রেই চিরন্তন কাল ধ'রে চ'লবে? না আর নয়! সাহেবের বাড়ীতে থেকে জবরদস্তী নবাবী ত আর বরদাস্তই হবে না;—তার ছকুম মেনে—এ চাল-ডাল বিলোনো দিন-গুজরানো ও এইবার খতম! এবার একটা স্থিতি নিয়ে স্থির হ'য়ে যে ব'সবে! সাহেব আসার খবর পেলেই স'রে প'ড়বে তাঁর সঙ্গে আর দেখাও ক'রবে না। ক'লকাতার বাইরে একটা চাকরী বাকরী নিয়ে—সেইখানে গিয়েই কায়েমী হবে! ব্যবস্থা ঠিক হ'য়ে গেছে সুতরাং তার মনে আর কোনো ভাবনা নেই!—একেবারে নির্বিকার সে একখানা হিন্দী খেয়াল—গজলের একটা কলিই বারে বারে গুণ গুনিয়ে বাড়ী ফিরলো। এইবার মনে হ'ল বড্ড ক্ষিদে পেয়েছে। গিষ্টের পাশের দোকানটা থেকে এক পয়সার ছোলাভাজা আর দু'পয়সার মুড়ি মুড়কী কিনে ফিরে এসে, খাবে ব'লে—তাড়াতাড়ি ওপরে উঠে, ঘরে ঢুকছিল হঠাৎ অনাহৃত—“এ করে?” একগাল হাসি আর চোখে যাহু নিয়ে—কিরণ এসে সামনে দাঁড়ালো। ন'ব'নে একটুখানি অবাক ম'ন হ'য়ে ভিগ্গেষ ক'রলো—“কিরণ?”

কিরণকে দেখে ন'ব'নে নিমেষে চকিত হয়ে উঠেছিল। কিরণ তা লক্ষ্য না, করেই—ভিজাসার সঙ্গে সঙ্গে জবাব দিল—“হ্যাঁ; চম্কে গেলে না কি নবনী?”

ন'ব'নে ব'ল—“একটুখানি গেলাম বই কি!”

কিরণ মুচকী হেসে বল—“ভাব্লে বুঝি আমি যদিও বা বাঘ ভানুক না হই—“বিষধরী।”
নিঃসন্দেহ—কেমন না?”

“ভাব্লাম তুই সেই তরুণী কিরণ রানী।”

“ভাগ্যি আমার যা হোক”—বলে হেসে কিরণ তাড়াতাড়ি ন’বনের মাথার ওপর বিজলী পাখাখানা, খুলে দিয়ে ব’ল—“বসো।”

ন’বনের বড় মেহনত লেগেছিল একটা কোচের ওপর ব’সে প’ল। তার মুখ দেহের দিকে চকিতে আর একবার তাকিয়ে কিরণ ব’ল—“উঃ খেমে জল হ’য়ে গে’ছ যে—জামা খোল”—
ন’বনে শুধু একটু হাসল।

কিরণ ন’বনের ঘাড়ের ওপর থেকে চাদরখানা টেনে নিয়ে আলনায় রেখে আবার ফিরে এল। ন’বনে ততক্ষণে ফতুয়ার বোতামকটা খুলে ফেলেছিল। জামাটা গলিয়ে আনবে ব’লে পিঠের বঁ। পাশটা একটুখানি মুচড়িয়ে কেবল বেঁকিয়ে নিয়েছে—কিরণ এসে ধপাস ক’রে তার সামনে ব’সে প’ড়ে জুতোর ফিতেয় হাত দিল—লেসের ফাঁস খুলে নিজের হাতে আজ সে ন’বনের জুতো ছাড়িয়ে দেবে। ন’বনে তাড়াতাড়ি কিরণের হাত ধ’রে তুলে ব’লে—“তুই কি খেপেছিস?”

একটা হেঁচকা টান মেরে ন’বনে নিজেই জুতো খুলে ফেলে। কিরণ ব’লে—“কেন নবনি,
আমার হাতের সেবা নেয়াও কি তোমার মানা—পাপ হবে?”

কিরণের সত্যিকার আস্তরিক কথাটার সব গুরুত্ব লঘু ক’রে দেবার জন্যেই—“যা তুই
কেবলি যাই তাই বলিস” জবাব দিয়ে ন’বনে সোজা, সরল কথার কিরণকে জিগ্গেষ ক’রলো—
“তোমার নাওয়া হয়েছে?”

কিরণের পুটে নিটোল পিঠের ওপর দিয়ে, তার সে দ্রাক্ষারঙের হালকা সাদীখানার গায় গায়
ঈষৎ আর্দ্র মুক্ত চুলের গোছা—এলিয়ে ছড়িয়ে দে’য়া ছিল। সে এক গোছা চুল পিঠের ওপর
থেকে টেনে এনে দেখিয়ে ব’ল—“তাকি দেখ’ছ না?”

“দেখিছি ;—খেয়েছিস কিছু?”

“খেয়িছি।”

“বেশ ক’রেছিস্—এইবার যা রাত জেগে এসেছিস একটু ঘুমাগে—আমি চট ক’রে রান্না ক’রে নি”—

কথা শেষ না হ’তেই কিরণ কল হাসি হেসে উঠে একটুখানি শ্লেষ ক’রেই ব’লল—“তবু তো তোমার—রাধুনী ব’লে পেলাম—এ ভাগিও আমার বড় কম নয় !”

ন’ব’নে এ কথার একটা জবাব খুঁজে পাচ্ছিল না—কিরণ তাড়াতাড়ি উঠে গিয়ে ত্র্যাকেটের ওপর থেকে গামছা একখানা পেড়ে এনে ন’ব’নের ঘাড়ের ওপর দিয়ে ব’লল—“যাও নেয়ে এস—রান্নাও ব্যবস্থা যা হয় দেখা যাবে।” কিরণ হাত ধ’রে টেনে জোর ক’রেই ন’ব’নেকে নাইতে পাঠিয়ে দিলে। ন’ব’নে যেন মন্ত্র শক্তিতে মুগ্ধ হ’য়ে গেল। একটুও আপত্তি ক’রতে পারলে না। ঘান সেরে ফিরে এসে দেখে—আসন পেতে জায়গা করা হ’য়েছে—গেলাসে জল সরপোষ দিয়ে ঢাকা।

কিরণ সেখানে নেই। ন’ব’নে খুসী হ’য়ে ভাবলো—“কিরণ দেখছি সব জোগাড় ক’রেই রেখেছে।”

ন’ব’নে ডাকবার আগেই কিরণ ভাতের থালা নিয়ে ঘরে ঢুকে ব’ললো—“খেতে ব’স নবনী।”

“খুব মেয়ে তুই কিরণ,—সব তৈরি করে রেখেছিসি ?” ব’লে ন’ব’নে আজও সেই কিশোর কালের সরল হাসি হেসে খেতে বসলো।

কিরণ ব’লি হাত দিয়ে ঘাড়ের ওপর থেকে সাড়ীর আঁচলখানা টেনে নামিয়ে আসনের সামনে জায়গাটা পুঁছে দিয়ে থালা রাখলো। ন’ব’নে বাধা দেবারও সময় পেলো না। ছুটে গিয়ে আর এক খালার সাজিয়ে বাটা ভরা ডাল তরকারী নিয়ে এসে এ পাশে ও পাশে বাটাগুলো সব নামিয়ে রেখে—আবার গিয়ে একখানা পাখা নিয়ে ন’ব’নের পাশে এসে ব’সলো।

ন’ব’নে ব’ললো—“ওঃ আবার কীরে ?—আমার খাওয়া তাই আবার হাওয়া ক’রতে হবে।”

“হবে বই কি একটুখানি ;—কেন তুমি কি মানুষ নও ?—তোমার কেউ নেই ব’লে কি তুমি কেউ-ই নও ?”

ঠাট্টার মতন ক'রে একটুখানি হেসে ন'ব'নে ব'ল্গো—“আমার বুঝি তুই আছিস ?—হ'লই না হয় সে কথা ! কিন্তু তুই-ই যে আমার অতিথি আমি তো তোমার বাড়ী আসিনি !”

“কিন্তু আমি মেয়েমানুষ—মেয়েমানুষ যেখানেই থাক—এই তোমার কাজ !—তা সে কারা হোক আর না হোক ।” ব'লে কিরণ আস্তে আস্তে হাওয়া দিতে লাগলো । ন'ব'নে খাওয়া শেষ করে হাত তুলতে যাচ্ছিল, কিরণ বাধা দিয়ে ব'ল্গো ;—“ও মাছখানা খাও ।”

ন'ব'নে জবাব দিল—“তুই তা হ'লে খুসী হবি ?”

“খুব খুসী হব ।”

“আচ্ছা থাকি । কিন্তু এত সব কি করে রে'খেছিস—এ সব পেলি কোথায় ?”

“রাগ্নাধরে সবই প্রায় ছিল—কি আর এমন বেশী ক'রেছি ?—মাছটা শুধু দায়োয়ানকে দিয়ে আনিয়া নিয়েছিলাম ।”

আর একখানা মাছ বাটা খে:ক তুলে নিয়ে—ন'ব'নে বল্ল—“সাহেব বাবার সময় ভাগ্যিস্ বামুনঠাকুরকে ছাড়িয়ে গিয়েছিলেন—তাই অনেক দিন পরে তোমার হাতে আজ দেশের রাগ্না খেতে পেলাম ।”

“বেশ তৃপ্তি হ'ল—নবনি ?”

“পরম তৃপ্তি হ'ল কিরণ, সত্যি ব'ল্ছি ।

“আমারও সত্যি গর্ক হ'চ্ছে তবু খাইয়ে তোমার তৃপ্তি দিতে পেরেছি ।”

ক্রমশ:—

শ্রীবিমলচন্দ্র চক্রবর্তী ।

সমর্পণ ।

দুটি ক্ষুদ্র অঁাখি মোর তাঁরি পানে চেয়ে,
 দুটি ক্ষুদ্র কর্ণ কথা শুনিবারে তাঁর ;
 দুটি ক্ষুদ্র পদে চলি তাঁরি পথ বেয়ে,
 দুটি ক্ষুদ্র হস্তে ন্যস্ত তাঁরি কার্যভার ।
 ক্ষুদ্র রসনাতে বাক্ত হয় তাঁরি নাম,
 এ ক্ষুদ্র হৃদয়খানি তাঁহারি আসন ;
 হে মূর্ত্ত গোপাল ! লহ—ইথে কিবা কাম—
 আমার সকল-কিছু ভূষণ-ভাষণ !

শ্রীচণ্ডীচরণ মিত্র ।

চাঁর পরিবর্ত্তে অশ্বগন্ধা ।

আমরা ব্যবসায়ের মূলনীতিগুলি জানি না এবং বুঝি না, তাই আমাদের সকল বিষয়েই
 অবনতি । ইংরাজেরা এদেশে আসিয়া 'চাঁর'এর চাষ করিল, 'চাঁর'এর প্রচলন করিল, এবং বিস্তৃত
 'চাঁর'এর ব্যবসারে প্রচুর উপার্জন করিতে লাগিল । পূর্বাপর কিছু বিবেচনা না করিয়া আমরা
 অমনি অনুকরণ করিয়া ফেলিলাম । দেশের ধনীরা অনেক অর্থ 'চাঁর'এর চাষে নিযুক্ত করিলেন ।
 সকলেই এক দিকে ছুটিলাম ! উপকারিতার দিক দিয়া 'চাঁর'এর চেয়ে অনেক আবশ্যিক এবং

বেশী উপকারী জিনিষ আছে ; কিন্তু প্রচারাভাবে তাহারা 'চা'এর মত আমাদের প্রাত্যহিক জীবনে এত অধিকার বিস্তার করিয়া নিজকে প্রসারিত করিতে পারে নাই । দৃষ্টান্তস্বরূপ আজ আমরা একটি জিনিষের উল্লেখ করিতেছি,—ইহা অশ্বগন্ধা । 'চা'এর মত ব্যবহৃত হইলে ইহা দ্বারা আমরা অনেক উপকার পাইতে পারি । যথেষ্ট প্রচার হইলে ইহা 'চা'এর চেয়েও আমাদের প্রাত্যহিক জীবনে অধিক অধিকার বিস্তার করিতে সক্ষম হইবে বলিয়া আমরা মনে করি । দেশের ধনীগণ ও দেশের শিক্ষিত 'বেকারগণ' যদি ইহার জন্য একটু চিন্তা করেন, তবে ইহার চাবের দ্বারা একটি নূতন আয়ের পথ খোলা যাইতে পারে । 'ভৈষজ্যপরিচয়' পুস্তকের মতে অশ্বগন্ধা বলকারক, রসায়ন এবং গুরুবৃদ্ধিকর । ইহাতে পরিপাক শক্তি বাড়াই, মেধা বৃদ্ধি করে, শরীর ও মনের দৌর্বল্য নাশ করে, শরীরের মধ্যে উত্তাপ আনয়ন করে এবং ক্ষুধা বৃদ্ধি করিয়া থাকে । উদ্ভিদশাস্ত্র বিষয়ক ইংরাজী গ্রন্থে ইহার মাদকতা গুণেরও বর্ণনা দেখিতে পাই । কবিরাজেরা অশ্বগন্ধার শিকড় এবং অভাবে শাখা হইতে নানাবিধ ঘৃত ও রসায়ন প্রস্তুত করিয়া থাকেন । সেগুলিও খুব মূল্যবান ঔষধ । 'চা'এর মত ইহারও রক্ত সঞ্চালন ক্রিয়াকে ক্ষততর করিবার, আলস্য ও ক্লান্তি দূর করিয়া নবোদ্যম আনিয়া দিবার ক্ষমতা আছে ।

কয়েক বৎসর পূর্বে কৃষিতত্ত্ববিৎ শ্রীযুক্ত প্রবোধচন্দ্র দে মহাশয় ইহার পাতা 'চা'এর মত শুকাইয়া পরীক্ষার্থ কলিকাতা মেডিকাল কলেজের এবং বেঙ্গল গভর্নমেন্টের কেমিকাল এক্স-জামিনার বা রাসায়নিক পরীক্ষক ডাক্তার মেজর সি এইচ বসফোর্ড, ডি এস এম ডি, আই এম এস, সাহেবের নিকট পাঠাইয়াছিলেন । সেই পরীক্ষার ফলে দেখা যায়, 'চা' এবং অশ্বগন্ধার মধ্যে উপাদানগুলি একই, অধিকন্তু অশ্বগন্ধার 'ক্যানেলিন' নামক একটি উপাদান আছে, 'চা'এ যাহা নাই । প্রবোধবাবু নিজে 'চা'এর মত অশ্বগন্ধা পাতা-সিদ্ধ-জল নিরমিত ভাবে ব্যবহার করিয়া বলিয়াছেন, 'চা' পান করিয়া ক্ষুধানান্দ্য হয়, আহারে রুচি থাকে না, পরিপাক শক্তির অভাব হেতু শাশ্ব ভুক্ত সামগ্রী হজম হয় না, এবং ফলে কোষ্ঠবদ্ধতা উপস্থিত হইয়া থাকে । অশ্বগন্ধা 'চা'এর মত পান করিলে এ সকল দোষ ঘটে না, বরং তদ্বারা শরীর ও মনের দুর্বলতা নষ্ট হয়, এবং শরীরকে বলিষ্ঠ ও নীরোগ করে । 'চা'এর মত ইহাও শরীরের মধ্যে উত্তাপ আনয়ন করিয়া কার্যে উৎসাহে জন্মায় । পূর্বে বিষম 'চা'পায়ী ছিলেন, কিন্তু তাহার পরিবর্তে অশ্বগন্ধা-পায়ী হইয়া প্রভূত উপকার পাইয়াছেন এমন অনেক লোক আছেন । ইহাতে ক্ষুধা

ও পরিপাক শক্তি বৃদ্ধি পায়। প্রবোধবাবু তাঁহার পুস্তিকায় উল্লেখ করিয়াছেন যে, তিনি ইহাতে 'চা'এর সমস্ত গুণই পাইয়াছেন, দোষগুলি পান নাই, আর অখগন্ধার অনেক গুণও বেশী করিয়া পাইয়াছেন। অখগন্ধার গন্ধও 'চা'এর গন্ধ হইতে অধিক রুচিকর। যথারীতি 'চা'এর মত ছুঙ্কসহ ইহার ব্যবহার চলে। ইহার আশ্বাদ 'চা'এর চেয়ে মিষ্ট, সুতরাং সুস্বাদুও বটে। তিনি নিজে ব্যবহার করিবার পর ইহার ফলাফল সম্বন্ধে "আয়ুর্বেদীয় চা" নাম দিয়া একখানি ক্ষুদ্র পুস্তিকা লিখিয়াছেন।

রু.ষক।

শোক-সংবাদ

-:~:-

মহারাজ জগদিশ্বনাথ।

উত্তর-বঙ্গের আর একটি উচ্ছন্ন নরুত্র খসিয়া পড়িল। পূণ্যলোক রাণী ভবানীর বংশোদ্ভূতকারী মহাপ্রাণ জগদিশ্বনাথ বিগত ২১শে পৌষ মঙ্গলবার ৫৮ বৎসর বয়সে অকালে লোকান্তরিত হইয়াছেন। তাঁহার কুলগৌরবে তিনি কেবল বড় লোক নন, এরূপ বহুগুণে তিনি বিতুষিত ছিলেন যে যদি তিনি দরিদ্র গৃহেও জন্মগ্রহণ করিতেন তাহা হইলেও আজ তাঁহার গুণগরীমার তাঁহার অভাবে উত্তরবঙ্গে তুল্য হাহাকার উখিত হইত। তিনি ছিলেন অতি কোমল স্নেহপ্রবণ প্রাণ,—দানে ছিলেন মুক্তহস্ত,—চিরজ্ঞানপিপাসু। কি সাহিত্য চর্চা, কি সঙ্গীত-সঙ্গত সাধনার, কি ব্যায়াম চর্চায়, শিল্পকলার উন্নতি সাধনে মহারাজা ছিলেন অদম্য উৎসাহী। তাঁহার ভাষা ছিল শব্দ সম্ভারে ঐর্ষ্যবতী, লালিত্যের শ্রেষ্ঠ নিদর্শন, বাক্যে স্রুতিমনমোহিনী। তাঁহার 'নূরজাহান', 'সন্ধ্যাতারা', 'জীবনস্মৃতি' প্রভৃতি এই উক্তির বাখ্যার্থ্য প্রমাণ করিবে। আধুনিক এই ভাষারবিপ্লবযুগে জগদিশ্বনাথ রক্ষা করিয়াছিলেন

নেই সুসংস্কৃত পুস্তক রচনার ধারা। তিনি ছিলেন 'মানসী ও মর্শ্বাবানী'র অন্যতম কর্ণধার, মানসীর বৈশিষ্ট্যতা তাঁহার সাহিত্য সাধনার পরিচয় দিবে। তিনি ছিলেন কবি, লেখক দার্শনিক, ও সুবাদক। অনন্য কল্পী পুস্তক যখন যে বিষয়ে হস্তক্ষেপ করিতেন তাহাতে মনপ্রাণ চালিয়া দিতেন; কোন কাজকেই ক্ষুদ্র বলিয়া অবহেলা করিতেন না। আরক কার্যের সাফল্যের জন্য সময়, স্বাস্থ্য ও অর্থ অকাতরে ব্যয় করিতেন। অনেকবার তাঁহাকে অনেক সভায় সভাপতিত্ব করিতে হইয়াছে; এই সকল উপলক্ষে তিনি যে সকল বক্তৃতা রচনা করিয়াছেন তাহা বহু পরিগ্রহ করিয়া লিখিতেন ও সেগুলি এমন সুন্দর, যে সকলকেই মুগ্ধ করিয়াছে। প্রত্যেক কাজটির খুঁটিনাটি পর্য্যন্ত তিনি যত্ন করিয়া করিতেন এবং করাইতেন। এমন কি খেলিতে গিয়া তিনি যেরূপ অধ্যবসায় ও মনোযোগ দেখাইতেন তাহাতে সকলকেই আশ্চর্যান্বিত হইতে হইত। তাঁহার ক্রিকেট পার্টী ভারতের শ্রেষ্ঠ বলিয়া গণ্য হইয়াছিল। খেলা যে শুধু খোলা নয় তাহাতেও যে বিনয় আনন্দ নিহিত আছে, সাধনার তাহাতে অতুল আনন্দ লাভ করা যায় তাহা মহারাজ জগদিন্দ্রনাথ ও আমাদের চিরপ্রিয় পুণ্যস্মৃতি মহারাজ নৃপেন্দ্রনারায়ণ ভূপ বাহাদুর প্রমাণ করিয়া গিয়াছেন। ছোট ছেলেদের মহারাজ বড় স্নেহ করিতেন এবং কি প্রণালীতে শিক্ষা দিলে বাঙ্গলার ভবিষ্যৎ-আশাশ্রম বালকগণ মামুষ হইতে পারে সে চিন্তা তিনি করিতেন। নাটোর মহারাজ স্কুল, ইউনিভারসিটি ইন্সটিটিউট তাঁহার এই আন্তরিক আগ্রহ ও অমুরাগের পরিচয় দিবে। তিনি রাণী-ভবানীস্কুলের কেবলমাত্র পৃষ্ঠপোষক ছিলেন না; প্রায় ছই বৎসর কাল তিনি এই বিদ্যালয়েব একজন শিক্ষকরূপে কার্য্য করিয়াছেন। তিনি সপ্তাহে দুইবার করিয়া এই স্কুলের ছাত্র পড়াইতেন। নিজের শত অসুবিধা উপেক্ষা করিয়া একরূপভাবে কখনও কোন মহারাজা সাধারণ শিক্ষকের মত কার্য্য করিয়াছেন কিনা আমরা জানি না। এই সময়ে তিন অন্যান্য শিক্ষকের মত স্কুলের নিয়নকামুন মান্য করিয়া চলিতেন ও কোন দিন কোন কারণে স্কুলে উপস্থিত হইতে না পরিলে প্রধান শিক্ষকের নিকট যথারীতি আবেদন করিয়া ছুটি লাইতেন। পৃষ্ঠপোষকের অভিমান তখন তাঁহার ছিল না। তিনি কাব্য রসের রসিক, কবিতার ব্যাখ্যা করিতেন অতি সুন্দর; সংস্কৃত কাব্য-সাহিত্যে তাঁহার পাণ্ডিত্য প্রগাঢ় ছিল। বৈষ্ণব সাহিত্যে ও বর্তমান যুগের কাব্যে ছিল তাঁহার বিশেষ অমুরক্তি। সুন্দর সুন্দর কবিতা তাঁহার কণ্ঠস্থ ছিল; তাঁহার আবৃত্তি যে একবার শুনিয়াছে সে তাহা জীবনে ভুলিতে পারিবে না।

তাঁহার গুণ অশেষ ছিল,—তাঁহার সহিত পরিচিত হইবার সৌভাগ্য বাঁহার ছিল তিনিই জানেন—মহারাজ কেবল বিপুল জমীদারীর অধীশ্বর ছিলেন না—তিনি ছিলেন হৃদয়ের অতুল ঐশ্বর্যো ধনী। ধনী দরিদ্র উচ্চ ও নিম্ন পদস্থ সকলেই তাঁহার নিকট ভূল্য ব্যবহার লভ করিত। তিনি একরূপ স্তূনের আলাপ করিতে পারিতেন যে শ্রোতা তাহাতে আকৃষ্ট হইয়া বিস্মৃত হইত যে অত বড় সম্রাণী লোকের সম্মুখে সে উপস্থিত। বক্তার ব্যবহারে, আকিঞ্চনে, আলাপে সুরসিকতার তাহার মনে হইত তিনি যেন আনাদেরই একজন পরম আশ্রয়। তিনি ছিলেন অতিশয় বন্ধু-বৎসল। মহারাজা ও আনাদের কুসংস্কারের ভূতপূর্ব রাজস্বপতিব ৬জগবল্লভ বাবু ছিলেন আবাগ্য সমপাঠী। মহারাজা যখন কুচবিহারে আগমন করেন তখন ইঁহাদের ব্যবহার দেখিয়া মনে হইয়াছে যে তাঁহারা তখনও যেন বাগকই আছে,—সংসারের আবির্ভাব ইঁহাদের বাল্যের নির্মল বন্ধুতাকে স্পর্শ করিতে পারে নাই।

সর্বস্থানে, সকলের সহিতই তাঁহার ব্যবহার ছিল—প্রাণমনমোহিতকারী; তাই আজ তাঁহার অভাবে হৃদয়ে হৃদয়ে একরূপ হাহাকার—তর্পণাশ্রু! সকলের মুখেই এক কথা—আজ মহারাজার অভাবে বঙ্গ একজন ধনী হারায় নাই—সর্বগুণান্বিত একটি মানুষের মত মানুষ হারাইয়া হাহাকার করিতেছে।

২ উ কারম ইকেল ।

বিগত ১৬ই জানুয়ারী রাত্ৰিকালে লণ্ডন মহানগরীতে বঙ্গের প্রথম গভর্নর লর্ড কারমাইকেলের মৃত্যু হইয়াছে। তিনি আমাদের রাজপরিবারের বিশিষ্ট বন্ধু ছিলেন,—স্বর্গীয় মহারাজা ভূপ বাহাদুর-ভ্রাতৃস্বরূপে তিনি আশ্রয়ের ন্যায় স্নেহ করিতেন। কোচবিহারে তিনি একাধিকবার আগমন করিয়াছেন,—স্থানীয় সরকারী চিকিৎসালয়ের একটি বিভাগ তাঁহার নামে অভিহিত হইয়া তাঁহার স্মৃতি জাগরুক রাখিয়াছে,—শাসকরূপে নহে বন্ধুরূপে! ভগবান তাঁহার আত্মার কল্যাণ করুন।

‘বড়দাদা’—‘দেবেন্দ্রনাথ’।

৪ঠা মাস মঙ্গলবার প্রত্যুবে বিজ্ঞাননাথ ঠাকুর মহাশয় ৮৬ বৎসর বয়সে মহাপ্রস্থান করিয়াছেন। বিজ্ঞাননাথ মহর্ষি দেবেন্দ্রনাথের ছোষ্ঠ পুত্র। তিনি মহাপ্রাণ পিতার উপযুক্ত সন্তান। শেষ জীবনে তিনি বোলপুর শান্তিনিকেতনে নির্জনবাসে ভগবৎ চিন্তায় বহু ছিলেন। তিনি আজীবন সাহিত্যনেত্রী এবং এ বয়সেও সাহিত্য, গণিত ও দর্শন শাস্ত্রের আলোচনা নিঃশব্দ ছিলেন, অতি সরল ভাষায় তিনি ভট্টাল দার্শনিক তত্ত্বের নিরাসায় সিদ্ধহস্ত ছিলেন। স্বনামধন্য পুরুষ, কর্মীশ্রেণী সাধনোচিত ধানে গমন করিয়াছেন। শান্তিনিকেতনের ক্রোড়ে পুণ্যাত্মা মহাশান্তি লাভ করুন।

প্রিয়নাথ দত্ত।

আমাদের চিরপ্রিয় ভূতপূর্ব ছাত্র প্রিয়নাথ দত্ত মহাশয় আর ইহলগতে নাই। তিনি বিগত ৬ই জানুয়ারী গতায় হইয়াছেন। দত্ত মহাশয় বহুশ্রেণীে বিভূষিত ছিলেন। বিদ্যাসাগর মহাশয়ের সুপারিসে এই রাজ্যে তিনি ১৮৭২ খৃঃ অব্দে বিচার-বিভাগে নিযুক্ত হন। গুণদর্শী ঈশ্বরচন্দ্র সুপারিসপত্রে লিখিয়াছিলেন—“একটি অগ্নিকুলিঙ্গ পাঠাইতেছি।” কার্যতও তিনি অগ্নিকুলিঙ্গের ন্যায় ছিলেন, আলোক ও উষ্ণতা উভাই ইহাতে দৃষ্ট হইত অথচ ইহার ব্যবহার ছিল নধুর, ইনি অতি নিষ্ঠুরানী ছিলেন। ১৯১০ খৃঃ অব্দে ইনি কার্য হইতে অবসর গ্রহণ করিয়াছিলেন কিন্তু কোচবিহার রাজ্যে ইহার স্মৃতি আজও উজ্জ্বল। ভগবান সননে আমরা ইহার আত্মার কল্যাণ কামনা করি।

স.রাজললিনী দত্ত নারীমঙ্গল সমিতি

নারীকুল রত্ন সরোজনলিনী দত্তের নান শিক্তিত সনায়ে অনেকেরই পরিচিত। তিনি, অক্ষয়-ভাট্টন শ্রীমুকু বি.স, আই সি এন (অবসর প্রাপ্ত) মহাশয়ের কন্যা এবং স্বদেশের উন্নতিকামী

শ্রীযুক্ত গুরুসদয় দত্ত আই, সি, এস মহোদয়ের সহধর্মিনী ছিলেন। মণিকাঞ্চন যোগ হইয়াছিল, কিন্তু হায়, গত বৎসর ১৯শে জানুয়ারী, বহু লোকহিতকর আরক-কার্য্য অসমাপ্ত রাখিয়া অকস্মাৎ অকালে মাত্র ৩৭ বৎসর বয়সে দত্তজায়া পরপারে চলিয়া গেলেন। বঙ্গের গ্রামে গ্রামে নারী ও শিশুমঙ্গল সমিতি, ধাত্রীবিদ্যা-শিক্ষার কেন্দ্র, গৃহশিল্পের পুনপ্রতিষ্ঠা, নারীজাতির শিক্ষা, স্বাস্থ্য ও অর্থনৈতিক উন্নতির সুব্যবস্থা,—একথাকো বঙ্গীয় নারীজাতির সর্বাঙ্গীন উন্নতি বিধান এই স্বর্গগতা মহীয়সী মহিলার জীবনের ব্রত ছিল। তিনি ইহার উন্নতিকল্পে অসাধ্য সাধন করিয়া গিয়াছেন,—তাঁহার ব্রত উদ্‌যাপনের জন্য প্রাণপাত করিয়াছেন বলিলেও অত্যুক্তি হয় না; তাঁহার এই আত্মাহুতি নিরর্থক হয় নাই। কর্ম্মীর অদম্য চেষ্ঠা, অধ্যবসায়, একাগ্রতা, চরিত্রবল, সর্বোপরি অমায়িক ও বন্ধুজনোচ্চিত সুমধুর বাবহার বঙ্গনারীর প্রাণে যে বিমল আকাঙ্ক্ষা জাগ্রত করিয়া গিয়াছে, পরহিতৈষণার মাধুর্য্যে, নবরাগরঞ্জিত আলোক-সম্পাতে হৃদয়ে হৃদয়ে যে উন্মেষের ব্যাকুলতা,—অনুভূতি সাজা দিয়া গিয়াছে তাহা নিরর্থক হয় নাই—নারীমঙ্গল সমিতি তাহার প্রকৃষ্ট নিদর্শন,—কৃতজ্ঞ বঙ্গের শ্রদ্ধাঞ্জলি—স্মৃতিতর্পণ! আশা হয় দত্তজায়ার রোপিত যে বীজ উগ্ধ হইয়াছে, কালে তাহা মহা মহিকুলে পরিণত হইয়া বঙ্গ আবার শান্তি-ছায়া প্রদানে সমর্থ হইবে। অল্পকাল মধ্যেই এই সমিতি কার্য্যকুশলতার পরিচয় দিয়াছেন, বহু স্থানে ইহার শাখা সমিতি প্রতিষ্ঠিত হইয়াছে; কর্ম্ম গতি ক্রমেই বর্দ্ধিত হইতেছে। বিগত ১৯শে জানুয়ারী এই সমিতির প্রথম বাৎসরিক সভা, মহানগরী কলিকাতায় ইউনিভারসিটি ইন্সটিটিউটে ময়ুরভঙ্গের মাতা মহাশয়ী শ্রীযুক্তা স্মৃতি দেবীর সভানেত্রীত্বে সুসম্পন্ন হইয়াছে। সভায় বহু গণ্যমান্য ভদ্রমহোদয় ও প্রখ্যাতনামা মহিলা যোগদান করিয়াছিলেন। সমিতির সুযোগ্য সম্পাদিকা শ্রীমতী কুমুদিনী বসু বি-এ, মহাশয়ী সমিতির বাৎসরিক কর্ম্মপরিচয়ে যাহা প্রকাশ করিয়াছেন তাহা বিশেষ আশা প্রদ। সমিতির কর্ম্মীরা আলোচ্যার্বে নারীজাতির উন্নতিকল্পে বিশেষভাবে চেষ্ঠা করিয়াছেন। স্থানে স্থানে শিক্ষিতা ধাত্রী,—মহিলা শিক্ষয়িত্রী প্রভৃতি প্রেরণ করিয়া সমিতির কার্য্যের প্রসার ও সাফল্য দানের চেষ্ঠা করিয়াছেন। শ্রীমতী কুমুদিনী বসু মহাশয়ীর সম্পাদকতায় সমিতির মুখপত্র স্বরূপ ‘বঙ্গ লক্ষী’ নামে একখানি মাসিক পত্রিকা প্রচারিত হইয়াছে, আমরা তাহা উপহার প্রাপ্ত হইয়া অনুগৃহীত হইয়াছি। পত্রিকাখানি

সার্থকনানা—সমিতির উদ্দেশ্য প্রচারের সম্পূর্ণ অমুকুল—প্রবন্ধগুলি প্রাঙ্গণ ও স্মৃতিখিত—
কবিগুরু রবীন্দ্রনাথ 'বঙ্গ লক্ষ্মীকে' সম্বোধন করিয়া বলিয়াছেন—

“লক্ষ্মী, তুনি এসো এসো,
আনো আনো আলো ।

ছাথে স্মৃথে ঘরে ঘরে

পুণ্য দীপ জালো ॥

আনো শক্তি, আনো দীপ্তি

আনো শান্তি, আনো তৃপ্তি,

আনো স্নিগ্ধ ভালোবাসা,

আলো নিত্য জালো ॥

এসো শুভ লগ্ন বেয়ে, এসো হে কল্যাণী !

শুভ স্মৃতি, শুভ জাগরণ দেহ আনি ।

ছাথে রাতে মাতৃ বেশে

জেগে থাকা নির্নিমেষে,

আনন্দ উৎসবে, তব

শুভ হাসি ঢালো ॥”

কবির সহিত আমরাও প্রার্থনা করি—

ছাথে স্মৃথে ঘরে ঘরে

পুণ্য দীপ জালো—

বঙ্গের এ শুভ অনুষ্ঠান সফল হউক—সার্থক হউক—আশীর্বাদ কর দেবতা ।

তাসের ইতিহাস ।

এখন আমাদের দেশে যে সকল তাসের আদ্যদানী হয় তাহার মোড়কের উপর স্বর্ণাকারে মুদ্রিত থাকে—“Great Mogul Cards”,—এইজন্য কোন কোন পণ্ডিতের মত—“মোগলেরাই ভাবতর্ষে তাস আনিয়াছে।” কিন্তু ঐ এক “গ্রেট মোগল কার্ডস্” ছাড়া মোগলেরা যে তাসের সৃষ্টিকর্তা ইহার আর কোনও প্রমাণ নাই।

মিশরবাসীরা পূর্বে জ্যোতিষ শাস্ত্রের খুব আলোচনা করিতেন। বৎসরে যে ৫২টি সপ্তাহ থাকে এ গণনা প্রথমে মিশরবাসীরাই করিয়াছিলেন। আমরা যেমন বৎসরকে ছয় ভাগে বিভক্ত করিয়া ছয়টি ধতুর নামে এক এক ভাগের নামকরণ করিয়াছি, মিশরবাসীরা তেমনি বৎসরকে ৪ ভাগে বিভক্ত করিয়াছিলেন।

অনেকের বিশ্বাস ৫২ সপ্তাহের অনুকরণে জ্যোতিষবিদ্যার আলোচনার সুবিধার জন্য মিশরবাসীরাই প্রথমে ৫২ সংখ্যক তাসের সৃষ্টি করেন শেষে ১৩খানি করিয়া ৪ ভাগে ৪ ধতুর অনুকরণে—চারিবর্ণে তাসগুলিকে ভাগ করিয়া দেন।

কেহ কেহ বলেন, তাসের জন্ম চীনদেশে। “চিংসিটং” নামক অভিধানে তাসের নামোল্লেখ দেখিতে পাওয়া যায়। আর একটি প্রমাণ, ১১২০ খৃষ্টাব্দে ‘সিং-হো’ নামক রাজা চীনের শাসনকর্তা ছিলেন। এই রাজা এতদূর ইচ্ছিয়ামন্ত ছিলেন যে ৫২টা উপপত্নী লইয়া তিনি প্রমোদভবনে কালাতিপাত করিতেন। এই বাহ্যিক সুন্দরীর চিত্তবিনোদনার্থে এক রসিক চৈনিক শিল্পী এই তাসখেলার সৃষ্টি করিয়াছিলেন।

ফরাসীরা গর্ভ করিয়া বলেন, ফ্রান্স দেশেই তাসের জন্ম। ফরাসীর প্রমাণ—চতুর্দশ শতাব্দীর তাসে “fleur-de-les” নামটা লেখা আছে। এই নামটা তাসনির্মাতার নাম, এবং এই নির্মাতা জাতীতে ফরাসী। ফরাসীদের প্রমাণ কিন্তু ক্রমে অগ্রাহ হইয়া পড়িয়াছে। বিলাতের রয়াল এসিয়াটিক সোসাইটির প্রশসনী-গৃহে সহস্র বৎসরের পুরাতন একছোড়া তাস দেখিতে পাওয়া যায়। সেই তাসে ফরাসীদের নাম গন্ধ কিছুই নাই।

আরবেরা বলেন, আমরাই তাসখেলা বাহির করিয়াছি। স্পেন বলেন, ওকথা কাজের কথা নয়, তাসখেলা আমাদের আবিষ্কার। আপনার প্রাধান্য প্রতিপন্ন করিবার জন্য জার্মানীও বলেন, আমরাই প্রথমে তাসখেলা প্রচার করিয়াছি। অবশ্য আপনার মতকে দৃঢ় করিবার জন্য ইহারা প্রত্যেকেই কিছু কিছু প্রমাণ সংগ্রহ করিয়াছেন।

সকল সভ্য দেশই তাস খেলাকে আপনাদের আবিষ্কার বলিতে চাহেন। কিন্তু অনেকের বিশ্বাস, ভারতই তাসের জন্ম স্থান। তবে এখন যে আকারে তাস খেলা আমাদের দেশে প্রচলিত আছে পূর্বে এরূপ ছিল না। এখন তাস খেলার এমন রূপান্তর হইয়াছে যে তাস খেলা যে একদিন আমাদেরই জিনিষ ছিল তাহা আর চিন্তে পারা যায় না।

স্পেন, ফ্রান্স, জার্মানী, ইংলণ্ড ইহারা সকলেই তাস খেলাকে নিজস্ব প্রতিপন্ন করিবার প্রয়াস পাঠিয়াছেন। কিন্তু দুখের বিষয়, চতুর্দশ শতাব্দীর মধ্যবর্তী সময়ের পূর্বে এ সকল দেশে তাস খেলার প্রচলনই ছিল না। ইংরাজী বা ফরাসী ভাষার নাটক নভেল পড়িলে বুঝিতে পারা যায় একাদশ, দ্বাদশ কি ত্রয়োদশ শতাব্দীর কোন পুস্তকেই তাসের নাম গন্ধ পাওয়া যায় না।

কি বিদ্যায়, কি সভ্যতায়, তখন ইউরোপের মধ্যে ইটালীই সকলের অগ্রণী। এই ইটালীর একজন লেখক বলেন,—১৩৭৯ খৃষ্টাব্দে, ভিটাবেঁ নগরের একজন অধিবাসী, সারাসিন্দের কাছে প্রথম তাস খেলা শিক্ষা করেন। তখন তাসের নাম ছিল—“লাইব”। চতুর্দশ শতাব্দীর শেষভাগে ইটালীতে তাসের খুব প্রতিপত্তি হয়। সে সময় চারিবর্ণের তাসের চিহ্ন স্বতন্ত্র রকমের ছিল। কোন তাস তরবারী, কোন তাস গদা, কোন তাস পিয়ালী এবং কোন তাস মুদ্রার চিত্রে চিহ্নিত হইত। এখনও ইটালীর অনেক স্থানে এই ধরনের তাস প্রচলিত আছে। এই সকল কারণে ইটালী বলেন,—আমাদের কাছেই অন্যান্য জাতি তাস খেলা শিখিয়াছে।

কিন্তু গর্বিত স্পেন এ কথা মানিতে একবারেই প্রস্তুত নহেন। স্পেন বলেন,—আমি তাস খেলার শুরু। বলা বাহুল্য, স্পেনের এ গর্ব নিরর্থক নহে। “Primer” “Quadrille” “Spadille” প্রভৃতি তাস খেলার নামগুলি স্পেন দেশের। এই “Primer” খেলাই এক সময় স্পেনের সর্বপ্রধান খেলা ছিল। শুধু স্পেন কেন, প্রেন্সেরা খেলাকে সকলেই তাসের প্রধান খেলা বলিয়া থাকেন। বর্তমান প্রচলিত তাসের রং ও তাসের চিত্র, স্পেনের

নিকট হইতেই লওয়া হইরাছে। আমরা যাহাকে “ইস্পান” বলি, তাহার মূর্তি বিলাতী খোঁড়া বিশেষের অগ্র ভাগের ন্যায়, এই জন্য ইংরাজেরা ইস্পানকে Spade বলেন। কিন্তু সর্ব্বাগ্রে স্পেন দেশবাসীরাই ইস্পানের নামকরণ করেন। ইস্পানের মূর্তি স্পেনের Espada নামক অস্ত্র ফলকের ন্যায়। ইস্পানের চিত্র আমরা স্পেনের নিকট হইতে শিখিয়াছি। এ কথা অস্বীকার করিবার যো নাই। স্পেন দেশে তাস লেখার খুব উন্নতি হইয়াছিল। এক সময় স্পেনের আবালবৃদ্ধবনিতা তাসের প্রেমে উন্নত হইয়া উঠিয়াছিল। তাস খেলা পাইলে তাহারা আহার নিজা ভুলিয়া যাইত। নরনারীর অধঃপতন দেখিয়া, কর্তৃনাশা তাস খেলার উপর অত্যন্ত বিরক্ত হইয়া রাজা প্রথম জন্ এক গুরুতর নিষেধাজ্ঞা প্রচার করিয়া দেশবাসীকে ধ্বংসমুখ হইতে রক্ষা করেন। এহেন তাসপ্রিয় স্পেনও প্রকারান্তরে বলিয়া গিয়াছেন,—তাঁহারা মুরদিগের নিকটে তাস খেলার কৌশল শিক্ষা করিয়াছেন।

ফ্রান্স বলেন,—চতুর্দশ শতাব্দীর শেষ ভাগে যখন ফ্রান্স অধিপতি ৬ষ্ঠ চার্লস মানসিক বিকারে আক্রান্ত হইয়া অত্যন্ত কাতর হইয়া পড়েন, তখন রাজার চিত্তবিনোদের জন্য কোন ফরাসী শিল্পী তাসের সৃষ্টি করিয়াছিলেন। চিকিৎসকগণ তাস খেলার সাহায্যে রাজাকে নাকি সম্পূর্ণরূপে সুস্থ করিতে সক্ষম হইয়াছিলেন। এ কথা বিশ্বাস হয় না, কেন না সম্রাট চার্লসের বহুপূর্বে ফরাসী দেশে তাস খেলার প্রচলন ছিল। ১৩৬১ খৃষ্টাব্দে প্রচারিত প্রোভেন্স নগরীর বিবরণীর মধ্যে তাস খেলার উল্লেখ দেখিতে পাওয়া যায়। সে সময় ফ্রান্সের অনেকেই তাস ক্রীড়ায় অত্যন্ত আসক্ত ছিলেন। তাসের গোলামের নাম তখন Tuchim নামে অভিহিত হইত। Tuchim একজন ভয়ঙ্কর ডাকাত ছিল, তাহাকে সকলেই ভয় করিত। এই ডাকাতের নামে ফরাসীরা তখন গোলামের নামকরণ করিয়াছিলেন। ফরাসী পণ্ডিত ল্যানকেবো প্রমাণ করিয়াছেন, চার্লস রাজার শাসন কালের পূর্বেও ফরাসীরা তাস খেলিতে ভাল বাসিতেন। তবে তাসের চিত্রগুলি খেলোয়াড়দের খেলালালুঘায়ী বদল করা হইত। চতুর্দশ শতাব্দীর শেষে তাসের যে চিত্র ছিল তাহাতে দেখা যায়, ইস্পানের রাজা—ডেভিড্, রাণী—জোয়ান অফ্ আর্ক, গোলাম—অনার। হরতনের রাজা—সলেমন, রাণী—জুডি, গোলাম—ল্যার। চিড়িউনের রাজা—আলেকজাণ্ডার, রাণী—আর্জিনী, গোলাম—লনসেন্ট। কুইউনের রাজা—সিডার, রাণী—রাসেল, গোলাম—হেট্টর।

ফরাসীরা যে তাস খেলার কত রকম চিত্র ব্যবহার করিতেন তাহা পম্পাট সাহেবের হিসাবের খাতা দেখিলে বুঝিতে পারা যায়। রাজার আদেশে চিত্রকর তাসের চিত্র পরিবর্তন করিত। জ্যাক কুমারনিন নামে ফরাসী দেশে এক বিখ্যাত চিত্রকর ছিলেন। তাস চিত্রাঙ্কনের জন্য রাজ কোষাধ্যক্ষ এই চিত্রকরকে বহু অর্থ প্রদান করিতেন। নূতন নূতন চিত্র অঙ্কিত করিয়া ইনি বহু অর্থ উপাঞ্জন করিয়া গিয়াছিলেন।

এক সময় ফরাসী দেশেও তাস খেলা সংক্রামক হইয়া উঠিয়াছিল। বিলাসীর বিলাস কুঞ্জে তাস সমাদরের সহিত স্থান পাইয়াছিল। তাস খেলার দেশের অধঃপতন হইতেছে দেখিয়া প্যারিসের একজন প্রধান বিচারক কঠোর নিষেধাজ্ঞা প্রচার করিয়া লেখা রহিত করিবার চেষ্টা করিয়াছিলেন।

স্পেনের নিকট হইতে আমরা যেনন ইন্সাপনের চিত্র শিক্ষা করিয়াছি, ফরাসীদের নিকট হইতে তেননি চিড়িতনের মূর্তিটি পাইয়াছি। ফরাসীরাই প্রথমে চিড়িতনকে Trefflo অর্থাৎ ত্রিপত্রের আকারে অঙ্কিত করেন।

যে সময়ে ফ্রান্সে তাস খেলার খুব প্রতিপত্তি সে সময়ে জার্মানীরাও তাসের আদর করিতে ছিলেন। তাঁহারা প্রথমে চারিবর্ণের তাসকে মনুষ্য, পশু, পক্ষী ও উদ্ভিদের আকারে চিত্রিত করিতেন। তাহার পর পূর্কোক্ত চিত্র সকল পরিবর্তিত করিয়া তাসকে তাঁহারা হৃদয়, ঘণ্টা, বৃক্ষপত্র এবং ওক ফলের আকারে অঙ্কিত করেন। জার্মানার অঙ্কিত চারিবর্ণের তাসের নাম— Schellen, Herten, Grion & Eichen. এই ছাটিজন হইতে আমরা হরতনের চিত্র শিক্ষা করিয়াছি। আমরা যাহাকে হরতন বলি, ইংরাজেরা তাহাকে Hearts বলেন। বাস্তবিক হরতনের আকার হৃদয়ের গঠনের মত। সুতরাং অনায়াসেই বলিতে পারা যায়, আমরা জার্মানীর নিকট হইতে হরতনের চিত্র অঙ্কিত করিতে শিখিয়াছি।

পঞ্চদশ শতাব্দীর প্রথমে জার্মানীতে অনেক কারখানা স্থাপিত হইয়াছিল। সেই সকল কারখানায় কেবল তাস প্রস্তুত হইত। জার্মান বণিকগণ সেই সকল তাস নানা দিগ্ দেশে লইয়া গিয়া বিক্রয় করিতেন।

ইংলণ্ডে যখন তাস খেলা প্রবেশ লাভ করে, ইংরাজেরা তখন ভিন্ন দেশীয় তাস লইয়া ক্রীড়া করিতেন। তাহার পর তাসের পসার জাঁকিয়া উঠিলে, তাঁহারা স্বদেশে তাস প্রস্তুত করিবার

সকল করেন। ১৪৬৩ খৃষ্টাব্দে সকল কার্যে পরিণত হয়, ইংরাজেরা তাস প্রস্তুত করিতে আরম্ভ করেন। কিন্তু তখনও বিদেশ হইতে ইংলণ্ড যথেষ্ট তাসের আন্দানী হইত। কাজেই দেশীয় কারিকরগণ ক্ষতিগ্রস্ত হইতেন। শেষে, কারিকরগণ সকলে মিলিয়া রাজার কাছে এক দরখাস্ত করিলেন, দরখাস্তের মর্ম—“বিদেশের আন্দানী বন্ধ করিয়া দেওয়া হউক।”

৪ষ্ঠ এডওয়ার্ড তখন ইংলণ্ডের অধীশ্বর। ইংরাজের প্রধান গুণ স্বজাতিবাসন্য ও দেশাত্ম-বোধ। প্রজার কাতর প্রার্থনায় রাজা তাসের আন্দানী রহিত করিবার জন্য আদেশ প্রচার করিলেন। কিন্তু সে আদেশে আন্দানী একেবারে বন্ধ হইল না, তবে অনেক পরিমাণ কমিয়া গেল। ইংলণ্ডের কারিকরেরা তখনও ভাল তাস প্রস্তুত করিতে পারিত না, এইজন্য সৌখিন ধনকুবেরের বংশধরগণ গোপনে ফ্রান্স হইতে তাস আনাইয়া তাহাদের সখ নিটাইতে লাগিলেন। এই ভাবে কিছুদিন কাটিল। রাণী এলিজাবেথ ইংলণ্ডের শাসনদণ্ড গ্রহণ করিলেন। দেশে তখন তাসের খুব আদর অথচ দেশের লোকে ভাল তাস প্রস্তুত করিতে জানে না। কাজেই বিদেশ হইতে তাস না আনিতে চলে না। এলিজাবেথ বিদেশ হইতে তাস আন্দানী করিবার অমুদতি দিলেন। রাণীর হুকুম, বিদেশের তাসে ইংলণ্ড ছাইয়া পড়িল। দেশীয় কারিকরেরা রাণীর চরণে কাঁদিয়া পড়িল কিন্তু, তাহাতে কোনও ফলই ফলিল না। পূর্বেই অবাধে বিদেশ হইতে তাসের আন্দানী হইতে লাগিল।

ইহার পর ১ম জেমস ইংলণ্ডের ভাগ্যবিধাতা হইলেন। ইংলণ্ডের তাস প্রস্তুতকারকগণ ভূপত্যকে মর্শ্বাণা জানাইল। রাজা ফাঁপরে পড়িলেন। একদিকে দেশের ধনীগণ বিদেশী তাসের প্রতি অমুরক্ত, অন্যদিকে দরিদ্র কারিকরগণ বিদেশী তাসের আন্দানীতে উদরায়ের জন্য লালায়িত; এই উভয় দৃষ্টিতে পড়িয়া রাজা এক উপায় করিলেন। বিদেশ হইতে আন্দানী তাসের উপর অধিক হারে মাসুল নির্দ্ধারিত হইল। আন্দানীর অবাধ স্রোত অনেক পরিমাণে কমিয়া গেল। রাজা দেশীয় কারিকরগণকে উৎকৃষ্ট তাস প্রস্তুত করিবার উপদেশ দিলেন। উপদেশের ফলে তাহারা প্রভূত পরিশ্রম করিয়া ভাল ভাল তাস প্রস্তুত করিতে লাগিল। এবং উহার আধিপত্যও বৃদ্ধি হইল।

ইংরাজেরা যে কাহার নিকট হইতে প্রথমে তাস খেলা শিখিয়াছিলেন তাহার প্রমাণ পাওয়া যায় না। কোন পণ্ডিত বলেন, ধর্মযোদ্ধার (Crusader) দল অন্য দেশ হইতে তাস খেলা শিখিয়া

আসিয়া ইংলণ্ডের অধিবাসীগণকে ইহা শিক্ষা দেন! কিন্তু এ কথা যদি সত্য হইত তাহা হইলে প্রাচীন কবি Chaucer ইহার উল্লেখ করিতেন। Chaucer ধর্মযোদ্ধাদের সম্বন্ধে অনেক কথাই লিপিবদ্ধ করিয়াছেন, কেবল তাসের কথাই কিছু বলেন নাই। ইংলণ্ডের প্রসিদ্ধ পণ্ডিত Chatter মতে ইংরাজেরা ইটালী ও স্পেন হইতে এ খেলা শিক্ষা করিয়াছেন। বরং ইহা যুক্তিবদ্ধ কথা। তবে ইটালী ও স্পেনের কাছে শিক্ষা করিলেও ইংরাজেরা যে তাসের বর্ণ ও চিত্রের অনেক পরিবর্তন করিয়াছেন ইহা বেশ বৃষ্টিতে পাওয়া যায়। আমরা তাসের যে চিত্রকে রুইতন নামে অভিহিত করি, সে চিত্র ইংরাজেরাই আবিষ্কার করিয়াছেন। রুইতনকে ইংরাজেরা বলেন—Diamond বাস্তবিক রুইতনের আকারও হীরকাকৃতি সদৃশ।

এক্ষণে বেশ বুঝা যাইতেছে, এখন আমরা যে তাস ব্যবহার করিতেছি, তাহা আমরা চারি জাতির নিকট হইতে শিক্ষা করিয়াছি। স্পেনের নিকট হইতে আমরা ইন্সাপনের মূর্তি আঁকিতে শিখিয়াছি, ফ্রান্সের নিকট হইতে চিড়িতন, জার্মানীর নিকট হইতে রুইতনের চিত্র শিখিয়াছি।

হরতন, ইন্সাপন, চিড়িতন ও রুইতন—তাসের এই চারিবিধের চিত্রে সমাজের চারিটী সম্প্রদায়কে বুঝায়, পাশ্চাত্য পণ্ডিতগণের এইরূপ অভিমত দেখিতে পাওয়া যায়। হরতনের অর্থ—ধর্ম যাজক সম্প্রদায়। পূর্বে ইটালীবাসীগণ হরতনকে “পিয়ালার” আকারে এবং স্পেনবাসীগণ “কমণ্ডলুর” আকারে অঙ্কিত করিতেন। ইহার পর ফ্রান্স ও জার্মানী হৃদয়ঙ্গমের আদর্শে হরতনের চিত্র অঙ্কিত করেন। কমণ্ডলু ধর্মযাজকগণের সম্পত্তি, আর হৃদয়ঙ্গম বৃত্তির উৎকর্ষ সাধিত না হইলে প্রকৃত ধর্মযাজক হওয়া যায় না। এই রহস্য বুঝিবার জন্যই কমণ্ডলু বা হৃদয়ঙ্গমের আকারে হরতনের চিত্র অঙ্কিত হইত।

ইন্সাপনের অর্থ—যোদ্ধা সম্প্রদায়। ইটালী ও স্পেন প্রথমে তরবারী আকারে ইন্সাপনের চিত্রিত করিতেন। শেষোক্ত দেশে ইন্সাপন এন্স পেড়া নামক অস্ত্রের আকারেও অঙ্কিত হইত। তাহার পর ফ্রান্স এই ইন্সাপনকে বর্ষাকলকের আদর্শে অঙ্কিত করেন। আবার জার্মানীতে বর্টার আকারে ইন্সাপন চিত্রিত হইত। প্রাচীন কালে জার্মান যোদ্ধাগণ যুদ্ধের পোষাক বর্টা গাঁথিয়া পরিতেন। সেই আদর্শে তখন ইন্সাপনের চিত্র অঙ্কিত হইত, এই সব যোদ্ধা পুরুষের সম্পত্তি, তাই ইন্সাপনের অর্থ যোদ্ধা সম্প্রদায়।

চিড়িতনের অর্থ—বলিক বা কুবক। ইটালী ও স্পেনে ইহা মুদ্রার আকারে অঙ্কিত হইত। জার্মানীতে ইহার আকার ছিল বৃক্ষপত্রের ন্যায়। জার্মানীর পর ফ্রান্স ইহাকে ত্রিপত্রের আকারে অঙ্কিত করেন, সেই অবধি চিড়িতনের আকারের আর পরিবর্তন হয় নাই।

সমাজের নিম্ন শ্রেণীর লোক বুঝাইবার জন্য রুইতনের সৃষ্টি। ইটালী ও স্পেনে ইহা গদা ও কাঠ খণ্ডের আকারে অঙ্কিত হইত। জার্মানীতে ইহার আকার ছিল ওক ফলের মত। আর ফ্রান্সে রুইতনের চিত্র ছিন্ন তাঁরের অমুরূপ। যাহারা কাঠজীবী, তাঁর ধনুক লইয়া যাহারা বনে বনে বেড়ায়, তাহারা নিতান্তই নিম্ন শ্রেণীর লোক। রুইতনের চিত্রে সেই নিম্ন শ্রেণীর লোকদেরই বুঝাইত।

১৫শ শতাব্দীর প্রথমে জার্মানীতে তাসের “উড্‌এনগ্রেভিং” আরম্ভ হয়। ইহার পূর্বে চিত্রকরেরা তুলি দিয়া তাস অঙ্কিত করিত। সুতরাং একজোড়া তাসের জন্য চিত্রকরকে অনেক পরিশ্রম মুছুরী দিতে হইত। জার্মানীরাই প্রথমে তাসকে উড্‌এনগ্রেভিংয়ের সাহায্যে সৃষ্টি করিবার ব্যবস্থা করেন।

যাহারা তাস প্রস্তুত করিত, জার্মানেরা তাহাদিগকে “ব্রিক্‌ মেকার” নামে অভিহিত করিতেন। জার্মানেরা যখন প্রথম তাস খেলিতে আরম্ভ করেন তখন তাহারা একেবারেই “টেকা” ব্যবহার করিতেন না, ৪৮ খানা তাসে খেলা চলিত, ইহারা “দহলা” ব্যবহার করিতেন না। পরে সকল দেশেই ৫২ খানা তাস প্রচলিত হইয়াছিল।

তাস খেলার ‘রকম’ অনেক আছে। কিন্তু স্পেন দেশে সকল দেশের অপেক্ষা তাস খেলার বাহুল্য লক্ষিত হয়। ইংরাজেরাও অনেক রকম তাস খেলা জানেন। তন্মধ্যে “হুইষ্ট” খেলাই সর্বশ্রেষ্ঠ। এই হুইষ্ট খেলা সম্বন্ধে ইংরাজদের দেশে অনেকে অনেক রকম পুস্তক প্রণয়ন করিয়াছেন। এই খেলা অনেকটা আমাদের “গ্রাবু” খেলার মত। তাস খেলার মধ্যে আর একটি উন্নত খেলা আছে, তাহার নাম Backgammat, ফরাসীরাই প্রথমে এই সর্বশ্রেষ্ঠ খেলার সৃষ্টি করেন। যাহারা এই খেলা খেলেন তাহারা বাজি রাখিয়া থাকেন। হস্ত কৌশলের উপর এই খেলার জয় পরাজয় নির্ভর করে। এই খেলা খেলিয়া যে ইউরোপের কতশত ধনকুবের পথের ভিখারী হইয়াছেন তাহার আর ইয়ত্তা নাই।

অনেকের বিশ্বাস, ভাস খেলা ভারতবর্ষেরই খেলা। অনেকই জানেন, অতি প্রাচীনকালে ভারতে “চতুরঙ্গ” খেলার অত্যন্ত প্রচলন ছিল। ভাস খেলা—চতুরঙ্গ খেলার সহজীকৃত রূপান্তর মাত্র।

হিন্দু সমাজের জাতি ভেদের উপর কটাক্ষ করিয়া বৌদ্ধগণ চতুরঙ্গ খেলার সৃষ্টি করেন। ভারতের চতুর্কর্ণ বিভাগ হইতেই চতুরঙ্গের চতুর্কর্ণ বিভাগ কল্পিত হইয়াছিল। এই খেলা শেষে এমন সংক্রামক হইয়া দাঁড়ায় যে, বৌদ্ধগণ ইহাকে ব্যসনের অন্তর্গত আবিয়া এই খেলা বন্ধ করিয়া দিবার জন্য এক কঠিন বিধির ব্যবস্থা করিয়াছিলেন।

পারসীকেরা ভারতবর্ষে আসিয়া এই চতুরঙ্গ খেলা শিখিয়া যান। তাঁহারা এই খেলার নাম দেন—চতুরং। আরবেরা পারসীদের নিকটে এই খেলা শিক্ষা করেন। আরবদের অমুকরণ—চতুরঙ্গের নাম “শতরং”এ পরিণত হয়। শতরংকে আমরা আবার “শতরঞ্চ” করিয়া ফেলিয়াছি। শতরঞ্চ খেলা হইতেই যে ভাস খেলার সৃষ্টি হইয়াছে ইংরাজেরাও ইহা অস্বীকার করেন না। স্যার উইলিয়াম জোন্স কৃত এসিয়াটিক রিসার্চাস্ নামক গ্রন্থের দ্বিতীয়খণ্ডে ইহার স্পষ্ট প্রমাণ আছে।

তবে মোগলদের আমলেই যে এ দেশে ভাস খেলার পুনঃ প্রচলন হইয়াছে একথা অস্বীকার করিবার উপায় নাই। ভাস খেলার বর্তমান কৌশল আমরা মোগলদের নিকট হইতে শিক্ষা করিয়াছি। এখন ভারতে ভাস খেলা যে আকারে প্রচলিত রহিয়াছে তাহা সম্পূর্ণ বিদেশের আমদানী। এমন কি ভাস খেলিতে বসিয়া আমরা যে সকল শব্দ ব্যবহার করি সে সকল শব্দও বৈদেশিক। সাহেবের স্থানে রাম, রুক্ষ, শিব আকিয়া, বিবির—সীতা, রাধা, পার্বতী লিখিয়া গোলামের পদে—হুম্মান, গরুড় ও নন্দীকে বসাইয়া আমরা যতই “কদম্বকেলী” করি না কেন—বর্তমান যুগে প্রচলিত ভাস খেলা যে আমরা মোগলের কাছে শিখিয়াছি এ কথা কখনও অস্বীকার করা যায় না।

মোগল সম্রাট আকবর সাহেব রাজত্বের শেষ ভাগে ভারতে ভাস খেলার প্রচলন আরম্ভ হয়। আবাদীর ও সাজাহানের সময়ে বিলাসিতার সঙ্গে সঙ্গে ভাস খেলারও যথেষ্ট উন্নতি হয়। এমন কি সে সময় নগরে নগরে, গ্রামে গ্রামে, পল্লীতে, “প্রমবার আজ্ঞা” বসিত; সম্রাট নাগরিকগণ রাজিকালে গোপনে গিয়া সেই সকল আজ্ঞার বিহার করিতেন। জয়ের আনন্দে,


কত আমীর ওমরাহের বদনে উল্লাসের বাসন্তী বিলাস শোভা পাইত। পক্ষান্তরে সর্বত্র খেওয়াইয়া কাহারও নেত্র কেবল জাগরণজনিত অকুণ্ঠা ফুটিয়া উঠিত। জাহাঙ্গীর ও সাজাহানের সময়ে অস্তঃপুরেও তাসের অবাধগতি প্রসারিত হয়। কিন্তু স্বভাব সরলা সুন্দরীগণ “প্রেমাবার” প্রেম বৃষ্টিতে পারিতেন না, তাই তাঁহাদের জন্য “নক্সা” খেলার সৃষ্টি হইয়াছিল। নাগর নাগরীর চিত্র বিনোদনের জন্য—“বিস্তী” খেলার জন্ম হয়।

মোগলদের অধঃপতনের সঙ্গে সঙ্গে তাসেরও অধঃপতন আরম্ভ হয়। এই সময় সর্ব্বনেশে “তেতাস” খেলার সৃষ্টি হয়।

তখন সহরের সর্ব্বত্রই তেতাস খেলার আড্ডা বসিত। ভদ্র ভদ্র সকলেই তেতাস খেলার উন্নত হইত। অনেকে গৃহের তৈজস বিক্রয় করিয়াও তেতাসের চরণে আত্মসম্প্রদান করিত। ষাঁহাদের মনের আভিজাত্যের গর্ভ ছিল তাঁহারাও গোপনে তেতাস খেলিতেন। ইংরাজ রাজত্বের প্রথমেও তেতাসের যথেষ্ট প্রচলন ছিল। আজকাল আইনের কঠোর শাসনে তেতাসের প্রতাপ অনেকটা কমিয়া গিয়াছে। প্রকাশ্যে কেহ আর তেতাস খেলে না।

সম্মিলনী।





পরিচায়িকা

(নব পর্ষদ)

“তে প্রাপ্ত বস্তি মামেব সর্ষতহিতে রতাঃ ।”

৯ম বর্ষ ।

মাঘ, ১৩৩২ সাল ।

১০ম সংখ্যা ।

নয়নের জল ।

—:~:—

ব্যর্থ নিশার ব্যাকুল পিয়াসে

হতাশা-দহনে পরাণ ভরি-

গলিয়া গলিয়া তৃষ্ণা জ্বালায়

বুকের পাথর এলো কি করি !

বজ্র আঘাতে ব্যথা নিঝর,

ছুটিল ছলকি' একি ঝরঝর ;

পান্থ-পাদপ বন্ধ টুটিয়া

মূর্ত্ত দহন পড়িছে ঝরি' !

মানস অতলে কত যুগ ধরি'
 নোহাগ-লালসা নিয়ত জুটি'—
 যুক্তা কলকে বলসি' কি আসে
 বলযলি' নীল নয়নে ফুটি ?—
 গগনের ব্যথা তারায় তারায়,
 পড়িল কি ধরা নয়ন-আভায় ?
 সুদূর মধুর স্মৃতি-মেথলায়
 মানসের ভাতি পড়ে কি লুটি' ।

কানন-বেদনা ফুটিল কি ফুলে'
 জগতের আলো-সভার তলে ?
 পাষণ হিয়ার দুর্বল গাথা
 বাহিরিয়া এল চকিতে পলে ।
 অনুতাপে শত লজ্জা টুটিয়া,—
 অভিমান-ফুল পড়ে কি ঝরিয়া ।
 বিশ্ব-মানব একতা-সায়র
 আগিল কি এই নয়ন-অলে ।

শ্রীসতীন্দ্রমোহন চট্টোপাধ্যায় ।

ইফটারের ছুটিতে ফ্রান্স ও আঙ্গ্লে।

(১৯২৫)

(উত্তরার্ধ)

আমাদের ছুটি ফুরিয়ে এল ; একবার ইংলেণ্ডে ফিরতে হবে । পথে আমরা এমিয়ঁতে (Amiens) নেমে নুক্রক্ষেত্র দেখে আসার মতলব করলাম । এমিয়ঁ বিখ্যাত 'সোম' (Soame) নদীর উপরে ; বিস্তৃত নহানুচ্ছে 'সোম' নদীর তীরে ইংরেজ সৈন্য হাজারে হাজারে প্রাণ হারিয়েছে । জার্মানরা কখনও এমিয়ঁ দখল করতে পারে নাই ; কিন্তু এমিয়ঁ সর্বদাই জার্মান কমান্ডের হাতের মধ্যে ছিল । এমিয়ঁর গির্জা ইউরোপে বিখ্যাত ; এত বড় 'গোথিক' (Gothic) শিল্পের নিদর্শন খুব কমই আছে । আমরা গির্জার মধ্যে গিয়েছিলাম । সেখানে বৃটিশ সাম্রাজ্যের স্বরণচিহ্ন স্বরূপ প্রত্যেক কলনির নাম দেওয়ালে খোদা আছে, এবং প্রত্যেক কলনিরই পতাকা সেখানে আছে ; কেবল ভারতবর্ষেরই কোন উল্লেখ নাই ; এতগুলো ভারতীয় সৈন্য যে সোমের কাছাকাছি প্রাণ দিয়েছে অন্য কলনির পাশে তার কোন কথাই নাই । সোম নদী এত ছোট যে দেখে রাগ হন ; এরই এত নাম ; আমাদের কর্তারা এই নালাটুকু পার হতেই এত নাস্তানাবুদ হয়েছিলেন । আমরা এমিয়ঁ ত্যাগ করে একবারে আসল নুক্রক্ষেত্রে এলাম । এমিয়ঁ থেকে ৩০ মাইল দূরে আলবার্ট বলে যে সহর আছে সেটাই হল আমাদের কেন্দ্র । এই আলবার্ট (Albert করাসীরা বলে এলদিয়ার) ও বেপুন (Bapaume) এর জন্য কত লক্ষ লোক যে প্রাণ দিয়েছে তার সংখ্যা নাই ; এই আলবার্ট থেকেই ইংরেজরা মহা ধুমধাম করে সোম অভিযান (Soame offensive) শুরু করে ; এবং প্রাণপণ চেষ্টার ফলে জার্মানকে কিছু দূর সরাইয়া দেয় ; পরে জার্মানেরা একদিনেই সে সমস্ত যাবগা উদ্ধার করে । আলবার্ট অনেকবার দুই পক্ষের হস্তান্তরিত হয়েছে, ফলে এলবার্টের পুরাতন বাড়ী একথানাও খাড়া নাই । এখানে প্রায় তিরিশ হাজার লোকের বাস ছিল ; গোলাতে টাউন এমন ভাবে ভেঙ্গেছে যে বাঁধানো রাস্তাঘাটের পর্য্যন্ত চিহ্ন নাই, বাড়ী ঘর ত দূরের কথা, আবার সব লালঃঙের নূতন বাড়ী

উঠেছে ; যুদ্ধক্ষেত্র সর্বত্রই এই রকম ; মনে হয় যেন দেশটাতে নূতন বসতি হচ্ছে । একটা ছোট্ট কাঠের ঘরে রেল ষ্টেশনের কাঁচ হয় ; নূতন ষ্টেশন এখনও শেষ হয় নাই । আলবাটের গির্জা এমন ভাবে ভেঙ্গে চূরমার করা হয়েছে যে সে এক দেখার জিনিস । রোম পম্পাই প্রভৃতি স্থানে কাল-জীর্ণ যে সব ধ্বংসাবশেষ দেখে লোকে অবাক হয় তারা যদি আলবাটের গির্জা দেখে তবে আরও বেশি অবাক হবে ;—এখানে ধ্বংস কতদূর সম্পূর্ণ, মানুষ এমন পরিপাটিক্রমে ধ্বংস করতে পারে যে তার কাছে কালজ হার মানবে ।

এই সব যুদ্ধবিধ্বস্ত জলপথ আবার নূতন করে তৈরী হচ্ছে ; সেই জন্য এইখানে ইউরোপের সব দেশ থেকে মজুর এসে জুটেছে ; গ্রেটব্রিটেনের যে সব সৈন্য এখানে কবরস্থ, তাদের কবরের খবরদারি করার জন্য এক দল ইংরেজ কন্সচারী আছে, তাদের নাম হচ্ছে Imperial War-grave Commission এক এক স্থানে দেওয়াল দিচ্ছে, সেখানে ১০০।১৫০ কবর ; প্রত্যেক কবরের উপর একখানা মার্বেল ফলক এবং প্রত্যেক সমাধি স্থানের সঙ্গে একখানা মৃতদের রেজিষ্টার ও দর্শকদের মন্তব্যই আছে । কোন কোন স্থানে অষ্ট্রেলিয়া ক্যানাডা প্রভৃতি কলনি তাদের সৈন্যদের জন্য বড় বড় স্মৃতিস্তম্ভ নির্মাণ করেছে ।

আমরা দুইজন আলবাট ষ্টেশনে পৌঁছান মাত্রই কয়েকজন ইংরেজ এসে ঘিরে ধরল যে আমরা যেন তাদের মোটরে করে যুদ্ধক্ষেত্র দেখে আসি ; একজন জিজ্ঞাসা করল আমরা কি এইখানে ভারতীয় লানসার (Lancers)-দের কেউ ছিলাম । আর একজন জিজ্ঞাসা করল আমাদের কোন আশ্রয় কি এখানে যুদ্ধ করতে এসেছিল, আমাদের জবাবে তারা খুসী হল না । যাই হোক ষ্টেশনের সম্মুখেই একটা বড় নূতন হোটেল দেখে উঠে পড়া গেল ।

বিকালে আমরা একজন ইংরেজ কন্সচারীর কাছ থেকে এখানকার দ্রষ্টব্য বিষয়ের অমুসন্ধান নিলাম ও দুই মাইল দূরে “লা বোসেল” (La Boisselle) বলে একটা বিধ্বস্ত গ্রাম দেখতে রওনা হলাম । আমরা বিখ্যাত আলবাট বেপুম রোড দিয়ে চলছিলাম । এখন চারদিকে আবার চাষবাস আরম্ভ হয়েছে ; কিন্তু তবুও ভাঙ্গা গোলা কামান বন্দুক গড়াগড়ি যাচ্ছে । ঠিক দশবছর পূর্বেই এই রাস্তায় কাইজারের বাহিনী যাতায়াত করত । বন্ধু বললেন দশবছর পূর্বে এই রাস্তায় মাথা উঁচু করে চলার দাম হচ্ছে বন্দুকের গুলিতে মাথা দেওয়া । লা বোসেলে যুদ্ধের অন্য সব চিহ্ন (ট্রেন্চ ইত্যাদি) আছে, কিন্তু সব চেয়ে আশ্চর্য্য হচ্ছে একটা mine crater

অর্থাৎ মাইন ফেটে যে গর্ত হয়েছে তাই। এ গর্তটা এত বড় যে একখানা ছোটখাট বাড়ী তার মধ্যে বেশ পুরে ফেলা যায়। এই গর্তটার উপর একখানা নোটিশ টাঙ্গানো আছে যে ফরাসী গবর্নমেন্টের শিল্পকলার ডিপার্টমেন্ট (Ministry of beautiful Arts) এই স্থানটাকে রক্ষা করছে অতএব কেউ যেন এর ক্ষতি না করে; সুকুমার কলার নিদর্শন বটে!

পরদিন সকালেই বের হওয়া গেল। পাঁচ ছয় মাইল দূরে বোকোট হ্যামেল (Beau Court Hamel) বলে একটা ষ্টেশনে নেমে সেখানকার সব দৃশ্য দেখতে গেলাম। এই গ্রামটি যত রক্ষণ করছে, তাতে এর মাটি লাল হওয়া উচিত ছিল। ফ্রান্সের এই অংশ বসতিবিহীন ও জনি উঁচুনীচু। এই ষ্টেশনে পণ্ড্রবা দেখলাম যত সব ভাঙ্গা গোলা বন্দুক কামান প্রভৃতির লোহা; তাই মাঝাড়ী ভক্তি করে চালান দেওয়া হচ্ছে। এখান থেকে মাইলটেক দূরে অনেকখানি যায়গা বেড়া দিয়ে ঘিরে গবর্নমেন্টে রক্ষা করছে; এর নাম হচ্ছে নিউফাউন্ডল্যান্ড পার্ক (Newfoundland Park) এখানে ঐ কলনির সৈন্যরা যুদ্ধ করেছিল এবং সম্পূর্ণভাবে ধ্বংস হয়েছিল। যুদ্ধের সময় এখানকার যে রকম অবস্থা ছিল ঠিক সেই রকম ভাবেই রক্ষা করা হয়েছে। আমরা পার্কের মধ্যে প্রবেশ করলাম। যতদেহ এখন পড়ে নাই বটে, কিন্তু সৈন্যদের মাথার টুপী, বন্দুক, পায়ের জুতো; জলপানের বোতল, টোটোর বেণ্ট অস্ত্র গাড়াগড়ি যাচ্ছে। কত যে কামান পড়ে আছে! বড় বড় ট্রেক মরটার (এক রকম কামান) হাঁ করে আকাশের দিক চেরে আছে যেন কতদিন পেটে খোরাক পড়ে নাই। ট্রেকের অভাব নাই। ম্যান্ট্রিন কামান গোলাগুলি গ্রিগেড ছড়াছড়ি যাচ্ছে; সনস্ত স্থানে কামানের গোলা গর্তে পরিপূর্ণ; এক একটা গর্ত মানুষ সমান। কাটাওয়াল তারের বেড়া সেই রকমই পড়ে আছে; এক যায়গায় দেখি একখানা ভাঙ্গা এরোপ্লেন। একটা গোলার পাশে আমার বন্ধু দাঁড়ালেন, সেটা তার কাধ সমান উঁচু। সন্মুখেই নিউফাউন্ডল্যান্ড সৈন্যদের স্মরণ চিহ্ন স্বরূপ একটা কৃত্রিম পাহাড়ের উপর একটা ক্যারিবু (caribou) নামক নিউফাউন্ডল্যান্ডীয় হরিণের মূর্তি। এইখানে একখানা ফলকে লেখা আছে "Tread softly here. Go reverently and slow. For not one foot of this dank sod but drank its surfeit of blood of gentlemen, who for their faith etc."

এই যুদ্ধে পুরীতে পা ফেলাতে গা শিউরে উঠছিল ; হস্ত পায়ের নীচের মাটিতেই “কোন অত্যাচারী কপাল পুড়েছে”; রক্তের যে ঘর আছে সেখানে গেলাম। তারা তখন লাঞ্চ খাচ্ছিল ; কিন্তু আমাদের দেখেই খাওয়া ফেলে এসে দর্শক-বই বের করে দিল, এরা ইংরাজ। আমরা কলনি কিংবা ভারতবর্ষ থেকে এসেছি ; সুতরাং আমাদের একটা মন্তব্য তাদের বইয়ে থাকা দরকার ; তবে ব্রিটিশ পাবলিক তাদের চাকরীর একটা সার্থকতা খুঁজে পাবে। আমি লিখলাম “ We saw a bit of the war ” (আমরা যুদ্ধের সামান্য একটু দেখলাম) আমার বন্ধু কিপলিং থেকে লিখলেন “ Lest we forget ” (পাছে আমরা ভুলি)। পার্ক থেকে বের হয়ে খাওয়ার অশেষে গ্রামে প্রবেশ করলাম। এদেখা প্রত্যেক গ্রামেই একটা রেস্টুরাঁ থাকেই কিন্তু এ গ্রামে এসে দেখি তখনও সে-সমস্ত বাড়ীঘর তৈরী হয় নাই ; আগুনে বাড়ী পুড়ে গেলে যেমন “ বল মা তারা দাঁড়াই কোথা ” অবস্থা হয় এখানকার অধিবাসীর স্থাবস্থাও তাই। শেষে একটা পানশালার খোঁজ মিলল। তার কতী আমাদের নিতান্ত বুদ্ধিক্ষিত দেখে কিছু রুটি, পনির (cheese) ও ওনলেট করে এনে দিল ; সেখানে একজন ইংরাজ কন্সটারী ও তার ছেলে বসে খাচ্ছিল। পাশের সব বেষ্টিতে ইউরোপের নানা দেশ থেকে যে সব মজুর এসেছে তারাই ছপরের ছুটিতে বসে মদ খাচ্ছিল। ইংরাজ বলল যে এমন অসুজাতিক সম্মিলনী খুব কমই হয় ; ইটালীয়ান, স্পেনীয়, পোলিশ, ফরাসী, ইংরাজ, ভারতীয় এসে সেই ক্ষুদ্র কফিখানাটাকে ধন্য করে ফেলেছে। আমি মনে মনে হেসে ভাবলাম যে জীবনে আর এমন মজার লাঞ্চ খাব না।

লাঞ্চার পর থিপভাল (Thiopval) বলে একটা যায়গায় গেলাম এটা একটা ছোট টিলার উপর ; এইখানে ভীষণ যুদ্ধ হয়েছিল ; আশে পাশে বহুদূর কোন বাড়ীঘর নাই ; সমস্ত জনকে যেন কামানের গোলায় চাষ করে রেখেছে। পাহাড়ের মাথার উপর ৪৬ নং আলষ্টার ডিভিসনের (Ulster Division) জন্য এক মেমোরিয়াল খাড়া করা হয়েছে। ‘থিপভাল’ অধিকার করতে ইংরেজদের অনেক বেগ পেতে হয় ; জার্মানরা এটা খুব সুরক্ষিত করে রেখেছিল। সোমনদীর যুদ্ধের প্রথম দিন এই আলষ্টার সৈন্যদল খুব সাহসের সহিত জার্মানদের আক্রমণ করে ; এবং হটাইয়া থিপভাল দখল করে। যখন দিন শেষ হল তখন দেখা যায় ডিভিসন প্রায় নিঃশূল হয়েছে ; সেই বীরদের জন্য এখানে একটি টাওয়ার (Tower) নির্মিত হয়েছে। আমরা সেখানে যাওয়া দাজ

তার রক্ষক তাড়াতাড়ি পরিদর্শক-বই নিয়ে এল, এবং তাতে আমাদের নাম ও মন্তব্য লিখে নিয়ে তবে শাস্ত হল। আমরা টাওয়ারের মাথার উপর আরোহণ করলাম; সেখান থেকে বহুদূর পর্যন্ত দেখা যায়। দেখি সমস্ত প্রদেশই সমাধি, মেমোরিয়াল এবং স্মৃতিফলকে ভরা; যেন কোন মহাশ্মশানের মধ্যে আমরা দাঁড়িয়ে আছি। বঁারা ক্যাবিনেটে বসে এই সমস্ত যুদ্ধ সৃষ্টি করেন, তাঁরা যেন একবার এই সব দেখে যান এবং বুঝে যান যুদ্ধ কি রকম বিভীষিকাময় ব্যাপার। যারা এইখানে প্রাণ দিয়েছে তাদের এই কাষ্ঠফলক ছাড়া আর কিছু লাভ হয়েছে কিনা জানি না। সব চেয়ে মজার এই যে এই হাজার হাজার ক্রশের মধ্যে একটিও জার্মান সৈন্যদের স্মৃতিফলক দেখলাম না; তারা পরাজিত সেইজন্য বেচারীদের একখানা কাষ্ঠফলকের সাহসনা জুটল না। স্বর্গে ভগবান তাদের জন্য এবং মিত্র সৈন্যদের জন্য কি ব্যবস্থা করেছেন জানি না।

রক্ষক আমাদের একটা জার্মান dug-out দেখাতে নিয়ে গল। ট্রেনে হচ্ছে শুধু একটা খাল, 'ডাগ-আউট' হচ্ছে মাটির তলে একটা সুরঙ্গ; এর মধ্যে প্রবেশ করার তিন চারটা ভিন্ন ভিন্ন মুখ আছে। আমরা লঠনের সঙ্গে করে প্রবেশ করলাম; দেখি ভিতরে বেশ আরামজনক; ছাদ পাথর দিয়ে তৈরী; ভিতরে শয়ন করার জন্য লোহার খাট পাতা আছে, শীতকালে ভিতরকে গরম করার ব্যবস্থাও ছিল এবং ভিতরে ইলেকট্রিক বাতি জ্বলত; মোটের উপর বেশ আরামের। শীতকালে যখন ঠাণ্ডায় ও বৃষ্টিতে সৈন্যরা বাইরে ট্রেনে কাঁপত তখন তাদের কাছে এই ডাগআউট নিশ্চয়ই স্বর্গের মত মনে হত; এর ভিতরে কামানের গোলা ঢুকতে পারে না; এই জন্যই এই সব গর্ত থেকে জার্মানদের তাড়াতে মিত্রদের এত কষ্ট পেতে হয়েছে। আমরা যেটার ঢুকেছিলাম তার নীচে ক্রমে ক্রমে আরও দুইটি সুরঙ্গ ছিল। যুদ্ধক্ষেত্রে বিশেষ করে সাবধান করে দেওয়া হয়েছে যে দর্শকরা যেন ভাঙ্গা গোলাগুলির কিছুই স্পর্শ না করে; কারণ সময় সময় এখনও তাদের মধ্যে বারুদ আছে। আমি রক্ষককে জিজ্ঞাসা করলাম, কেন ইংরেজ লাইনে এই রকম "ডাগআউট" নাই, আছে শুধু ট্রেন। সে বলল সে ইংরাজরা এখানে অবস্থান করতে আসে নাই, তারা জার্মানদের তাড়াতে এসেছিল; সেইজন্য জার্মানদের মত স্থায়ী পাকা বাসস্থান নির্মাণ করে নাই।

পিপভাল থেকে বেরিয়ে আমরা আলবার্টে প্রত্যাবর্তন আরম্ভ করলাম, চারিদিকেই যুদ্ধের স্মারক। একটা স্থানে পূর্বে জঙ্গল ছিল; কিন্তু কামানের গোলা জঙ্গলকে এমন ভাবে সাফ

করেছে যে এখন গোটা কয়েক অঙ্গার-আবৃত ভাঙ্গা কাণ্ড ছাড়া বড় বড় গাছের কোন চিহ্নই নাই। আমাদের দেশে এই উপায়ে জঙ্গল পরিষ্কার করলে মন্দ হয় না। আর একটা যাত্রাঘর দেখি একটা ডোবার মধ্যে শত শত জার্মান সৈন্যদের লোহার টুপি গড়াগড়ি যাচ্ছে। আমরা এই যুদ্ধক্ষেত্রের স্মারক চিহ্ন স্বরূপ একটা করে টুপি নিয়ে চললাম। রাস্তায় তাই দেখে সকলেই হেসেছে; এবং ইংলণ্ডে পদার্পণ করার সময় কাষ্টমস্কারারা এই অভিনব জিনিষটার উপর কোন শুক ধাৰ্য্য করা উচিত কিনা এই নিয়ে একটু বিব্রত হয়েছিল। পথে আমাদের এনকার (Ancre) নদী পার হতে হল। সোম যুদ্ধের সময় এই এনকার নদীর নাম শুনে শুনে এবং তাই পার হতে মিত্রদের ছুরবস্থা অন্ত নাই দেখে এনকারকে আমাজন, মিসিনিপির সমান মনে করেছিলাম; কিন্তু দেখি যে একটা কুকুর জোরে লাফ দিলে নিশ্চয়ই পার হতে পারবে। এর পর যদি মিত্রদের আমি গালিভার বর্ণিত লিলিপুটের সৈন্য বলে মনে করি তবে হোমরা চোমরা যুদ্ধ বিশারদ ফিল্ডমার্শালরা আমার অজ্ঞতার যতই হাসুন না কেন আমি লজ্জিত হব না। বীর বটে আমাদের হুম্মান; এক লাফে সাগর পার হয়েছিল; অত বড় কিছু একটা পার হতে হলে মিত্রদের সমস্ত ইঞ্জিনিয়ারদের ভয়ে মুর্ছা হত কি মৃত্যু হত জানি না।

এলবার্টে সারাদিনের পরিশ্রমে ক্লান্ত দেহে ফিরে এলাম। স্নান করে এবং এক কাপ গরম চকোলেট পান করে সুস্থ হওয়া গেল। দোতালায় আমার কক্ষের জানালার সম্মুখে দাঁড়িয়ে নীচে বিপর্যস্ত সমস্ত আলবার্ট সহরকে দেখতে পেলাম এবং দিগন্ত বিস্তৃত উঁচু নীচু তরঙ্গায়িত শ্যাম শোভার ভরা পিকার্ডির (Picardy) প্রান্তর দেখা যাচ্ছিল। তারই একপ্রান্তে ধূসর বনের আড়ালে সূর্য্যাস্তের স্নান আলো ছড়িয়ে পড়ছিল। চারদিকে এমন শান্তি যে কিছুতেই বিশ্বাস হচ্ছিল না যে কিছুদিন পূর্বে এইখানে ধ্বংসের তাণ্ডব চলেছিল এবং এইখানে লক্ষ লক্ষ লোক কত বজ্রাণা ও কষ্ট পেয়ে মৃত্যুর কোলে গুয়ে আছে। যারা একদিন জীবন্ত ছিল, একটু ধুলোবালি লাগলে সাবান দিয়ে ধুয়ে ফেলত, কোথায় বের হতে হলে যাদের পথের বট ভেবে স্ত্রী আকুল হত তাদের এই তুশয়ন দেখে মা বোনরা আজ কি ভাবে? অথচ প্রকৃতির কোন খেরালই নাই; এই মাটির তলে একজন মানুষ আছে কি গরু আছে সে চিন্তা যেন তার হয় নাই। তাই

সে নির্মম হস্তে তার হৃদয়হীন চিরস্তন নিয়ম মত আবার বাসের আনন্দ বিছরে দিয়েছে ;
অভাগ্য যুতের জন্য তার একটু ব্যতিক্রম করে নাই।

এই আলবার্টের সূর্যাস্তের সঙ্গে আমার ইষ্টার ভ্রমণ কাহিনী শেষ করি।

শ্রীযতীন্দ্রনাথ তালুকদার।

পথ।

—*—

পাহাড় দিয়ে ঐ যে গেচে

রাঙা মাটির পথ—

ঐ সে পথে চললে কিগো

পূর্বে মনোরথ।

ওগো পথিক, তোমার শুধাই,

কেমন ক'রে নিশানা পাই ;

শ্রাস্ত আমার চরণ যুগল

টলবে না কি কভু—

পথের ধারে পান্থশালা


মিলবে না কি ভবু ?

বন্ধু আমার, দাঁড়াও খানিক

একটুখানি থাকো—

পথ যে কোথায় শেষ হয়েছে

তার কি খবর রাখো ?



অঁধার যখন ছির্বে অঁমায়,
 আলোর চমক লাগবে কী গায় ;
 পিঁচনে যা রইলো অঁমায়—
 যা কিছু সব াকী,
 বিরামনির্হীন এই যে চলা
 সফল হবে নাকি ?

শ্রীমতী তৃপ্ত সেন।

বঙ্গালার ব্রাহ্মণ ।

তৃতীয় প্রস্তাব ।

তৃতীয় অংশ, বৌদ্ধ-বিপ্লব ।

বঙ্গালার সামাজিক ইতিহাসের আলোচনা করিতে গেলেই বৌদ্ধবিপ্লবের কথা আনিয়া
 পড়ে। প্রত্নতাত্ত্বিক ও বহুবিধাব্যবহৃত্যে আরম্ভ করিয়া যিনিই বঙ্গালার দেশের ব্রাহ্মণগণের
 কথা কহিয়াছেন, তিনিই বলিয়াছেন যে, এদেশে বৈদিক যোগ্যকুশল ব্রাহ্মণের অভাববশতই
 মহারাজ আদিশুরকে কর্মোজ হইতে তাদৃশ বেদবেদান্তপারগ ব্রহ্মনিষ্ঠ ব্রাহ্মণ আনাইতে
 হইয়াছিল। কিন্তু, “এদেশে বৈদিক কর্মকাণ্ড-কুশল ব্রাহ্মণের অভাব কেন হইয়াছিল?”—এই
 প্রশ্ন জিজ্ঞাসা করিতে গেলেই সর্বদা এই উত্তর পাওয়া যায়, যে, বৌদ্ধ-বিপ্লবে পড়িয়া বঙ্গালার
 ব্রাহ্মণেরা বৈদিক কর্মাহুষ্ঠান ভুলিয়া গিয়াছিলেন, এবং তন্নিমিত্তই আদিশুর রাজাকে কর্মোজের
 রাজার নিকট হইতে পাঁচগোত্রের পাঁচজন ব্রাহ্মণ আনাইতে হইয়াছিল। আবার, বঙ্গালার
 সামাজিক জলবায়ুর দোষে ক্রমশঃ সেই পঞ্চ গোত্রীয় ব্রাহ্মণ-বংশধরদিগের মধ্যেও বেদাচারের

লোপ পাওয়ায় রাজা শামলবর্মাকে পুনরায় সেই কল্পেই বৈদিক ব্রাহ্মণ আনাহঁতে হইয়াছিল। বাঙ্গালার ব্রাহ্মণগণের বেদজ্ঞান-লোপের কারণ সেই “বৌদ্ধ-বিশ্বাস” সম্বন্ধে স্মরণে হইবার কথা বলিবার প্রয়োজন হইতেছে।

ভারতখণ্ডে অথবা বিশালতর ভারতবর্ষে, বৌদ্ধ-সম্প্রদায়ের উদ্ভব, উন্নতি এবং পতনের ইতিহাস আলোচনা করার স্থান এই প্রস্তাবে হইবার নহে। আমরা বর্তমান প্রবন্ধে প্রাচ্য-প্রদেশের বৌদ্ধ-সম্প্রদায়ের সম্বন্ধেই সংক্ষিপ্ত আলোচনা করিব। মৌর্যবংশীয় সম্রাট চন্দ্রগুপ্তদেবের অভ্যুদয়ের পূর্বেই প্রাচ্য ভারতে গৌতমবুদ্ধের প্রতিষ্ঠিত বৌদ্ধসম্প্রদায় বহুবল হইয়াছিল। মগধের শিশুনাগবংশীয় সম্রাট অজাতশত্রুজ রাজত্ব-কালে গৌতমবুদ্ধের আর্ডীভাবের কথা ঐতিহাসিকগণ স্বীকার করিয়াছেন। জৈনসম্প্রদায়ের শাস্ত্রপ্রাদানুসারে মহারাজ চন্দ্রগুপ্ত ধর্ম্মে জৈন এবং শেষ বয়সে চরন শ্রমকেবলী ভদ্রবাহু স্বামীকে শিষ্য হইয়া এবং প্ররজ্যা স্বীকার করিয়াছিলেন। বৌদ্ধ এবং জৈন এই দুই সম্প্রদায় বেদের কর্ম্মচাপ্ত পরিভাগ করিলেও বর্ণ এবং আশ্রমচার যে পরিভাগ করেন না, তাহা আধুনিক বিশেষজ্ঞ যুরোপীয় পণ্ডিতগণও স্বীকার করিতেছেন। ডাক্তার রিন্স ডেভিন্স, ওল্ডেনবার্গ এবং জেকোবি প্রমুখ পণ্ডিতগণের গ্রন্থানী আলোচনার কথায় প্রমাণস্বরূপ উপস্থিত করা যাইতে পারে। বর্ণধর্ম্ম সম্বন্ধে তাঁহারা ব্রাহ্মণ অপেক্ষা ক্ষত্রিয়ের অধিক সম্মান করিতেন, এই নীতি প্রভল দেখিতে পাওয়া যায়। বুদ্ধদেব অথবা জিন মহাত্মীর স্বামিপাদ বর্ণাশ্রম-লোপা ছিলেন বলিয়া তাঁহারা লিখিয়া গিয়াছেন, তাঁহাদের কথা শাস্ত্র-বিরুদ্ধ বলিয়াই বোধ হয়। বেদকে তাঁহারা “অপৌরুষেয়” বলিয়া স্বীকার করিতেন না বলিয়াই বেদাচারীরা তাঁহাদিগকে “নাস্তিক” এই আখ্যা দিয়া গিয়াছেন। বৌদ্ধ-সম্প্রদায়-ভুক্ত প্রসিদ্ধ শাস্ত্রিক অনরসিংহ স্বকীয় অভিধানে “নাস্তিক” শব্দের অর্থ “বেদ-নিন্দক”ই লিখিয়া গিয়াছেন। বৈদিক ধর্ম্মে অনাস্ত্যবান্ বলিয়াই মৌর্য চন্দ্রগুপ্ত “বৃষল” (১) এই খ্যাতি লাভ করিয়া গিয়াছেন। “বৃষল” শব্দের অর্থ বুঝিতে না পারার জন্য তাঁহাকে

(১) বৃষো হি ভগবান্ ধর্ম্মস্তস্য বঃ কুরুতে হ্রলম্।

বৃষলঃ তং সিদ্ধবাস্তবান্ধনং ন লোপয়েৎ ॥১৬॥ অষ্টম অধ্যায়, মনুসংহিতা।

উক্তকালে “বৃষল” শব্দের অর্থ “শূদ্র” হইয়া গিয়াছিল। (অনর-কোষ)

এবং তাঁহার বংশধর গণকে “শূদ্রবর্ণাস্তর্গত” মনে করিয়া অনেকে সত্যপথ হইতে বিচ্যুত হইয়াছিলেন। চন্দ্রগুপ্তদেবের পুত্র বিম্বিনার এবং প্রপৌত্র সম্প্রতিও ঐ জৈন সম্প্রদায় ভুক্ত ছিলেন, এই কথা জৈনেরা বলিয়া গিয়াছেন; আর বৌদ্ধ-প্রবাদ বা ইতিবৃত্তের মতে চন্দ্রগুপ্তের পৌত্র মহারাজ অশোক বৌদ্ধ-সম্প্রদায়ের ভক্ত, আশ্রয়দাতা এবং উন্নতির মূল বলিয়া কথিত হইয়াছেন।

মৌর্য চন্দ্রগুপ্তের সময়ে সমগ্র প্রাচ্য প্রদেশ তাঁহার শাসনাধীন হইয়াছিল; কিন্তু তাঁহার সময়ে বৈদিক কৰ্মকাণ্ড অথবা জ্ঞানকাণ্ডের এবং বর্ণাশ্রমধর্মের বিশেষ পরিবর্তন ঘটে নাই। পৌরাণিক দেবদেবীর পূজাচর্চা ও রীতিনীতি প্রচলিত ছিল। তাঁহার মহান্দ্রী মহান্দি কোটিল্য তাঁহারই সাম্রাজ্যের অশাসনের নিমিত্ত “অর্থশাস্ত্র” নামে যে মহাগ্রন্থ প্রণয়ন করিয়া গিয়াছেন, তাহা পাঠ করিলেই আমাদের কণার যথার্থ্য বৃদ্ধিতে পারা যাইবে। মহান্দি কোটিল্য তাঁহার গ্রন্থে ব্রাহ্মণ, ক্ষত্রিয়, বৈশ্য এবং শূদ্র এই চারিবর্ণ এবং তাঁহাদের বৃত্তির ব্যবস্থা করিয়াছেন। ব্রাহ্মণের পক্ষে অধ্যয়ন এবং অধ্যাপনাদি ষট্‌কর্ম, ক্ষত্রিয়ের পক্ষে অধ্যয়ন, দান, যজ্ঞ, লোকরক্ষা এবং যুদ্ধ, বৈশ্যের পক্ষেও অধ্যয়ন, দান, যজ্ঞ এবং কৃষি, গোরক্ষা ও বাণিজ্য আর শূদ্রের পক্ষে বিজ্ঞাতির সেবা, কৃষি গোরক্ষা, বাণিজ্য এবং কারু-কুশীলবকর্ম (শিল্পী এবং নটের বৃত্তি) ব্যবস্থা করিয়াছেন। বর্ণধর্মের পরই তিনি গৃহী, ব্রহ্মচারী, বানপ্রস্থ এবং পরিব্রাজক এই চারি আশ্রমের বর্ণনা করিয়া রাজাকে এই বর্ণাশ্রমধর্ম রীতিনীতি রক্ষা করিবার উপদেশ দিয়াছেন (২)। উক্ত ব্যবস্থা হইতে দেখিতে পাওয়া যায় যে, কোটিল্য শূদ্রবর্ণের জন্য অনেকগুলি বৈশ্য-বৃত্তির ব্যবস্থা করিয়াছেন; নতুবা তাঁহার অন্যান্য ব্যবস্থা প্রায়ই মধ্যাধি ধর্মশাস্ত্রের অঙ্গুগত দেখিতে পাওয়া যায়।

চন্দ্রগুপ্তের পর তাঁহার পৌত্র মহারাজ অশোকের সাম্রাজ্যে বৌদ্ধসংঘ অথবা বৌদ্ধ সম্প্রদায়ের উন্নতি হইলেও বেদাচারের লোপ হয় নাই। “অশোকাবদান” গ্রন্থে দেখিতে পাওয়া যায় যে তিনি স্বকীয় প্রণয়িনী রাজ্ঞী তিসা-রক্ষিতাকে সন্মোদন করিয়া বলিয়াছিলেন, “দেবি, অহং ক্ষত্রিয়ঃ কথং পলাশুং ভক্ষয়ামি” (৩)? তাঁহার প্রচারিত অশুশাসনের মধ্যেও ব্রাহ্মণ এবং শ্রমণের

(২) Arthashastra, Book I, Chapter III, (English Version).

(৩) গল্পটি এই, এক সময়ে রাজার উদরের মধ্যে ফোটার উদ্ভব হইয়াছিল। রাজ্ঞী তিসা-রক্ষিতা আত্মবিদ্যার বিহীন ছিলেন। তিনি রাজাকে ঔষধ হিসাবে পেরাজের রস খাইতে বলেন; তাহাতেই রাজা মমূর অশুশাসন স্বরণ করিয়া আপত্তি তুলেন, “দেবি, আমি ক্ষত্রিয়, কেমন করিয়া পেরাজ খাইব?” (মমূসংহিতার প্রথম অধ্যায়ে এই নিবেদ আছে।)

সমান সম্মান এবং বর্ণাশ্রমধর্ম রক্ষার সুব্যবস্থা আছে। হিংসাবহুল যজ্ঞের প্রাচুর্য না থাকিলেও তাঁহার দ্বারা বেদপন্থী বর্ণাশ্রমধর্মিগণের কোন হানি হয় নাই অথবা ব্রাহ্মণদিগের বিরুদ্ধেও কোনরূপ কার্য সাধিত হয় নাই। মৌর্য-সাম্রাজ্যের পতনের পর, শুঙ্গরাজ্যগণের রাজত্বকালে ব্রাহ্মণদিগের মর্যাদার বৃদ্ধি এবং বেদবিহিত যজ্ঞাদির বহুল প্রচার হইয়াছিল, এমন কি শুঙ্গরাজ্যগণ অশ্বমেধ যজ্ঞের ও অনুষ্ঠান করিতেন। শুঙ্গরাজ্যগণের পর কাথগোত্রীয় ব্রাহ্মণ রাজ্যগণের এবং তাঁহাদের পরবর্তী অথবা সমসাময়িক অন্ধ্রবংশীয় শাতবাহন রাজ্যগণের সময়েও বেদাচার ও বর্ণাশ্রমধর্মের কোন হ্রাস হয় নাই। অন্ধ্রগণের পতনের পর আর্যাবতে কিছুকাল রাজ-বিপ্লব ঘটিয়াছিল। এই বিপ্লবের পরে মগধের গুপ্তনাথগণের অভ্যুদয় কাল। এই বংশের সমুদ্রগুপ্ত, দ্বিতীয় চন্দ্রগুপ্ত (বিক্রমাদিত্য উপাধিশূক্ল) এবং প্রথম কুমারগুপ্ত বিশেষ তেজস্বী সম্রাট ছিলেন। তাঁহারা বৈদিক অশ্বমেধ যজ্ঞের অনুষ্ঠান হইতে পৌরাণিক এবং তান্ত্রিক নানাবিধ দেবদেবীর পূজাচর্চা করিতেন। গুপ্তরাজ্যগণের সমসাময়িক লিপি হইতে জানিতে পারা যায় যে, তাঁহাদের সময়ে শিব, শক্তি, কুমার, সূর্য এবং গণেশাদি দেবদেবীর মূর্তিপূজা খুব চলিত। দ্বিতীয় চন্দ্রগুপ্তের সময়েই (খৃষ্টীয় পঞ্চম শতাব্দীর প্রারম্ভে চৈনিক পরিব্রাজক ফা-হিযান ভারতে আগমন করিয়াছিলেন। তাঁহার ভ্রমণ-বৃত্তান্ত হইতে এইমাত্র জানিতে পারা যায় যে, দেশের নানাস্থানে সে সময়ে এ দেশের অন্যান্য সম্প্রদায়ের মত বৌদ্ধ-সম্প্রদায়েরও মঠ এবং মন্দিরাদি ছিল। “বৌদ্ধ-বিপ্লবের” কোন প্রমাণ এ পর্যন্তও পাওয়া যায় না। জ্যোতিঃশাস্ত্র-নিষ্ণাত বরাহমিহির তৎকৃত বৃহৎ-সংহিতা গ্রন্থের “প্রতিষ্ঠাপন” প্রবন্ধে লিখিয়াছেন,—

“বিষ্ণোর্ভগবত নৃ মগাংশ্চ সনিতুঃ শাস্ত্রাঃ সতস্মিৎস্বতনু

মাতৃণামপি মাতৃমণ্ডঃ বিদো বিপ্রান্ বিদুর্ভ্রমণঃ ।

শাক্যান্ সর্বাহিতস্য শাস্ত্রমনসো ন্যান্ জিনানাং বিদুঃ

যে যঃ দেবমুপাশ্রিতঃ স্বনিধিনৈঃ স্তস্য কার্যক্রিয়া ॥” ১৯ ॥

অর্থাৎ কোন্ সম্প্রদায়ের ব্রাহ্মণ কর্তৃক কোন্ দেবমূর্তির প্রতিষ্ঠা করাইতে হইবে তৎসম্বন্ধে বরাহ-মিহির ব্যবস্থা দিয়াছেন,—

দেবমূর্তি—		সম্প্রদায়—	
(১)	শিষ্ণুমূর্তি	ভাগবত সম্প্রদায়,	
(২)	সূর্যমূর্তি	হগ বা শাকদীপায় সম্প্রদায়,	
(৩)	শিবমূর্তি বা (শিঙ্গমূর্তি)	ভাস্কর বা শৈব সম্প্রদায়,	
(৪)	শক্তি বা গাতুমূর্তি	শাক্ত সম্প্রদায়,	
(৫)	ব্রহ্মারমূর্তি	ব্রাহ্মণ সম্প্রদায়,	
(৬)	বুদ্ধমূর্তি	শাক্য সম্প্রদায়,	
(৭)	জিনমূর্তি	নগ্ন সম্প্রদায় ;	

অর্থাৎ,—যাঁহারা যে যে মূর্তির উপাসক তাঁহাদের দ্বারা নিজ নিজ বিধিব্যবস্থানুসারে সেই সেই মূর্তির প্রতিষ্ঠা করাইতে হইবে ।

কাশ্মীরের ইতিহাস রাক্ষ-তরঙ্গিণী গ্রন্থ পাঠে জানিতে পারা যায়, যে, এ কালের রাজা অথবা জমিদারেরা যেমন শিব, দুর্গা, কালী এবং বৃষ্ণ ইত্যাদি দেবদেবীর শ্রীমূর্তি স্থাপন করিতেছেন,— সে কালে কাশ্মীরের রাজা, রাণী এবং কুমারেরা ও তদনুশীল্য শিষ্ণুমূর্তি, শিবমূর্তি এবং বুদ্ধমূর্তি ও বৌদ্ধ-বিহারের প্রতিষ্ঠা করিতেন । বৌদ্ধ-সম্প্রদায় এবং জৈন-সম্প্রদায়ের দেবদেবীগণ সাধারণের নিকট অন্যান্য দেবদেবী অপেক্ষা কম সম্মান পাইতেন না । বরাহ-মিহির ও প্রাচীন পদ্ধতির অনুসরণ এবং সমসাময়িক আচার রক্ষা করিরাই উক্ত রূপ ব্যবস্থা দিয়াছেন (৪) ।

(৪) যুরোপীয় পণ্ডিতবর্গ এবং এতদেশীয় অনেক পণ্ডিতের মতে বরাহ-মিহির খৃষ্টীয় দশ শতাব্দির মধ্যভাগে বিদ্যমান ছিলেন । আনাদের মতে তিনি খৃষ্টাব্দ আরম্ভ হইবার ৪০৫০ বৎসর পূর্বে কবি কালিদাসাদির স্মৃতি মহারাজ বিক্রমাধিত্যের নবরত্নের একতম রত্নরূপে শোভা পাইতেন ।

কৌটিল্য বা চাণক্য নগর-নির্মাণ-ব্যবস্থা সম্বন্ধে লিখিয়াছেন যে, নগরের মধ্যভাগে অপরাঙ্কিত, অপ্রতিহত, জরস্তু, বৈজরস্তু, শিব, বৈশ্রবণ, অশ্বিনয়র এবং মদিরা দেবীর আয়তন নির্মাণ করিতে হইবে (৫) ।

বর্তমান প্রস্তাবের গত সংখ্যায় উক্তর এবং পূর্ববন্ধে প্রাপ্ত গুপ্তকালের যে কয়েকপানি তাম্র-শাসনের উল্লেখ করিয়াছি, তাহাদের আলোচনা হইতে বৃষ্টিতে পারা যাইবে যে, গুপ্তরাজদিগের সময়ে বাঙ্গালানেশ সাম্রাজ্যের সাক্ষাৎ শাসনাধীন ছিল এবং এদেশে দেব দেবীর মন্দিরের এবং বৈদিক ব্রাহ্মণের অভাব ছিল না ।

নগরের গুপ্তরাজগণ বৈদিক, পৌরাণিক এবং তান্ত্রিক ধর্মের অঙ্গুগত এবং ভক্ত হইলেও শৌক-সম্প্রদায়ের শত্রু ছিলেন না । যুরোপের মধ্যযুগে খৃষ্টান্ ধর্মাবলম্বিগণের মধ্যে সম্প্রদায়-কলহের যেরূপ শোচনীয় ঘটনার কথা আমরা পড়িয়া থাকি, তাহা মনে করিলে একথা বেশ দৃঢ়তার সহিত বলা যাইতে পারে যে, আর্ধ্যাবর্ত্তে কখনও সেরূপ সর্কনাশকর সম্প্রদায়-কলহের উদ্ভব হয় নাই । দক্ষিণাপথে কখনও কখনও শৈব, শ্মার্ক্ত, লিঙ্গায়ত, জৈন এবং বৈষ্ণব বা ভাগবত প্রভৃতি সম্প্রদায়ের মধ্যে কলহের কথা শুনিতে পাওয়া যায় দটে, কিন্তু যুরোপীয় কলহের সহিত তাহাদের তুলনা হয় না । কলহের কথা দূরে থাকুক আর্ধ্যাবর্ত্তের নরপতিবৃন্দ সকল সময়েই প্রায় সকল ধর্মসম্প্রদায়েরই সমান আদর করিয়াছেন । নারায়ণ অগদ্বিখ্যাত মহা-বিহার নগরের গুপ্তরাজগণের দানেরই পরিচয় প্রদান করিত ।

গুপ্তরাজগণের পতনের পর হর্ষবর্ধনের অভ্যুদয় । যুরোপীয় পণ্ডিতবর্গ চৈনিক ভ্রমণকারী হোয়েনসাঙ্গের গ্রন্থ পাঠ করিয়া হর্ষের সম্বন্ধে যে ধারণা করিয়াছেন তাহা একদেশদর্শিনী হইয়াছে বলিয়াই বোধ হয় । হর্ষবর্ধনের বন্ধু, সভাসদ এবং রাজকবি পণ্ডিতরাজ এবং কবিকুলেশিরোমণি বাণভট্ট-প্রণীত “হর্ষচরিত” পাঠ করিলে হর্ষকে বেদাচার বা ব্রাহ্মণ বিরোধী “গোড়া বৌদ্ধ” বলিয়া বুঝা যায় না । হর্ষের পূর্বজগণ যেরূপ সূর্য্য এবং শিব-শক্তির ভক্ত ছিলেন, হর্ষকেও তদ্রূপ বলিয়াই মনে হয় । তিনি “শিবাক্ষ” (শিবমূর্ত্তিচিহ্নিত) স্বর্ণনুদ্রার প্রচার করিয়াছিলেন এবং কোনস্থলেই পিতৃ-পিতামহগণের গৃহীত মতের প্রতিকূলতাচরণ করেন নাই । তাঁহার সভাসদ

বাণভট্ট নিষ্ঠাবান্ ব্রাহ্মণকুলে জন্ম পরিগ্রহ করিয়াছিলেন। তিনি বৈদিক সদাচার সম্পূর্ণরূপে রক্ষা করিয়া চলিতেন দেখিতে পাওয়া যায়। হর্ষের ভগিনীপতি কম্বোজরাজ মৌখরি গ্রহবন্দী বরং বৌদ্ধ সাধু দিবাকর মিত্রের ভক্ত ছিলেন। এই দিবাকর মিত্রের আশ্রম বর্ণনা পাঠ করিলেও দেখিতে পাওয়া যায় যে, তিনি প্রকৃতই সমদর্শী শাস্ত্রননাঃ সাধু পুরুষ ছিলেন এবং তাঁহার আশ্রম সর্ব সম্প্রদায়ের সাধুর চরণরেণুতে পবিত্র হইত। হোয়েহু-সাম্রাজ্যের বর্ণনা হইতে এইমাত্র বোধ হয় যে, সম্রাট হর্ষ বৌদ্ধ-সম্প্রদায়ের দেব দেবী এবং সাধু সন্ন্যাসীকেও যথোচিত ভক্তি করিতেন। হোয়েহু-সাম্রাজ্যও একথা স্বীকার করিয়াছেন যে, হর্ষের দান ব্রাহ্মণ শ্রমণাদি সর্বসম্প্রদায়ের সাধুগণ সমানভাবে প্রাপ্ত হইতেন। শিব-শক্তির পরমভক্ত ভগদত্তবংশজ কামরূপরাজ কুমার ভাস্কর বর্মী হর্ষের মিত্র ছিলেন (৬)। হর্ষবর্ধনের সময়ে গৌড় বঙ্গে মহাপ্রতাপী শূদ্রাঙ্ক নরেন্দ্রগুপ্তদেব রাজত্ব করিতেছিলেন। তিনি শিব-শক্তি এবং সূর্যের উপাসক ছিলেন এবং যুরোপীয় পণ্ডিতেরা তাঁহাকে বিষম বৌদ্ধ-শত্রুরূপে বর্ণনা করিয়া গিয়াছেন। শাকদ্বীপীয় ব্রাহ্মণগণের কুলক্রমাগত প্রবাদানুসারে গৌড়পতি মহারাজ শশাঙ্কই গৌড়বঙ্গে সূর্য-মূর্তির প্রথম প্রতিষ্ঠাতা এবং তিনিই সূর্য-মূর্তির প্রতিষ্ঠা এবং সেবার্চনার নিমিত্ত অযোধ্যাদি প্রদেশ হইতে সূর্য-পূজক মগ অথবা শাকদ্বীপীয় ব্রাহ্মণগণকে গৌড়মণ্ডলে আনয়ন করিয়াছিলেন (৭)। এই গৌড়পতি মহারাজ শশাঙ্ক হর্ষবর্ধনের জ্যেষ্ঠ রাজ্যবর্ধনকে সংহার করিয়াছিলেন বলিয়া বাণভট্ট হর্ষচরিতে অভিযোগ করিয়া গিয়াছেন। হর্ষ কামরূপপতির সহিত সন্ধিবদ্ধ হইয়া

(৬) চৈনিক শ্রমণ হোয়েহুসাম্রাজ্য ভাস্করবর্মীকে ব্রাহ্মণ বলিয়াছেন। ইহা তাঁহার ভুল। বর্মী মহাভারতবিখ্যাত মহাবীর ভগদত্তের বংশধর স্মৃতরাং ক্ষত্রিয় ছিলেন। হোয়েহু-সাম্রাজ্যও অনেক ভুল অনেক করিয়াছেন।

(৭) এই শ্রেণীর ব্রাহ্মণের ইতিহাস প্রকৃতই অনুসন্ধানের যোগ্য। বাঙ্গালার হিন্দুসমাজে তাঁহাদের অবস্থাবিপর্যয়ের কারণ যে কি, তাহা স্থির করা হুকুহ। যদি কোন বিজ্ঞ পাঠক দয়া করিয়া এই রহস্যের উন্মোচন করেন, তাহা হইলে আনাদের সামাজিক ইতিহাসানুশীলন অনেকটা সার্থক হয়।

শলাকে পরাস্ত করিলেও তাঁহার বিনাশ করিতে পারেন নাই, তাহা পূর্বেই আমরা লিখিয়াছি। তাহাই হউক, হর্ষবর্ধন-সম্রাটের সময়েও গৌড়মণ্ডলে কোনরূপ “বৌদ্ধ-বিপ্লব” ঘটাইয়াছিল এরূপ প্রমাণ পাওয়া যায় নাই।

পৌরাণিক এবং তান্ত্রিক দেবদেবীর প্রতিমা-পূজা কতকাল হইতে এদেশে প্রচলিত হইয়াছে, তাহা কে বলিবে? কোটিলোর অর্থশাস্ত্রে যে খৃষ্টপূর্ব চতুর্থ শতাব্দীতে প্রচলিত ছিল, তাহা এখন সকল পণ্ডিতই স্বীকার করিয়াছেন। এই অর্থশাস্ত্রেও ইতিহাস-পুরাণকে বেদের সহিত সমান সম্মান দেওয়া হইয়াছে,—আমাদের সমুদায় আশুশাস্ত্রেও ঠিক তাহাই আছে। গত শতাব্দীর শেষ-পাদেও যুরোপীয় পণ্ডিতগণের তথাকথিত আবিষ্কারের ভয়ে স্বর্গগত রাজা রাজেন্দ্রনাথ বিজয় মহাশয় শ্রীশ্রীকালীমাতা ঠাকুরাণীর প্রতিমা-পূজাকে ধর্মীয় নবম শতাব্দীর অপেক্ষা পুরাতন বলিতে সাহস করেন নাই। যদিও তখন অনেক তথ্য আবিষ্কৃত হয় নাই, তথাচ তিনি ময়ূ ও যাজ্ঞবল্ক্যাদির স্মৃতি, রামায়ণ-মহাভারত এবং মহাপুরাণগ্রন্থাবলী, গুণাচ্যোর বৃহৎ কথার অনুবাদ কথাসরিৎসাগর, মুচ্ছকটিক নাটক, দশকুমারচরিত, কাদম্বরী প্রভৃতি শত শত সংস্কৃত সাহিত্য-কাণ্ডের উজ্জ্বল জ্যোতিষ্কের আলোকে যুরোপীয় এই অন্ধকার দূর করিতে পারিতেন। আজকাল ত যুরোপীয় পৌরাণিক রূপসন্ সাহেব স্বয়ংই পুরাণের প্রাচীনত্বের সাক্ষররূপে দণ্ডায়মান হইয়াছেন। বায়ু এবং মৎস্যাদি মহাপুরাণ ও রামায়ণ-মহাভারত যে খৃষ্টের আবির্ভাবের অনেক পূর্বেই শাস্ত্রের মর্যাদা লাভ করিয়াছিল, তাহা লইয়া এখন আর বিচারের কচ্কচি করিবার প্রয়োজন নাই। গুপ্তরাজগণের সমসাময়িক লিপির সাহায্যেও প্রতিমা-পূজার প্রাচীনত্ব প্রমাণিত হইয়াছে, আর ভারতীয় প্রত্নতত্ত্ব বিভাগের কম'ঠ কম'চারিবৃন্দের কল্যাণে গুপ্তকালের কয়েকটা মন্দির ভারতের নানা স্থানে আবিষ্কৃত হওয়ার এ সম্বন্ধে কোন সন্দেহই থাকিতে পারে না। পুণ্ড্রবর্ধনে পাটলাদেবী, কোকামুখ স্বামী, খেতবরাহ স্বামী, কার্তিকেয়, বাগীশ্বরী প্রভৃতি দেবদেবীর মূর্তি এবং মন্দিরের অস্তিত্বের ঐতিহাসিক প্রমাণ পাওয়া গিয়াছে। বৈদিক, পৌরাণিক এবং তান্ত্রিক দেবদেবীর শত সহস্র মূর্তি ব্যতীত গৌড়মণ্ডল জৈন এবং বৌদ্ধসম্প্রদায়ের বহু সংখ্যক মূর্তি, মন্দির, মঠ বা বিহার দ্বারা অলঙ্কৃত হইয়াছিল। নানাবিধ-ধর্মসম্প্রদায়ের ভক্ত গৃহস্থ নরনারী এবং বিরক্ত সন্ন্যাসী এবং সন্ন্যাসিনীগণের ধর্মনিষ্ঠতার পুণ্যফলে দেশ দত্ত এবং বরেন্দ্র

হইয়াছিল, কিন্তু খৃষ্টীয় সপ্তম শতাব্দী পর্যন্ত দেশে বৌদ্ধ অথবা অন্য কোন “ধর্ম বিপ্লবের” অভ্যুদয় হয় নাই।

ইটালিক ভ্রমণ হোয়েম্-সঙ্গ (য়োয়ান-চাঙ্গ) প্রকৃতই একজন পুণ্যশ্লোক ধর্মপ্রাপ কৃতীপুরুষ। সত্ৰাট হর্ষের সময়ে তিনি ভারতখণ্ডে আসিয়া অনেক দিন এদেশে বাস করিয়াছিলেন এবং এ দেশের সংস্কৃত এবং প্রাকৃত ভাষা শিখিয়া বহু অভিজ্ঞতা অর্জন এবং বহুসংখ্যক বৌদ্ধসম্প্রদায়ের পুঁথি সংগ্রহ করিয়া দেশে ফিরিয়া অমর যশের অধিকারী হইয়াছিলেন। ইংরেজী, ফরাসী এবং অন্যান্য যুরোপীয় ভাষায় তাঁহার ভ্রমণের ইতিবৃত্ত এবং জীবনী অনূদিত হইয়া প্রচারিত হইয়াছে। ভরু বৌদ্ধের চক্ষুতে ভারতখণ্ড বৌদ্ধ সম্প্রদায়ের প্রভাবে পরিপূরিত বলিয়া প্রতিভাত হইয়াছিল এবং উজ্জ্বল্য তাঁহার সঙ্কলিত বৃত্তান্ত অনেকটা পক্ষপাত-যুক্ত হওয়ার সম্ভাবনা। তথাপি, তাঁহার গ্রন্থে গৌড়মণ্ডলের তাত্‌কালীন ধর্ম-সম্প্রদায়ের কিরূপ পরিচয় পাওয়া যায় তাহা দেখা উচিত। সেই জন্য, আমরা যথাসম্ভব সংক্ষিপ্তভাবে, তাঁহার প্রদত্ত পরিচয়ের আভাস প্রদান করিতেছি।

প্রদেশের নাম।

১। মগধ, (বৈশালীর দক্ষিণে, গঙ্গার অপর পারে অবস্থিত। প্রাচীন রাজধানী রাজগৃহ,—নূতন পাটলিপুত্র।)

২। হিরণ্যপর্বত (মুন্দের)। রাজধানী প্রদাতীয়ে অবস্থিত।

বিবরণ।

রাজার নাম দেওয়া হয় নাই। অধিবাসিগণ সত্যানষ্ঠ, বিদ্যোৎসাহী এবং বৌদ্ধসম্প্রদায়ের প্রতি ভক্তিমান। গয়াতে গয়-ঋষির বংশধর এক সহস্র ব্রাহ্মণ পরিবার বাস করেন; তাঁহারা সকলেরই ভক্তি-ভাজন। রাজগৃহের পূর্বদিকে নালন্দ-বিশ্ববিদ্যালয় অবস্থিত।

অল্পদিন পূর্বে প্রতিবেশী এক রাজার দ্বারা পূর্বনৃপতি রাজ্যচ্যুত হইয়াছেন। এই রাজ্যে (বা নগরে) ১০ দশটি বৌদ্ধমঠ এবং ২০ কুড়িটি দেব-মন্দির বিদ্যমান। রাজধানীর উপকণ্ঠস্থ পর্বতে বহুসংখ্যক ঋষির আশ্রম; দেবমন্দিরে তাঁহাদের উপদেশাবলী রক্ষিত হইতেছে।

৩। চম্পা (ভাগলপুর) ; রাজধানী
গঙ্গার দক্ষিণতীরে অবস্থিত । এই প্রদেশের
দক্ষিণদিকের জঙ্গলে বহু বন্যহস্তী আছে ।

৪। কঙ্কুগল (রাজমহল) ; চম্পার পূর্বে,
গঙ্গার দক্ষিণ তীরে অবস্থিত ।

৫। পুণ্ড্রবর্ধন (বরেন্দ্র) ; পূর্বদিকে,
গঙ্গার পর পারে ।

৬। কামরূপ (কোচবিহার হইতে
আসাম পর্য্যন্ত) ।

৭। সমতট (পূর্ব-দক্ষিণ বঙ্গ) ।

৮। তাম্রলিপ্তি (বর্তমান তমলুক) ;
সমুদ্রের একটি শাখার উপর অবস্থিত,—
এখানে স্থলপথ এবং জলপথের মিলন
স্থান ।

রাজার নাম দেওয়া হয় নাই ; বৌদ্ধমঠগুলি
ভয়দশায় পড়িয়া আছে । গঙ্গার দক্ষিণতীরের
নিকট (গঙ্গাবক্ষঃস্থ) একটি ক্ষুদ্র দ্বীপের উপর
অতি সুন্দর একটি দেবমন্দির আছে ।

পৃথক রাজা নাই,—অপর রাজার অধীন ;
৬ ছয়টি বৌদ্ধমঠ এবং ১০ দশটি দেবমন্দির
অবস্থিত ।

রাজার নাম দেওয়া হয় নাই ; ২০ কুড়িটি
বৌদ্ধমঠ এবং ১০০ একশত দেবমন্দির আছে ।
দিগম্বর নিগ্রহ (জৈন) সম্প্রদায় ভুক্ত অনেকে
আছেন ।

রাজা কুমার ভাস্করবর্মী । অধিবাসিগণ
ক্ষুদ্রকার ; বিভিন্ন (পুণ্ড্রবর্ধনের ভাষা হইতে)
ভাষা ব্যবহার করেন এবং বৌদ্ধ ধর্মে আস্থা
শূন্য । এই প্রদেশে শত শত দেবমন্দির
বর্তমান ; অল্প সংখ্যক বৌদ্ধ গোপনে
সম্প্রদায়িক উপাসনা করিয়া থাকেন ।

রাজার নাম দেওয়া নাই ; ৩০ ত্রিশটি বৌদ্ধমঠ
এবং ১০০ একশত দেবমন্দির আছে ।
দিগম্বর নিগ্রহ (জৈন) সম্প্রদায়ের অমুগামী
অত্যন্ত অনেক ।

রাজার নাম দেওয়া হয় নাই ; ১০ দশটি
বৌদ্ধমঠ এবং ৫০ পঞ্চাশটি দেব-মন্দির
বর্তমান ।

৯। কর্ণসুবর্ণ (মুরশিদাবাদ, রাঙ্গামাটা) ;
ভাগীরথীর তীরে ।

রাজার নাম শশাঙ্ক । অধিবাসিগণ বিদ্যা-
শিক্ষার অমুরক্ত । ১০টি বৌদ্ধমঠ এবং
৫০ পঞ্চাশটি দেবমন্দির বর্তমান । নানা
ধর্মসম্প্রদায়ের লোকে এখানে বসবাস করে ।

১০। উজ্জ্ব অথবা ওজ্জ (ওড়িশা) ।

রাজার নাম দেওয়া হয় নাই । অধিবাসিগণ
বৌদ্ধ সম্প্রদায়ের ভক্ত ; ভাষায় এবং আচার-
ব্যবহারে মধ্যদেশবাসিগণ হইতে পৃথক্ ।
১০০ একশত বৌদ্ধমঠ এবং ৫০ পঞ্চাশটি
দেবমন্দির বর্তমান । বৌদ্ধ-সম্প্রদায়-ভুক্ত
লোকের সংখ্যা অনেক ।

হোরেন্দু-সাজ বর্ণিত বিবরণ হইতে আমরা তাঁহার সমসাময়িক গোড়মণ্ডলের (পূর্বে কামরূপ
হইতে পশ্চিমে রাঢ় এবং বেহার এবং উত্তরে বরেন্দ্র হইতে দক্ষিণে দক্ষিণবঙ্গ এবং ওড়িশা পর্যন্ত
দেশের) যে অবস্থা দেখিতেছি, তাহাতে বাঙ্গালার কোন প্রদেশেই খৃষ্টীয় সপ্তম শতাব্দির মধ্যভাগেও
“বৌদ্ধ-বিপ্লবের” কোন চিহ্ন পাওয়া যাইতেছে না । কামরূপ-রাজ কুমার ভাস্করবর্মার হর্ষের মিত্র-
রাজ-স্বরূপে বুদ্ধ করিয়া গোড়পতি শশাঙ্ককে পরাস্ত এবং রাজ্যচ্যুত করিয়াছিলেন এবং
শশাঙ্ক অগত্যা দক্ষিণে স্কন্ধ, ওজ্জ এবং কোঙ্গদ প্রদেশে (রাঢ়, ওড়িশা এবং গঙ্গাম ইত্যাদি
নামে অধুনা পরিচিত প্রদেশে) গিয়া নিজ স্বাধীনতা রক্ষা করিয়াছিলেন, সে কথা
আমরা ইতঃপূর্বে বলিয়াছি । সেই রাজ-বিপ্লবের সময়ে শশাঙ্কের পূর্বরাজধানী কর্ণ-সুবর্ণ কুমার
ভাস্করবর্মার অধীন হইয়াছিল । পূজ্যপাদ বজ্রবর মহামহোপাধ্যায় পণ্ডিত শ্রীযুক্ত পদ্মনাথ
বিদ্যাসিনোদ এম-এ, মহাশয় ঢাকার “প্রতিভা” পত্রে কুমার ভাস্কর বর্মার একখানি তাম্র
শাসনের পাঠ প্রকাশ করিয়াছিলেন । ঐ শাসনপত্র দ্বারা রাজা ভাস্করবর্মার অনেকগুলি
বিদ্বান্ ব্রাহ্মণকে বহু ভূমি দান করিয়াছিলেন এবং উহা “কর্ণসুবর্ণ-সমাবাসিত জয়স্বর্গাবার”
হইতে প্রদত্ত হইয়াছিল (৮) । ভাস্করবর্মার পুরুষানুক্রমে শিব-শক্তির উপাসক ছিলেন ।
তাঁহার রাজ্যকালেও বঙ্গ-মণ্ডলে “বৌদ্ধ-বিপ্লব” ঘটবার কোন প্রমাণ নাই ।

(৮) হুঃখের বিবরণ, সম্প্রতি “প্রতিভা”র এই সংখ্যাখানি খুঁজিয়া পাইতেছি না ।

গুপ্তরাজবংশীয় নৃপতিগণের শাসন কালে এবং তাহার পরে শশাঙ্ক এবং ভাস্কর বর্মার রাজত্ব সময়ে গোড়মণ্ডলে অথবা বাক্সালা দেশে যে বেদ-বিদ্যা-পারগ, যাগযজ্ঞশীল এবং নিষ্ঠাবান্ বহু সংখ্যক ব্রাহ্মণ বাস করিতেন, তাহার ঐতিহাসিক প্রমাণ (তাম্রশাসনাদি হইতে) পাওয়া যাইতেছে । সপ্তম শতাব্দের শেষ ভাগ হইতে অষ্টম শতাব্দের মধ্যভাগ পর্যন্ত গোড়মণ্ডলের রাজনৈতিক ইতিহাস স্পষ্টভাবে অদ্যাপিও বুঝিতে পারা যায় নাই । বিখ্যাত ঐতিহাসিক ডাক্তার ভিল্লেট স্মিথ তাহার অক্সফোর্ড সংস্করণ ভারতের ইতিহাস গ্রন্থে আদিশূরের কাল ৭০০ খৃষ্টাব্দের কাছাকাছি বলিয়া মত প্রকাশ করিয়াছেন (৯) বটে, কিন্তু সে সম্বন্ধে কোন প্রমাণ উপস্থিত করেন নাই । রাঢ়ীয় ব্রাহ্মণগণের অধিকাংশের মতে আদিশূরের কাল ৯৯৯ শক বা ১০৭৭ খৃষ্টাব্দ (১০) । আদিশূরের কালনির্ণয়ের এই গোলোযোগের ভিতর প্রবেশ না করিয়া আমরা পাল-সাম্রাজ্য স্থাপনিতা গোপালদেবের সময় হইতে সামাজিক ইতিহাসের নূতন এক অধ্যায় আরম্ভ করিতে চাই । ভিল্লেট স্মিথের মতে খৃষ্টীয় ৭৫০ অব্দের কাছাকাছি এবং শ্রীযুক্ত রাখালদাস বন্দ্যোপাধ্যায়ের মতে ৭৮৫ হইতে ৭৯০ খৃষ্টাব্দের মধ্যে গোপালদেব গোড় রাজ্যে প্রজাবন্দ কতৃক নির্বাচিত হইয়াছিলেন ।

গোপালদেব হইতেই গোড়ের পালবংশের আরম্ভ হয় এবং তিনিও তাহার বংশধরগণ সকলেই বৌদ্ধ-সম্প্রদায়-ভুক্ত ছিলেন । চন্দ্রঘীপের রাজা পরমানন্দের সভাপণ্ডিত ঞ্জবানন্দ মিশ্র আদিশূরকে দরদ দেশাগত অশ্বঠ-কারস্থ-কুলোদ্ভূত (১১) এবং বৌদ্ধরাজ-বিজয়ী বলিয়াছেন । রাজ-তরঙ্গিনী-বর্ণিত মহারাজ জয়পীড়-বিনয়াদিত্যের খণ্ডর জয়ন্ত সম্ভবতঃ পালবংশ-প্রতিষ্ঠাতা গোপালের

(৯) Vincent A. Smiths' Oxford History of India, Latest Edition, p 185. গোপালের রাজ্যারম্ভের অঙ্কও এই পৃষ্ঠায় আছে ।

(১০) ক্রিষ্ণী বংশাবলী চরিত । ৬লালমোহন বিদ্যানিধি এবং ৬বর্ষিমচন্দ্র চট্টোপাধ্যায় মহাশয়দের মতে ৯৯৯ অঙ্ক শকাব্দের নহে, পরন্তু সংবতের ; তাহা হইলে ৯৯২ খৃষ্টাব্দ হয় ।

(১১) আর্ঘ্যাবতের পশ্চিম অংশে ষাট প্রকার কারস্থের মধ্যে অশ্বঠ কারস্থ এক প্রকার । এখনও তাহাদের অস্তিত্ব আছে । দরদদেশের আধুনিক নাম দার্দিস্তান (Dardistan) ; কাশ্মীরের উত্তর পশ্চিমে অবস্থিত ।

পূর্বগামী ছিলেন। এই জয়ন্তের রাজধানী পুণ্ড্রবর্ধনেই কল্লন-বর্ণিত কার্তিকেয়-মন্দির এবং অপরূপ রূপলাবণ্যবতী কলানিপুণা নতকী কমলার আলয় ছিল।

পাল-রাজগণ বৌদ্ধসম্প্রদায়-ভুক্ত থাকিলেও বিপ্লবকারী ছিলেন না। তাঁহারা বৈদিক বাগযজ্ঞে এবং পৌরাণিক দেবদেবীর পূজার্তনার পরম আস্থাবান্ এবং ব্রাহ্মণগণের বিশেষ ভক্ত ছিলেন। শান্তিল্য-গোত্রীয় বেদবিৎ এবং যাজ্ঞিক বীরদেব নামক ব্রাহ্মণের ছয় জন বংশধর ক্রমাধারে পালরাজগণের মন্ত্রিত্ব করিয়াছেন। মন্ত্রিশ্রেষ্ঠ গুরব মিশ্রের প্রতিষ্ঠিত বাদাল-গরুড়স্তম্ভে যে প্রশস্তি-কাব্য কোদিত আছে, তাহা হইতে নিম্নলিখিত রাজমন্ত্রী এবং রাজার নাম পাওয়া যায়, যথা—

ব্রাহ্মণ মন্ত্রী—

বীরদেব
|
পঞ্চাল
|
গর্গ
|
দর্ভপানি
|
সোমেশ্বর
|
কেদারমিশ্র
|
শ্রীগুরবমিশ্র

পালরাজা—

ধর্মপাল
|
দেবপাল
|
বিগ্রহপাল প্রথম
বা
শূরপাল
|
শ্রীনারায়ণপাল

এই ব্রাহ্মণ মন্ত্রীগণ যে নিষ্ঠাবান্ ছিলেন এবং তাঁহারা বৈদিক এবং পৌরাণিক (এবং তান্ত্রিক) বাগযজ্ঞ-ক্রিাদি করিতেন,—এই পালরাজগণ যে যজ্ঞশেষে ভক্তির সহিত সেই যজ্ঞের শাস্তিবারি গ্রহণ করিতেন, তাহা এই প্রশস্তি-কাব্যে স্পষ্ট উল্লিখিত হইয়াছে (১২)।

পালবংশের দ্বিতীয় নৃপতি দিগ্‌বিজয়ী সম্রাট-কল্প ধর্মপাল দেব তাঁহার মহাসামন্তা-ধিপতি শ্রীনারায়ণ বর্মার প্রার্থনামুসারে “শুভস্থলী” নামক স্থানে স্থাপিত ভগবান্ নন্দ-

(১২) দিনাজপুর জেলার বাদাল-প্রস্তর-লিপি। Epigraphica Indica Vol. II. pp 166—167 এবং গোড় লেখমালা, প্রথম স্তবক, ১৩ পৃষ্ঠা হইতে ১৯ পৃষ্ঠা।

নারায়ণ দেবের পূজোপস্থাপন জন্য গুণ্ডুবধন ভুক্তির অন্তঃপাতি চারিখানি গ্রাম দান করিয়াছিলেন (১৩) ।

এই বংশের তৃতীয় নরপতি দেবপাল দেব বেদার্থবিদ যজ্ঞা ভট্ট বিশ্বরাতের পৌত্র ঋগ্বেদী, ঔপন্যাসগোত্র ভট্টপ্রবর বীহেকরাত মিশ্রকে শ্রীনগর ভুক্তির অন্তঃপাতি একখানি গ্রাম দান করিয়াছিলেন (১৪) ।

এই বংশের পঞ্চম নরপতি নারায়ণপাল দেব তীরভুক্তির অন্তর্গত কলসপোত নামক স্থানে প্রতিষ্ঠিত সহস্রায়তন ভগবান্ শিব ভট্টারকেরও পাশুপত আচার্য-পরিষদের যথাহ পূজা-বলি-চক্র-সত্র-নব-কর্মাদির জন্য “মুকুতিকা” নামক গ্রামখানি দান করিয়াছিলেন (১৫) ।

এই বংশের নবম নৃপতি প্রথম মহীপাল দেব ভগবান্ বুদ্ধ ভট্টারককে উদ্দেশ করত বিষ্ণু সংক্রান্তির দিন বিধিবৎ গঙ্গাস্নান করিয়া পরাশর-সগোত্র শক্তি, বসিষ্ট এবং পরাশর প্রবরযুক্ত বজ্রবেদের বাজসনেয় শাখ্যাধারী চবটি গ্রাম নিবাসী মীমাংসা-ব্যাকরণ-তর্ক-বিদ্যাবিদ ভট্ট-পুত্র কৃষ্ণাদিত্য শর্মাকে গুণ্ডুবধন ভুক্তির অন্তর্গত “কুরটপল্লিকা” গ্রামখানি দান করিয়াছিলেন (১৬) ।

এই বংশের একাদশ নৃপতি তৃতীয় বিগ্রহপাল দেব শাণ্ডিল্যগোত্রীঃ শাণ্ডিল্য, অসিত ও দেবল প্রবরযুক্ত সামবেদী কোথুমশাখাধারী মীমাংসা-ব্যাকরণ-তর্ক-বিদ্যাবিৎ ক্রোড়কি বিনির্গত মংস্যাশাস বিনির্গত ছত্রাগ্রামবাস্তব্য বেদান্তবিৎ মহোপাধ্যায় অর্কদেবের পুত্র খোহল দেবশর্মাকে চন্দ্রগ্রহণ উপলক্ষে বিধিবৎ গঙ্গাস্নান করিয়া কোটাঁবর্ষ বিদগ্নে ভূমিদান করিয়াছিলেন (১৭) ।

(১৩) খালিমপুর-লিপি, উক্ত গোড় লেখমালা, ১১ পৃষ্ঠা হইতে ।

(১৪) মুন্সের-লিপি, উক্ত গোড় লেখমালা, ৩৫ পৃষ্ঠা হইতে ।

(১৫) ভাগলপুর-লিপি, উক্ত গোড় লেখমালা, ৫৬ পৃষ্ঠা হইতে ।

(১৬) বাগলপুর-লিপি, ঐ গোড় লেখমালা, ৯২ পৃষ্ঠা হইতে ।

(১৭) আমগাছি-লিপি, ঐ গোড় লেখমালা, ১২৩ পৃষ্ঠা হইতে । গোড় লেখমালার ব্রাহ্মণের নাম নাই,—তখন উহা পড়া যায় নাই । পরে শ্রীযুক্ত রাগালবাবু উহার পাঠ প্রকাশ করিয়াছেন ; (সাহিত্য পরিষৎ-পত্রিকা ১৩২৩ সাল, ২৩৩-২৩৯ পৃষ্ঠা) ।

এই বংশের সপ্তদশ নৃপতি মদনপাল দেবের পাঠ মহাদেবী চিত্রমতিকা দেবী বেদব্যাস প্রোকৃত মহাভারত-পাঠ শ্রবণ করত উক্ত পাঠ-কার্যের উৎসর্গ সম্পাদন করিতে চাহিলে রাজা জগবান্ বুদ্ধ ভট্টারককে উদ্দেশ করত কোংস-সগোত্র, শাণ্ডিলা, অসিত ও দেবল প্রবরযুক্ত, সামবেদান্তর্গত কৌথুমশাখাধারী চম্পাহিট্টীয় (চম্পটা গ্রামীণ?) চম্পাহিট্টী বাস্তব্য বৎস স্বামীর প্রপৌত্র, প্রজাপতি স্বামীর পৌত্র, শৌনক স্বামীর পুত্র পণ্ডিত ভট্ট পুত্র শ্রীবটেশ্বর স্বামিণমাকে পুত্রবর্ধন ভুক্তির অন্তর্গত, কোটিবর্ষ বিষয়ে, হলাবত মণ্ডলে,—ভূমি দান করিয়াছিলেন (১৮)।

আমরা এই কয়েকখানি শাসন-পত্রের পরিচয় পাইয়াছি ; এরূপ শাসন-পত্র দ্বারা ব্রাহ্মণকে ভূমি দানের যে কত শত নিদর্শন ছিল, তাহা কে বলিবে ? যে পালরাজগণ ব্রাহ্মণ মন্ত্রীর নিকট প্রণত হইতেন, যজ্ঞের শেষে তথায় গিয়া আশীর্বাদ এবং শাস্তিবারি গ্রহণ করিতেন, বিষ্ণু এবং শিবের মন্দির ও প্রতিমা প্রতিষ্ঠার নিমিত্ত গ্রাম দান করিতেন, বিধিবৎ কাম্য গঙ্গাস্নান করিয়া এবং বেদব্যাস-প্রোকৃত মহাভারত পাঠ শুনিয়া তাহার “প্রতিষ্ঠার্থ” গ্রাম এবং ভূমি দান করিতেন,—তাঁহারা কখনই ব্রাহ্মণের শত্রু ছিলেন না এবং তাঁহাদের সময়ে ব্রাহ্মণেরা দেশত্যাগ অথবা আচার-ত্যাগ করিতে বাধ্য হন নাই। যাঁহারা বিজয়সেন, বল্লালসেন, লক্ষ্মণসেন, মাধবসেন, কেশবসেন এবং বিশ্বরূপসেনের তাম্রশাসন পাঠ করিয়াছেন, তাঁহারা দেখিয়াছেন যে পালরাজগণের শাসনসমূহে বর্ণিত (দান গ্রহীতা) ব্রাহ্মণগণের গোত্র, কুল এবং বিদ্যাবত্তার পরিচয় সেনগাজগণের সমসাময়িক ব্রাহ্মণগণের তত্তৎ পরিচয় অপেক্ষা কোন অংশেই বিভিন্নরূপ নূন বা হীন নহে।

খৃষ্টীয় একাদশ শতাব্দের শেষে অথবা দ্বাদশ শতাব্দের আরম্ভ কালে পালবংশের ভাগ্য-বিপর্যয় এবং তৎ সময়ে সেনবংশের অভ্যুদয় ঘটয়াছিল বলিয়া ঐতিহাসিকগণ অবধারণ করিয়াছেন। অতি প্রাচীন কাল হইতে খৃষ্টীয় একাদশ শতাব্দের ইতিহাস পর্যালোচনা করিয়া বঙ্গমণ্ডলে “বৌদ্ধ-বিপ্লবের” কোন প্রমাণ পাওয়া গেল না। বাঙ্গলার ব্রাহ্মণগণের নূনতা অথবা তাঁহাদের বেদজ্ঞানের অভাবের কারণ বৌদ্ধ বিপ্লব নহে, ইহা স্বর্গত সাহিত্যিক শ্রেষ্ঠ বঙ্কিমচন্দ্র

(১৮) মনহসিলিপি, ঐ গোড় লেখমালা, ১৪৮ পৃষ্ঠা হইতে।

ট্রোপাধ্যায়ও স্বীকার করিয়াছেন (১৯) । আমাদের মতে, বঙ্গমণ্ডলে কোনও কালেই বিদ্যান্-
ব্রাহ্মণের অভাব ছিল না ;—অস্তুতঃ ইতিহাস যত প্রাচীন কালের সংবাদ দিতে সমর্থ, তত প্রাচীন
কাল হইতেই বঙ্গমণ্ডলে আর্ষাবতের অন্যান্য অংশের ন্যায় ব্রাহ্মণের প্রাচুর্য্য আছে । সে কথা
ক্রমশঃ বলিতে এবং বৃদ্ধিতে চেষ্টা করিব ।

ক্রমশঃ—

শ্রীঅখিলচন্দ্র ভারতীভূষণ ।

মাটির মায়া ।

সাথী যারা ছিল দূরে গেছে সব কখন কেমনে জানি,
যত বাথা পাই তত মনে হয় আরো কাছে টেনে আনি ;
বুঝেছি এখন অশ্রুসায়র জীবনের দুই কূলে—
কেন উঠে ছলে' ছলে' ;
অধারের বৃকে আলোর বাসনা কেন করে হানাহানি !
অন্তরে কঁাদে ক্রন্দসী মোর,—স্মৃতিস্বখ উথলায়,
নয়নের পাতে নেমে আসে ধীরে মরণের কালো ছায় ;
এই ধরণীর স্নেহ স্ননিবিড় মৃন্ময় কারাগারে—
ধরা পড়ি বারে বারে ;
মাটির মায়ায় ভুলে থাকি তবু হিয়া করে হায়, হায় !

শ্রীসরোজকুমাৰ সেন ।

অনন্তলাল ।

—:~:—

(পূর্ব প্রকাশিতের পর ।)

কি ভীষণ প্রভারণা, সংসার এমনও হয়—অনন্তলাল এত দিন যাহাকে জগতের শ্রেষ্ঠ ব্যক্তি মনে করিয়া ভক্তি করিয়া আসিতেছেন সেই স্বামীজিই এই কাজ ! যে ব্যক্তি একজন প্রভারককে সাক্ষাৎ বেদব্যাস বলিয়া তাঁহার নিকট পরিচিত করিতে এবং তাঁহাকে তাঁহার ইষ্টমন্ত্র ত্যাগ করাইয়া সেই প্রভারকের নিকট মন্ত্র গ্রহণ করাইতে পারিয়াছে—তাঁহার অসাধ্য কোন কাজই নাই । সেই স্বামীজীর সকল কথাই অশিখাশ্র । তাঁহার কথায় বিশ্বাস স্থাপন করিয়াই অনন্তলালের আশা হইয়াছিল যে সম্প্রতি সমস্ত সম্পত্তি নষ্ট হইয়া গেলেও ভবিষ্যতের জন্য যে প্রকৃত অর্থরাশি সঞ্চিত আছে তদ্বারা তাঁহার শেষদশা সুখে অতিবাহিত হইবে—সে আশাও এবারে সমূলে উন্মূলিত । তাঁহার ভবিষ্যৎ জীবনের চিত্র তাঁহার মানস-নয়নে উদ্ভিত হইয়া তাঁহাকে হতাশাগরে নিমজ্জিত করিল । অনন্তলালের আর কিছুই ভাল লাগিল না ; তিনি নির্জনে কাটাইবার জন্য, বাড়ীর ভিতর গমন করিলেন । “থিয়জফিষ্ট্” নামক একখান মাসিক পত্রিকা তাঁহার আসনে পড়িয়াছিল । যাইবার সময়ে সেখানি হাতে করিয়া লইয়া গেলেন ।

অন্দরে, নিজ শয়নকক্ষে উপবেশন পূর্বক, অন্যমনস্ক হইবার উদ্দেশ্যে অনন্তলাল উক্ত পত্রিকা-খানির মধ্যভাগে খুলিয়া পাঠ করিতে প্রবৃত্ত হইলেন না । পত্রিকা খুলিয়াই “Teachings of Buddha” অর্থাৎ বুদ্ধদেবের উপদেশ নামক একটি প্রবন্ধে তাঁহার দৃষ্টি পড়িল, এবং উহা পাঠ করিতে করিতে তাঁহার হৃদয় এক নূতন ভাবে পূর্ণ হইল । তিনি ভাবিতেছিলেন, বৌদ্ধ মতই অভ্রান্ত মত । এ মতে কোন দেবদেবীর উপাসনা, অথবা কোন দেবতার কৃপায় ভববন্ধন মোচন হয় এ বিশ্বাস নাই । বৌদ্ধেরা বলে, বৌদ্ধ-প্রবর্তিত ধর্মপথ অনুসরণ করিলে মনুষ্য আপনা হইতেই মুক্ত হইতে পারে, সেই জন্য কাহারও উপাসনার প্রয়োজন নাই । অনন্তলাল ভাবিলেন, এতদিন পর্য্যন্ত হিন্দুমতে উপাসনা জপ, ইত্যাদি অনেক করিলেন কিন্তু তাঁহার ফল কি হইল ?

অতএব এ সকলে কিছুই হয় না। হিন্দুধর্মের সাধুসন্ন্যাসী সকলেই প্রতারক, কাহারও কথা বিশ্বাসযোগ্য নহে। অগত্যা তিনি বৌদ্ধধর্ম অবলম্বনে জীবনের অবশিষ্ট কাল কাটাইবেন স্থির করিলেন।

পরদিবস প্রাতঃকালে তিনি গ্রামস্থ ব্রাহ্মণপণ্ডিত ডাকাইয়া, নীচজাতীয় স্ত্রীলোকের পক অন্নভোজনজনিত পাপের প্রায়শ্চিত্তের ব্যবস্থা করিলেন এবং স্বপ্তমনের জন্য যে সকল দ্রব্যের আয়োজন করিয়াছিলেন তাহা এই প্রায়শ্চিত্তে ব্যয় করিলেন।

বৈষয়িক কার্যের জন্য তাঁহাকে প্রতিনিয়তই কলিকাতায় যাইতে হইত। এই মহানগরীতে সকল ধর্মাবলম্বী লোকই অবস্থিতি করিয়া থাকে। তিনি তথায় তিব্বত, ব্রহ্মদেশ, সিংহল প্রভৃতি দেশবাসী বৌদ্ধদিগের সহিত পরিচয় করিতে লাগিলেন এবং তাঁহার পুস্তকাগার হইতে বৌদ্ধগ্রন্থ সকল লইয়া পাঠ করিতে আরম্ভ করিলেন।

ইংরাজ পণ্ডিতেরা বৌদ্ধধর্ম সম্বন্ধে যে সকল গ্রন্থ প্রণয়ন করিয়াছেন তন্মধ্যে তাঁহারা প্রতিপন্ন করিতে চেষ্টা করিয়াছেন যে, হিন্দুদিগের অধিকাংশ ধর্মগ্রন্থ বুদ্ধদেবের জন্মের পর এবং অনেক স্থলে তাঁহার মত অবলম্বন করিয়া রচিত হইয়াছে। ঐ সকল গ্রন্থ পাঠে ক্রমে অনন্তলালেরও দৃঢ় বিশ্বাস হইল যে, হিন্দুরা অনেক বহুমূল্য তত্ত্বকথা বৌদ্ধদিগের নিকট হইতে লইয়া তাঁহাদের শাস্ত্র-মধ্যে সন্নিবেশিত করিয়াছেন। আধুনিক হিন্দুধর্ম বৌদ্ধধর্মের নিকট বহুল পরিমাণে ঋণী। কেবল এ বিষয়ে নহে, তিনি যখনই স্মলেকক রচিত কোন গ্রন্থ পাঠ করিতেন, তখন সেই গ্রন্থোক্ত যুক্তি ও মীমাংসা কিছুদিন পর্যন্ত তাঁর হৃদয়ে একাধিপত্য বিস্তার করিত। সেই গ্রন্থ হিন্দু, মুসলমান, খৃষ্টান বা যে কোনও ধর্মাম্বুদিত হউক তাহাতে তাঁহার আপত্তি হইত না— ইহা তাঁহার স্বভাব।

এখন তাঁহার সম্মুখে কেহ যদি হিন্দুধর্মগ্রন্থ হইতে, উচ্চভাব সম্বলিত কোন কথার উল্লেখ করিত, তাহা হইলে তিনি বলিয়া উঠিতেন “ওগো, ও সব বৌদ্ধ গ্রন্থ হইতে হিন্দুদের চুরি করা।”

প্রকৃত বৌদ্ধধর্ম পাণ্ডিত্যে পরিপূর্ণ। উহা দর্শন শাস্ত্রের নানাস্তর মাত্র, সহজে বোধগম্য হইবার বিষয় নহে। অনন্তলালের সভাসদ বিপিন বাবুর তাদৃশ পাণ্ডিত্য ছিল না। তথাপি

তিনি বুঝিয়াছিলেন যে হিন্দুধর্মের ন্যায় এ ধর্ম কোন দেবদেবীর উপাসনা করিতে হয় না। এসম্বন্ধে অনন্তলাল কোন কথাই উল্লেখ করিলে, তিনি কখন কখন বলিতেন “বাবু, আপনার মুখে শুনে এ ধর্ম আমারও বড় ভাল লাগছে। আনাদের হিন্দুধর্মের আছে কেবল গেঁজেলি আর ভণ্ডামী।”

হরিশ সাহা এ সম্বন্ধে কোন কথাই বলিত না। বৌদ্ধ ধর্ম বাঁড় কি শালিখ পাখী সে তাহা কিছুই বুঝিত না। সুতরাং এ সম্বন্ধে কোন কথা না বলিয়া চক্ষু মুদ্রিত করিয়া, মালা জুপে প্রবৃত্ত হইত।

** **
**

অনন্তলালের আর্থিক অবস্থা যতই মন্দ হউক না কেন, অভাব তাহা বুঝিত না। সর্বদাই তাঁহার অর্থের প্রয়োজন হইত। কিন্তু আজ কাল দেশে ঋণ প্রাপ্তির তাদৃশ আশা নাই দেখিয়া তিনি বিদেশস্থ ধনাঢ্য বাঙ্গালীদিগের নিকট উহার চেষ্টা করিতে আরম্ভ করিলেন। দেশস্থ অথবা প্রবাসী বাঙ্গালী ভদ্রলোকদিগের অনেকেই রতনপুরের বাবুদিগকে জানিতেন। সুতরাং তিনি এ বিষয়ে প্রথম প্রথম বেশ কৃতকার্য হইতে লাগিলেন। সম্প্রতি কাশী হইতে একজন ধনবান বাঙ্গালী কলিকাতায় আগমন করিয়াছিলেন। এই ব্যক্তির সহিত অনন্তলালের পিতার বন্ধুত্ব ছিল। অনন্তলাল একদিন তাঁহাকে নিমন্ত্রণ করিয়া রতনপুরে আনয়ন করিলেন, এবং আহাঙ্গাদির পর হরিশ তাঁহাকে নির্জনে লইয়া গিয়া, কিছু টাকা ঋণের প্রস্তাব করিল। অনন্তলালের শাচনীয় অবস্থা হইয়াছে শুনিয়া, সে ব্যক্তি দুঃখিত ও ঋণদানে সম্মত হইল। পরে উভয়ে গৃহমধ্যে যাইয়া উপবেশন করিল। তথায় অনেকগুলি লোক বসিয়া কথাবার্তা কহিতেছিলেন। এই ঋণ গ্রহণের প্রস্তাব পাছে প্রকাশ হইয়া পড়ে, এই ভয়ে অনন্তলাল হরিশের সহিত ঐ ব্যক্তিকে নির্জনে পাঠাইয়াছিলেন। কিন্তু তাঁহার এ সতর্কতা অবলম্বন সত্ত্বেও—কথা প্রকাশ হইয়া পড়িবার উপক্রম হইল। কারণ লোকটি তাঁহার পার্শ্বদেশে উপবেশন করিয়া বলিতে আরম্ভ করিল,—“আপনার এমন অবস্থা”—

অনন্তলাল দেখিলেন সব প্রকাশ হইয়া যায়, অমনি হঠাৎ লোকটির গলদেশে দেহল্যানান রক্তাক্তের মালার হস্ত প্রদান পূর্বক, তাঁহার কথার বাধা দিয়া, অপেক্ষাকৃত উচ্চৈঃস্বরে বলিয়া উঠিলেন, “আচ্ছা এ মালা আপনি কেথা থেকে কিনেছিলেন?”

সে ব্যক্তি অগত্যা নিজ প্রসঙ্গ পরিত্যাগ পূর্বক বলিল, “এ মালা কাশী থেকে নেওয়া। একটি কথা মনে পড়ল। কাশীতে আপনার গুরু এক স্বামীজী ছিলেন? আজ পাঁচ মাত দিন হবে তাঁর মৃত্যু হয়েছে।”

অনন্তলাল কাশীতে স্বামীজীকে পত্র অথবা মসিক পাঠান অনেক দিন হইতে বন্ধ করিয়াছিলেন। স্বামীজী প্রথমে কিছুদিন টাকার জন্য তাগাদা করিয়া, তাঁহাকে পুনঃ পুনঃ পত্র লিখিয়াছিলেন। শেষে তাঁহাকে বিশালার আশ্রমস্থ সুন্দরলালের, ওরফে শুকদেব গোস্বামীর, ওরফে বামুন ঠাকুরগের ওরফে কলুনাটত সনস্ত ব্যাপার লিখিয়া পাঠাইবার পর হইতে তিনি আর পত্রাদি লিখিতেন না। এক্ষণে হঠাৎ তাঁহার মৃত্যু সংবাদ শুনিয়া অনন্তলাল চমৎকৃত হইলেন। তিনি আগ্রহ সহিত জিজ্ঞাসা করিলেন, “কি হয়েছিল?”

ভদ্রলোকটি বলিলেন, “কলেরা।”

‘কলেরা!’ অনন্তলালের ধারণা ছিল যে, মহাত্মা কখনই কলেরা রোগে প্রাণ ত্যাগ করেন না। স্বামীজী যখন কলেরায় মারা গিয়াছেন, তখন তিনি যে মহাত্মা ছিলেন না, সে সম্বন্ধে আর সন্দেহ রহিল না। রীতিনীতি বৌদ্ধবলভুক্ত হইতে অনন্তলালের যাহা কিছু আপত্তি ছিল, এ সম্বাদে তাহা তিরোহিত হইল। তিনি স্থির করিলেন, এইবার কলিকাতায় যাইয়া যথারীতি বৌদ্ধ ধর্ম দীক্ষিত হইয়া আসিবেন। তাহাই হইল। তিনি একদিন কলিকাতায় যাইয়া, পাশ্চাত্য সভ্যতার আলোকিত জাপান নিবাসী একজন বৌদ্ধের নিকট, ঐ ধর্ম দীক্ষিত হইয়া আসিলেন।

এইরূপে এই বিশাল হিন্দুধর্ম কিছু না পাইয়া, অনন্তলাল ধর্মাস্তর গ্রহণ করিলেন।

এস্থলে একটি কথা উল্লেখ না করিলে, তাঁহার ধর্ম জীবনের এক প্রধান ঘটনা পাঠকের উজ্জাত থাকিয়া যায়। অতএব আমরা আনন্দে সন্তোষে তাহা নিম্নে লিপিবদ্ধ করিতে বাধ্য হইলাম।

ব্রজেন্দ্র রতনপুর যাইবার অথবা তাহার জন্ম হইবার অনেক পূর্বে, অনন্তলালের পিতার ভীষ্মশায় গঙ্গাতীরস্থ তাঁহাদের পুষ্পবাটিকায় কলিকাতার এক সম্ভ্রান্ত পাদরী সাহেব সন্ত্রীক আসিয়া, কিছুদিন অবস্থিতি করিয়াছিলেন। সাহেবের সহিত তাঁহার অবিবাহিতা স্বতী কন্যা

আসিয়াছিল। এই কন্যা অতীব রূপবতী। অনন্তলালও তখন অবিবাহিত যুবক। তিনি পাদ্রি ছহিতার রূপে মোহিত হইলেন এবং অধিকাংশ সময় পুষ্পবাটিকার এই ইংরাজ পরিবারের মধ্যে অতিবাহিত করিতে লাগিলেন। সাহেব তাঁহাকে বাইবেল পড়াইতে আরম্ভ করিলেন। সাহেব কলিকাতার এক প্রসিদ্ধ গির্জায় ধর্মযাজক ছিলেন। এই গির্জায় ধর্মোপদেশ দিতে প্রতি রবিবারে তাঁহাকে কলিকাতা যাইতে হইত তাঁহার সহিত অনন্তলালও গির্জায় যাইতে আরম্ভ করিলেন। ক্রমে এ সম্বন্ধে নানা জনে নানা কথা বলিতে লাগিল। শেষে পুত্রের জন্য পিতা উদ্বিগ্ন হইয়া উঠিলেন। একদিন তাঁহাকে নিকটে ডাকিয়া অনেক ভৎসনা করিলেন, এবং বলিয়া দিলেন যে, যদি তিনি খৃষ্টান ধর্ম গ্রহণ পূর্বক পাদ্রিকন্যা বিবাহ করিতে ইচ্ছা করেন, তাহাতে বিশেষ কোন আপত্তি নাই, তবে তাঁহাকে তাঁহার পৈত্রিক সম্পত্তির আশায় অলাঞ্জলি দিতে হইবে।

অনন্তলাল দেখিলেন, পিতার সম্পত্তি হইতে বঞ্চিত হইলে তাঁহার দাঁড়াইবার স্থান থাকে না। বিশেষতঃ কপর্দক শূন্য অবস্থায় মেম বিবাহ করিবার আশা আকাশকুসুম তুল্য অসম্ভব। পাদ্রি সাহেবের নিকট তাঁহার যে খাতির তাহাও তিনি বড়লোকের পুত্র বলিয়া, নতুবা সাহেব নিজ পরিবার মধ্যে তাঁহাকে অত প্রশ্রয় কখনই দিতেন না। পিতার সেই একদিনের ভৎসনার পাদ্রী কন্যার নেশা তাঁহার ছুটিয়া গেল, এবং সাহেবের নিকট যাওয়া বন্ধ হইল। ইহার অল্পদিন পরে সাহেবও সপরিবারে কলিকাতার প্রস্থান করিলেন।

দ্বাবিংশ পরিচ্ছেদ।

শিল্পিকুমারী কৈশোর অভিক্রম করিয়া ক্রমে যৌবনঃসীমার পদাপণ করিতেছে দেখিয়া অনন্তলাল তাহার বিবাহের জন্য সচেষ্ট হইলেন।

ব্রজেন্দ্র এ সংবাদে অধিক বিচলিত হইল না। সে বেশ জানিত যে শিল্পিরের দর্শন সুখ বা তাহার সহিত এ ঘনিষ্ঠতা অধিক দিন স্থায়ী হইবে না। তাহার বিবাহ হইলেই এ সুখ ফুরাইবে। অতএব বাহা অবশ্যস্বাভাবী, তাহার জন্য সে প্রস্তুত হইয়াছিল।

তাহার হৃদয় শিশিরের প্রতি অমুরাগে পূর্ণ এ কথা এক বর্গও শিশির কখনও তাহার মুখে শুনে নাই, দরিদ্র ব্যক্তি ধনীকে ভালবাসে একথা নিতান্ত অপ্রকাশ্য ; শুনিলে শিশিরই তাহাকে মনে মনে উপহাস করিতে পারে। শিশিরের অনেক কার্যে তাহার প্রতি প্রবল অমুরাগের প্রমাণ পাওয়া যায় সত্য, কিন্তু সে সকলকে সে অমুরাগের প্রমাণ স্বরূপ মনে করিতে রাজি নয় তাহা শিশিরের অত্যধিক দয়ার নিদর্শন হইলেও হইতে পারে। হয়ত ব্রজেন্দ্র দয়াকেই অমুরাগ মনে করিতেছে। যদি অমুরাগই হয়, তাহা হইলেও তাহা বালিকামূলভ অপরিণাম-দর্শিতা ভিন্ন আর কিছুই নহে। তাহার স্থায়িত্বই বা আর কয় দিন? কোন সম্ভ্রান্ত ব্যক্তির পুত্রের সহিত শীঘ্রই শিশিরের বিবাহ সমাধা হইবে। তখন ব্রজেন্দ্র তাহার মন হইতে বহিষ্কৃত হইয়া, বিস্মৃতির অতল জলে ডুবিয়া যাইবে।

মানুষ কখন কখন জাগ্রত অবস্থাতেও স্বপ্ন দেখিয়া থাকে। ব্রজেন্দ্রও কখন কখন নিজের অবস্থা ও দারিদ্র্যের সহিত শিশিরের ধনসম্পত্তির পার্থক্য ভুলিয়া যাইত নিজ অন্তঃকরণ মধ্যে প্রেমের সিংহাসন পাতিয়া তত্পরি সেই অতুল রূপরাশিকে স্থাপিত করিত এবং ভাবিত বৃষ্টি বা এ সুধারাশি ভগবান তাহারই জন্য সৃষ্টি করিয়াছেন। আবার অল্পক্ষণ পরে কঠোর বাস্তবিকতার মধ্যে সেই সুখস্বপ্ন ভাঙ্গিয়া যাইত,—অসহ মনস্তাপে তাহার চক্ষুদ্বয় হইতে প্রবল বেগে বারিধারা পতিত হইত।

কিন্তু শিশিরের ব্যবহার দেখিলে বোধ হইত সে বৃষ্টি এসকল কথা ভাবেনা। নতুবা ব্রজেন্দ্রের সহিত তাহার এ অনিষ্ঠতা দিন দিন বৃদ্ধি পাইতেছে কেন? ব্রজেন্দ্রের প্রতি তাহার নানা বিষয়ে অভিমান অমুরোধ বা সহানুভূতি দেখিলে বোধ হইত যেন তাহার জীবনে বিবাহরূপ এক মহৎ পরিবর্তন অচিরে সংঘটিত হইবে, এ কথা সে জানে না। সম্প্রতি তাহার বিবাহের উদ্যোগ হইতেছে শুনিয়াও সে কিছুমাত্র দুঃখিত বা আনন্দিত হইল না।

এ কার্য্য এতদিন সম্পন্ন করিতে হইত। কিন্তু উত্তমর্গদিগের তাগাদায় বিব্রত হইয়া অনন্তলাল এবিষয়ে মনঃসংযোগ করিতে পারেন নাই। যাহা হটক আর বিলম্ব করা চলে না। তবে তাহার আশা ছিল যে, শিশিরের বিবাহ দিতে তাহাকে অধিক বেগ পাইতে হইবে না। এরূপ পাত্রীর সহিত নিজ পুত্রের বিবাহ দিতে অনেক গুণবান রূপবান ও উচ্চবংশজাত পাত্রের

পিতা উৎসুক হইবেন ! পরলোকগত পিতার অতুল ঐশ্বর্যের একমাত্র উত্তরাধিকারিণী এবং রূপবতী কন্যার সহিত নিজ পুত্রের বিবাহ দিতে কে না ইচ্ছা করিয়া থাকে ?

পাত্র অমুসন্ধানে ব্যস্ত হইতে হইবে না সত্য কিন্তু পাত্রনির্বাচনরূপ কঠিন কার্য তাঁহাকেই করিতে হইবে। ইতিপূর্বে কোন কোন পাত্রের পিতা তাঁহার নিকট উপযাচক হইয়াছিল, কিন্তু তিনি তখন তাদৃশ মনঃসংযোগ না করায় তাহারা নিরস্ত হয়। এইবার এই কার্য তিনি অবিলম্বে সমাধা করিবেন শুনিয়া অনেকে নিজনিজ পুত্রের রূপ গুণ ও কুলের বর্ণনা সহ তাঁহাকে পত্র লিখিতে লাগিল এবং তন্মধ্য হইতে দুইচারিখানি বাছিয়া লইয়া তিনি তাহাদিগের তথ্য সংগ্রহে প্রবৃত্ত হইলেন।

শিশির নিতান্ত বালিকা বা অশিক্ষিতা নহে, অতএব তাহার মতে তাহার বিবাহের সম্বন্ধ স্থির করা অনন্তলাল যুক্তিমুক্ত বিবেচনা করিলেন না। তিনি কোন পাত্রের সন্ধান করিয়া আসিয়া সরলার নিকট সে সমস্ত বর্ণনা করিতেন। সরলা আবার সে সকল শিশিরের নিকট বিবৃত করিয়া তাহার মতামত অবগত হইবার চেষ্টা করিত। শিশির মুখে কিছুই বলিত না। কিন্তু তাহার আকার ইঙ্গিতে মনোভাব জ্ঞাত হইতেও সরলার বিলম্ব হইত না। ক্রমে ক্রমে তিন চারি স্থানে পাত্র মনোনীত করিয়া, অনন্তলাল সরলাকে জানাইলেন, কিন্তু তাহার কোন স্থানেই শিশিরের মত নাই শুনয়া, তিনি চিন্তিত ও ক্ষুব্ধ হইলেন।

আরও কয়েক স্থানে পাত্র স্থির করিয়া শিশিরের মত করিতে না পারিয়া, অনন্তলাল এক যুক্তি স্থির করিলেন। তিনি শুনিলেন, শিশিরের পিতার কুলের যোগ্য কুলজাত, কলিকাতা নিবাসী এক ধনবান ব্যক্তি কয়েক স্থানে নিজ পুত্রের বিবাহের সম্বন্ধ করিতে যাইয়া তাঁহার ন্যায় বিফলমনোরণ হইয়াছেন। পুত্রের বয়ঃক্রম একবিংশতি বৎসর। সেকালকাতায় প্রেসিডেন্সি কলেজে বি, এ, পড়িতেছে; দেখিতেও রূপবান। তাহার প্রতিজ্ঞা, সে রূপবতী কন্যা ভিন্ন বিবাহ করিবে না, এবং স্বয়ং দেখিয়া কন্যা নির্বাচন করিয়া লইবে। দুই চারি স্থানে দেখিতে যাইয়া তাহার পছন্দ হয় নাই। ঘটকদিগের মুখে এই পাত্রের কথা শুনিয়া অনন্তলাল ভাবিলেন, এরূপ পাত্রকে দেখিলে শিশিরের মত হইতে পারে। অতএব যাইয়া কন্যাকে সমস্ত বিবৃত করিলেন। শেষে বলিলেন—“শিশিরকে দেখতে আসতে তাঁদের লিখ দো মনে কর্চি !”

সরলা বলিল, “না, বাবা, হঠাৎ দেখতে আস্তে গিখবেন না। শিশিরের মনের ভাব কি আত্ম তা জেনে আপনাকে বলব।”

“আচ্ছা মা, তাই বো’লো” বলিয়া অনন্তলাল সদরে চলিয়া গেলেন।

সেই দিন রাতে সরলা শিশিরকে ডাকিয়া নিকটে বসাইলেন, এবং একথা ও-কথার পর বলিলেন, “শিশির, তোকে কলকাতা থেকে দেখতে আসবে। বাবা এইবার যার সঙ্গে তোর সহকর্ম করছেন, সেই নিজে দেখতে আসবে। তারা খুব বড় লোক, ঘর ভাল, আর পাত্রটিও দেখতে ভাল; প্রেসিডেন্সি কলেজে বি-এ, পড়ছে; বয়স একুশ বছর।”

সরলার বাক্যশ্রবণে, তাহার কথায় যেন মনোযোগ না দিয়াই শিশির বলিল, “দিদি, সত্যবানের সঙ্গে সাবিত্রী দেবীর সহকর্ম কে করেছিল?”

সরলা শিশিরের মুখের দিকে চাহিল। সে এ সময়ে হঠাৎ পৌরাণিক উপাখ্যান উত্থাপন করার কিঞ্চিৎ বিশ্বাস হইয়া বলিল, “কেন এখন সে কথা?”

“আমার প্রয়োজন আছে।”

“সাবিত্রী নিজের সহকর্ম নিজেই করেছিলেন।”

শিশির জিজ্ঞাসা করিল, “তাতে তার পিতা অধিপতির মত হয়েছিল?”

সরলা বলিল, “না।”

“কেন?”

কারণ মহারাজা অধিপতি দেবর্ষি নারদের মুখে শুনেছিলেন যে, সত্যবানের আর এক বৎসরের অধিক পরমায়ু নাই। পাত্রের এর চেয়ে আর অধিক দোষের কথা কি হতে পারে?”

“তার পর কি হ’ল?”

সরলা বলিতে লাগিল, “কিন্তু সাবিত্রী মনে মনে, সত্যবানকে বরণ করেছিলেন। তিনি তাঁর পিতাকে বললেন, আমি একবার থাকে পতি বলে স্থির করেছি, তাঁকে ভিন্ন অপর ব্যক্তিকে আর বরণ করিতে পারি না। কন্যার অবিচলিত প্রতিজ্ঞা দেখে অধিপতি সত্যবানের সঙ্গে তাঁর বিবাহ দিবেছিলেন।”

শিশির মুখখানি নত করিয়া বলিল, “কলিকালেও ত সাবিত্রীর মত কাকেও মনে মনে বরণ করে, আবার অপরকে বরণ করলে ত্রীলোকের ধর্ম থাকে না?”

ভাঁহার বাক্যবসানে সরলার স্বপ্নপ্রাপ্তে অন্ন হাস্য দেখা দিল। কিন্তু শিশিরের মুখের নিকে দৃষ্টিপাত করিয়া, সে ভাসি দূর হইল। সরলা দেখিল, শিশিরের মুখ-গুণ হইতে যেন দৃঢ় প্রতিজ্ঞা ফুটিয়া বাহির হইতেছে। সে গম্ভীর হইয়া বলিল, “ভগিনি, তোমার মন আমি অনেক দিন আগে থেকে জানি। তবে, তোমার মুখ থেকে না বেরুলে বাবাকে বলতে পারছিলাম না।”

শিশির আর কিছু না বলিয়া, তথা হইতে উঠিয়া গেল।

সরলা গৃহস্থে একাকিনী বসিয়া ভাবিতেছিল যে ঋত্বি দ্রা দোষ ব্যতীত অন্য কোন বিষয়েই ব্রজেন্দ্র শিশিরের অযোগ্য পাত্র নহে। কুল, শীল, বিদ্যা প্রভৃতি দেখিলে, ব্রজেন্দ্রের ন্যায় পাত্র পাওয়া কঠিন। পরন্তু শিশির যাহার গলে বরমালা প্রদান করিবে, সে কখনও দরিদ্র থাকিবে না। তবে, এ বিষয়ে অনন্তলালের মত হওয়া কঠিন।

সেই রাত্রে, অনন্তলালের ভোজন সময়ে সরলা বলিল, “বাবা, শিশির নিজের সম্বন্ধেই স্থির করেছে।”

অনন্তলাল আশ্চর্যাবিত হইয়া জিজ্ঞাসা করিলেন, “সে কি?”

সরলা বলিল, “সে ব্রজেন্দ্র ভিন্ন আর কাকেও বিয়ে করবে না।”

অনন্তলাল অধিকতর বিস্ময়গণ হইয়া বলিলেন, “ব্রজেন্দ্র? সে কে?”

সরলা বলিল, “আমাদের ব্রজেন্দ্র।”

“আমাদের ব্রজেন্দ্র? সে কি কথা? ব্রজেন্দ্রই তবে বালিকার মন এমন খারাপ করেছে! তার মনে মনে এত ছয়ভিসন্ধি। সংসারে কারুই চিন্তে পারা যায় না দেখুচি।”

সরলা কিকিং উত্তেজিত হইয়া বলিল, “না বাবা ব্রজেন্দ্রের দোষ দেবেন না। তার কোনই দোষ নাই। বিনা অপরাধে কাকেও অপরাধী করতে নাই।”

অনন্তলাল জিজ্ঞাসা করিলেন, “তবে শিশিরকে এ বুদ্ধি দিলে কে?”

সরলা বলিল, “কেউ দেয় নাই। আর সে আজকের কথা নয়, ব্রজেন্দ্র এ বাড়ীতে এসে অবধি তার ওপর শিশিরের প্রভাবত্ব।”

“কই, আমাকে এত দিন এ কথা বলনি কেন?”

সরলা উত্তর করিল, “আমি ভেবেছিলাম, সে ছেলেমানুষ, এর পর জ্ঞান হ'লে এ ভাবের পরিবর্তন হ'রে যাবে। কিন্তু এমন দেক্‌চি যত জ্ঞান হচ্ছে, ব্রজেন্দ্রের ওপোর তার এ শ্রদ্ধা বাড়'চে বই কম'চে না। আজ স্পষ্টই তার মনের ভাব জানতে পারলাম।”

অনন্তলাল বলিলেন, “তা'হলে ব্রজেন্দ্রকে কিছু দিনের জন্য এখান থেকে সরাতে হবে। কিছু দিন দেখতে না পেলেই শিশির তাকে ভুলে যাবে।”

সরলা বলিল, “না গা, এ সম্বন্ধে এখন তাকে কিছু বলবেন না। কাজ খ'ক তাদের পীড়না আরম্ভ হবে। আপনার মুখে অশ্রীতিকর কোন কথা শুনলে তার মন ধারাপ হবে। তা হলে হয়ত ভাল পরীক্ষা দিতেও পারবে না। আমাদের দ্বারা গরীবের সে অনিষ্ট যেন না হয়। আর পরীক্ষা দিয়ে সে আপনিই দেশে চলে যাবে।”

“হাঁ, তাও বটে,” বলিয়া অনন্তলাল ভোজনান্তে আচমন করিতে উঠিলেন।

যে রাতে শিশির সরলার নিকট নিজ বিবাহ সম্বন্ধে মনোগত ভাব প্রকাশ করিয়াছিল তাহার পর দিন ব্রজেন্দ্রের এক-এ, পরীক্ষা আরম্ভ হ'ল; সে প্রত্যবে শযাত্যাগ করিয়া অধ্যয়ন করিতেছে—তখনও গৃহস্থে সামান্য অঙ্ককার আছে বলিয়া প্রতীপ জাগিতেছে—বাটার প্রায় সকলেই নিদ্রিত, তুই এক জন জাগিয়াছে কিন্তু শযাত্যাগ করে নাই, ঘরের দ্বার অর্গলবদ্ধ নাই, কেবল ঠেসান আছে। হঠাৎ বাহির হইতে কে আঘাত করিল এবং দ্বার অবরুদ্ধ দেখিয়া ভিতরে যাইয়া প্রবেশ করিল। ব্রজেন্দ্র মাথা তুলিয়া দেখিল শিশিরকুমারী ঘরের নিকট দাঁড়াইয়া আছে। তখন হইতে কয়েক পদ অগ্রসর হইয়া সে জিজ্ঞাসা করিল “মাটার মশায়, আজ থেকে আপনাদের পরীক্ষা আরম্ভ হবে?”

ব্রজেন্দ্র বলিল “হাঁ,—শিশির তুমি ত খুব সকালে উঠেছ।”

শিশির সে কণার উত্তর না দিয়া পুনরায় বলিল “পরীক্ষার পর আপনি বাড়ী যাবেন?”

ব্রজেন্দ্র তাহার মুখের দিকে চাহিয়া বলিল “হাঁ, বাড়ী যাব শিশির, অনেক দিন দেশে যাই নি এবং কার বাবার জন্যে মার বিশেষ অনুোধ।

এত কৈফিয়ৎ শিশির চাহে নাই, ব্রজেন্দ্র পরীক্ষা দিয়া বাড়ী যাইবে কিনা, কেবল তাহাই জিজ্ঞাসা করিয়াছিল। তবে ব্রজেন্দ্র বোধ হয় তাহার মনোগত অভিপ্রায় বুঝিয়াছিল—যে দেশে যাইবার বিশেষ কারণটি কি, জানিতে না পারিলে সে সন্তুষ্ট হইবে না।

ইহার পর শিশির আর তথায় দাঁড়াইল না, চলিয়া গেল।

বধাসময়ে ব্রজেন্দ্রের পরীক্ষা শেষ হইয়া গেল এবং সে দেশে যাইবার জন্য প্রস্তুত হইতে লাগিল।

এক দিন শিশির একবারও তাহার সম্মুখে বাহির হইল না দেখিয়া ব্রজেন্দ্রের মনে বড় বিস্ময় হইল।

শিশির ভাবিয়াছিল, সরলাকে সে যাহা বলিয়াছে তাহা পরদিন ব্যতিরেকে প্রকাশ হইবে না। অতএব রাত্রি শেষ হইবা মাত্র এবং সকলে আগ্রহিত হইবার পূর্বেই সে একবার ব্রজেন্দ্রের কাছে উপস্থিত হইয়া ব্রজেন্দ্র পরীক্ষার পর বাটী যাইবে কি না জিজ্ঞাসা করিয়াছিল। তাহার পর সে অত্যধিক লজ্জা বশতঃ আর ব্রজেন্দ্রের সম্মুখে বাহির হয় নাই। সে ভাবিয়াছিল, ব্রজেন্দ্র ও তাহাতে কি ভাব তা তখন বাড়ীর সকলে জানিয়াছে, লজ্জার কারণ সেইটী!

কিন্তু অনন্তলাল অথবা সরলা, সে কথা কাহারও নিকট প্রকাশ করেন নাই। সুতরাং ব্রজেন্দ্র তাহার কিছুই শুনিতে পার নাই; শুনিতে ব্যথিতে পারিত যে, লজ্জাই এ অসুপস্থিতির একমাত্র কারণ।

বিশেষাভিমুখে যাত্রা করিবার শেষ মুহূর্ত্ত পর্যন্ত শিশিরকে দেখিবার আশা তাহার মনোমধ্যে আগ্রহক ছিল কিন্তু সে আশা সকল হইল না। ব্রজেন্দ্র ভাবিয়া পাইল না—কেন এমন হইল। সে স্বইচ্ছার সর্বদা দেখা দিয়া তাহাকে বিমল আনন্দ দান করিত, পরীক্ষার পূর্ব দিন প্রত্যাহতেও উবার সহিত যে তাহার হৃদয়ে বিপুল আনন্দ-আলোকে উদ্ভাবিত করিয়া দিয়াছিল, কেন সে বিস্ময় হইল! তবে কি শিশিরও তাহাকে দরিদ্র বলিয়া অবজ্ঞা করে!

ক্রমশঃ—

শ্রীমলিনীনাথ গুপ্ত।

জ্যোৎস্নাবালা ।

—:~:—

কাদের দেশের ফুটফুটে তুই মেয়ে
কুন্দ হাসি হেসে
ফেলে সারা সুনীল আকাশ ছেয়ে
পুলক মোহন বেশে ।
তোমার চির শুভ্র প্রেমের ধারা
সিক্ত করে অস্তুর মোর সারা,
ভরল আবেগ ভাসিয়ে ল'য়ে চলে
কল্প-লোকের দেশে ।
পাওনি কখন বিরহ কি প্রিয়া
মিলন সুখে সুখী ।
উঠল জগৎ সোহাগ উথলিয়া
তোমায় বিধুমুখী ।
নিধর রাতে মুক্ত বাতায়নে
প্রেমিক ভোলে তাহার প্রিয়া সনে,
সকৌতুকে তখন তাদের পাশে
করছ লুকোলুকী ।
ভারির রাত্তা বৃন্দাবনের বনে
হোলির উজল রাতে ।
যাতুল প্রেমের সুখা বরিষণে
তোমার প্রিয় সাথে ।

আজ ও হোলির আধির মাখামাখি ।
 চক্ষে মাখে তোমার ডাকাডাকি,
 দিচ্ছ আজও প্রেমের কাজল অঁকি
 হাজার অঁধি পাতে ।

শ্রীফটিকন্দ্র বন্দ্যোপাধ্যায় ।

খ্রীষ্ট ও কৃষ্ণ ।

—:~:—

শ্রীযুক্ত অখিলচন্দ্র ভারতীভূষণ মহাশয় ইতঃপূর্বে 'পরিচারিকা'য় দুইটি প্রবন্ধ লিখিয়াছেন । সেই দুইটির সহিত আমার মতের কিছু অনৈক হইয়াছিল তাহা আমি প্রকাশ করিয়াছি । এবার তিনি খ্রীষ্টের জন্মদিন সম্বন্ধে যে প্রবন্ধ লিখিয়াছেন তাহার সহিত কিছু আমার কোনরূপ মতানৈক্য নাই । তবে সেই প্রবন্ধ পড়িয়া আমার মনে একটা পুরাতন প্রশ্ন উদ্ভিত হইয়াছে । অখিলবাবু অথবা অন্য কোন প্রবৃত্তিবিন্দু যদি ইহার সমাধান করিতে চেষ্টা করেন তাহা হইলে সাহিত্যসেবীগণ অবশ্যই আফ্লাদিত হইবেন ।

খ্রীষ্টের জন্ম যে ৪ পূর্ব খ্রীষ্টাব্দে হইয়াছিল এ বিষয়ে মতানৈক্য নাই । তাহার জন্ম যে ২৫এ ডিসেম্বর অর্থাৎ ১০ই পৌষে হয় নাই এ বিষয়েও কোন মতানৈক্য নাই । পৌষ মাসে পালেষ্টিনে বর্ষা হইয়া থাকে । কিন্তু বাইবেলে খ্রীষ্টের জন্মকালের যে বর্ণনা আছে তাহা হইতে স্পষ্টই উপলব্ধি হয় যে তখন বসন্ত কাল । অগষ্ট এবং সেপ্টেম্বর মাসেই পালেষ্টিনে বসন্ত বিরাজ করে । এই জন্য অগষ্ট বা সেপ্টেম্বর মাসেই তিনি জন্মগ্রহণ করিয়াছিলেন বলিয়া খ্রীষ্টীয় জগতের বিশ্বাস । অন্য পক্ষে কৃষ্ণের জন্মও অগষ্ট মাসে হইয়াছিল বলিয়া ভারতবর্ষের লোকের বিশ্বাস । এখন বিজ্ঞান্য এই যে খ্রীষ্ট যে অগষ্ট মাসে ৬ মিয়াছিলেন তাহা গুনিয়াই কি ভারতবর্ষে কৃষ্ণের জন্মকাল অগষ্ট মাসে হইয়াছিল বলিয়া নির্দ্ধারিত হইয়াছে ? প্রশ্নটা

তিনিবামাত্র হিন্দুধর্মে বিশ্বাসী লোকেরা হাস্য করিয়া উড়াইয়া দিয়া বলিবেন যে খ্রীষ্টের জন্মকালের সংবাদ জানিয়া যে কৃষ্ণের জন্মকাল নির্দ্ধারিত হইয়াছিল ইহা সম্পূর্ণ অশ্রদ্ধের কথা— কৃষ্ণ যখন খ্রীষ্টের অনেক পূর্বে জন্মিয়াছিলেন তখন কৃষ্ণের জন্মের সময় অনুসারেই খ্রীষ্টের জন্মকাল অগষ্ট মাসে আরোপিত হইয়াছিল। কিন্তু আমার এই প্রশ্ন ধর্ম বিশ্বাসের অনঙ্গী ঐতিহাসিকদিগের প্রতি। কেন আমার মনে এ বিষয়ে প্রশ্ন উদ্ভিত হয় তাহা নিম্নে বিবৃত করিতেছি।

কৃষ্ণের জন্ম হইয়াছিল প্রাগৈতিহাসিক যুগে— খ্রীষ্ট জন্মের অনূন দুই সহস্র বৎসর পূর্বে তখন যে কাহারও জন্মদিন লিখিয়া রাখা হইত এবং লিখিয়া রাখিলেও যে সেই লিখিত বিবরণ দুই বা আড়াই সহস্র বৎসর পর্য্যন্ত রক্ষিত হইয়াছিল তাহা অসম্ভব। কৃষ্ণের মনসাময়িক ভীষ্ম, যুদ্ধির প্রভৃতি কাহারও জন্মকালের সংবাদ পাওয়া যায় না। কৃষ্ণ যখন দেবত্ব আরোপিত হইয়াছিল তখনই তাঁহার জন্মদিনটা স্থির করা প্রয়োজনীয় হইয়াছিল। তাঁহাতে দেবত্ব আরোপিত হয় মহাভারত প্রণীত হইবার কয়েক শতাব্দী পরে। মহাভারত প্রণীত হইয়াছিল খ্রীষ্টের অন্তত দুই শত বৎসর পরে। ইহার প্রমাণ মহাভারতেই আছে। আদি পর্বে এক দেশের বিবরণ আছে যেখানকার লোক তাহাদের উপাস্য দেবতার মাংস ভক্ষণ করে। উপাস্ত দেবতার মাংস ভক্ষণ যে ইউকারিস্ট (Eucharist) নামক অনুষ্ঠান সে বিষয়ে কাহারও সন্দেহ হইতে পারে না। এই অনুষ্ঠান খ্রীষ্টীয় সমাজ ভিন্ন অন্য কোথাও নাই। খ্রীষ্টের ক্রুশে আরোপিত হইবার পূর্বিদিন তিনি স্বীয় শিষ্যদিগকে লইয়া এক সন্দেশ আহার করিবার সময়ে তাহাদের প্রত্যেককে এক খণ্ড রুটি এবং একপাত্র মদ্য দিয়া বলিয়াছিলেন “এই রুটিকে আমার মাংস এবং এই মদ্যকে আমার রক্ত বিবেচনা করিয়া ভক্ষণ কর।” তাহার পর এ পর্য্যন্ত খ্রীষ্টীয় সমাজে এই অনুষ্ঠান প্রচলিত হইয়া আসিতেছে। প্রথম শতাব্দীর শেষভাগে অথবা দ্বিতীয় শতাব্দীর প্রথমাঙ্কের মধ্যেই যে খ্রীষ্টীয় ভারতবর্ষে প্রচারিত হইয়াছিল তাহাও ইতিহাসসঙ্গত। সেই প্রচারের সঙ্গে সঙ্গে ইউকারিস্ট অনুষ্ঠানের কথাও ভারতের লোকের অবিদিত ছিল না। এই অনুষ্ঠানের কথা যখন মহাভারতে আছে তখন মহাভারত যে খ্রীষ্টের পরে লিখিত হইয়াছিল তাহা বোধহয় মানিয়া লইতে হইবে। পরম্পূর্ণ প্রতীতি সমস্ত পুরাণই যে মহাভারতের কয়েক শত বৎসর পরে লিখিত এবং সাক্ষ্যভোগ। কৃষ্ণ যে দেবতা ছিলেন তাহা এই পুরাণকারেরাই

প্রথমে লিখিয়াছেন। তাঁহার। কেমন করিয়া শত শত বৎসর পরে জানিলেন যে তিনি ভাদ্রের কৃষ্ণাষ্টমীতে জন্মিয়াছিলেন।

অন্য পক্ষে খ্রীষ্টের জন্ম হইয়াছিল ঐতিহাসিক সময়ে এবং তাঁহার জীবনচরিতগুলিও তাঁহার মৃত্যুর পর শত বর্ষের মধ্যে রচিত হইয়াছিল। অথচ তাহাতেও তাঁহার জন্মের দিন অবধারিত হয় নাই। কেবল আনুসঙ্গিক বর্ণনা দেখিয়াই পণ্ডিতেরা এই সিদ্ধান্তে উপনীত হইয়াছেন যে যখন পালেষ্টিনে বসন্ত কাল এবং ভারতবর্ষে বর্ষা কাল তখনই তিনি জন্মিয়াছিলেন। কৃষ্ণ ও খ্রীষ্টের ইতিহাসে যদি কেবল জন্ম সময় বিচারই একা থাকিত তাহা হইলে এই একমুখে আকস্মিক বলিয়া বিবেচনা করা যাইতে পারিত। কিন্তু কৃষ্ণধর্ম এবং খ্রীষ্টধর্ম বা যিহুদীয়ধর্মের আরও কতকগুলি সাদৃশ্য আছে। একটা দুইটা সাদৃশ্য আকস্মিক হইতে পারে কিন্তু সাদৃশ্যের সংখ্যা যখন বহু হয় তখন সকলগুলিই আকস্মিক অর্থাৎ একটার অনুকরণে যে অন্য হয় নাই ইহা বিশ্বাস করা বড়ই কঠিন। সাদৃশ্যগুলি একই আমার মনে বতদূর হইতেছে তাহা নিয়ে লিখিলাম।

১। কৃষ্ণ ও খ্রীষ্টের নামের সাদৃশ্য। কৃষ্ণ সংস্কৃত শব্দ কিন্তু খ্রীষ্ট গ্রীক। গ্রীক অনেক শব্দ ঐষং পরিবর্তিতভাবে সংস্কৃতে দেখা যায়। গ্রীক কেন্দ্রে (Centre) এবং diameter সংস্কৃতে ঐষং রূপান্তরিত হইয়া কেন্দ্র এবং জামিত্র হইয়াছে। গ্রীক হোরা অপরিবর্তিতভাবেই সংস্কৃত হোরা হইয়াছে। সুতরাং “খ্রীষ্ট” যে সংস্কৃতে পরিবর্তিতভাবে “কৃষ্ণ” হইবে তাহাতে বিচित्र কি ?

২। যিহুদীয় ধর্মগ্রন্থে শরতানকে সর্পরূপধারী বলা হইয়াছে। ইহা রূপক মাত্র। খ্রীষ্ট সেই শরতান বা সর্পকে দমন করিয়াছিলেন। কৃষ্ণও কালীর দমন করিয়াছিলেন।

৩। উভয়েরই জন্ম অলৌকিক।

৪। উভয়েরই জন্মের পর পলায়ন।

৫। উভয়েরই জন্মকালে রাজশক্তি কর্তৃক শিশুহত্যা।

৬। উভয়েরই শোচনীয় মৃত্যু বৃক্ষের উপরে।

৭। কৃষ্ণের বিশ্বরূপ ধারণ এবং পিতরের সাক্ষাতে খ্রীষ্টের দিব্যরূপ ধারণ।

৮। যিহুদী ভাষায় ঈশ্বরের নাম যিহোবা কিন্তু যিহুদীরা এই নামকে এতই ভয় ও ভক্তি করিত যে তাহারা বিশেষ হেতু ব্যতীত ইহা উচ্চারণ করিত না। তাহার পরিবর্তে আদোনাই বলিত। এখনও তাহাদের মধ্যে এই রীতি আছে। যিহোবা বলিলে ঈশ্বরের সহিত মানুষের স্রষ্টা এবং সৃষ্ট সঙ্ক বুঝায়। আদোনাই (Adonai) অর্থাৎ প্রভু বলিলে ঈশ্বরের সহিত মানুষের পতিপত্নীর সঙ্ক বুঝায়। এই ভাবটাই বোধহয় বৈষ্ণবধর্মে প্রবেশ করিয়া চরম গতি বা পরাকাষ্ঠা লাভ করিয়াছে। প্রত্যেক বৈষ্ণবই ভাবেন যে কৃষ্ণ তাঁহার পতি এবং তিনি কৃষ্ণের পত্নী। এই জন্যই বৈষ্ণবেরা নারী-বেশ ধারণ করেন; কাছা দেন না এবং অলঙ্কার ও তিলক ধারণ করেন।


৯। খ্রীষ্টীয় নববিধানে এবং বাইবেলের বই পরে লিখিত গীতায় যে বহু সাদৃশ্য আছে তাহা বহুজন সম্মত।

এই সকল সাদৃশ্য হইতে কি সিদ্ধান্তে উপনীত হওয়া যাইতে পারে।

শ্রীবীরেশ্বর সেন।

রূপময়ী।

পাথর চিরে গান গেয়ে বয়
 আনমনে ওই নিরুপরে—
 উঠছে মধুর চন্দেঃ গীতি
 কানন পাতায় মর্ম্মরে।
 আকুল বকুল মুকুলগুলি
 হর্ষে ওঠে মুঞ্জরি—
 নূতন হৃদয়-স্রাব্য বুক
 ভ্রমর চলে



কোন অজানা সুরের বেশ আজ
 ঠাণ্ডা বাতান হিল্লোলে
 ছন্দে: বুঝি হিন্দোলিছে
 কল্লোলিঙ্গীর কল্লোলে
 জোয়া ধোয়া নিশিথ রাতে
 ছুটেছে পুলক হর্ষ যে।
 বিরহেই অস্তে এ কি
 অকাজিগের স্পর্শ এ।

শ্রীকটিকচন্দ্র বন্দ্যোপাধ্যায়।

নারীশিক্ষা

-:~:-

(আলোচনা)

সম্প্রতি আমাদের স্থানীয় নারীশিক্ষার প্রতিষ্ঠান 'স্বনীতি একাডেমী' উচ্চ ইংরাজী বিদ্যালয়ে পরিণত হইতে চলিয়াছে। এত দিন এখানে ছাত্রবৃত্তি বা মধ্যবঙ্গলা, মাইনর বা মধ্যইংরাজী পরীক্ষা অবধি শিক্ষা দেওয়া হইত। বর্তমানে কলিকাতা বিশ্ববিদ্যালয়ের ম্যাট্রিকুলেশন পরীক্ষা অবধি শিক্ষাদানের ব্যবস্থা হইতেছে। ছাত্রীদিগের গমনাগমনের সুবিধার জন্য একটি মোটর বাসও ক্রয় করা হইয়াছে। নারীশিক্ষার এই উন্নত আদর্শের প্রবর্তনের জন্য কর্তৃপক্ষ মহরবাসীর কৃতজ্ঞতাভাজন হইয়াছেন।

জাতির সমাজের সকল প্রকার উন্নতির জন্য লোকশিক্ষার প্রয়োজনীয়তা সর্ববাদিসম্মত। কেবল মাত্র পুরুষের শিক্ষার দ্বারা লোকশিক্ষার প্রয়োজনীয়তা সম্পূর্ণ সিদ্ধ হয় না, স্ত্রীপুরুষ-নির্কিশেবে সকলের শিক্ষাই যথার্থ লোকশিক্ষা। এই প্রকার লোকশিক্ষাতেই জাতি ও সমাজের কল্যাণ সাধিত হয়। পুরুষের শিক্ষার সহিত নারীশিক্ষার তুলনায় কেহ কেহ এমনও মনে করেন যে, জাতীয় উন্নতির পক্ষে পুরুষের শিক্ষার অপেক্ষা নারীশিক্ষার উপযোগিতা অধিক, একজন শিক্ষিত নারীর প্রভাবে যত সহজে একটি পরিবার উন্নত হইতে পারে, একজন শিক্ষিত পুরুষের প্রভাবে তত সহজে পারে না। নারীশিক্ষার প্রয়োজনীয়তা আমরা আরও দৃঢ়ভাবে উপলব্ধি করিতে পারি, যখন দেখিতে পাই যে দেশের মহৎ উদ্দেশ্যগুলি নারীর সহায়ত্ব হইতে বঞ্চিত হইয়া বিফল হইতেছে। দেশের এই মঙ্গলময় প্রচেষ্টাগুলিকে সফল করিতে হইলে শিক্ষার দ্বারা নারীর সহায়ত্ব জাগ্রত করিতে হইবে। শিক্ষার প্রভাবেই আমাদের মন দেশের কাজে ও দেশের কথায় আকর্ষণ বোধ করে, শিক্ষার প্রভাবেই আমরা নিজের কিম্বা আত্মীয়স্বজনের সুখ-সুবিধা ভিন্ন অন্য দশজনের কথা ভাবিতে শিখি, শিক্ষার গুণেই মানুষ দেশের ও সমাজের মঙ্গলের তুলনায় নিজের স্বার্থকে অতি ক্ষুদ্র বলিয়া ভাবিতে পারে। স্যাডলার কমিশন রিপোর্টে নারীশিক্ষার আবশ্যিকতার উল্লেখ প্রসঙ্গে বলা হইয়াছে, "The education of women has the most profound influence upon the whole texture of national life and the whole movement of national thought."

এই ত গেল নারীশিক্ষার প্রয়োজনীয়তা সম্বন্ধে দুই একটি কথা। এখন প্রশ্ন হইল, কি প্রকার শিক্ষা নারীর পক্ষে সর্বাপেক্ষা অধিক উপযোগী—এক কথায় নারীশিক্ষার আদর্শ নির্ণয়।

শিক্ষাসম্বন্ধে আদর্শ স্থির করিতে হইলে আমাদের প্রথম কথা, নারীশিক্ষা—নারীর জন্যই আবশ্যিক। পুরুষের মত নারীও ব্যক্তিত্বের গৌরবে ভূষিত, এই ব্যক্তিত্বের বিকাশের জন্য নারীশিক্ষার প্রয়োজনীয়তা সর্বাগ্রেই স্বীকার করিতে হইবে। শিক্ষার উদ্দেশ্যই প্রত্যেকের ব্যক্তিত্বকে বিকশিত, পরিণত হইবার সুযোগ ও সাহায্য-প্রদান। নারীশিক্ষার দ্বিতীয় কথা, নারীর সামাজিক জীবনের পরিণতি। ব্যক্তিত্বের বিকাশ ও সামাজিক জীবনের পরিণতি একটি অপরিহার্য প্রতিকূল অবস্থা নয়। ব্যক্তিত্ব দেখানে পদে পদে অস্বীকৃত ও অবমানিত

সমাজ সেখানে অচল। ব্যক্তিত্বের প্রকাশের ক্ষেত্রেই সমাজ। ব্যক্তিগত জীবন ও সামাজিক জীবনের যাতপ্রতিঘাতে উভয় তীর-মধ্যবর্তী নদীপ্রবাহের মত সমাজ-প্রবাহ সজীব ও সচল থাকে।

শিক্ষার যে আদর্শে আমাদের এই উভয়বিধ জীবনের পরিণতি সম্ভাবিত হয়, তাহাই আমাদের মতে যথার্থ আদর্শ। আত্মোন্নতি, আত্মোৎকর্ষ প্রভৃতি আমাদের ব্যক্তিত্বের পরিণতির পক্ষে একান্ত প্রয়োজনীয়, আবার সমাজের জন্য যে জীবন আমরা যাপন করি, তৎসম্পর্কীয় কর্তব্যপালন শিক্ষা সামাজিক জীব হিসাবে আমাদের অবশ্য শিক্ষণীয়। নারীশিক্ষার আদর্শ এই উভয় প্রকার শিক্ষার সম্মিলনে গঠিত হউক,—ইহাই আমাদের কামনা।

এখন দেশে নারীশিক্ষার যে প্রতিষ্ঠানগুলি রহিয়াছে তাহাতে এই আদর্শ অনুমত হইতেছে কি? সমগ্র বাংলাদেশে নারীশিক্ষার নিমিত্ত উচ্চ বিদ্যালয়ের সংখ্যা কেবলমাত্র চতুর্দশটি। এই সকল বিদ্যালয়ে প্রধানতঃ ম্যাট্রিকুলেশন পরীক্ষার জন্যই মেয়েদের প্রস্তুত করা হয়। সাধারণ রকমের সেলাইর কাজ ও গান শিক্ষার ব্যবস্থা কোন কোন বিদ্যালয়ে রাখা হইয়াছে কিন্তু ম্যাট্রিকুলেশন পরীক্ষার পাঠ্যতালিকানুযায়ী তাহাদিগকে ইংরাজী, বাংলা, সংস্কৃত, ইতিহাস, ভূগোল, অঙ্ক প্রভৃতি পড়িতে হয় এবং এই বিষয়গুলিতেই তাহাদের পারদর্শিতা পরীক্ষা করা হইয়া থাকে। এই প্রকার শিক্ষাতে নারীর চরিত্র ও মনের পরিণতি ঘটিলেও সামাজিক জীব হিসাবে সাংসারিক জীবনে যে দায়িত্বপূর্ণ স্থান তাহাকে গ্রহণ করিতে হইবে সে বিষয়ে কোন জ্ঞানই তাহার জন্মে না। স্যাডলার কমিশন রিপোর্টে বর্তমানে প্রচলিত শিক্ষার সম্বন্ধে বিরুদ্ধ মতই প্রকাশ করা হইয়াছে। Sharp সাহেবও প্রচলিত শিক্ষার বিরুদ্ধবাদী; তিনি বলিয়াছেন, “I regard the Matriculation course as unsuitable for girls, I should be in favour of giving it a more womanly tendency” অর্থাৎ ম্যাট্রিকুলেশন পরীক্ষার পাঠ্য আমি বালিকাদের অনুপযুক্ত বিবেচনা করি আমি এই শিক্ষা অধিকতররূপে নারীজনোচিত করিবার পক্ষপাতী। Diocesan কলেজের প্রধান কর্মী Miss Victoria বলিয়াছেন যে প্রচলিত শিক্ষা কোনও প্রকারেই নারীর উপযোগী নয়।

সমাজে নারীর স্থানটা কোথায় কাহাকেও বলিয়া দিতে হইবে না। সমাজে নারীর কর্তব্যের ধারা তিনটি—পত্নীত্ব, মাতৃত্ব ও গৃহিণীত্ব। সামাজিক জীবনের কর্তব্য নিচয়ের মধ্যে

কয়েকটা কর্তব্যের কথা উল্লেখ করা যাইতেছে—সন্তানপ্রসব, সন্তানপালন, গৃহকার্য্য রক্ষনাদি ব্যাপার, রোগীর সেবা প্রভৃতি। এই প্রকার কর্তব্য আমাদের দেশের সকল নারীকেই পালন করিতে হয় অথচ অনেক স্থলেই শিক্ষার অভাবে অজ্ঞতার দরুণ অতিশয় কুফল ফলিয়া থাকে।

সমাজের সহিত নারীর সম্বন্ধ প্রধানতঃ সন্তান প্রসব ও সন্তান পালনের দ্বারাই প্রতিষ্ঠিত হয়। এ বিষয়ে শিক্ষার কোনও প্রকার ব্যবস্থা আমাদের বিদ্যালয়গুলিতে থাকে না। আমাদের মেয়েরা তাহাদের মা, মাসী পিনী প্রভৃতির নিকট এ সম্বন্ধে সামান্য কিছু শিক্ষা পায় সত্য কিন্তু ঐ শিক্ষার সঙ্গে অনেক কুসংস্কার ও অন্ধবিশ্বাস জড়িত থাকে। প্রাচীনাদের মৃত্যুর সঙ্গে সঙ্গে এই শিক্ষাও লুপ্ত হইতে বসিয়াছে। বর্তমান বিজ্ঞানানুসৃত শিক্ষার সুযোগ না পাইয়া তাহারা অবশ্যপালনীয় কর্তব্যগুলি সম্বন্ধে অজ্ঞ থাকে এবং এই অবস্থায় মাতৃহের গুরুভার তাহাদের স্বন্ধে আসিয়া পড়ে। এই যে আমাদের নবজাত শিশুর দল মাতৃহ শূন্য করিয়া অকালে ঝড়িয়া পড়িতেছে তাহার জন্য এই অজ্ঞতা কতখানি দায়ী তাহা বিবেচনার যোগ্য। এখানে একটা প্রশ্ন উঠিতে পারে যে বিদ্যালয়ের মেয়েদের এই শিক্ষা প্রদান সম্ভবপর কি না? তাহার উত্তর, বাঙ্গালীর মেয়েকে এ বিষয়ে শিক্ষা প্রদান বিশেষ কোন কঠিন কার্য্য নয়। বাঙ্গালীর মেয়ের হৃদয়ে বালিক' বাস হইতেই মাতৃহের ভাব অঙ্কুরিত হয়। হিন্দু গৃহের আচার অনুষ্ঠানের নীরব শিক্ষার দ্বারা ও বর্ষীয়সী মহিলাদিগের উপদেশে বিবাহ বন্ধনের পবিত্রতা ও মাতৃহের গৌরব প্রভৃতি বিষয় বালিকারা অতি সহজেই অনুধাবন করিতে পারে এ সম্বন্ধে স্যাডলার কমিশন রিপোর্ট হইতে উদ্ধৃত করিতেছি—“Three instincts and powers show themselves with significant beauty in the nature of the Indian girl. From an early age she discloses in a very marked degree the instinct of motherhood. This natural disposition is strengthened and evoked by the spoken teaching and silent assumptions of the Hindu home in which she is born.” অতএব আমাদের মনে হয় আমাদের কন্যাদিগকে সন্তানপালন, সন্তান-প্রসব, ধাত্রীশিক্ষা প্রভৃতি বিষয় শিক্ষা দেওয়া কঠিন হইবে না। তবে এ কথা খুবই সত্য যে

এই শিক্ষা উপযুক্ত বয়সের মেয়েদিগকেই দেওয়া হইবে এবং শিক্ষা প্রদানের ভার সুবিজ্ঞ শিক্ষিত্রীর হস্তে অর্পিত থাকিবে।

আমাদের দেশে খাদ্য সম্পর্কীয় সমস্ত কর্তব্যই নারীদের হস্তে ন্যস্ত থাকে। কি কি খাদ্যের কি কি গুণ, কোন্ ঋতুতে কি প্রকার খাদ্য স্বাস্থ্যের উপযোগী, রোগীর পথ্য প্রস্তুত প্রভৃতি বিষয়ও সাংসারিক জীবনে মেয়েদের জ্ঞাতব্য বিষয়। Hygiene ও Sanitation., স্বাস্থ্যরক্ষা ও রোগের আক্রমণ হইতে আয়ুর্কার ব্যবস্থা প্রণালী আমাদের মেয়েদিগকে শিক্ষা দিতে হইবে। কলেরা, বসন্ত, ম্যালেরিয়া প্রভৃতি মহামারী বাংলার সর্বত্রই দেখিতে পাওয়া যায়। লক্ষ লক্ষ নরনারী প্রতি বৎসর কাল ব্যাধির প্রকোপে মৃত্যুকুথে পতিত হইতেছে। খাদ্যাদি সম্বন্ধে অসাবধানতার দরুণ কলেরা প্রভৃতির দ্বারা আমরা আক্রান্ত হইয়া থাকি। অতএব মহামারীর সময়ে আমাদের দেশের নারীদিগকে বিশেষ সতর্কতা অবলম্বন করিতে হইবে, কারণ তাহাদের অসাবধানতার জন্যই একটা পরিবার উচ্ছন্ন যাইতে পারে। এই সকল বিষয়ও মেয়েদের অবশ্য-পাঠ্য তালিকায় ভুক্ত হওয়া উচিত।

এতদ্ব্যতীত মেয়েদের আরও অনেক বিষয় জানিবার রহিয়াছে। যাহারা নারীশিক্ষায় ব্রতী রহিয়াছেন তাঁহারা এই বিষয়ে চিন্তা করিবেন এবং পাঠ্যতালিকা স্থির করিবেন। আমরা কেবল চাই জাতিগঠনে আমাদের দেশের নারীর পুরুষের সহিত সহযোগিতা ও সহকর্মিতা। আমরা পূর্বেই বলিয়াছি যে এ মহৎ ব্যাপারে পুরুষের অপেক্ষা নারীর দায়িত্ব অধিক।

এ সম্পর্কে আমি অতি আনন্দের সহিত স্বীকার করিতেছি যে সুনীতি একাডেমীর কার্য-নির্বাহক সভা উপরে উল্লিখিত কতকগুলি বিষয়ে (যেমন Sanitation, Hygiene, মুষ্টিযোগ প্রভৃতি) শিক্ষার ব্যবস্থা ইতিপূর্বেই আরম্ভ করিয়াছেন। আমাদের প্রার্থনা এই বিষয়গুলি আরও পূর্ণ ও সুশৃঙ্খলভাবে শিক্ষার ব্যবস্থা হউক। এ সব বিষয়ে শিক্ষার ব্যবস্থা ব্যয়সাপেক্ষ সন্দেহ নাই, তবে আমাদের ভরসা আছে যে জনহিতকর কার্যে আমাদের শ্রীশ্রীমহারাজী মহোদয় ও তাঁহার কর্মতাপ্রাপ্ত কর্মচারিগণ কখনও ব্যয় করিতে কুষ্ঠিত হইবেন না। সম্প্রতি সর্বত্র প্রচার হিতার্থে অনেক মহৎ কার্য আরম্ভ হইয়াছে; যেমন জলের কনের প্রতিষ্ঠা, বিশাল

চিকিৎসালয় নির্মাণ প্রভৃতি। আমাদের নিবেদন এই যে নারীশিক্ষার প্রতি তাহাদের দৃষ্টি আরও আকৃষ্ট হউক ও একটি আদর্শ বিদ্যালয় এখানে প্রতিষ্ঠিত হউক।

শ্রী অশ্রুমান দাশ গুপ্ত।

প্রবৃত্তি ও নিবৃত্তি প্রশঙ্গ

রামপ্রসাদ গাহিয়াছেন “প্রবৃত্তি নিবৃত্তি জায়া, নিবৃত্তিরে সঙ্গে লবি। ওরে বিবেক নামে তার বেটারে তব্ব কথা তায় সুধাবি ॥” ধর্মের পথে রামপ্রসাদ নিবৃত্তিকে সঙ্গে নিতে বলিয়াছেন। কিন্তু নিবৃত্তি কাহাকে বলে? ভোলানুগতির বিরতিকেই নিবৃত্তি বলে। কুকুর বিড়াল প্রভৃতি পশু যেমন ভোগ্য পদার্থের অহুসন্ধানে উন্মাদের মত ছুটিয়া যায়, মানুষও তেমনি ভাবে রূপ, রস, গন্ধ প্রভৃতি ইন্দ্রিয়ের বিষয় নিচয়ে আকৃষ্ট হইয়া অবিরত চিরচঞ্চল গতিতে সংসারপথে ধাবিত হয়। উভয়ের মধ্যে পার্থক্য এই পশু তার নিজ ভোগের পরিণাম চিন্তা বিহীন হইয়া আত্মদমনে অসমর্থ, আর মানুষ আপন বিবেকবলে নিজকে কতক পরিমাণে সংযত করিয়া ধর্মের পথে, মঙ্গলের পথে নিজেকে পরিচালিত করিতে পারে। এই সংযমকেই রামপ্রসাদ নিবৃত্তি আখ্যা প্রদান করিয়াছেন।

মানুষের ভিতরে—শুধু মানুষ কেন জীবমাত্রেয় ভিতরেই এই যে প্রবৃত্তি, এই যে ভোগ লিপ্সা—ইহাতেই ভগবানের সৃষ্টির বীজ নিহিত। মানুষের যদি আহার্য্য পদার্থে রুচি না থাকে, স্ত্রী-পুত্র পরিবারে যদি অহুরক্ত না হয়, সংসারের সর্ববিধ বিষয় হইতেই যদি মানুষের নিবৃত্তি ঘটে তবে সমাজের অবস্থা কিরূপ হইয়া দাঁড়ায় একবার ভাবিয়া দেখুন দেখি। আমরা সূতা ঝারা মালা গাঁথি, আর ভগবান জীবের ভিতরের এই ভোগ লালসারূপ সূতার সাহায্যে বিথের মালা রচনা করিয়াছেন। কিন্তু এই রচনার সার্থকতা বা প্রয়োজনীয়তা কি তাহা অষ্টা ভিন্ন আর কে বলিবে?

মহু বলিয়াছেন—“ন মাংস ভোজনে দোষঃ ন মৎস্যে ন চ মৈথুনে। প্রবৃত্তিরেবা ভূতানাং নিবৃত্তিস্ত মহাফলা ॥ ভোগানুরক্তিই জীবের স্বাভাবিক প্রবৃত্তি। সূতরাং কেউ যদি ভোগ

সুখকেই জীবনের সর্বমুখ্য মনে করিয়া তাহাতেই ডুবিয়া থাকিতে চেষ্টা করে তবে তাহাতে তাহার দোষ কিসের? সে যে প্রবৃত্তির দাস, ক্রৌড়নক। এ বিষয়ে হয়ত কাহারও কাহারও আপত্তির কারণ থাকিতে পারে কিন্তু একটু গভীর ভাবে চিন্তা করিলেই দেখিতে পাইবেন যে জীব যেন কাহার একটা অজ্ঞাত প্রেরণায় ছুটিয়া চলিয়াছে—সে ছুটিয়া যাওয়াটাকেই প্রধান কর্তব্য বলিয়া মনে করে—প্রেরণার মূল প্রস্রবণ খুঁজিবার বিন্দুমাত্রও অবসর পায় না। তাহাদের হাড়ির ভিতরে আলু পটল ইত্যন্তঃ বিক্ষিপ্ত হয়; আলু পটল হয়ত মনে করিতে পারে এ বিক্ষেপের কর্তা তাহারাই, কিন্তু প্রকৃত প্রস্তাবে অগ্নিশিখাই যে তাহাদের এবিধ চাঞ্চল্যের কারণ তাহা ভাবিবার অবকাশ তাহাদের নাই। যাহারা নিজেদের সংযত মনে করিয়া অপরকে প্রবৃত্তির দাস বলিয়া ঘৃণায় চক্ষে দেখিতে চান তাহারা তাহাদের সংযম শক্তির মূল অনুসন্ধান করিতে চেষ্টা করিবেন কি?

পিচ্ছিল পথ, পথে দুইজন পণ্ডিত—একজন বাবু, অপরটা যুবক। যুবক অনায়াসে পথ অতিক্রম করিতেছে। আর বাবু পিছনে বাবু বার পদস্থলিত হইয়া মাটিতে পড়িয়া যাইতেছে। যুবক পিছনে তাকাইয়া বলিল “বাবুকুব, বাবুল, দুর্বল তুমি, এখনও হাঁটিতে শেখ নাই?” বাবুকটা একটু মুহূর্ত হাসিয়া উত্তর করিল “মহাশয়, বোধহয়, বাল্যকালের কথা একেবারেই ভুলিয়া গিয়াছেন।”

যাহারা ভাগ্যধর, জীবনের কোনো কাজেই তাহাদের বাধা বিঘ্নের সহিত সংগ্রাম করিতে হয় নাই, তাহারা অপরের পদস্থলনে একটু বিক্ষেপের হাসি হাসিবে তাহাতে আর বিচিত্রতা কি? কিন্তু একথা সত্য যে অধিক সংখ্যক মানুষই পথে চলিতে চলিতে সম্মুখে বিঘ্নের দুরতিক্রম্য ও দুর্ভেদ্য প্রাচীর দেখিয়া আতঙ্কে শিহরিয়া উঠে, গন্তব্য স্থলে উপস্থিত হইতে হইলে কোন শক্তির পুরুষের সাহচর্য প্রার্থনা ভিন্ন অন্য উপায় দেখিতে পায় না। এই যে মানুষে মানুষে পার্থক্য—কেহ সহজেই একটা বিষয় আয়ত্ত করিতে পারে, দুর্বল প্রবৃত্তিকে সংযত করিয়া আপন গন্তব্য স্থলে উপস্থিত হইতে পারে, আর কেহ শত চেষ্টা সত্ত্বেও পথে একপদ অগ্রসর হইতে পারে না—শাস্ত্র ব্যক্তিগত পূর্ব সংস্কারকেই ইহার একমাত্র কারণ বলিয়া নির্ধারণ করিয়াছেন। কিন্তু এই সংস্কারের প্রথম আরম্ভ কোথায় তাহা নিরূপণ করা যায় না। সুতরাং ভগবদেচ্ছাকেই জীবের সর্ববিধ চাঞ্চল্য, উদ্বেজন, বা প্রবৃত্তির কারণ বলিয়া ধরিয়া লওয়াই সমীচীন।

ভগবান গীতার বলিয়াছেন “কার্যতে হ্রবশঃ কৰ্ম সৰ্ব্বঃ প্রকৃতিজৈগুণৈঃ।” স্বাগ ঘোষাদি স্বাভাবিক গুণ সকল সকলকেই অবশ্য করিয়া কৰ্ম করাইয়া থাকে। সুতরাং যে যে কার্যই করুক না কেন তাহাতে নিজের কোন স্বাতন্ত্র্য বা স্বাধীনতা নাই, জীবমাত্রই প্রবৃত্তির প্রেরণায় কার্য করিতে বাধ্য হয়। অনেক সময় মানুষ কৰ্মফল জানিতে পারিয়াও সেই কার্যে পুনঃ পুনঃ নিবিষ্ট হয়; কেন হয়? এ বিষয়ে তাহার প্রবৃত্তির প্রাবল্যই একমাত্র কারণ। রামপ্রসাদ অতি দুঃখে গাহিয়াছেন “আমি ঐ খেদে খেদ করি; তুমি মা থাকিতে আমার জাগা ঘরে চুরি।” জাগা ঘরে চুরি মানে কৰ্মের পরিণাম ফল মন্দ জানিয়াও আমরা পুনরায় তাহাতেই আসক্ত হই।

এখানে প্রশ্ন উঠিতে পারে “তবে কি মানুষের স্বাধীনতা কিছুই নাই?” না; জীবের জীবিত চিরদিনই কাল, স্থান ও কার্যকারণ সম্বন্ধ (Time space and causation) দ্বারা সীমা বদ্ধ, এই সীমা বা গণ্ডির বাহিরে যাওয়ার অধিকার জীবের নাই। সে অনেক কথা।

রামপ্রসাদ নিবৃত্তিকে সঙ্গে লইতে বলিয়াছেন কিন্তু মানুষ যদি ইচ্ছা করিলেই নিবৃত্তির পথে চলিতে পারিত তবে আর “তুমি মা থাকিতে আমার জাগা ঘরে চুরি” বলিয়া রামপ্রসাদের খেদ করিতে হইত না। তবে এ কথা স্বাকার্য্য যে যদি কেহ ভগবদেচ্ছা বলে কোন কঠিন প্রবৃত্তির দাস হইতে মুক্তি লাভ করিয়া নিবৃত্তির রাজ্যে প্রবেশ লাভ করিতে পারে তবে তখন সে জানিতে পার নিবৃত্তির পরমানন্দের সহিত তুলনার ভোগের চিরচঞ্চল সুখানুভূতি কত তুচ্ছ, কত ঘৃণিত।

যাহা হউক একই ক্রিয়াকে যেমন আমরা আশা ও যাওয়া আখ্যা প্রদান করি, প্রবৃত্তিনিবৃত্তিও তেমন একই শক্তির অভিব্যক্তি। অগ্নির যে শক্তি প্রভাবে অন্ধকার দূরীভূত হয়, আবার সেই শক্তি প্রভাবেই মানুষের সর্বস্ব নষ্ট হইয়া যায়। সেই প্রকার যে ঐশী শক্তি বলে জীব প্রবৃত্তির তাড়নার অস্থির হইয়া নামাধিধ দুঃখ ভোগ করে, আবার সেই শক্তি প্রভাবেই মানুষ নিবৃত্তির পথে চলিয়া চিরশক্তির অধিকারী হয়। বিচিত্রতাই বিশ্বের চিরন্তন নিয়ম। ভাল মন্দ, সাধু ছবুর্ভ প্রভৃতি সর্ববিধ লোক চিরদিনই সংসারে আছে ও চিরদিনই থাকিবে। ইহাই বিশ্বশ্রষ্টার অভিপ্রায় ও ইহাই তাহার খেলা। সুতরাং সংসারে যে যে ভাবে থাকুক না কেন কাহাকেও দোষ দিও না বা ঘৃণা করিও না। যদি তোমার শক্তি থাকে সাহায্য কর, হাত

ধরিয়া দুর্ভাগকে পথে লইয়া যাও ; সর্বভূতে ভগবানেরই অভিন্যক্তি, তাঁহারই লীলা দেখিয়া আনন্দে ডুবিয়া যাও। তাই যীশু বলিয়াছেন “Hate the sin and not the sinner” পাপকে ঘৃণা কর, পাপীকে নয়।

শ্রী প্রভাচন্দ্র গুপ্ত ।

খাদ্যবীৰ্য্য বা ভিটামিন

গত কয়েক বৎসরের মধ্যে চিকিৎসকগণ পণ্য সম্বন্ধে তাঁহাদের মতের অনেক পরিবর্তন করিয়াছেন এবং এখনও করিতেছেন। এতদিন পরে প্রাকৃতিক চিকিৎসকগণের ন্যায় অন্যান্য চিকিৎসকগণও বিশ্বাস করেন যে সভ্য জাতি যাহা আহার করিয়া থাকে তাহার মধ্যে উপযুক্ত মাত্রায় প্রধান পুষ্টিকর উপকরণ থাকা প্রয়োজন। বিশেষ খনিজ দ্রব্যের লবণ, উহা প্রত্যেক ব্যক্তির স্বাস্থ্য, অভ্যাস, স্থানীয় আবহাওয়া ও সেই ব্যক্তি যে পেশা অবলম্বন করিয়াছে তদনুযায়ী করিয়া কম, বেশী বা পরিবর্তিত রকম খাদ্য তৈয়ার করিয়া সেবন করা প্রয়োজন। এক জনের কাছে যাহা স্বাস্থ্যানুকূল খাদ্য অন্যের কাছে তাহা বিষ হইতে পারে। খাদ্য সম্বন্ধে মত ক্রমাগত পরিবর্তন হইতেছে এবং বর্তমান সভ্যতার জন্য আমরা যেরূপ ভাবে খাদ্য প্রস্তুত করি ও যাহা সেবন করি তাহা স্বাস্থ্যের পক্ষে হানিজনক এবং ইহা দিন দিন বৃদ্ধি পাইতেছে যে আমাদের পূর্বপুরুষগণ যে অর্ধনিষ্ক ও অর্ধপোড়া খাদ্য সেবন করিতেন তাহাই স্বাস্থ্যরক্ষার্থে উত্তম ও প্রয়োজনীয়।

খোসাসহ যে গম পিষা হয় তাহা ষাড়া কুটি প্রস্তুত করিলে সাদা ময়দার কুটি অপেক্ষা উপকারী কারণ গম পরিষ্কার করিয়া মিহি সাদা ময়দা প্রস্তুত করিতে গমের অনেক পুষ্টিকর দ্রব্য নষ্ট হইয়া যায়। খোসাসহ গম পিষিয়া যে আটা প্রস্তুত হয় তাহা কেবল যে পুষ্টিকারক

তাহা নহে কিন্তু উহা মসৃণ নহে বলিয়া অল্পের কার্য্য বর্ধন করে, সেজন্য উহা কোষ্ঠবদ্ধতার ঔষধ, বর্তমানকালে কোষ্ঠবদ্ধতা এক মহারোগ হইয়া উঠিয়াছে। ইহা ছাড়া অধিকক্ষণ ধরিয়া খাদ্য রন্ধন করা কিম্বা অত্যধিক উত্তাপে রন্ধন করা সভ্যতার ফলে হইয়াছে। খাদ্যের অনেক পরিমাণ পুষ্টি কারক দ্রব্য তাহাতে নষ্ট হইয়া যায় ও তাহার উপকারিতা কমিয়া যায়।

খাদ্যের মধ্যে ভিটামিন বা খাদ্যবীর্ষের অবস্থিতির প্রয়োজন সম্বন্ধ সকলের মনে দৃঢ়ভাবে বদ্ধমূল হইয়াছে অবশ্য অনেক বলেন যে খাদ্যের মধ্যে খনিজ দ্রব্যের লবণ থাকিলেই আপনা আপনি ভিটামিন থাকিবে। তাহাই বলিয়া কেহ যেন মনে না করেন যে ভিটামিন প্রয়োজন নাই। টাটকা শাক সজ্জা এবং টাটকা ফল অতি স্বাস্থ্যপ্রদ খাদ্য, বিশেষতঃ যাহারা বসিয়া থাকেন বা বসিয়া বসিয়া কাজ কর্তব্য করেন তাঁহাদের পক্ষে উহা বিশেষ উপকারী। “ক” শ্রেণীর ভিটামিন সবুজ বর্ণের শাক সজ্জাতে, পালং শাকে, বাধাকপি গাজর এবং শাস্ত্র থাকে। “থ” শ্রেণীর ভিটামিন চাউলের সূক্ষ্ম আবরণে কেবল আছে তাহা নহে কিন্তু উহা অনেক জিনিষে বর্তমান যাহা সেবনে শরীরের বৃদ্ধি হয়; এই ভিটামিন জলে দ্রবণীয়। ইহা উত্তাপে বা বাতাসে সহজে নষ্ট হয় না এবং ইহা দ্বারা গ্রহি সকলের ক্ষয় পূরণ ও উহার রস নিঃসরণ বৃদ্ধি হয়। ইহা শস্ত্রে, বাদামে, বিলাতী বেগুনে, লেবুতে, কমলালেবুতে এবং শাকসজ্জাতে পাওয়া যায়। “গ” শ্রেণীর ভিটামিন কমলালেবুতে, লেবুতে, বিলাতী বেগুনে, গাজরে, শিম্বে, লেটুস শাক, পিঁয়াজে সবুজ শাকসজ্জাতে ও নূতন উদ্ভূত ফসলের মধ্যে পাওয়া যায়। অল্পক্ষণের জন্য তাঁর উত্তাপে এই সকল জিনিষ রন্ধন করিলে উহার ভিটামিন কতকটা নষ্ট হয়।

স্বাস্থ্য সমভাবে রক্ষা করিতে হইলে এই কয় শ্রেণীর ভিটামিন খাদ্যের মধ্যে পাকা নিঃসৃত প্রয়োজন। অধিক উত্তাপে বা অল্প উত্তাপে অধিকক্ষণ রন্ধন করিলে খাদ্যের অস্বাভিক পুষ্টি-কারিতা গুণ নষ্ট হইয়া যায় সেই জন্য দৈনিক কিছু টাটকা ফল সেবন করিলে স্বাস্থ্য রক্ষা করা যায়। কিন্তু আনরা বর্তমান সময়ে পাথর করলাতে অধিক উত্তাপ দ্বারা রন্ধন করিয়া থাকি এবং রন্ধনকরা দ্রব্য অধিকতর নরম করিবার অভিপ্রায়ে অধিকক্ষণ রন্ধন করি। সেইজন্য আনরা খাদ্যের যেসকল পুষ্টি দ্রব্য নষ্ট করি তাহা পূরণ করিবার জন্য প্রত্যহ কিছু টাটকা ফল সেবন করা আনাদের উচিত। আনরা যে পেণা করিয়া থাকি এবং ব্যক্তিগত কাণ

আবহাওয়ার প্রতি সামঞ্জস্য রাখিয়া আমাদের প্রত্যেকের খাদ্য ঠিক করিয়া লওয়া কর্তব্য। কিন্তু সকল ব্যক্তির ও সকল আবহাওয়াতে টাটকা ফল সেবন করা কর্তব্য। অভিজ্ঞতা ও বৈজ্ঞানিক পরীক্ষার ফলে ইহার সত্যতা প্রমাণিত হইয়াছে।

সম্প্রতি জাপানে চারিজন বৈজ্ঞানিক খাদ্যবীৰ্য বা ভিটামিনসম্বন্ধে কয়েকটা নূতন তথ্য আবিষ্কার করিয়াছেন তাহা যদি অত্রান্ত বলিয়া প্রমাণিত হয় তবে এক নূতন ও আশ্চর্য পথ উন্মুক্ত হইবে। ভিটামিন বা খাদ্যবীৰ্য এক প্রহেলিকাপূর্ণ পদার্থ। মানুষ ও অন্যান্য জীবের স্বাস্থ্যরক্ষা ও বৃদ্ধির জন্য ইহা অতি প্রয়োজনীয় এবং ইহা না হইলে জীবনরক্ষা করা চলে না। গত কয়েক বৎসর ধরিয়া পৃথিবীর অতি বিচক্ষণ কয়েকজন বৈজ্ঞানিক এই খাদ্যবীৰ্য সম্বন্ধে অমুসন্ধান এবং গবেষণা করিতেছেন। কোন খাদ্যে এই খাদ্যবীৰ্য আছে, কোনটাতে নাই; অধিক ভিটামিন সেবনে কিম্বা কম সেবনে মানুষ ও অন্যান্য জীবের শরীরে কি ফল হয় এই সকল বিষয়ে তাহারা অমুসন্ধান করিতেছেন। এই ভিটামিন বা খাদ্যবীৰ্যের যে বিভিন্ন শ্রেণী আছে তাহার কয়েকটিকে বিশ্লেষণ করা হইয়াছে এবং শ্রেণীবিভাগ করা হইয়াছে কিন্তু কোন খাদ্যে কি পরিমাণে কোন শ্রেণীর ভিটামিন বা খাদ্যবীৰ্য বর্তমান তাহা নির্দিষ্টরূপে জানা গিয়াছে।

আজকাল সাধারণ লোকেও জানে যে বডলিভার “ক” ও “ঘ” শ্রেণীর দুই রকম ভিটামিন অধিক পরিমাণ বর্তমান। ইহাও জানা গিয়াছে যে “ঘ” শ্রেণীর ভিটামিন খাদ্যে অভাব হইলে তাহার পরিপূর্ণ অতিবেগুণি রশ্মি গাত্রে লাগাইলেই অভাব পূরণ হয়। “ঘ” শ্রেণীর ভিটামিনের অভাব হইলে অথবা গাত্রে উপযুক্ত মাত্রায় সূর্যকিরণ না লাগিলে রিকেট নামক রোগ হইয়া থাকে। এই রোগে অস্থি শীর্ণ ও নরম হয়। খাদ্যে “ক” শ্রেণীর ভিটামিনের অভাব হইলে শিশুদিগের কয়েকপ্রকার চক্ষুরোগ হইয়া থাকে এবং তাহার জন্য অন্ধ হওয়ারও সম্ভাবনা। তাহা ছাড়া “ক” শ্রেণীর ভিটামিনের অভাবে সকল জীবেরই নানাপ্রকার রোগ হইতে পারে। জাপানে এজন্য চক্ষুরোগের প্রাদুর্ভাব বেশী। ইহা হইতে স্পষ্টই বুঝা যায় যে জাপানে বৈজ্ঞানিক অমুসন্ধানের ফলে বডলিভার তৈল ও সবুজ বর্ণের শাকসব্জীতে এই “ক” শ্রেণীর ভিটামিন বাহির করিয়া ফেলা সম্ভব হওয়ার একটা বিশেষ আবশ্যিকীয় জিনিষের আবিষ্কার হইয়াছে। এই পদার্থ প্রাণীর বাচিয়া থাকার জন্য বিশেষ প্রয়োজনীয়। ইহা লাল ও হরিত্রাবর্ণ মিশ্রিত তৈলের ন্যায় দেখিতে। ৫৬মণ বডলিভার তৈল হইতে মাত্র অর্ধসের এই পদার্থ

বাহির হইয়াছে। এই খাদ্যবীর্ষ্য পালং শাকে এবং অন্যান্য শাকসজীতে বর্তমান। শুক সবুজ বর্ণের পাতার উপরে নানা প্রক্রিয়ার পরে প্রায় এক ছটাক এই পদার্থ পাওয়া গিয়াছে। দেখা যাইতেছে যে ৪০০০০ ভাগ বডলিভার তৈলে উক্ত খাদ্যবীর্ষ্য একভাগ মাত্র বর্তমান। ইন্দুরের উপর পরীক্ষা করিয়া দেখা গিয়াছে যে পরমাণু পরিমাণ এই পদার্থ উহার দৈনিক প্রয়োজন হয় এবং তাহাতেই উহার স্বাস্থ্যরক্ষা হয়। মানুষের পক্ষে উক্ত পদার্থ সমগ্র জীবনে অর্ধ ছটাক মাত্র প্রয়োজন হয়। ইহা হইতেই বুঝা যাইতেছে যে অর্ধসের উক্ত পদার্থে কতজন লোকের স্বাস্থ্যরক্ষা হইতে পারে। এই খাদ্যবীর্ষ্য অধিক পরিমাণে ইন্দুরকে খাইতে দিয়া উহার স্বাস্থ্যনষ্ট হইতে দেখা গিয়াছে। ইন্দুরের খাদ্যে যত পরিমাণ খাদ্যের প্রয়োজন তাহার ছই সহস্রগুণ অধিক খাদ্যবীর্ষ্য সেবন করিতে দেওয়ার ফলে ইন্দুরের মৃত্যু হয়। মৃত্যুর পূর্বে উহার গাত্রে লোম পড়িয়া যায়, চক্ষুরোগ হয়, শরীর ক্ষীণ হয় অবশেষে পশুচাঙ্গিকের অঙ্গে পক্ষাঘাত হয়। দেখা যাইতেছে যে খাদ্যবীর্ষ্য আনাদিগের খাদ্যের মধ্যে কম হইলে যেমন নানা প্রকার রোগ হইয়া থাকে তেমনি অধিক সেবনেও রোগ হয়।

আমরা জানি যে খাদ্যে ভিটামিন না থাকিলে বেরিবেরি রোগ, চর্মরোগ, নরম অস্থির রোগ প্রভৃতি হইয়া থাকে। কিন্তু তাহা ছাড়া অনেক প্রকার রোগ হইয়া থাকে যাহার মূল কারণ খাদ্যে ভিটামিনের অভাব। খাদ্যে ভিটামিনের অভাব হইলে প্রথমতঃ শরীর ক্লম হয়, ওজন কমিয়া যায়, রক্ত কম হয়, সহজে শ্রান্তি অথবা কঠিন শ্রম করিতে অক্ষম হয়, পরিশ্রমে সহজেই হাঁপায়, দুর্বলতা, অবসাদ, কষ্টসহিষ্ণুতার অভাব, হস্ত পদ শীতল বোধ ও আবহাওয়ার পরিবর্তনের সঙ্গে সঙ্গে সহজেই রোগ হয়, সহজে সংক্রামক রোগেও তাহাদিগকে আক্রমণ করিয়া থাকে। এই সকল লক্ষণ অন্য রোগেও হওয়া সম্ভব সেজন্য কোনও রোগের প্রগমেই বলা যায় না যে ইহা ভিটামিনেই অভাবেই হইয়াছে কি অন্য কোনও রোগের পূর্ব লক্ষণ। ব্যক্তিগত কোন কারণে কিম্বা জাতীয় কষ্টের দরুণ যথা রোগ অবসানে, মানসিক কষ্ট ও বিরক্তিতে মুক্ত বা ছুটিক্ষে শরীরে যেটুকু ভিটামিন থাকে তাহা ব্যয় হইয়া যায়, তখন উপরোক্ত লক্ষণ সকল প্রকাশ পাইলে সন্দেহ হয় যে, ভিটামিনের অভাবেই এই সকল লক্ষণের কারণ। এই সময়ে রোগীর খাদ্য সম্বন্ধে অনুসন্ধান করিয়া দেখা উচিত এবং কোন খাদ্য ও কি পরিমাণে সেবন করে, তাহা দেখিয়া উহার পরিমাণ নির্দেশ করিতে হইবে।

খাদ্যে ভিটামিনের অভাব হইলে প্রথমেই পাকস্থলীর গোলযোগ ঘটে সোজা কথায় উহাকে ডিসপেপসিয়া বা অজীর্ণ বলিয়া সকলে সাধারণতঃ ব্যাখ্যা করে। এই সকল রোগগ্রস্ত ব্যক্তি যখন অতিরিক্ত আহার করিতে থাকে তখন সন্দেহ উপস্থিত হয়। মানুষের ভিটামিনপূর্ণ খাদ্য সেবনের জন্য একটা স্বাভাবিক আকাঙ্ক্ষা আছে। এই রোগে যদি কোনও লোক একই প্রকার খাদ্য সেবন করে এবং সেই লোক ক্রমাগত আহার করিতে থাকে ও তাহার আহারের প্রবল ইচ্ছা কমে না। এই কারণে তাহার কোষ্ঠবদ্ধতা হয়। এইরূপ না হইয়া কাহার কাহারও ক্ষুধা কমিয়া যায়, ভেদ, শীরের ক্ষীণ ও উত্তাপ কম হয়। ইহা ব্যতীত পাকরস নির্গত না হওয়ার ভুক্ত-দ্রব্য পাকস্থলীতে হজম না হইয়া অল্প বাহিরা চলিয়া যায় তজ্জন্য যাতনা, পেটে কষ্টবোধ ও নানা প্রকার উসসর্গ উপস্থিত হয়। খাদ্যে ভিটামিন না থাকার দরুণ রক্তে অম্লাধিক্য হইতে পারে। এই অবস্থায় হজম হয় না ও অম্লরোগ বৃদ্ধি পাইতে থাকে। ইহাতে অল্পবয়স্কদিগে বৃদ্ধি বন্ধ হয় ও তাহারা সহজেই রোগাক্রান্ত হইয়া পড়ে। ভিটামিনের অভাবে নানাপ্রকার রোগ দেখা দেয় যথা রক্তহীনতা, হস্তপদের পেশীর দুর্বলতা, স্পর্শবোধের অভাব, সর্দিপ্রবণতা, সন্ধিস্থলে বেদনা, রক্তশ্রাব, চক্ষুরোগ, সহজেই ক্রোধ, হৃদযন্ত্রের আকার বৃদ্ধি ও তাহার দুর্বলতা ঘটে। তাহা ছাড়া সাময়িক অবসাদ, বুদ্ধির প্রাথ্যর্থ্যের অভাব প্রভৃতি ও যৌবনে জ্বরাক্রমণ ও অল্পজীবী এই কারণে হইয়া থাকে।

শিক্ষিত মধ্যবিত্ত অবস্থার বাঙ্গালী পরিষ্কৃত ছাঁটা চাউল খায় বলিয়া তাহাদের মধ্যে অজীর্ণ রোগ, অক্ষুধা, অম্লরোগ, বহুমূত্ররোগ, পাকস্থলীতে বেদনা হয় ও পাকরসের নানাপ্রকার রোগে ভুগিয়া থাকে। শাকসব্জীর খোসা ছাড়াইয়া ফেলিয়া দিয়া সেই শব্দী রন্ধন করায় ভাতের ফেন ফেলিয়া দেওয়া প্রভৃতিতে বাঙ্গালী আরও অনেক পরিমাণ ভিটামিন নষ্ট করিয়া ফেলে। সেইজন্য বাঙ্গালীর পাকস্থলীর রোগে সর্বপ্রথমে তাহার খাদ্যে ভিটামিনের অভাব কতটা আছে তাহা ঠিক করিয়া 'ক' 'খ' বা 'গ' শ্রেণীর যে ভিটামিনের অভাব তাহা আহার করিতে দিয়া পূরণ করিয়া দিতে হইবে।

‘খ’ শ্রেণীর ভিটামিন।

বর্তমান সময়ে বৈজ্ঞানিকগণ ‘খ’ শ্রেণীর ভিটামিনের অস্তিত্ব স্বীকার করিয়াছেন। ক ও ‘খ’ শ্রেণীর ভিটামিন বা খাদ্যবীর্ষ্যের সহিত অতি নিকট সম্বন্ধ আছে; সেই জন্য সাধারণতঃ এই

ছই ভিটামিন একই পদার্থের মধ্যে এক সঙ্গে পাওয়া যায়। কডলিতার অয়েলের মধ্যে এই ছই ভিটামিন এক সঙ্গে প্রচুর পরিমাণে পাওয়া যায়। এই ছই শ্রেণীর ভিটামিনের কার্য প্রায় একই। 'ক' শ্রেণীর ভিটামিন শরীর বৃদ্ধি ও গঠনের সহায়তা করে, 'ঘ' শ্রেণীর ভিটামিন শিশুদিগের অস্থির দোষ দূর করে নরম অস্থি সঙ্গ করে। মাখন 'ক' শ্রেণীর ভিটামিন টহা সেবনে গঠন ও বৃদ্ধি হয় কিন্তু টহাতে অস্থি গঠন কি নরম অস্থি শক্ত হয় না। অপর দিকে নারিকেল তৈল সেবনে অস্থি গঠন হয় কিন্তু তাহাতে শরীর বৃদ্ধি হয় না। পূর্বে মনে করা যাইত যে যেহেতু 'ক' শ্রেণীর ভিটামিনের গঠন ও বৃদ্ধি প্রদানের শক্তি আছে তাহার অস্থি গঠনের ও দৃঢ় করিবার শক্তিও সেই হেতু বর্তমান আছে।

কডলিতার অয়েল আংশিকভাবে উত্তপ্ত কবিলে 'ক' শ্রেণীর ভিটামিন নষ্ট হইয়া যায় কিন্তু তখনও ঐ কডলিতার অয়েলের অস্থি দৃঢ় করার শক্তি বর্তমান থাকে ইহা 'ঘ' শ্রেণীর ভিটামিনের দ্বারা হইয়া থাকে। এইরূপে এই শ্রেণীর ভিটামিনের অস্থি বৃদ্ধিতে পারা যায় ও ইহা যে 'ক' শ্রেণীর ভিটামিন হইতে বিভিন্ন তাহা বেশ বুঝা যায়। হংস ও মুরগীর ডিম্বের হরিদ্রাভ অংশে প্রচুর পরিমাণে 'ঘ' শ্রেণীর ভিটামিন আছে সেজন্য নরম অস্থি যাচাদের ও যাহাদের রিকেট রোগ আছে তাহাদের পক্ষে ডিম্বের হরিদ্রা বর্ণের অংশ বিশেষ উপকারী। গোহুঞ্জে ইহা বর্তমান কিন্তু মানব মাতৃহুঞ্জে ইহা সর্বাপেক্ষা অধিক পরিমাণে বর্তমান। এইজন্য মাতৃহুঞ্জপায়ী শিশুর নরম অস্থির রোগ হওয়ার সম্ভাবনা সর্বাপেক্ষা কম, কিন্তু যাহারা পেটেন্ট হুঞ্জাদি সেবন করে তাহাদিগের মধ্যেই রিকেট রোগ হওয়ার সম্ভাবনা অধিক।

কাঁচি।

বয়্যাটে ।

—:~:—

(পূর্বপ্রার্থিতের পর ।)

[পরিচ্ছেদের পূর্বাংশের চূষক ;— কিরণের বহুতর প্রস্তুত অবস্থানে নবনী পরিতৃপ্ত হইয়া বধন
কিরণ—“বেশ তৃপ্তি হল কিরণ, সত্যি বলছি ।” উদ্বৃত্তে কিরণ বলিল—“আমার সত্যি গর্ব হচ্ছে তবু খাইয়ে
কিরণ তৃপ্তি দিতে পেরেছি ।”]

তখন নবনে—“সেই তৃপ্তি দেবার ভ্রুই বুঝি আজ এমন অপ্রত্যাশিত এখানে এসে
প’ড়েছিলি ।” বলে হো-হো করে হেসে উঠলো । কিরণও হেসে বলে ;—“সাহেবের হাসিটাও
নকল করছ বুঝি ?”

নবনে আর এক গরাস ভাত মুখে দিয়ে কিরণের মুখের পানে তাকিয়ে দেখতে দেখতে
উদ্ধার-আশ্রমের খবর জিজ্ঞেস করে ফেললে ! কথাটা অনেকক্ষণ থেকেই তার মনের ভেতর ওঠা-
পড়া করছিল ; এই ক’দিন আগেই একদিন সে মনে করছিল আর কিছু টাকা হাতে হলেই
সাহেবের “উদ্ধার আশ্রমের” রহস্য ভেদ করবার জন্যে বেড়িয়ে পড়বে । আজ সুমুখো-সুমুখি
কিরণকে পেয়েছে, খোঁজাখুঁজির হাত থেকে সে মুক্তি পেয়ে—কিরণের কাছেই সব শুনবে ।
কিরণও খুঁটিয়ে-নাটিয়েই আশ্রমের কথা বললে—নবনে খেতে খেতে শুনলো । শুনে এক এক-
বার রাগে কখনও বা আলায়—তার মুখের ওপর বিকৃত এক একটা ভাব ফুটে উঠতে লাগলো ।
প্রকাণ্ড কাণ্ড । শুনলে সে এক বিষয় বলে মনে হবে । আশ্রমের প্রকাণ্ড বাড়ী, চারটে ভাগ ।
তার একট ‘জননী-আশ্রম’ ;—তারই পাশে ‘শিশু-মঙ্গল’ তা’পর ‘আতুরালয়’ সকলের শেষে
‘চিকিৎসা । চিকিৎসা বিভাগটা মানে আর কিছু নয়—সোজা-সুজি হাসপাতাল । কুড়ি জন
রোগীর থাকবার ব্যবস্থা আছে । ডাক্তার, নার্স, কম্পাউণ্ডার সবই আছেন । আবার
কবিরাজও আছেন এক জন—আয়ুর্বেদী চিকিৎসাও সেখানে হয় । গাঁয়ের বাইরে থেকেও
চের রোগী রোজ ওষুধ নিতে আসে । ওষুধের দাম কি ডাক্তারের ‘ডিজিট’ লাগে না । খবর

দিলে এখানকার ডাক্তার বাড়ী বাড়ী গিয়েও রোগী দেখে আসেন। 'জননী-আশ্রয়ী' অতি গোপন; সেখানে 'পাশ' নইলে কেউ যেতে পারে না—এবং সাহেবের নিজের দস্তখত সে পাশ দিলি হয়। অনেক ছুঃখিনী জননী সেখানে সন্তান প্রসব ক'রে—সুস্থ হলে—হয় অ বায়ু ক্রিয়ে যান—নয় ত আশ্রয়েরই সোণর ভার নিয়ে সেখানেই থাকেন। সন্তানেরা বড় হলে তাঁদের পিতার নাম হয় তো ঠিক বলতে পারে না—কিন্তু সাহেবকেই তারা বাবা বলে চেনে। 'শিশু-মঙ্গল' একটি 'ইস্কুল', খেলার মাঠ ইত্যাদি শিশুর প্রয়োজনীয় সবট প্রচুর যোগাড় করে রাখা হয়েছে। 'আতুর-আশ্রয়' বাধি-আতুরা নারীদের সেবা ও চিকিৎসা হয়। প্রত্যেক বিভাগের ভার নিয়ে এক একটি জননী আছেন। সব কটাই তাঁদের বশীর্ষনী;—স্নেহে কঁকশায় মারেরই মত। তা' নইলে—সেখানকার সাত বালাই মাথার নিয়ে চলা—সাধারণ মানুষে পারে না। এদিকে কোলাহল ওদিকে আর্ন্তনাদ—

“শিশুমঙ্গল”—ছেলের ছেলের কুস্তাকুস্তী, মারামারী—পাটকেল মেরে হয়তো একজন আর একজনের কপালই কুটো ক'বে দিন—এই ব্যাপার! আর এই মারেরা আছেন সব অশাস্তি শাস্ত ক'রতে! প্রাণ বিলিয়ে দে'রা—হৃদয়ের শাসনে সবাইকে তাঁরা আশ্রয় ক'বে দিয়েছেন। অনেক সময় হয়তো চোখ রাঙিয়ে তাঁদেরও কঠোর হ'য়ে উঠতে হয়—কিন্তু অন্তরে তাঁদের অলকনন্দার ফল্গুধারার অমৃত ও মধুর বারি ঝরে।

বলা শেষ হ'তেই “পাজী, গুণ্ডা,—দমবাজ” বলে ন'ব্নে লাকিয়ে উঠে দাড়ালো।

কিরণ প্রথমটা 'অবাক' হ'য়েই জিজ্ঞেস ক'রলো—“সে কী—কার কথা ব'লছে?”

ন'ব্নে চৌচিরে ব'ললো—“ঐ নন্দিতার সম্পাদক।”

“ও!” ব'লে কিরণ গম্ভীরমুখে ন'ব্নেকে জানালো যে তারো চার-পা পাশ পূরে এসেছে—আর সেই জনোই সে এসেছে।

ন'ব্নে জিজ্ঞেস ক'রলো—“মোকদ্দমা ক'রবি?”

“আমি আর বাবা ছ'জনেই তার নামে নালিশ দায়ের ক'রেছি। বাবা—আমাদের মহকুমায়ও গেছেন—কাজি আর বসন্তকেও আমরা ছাড়বো না।”

“আমার আনন্দে নাচতে ইচ্ছে ক'রছে কিরণ!”—পরের ওপর। শোষণ-নন্দার যে আনন্দে কৈশোরে তার মনে পুনক জেগে উঠতো—আজও সহসা সেই উল্লাসে উঠনা হ'য়ে উঠে ন'ব্নে ব'লল—“আমি আজই বেরোবো।”

“কোথায় ?”

“জেলার—সেখানেই বন্যার মারা দেশ ভেসে গিয়েছে— এ সময় দেশে যাওয়া আমার একটা কুর্ভাগ্য—বটে।”

“খাটিতি কিরণ মুখটা ফিরিয়ে ব’লল—“তা বরং না হয়—কাল যেরো।”

ন’ব’নে ব’ললো—“না আজই এই সন্ধ্যাই। সাহেব মহকুমার গেছেন—সেখানে কাষেই লোকের দরকার।”

কিরণ ন’ব’নেকে মনে করিয়ে দিল তার আঁচাজো হয় নি—ছুখ ক’রে ব’ললো—বে একটা অনাহিত হাজার—ন’ব’নের খাত্তরাও ভাল হ’ল না।

“খুব খেয়েছি রে— কিরণ ?—তুই আজ আমার মন থেকে কি চিন্তার পাষণ ভারই যে নামিয়ে দিলি—আমি কথা ব’লে তা তোকে বোঝাতে পারবো না—আমি আজই ছাড়বো।” ব’লে ন’ব’নে আঁচাতে গেল। কিরণও এঁটো তুলে নিয়ে বার হ’য়ে গেল।...

ন’ব’নে সেই রাতেই ক’লকাতা ছাড়লো। বস্তীর সেই পাঞ্জাবীর হাতে ক’লকাতার কাজের তার ঘিরে গেল—টাকা কড়ির ব্যবস্থা সব রইল কিরণের হাতে।

(ক্রমশঃ)

শ্রী বিমলচন্দ্র চক্রবর্তী ।

মহা আত্মজীর আত্মজীবনী ।

প্রথম অধ্যায় ।

ভূমিকা ।

—:~:—

(বিজলীর মারকত ।)

চার পাঁচ বৎসর পূর্বে আমার কয়েকজন ঘনিষ্ঠতম সহকর্মী আমাকে আমার আত্মজীবনী লিখিতে অনুরোধ করেন। আমি তাঁহাদের অনুরোধ মত, কাজ আদ্রস্তও করিয়া দিয়াছিলাম।

কিন্তু প্রথম পৃষ্ঠা শেষ হইতে না হইতেই বোম্বাইয়ে দাঙ্গাহাঙ্গামা শুরু হয়. আর সেই কারণে আমার লেখাও সেটখানেই বন্ধ হইয়া যায়। তারপর পরপর এমন কতকগুলি ঘটনা ঘটিল যার ফলে আমাকে জারবেদা জেলে কিছুদিনের জন্য কারাদণ্ড থাকিতে হইল। জেলে আমার সহ-কারী ছিলেন শ্রীযুক্ত জয়রাম দাস। তিনি আমাকে সকল কাজ ফেলিয়া রাখিয়া আমার আত্মজীবনী লিখিয়া শেষ করিতে হুকুম করিলেন। আমি তাঁতাকে জানাইলাম যে, একটু বিশেষ পড়াশুনা করিব পূর্বে হইতেই স্থির করিয়াছি, তাহা শেষ না করিয়া আত্মজীবনীতে হাত দিতে পারি না। জারবেদা জেলে যদি আমার নির্দিষ্ট কাল কারাদণ্ড থাকিতে হইত, তাহা হইলে নিশ্চয়ই তাহা লিখিয়া শেষ করিতে পারিতাম। নির্দিষ্ট কালের পূর্বেই আমি মুক্তি পাইলাম। সম্প্রতি স্বামী আনন্দও সে কথা স্মরণ করাইয়া দেন। এবং দক্ষিণ-আফ্রিকার সত্যগ্রহ আন্দোলনের ইতিহাস লেখা শেষ হওয়ার ঠাঁহার অনুরোধ পালন করিতে আমার আবার আগ্রহ জাগিয়া উঠিল এবং নিয়মিত প্রতি সপ্তাহে আমার "নবজীবন" পত্র প্রকাশ করিতে সক্ষম হইলাম। স্বামীজীর ইচ্ছা ছিল, ইহা একবারে লিখিয়া পুস্তকাকারে প্রকাশিত হয়, কিন্তু এক সঙ্গে লিখিয়া শেষ করিবার মত সময়ের অভাব হওয়ার, প্রতি সপ্তাহে একটি মাত্র করিয়া অধ্যায় লিখিতে পারি, জানাইলাম এ-দিকে যখন প্রতি সপ্তাহেই "নবজীবন"-এও কিছু লিখিতে হইবে, তখন তাহা আত্মজীবনীই হোক না কেন? স্বামীজী এ প্রস্তাবে সন্মত হইলেন, আর তাই আমি আমার আত্মজীবনী লইয়া উপস্থিত হইলাম। কিন্তু জনৈক ধর্মপ্রাণ বন্ধুর মনে সন্দেহ জাগিল (তিনিও আমার সঙ্গে সপ্তাহে একদিন করিয়া মৌনব্রত অবলম্বন করেন)। তিনি আমার জিজ্ঞাসা করিলেন, এ কার্যে কেন হাত দিলে? আত্মজীবনী লেখা জিনিষটা আসলে পাশ্চাত্যের বৈশিষ্ট্য। প্রাচ্য দেশে এমন এক জনকে দেখি না, যিনি আত্মজীবনী লিখিতে গিয়া পাশ্চাত্যের প্রভাব মুক্ত হইতে পারিয়াছেন। তুমি কি লিখিবে? কাল যাকে আদর্শ বলিয়া গ্রহণ করিয়াছিলে আজ কি তাহাকেই প্রত্যাখ্যান করিবে? তোমার আঙ্গিকার কর্মপদ্ধতি যদি ভবিষ্যতে পরিবর্তন কর? যে সকল লোক তোমার কথিত বা লিখিত বাক্যে অবস্থা স্থাপন করিয়া তাহাদের জীবনের ধারা গড়িয়া তোলে, ইহার দ্বারা কি তারা ভ্রমে পড়িতে পারে না? কাজেই এখনই তোমার পক্ষে আত্মজীবনী না লিখিতে যাওয়াই সঙ্গত বলিয়া মনে করি।

বন্ধুবরের বুদ্ধির প্রভাব এড়াইতে পারিলাম না, তবে খাঁটি আত্মজীবনী লিখিবার চেষ্টা আমার উদ্দেশ্য নহে। সত্যের সঙ্গে আমার জীবনে যে পরীক্ষা চলিয়াছিল, তাহাই বিবরণ আনি।

বলিতে চাই। আর আমার জীবন বলিতে ঐ সকল পরীক্ষা ছাড়া আর কিছুই নহে। এ-কথা অংশা সত্য যে, এই গল্পটিই আত্মজীবনী রূপে রূপান্তরিত হইবে। যদি ইহার প্রত্যেক পৃষ্ঠাই আমার জীবনের পরীক্ষাভরণপূর্ণ হয়, তাহা হইলেও আমি দুঃখিত হইব না। আমার বিশ্বাস,— বিশ্বাস করিতে গৌরব বোধ করি যে, এই সব পরীক্ষার ধারাবাহিক বিবরণ পড়িলে পাঠকের কিছু না কিছু উপকার হইবেই। রাজনৈতিক ক্ষেত্রে আমার পরীক্ষার কথা কেবলমাত্র ভারতপর্ষ নহে, “সত্য জগতের”ও কেহ কেহ অবগত আছেন। আমার কাছে তাহার খুব বড় একটা মূল্য নাই এবং কাজেই রাজনৈতিক কাজের জন্য যে “মহাত্মা” উপাধি পাইয়াছি, তাহারও যে কিছু একটা মূল্য আছে তাহাও মনে করি না। সময় সময় এই উপাধি আমার বেদনার কারণ হইয়াছে। আমার মনে পড়ে না যে, এই উপাধি আমাকে কখনও বিচলিত করিয়াছে।

অধ্যায় জগতে আমি যে পরীক্ষা চালাইয়াছি এক তাহার কথা কেবল আমিই জানি, সেট কাহিনীই আমি বলিব। কেন না তাহা হইতেই আমি রাজনৈতিক জগতে কার্য্য করবার শক্তি অর্জন করিয়াছি। এই পরীক্ষাগুলি যদি সত্য সত্যই আধ্যাত্মিক হইয়া থাকে তাহা হইলে, আত্মপ্রশংসার কোন হেতুই থাকিবে না। বরং তাতে আমারই দীনত প্রকাশ পাইবে। আমি এ বিষয়ে যতই চিন্তা করি এবং আমার গত জীবনের দিকে তাকাইয়া দেখি, ততই আমার যোগ্যতার সীমা আমার দৃষ্টিতে স্পষ্ট হইয়া দেখা দেয়। আমার জীবনের এই ত্রিশ বছর কাল আমি শুধু নিজকে জানিয়া জীবনে ভগবানকে প্রত্যক্ষ দেখিতে অথবা মোক্ষলাভের জন্য চেষ্টা করিয়া আসিতেছি। এই আদর্শে পৌঁছিবার জন্যই আমার সর্বস্ত জীবন ও কার্য্য। রাজনৈতিক ক্ষেত্রে আমি যাহা করি, বলি বা লিখি সবই এই একই উদ্দেশ্যের বশবর্তী হইয়া। আমি বিশ্বাস করি যে, যাহা একজনের পক্ষে সম্ভব তাহা সকলের পক্ষেই সম্ভব। আমার পরীক্ষাগুলি গোপনে অক্ষুণ্ণিত হয় নাই, তাহা প্রকাশ্য ভাবেই অক্ষুণ্ণিত হইয়াছে : সুতরাং আমি মনে করি না যে, এই সত্য তাহার আধ্যাত্মিক পরিধি থেকে এতটুকু বাহিরে গিয়া পড়ে। এমন কতকগুলি কাজ সম্পাদিত হয় যাহা মাত্র এক জনেরই জানা থাকে, আর তাহা জানেন সে ব্যক্তির স্রষ্টা। এই সব বিষয় স্পষ্ট করিয়া প্রকাশ করা যায় না। আমি যে সকল পরীক্ষার কথা বলিতে চাই তাহা সেরূপ নহে। তবে তাহা আধ্যাত্মিক বা নৈতিক, কেন না নীতিই ধর্ম্ম। ধর্ম্মের বে সকল বয়স্ক বালক, যুবক বৃদ্ধ সকলেই বুঝিতে পারিবে, এই আধ্যাত্মিক তাহাই লিপিবদ্ধ হইবে।

আমি যদি আমার এ কাহিনী খুব সরল ও যথাযোগ্য বিনয়ের সঙ্গে বর্ণনা করিতে পারি তাহা হইলে তার যাহারা একরূপ পরীক্ষার ব্রতী হইবেন তাঁহাদের পক্ষে নিশ্চয় অনেক সুবিধা হইবে। আমার এই পরীক্ষা যে চরম উৎকর্ষ লাভ করিয়াছে ইহা আমি কখনো মনে বরি না।

বৈজ্ঞানিক যেমন, তাঁহার সমস্ত সঠিক পদ্ধতি অনুসরণের পর পুঙ্খানুপুঙ্খ বিশ্লেষণ ও সমস্ত রকম চিন্তার অনুশীলনের দ্বারা একটা সিদ্ধান্তে উপনীত হন—সে সিদ্ধান্তের সর্বশেষ অভ্যাস্ততা সম্বন্ধে যেমন তিনি কোনও রকম দাবী না করিয়া আপনার অন্তরকে নিরপেক্ষ রাখিতে সক্ষম হন—আমিও সেইরূপ আমার সমস্ত পরীক্ষা-লব্ধ সিদ্ধান্তের সর্বশেষ যৌক্তিকতা সম্বন্ধে কোনও দাবী রাখি না।

আমার অন্তরে গভীর তলদেশে সন্ধান করিয়া দেখিয়াছি। নিতকে পুঙ্খানুপুঙ্খরূপে খুঁজিয়া দেখিয়াছি এবং প্রত্যেক মানসিক অবস্থাটিকে তন্ন তন্ন করিয়া পরীক্ষা ও যাচাই করিয়া দেখিয়াছি এবং আমি কেঁসিদ্ধান্তে আসিয়া পৌঁছিয়াছি তাহাই যে চরম ও অভ্যাস্ততা কখনো আমি মনে করি না। একটি মাত্র দাবী আমার আছে তাহা এই—আমার পক্ষে তাহা একেবারে শুদ্ধ, তাতে ভুল ক্রটি প্রতটুকু নাই। এবং সময়ে সময়ে ইহাই শেষ পরিণতি একরূপ মনে হইত। কেন না যদি তাহা না হইত, তাহা হইলে ঐ সিদ্ধান্তের উপর নির্ভর করিয়া আমি কোন কার্যই করিতাম না। তবে আমি প্রতিপদক্ষেপে গ্রহণ ও বর্জনের নিয়ম মানিয়া চলিয়াছি এবং তদনুসারে কার্যও করিয়াছি এবং যতক্ষণ আমরা কার্যাদি যুক্তি ও মনের পুরো সার না পাই ততক্ষণ পর্যন্ত পুরাতন সিদ্ধান্ত কখনো আমি পরিত্যাগ করি না।

সত্যের পূজা

পুণ্ডিত নিয়ম-কানুনের আলোচনা করাই যদি প্রয়োজন হইত তাহা হইলে আমি এই আত্মজীবনী রচনার হাত দিতাম না আসলে ঐ সকল নিয়ম-কানুনের বিভিন্ন ব্যবহারিক প্রয়োগের একটি বিবরণ লিপিবদ্ধ করাই আমার উদ্দেশ্য। এই কারণে আমার প্রবন্ধগুলির

নাথ দিয়াছি “সকলের সঙ্গে যে অবিরাম পরীক্ষার নিযুক্ত ছিলাম তাহার কাহিনী।” বলা বাহুল্য, অদ্রোহ, চিরকৌমার্য ও মানব-জীবনের অন্যান্য আচার-পদ্ধতির সঙ্গেও যে পরীক্ষার নিযুক্ত ছিলাম তাহাও এই সকল প্রবন্ধের বিষয়ীভূত। কিন্তু আমার কাছে সত্যই চরম বিধি এবং আরো অনেকগুলি বিধিও ইহার অন্তর্ভুক্ত। এই সত্য কেবলমাত্র মৌখিক সত্যবাদিতাই নহে, পরন্তু মানসিক সত্যবাদিতাও বটে। এবং ইহা কেবলমাত্র আমাদের ধারণার আপেক্ষিক সত্যই নহে, বরং ইহা নিগূর্ণ সত্য, শাশ্বত বিধি, অর্থাৎ ভগবান। ভগবানের বহু সংজ্ঞা আছে, কেন না তাঁহার রূপও বহু। তাহারা আমাকে বিস্ময়ে অভিভূত করে এবং একটা সম্ভ্রমের ভাব আনিয়া দেয়। ফলে কয়েক মুহূর্তের জন্য আমি বিহ্বল হইয়া পড়ি। কিন্তু আমি কেবলমাত্র সত্যকে মনে করিয়াই ঈশ্বরের পূজা করিয়া থাকি। তিনিই একমাত্র অকৃত্রিম, আর সবই কৃত্রিম। আমি আজো তাঁহাকে পাই নাই, তবে তাঁহার সন্ধানে এখনো আছি। এই সন্ধানের জন্য আমার জীবনের প্রায়তম সন নিছুট আমি উৎসর্গ করিতে প্রস্তুত আছি। এমন কি, ইহার জন্য যদি আমাকে জীবনও বিসর্জন দিতে হয়, তাহাও আমি দিতে পারি বলিয়াই আমার বিশ্বাস। কিন্তু যতদিন না আমি এই নিগূর্ণ সত্যকে উপলব্ধি করিতে পারিব ততদিন ব্যবহারিক সত্য বলিতে যাহা বুলিয়াছি তাহাট অলম্বন করিয়া থাকিতে হইবে। সেট ব্যবহারিক সত্যই ততদিন আমার পথ দেখাইয়া নিবে, সে-ট হইবে আমার বর্ষ, আমার আশ্রয়। এই পথ সঙ্কীর্ণ বন্ধুর এবং ক্ষুরধার হইলেও আমার পক্ষে তাহা সঙ্কীর্ণতম ও সব চাইতে সহজ। এমন কি, আমার সব চাটতে বড় ভ্রান্তিও আমার কাছে নগণ্য মনে হয়, কেন না আমি এই পথটিকে আকড়াইয়া ধরিয়া রাখিয়াছি এই পথই আমাকে হুঃখ শোকের হাত হইতে বাঁচাইয়াছে। এবং আমার ধর্ম-বিশ্বাসট আমাকে চালাইয়া লইয়া গিয়াছে। সময় সময় অস্পষ্ট কণিকালোকে নিগূর্ণ সত্য, ভগবান এবং তিনিই যে একমাত্র অকৃত্রিম এই বিশ্বাস দিনের পর দিন আমার মনে বাড়িয়া চলে। আমার জগৎ অর্থাৎ যাহারা এই লেখা পড়িবে বা আমার সংস্পর্শে থাকিবে, তাহারা, কেমন করিয়া এই বিশ্বাস আমার মধ্যে জন্মগ্রহণ করিল তাহা এবং যদি তাহারা পারে তাহা হইলে আমার পরীক্ষার অংশ ও আমার বিশ্বাসের অংশ গ্রহণ করুক। আমার মধ্যে আর একটি বিশ্বাস জন্মলাভ করিয়াছে তাহা এই যে, আমার পক্ষে যাহা করা সম্ভবপর, একটি শিশুর পক্ষেও তাহা সম্ভব। এবং আমার এ কথার অকাট্য বুদ্ধিও আছে। সত্যাত্মসন্ধানের

উপায় যেমন সহজ তেমনি কঠিন। সত্যানুসন্ধানে উপায়গুলি গন্ধিত ব্যক্তির পক্ষে সম্পূর্ণ অসম্ভব বলিয়া মনে হইতে পারে কিন্তু একটি সরল চিত্ত শিশুর পক্ষে তাহা একেবারে সম্ভব। যিনি সত্যানুসন্ধানে ব্রতী তিনি ধূলিকণার চাঠিতেও বিনীত হইবেন। পৃথিবী তার পারের নীচে ধূলিকণাকে দলিত করিয়া চলে, কিন্তু সত্যানুসন্ধানীকে এতটা বিনয়ী হইতে হইবে যে, ধূলিকণাও যেন তাঁহাকে দলিত করিতে পারে। তাই তিনি (তার আগে নয়) সত্যের রূপ দৃষ্টিগোচর করিতে পারিবেন। বশিষ্ঠ ও বিশ্বামিত্রের কথোপকথনে টেহা স্পষ্ট করিয়া বুঝা যায়। খৃষ্ট ও ইসলাম ধর্মের ইহার যথেষ্ট প্রমাণ পাওয়া যায়।

যদি কোন পাঠক আমার এই প্রবন্ধগুলির মধ্যে গুরুত্বের একটুকু গুরুত্বও পান তাহা হইলে তিনি যেন তাহা এই মনে করিয়া তাহা গ্রহণ করেন যে, আমার সত্যানুসন্ধানের কোথাও ত্রুটি বা দোষ রহিয়া গিয়াছে এবং আমার সত্য-দৃষ্টি মারা-মরীচিকা ছাড়া আর কিছুই নহে। আমার মত শত শত লোক ধ্বংস হইয়া যাক কিন্তু তবু সত্যের জয় হোক। আমার ন্যায় ভ্রান্ত মানবের পক্ষে বিচার করিতে যাওয়া সত্যের আদর্শকে এক চুলও যেন খাট না করি।

আমি আশা করি এবং অনুরোধ করি যে, আমার এই লেখাকে কেহ যেন প্রামাণিক বলিয়া গ্রহণ না করেন। আমার এই কাহিনীতে যে পরীক্ষাগুলির বিবরণ লিপিবদ্ধ হইয়াছে তাহার দ্বারা প্রত্যেকেই নিজ নিজ ইচ্ছা ও যোগ্যতা অনুসারে পরীক্ষার ব্রতী হইতে সাহায্য পাইবেন। আমার বিবরণ এ-গুলি দৃষ্টান্তস্বরূপ লোকের অনেক কাজে আসিবে। কেন না যে সকল কুৎসিৎ বিষয় প্রকাশ করা একান্ত আবশ্যিক তাহা আমার দ্বারা কখনও গুপ্ত বা অযথোচিত ভাবে লিখিত হইবে না। আমার জীবনে যে সব দোষ ত্রুটি ও ভুল ভ্রান্তি হইয়াছে সেগুলির সঙ্গে পাঠকের সম্যক পরিচয় করিয়া দিতে পারিব বলিয়াই আমার বিশ্বাস। সত্যগ্রহ আন্দোলনে আমি যে পরীক্ষার ব্রতী হইয়াছিলাম, তাহার উদ্দেশ্য লিপিবদ্ধ করাই আমার কাম্য, আমি কত ভাল তাহা বর্ণনা করা মোটেই আমার উদ্দেশ্য নহে। আমার নিজেকে বিচার করিতে যাইয়া আমি সত্যের ন্যায় কঠোর নিয়ম হইতে চেষ্টা পাইব। কেন না আমিও যে চাই, অপরেও সেইরূপ হোক। এবং নিজেকে সেই আদর্শের মাপে মাপিয়া পুত্রদের সঙ্গে যেন বলিতে পারি—

“আমার ন্যায় অধম হতভাগ্য ঘৃণিত ব্যক্তি আর কোথায় আছে? আমি আমার অষ্টাকে পরিত্যাগ করিয়াছি, আমি এখন বিশ্বাসহস্তা।”

আমি যে এখনো তাঁহার নিকট হইতে বহু দূরে আছি, ইহা আমাকে প্রতিনিয়ত পীড়ন করিতেছে। আমি এ কথা বেশ ভাল করিয়াই জানি যে, তিনিই আমার জীবনের প্রতি নিঃখাসটিকে চালাইতেছেন এবং তাঁহা হইতেই আমার জীবন। একথা আমি জানি যে, আমার ন্যেয়কার দুট ইঞ্জিয়ই আমাকে তাঁহার নিকট হইতে এত দূরে রাখিয়াছে। এ সভ্য জানিয়াও আমি ইঞ্জিয়ের হাত হইতে মুক্ত হইতে পারিতেছি না।

কিন্তু এখানেই আমাকে থামিতে হইবে, কেননা পরের অধ্যায় হইতে আসল আখ্যান আরম্ভ করিতে হইবে।

ক্রমশঃ—

রঙ্গরঙ্গ।

—:~:—

তারকের বউ ও মেয়ে দুই-এরই মরণাপন্ন ব্যামো। বন্ধু এসে বলে—“তারক, বউয়ের তো শরুই ব্যামো—ভাব্‌বার কথা; কিন্তু মেয়েটাকে দেখো শুনো”—

তারক দীর্ঘ-নিঃখাস ফেলে জবাব দিলে—“ওরে ভাই শরুই যদি বার—তোমারান্না কেথ আর কি এগোবে?”

**

**

**

**


হাকিম। (সাক্ষীকে) তোমার বয়স কত?

সাক্ষী। চোদ্দ বছর।

হাকিম। (আশ্চর্য হইয়া) চোদ্দ বছর? সে কি হে? ইয়া গোপ, বিবর্ত খানেক লম্বা দাড়ি—অমন গেটে দেহ—তোনার চোদ্দ বছর?

সাক্ষী। হুঁর, এই গোপ দাড়ি আমার না—বাঁবা তারকনার, —স্বাঃ এমঃ? সে তো এ আবাগের বেটার। হুঁর, চোদ্দ বছরই লিখে নিতে আজ্ঞা হয়।

“অমল”





পরিচায়িকা

(নব পর্যায়)


“তে প্রাপ্নুবন্তি মামেব সৰ্বভূতহিতে রতাঃ ।”

৯ম বর্ষ ।

চৈত্র, ১৩৩২ সাল ।

১২ম সংখ্যা ।

ঘাটীর ব্যথা ।



তোরা কি বুঝিবি শ্যামল বুকের
গোপন মর্মে কি আলা বহি'
শত হতাদর, বকনা, মানি
দীর্ঘনিশাসে লুকায়ে সহি' !
আপন বুকের রস নিঙারিয়া—
স্নেহের দুলালে রাখি সরসিরা ;
সুখ্য-ধারার অভাবে নিয়ত
রক্ত-বাথার জ্বালায় দহি' !

মোর মধু-মাস করিয়া হরণ

শাখে, শাখে ভাতি ফুটিয়া উঠে

আমার ভীষন চরণে দলিয়া

মুঞ্জরি' শাখী নিয়ত লোটে !

আমার বসন হরণ করিয়া

কাপ'সি জাগে শাখা দোলাইয়া—

আপন ভোগ্য অশনে, কসনে

ভাগ নিতে হৈরি' সকলে জোটে !

মুকের বেদনা মুখর হইয়া

মরুভূ-গাথা যখন মাচে—

তখন আমার মৃত বেদনা

মরমীর কাছে দরদ যাচে !

তার আগে কেবা বোকে হতশায়—

নিশিদিন করে কত জল হয় !

পঙ্কর-কাঁপা রিস্ত কথায়

কি ভাগিনী হয় কেমনে বাঁচে !

শ্রীসতীন্দ্রমোহন চট্টোপাধ্যায়।

বাঙ্গালার ব্রাহ্মণ ।



চতুর্থ প্রস্তাব,—দ্বিতীয় অংশ।

ব্রাহ্মণগমনের কাল-বিচার।

গত প্রস্তাবে আদিশূরের কাল-সম্বন্ধে যতগুলি ভিন্ন ভিন্ন মত প্রচলিত আছে, তাহার এবং সেই ভিন্ন ভিন্ন মতের কণিত প্রত্যেক সময় সত্য বলিয়া ধরিয়া লইলে, সেই সময়ে গোড়-বন্ধে এবং কল্লোজে কোন কোন রাজার রাজত্ব করার সম্ভাবনা, তাহার দুইটি তালিকা প্রকাশিত হইয়াছে। ঐ তালিকা দুইটিতে বারটি বিভিন্ন বিভিন্ন মত প্রকাশিত হইয়াছে ; তন্মধ্যে প্রথম তিনটির মতে আদিশূরের কাল খৃঃ অষ্টম শতাব্দীর প্রথম হইতে মধ্যভাগ পর্যন্ত, পরের দুইটির মতে নবমশতাব্দীর শেষার্ধ্বে, তাহার পরের চারটির মতে দশমশতাব্দীর দ্বিতীয় এবং তৃতীয়-পাদে, এবং শেষ তিনটির মতে একাদশ শতাব্দীর দ্বিতীয় এবং তৃতীয়-পাদে নির্দিষ্ট হইয়াছে (১)। এই মতগুলি বিশ্লেষণ করিলে দেখিতে পাওয়া যায় যে, অধিকাংশ মতেই আদিশূর এবং তৎকর্তৃক বাঙ্গালার ব্রাহ্মণানয়নের কাল খৃষ্টীয় নবমশতাব্দীর শেষ-পাদ হইতে একাদশ শতাব্দীর তৃতীয়-পাদে নির্ধারিত হইয়াছে। বাঙ্গালী রাঢ়ীয় এবং বারেন্দ্র ব্রাহ্মণগণের কুলক্রমাগত ঐতিহ্য এবং সমসাময়িক দলীলের বিচার করিলে এই অধিকাংশমতের নির্দিষ্ট সময়কে সত্য বলিয়া গ্রহণ করিতে পারা যায় না। কেন যে তাহা পারা যায় না,—তাহাই এক্ষণে দেখিতে হইবে।

১। বারেন্দ্র ব্রাহ্মণগণের লাহেড়াবংশাবলীতে লিখিত আছে যে, রাজা শ্রীধর্মপাল সুরধুনী-তীরে স্থখে বসতি করিবার নিমিত্ত ভট্টনারায়ণের পুত্র আদিগাঞি বিপ্রকে “ধামসার” নামক গ্রাম দান করিয়াছিলেন (২)।

(১) গত ফাস্তুন সংখ্যা পরিচারিকার ৭৩৬ এবং ৭৪০ পৃষ্ঠা।

(২)

“রাজা শ্রীধর্মপালঃ সুরধুনীতীরদেশে বিধাতুং
নাম্নাদিগাঞিবিপ্রঃ গুণবৃত্তনরং ভট্টনারায়ণস্য।

স্বজ্ঞাস্তে দক্ষিণার্থং সকনকরজতৈর্ধামসারাভিধানঃ

গ্রানংতস্মৈ বিচিৎসঃ সুরপুরসদৃশং প্রদদৎ পুণ্যকামঃ ॥”

লাহেড়াবংশাবলী, বঙ্গেরজাতীয় ইতিহাসমত, প্রথমভাগ, প্রথমাংশ,
২৮ পৃষ্ঠা।

ভট্টনারায়ণ শাণ্ডিল্যগোত্রীয় এবং আদিশূরনীত পঞ্চব্রাহ্মণের মধ্যে একজন। তাঁহারই দ্বারা হইতে বারেন্দ্রদিগের “বাগছি” এবং “লাহেড়ী” গাত্রি বা উপাধির কুলীন ব্রাহ্মণ এবং রাঢ়ীয়দিগের “বন্দ্যঘটা” (বন্দ্যোপাধ্যায়) ইত্যাদি উপাধির কুলীন ও শ্রোত্রিয় ব্রাহ্মণগণের উৎপত্তির কথা কুলজদিগের গ্রন্থে পাওয়া যায়। যদি ভট্টনারায়ণের পুত্র আদিগাত্রি ওঝা পালবংশীয় বিখ্যাত সম্রাট ধর্মপালের নিকট গ্রাম লাভ করিয়া থাকেন, তাহা হইলে, বাঙ্গালায় ব্রাহ্মণাগমন খৃষ্টীয় নবমশতাব্দের অন্তিমপাদে হইতে পারে। ধর্মপাল পালবংশের প্রতিষ্ঠাতা গোপালদেবের পুত্র এবং গোপালদেবের রাজ্যলাভের কাল খৃষ্টীয় ৭৫০ হইতে ৭৯০ অব্দ পর্যন্ত ; এবং ধর্মপালদেবের রাজ্য-লাভকাল খৃষ্টীয় ৭৮০ হইতে ৮৩১ অব্দ পর্যন্ত বলিয়া ঐতিহাসিকগণ অনুমান করিয়াছেন (৩)। লাহেড়ী বংশাবলীর এই সংবাদ সত্য হইলে বাঙ্গালায় ভট্টনারায়ণ প্রমুখ ব্রাহ্মণগণের আগমন শ্রীগোপালদেবের রাজ্য সময়ে ঘটিয়াছিল ; এবং তাহা হইলে তাঁহার খৃষ্টীয় অষ্টমশতাব্দীর শেষার্ধ্বে কোন এক সময়ে এদেশে ভ্রমণ করিয়াছিলেন, বলিতে হয়।

২। দিনাজপুর বাদাল গরুড়স্তম্ভে উৎকীর্ণ প্রশস্তি হইতে জানিতে পারা যায় যে, গোড়েশাণ্ডিল্যগোত্রীয় বীরদেব নামক ব্রাহ্মণ বাস করিতেন এবং তাঁহার বংশে জাত “পঞ্চাল” নামক ব্রাহ্মণ মহারাজ ধর্মপালের সনসাময়িক এবং তাঁহার পুত্র গুর্গ ধর্মপালের মন্ত্রী ছিলেন। এই শাণ্ডিল্য-গোত্রের ব্রাহ্মণবংশীয় গর্গ, দর্ভপাণি, সৌমেশ্বর, কেদারমিশ্র এবং গুরবমিশ্র যথাক্রমে ধর্মপাল, জেবপাল, বিগ্রহপাল প্রথম (শূরপাল) এবং নাট্যায়ণপালের মন্ত্রী করিয়াছিলেন (৪)। ধর্মপালদেবের খালিমপুর-লিপির ঘাদশ শ্লোকে (৫) ধর্মপালের মন্ত্রীস্থানীয় “পঞ্চাল-বুদ্ধের” উল্লেখ আছে। এই বাদাল স্তম্ভলিপি এক খালিমপুর-লিপি প্রতীতি হইতে অনুলিখিত হয় যে,

(৩) গোপালদেবের রাজ্যারম্ভকাল ভিসেন্ট স্মথের মতে ৭৫০, ডাক্তার রমেশচন্দ্রের মতে ৭৭৩, রাখালবাবুর মতে ৭৮৫—৭৯৯ খৃষ্টাব্দ। ধর্মপালের রাজ্যারম্ভকাল ডাক্তার রমেশচন্দ্রের মতে ৭৮০, রাখালবাবুর মতে ৭৯০—৭৯৫, ভিসেন্ট স্মথের মতে ৮১০, রমাপ্রসাদ চন্দ্রের মতে ৮১৫ এবং কর্নিংহামের মতে ৮৩১ খৃষ্টাব্দ।

(৪) গোড়লেখমালা (প্রথমস্তবক)।

(৫) গোড়লেখমালা (প্রথমস্তবক)।

গুরবমিশ্রের বীজ-পুরুষ শাণ্ডিল্যগোত্রীয় বীরদেব ধর্মপালদেবের জন্মযেবেক অনেক কাল পূর্বেই গৌড়দেশে বসতি করিতেছিলেন। “গৌড় লেখাং নায়” বাদালস্তম্ভ-লিপির আলোচনা প্রসঙ্গে শ্রীশুক্ত অক্ষয়কুমার মৈত্রেয় মহাশয় এই শাণ্ডিল্য ব্রাহ্মণবংশ রাঢ়ীয়-বারেন্দ্র শাণ্ডিল্য-গোত্রীয় ব্রাহ্মণবংশ হইতে পৃথক্ বলিয়া নির্দেশ করিয়াছেন। তাঁহার যুক্তি এই যে, বাদাল-স্তম্ভের প্রশস্তিকার করি গুরব-মিশ্রকে ভৃগুরামের সহিত উপস্থিত করিয়াছেন ; সুতরাং এই শাণ্ডিল্যগোত্র জমদগ্নি-গোত্রের ধারা ; পরন্তু, রাঢ়ীয়-বারেন্দ্র শাণ্ডিল্যগোত্র কশাপ ঋষির ধারা ;— অতএব উভয় গোত্র নামে “শাণ্ডিল্য” হইলেও মূলতঃ এক নহে। প্রশস্তিকারের “জমদগ্নি-কুলোৎপন্নঃ রামইবাপরঃ” বাক্যাংশ হইতে শ্রীশুক্ত মৈত্রেয় মহাশয় গুরবমিশ্রকে “জমদগ্নি-গোত্রক্” বলিয়া ধরিয়া লইয়াছেন ; আর গুরব-মিশ্রের “সম্পন্নকত্রচিস্তকঃ” বিশেষণ হইতে ভৃগুরাম-পক্ষে “সম্বন্ধকত্রিয়দিগের নিধনকারী” এবং গুরবমিশ্রের পক্ষে “সম্পন্ন-নকত্র-চিস্তকঃ” অর্থাৎ জ্যোতিঃশাস্ত্রপারগ এই শ্লিষ্ট অর্থ বাহির করিয়া তিনি এই শাণ্ডিল্যগোত্রীয় ব্রাহ্মণবংশ শাকদ্বীপীয় বা গ্রহ-বিপ্রজাতীয় ছিলেন, এরূপ আভাস দিয়াছেন। শ্রীশুক্ত মৈত্রেয় মহাশয় প্রগাঢ় ঐতিহাসিক এবং তাঁহার মতের উপর আনাদের বিশেষ আস্থা এবং সম্মান বোধ আছে ; তথাপি, এক্ষেত্রে তাঁহার উপস্থাপিত যুক্তি সুসমীচীন বোধ না হওয়ায় গ্রহণ করিতে পারি নাই। গোত্র-মালায় দেখা যায় যে, বাবতীয় গোত্র মূল সাতটি ঋষি হইতে উৎপন্ন হইয়াছে। শাণ্ডিল্য গোত্র মরীচিপুত্র কশাপঋষির এবং জমদগ্নিগোত্র ভৃগুঋষির ধারা হইতে উৎপন্ন হইয়াছে এবং জমদগ্নিগোত্র হইতে শাণ্ডিল্যগোত্র কিছুতেই উদ্ভূত হইতে পারে না। নকত্রশাস্ত্র উত্তমব্রাহ্মণ-গণেরই অধ্যয়ন অধ্যাপনার বিষয় ছিল ; এরূপ অবস্থায় বীরদেব ব্রাহ্মণের বংশ রাঢ়ীয়-বারেন্দ্র-বিপ্রগণের সগোত্র এবং সমান জাতীয় হওয়ার কোন বাধা দেখা যায় না। আনাদের মনে হয় যে, শাণ্ডিল্যগোত্রীয় বিদ্বৎ ব্রাহ্মণ-বংশ গোপালদেবের রাজ্যরশ্মের (খৃঃ অষ্টমশতাব্দির মধ্যভাগের) অনেক পূর্বকাল হইতেই বাঙ্গালার নানা স্থানে বসতি করিতেছেন। বীরদেবের বংশের ব্রাহ্মণগণ যে বৈদিক বাগবদ্ধ রীতিমত ভাবে সম্পাদন করিতেন এবং তাঁহাদের আশ্রয়দাতা পাল নৃপতিগণ যে তাঁহাদের বক্তৃত্বমতে গমন পূর্বক ভক্তির সহিত বক্তের শাস্ত্রবাক্য এবং ব্রাহ্মণের আশীর্বাদ গ্রহণ করিতেন, তাহা উক্ত বাদাল-স্তম্ভলিপিতে সুস্পষ্টভাবেই উক্ত আছে।

৩। আদিশূরানীত ব্রাহ্মণ-পঞ্চকের মধ্যে সাবর্ণ-গোত্রীয় বেদগর্ভ (মতান্তরে পরাশর) নামক ব্রাহ্মণের নাম প্রসিদ্ধ হইয়াছে। এই সাবর্ণ গোত্রীয় ব্রাহ্মণগণের বারেন্দ্র শাখায় কেহ কোলীনা

মৰ্যাদা লাভ করেন নাই, রাঢ়ীয় শাখায় “গাঙ্গুলী” বা “গঙ্গোপাধ্যায়” উপাধির “শিঙ” কৌলীন্য লাভ করিয়াছিলেন। রাঢ়ী-বারেন্দ্র উভয় শাখায়ই এই গোত্রের শ্রোত্রীয় ব্রাহ্মণগণের অস্তিত্ব আছে। বাঙ্গালী সাধবেদী ব্রাহ্মণগণের পদ্ধতিকার বিখ্যাত ভবদেব ভট্ট এই সাবর্ণ গোত্রীয় “সিদ্ধল” গ্রামীণ শ্রোত্রীয়-কুলজাত ছিলেন। ভুবনেশ্বর ক্ষেত্রে বিন্দু-সরোবর এবং তাহার তীরস্থ অনন্ত বাসুদেবের মন্দির এই ভবদেব ভট্টের কীর্তি। এই মন্দিরের প্রাচীরের সংলগ্ন একটি শিলালিপিতে ভট্ট ভবদেবের প্রশস্তি উৎকীর্ণ আছে। তাঁহার মিত্র ষাটম্পতি মিশ্র এই প্রশস্তির রচয়িতা। প্রাচ্যবিদ্যামহার্ণব শ্রীযুক্ত নগেন্দ্রনাথ বসু এই শিলালিপির পাঠ এবং একটি অতি ক্ষুদ্র প্রতিলিপি তাঁহার বঙ্গের জাতীয় ইতিহাসের ব্রাহ্মণকাণ্ডের প্রথমশে ছাপাইয়াছেন। এই শিলালিপি হইতে জানিতে পারা গিয়াছে যে ভট্ট ভবদেব তদানীন্তন বঙ্গরাজ হরিবর্মদেবের মন্ত্রী ছিলেন। মহামহোপাধ্যায় শ্রীযুক্ত হরপ্রসাদ শাস্ত্রী ষাটম্পতির নানাবিধ অনুসন্ধান করত হরিবর্মদেবের কাল খঃ ৯৫০—১০০০ বর্ষের মধ্যে বলিয়া প্রকাশ করিয়াছেন (৬)। ভুবনেশ্বরধামের এই প্রশস্তিখানি বাঙ্গালীর রাঢ়ীয় ব্রাহ্মণদিগের অত্যন্ত মূল্যবান দলীল। ঐ প্রশস্তির সারাংশ আমরা নিম্নে প্রকাশ করিতেছি :—

সাবর্ণ মুনির স্মরণে কুলে যে সকল বেদজ্ঞ (শ্রোত্রীয়) ব্রাহ্মণ জন্মগ্রহণ করিয়াছিলেন, তাঁহাদের সন্তান-সন্ততিগণ রাজ-প্রদত্ত শতকোটি গ্রামে বাস করিতেন। তাহাদের মধ্যে আর্ষাধিকারী ব্রাহ্মণ এবং রাঢ়াশ্রী (রাঢ় দেশের লক্ষ্মণ) অলঙ্কার রূপে সিদ্ধল গ্রামই সর্বাধিক শ্রেষ্ঠ ও বিখ্যাত। সেই সাবর্ণবংশ এই সিদ্ধল গ্রামে নানা প্রকারে সমৃদ্ধ এবং বৃদ্ধবুল হইয়াছে। সেই বংশের চূড়ামণি স্বরূপে সিদ্ধল বিদ্যার আকর ভবদেব (প্রথম) প্রসিদ্ধ হইয়াছিলেন। তিনি গোড়াধিপতির নিকট হইতে শ্রীহস্তিনী নামে একখানি অতিশয় সুন্দর গ্রাম প্রাপ্ত হইয়াছিলেন। তাঁহার আটটি পুত্রের মধ্যে রথাক্ষ নামক পুত্র বিখ্যাত হন। রথাক্ষের পুত্র অত্যক্ষ (তাঁহার অন্য নাম ফুরিক) এবং অত্যক্ষের পুত্র বৃধ। বৃধের আদিদেব নামক পুত্র জন্মে; এই আদিদেব বঙ্গরাজের মহাশয়, মহাপাত্র এবং সন্ধি-বিগ্রহী ছিলেন।

(৬) “হরিবর্মদেব খঃ ৯৫০—১০০০ মধ্যে বঙ্গদেশে দীর্ঘকাল রাজত্ব করিয়াছিলেন।” “সম্বোধন” প্রস্তাব; বঙ্গীয় সাহিত্য পরিষৎ পত্রিকা, ১৩২৩ সাল ৮১—৯৪ পৃষ্ঠায়। বিশেষতঃ ৯২ পৃষ্ঠা।

আদিদেবের গোবর্ধন নামে পুত্র হয়, তিনি বাহুবলে এবং বিদ্যাবলে বিখ্যাত হইয়াছিলেন। গোবর্ধন বন্দ্যপটী বংশীয় পুঞ্জনীয়া সাজকা নামী কন্যার পাণিগ্রহণ করেন। এই গোবর্ধনের ঔরসে এবং সাজকার গর্ভে বিখ্যাত ভবদেব ভট্ট জন্মিয়াছেন। এই ভবদেব শস্ত্রে এবং শাস্ত্রে মহা পণ্ডিত ও বঙ্গরাজ হরিবর্মদেবের মন্ত্রী ছিলেন। হরিবর্মদেব বহুকাল রাজত্ব করিয়া স্বর্গগত হইলে ভবদেব হরিবর্মদেবের পুত্রেরও মন্ত্রীত্ব করিয়াছিলেন। ভবদেবের "বালবলভীভুজঙ্গ" উপাধি ছিল এবং তিনি বেদ-বেদান্ত-স্মৃতি-ন্যায়-জ্যোতিষাদি সর্বশাস্ত্রে অত্যাশ্চর্য পাণ্ডিত্য লাভ করিয়াছিলেন। এই ভবদেব ভুবনেশ্বরে অনন্ত বাসুদেবের অত্যুচ্চ এবং সুবিশাল প্রাসাদ এবং অতি বিস্তৃত "বিন্দুসরোবর" নামক বিখ্যাত জলাশয় প্রতিষ্ঠা ব্যতীত রাঢ়দেশের জল-শূন্য অঙ্গল পথে, গ্রামের উপকণ্ঠে এবং নানাস্থানে জলাশয় প্রস্তুত করিয়াছিলেন।"

পণ্ডিতবর বাচস্পতি মিশ্র কবিজনোচিত অলঙ্কারচ্ছটাদ্যোক্তিত সুললিত দৈবীভাবায় এই প্রশস্তি রচনা করিয়াছেন। আমরা উহার অতি সামান্য অংশই নীরস এবং নিরাভরণ বাল্মীকি-গদ্যে প্রকাশ করিলাম। এই প্রশস্তি হইতে জানিতে পারা যাইতেছে যে বাচস্পতি মিশ্র বঙ্গাগত সাবর্ণ গোত্রীয় বীতপুরুষের নাম ও অবগত ছিলেন না। তাঁহার রচনা পাঠে বোধ হয় যে রাঢ়ের সিদ্ধলগ্রাম সাবর্ণ গোত্রীয় ব্রাহ্মণেরা স্মরণাতীত কাল হইতেই কলিকাতায় আসিয়া আসিতেছিলেন। তিনি যে বংশাবলী প্রকাশ করিয়াছেন, তাহাতে দেখা যায়—

সাবর্ণ গোত্রীয় সিদ্ধল গ্রামীণ প্রথম ভবদেব (হস্তিনী গ্রাম প্রাপ্ত)

(২) রথাজ (এবং আরও ৭ পুত্র)

(৩) অত্যঙ্গ (নামান্তর স্মৃতিত)

(৪) বৃক

(৫) আদিদেব (বঙ্গরাজের মহামন্ত্রী)

(৬) গোবর্ধন + সাজকা (বন্দ্যপটীয়া)

(৭) ভবদেব ভট্ট বালবলভীভুজঙ্গ (বঙ্গরাজ হরিবর্মদেবের মন্ত্রী)

এই ধংশলতা হইতে দেখা যাইতেছে যে ভট্ট ভবদেবের উর্ধ্বতন সপ্তম পুরুষ প্রথম ভবদেব হরিবর্মদেবের রাজ্যকালের অন্ততঃ ১৫০ দেড় শত বৎসর পূর্বে বা আনুমানিক ৮০০ খৃষ্টাব্দে বিদ্যমান ছিলেন এবং তিনি কোনও গোড়রাজ্যের নিকট হইতে হস্তিনী নামক একটি গ্রাম পাইয়াছিলেন। এই ভবদেবের (খৃঃ ৮০০ অব্দের) কত কাল পূর্বে যে সিদ্ধল গ্রামে সাবর্ণ গোত্রীয় ব্রাহ্মণেরা প্রথম বসতি আরম্ভ করিয়াছিলেন, তাহা কে জানে? প্রশস্তিকার বাচস্পতি মিশ্র অথবা ভট্ট ভবদেব যদি আদিশূরের ব্রাহ্মণানয়নের গল্প জানিতেন, অথবা কন্নৌজ হইতে আসিয়াছেন এরূপ পরিচয় দিলে সেকালে পূর্ব পুরুষের সম্মানবৃদ্ধি হইত বৃত্তিভেদে, তাহা হইলে নিশ্চয়ই আদিশূরের এবং কন্নৌজের নাম গ্রহণ করিতে তাঁহারা ক্রটি করিতেন না। এই কারণে আমাদের ধারণা হয়, যে, এই প্রশস্তি-রচনার সময়ে রাঢ়ীয় ব্রাহ্মণগণের মধ্যে আদিশূর অথবা কন্নৌজের প্রবাদ জন্ম পরিগ্রহ করে নাই। আরও দেখা যাইতেছে যে, ভট্ট ভবদেবের জননী বন্দ্যযটীয়ের অথবা বন্দ্যোপাধ্যায় মহাশয়ের কন্যা; সুতরাং রাঢ়ীয় বন্দ্যযটী গাঁই (শাণ্ডিল্য-গোত্রীয়) ও সাবর্ণগোত্রীয় সিদ্ধল গাঁই এর ন্যায় খুব প্রাচীন বলিতে হইবে।

হরিবর্মদেবের একখানি তাম্রশাসনে দেখিতে পাওয়া যাইতেছে, যে, রাজা বৎসগোত্রীয় ভার্গব-চ্যবন-আপ্পুবৎ-ঔর্ব-জমদগ্নি-প্রবরযুক্ত ঋগ্বেদী ভট্ট পন্ননাভের পুত্রকে একখানি গ্রাম দান করিয়াছেন (৭)।

রাজা শ্যামলবর্মার পুত্র ভোজবর্মার একখানি তাম্রশাসনে পাওয়া যাইতেছে যে, রাজা সাবর্ণগোত্রীয় যজুর্বেদী কাশ্মাখাধারী ভৃগু-চ্যবন-আপ্পুবান-ঔর্ব-জমদগ্নি প্রবর-যুক্ত মধ্যদেশ-বিনির্গত উত্তররাঢ়ার সিদ্ধল-গ্রামীণ শান্ত্যাগারাদিকারী শ্রীরামদেব শর্মাকে ভূমি দান করিয়াছেন (৮)।

(৭) বঙ্গের জাতীয় ইতিহাস, দ্বিতীয় ভাগ, ৩য় অংশ ২১৫—২১৭ পৃষ্ঠা। সিদ্ধল গ্রামের সাবর্ণগোত্রীয় প্রথম ভবদেব যে গোড়পতির নিকট গ্রাম লাভ করিয়াছিলেন, তিনি বিখ্যাত ধর্মপালও হইতে পারেন বলিয়া মনে হয়।

(৮) সাহিত্য, ১৩১৯, ৩৮১ পৃষ্ঠা।

রাজা বিজয়সেন দেবের একখানি তাম্রশাসনে পাওয়া যাইতেছে যে, রাজা ঋগ্বেদী বংশ গোত্র ভার্গব-চ্যবন-আপ্সুবান-ঔর্ব-জামদগ্নি (গু) প্রবরযুক্ত মধ্যদেশ-নির্গত কাণ্ডিযোঙ্গীর শ্রীউদয়কর দেবশর্মাকে ভূমি প্রদান করিয়াছেন (৯) ।

রাজা দেবপালের মুঙ্গেরলিপি হইতে জানিতে পারা যাইতেছে যে, রাজা ঋগ্বেদী ঔপমন্যব গোত্রের (উপমন্য গোত্র) এক ব্রাহ্মণকে ভূমি দান করিয়াছেন (১০) ।

প্রথম মহীপালের লিপি হইতে জানিতে পারা যাইতেছে যে, যজুর্বেদী বাজসনেয় কাণ্ডশাখাধারী পরাশর সগোত্র শক্তি, বণিষ্ঠ ও পরাশর প্রবরযুক্ত হস্তিপদ-গ্রাম-নির্গত, চবটি গ্রাম নিবাসী কৃষ্ণাদিত্য শর্মাকে গ্রাম দান করিয়াছেন (১১) ।

তৃতীয় বিগ্রহপালের এক লিপি হইতে জানিতে পারা গিয়াছে যে, সামবেদী কোথুমশাখাধারী শাণ্ডিল্যগোত্রীয় শাণ্ডিল্য-অসিত-দেবল প্রবরযুক্ত ক্রোড়কি বিনির্গত মৎস্যাস বিনির্গত ছত্রাগ্রাম বাস্তব্য খোড়ল দেবশর্মাকে ভূমি দান করিয়াছেন (১২) ।

মদনমাল দেবের এক লিপি হইতে জানিতে পারা গিয়াছে যে সামবেদী কোথুমশাখাধারী কোৎস সগোত্র শাণ্ডিল্যানিত-দেবল প্রবরযুক্ত চম্পাহিট্টীয়, চম্পাহিট্ট বাস্তব্য বটেধর স্বামীকে ভূমি দান করিয়াছেন (১৩) ।

এ পর্যন্ত যতগুলি দলীল পাওয়া গিয়াছে, সেগুলিকে আশ্রয়দাতা অথবা ভূমিপ্রদাতা রাজগণের নামানুসারে সাজাইলে, তত্কালে বাঙ্গালা দেশে নিম্ন লিখিত রূপ ব্রাহ্মণগণের পরিচয় পাওয়া যায়, যথা—

- (৯) সাহিত্য, ১৩২৮, জ্যৈষ্ঠ সংখ্যা, ১ম পৃষ্ঠা ।
 (১০) গোড়লেখমালা, প্রথম স্তবক, ৩৫—৪০ পৃষ্ঠা ।
 (১১) ঐ ঐ ৯২—৯৩ পৃষ্ঠা ।
 (১২) ঐ ঐ ১২৩—১২৬ পৃষ্ঠা এবং বঙ্গীয় সাহিত্য পরিষৎ পত্রিকা, ১৩২৩ সাল ২২৩—২৩৩ পৃষ্ঠা ।

গোড়লেখমালায় এই লিপিতর সম্পূর্ণ পাঠ প্রকাশিত হয় নাই ; পরে রাখালদাস সাহিত্য পরিষৎ পত্রিকায় বিস্তৃতর পাঠ প্রকাশ করিয়াছেন ।

- (১৩) গোড়লেখমালা, ১৪৮—১৫৩ পৃষ্ঠা ।

ভূমিদাতা অথবা আশ্রয়দাতা

রাজার নাম এবং সময় ।

- (১) ধর্মপাল (৭৮০—৮১৫ খৃঃ)
- (২) দেবপাল (৮১৫—৮৫০ খৃঃ)
- (৩) প্রথম মহীপাল (৯৭৮—১০২৬ খৃঃ)
- (৪) হরিষম দেব (৯৫০—১০০০ খৃঃ)
- (৫) তৃতীয় বিগ্রহপাল (১০৪২—১০৫৫ খৃঃ)
- (৬) ভোজবর্ম দেব (১০৭২ খৃঃ ?)
- (৭) বিজয়সেন দেব (১১৩৩—১১৪৯ খৃঃ)
- (৮) মদনপাল দেব (১১৩০—১১৪৯ খৃঃ)

ব্রাহ্মণের বর্ণনা ।

শাণ্ডিল্য গোত্রীয় বীরদেব ব্রাহ্মণের বংশ ; দিনাজপুর জেলায়,—সামবেদী ? ঋগ্বেদী, উপমন্ব্য গোত্র বীহেকরাত মিশ্র ।

যজুর্বেদী, পরাশর গোত্র চবটিগ্রাম-বাসী কৃষ্ণাদিত্য শর্ম ।

সামবেদী, সাবর্ণগোত্রীয় সিদ্ধলগ্রামী ভট্ট ভবদেবের বংশ এবং তাঁহার মাতান্নহ শাণ্ডিল্যগোত্রীয় (সামবেদী ?) বন্দ্যখটীয় বংশ ।

বংসগোত্রীয় ঋগ্বেদী পদ্মনাভ ভট্ট ।

সামবেদী, শাণ্ডিল্যগোত্রীয় খোহলদেব শর্ম ।

সাবর্ণগোত্রীয় যজুর্বেদী উত্তররাঢ়ার সিদ্ধলগ্রামী শ্রীরামদেব শর্ম ।

ঋগ্বেদী বংসগোত্র, শ্রীউদয়কর শর্ম ।

সামবেদী, কোংসগোত্র, চম্পাহিট্ট বাস্তব্য বটেখর স্বামিশর্ম ।

মহারাজ বল্লালসেন দেবের পূর্ব পর্য্যন্ত সময়ের দলীলে আমরা এই কয় গোত্রের ব্রাহ্মণের সাক্ষাৎ পাইতেছি :—

১। শাণ্ডিল্য (সামবেদী ?)

২। উপমন্ব্য (ঋগ্বেদী)

- ৩। পরাশর (যজুর্বেদী)
- ৪। সাবর্ণ (সামবেদী)
- ৫। সাবর্ণ (যজুর্বেদী)
- ৬। বংস (ঋগ্বেদী)
- ৭। কোংস (সামবেদী)

রাঢ়ের সিদ্ধলগ্রামে সাবর্ণগোত্রীয় সামবেদী এবং যজুর্বেদী ব্রাহ্মণ পাওয়া যাইতেছেন বর্তমান সময়ে রাঢ়ীয় ব্রাহ্মণগণের মধ্যে যজুর্বেদীয় নাই বলিলেই হয়। অথচ ষাদশ শতাব্দের শেষ ভাগেও কাশ্মীরাধারী যজুর্বেদীয় ব্রাহ্মণ যেরাঢ়ীয় শ্রেণীর মধ্যে অনেক ছিলেন, তাহা রাজা লক্ষ্মণসেনের ধর্মাদিকারী হলায়ুধ-কৃত “ব্রাহ্মণ-সংস্কৃত” গ্রন্থের উপোদঘাতে দেখিতে পাওয়া যায়।

রাঢ়ীয় এবং বারেন্দ্র ব্রাহ্মণদিগের মধ্যে শাণ্ডিল্য, কাশ্যপ, ব্যাস, উরষাজ এবং সাবর্ণ এই পাঁচটি গোত্র ভিন্ন আর কোন গোত্রের অস্তিত্ব দেখিতে পাওয়া যায় না; এবং তাঁহাদের কুলগ্রন্থে ঐ পাঁচটি গোত্রের পাঁচ জন বীজপুরুষ কল্পিত হইতে বাঙ্গালার আসিয়াছিলেন, এই সংবাদ লিখিত আছে। উপরের তালিকায় আমরা যে ছয়গোত্রের পরিচয় পাইয়াছি, তাহার মধ্যে শাণ্ডিল্য এবং সাবর্ণ গোত্রের ব্রাহ্মণ রাঢ়ীয় এবং বারেন্দ্র শ্রেণীর মধ্যে দেখিতে পাওয়া যায়; কিন্তু উপন্যু, পরাশর, বংস এবং কোংস গোত্র তাঁহাদের মধ্যে নাই।

পাশ্চাত্য বৈদিকব্রাহ্মণদিগের মধ্যে ঋগ্বেদী উপন্যু, যজুর্বেদী পরাশর ও বংস গোত্র আছে। শ্রীহট্ট-সামাজিক বৈদিকগণের মধ্যে পরাশর এবং বংস গোত্র আছে। কোংস গোত্র একমাত্র সপ্তশতী ব্রাহ্মণ ভিন্ন আর কোন শ্রেণীর বঙ্গীয় ব্রাহ্মণগণের ভিতর দেখিতে পাওয়া যায় নাই (১৪)। শাণ্ডিল্যগোত্রীয় ব্রাহ্মণ রাঢ়ীয়, বারেন্দ্র, পাশ্চাত্য, দাক্ষিণাত্য, শ্রীহট্টসামাজিক এবং সপ্তশতীদিগের মধ্যে আছে; আর সাবর্ণগোত্রীয় ব্রাহ্মণ শ্রীহট্ট-সামাজিক এবং সপ্তশতী ভিন্ন আর সকল শ্রেণীর মধ্যেই পাওয়া যায়।

- (১৪) প্রাচ্যবিদ্যামহার্ণব শ্রীকৃষ্ণ নগেন্দ্রনাথ বসুজ্ঞ তাঁহার “বঙ্গের জাতীয় ইতিহাস, ব্রাহ্মণকাণ্ড, দ্বিতীয়ভাগ, তৃতীয় অংশে” বৈদিক ব্রাহ্মণগণের সম্বন্ধে নানাবিধ জ্ঞাতব্য-বিশয় একত্র করিয়া আমাদের ধন্যবাদ-ভাজন হইরাছেন।


উপরিদ্রুত তালিকার প্রতি দৃষ্টিপাত করিলেই বুঝিতে পারা যাইবে, যে, খৃষ্টীয় নবম শতাব্দের পূর্বেই বাঙ্গালাদেশে শাণ্ডিল্য, সাবর্ণ, উপনম্ব্য এবং পরাশরাদি গোত্রীয় বেদজ্ঞ ব্রাহ্মণদিগের বিলক্ষণ অস্তিত্ব ছিল এবং নবম শতাব্দীর শেষ পাদে অথবা তাহার পরে ব্রাহ্মণগণের প্রথম আগমনকাল সূচিত হইতে পারে না। আরও দেখা যাইতেছে, যে, রাঢ়ীয় এবং বারেন্দ্রশ্রেণীর মধ্যে নাই, অথচ পাশ্চাত্যাদি শ্রেণীর মধ্যে আছে, এরূপ গোত্রীয় বেদজ্ঞ ব্রাহ্মণ বাঙ্গালা-দেশে বিদ্যমান ছিলেন।

আমাদের দেশে রাঢ়ীয় এবং বারেন্দ্র শ্রেণীর ব্রাহ্মণগণের বীজপুরুষগণ প্রথমে আগমন করিয়াছিলেন এবং তাহার অনেক পরে তাঁহাদের মধ্যে বেদজ্ঞানের অভাব অথবা হ্রাস হওয়ার পাশ্চাত্য বৈদিক ব্রাহ্মণগণের বীজপুরুষগণকে আনান হইয়াছিল বলিয়া যে প্রবাদ চলিয়া আসিতেছে, তাহাতেও সন্দেহ হইতেছে।

পাশ্চাত্য বৈদিক ব্রাহ্মণগণের কুলগ্রন্থের মতে বাঙ্গালার রাজা শ্যামলবর্মা দেশে বেদজ্ঞ ব্রাহ্মণের অভাব দেখিয়া কন্নৌজ হইতে ঋগ্বেদী শুনক (শৌনক ?) এবং সামবেদী বশিষ্ঠ, সাবর্ণ, শাণ্ডিল্য এবং ভরদ্বাজ এই পাঁচগোত্রের পাঁচ জন ব্রাহ্মণ আনাইয়াছিলেন; পরে বহু গোত্রের (তেত্রিশ গোত্রের নাম পাওয়া গিয়াছে) বহু ব্রাহ্মণ আসিয়া বঙ্গে বাস করত ঐ সমাজে নিশিয়া গিয়াছেন। এই কুলগ্রন্থগুলিতে শ্যামলবর্মাকে বিখ্যাত বল্লালসেনের কনিষ্ঠ সহোদর বলিয়া বর্ণনা করা হইয়াছে; কিন্তু ইহা কুলগ্রন্থের লেখক মহাশয়দিগের ভ্রান্তির ফল বলিয়া বোধহয় বর্নবংশীয় শ্যামল (বা সামল) বল্লাল সেন অপেক্ষা প্রকৃত প্রস্তাবে প্রায় একশত বৎসরের পূর্বগামী ছিলেন বলিয়া বোধ হইতেছে।

সমসাময়িক কয়েকখানি দলীলের প্রমাণ অবসম্বন করিয়া নিম্নলিখিতরূপ তুলনামূলক বংশ-কতা প্রস্তুত করা যাইতে পারে, যথা:—(১৫)।

(১৫) সন্ধ্যাকর নন্দীর রামচরিত, ভোজবর্মার তাত্ত্বশাসন, সাহিত্য, ১৩১৯, ৩৮১ পৃষ্ঠা। সুলতান মামুদের জুজুর বিখ্যাত আলবেরুণী লিখিয়াছেন যে দাহলের চেদিরাজ গাজেন্দেব তাঁহার সময়ে জীবিত ছিলেন।



দাহলের (জব্বলপুরের) চেদিরাজ গাঙ্গৈয়দেব খৃষ্টীয় দশম শতাব্দির শেষভাগে অথবা একাদশ শতাব্দির আরম্ভকালে গৌড়দেশ আক্রমণ করিয়াছিলেন। তাঁহার পুত্র কর্ণদেব তাঁহার পিতার অনুকরণে গৌড় এবং বঙ্গ আক্রমণ করিয়াছিলেন, কিন্তু উভয় রাজ্যের নিকটই পরাস্ত হইয়া (উভয় রাজ্যকেই একটি করিয়া কন্যা দান করিয়া—গৌড়পতি তৃতীয় বিগ্রহপালের সহিত কন্যা যৌবনশ্রী এবং বঙ্গরাজ জাতবর্মণের সহিত বীরশ্রীর বিবাহ দিয়া) তাঁহাদের সহিত সন্ধিস্থাপন করিয়াছিলেন। শ্যামলবর্মণ এই কর্ণের দৌহিত্র অর্থাৎ বীরশ্রীর পুত্র। বিখ্যাত রামপাল তৃতীয় বিগ্রহপালের (অনাতমা মহিমী শঙ্করদেবীর গর্ভজাত) পুত্র। অতএব রামপাল এবং শ্যামলবর্মণ প্রায় সমসাময়িক হইতেছেন। দিব্যোক প্রমুখ কৈবর্তদলপতির করে তৃতীয় বিগ্রহপাল গৌড়রাজ্য হারা হইয়াছিলেন; কিন্তু কৈবর্তেরা বঙ্গরাজ্য জাতবর্মণের কিছুই করিতে পারেন নাই। ঐতিহাসিকগণের মতে রামপাল ১০৭০—৭৭ খৃষ্টাব্দের মধ্যে পিতৃরাজ্য পুনরুদ্ধার করিয়াছিলেন। শ্যামলবর্মণ সূত্রাৎ একাদশ শতাব্দির তৃতীয়পাদের রাজা হইতেছেন। বল্লালসেন ষোড়শ শতাব্দির মধ্যভাগে রাজ্য করিয়াছেন; এরূপ অবস্থায় শ্যামলবর্মণ বল্লালসেনের সহোদর হইতে পারেন না। আর সেনরাজবংশাবলী এবং বর্মরাজবংশাবলী একেবারে পৃথক্। আনাদের মনে হয়, বঙ্গরাজ হরিবর্মণের বংশেই শ্যামলবর্মণ জন্মিয়াছিলেন এবং হরিবর্মণদেব শ্যামলের প্রায় শতবর্ষ পূর্বগামী ছিলেন। পাশ্চাত্য বৈদিকশ্রেণীর রাঘবেন্দ্র কবিশেখরের “ভবভূমিবাতী” অথবা কোটালিপাড় সমাজের

বিবরণে ষষ্ঠরাজ হরিবর্মদেবের সময়ে পাশ্চাত্য বৈদিক ব্রাহ্মণের প্রথম আগমন সম্বন্ধে যে ত্রিভিহ পাওয়া গিয়াছে (১৬), তাহার মূলে সত্য আছে বলিয়া বোধ হয়। প্রসিদ্ধ বিজয়ী মুসলমান রাজা সুলতান মামুদ দশম শতাব্দীর শেষাংশে ও একাদশ শতাব্দীর প্রারম্ভে (৯৯০—১০১৯ খৃ:) কন্নোজ রাজ্য আক্রমণ করেন এবং কন্নোজ-রাজ রাজ্যপাল রাজধানী ছাড়িয়া পলাইয়া যান। মুসলমানগণের এই আক্রমণকালে কোন কোন ব্রাহ্মণের পলাইয়া গৌড়বঙ্গে আসিবার বিশেষ সম্ভাবনা। হরিবর্মদেব ও প্রায় ঠিক এই সময়ে বঙ্গে রাজত্ব করিতে ছিলেন এবং তাহার প্রভাব রাঢ় ও উৎকলের ভুবনেশ্বরধাম পর্যন্ত বিস্তৃত হইয়াছিল। এক্ষণে প্রতাপী রাজার আশ্রয়ে মুসলমান-জড়িত ব্রাহ্মণের আশ্রয় গ্রহণ এবং বাস খুব সম্ভব, সন্দেহ নাই।

এদেশের অধিবাসী কোন ব্রাহ্মণ কন্নোজ হইতে আগত কোন বীজপুরুষের বংশধর কিনা, তাহার প্রশ্ন সমসাময়িক কোন দলীলে পাওয়া যায় কি না? এ পর্যন্ত যতগুলি দলীল পর্যালোচনা করিবার সুবিধা হইয়াছে, তাহাতে তিনখানি তাম্রশাসনে বাহা আছে, তাহা হইতে কন্নোজের সূচনা সমর্থিত হইতে পারে। সেই তিনখানি এই :—

(১) তৃতীয় বিগ্রহপালের আমগাছি লিপি,—ইহাতে ভূমি গ্রহীতা ব্রাহ্মণকে সানবেদী, কৌশলশাখাধারী, শান্তিগোত্রীয়, ক্রোড়ঞ্চি বিনির্গত, মৎস্যাকাস বিনির্গত, ছত্রাগাম-বাস্তব্য বলিয়া পরিচিত করা হইয়াছে। তৃতীয় বিগ্রহপালের কাল, আনুমানিক ১০৪২—১০৫৫ খৃষ্টাব্দ।

(২) ভোজ দেবের বেলাব লিপি,—(কাল ১০৭২ খৃ: আনুমানিক),—ইহাতে ভূমি-গ্রহীতাকে সানবেদী, কাশ্মীরীয়, বজ্রবেদী, মধ্যদেশ বিনির্গত, উত্তররাঢ়ার সিদ্ধল-গ্রামীণ বলিয়া পরিচিত করা হইয়াছে।

(৩) বিজয়সেন দেবের ব্যারাকপুর লিপি (কাল খৃ: ১১১৯ আনুমানিক),—ইহাতে ভূমিগ্রহীতাকে বঙ্গবেদী, বঙ্গগোত্রীয় মধ্যদেশ বিনির্গত কাশ্মীরীয় বলিয়া পরিচিত করা হইয়াছে।

(১৬) শ্রীযুক্ত নগেন্দ্রবাবুর বঙ্গের জাতীয় ইতিহাস, দ্বিতীয়ভাগ, তৃতীয় অংশ, ভূমিকা ৬৮০ হইবে ৬৮০ পৃষ্ঠা পর্যন্ত।

বারেন্দ্রকুলপঞ্জিকার লিখিত আছে যে, কলৌজাগত ব্রাহ্মণ পাঁচজনের মধ্যে শাণ্ডিল্য ভট্টনারায়ণ “ডিল্লিচহর” হইতে, ভরদ্বাজ শ্রীর্ষ “ঔড়ম্বর” হইতে, কাশ্যপ দক্ষ “কোলাঞ্চ” হইতে, বাৎস্য ছান্দড় “তাড়িদেশ” হইতে এবং সাবর্ণ বেদগর্ভ “মৎস্যদেশ” হইতে আসিয়াছিলেন (১৭)।

যিনি এই প্রবাদ লিপিবদ্ধ করিয়াছিলেন, তাঁহার ভৌগোলিক জ্ঞান উপকণার ভিত্তির উপর স্থাপিত হইয়াছিল। নচেৎ কোথায় দিল্লি (ডিল্লি), কোথায় ঔড়ম্বর (উড়ম্বর—কাশ্মীর-প্রদেশে), কোথায় মৎস্যদেশ (পারস্যের পশ্চিম)? তবে এই “কোলাঞ্চ” বিগ্রহপানদেবের শাসনোল্লিখিত “ক্রোড়ক্ষি”র অনুকৃতি কিনা, তাহা পাঠকগণ বিবেচনা করিবেন। ঐ শাসনের “মৎস্যাবাস” যদি “মৎস্যদেশ” হয়, তাহা হইলে উহা জয়পুর রাজ্যে ছিল বলিতে হইবে। মনুর মতে মৎস্যদেশ “ব্রহ্মার্বি” দেশের অন্তর্গত।

শ্রোতবন্দেবের এবং বিজয়-সেনদেবের শাসনে ভূমিগ্রহীতা ব্রাহ্মণকে “মধ্যদেশ বিনির্গত” বলা হইয়াছে। মনুসংহিতায় “মধ্যদেশের” যে বর্ণনা প্রদত্ত হইয়াছে, তাহাতে কলৌজ প্রদেশ উহার অন্তর্গত হইতে পারে (১৮)। আবার বাল্মীকীদেশে মেদিনীপুর অঞ্চলকেও “মধ্যদেশ” বলিত। এই অঞ্চল রাঢ় এবং উৎকল এই দুই প্রদেশের মধ্যে পড়ে বলিয়া ইহাকে “মধ্যদেশ” ও এই স্থানের ব্রাহ্মণগণকে “মধ্যশ্রেণী ব্রাহ্মণ” বলে। পাশ্চাত্ত্য বৈদিক ব্রাহ্মণগণের কুলপ্রবাদে তাঁহাদের বীজপুরুষগণ এই “মধ্যদেশ” হইতে বহু গিয়াছিলেন, একপও দেখিতে পাওয়া যায় (১৯)। দামুন্যার কবি মুকুন্দরান চক্রবর্তী (কবিকঙ্কণ) স্বদেশ হইতে নির্বাসিত হইয়া

(১৭) শ্রীমুক্ত নাগেন্দ্রবাবুর “জাতীয় ইতিহাস”, প্রথমভাগ, প্রথমাংশ, ১০২ পৃষ্ঠা পাদ টীকা। বীজপুরুষগণের নামভেদ এবং তাঁহাদের আদিমবাসস্থানের ও নামভেদ আছে, সবই যেন উপকথা।

(১৮) “হিনবব্ৰহ্মায়োন্যে যৎপ্রাগ্‌বিনশনাদপি।

প্রভাগেব প্রাগাচ্চ মধ্যদেশঃ প্রকীর্তিতঃ ॥ ২১ ॥”

দ্বিতীয় অধ্যায়।

(১৯) শ্রীমুক্ত নাগেন্দ্রবাবুর “জাতীয় ইতিহাস”, দ্বিতীয়ভাগ, তৃতীয়াংশ ২০ পৃষ্ঠা।

এই “মধ্যদেশস্থ” নিখাত পরগণা “ব্রাহ্মণভূমির” আড়রা গ্রামের ব্রাহ্মণ ভূম্যধিকারীর গৃহে আশ্রয়লাভ করিয়াছিলেন।

উপরিধৃত প্রমাণের উপর নির্ভর করিয়া যদি উল্লিখিত তাম্রশাসন-বর্ণিত ব্রাহ্মণত্রয়ে কল্পোজাগত ব্রাহ্মণদিগের বংশধর বলিয়া গ্রহণ করিতে পারা যায়, তাহা হইলে সেই সকল ব্রাহ্মণও যে রাজা হরিকম্মদেবের (২৫০—১০০০ খৃঃ) সময়ের মধ্যে বাঙ্গালায় আসিয়াছিলেন,— তাহাই বোধহয়। এই তিনখানি তাম্রশাসনের কাল মোটামোট ১০৪২—১১২০ খৃষ্টাব্দের মধ্যে পড়িতেছে। প্রাচীনতর কোন দলীলে এপর্যন্ত আমরা এই “ক্রোড়ষ্টি”, “মৎস্যাবাস” কিংবা “মধ্যদেশ”—বিনির্গত কোন ব্রাহ্মণের দর্শন পাই নাই।

আদিশূর এবং ব্রাহ্মণাগমনের কাল সম্বন্ধে গোড়ের পণ্ডিত রজনীকান্ত চক্রবর্তী, কৃষ্ণনগরের রাজবংশের দেওয়ান কার্তিকেয়চন্দ্র রায়, পণ্ডিত লালমোহন বিদ্যানিধি এবং বঙ্কিমচন্দ্র চট্টোপাধ্যায় কিছু কিছু অনুসন্ধান করিয়া ছিলেন। তাঁহাদের মধ্যে রজনীকান্ত ২৫৪ শক (অথবা ১০৩২ খৃষ্টাব্দ), পণ্ডিত লালমোহন (সম্বন্ধ নির্ণয়) এবং বঙ্কিমবাবু (বঙ্গদর্শনে) ২২৯ শক নহে পরন্তু সংবৎ—(২৪২ খৃষ্টাব্দ) ধরিয়া লইয়াছেন। *ভট্টগ্রন্থে ২২৪ শক (১০৭২ খৃষ্টাব্দ) আছে। আমরা পূর্বে দেখিয়াছি যে ভট্টনারায়ণাদি ব্রাহ্মণগণের আগমনের সম্বন্ধে যদি কোন সত্যতা থাকে, তবে তাহা ৮৭৭ খৃষ্টাব্দের পরে হইতে পারে না। বাদাল গরুড়স্তম্ভ-প্রশস্তি এবং ভুবনেশ্বরের অনন্তবাসুদেবের মন্দির প্রশস্তি—এই দুইখানি দলীল—এ সম্বন্ধে সম্পূর্ণ বিরুদ্ধ সাক্ষ্য দিতেছে। অথচ পণ্ডিত রজনীকান্ত প্রমুখ বিষদ্বর্গের অনুসন্ধানের ফল একরূপ হইল কেন? ইহার কারণ আর কিছুই নহে,—অনুসন্ধানকারিগণ কুল-শাস্ত্র-বিশেষের প্রমাণকে অবলম্বন করিয়াছিলেন। লালমোহন বিদ্যানিধি এবং বঙ্কিমবাবু ২২৯ (দ্বিতীয়-বংশাবলীর “নবনবত্যাধিকনবশতী শকাবে”) অঙ্কে সংবতের অঙ্ক কেন ধরিয়াছেন, তাহার কোন প্রমাণ দেন নাই। তাঁহাদের উদ্দেশ্য সম্ভবতঃ এই বোধহয় যে, ২২৯-শকাব্দ হইলে ব্রাহ্মণাগমনের কাল অতিশয় আধুনিক হইয়া পড়ে বলিয়া তাঁহারা উহাকে সংবতের অঙ্ক ধরিয়া সেই কালকে (৫৭ + ৭৮ = ১২৫) একশত পঁচিশ বৎসর পিছাইয়া দিয়াছেন। যদি তাহাই হয়, একরূপ ভাবে যেন তেন প্রকারে গায়ের জোরে কোন প্রমাণকে ইচ্ছামত অমুকুল পথে পরিচালন করা যে, তাহা হইলে, মাধু উপায় বলিয়া গৃহীত হইতে পারে না, তাহা বলা নিস্পয়োক্তন।

অথচ এরূপ কেন হইল? শকাব্দ ৯৫৪ হইতে ৯৯৯ পর্যন্ত (১০৩২—১০৭৭ খৃষ্টাব্দ)
কালের উপর প্রদিক পণ্ডিতগণের যৌক পড়িল কেন? ইহার অবশ্যই কারণ আছে।
“পাশ্চাত্য বৈদিককুল-পঞ্জিকা”র রাজা শ্যামল বর্মার কাল সম্বন্ধে নিম্নলিখিত সংবাদ পাওয়া
যায়, যথা—

“আনীন্ গোড়ে মহারাজঃ শ্যামলো ধর্ম তৎপরঃ ।

প্রচণ্ডাশমভূপালৈর্ভিত্ত স মহীপতিঃ ॥১২

বেদগ্রন্থগ্রহণমাত্রে স বহু রাজা

গৌড়ে স্বয়ং নিরুবেগঃ পরিতুষ্ট শক্রম ॥

শ্রুত্যাশ্রয়িতমদানু বিজিতান্তরায়া

শাক্তে পুনঃপুত্রতিগৌ বিজয়না যুতঃ ॥১৩” (২০)

বর্মবংশীয় জাতবর্মার পুত্র এবং দাহনের চেদিরাজ কর্ণের দোহিত্র শ্যামল বর্মার সময় বে
ঠিক এই ৯৯৪ শাকের (খৃঃ ১০৭২ অব্দের) কাছাকাছি পড়ে, তাহা আমরা প্রস্তাবের বর্তমান
অংশে ইত্যগ্রহেই দেখিয়াছি। * পাশ্চাত্য বৈদিক ব্রাহ্মণগণের মধ্যে বঙ্গরাজ হরিবর্মদেবের সময়ে
প্রথমতঃ করেকজন এবং তাঁহার বংশীয় শ্যামলবর্মদেবের সময়ে অধিকাংশ কলৌজ বা মধ্যদেশ
হইতে বাঙ্গালায় আসিয়া বসতি করিয়াছিলেন বলিয়া প্রবল জনপ্রবাদ চলিয়া আসিতেছে।
তাঁহাদের অধিকাংশ কুলগ্রন্থেই প্রাচীনতর হরিবর্মদেবের প্রবাদের স্থলে নূতনতর শ্যামলবর্মদেবের
প্রবাদই লিপিবদ্ধ হইয়াছে। এই জনপ্রবাদ নিজ নিজ শ্রেণীর ব্রাহ্মণগণের বেদবিদ্যার মাহাত্ম্য
খ্যাপন করিতে গিয়া দেশের পুরাতন ব্রাহ্মণগণের বৈজ্ঞানের অভাবের গল্প রচনা করিয়া নানা

(২০) নগেন্দ্রবাবুর “জাতীয় ইতিহাস” দ্বিতীয় ভাগ, তৃতীয় অংশ, ১৮ পৃষ্ঠা, ৪র্থ
পাদটীকা। এই উদ্ধৃত শ্লোকে দেখা যাইবে যে, শ্যামল বর্মদেবের রাজত্ব কাল “বেদ গ্রন্থগ্রহণিতে
শাকে” (৯৯৪ শাকে অথবা ১০৭২ খৃষ্টাব্দে) আরম্ভ হইয়াছিল, লিখিত আছে। এই কাল
নির্ণয় ঠিক হইতে পারে। কিন্তু উহাতে শ্যামলবর্মাকে যে বিজয়ের পুত্র বলা হইয়াছে তাহা
স্পষ্ট ভুল। শ্যামল বে বিজয় সেনের পুত্র নহেন, তাহা আমরা পূর্বেই দেখাইয়াছি। শ্যামলের
পিতা জাতবর্মী এবং পিতামহ বঙ্গবর্মী এবং তিনি বিজয় সেনের প্রায় পঞ্চাশ বৎসর পূর্বগামী
ছিলেন। কুলশাস্ত্রের কোন কথাই বিনা সন্দর্ভনে যে গ্রহণ যোগ্য নহে, তাহা বলাই বাহুল্য।

জ্ঞান মানা আজগুবি বা আধাঢ়ে গল্পের সৃষ্টি করিয়াছে। বাঙ্গালার প্রাচীনতর ব্রাহ্মণগণের বেদ-বিদ্যার অভাব, বৈদিক যজ্ঞ-সাধনে তাঁহাদের অনটুতা, কন্নৌজ হইতে পাঁচ গোত্রের বেদজ্ঞ সাধিক ব্রাহ্মণের সিপাহীর বেশে আগমন, তাঁহাদের সেই অপূর্ব যোদ্ধা বৈদিক দর্শনে রাজ্যের অশ্রদ্ধা, ব্রাহ্মণগণ তাঁহাদের আশীর্বাদী নির্মাল্য গুরু শালকাঠের মন্ত্রস্তম্ভ নিক্ষেপ করিলে সেই শুভ্র সদ্যঃ পুষ্পপল্লবে শোভিত হওয়া, - ইত্যাদি গল্পগুলি বৈদিক পাশ্চাত্য শ্রেণীর ব্রাহ্মণগণের কুলগ্রহে বৈদিক আছে, রাঢ়ীয় এবং বারেন্দ্রগণের কুলগ্রহেও বৈদিক আছে। এই অবস্থা হইতে অনুমিত হয় যে, একে অপরের অনুকরণ করিয়াছেন। আমাদের মনে হয়, নবাগত পাশ্চাত্য শ্রেণীর ব্রাহ্মণগণের সম্মান দৃষ্টে রাঢ়ীয় এবং বারেন্দ্র ব্রাহ্মণগণের কুলগ্রহরচকেরা তাঁহাদের বীজপুরুষগণের ও কন্নৌজাদি দেশ হইতে আগমন, আগমনের কারণ, অদ্ভুত ব্রাহ্মতেজঃ,—ইত্যাদি গল্পের ছবছ অনুকরণ করিয়া গিয়াছেন। সেই অনুকরণের ফলে রাঢ়ীয় এবং বারেন্দ্র কুলজ্ঞদিগের গ্রহেও ব্রাহ্মণগণের কাল খৃষ্টীয় একাদশ শতাব্দের শেষাধে (শ্যামলবর্মার প্রকৃত রাজ্যকালে) পড়িয়া গিয়াছে।

বর্মবংশীয় হরিবর্মদেব, জাতবর্মী এবং শ্যামলবর্মী প্রমুখ ভূপতিগণ প্রধানতঃ বঙ্গে (পূর্ববঙ্গে) রাজত্ব করিতেন। পাশ্চাত্য বৈদিক ব্রাহ্মণগণের কুল-স্থান অথবা সমাজও তাই পূর্ববঙ্গেই অধিক দেখিতে পাওয়া যায়। রাঢ়ের নবদ্বীপে তাঁহাদের (বিদ্যাচর্চার কেন্দ্র বলিয়া?) একটি ক্ষুদ্র সমাজ ছিল বটে, কিন্তু সেই প্রাচীন সমাজের ব্রাহ্মণগণের কেহ অদ্যাপি আছেন বলিয়া বোধ হয় না। গোরাড়ী, কৃষ্ণনগর, পূর্বস্থলী, এবং ভাটপাড়া প্রভৃতি স্থানে বৈদিকগণের বাস অপেক্ষাকৃত আধুনিক! অপরপক্ষে, রাঢ়ীয় ব্রাহ্মণগণের অধিকাংশই রাঢ়ে (পশ্চিমবঙ্গে) এবং বারেন্দ্রগণের অধিকাংশই বারেন্দ্রে (রাজসাহী বিভাগে) বাস করিতেছেন। গোড়বঙ্গের এই দুই প্রদেশই (রাঢ় এবং বারেন্দ্র) সমধিক প্রাচীন এবং আমরা বিশ্বাস করি যে, রাঢ়ীয় এবং বারেন্দ্র ব্রাহ্মণগণের পূর্বপুরুষগণ স্মরণাতীত পুরাতন কাল হইতে তৎ তৎ প্রদেশে বাস করিয়া আসিতেছেন। আমাদের বিশ্বাসের অনুকূল কতগুলি যুক্তি দিয়াছি, অপরগুলি আগামীকালে দিয়া এই প্রস্তাবের উপসংহার করিব।

ক্রমশঃ

শ্রীমখিলেন্দ্র ভারতীভূষণ।

অশোকের ব্যথা ।

— ❀ —

স্বপ্নকে স্বপ্নকে অশোক আঁজকে
 উঠেছে ফুটি,
 কার পথ চেয়ে রেখেছে তুলিয়া
 নয়ন দুটি ;
 আকাশের ঐ নীলিমার মানে,
 সঙ্কট তার বুঝি প্রাণে বাজে,
 আশা নিরাশায় রান্না হ'য়ে গেছে
 কপোল দুটি ;
 শিথিল বসন পড়েছে খাসিয়া
 চরণে লুটি ।

(২)

কি পাতা তার বলে গেছে কানে
 আশার কথা,
 মলয় দিয়েছে সঙ্কট তারে
 দোলায়ে লতা,
 পাখী বলে গেছে 'ওগো আসিবে সে'
 জ্বাছন্দ আসিয়া গেছে কেন হেসে ?
 বুঝিস্ নি তোরা তার ব্যথা টুকু
 তার ব্যাকুলতা,
 প্রাণ দিয়ে সে যে শুনিতেছে তার
 আশার কথা ।

(৩)

তাই প্রাণ দিয়ে সব ব্যথাটুকু
 রঙ্গিয়ে ভুলি,
 ক'র তবে সে এসেছে আজিকে
 পথটি ভুলি,
 —শুধু পানে বলে পরণ তাহার
 চির দিবসের চির দেবতার,
 রঙ্গে রঙ্গে আজি ভরে গেছে তাই
 পাপিড়ি গুণি ।
 তাই আনিয়েছে ফাগুনের সাথে
 পথটি ভুলি ।

(৪)

কখন যে তার দেবতা আনিয়ে
 বুকতে ক'রে,
 প্রাণমন খানি দিয়েছে এমন
 সুধায় ভ'রে,
 সারা বরষের অভিসার তার
 স্বার্থক আন্ধি পরশে কাহা',
 পায়ে বুঝি তার ফাগুনের শেষে
 পরিবে ক'রে
 ফুটিবার ব্যথা জীবন জনম

সফল ক'রে

শ্রীশচীন্দ্রমোহন সরকার ।

মানবের আগমন

সাধারণতঃ আমরা ভারতবর্ষের ও ইংলণ্ডের ইতিহাসে সম্যক সম্বন্ধ হইয়া বিশ্ববিদ্যালয়ের ছাড়পত্র গ্রহণ করিয়া সংসারক্ষেত্রে অবতীর্ণ হই। অনেকে গ্রীস রোম ইত্যাদির ইতিহাসের খবর যে না রাখেন তাহা নয়। কিন্তু সমগ্র মানব জাতির ইতিহাসের সংবাদ খুব অল্প লোকেই রাখিয়া থাকেন বলিয়া জানি। কিন্তু এ কথাটা বোধ হয় সকলেই জানেন যে সমগ্র মানব জাতির ইতিহাস না জানিলে কোন খণ্ড দেশের বা বিশেষ কোন জাতির ইতিহাস ভাগ করিয়া বুঝা কঠিন। নিজেকে বুঝিতে হইলে নিজের ইতিহাস আলোচনা করা উচিত এবং সেই সঙ্গে বিশ্ব-জগতের ইতিহাসও বুঝা উচিত। সেই জন্য সাহস করিয়া বলা যাইতে পারে ঐতিহাসিক, অঐতিহাসিক, সকলের পক্ষেই সমগ্র মানব জাতির ইতিহাস একবার ভাগ করিয়া আলোচনা করা কর্তব্য।

সমগ্র মানব জাতির ইতিহাস সম্বন্ধে কোন কিছু ভাবিতে গেলেই সর্বপ্রথমে কথা উঠে আমরা যে পৃথিবীতে বাস করি তাহার জন্ম হইল কিরূপে, এবং সে পৃথিবীতে মানুষই বা আসিল কি প্রকারে।

বিজ্ঞানবিদগণ পৃথিবীর জন্ম সম্বন্ধে যে সকল সিদ্ধান্ত করিয়াছেন তাহাই এখন দেখা যাক। ষোড়শ শতাব্দীর পূর্বে পর্য্যন্তও মানুষের ধারণা ছিল আনাদের পৃথিবী জগতের মধ্যস্থানে অর্থাৎ কেন্দ্রে অস্থিত এবং সূর্য্যাদি তাহারই চারিদিকে ঘুরিয়া বেড়াইতেছে। মানুষ আরও বিশ্বাস করিত যে এই বিশ্বের বয়স বড় জোর ছয় হাজার বৎসর। কিন্তু ষোড়শ শতাব্দীর ও তৎপরবর্ত্তী জ্যোতির্বিদগণ মানুষের এ ধারণা সম্পূর্ণ ধ্বংস করিয়া তিনটি বিষয় প্রতিপন্ন করিয়াছেন, যথা, (ক) পৃথিবীটা গোল এবং ইহা অস্থির, ঘুররা বেড়ানই ইহার কার্য্য ; (খ) পৃথিবী একটি অতি ক্ষুদ্র গ্রহ এবং ইহা সূর্য্যের চতুর্দিকে ঘুরিয়া বেড়ায়, (গ) সূর্য্যও যে খুব বড় তাহা নহে ; সাধারণ একটা নক্ষত্রের মতই ইহার আকৃতি ও জ্যোতি।

সময় বা কালের এবং স্থান বা আকাশের অনীমস্ব হাতে-কলমে দেখাইয়াছেন ভূতত্ত্ববিদগণ এবং জ্যোতির্বিদগণ। অষ্টাব্দ ও উনবিংশ শতাব্দীর ভূতত্ত্ববিদগণ দেখাইয়াছেন যে পাহাড়ের

ধ্বংসাবশিষ্ট কণা দ্বারা পৃথিবীর আবরণ অর্থাৎ মাটি প্রস্তুত হইতে অসংখ্য কোটি বৎসর লাগিয়াছে। সুতরাং বিশ্ব-ব্রহ্মাণ্ডের বয়স মাত্র ছয় হাজার বৎসর বলা এখন কেবল বাতুল ও ষালকের পক্ষেই সম্ভবপর। আর জ্যোতির্বিদগণ দেখাইয়াছেন যে আলোকের গতি প্রতি সেকেন্ডে ১, ৮৬, ৪০০ মাইল। আর সেই আলোকের চন্দ্র হইতে পৃথিবীতে আসিতে লাগে সোয়া সেকেন্ডে, আর সূর্য হইতে পৃথিবীতে আসিতে আলোকের লাগে আট মিনিটের একটু বেশী। সর্বাধিক নিকটবর্তী নক্ষত্র হইতে পৃথিবীতে আসিতে আলোকের লাগে চারি বৎসরেরও অধিক। ছায়াপথের যে কোন নক্ষত্র হইতে পৃথিবীতে আসিতে আলোকের কম পক্ষে ৪০০০ বৎসর লাগে। ইহা হইতে সহজেই অনুমান করা যায় আকাশ কত বড়। জ্যোতির্বিদগণ আরও বলেন যে এমন একদিন ছিল যখন পৃথিবী সূর্যের মধ্যে অবস্থান করিত। খুব কম পক্ষে ৩০০ কোটি বৎসর হয় তাহাদের বিচ্ছেদ ঘটয়াছে। ইহা হইতে সহজেই বুঝা যায় যে বিরাট অসীমের মধ্যে আমাদের পৃথিবী একটা ক্ষুদ্র কণা মাত্র, আর মানব জাতির ইতিহাস জাগতিক সনদের এক মুহূর্ত মাত্র সহজ ভাবার ব্রহ্মার বৎসরের এক নিমেষ।

পৃথিবী হইতে সূর্যের দূরত্ব মাত্র ৯ কোটি ৩০ লক্ষ মাইল। অর্থাৎ যদি এস্থানি এরোপ্লেনে চড়িয়া পৃথিবী হইতে সূর্যের অভিমুখে যাত্রা করা যায় আর সেই এরোপ্লেন যদি ঘণ্টায় ৬০ মাইল বেগে দিনরাত্রি ক্রমাগত চলিতে থাকে তাহা হইলে সূর্যে পৌঁছিতে সেই এরোপ্লেনের প্রায় ১৮০ বৎসর লাগিবে। কম পুরুষ ধরিয়া যে এই সূর্যপথ-যাত্রী এরোপ্লেনকে চালাইতে হইবে তাহা একটু ভাবিয়া দেখিবার বিষয়।

পৃথিবীর ন্যায় আরও অনেক গ্রহ সূর্যের চতুর্দিকে ভ্রমণ করিতেছে। ইহাদের মধ্যে বুধ ও শুক্র পৃথিবী ও সূর্যের মধ্যে অবস্থিত। বুধ সূর্য হইতে ৩ কোটি ৬০ লক্ষ মাইল দূরে আর শুক্র সূর্য হইতে ৬ কোটি ৭০ লক্ষ মাইল দূরে অবস্থিত। পৃথিবীর অন্যদিকে যে সনস্ত গ্রহ বিদ্যমান তাহাদের মধ্যে মঙ্গল ১৪ কোটি ১৯ লক্ষ মাইল, বৃহস্পতি ৪৮ কোটি ৩০ লক্ষ মাইল, শনি ৮৮ কোটি ৬০ লক্ষ মাইল, যুরেনাস ১৭৮ কোটি ২০ লক্ষ মাইল ও নেপচুন ২৭৯ কোটি ২০ লক্ষ মাইল সূর্য হইতে দূরে অবস্থিত। বৈজ্ঞানিক গণের মতে কেবল মঙ্গল গ্রহেই মানুষের মত প্রাণী থাকা সম্ভবপর। অন্ততক বৈজ্ঞানিক মঙ্গল গ্রহে বেতার বার্তাবহের সাহায্যে সংবাদ প্রেরণ করিবার জন্য যথাসাধ্য চেষ্টা করিতেছেন।

সূর্য্যও যে স্থির হইয়া বসিয়া আছেন তাহা নহে। তিনি তাহার গ্রহ উপগ্রহ লইয়া ভীষণ বেগে ছুটিয়া চলিয়াছেন। কিন্তু কোন্ পথে এবং কোন্ নক্ষত্রের দিকে যে চলিয়াছেন তাহা এখনও বৈজ্ঞানিকগণ স্থির করিতে পারেন নাই। কিন্তু হার্শেল গণনা করিয়া স্থির করিয়াছেন যে যদি ষণ্টায় ২০ হাজার মাইল সূর্য্যের গতি ধরা যায় তাহা হইলে কোন নক্ষত্রের নিকটে পৌঁছিতে কিম্বা কোন নক্ষত্রের প্রভাবের মধ্যে পৌঁছিতে সূর্য্যের প্রায় কোটি কোটি বৎসর লাগিবে।

পৃথিবী সূর্য্য হইতে বিচ্ছিন্ন হইবার পর লক্ষ লক্ষ বৎসর ধরিয়া জলন্ত অগ্নিকুণ্ডের মত অবস্থায় আকাশমার্গে সূর্য্যের চতুর্দিকে ঘুরিয়া বেড়াইতেছিল। তখন সমস্ত ধাতু দ্রব্য জলনাটী পাথর ইত্যাদি ঐ অগ্নিকুণ্ডে গলিত অবস্থায় ছিল। দিন দিন পৃথিবীর উত্তাপ আকাশ ছড়াইয়া পড়ায় পৃথিবী শীতল হইয়া আসিতেছিল। একদিন সহসা বর্তমান পৃথিবীর পঞ্চাশ ভাগের এক ভাগ পৃথিবী হইতে বিচ্ছিন্ন হইয়া আকাশমার্গে চলিয়া গেল এবং মধ্যযুগের জন্য সেই অংশটুক পৃথিবীর চতুর্দিকে ঘুরিয়া বেড়াইতে লাগিল। এই অংশটুককেই এখন আমরা চন্দ্র নামে অভিহিত করিয়া থাকি। বৈজ্ঞানিকগণ স্থির করিয়াছেন যে অংশে প্রশান্ত মহাসাগর অবস্থিত ঠিক সেই স্থানেই চন্দ্র পূর্বে অবস্থিত ছিল এবং সেখান হইতেই উহা বিচ্ছিন্ন হইয়া আকাশে চলিয়া গিয়াছে। ছোট বস্তুর উত্তাপ সহজেই নষ্ট হইয়া যায়, সেই জন্য চন্দ্রের উত্তাপ অনেক দিন হইল একেবারেই লোপ পাইয়াছে। সূর্য্যের উত্তাপ বা রশ্মি চন্দ্র না পড়িলে এখন আর তাহাকে দেখাই যায় না। পৃথিবীর উত্তাপ কমিয়া যাওয়ার ফলে জল ও মাটির আবির্ভাব হইল। এই উত্তাপ হ্রাস প্রাপ্ত হওয়ার সঙ্গে সঙ্গে পৃথিবী ক্রমেই সূর্য্য হইতে দূরে চলিয়া আসিতে লাগিল। এইরূপে বৎসরের দিনের সংখ্যা বৃদ্ধি পাইতে পাইতে এখন ৩৬৫০১ দিনে পরিণত হইয়াছে। সঙ্গে সঙ্গে দিনরাত্রির পরিমাণও বৃদ্ধি পাইতে পাইতে ২৪ ঘণ্টায় আধিয়া পৌঁছিয়াছে। সুতরাং এমন দিন আসিবে যখন এই দূরে চলিয়া যাওয়ার জন্য পৃথিবী জীবজন্তু বাসের সম্পূর্ণ অসুপযোগী হইয়া পড়িবে। এখনও সূর্য্যের আলোক ও উত্তাপের সাহায্যেই জীবজন্তু পৃথিবীতে বাস করিতে পারিতেছে। সূর্য্যের সাহায্য ব্যতীত পৃথিবী এখন জীবজন্তুকে বাচাইয়া রাখিতে সক্ষম নহে। সুতরাং প্রাচীন কালে লোকে যে সূর্য্যকে পূজা করিত তাহাতে অশ্চর্যান্বিত হইবার কিছুই নাট।

পৃথিবীতে জল ও যুক্তিকার আবির্ভাবের পর ভীষণ ভীষণ ভূমিকম্পন ও ঝড় এবং কালান্তক আগ্নেয়গিরির অধুদগীরণের জন্য পৃথিবীর স্থানে স্থানে উচু নীচু হইয়া নদনদী, পর্বত, উপত্যকা ইত্যাদির আবির্ভাব হইল। এখনও যে পৃথিবীর কত পরিবর্তন ঘটিতেছে তাহা বলিয়া শেন করা যায় না। এমন দিন এক দিন না এক দিন আসিবে যেদিন বরফে ও সমুদ্রে সমস্ত পৃথিবী ছাইয়া ফেলিবে।

সুতরাং বিশ্বের ইতিহাস আলোচনা করিতে বসিলে আমরা দেখিতে পাই সকল বস্তুই পরিবর্তনশীল এবং কোন বস্তুই চিরস্থায়ী নয়। সুতরাং মানুষের শক্তি ও ঐশ্বর্যের বড়াই করিবার মত আহাম্মুণী আর নাই। একথা আমরা বৃহদেব ও গ্রীক দার্শনিক হিরাক্লাইটাসের মুখেও শুনিবাছি।

২)

পৃথিবীর ইতিহাসে ঠিক কোন সনয়ে যে হীড়নের বা প্রাণের আবির্ভাব হইল তাহা বৈজ্ঞানিকগণ এখনও নিরূপণ করিতে সক্ষম হন নাই। অজীব হইতে কেমন করিয়া জীবের উৎপত্তি সম্ভবপর হয় তাহার মীমাংসাও বৈজ্ঞানিকগণ আজ পর্য্যন্ত করিতে পারেন নাই। তবে কেহ কেহ অনুমান করেন খুব কম পক্ষে ৮০ কোটি বৎসর পূর্বে পৃথিবীতে জীবের আবির্ভাব হয়। জীবের ও জুজীবের মধ্যে যে তারতম্য তাহা বৈজ্ঞানিকগণ নির্ণয় করিতে সমর্থ হইয়াছেন। জীবের প্রথম বিশেষ লক্ষণ হইল বৃদ্ধি পাওয়া বা চলিয়া বেড়ান। দ্বিতীয় লক্ষণ হইল বাচিয়া থাকার জন্য আহাৰ করা। আর তৃতীয় লক্ষণ হইল নিভের মত অপর জীবের জন্মান করা। পাহাড় পর্বত প্রভৃতি পরীক্ষা করিয়া বৈজ্ঞানিকগণ দেখাইয়াছেন যে সর্বপ্রথমে যে সকল জীবের আবির্ভাব হইয়াছিল তাহারা জলমধ্যে বাস করিত, এবং এই জলেই তাহারা লক্ষ লক্ষ বৎসর ধরিয়া বাস করিয়াছিল। সুতরাং ভগবানের মংস্বরূপে অবতীর্ণ হওয়া যে প্রবেশ করে কবির বঙ্গনা তাহা নহে। এই মংস্ব যুগই জীবজগতের ইতিহাসের প্রথম যুগ।

প্রথমে যে সকল জলচরের আবির্ভাব হইয়াছিল তাহাদের মধ্যে কাঁটা বা মেরুদণ্ড ছিল না। জেলী, সামুদ্রিক ক্রিমি ইত্যাদি মেরুদণ্ডহীন জলচর প্রাথমিক জীবজাতী। ইহাদের মধ্য হইতে কালক্রমে মেরুদণ্ডযুক্ত প্রকৃত মৎস্যের আবির্ভাব হয়। সুতরাং যে সমস্ত জীবের মেরুদণ্ড আছে তাহাদের আদি পুরুষ হইল মৎস্য। এই জন্য বোধ হয় উত্তর ভারতের অনেক স্থানে মৎস্যাহার করিবার নিয়ম নাই।

এই যুগেই জলচরের আবির্ভাবের সঙ্গে সঙ্গে বৃক্ষলতায পৃথিবীর উত্তর অংশটুক ছাড়া ফেলিয়াছিল। এই ভীষণ অরণ্য কালক্রমে কয়লায় পরিণত হইয়া মাটির নীচে পড়িয়া আছে। মানুষ এখন আবার কয়লা খুঁড়িয়া তুলিয়া নানা রকম কার্যে লাগাইতেছে। এই যুগে অতিকায় মাকড়সা ও প্রায় সোয়া হাত লম্বা পক্ষ বিশিষ্ট মস্কিকার আবির্ভাব হইয়াছিল।

এই যুগের অবসান হইয়াছিল প্রায় ৩০ কোটি বৎসর পূর্বে। ইহার পরে অনেক বৎসর ধরিয়া ভীষণ ঠাণ্ডা পড়িল। এবং সেই জন্য অধিকাংশ স্থলই বরফে আবৃত হইয়া গেল। শীতের জন্য অধিকাংশ জন্তু ও গাছপালা ধ্বংসপ্রাপ্ত হইল। এই সময় অষ্ট্রেলিয়া, ভারতবর্ষ, আফ্রিকা ও দক্ষিণ আমেরিকা সংযুক্ত ছিল এবং একই মহাদেশের বিভিন্ন অংশ ছিল। এই যুগে জলের পরিমাণ ছিল অত্যন্ত অল্প, আর যাহা ছিল তাহাও বরফে আবৃত ছিল। সুতরাং এ যুগে যে সকল জীবের আবির্ভাব হইয়াছিল তাহারা মাটিতেই বাস করিত এবং প্রয়োজন হইলে জলেও নামিয়া যাইতে পারিত। এইরূপে সরিসৃপের জন্ম হইল। এই সকল জন্তু মাটির উপরেই ডিম পারে এবং সেই ডিম ফাটিয়া তাহাদের বাচ্চাকাচ্চা হয়। এই যুগে দেবদারু প্রভৃতি বড় বড় গাছের আবির্ভাব হইল। ইহারা জলাভূমির সাহায্য না লইয়াই সর্গর্ভে মস্তক উত্তোলন করিয়া আকাশ ভেদ করিয়া দাঁড়াইয়া রহিল।

লক্ষ লক্ষ বৎসর পরে শীত কমিতে লাগিল এবং একটু করিয়া গরম পড়িতে লাগিল। এই গরমের সঙ্গে সঙ্গে সরিসৃপের ও বৃক্ষের আকার অত্যন্ত বৃদ্ধি পাইতে লাগিল। ইহার ফলে ভীষণাকার ডাইনোসরের ও পেরোড্যাকটিলের জন্ম হইল। ডাইনোসরের কঙ্কাল ও ডিম এশিয়ার মরুভূমিতে পাওয়া গিয়াছে। পেরোড্যাকটিলের জ্ঞানক বড় বড় পাখা ছিল, আর সেই পাখার সাহায্যে তাহারা উড়িয়া বেড়াইতে পারিত। এই পেরোড্যাকটিল হইতেই পক্ষী

জাতির জন্ম হইয়াছে। প্রায় ৭ কোটি বৎসর পূর্বে এই পক্ষী ও সরিসৃপের যুগ শেষ হইয়াছিল। এই যুগের অবসানের সঙ্গে সঙ্গে ডাইনোসর ও পেরোড্যাকটিল ধ্বংসপ্রাপ্ত হইয়াছিল।

ইহার পর আসিল স্তন্যপায়ী জন্তুর যুগ। কিন্তু এই সরিসৃপ ও স্তন্যপায়ী জীবের অন্তর্কর্তী ছিল টকের যুগ। এই অন্তর্কর্তী যুগে অনেক স্থানের মাটি বসিয়া গিয়াছিল এবং স্থানে স্থানে সমুদ্র অগ্রসর হইয়া অনেক যায়গা গ্রাস করিয়া ফেলিয়াছিল। এই যুগেই ব্রিটেন ইয়োরোপ হইতে বিচ্ছিন্ন হইয়া দীপে পল্লিত হইয়াছিল।

স্তন্যপায়ী জীবের যুগকে *Eocene* অথবা প্রভাত যুগ বলা হয়। সাধারণতঃ তিনটি বিশেষ স্বভাবের জন্য এই স্তন্যপায়ী জীবগুলিকে একটি বিশেষ শ্রেণীভুক্ত করা হয়। প্রথমতঃ দেখিতে পাই এই সকল জীবের গাত্র লোমে আবৃত থাকে এবং লোমের আবরণের জন্য প্রচণ্ড শীত ও গ্রীষ্ম হইতে ইহারা আপনাদিগকে রক্ষা করিতে পারে। দ্বিতীয়তঃ আমরা দেখি যে এই সকল জীব অণ্ডের পরিবর্তে বাচ্চা প্রসব করে। এবং এই বাচ্চাগুলির অঙ্গপ্রত্যঙ্গ জন্মের সময় বেশ পরিষ্কৃত থাকে এবং তাহারা অনেক কার্য নিজেরাই জন্ম হইতেই করিতে পারে। সরিসৃপ ও মৎস্যযুগে দেখিয়াছি জীবের ডিম হইত এবং সরিসৃপকে তাহার ডিম তা দিতে হইত আর এই ডিম হইতে অপরিষ্কৃত বাচ্চা জন্মগ্রহণ করিত। কিন্তু এ যুগের এই নূতন জীবকে ডিমেও তা দিতে হয় না, অপরিষ্কৃত বাচ্চার জঞ্জালও পোহাইতে হয় না। তৃতীয়তঃ আমরা দেখিতে পাই এই স্তন্যপায়ী জন্তুর বাচ্চা শৈশবে মায়ের বুকের দুধ পান করিয়া বাঁচিয়া থাকে, জননীদিগকে এই সকল বাচ্চাকে দুধ খাওয়াইবার সঙ্গে সঙ্গে শত্রুর হাত হইতে রক্ষা করিতে হয়, সমরোপযোগী অন্যান্য বস্তু খাওয়াইতে হয় এবং নিজ জাতির করণীয় অনেক বিষয় শিক্ষা দিতে হয়। এই স্তন্যপায়ী জীবগণ নিজ নিজ অজিত্যতার কথঞ্চিৎ তাহাদের সন্তান সন্ততিকে প্রদান করিতে পারে। আরও আমরা দেখিতে পাই যে এই সকল স্তন্যপায়ী জন্তু দলবদ্ধ বা সমাজবদ্ধ হইয়া বিচরণ করে ও বাস করে। আবার ইহাদের বাচ্চাকাচ্চা লইয়া অনেকেরই ছোট খাট পরিবারও থাকে। সুতরাং পারিবারিক জীবনের সুখ দুঃখ যে ইহাদিগকে না পোহাইতে হয় তাহা নহে।

এই যুগেই কুকুর জাতীয় জন্তুগণের অর্থাৎ কুকুর, শৃগাল, নেকড়ে প্রভৃতির আবির্ভাব হইয়াছিল। বিড়াল জাতীয় জন্তুর অর্থাৎ বিড়াল, সিংহ, ব্যাঘ্র প্রভৃতিরও জন্ম হইয়াছিল।

আরও জন্ম হইয়াছিল ঘোড়া জাতীয় জন্তুর অর্থাৎ ঘোড়া, গাধা, উট, হাতী, গরু, ভেড়া, শূকর প্রভৃতির ।

এই যুগে সর্বশেষে দেখা দিয়াছিল বানরজাতি । ইহাদের তিনটি বিষয়ে বিশেষত্ব ছিল । ইহাদের হস্ত ছিল অত্যন্ত কার্যক্ষম । উহাধারা তাহারা পাথর লাঠি ইত্যাদি ধরিয়া সম্ভাব্যে লাগাইতে পারিত । দ্বিতীয়তঃ ইহারা গাছে থাকিত । তৃতীয়তঃ ইহাদের মস্তিষ্ক অপেক্ষাকৃত অধিক উন্নত ও বৃহৎ থাকায় ইহাদের চাতুর্য্য ও বুদ্ধি অন্যান্য জন্তু অপেক্ষা এত অধিক ছিল যে অনায়াসে ইহারা ভীষণকার শক্তিশালী জানোয়ারকে পরাজিত করিতে পারিত । এই বানর হইতেই বৈজ্ঞানিকগণের মতে মানুষের জন্ম হইয়াছে । এই বৈজ্ঞানিক সত্য আমাদের সম্মানকে কঠিন রূপে আঘাত করে সত্য কিন্তু বৈজ্ঞানিকগণ কাল, ক্রম ইত্যাদি সাদৃশ্য দেখাইয়া এই সিদ্ধান্তটী আমাদের সম্মুখে এমন ভাবে ধরিয়াছেন যে গাছারীর মত চক্ষু বাধিয়া না রাখিলে তাহাদের কথা অস্বীকার করিবার কোন উপায় থাকে না ।

সৌর জগতের উৎপত্তি হইতে আমরা মানুষের আবির্ভাবের সময়ে আসিয়া পৌঁছিয়াছি । সুতরাং এইবার মানুষের যুগের কথা বলা যাক । এইখানে মনে রাখা ভাল যে মাত্র ৫ লক্ষ বৎসর পূর্বে মানুষের জন্ম হইয়াছিল ।

৩)

প্রথম প্রথম কে মানুষ আর কে বানর তাহা ভাল করিয়া বুঝা যাইত না । কিন্তু কালক্রমে মানুষের বৈশিষ্ট্য ও স্বাতন্ত্র্য পরিস্ফুট হইয়া উঠিল । প্রথমতঃ পার্থক্য দেখা গেল মস্তিষ্কে । মানুষের মস্তিষ্ক যেমন আকারে বৃহৎ হইয়া উঠিল তেমনই তাহার আন্তরিক পাকের বা Convulsionsএর সংখ্যাও বেশী হইয়া পড়িল । দ্বিতীয় পার্থক্য দেখা গেল তাহাদের চলিবার ভঙ্গিমায় । মানুষ ক্রমে ক্রমে সোজা খাড়া হইয়া হাঁটিতে আরম্ভ করিল । তৃতীয় পার্থক্য দেখা গেল তাহাদের হাতে । মানুষের হাত বানরের হাতের চাইতে অনেকগুলি অধিক কার্যক্ষম হইল । এই হাতের সাহায্যে মানুষ অবশেষে যন্ত্রপাতি নির্মাণ করিতে সমর্থ হইয়াছে । চতুর্থ পার্থক্য দেখা গেল ভাষার মধ্যে এবং স্বরধ্বজের মধ্যে । মানুষ অন্যান্য জন্তুকে বশীভূত করিয়া করিয়া নিজ নিজ কার্যে লাগাইয়া বানরদের উপর টেকা দিয়া বসিল । পরিশেষে দেখা গেল

মানুষের মধ্যে যেমন সামাজিকতা বা একতা আছে, বানরদের মধ্যে তেমন নাই। শারীরিক বলে অন্যান্য জন্তু হইতে হীন হইয়াও মানুষ এই সকল গুণের বলে পৃথিবীর রাজা হইয়া বসিতে সমর্থ হইয়াছে। যে মানুষ পূর্বে বাঘ ভালুক ইত্যাদি হিংস্র জন্তুদের ভয়ে গাছের ডালে কোন রকমে লুকাইয়া থাকিয়া প্রাণ রক্ষা করিত সেই মানুষের ভয়ে আজ অন্যান্য জীবজন্তু গভীর জঙ্গলে আশ্রয় লইতে বাধ্য হইয়াছে এবং বংশলোপের আশঙ্কার অজ্ঞাত গিরিগহ্বরে লুকাইয়া দেবাদিদেব মহাদেবের তপস্যা করিতেছে। কালের কি বিচিত্র মহিমা !

এই মানুষের আবির্ভাবের কিছু পূর্বেই উত্তর মেরু বরফ ক্রমাগত দক্ষিণে সরিয়া আসিতে লাগিল। এই প্রচণ্ড হিমাতীর কোপে পড়িয়া উত্তর ইয়োরোপের ও ব্রিটনের সিংহ ত্র্যাস, হস্তী, গজার প্রভৃতি সবংশে নিধন প্রাপ্ত হইল। ডাশুর নদী, ককনাগর এবং কাস্পিয়ান সাগর পর্যন্ত আসিয়া এই বরফের অভিযান স্থির হইয়া দাঁড়াইল। এই সময় বাধ্য হইয়া বানরগণ মধ্য এশিয়ার মরুভূমির নিকট আসিয়া আশ্রয় লইল। বৈজ্ঞানিকগণ অনুমান করেন মধ্য এশিয়ার বানর বংশ হইতেই মনুষ্য জন্ম লাভ করিয়াছে।

এই যে বরফের অভিযানের কথা বলিলাম সেই অভিযান হইতেই বরফের যুগের সূচনা হইল। এই যুগ আবার চারি ভাগে বিভক্ত। ইহাদের প্রত্যেক ভাগের পরেই আবার একটি করিয়া গ্রীষ্মাবকাশ বা উষ্ণযুগ দেখা দিয়াছে। এই বরফের যুগের বিস্তৃতি সম্বন্ধে H. E. Osborn সাহেব তাঁহার Men of the old stone Age নামক সুবিখ্যাত পুস্তকে যাহা লিখিয়াছেন তাহাই অধিকাংশ বৈজ্ঞানিকগণ স্বীকার করেন। সুতরাং ঐ সকল সন তারিখ নীরস হইলেও আমাদের শ্রবণ করা অসঙ্গত নহে।

প্রথম বরফের যুগ	B. C. ৫ লক্ষ হইতে ৪২ লক্ষ পর্যন্ত।
প্রথম গ্রীষ্মাবকাশ	„ ৪২ লক্ষ হইতে ৪ লক্ষ পর্যন্ত।
দ্বিতীয় বরফের যুগ	„ ৪ লক্ষ হইতে ৩৫ লক্ষ পর্যন্ত।
দ্বিতীয় গ্রীষ্মাবকাশ	„ ৩৫ লক্ষ হইতে ২ লক্ষ পর্যন্ত।
তৃতীয় বরফের যুগ	„ ২ লক্ষ হইতে ১৫ লক্ষ পর্যন্ত।
তৃতীয় গ্রীষ্মাবকাশ	„ ১৫ লক্ষ হইতে ৫০ হাজার পর্যন্ত।
চতুর্থ বরফের যুগ	„ ৫০ হাজার হইতে ২৫ হাজার পর্যন্ত।

কেউ কেউ বলেন আমরা চতুর্থ গ্রীষ্মাবকাশে বাস করিতেছি এবং সম্ভবতঃ ৫০ হাজার বৎসর পরে আবার বরফের যুগ দেখা দিবে। কিন্তু আশ্চর্যের বিষয় এই যে এই বরফ ভয়ানক বরফের অত্যাচার সহ্য করিয়াও মানুষ বাঁচিয়া আছে। ভূতত্ত্ববিদগণ এই বিভিন্ন বরফের যুগের মানবের কঙ্কাল আবিষ্কার করিতে সমর্থ হইয়াছেন বলিয়াই বৈজ্ঞানিকগণ বিশ্ব করিতে পারিয়াছেন যে মানুষের উৎপত্তি বরফের অত্যাচার হইয়াছে।

সুবিখ্যাত ভূতত্ত্ববিদ করাসী পণ্ডিত Dr. Eugene Dubois যবদ্বীপে ১৮৯২ খৃষ্টাব্দে একটি নরকঙ্কাল আবিষ্কার করিয়াছিলেন। পরীক্ষাধারা স্থির হইয়াছে এই কঙ্কাল মানব ও বানরের অন্তর্কর্তী অবস্থার পরিচায়ক। ডাক্তার ডুবোঁএর মতে এই কঙ্কাল যাহার তিনি খৃষ্টের জন্মের ৫,০০,০০০ পূর্বে বাঁচিয়া ছিলেন অর্থাৎ বরফ যুগের প্রারম্ভের পূর্বেও বাঁচিয়া ছিলেন। ১৯০৭ খৃষ্টাব্দে মাওএর বালুকা স্তরের ৮০ ফিট নীচে যে Heidelbergman এর কঙ্কাল পাওয়া গিয়াছে সে মানুষ খৃষ্টের জন্মের ২৫০০০০ বৎসর পূর্বে বাঁচিয়া ছিল। ১৯১২ সনে Charles Dawson (চার্লস ডসন) যে Piltown man এর মাথার খুলী আবিষ্কার করিয়াছিলেন সে মানুষ খৃষ্ট জন্মবার ১০০,০০০ বৎসর পূর্বে বাস করিত। এই রূপে প্রায় সকল যুগের মানুষের চিহ্নই বৈজ্ঞানিকগণ বাহির করিয়াছেন।

খৃষ্ট জন্মবার এক লক্ষ বৎসর পূর্বে মানুষ পাথরের ব্যবহার শিখিয়াছিল। পাথর যে খসিয়া মাঝিয়া অস্ত্রশস্ত্রে ও তৈজসপত্রের পরিণত করা যাঠতে পারে তাহা এই সময়ের মানবগণ জানিত। এই সময়ের অস্ত্র ছিল হস্ত চালিত পাথর নির্মিত কুটার আর ছোট ছোট বর্শা কলকের ন্যায় ফলক। এই যুগের লোককে Old Stone Age এর লোক বলে। এই যুগে প্রচণ্ড শীতে বাধ্য হইয়া মানুষ গুহার মধ্যে আশ্রয় লইতে শেখে এবং সৃষ্টির ২০ হাজার বৎসর পূর্বে অগ্নি আবিষ্কার করিয়া শীতকে অনেকটা জ্বল করিয়া ফেলে। এমন গুহার সন্ধান পাওয়া গিয়াছে সেখানে এক শত বৎসর কিম্বা আরও অধিক কাল ব্যাপিয়া আগুন জালিয়া রাখা হইয়াছিল। এই সকল গুহার গাত্রের হরিণ প্রভৃতি বন্য জন্তুর মূর্তি অঙ্কিত আছে। সুতরাং শিল্পানুশীল এই সময়েই প্রথম উদ্ভিত হইয়াছিল, এবং খাদ্য ও আবরণের জন্য হরিণ প্রভৃতি জন্তুর মাংস ও চৰ্ম গ্রহণ করিবার প্রথা ছিল। এই যুগের গুহার চিহ্ন কেণ্ট ও ডাবরী শায়ারে

বৈজ্ঞানিকগণ আবিষ্কার করিয়াছেন। খৃষ্টের দশ হাজার বৎসর পূর্বে এই যুগ শেষ হইয়াছিল। তার পর আসিয়াছিল নব প্রস্তর যুগ বা *the New Stone Age*.

নব প্রস্তর যুগ।

এই যুগের বিশেষ বৈজ্ঞানিকগণ নিম্নলিখিতরূপে নির্দেশ করিয়াছেন।

শীত কমিয়া যাওয়ার সঙ্গে সঙ্গে বরফ গলিতে লাগিল। ইহার ফলে ব্রিটন ইন্ডোরোপ হইতে বিচ্ছিন্ন হইয়া পড়িল আর ব্যালটিক সাগর মহাসাগরের সহিত মিলিত হইল। যাহা এখন ভূমধ্যসাগর নামে অভিহিত তাহা পূর্বে কতকগুলি ক্ষুদ্র ক্ষুদ্র হ্রদে বিভক্ত ছিল। বরফ গলিয়া যাওয়ার পর দেখা গেল তাহারা সকলে মিলিয়া এক প্রকাণ্ড হ্রদে পরিণত হইয়াছে এবং এক পার্শ্বে উহা সাগরের সহিত সংযুক্ত হইয়া পড়িয়াছে। যে সকল ভীষণ অরণ্য বরফের চাপে পড়িয়া বিনষ্ট হইয়াছিল তাহাদের বংশধরগণ আবার নূতন মূর্তিতে দেখা দিল এবং সঙ্গে সঙ্গে হরিণ ও হরিণ শিকারী দক্ষিণ হইতে ক্রমেই উত্তর দিকে অগ্রসর হইল। উত্তর দেশীয় পতিত জমীর জন্য দক্ষিণের লোক ক্রমেই উত্তর দিকে ধাবিত হইল। শিকারের লোভ, ঋতুর পরিবর্তন ও গ্রীষ্মাধিক্যের জন্যও অনেকে উত্তর দিকে অগ্রসর হইল। এই উত্তরপথযাত্রী মানবকেই *Mediterranean race* বা ভূমধ্য সাগর তীরবর্তী জাতি বলা হইয়া থাকে। ইহাদের গাভর্ণ ছিল ধূস্রবর্ণ আর মস্তকের বেশ ছিল কাল বোধ হয় অনেকটা আধুনিক বাঙ্গালীর মত। ইহারা উত্তর দেশীয় লোক অপেক্ষা জীবনযাত্রার ও শিল্প কার্যে অনেক উন্নত ছিল। বাঙ্গালীর মত ইহারা মৎস্যপ্রিয় ছিল। সেই জন্য শিকার ফেলিয়া মাছ ধরাতেই তাহারা অধিকতর আনন্দ উপভোগ করিত। ইহারা একটু একটু কৃষিবিদ্যাও শিখিয়া ফেলিয়াছিল কিন্তু তাহার পূর্বেই উহারা শিখিয়াছিল অস্ত্র পোষ মানাইবার উপায় এবং তাহাদিগকে গৃহপালিত স্তন্যরূপে পালন করিবার কার্য। বুদ্ধ বিদ্যাতে ইহারা অীর ধনুক আবিষ্কার করিয়া শৌর্য্যে বীর্য্যে শ্রেষ্ঠ হইয়া উঠিয়াছিল। গৃহকার্যের জন্য ইহারা আবিষ্কার করিয়াছিল সূর্য্যতাপে দৃঢ় মাটির তেজসপত্র। সেমাই ও বরনকিয়া ইহারা আবিষ্কার করিয়াছিল। পূর্বে মানুষ গুহাতে থাকিত নতুবা বরফে কমিয়া বৃত্তাসুখে পতিত হইত। কিন্তু বরফ গলিয়া যাওয়ার পর গুহাতে থাকা আর

সুবিধা জনক হইল না। গুহার বাহিরে তাহারা বাস করিতে লাগিল আর এই বহির্বাসের জন্য তাহারা নানারকম গৃহ আবিষ্কার করিয়া বসিল। এই গৃহের সঙ্গে সঙ্গে হ্রদের তীরে ছোট ছোট গ্রাম বসিয়া গেল। শীতের প্রকোপ চলিয়া যাওয়ার সঙ্গে লোক সংখ্যা বেশ ভাল করিয়াই বাড়িয়া চলিল। সুতরাং সহজেই অনুমান করা যায় যে এই নব পাথর যুগের শেষে রীতিমত সমাজ ও সভ্যতা স্থাপিত হইয়াছিল। হিয়ারগল বসেন এই যুগ শেষ হইয়াছিল পূর্বপ্রান্তে খৃষ্টের ৫০০০ বৎসর পূর্বে আর পশ্চিম প্রান্তে শেষ হইয়াছিল খৃষ্টের ২০০০ বৎসর পূর্বে। এই পশ্চিম প্রান্তের তারিখটা সত্য হইলেও হইতে পারে। হরগা ও মহোজাদারোতে যে সভ্যতার নিদর্শন পাওয়া গিয়াছে তাহার অনেক পূর্বেই এই নবপাথরীয় যুগের অবসান হইয়াছে ধরা উচিত এবং সেইজন্য বলিতে হয় যে পূর্বপ্রান্তে এই যুগ অন্ততঃ খৃষ্টের ১০,০০০ বৎসর পূর্বে শেষ হইয়াছিল।

এই যুগের পর আসিয়াছিল ধাতুর যুগ।

ধাতুর যুগ।

এই যুগে মানুষ সম্ভবতঃ সর্বপ্রথম স্বর্ণ আবিষ্কার করিয়াছিল। কারণ স্বর্ণ যেমন অমিশ্রিত ভাবে পাওয়া যায় এরূপ আর অন্য কোন ধাতু পাওয়া যায় না। স্বর্ণ সহজে মলিনও হয় না আর উহাতে মরিচাও ধরিতে পারে না। সোনার জ্যোতি সহজেই লোকের দৃষ্টি আকর্ষণ করে। সুতরাং অনুমান করা যাইতে পারে যে পার্কত্য নদীর বৃক্ক বরক গলিয়া যাওয়ার পরে ক্ষুদ্র ক্ষুদ্র স্বর্ণ খণ্ড বাহির হইয়া ঝক্ ঝক্ করিতেছিল। এবং পাথরের কারিকরগণ উহা সংগ্রহ করিয়া আনিয়া অপরাপর সকলকে দেখাইয়া বিস্ময়াভিত্ত করিয়াছিল। কিন্তু এই স্বর্ণ মানুষের কেবল বিলাসবাসনাই চরিতার্থ করিল। অলঙ্কারের সাধ নরনারী ইহা দ্বারাই মিটাইল। কিন্তু যুদ্ধোপযোগী অস্ত্রশস্ত্রের পক্ষে স্বর্ণ একেবারেই উপকারে আসিল না।

ইহার পরেই আবিষ্কৃত হইয়াছিল তাম্র। সম্ভবতঃ সাইপ্রাস দ্বীপে খৃষ্টের সাড়ে চারিহাজার বৎসর পূর্বে তাম্র আবিষ্কৃত হইয়াছিল। তাম্রজালা নানারকম বস্ত্রপাতি, অস্ত্রশস্ত্র ও ভৈরসপত্র প্রভৃতি প্রস্তুত করিয়া ব্যবহার করিয়াছিল। তাম্রনির্মিত এই সকল জিনিস পত্র, পাথর কাঠ

ও চর্কানির্মিত জিনিস অপেক্ষা অনেকগুণে উৎকৃষ্ট হওয়ায় মানবসভ্যতা তাম্র আবিষ্কারের ফলে কথঞ্চিৎ উচ্চস্তরে অগ্রসর হইল।

এই তাম্র যে সর্বপ্রথমে কোথায় পাওয়া গিয়াছিল তাহা লইয়া বিদ্বান-মণ্ডলী এখনও একমত হইতে পারেন নাই। তবে উহা যে এশিয়ার পশ্চিম প্রান্তে, খৃষ্টের জন্মবার ৪৫০০ বৎসর পূর্বে হইয়াছিল তাহা অনেকেই এখন স্বীকার করেন। অধ্যাপক ব্রোষ্টেড্ মহোদয় বলেন তাম্র সর্বপ্রথম সাইপ্রাস দ্বীপে পাওয়া গিয়াছিল। অনেকের মতে সিনাই উপদ্বীপে তাম্র সর্বপ্রথম পাওয়া গিয়াছিল। অধ্যাপক স্ক্র্যাগশয়ের মতে ব্রোষ্টেড্ মহোদয়ের মতই অধিকতর যুক্তিসঙ্গত। কেমন করিয়া তাম্র আবিষ্কৃত হইল সে সম্বন্ধে ব্রোষ্টেড্ বলেন একদিন এক দল ভবঘুরে আগুন জ্বালাইয়া সেই আগুনের চারিদিকে মাটির ঢাকা এমন করিয়া সাজাইয়া দিয়াছিল যাহাতে বাতাস আসিয়া ঐ আগুনের কোন অনিষ্ট না করিতে পারে। ঐ সকল মাটির ঢাকা প্রকৃতপক্ষে মাটি ছিল না উহারা ছিল তাম্রের খনিজ পিণ্ড, যাহাকে ইংরাজীতে বলে *Ore* সকালে উঠিয়া ঐ ভবঘুরের দল দেখিল আগুন নিভিয়া গিয়াছে কিন্তু ছাইএর মধ্যে কি- যেন চক্ চক্ করিতেছে। অগ্নির উত্তাপে খনিজ তাম্রপিণ্ড গলিয়া তাম্রে পরিণত হইয়াছিল আর সেই তাম্রই চক্ চক্ করিতেছিল।

এইরূপে তাম্র আবিষ্কৃত হইল। কিন্তু এই সময় হইতে খনিজ তাম্রপিণ্ড গলাইবার উপায় আবিষ্কার করিতে ও তাম্র দ্বারা অস্ত্রশস্ত্র তৈজসপত্র প্রস্তুত করিতে যে কয়েক শতাব্দী লাগিয়াছিল তাহাতে আর সন্দেহ নাই। কিন্তু এত করিয়াও দেখা গেল তাম্রনির্মিত কুঠার একটুতেই ভেঁতা হইয়া যায় এবং তাম্রনির্মিত তীরের কলক অতি সহজেই বাঁকিয়া যায়। সেইজন্য এত কষ্টের ও আশার তাম্রের কুঠার ও তীর কেলিয়া মানুষ পাথরনির্মিত কুঠার ও তীর আবার ব্যবহার করিতে লাগিল। তথাপি তাম্রসম্বন্ধে মানুষ একেবারে নিরাশ হইয়া পড়িল না। কেমন করিয়া তাম্রকে শক্ত করিয়া কার্যোপযোগী করা যাইতে পারে ইহাই তখন সকলের জ্ঞানা কল্পনা ও সাধনার বিষয় হইল। একদিন এক শুভ মুহূর্তে তাম্র আবিষ্কৃত হইল—সাধনার মানুষ সিঁড়িলাভ করিল এবং সঙ্গে সঙ্গে মানুষের সভ্যতা আর একটি স্তর উপরে উঠিয়া দাঁড়াইল। নানারূপ বস্তুর সহিত মিশাইয়া মানুষ দিনের পর দিন দেখিতে ছিল তাম্রকে শক্ত ধাতুতে পরিণত করা যায় কিনা। একদিন তাম্রের সহিত টিন মিশাইয়া মানুষ দেখিল বেশ শক্ত নুতন এক

প্রকার ধাতু তৈয়ার হইয়া গিয়াছে। এই নূতন ধাতুই হইল ব্রোঞ্জ। এই ব্রোঞ্জ আবিষ্কারের সঙ্গে সঙ্গে তাম্র যুগের অবসান হইল, ব্রোঞ্জের যুগ আরম্ভ হইল। প্রত্নতাত্ত্বিকগণের মতে সাইপ্রাস বা ক্রীট দ্বীপেই ব্রোঞ্জ সর্ব প্রথম আবিষ্কৃত হইয়াছিল। কারণ ঐ দুই দ্বীপে টিন প্রচুর পরিমাণে লওয়া যায়। ইহার কিছু পরেই মিশরে ব্রোঞ্জ আবিষ্কৃত হয়। এশিয়ার পশ্চিম প্রান্তস্থিত দেশ সমূহে ব্রোঞ্জের সার্কজনীন প্রচলন সম্ভবতঃ খৃষ্টের ৩০০০ বৎসর পূর্বে হইয়াছিল।

ব্রোঞ্জ আবিষ্কারের কিছুকাল পরেই মানুষ ব্রোঞ্জের অশেষ উপকারিতা সহজেই বুঝিতে পারিল। ব্রোঞ্জের বাটালী দ্বারা পাথর খোদাই কার্ঘ্য মানুষ সুচারুরূপে নির্বাহ করিতে লাগিল। ব্রোঞ্জের কুঠার দ্বারা ভূমধ্যসাগর তীরবর্তী গভীর বনামী আন্নারাসে পরিষ্কৃত হইতে লাগিল। ব্রোঞ্জের করাত দ্বারা বৃক্ষ চিরিয়া মানুষ তুল প্রস্তুত করিতে শিখিল। কাঠের চাকা, রথ, গাড়ী এমন কি নৌকা ও জাহাজ এই ব্রোঞ্জ নির্মিত যন্ত্রপাতির সাহায্যেই মানুষ প্রস্তুত করিয়া ফেলিল। এই ব্রোঞ্জের সাহায্যে মানুষ পাথর কাটরা স্বরবাড়ী পর্যন্ত গঠন করিয়া বসিল। পৃথিবীর সপ্ত আশ্চর্যের মধ্যে মিশরের পিরামিড্ একটা। সে পিরামিড্ও এই ব্রোঞ্জ নির্মিত যন্ত্রপাতির সাহায্যে প্রস্তুত হইয়াছিল। সে আর দেশীয় জাতি ব্রিটন অর্থাৎ বর্তমানের ইংলণ্ড খৃষ্টের ২০০০ বৎসর পূর্বে জয় করিয়াছিল তাহারা এই ব্রোঞ্জ নির্মিত অস্ত্রশস্ত্রের প্রভাবে দুর্ধ্ব হইয়া উঠিয়াছিল এবং দেশবিদেশে আপনাদের জয়পতাকা উড়াইতে সমর্থ হইয়াছিল।

ব্রোঞ্জ আবিষ্কারের সঙ্গে সঙ্গে কৃষিকার্যেরও যথেষ্ট উন্নতি হইল। ব্রোঞ্জ নির্মিত লাঙ্গল, কোদাল ইত্যাদি কৃষি সম্বন্ধীয় যন্ত্রপাতির সাহায্যে ক্ষেত্রসমূহ সহজে সুচারুরূপে কর্ষিত হওয়ার ফলে চতুর্দিক শস্য পরিপূর্ণ হইয়া উঠিল এবং উদ্যানসমূহ যলে পুষ্পে শোভিত হইল মানব রসনা ও দর্শনেন্দ্রিয় পরিতৃপ্ত করিল। অতিকার প্রস্তুত খণ্ড সমূহ বহন করিয়া দেশবিদেশে লইয়া যাইবার জন্য অত্যন্ত ভারবহনশীল একরকম রোলার বা চক্রবান প্রয়োজন হইল। ইহাও মানুষ ব্রোঞ্জ নির্মিত যন্ত্রদ্বারা প্রস্তুত করিয়া ফেলিল। সুতরাং ব্রোঞ্জের মাংস্যা ভাল করিয়া লিখিতে গেলে বে একখানি পুঁপি হয় তাহাতে আর সন্দেহ নাই।

এখন কেমন করিয়া লৌহ আবিষ্কৃত হইল সেই কথাই বলিব। খৃষ্টের প্রায় ৩০০০ বৎসর পূর্বে, মিশরে এক ভীষণ উৎসাহ হইল। তখন সেখানে ব্রোঞ্জের যুগ সবে মাত্র আরম্ভ

হইয়াছে। ঐ উদ্‌ঘাটনের পর চতুর্দিক হইতে সকলে ছুটিয়া আসিয়া দেখিল যে স্থানটীতে উদ্‌ঘাট হইয়াছে সে স্থানের ঘরবাড়ী গাছপালা সব জলিয়া গিয়াছে। এবং তাহাদের মধ্যে কিসের একটা কাল পিণ্ড পড়িয়া রহিয়াছে।। সকলে পরীক্ষা করিয়া দেখিল উহা এক প্রকার বিশেষ শক্ত ও ভারী ধাতুতে গঠিত। এই শক্ত ও ভারী ধাতুর নামই লৌহ। এই প্রকারে মানুষ অতি প্রয়োজনীয় লৌহের সহিত সর্ব প্রথমে পরিচিত হয়। আর স্বর্গ হইতে লৌহ মর্ত্যে নামিয়া আসিয়াছে এই জন্য লৌহের নাম হইল স্বর্গীয় ধাতু। কিন্তু এ আবিষ্কারে মানুষের বিশেষ কোন সুবিধা হইল না। স্বর্গের বস্তু ভূহাতে পরিমাণে অল্প স্তরাং ইহার চতুর্দিকে ধর্ম্মের প্রাচীর অতি শীঘ্র গড়িয়া উঠিল এবং নামের বৈজ্ঞানিক ও কেজো দৃষ্টি হইতে ইহাকে লুকাইয়া রাখিল। লৌহের প্রকৃত আবিষ্কার এশিয়া মাইনরের হিটাইট্‌স নামক এক জাতীয় লোক সর্বপ্রথমে করে। কুবুসাগরের তীরবর্তী এশিয়া মাইনরের উত্তরাংশে হিটাইট্‌স জাতিঘারা খনিজ লৌহ সর্বপ্রথমে আবিষ্কৃত হয়। খৃষ্টের প্রায় ১৫০০ বৎসর পূর্বে ইজিয়ান সাগরস্থিত দ্বীপ সমূহে লৌহ প্রচলিত হইয়াছিল। খৃষ্টের প্রায় ১৩০০ বৎসর পূর্বে মিশর-বাসীরা ব্রোঞ্জের অস্ত্রশস্ত্রের পরিবর্তে লৌহ নির্মিত অস্ত্রশস্ত্র ব্যবহার করিতে আরম্ভ করিয়াছিল। কিন্তু এই অতি প্রয়োজনীয় লৌহের সংবাদ ইয়োরোপের পশ্চিম প্রান্তে পৌঁছিতে বহুকাল লাগিয়াছিল। আজ যে ইয়োরোপ সভ্যতার অগ্রগামী দূত সেই ইয়োরোপ প্রাচীনকালে সভ্যতার সর্ব পশ্চাতে পড়িয়া ছিল। সেই জন্য গঅল অর্থাৎ ফ্রান্স নামক দেশে পৌঁছিতে প্রায় ৭০০ বৎসর লাগিয়াছিল, অর্থাৎ গঅলের লোক লৌহের সংবাদ জানিয়াছিল খৃষ্টের ৪০০ বৎসর পূর্বে কিম্বা তাহারও পরে। আর আয়ারল্যান্ডের লোক লৌহের কথা জানিয়াছিল খৃষ্টের প্রথম শতাব্দীর শেষ ভাগে। আধুনিক সময়ে নানাবিধ বৈজ্ঞানিক আবিষ্কারের ফলে যুদ্ধকে কসাইখানাতে পরিণত করিয়া ভীষণ হইতে ভীষণতর করিয়া তুলিয়াছে। প্রাচীনকালে লৌহ আবিষ্কারের সঙ্গে সঙ্গে যুদ্ধের মূর্ত্তি ভীষণাকার ধারণ করিল এবং যুদ্ধ বাধিলেই যুদ্ধভূমিতে ভীষণ রক্ত স্রোত প্রবাহিত হইতে লাগিল। আশিরীয় নরপতি “সারগগ” ও “সেনাচেরীর” তাহাদের সৈন্যসামন্ত লৌহনির্মিত অস্ত্রশস্ত্রে সজ্জিত করিয়া খৃঃ পূঃ ৭২২ হইতে খৃঃ পূঃ ৬৮১ পর্য্যন্ত অর্থাৎ প্রায় ৪১ বৎসর ধরিয়া এশিয়ার পশ্চিম প্রান্তে যে রক্ত গঙ্গা বহাইয়া ছিলেন তাহা মনে করিলে এখনও সকলের হৃৎকম্প উপহিত হইবে। এই লৌহ যুগের প্রথম ইতিহাস

হইতে আমরা অতি সহজে বুঝিতে পারি জ্ঞানের সঞ্চিত শক্তির বত্থানি নিকট সম্বন্ধ আর স্বার্থের জন্য সেই শক্তি কেমন জঘন্য ও নিষ্ঠুর ভাবে প্রয়োগ করা হইতে পারে।

এই লৌহ যুগকেই কলিযুগ কহে। আমরা সকলে কলিযুগের মানুষ। সুতরাং লৌহ-যুগের সঙ্গে সঙ্গে আমরা কলিযুগের আধুনিক মানবের নিকট আসিয়া পড়িয়াছি। এখান হইতেই ঐতিহাসিক যুগের আরম্ভ। ইহার পূর্বের সময়ের নান প্রাগৈতিহাসিক যুগ।

আমরা দেখিয়াছি প্রাচীন প্রস্তর যুগে মানুষের মস্তক ও হস্তপদের ক্রমোন্নতি ও ক্রমবিকাশ হইতেছিল। ঐ সঙ্গে মানুষের বখা বলিবার শক্তিরও ক্রমবিকাশ হইতেছিল। ক্রমেই মানুষ তাহার মনের ভাব স্পষ্ট করিয়া প্রকাশ করিতে শিখিল এবং ধীরে ধীরে অতীত কাহিনী ও ঘটনা মনে করিয়া রাখিতে শিক্ষা করিল। সুতরাং প্রাচীন প্রস্তর যুগে মানুষের মস্তিষ্কের ; ভাষার ও স্মরণশক্তির বিকাশ হাওয়ায় মানব উন্নতির পথে অনেক দূর অগ্রসর হইতে সমর্থ হইয়াছিল। ইহার পর মানুষ নব প্রস্তর যুগে বাড়ী তৈয়ার করা, মাটির তৈজসপত্র তৈয়ার করা, কাষ্ঠ নিশ্চিত ও ধাতু নিশ্চিত বস্তু নিশ্চয় করিতে শিখিল। এই সকল বিদ্যার সঙ্গে সঙ্গে মানুষ লিখন প্রণালী আবিষ্কার করিয়া বসিল। এবং এত দেখার সাহায্যে আদেশ উপদেশ দূরদেশে পাঠাইতে সমর্থ হইল। অতীত জ্ঞান ও অভিজ্ঞতা লিপিবদ্ধ করিয়া স্থায়ী করিতে শিখিল এবং সুবহুং ব্যাপার বা ঘটনা স্মরণ করিয়া রাখিবার জন্য স্মৃতি চিহ্ন স্থাপন করিতে শিখিল এবং ইতিহাসের উপযোগী করিয়া সেই সকল ব্যাপার লিপিবদ্ধ করিয়া রাখিতে শিখিল।

এই লিখনপদ্ধতি আবার বিভিন্ন স্থরের ভিতর দিয়া আসিয়া বর্তমান আকার ধারণ করিয়াছে। প্রথমতঃ লোকে ছবির সাহায্যে ননোভাব ব্যক্ত করিত। একটা বাঘ আসিয়া একটা গরু লইয় গেল। এই ঘটনাটী ব্যক্ত করিতে ছবি অঁকিয়া দেখাইতে হইবে যে বাঘ গরু লইয়া চলিয়াছে। এরূপ লেখাকে ইংরাজীতে Pictograph কহে। আনোরিকার রেড ইণ্ডিয়ানদের মধ্যে এই লেখার প্রচলন ছিল। ছবি সম্পূর্ণ করিয়া অঁকিতে দক্ষতা ও লাগে আর সময়ও নেহাৎ অল্প লাগে না। মানুষ আরও দেখিল যে জীবজন্তুর সমস্ত ছবি না অঁকিয়া তাহাদের অংশ বিশেষ অঁকিলেই বুঝিতে পারা যায় লেখক কোন জন্তু বুঝাইতে ইচ্ছা করেন। ইহার পর দেখিল সকল বস্তুরই ছবি কিম্বা তাহাদের অংশ বিশেষের ছবি অঁকা সম্ভবপর নয়। সেই জন্য লেখাকে জীবজন্তুর প্রতীক বা চিহ্ন না ধরিয়া শব্দের প্রতীক বা চিহ্ন বলিয়া গ্রহণ করা

হইল। 'ইহার পর মানুষ যখন শব্দ ভাঙ্গিয়া ক্ষুদ্র ক্ষুদ্র অক্ষর আবিষ্কার করিয়া ফেলিল তখন তাহারা আধুনিক অক্ষর মালার সহিত সম্পূর্ণরূপে পরিচিত হইয়া লিপিবিদ্যা সম্পূর্ণ আয়ত্তের মধ্যে আনিয়া ফেলিল। ব্যাবিলন ও মিশরে এবং সম্ভবতঃ ভারতবর্ষে লিপিবিদ্যা যে এই কয়েকটা স্তরের মধ্য দিয়া আসিয়া আধুনিক আকৃতিতে পৌঁছিয়াছে। তাহা প্রাচীন লেখনালা পাঠ করিলেই স্মৃতিতে পারা যায়। চীন দেশীয় লিখন প্রণালী এখনও দ্বিতীয় স্তরে পড়িয়া আছে। মিশর ও ব্যাবিলনের লেখা ঐতিহাসিকগণ পড়িতে সমর্থ হইয়াছেন কিন্তু ক্রীট এবং মহেঞ্জোদারো ও হরপ্পার লেখা উদ্ধার করিতে ঐতিহাসিকগণের আরও কিছুকাল লাগিবে।

মানব কেমন করিয়া একক জীবন পরিত্যাগ করিয়া দল বাধিতে শিখিল এবং পরিশেষে তাহারা কেমন করিয়া বিরুদ্ধ স্বার্থ বিশিষ্ট ভিন্ন ভিন্ন জাতি গঠন করিল তাহা স্মরণে পাইলে আর একবার বলিব। কেমন করিয়া মানব পার্শ্বিক মনোভাবের স্থানে নীতি ও ধর্মের ভাব আনয়ন করিল, আর কেমন করিয়াই বা জীবজন্তুকে বশীভূত করিয়া পৃথিবীর উপর মানবের একছত্র রাজত্ব স্থাপন করিল তাহা ভবিষ্যতে বর্ণন করিবার ইচ্ছা রহিল।*

শ্রীপ্রঃগেবিন্দ দত্ত।

চোখের ভাষা।

চেয়ে চেয়ে গেছ তুমি

গাওনিক গান।

নীরব চোখের ভাষা—

জানাইলে ভালবাসা

উঠেছিল গুমরিয়ে

কাঁদি মোর প্র'ণ !

* অধ্যাপক হিম্মাংশুএর গ্রন্থাধলঘনে মুদ্রের ম্যারিয়েট ক্লাবে পঠিত

নিখিলের দিকে দিকে

দেখেছি যে আঁধি।—

কালো যে উজল তারা—

কেঁড়ে কি হ'য়েছে সারা

বাতাসের আঁঠু সুরে—

নিতি ডাকি ডাকি!—

তবু ত মুখের ভাষা


ফোটেনিক তার!—

চোখের নীরব বাণী

করে' গেল কানাকাণি!

এ দুটা তরুণ হিয়া

প্রেমে একাকার।



শ্রীফটিকচন্দ্র বন্দ্যোপাধ্যায়।

• অনন্তলাল।

পঞ্চবিংশ পরিচ্ছেদ।

জেলা নদিয়া বল্লভপাড়া গ্রামে কালিদাস ভট্টাচার্য নামে এক ব্রাহ্মণ ছিলেন। তিনি শাস্তি স্বস্তয়ন ইত্যাদি কার্যে অধিতীর ছিলেন। ভার্য্যা এবং দিগম্বর নামে পুত্র তিন সংসারে তাঁহার আর কেহই ছিল না। বহু দূর পর্য্যন্ত তাঁহার 'শাসন' অর্থাৎ শাস্তি কার্য্য করিতে

গতিবিধি ছিল। অর্থাগমও বেশ হইত। এদিকে সংসারে খরচ অল্প। এই সকল কারণে সঙ্গতিপন্ন হইতে তাঁহাকে আগ্রাস করিতে হইল না। পুত্রকে অল্প বস্ত্রের সংস্থান করিতে দিয়া, তিনি পরলোকে গমন করিলেন।

কালিদাস ভট্টাচার্যের যখন পরলোক হইল, তখন তাঁহার পুত্রের বয়সক্রম বাইশ বৎসর। ইহার দুই বৎসর পূর্বে পুত্রের বিবাহ হইয়াছে। কালিদাসের মৃত্যুর কিছুদিন পূর্বে তাঁহার পুত্র অস্তঃস্বপ্নে অবস্থায় পিত্রালয়ে গমন করিয়াছিলেন। মৃত্যুর কয়েক মাস পরে দিগম্বর সংবাদ পাইলেন, তাঁহার পত্নী এক মৃত পুত্র প্রসব করিয়া, পঞ্চম প্রাপ্ত হইয়াছেন।

পিতার মৃত্যুর পর দিগম্বর অভিভাবক শূন্য হইয়াছিলেন। এক্ষণে গ্রামস্থ চরিত্রহীন বুঝদিগের সহিত মিশিয়া তাঁহার স্বভাব কলুষিত হইতে আরম্ভ হইল।

বল্লভপাড়া গ্রামে শ্রীরাম গড়াঞী নামে এক তৈলিক বান করিত। এই ব্যক্তির ভবতারিণী নামে কন্যা ছিল। কন্যা যখন কৈশর অতিক্রম করিয়া, যৌবন সীমায় পদার্পণ করিতেছে, এমন সময়ে সে বিধবা হইয়া, পিত্রালয়ে প্রত্যাগমন করিল। কৈশোর ও যৌবনের সন্ধিতে, অর্ধপ্রসুতিত পদ্মতুল্য তাহার সেই সৌন্দর্য্যে, গ্রামস্থ ভ্রমরকুল মত্ত হইয়া উঠিল। কিছুদিন পরে, গ্রামের নিকর্যা ও নিন্দুক লোকেরা মাঝে মাঝে ঐ ভ্রমরকুলের এক একটির নামের সহিত ভবতারিণীর নাম সংযুক্ত করিতে লাগিল। আমরা কিন্তু অত নামের কথা বিশ্বাস করি না। সে খাটাই হউক, আমাদের দিগম্বর ভট্টাচার্য্য এ সকল সংবাদে একবারে বধির ছিলেন না। শ্রীরাম গড়াঞীর বাটী গ্রামের পূর্ব সীমায় এবং তাঁহার বাটী পশ্চিম সীমায় অবস্থিত। অতঃপর দিগম্বর তৈল কিনিবার ছলে প্রতিদিন শ্রীরামের বাটীতে গমন ও তাঁহার সহিত ভবতারিণীর চক্ষুর একত্র মিলন আরম্ভ হইল। দুই জনেরই দশা এক রকম; এক জনের তরী কাণ্ডারীহীন এবং আর একজন তরীহীন কাণ্ডারী। প্রথম দিন তৈল লইয়া বাটী বাইয়া, দিগম্বর দেখিলেন, তাঁহার চিত্ত শ্রীরাম গড়াঞীর ঘানিঘরে রাখিয়া আসিয়াছেন। ঘানিগাহের ন্যায় উহা শ্রীরামের বাড়ীর নানাস্থানে ঘুরিয়া বেড়াইতেছে। যাহার মন যেখানে যায়, তাহাকেও বাধ্য হইয়া সেখানে উপস্থিত হইতে হয়। দুই তিনদিন তৈল আনিবার পর, দিগম্বর ভট্টাচার্য্য দিবসের অধিকাংশ সময়, গড়াঞী বাড়ী অতিবাহিত করিতে লাগিলেন। অবশেষে কুল, শীল, মান,

বিষয় সম্পত্তি প্রভৃতি যথাসর্ব্ব পন করিয়া তিনি ভবতারিণীরূপ অরুণবর্ণ গোলাপটি গ্রহণ পূর্ব্বক বন্ধস্থলে পরিধান করিলেন। ইন্দ্রিকরা পরিষ্কার জামার বটন-হোলে যেমন গোলাপ শোভা পায়, দিগম্বরের ব্রাহ্মণকুলে এ ফুলের শোভা তেননি। কিন্তু এ শোভা পরমুখে কাতর তাঁহার জ্ঞাতিবর্গের চক্ষুশূন্য হইতে লাগিল। প্রথম জ্ঞাতি, পরে প্রতিবেশী, পরে সনাজ তাহার পর গ্রামবাসী সকলেই তাঁহার এ সুখের বিপক্ষতাচরণ করিতে আরম্ভ করিল। উপায়ান্তর না দেখিয়া, নিজ বিষয় সম্পত্তি সমস্ত বিক্রয় পূর্ব্বক, ব্রাহ্মণ ভবতারিণীকে লইয়া, কলিকাতায় পলায়ন করিলেন।

কলিকাতার ন্যায় অধনতারণ সহর আনাদের দেশে আর দ্বিতীয় নাই। দিগম্বর তথায় এক গণির ভিতর বাসা লইলেন। পিতার পেশা শাস্তি স্বস্তয়ন ইত্যাদি কার্যে তিনি বিশেষ দক্ষ হইয়া- ছিলেন। কলিকাতায় যাইয়া তিনি ভবতারিণীকে নিজ বিবাহিত পত্নী বলিয়া পরিচিত করিলেন এবং ভদ্রলোকদিগের বাটীতে শাস্তি করিয়া অবাধে জীবিকা নির্ব্বাহ করিতে লাগিলেন। কল্কুল পাবনী তাঁহার অক্সাঙ্গিনী শ্রীনতী ভবতারিণি বড় বুদ্ধিমতী ছিল। কিছুদিনের মধ্যে, এ সকল কার্যের আনুষ্ঠানিক ব্যাপার সমস্তই তাহার বেশ শিক্ষা হইল।

কিন্তু পরের শাস্তি করিতে করিতে ভট্টাচার্য্যের নিজের জীবন অশান্তিময় ও দুর্ভাগ হইয়া উঠিল। উৎকট শূলরোগের আক্রমণে, ক্রমে তাঁহাকে শয্যাগত করিল। কলিকাতার ডাক্তার কবিরাজের অভাব নাই, তাঁহার চিকিৎসারও ক্রটি হইল না। কিন্তু কিছুতেই রোগের শাস্তি না হওয়ায়, দিগম্বর অব্যবহিক মতে চিকিৎসা করাটবার সঙ্কল্প করিলেন। কোনও লোক তাঁহাকে চক্রহাট গ্রামের নিকটবর্ত্তী বিশালা বন মধ্যস্থ বাবাজীর অব্যবহিক চিকিৎসার কথা জ্ঞাপন করিল, এবং তিনিও তথায় যাইবার জন্য প্রস্তুত হইলেন।

পরে, একদিন ভবতারিণীকে সঙ্গে লইয়া দিগম্বর বিশালা বন মধ্যস্থ বাবাজীর আশ্রয়স্থানে যাইয়া উপস্থিত হইলেন। তখন বাবাজী তাঁহাকে আরোগ্য করিবেন কি, স্বয়ং এক বিষম রোগে আক্রান্ত হইয়া পড়িলেন। মহাভারতের আমলে যখন কুন্তী প্রভৃতি মানবীদিগের রূপ দেখিয়া, সূর্য্য, যম ইত্যাদি দেবতারা মুগ্ধ হইয়াছিলেন, তখন এই ঘোর কলিতে, বিশালা বনের বাবাজী ভাতারিণির চল চল যৌবনের ছটার মুগ্ধ হইবেন, ইহাতে আশ্চর্য্যের বিষয় কিছুই নাই। কল্পপর্বাণে বিদগ্ধব্যক্তির হৃদয়ে কতদূর যত্ন, তাহা ভবতারিণিরও অজ্ঞাত

ছিল না। তথায় কিছু দিন অবস্থিতি ও চিকিৎসাদির পর, ভবতারিণী দিগম্বরকে লইয়া কলিকাতার প্রত্যাগমন করিল। যাইবার সময়ে বাবাজীর মন ও প্রাণ—এই দুইটি বস্তু অঞ্চলে বাধিয়া লইয়া গেল। ইহার পর বাবাজীও রোগী দেখিবার ছলে মধ্যে মধ্যে কলিকাতায় দিগম্বরের বাসায় গমন করিতে আরম্ভ করিলেন।

এই প্রকারে তাঁহার মনসিদ্ধ জনিত রোগের চিকিৎসা বেশ হইতে লাগিল কিন্তু দিগম্বরের মূল রোগের কিছুই হইল না। পরন্তু তাঁহার শরীর এক রোগ হইতে নানা রোগের সৃষ্টি হইতে লাগিল, এবং অনেক দিন কষ্ট পাইয়া, তিনি ভবলীলা সম্বরণ করিলেন। বাবাজীরও কলিকাতার তাঁহাকে দেখিতে যাইবার অছিল। ফুরাইল।

দিগম্বরের মৃত্যুর পর, ভবতারিণী সহায় সম্পত্তিহীন হইয়া পড়িল। তবে তাহার ন্যায় চতুরা যুবতীর পক্ষে কলিকাতা নিতান্ত মন্দ স্থান নহে। সে এখন রূপের ডালি সাজাইয়া “বার দিয়া বসিল বাহির দেওয়ানে।” সহায় সম্পত্তি ছুটিতেও বিলাস হইল না।

এই রূপে কিছু দিন অতিবাহিত হইবার পর আর এক দিগম্বর যাইয়া উপস্থিত হইল। সে ব্যক্তি জাতিতে ব্রাহ্মণ। কলিকাতায় বারানানাঙ্গিণের পৌরোহিত্য ও নীচ জাতির মৃতের মুখায়ির মস্ত বলান তাহার পেশা ছিল। ভবতারিণী তাহাকে লইয়া, সে স্থান পরিত্যাগপূর্বক একটু দূরে অন্য এক পাড়ায় বাসা লইল ও উভয়ে স্বামীজীর ন্যায় বাস করিতে লাগিল। এই স্থানে আসিয়া, সে যামিনীদের মেসে, পাচিকা ব্রাহ্মণীর কার্যে নিযুক্ত হইয়াছিল। এক দিন বলভপাড়ার একগোস্বামীকে মেসের মধ্যে দেখিয়া, জীলোকের বেশ পরিত্যাগ পূর্বক সন্ন্যাসীর বেশে বিশালাবন মধ্যস্থ বাবাজীর আশ্রয় পলায়ন করিল।

তাহার পর বাহা বাহা ঘটনাছে তাহা পাঠক মহাশয় সমস্তই অবগত আছেন। রতনপুর হইতে পুলিশকর্মচারীদের সহিত চন্দ্রহাট চালান যাইয়া ভবতারিণীর সহিত তাহার ভ্রাতা এবং বিশালার বাবাজীর সহিত তাহার চেলা, দুইটি পৃথক গৃহে অবরুদ্ধ হইল ও তথা হইতে শীতাই মহকুমার প্রেরিত হইল। পুলিশের লোকেরা, দুটির একরায় করাইতে আসামীদিগকে যে সকল যন্ত্রণা প্রদান করিয়া থাকে, তাহা অতীব ভয়ঙ্কর। বর্ণনা করা দূরে থাক, সে সকল সম্বরণ করিতেও স্বকম্প উপস্থিত হয়। কিন্তু নান্যপ্রকার যন্ত্রণা প্রদান করিয়াও পুলিশে, বাবাজীর মুখ হইতে কোন কথাই বাহির করিতে পারিল না। ভবতারিণীর কিন্তু সূত্র

দুই বছরের পড়া এক বছরে শেষ করাটা ছরাসা ছাড়া আর কিছুই নহে! কিন্তু তাহাতে কেবল আমার অনঙ্গতাই প্রমাণিত হইবে না, যে শিক্ষক মহাশয় আমার পরিশ্রমশীলতার আস্থা রাখিয়া আমাকে উপরের শ্রেণীতে তুলিয়া দিবার জন্য উপরোধ করিয়াছিলেন তাহার মান থাকে না। কাজেই দুই তরফা ছনামের ভয়ে আমি এই সংকল্প ত্যাগ করিলাম। সে যাহা হউক, অনেক চেষ্টা করিয়া আমি ইউক্লিডের ত্রয়োদশ প্রতিজ্ঞা পর্যন্ত কোন প্রকারে আয়ত্ত করিলাম। এই বিষয়টি যে অত্যন্ত সোজা ইহা হঠাৎ একদিন আমার কাছে প্রকট হইল। আমার বিশ্বাস, ছেলের একটু বুদ্ধিতর্কের জ্ঞান ও পরিষ্কার মাথা হইলেই এই বিষয়টি আয়ত্ত করিতে বেশী বেগ পাইতে হয় না। সেদিন হঠাৎই জ্যানিতিশাস্ত্র আমার চিত্তকে আকৃষ্ট করিল এবং তখন আর তাহা আমার কাছে কঠিন রহিল না।

সংস্কৃত পাঠ শুরু।

সংস্কৃতটা কিন্তু আমার কাছে বেশ একটু কঠিনই ঠেকিল। জ্যানিতিতে কিছুই মুখস্ত করিবার ছিল না, কিন্তু সংস্কৃতে, আমার বিশ্বাস, সব কিছুই মুখস্ত করিতে হইত। সংস্কৃতও এই চতুর্থ-মান হইতেই শুরু হয়। ষষ্ঠমানে উঠিয়াই আমি সংস্কৃত একদম ছাড়িয়া দিলাম। যিনি আমাদের সংস্কৃত পড়াইতেন, তিনি পড়াশুনায় ভারী কড়াকড়ি করিতেন এবং আশ্চর্য মনে হইত তিনি ছেলের অনেকখানি করিয়া পড়া দিতে ব্যস্ত হইয়া যাইতেন! পণ্ডিত মহাশয় ও মৌলবী সাহেবের মধ্যে বেশ একটু প্রতিদ্বন্দ্বিতা চলিত। মৌলবী সাহেব ছিলেন সংস্কৃত চিত্ত। ছেলেরা পরস্পর বলাবলি করিত যে, পাশীভাষা ঢের বেশী সোজা, আর মৌলবী সাহেব ছিলেন বেশ ভালমানুষ, ছেলের উপর যথেষ্ট সুবিচার করিতেন। পাশীভাষার সারল্য আমার বেশ প্রলুব্ধ করিল এবং একদিন আমি গিয়া পাশী পড়ায় যোগ দিলাম। পণ্ডিত মহাশয় অত্যন্ত মর্মান্বিত হইলেন। তিনি আমাকে ডাকিয়া তাঁহার পাশে বসাইয়া বলিলেন, 'তুমি কেমন করিয়া ভুলিলে যে, তুমি এক বৈষ্ণব-পিতার সন্তান? কঠিনই যদি তুমি মনে কর, তাহা হইলে আমার কাছে আস না কেন? আমার যতটা শক্তি তাই দিয়ে তোমাদের আমি সংস্কৃত পড়াইতে প্রস্তুত আছি। এই সাহিত্যে যতই তোমরা প্রবিষ্ট হইবে ততই ইহার মধ্যে গ্লভিরভাবে অমুরাগী হইবার মত বিষয় পাইবে। তোমাকে নিরাশ হইতে হইবে না। আবার তুমি সংস্কৃত পাঠে যোগ দাও।'

আফ্রিকার ব্যবহারজীবী ও দক্ষিণ আফ্রিকার শিক্ষিত যুবকদের হস্তের লেখা দেখিয়া আমার নিজের বিশ্রী লেখার অল্প ভারী লজ্জা বোধ হইত। এবং হস্তের লেখা সব্বদে মনোবোগ না দেওয়ার অল্প ক্ষেত্রের সীমা ছিল না। দেখিলাম যে, হস্তের লেখা ভাল না হইলেই বুদ্ধিতে হইবে যে, শিক্ষা নিখুঁত হয় নাই। আমি শেখটার হস্তের লেখা উন্নত করিতে সচেষ্ট হইলাম কিন্তু তখন এত বিলম্ব হইয়া গিয়াছে যে, আমার সকল চেষ্টা ব্যর্থ হইল। কৌশলে যে মনোবোগী হইয়াছিলাম তাহা কখনো শুধরাইতে পারিলাম না। আমার নিজের দৃষ্টান্ত দেখাইয়া প্রত্যেক যুবক যুবতীকে আমি সাবধান করিয়া দিতেছি যে, হস্তের লেখা শিক্ষার একটি অপরিহার্য অঙ্গ, ইহা যেন তাহারা কখনো ভুলিয়া না যায়। আমি এখন এই মন্ত পোষণ করি যে, ছেলেরা পড়ার লেখা পড়া শুরু করিবার আগে প্রথমটার অঙ্ক শিক্ষা দেওয়া দরকার। ছেলেরা চোখে দেখিয়া যেমন পাখী প্রভৃতি জিনিষ চিনিতে পারে, তেমনি অক্ষরগুলিও বস্তুর মধ্য দিয়া যাহাতে শিখিতে পারে তাহার ব্যবস্থাই করা উচিত। দ্রব্যাদি আঁকিতে দেখার পর ছেলেরা হস্তাক্ষর লিখিবার শিক্ষা দেওয়া উচিত। তবেই তাহাদের হস্তের লেখা হস্তের আকার ধারণ করিবে।

• • জ্যামিতিশাস্ত্রে অনুরাগ।

আমার ছাত্রজীবনের আর দুইটি স্মৃতি কথা উল্লেখ করিবার যোগ্য। পূর্বেই বলিয়াছি, বিবাহের ফলে আমার একটি বছর নষ্ট হইল। যে সকল ছেলে পড়াশুনার রীতিমত খাতে, কোন কোন কারণে কারুর একবছর পড়া শ্রুতি হইলে, তাহাদিগকে এক শ্রেণী উপরে তুলিয়া দেওয়া হয়। আমাকেও শিক্ষক তাই তুলিয়া দিতে চাহিলেন, ফলে তৃতীয়মানে মাত্র ছয় মাস থাকিয়াই প্রীত্মাবকাশের পরেই একটা পরীক্ষা দিয়া চতুর্থমানে উঠিলাম। চতুর্থমানে থেকেই আর সবগুলি শিক্ষণীয় বিষয়েই ইংরেজী হইল শিক্ষার কাহন। আমি যেন সমুদ্রে পড়িলাম এই শ্রেণীতে উঠিয়াই আমাকে জ্যামিতি নূতন আরম্ভ করিতে হইল, অথচ এই বিষয়টিতে আমি তেমন পটু ছিলাম না। এবং ইংরেজী বাহন হওয়ার আমি আরো মুশ্কিলে পড়িলাম। শিক্ষক মহাশয় এ বিষয়টি বেশ ভাল করিয়াই পড়াইতেন কিন্তু আমি তেমন ছুঁত পাইলাম না। ফলে সময় সময় ভারী নিরাশ হইয়া পড়িতাম এবং পুনরায় তৃতীয়মানে নামিয়া বাইতে ইচ্ছা হইত। আমার তখন মনে হইত,

ব্যায়াম চর্চার প্রতি আমার বিতৃষ্ণার কারণ এই যে, পিতৃদেবের সেবাশ্রমা করিবার আগ্রহ ছিল আমার অত্যন্ত প্রবল। স্কুলের ছুটি হটবা মাত্র আমি বাড়ী ফিরিয়া আসিতাম, এবং বাবার সেবার লাগিয়া বাইতাম। স্কুলে যখন ব্যায়াম চর্চা অবশ্য কর্তব্য হইয়া দাঁড়াইল তখন বাবার সেবার আর তেমন সদর পাইতাম না। কাজেই বাধ্য হইয়া আমি প্রধান শিক্ষক মহাশয়কে বাবার সেবা করার কারণ দেখাইয়া ব্যায়াম-চর্চা হইতে অব্যাহতি চাহিলাম কিন্তু তিনি আমার কথা শুনিলেন না। এক সময়, কোনও শনিবারে আমাদের স্কুল ভোরে বসে এবং ব্যায়াম চর্চার অন্য বিকেল চারিটার সময় আমাদিগকে স্কুলে ফাইতে হয়। সে-দিনটা ছিল মেঘলা, তা-ছাড়া আমার ঝড়িও ছিল না, সময় ঠিক পাই নাই; স্কুলে যখন পৌঁছিলাম, তখন দেখিতে পাইলাম যে, সকল ছেলেই চলিয়া গিয়াছে। পরদিন মিঃ গিমি আমাদের হাজিরা বই পরীক্ষা করিয়া দেখিলেন, আমি অনুপস্থিত। অনুপস্থিত থাকার কারণ জিজ্ঞাসা করার দ্বাৰা আমি কি হইয়াছিল সব বলিলাম। কিন্তু তিনি আমার কথা বিশ্বাস করিতে চাহিলেন না। আমার এখন মনে নাই, এক আনা কি দুই আনা যেন জরিমানা করিয়া বসিলেন। মিথ্যা কথার ওজুহাতে আমার শাস্তি হইল! প্রাণে বড় লাগিল। আমি যে নিরপরাধ তাহা কি করিয়া প্রমাণ করিব? কোন পথই যে নাই। গভীর দুখে কাঁদিয়া ফেলিলাম। বুঝিলাম যে কেবল সত্যবাদী হইলেই চলিবে না, সঙ্গে সঙ্গে হুঁস থাকাও দরকার। আমার ছাত্রজীবনে এইটাই হইতেছে আমার প্রথম ও শেষ অমনোযোগিতার দৃষ্টান্ত। মনে হইতেছে যেন শেষ পর্য্যন্ত জরিমানা হইতেও অব্যাহতি লাভ করিয়াছিলাম।

হাতের লেখায় অহেলা।


ব্যায়াম চর্চা হইতে শেষটার আমি একেবারে অব্যাহতি পাইয়াছিলাম। কারণ স্কুলের ছুটির পরই আমার বাড়ী ফেরা দরকার, এই মর্মে পিতৃদেব প্রধান শিক্ষক মহাশয়কে অনুরোধ করিয়াছিলেন, কিন্তু ব্যায়াম চর্চার মন দিই নাই বলিয়া যদিও আমার তেমন ক্ষতি হয় নাই, তবে আর একটি বিষয়ে অমনোযোগী হওয়ার প্রাশ্চিত্ত আমার আজো কল্পিতে হইতেছে! সুন্দর হাতের লেখা যে শিক্ষার অঙ্গ নয়, এ ধারণা আমার কোথা হইতে যে আসিয়াছিল জানি না এবং ইংলণ্ড যাত্রা করিবার পূর্ব সময় পর্য্যন্ত আমার সেই ধারণাই ছিল। ইংলণ্ড এক পরে দক্ষিণ

খেলাধুলার বিতৃষ্ণা।

আমার মনে পড়ে আমার নিজের সম্বন্ধে আমার কখনো উচ্চ ধারণা ছিল না। পারিতোষিক বা কলপানি পাইলে আমার বিশ্বয়ের অবধি থাকিত না। কিন্তু আমার স্বভাব-চরিত্র সম্বন্ধে আমি যথেষ্ট সত্যাগ ছিলাম। সামান্য এতটুকু কলঙ্কেই আমার চোখ হইতে জল ঝড়িয়া পড়িত। আমার নিজের সম্বন্ধে আমি এইটুকু বলিতে পারি যে, শিক্ষকের সামান্য ভৎসনাও আমার কাছে অসহ্য ছিল। মনে পড়ে, একবার বেজাঘাত পাইয়াছিলাম, কিন্তু সেই শাস্তিতে আমার মনে কোন ক্ষোভ হয় নাই, কেন না মনে হইয়াছিল যে, সে শাস্তি আমার ত্রাণ্য প্রাপ্য। কিন্তু বেদনার খুব খানিকটা কাঁদিয়া ছিলাম। তখন আমি সম্ভবত প্রথম বা দ্বিতীয় মানে পড়িতে ছিলাম। সপ্তম মাসে যখন পড়ি, তখনকার একটি ঘটনা বর্ণিত হইছে। তখন আমাদের স্কুলের প্রধান শিক্ষক ছিলেন দোরাবজা এফলজী গিমি। ছাত্র-সম্প্রদায় তাঁহাকে যথেষ্ট শ্রদ্ধা করিত, কেননা তিনি যেমন ভাল পড়াইতেন, তেমন সুশৃঙ্খলার সঙ্গে সব কাজ করিতেন, উপরের শ্রেণীর ছাত্রদের তিনি ব্যায়াম করা ও ক্রিকেট খেলা অবশ্য-কর্তব্য বলিয়া নির্ধারণ করিয়া দিলেন। এই দুটো জিনিষেই ছিল আমার বিশেষ বিতৃষ্ণা। অবশ্য-কর্তব্য বলিয়া নির্দিষ্ট করিয়া দিবার আগে কখনো আমি কুটবল বা ক্রিকেট খেলায় যোগদান করি নাই। লজ্জাশীলতাই খেলা-ধুলা হইতে দূরে থাকার অন্তিম কারণ। আজকে অবশ্য মনে হইতেছে, আমার পক্ষে তাহা অস্তায় হইয়াছে। সেদিন আমার এই ভুল ধারণা ছিল যে, ব্যায়ামের সঙ্গে শিক্ষার কোনই সম্বন্ধ নাই। আজ কিন্তু আমার ধারণা যে, যতটা মানসিক শিক্ষার প্রয়োজন, ব্যায়াম চর্চাও ততটাই শিক্ষা-প্রণালী-ভুক্ত হওয়া প্রয়োজন।

তবে একথা বলিতে পারি যে, ব্যায়ামাদি হইতে দূরে থাকিলেও আমার ভেমন ক্ষতি হয় নাই। কেননা খোলা রাস্তায় দীর্ঘপথ হাঁটার গুণাবলী আমি পুস্তকে পড়িয়াছিলাম। এবং উপদেশটা আমার মনঃপুত হওয়ার প্রতিদিন খানিকটা করিয়া হাঁটা আমার অভ্যাসে পরিণত হইল এবং আজো সেই অভ্যাস অটুট রহিয়াছে। এই হাঁটা অভ্যাসে আমাকে বেশ কষ্ট করিয়া তুলিয়াছে।

মহাত্মাজীর আত্মজীবনী।



—:—:—

পঞ্চম অধ্যায়।

ছাত্র-জীবনের স্মৃতি।

আমার বিবাহের সময় আমি উচ্চ-ইংরেজী স্কুলে পড়িরাছিনাম, এ কথা আগেই বলিয়াছি। আমরা তিন ভাইয়ে এই স্কুলে পড়িতাম। দাদা আমার চাইতে ঢের উপরের ক্লাসে পড়িতেন, এবং মেজ দাদা নাত্র এক ক্লাস উপরে পড়িতেন এবং তাঁহার বিবাহের সঙ্গেই আমারও বিবাহ হইয়াছিল। বিবাহের ফলে আমাদের একটি বছর নষ্ট হইল। মেজদাদার পরীক্ষার ফল অত্যন্ত খারাপ হইয়াছিল। তিনি তাই একদম পড়াশুনা ছাড়িয়া দিলেন। ভগবান জানেন, মেজদাদার মত কত ছেলের এ রকম দুর্ভাগ্য হয়। কেবল মাত্র আধুনিক হিন্দুসমাজেই পড়াশুনা ও বিবাহ এক সঙ্গে চলিতে পারে।

আমার পড়াশুনা চলিতে লাগিল, উচ্চ ইংরেজী স্কুলে পড়িবার সময় আমি নেহাৎ নির্বোধ বলিয়া গণ্য হই নাই। শিক্ষকদের স্নেহ আমি সকল সময়েই পাইয়াছি। প্রতি বৎসর ছাত্রের পড়াশুনা ও চরিত্র সম্বন্ধে ছাত্রের অভিভাবকের নিকট মস্তব্য পাঠাইতে হয়। আমার সম্বন্ধে কখনো খারাপ মস্তব্য প্রেরিত হয় নাই। দ্বিতীয় মানের পরীক্ষায় উত্তীর্ণ হইয়া আমি পারিতোষিক পাইয়াছিলাম। এবং পঞ্চম ও ষষ্ঠ মানের পরীক্ষায় যথাক্রমে চারি টাকা ও দশ টাকা করিয়া জলপানি পাইয়াছিলাম। ইহার জন্য আমি ভগবানকে ধন্যবাদ দিই, কেননা আমার গুণের অপেক্ষা অদৃষ্টই আমায় এতটা সাফল্য আনিয়া দিয়াছিল। বিশেষতঃ এই জলপানিটা সকল ছেলের জন্যই উদ্ভূত ছিল না, কাঠিয়াবাড়ের সোরাতে বিভাগের সর্বোৎকৃষ্ট ছেলের জন্ত একান্ত ভাবে নির্দিষ্ট ছিল। ক্লাসের চল্লিশ পঞ্চাশটি ছাত্রের মধ্যে সেকালে সোরাতে বিভাগের ছাত্র খুব বেশী ছিল না।

সাকী ।

—❦—

শান্তি সাকীর বেদন ভরা, কান্দন করা সুর
অঝোর করে, করণা ধরে দিচ্ছে করে—আমার ব্যথার পেয়ালি ভরপুর ।
আমার সাকীর, কাজল আঁখির ওই কোণে ;
মুষ্টিমতী ব্যথার ব্যথী, অশ্রু করে—লাল মালে ।

—শান্তি করে লাল খুনে ।

সাকীর—রুম্ম চুলে, ঝড়ো হাওয়া, রুদ্ধশ্বাসে গুমরে উঠে ;
পাগল হাওয়া চুম্ব খেয়ে যায় সাকীর আমার সরাব পিরা লাল ঘোঁটে
রুদ্ধ হাওয়া রণিয়ে উঠে, পবন স্বনে ;
মেতে যায় বজ্র গানে, রুদ্ধ ঝানে, প্রবল রণে ।
পরাকর্ষী, সাকীর শুধু অশ্রু করে, পরের ব্যথায় ।
ওদের ওই খুনো খুনীর রুদ্ধ কথায় ।
সাকী আমার পুরাণ মাঝে নুতন খোঁজে ;
ঝড়ো হাওয়া পাগল বায়ে, রুদ্ধ ভেঙে,
লাল সরাবের নেশায় মেতে, ভেঙে চূরে পাগল ক'রে
ভেঙে দিয়ে সব—আবার কাল—
এ যে প্রেমের হাওয়া, আসি যাওয়া,—
লীনার লীলা, প্রেমের খেলা—সৃষ্টি এ যে
আমি চাই নিত্য নুতন, কলজের খুণ
ভাসাগড়া ধরার মাঝে ।

শ্রীপ্রদ্বৈপ্য ওহ ।

ডাকাতী হয়। এই দুই ডাকাতীতে বেসকল দ্রব্য মুক্তি হয়, তাহার অধিকাংশই আশ্রয়
ঘর খুঁড়িয়া পাড়রা গিয়াছিল, এবং ভবতারিণী পুলিশের তাড়নার, ঐ সকল দস্যুর নাম, ধাম
এবং মুক্তি দ্রব্যাদির তালিকা বলিয়া দিয়াছিল। সে দিগন্ত ভট্টাচার্যের সহিত বল্লভপাড়া
হইতে কলিকাতায় পলায়ন করিবার পর প্রতারণা পূর্বক অনেক ভদ্রলোকের জাতিবংশ
করিয়াছে। সমস্ত দোষই প্রমাণিত হইল, শাস্তিও পাইল সকলেই। কেবল বৃদ্ধ তুলসী দাস
কোন দোষে দোষী ছিল না। সে বাবাজিকে সাধু বলিয়াই জানিত; আশ্রমের সকলে কারাশ্রমে
যাত্রা করিলে সেও অশ্রুপূর্ণ লোচনে স্বদেশে যাত্রা করিল।

অশ্রু নয়নে নয়নে,—কোথায়ও বা পড়িল, কোথায় পবিত্র! তুলসী দাস জানিত গুরু সে
সরল প্রাণের সে বিশ্বাস হারাইয়া মর্দ্যাহত হইয়া অশ্রুতে গণ্ড প্লাবিত করিল। অনন্তলাল—
সংসারের সকল হারাইয়া সংসারত্যাগী হইলেন—ভিক্ষুব্রত অবলম্বন করিলেন।

ব্রজেন্দ্র ও সুশীলা অনেক প্রকারে বৃদ্ধ অনন্তলালকে সংসারে অবস্থান করিয়া তাঁহাদের
সেবা গ্রহণ করিবার জন্ত অসুরোধ অসুন্নর করিয়াছিল—কিন্তু অনন্তলালের সংসারে মতি ছিল না।
বৃদ্ধের শেষ অবস্থা ও মনের ভাব বরণ করিয়া ব্রজেন্দ্র অশ্রু সম্বরণ করিতে পারিল না,—হার
অশ্রু! গঙ্গোদকের ন্যায়—পবিত্র নয়নবারি আজ ব্রজেন্দ্র ও সুশীলার হৃদয়ে নয়নে। হৃদয়ে
বান ডাকিয়াছে—তাদের এ সুখের দিনে তাহাদের আশ্রয়দাতা বৃদ্ধকয়সে চলিলেন—
ভিক্ষুকাশ্রমে—এ হুঃখ মর্দ্যস্তদ!

সমাপ্ত।

শ্রীমলিনীনাথ গুপ্ত।

শরীর। আদর করে এতাবংকাল তাহার অতিবাহিত হইয়াছে। সুতরাং তাহাকে অধিক
• যত্ন নিতে হইল না। ছই চারিটি তর্জন গর্জনেই সে যাহা জানিত সমস্তই বাহির হইল।

বিচারে প্রমাণ হইল যে, কএক বৎসর হইতে বিশালাবনের চতুর্পার্শ্ব গ্রামে যে সকল
দস্য ডাকাতী করিতেছে তাহারা সকলেই বাবাজীর পরিচিত, এবং তাঁহারি সাহসে তাহারা
ডাকাতী করিয়া বেড়ায়; যে সকল দ্রব্য লুণ্ঠন করিয়া আনে, নাম মাত্র মূল্য দিয়া তিনিই সে
সমস্ত আশ্রয়সাং করিয়া থাকেন। পরে যেমন সুবিধা পান, আখরায় বসিয়াই তাহার এক
একটি বিক্রয় করেন। যাহা অবশিষ্ট থাকে, বা যাহা বিক্রয়ের সুবিধা না পান, তীর্থযাত্রার
ছলনার সঙ্গে করিয়া দেশে লইয়া যান। ইতিপূর্বে কয়েক বৎসর ধরিয়া, এ দেশে যতগুলি
ডাকাতী হইয়াছে, তাহার অধিকাংশ মাল তিনি আশ্রয়সাং ও বিক্রয় করিয়াছেন।

তখন তাঁহার দেশ কোথায় এ সংবাদ জ্ঞাত হওয়া বিশেষ প্রয়োজন হইল। কিন্তু সে কথা
তিনি ভিন্ন আর কেহই জানেন না। তাঁহার মুখ হইতে বাহির করাও কঠিন। অবশেষে
তাঁহার ঘরের চালে গোঁজা, দেবনাগরী অক্ষরের একখানি পত্র পাওয়া গেল। তাঁহার সাহায্যে
তাঁহার নিবাস ইত্যাদি অজ্ঞাত রহিল না। তখন চারিজন পুলিশকর্মচারী বাবাজীকে লইয়া
তাঁহার দেশাভিমুখে গমন করিল। তথায় জানিতে পারা গেল যে, তিনি “হজম” অর্থাৎ
নাঁপিতের কুল উজ্জল করিয়াছেন, যৌবনের প্রারম্ভে “ঠগী” নামক দস্যদিগের দলে মিশিয়া,
অনেক দিন পর্য্যন্ত খুন, লুট ইত্যাদি কার্যে নিযুক্ত ছিলেন। পরে যখন ভারতবর্ষের নানাস্থানে
ঠগীর দলের লোক ধরা পড়িতে লাগিল, তখন স্বদেশ পরিত্যাগ পূর্বক, এক রামাষ্ট্র
বৈষ্ণবের চেলা হইয়া তাঁহার সহিত আনাদেশ পর্য্যটন করিতে লাগিলেন। এই বৈষ্ণব
অবধৌতিক চিকিৎসা ভাল জানিতেন। তাঁহার নিকট এই চিকিৎসা এবং সাধু ফকিরের
ভাবভঙ্গী সমস্ত শিক্ষা করিয়া, বাবাজী অবশেষে বাঙ্গালায় আসিয়া; বিশালাবনে উপনিবেশ
স্থাপন করিলেন।

তাঁহার সমস্ত অপরাধ প্রমাণ হইবার পর, বিচারক তাঁহাকে যাবজ্জীবন ধীপান্তরবাসের
আজ্ঞা প্রদান করিলেন।

এই ঘটনার এক বৎসর পূর্বে, ভবতুরিণী যামিনীদের মেস হইতে পলায়ন করিয়া, বাবাজীর
আখরায় ছুটিয়াছিল। এই এক বৎসরে বিশালাবনের পার্শ্ববর্তী ছইখানি গ্রামে ছইবার

আমি লজ্জিত হইলাম । পণ্ডিত মহাশয়ের স্নেহের অসম্মান করিতে পারিলাম না । আজ কৃষ্ণগুরু পাণ্ডে মহাশয়ের নাম কৃতজ্ঞতার সঙ্গে স্মরণ না করিয়া পারি না । কেননা সে সময় যে সামান্য সংস্কৃতটুকু আয়ত্ত করিয়াছিলাম তাহা যদি না করিতাম তাহা হইলে আজ আমাদের ধর্মশাস্ত্রের এতটা অনুরাগী হইতে পারিতাম কিনা সন্দেহ । আজ আমার এই বলিয়া হঃখ হইতেছে যে, আরো বেশী কেন সংস্কৃতটা শিখি নাই ! পরে বুঝিয়াছি যে, কোন হিন্দু ছেলে-মেয়েরই সংস্কৃত ভাষার গভীর জ্ঞান না থাকিলে চলে না ।

উচ্চ শাখায় ভাষায় স্থান ।

আমার এখন মনে হয়, ভারতে উচ্চ শিক্ষার হিন্দী, সংস্কৃত, পার্শী, আরবী, এবং ইংরেজী ও প্রাদেশিক ভাষাগুলি অবশ্যপাঠ্য হওয়া উচিত । এত বড় লম্বা তালিকা দেখিয়া কাহারও ভীত হইবার কোনই কারণ নাই, কেননা আমার বিশ্বাস, আমাদের শিক্ষা-প্রণালী যদি আরো সুসংস্কৃত হয় এবং শিক্ষার্থীদের যদি বৈদেশিক ভাষার মধ্য দিয়া শিক্ষাদানের গুরুভার বহন করিতে না হয় তাহা হইলে আমি নিশ্চয় বলিতে পারি যে, এই সকল ভাষা শিক্ষা 'দারুণ কর্তব্য' বলিয়া পরিগণিত হইবে না বরং শিক্ষার্থীরা ইহাতে বেশ আরামই পাইবে । একটি ভাষা বৈজ্ঞানিক প্রণালীতে আয়ত্ত করিতে পারিলে আর আর সকল ভাষা আয়ত্ত করা অনেকটা সোজা হইয়া পড়িবে । সত্য কথা বলিতে কি, হিন্দী, গুজরাটী এবং সংস্কৃত ভাষাকে একটি ভাষাই মনে করা যাইতে পারে এবং পার্শী ও আরবীও একটি । সংস্কৃত ও পার্শী যদিও আরবী ও হিব্রু ভাষা হইতে আলাদা ঘরে বাস করে, তবুও পার্শী ও আরবীর মধ্যে বেশ একটু ঘনিষ্ঠ সম্পর্ক রহিয়াছে, কেননা উভয় ভাষাই একই উৎস হইতে জন্মগ্রহণ করিয়াছে । আর সে উৎসই ইসলামের অভ্যুত্থান । উর্দু ভাষাকে আমি আলাদা ভাষা বলিয়া মনে করি না, কেননা এই ভাষা হিন্দী ব্যাকরণ ও শব্দসম্পদে প্রধানত পার্শী ও আরবীর কাছে ঋণী । এবং যিনি উর্দু ভাল জানিবেন তিনি পার্শী ও আরবীও জানিবেন ; তেমনি তিনি গুজরাটী, হিন্দী, বাঙলা বা মারাঠী ভাল জানিবেন, তাঁহাকে সংস্কৃতও ভাল জানিতেই হইবে ।

ষষ্ঠ অধ্যায়

মাংস আহার

পূর্বেই বলিয়াছিলাম, হাই স্কুলে অন্তরঙ্গ বন্ধু আমার খুবই কম ছিল। বিভিন্ন সময়ে আমার দুইটি মাত্র বন্ধু ছিল। ইহাদের একজনের সঙ্গে আমার বন্ধুত্ব বেশীদিন স্থায়ী হয় নাই। দ্বিতীয় বন্ধুর আবির্ভাবে প্রথম বন্ধুটি আনায় তাগ করেন। এই দ্বিতীয় বন্ধুর বন্ধুত্বকে আমার জীবনের একটি পরম দুঃখিনা বলিয়াই মনে করি। এই বন্ধুত্ব দীর্ঘকাল স্থায়ী হইয়াছিল। সঙ্কারকের মনোভাব হইতে এই বন্ধুত্বের জন্ম। এই বন্ধুটি আসন্ন ছিল আমার দাদার বন্ধু ও সহপাঠী। আমি তাহার চরিত্রের দোষত্রুটি সব কিছুই জানিতাম, তাহাকে বিশ্বাসী বলিয়াই আমার মনে হইয়াছিল। আমি অসংসর্গ করিতেছি এই বলিয়া মা, দাদা ও স্ত্রী—সকলেই আমাকে অনুযোগ করিয়া সাবধান করিয়া দিলেন। স্বামী হিসাবে আমি এতটা গর্ভাক্ত ছিলাম যে স্ত্রীর সাবধান করাটাকে মোটেই গ্রাহ্য করিলাম না। মায়ের ইচ্ছার বিপক্ষে যাইবার দুঃসাহস অবশ্য আমার ছিল না, আর দাদাকে শ্রদ্ধাভক্তি করিতেও আমি বাধ্য। কাজেই তাঁহাদের কাছে এই বলিয়া আত্মপক্ষ সমর্থন করিলাম,—তাহার সম্বন্ধে তোমরা যে সব দোষত্রুটির কথা বলিতেছ, আমি তাহা সবই জানি; কিন্তু তাহার মধ্যে যে সৎগুণও আছে তাহা তোমরা জান না। সে আমার ধ্বংসের পথে লইয়া যাইতে পারে না। কেননা তাহাকে সৎপথে ফিরাইয়া আনিবার জন্যই আমি তাহার সঙ্গ লইয়াছি। আমি বেশ জানি, সে যদি সৎপথে ফিরিয়া আসে, তাহা হইলে সে একজন মানুষের মত মানুষ হইবে। আমি তোমাদের মিনতি করিতেছি যে, আমার জন্য তোমরা ভাবিও না। এই কথায় তাঁহারা খুশী হইতে পারিয়াছিলেন বলিয়া আমার মনে হয় না, কিন্তু আমার যুক্তি তাঁহারা মানিয়া লইবেন, আর আমার পথে বাধা হইয়া দাঁড়ান নাই।

পরে বুঝিতে পারিয়াছি যে, আমার ধারণাকে ভুলের উপর দাঁড় করিয়াছিলাম। একজনের চরিত্র শোধরানই যাহার উদ্দেশ্য, তাহার পক্ষে অতটা মাথামাথি ঘনিষ্ঠতা মোটেই উচিত হয় নাই। প্রকৃত বন্ধুত্ব দুইটি হৃদয়ের অভিন্নতা হইতে উৎপন্ন হয়। স্মরণ্য তাহা খুব সহজ লভ্য নহে। সমপ্রকৃতির মধ্যেই বন্ধুত্ব হওয়া বাঞ্ছনীয়, আর তাহা স্থায়ীও হইয়া থাকে। এক বন্ধুর

উন্নিত অপর বন্ধুর চরিত্রে অনেকখানি প্রভাব বিস্তার করিয়া থাকে। কাজেই যেখানে বন্ধুত্ব, সেখানে সংশোধনের কোন সুযোগই আর থাকে না। কাজেই আমার মত এই যে, সকল প্রকার ঘনিষ্ঠতাকেই একেবারে বর্জন করিতে হয়, কেননা মানুষ সহজেই পাপের পথে অগ্রসর হয়, পুণের পথে নয়। ঈশ্বরকে বন্ধুরূপে পাইতে হইলে হয় নিঃসঙ্গ থাকাই উচিত, নতুবা ছুনিয়া সূত্র সকলকেই বন্ধু বলিয়া মানিয়া লইতে হয়। আমার এ মত ভুলও হইতে পারে। সে বাই হোক বন্ধুত্বের চর্চা করিবার যে প্রচেষ্টা আমার মধ্যে আসিয়াছিল তাহা বার্থ বলিয়া প্রমাণিত হইয়াছে।

সংস্কারের টেউ—মাংসাহার

এই বন্ধুটির সঙ্গে যখন পরিচয় হয়, সে সময় রাজকোটে সংস্কারের একটা প্রাণ্ড টেউ আসিয়া পড়ে। বন্ধু আমাকে জানাইলেন যে, আনাদের শিক্ষকদের মধ্যে অনেকেই গোপনে মদ ও মাংস গ্রহণ করিয়া থাকেন। তাহা ছাড়া, রাজকোটের আরো কয়েকজন প্রতিষ্ঠাবান ব্যক্তিও মাদিক এই দলে আছেন। হাইস্কুলের কয়েকটি ছেলেও নাকি ইহাদের দ্বারা আছে একথাও শুনিলাম। খবরটা পাইয়া আমি বিস্মিতও যেমন হইয়াছিলাম, বেদনাও কম অনুভব করি নাই। বন্ধুকে কারণ জিজ্ঞাসা করার সে এমনি ভাবে তাহার ব্যাখ্যান করিল—আমরা মাংস খাই না, কাজেই আমরা দুর্বল। ইংরেজ মাংস খায়, তাই তাহারা আমাদের শাসন করে। তুমি ত জান, আমি কেমন কষ্টসহিষ্ণু, আর কেমন দ্রুত দৌড়াইতে পারি। ইহার কারণ কি জান ?—কারণ, আমি মাংস খাই। যাহারা মাংস খায় তাহাদের কখনো কোঁড়া বা ঝাঁব হয় না। এবং যদিও বা হইয়া পড়ে, তাহা হইলে বা শুকাইতেও বেশী দেরী লাগে না। আমাদের শিক্ষক ও যে সকল বড়লোক মাংস খান তাহারা ত নির্কোঁধ নহেন। তাহারা ইহার উপকারিতা কি তাহা বেশ জানেন। সুতরাং তোমারও তাই করা উচিত। দেখই না একবার ইহাতে কি আছে ?

এক দিনেই অকণ্য এতটা মুক্তিচর্কের অবতারণা হয় নাই। বন্ধু সময় সময় যে সকল বিদ্বত ও সুদীর্ঘ বুদ্ধি আমার উপর প্রক্ষেপ করিতেন উপরে তাহার সারমর্ম দেওয়া গেল। হঠাৎমধ্যেই মেজদাদার পতন শুরু হইয়াছিল; কাজেই তিনিও বন্ধুর মুক্তিতে সায় দিলেন। মেজদাদা ও বন্ধবরের পার্শ্বে আমাকে নিতান্ত দুর্বল বলিয়া মনে হইল। তাহারা উভয়েই ছেলিন আমার চাইতে অধিক কণ্ঠ, শক্তিশালী এবং সাহসী। বন্ধু যে সকল অসমসাহসের

কার্য করিত তাহা আমার মনে অক্ষমতার একটা ছুঁখ আনিয়া দিত। সে অদ্ভুত রকমে দ্রুত দীর্ঘপথ দৌড়াইতে পারিত। দৌড়বার উপক্ৰমে ঝুঁক ছিল একের নম্বর ওস্তাদ। সকল প্রকার শারীরিক শাস্তি সে নীরবে সহ করিতে পারিত। সময় সময় সে আমাকে তাহার এই সব ছুঁসাহসিক কাজ দেখাইয়া তাক লাগাইয়া দিত। নিজের মধ্য যে গুণের অভাব আছে, তাহা অপর কাহারো মধ্যে দেখিতে পাইলে মানুষের মন স্বতই বিমুগ্ধ হইয়া যায়। বলা বাহুল্য, আমিও বন্ধুর এই সব ক্রিয়াকলাপে একেবারে মুগ্ধ হইয়া গেলামি। সঙ্গে সঙ্গেই তাহার নতো হইবার প্রবল আকাঙ্ক্ষা আমাকে পাইয়া বসিল। আমি লাফ দিতে বা দৌড়াইতে মোটেই পারিতাম না। আমার মনে হইল, আমি কেন বন্ধুর মত শক্তিমান হইব না ?

নিরামিষাণীর অত্যন্ত অস্বাস

কিন্তু আসলে আমি ছিলাম অত্যন্ত ভীক স্বভাব; চোব ভূত, সাপ ইহাদের ভয়ে আমি সর্বকণ্ঠে সশঙ্কিত থাকিতাম। কাজেই রাত্রি বেলা রুম্মার বাহিরে আসিতে সাহস পাইতাম না। অন্ধকার আমাকে ভয় দেখাইয়া তাড়াইয়া লইয়া গাইত। অন্ধকারে ঘুমানও আমার পক্ষে অসম্ভব হইয়া দাঁড়াইল, কেননা আমার কেবলই মনে হইত, একদিক দিয়া ভূত, আর এক দিক দিয়া আসিত চোর, সাপ অন্য আর এক দিক দিয়া; এই কারণে আমার শয়ন ঘরে একটি আলোই না জ্বলাইয়া ঘুমাইতে পারিতাম না। পার্শ্বেই স্ত্রী ঘুমাইতেন, তাঁহাকে আমার ভয়ের কথা কি করিয়া বলি ? তখন আমি সবে যৌবন সীমার পদার্পন করিয়াছি। তাঁহারও যে আমার অপেক্ষা ঢের বেশী সাহস আছে তাহা জানিতাম তার সেই কারণেই অত্যন্ত লজ্জানুভব করিতাম। ভূত বা সাপের ভয় কাহাকে বলে তিনি তাহা জানিতেন না। অন্ধকারে তিনি যেখানে সেখানে চলাফেরা করিতে পারিতেন। আমার এই সব দুর্কলতার খবর বন্ধু রাখিত, তাই সময় সময় বলিত যে, সে অ্যান্ত সাপ হাতের মুঠোর ধরিতে পারে, চোর ডাকাতের ভয় তাহার নাই, আর ভূতের অস্তিত্বে তার কিছু মাত্র আস্থা নাই। আর এ সবই নাকি মাংসাহারের ফল।

যে সময় নর্দমা যে মাংসাহারের ব্যাপার লইয়া একটি ছড়া বাধিয়া ছিলেন, তাহা আমাদের ছাত্রদের মধ্যে অত্যন্ত প্রচলিত ছিল।

ধিকি সাহেব, ঐ চেয়ে দেখ,
নেটিভ্ লোকের শাসক—
লখার চণ্ডার পাঁচহাত তিনি
কারণ মাংস-খাদক।

সংস্কারের শেষ অংশ

তাহার পর মাংসাহারের জন্য একটা বিশেষ দিন স্থির হইয়া গেল। নবসংস্কার শুরু করিতে বিশেষ দিন কেন স্থির করা হইয়াছিল, তাহা বুঝা অনেকের পক্ষেই একটু কষ্টকর ঠেকিবে। গান্ধী-পরিবার বৈষ্ণব, বিশেষত আমার মাতাপিতা বিশেষ করিয়া গোড়া বৈষ্ণব! তাঁহারা নিয়মিত হাণেলীতে (বৈষ্ণব মন্দির) যাইতেন। আনাদের নিজের পান্ডিত্যিক মন্দির আছে। গুজরাটে জৈনধর্মও বণ প্রবল এবং সর্বত্রই সব ব্যাপারেই তাহার প্রভাব পরিলক্ষিত হয়। মাংসাহারের বিপক্ষে ঘৃণা প্রকাশ গুজরাটের জৈন সম্প্রদায়ের মধ্যে অত্যন্ত প্রবল; ভারতে বা বাহিরে কোথাও বৈষ্ণবেরা মাংসাহার করে না। এই প্রথাগত মিলনের মধ্যে আমার জন্ম আর এই আশ্রয়ই আমি মানুষ হইয়া উঠিয়াছি। আমি ছিলাম পিতামাতার উপর অত্যন্ত ভক্তিমান, কাজেই এটা আমার বেশই জানাছিল যে, যে মুহূর্তে তাঁহারা আমার মাংসাহারের সংবাদ পাইবেন তখনই বিশেষ মর্মান্বিত হইবেন, হয় তা সে আঘাত সহ করা তাঁহাদের পক্ষে অসাধ্যও হইয়া উঠিতে পারে। তাছাড়া জানিয়া হটক, কি না জানিয়াই হটক, সত্যের প্রতি আমার একটা ভূত্যাচিত টান ছিল। একবার মাংস আহার ধরিলে পিতা মাতাকে যে নিখ্যা দিয়া প্রতারণিত করিতে হইবে; ইহা যে তখন আমি জানিতাম না, একথা বলিতে পারি না। কিন্তু সংস্কারের দিকেই আমার মন একেবারে ঝুঁকিয়া পড়িয়াছিল, মাংস যে অত্যন্ত মুখরোচক সুখাদ্য এ প্রশ্নও ছিল না। মাংসের যে একটা বিশিষ্ট স্মৃতির আছে ইহা আমার জানাও ছিল না। দৈহিক বলশালী ও সাহসী হওয়াই ছিল আমার উদ্দেশ্য। আমার দেশবাসীও যেন সেই রকম হইতে পারে ইহাও ছিল আমার কাম্য। কেননা শারীরিক শক্তি ও মানসিক সাহস বাড়িলেই ইংরেজদিগকে পরাজিত করিয়া ভারত স্বাধীন করা যাইবে, এই ছিল আমার বিশ্বাস। 'স্বরাজ' শব্দটি তখনো শোনা যায় নাই। সংস্কারের নেশা আমার একেবারে অঙ্ক করিয়া দিয়াছিল, তাই নিঃশেষে নিজেকে ছুঁগিয়া বাইত পারিয়া ছিলাম।

সপ্তম অধ্যায়

একটি দুর্ঘটনা

অবশেষে দিনটি আসিল। আমার সে দিনের অবস্থার ঠিক ঠিক বর্ণনা করা আজ আমার পক্ষে মুশ্কিল। একদিকে সংস্কারের জন্য অসীম উৎসাহ এবং জীবনে একটা নূতনত্বের মোহ আর একদিকে এ কার্য্য করিতে যাইয়া চোরের মত আত্মগোপনের তীব্র লজ্জা। এই দুটির মধ্যে কোনটির প্রভাব যে আমার মধ্যে প্রবলতর ছিল, আজ তাহা আমার মনে নাই। আমরা নদীর তীরে একটি নির্জন স্থানের সন্ধান করিলাম এবং সেখানে, জীবনে বাহা কখনো দেখি নাই, সেই মাংস দেখিলাম। তার সঙ্গে পাঁউরুটিও ছিল। আমার কাছে কিন্তু কোনটাই ভাল লাগে নাই। মাংস চামড়ার মত শক্ত মনে হইল। কিছুই খাইতে পারিলাম না। গা বমি বমি করিতে লাগিল, না খাইয়াই চলিয়া আসিতে বাধ্য হইলাম।

রাত্রিতে আমার ভারী অস্বস্তি বোধ হইতে লাগিল। ঘুম আসিল না, রাজ্যের যত রক্ষক হুস্বপ্ন আসিয়া আমাকে পাইয়া বসিল। আমার কেবলই মনে হইতেছিল যে, আমার পেটের মধ্যে যেন একটা জ্যান্ত পাঁঠা রহিয়াছে আর সে কৰুণভাবে কাঁদিতেছে। আমি সচকিতে উঠিয়া পড়িলাম এবং আমার ভীষণ অনুতাপ হইতে লাগিল। আবার তখনই মনে হইল, মাংসাহার আমার কর্তব্যের মধ্যে, ভয় করিলে চলিবে না ত! বন্ধুটিও অত সহজে হটিবার পাত্র নয়। তখন হইতে সে মাংসের নানারকম সুস্বাদু জিনিষ তৈরী করিতে আরম্ভ করিয়া দিল। আমাদের আর এখন খাওয়ার জন্য নদীর তীরে যাইতে হয় না। বাবুর্চির সঙ্গে গোপনে বন্দোবস্ত করিয়া সরকারী অতিথিশালার সব ব্যবস্থা ঠিক হইল। সেখানে ভোজনাগার, টেবিল, চেয়ার ইত্যাদি সবই ছিল। ইহার ফলও ফলিল। কুটির উপর আমার যে বিতৃষ্ণা ছিল তাহাও আর রহিল না এবং পাঁঠার প্রতি যে একটু মার্সা ছিল তাহাও পরিত্যাগ করিলাম। মাংসের প্রতি যদিও আমার টান জন্মিল না, মাংসের তৈরী অন্যান্য জিনিষে বেশ আরাম পাইতে লাগিলাম। এমনি করিয়া এক বৎসর কাটিয়া গেল এবং এই সময়ে আমাদের মাংসের ভোজ ছরবারের বেশী হয় নাই। কারণ সরকারী অতিথিশালা রোজ পাওয়ার কোন উপায়ই ছিল না অধিকন্তু যখন তখন এইরূপ ব্যয়সাধ্য সুস্বাদু খাদ্য বানাইতে অনেক টাকার প্রয়োজন।

বলা বাহুল্য আমি অবশ্য এই কাজে কিছুই দিতে পারিতাম না কেননা আমার কাছে একটি পয়সাও ছিল না। বন্ধুকেই মনস্ত খরচা জোগাইতে হইত, কিন্তু কোথা হইতে যে সে তাহা পাইত, জানি না। তবে তাহাকে জোগাড় করিতেই হইত, কেন। আমাকে পুরা দস্তুর মাংস-খাদক বানাউয়া তোলার দিকে সে একেবারে খুঁকিয়া পড়িয়াছিল, কাজেই সে খরচ করিত। তবে তাহার তহবিলও ছিল নিশ্চয়ই সামান্য। তাই বাধা হইয়া আমাদের 'খানা'র সংখ্যাও কম হইতে লাগিল। আর কাজে কাজেই তাহা বহুদিন অন্তর হইত।

মায়ের কাছে মিথ্যা কথন

যেদিন এইরূপ 'খানা' খাওয়া হইত সেদিন অবশ্য বাড়ীতে আসিয়া রাত্রিবেলা খাওয়া হইত না। মা স্বভাবতই আনাকে খাইতে ডাকিতেন এবং খাইতে না চাহিলে কেন খাইব না তাহার কারণ জিজ্ঞাসা করিয়া বসিতেন। আমি অবশ্য তখন জবাব দিতাম, ক্ষুধা নাই, ভাল হضم হয় নাই। কিন্তু এই সব মিথ্যা কথা বলিতে আমার মনে যে গুব আঘাত লাগিত না এমন কথা বলিতে পারি না। একে মিথ্যা কথা তাহাও আবার মায়ের কাছে! এ কথাও অবশ্য জানিতাম যে, মা-বাবা যেদিন জানিবেন যে, আমি মাংস-খাদক হইয়াছি, সেদিন তাঁহাদের মাথায় বজ্রপাত হইবে। এই কথা মনে করিয়া আমার মনে ভরানক যজ্ঞনার উদ্বেক হইল। কাজেই মনে মনে ভাবিতাম, মাংস খাওয়া প্রয়োজন, এবং এই সংস্কার দেশের মধ্যে যাতে প্রচারিত হয় তাহাও করা দরকার। কিন্তু পিতামাতাকে প্ররঞ্চনা করা, মাংসাহার হইতে বিরত থাকা অপেক্ষা ঢের বেশী অন্যায়। সুতরাং ঠিক করিলাম, তাঁহারা বহুদিন জীবিত থাকিবেন ততদিন আর মাংস খাইব না। এবং তাঁহাদের অবর্তনানে আমার পক্ষে স্বাধীন-ভাবে চলা ফেলার কোন বাধাই থাকিবে না, তখন প্রকাশ্য ভাবেই মাংসহার করিব, কিন্তু সে সময় না আসা পর্যন্ত মাংসাহার হইতে নিবৃত্ত থাকিব। আমার এ সংকল্প বন্ধুকে জানাইলাম এবং সেদিন হইতে আর কখনো মাংস স্পর্শ করি নাই। আমার পিতামাতা কখনো জানিতে পারেন নাই যে, তাঁহাদের দুই ছেনেই মাংসাহারী হইয়াছি।

পিতামাতাকে প্ররঞ্চনা না করিয়া পবিত্র ইচ্ছার বলেই আমি মাংস ত্যাগ করিলাম। কিন্তু বন্ধুর সঙ্গ পরিত্যাগ করিলাম না। তাহার চরিত্র শোধরাইবার জন্য তাহার সঙ্গে বন্ধুত্ব

করিয়াছিলাম, কিন্তু আমি স্বয়ং ভ্রষ্ট হইতে লাগিলাম—আমার অজ্ঞাতে আমি নিজের গর্ভেই
নিজে পড়িলাম। কিন্তু তাহা জানিতেও পারিলাম না।

দেশ্য হয়ে

এই বছর সংসর্গ আমাকে ব্যভিচারে প্রবৃত্ত করিবার উপক্রম করিয়াছিল। কিন্তু কোনও
ক্রমে রক্ষা পাইয়াছি। বহু একদিন আমাকে এক পতিতালয়ে লইয়া গিয়া আবশ্যিক উপদেশ
দিয়া ভিতরে পাঠাইয়া দিল। পূর্বেই বহু সমস্ত বন্দোবস্ত ঠিক করিয়া রাখিয়াছিল। টাকা
পয়সাও পূর্বেই দেওয়া হইয়াছিল। আমি সেই মুর্তমান পাপের গহ্বরে উপস্থিত হইলাম। কিন্তু
ভগবানের অসীম করুণার বলে, আমি নিজেকে নিজের নিকট হইতে রক্ষা করিতে
পারিয়াছিলাম। পাপপুত্রিতে প্রবেশের পরই আমার অবস্থা এমন হইল যে, আমি চোখেও কিছু
দেখিতে পাই না, কিছু বলিবার শক্তিও আমার লোপ পাইয়াছে। উপায়স্বরূপ দেখিতে না পাইয়া
পতিতার পাশে তাহার খাটের উপরই বসিয়া পড়িলাম। কিন্তু আমার জিহ্বা যেন কণ্ঠতালুতে
দৃঢ়ভাবে আটকাইয়া গেল। আমার এই ব্যবহারে স্বভাবতই পতিতার নৈর্ঘ্যচ্যুতি হইল, সে
আমাকে বেশ কড়া কড়া দুই চারিটি বুলি শুনাইয়া দিয়া ঘরের বাহির করিয়া দিল। সেই সময়
আমার পৌরুষ যেন বেশ আহত হইল, তাই লজ্জায় মনে হইল যে, মাটিতে মিশিয়া বাইতে পারিলে
বাঁচিয়া যাই। এই ভাবে আমি রক্ষা পাওয়ার আজীবন ভগবানের কাছে কৃতজ্ঞ আছি

এই প্রকার আরো চারিটি ঘটনা আমার জীবনে ঘটিয়াছে, তাহাও আমার বেশ মনে আছে।
এবং প্রায় সবক্ষেত্রেই আমার নিজের চেষ্ঠা না থাকার সত্ত্বেও সৌভাগ্যবশত বাঁচিয়া গিয়াছি।
নৈতিক বিচারে এই সমস্ত ব্যাপারকে নৈতিক অধঃপতন বলিয়াই মনে করিতে হইবে। কেননা
ইহাতে পাপের ইচ্ছা সংশ্লিষ্ট ছিল, আর ইহা ও ইহার পরিতৃপ্তি এই কথা। কিন্তু যে লোক
বাসনা সত্ত্বেও প্রত্যক্ষ পাপের হাত হইতে নিস্তার পায়, সাধারণের ভাষায় তাহাকেই বাঁচিয়া
যাওয়া বলে। এবং এই অর্থে আমি সেই প্রকার আংশিক বাঁচিয়া গিয়াছি বলিয়া মনে করিতে
হইবে। কোন কোন কাল এইরূপ আছে, যাহা হইতে বাঁচিতে পারায় যে বাঁচে তাহারও
যেমন লাভ, তাহার পরিবার পরিজনদেরও তেমন লাভ। মানুষ যখন এইভাবে বাঁচিয়া
যাওয়া শুধু বুদ্ধি লাভ করে, তখন সে তাহা লক্ষ্যের করুণা বলিয়াই মনে করে।

ইচ্ছা না থাকিলেও যেমন মানুষের অধঃপতন হয়, ঠিক তেমনই অধঃপতনের ইচ্ছা নশ্বও মানুষ মাঝে মাঝে রক্ষা পাইয়া যায়। পুরুষার্থ, না দৈব না অন্য কোন ঐশ্বরীক শক্তি আশ্রিত মানবকে এইভাবে রক্ষা করে? এ একটি রহস্যময় প্রশ্ন। আজ পর্যন্ত এই প্রশ্নের কোন মীমাংসাই হয় নাই। প্রলয়কাল পর্যন্ত হইবে কিনা, কেহ বলিতে পারে না।

যাহা বলিতেছিলাম। বন্ধুর সংসর্গ যে কতদূর অনিষ্টকর সে সম্বন্ধে এত সব ব্যাপারেও আমার চৈতন্য হইল না। কাজেই নিজের দোষে আমাকে আরো অনেক ভোগ ভুগিতে হইল। তার পর একদিন যখন আমি অকস্মাৎ তাহার কুচাৰ্য্যের ফল প্রত্যক্ষ করিলাম, তখন আমার চক্ষু খুলিয়া গেল। সে কথা পর পর বলিতেছি।

এই সময়ে একটি কথা বলা নিতান্ত আবশ্যিক। এই সময় আনাদের স্বামী-স্ত্রীর মধ্যে যে মনান্তর ঘটিল, এই বন্ধুর সংসর্গ যে এই সব কারণের একটি, সে বিষয়ে কোন সন্দেহ নাই। স্বামী হিসাবে আমি যেমন স্নেহবান ছিলাম, তেমন সন্দেহও কম ছিলাম না। এবং বন্ধুর আমার স্ত্রীর সম্বন্ধে সেই সন্দেহের আগুনে বাতাস দিয়া তাহাকে প্রজ্বলিত করিয়া তুলিল। বন্ধু যে কখনো মিথ্যা বলিতে পারে এই বিশ্বাস আমার ছিল না। তাহার কথায় বিশ্বাস করিয়া আমি আমার স্ত্রীর প্রতি অত্যাচার করিয়া যে অপরাধ করিয়াছি, আমার সেই অপরাধ আমি কখনো কমা করিতে পারি নাই। কেবলমাত্র হিন্দু স্ত্রীই এই সব অত্যাচার সহ্য করিতে পারে, আর সেই কারণেই আমি স্ত্রীলোককে ধৈর্য্যের প্রতিমূর্তি বলিয়া মনে করি। চাকরের উপর অন্যায় সন্দেহ করিলে, চাকর চাকরী ছাড়িয়া চলিয়া যাইতে পারে। এইরূপ ব্যাপারে পুত্রও পিতাকে পরিত্যাগ করিতে পারে—বন্ধু বন্ধুত্বের শেষ করিতে পারে। স্ত্রী যদি স্বামীকে সন্দেহ করে তবে সে মুখ বুজিয়া থাকিবে, কিন্তু স্বামী যদি সন্দেহ করে তবে স্ত্রীর সর্বনাশ! কোথায় তার স্থান? হিন্দু স্ত্রী আদালতে যাইয়া বিবাহচ্ছেদের জন্য প্রার্থনা করিবে না, আইনে 'তাহার' জন্য কোন প্রতীকারই নাই। আমি আমার স্ত্রীকে এইরূপ সহায়হীন করিয়াছিলাম, এ কথা আমি কিছুতেই ভুলিতে পারি নাই এবং এই অপরাধের জন্য নিজেকে মাৰ্জনাও করিতে পারি নাই। পরে যখন আমি অহিংসার সূক্ষ্মমন্ত্রলাভে সমর্থ হইয়াছি তখন আমার এই সন্দেহ দূর হইয়াছে। তখনই আমি ব্রহ্মচর্য্যের মহিমা উপলব্ধি করিতে পারিলাম। স্ত্রী আমার ক্রীতদাসী নহে—সে তাহার সহচারিণী সহধর্ম্মিণী, পরস্পর পরস্পরের হৃৎকের সমানভাগী। স্বামী যেমন নিজের নির্দিষ্ট পথে

চলিতে পারেন; স্ত্রীও সেইরূপ নিজের মতে চলিবার সম্পূর্ণ অধিকার আছে ! এখন যখনই আমার সেই ছদ্মিনের কথা স্মরণ হয় তখনই আমার মুখতা এবং পাশবিক নিষ্ঠুরতার প্রতি স্মরণ পরিপূর্ণ হইয়া উঠি—আর বন্ধুর প্রতি অন্ধ বিশ্বাসের জন্য মনে মনে অত্যন্ত অনুতপ্ত হই।

অষ্টম অধ্যায় ।

চৌর্য ও অনুশোচনা ।

মাংসাহারের সমস্কার এবং তাহার আগেকার আরো দুই একটি স্থানের কথা বলিতে বাকী আছে । বিবাহের পূর্বে বা অল্পকাল পরেই ঐ সব স্থান হইয়াছিল ।

আমি ও আমার জনৈক আত্মীয় ধূমপানে আশক্ত হইয়া পড়িয়াছিলাম । আমাদের পয়সা ছিল না । ধূমপান ভাল এ-কথা আমরা মনে করি নাহি, সিগারেটের স্বগন্ধে যে আমরা আকৃষ্ট হইয়াছিলাম তাহাও নহে । মুখ হইতে ধূমপুঞ্জ বাহির করায় একটা আনন্দ আছে বলিয়া আমরা মনে করিতাম । আমার কাকার ধূমপানের অভ্যাস ছিল এবং আমরা যখন তাঁহাকে ধূমপান করিতে দেখিতাম তখন আমরাদিগকেও তাঁহার অনুকরণ করিতে হইবে বলিয়া মনে করিতাম । কিন্তু আমাদের পয়সা ছিল না । কাকা যে সিগারেটের টুকরা ফেলিয়া দিতেন, আমরা তাহা চুরি করিতে আরম্ভ করিলাম ।

কিন্তু সব সময় এই টুকরা পাওয়া যাইত না । আর পাওয়া গেলেও তাহা হইতে বখেট ধূম বাহির হইত না । কাজেই বাধ্য হইয়া আমরা চাকরদের হাত-খরচের পয়সা চুরি করিতে আরম্ভ করিলাম এবং তাহা দিয়া দেশী সিগারেট কিনিতাম । কিন্তু একটা মুশকিল হইল যে, সিগারেট রাখি কোথায়? বলা বাহুল্য যে, গুরুজনদের উপস্থিতিতে ত আর সিগারেট খাওয়া যায় না । যাহা হউক; চোরাই-পয়সার সিগারেট কিনিয়া কয়েকদিন বটেম্বটে কাটাইলাম । একদিন শুনিতে পাইলাম যে, এক প্রকার কাঁপা গাছ আছে, তাহা সিগারেটের মত ব্যবহার করা যায় । আমরা তাহা খুঁজিয়া বাহির করিলাম এবং তাহারই ধূমপান আরম্ভ করিয়া

অ অহৃত্যায় বন্ধুশরিকর ।

কিন্তু ইহাতে আমাদের মোটেই সুখবোধ হইল না। জীবনে স্বাধীনতার অভাব বোধে একান্ত করিয়া আমরা বেদনা পাইতে লাগিলাম। বড়দের অনুমতি ছাড়া কিছু করিতে পারিব না এ চিন্তা অসহ্য বোধ হইতে লাগিল। অত্যন্ত বিরক্ত হইয়া আমরা আত্মহত্যা সঙ্কল্প করিলাম।

কিন্তু কেনন করিয়া আত্মহত্যা করিব? বিষ কোথায় মিলিবে? শুনিয়াছিলাম মৃতুরা ভয়ানক বিষ। জঙ্গলে গিয়া মৃতুরা খুঁজিয়া বাহির করিলাম। স্থির হইল যে, সন্ধ্যার সময়ই সুলভ। আমরা কেদারজীর মন্দিরে গিয়া প্রদীপে ঘৃত প্রদান করিলাম, দেব দর্শন হইল। তারপর একটি নির্জন কোণ খুঁজিতে লাগিলাম। কিন্তু ইতিমধ্যে আমাদের সাহস চলিয়া গেল। প্রশ্ন জাগিল, আচ্ছা যদি তৎক্ষণাৎ না মরি?—আর নিজেদের মারিলেই বা কি লাভ হইবে? একটু পরাধীনতাই বা কেন সহ্য করি না? যাহা হউক, আমরা দুই তিনটি বীজ খাইয়া ফেলিলাম, আর বেশী খাইতে সাহস হইল না। তাহার পর মৃতুর সঙ্কল্প পরিত্যাগ করিয়া আমরা কেদারজীর মন্দিরে গিয়া প্রকৃতিস্থ হইলাম এবং আত্মহত্যার চিন্তা মন হইতে দূর করিয়া দিলাম।

আত্মহত্যা করার সংকল্প করাটা বত সহজ, আসলে তাহা করা যে তত সহজ নয়—ইহা আমি বেশ বুঝিতে পারিলাম। তাই এখনই কাহাকে আত্মহত্যা করিবে বলিয়া শাসাটতে শুনি, আমার মনে এতটুকু আশঙ্কা জাগে না।

ধূমপানের অনসান।

আত্মহত্যার সংকল্পের ফলে এই দাঁড়াইল যে, আমরা উভয়েই টুকরা সিগারেট খাওয়ার অভ্যাস পরিত্যাগ করিলাম। এবং সিগারেট খাওয়ার জন্ত চাকরের পয়সা চুরি করাও পরিত্যাগ করিলাম।

বয়স হইবার পর আর আমার কখনো ধূমপানের আকাঙ্ক্ষা হয় নাই এবং ধূমপানকে আমি অসভ্যতা, বিপ্রী ও ক্ষতিকর বলিয়া মনে করিয়াছি। ছনিড়ার সর্বত্র ধূমপানের আগ্রহ এত চরমে

উঠিয়াছে কেন তাহার কারণ নির্ণয় করিতে আমি অনেক চেষ্টা করিয়াও সক্ষম হই মাই। ধূমপায়ীতে পূর্ণ কোন গাড়ীতে আমি যাতায়াত করিতে পারি না, আমার যেন দম বন্ধ হইয়া আসে।

গুরুতর স্থলন ও স্বীকারোক্তি।

পরে এই চুরি অপেক্ষাও গুরুতর আর একটি অপরাধ আমি করিয়াছিলাম। বার তের বা তাহার চেয়ে কম বয়সে আমি সেই অপরাধ করি। অল্প অপরাধটি যখন করি তখন আমার বয়স পনের বৎসর। আমার মাংস-খোর দাদার “বাজু” হইতে খানিকটা সোনা চুরি করিয়াছিলাম। দাদাটি আমার প্রায় পঁচিশ টাকা ধার করিয়াছিলেন। তাহার ছেটা সোনার একটা বাজু ছিল। তাহা হইতে খানিকটা কাটায়া লওয়া শক্ত ছিল না।

এই সোনা চুরি করিয়া তাহার মূল্য দিয়া তাহার দ্বার পরিশোধ করিলাম। কিন্তু এ কার্যে যে অন্তর হইয়াছিল তাহাও আমার কাছে অসহ্য বোধ হইল। আর কখনো চুরি করিব না শপথ করিলাম। ইহাও সঙ্কল্প করিলাম যে, বাবার কাছে অপরাধ স্বীকার করিব। কিন্তু মুখে বলিবার সাহস আমার হইল না। বাবা যে আমাকে মারিবেন তার অল্পই যে ভয় পাইয়াছিলাম, তাহা নহে। না—তিনি যে আমাদিগকে কখনো প্রহার করিয়াছেন তাহা আমার মনে পড়ে না। আমি যে তাহার প্রাণে বেদনার সৃষ্টি করিব ইহাই ছিল আমার ভয়ের কারণ। কিন্তু আমি ভাবিলাম, এই কথা যে তাহাকে বলিতেই হইবে; সম্পূর্ণ দোষ স্বীকার করা ছাড়া আত্মগুহির আর কোম উপায়ই মাই।

অতঃপর আমি স্থির করিলাম, আমার স্বীকারোক্তি কাগজে লিখিয়া পিতার নিকট দিব এবং তাহার নিকট মার্জনা ভিক্ষা করিব। এক টুকরা কাগজে আমার অপরাধের কথা লিখিয়া তাহা তাহার হাতে দিলাম; তাহাতে কেবল যে অপরাধই স্বীকার করিলাম তাহাই নহে, পরন্তু কৃত অপরাধের অল্প যথাযোগ্য শাস্তিও প্রার্থনা করিলাম। শেষকালে লিখিলাম যে, আমার অপরাধের জন্য তিনি যেন নিজেকে দণ্ডিত না করেন এবং এই প্রতিশ্রুতি দিলাম যে ভবিষ্যতে আর কখনো চুরি করিব না।

অনুতপ্ত পুত্র ও ক্রমাশীল পিতা

পিতার হাতে যখন কাগজের টুকরাখানা ধরিয়া দিলাম তখন আমি কাঁপিতেছিলাম। তিনি তখন ভগ্নরোগে শয্যাশায়ী ছিলেন, একখানা খাটের সাধারণ খাটে তিনি শুইয়াছিলেন। তাঁহার হাতে চিঠিখানি দিয়া আমি খাটের অপর প্রান্তে বসিয়া পড়িলাম। তিনি সেখানা পড়িলেন। এবং তাঁহার দুই চক্ষু বহিরা অশ্রু বিন্দু ঝরিয়া কাগজের টুকরাখানি সিক্ত করিয়া দিল। কয়েক মুহূর্তের জন্য চোখ বুজিয়া কি ভাবিলেন। পড়িবার জন্য তিনি উঠিয়া বসিয়া ছিলেন, আবার শুইয়া পড়িলেন। আমিও কাঁদিতে ছিলাম। বাবার মনে যে কি বেদনা উপস্থিত হইয়াছে তাহা বুঝিতে পারিলাম। আমি যদি চিত্রী হইতাম তাহা হইলে সেই দৃশ্যের গোটা ছবি আজও অঙ্কিত করিতে পারিতাম। সেই দৃশ্য আজো আমার স্মৃতিপটে জীবন্ত রহিয়াছে।

এই প্রেমাত্মক মুক্তধারা আমার সকল পাপ তাপ ধুইয়া মুছিয়া আমাকে পবিত্র করিয়া তুলিল। বাহার ভাগ্যে এই স্নেহলাভ হইয়াছে, সে-ই কেবল জানে যে, ইহা কি বস্তু।

ইহা হইতেই আমি অহিংসার শিক্ষা পাইলাম। সেদিন আমি ইহাকে পিতৃস্নেহের অতিরিক্ত কিছু মনে করি নাই, কিন্তু আজ বুঝিয়াছি যে, ইহাই খাঁটি অহিংসা। এই অহিংসা যখন সর্বত্র গ্রাহ্য হয় তখন ইহার সংস্পর্শে বাহা অসে তাহাই পবিত্র হইয়া যায়। ইহার ক্ষমতার সীমা নাই।

এইরূপ মহান ক্ষমা পিতার স্বভাবের মধ্যে ছিল না! আমি ভাবিয়া ছিলাম তিনি অত্যন্ত ক্রুদ্ধ হইবেন, কটু কথা বলিবেন এবং শিরে করাঘাত করিবেন। কিন্তু দেখিলাম, তিনি আশ্চর্য্য স্বকম শাস্ত। আমার বিশ্বাস যে, অকপটে আমার অপরাধ স্বীকার করার জন্যই ইহা সম্ভব হইয়াছে। দণ্ড দিবার অধিকার বাঁহার আছে তাঁহার কাছে অকপটে অপরাধ স্বীকার করা এবং ভবিষ্যতে আর কখনো অপরাধ না করার প্রতিশ্রুতি দেওয়াই প্রকৃষ্ট প্রায়শ্চিত্ত। আমি জানি যে, আমার স্বীকারোক্তির ফলে তিনি আমার সম্বন্ধে সম্পূর্ণ নিশ্চিত হইতে পারিয়াছিলেন এবং আমার প্রতি তাঁহার স্নেহ উত্থলিয়া উঠিয়াছিল।

শ্রীপবিত্রকুমার গঙ্গোপাধ্যায়।

বিদায় ।

আজ হুঃখ নিয়ে সরে থাকা
সাজেই না মে,
তাঁর চরণপুলি লুট করে নাও
মনের মাঝে ।

বিদায়ের দিন এসেছে, বাধন ছিঁড়তেই হবে—নিঃসৃত্য নিদেশ ! যার কর্ম,—কর্মের
প্রেরণা যার কাছে থেকে এগেছিল,—সেই সর্বময়ের ইচ্ছাই যদি হয়,—অশ্রুফোটা কুহন দিয়ে
তাঁর পূজা,—আশীর্বাদ তাঁর অপ্রত্যাশারে—তাঁরই ইচ্ছা পূর্ণ হোক তবে !

দশটা বৎসরের বাধন ; বুঝি কত বুগের সঞ্চিত গোপন-আশা আঘাত পেয়ে আজ উদ্বেলিত
ফেণিল হয়ে উঠেছে। সেই শুভ দিনে, যে দিন ‘পরিচারিকা’ উদ্বোধনে অনন্তের ক্ষুদ্রতম
কণিকা-আমরা আনন্দময়ের আহ্বানে আয়ুশক্তি বিবেচনায় না এনে লীলাময়ের লীলাশ্রোতে
কর্মের যোগ দিয়াছিলাম,—যখন উদ্ভাসিত হয়ে উঠেছিল আমাদের চক্ষে মহাকর্ষীর বিরাট
অপূর্বমূর্তি—কণ্ঠে জেগেছিল তাঁর ধ্যানরঙ্গ —

সুন্দর তুমি, মঙ্গল তুমি, কান্ত
সত্য তুমি হে, তুমি হে ভুবন ভূপ,
চঞ্চল তুমি, তুমি শিব, তুমি শাস্ত,
তুমি অমৃত, তুমি আনন্দরূপ ।

কি আনন্দ ! আনন্দের আন্বাদ যে একবার পেয়েছে, তার প্রাণে নিরানন্দের ছায়া
কণিক ;—অমৃতের আন্বাদে মৃত অবিনশ্বর—

সঙ্কীর্ণ মনের লাজ কোথা ডুবিয়াছে আজ
কোথা শঙ্কা ভয় ?

আজ তোমার বরে আপাতঃ-নিরাশায়ও নিভর হৃদয় ।

ছোট সুখে ছোট হুখে জীবনের অভিমুখে
চলেছি সবাই,

সহসা মনের মাঝে ভূমার রাগিনী বাজে
থমকি দাঁড়াই ।

অমৃত্যব করি, কি বিরাট বিশ্ব-প্রবাহ,—লীলায়িত—কখন মম্বর,—কখন অতি দ্রুতগতি,—
নিষ্ক্রিয় নহে কখনো ; শেষ তার কোণার—কিসের শেষ ? অনন্তের অংশ যা অমৃত উৎসে উদ্ভব

যার— তাতে—কোথায় বেদনা কোথায় দুঃখভয়, মরণে ধ্বনিছে জীবনের জয়, যে সৃষ্টি প্রবাহে,—
তার শেষ কোথায় ? অন্ত কোথা ? শত মৃত্যুর শক্তিতে জীবন । দান—গ্রহণ,—নব হয়ে ফুটে
উঠে চির পুরাতন । দয়া-ভিক্ষা তবে কেন—কিসের এত দৈন্য !

ভিক্ষু যেথা শীর্ণদেহ
ভিক্ষা লাগি নয়
সেইখানেতে এলাম আমি
তোমার পায়ে জগৎস্বামি ;
হুঁহাত দিয়ে অহঙ্কারের
গর্ভ করি ক্ষয় ।
পেনের লাগি ভালবাসি
পাওয়ার লাগি নয়

বঞ্চিত দুঃখ-কাতর বেদনাতাপিত প্রাণে তবু কেন প্রায় জাগে আজ কেন এ দশা ?—কেন
কর্মপ্রবাহ হতে এমন ভাবে উৎক্ষিপ্ত,—কর্মগণ্ডীর বহির্ভূত হতে হল আমাদের ! যে যুগে,
যে দেশে প্রাণে প্রাণে বন্যপ্রবাহ,—“আগে চল, আগে চল” যে দেশের প্রাণের ভাষা—
আকুলতা, সে দেশে—পরের কারণে স্বার্থ দিয়া বলি মন প্রাণ ধন সকলি দাও, প্রাণের প্রকৃতি—
সে দেশে পরিচারিকার সেবা-পূজার আয়োজন সহসা বিনা কারণে ব্যর্থ কেন ! কোচবিহার
সভ্যতাসদন,—সুধীজন-শোভিত বিক্রমাদিত্যের বরণ্য সভা হইতেও মহত্তর ; বহু সংকারণের
জন্ত যে রাজ্য ধন্য, সে রাজ্যে সহানুভূতির এক বিন্দু উৎসারিত হ’ল না, এই সেবিকার সেবা
আয়োজনে ! রাজ-অনুগ্রহ-পুষ্ট :হয়েও সহসা সে উৎস কেন শুক হ’ল !—অর্থের জন্ত নিশ্চয়
নয় । উন্নত শিক্ষার নিদর্শন সাময়িক পত্র-পত্রিকা—উন্নত রাজ্যে তা’র আবশ্যিকতা
নেই—এ ভাবের প্রসার কি এ রাজ্যে সম্ভব ! না—হ’তে পারে না তা কখনি—সে হিসাবেও
পরিচারিকার ব্রত উপেক্ষণীয় নহে কিছুতেই ।

তবে এমন হ’ল কেন ? আমাদের অক্ষমতাই কি ?—ভাল—সক্ষমের কি এমনি অসম্ভাব !
উদরারের সংস্থানের জন্য কঠোর শ্রমের পর সাহিত্যের সেবানন্দে আকৃষ্ট হয়ে আমরা নিয়োজিত
ছিলাম, পরিচারিকার সেবায়—মানিষের অনর্থক পরনিন্দা পরচর্চার প্রশ্রয় পরিচারিকা কখন
দেয় নাই,—ভীত কম্পিত শঙ্কিত প্রাণে, কর্মের অসীম শক্তিতে, আনন্দে শত ঝড়বাতের মধ্যেও
আপনাকে সে সজীব কর্মক্ষম রেখে আয়ত্তে অগ্রসর হ’তে চেষ্টা করেছে । কিসে ব্যর্থতা
এনে দিল কে জানে !—ব্যর্থ ? যেখানে—মরণ ধ্বনিছে জীবনের জয়—যেখানে সহস্রবার
বিদায় নিলে আবার ফিরে আসে—সে অমৃতের দেশে পরিচারিকার পূজার আয়োজন কখনই

বার্ণ হবার নয়। এ যে তুচ্ছ নয়—এ যে মহান্! এ যে জীবনের চরম ব্রত; আনন্দ! আনন্দ!
আনন্দ!

আমরা কে?—তুচ্ছই ত কিন্তু কার অংশ আমরা! কে করবে এর ধ্বংস—সাধ্য নাই
কারও!—

এত তুচ্ছ নয় প্রাণ এত খেলা নয়
নহে অলসের ধন, বৃষ্টিবাবে এ জীবন—
সমস্ত জীবন দান—সমস্ত হৃদয়!

আমরা সরে দাঁড়াতে প্রস্তুত!—আত্মদান করি—অনুন্নয় করি—কে আছি কর্মি! কে আছি
স্বধি এ সহরে—সমস্ত হৃদয় নিয়ে এস অক্ষমদের ক্ষম হতে এ গুরুভার গ্রহণ করে কর্মপ্রবাহে
ছুটে চল—অকালে আপাতঃ মরণের কোলে পঞ্জিচারিকাকে শায়িত হতে দিয়ে এ রাজ্যের—
সত্যতার নিকলক নামে কলক আরোপণ হতে দিও না।

যাঁরা এতদিন আমাদের কর্মের সহায় ছিলেন—যাঁদের সাহায্য ভুলবার নয় আমরা
বিদায়-মুহুর্তে নতশিরে আনাদের অন্তরের পূর্ণকৃতজ্ঞতা তাঁদের জ্ঞাপন করি। আমরা
বহু প্রকারে লেখক, পাঠক সাময়িকপত্রপত্রিকার সম্পাদক ও বিদেশী গ্রাহকের নিকট কৃতজ্ঞ।
আমরা পরদেশ হ'তে যে পরিমাণে সহায়ভূতি লাভ করতে সক্ষম হয়েছি কোচবিহার হতে
যদি তার আংশিকও প্রাপ্ত হতেন তা'হলে পরিচারিকার আজ অকাল তিরোধান ঘটত না!
জানিনা কেন—এ-রাজ্যের বড়লোক, ধনীগণের সাহিত্যে অকৃচি - ২৫০ আনা বার্ষিক ব্যয় করতে
অনেকেই কৃষ্টিত, মধ্যবিত্ত ত কোন মতে জীবন রক্ষা করেন—অন্নচিন্তায় অবসন্ন,—ঘেটুকু সময়
অবসন্ন,—সেটুকু কাটে পরচর্চায়,—অথবা পরঅনুগ্রহ লাভের চেষ্টায় বৃথা স্মৃতিবাদে। আপনার
আর্থিক অবস্থার উন্নতির মূলে যে আয়োজনতি,—জ্ঞানচর্চা—সহিষ্ণুতা, অদম্য চেষ্টা নিহিত এ চিন্তা
ক্রমেও বারো আনার মনে উদয় হয় না—সুব স্মৃতিতেই প্রসাদ লাভ—এই নীতি যে স্থানে
সেখানে—যে তিমিরে সেই তিমিরে। অমানিশার অন্ধকার কাটবে কবে! ভিক্ষার প্রাণ বাঁচবে না
এ কথা বিশ্বত হবার নয়,—আত্মবিশ্বত হয়ে মোহের মৌতাতে বিমূলে জীবন বাঁচবে না—
কর্মকর—কর্মী সহায়ভূতির উৎস উৎসারিত কর—এমন নির্ভর, এমন বিমুখ, আত্মসর্কস্ব হলে
কর্মহস্তা হয়ো না—আজকার একলক, এ অক্ষমতা একা পরিচারিকার নগণ্য সেবকসদনের
নয়—তোমাদেরও—এ কথা স্মরণে রেখো!

রাজঅনুগ্রহ জীবনে উপলোগ্য সত্য—তার তিরোধান অকারণে সম্ভবে না সত্য কিন্তু তা
বন্ধ্যায় মত আসে না—যোগ্যের ভোগ্য তা!—রাজ্যবাসী যোগ্য হও! আমরা তোমাদের
মাঝে কর্মীর—শক্তিশালীর উদ্ভব কল্পনা করে—নয়নের বারি নয়নে নিবারি। নিরস্তার
শ্রীচরণে প্রাণ ঢেলে দিয়ে ভবিষ্য আশার বিদায় হই!

